



BIBLIOTECA NAZ.
Vittorio Emanuele III

XLIX


C

14

NAPOLI

LEGATORIA
Niola Salvatore
Via Giovanni Pasadino, 19
NAPOLI





HISTOIRE DES CHOSES

PLVS MEMORABLES

ADVENNES TANT EZ. INDES

Orientales, que autres païs
de la descouuerte des
Portugais,

*En l'establissement & progres de la foy
Chrestienne, & Catholique:*

Et principalement de ce que les Religieux
de la Compagnie de **IESVS** y ont fait,
& enduré pour la mesme fin;

*Depuis qu'ils y sont entrez, jusques
à l'an 1600.*

Le tout recueilly des lettres, & autres Histoires, qui en ont esté
escrites cy deuant, & mis en ordre par le **P. PIER-**
RE DV LARRIC, Tolosain, de la mes-
me Compagnie.



A BOVRDEAVS,

Par **S. MILLANGES** Imprimeur ordinaire du Roy.

M. DC. VIII.

Avec Privilège de sa Majesté.





A V R O Y T R E S .
CHRESTIEN DE FRANCE
ET DE NAVARRE

Henry III:



I R E,

DES-LORS que vostre Majesté
jeta les rayons de son incomparable
Clemence sur nostre Compagnie, que
l'injure du temps tenoit comme ense-
velie dās le sepulchre d'opprobres; aussi
tost elle parust au beau jour de vostre
bien-vueillance, avec le lustre & l'ornement que l'innocence, &
la verité luy donnerent. Vostre singuliere prudēce faisant veoir
aux plus passionnez l'opposite des opinions anticipées, & le con-
traire des prejuger, que la Calomnie auoit prononcé contre nostre
Société, a d'abondant fait cognoistre à vn chascun, que son in-
stitut, ses reigles, & cōstitutions n'ont autre but, que la gloire de
Dieu, le sōustien de son Eglise, l'amplificatiō de sa foy, & en som-
me le biē du public. Or jaçoit que la premiere, & principale cau-
se d'un si merueilleux & inopiné changemēt se doibue rapporter
à celuy, qui seul tient les cœurs des Roys en sa main; si est-ce que
comme la diuine Prouidence se sert ordinairement de la coopera-
tion des causes secondes, on doit aduouër trois choses esgalement
signalées, & remarquables en la personne de vostre Majesté, a-
uoir grandemēt serui à cet effect: l'inestimable bōté de vostre na-

Manuscrit

turel, l'admirable vivacité de vostre esprit, & la profondeur de vostre jugement tres-solide, accompagné d'un desir equitable de s'informer tousiours de la verité des choses, qui luy sont rapportées, avant que d'en donner son arrest definitif. De là nous est émané le bien d'avoir esté aymez, aussi tost que cogneus, apres avoir esté si long tēps incogneus. Car vostre Majesté voulant sçavoir au vray, si nous estions tels, & aussi noirs, que la calomnie nous avoit figurez, vous printes la peine de vous faire declarer nos constitutions; reigles, & ordonnances avec la pratique, & maniere de faire, dont nous vsons: & le tout meuremēt considéré, entendu, & pesé vous prononceastes ceste judicieuse sentence: Qu'il suffisoit de cognoistre les Iesuites, pour les aymer, & defendre.

En suite de ce, comme la volonté embrasse naturellement le bien, que l'entendement luy presente, vostre Majesté s'est daignée nous affectionner de telle sorte, qu'en l'espace de quatre ans nous avons receu de sa main liberale plus de faveurs & de graces, que de tous ses predecesseurs, en l'interval de quarante: Et ce avec tant de tesmoignages d'affection vrayement paternelle, que les efforts de telles impressions, non seulement nous inuitent, mais aussi nous contraignent à desirer d'employer toutes nos forces, & d'esprit & de corps, voire la vie mesme, si besoin est, pour le salut de vostre Majesté, & de tous les vostres. Chascun de nous (je m'asseure) souhaitteroit en faire l'espreuve, & tesmoigner en quel que façon le desir, qu'il a d'agréer & complaire à vostre Majesté. Mais ainsi que le Soleil penetrant de ses rayz les entrailles de la terre, luy fait porter divers effects en la production des plantes, des metaux, & autres mineraux, plus ou moins parfaits, & precieux, selon la qualité du terroir, qui en reçoit les influences; Pareillement l'honneur de vostre bien-vueillance, comm'un autre brillant Soleil, produit divers effects & diverses affections,

en nos ames, faisant qu'un chascun de nous s'esuertue, & s'ef-
 force à l'enuy l'un de l'autre, pour luy faire quelque agreable
 service, & qui puisse certiorer les siecles à venir de tant de fa-
 veurs, dont nostre Compagnie luy est redeuable. Je n'ay rien d'e-
 quipolent en effect à mes associez; toutesfois en affection ne ce-
 dant à personne, j'ay recherché les moyens, dont je me suis peu
 aduiser, pour luy donner quelque contentement, & la servir
 d'une recreation honnestes & profitable tout ensemble. Sça-
 chant donc qu'elle se plait non seulement à exploiter les hauts
 faits d'armes, qui la rendent aymable en paix, & redoutable
 en guerre; mais aussi d'entendre les conquestes spirituelles, que
 la Religion Chrestienne, & Catholique fait tous les jours de
 nouveaux sur les infidelles, & mescreans; j'ay estimé bien em-
 ployer le peu de temps, qui me restoit des occupations ordina-
 res de ma charge, à raconter les victoires du S. Esprit, en la
 conuersion de tant d'ames, que sa diuine grace a conduit à la
 cognoissance, & confession de sa foy, tant es Indes Orientales,
 qu'en plusieurs autres contrées du Leuant; & ce par l'entre-
 mise principalement des Religieux de ceste Compagnie, que vo-
 stre Majesté honnore tant de son amitié.

Je luy en presente donc l'Histoire fidellement élaborée, pour
 trois raisons: l'une est en recognoissance de tant de bien-faicts,
 que nous auons receu, & receuons tous les jours de sa main
 vrayement Royale, non seulement en France (ou il n'y à presque
 aucun College ny maison, qui n'ait ressenti en son particulier les
 effects de sa liberalité ou bien-vueillance) mais aussi en plusieurs
 autres Regions, & pais bien loingtains & estranges. Car vo-
 stre Majesté non contente de nous fonder ce tant Auguste &
 Royal College de la Fleche, nous logeant en sa propre maison,
 elle a outre ce obtenu du grand Seigneur des Turcs une de-
 meure, pour ceux de nostre Compagnie en Pera lez Con-
 stantinople; chose, qui peut reussir au grand honneur de

Dieu, & de son Eglise, consequemment aussi de vostre Majesté, qui a procuré ce bien. L'autre raison, qui m'esmeut à luy dedier cet œuvre, c'est le grand zele & desir, que vostre Majesté monstre à l'amplification de la foy Chrestienne, taschant non seulement de réunir, par tous moyens doux & amiables, ses subjects à l'Eglise Catholique, Apostolique, & Romaine, comme ils estoient jadis: mais encore d'y gagner les Infidelles & Idolatres, mesmement des Terres-neufues, & de la nouvelle France, qu'on appelle Canada: là ou vostre Majesté pretend enuoyer en brieſ quelques Peres de ceste Compagnie, pour aller deſſiller les yeux à ces pauvres aveugles Payens, & leur faire veoir la lumiere de la foy, par laquelle ils viennent en la notice de leur vray Dieu, & Createur. En fin c'est le deuoir de la justice, outre la bien-seance, qui me contrainct, SIRE, à vous offrir ceste Histoire. Car si les fruiets que les arbres portent, sont de droict à celuy, qui est le Seigneur du sol, ou ils sont plantez, & qui les a arrousez & entretenus avec vn soin particulier, le Bien-heureux P. François Xavier, qui a le premier de tous ceux de ceste Compagnie porté le flambeau du S. Euan-gile en ces quartiers, dont il est question, & qui a plus que tout autre aduancé la gloire de Jesus-Christ en iceux, c'est arbre, dis-je, qui a porté tant de fruiets au grenier de l'Eglise, a esté planté, SIRE, en vostre fonds, a esté arrousé en ses majeurs, par les liberalitez de vos ancestres, & rafraischy du doux vent de leur faueur. Car il estoit yssu de trois illustres familles de vostre Royaume de Nauarre, à ſçauoir des Xauiers, Azpil-cuètes, & Iasses tresſi-delles à vos deuanciers, comme tesmoi-gnèt le nom, & la place de Xavier, ſiſe sur les frontieres d'Ara-gon, qui leur fut donnée pour les ſeruices faits à la Couronne de Nauarre. Et le pere de celuy, duquel nous parlons maintenant nommé Jean Iasse pour sa rare prudence, & doctrine fut l'un des plus ſauoriz & mieux aymez du Roy Jean III. bis-ayeul de

voſtre Majeſté, & des premiers de ſon Conſeil. Que ſi preſente-
ment on traite à Rome de ſa canonization, avec celle de noſtre
Biẽ hereux P. Jgnace de Loyola fondateur de ceſte Cõpagnie,
de ſon viuant auſſi voſtre ſubjeẽt, & ce par voſtre ſpẽciale in-
terceſſion, qui doubte que vous n'ayez pour Aduocats & Pro-
teẽteurs ſur les cieux, ceux, qui ont eſtẽ jadis vos naturels ſub-
jeẽts, & ſeruiteurs, en la perſonne de vos majeurs ſur terre, &
de qui les enfans ſpirituels ſont tellement cherys de voſtre Ma-
jeſté? Ce qui me reſte donc, eſt de la ſupplier en toute humilitẽ
de receuoir avec ceſt eſcrit l'affection tres-intime de tous mes
ſemblables, gravee en meilleurs caracteres, que ceux d'vne
freſle & mal correẽte impreſſion; & ſur vn fonds plus ſolide,
que celui de ces pages, avec aſſurance, qu'il ne tiendra à pas
vn de nous, que le nom tres-illuſtre, tres-aymable, & tres-re-
doutable de V. M. ne vole du Leuant au Ponant, & du Nort
au Midy; & que ſon ame vn jour ne reçoyle la couronne eter-
nelle de gloire, apres la longue & paiſible poſſeſſion des tempo-
relles, que luy entourent le chef; & que luy deſire tres-heureuſes
celuy, qui eſt à l'Autel, à l'Oratoire, & par tout

DE V. MAIESTE.

Tres-humble, tres-obeiſſant, &
tres-fidelle ſeruiteur, & ſubjeẽt.

De voſtre ville de Bour-
deaux ce 1. de Ianuier 1608.

PIERRE DV IARRIC.



OMBIEN que diuers Aucteurs (Amy Lecteur) ayent par cy deuant mis au jour plusieurs Histoires des Indes tant Oriëntales que Occidentales: si est-ce qu'il en y a fort peu, qui se soyent occupez à declarer le progresz, que la Religion Chrestienne a fait en icelles. Maffée à bien escrit en Latin avec autant de jugement, eloquence, & fidelité, qu'Aucteur, qui soit de nostre temps, ce que les Portugais ont non moins heureusement, que pieusement exploieté vers l'Orient & le Midy, soit pour accroistre leur estat, soit pour estendre & dilater d'avantage les bornes de l'Empire de IESVS-CHRIST. Mais son histoire ne comprend que 16. ou 17. ans de la predicatio du sacré-sainct Euangile. Car elle finit avec le regne de Iean 3. Roy de Portugal, qui mourut l'an 1557. & l'on ne commença pas de s'employer à dessein en la conuersion des Infidelles, si non enuiron l'an 1540. Turfelin encoir à fort elegamment & amplement narré les gestes du B. R. François Xavier, qui a le premier de tous ceux de la Compagnie de IESVS publié la foy Chrestienne es Indes Orientales: toutesfois comme il ne pretend autre, que d'escrire sa vie, il conclud avec sa mort: qui aduint le 2. Decembre 1552. Il y a pareillement vn commentaire de ce qui a esté fait en Orient par ceux de ladiète Societé, composé par Esmmanuel Acoſta Portugais, qui arriue jusqu'à l'an 1567. mais ce n'est qu'un petit abrégé, auquel y a beaucoup de manque, comme l'on peut veoir es histoires de Maffée, Turfelin, & autres. Outre que depuis ce temps là plusieurs choses fort signalées sont aduenües en l'establissement, & progresz de la foy es mesmes pays, desquelles l'on ne scauroit presque rien pardeça, si n'estoient les lettres & aduis, que ceux de la mesme Compagnie escriuent presque tous les ans en Europe. Et jaçoit que ces lettres sont bien souuent imprimées ou en Latin ou en autres langues, si est-ce, qu'il y en beaucoup qui n'ont pas esté encore veües, que de fort peu de gens. D'abondant parce qu'il est mal-aysé de rassembler ces missiues; & bien qu'on les eust toutes, ce seroit vne peine trop grande d'en lire tant de volumes, qu'il en y auroit desia; plusieurs, qui auoyent enuie de scauoir l'accroissement, que la Religion Chrestienne à prins en ces quartiers-là, souhaittoient, qu'il y eut quelqu'un, qui print la peine d'en dresser vne Histoire. Ces années passées il en vint vne entre les mains de nostre R. P. Prouincial écrite en Espagnol, par le P. Louys de Guzmã, sous le tiltre d'*Histoire des missions, que les Religieux de la Compagnie de Iesus ont fait pour prescher le S. Euangile en l'Inde Oriëntale, & Royaumes de la Chine & du Japon*: laquelle m'ayant esté baillée pour la traduire en nostre langue, j'y employay ce peu de temps, qui me restoit de mes lectures journalières de Theologie. Or comme je lisois cepédant quelques autres Historiens, qui auoient traité la mesme matiere, je voyois que mon Aucteur laissoit à part beaucoup de poincts remarquables, que les autres racontoyent, & ne scachant la cause, trouuant aussi quelques difficultez en son liure, je luy en escriuis; mais je ne scay s'il receut mes lettres, ou s'il fut decedé, auant qu'elles y arriuaſſent (car il mourut bien tost apres estant Prouincial de la Prouince de Toledo) à tout le moins je

ADVERTISEMENT AV LECTEUR.

n'eus point de respõce de ce costé là. Je m'adressay donc à vn Perede Portugal que j'auois entendu estre bien versé en ces matieres. C'estoit le P. Fernand Guerreiro, qui est maintenant Superieur de la maison des Profes à Lisbonne, & a mis en lumiere trois ou quatre liures en Portugais des choses, qui sont aduenues ez Indes Orientales depuis l'an 1599. la ou finit l'histoire de Guzman. Or ayant receu mes lettres, non seulement il me respondit aux dõubtes, que je lui auois proposé, fort pertinemment, à mon aduis, mais encor me promit de m'euoyer en brief quelques liures, desquels je pourrois puiser force belles choses, & bié asseurées pour enrichir cet œuvre, adjoustant que son aduis, & celuy de plusieurs autres Peres, voire mesme de gēs seculiers d'auctorité & d'entendement, qui auoyent leu les liures de Guzman, estoit, que j'ètre prinse d'escrire ceste histoire sans m'attacher à la traduction d'aucun aucteur, & que pour ce faire il me fourniroit de liures, & de memoires qui m'aideroient beaucoup. Ce conseil ne m'agrea pas du commencement pour deux raisons: L'une pour ce que je ne pensois pas auoir du temps assez, pour employer à cela; l'autre d'autāt que j'estois desia bien aduancé en ma traduction, ayant presque acheué les quatre premiers liures, ou sont comprises toutes les Missions, horsmis celle du Japon: & plusieurs personnes graues, & qui auoient pouuoir sur moy, ayans vëu la pluspart de ce, qui auoit esté tourné, jugeoient qu'il falloit donner cela au public, tandis que l'histoire du Japon s'appresteroit. Là dessus comme je pensois reueoir mes cayers, arriuerent de Portugal ces liures, & memoires, qui m'auoient esté promis. Entre autres je receus quelques notes sur l'histoire de Guzman, faites par le P. Albert Laërtius Italien, qui à present est Prouincial en l'Inde, lequel estant venu de là enuiron l'an 1600. pour Procureur de ceste Prouince, apres qu'il eut expedie les affaires, pour lesquelles il estoit enuoyé à Rome, comm'il fut de retour en Espagne attendant la commodité de s'embarquer pour les Indes, il se mit à lire ceste histoire, & fit là dessus quelques remarques, lesquelles escrites de sa propre main, j'ay eu en mon pouuoir, & m'en suis seruy en plusieurs endroits; les estimant beaucoup, par ce que c'estoit vn homme de grande experience, & qui auoit demeuré long temps esdictes Regions, s'estant mesme trouué present à quelques faits, qui sont icy racontés, comm'il dist là dedans. Je recouray par mesme moyen les lettres escrites du Japon sur ce subject, depuis l'an 1549. auquel ce pays là receut les premiers rayons de lafoy, jusques à l'an 1590: le tout imprimé en Portugais en deux grands volumes: comme aussi vne Histoire comprise en dix liures de la vie du P. Xauier, & de ce que les autres Religieux de la mesme Compagnie ont fait és Indes Orientales, escrite par le P. Iean de Lucena Portugais, homme tres-eloquēt & bien versé aux lettres tant diuines, que humaines, comm'il monstre bien en son œuvre. Finalement on m'enuoya quelques autres liures, qui contiennent ce qui est aduenü és mesmes Regions depuis l'an 1600. recueilly des lettres qui ont esté enuoyées de là, par le susdit P. Fernand Guerreiro; lequel nō seulement me prouueut de ce que dessus, avec tres-grande affection & charité, mais encore (outre beaucoup d'autres aydes, & bons aduis, qu'il m'a continué de donner depuis) toutes les années il me fait tenir les liures, qu'il met en lumiere, à mesure que les lettres arriuent des Indes. Si bien que j'en ay desia jusqu'à l'an 1606. lesquels j'espere, avec l'ayde de Dieu, faire veoir à la France (comm'il sont leus en autres langues) ayant acheué

ce que j'ay entrepris. Voyant donc par la lecture de ces liures, & principalement de l'Histoire du P. Lucena, que mô Aucteur auoit oublié autât, ou plus de choses, & aussi remarquables, & auérées, que celles, qu'il rapportoit : & d'autre part, que Lucena ne traictoit que de la vie du B. P. Xavier, sinon par occasion, & côme en passant, & qu'il estoit encor en cela trop lōg, entremellant plusieurs discours doctes à la verité, mais plus propres d'un Predicateur, tres-excellēt, côm'il estoit que d'un Historiē; je resolu de sūyre le cōseil des Peres de Portugal, & emprunter de l'un ce qui māquoit à l'autre. l'ay toutesfois gardé l'ordre de mô premier Aucteur par ce qu'il m'a semblé plus commode pour faire entendre l'accroissement de la foy en chascue pays; mais en tout le reste, que l'un & l'autre traicte, je me suis plustost arresté à Lucena, par ce qu'il auoit plus de moyen de sçauoir la verité, ayant eu en son pouuoir, com'm'il dict, les copies authentiques des informations faictes par le commandement du Roy de Portugal Iean III. sur les gestes du B. P. Xavier, & les mesmes originaux de plusieurs lettres escrites des Indes, qui se gardent fort soigneusement au College de Coimbre. Bref il auoit grande commodité de s'informer de ceux, qui viennent tous les ans des Indes sur ces matieres, com'm'il monstre auoir faict fort diligemment. Et d'ailleurs, c'estoit vn homme bien versé en la Cosmographie, selō qu'il faict paroistre en ses escrits. De maniere que son histoire, à ce que j'entens, est tresbien venue en Portugal, & estimée fort veritable. Ce qui me donna d'autant plus de courage, pour recommencer l'œuure tout de nouveau, mesmes en ce tēps-là, voyāt (bien qu'à mon grand regret) que les maladies contagieuses, qui ont durant quelques années affligé ceste ville, & empesché le cours de nos exercices, me donnoyent plus de loisir que je n'eusse pensé. Quant à ceux, qui me pressoyēt de mettre ce, qui estoit desia traduit au plustost sous la presse, j'estimay qu'il valoit mieux les faire attendre vn peu d'auantage, que de bailler cet œuure si imparfait. Aussi n'y ont-ils rien perdu. Car pour le rendre autant accompli, qu'il a esté en mon pouuoir, j'ay reueu tout ce que j'ay peu recouurer des annales, lettres ou aduis, qui ont esté enuoyés de ces quartiers-là; & les plus fameux Historiens de nostre temps, qui ont traicté ce subiect, nommeement Osorius & Maffee; desquels & de ce que j'ay dict cy dessus, ensemble des memoires particuliers, qu'on m'a faict tenir, j'ay recueilly ceste Histoire avec toute la fidelité & diligence qu'il m'a esté possible: protestant de n'aduancer rien de ce, qui appartient à l'Histoire, que je ne puisse môstrer estre tiré d'Aucteurs approuuez, ou des lettres & escrits de gens dignes de foy. Seulement suis je marry, qu'un si riche subiect n'ait rencontré quelque meilleure plume, & vn Historiographe assorti de toutes ses parties. Mais puis que le choix ne m'en a esté donné, ains le commandement, tu ptendras (Amy Lecteur) comme j'espere, en bonne part ce peu de trauail, qui a esté employé pour ton cōtētement & profit. Que si je cognoy qu'il t'agrée, tu me donras plus de courage de poursuyure le reste, & te faire veoir en brief, Dieu aydant, des choses aussi belles, que celles-cy, en la continuation de ceste Histoire, jusques aux années prochaines. Et tous les ans on te pourra seruir de nouueaux mets, te donnant les lettres, qui seront freschement arriuées des Indes, pour te mettre en appetit de louer tousiours ceste bonté infinie, qui ne cesse de faire merueilles, & au ciel, & en la terre. A Dieu.

ATTESTATION.

NOUS soubssignez Docteurs en Theologie certifions auoir leu le present liure intitulé, *Histoire des choses plus memorables aduenues tant es Indes Orientales, que autres pays de la descouuerte des Portugais, en l'establissement & progres de la foy Chrestienne & Catholique: & principalemēt de ce que les Religieux de la Compagnie de JESVS y ont fait, & enduré, pour la mesme fin; Depuis qu'ils y sont entrez jusques à l'an 1600. Le tout recueilly des lettres & autres Histoires, qui en ont esté escrites cy deuant, & mis en ordre par le P. Pierre Du Iarric Tolosain de la mesme Compagnie. & attestons n'y auoir rien trouué, qui ne soit conforme à la doctrine de l'Eglise Catholique, Apostolique, & Romaine; ains, outre la cognoissance d'une si belle Histoire, beaucoup d'exemples de rare vertu, & plusieurs ensegnemens tres-profitables à toutes sortes de personnes, notamment aux Predicateurs de la parole de Dieu. En foy dequoy nous auons fait & soubssigné la presente attestation à Bourdeaux ce 24. Ianuier 1608.*

F. R. FABER Docteur regent.

F. I. MAILHARDON Docteur regēt

} de l'ordre de S. Dominique.

I. T O R E L Docteur & Recteur.

APPROBATION.

FRANÇOIS par la misericorde de Dieu, Prestre Cardinal du tiltre de Saint Marcel, & par la grace du S. Siege Apostolique Archeuesque de Bourdeaux, Primat d'Aquitaine, ayant veu l'attestation des susdits Docteurs, nous auons permis & permettons, que le present liure intitulé, *Histoire des choses plus memorables, &c.* composé par le R. P. Pierre Du Iarric, de la Compagnie de JESVS, soit imprimé. Fait à Bourdeaux dans nostre Palais Archiepiscopal le 25. Ianuier, 1608.

FRANÇOIS CARD. ARCH. DE BOYRD.

Par commandement de mondit Seigneur l'Illustrissime, & Reuerendissime Cardinal, & Archeuesque de Bourdeaux.

DARTHOYS.

HENRY par la grace de Dieu Roy de France & de Navarre, à nos Amez & feaux Conseillers tenans nos Cours de Parlemens, Baillifs, Seneschaux, & tous nos autres Juges & officiers, Salut. Nostre bien amé Simon Millanges, nostre Imprimeur en nostre ville de Bourdeaux nous à fait hūblement remonstrier, qu'il luy à mis en main, pour mettre en lumiere, vn liure non imprimé, qui s'intitule, *Histoire des choses plus remarquables aduenues tant es Indes Orientales, que autres pays de la descouuerte des Portugais, en l'establissement & progres de la foy Chrestienne & Catholique: & principalement de ce, que les Religieux de la Compagnie de IESVS y ont fait & enduré, pour la mesme foy*, par le P. DV IARRIC, Tolosain, de la mesme Compagnie. Lequel liure ledict exposant vouldroit imprimer pour le bien & contentement de nos subiects, s'il ne craignoit, que quelques autres le vouldissent imprimer, ou faire imprimer, apres qu'il aura beaucoup despédū, pour le mettre au net, en l'imprimant bien & correctement, nous requerant hūblement sur ce nos lettres de permission & priuilege. Pour ce est-il, que nous inclinans liberalement à l'humble requeste dudit exposant, luy auons permis imprimer ledit liure: & pour le garantir de perte & dommage, auons deffendu & deffendons à tous autres Imprimeurs, marchâs libraires, & à tous nos autres subiects de quelque qualité & condition qu'ils soyent, d'Imprimer, ou faire imprimer, vendre & distribuer en cestuy nostre Royaume, pays & terres de nostre obeissance ledict liure pour six ans, apres la premiere impressiō faite par ledict exposant, à peine de deux mille liures d'amende, applicables moitié à nous, & moitié audit exposant, & confiscation de tous les exemplaires, qui se trouuerōt imprimez par autres, que par ledit Millanges, ou ceux auxquels il aura donné charge & permission de ce faire. Voulons aussi & nous plaist, que les presentes contenant nostre permission & priuilege soyēt tenues pour suffisamment signifiées, pourueu que ledict exposant en face imprimer vn extrait sommaire au commencement, ou à la fin de chacun exēplaire dudit liure. Si vous mandons, & à chacun de vous eadroiēt soy cōmettons, que de nos presentes grace, congé, permission, & du cōtenu cy dessus, vous fāciēs & laissiez jouyr ledit Millanges, & ceux qui aurōnt droiēt de luy: cessans & faisans cesser tous troubles au contraire. Et en outre mandons au premier nostre Huysier ou Sergent sur ce requis, faire tous exploiēs necessaires, pour l'execution des presentes, sans demander, placet, visa, ne pareatis. Car tel est nostre plaisir, nous obliāt oppositiō & appellation quelconques, clameurs de haro, chartre norinande, & autres choses à ce contraires. Donné à Paris le 27. jour de Septembre l'an de grace 1607. & de nostre Regne le dix-neufiesme.

Par le Roy en son Conseil.

DE LA FON.

Permission du R. P. Prouincial.

CHRYSTOPHE BALTAZAR Prouincial de la Compagnie de IESVS en la Prouince de Guyenne, ayant le priuilege octroyé à ladicte Compagnie par les Roys Tres-Chrestiens Henry III. le 10. May 1583. & Henry IIII à present regnant le 10. Decembre 1606. par lequel il est defendu à tous Libraires, & Imprimeurs, d'imprimer, ou faire imprimer, vendre, ou debiter aucuns liures compolez par ceux de ladicte Compagnie sans permission, & consentement des Superieurs d'icelle, a donné permission à Simon Millanges Imprimeur ordinaire du Roy de la ville de Bourdeaux, d'imprimer ou faire imprimer vn liure intitulé *Histoire des choses plus memorables, aduenues tant es Indes Orientales, que autres pays de la descouuerte des Portugais, en l'establissement & progres de la foy Chrestienne & Catholique: & principalement de ce que les Religieux de la Compagnie de IESVS y ont fait & enduré pour la mesme foy* Compole par le P. PIERRE DV IARRIC de la mesme Compagnie: & ce pour l'espace de six ans, commençant des le jour qu'il sera acheué d'imprimer, & iceluy pouuoir vendre & debiter librement. Fāct à Bourdeaux ce 14. May 1607.

C. BALTAZAR.


Acheué d'imprimer le 29. Ianuier. 1608.



LIVRE PREMIER

DE L'HISTOIRE DES
CHOSSES PLUS MEMORABLES,
ADVENUES TANT ES INDES ORIENTALES
que autres païs de la descouverte des Portugais en l'esta-
blissement & progrès de la Foy Chrestienne & Ca-
tholique; & principal mēt de ce que les Religieux de la
Compagnie de IESVS y ont fait, & enduré pour la
mesme fin.

AVANT-PROPOS.

EST la souveraine Sapience, qui regit & gouverne
toutes choses, ayant preueu, & preordonné de tou-
te eternité ce qu'elle veut executer en tēps & lieu,
prepare & dispose les causes de telle façon & ma-
niere, que par des voyes occultes, & du tout incogneuës aux
hommes, elle conduit au but qu'elle pretend, ce qui a esté con-
clu & arresté dès le cōmencement au sacré Cōseil de sa Diuinité.
Et jacoit que l'entendement humain ne penetre si tost, à quelle
fin est dressé tout cest appareil des causes qui precede: & les plus
foibles cerueaux s'imaginent souuent, que ce monde n'est mai-
strié que par vn fatal destin, ou quelque volage fortune: si est-ce
qu'apres que les effets en ont esté éelos, & qu'on prend garde à
l'entre-suite de tout ce qui s'est passé, on y voit & remarque vn
ordre admirable d'une toute-sage prouidence. Ce qui peut estre
recognu d'un chacun en vne infinité d'euenemens rapportez tant
en l'Histoire sacrée, que prophane. Car si nous considerons d'un

coſté avec combien de merueilles Dieu a voulu eſtablir la puiſſance du peuple Hebrieu, faiſant qu'une troupe de gens fugitifs, non accouſtumez, ny duits aux armes, mais aſſiſtez ſeulement de ſa faueur, ait ruiné tant de Citez, rauagé tant de Prouinces, debellé tant de Rois, & tout cela en fin pour dreſſer ceſte Monarchie jadis ſi floriſſante des Iuiſ, dont il vouloit que ſon Fils print naiſſance, & pour faire baſtir ce tant auguſte & magnifique Temple de Hieruſalem, lieu ſeul, auquel il agrecoit les ſacrifices, qui luy eſtoient offerts en l'ancienne Loy, nous cognoiſſons clairement que tout auoit eſté conduit & mené par ceſte toute-puiſſante Sageſſe, & toute-ſage Puiſſance du Seigneur des armées. D'autre part ſi nous prenons garde au commencement & pro-

*Titelieu
liu. 3.
dec. 1. &
milieus.*

grez de ceſte tant renommée Republique de Rome, nous nous eſbahirons avec l'un de ſes plus fideles Hiſtoriens, non ſeulement cōme elle n'a eſté pluſieurs fois eſtouffée dans le berceau, eſtant enuironnée & enuieée de tant de peuples beaucoup plus puiſſans qu'elle n'eſtoit: mais encore plus de ce que s'eſtant ſauuée & garantie de tant d'orages qui la menaçoient de ſa perte totale, voire qui l'auoient miſe à deux doigts du tombeau, elle eſt neantmoins paruenue à une telle grandeur, qu'elle a donné la loy à l'uniuers, ſoumettant à ſon Empire les trois parties du monde, qui eſtoient lors cogneuës, à ſçauoir l'Europe, l'Asie & l'Afrique. Mais c'eſtoit Dieu ſans doute, qui manioit tout cela, & l'auoit ainſi preor-

*S. Leon
Pape an
ſerm. 1. de
S. Pierre
& S.
Paul.*

donné; *aſin que la lumiere de verité, qui auis eſtée reuelée pour le ſalut de tout le monde, fut plus aiſement & efficacement eſſandue par tout le corps de l'uniuers. decoulant de la teſte & chef d'iceluy, comme a tresbien remarqué S. Leon le Grand.*

Nous auons peu voir & cognoiſtre le meſme en pluſieurs choſes qui ſont arriuées de noſtre temps, & ſingulierement en la deſcouuerte des Indes, & tout plein d'autres païs, qui nous eſtoient incogneus, aduenue depuis cent ans en çà ou enuiron. Car il ſemble que Dieu preuoyant qu'en ces derniers ſiecles la Foy de ſon Eglise deuoit eſtre combatue & abbatuë en pluſieurs endroits de l'Occident & du Septentrion, tant par la puiſſance des Turcs ennemis iurez du Chriſtianisme, que par l'audace & impie'té des Heretiques de ce temps, a daigné ietter l'œil de ſa miſericorde nommément és quartiers du Leuant & du Midy, pour eſclairer des rayons de ſa lumiere tant de peuples & nations, auxquelles la bonne nouuelle de ſalut acquis aux hōmes par le merite du pre-

ieux sang de I E S V S - C H R I S T , Sauueur du monde, n'estoit encore paruenue: où si elle y auoit esté autrefois ouye, au moins la souuenance en estoit du tout esteinte, soit à cause de leurs pechez, soit à raison de la grande distance qu'il y auoit entre nous & ces peuples là; d'où s'ensuyuoit que les influences du chef visible de l'Eglise, qui reside és quartiers de deçà, ne pouuoient estre communiquées à des mēbres tant esloignez & separez d'iceluy. Voulant donc ceste bonté infinie reparer les ruines & pertes, que son Eglise faisoit & deuoit faire par deçà, & la resiouir & consoler par vne nouuelle & inespérée conqueste de beaucoup plus de païs qu'elle ne perdoit, ayant aussi pitié de tant d'ames, qui tous les iours descendoient aux Enfers pour faute de sa cognoissance, a descouuert aux hommes en ce temps icy des moyens tres-propres pour voyager sur mer, & aller de ceste sorte quasi par tout le monde. Si bien qu'à l'ayde du Cōpas ou Aiguille marine, de l'Astrolable adapté à l'usage de la nauigatiō, & autres instrumēts inuentez à mesme fin, ils ont eu le courage non seulement de se ietter en haute mer (jaçoit qu'ils n'eussent auparauant la hardiesse de perdre la terre de veüe) mais aussi d'outrepasser les bornes & limites, que la plupart des Philosophes & Geographes anciens auoient mis à la terre habitable, estimans qu'il estoit impossible de passer sous la Zone torride: mais en ce temps icy on a trouué cela estre non seulement possible, ains encore aisé & facile. Et qui plus est, l'on a veu vn Nauire, qui a fait malgré les vens & les tempestes tout le circuit de la terre.

La Nauire nommée Victoire.

Par tels aydes les Portugais premierement (ausquels par dessus toute autre natiō ceste louange est deuë) poussez & incitez, partie du desir de cōplaire à leurs Princes, qui les encourageoient à ceste entreprise, & leur donnoient les moyens de la mettre en execution, partie aussi de la generosité naturelle de leur cœur magnanime, & desireux de gloire, jointe avec l'esperance du profit; mais principalement par le vouloir & ordonnance de ceste souueraine Sagesse, ont descouuert en nostre tēps vne infinité d'Isles, Prouinces & Regions, desquelles on n'auoit iamais ouy parler en Europe. Car apres auoir costoyé l'Afrique, qui regarde le Ponāt d'un bout à l'autre, passans par dessous la ligne Equinoctiale, & trauerfans toute la Zone torride, ils sont en fin venus au Cap de bonne Esperance, situé au trentequatriesme degré & demy de latitude Australe, par lequel ils se sont ouuert le passage

Gomara l. 1. c. 4.

Comment les Portugais ont trou-

*uèle pas-
sage des
Indes.*

aux Indes Orientales, & a tant de grands Royaumes & Empires du Leuant remplis d'une infinité de richesses : & par mesme moyen ont frayé le chemin à ceux, qui deuoient aller annoncer la Foy de I E S V S - C H R I S T à ces peuples là. Ce qu'il semble que Dieu pretendoit principalement en ceste descouuerte.

Mais ce n'estoit pas assez s'il ne leur eust aussi presté son ayde & faueur, afin de conquerir plusieurs haures & ports de mer qu'ils y ont, pour l'assurance tant de leur trafic & commerce, que des personnes qu'il auoit destiné pour y aller arborer l'estendard de sa Croix. Car l'on a cogneu par experience, que les Barbares, comme ils sont ordinairement fort muables & inconstans, mesmes au bien, rompent fort aisément la foy promise, non seulement aux hommes, mais encore à Dieu, quittans la vraye Loy qu'on leur auroit apprinse. Les Portugais donc voyans le grand gain & profit, qu'ils pouuoient retirer du commerce avec ces peuples Orientaux, firent dès le commencement alliance au nom de leur Roy, qui les auoit expressément enchargez de cela, avec quelques Princes & Potentats des Indes, lesquels apres auoir accepté l'alliance, & promis toute seureté à ceux de la nation Portugaise, qui viendroient trafiquer en leurs haures, entrerent depuis en soubçon qu'ils se vouloient saisir & rendre maistres de leurs ports: tellement que sollicitéz & induits tant par les menées & faux rapports des Sarrazins, qui auoient pour lors en main tout le trafic du Leuant, que par leur inconstance & malice barbare. que, qui est coustumierement plaine de soubçon, ils s'efforcerent plusieurs fois, tantost par ruse & sous-main, tantost ouuertement & par force, de les mettre à mort, où à tout le moins se saisir de leurs vaisseaux & personnes: & de faict ils en tuerent & prindrent quelques vns. Mais comme Dieu est iuste Iuge & vengeur de telles iniquitez, mesmes qui sont commises contre le droit commun des gens, tout ainsi qu'il les auoit assistez de sa faueur en la descouuerte de ces contrées là, il les a pareillement aydez à se defendre contre les torts & injures qu'ils receuoient de ces traistres & desloyaux. De façon qu'auans à ceste occasion fait la guerre à quelques Rois & Princes du Leuant, ils les ont partie subjuguez, partie reduits à tel point, qu'il les ont contraints de requerrir la paix: & par ce moyen se sont faits craindre & redouter par tout l'Orient. Or bien qu'ils se soyent fort valeureusement portez en ces rencontres & batailles, si faut-il qu'ils recognoissent

*Par quel
moyen
ils y ont
acquis si
grande
puissance.*

avoir receu de la main de Dieu de si grâdes & signalées victoires, qu'ils y ont gagné. Car quiconque lira les Histoires de Portugal; où des Indes, qui traictent ce sujet, verra clairement qu'il estoit impossible, parlant selon les forces humaines, qu'une si petite poignée de gens, comme ils estoient, encore qu'ils eussent esté autant d'Alexandres, eust peu se maintenir en pied, & faire teste à tant de Rois & puissans Monarques, qui les contre-quarroyent; voire, qui plus est, gagner terre sur eux, & empierter la meilleure piece de leur estat, & celle qu'ils desiroient le plus, à sçavoir les ports de mer. Mais c'estoit en cela que Dieu se vouloit monstrier autheur de ceste entreprise, disposant toutes ces choses en la maniere susdite, à celle fin que les difficultez plus grandes, qu'il y eust peu avoir en la conuersion des Infideles, fussent applanies par le moyen des armées & victoires des Portugais. Comme de fait il est arriué; car la paix s'en estant suyvie l'on a peu faire des courses & voyages en diuerses contrées, pour instruire ces peuples ignorans des mysteres de nostre S. Foy. Ce qui eust esté autrement ou impossible, où à tout le moins bien difficile, & le profit qu'on y eust fait n'eust pas esté si allessuré.

Or j'ajoit que dès le commencement, il y ait eu quelques Religieux & autres gens d'Eglise, & mesme d'aucuns fort signalez, tant en vertu & sainteté de vie, qu'en sçavoir, prudence & zele du salut des ames, qui se sont transportez en ce païs là, pour y planter la foy Chrestienne, & se sont employez fort soigneusement & profitablement à cultiuer ce nouveau champ de nostre Seigneur: toutesfois il semble, que ce sage pere de famille voyant la moisson estre si grande, & les moissonneurs en si petit nombre, a voulu au mesme temps en appeller des nouveaux, instituant une religion, qui fit profession non seulement de defendre la foy de l'Eglise Catholique contre les heresies, qui ont pullulé de nostre temps par deçà, mais aussi de l'amplifier de tout son pouoir parmi les Gentils, & autres Infideles en ces païs nouvellement decouverts. C'est l'Ordre de la Compagnie de IESVS que Dieu a commencé de lever depuis soixante & tant d'ans en çà, pour le soulagement & rafraichissement des vieilles bandes de son Eglise, ie dis des autres Ecclesiastiques, tant Seculiers, que Religieux de diuers Ordres sacrez, qui combattent piece sous le mesme drapeau de IESVS-CHRIST, contre les vices, & nommément contre l'Herésie & l'Infidelité: afin de leur servir

*L'Ordre
de la Com-
pagnie de
IESVS,
en quel
temps s'en
dō.*

comme de soldats de renfort , pour accourir la part ou il y auroie plus de besoin de leur ayde & notamment à la conqueste spirituelle des Indes , qui se preparoit lors qu'on trauailloit à la temporelle. Et que telle ait esté l'intention & dessein que Dieu a eu en son establissement, nous le pouuons colliger en partie du fruit qu'il luy a pleu recueillir de leurs trauaux, pour l'aduancement de son honneur & gloire, & l'accroissement de son Eglise, tant és païs Orientaux, que Occidentaux, partie aussi du temps auquel elle a esté fondée : qui fut bien tost apres que les Portugais eurent trouué la route des Indes Orientales, & du Brasil, & que les Espagnols commencerent d'entrer au nouueau Monde, qu'on appelle maintenant les Indes Occidentales, pour auoir esté descouuertes quasi en la mesme saison que celles d'Orient, qui ont eu ce nom de toute ancienneté. Mais ce qui me semble plus remarquable en cecy, est que la mesme année, que Vazque de Gama Portugais, qui aborda le premier de tous, avec sa flotte és Indes, partit de Lisbonne pour commencer vn voyage si heureux, si profitable & glorieux à la nation Portugaise, l'an 1497. lors mesme, dis-je, ceste grande lumiere de nostre siecle FRANÇOIS XAVIER Nauarrois, que plusieurs appellét Apostre des Indes, naquít heureusement pour le salut d'une infinité d'ames, qu'il a conuertí à I E S U S- C H R I S T en ces côtrées là. De maniere qu'en la mesme saison, que Dieu a descouuert à son Eglise vn nouveau champ pour cultiuier, en ostant les ronces du Paganisme, & y iettant la bonne semence de sa sainte Foy, il l'a aussi pourueü de nouueaux ouuriers, pour ayder à la bien defricher: afin de luy faire porter des fruits de saintes œuures tant agreables à sa diuine Majesté. Et de faict tout aussi tost que ceste Compagnie commença de naistre, voire mesme auant qu'elle eust esté du tout mise au iour, ie veux dire, auant que nostre S. Pere l'eust approuuée pour Religion (comme depuis il a fait). le Roy de Portugal Iean I I I. ayant esté aduertí de son Institut, & voyant qu'il estoit merueilleusement propre pour le dessein qu'il auoit d'enuoyer és Indes force gens doctes & vertueux, qui rengeassent sous les loix de nostre Seigneur, ceux qu'il luy auoit assujettis en tous ces quartiers là, & autres qui voudroient suyure la mesme Foy, escriuit à l'Ambassadeur, qu'il auoit lors à Rome, de faire en sorte que nostre S. Pere, en la disposition duquel il sçauoit qu'estoit toute ceste petite troupe, luy en donnast pour le moins six, bien

*François
Xavier
naquit
la mesme
année
que Vaz-
que de
Gama fit
le pre-
mier
voyage
des In-
des.*

qu'en tout ils ne fussent que dix : mais il n'en peut recouurer que deux tant seulement, Dieu reseruant le reste pour d'autres necessitez plus vrgentes de son Eglise. Et encore de ces deux le Roy s'estant apperceu de leur vertu en retint vn en Portugal, pour en façonner d'autres au mesme modelle ; afin qu'ils s'employassent par apres és fonctions que cet Institut requiert, tant en Portugal que aux Indes ; là où partie-d'iceux deuoyent estre enuoyez, apres auoir esté instruits au College que sa Majesté resolut deslors fonder à Coimbre, & l'effectua bien tost apres.

C'est aussi vne entreprise si propre de ceste Compagnie, qu'une bonne partie de ceux, qui combattent sous l'estandart d'icelle, *Mission des Indes propre de ceux de la Comp.* n'ont eu plus grand motif pour s'y enrooller, que de voir comme Dieu s'en sert pour retirer de l'esclauage de Satan, ces natiōs qu'il tient asseruies, & attachées es cadenes de l'infidelité, de tirans eux aussi employer vn iour leurs forces & industrie pour la deliurance de tant de belles ames créées à l'image de Dieu, & rachetées par le sang precieux de son fils nostre Sauueur, resolu, si besoin est, de mourir en la poursuite, & sacrifier leurs vies à l'honneur de celuy qui l'a tant liberalement offerte, pour nous affranchir & deliurer du mesme seruage.

Puis donc qu'il a pleu à Dieu choisir ceste tres-petite Compagnie, pour aller faire tant de belles conquestes es regions n'agueres trouuées, tant au Leuant qu'au Ponant, & porter le saint nom de I E S V S, qu'elle à pris pour sa deuise, iusques aux extremités de la terre : ou elle a desia conquis beaucoup de païs & de peuples à sa diuine Majesté, ores que c'a ait esté avec beaucoup de trauaux, afflictions, persecutions, & au pris mesme du sang de plusieurs de ses subiects : ce seroit à mon aduis vn grand meschef de priuier la *Necessité d'escire ceste histoire.* posterité de la cognoissance de tāt de beaux exploits, qui ont esté faicts en ceste guerre spirituelle : & comme vn larrecin ou plustost sacrilege, desrobant en certaine maniere l'honneur qui en est deu à ceste souveraine bonté, d'ou procede tout bien ; & à Iesus-Christ nostre chef souverain, la gloire duquel on pretend aduancer sur tout : briez à son Eglise le contentement & plaisir qu'elle reçoit, voyant que les bornes & limites de l'Empire de son espoux, & le sien par consequent, croissent de iour en iour, & que son domaine s'estend d'une mer à l'autre, comme le Prophete Royal l'auoit *Psal. 72.* predit, c'est à dire d'un bout du monde à l'autre, selon l'exposition *s. August.* qu'en donnent les saints Peres, & Docteurs de l'Eglise : En fin ce *epist. 80.*

S. Hier. sur ce ps. Tertul. lib. 3. contre Marc. seroit raur à nostre Compagnie la souuenance de tant de beaux exemples, que nos deuanciers nous ont laissé, tres-profitables & tres-efficaces pour nous encourager à supporter volontiers toute sorte d'ennuis, opprobres, calomnies, iniures, disettes, incommoditez, les cepts, les cadenes, les coups, & tout autre maniere de tourments, brieſ la mort mesme pour la gloire de Dieu, & le salut des ames, comme nous voyons que nos predecesseurs ont enduré. Or iaçoit que par cy deuant on ait fait courir tout plein de petits liurets, qui contenoient les choses aduenues en certaines années és régions tant du Leuant que du Ponant, ou ceux de ladite Compagnie trauaillent pour le seruice de Dieu & de son Eglise: en quoy non seulement ceux de mesme robbe & profession, mais encore plusieurs autres gens d'honneur & de vertu sembloient prendre gouſt & plaisir, & en retirer de la consolation au profit de leurs ames; toutesſois conſiderant d'une part, que nostre esprit n'est pas content, & satisfait, s'il ne void toute la ſuite d'une histoire, & de l'autre qu'il estoit aiſé, que ces petits cayers vinſent à s'esgarer, & en fin à ſe perdre avec vn notable domnage de la posterité, il m'a ſemblé, & à plusieurs autres, qu'il estoit expedient & necessaire d'en dresser vne histoire, qui comprint tout ce qu'on trouuoit eſcrit ſur ce ſuiet, non seulement en ces petits liurets; mais auſſi és histoires, qui en ont esté composées en diuerſes langues iuſques à preſent, & pareillement és annales qu'on enuoye tous les ans de ces quartiers là.

*Le ſujet
de cet
ouure.*

Mais parce que ce ſeroit vn œuure trop longue, ſi nous voulions narrer tout ce qui a esté fait, tant és Indes Orientales, que Occidentales, nous nous contenterons pour ceſt heur de coucher par eſcrit ce qu'il y a eu de plus remarquable és Orientales ſeulement, qu'on à accouſtumé d'appeller les Indes des Portugais, à cauſe qu'ils les ont deſcouuertes, & y ont gaigné tout plein de fortes places, comme les Eſpagnols ont conqueſté celles qu'on appelle maintenant les Indes Occidentales, qui cōprennent la région du Peru, & celle de Mexico, nommée à preſent la nouuelle Eſpagne. Et bien que le Braſil ſoit tout en vn tenant deſdites Régions: toutesſois parce que ceſte contrée appartient aux Portugais, ayant esté par eux deſcouuerte & peuplée, nous adjouſterons icy l'Histoire de ce païs là, quant au ſaiet de la Religion. D'auantage, bien que plusieurs Illes & Royaumes, deſquels nous traiterons en ceſt œuure, ne ſoient pas proprement comprins ſous

sous le nom d'Indes, comme le Japon, la Chine, & quelques autres : neantmoins parce que les Portugais ont accoustumé d'y trafiquer, où bien y ont quelque puissance, comme au Royaume d'Ormuz, ou sont confederez avec iceux, comme és Empires de Monomotapa, du Preste-jan, & du grand Mogor, nous joindrons ensemble l'Histoire de tous ces pais là, mettant chacun à part.

Or jaoit que nous suyuions l'ordre des temps en chascque contrée, de laquelle nous traitons icy, remarquans tout ce qu'il y a de ceste, eu de plus signalé, concernant le fait de la Religion, depuis que les nostres y ont mis le pied iusques en l'an 1600 : toutesfois pour dōner plus de clarté à l'Histoire nous auons iugé qu'il seroit meilleur d'auoir esgard à l'ordre des lieux. Car si nous faisons vn meslange de tout ce, qui est arriué en vne mesme année au Japon, à la Chine, aux Indes, au Brasil, & autres pais icy compris, cōme ont fait quelques vns, qui ont escrit les gestes des Portugais en tous ces quartiers là, ce seroit à mon aduis causer vne merueilleuse confusion en l'esprit du lecteur, à raison de la grande distance des lieux, desquels il faut icy parler : & l'on ne pourroit pas si bien cognoistre le progrez que la Religion Chrestienne y a fait en chacun d'iceux. A raison dequoy nous auons deliberé de narrer tout d'vue suytre ce qui est adueni en vne mesme cōtrée selon le cours des années. Seulemēt auōs nous laissé cest ordre au premier liure, où nous rapportons tout ce qu'a fait le B. P. François Xauier és Indes & en quelques Isles circōuoisines : parce que ce fut non seulement le premier de tous ceux de la Compagnie, qui porta le flambeau de la foy de Iesus-Christ en Orient : mais aussi celuy qui l'y aduança plus que tout autre, & ce en tous les lieux presque ou ceux de la mesme Societé ont esté enuoyez depuis, pour y poursuyure ce qu'il y auoit si heureusement commencé ; combien que nous en auons encore retranché ce qu'il a fait au Japon, pour donner l'entiere cognoissance de l'Histoire de ce pais là, parce que c'est là plus belle & la plus ample de toutes.

Nous eussions bien désiré rapporter encore icy tous les braues exploits, que beaucoup d'autres vaillans champions (outre ceux de la Compagnie) ont executé en ladite conquête : car il en y a eu tout plein non seulement des autres Ordres sacrez des Religions, mais aussi des Seculiers, voire mesme de gens Laiz & simples marchans, qui ont conuert y à la Foy de nostre Seigneur plusieurs Rois & Princes Idolatres ou Mahometains, avec vne grande

multitude de leurs subjets & vassaux ; toutesfois parce que nous n'auons pas beaucoup de cognoissance de ces choses , ny par les Histoires , ny par autres voyes , nous serons contraincts de n'en dire que ce peu qui est venu à nostre notice , & que nous auons ramassé par cy par là des Historiens de nostre temps.

Quant aux faicts-d'armes , & autres affaires d'Estat , nous n'en traicterons point, sinon qu'il soit necessaire, pour entendre les choses qui concernent la Religion : parce qu'il y a beaucoup d'autres qui se sont employez à cela avec grande louange & fidelité.

Pour le regard des qualitez & coustumes des païs , nous en rapporterons les principaux poincts qu'auons peu recueillir tant des Histoires que des aduis enuoyez en Europe , par ceux de la Compagnie, qui sont en ces quartiers là.

Le contenu de cette Histoire. Ez quatre premiers liures de ce volume nous comprendrons ce qu'il y a eu de plus remarquable en tous les lieux de la descouuerte des Portugais , ou ceux de ladite Societé ont trauaillé iusqu'à present , où fait quelque chose memorable , horsmis le Japon ; car nous reseruons cela pour vn autre volume.

Au premier liure seront racontez les faicts heroïques & merueilleux que ce grand Capitaine de ceste gendarmerie spirituelle François Xavier a exploicté non seulement és Indes , mais aussi és Isles Moluques & à la Chine. Au secôd sera declaré comme ceux de la mesme Compagnie, qui l'ont suuy, se sont comportez en la susdite entreprise de la conuersiõ des Infideles, tant és contrées ou il auoit esté, qu'en quelques autres, ou ils sont entrez depuis, comprises toutesfois dans l'une ou l'autre Inde Orientale, que nous descrirons cy apres. Au troisieme seront narrez les actes signalez qu'a fait au Royaume d'Ormuz le P. Gaspar Barzé ; le martyr du P. Gonzale Sylueira au Royaume de Monomotapa ; les grandes afflictions & persecutions, qu'ont souffert en l'Empire du Prestre-jan ceux qu'on y auoit enuoyez ; l'entrée & heureux progres de la Foy Chrestienne au Royaume du grand Mogor. Finalement les grands trauaux, qu'ont enduré au Brasil ceux de ladite Compagnie , & le fruiet qu'ils y ont fait en l'instruction de ces Barbares. Au quatriesme & dernier liure apres auoir traicté des singularitez qui se retrouuent en ce grand & opulent Royaume de la Chine, nous moustrerons comme la Foy de Nostre Seigneur a commandé d'y prendre pied & racine depuis quelques années en ça ; rapporterai fidelemēt ce qu'il y a eu en tous ces païs là de plus signalé,

iufques à l'an 1600. Et à la fin de ce Tome l'on pourra adioufter comme par maniere de fupplement le refte, qui eft aduenü depuis és mefmes contrées. L'Hiftoire du Iapon merite bien vn volume à part, à caufe de la multitude & grandeur des chofes memorables, qui y font arriüées depuis qu'il a pleu à Dieu commander d'efclairer cefte Ifle-là des rayons de fa Foy, & partant nous la referuerons pour vn autre faifon, s'il plaift à la Diuine bonté nous prefter fa faueur. Voilà fommairement le fujet de tout cefte oeuvre.

Mais auant qu'entamer noftre matiere, il eft neceffaire d'auoir au prealable la cognoiffance de trois ou quatre chofes, que nous deduirons aux chapitres fuyuans. Et premierement en quelle façon & maniere les Indes Orientales ont efté trouuées par les Portugais. En fecond lieu nous ferons vn petit recit ou denombrement des principales Regions, Caps, Ifles & Royaumes, que l'on trouue allant de Portugal aux Indes, & confequemment vne brieue defcription defdites Indes, tousiours coftoyant la terre ferme fans entrer auant dans icelle, & pourfuyurôs de la forte iufques à la Chine. Pour le troiefieme nous monftrerôs briefuelement, côme

Dieu a particulierement affifté les Portugais en la conquifte de plufieurs places qu'ils ont en ces païs là, & nommément de la Cité de Goa, qui eft la capitale de tout cefte Eftat.

Finalemēt nous toucherons les principaux empeschemens & deftourbiers qu'auoient les Indiens pour receuoir le Chriftianifme, à cel-

le fin qu'on cognoiffe mieux le fignaté

benefice que Dieu a fait à ceux

qu'il a deliuré de ces lacqs, &

la difficulté qu'il y a eu a

les ayder d'en fortir.

Venons donc

au premier

point.

QUAND ET COMMENT LES PORTUGVAIS
ont descouvert les Indes Orientales.

CHAPITRE I.



FIN d'entendre mieux cecy, nous prendrons la chose d'un peu plus haut, pour voir la suite de tout cest affaire.

Jean 1.
Roy de
Portu-
gal.

Henry
Prince
son fils.

Iean premier de ce nom, Roy de Portugal, l'un des plus vaillans & heureux Princes, qu'il y ait eu en ce Royaume; lequel non seulement il garantit du ravage, dont ses ennemis le menaçoient, remportant sur eux de tresbelles victoires, mais aussi l'accrut par la prinse qu'il fit sur les Mores de la ville de Septe, qui estoit lors la plus grande, riche, & forte de Barbarie, assise sur la coste de la mer, bien pres du destroit de Gibraltar; ce Roy dis-ie eut de Dame Philippe de Lancastre niepce du Roy d'Angleterre Edouard VI. cinq enfans masles, entre lesquels Henry, qui fut le troisieme en rang, est le plus renommé de tous dans les histoires, tant pour sa vaillance qu'il monstra singulierement en la prinse de ladite ville de Septe, avec l'admiration d'un chacun, que pour sa rare vertu & honesteté. Car bien qu'il eut peu avoir à commandement tous les plaisirs & delices du corps, & qu'il fut de sa personne bien disposé & robuste, si est-ce qu'il ne voulut iamais se marier, ains avec l'ayde de Dieu, & de la Vierge Marie, à laquelle il avoit vne singuliere deuotion, il garda, comme l'on tient, toute sa vie cötinence & virginité. Or apres le decez de son pere le Roy Iean, bien qu'il eut enuie de poursuiure la conqueste de Barbarie, & chasser les Sarrazins, non seulement de ceste Region là, mais aussi de toute l'Afrique; toutesfois comme cela appartenoit plustost à son aîné Edouard Roy de Portugal, il s'employa à autres choses, non moins dignes de gloire, que proufitables au bien commun, & les fraiz desquelles il pouvoit entretenir avec son reuenu ordinaire, qui estoit assez bon. Car il estoit grand maistre des Cheualiers de *Christus*, comme ils les appellent en Portugal, qui est un ordre de Cheualerie fort estimé en ce Royaume là, dont il retiroit de bons reuenus. Il estoit sur tout desireux de descouvrir des pais incogneus, n'ayant pas tant esgard à se faire renommer par ceste entreprise, qu'à l'adancement de la foy, & religion Chrestienne. Car il estimoit que la nauigation estoit l'un des plus propres moyens

qu'il y eut, pour la faire publier parmy les nations estranges esloignées de l'Europe. A quoy il se sentoît tous les iours espoingonné interieurement, par vn instinct particulier, qui le toucha plus viuentement apres qu'il eust entendu, que certains marchans François & Anglois, auoient esté iettez de fraische datte par la violéce d'une tempeste, en des pais incogneus, habitez des nations barbares, qui adoroient le Diable. Ce qui fut cause qu'il s'enquit plus soigneusement des gens doctes, & versez en la Geographie, de la situation des terres, & luy mesme se mit à penser aux moyens qu'il y pourroit auoir, pour venir à bout de ce qu'il proieçtoit. Cependant qu'il considéroit apart soy, d'un costé l'importâce de la chose, & de l'autre les difficultez qu'il y pourroit auoir à l'exécution d'icelle; vne nuit il eut vn songe, ou visio; en laquelle il luy estoit aduis qu'on le tançoit, & reprenoit doucement de ce qu'il tardoit tant à mettre en effect vne chose si sainte & si louable, que ceste descouuerte, dont il fut tellement esmeu, qu'aussi tost qu'il se fut leué, il cōmande à ses gens d'equipper en brieſ deux nauires, lesquels il fit pouruoir de tout ce qui estoit nécessaire, pour vne lo-gue & perilleuse nauigation. Ce qu'ayant esté fait il en donna la conduite à deux bons pilotes, selon qu'ils se trouuoïent en ce tēps là : ausquels il ordonna expressement d'aller le plus loïn qu'ils pourroient, costoyans tousiours l'Afrique : & s'ils trouuoient quelques nouueaux pais, s'informer des nations, qui habitoient en ces lieux, leur promettant de grandes recompenses, s'ils s'aquittoient deuëment de leur charge. Ce fut en l'an 1410. que ses nauires commencerent à ciangler en haute mer, prenans leur route vers le Midy, & donnerent si auant, qu'ils passerent pardelà le Promontoire d'Atlas, ainsi nommé par les anciens, mais desia les Nautonniers luy auoient donné le nō, qu'il retient encore de Cap de Non, parce qu'ils estimoiēt que quiconque se hazardoit à passer outre, ne retournoit iamais plus à sa maison. Toutesfoiſ ceux-cy le doublerent, & allerent soixante lieuës plus auant, iusques au Cap de Bojador, jadis appellé Ganaria, qui est vis à vis de l'Isle qu'on nomme maintenant la grande Canarie; là où estans paruenus, & voyans que les vagues estoient par trop violentes, & que ceste pointe s'aduançoit bien auant dans la mer, ils rebrouſſerent chemin, & arriuez qu'ils furent en Portugal s'acenterēt au Prince Henry tout ce qu'ils auoyent fait, dont ils furent par luy tres-bien recōpensez. Toutefois par l'espace de dix ans, l'on n'alla

*Songe ou
vision du
Prince
Henry.*

*Promen-
toire de
Atlas ou
Cap de
Non.*

*Cap de
Bojador
jadis Ganaria.*

pas plus auant en ceste descouuerte, à cause de la mesme difficulté que ceux-cy auoient trouué à doubler le cap de Bojador. Mais ce magnanime Prince ne perdit pas courage pour cela, ains l'an 1420. y enuoya vne autre flotte, bien pourueüe, & munie de tout ce qui faisoit de besoin, & sur tout de deux ou trois Pilotes tres-experts en leur art. L'un estoit nommé Iean Cōsaluz, & l'autre Triltan Vaz, les premiers de tous ceux de ce temps là, qui eurent le courage de se ietter bien auant en haute mer (car auparavant personne n'osoit perdre la terre de veüe) & par ce moyen descouurirent premierement quelques Isles alors incogneuës, & entre autres celle de Madere, qui est tres-belle & tres-riche, laquelle ils conquerirent à la Couronne de Portugal. Le troisieme estoit appellé Giles Annio, qui apres auoir eschappé les escueils, & obserué diligemmet le flux & reflux de la mer doubla à la parfin le cap de Bojador avec grande industrie & adresse, tellement que par ce moyen il ouurit la porte non seulement à la negociation des Portugais avec les Ethiopiens Occidentaux, mais aussi au S. Euāgile de Nostre Seigneur, qui leur fut par apres annoncé. Costoyant donc tousiours l'Afrique il arriua finalement à vn Cap, qui est au pied d'une montagne qu'on nomme à present la Serre Lionne, parce que d'une cauerne qu'il y a on entend vn bruit si effroyable, qu'il ressemble au rugissement d'une lionnesse. Ceste montagne là est située en la coste de mer Occidentale de l'Afrique, huit degrez par deçà l'Equateur, & si est esloignée du Cap de Bojador, trois cens soixante lieuës. Apres ce bel exploit il n'y eut l'espace de 50. ans, persōne qui oüst passer plus outre; combien que durant ce temps on descouurit les Isles Canaries, que plusieurs estiment estre celles, que les anciens appelloient Fortunées. Ceux qui les trouuerent en ces derniers temps les premiers, & les conquerirent furent les Biscains & Nauarrois sous la conduite d'un Gentil-homme François, nommé Iean de Betācourt, nepueu de l'Admiral, qui pour lors estoit en France: lequel durant le reste de sa vie les posseda paisiblement, & en porta tiltre de Roy, puis en mourant les laissa à vn sien cousin, qui les vendit à vn Comte Espagnol, se sentant trop foible pour les conseruer; & apres elles sont venues au Roy d'Espagne, qui les possède maintenant.

Le Prince Henry mourut cependant, aagé de soixante sept ans, apres auoir fait bastir plusieurs Eglises, & nominement vne

*Isle de
Madere.*

*Cap de
Serre
liona.*

*Isles Ca-
naries
descouuer
tes & par
qui.*

sur le riuage de la mer, à deux lieux loing de Lisbonne, qu'il vou-
 lut estre dediée à l'honneur de la Vierge Marie, laquelle il auoit *Decret du Prince Henry.*
 pris pour singuliere Aduocate enuers Dieu, mesmement en la
 susdite entreprise. C'estoit vn Prince de grand courage & qui
 craignoit Dieu, il impetra du S. Pere, qui estoit lors Martin V.
 que tout ce que les Portugais descouuroient depuis le Cap de
 Bojador iusques aux Indes, appartint à la Couronne de Portugal,
 ce qui a esté depuis confirmé par d'autres Papes. Il fit cela pour
 enflammer dauantage ses nepueux les Rois de Portugal à ceste
 descouuerte par l'esperance du profit, & du mesme moyen se ser-
 uoit-il pour encourager les Pilotes à s'hazarder d'aller tousiours
 plus outre en icelle: car il les recompensoit tresbien, & auoit à
 ce qu'on dit souuent en bouche ce dicton François *Thalent de bien faire*, par lequel il inuitoit vn chacun à faire quelque chose
 qui fut vtile & profitable au bien commun, & pour l'aduance-
 ment de la gloire de Dieu & de son Eglise. Ce qui rendoit telle-
 ment affectionnez enuers luy les mariniers & Pilotes, que pour
 eterniser sa memoire ils engrauoient sur l'escorce des arbres des
 nouveaux païs qu'ils trouuoient, ces mesmes mots *Thalent de bien faire*. Estant dōc le Prince Henry decedé plein de gloire & de bō-
 nes œuures, l'an 1460. son nepueu Alphonse V. du nom Roy de
 Portugal, qui auoit succedé à la Courōne par le trespas de son pe-
 re Edoüard, frere d'Henry, aussi tost qu'il eust en main le gouuer- *Alphonse V. Roy de Portugal.*
 nement des affaires (car son pere mourut, luy estant encore fort
 ieune, & pource il fut sous la conduite des tuteurs iusques à gal.
 l'aage de dixsept ans) il comença de suyure les traces de son
 oncle Henry, & resolu de poursuyure la mesme entreprise, bien
 qu'il fut grandement vexé par beaucoup de guerres qu'il eust sur
 les bras, tant dehors que dedans le Royaume; ce neantmoins aus-
 si tost qu'il se vid vn peu au large, il s'employa soigneusement à la
 recherche des nouuelles Regiōs, tellement que de son temps fut
 trouué le Cap Verd, que les anciens nommoient Arsinarium Pro- *Cap verd*
 mōtorium, lequel bien qu'il ne soit pas si auant vers le Sud com- *jadis Ar-*
 me celui de la Serre Lionne, n'auoit pas toutesfois esté recogneu *sinarium*
 iusqu'à lors des Portugais. En mesme temps furent descouuertes *promont.*
 les Isles du Cap Verd que jadis on appelloit, selon l'aduis de plu-
 sieurs, Hesperides ou Gorgades, bien qu'il en y a, qui disent que
 ce sont les Isles Fortunées des anciens; quoy qu'il en soit on leur
 a baillé de nostre aage le nom d'Isles de Cap Verd, parce qu'el-

Isles du Cap verd.

les sont vis à vis du Promontoire, qui est à present ainsi nommé selon qu'a esté dit. Mais outre ce durant le regne d'Alphonse l'on passa dix degrez pardelà la Serre Lionne, c'est à sçauoir iusques au Cap de S. Catherine, selon qu'on l'appelle maintenant, lequel est situé à deux degrez & demy de latitude Australe, c'est à dire pardelà l'Equateur. Et lors fut reconnu pour fausse l'opinion des anciens Geographes & Philosophes, qui estimoient que les Regions situées sous la Zone torride, au milieu de laquelle passe la ligne Equinoctiale, estoient du tout inhabitables & inaccessibles, à raison de la vehemence insupportable des chaleurs qu'ils y imaginoient. Mais l'expérience monstra pour lors, & montre encore chascun iour tout le contraire; car dessous ceste Zone il y a vne infinité de pais tant es Indes Orientales qu'Occidentales, qui sont non seulement de tres-commode habitation, mais aussi fort riches & bien peuplez; voire mesme en l'Afrique il y a vne grande Region qu'on nomme la Guinée, comprise dans l'Ethiopie Occidentale, qui est toute sous ladiete Zone: & neantmoins c'est vn pais fort bon & tres-fertile, nommément le Royaume que les Portugais appellent de la Serre Lionne; parce qu'il commence là, & s'estend plus auant vers le midy quelques soixante & dix lieues de la coste de mer, estant arrosé de tout plein de fleuves, & portant force brangers, citroniers, & autres arbres de diuerses especes, là où maintenant les Portugais font grand trafic avec les habitans, qui sont plus polices & de meilleur esprit que le reste de la Guinée, laquelle s'estend depuis le 9. degré de latitude Septentrionale iusques au deuxiesme de l'Australe, ou est le Cap de S. Catherine, duquel nous parlions maintenant. Et voilà ce qui fut decouvert du temps d'Alphonse: lequel venant à deceder, laissa son successeur Jean II. avec la mesme resolution de faire decouvrir tousiours nouueaux pais. Partant il fit esquipper vne flotte, de laquelle il establit Admiral vn Gentilhomme de rare vertu & de grand courage, nommé Iaques Cane: cestuy-cy passa les bornes & limites qui auoient esté trouuées du temps d'Alphonse, & vint surgir à l'emboucheure du fleuve Zaïre, au Royaume de Congo, ou Manicongo (car c'est le mesme) & là il planta vne colonne de pierre, de celles qu'il auoit apporté dans ses nauires tout exprez, esquelles outre la figure de la sainte Croix, & les armoiries du Roy de Portugal, il auoit fait grauer des lettres, qui declaroient tant en Latin qu'en Portugais le nom du Roy

*Jean II.
Roy de
Portugal.*

*Zaïre
fleuve.*

du Roy de Portugal, au temps duquel ceste contrée auoit esté descouuette, & du Capitaine de ceste flotte ou nauire, qui auoit trouuè ce pais. Autant en firent-ils par apres en tous les principaux haures qu'ils descouuroient. Voylà commēt les Portugais s'ouurirent le chemin au cōmerce, qui a duré du depuis avec les habitans de la Guinée, de Manicongo, & Angola (qui est vn petit Royàume tout ioignant celuy de Congo, & sur la mēme coste) troquans quelques petites denrées & vtensiles de maison; avec de l'Or, de l'Yuoire, & des serfs, ou esclauēs. Car de là ilstirent la plus part des Negres ou Mores, que nous voyons en Europe; & ceux aussi qu'ils mienent au Brasil & ailleurs pour leur seruice. Mais le Roy Iean non content de cela, ains desirieux extrêmement de trouuer quelque passage, qui conduisist aux Indes Orientales; & se persuadant que si on pouursui- uoit ceste coste d'Afrique; on en descouueroit quelqu'un, y employa beaucoup de gens & de moyens, & s'y monstra tellement affectiōné, que ses vassaux desirieux de luy donner contentement, s'efforçoient à qui mieux mieux de passer tousiours plus outre. En fin il aduint qu'un des Nauires du Roy, conduit par Barthelenny Diaz, approcha d'un Promontoire le plus grand, qui ait encore esté *Promon-* veu au monde. Car du costé du Ponant, il commence au quatrie- *sième le* me degré de latitude Septentrionale; & s'estend si auant vers l'Au- *plus grand* strale, que sa poincte vient à tomber au 34. degré & demy, de sorte *de mode.* que depuis vn bout iusques à l'autre, il comprend de ce costé pres de 39. degrez, qui font 682. lieues & demye, dont chascune contient quatre milles d'Italie. Mais du costé du Leuant, il en a plus de huit cens.

Or comme les Portugais furent arriuez à ce cap, & voulurent le doubler, ils furent si furieusement battus & tourmentez des vagues. & de la tempeste, qu'ils attendoient la mort à tous coups, & à ceste occas. on l'appellerent ils le cap tourmenteux, ou des tourmentes. *Cap tour-* L'ayant neantmoins en fin doublé, ils arriuerent à l'Isle, qu'ils nom- *menteux.* merent de sainte Croix, à cause d'une de ces colonnes portant la figure de la sainte Croix, qu'ils y planterent trois cens lieues plus auant, que celle qui auoit esté dressée par le Capitaine Cane. Mais les viures leurs venans à manquer, ils rebrousserent chemin. Estants de retour en Portugal, comme ils monstroient au Roy la longueur & affiette de ce Cap, luy racontans les tourmentes qu'ils y auoient enduré, & que pour ceste cause ils l'auoient nommé le cap Tourmenteux, le Roy faisi d'une grande liesse, estimāt qu'il auoit trou-

ué le passage tant désiré pour venir à chef de ses desseins : mais plusieurs
Cap de tost, dit il, on le nommera d'ores en auant, le Cap de Bonne esperan-
Bonne es- ce; de façon que ce nom luy est demeuré depuis. Cependant il en-
perance. noya en Alexandrie quelques vns de ses gens, bien entendus au lan-
 gage Arabique, & propres à ce qu'il pretendoit, leur enjoignant de
 passer de là en Ethyopie, qui est sous l'Egypte commandée par le
 Roy des Abyssins, qu'on nomme communement le Prestre-Jan, &
 apres s'estre embarquez sur la mer rouge, entrer par le destroit d'i-
 celle dans le grand Ocean, pour s'informer s'il n'y auoit point de
 passage de là au Cap de Bonne esperance, & consequemment si on
 pouuoit aller par ceste voye és Indes. Il y en eut plusieurs, qui furent
 enuoyez à ceste recherche, mais le plus heureux de tous fut vn nô-
Pierre mé Pierre Couillan, lequel s'estant transporté aux lieux susdits, fit
Couillan. encor heureusement le voyage des Indes, & marqua fidelement en
 vne carte marine, que le Roy luy auoit baillé a ceste fin, les princi-
 paux, & plus fameux haures de l'Inde, comme Goa, Calicut, Co-
 chin, & autres. Puis rebroussant chemin vers l'Afrique, apres auoir
 coistoyé la Perse, & l'Arabie, se rendit de rechef au destroit de la
 mer rouge, & de la venant à la coste d'Ethyopie apres auoir doublé
 le Cap de Guardafu, il arriua au Mozambique, & remarqua en pas-
 sant les Royaumes de Melinde, Quiloa, & autres, qui sont entre ces
 deux promontoires. En fin il vint surgir à la coste de Soffala, ou il
 apprint tant par la commune voix des gens experts à la marine, que
 par plusieurs autres indices que ceste coste se continuoit avec le
 Cap de Bonne esperance, & partant qu'on pouuoit passer d'iceulx
 aux Indes. Or comme il aduertit le Roy Iean par lettres de toutes
 ces choses, il luy enuoya pareillement ceste carte marine, dans la-
 quelle il auoit noté & décrit les lieux susdits. Le Roy entendant ces
 nouuelles, en receut vn singulier plaisir & contentement d'esprit
 pensant estre venu presque au but de ses intétions; de façon qu'aus-
 si tost il commanda qu'on bastit de gros & puissans vaisseaux, pour
 aller trouuer ce passage. Mais la mort suruint la dessus, qui luy rom-
 pit le fil de sa vie, & interrompit le cours de tous les desseins de ce
 valeureux Prince : lequel avec la couronne, laissa aussi pour herita-
Emanuel ge à son nepueu Emanuel le soing de ceste poursuite. Le Roy Ema-
Roy de nuel voulant continuer ce que ses predecesseurs auoient ja com-
Portugal. mencé, trouua dès son aduenement à la couronne plusieurs de son
 conseil, qui le luy voulurent dissuader, & taschoier de luy oster ceste
 fantasie de la teste, alleguans d'un costé la difficulté de l'affaire, du

l'autre le peu de profit, qui en pourroit reuenir, tant à luy qu'à son Royaume: & au contraire les grands fraiz & despens qu'il y conuiendroient faire, adioustans encor le danger euident, auquel il mettoit tant de braues hommes, qu'il y falloit employer, lesquels eussent peu seruir en autres affaires de plus grande importance. Mais tous ces discours, & autres semblables n'eurent pas tant de force que de pouuoir destourner le Roy de sa resolution. Car il scauoit bien que ses predecesseurs Henry & Iean auoient esté combattus par semblables raisons, & n'auoient pour cela esté descouragez de leur entreprise de faire descouurir nouueaux païs, dont le Royaume de Portugal auoit esté depuis fort accommodé. Partant il ayma mieux suivre les traces des vaillans & courageux Princes de son sang, que s'accommoder aux volontez de gens craintifs, & de peu de courage. Mais ce qui luy donna plus grande esperance de venir à bout de cecy, fut que lors qu'il estoit encore ieune, le Roy Iean luy auoit conseillé, d'adiouster pour deuise à ses armoiries vne *Deuise* Sphere, en laquelle fussent portraicts les cercles celestes, croyant *d'Emanuel.* que par là il luy vouloit prognostiquer, que durant son regne (car il le desseignoit desia pour son successeur voyât qu'il n'auoit point de lignée) les Portugais descouueroient vn nouueau ciel, & des païs si esloignez de nous qu'ils sembleroient quasi nouueaux. Brief le grand desir qu'auoit Emanuel de faire planter la foy de I E S V S-CHRISTES païs estrangers, & par ce moyen amplifier son Eglise ne permit qu'il acqiesst al'aduis de ses cōseillers: ains il fit equipper au plustost vne flotte, de laquelle il constitua chef ou Admiral *Vasque* Vasque de Gama, gentilhomme vaillant, sage, & fidelle à son Prin- *de Gama.* ce, luy donnant pour son second Paul Gama son frere, qu'il aimoit vniquemēt, & l'auoit demandé au Roy, pour cest effect. Ils ne menerent pas grand nombre de gens à ce coup; car ce voyage estoit plustost entrepris pour descouurir les païs Orientaux, que pour les conquerir. Aussi ne menoient ils que quatre nauires, l'vn desquels n'estoit chargé que de viures, & en tout il n'y auoit que cent soixante personnes, comptant soldats & mariniers ensemble. Le Roy auant leur depart fit appeller Gama, assisté des principaux chefs & soldats de sa flotte, auquel apres auoir fait vne petite remonstrance, par laquelle il luy recommandoit serieusement ce pourquoy il l'enuoyoit, l'encourageant à supporter les trauaux & ennuis, qu'il luy conuiendroient endurer, avec promesse de luy dōner de grandes recompenses, s'il s'aquittoit bien de ce qu'il l'enchar-

geoit, il il luy bailla des lettres pour les principaux Rois & Seigneurs de l'Inde, ensemble la carte marine de Couillan, avec ses memoires; & pour le dernier, il receut de luy le serment de fidelité en présence des plus grands Seigneurs du Royaume. Le iour auant partir, Gama & ceux qui le deuoient accompagner s'en allerent à l'Eglise de nostre Dame, que nous auons dit auoir esté bastie sur le bord de la mer par le Prince Henry, qui donna le premier commencement à ceste descouuerte. Là ils firent leurs deuotions, avec beaucoup de demonstration de pieté, inuouans l'ayde & secours de la diuine Majesté par l'intercessiō des Saints, & nommément de la glorieuse vierge Marie, comme celle, qui deuoit particulièrement ayder à ceste entreprise: & le lendemain ils sortirent tous de ladite Eglise en procession, les Prestres marchans deuant, qui chantoient des hymnes & cantiques à la loüange de Dieu: & eux venoient après tous pieds nuds & teste descouuerte, tenant chacun en la main vn cierge ardent: & de ceste sorte ils arriuerent à leurs barques suyuis d'une multitude innombrable de peuple, qui larmoyoit & pleuroit, comme s'il les eust conduits au sepulchre. Estans entrez dans les nauires, ils desmarrerent avec beaucoup de pleurs tant d'un costé que d'autre, cinglans à pleines voiles, par l'ayde d'un vent de Nort, fort propre, le neufiesme iour de Iullet.

*Depart
de la flot
te le 9.
Iullet.
1497.*

l'an 1497. Or jaçoit qu'on ayt trouué depuis, que ce temps n'estoit guere propre pour commencer tel voyage: toutes fois ils arriuerent au cap de Bonne esperance le 26. de Nouembre ensuyuant, & l'eurent doublé le 25. du mesme mois. Apres ils tournerēt les proies vers le Nort, & vindrent surgir à l'aiguade de S. Blaise, & de là passée qu'ils eurent une grande tempeste, ils allerent mouiller l'ancre le iour de Noël à une coste d'Afrique, qu'ils appellerent à ceste cause, la terre de Noël. Et le iour des Rois aborderent pour se fournir d'eau douce, à une riuiera de la mesme coste, qu'ils nommerent à ceste occasion, le fleune des Rois. Et parce qu'ils y furent fort amiablement receus des habitans, ils l'appellerent aussi l'Aiguade de bonne paix. Arresté qu'ils eurent là quelques cinq iours, ils remirent les voiles au vent: mais se craignans qu'à raison des vagues & coups de mer, qui estoient fort violents, ils ne vinsent à faire bris contre quelques bancs de sable ou rochers, ils s'esloignerent tellement de la terre ferme, qu'ils passerent la coste de Soffala sans l'apercevoir, & continuans leur voyage, ils prindrent port à l'emboucheure d'une autre riuiera, ou ils entendirent de quelques barba-

*Les Portugais, ap-
pellés ter-
ra do Na-
tallo.*

*Rio dos
Reyes.*

res, qu'il y auoit là, & parloient l'Arabesque, que bien pres de ce lieu souloient aborder des nauires de mesme forme & grandeur, que les leurs. Ce qui les rejoit fort, car ils pensoient que c'estoit vn signe que bien tost ils trouueroyent l'Inde; à cause dequoy ils appellerent ceste riuere, le fleuue des bons signes. En ce lieu ils furent contraints de demeurer enuiron vn mois, à raison des maladies, qui se glisserent parmy la troupe: car il suruint à plusieurs vne enflure & pourriture aux genciues, qui les tourmentoient fort, dont aucuns en moururent; mais la pluspart en furent gueris. Ils remirent donc les voiles au vent, & dans cinq iours arriuerent au Mozambique, nommé des anciens *Prasum promontorium*, où ils furent au commencement bien receus; parce que les habitans estoient, qu'ils estoient marchands Arabes, lesquels souloient quelquefois venir là pour trafiquer; & pource le Capitaine Gama ayant contracté aisément paix & alliance avec le Gouverneur, alla descendre à vne petite Isle, qui est vis à vis du Mozambique, ou il fit planter vne colonne dedice à l'honneur de S. George, d'où depuis on l'appelle l'Isle de S. George, & là il fit dresser vn Autel, afin que la sainte Messe y fut dite, en laquelle luy avec la pluspart de ses gens y firent leurs Pasques: car c'estoit enuiron ce temps là, qu'ils y aborderent. Or tandis que les habitans du Mozambique (la pluspart desquels estoient Mahometains) estimerent que Gama & les siens estoient Sarrazins, ils leur firent beaucoup de caresses, & mesmes leur auoient baillé deux Pilotes pour les conduire en Calicut. Mais comme ils eurent apperceu qu'ils estoient Chrestiens, à cause des images des Anges qu'ils veirent peintes en leurs nauires, toute ceste bien-vuillance se conuertit en vne haine mortelle, tellement que quelques vns des Portugais qui estoient allez puiser de l'eau douce, & couper du bois, furent chassés à coups de traits, & les Pilotes, qui auoient ja receu l'argent, s'enfuirent. Si payerent-ils bien l'escot; car Gama ayant veu la perfidie & desloyauté de ces barbares, fit lascher les pieces de canon, dont plusieurs demurerent sur la place. Dequoy les autres furent bien estonnez, d'autant qu'ils n'auoient encore veu, ny ouy tempester & bruir tels instrumens de guerre. Or apres qu'ils eurent escartelé quelques vns, & que le tonnerre de l'artillerie eust cessé, le Gouverneur du Mozambique, qui estoit là au nom du Roy de Quiloes, rascha de s'excuser, disant que si on leur auoit fait quelque tort, c'estoit à son déceu; & partant il prioit Gama de ne vouloir plus les

*Rio dos
bons Si-
nais.*

*Prasum
promonto-
riū à pre-
sent d'ao-
sumbique*

*Isle de S.
George.*

*l'Artillerie
est
des Barba-
res.*

foudroyer de la sorte. Que pour le regard des Pilotes, l'un auoit esté meurtri d'une canonade, & l'autre s'en estoit fuy, sans que l'on sceust, ou il s'estoit caché; mais qu'il luy rendroit l'argent, que ces desloyaux luy en auoient emporté, & le fourniroit d'un autre Pilote tref-expert, pour le conduire iusques en Calicut. Gama leur quitta l'argent, & receut le Pilote, qui ne valloit pas plus que les deux autres: car si Dieu ne les eust preseruez, il les alloit ietter en des Isles desertes & dangereuses, faisant son compte de se sauuer à la nage. Sa malice ayant esté descouuerte, il fut tref-bien fouëtté; dont ce lieu fut nommé, les Isles du fouëtté. Toutesfois ce chastiment ne le rendit pas meilleur, ains bien plus rusé: car faisant semblant de s'estre amié, il leur dit, que bien pres de là y auoit vne ville, où ils trouueroient tout ce qu'ils voudroient pour le regard des viures, & outre ce plusieurs marchands Abyssins & Indiens. Il entendoit la ville de Quiloa, le Roy de laquelle estoit aussi Seigneur du Mozambique, comme auons dit, pësant qu'il seroit desia aduertit de ce que les Portugais auoient faict au Mozambique, & que les tenant là en son pouuoir, il auroit moyen de s'en venger tout à son aise. Mais Dieu voulut que les vagues furent si impetueuses, qu'il ne fut pas possible d'y aborder. Ce meschant Pilote voyant, qu'il auoit esté frustré de son attente, ne changea pas pourtant de volonté: car leur ayant tenu propos d'aller mouiller l'ancre à la ville de Monbaze, ou il disoit qu'ils trouueroient beaucoup de Chrestiens (ce que toutesfois estoit faux) Gama pressé de la necessité des viures, fut contrainct d'y aller prendre port, ou estant arriué, ce perfide & desloyal Pilote descouurit aux habitans non seulement qu'ils estoient Chrestiens, mais encore ce qu'ils auoient fait au Mozambique, leur disant qu'ils estoient tous prests de leur en faire autant, s'ils ne les preuenoient. Au reste qu'ils pouuoient s'en saisir fort aisement, s'ils les faisoient entrer dans leur port, à la bouche duquel y auoit vne forteresse bien munie d'armes & de soldats & qu'ainsi ils pourroient s'enrichir de leurs despoilles. Les autres entendans cecy firent au commencement bonne mine, & force caresses aux Portugais, quant à l'exterieur, à fin de les attirer dans les lacqs: esquels ils alloient tóber, si Dieu miraculeusement ne les eut assistez. Car comme ils eurent leué les ancrs, pour entrer dans le port, la nauire de Gama s'estant eleuée par l'impetuosité de la marée, beaucoup plus haut, qu'il ne falloit, luy craignant qu'elle n'eschoiât, commanda tout à l'instant aux matelots de baïsser les

*Isles du
fouëtté.*

*Quiloa
ville &
port de
mer.*

*Monbaze
ville &
port de
mer.*

voiles, & aualer les ancrs, tant de son nauire, que des autres. Or comme les mariniers pour executer ce commandement, courroient çà & là, le Pilote & plusieurs autres barbares, qui estoient desia entrez dans le nauire de Gama, cuidans que leur trahison fut des-
Trahison desconuerte.
couuerte, se ietterent tous dans la mer, gaignans à la nage quelques Almadies, qui sont certains petits vaisseaux, de lesquels ils se ser-
Almadies sorte de vaisseaux.
uyoyt comme nous des batteaux. Gama voyant que son Pilote s'en fuyoit avec les autres, cria apres ceux qui estoient aux Almadies, de luy renuoyer son Pilote; eux au cōtraire se moquans de luy, le menerent à bord. Lors cogneurēt ils qu'on leur brasloit quelque malheur, comme ils sceurent par apres au vray: & recognoissans la grace que Dieu leur auoit fait, de les deliurer d'un si grand danger, l'en remercièrent humblement, & poursuiuirent leur route iusques à Melinde: ou ils aborderent par la conduite de quelques Melindois, qu'ils prindrent en chemin, le iour d'apres qu'ils furent partis de Mombaze. A Melinde ils furent tres-bien receus, & caressez
Melinde ville & port de mer.
de merueilles du Roy, qui estoit vn bon & venerable vieillard, fort humble & courtois, mesmes enuers les estrangers. Il auoit vn fils, qui estoit vn ieune homme fort gaillard & disposé, & qui ne ressentoit rien de son barbare. Les Portugais leur firent present des prison-
Paix & alliance du Roy de Melinde avec les Portugais.
niers, qu'ils auoient prins en chemin, puis qu'ils estoient de leurs vassaux, & outre ce leur donnerent tout plein d'autres choses rares, de celles qu'ils apportoyent à cest effect: & contracterent paix & alliance avec eux au nom du Roy de Portugal. Apres s'estre refaits & pourueus de viures, ils receurent encore vn bon pilote, que le Roy leur bailla, pour les conduire en Calicut, ou ils vouloyent aller surgir, leur faisant promettre de repasser par là au retour, pour prendre vn Ambassadeur qu'il vouloit enuoyer au Roy de Portugal: à fin de ratifier & affermir dauantage l'alliance encommencée. Le Capitaine l'ayant en cela contenté, & remercié de tant de courtoisies qu'il leur auoit faict, partit de Melinde, qui est à trois degrez de latitude Australe, sur la coste de mer de l'Ethyopie Orientale, appellée la coste d'Abex, & de là à peu de iours, luy & ses compagnons ayant passé de rechef la ligne Equinoctiale, commencerent à reuoir les estoiles du Nort, qu'ils auoient perdu de veüe tout le temps de leur route vers l'autre pole: & apres auoir trauerse fort heureusement tout ce grand Ocean, qui laue vers le Septentrion le reste de la coste d'Abex, & puis celle de l'Arabie, Carmanie, & autres pais estendus le long de ce grand ri-

*Calicut
port de
mer des
Indes
fort sa-
moux.*

*Onze
mois em-
ployez de-
puis le
Portugal
jusques à
Calicut.*

*Plin. lib.
8. hist. nat.
c. 67.*

uage; en fin par la bonne conduite de leur Pilote, & à l'ayde des vents qu'ils eurent fort propices, mais sur tout guidez & conduits par celuy, qui gouvernè tout le monde, ils arriuerent à vne lieuë pres du port de Calicut, le plus fameux, qui fut es Indes en ce tēps là, situé sur la coste des Malabares, à vize degrez de latitude Septentrionale; ayans fait dans vingt & vn iour sept cens lieuës de chemin (cgr autant en conte-on depuis Melinde iusques à Calicut) là ou ils vindrent surgir sur la fin du mois de May l'an 1498. onze mois apres leur départ de Portugal. Voila comment les Portugais, apres tant de trauaux & dangers, descouuřrent les Indes Orientales, estans passez par le cap de Bonne esperance; exploict à la verité autant admirable qu'aucun qui soit esté fait, ie ne diray pas seulement de nostre temps, mais mesme des siecles passez. Car jaçoit qu'auparauant il y ait eu quelques nauires (si nous adjoustons foy à Plin.) lesquels depuis le destroit de Gibraltar, ont vogué iusques à la mer rouge, & au contraire, depuis ladite mer iusques à la coste d'Espagne; toutefois ç'a esté vne chose si rare, & pour telle cōptée & estimée de tous, qu'on peut croire à bon droit, que ç'a esté plus tost par hazard & fortune; que par conseil & propos delibéré. Mais ceste nauigation des Portugais a esté entreprise tout exprez pour trouuer ce nouueau passage, & a esté conduite à telle perfection, qu'à present ce voyage est si commun & si ordinaire, qu'on ne fait presque plus de cas, ny de la longueur, ny de la difficulté du chemin. A raison dequoy il me semble, qu'ores que les Portugais meritent vne louange immortelle de la posterité, pour auoir trouué ce passage, incognu par tant de siecles, & que des plus entendus estimoient du tout impossible: c'est toutesfois à Dieu principalement auquel nous en deuons donner la louange & action de graces, puis que c'est luy, qui leur a baillé & le courage & l'adresse pour en venir à bout: afin de faciliter par ce moyen la publication de sa sainte Loy, qu'il vouloit estre faite à ces nations tant esloignées de nous, comme il est aisé à cognoistre par l'euenement des choses, que nous deduirons cy apres.

DESCRIPTION DES INDES ORIENTALES,
de la route que maintenant on tient
pour y aller depuis le Portugal

CHAPITRE II.

Auant que passer plus outre, il est necessaire de donner quelque cognoissance des lieux, ou les choses que nous raconterons,

rons, ont esté faites ; puis que ces regions sont tant esloignées de nous, & si peu cognuës par deçà. Car cecy apportera beaucoup de lumiere à toute l'histoire. Mais il faut au prealable faire vn desnombrement & brief recit des principaux Haures, Caps, Isles & Royaumes, qui se rencontrent au chemin que l'on fait, depuis le Portugal iusques à l'Inde. Commenceant donc la nauigation du port de Lisbonne, & cinglant en haute mer, l'on prend la route du Midy, laissant à main gauche le destroit de Gibraltar, & la coste Occidentale de Barbarie, appellée des anciens Mauritanie, ou se voit le mont Atlas, duquel ceste grande mer a esté nommée Athlantique; & au pied d'iceluy ioignant la mer, est situé le cap de Non, duquel cy deuant a esté parlé. Soixante lieuës plus auant, on trouue le cap de Bojador à 27. degrez de latitude septentrionale: & ayant passé le Tropique de Cancer, ou la Barbarie vient à boutir, on recontre le Cap Verd à 15. degrez d'esleuation vers le Nort. Suiuët apres quelques petits Royaumes, comme celuy des Ialoses, compris entre deux belles riuieres, iadis nommées Stachiris & Darathus, maintenant Zanaga & Gambea. Puis on vient à vn cap, qui est au pied de ceste montagne, que les Portugais appellent *Serra lioa*, pres de laquelle commence la Guinée, qui est vne region fort ample, contenant plus de six cens lieuës de coste. Mais les nauires, qui font le voyage des Indes, ne vont pas d'ordinaire costoiant la Guinée, tant pour euitier la longueur de ce chemin, que pour ne tomber és calmes fascheux, qu'on recontre pres de ceste coste, lesquels retardent fort le cours des nauigeans. Car ils sont contrains souuent de s'arrester plus de deux mois en vn mesme lieu, sans pouuoir passer outre. C'est pourquoy les Pilotes taschent de s'esloigner tant qu'ils peuuent de la Guinée. Mais aussi faut il bien qu'ils se gardent de s'en esgarer par trop : car s'ils viennent à donner en certains bancs, que les Portugais, appellent *Abrolhos*, situez non gueres loing de la coste du Brasil, à trois degrez de latitude Australe, ils sont en danger de se perdre, ou s'ils ne font naufrage, ils sont contrains de laisser le voiage des Indes pour ceste année là, & s'en retourner en Portugal. Or toutes ces nations, qui habitent en ces contrées, depuis la Barbarie en bas, tirant vers le Midy, estoient comprises des anciens sous le nom d'Ethyopiens Occidentaux ; comme au contraire ceux qui habitent à l'autre costé opposite de l'Afrique, sur le riuage de la mer rouge, estoient appelez Ethyopiens Orientaux. Apres la Guinée suit le Royaume de Congo ou Manicongo, qui me.

De nom-
brementdes prin-
cipaux ha-
ures, &
caps qui
se trouuēt
au chemin
des Indes.Zanaga
& Gâbea
fleuues.
La Gui-
née.Abrolhos
bancs d'a-
gereux
pres du
Brasil.Congo ou
Manicō-
go Royau-

Zaire
fleuve.

cominence au cap de sainte Catherine, à deux degrez de latitude Australe, & finit au Royaume d'Angola, qui est à neuf. De ce Royaume de Congo sort vne grande riuere nommée Zaire, laquelle (à ce qu'on dit) prend sa source en partie du mesme lac, que le Nil, & se descharge en ceste mer avec telle roideur, que les mariniers puissent de son eau douce, quelquesfois seize ou vingt lieues

Angola
Royaume.

cap Noir.

auant qu'arriuer à son emboucheure: Le Royaume d'Angola comence à l'Isle de Loanda, & finit au 13. degré. De là on vient au cap Noir 55 lieues plus bas. De ce cap tirât vers le Sud iusques au Tropique de Capricorne, il y a six degrez de latitude: & de là iusques

Cap de Bonne
esperance.

au cap de Bonne esperance vnze, qui feront enuiron trois cens lieues baillât à chaque degré 17. lieues & demie, selon la supputation ordinaire des Geographes. Ce promontoire est fort fâcheux & dangereux à doubler, tant à cause de la violence des vagues, comme aussi pour raison des vents impetueux, qui font esleuer de grandes tempestes sur mer, avec la perte de plusieurs vaisseaux, & personnes, tellement que plusieurs l'appellent Lion de mer. Nous auons

Desnombrement
des isles,
qui se rencontrent
en chemin
depuis le
Portugal
iusques au
cap de Bonne
esperance.

iusques icy laissé à part les isles qui se rencontroient au chemin, à fin qu'elles n'empeschassent le cours de nostre route, & la claire cognoissance de toute ceste coste Occidentale d'Afrique. Mais il est raisonnable, que puis que nous auons ietté les ancrs pres du cap de Bonne esperance, nous nous esgayons vn peu à voir en passant les isles que nous auons laissé en chemin faisant vn petit denombrement des plus fameuses qu'on trouue depuis le Portugal iusques audit cap.

Les Isles
Terceres
sont 9.

Commençant dōc à la Tercere (qui est au 39. degré de latitude Septentrionale, comme Lisbonne, bien qu'elle en soit esloignée vers le Ponant 250. lieues,) les nauires reuenans des Indes vont souuent là mouiller l'ancre. Du gouuernement d'icelle dependent huit autres Isles, qu'on appelle à ceste cause d'un mesme nom Terceres; combien que chascune ait son nom à part, qui sont les suy-

Sept d'icelles sont
appelées
de los Azores
en
pouruoy.

uans, la Tercere, S. Michel, S. Marie, S. George, la Gratiouosa, Pico, & Faial, lesquelles on nomme aussi les Isles de los Azores, c'est à dire des Vautours, à cause qu'il y a grande quantité de ces oyseaux.

L'Isle de
Madere.

L'on trouue encor deux autres Isles, qui ne sont pas du nombre des Azores, bien qu'elles soient dépendentes d'un mesme gouuernement, c'est à sçauoir l'Isle des Fleurs, & celle du Corbeau. Apres les Terceres suit l'Isle de Madere, qui est à 32. degrez d'elevation du mesme costé du Nort, & puis les Canaries, jadis appelées For-

tunées, qui sont sept Isles, desquelles voicy les noms; la grande Canarie, l'Isle du Fer, Fuerte-ventura, Gomera, Teneriffa, la Palme, & ^{Les isles} ^{Canaries} Lancatrote; les deux premieres sont en mesme degré d'elevation, ^{ont 7.} que le cap de Bojador.

Les Isles du Cap verd, qui suivent apres, sont dix, elles commen- ^{Isles du} cent au 19. degré, & finissent au 15, qui est la hauteur dudit Cap, ^{Cap Vert} d'où elles ont prins maintenant leur nom. Car anciennement se- ^{sont 10.} lon aucuns, on les appelloit Hesperides ou Gorgades. On trouve ^{Hesperides ou} encor beaucoup d'autres Isles esparées çà & là parmy ceste grande ^{Gorgades} mer: mais les principales & plus celebres sont celles, qui s'ensuy-
uent; l'Isle de S. Thomas, qui est precisement sous l'Equateur; l'Isle ^{Isle de S.} de l'Ascension, à huit degréz & demy de latitude Australe: Celle ^{Thomas.} de S. Helene a 16. degréz & demy, tres-commode pour les mala- ^{Isle de} des, qui viennent des Indes, lesquels on laisse là pour se remettre; ^{l'Ascensio} iusques à quelque autre commodité, qui se presente, pour les en ^{Isle de S.} ramener sains & gaillards en Portugal. Ceste Isle est esloignée de ^{Helene.} la terre ferme d'Angola (qui est la plus proche) 350. lieuës, & 550. du cap de Bonne esperance, ou nous auions ietté les ancrs. Remettant donc les voiles au vent, apres auoir doublé le cap de Bonne esperance l'on prend la route du Nort-est, & costoyant en-
cor l'Afrique vers l'Orient, se rencontre la terre de Noël, puis la ri-
uiere des Rois, & apres ce le Cap des courantes, qui est à 24. degréz ^{Cap des} & demy de latitude Australe. De sorte qu'ayant fait vn degré par- ^{courantes.} delà, on reuiet au dessous du Tropique de Capricorne, & là com-
mence le Royaume de Soffala, compris entre deux riuieres nom- ^{Soffala} mées Magnica & Cuama, qui se deschargent en ceste coste dans la ^{Royaume.} mer. Entré qu'on est vn peu auant en terre ferme, l'on trouue le ^{Magnica} grand & opulent Empire de Monomotapa. Vis à vis de Soffala, ^{Cuama} est l'Isle de S. Laurens, autremēt appellée Madagascar, qui commē- ^{fleuves.} ce au 26. degré de latitude Australe, & finit à l'onzième. Entre ce- ^{Empire de} ste Isle, & le cap des courantes, il y a vn passage tres-dangereux, ap- ^{Monomo-} pellé les bancs de la Iuisue, ou plusieurs nauires se brisent. Mais re- ^{tapa.} tournant à la coste, apres le Royaume de Soffala, suit celuy d'An- ^{Bancs de} goscia & puis l'Isle du Mozambique qui appartient maintenant ^{la Iuisue.} aux Portugais, & leur est fort commode pour faire aiguade, ou s'ar- ^{Mozam-} rester là durant l'hyuer, quand ils passent trop tard le cap de Bonne ^{bique Isle} esperance. Car c'est vn lieu qui a beaucoup de commoditez, excep-
té que l'air y est fort grossier. Elle est à 15. degréz d'elevation Au-
strale; & quelques vns pensent que c'est là, où Ptolomée a situé le

Caffres.

Cap qu'il nomme *Prasum promontorium*. Or tous ceux, qui habitent maintenant en ceste coste, depuis le cap de Bonne esperance, iusques au Mozambique; sont appelez communément des Portugais, Caffres, & tout ce pais là, Caffrerie. Ce sont gens fort inhumains, & barbares, eomme l'ont experimenté ceux, qui ont fait naufrage en leur coste. Ils sont tous quasi aussi noirs, que les Ethiopiens de la Guinée, bien qu'il en y a, qui sont esloignez plus de trente degrez de l'Equateur. Ayant passé le Mozambique, on vient aux Royaumes de Quiloa, Melinde, Pata, Braua, & Magadoxo, qui sont situez selon l'ordre que nous les auons nominez, tout le long de ce riuage, lequel pour estre du domaine du Preste-jan, qui est le Roy des Abyssins en l'Ethiopie Orientale, on appelle la coste d'*Abex*, comprenant toute celle, qui est depuis le Mozambique, iusques au cap de Guardafu. Ce cap icy estoit appellé anciennement

La coste d'Abex.

Cap de Guardafu.

Socotora iste. Golfe Arabique.

Promontorium Aromata, qui sert de borne & limite à l'Afrique vers l'Orient; & vis à vis d'iceluy est l'Isle de Socotora, esloignée trente lieues dudit Cap. En ce lieu la mer fait vn grand golfe, qu'on nomme Arabique, à raison qu'il à l'Arabie du costé Oriental, bien que du costé d'Occident il arrouse vne partie de l'Ethiopie suiecté au Preste-Jan. Car apres auoir doublé le cap de Guardafu, on passe le

Destroit de la Meque.

destroit de ce golfe, maintenant appellé le destroit de la Meque, d'autant que les Mahometains de l'Inde & de tous ces quartiers là entrent par iceluy, quand ils vont à la Meque visiter le sepulchre de leur faux-prophete Mahomet. Comme l'on est entré dans le Golfe, prenât à main gauche, se continue le reste de la coste Abyssine, iusques à la ville de Süaquen, là ou commence l'Egypte: & bien pres de là passerét les enfans d'Israël à pied sec ce bras de mer,

Suaquen ville.

Mer rouge pour quoy ainsi nommée.

appellé autrement la mer rouge: non que de vray les eaux d'icelle soient rouges, mais en apparence tant seulement à raison des montaignes qui sont es enuiron, lesquelles ont force marbre rouge; ou bien d'autant qu'en plusieurs lieux le sable qui est au fonds, est rouge, qui fait que les eaux semblent estre de mesme couleur. De l'autre costé du golfe, est l'Arabie, ou l'on voit le sepulchre

Sepulchre de Mahomet en l'Arabie.

de l'infame Mahomet: & descendant plus bas, apres auoir passé le destroit, on trouue sur la coste de l'Arabie arrousee de l'Ocean les Royaumes d'Aden, Xaël, & Fartaque, avec quelques autres. Là est aussi la cité de Dofar, & le port de Curia Muria, les villes de Curiate, & Mascate, avec quelques autres. Ayant ainsi costoyé l'Arabie, l'on vient à vn autre grand canal, par lequel la mer entre bien auât

dans la terre ferme, & faiët le golfe qu'on appelle Perlique, à cause *Golfe Per*
 que du costé du Leuant il baigne la Perse, bien qu'au Ponant il ait *sique.*
 l'Arabie. Au destroit de ce golfe, du costé de l'Arabie, se rencontre
 le cap de Moncadon, appellé des anciens *Affaborum promontorium*; *Cap de*
 & tout aupres d'iceluy, l'isle de Gerum, ou est sise la ville d'Ormuz, *Moucadé*
 capitale d'un ancien Royaume de mesme nom, iadis fort opulent, *iadis Af-*
 & riche; & qui commandoit bien auant dans la Perse. A main gau- *saborum*
 che l'on trouue les villes de Iulfar & Baharen, appartenantes au *promon-*
 Royaume d'Ormuz, & entre l'une & l'autre se faiët la pesche des *Ormuz*
 perles, les plus excellentes, & precieuses de l'Orient. Au bout de ce *ville &*
 golfe vers le Nort, est la ville de Bassora, bastie sur l'emboucheure *Royaume*
 de ces deux fleuues tant renommez, Tigris, & Euphrates. De l'autre *Bassora*
 costé est la Perse, & à l'ysüe du mesme golfe se iette dans la mer *ville.*
 vne pointe de terre qu'on nomme à present le cap de Iasque, & *Cap de Ias*
 iadis *promontorium Carpella*. De là iusques à l'Inde, c'est la coste de *que iadis*
 Carmanie, apres laquelle suit l'isle de Diu, située à la premiere & *Carpella*
 plus Occidentale emboucheure du Sinde, qui est le mesme que le *prom.*
 fleuue *Indus*, duquel toute ceste grãde region à prins son nom: & *Diu Isle.*
 laquelle il nous faut en ce lieu briefuement descrire. *Sinde*
fleuue le
mesme

Les anciens ont constitué deux Indes; l'une qu'ils appelloient, *que Indus*
India intra Gangem, comprenant tout ce qui est entre les deux ri- *Deux In-*
 uieres Indus & Ganges, qu'on nomme maintenãt Indostan: l'autre *des selon*
India extra Gangem, contenãt tout ce qui reste du costé du Leuãt *les anciens.*
 depuis le Ganges iusques à la Chine. A la mesme diuision se rap-
 porte celle, de laquelle on vse maintenant: car on la diuise coustu-
 mierement en l'Inde basse, qui est la mesme que l'Indostan, & la *L'Inde*
 haute, qui est le reste depuis le Ganges, iusques à Malaca, ou à la *basse &*
 Chine. Mais à proprement parler, l'Inde est seulemẽt ceste region, *haute se-*
 qui est enclose de ces deux fameuses riuieres Indus & Ganges. *tu les mo-*
 L'Indus coule du costé d'Occidẽt, & le Ganges d'Orient; & toutes *dernes.*
 deux ont leurs sources en la montagne d'Imaus, qui est vne partie *Monta-*
 du mont Caucaise tant renommé parmy les anciens. Elles sont *gne d'I-*
 à quinze lieux loing l'une de l'autre, par vne esgale distance du *maus par-*
 Septentrion. De là ces fleuues descendẽt avec vne grande viftesse, *tie du mõt*
 & font plusieurs tours & retours, desquels ils tranchent tout plein *Caucaise.*
 de prouinces, & croissent tousiours par le moyen d'un grand nom-
 bre de ruisseaux & petites riuieres, qui se perdent dans iceux: & fi-
 nalement se deschargent avec grande abondance d'eaux, dans la
 mer Oceane; chascun d'iceux dans vn golfe fort grand. Car la terre

s'estend en longueur fort auant vers le Midy, depuis l'emboucheure du fleuve Indus, iusques au cap iadis appellé Cori, maintenant Commori: puis remontant vers l'emboucheure du Ganges, elle tourne descendre iusques au cap de Sincapura, qui est vn peu par delà Malaca.

l'Inde

basse à for Or quant à l'Inde basse, selon qu'on la nomme maintenant, qui
me de la est l'Inde *intra Gangem* des anciens, quelques vns ont remarqué
range. qu'elle a la forme de lozange: les deux coings de laquelle du Sud
Cōtrarie au Nort, sont le cap de Commori, & le mont Imaüs, esloignez l'un
re des fai- de l'autre par droite ligne quatre cens lieüs pour le moins. Entre
sous quasi ces deux coings, il y a des montagnes qui se vont continuant tout
en mesme le long de l'Inde, iusques au cap de Commori, & font ceste mer-
*lieu ad-*ueilleuse distinctiõ des saisons, qui rend muets tous les plus grands
mirable. Philosophes, attendu qu'ils ne peuuent donner raison pertinente,

Roya- comment il se peut faire, qu'en mesme climat, & au mesme degré
mes qui de latitude Septentrionale, lors que du costé d'Occident de ces
sit sur la montagnes il fait vn hyuer tres-fachieux, & plein d'orages, du costé
coste de d'Orient au mesme temps il y fait vn beau prin-temps, ou esté; &
l'Inde. la mer y est calme, & fort propre à nauiger. Mais laissons cela pour

Iste & vne autre saison. Quant aux autres deux coings de la lozange du
ville de Leuant au Ponant, ce sont les deux bouches plus esloignées des
Diu. fleuues Indus & Ganges, par lesquelles ils se deschargent dans la

Royaume mer; & ont de distance l'une de l'autre par droite ligne, trois
de Cam- cens lieüs, ou enuiron. Or bien qu'en tout ce grand pais, il y ait
Baye, ou beaucoup de Royaumes & Prouinces: toutesfois nous ne parle-
Guzarate rons que de ce qui est sur la coste de mer. Commençant donc à la

Roy de premiere & plus Occidentale bouche du fleuve Indus, là est située
Mogor. l'Isle & la ville de Diu, qui appartient maintenant à la Couronne

Bazain, de Portugal, bien qu'elle soit dans le Royaume de Cambaya, où
Damā & Guzarate, qui est le premier de l'Inde du costé d'Occident, & à pre-
Chaul sent tenu par le Roy de Mogor, Seigneur de la plus grande partie
ville. de l'Indostan. En la coste de ce Royaume outre ladite ville de Diu,

Decā Roy- les Portugais ont encore les villes de Daman & Bazain; & à dix
alme. lieüs de là Chaul, ou commence le Royaume de Decan, suiuy de

Canara celuy de Canara, auquel est compris l'Isle & la ville de Goa, Ca-
Royaume. pitale de toutes celles, que les Portugais tiennent en Orient. Vn

Capitale peu plus bas vers le Sud, commence la coste du Malabar, qui com-
de l'estat prend cent & quarante cinq lieüs du riuaige de mer: les quarante

des Por- cinq premieres appartiennent au Roy de Bishnaga, ou Narfinga, le-

Portugais en l'Inde.

Coste du Malabar

Roy de Bishnaga

ou Nar- finga.

quel (outre vn grand païs, qu'il a dans la terre ferme, venant aboutir à l'autre mer du Leuant) tient encor quelque peu de la coste du Malabar, & en icelle les villes & Royaumes d'Onor, Batticala, & quelques autres. Viennent apres tous de rang les Royaumes de Cananor, Calicut, Cochîn, Porca, Colan, & Trauancor, lequel aboutit au cap de Commori, là où la coste du Malabar prend aussi fin. En ceste mer on rencontre les Isles Maldiues, qui sont vnze cens en nombre, comme plusieurs assurent, bien qu'il en y a d'autres qui disent, qu'on ne peut bonnement sçauoir le compte. Les plus proches de la terre ferme, ne sont pas loing du cap de Commori plus de soixante lieuës. Apres auoir doublé ce Cap, l'on trouue aussi vne Isle tres-belle & riche, nommée Ceilan, si proche de la terre ferme, qu'on l'estime auoir esté autrefois coniointe avec ledit Cap, comme se dit de la Sicile avec l'Italie. Ceste Isle est fort plantureuse, & contient plusieurs Royaumes, desquels le plus proche de la terre ferme est celuy de Iasanapatan, ou les Portugais ont fait de grands exploits de guerre, comme nous dirons cy apres. Ils ont vne forteresse située en vne petite Isle nommée Manar, qui appartenoit jadis audit Royaume : mais s'estans rendus maistres d'iceluy, ils ont retenu tant seulement ceste Isle, pour l'assurance de la pesche des perles, laquelle se fait tout aupres de Manar, entre l'Isle de Ceilan, & la coste de la pescherie, qui est en la terre ferme du costé du cap de Commori ; là ou suivant tousiours le riuage de la mer, l'on commence de rechef à monter vers le Nort. On appelle ceste mer qui est depuis ce Cap, iusques à Malaca, ceinte de la coste de la terre ferme en façõ de demy cercle, ou plustost de demie ouale, le golfe de Ganges, à raison que le fleuve Ganges se descharge dãs la mer, au plus haut bout vers le Septentrion. On la nomme aussi le sein de Bengala, pource que le Royaume de Bengala tient vne bonne partie de la coste ; combien qu'il en y a outre ce beaucoup d'autres. Car ayât doublé le cap de Commori, vous trouuez, comme a esté dit, la coste de la Pescherie, ainsi appelée à cause de la pesche des perles, qui s'y fait, venant aboutir au cap de Remanancor. Puis apres il y a vn autre petit sein, qui aboutit au cap de Nagapatan, là ou commence la coste de Choromandel ; & quarante lieuës plus auant on trouue la ville, qu'on appelle maintenant de S. Thomas à cause que l'Apostre S. Thomas y fut martyrisé, comme l'on tient de toute ancienneté en ce païs là : les Portugais l'ont bastie sur les ruines d'une autre qu'on nommoit jadis Meliapor.

Royaumes de Cananor, Calicut, Cochîn, &c.
Illes Maldiues sont 1100. en nombre.
Isle de Ceilan.

Isle de Manar.

Coste de Choromandel.
Meliapor ou ville de S. Thomas.

*Orix
Royaume
Bengala
Royaume
Chatigan
ville &
port de
mer.
Arracan
Pegu, Si
Royaume
mes.
Malaca
ville &
Royaume.
Cap de
Sincapura.
Pan, &
Patane.
Camboya
Royaume
Coste de
Chiampa.
Cochinchi
ne Roy-
aume.
Cap de
Haute-
terre com-
mencemēt
de la Chi-
ne.
Macao
ville de la
Chine ou
les Portu-
gais habi-
tent.
Isle de
Sumatra.
Isle Jawa
Major.
Siida de-
stroitt &
port de
mer.*

cinquante lieues pardelà ceste ville, s'acheue la coste de Choro-
mandel, toute laquelle contrée appartient au Roy de Bisnaga, ou
Narsinga, qui est le mesme. Le Royaume d'Orix suit apres, & cō-
prend cent lieues de ladite coste, borné au Leuant du fleuve Gan-
ges, là ou commence le Royaume de Bengala; & poursuyuant tous-
jours la coste de mer on rencontre la ville de Chatigan capitale
de Bengala & port de mer, là où ce Royaume finit de ce costé là.
Suyuent apres tous de rāng les Royaumes de Arracan, Pegu, Sion,
& deux ou trois autres petits, sçauoir est Tanasserij, Queda, Pera;
& le dernier de tous est celuy de Malaca, que les Portugais possè-
dent à present. Trente lieues plus auant que Malaca l'on rencon-
tre le cap de Sincapura; & apres l'auoir costoyé, l'on trouue à main
gauche les Royaumes de Pan & Patane, qui à present sont subjets
au Roy de Sion, & cōprennēt tous deux quatre vingts lieues de la
coste de mer: puis s'ensuit l'autre riuage du Royaume de Sion, car
il est baigné de la mer tant du costé du Ponant que du Leuant: &
de cestuy-cy il aura bien pres de cent lieues de coste, venant abou-
tir au Royaume de Camboya, le riuage duquel l'on nomme com-
munement la coste de Chiampa. Suit apres la Cochinchine, de-
puis le bout d'un petit golfe, qu'il y a de mesme nom: & soixan-
te lieues plus auant l'on trouue le cap de Haute-terre, ou com-
mence ce grand & opulent Royaume de la Chine, diuisé en quin-
ze Prouinces, qui pourroient faire autant de Royaumes. De ce cap
iusques à la ville de Macao, ou les Portugais se tiennent à present,
il y a 90. lieues; & de Macao à la ville de Canton, qui est la Metro-
politaine de ceste premiere Prouince la plus Australe de la Chine
quelques trente: mais nous traiterons en son lieu plus amplement
de la situatiō & diuision de ce Royaume, qui est le dernier de l'A-
sie du costé du Leuant. Reste maintenant de donner quelque co-
gnissance des Isles les plus celebres de ceste mer, que les Portu-
gais appellent Archipelago de S. Lazaro; Commençāt donc à l'Isle
de Sumatra, qui n'est qu'à dix lieues du cap de Sincapura, située
precisement sous la ligne Equinoctiale, qui la trenche par le mitan;
c'est la plus grāde, la plus fertile, & la plus riche de toute ceste con-
trée, contenant beaucoup de Royaumes, & entre autres celuy de
Paçen, Pedir, & Achen; qui sont sur la partie la plus Occidentale de
l'Isle. Du costé le plus Austral de Sumatra, l'on void l'Isle nommée
Iaua Major, qui fait avec celle de Sumatra vn destroit appellé Sun-
da, prenant son nō d'une ville de la Iaua Majeur. Il y a vn port fort
hanté

hanté appellé de mesme. Apres la Iaué majeur, 25. lieues plus auant vers l'Orient; est située la Iaué mineur: & montant plus haur vers le Nord, sont les Isles Bornéo, Celebes, & Geilolo, qui sont franchées toutes par la ligne equinoctiale. Là est aussi la Batochina du More, au long de laquelle du costé d'Occident, l'on void les cinq Moluques, Ternate, Tidore, Moutel, Maquien, & Bachan, toutes de rang, selon qu'elles ont esté nommées, commençant du Nord au Sud. Eten peu plus bas vers la partie Australe, est l'isle d'Amboyno: mais a costé d'icelle cinglant à l'Est, on récontre les Isles de Banda, qui portent en abondance le macis, & la noix muscate, comme les Moluques les cloux de girofle; dont elles sont tant recherchées & desirées. L'isle de Macazar est quarante lieues loing des Moluques vers l'Orient. Montant plus haur vers le Nord, on trouue l'isle de Mindanao; & poursuivant la mesme route du Midy au Septentrion, se void vne infinité d'autres petites Isles, la plus grande de toutes est celle de Luffon, d'où toutes les autres sont aussi appellées Luffones. Mais parce que les Espagnols les ont conquises du temps de Philippe 2. Roy d'Espagne, ils leur ont baillé ce nom de Philipines. Le Gouverneur d'icelles pour le Roy d'Espagne se tient d'ordinaire à la ville de Manille, qui est en l'isle de Luffon à 14. degrés d'elevation Septentrionale. Elles commencent vis à vis de la coste de Chiampa, d'où il n'y a que quelques lieues iusques à la plus proche de ces isles, & sont encore plus voisines de la Chine vers l'isle de Luffon. Apres les Philipines cinglant tousiours du Sud au Nord, suivent les isles appellées Lequies, puis celles du Japon, 60. lieues par delà le cap de Liampo, le plus Oriental de la Chine, & de l'Asie. Ces isles du Japon sont en grand nombre; mais il y en a trois principalement, qui sont les plus grandes de toutes, à sçavoir Nisô, Xicoco (que d'autres nomment la Tença) & Ximo, toutes habitées & bien peuplées de gens fort civils & honnestes, mais sur tout fort vaillans & adroits aux armes. Entre le Japon & la Chine, il y a vn pays nommé Corai, duquel & de plusieurs autres, qui ont esté cy dessus mentionnez, nous parlerons (Dieu aydant) plus amplement en ceste histoire.

COMMENT LES PORTUGAIS ASSISTEZ
du secours divin, se sont achrez & maintenus en l'Inde, outre
toute esperance humaine; & de quelle façon ils ont
conquise la ville de Goa.

C'est à la verité l'une des plus grandes merueilles, qui soient aduenues en nostre temps, que d'auoir trouuée ceste nouuelle route des Indes, du tout incognüe à nos deuanciers, comme plusieurs estiment, ou à tout le moins si rarement tenuë, & depuis si long temps qu'il n'en restoit aucune memoire ny vestige; & encores d'auoir rendu ce chemin si commun & si battu qu'il est, le raccourcissant de plus de la moitié; eu esgard au temps qu'on y employe maintenant en comparaison de celuy qu'on y mettoit jadis. Car au commencement que ceste route fut trouuée, le moins qu'on demeurait à la faire, c'estoit vn an ou dauantage, comptant seulement le temps qu'on employoit pour aller de Portugal aux Indes. Mais depuis qu'on a eu l'experience des diuers mouuemens de la mer, causez des vents, qui ont accoustumé de souffler ordinairement durât certain temps de l'année, propres pour faire voile d'un lieu à vn autre, (ce que les Portugais appellent communément Monçon comme qui diroit mouuement & ces vents Generaux) six ou sept mois, & quelque fois cinq suffisent à ce voyage de Portugal à Goa. Car l'on ne va pas maintenant costoyant la terre ferme, comme faisoient les premiers: ains sortans de Portugal, ils cinglent en pleine mer vers le Sud, iusques à la veüe de l'Isle Madere, qui est esloignée du port de Lisbonne environ 150. lieues. De là ils se vont rendre à la hauteur des Isles Canaries, soixante cinq lieues plus auant; puis à celles du Cap Verd, 250. lieues plus outre; d'où apres auoir fait trois cens lieues de chemin, tousiours du Nort au Sud selon la droite ligne, ils se trouuent vis à vis de la coste de la Guinée; & de là iusques au cap de Bonne esperance, il y a mille lieues. Doubté qu'ils ont ceste pointe, ils tournent les proies vers le Nort, & cinglent droit au Mozambique l'espace de 500. lieues de chemin. Là ils ont accoustumé de mouiller l'ancre, pour se reposer quelques dix ou douze iours, & se pouruoir ce pendant d'eau douce & de viures; puis remettent les voiles au vent, & tirent droit à Goa, faisant d'ordinaire huit cens lieues tout d'une traite. Somme qu'ils font pour le moins trois mil septante cinq lieues de chemin, quelque fois en cinq mois, sans mettre en ligne de compte les desloirs & vireuoltes, que les tempestes & autres diuers accidents leur font faire; ce qui sembleroit vne chose incroyable, si l'experience ne nous en assuroit. Mais le plus admirable de tout, c'est de voir qu'une nation si esloignée des Indes comme est celle des Por-

*Voyage
des Indes
redu beau
coup plus
battu &
pl' court.*

*Monçon
que signi-
fie en Por-
tugais, &
ce qu'ils
entendent
par vents
generaux*

*Merueil-
les gran-
des en l'e-
stablisse-
ment de la
puissance
que les
Portugais
ont esfu-
des.*

tugais, & de moindre estenduë de pais qui soit presque en toute l'Europe, enuoyant seulement quelque petit nombre de gens, & de vaisseaux en ces quartiers là, ait conquis tant de places, isles, & citez; basti tant de citadelles, & forteresses, mesmes es principaux ports de mer qui fussent au Leuant; brief qu'ils se soient rendus maistres si absolus de la marine, que durant plusieurs années, il n'y a eu Payen ny Mahometan, qui osât faire voile, avec assurance sur la mer Indienne, sans auoir vn passeport ou sauf-conduit des Portugais; jaçoit que la plus part des Roys & Princes de ces pais là se soient opposez à eux avec toutes leurs forces, empruntans aussi celles du grand Turc & du Soldan d'Egypte (quand son Empire estoit encore en pied) lesquels leur ont enuoyé plusieurs fois de grosses flottes, & puissantes armées, pour esteindre du tout en Orient le nom des Portugais, & des Chrestiens. Mais Iesus-Christ Sauueur du monde qui est à bon droit appellé par le Prophete, *Le bras puissant du Seigneur*, à rompu & mis à neant tous leurs efforts, *51.* donnant aux Portugais des victoires tant signalées sur leurs ennemis, qu'il n'y a celuy, qui les lisant, ne confesse estre ceuures propres & peculieres de la toute puissante main du Seigneur des armées. Aussi à on veu par fois les Anges & les Saints batailler en leur faueur, comme leurs ennemis mesmes ont tesmoigné, signamment au siege de la citadelle de Diu. Or comme il ne faut pas moins de force, pour conseruer ce qu'on a gaigné, que pour le conquieser, il faut aduoüer pareillemēt que par la seule assistāce du secours diuin, ils se sont iusques à present maintenus es Indes au milieu de tant d'ennemis, desquels ils sont entourez. De façon qu'il semble, que nostre Seigneur à voulu monstrier particulièrement es Indes estre veritable ce que son Prophete auoit long temps auant predict de luy, l'assurant de la part du pere Eternel, *Qu'il regneroit au milieu de ses ennemis.* Car c'est luy seul sans doute, qui a fait qu'une poignée de Chrestiens, à demy rompus & cassez d'une si longue & si fascheuse nauigation de tant de mille lieues, si esloignez de tout aide & secours humain, en pais, & en air si different du leur naturel, euiironnez de tant d'ennemis beaucoup plus puissants qu'ils ne sont, se soient neantmoins maintenus en la domination & puissance, qu'ils ont vne fois acquise, sans auoir perdu quasi vn pouce de terre, depuis qu'ils y ont mis le pied. Et ne faut pas penser, que leurs ennemis les laissent commander de la façon par faute de courage, ou d'armes semblables aux nostres, ou d'ad-

Les Por-
tugais
ne se pou-
uoient

mainte-
nir es In-
des, sans
vne parti-
culiere as-
sistance

de Dieu.
Pl. 109.
Domina-
re in me-
dio ini-
micorū
tuorum.

Indiens
Orientaux
fort aguer-
ris & a-
droits
aux ar-
mes.
dressée en icelles, comme il est advenu es Indes Occidentales. Car les nations Orientales sont bien plus belliqueuses, & aguerries, & ont tasché par diuerses fois de chasser les Portugais de ces pais là, nommément les Roys de Calicut, & de Cambaya, qui estoient lors les plus puissans de l'Inde. Ils ont aussi des armes semblables aux nostres, voire des artilleries, & ce en plus grand nombre, que nous; force mousquets, arquebuses, & autres baltons à feu, desquels ils s'aident prou dextrement, & tous les iours s'y façonnent dauantage. Car ils ne manquent pas ny d'esprit pour en faire, ayants mesmement esté aprins des Europeens; ny d'industrie pour s'en seruir. D'ailleurs nous scauons comme ils ont fait venir à leur aide maintes fois les Turcs & Mammelus, qui sont estimez les plus braues

Les Turcs
& Sarra-
zins ont
tasché de
chasser les
Portugais
des Indes
& Pour
quoy.
Les Crois-
sans sont
les armées
des
Turcs.
soldats de tous les Sarrazins; lesquels desiroient autant ou plus que les Payens, exterminer de l'Inde les Portugais; & ce principalement pour deux causes. La premiere à raison de la foy & Religion Chrestienne, que les Portugais professent, & de laquelle tous les Sarrazins sont ennemis iurez. De façon qu'ils creuoient de despit voyans la Croix arborée sur les nauires des Chrestiens, voguer sur ceste mer des Indes, ou leur croissant auoit auparavant tant de vogue: & se faisoient encore beaucoup plus de ce que les Portugais, par le moyen des forteresses & flottes, qu'ils auoient en l'Inde, empeschoient les Mahometains Orientaux d'aller si librement, comme ils faisoient auparavant, visiter le sepulchre de leur faux prophete. La seconde estoit fondée sur l'estât & mesmement sur le profit, qu'ils retiroient du commerce, lequel ils auoyent libre avec les Indiens. Car ils estoient jadis, quasi les maistres absolus de la mer, & de tout le trafic, qui se faisoit es Indes; & voyans maintenant que les Portugais les venoient debouter de leur ancienne possession, & les chasser des principaux ports & villes de l'Inde, qu'ils auoyent enuahy; l'on peut penser combien cela deuoit cuire, tant aux particuliers qu'à leurs Princes & Seigneurs & nommément au Soldan d'Egypte, & au grand Turc; lesquels par ce moyen estoient frustrez de tant de dages, impositions, peages, & autres reuenus, qu'ils retiroient des ports & passages, ou ces marchandises estoient portées appartenans à leur domaine. Car auant la nauigation des Portugais, il n'y auoit autre ouuerture, pour passer de l'Europe, aux Indes, que par les terres des Princes Mahometains; & les especeries, perles, pierres precieuses, & autres marchandises du Leuant, ne venoyent point en nos mains, que par

Les mar-
chandises
du Leuant
ne venoient
aux Chre-
tiens que
par les
maines des
Sarraz-
zins.

celles des Turcs, Egyptiens, ou Persans; tous en fin Sarrazins; d'autant que c'estoient eux tant seulement, qui trafiquoient és Indes; & en rapportoient ces denrées par les golfes Persique, & Arabeque & de là les enuoyoient avec leurs Carauanes en Egypte, Palestine, & autres lieux, qui estoient sous la puissance des Sarrazins, d'où les marchands d'Europe, & les Chrestiens mesmement estoient contraincts de les acheter. Mais depuis que les Portugais se sont rendus maistres de ceste navigation, non seulement ils en pouruoient les Royaumes d'Europe, & toute la Chrestienté à meilleur compte, ains encore empeschent que les Sarrazins ne s'enrichissent pas, comme ils faisoient à nos despens, pour nous faire la guerre par apres avec nos propres moyens. Aussi fust-ce l'une des principales causes, qui esmeut le Roy de Portugal, à faire chercher la route des Indes, afin de transporter ce trafic des Sarrazins aux Chrestiens, & notamment à son Royaume. Ce fut aussi la raison, pour laquelle dès aussi tost que les Portugais furent arrivez aux Indes, les Sarrazins se doubtrant bien qu'ils estoient venus pour destourner leur trafic, se banderent contre eux, & sollicitèrent les Princes & Rois Gentils de l'Inde, à rompre la paix & l'alliance qu'ils auoient faite avec les Portugais, d'où s'ensuyuirent de grosses guerres. Mais en fin ils en tomberent des despens. Car les Portugais prindrent sur eux quatre des meilleures places & ports de mer, qu'ils eussent en l'Inde. La premiere est la ville d'Ormuz située sur le détroict du golfe Persique, confinant avec la Perse du Leuant, & du Ponant avec l'Arabie, place de tres-grande importançe, pour empeschier le commerce des Mahometains. Le second est l'isle de Diu, sise à la premiere embouchure du fleuve Indus vers le Ponant; l'une des plus fortes places de tous ces quartiers là, & presque inaccessible, soit par mer, soit par terre; & pour ce qu'elle est souuent assaillie des Turcs, & Cambayés; mais plus vaillamment defendue par les Portugais. La troisieme est la ville de Goa soit commode pour raison de l'affiète. La quatrieme est la ville de Malaca, qui est comme la chef de toutes les contrées du Sud, ou de l'Inde haute, des Moluques, & autres isles, d'où l'on porte les drogues, especeries, & semblables marchandises. Or toutes ces places & plusieurs autres, que les Portugais tiennent es Indes, furent conquestées & defendues avec d'heurs & rencontres si esmerueillables, que l'on ne peut nier que ce ne soit la diuine prouidence, qui les y a establis & maintenus iusqu'icy. Et de fait ceux mesmes qui se trouuoient en

*Transport
du trafic
des Indes
en Portugal.*

*4. Fortes
places
prises
par les
Portugais
sur les Sarrazins des
Indes.*

ces entreprises, ilgeoient tres-grande temerité es Capitaines d'at-
têter chosés semblables, qui surpassoient selon les discours de tous
les plus sensez & mieux aduizez; toute force & puissance humaine:
Que si nous voulions nous arrester à deduire cecy au long, comme
la chose merite, il faudroit en faire vn gros liure. Mais ceux qui
voudrôt veoir vne plus ample preuve, pourrôt lire tout plein d'hi-
storiciens de nostre temps, qui ont biē leeu remarquer ces merueil-
les. Seulement pour exemple ie toucheray icy en brieſ la prise de
la ville de Goa, puis que c'est la capitale de toutes celles, qui ap-
partienent à la Couronne de Portugal es Indes Orientales.

Du temps que les Portugais aborderent la premiere fois aux
Indes, il y auoit vn Sarrasin, nommé Sabai, ou Sabao, qui posse-
doit l'Isle de Goa, & quelques autres lieux d'alentour. Il auoit
en ceste Isle vne belle Cité appellée aussi Goa, qui estoit l'vne
des plus grandes & fameuses de l'Inde; à cause du concours & af-
fluence des marchands, qui abordent là de toutes parts, pour rai-
son du trafic, tant des espiceries, que des cheuaux de Perse, qu'on
y venoit rendre, ou acheter. Si que plusieurs marchands, princi-
palement des Sarrasins, allochez tant par l'esperance du gain &
profit, que par la commodité & beauté du lieu, s'arrestoient là pour
y faire leur demeure. D'ailleurs c'estoit vne ville desia lors des plus
fortes, qu'il y eut en l'Inde; car elle estoit ceinte de bonnes & for-
tes murailles, flanquée de grosses tours, pourauec de grande quan-
tité d'artillerie, & autres munitions de guerre de toute sorte; & si
oultre cela il y auoit d'ordinaire vne bonne garnison de braues sol-
dats, & bien aguerris: car Sabai attiroit a soy par bonnes soultes &
pensionis, tous ceux, qu'il scauoit s'estre bien portez en guerre. Or
si tost que les Portugais furent venus en l'Inde, Sabai tascha de les
endormager en tout ce qu'il luy fut possible, vsant tantost de ruse,
tantost de force, & eniesme vn peu auant sa mort, il faisoit de grands
apprests pour les aller assaillir, du surprendre; mais là dessus il fut
luy mesme surprins de la mort. Son fils nommé Idalcā luy succe-
da, contre lequel comme estant encor ieune & peu expérimenté
aux affaires, plusieurs de ses suicés se reuolterent, & de plus les
Roys d'alentour s'aperceuaient que le temps leur fauorisoit, voulu-
rent se venger des torts & iniures qu'ils auoient recē de son perē,
tellement que le Roy de Narfinga commença d'entrer avec gran-
de puissance sur les frōtieres de ses terres. Pour luy faire teste, Idal-
cā tira de la ville de Goa vne bonne partie de la garnison, qu'il y

auoit, & auce icelle s'en alla, resolu de s'opposer aux desseins de son ennemy. Le Gouverneur des Indes pour le Roy de Portugal, qui estoit lors Alphonse d'Albuquerque (lequel pour ses hauts faicts d'armes en la conqueste des Indes, à iustement acquis le nom de *Alphonse* Grand) aduerti de cecy par vn autre Roy. nommé Tamoya grand ennemy d'Idalcan, & confederé des Portugais, trouua bon de charger en ceste entreprise celle qu'il auoit protecté d'aller assieger la ville d'Ormuz en Arabie; tellement que suyui de toute son armée, & assisté encore de l'ayde dudit Tamoya, il se jette si soudain sur l'isle de Goa, qu'il se saisit dans peu de temps de deux chasteaux, qu'il y auoit pour la defense d'icelle sur l'emboucheure du fleuve, qui l'environne enuoyant dire, à ceux de la ville, que s'ils se vou-
loient rendre, il verseroit de clemence & douceur enuers eux; sinon, qu'il leur feroit sentir les rigueurs de la guerre. Ceux de la ville se voyans surprins à l'impourueu, & inuestis d'une armée, qu'ils n'at-
tendoient aucunement; considerans aussi que leur prince Idalcan estoit bien loing pour leur donner secours, trouuerent pour le mieux de se rendre vassaux, & tributaires du Roy de Portugal, à fin d'auoir leurs vies sauues. Idalcan aduerty de la perte de sa ville capitale s'en ressentit grandement, & ayant fait rescrires auec le Roy de Narsinga, aux meilleures conditions qu'il peut, enuoya son armée deuant, pour recouurer la ville de Goa. Le grand Albuquerque de l'autre costé comme il eust recogneu la bonté du pais, & la commodité du lieu, taschoit de se bien munir, & fortifier dās la ville, la designant des lors pour estre, comme elle est à present, la capitale de tout ce qui se gaigneroit en l'Inde pour le Roy de Portugal; car ell'est située quasi au beau milieu de toute ceste coste de mer, qui comprend le Cambaya, le Decan, le Canara, & le Malabar, tres-
propres pour y tenir les flottes, & se rendre maistre de toute ceste mer de l'Inde basse. Toutefois Albuquerque ne peult bien faire pour lors, qu'on ne l'en desnichast: car Idalcan par le moyen de ses forces, & nommément de quelques braues Capitaines, qu'il auoit en sa suite, recouura sa ville, aidé aussi par ses anciens vassaux, lesquels voyans deuant leurs yeux les forces d'Idalcan, pour rentrer en ses bonnes graces prindrent les armes contre les Portugais, qui furent coectrains apres s'estre defendus fort vaillamment pour vn temps, de sortir tous vne nuit, au grand hazard & danger de leurs vies, & se sauuer au Royaume de Cananor. Le Narsinga apres quelque temps, entre derechef avec vne puissante armée dans les

terres d'Idalcan, lequel à ceste occasion fit assembler toutes les forces, qu'il peut, pour luy faire teste: toute fois ayant esté apprins par le passé, & se craignant que le Gouverneur Albuquerque ne reuine donner sur la ville de Goa, il laissa pour la garde & defense d'icelle, neuf mille soldats des plus braues, qu'il eut en tout son camp. Tamoya donna cependant aduertissement au grand Albuquerque de tout ce qui se passoit, lequel estant marry d'auoir perdu ceste place, fit soudain vne flotte de tous les nauires qu'il auoit, & print tous les Portugais & gens de guerre, qu'il peut recouurer, se renforçant encoir de quelques troupes, qui estoient fraichement arriuees de Portugal. Auec cest equippage lors que moins on l'attendoit, il s'en alla fondre sur la ville de Goa, avec telle impetuosité que ceux, qui estoient dedans ne luy pouuans resister, furent contraints faire iour, & comme il l'eust ainsi prise par force, il fit passer plusieurs des habitans au fil de l'espee, chassant, pour seruir d'exemple, ceux qui apres la premiere prise s'estoient reuoltez contre luy. Cet exploit si braue & si soudain, donna vne telle espouuante & frayeur à toute ceste Isle, que les habitans d'icelle vindrent incontinemy se retirer au pied du grand Albuquerque. Ce pendant il fortifia bien la ville, & les principales aduenues de l'Isle, de sorte que Idalcan ne la peut onques depuis recouurer, bien qu'il l'attenta plusieurs fois, perdant tousiours grand nombre de soldats aux batailles, & grand nombre de canibouches, qui luy estoient entre les Portugais & luy. Alcantara ne se voyant pressé d'affaires, que par voye de pais & de commerce, fut contraint de quitter les Isles de Goa, Choz, & Diu, & renouela toute sa mer de Sal etc, qui sont maintenant adonnez à la Couronne de Portugal. Voilà comment les Portugais ont gaigné l'Isle de la ville de Goa, non par vaillance seule, mais par vraye aide & assistance de Dieu, comme eulx mesmes le confessent, si que plusieurs des Capitaines, qui Albuquerque que nous menent ceste expedition, se banderent contre luy, l'accusant de temerité, pour vouloir entreprendre vne chose si hardie, & à leur aduis impossible. Mais Dieu qui luy donnoit le courage de l'entreprendre, luy fit encoir la grace d'en venir à bout. Au lieu de la ville de Goa, il eut le bénéfice de la main de Dieu. Car si tost qu'il eust gaigné la ville, il y fit bastir en diligence vne belle Eglise, dans laquelle il colloqua vne Croix de bronze, portant l'image de Nostre Sauueur Iesus Christ crucifié, qui fut trouuée en demollissant quelques maisons ou Temples d'idoles, pour y faire les murs de la

Le Grand
Albuquer
que re-
prit Goa.

Idalcan
se retire.

Idalcan
cede au
Roy de
Portugal
les isles
de Goa,
Choz, &
Diu, &
apres de
pays de
Salsete.

Croix &
image de
Nostre
Seigneur
vierge ex
vieilles
maisons
de Goa.

de la ville, ou de la citadelle; preuue certaine que cest' Isle là a esté autrefois habitée des Chrestiens. Ce qui peut encore seruir, pour monstrier l'antiquité des Croix & des Images, contre nos nouueaux venus.

LES GRANDS EMPESCHEMENS ET DESTOURBIERS qu'ont les Indiens à recevoir la foy Chrestienne, & du progres d'icelle durant les quarante ans premiers que les Portugais y ont esté.

CHAP. IIIL

A Fin qu'on entende mieux la grande misericorde, de laquelle Dieu a vſé enuers ceux qu'il a appellé a sa cognoissance, de la nation Indienne, & qu'on voye à l'œil estre veritable ce que l'Apostre S. Paul disoit, *que là ou auoit abondé l'iniquité, la mesme auoit aussi sur-abondé la grace*, il sera bon de remarquer les principaux empeschemens, qui les destourmoient de receuoir le Christianisme. Il faut donc ſçauoir qu'il y a es Indes quatre sectes toutes differentes, c'est à ſçauoir de Gentils, Mahometains, Iuifs, & Chrestiens originaires, qu'on nomme de S. Thomas, à cause que leurs ancestres ont esté conuertis à la foy Chrestienne par ce saint Apostre, comme nous dirons en son lieu. Quant à ceux-cy, bié que le nom sembleroit promettre tout bon accueil, & obeissance à la Religion Chrestienne: toutesfois il n'y a pas eu peu à faire auec eux, d'autât qu'ayans esté depuis long temps instruits & gouuernez par des Eueſques Armeniens, qui sont non seulement schismatiques, mais encore heretiques Nestoriens, ils auoient esté imbus non seulement de beaucoup de coustumes contraires à la sainteté du culte & seruice diuin, que la Religion Chrestienne & Catholique professe, ainsi que nous remarquerons au second liure: mais aussi de plusieurs erreurs & heresies, du tout contraires à la verité de nostre sainte foy: lesquelles venant à prendre pied & racine en quelque ame, sont plus difficiles à arracher, que l'idolatrie mesme. Pour le regard des Iuifs; bien qu'ils portent par tout leur endurcissement & obstination naturelle, toutesfois en ces quartiers des Indes il estoit bien plus difficile de les conuertir à la foy Chrestienne: parce qu'ayans fait vn grand amas de richesses, par le moyen des vsures qu'ils exercent par tout, mais là principalement, à cause que le trafic & commerce y est plus grand, que ailleurs; & voyans bien qu'il leur faudroit restituer tout ce qu'ils auroient acquis en ceste façon, s'ils

Rom. 5.

Quatre
sortes de
Religion
en l'Inde.
Chrestiens
de S. Tho-
mas.

Iuifs en
grand nom-
bre es In-
des &
pour quel-
le cause.

embrassôient nostre foy, ils en estoïent aussi fort estrangez, signamment pour ceste occasion. Ainsi le confessa vn de leurs principaux Rabbins, qui fut conuaincu en vne dispute publique, par le P. Gaspar Barzè en Ormuz, comme nous dirons au troisieme liure. Or il y auoit du temps mesme que les Portugais arriuerent es Indes, si grand nombre de Iuifs, noniméement es terres du Roy de Cochin, qu'on l'appelloit communément Roy des Iuifs; bien que non seulement là, mais encore par toute l'Inde hainte & basse, il en y eut tres grande quantité pour la raison susdite.

Quant aux Mahometains, tout le monde sçait combien il est difficile de les retirer de leur secte abominable; & les amener à la bergerie de Iesus-Christ, non seulement à cause de leur grande obstination (par le moyen de laquelle ils bouchent les oreilles & le coeur à ceux, qui leur veulent monstrer la fausseté de leur Alchoran; tenans pour tout assésuré, qu'il n'y a loy au monde qui soit meilleure que là leur.) mais encore pour raison des vices detestables & pechieux abominables, desquels à guise de bestes brutes ils se souillent d'ordinaire, & qu'il vaut mieulx passer sous silence, qu'en les racontant offenser les oreilles pudiques & Chrestiennes. Or il y auoit en l'Inde si grande quantité de telle vermine, que de tous les Royaumes & pais, que nous auons cy deuant marquez sur la coste de l'Inde, & encore par deçà, à peine restoit-il nation aucune, que ceste contagion Mahometaine n'eust enpesté, ou qu'à tout le moins elle n'eust infecté. Car laissant à part ceux qui estoient dans les torres du Presto-jan, & au Mozambique, & par toute ceste coste des Castres, mesmes au dedans des pais de Soffala & de Monomotapa; tout l'Arabie (qui fut le lieu, en quel ceste ordure & pestilence infernale descombra) estoit infecté. Le Roy d'Ormuz suiuoit encore ce flux prophete, comme aussi le grand Sophy de Perse; & toute la Carmanie. En l'Inde mesme, le Roy de Cambaya recognoissoit Mahomet: sur la coste de Decan, Canara, & Malabar, bien que les Princes, & Rois fussent la plus part Chrestiens; toutesfoi il en y auoit quelques vns qui estoient Sarrazins; & par tout on trouuoit vn infinité de Mahometains; tant originaires, qu'ils appellent Naiteas, comme des estrangers; lesquels estoient si riches & si puissans, qu'ils pouuoient tres aisément supporter les fraiz d'une grosse guerre. Au del l'isthme de Comorin, le grand Royaume de Bengala, vn peu après l'arruée des Portugais, fut cōquesté par ledits Sarrazins. Ceuuy de Malacca estoit desormais par eux, comme aussi les Isles de

Mahometains obstinez en leur secte.

Fort puissants en l'Inde.

Naites sont les Sarrasins originaires des Indes.

Sumatra, Moluques, Iaua, & vne infinité d'autres de l'Archipelague Oriental. Je ne parle pas maintenant de la puissance qu'ils auoient és Royaumes de la terre ferme de l'Inde. Car excepté le grand Mogor, qui est à présent Seigneur de la plus grande partie d'icelle, & faisoit lors profession de la loy de Mahomet, bien qu'il la deteste maintenant par dessus tout autre, je nescay s'il y auoit quelqu'autre Prince, qui fut Mahometain. Toutefois sur la coste de mer ils estoient tres-puissans; car un nombre infini de marchands, qui suiuoient ceste malidite secte, abordoit tous les iours en ces ports, à raison du trafic; & ceux-cy pouruoient les autres, qui auoient occupé ces haures de toute sorte d'armes, & mesme d'artillerie, auant que les Portugais y arriuaissent. Brief, ils s'estoient réduits maistres de toute ceste navigation, & par conséquent de tout le commerce des marchandises du Levant, sans aucun contredit. Je laisse à penser maintenant de quel oeil ils pouuoient regarder les Portugais venant mettre la main dans leur plat, ou plustost les chasser de leur ancienne, bien que injuste & inique, possession. Aussi auons nous monstté cy dessus, la grande haine qu'ils leur portoient, & comme ils ont tasché par tous moyens de les exterminer de l'Inde. De là se peut, aussi iuger, combien ils deuoient estre alienez de la Foy Chrestienne; & en suite de ce, quelle difficulté il y a pour conuertir telle sorte de gens.

Du costé des Gentils & Idolatres il y a pareillement de grands empeschemens, qui les destournent d'embrasser la Foy Chrestienne, l'un est d'auoir esté nourris & esleuez dès leur tendre ieunesse en tant de sortes d'Idolatrie, & superstition, qu'ils ont. Car outre les Idoles, que chascune famille reueré & honore en particulier, qui sont pour l'ordinaire les statues de certains personages, qui ont esté illustres, ou en leur race, ou en quelque art & mestier dont ils font profession, ils adorent aussi tous en commun plusieurs sortes de bestes, nommément les vaches, les elephants, les singes, & autres semblables, auxquelles ils battissent des Pagodes, c'est à dire des Temples fort somptueux & magnifiques. Entre autres il en y a vn, qui est dedié à vn singe, auquel on compte sept cens colonnes de marbre, aussi grosses, que celles que l'Empereur Agrippa fit mettre au Pantheon de Rome. Ils ont encore plusieurs autres Dieux en commun, come celuy de la guerre, de la semaille, de la fortune, de la vie, & de la mort. Or iacoit qu'en tous ceux-cy, ils honorét le diable principe, & derniere fin de l'Idolatrie: si est-ce que non contents de

*Sarraus
grands et
noms des
Portugais
en des
autres
Chrestiens*

*Superstition des
Gentils
Indois.*

*Pagode
Temple
d'Idoles.*

cela, ils l'adorent aussi en sa propre figure, c'est à dire de la façon qu'on a accoustumé le peindre parmy nous; & autant laid, hideux, & difforme, qu'on le peut imaginer. Car ils le figurent avec deux visages, l'un à la teste, & l'autre au dessous du ventre, portant ses cornes en tous deux, des griffes aux pieds, & aux mains; ayant la barbe faite de mesme, que celle d'un bouc puant & vilain. Mais afin qu'il tienne bien sa morgue, & qu'il paroisse quelque chose de grand, ils luy courent le chef d'une grande tiare, ou mitre à trois couronnes; & le representent assis sur une belle chaire: mais la couleur & la senteur monstrent assez quel il est. Car les Indiens estans noirs de leur nature estiment que c'est la plus belle couleur de toutes; de façon qu'ils croient que leurs Dieux sont aussi noirs: pour ce ils representent leurs Idoles ordinairement tels. Et d'ailleurs, comme c'est leur coutume, quand ils leur veulent faire feste, & les honorer davantage, de les oindre d'huile, de graisse, & autres choses semblables, ils ne sont pas moins hideux & difformes, que

*Pagode
signifie
aussi l'I-
dole mes-
me.*

puants & vilains. A tous ces Idoles (qu'ils appellent aussi Pagodes) ils sont tout plein d'offrandes, comme de ris, & autres fruiets de la terre. Ils leur sacrifient des boues, des moutons, & plusieurs autres animaux; non toutesfois des vaches; car ils les tiennent comme chose diuine, selon qu'a esté dit, & en font si grand cas, que s'ils peuvent mourir tenant une vache par les hanches, ou bien auprès d'icelle, ils s'estiment estre bien-heureux, cuidans que leur ame entre dans ceste beste, qu'ils tiennent pour la meilleure loge, qu'elle puisse auoir. Brief ils portent si grand respect à cest animal, que s'ils trouvent quelque vache, qui se meurt, ils la secourent avec beaucoup plus de soing & de pitié, qu'ils ne font pas leurs propres peres; si grand est leur aveuglement & bestise. Or ils sont tellement attachez à ces sortises, qu'ils estiment auoir commis un grand forfait, s'ils tuent quelqu'une de ces bestes, mesme par mesgarde: & craignent d'encourir de grands maux, s'ils ne font force offrandes & sacrifices à leurs idoles. Et en ceste crainte & superstition les entretiennent leurs Pretres, ou Sacrificateurs, qu'ils appellent de tout

*Brachmanes
Pre-
stres des
Indiens
idolâtres.*

ancienneté Brachmanes: l'office desquels est non seulement d'offrir aux idoles les sacrifices accoustumez, & faire tout le reste qui concerne le cult de leurs idoles: mais aussi d'enseigner aux autres les ceremonies, qu'on doit garder, selon leur superstition, tant en l'adoration des dieux, qu'ils honorent, qu'en l'enterremēt des trespassez. Plusieurs d'iceux sont grands forciers & enchanteurs, telle-

ment que par la communication & familiarité, qu'ils ont avec le diable, ils sont estat de predire les choses futures, mesmes celles, qui dependent de la liberté des hommes, & les bons ou mauvais succez de routes entreprises. A ces fins ils se messent d'interpreter les prodiges, augures, & toute autre sorte de presages; en quoy ils gagnent beaucoup d'argent, & de credit. D'où viét qu'ils sont fort honorez, & respectez tant de la populace, que des gētilshommes, & grands seigneurs, voire mesme des Roys. Car ny eux, ny aucun autre, ose entreprendre chose qui soit de consequence, sans les auoir consultez au prealable, pour sçauoir si cela leur sera heur eux, ou defaistré. Brief ils leur obeyssent en routes choses tant grandes que petites: & les Roys mesmes sont instruits d'ordinaire par les Brachmanes, voire, qui plus est, beaucoup d'iceux sont de ceste secte, & s'en estiment fort.

Mais il y a plusieurs sortes de Brachmanes; les vns sont mariez, ^{Brachmanes mariez, & leurs vns} & viuent à la façon des autres hômes dans les villes, ou lieux peuplez, s'addonnās mesme au trafic, comme s'ils estoient marchands. Ceux-cy vsent de mille tromperies & fallaces, pour deceuoir le peuple & faire bouillir leur marmite. Car ils sont acroire, que leurs Pagodes se banquetēt bien souuent les vns les autres, & qu'ils veulēt qn'on leur offre des choses, qui soient propres pour se bien festoyer par ensemble. Mais apres que par telle ruse & finesse, ils ont eu ce qu'ils demandoient, ils enleuent tout cela en leur maison, & en font bonne chere entr'eux. Que si le peuple est peu soigneux à porter les offrandes, qu'ils demandent, ils intimident ces pauvres gens, & leur font entēdre, que les Pagodes sont fort courroucees & indignes cōtr'eux; & qu'en punitiō du mespris, qu'ils ont monstré en leur endroit, ils leur enuoyerōt de grāds maux, cōme maladies, pertes, & autres defaistres, que bien souuent ces meschans Brachmanes leur causent par l'entremise du Diable, avec leurs enchantemens & sorceleries. De là vient que ceste sorte de gens est grandement contraire à la foy Chrestienne, parce qu'elle decouure la vanité de leurs Idoles, & monstre clairement comme elles sont indignes de tout honneur & seruice, consequemment aussi des offrandes, qu'on leur fait: tellement que les Brachmanes se voyāns frustrez de ce lucre, & priuez du moyen de viure, qui ne leur coustoit rien, ne cessent de crier, & tempester contre ceux, qui embrassent le Christianisme.

Il y a un autre maniere de Brachmanes, qui ne se marient

*Recherches
des
mœurs
nomades
Logues
des Gym-
nosophi-
stes*

point: lesquels maintenant on appelle logues, & les Grecs jadis les nommoient Gymnosophistes; parce qu'ils alloient tous nus, comme encore à présent. Ceux-cy sont: estat de mener (à tout le moins pour vn temps) vne vie fort austere; les vns voyageans par le pais en grande pauvreté, & misere; preschent par tout leur secte, & vne milliaise de fables, qu'ils content. Ils endurent beaucoup en ces pelerinages, mais ils acquierent par ce moyen vn grand credit & opinion de saincteté parmi ceste nation auengle; tellement qu'ils leur font croire mille bourdes, voire (qui pis est) plusieurs choses tres-mauuaises, & tres-abominables, qu'ils racontent auoir esté faites par leurs Pagodes. Qui est vne inuention diabolique, pour donner credit à la meschanceté, & induire les gens par ce moyen à commettre semblables forfaits, que ces logues preschent auoir esté perpetrez de leurs faux Dieux, & les en louent comme de chose bien faire; ores que ce soient des pechez detestables & contre la raison, & la nature mesme.

*Logues
solitaires*

Il y a vne autre sorte de logues, qui vivent comme Hermites parmy les deserts, & solitudes, où bien dans des cachots, & cauerues de la terre. Ceux-cy menent pareillement vne vie fort austere, & assilgent leur corps par veilles, ieusnes, & autres aspretez, endurans le froid, le chaud, la faim, la soif, & semblables incommoditez; non pas pour faire penitence de leurs pechez, car ils n'y songent pas,

*Abdutes
ordre des
Logues*

mais pour estre estimez Sainctz, & en fin mis au rang des Abdutes, qu'ils appellent. C'est vn certain Ordre parmy les logues le plus prisé, & estimé de tous. Auquel auant de paruenir, il faut auoir employé certain nombre d'années en ces austeritez, qu'auons dit; mais apres qu'ils ont mené pour vn temps vne telle vie sequestrée de tous plaisirs, delices, & voluptez, & qu'ils ont esté admis à l'Ordre des Abdutes, ils sont tenus comme gens parfaits, voire comme des demy-Dieux, qui ne sont sujets de là en auant à loy aucune, soit diuine, soit humaine. En suite de ce, comme si tout leur estoit permis & loisible, ils commettent impunément vn'infinité de pechez, mesmes les plus enormes & detestables qu'ils soient: & font croire aux simples, que tout cela est sanctifié par l'austerité de vie qu'ils ont mené auparauant. Ces logues ont vn Supérieur, lequel, apres qu'ils ont accompli le temps de leur penitence, leur depart le reuenue des Pagodes, comme à gens qui ont desia seruy leur quartier, pour s'addonner à toutes voluptez, & plaisirs, menans vne vie si desbordée. D'icy l'on peut voir combien telles gens doiuent estre

contraires à la foy Chrestienne, laquelle proffesse tant plus de modestie & saincteté, que plus on va en auant en la perfectiō d'icelle. Voilà quant aux Brachmanes.

La seconde sorte de gens qu'il y a és Indes, sont les Gentilshommes du païs, qu'on nomme communément Naires. Ceux-cy ne sont estat que de porter les armes, & aller à la guerre, quād ils sont mandez de leur Prince. A quoy ils s'estudient & se disposent dès l'aage de septans, car ils commencent deslors à s'adonner aux exercices militaires, comme à luieter, à tirer de l'espée, de l'arc, & à present de l'arquebuz; à sauter, & à courir; d'où vient qu'ils sont extrêmement lestes. & prompts, tant à se ruer sur l'ennemy, qu'à se retirer des coups. Auant l'arriuée des Portugais ils se seruoient à la guerre seulement de la jaeline, de l'arc, & des fleches, de l'espée, & du bouclier. Mais depuis ils ont apprins non seulement à foudre l'artillerie, les harquebuzes, mousquets & autres bastons à feu, mais aussi d'en vser quasi aussi dextrement que nos Europeans; & leur poudre est beaucoup meilleure que la nostre. Ils vont tous nuds excepté vn petit linge qu'ils portent deuant, pour couvrir leur nature; & mesmes à la guerre, ils ne se seruent point de cuirasses ny de morions comme nous; mais leur agilité les garantit souuent des coups. Au reste ils ont trois ou quatre vices entre autres qui les empeschent beaucoup de se renger au Christianisme. Le premier est vne grande superbe & orgueil, qui leur faict mespriser tout le reste du peuple, de sorte qu'ils estiment auoir receu vne iniure fort atroce, si quelque roturier, ou quine soit pas de noble race comme eux, les touche le moins du monde; & pensent que cela souille tellement leur noblesse, qu'ils ne trouuent meilleur expedient pour venger ceste iniure, que de tuer celuy qui s'est osé tant approcher d'eux. Et à fin d'euiter que ceoy n'aduienne, quand ils vont par ville, ils font marcher deuant eux leurs estaiers, ou seruiteurs, lesquels à l'entrée des rues se mettent à crier tout haut, *poo, poo, poo*, c'est à dire, place, place, place; & par ces cris le peuple est aduertie de se retirer promptement. Ce qu'il faict aussi tost, & laisse vuides les rues, pour faire place aux Naires. Or ceoy est fort contraire à l'humilité & charité Chrestienne, & partant il semble bien difficile, qu'elle soit suie de ceste noblesse si superbe, & arrogante. L'autre vice qui les en destourne encore davantage, est la lubricité. Car iagoit que suiuant leurs loix il ne leur soit pas loisible d'espouser femmes, comme de fait ils ne se marient point, à fin que rien ne les empesché

Naires

gentilshommes
indois.Orgueil
des Naires.

de s'adonner continuellement à l'exercice des armes ; ce n'est pas toutesfois pour viure plus chastement , mais plus desbordément. Car toutes les femmes sont communes entre eux , pourueu qu'elles soient aussi Naïres, c'est à dire de noble race. La même dissolution se trouue encore parmy le peuple : car encore bien que la plus part d'iceux soient mariez ; si est-ce qu'ils ne cognoissent pas qui sont leurs enfans : & pour ceste cause n'instituent point heritiers ceux, qui sont nez de leurs femmes, encore qu'ils soient à eux, d'autant qu'ils n'en sont pas asseurez ; mais ils adoptent les enfans de leurs sœurs. Ce que les Rois mesmes obseruent. Car bien qu'ils ayent force femmes ou concubines, & d'icelles des enfans, neantmoins la coustume est que les enfans de leurs sœurs succèdent à l'estat, non pas ceux qu'ils ont eu de leurs femmes pour la raison susdite. Cecy est gardé ordinairement par les Roys Malabares. Or il n'y a celuy qui ne voye combien ce libertinage est opposé à l'honnesteté Chrestienne & au saint Sacrement de Mariage.

D'abondant il y a parmy les Naïres vne certaine espeece de gens, qu'ils appellent *Amocas*, lesquels sont tenus & estimez pour les plus vaillants hommes de ceste nation ; de façon que tant plus qu'un Prince, ou Seigneur en tient à sa soulde, tant plus est-il estimé puissant. Ceux-cy quand ils s'obligent & se voüent au seruice de quelqu'un, se donnent mille maledictions, & sont sur eux cent mille imprecations s'ils ne vengent le tort & l'injure qui aura esté faite à celuy auquel ils se voüent, à quelque prix que ce soit, encore qu'il fallust se faire hacher en pieces, tellement que s'il aduient que celuy, duquel ils sont ainsi affidez, soit tué, ou en guerre, ou en quelque querelle particuliere, ces *Amocas* qu'il soldoye, se ietteront à corps perdu à trauers des espées nues, s'eslanceront dans le feu, & se fourreront au milieu d'une infinité d'hommes armez, pour vanger la mort, ou l'injure de celuy qui les nourrist, estimas à tresgrand des-honneur, s'ils ne poursuyuent ses ennemis, iusques à ce qu'ils les ayent mis à mort, où qu'eux mesmes demeurent estendus sur la place. Ce qui est fort opposé à la charité Chrestienne, qui commande de pardonner, voire à nos propres ennemis, les injures, qu'ils nous ont fait, & deffend toute telle vengeance. Voilà donc ce qui empesche grandement, que les Naïres ne se rengent à la Foy de nostre Seigneur.

Les Indiens
ne peuuent
changer
de mestier

Quant au reste des Indiens, qui ne sont pas de noble race, les vns sont partie laboureurs, partie artisans de diuers mestiers ; & les autres

tres marchans : la pluspart desquels sont où Iuifs où Mahometains. Pour regard des laboureurs & artisans, leur condition est fort miserable : car bien qu'ils soient vertueux, vaillans, & riches, pour cela ne laissent-ils pas d'estre tousiours roturiers, ains, qui plus est ; il ne leur est pas permis de changer de mestier, dont ils sont contrainsts de prendre le mesme que celuy de leur pere ; comme par exemple, le fils d'un cousturier ne peut estre autre que cousturier, & ne peut bailler ses filles en mariage qu'à un cousturier ; un cordonnier pareillement, & ainsi des autres mestiers ; ce qu'ils gardent de toute ancienneté, comme l'on peut voir dans les anciens auteurs, mesme dans Arrian, qui a escrit en grec des choses des Indes. Arrian l. 8. in Ind.

Or pour parler en general, les Indiens pour la pluspart sont gens barbares, & qui ne peuuent bonnement goustier, sinon les choses qui sont conformes à leurs humeurs, & coustumes barbaresques. Ils ne se soucient aucunement de sçauoir ce qui concerne le salut de leur ame ; aussi sont-ils fort ignorans & rudes en la cognoissance des choses diuines, jaçoit qu'ils soient fort habiles, & clair-voyans es affaires du monde ; de maniere qu'ils ne cedent en rien à nos marchands d'Europe, quant aux subtilitez & finesse des contracts & du commerce, ains les surpassent à faire mille fraudes & deceptions au fait de la marchandise. Pour le regard des arts mechaniques, il y en a de tres-experts & fort ingenieux, qui esgalent, & quelquefois surpassent nos Europeans, signamment en la Sculpture : aux sciences, ils n'ont que fort peu de cognoissance de la Medecine ; & de l'Astrologie, autant qu'il est necessaire, pour cognoistre les eclipses du Soleil & de la Lune, qu'ils predisent long temps auparavant qu'ils n'aduiennent, & ce aussi certainement que nous sçaurions faire. Ils ont au reste un esprit fort muable & inconstant, mesme en la vertu & fidelité ; ils sont malicieux, traistres & desloyaux, si qu'on ne peut bonnement s'y fier. D'ailleurs ils sont tellement accoustumés au vice, qu'ils ont en horreur toute vertu, & ne peuuent endurer qu'on les tance ou reprenne de leurs pechez, ny qu'on leur remonstre la verité, pour les retirer de leur meschante coustume de tromper & mal-faire, qui s'est renduë en eux comme naturelle. Ils sont fort addonnez à la lubricité, tant à cause de la chaleur du pais, que pour les allechemens qu'ils ont de toute sorte de delices & voluptez, desquelles la terre est fort abondante, & fertile. Quant est du fait de la Religion, ils sont merueilleusement attachez à leur idolatrie & superstition, & ont si viuement empreintes en leur es-

*Les vers
en rime
des In-
diens ont
72. syl-
labes.*

prit tant de fables, qu'on leur cõpte de leurs Idoles & faux Dieux, qu'il est bien difficile de les leur arracher de l'ame ; & ce principalement à cause que toutes ces choses sont mises en vers, & en rime, dont ils font vn si grand cas, que cela seul est bastant pour leur persuader les plus grosses bourdes, qu'on puisse imaginer ; le Diable ayant trouuë ceste inuention, pour leur faire croire tant de sottises, qu'ils content de leurs faux Dieux, voire des choses contraires à leurs loix, & à la raison naturelle. Or ils apprennent ces rimes dès leur tendre ieunesse, & les chantent auec vn singulier plaisir : car jasoit que leurs vers soient fort differents des Grecs & des Latins, quant au nombre des syllabes, (parce que chascun contient septante deux syllabes) toutesfois ils ne laissent pas d'auoir leur grace & beauré. De ces choses, & de tout plein d'autres, que nous laissons à part, pour n'estre trop longs, on peut cognoistre combien il est difficile de retirer ces gens d'vn si profond abyssine de meschanceté, & leur faire embrasser la sainteté de la Religion Chrestienne, laquelle pource que dessus, ils ont tellemēt à contre-cœur, qu'ils n'en veulent pas mesme ouyr parler : & leur semble qu'on leur arrache l'ame du corps, quand on tasche de leur persuader, qu'ils se rendent Chrestiens, comme tesmoignent ceux-là mesmes, qui l'ont experimenté. Mais en fin toutes ces difficultez n'ont pas eu le pouuoir d'empescher, que beaucoup de ceste nation tant du simple peuple, que des Naires, & des Brachmanes mesmes, n'ayent receu la Foy de IESVS-CHRIST, ainsi que nous deduirons en l'histoire suiuate.

*Xavier
au 2. liu.
epist. 9.*

*Le qui a
esté fait
pour la
conuersion
des In-
diens les
40. ans
premiers,
apres l'ar-
riuée des
Portugais* Commencant donc à l'arriuée des Portugais en ce país là, bien que durant les quarante ans premiers, ils se soient employez principalement à descouuoir nouueaux país, à se defendre de leurs ennemis, à cõquēter les villes, & ports de mer, qu'ils y ont, & à mettre vn bon ordre & police és lieux qu'ils auoient ja gaigné, à fin qu'on y peut viure en paix, & asseurance : toutesfois le profit qui s'y fit en ce qui concerne le faict de la Religion, n'est pas petit, cõsideré les grands empeschemens touchez cy dessus. Et ie m'assure que si l'on eut remarqué soigneusement toutes les particularitez, qui aduiendrent en cecy, il s'en pourroit faire vne belle & ample hystoire, Mais parce que les historiens de ce temps là se sont plus estudiez à recueillir & narrer les faicts d'armes & exploits de la guerre temporelle, que les conquestes spirituelles de l'Eglise Catholique, nous sommes contraints passer sous silence plusieurs

choses dignes de memoire, & dire sommairement ce peu qu'en est
 venu à nostre cognoissance. En premier lieu donc, entre les person-
 nes Ecclesiastiques, les Religieux de S. François furent les premiers
 qui monstrent leur grande vertu, & courage, entreprenans volō-
 tiers ce long & dangereux voyage des Indes, poussez tant seule-
 ment du zele de l'honneur de Dieu, & du salut des ames. Ils y a-
 bbrderent l'an 1501. avec Pierre Aluarez Cabral, qui fit le premier
 voyage, apres que Vasque de Gama eut descouuert cestē route;
 puis y furent enuoyez plusieurs du mesme ordre par diuerses fois,
 encore qu'ils n'y eussent pas de conuent, iusques à ce, que Iaques
 Lopez de Siqueyra, qui fut le quatriesme Gouverneur pour le Roy
 de Portugal en cest estat, leur fonda l'an 1518. celuy, qu'ils ont à
 Goa, duquel non seulement les Portugais, mais aussi les Indiens
 ont retiré beaucoup d'ayde & profit, pour le salut de leurs ames.
 Cependant & les vns & les autres estoient gouuernez, quant au
 spirituel, par des Vicaires, tantost seculiers, tantost reguliers du mes-
 me ordre de S. François, iusques à ce que le Roy de Portugal Iean
 procura, que nostre S. Pere erigeat vn Euesché à Goa. Pour ceste
 dignité fut nommé & esleu vn personnage de rare vertu & doctri-
 ne, puis dudit ordre de S. François, appellé F. Ferdinand. Ce fut le
 premier Euesque de Goa, qu'on sçache: lequel apres auoir gouuer-
 né son troupeau avec grande satisfaction d'vn chacun, y finit heu-
 reusement ses iours, laissant apres soy vne odeur tres-souueue de sa
 vertu & saincteté. Aussi s'employa-il très-soigneusement à l'adu-
 cement spirituel de ceste nouuelle bergerie, tandis qu'il en eut
 charge. A cestuy-cy succeda F. Iean d'Albuquerque, encore du mes-
 me ordre, & autant eminent en toutes les parties necessaires à vn
 bon Prelat, que son predecesseur. En compagnie de ces Euesques,
 & outre ce, avec les flottes ordinaires que le Roy de Portugal en-
 uoyoit tous les ans, plusieurs Prestres tant reguliers des ordres de
 S. François, & de S. Dominique, que seculiers, gens de bonne vie, &
 honnestement versez aux lettres y furent mandez, partie pour ad-
 ministrer les sacrements aux Portugais, & leur seruir comme de
 Curez ou de Vicaires, partie aussi pour couertir les Gentils à la foy
 Chrestienne. Entre autres l'on se sauuiet particulieremēt de deux
 grands personnages, tous deux de l'ordre de S. François. L'vn estoit
 nommé F. Iaques de Borba; & l'autre F. Vincent. Cestuy-cy estant
 venu de Portugal avec l'Euesque F. Iean Albuquerque, s'appliqua
 particulièrement à instruire la ieunesse, & enseigner aux petis en-

D. Fer-
 dinand
 premier
 Euesque
 de Goa.

F. Iean
 d'Albu-
 querce
 2. Eues-
 que.

F. Vincē
 de l'Ordre
 de S. Frā-
 çois, grād
 catechiste

fans le catechisme ; enquoy il auoit vne grace particuliere. Or en cecy il luy arriua vne chose , qui est non seulement plaisante , mais aussi fort remarquable. Car vn iour comme il endoctrinoit les enfans à son accoustumé , il aduint, qu'il en chastia quelques vns, soit pour n'estre pas attentifs à sa leçon, soit pour estre negligens & peu soigneux d'apprendre ce qu'il leur enseignoit. Les peres des enfans, qui auoient esté chastiez, en estans aduertis, furent fort indigniez ; & prindrent ce chastiment pour vn grand affront & iniure faite à eux mesmes, conformément à leurs anciennes coustumes ; de maniere qu'aussi tost ils empoignent les armes, & enflammez de colere & de rage, s'en vont en deliberation de venger ceste injure, & massacrer ce bon Pere. Les enfans mesmes, qui auoient esté chastiez, voyans leurs peres venir contre leur maistre, pour le mettre à mort, ayant ja oublié le chastiment qu'ils auoient receu de luy, & en quelque façon l'amour & affection à l'endroit de ceux qu'ils tenoient pour peres, se mettent tous à l'entour de leur precepteur, pour le deffendre, iusqu'à là, que de prendre des pierres, pour les ietter contre leurs propres peres, afin de les faire retirer, comme il aduint. Car ce fait inopiné les estonna & confondit tellement, qu'ils s'en retournerent à leur maison, sans faire aucun tort, à ce bon Catechiste. Quant à l'autre sus-nommé, à sçauoir M. Iaqués de Borba (lequel bien qu'il fut de l'ordre de S. François, toutesfois pour iustes causes, auoit esté exempté de l'obeyssance de ses Superieurs, en vertu d'un Brief Apostolique) c'estoit aussi vn personnage doué de grande probité & doctrine ; mais sur tout excellent Predicateur. De façon qu'il auoit esté enuoyé là tout exprès par le Roy de Portugal avec de bons gages, pour prescher aux Portugais. Or entre autres choses, qu'il fit és Indes pour le bien de la Chrestienté, fut la fondation d'un College, qu'on bastit en la ville de Goa, duquel nous parlerons cy apres plus amplement. A quoy il ayda beaucoup tant par son conseil & adresse, que par l'instruction des enfans, qu'on y mit, soit en la vertu, soit aux bonnes lettres. Car il en eust le gouuernement & conduite dès le commencement iusqu'à ce que ceux de la Compagnie de Iesvs en prindrent la charge, comme il se dira. Ce College fut institué, pour y eleuer des ieunes enfans pris & choisis de diuerses nations & contrées, qu'il y a és Indes ; à celle fin qu'apres auoir esté suffisamment instruits & dressez tant en la vertu que aux lettres, ils fussent promoteus aux Ordres sacrez, s'ils en estoient capables, afin de s'employer

Cat remarquable.

J. Iaqués de Borba excellent Predicateur.

par apres en leurs pais, à la conuersion de ceux de leur nation, avec plus de profit, que les autres estrangers n'eussent sceu, ny peu faire; ce que l'experience a monstré auoir esté fort vtile & profitable, pour la fin qu'on pretendoit.

*Collegede
Goa com-
ment &
pourquoy
institué.*

Donques le Roy Iean III. ayant esté aduertý de ce bon dessein l'approuua fort, & dota ce College des rentes qui s'employoient auparavant au seruice des Pagodes de l'Isle de Goa, baillant la charge de l'instruction de ceste ieunesse audit M. Iaques de Borba; lequel s'aquitta deuëment de son deuoir, randis qu'il la retint. Et desirant que la chose fut plus stable & permanente, il moyenna qu'elle fut mise entre les mains de la Compagnie de Iesvs; avec le bon plaisir & consentement du Roy. Par ces moyens & autres, de squeles l'on se seruoit, pour aduancer la conuersion des Gentils, plusieurs d'iceux tant en l'Isle de Goa, comme ailleurs se rengèrent à la Foy de nostre Sauueur Iesus-Christ.

Or entre autres contrées des Indes, ou la Religion Chrestienne fut publiquement receue & preschée durant ces quarante ans premiers, il y eut quelques isles tant des Moluques, que d'autres à l'entour d'icelles, & certains peuples nommez Parauaz habitans de la coste de la Pescherie, qui la receurent. Quant aux Moluques, ce fut par le moyen & industrie d'Antoine Galuan, Capitaine nō moins vaillant & sage, que zelé à l'aduancement de la gloire de Dieu. Car estant Capitaine pour le Roy de Portugal es Moluques, il se comporta si dextremement & vertueusement, que non seulement il rēdit affectionné à foy les habitans desdites Isles, mais aussi à la Religion Chrestienne. Si bien que de son temps elle fut receue de plusieurs es Isles de Geilolo & d'Amboino, mais principalement à Ternate, la premiere des Moluques vers le Septentrion, & la plus grande d'icelles, ou il dressa vn seminaire de ieunes enfans natifs de ces Isles à l'imitation duquel fut par apres erigé celuy de Goa. Outre ce, en la coste de la Pescherie il y eut quelques vingt mille personnes des Parauaz, qui receurent le Baptisme du temps d'Estienne Garma Gouverneur des Indes, à raison du secours que les Portuguais leur enuoyerent contre les Sarrazins, comme nous racōterons plus au long en son lieu.

*La Foy
chrestien-
ne es Mo-
luques.*

*À la Es-
le de la
Pesche-
rie.*

Voilà ce qui fut fait pour la conuersion des Indiens à la foy Chrestienne, durant les 40. ans premiers, apres la descouuerte. Que si quelqu'un iuge, que ç'a esté peu, ie croy que s'il cōsidere les empeschemens susdits, & les guerres continuelles, que les Portuguais

*La cō-
fession des
Indes
à l'heure
de la dis-
ciple.*

*Esaye 35.
41. 55.
Zach. 13.
Seph. 2.
Ec.*

*S. Aug.
liv. 22. de
la Cité de
Dieu. c. 3.
S. Chrys.
Homil.
quod
Christus
sit Deus.*

eurent sur les bras iusques à ce temps là il estimera le fruit n'estre pas petit. Mais principalement s'il regarde la grande difficulté, qu'il y a de conuertir les Gentils & Idolâtres à la foy de Iesus-Christ. Car c'est vn œuure, lequel pour ceste cause est estimé l'un des plus merueilleux, qui ayent esté faicts au monde à la venuë du fils de Dieu, & que l'Escripture sainte amplifie dauantage avec parolles pleines d'emphase & de majesté; brief tel que les anciens Peres & Docteurs de l'Eglise le présentent à tous les autres miracles qui ont esté faicts par nostre Sauueur mesme; & ses Apostres. Que si en tout temps & lieu, il a cousté beaucoup de retirer les hommes de ce gouffre de l'infidelité, ç'a esté vne chose encore plus mal-aisée es Indes Orientales, & en ceste façon; partie pour estre maintenant composée de tant de sectes; & différentes entr'elles, mesmes, & toutes si contraires à la Religion Chrestienne, comme nous auons veu cy deuant; partie à cause du pais mesme, lequel estant si fertile & abondant en delices, inuite à tout ce qui est contraire à la tempérance & honnesteté Chrestienne. Mais c'est assez parlé de cecy, venons maintenant à narrer, les choses qui sont aduenues sur ce fait; depuis que les Religieux de la Compagnie de Iesus y ont esté enuoyez.

COMME LE BIEN-HEUREUX P. FRANÇOIS
Xavier fut spécialement esleu de Dieu pour les Indes.

CHAPITRE V.

*François
Xavier le
premier
de la Com-
pagnie des
Indes.*

L'O R D R E de ceste Histoire demande, que nous donnions le premier lieu aux gestes du bien-heureux P. François Xavier, puis qu'il a esté le premier des Religieux de la Compagnie de Iesus, qui passa es Indes, & qui y a plus trauaillé & aduancé la gloire de Dieu, que tout autre de nostre temps, donnant commencement à plusieurs belles entreprises, qui ont esté continuées depuis par les autres de ladite Societé. Or combien que mon intention ne soit pas d'escrire au long sa vie, & les particularitez d'icelle, ains tant seulement celles qui appartiennent à nostre histoire, ou seront nécessaires pour la mieux entendre: toutesfois puis qu'il faut traicter de ses voyages, & des choses qu'il a fait es Indes, & que cela cō-ient le plus remarquable de sa vie, nous serons contraincts d'en narrer

une bonne partie, & de plus toucher quelque chose de son extraction, & de ce qu'il fit auant qu'estre employé à une chose si grande: à celle fin qu'on cognoisse mieux les graces que Dieu luy auoit communiquées, & comme de longue main il l'auoit esleu & choisi pour luy seruir d'instrument à la conuersion & salut de tant de peuples & nations infideles, qu'il a conuertý à sa diuine Majesté.

Commençant donc par son extraction, il faut scauoir, qu'en la haute Nauarre y auoit anciennement une ville nommée Xavier, *Extrait* bien que maintenant ce ne soit qu'un petit chasteau, situé sur les *de fort* frontieres du Royaume d'Aragon, entre la ville de Sanguesse & S. *noble ra-* Sauueur de Leyre, qui est un monastere de l'ordre de S. Bernard. Ce chasteau est distant de Pampelune, ville capitale dudit Royaume de Nauarre, quelques sept lieux ou estuiron. On le nomme autrement le palais de Xavier, à cause, que c'estoit une maison fort illustre, & chef d'armoirie, comme ils parlent en ce pais là: de laquelle tous ceux qui descendent d'une mesme tige, prennent le nom & les armoiries. Le Viconte de Zolina est à present seigneur de ceste maison, ayant demeuré plus de trois cens ans (ainsi qu'il conste par escritures autentiques) en ceste tres-noble & tres-ancienne famille, appelée premierement de Asnárez, & puis de Xavier, apres que le Roy Thibaud luy eut doné la ville de Xavier, pour les grâds seruices que ceux de ceste famille auoient faicts à la couronne de Nauarre. De ceste maison de Xavier vint à estre heritiere legitime Dame Ieanne de Xavier, qui fut donée en mariage à Martin d'Azpilcuete, heritier aussi d'une autre maison tres-noble & fort ancienne es monts Pyrenées, de laquelle est descendu ce grand Docteur de nostre siecle, Martin d'Azpilcuete, qu'on appelle communement Nauarre. De ce mariage de Martin d'Azpilcuete avec Ieanne Xavier, naquit Marie d'Azpilcuete & de Xavier, en laquelle nō seulement les noms du pere & de la mere, mais aussi ces deux tant anciennes & nobles familles furent vnies & assemblées. C'estoit une dame laquelle outre sa noblesse & les grandes richesses estoit encore douée d'une rare beauté: mais sur tout d'une singuliere vertu, *Marie d'Azpilcuete & de Xavier sa mere.* & pieté enuers Dieu. Elle fut donnée en mariage au Docteur Iean de Iasse, lequel jacoit qu'il ne fut pas extrait d'une si noble & tant illustre race qu'elle, toutesfois il estoit gentil-homme de bonne part, & homme de moyens, & qui auoit grâd credit aupres de Iean III. Roy de Nauarre, de la maison d'Albret, tant pour son erudition & doctrine, que pour la rare prudence & vertu: tellement qu'il fut

Jean de Iasse son pere.

honoré d'un estat de Conseiller au grand conseil dudit Royaume. De ce mariage il y eut plusieurs enfans; l'aîné desquels fut nommé Michel de Iasse & de Xavier, les autres aussi portoient deux noms, l'un du costé du pere, qui s'appelloit Iasse, & l'autre de la mere, laquelle auoit les noms des deux familles, qui estoient ioinctes en elle, sçauoir est de Xavier & d'Azpilcuete: & pour conseruer la memoire de ces deux tant illustres & anciennes races, ils donnoient à quelques vns des enfans le nom d'Azpilcuete, & aux autres celui de Xavier. Le dernier de tous, duquel nous deuons parler en ceste histoire fut nommé François de Iasse, & de Xavier; & ainsi s'appella il iusqu'à ce qu'il quitta la vanité du monde: mais apres il ne retint que le nom de Xavier. Or d'autant qu'il a pleu à Dieu l'eslire entre tous ses freres, bien qu'il fut le plus ieune & le dernier de tous; ainsi qu'un autre Dauid, pour aller combattre & terrasser ce superbe Goliath, ie veux dire le Diable, auteur & promoteur de toute idolatrie, en tant de regions & contrées de l'Orient, ou de mesme qu'un autre S. Paul, pour luy seruir d'un vaisseau d'election, & porter son saint nom à tant de Roys, peuples, & nations, comme il a fait, il ne sera pas, ce me semble, hors de propos, de monstrer briefuement en quelle maniere ceste diuine election se descouurit par le moyen de plusieurs choses, qui luy aduindrent mesme auant qu'il y fut enuoyé. Et en premier lieu est à considerer le temps auquel il nasquit, qui fut l'an 1497. scant au S. Siege Alexandre 6. & Jean III. estant Roy de Nauarre. Or ceste année là Vasque de Gama fit le premier voyage des Indes, selon qu'a esté dit cy deuant. Que si on a remarqué fort à propos comme ceste grande lumiere de l'Eglise S. Augustin nasquit en Afrique, lors que Pelagius Heresiarque, lequel sur tous il contrecarra, sortit comm'un espaisse nuée des marez d'Angleterre, pour preuue que Dieu l'auoit esleu & préordonné, afin de dissiper par la clarté de sa doctrine l'obscurité d'erreur, que l'autre auoit apporté, & defendre son Eglise contre un tel ennemy; nous pouuons semblablement tirer de ce que dessus, que nostre Seigneur faisant descouurir aux Chrestiens des nouueaux pais pour y plâter vne nouuelle vigne, avoulu au mesme temps la pouruoir de ce tant soigneux & diligent vigneron. Aussi semble-il que dès son ieune aage, il le voulut preuenir des benedictions de sa douceur, le doüant d'une infinité de graces, tant du corps que de l'ame, naturelles & surnaturelles, qui faisoient que chascun l'aymoit & cherissoit vniquement, voyant la gentillesse & de son corps, &

*Pourquoy
s'appella-
il Xavier*

*François
Xavier
esleu de
Dieu pour
les Indes.*

de son

de son esprit, sa bõne inclination, & vn si beau naturel. Sur tous les pere & mere l'affectionnoiet, comme leur petit Benjamin, & conuenablement à cest amour ils le nourrirent, & l'esleuerent avec vn tref-grãd soing: si que le tirant des mamelles de la nourrice, ils le mirent entre les mains de tref-bons maistres & precepteurs, desquels il apprenoit heureusement tout ce qui pouuoit estre appris en tel aage. Il estoit le plus doux & amiable, le plus courtois & gracieux, qu'on eust sceu desirer: d'un esprit vis, & penetrant, & avec ce desirieux d'apprendre toutes choses dignes de noblesse. Cela faisoit qu'un chacun couroit apres luy, & le desiroit auoir auprès de soy: ce qui luy eust peu occasionner beaucoup de dangers pour le salut de son ame, si Dieu, qui auoit ietté ses yeux fauorables sur luy, ne l'eust preuenü de son diuin amour; tellement que ny les richesses & delices de la maison paternelle, ny la licence d'un tel aage, ny la douceur de son naturel, ny la gaillardise de son esprit, ny la bonne disposition de son corps, ne luy apporta aucun dommage ou prejudice à sa pureté virginale, tant de l'ame que du corps; laquelle par la grace de Dieu il conserua entiere tout le temps de sa vie, comme nous dirons cy apres. Aussi estoit-il raisonnable, que ce vaisseau, dãs lequel deuoit estre gardée ceste liqueur celeste, du Sacre-sainct Euangile de Nostre Sauueur **IESVS-CHRIST**, fut conserué pur & net de toute spüilleure & corruption charnelle. La vacation il prend encore qu'il print, le dispoisoit à cela. Car ses freres & parens s'estans employez à luy persuader de fuire les armes, comme eux mesmes faisoient, & desquelles leurs ancestres auoient tousiours fait profession avec grande louange, il n'y eust moyen qu'ils gagnassent iamais ce poinct sur luy; non qu'il en y eust aucun d'eux qui le surpassast en grandeur de courage; mais parce qu'il esperoit les deuäcer trestous, & en richesses & en hõneurs, & par ce moyen aggrãdir beaucoup plus sa maisõ par les lettres, qu'ils ne feroiẽt par les armes. Car c'estoit ce qui le piquoit pour lors dauantage, n'ayant encore en son esprit autres desseins que d'un homme seculier & mondain. Dressant donc à ce but toutes ses pretensions, si tost qu'il eust appris en Nauarre les lettres humaines, il persuade à ses parens de l'enuoyer en l'Vniuersité de Paris, la plus fameuse de toutes celles qui estoient lors en la Chrestienté. Arriué qu'il y fut, il commance à estudier en Philosophie au College de S. Barbe, & y continua son cours avec telle diligence, qu'il fust à la fin d'iceluy, gradué Maistre es Arts, avec grande louange & approbation d'un chaf-

*Comment
il fut
nourri en
sa ieunes-*

*Il prend
la vaca-
tion des
lettres, &
pourquoy.*

*Il est en-
uoyé à
Paris
pour esu-
dier.*

*Magde-
leine de
Jasse,
sœur ger-
maine de
Xavier.*

cun. Incontinent apres il entreprist de lire publiquement la mesme science: ce qu'il fit, avec beaucoup de satisfaction de ceux, qui l'entendoient; dont il acquit la reputation d'homme d'esprit, & bien versé és lettres. Icy ie raconteray vne chose digne de memoire, qui arriua du temps qu'il faisoit ses estudes à Paris. Il auoit vne sœur nommée Magdeleine de Jasse, laquelle estant Dame de la Royne d'Espagne, & de ses plus fauories, pour sa rare vertu & honnesteté, quitta neâtmoins toutes les esperances, que ses belles qualitez luy promettoient, n'en tenant nul compte, pour gagner tant seulement I E S U S-CHRIST. Et ayant entendu le bruit & la renommée qui couroit desia par tout de la saincteté de vie, que menoyent les Religieuses deschaussées de S. Claire au Monastere de Gandie, qui print son commencement de certaines Dames Religieuses, Françoises de nation, lesquelles à cause des guerres furent contraintes sortir de France, & se retirer là, pour mieux vaquer à Dieu; elle desiruse de les ensuyure & imiter, demanda congé à la Royne de s'y aller rēdre, & n'eust repos iusques à tant qu'elle l'eust obtenu. Y estāt elle s'addonna si ardamment à toute sorte de vertu propre à sa vacatiō, notamment à la mortificatiō, & à l'oraison, qu'elle fut souuent visitée & consolée de nostre Seigneur, avec beaucoup d'illustrations & reuelations diuines, mesme durant son nouuiat. Et comme elle eust creu de plus en plus en perfection & vraye saincteté, il pleust à Dieu la tesmoigner par euuidēs miracles, qu'elle fit, desquels on a retiré suffisans tesmoignages, & actes authentiques. Or ceste vertueuse Dame, tandis que son frere (que ceux de sa maison appelloient Dom François) faisoit ses estudes à Paris, n'ayant autres pensées que celles qu'auons dit cy dessus, entendit par reuelation diuine, comme Dieu auoit destiné son frere Dom François, pour estre quelque iour vn instrument de sa diuine Majesté; & qu'il porteroit son saint Nom a des nations & Royaumes fort estranges; tellement qu'elle escriuit à son Pere, qui viuoit encore, vne lettre (laquelle est en nostre pouuoir) où elle le prie instamment, de ne permettre iamais que son frere Dom François vint à laisser les estudes, qu'il auoit commencé à Paris, l'assurant sans aucun doubte, qu'il deuoit estre vn iour quelque grād personnage, & qu'il conuertiroit à la Foy de nostre Seigneur force peuples & nations barbares. Mais reprenons le fil de nostre histoire.

*Eust re-
uelation
de ce que
son frere
deuoit
estre.*

*Jean de
Lucena
liur. 1. de
la vie de
Xavier
c. 1.
Xavier
estude en
Theologie*

François Xavier ayant acheué son cours de Philosophie, com-
mença de s'addonner avec pareille diligence à l'estude de Theolo-

gie, demeurant tousiours au college de sainte-Barbe, ou il auoit pour compaignō de chambre M. Pierre Faber, Sauoyard de nation, qui auoit aussi paracheuē son cours de Philosophie, & prins le degré de Maistre es arts, avec pareille reputation de doctrine que son compaignon. Or bien qu'il ne peut pas estre apparié avec Xavier, quant à l'extraction & noblesse du sang, parce qu'il estoit d'assez bas lieu, toutesfois pour le regard de sa modestie, honnesté, & vertu, il meritoit la compagnie & amitié des plus nobles. En ce temps là Ignace de Loyola gētil-homme Biscain, qui a eulx depuis fonda-
 teur de la Compagnie de Iesvs, venant d'Espagne arriua à Paris, *son logu à Ignace.*
 pour estudier en Philosophie : & comme il estoit quasi de mesme païs que M. Xavier, tant luy que M. Faber luy offrent leur logis, & leur compagnie. Ignace qui auoit desia par inspiration diuine, faict son dessein d'assembler durant ses estudes quelques ieunes hommes signalez en vertu & en lettres, lesquels eussent volōté de mespriser le monde, & poussez du zeile de l'honneur de Dieu desiras-
 sent s'employer de toutes leurs forces au salut & perfection non seulement de leurs ames propres, mais aussi de celles de leur prochain, voyant ces deux ieunes hommes si bien nez & tant estimez dans Paris, les choisit deslors pour ceste entreprise, s'il plaisoit à Dieu les y appeller. Ce qui fut cause qu'il accepta l'offre de leur compagnie : & à fin de leur payer ce biē-faict, il leur tenoit souuēt propos de l'amour de Dieu, de la vanité du monde, & de l'instabilité des choses humaines, leur remettant en memoire, que nous n'auons point icy de cité permanente, mais qu'il nous en falloit chercher la haut vne plus asseurée : & bien que l'homme ait acquis & gaigné tout le monde, neantmoins qu'il sera à iamais miserable, s'il vient à perdre son ame. Tels & semblables propos n'estoient pas prins esgalement de ses deux compaignons. Car M. Faber ne possédant pas grand cas au monde, & n'esperant pas de luy beaucoup, en fut aussi bien tost destaché ; mais au contraire M. Xavier fondé
 sur les esperāces, que luy promettoient sa noblesse, son esprit, ses let-
 tres, & l'applaudissement de l'vniuersité, n'escoutoit pas ces choses
 volōtiers ; mais quelquesfois s'en moquoit, d'autrefois s'en faschoit, *Le ra-
 broüe,*
 disant qu'ils missent à part ces bagatelles, & s'entretiussent en autres
 discours. Ignace cependant enduroit tout cela patiemment, & ce
 comportoit enuers luy avec tresgrande prudence & douceur, priāt
 Dieu avec beaucoup de larmes, qu'il luy pleut changer le cœur de
 ce ioune homme. Aussi estoit il bien raison, qu'un tel fils coustat si
*luy parle
 des choses
 de deuotion.*

cher au pere. En fin l'esprit de Dieu qui fauorisoit le parti d'Ignace, se repent & combatoit pour luy, eut le dessus; de sorte que François Xavier *se repent es- resout de suivre la façon de viure d'Ignace.* rentrant en foy-mesme resolut d'embrasser la Croix de nostre Seigneur, & suivre la façon & maniere de viure d'Ignace, ainsi qu'auoit desia faict Pierre Faber. Pour confirmer d'auantage ses bons propos, & saintes intentions, il voulut qu'Ignace le dressat és exercices spirituels, lesquels il auoit communiqué en diuers lieux à plusieurs personnes de toute qualité, avec vn singulier contentement de leurs ames, & pareil fruit pour l'amendement de leurs vies. Ainsi auoit il accoustumé de les bailler à ceux qu'il assembloit pour la fin, qu'il pretendoit, tout au commencement de leur resolution. Xavier donc se retire à part pour quelques iours, à fin de s'addonner plus commodément à l'oraison, & meditation de la vie, mort, & passion de nostre Seigneur, lequel il s'estoit proposé pour patron de sa vie, desirant imiter ses vertus autant qu'il luy seroit possible. Mais il fit au prealable vne diligente & exacte recherche de toute sa vie passée, pour faire vne bonne confession generale de ses pechiez: Dieu en ce temps là luy communiqua vne telle douleur & repentance d'iceux, qu'il luy sembloit que tous les ieiunes, cilices, disciplines, & autres austeritez, qu'il practiquoit chaque iour, estoient trop peu de penitence, pour s'en chastier, comme il auoit demerité: de sorte que poussé d'une ferveur, plus digne d'admiratation que d'imitation, il passa quatre iours entiers sans boire & sans manger. Dauantage se souuenant qu'il s'estoit souuent prisé & vanté par trop de surmonter ses compagnons à courir & sauter (car c'estoit principalement les exercices & passetemps, esquels s'adonnaient pour lors les escholiers à Paris) il se lia si estroitement les cuisses, & les bras, avec de petites cordes toutes pleines de noeuds, que cela luy causoit vne tresgrande douleur. De ceste maniere M. Xavier, qui auparauant cherchoit avec tant d'affection les aisés du corps, & les choses temporelles, touché par apres de la toute puissante main de Dieu, & changé en vn autre homme, inuentoit de nouueaux moyens pour macerer sa chair, à fin de complaire d'auantage à sa diuine Majesté. Ce desir croissant tousiours de plus en plus en son ame, le iour de l'Assomption de Nostre Dame l'an 1534. il s'en alla à Mont-martre pres de Paris, avec Ignace & ses autres huit compagnons, luy avec Ignace faisant dix, là ou chascun d'eux fit vceu a Dieu, promettant de laisser dans certain temps tout ce qu'il possedoit au monde des biens temporels, & d'aller en pe-

Fait grã- de peni- tence.

Fait vœu d'aller en pelerinage a Hierusalem.

lerinages, à la terre Sainte, tant pour visiter les saints lieux de Hierusalem, que pour s'employer là de tout son pouuoir à la conuersion des Turcs, Arabes, & autres Sarrazins ou mescredoyans qu'il y a. Toutesfois si dans vn an apres ce temps prefix, il n'y auoit moyen de faire le voyage, chascun d'eux vouïa de s'aller ietter au pieds de nostre S. Pere le Pape, afin qu'il disposast de luy, & l'employast en ce qu'il iugeroit estre pour le plus grand seruice de Dieu & de son Eglise. Avec ceste sainte resolution, François Xavier continuë son cours de Theologie, & s'addonne ce pendant avec vn grand desir, & courage à l'estude des vertus solides. Surce aduint qu'il fallut, que Ignace s'en retournaist en Espagne, tant pour recouurer sa santé, qui auoit esté fort affoiblie dans Paris, comme aussi pour expedier quelques affaires d'importāce pour soy, & pour ses compagnons. Mais auant que partir ils accorderent ensemble, que les neuf qui restoiēt dans Paris, en partiroident le iour de la Conuersion S. Paul de l'année suiuant 1537. pour s'acheminer à Venise, & que là Ignace se joindroit à eux au mesme tēps. Toutesfois à cause des guerres qui suruindrent pour lors entre François premier, Roy de France, & Charles quint Empereur, & Roy d'Espagne, ils furent contrains de desloger plustost. Car le Roy François commanda, que tous les Espagnols & autres, qui estoient natifs des terres de l'Empereur, eussent à vider de son Royaume dans certain temps. Ils partirent donc de Paris le 15. Nouembre 1536. marchans à pied pauurement vestus, & portans sur eux les escrifs qu'ils auoient amassez durant leurs estudes. Ceux qui estoient Prestres disoient la Messe, & les autres communioient tous les iours: & tant par ce sacré viatique, que par leurs saintes meditations & deuïs spirituels; ils allegoient le trauail & ennuy du chemin, qui fut fort grand. Car voyageās par la France, ils eurent sur le dos les pluyes de l'Automne; au cœur de l'hyuer ils trauerferent la haute Allemagne, qui estoit lors toute glacée: & passerent les monts des Alpes lors qu'ils estoient tous couuerts de neige. Or jaçoit que François Xavier eust esté nourri assez delicatement en la maison de son pere, & n'eust pas accoustumé de marcher à pied; il enduroit neantmoins si volontiers telles incommoditez, que non content du trauail ordinaire, qu'apporte quant & soy le chemin, il adiousta encor de son gré vne plus dure penitence, qui fut de porter durant tout ce voyage ces petites cordes toutes pleines de noeuds, avec lesquelles il bandoit ses cuisses, comme nous auons dit: d'où aduint qu'en chemi-

*Continue
sa Theo-
logie.*

*Part avec
ses com-
pagnons
de Paris.*

nant, ces cordelettes entretēt si auant dans la chair, qu'à peine s'aperceuoit-on mesmes des nœuds, tellement que cela luy causa des cuisses des vlcères fort griefs, accompagnez d'une tres-grande & continuelle douleur. Il la couuroit neantmoins tant qu'il pouuoit, supportant le tout avec une tres-grande patience, de sorte que ses compagnons ne s'en prirent point garde, iusqu'à ce qu'un iour les forces vindrent à luy manquer du tout, à cause de la vehemence des douleurs, qu'il enduroit; si bien que ne pouuant passer outre, il fut contraint de s'arrester, priant ses compagnons de l'excuser s'il ne pouuoit les suiure. Eux estonnez d'un si soudain changement (car auparauant il sembloit estre le plus gaillard de tous) luy en demandēt la cause; laquelle ne pouuāt plus celer, ils furent fort esmerueillez de voir une telle rigueur de penitence, & aussi tost l'emporterent au premier village qu'ils trouuent, faisans appeler le Chirurgien, qui estoit François de nation, pour le penser. Mais comme il eust veu ces cordelettes si enfoncées dans la chair, & les playes qu'elles auoient causé si profondes, il dit qu'il ne scauoit aucun remede à cela, d'autant qu'il estoit impossible de couper & retirer les cordes, sans qu'au prealable on n'eust fait les playes plus grandes, ce qui ne se pouuoit faire, sans mettre le patient en un danger euident de la vie. Ses compagnons estonnez de ceste responce ne scauoient quel conseil prendre, considerans d'un costé l'estat du malade, & de l'autre l'empeschement & destourbier que cela mettoit à leur voyage. Voyans donc que les remedes humains leur defalloient, ils s'adresserent aux diuins, & employerent une bonne partie de la nuict en oraison, priās Dieu pour la santé de leur compagnon avec tres-grande serueur, mais sur tous Xauier qui estoit plus marry de la tristesse des autres, que de ses propres douleurs. En fin il pleust à ce bon Dieu ouyr les prieres de ses seruiteurs; & faire paroistre sa toute-puissance en la guerison miraculeuse du malade. Car le matin on trouua les cordes ostées, & les playes tellement guaries qu'il ne s'y cognoissoit autre chose, que les marques & cicatrices d'icelles, pour plus grande preuue du miracle; & M. Xavier se trouua en si bonne disposition, qu'il peut ce mesme iour pour suiure le chemin avec ses compagnons; cōme ils firent, apres auoir rendu graces à Dieu pour un tant signalé benefice.

Trauersē qu'ils eurent les Alpes, ils arriuerent en fin à Venise, le 8. de Ianuier l'an 1537. où ils trouuerent Ignace qui desia y estoit arriué quelques iours auparauant & les attendoit, pour aller de là à

*1^{re} se d'u-
ne morti-
fication
extraor-
dinaire.*

*Est en
danger de
la vie.*

*Miracle
aduenu
en sa gu-
rison.*

*Arrive à
Venise.*

Rome tous ensemble receuoit la benediction de nostre S. Pere, & auoir permission de faire le pelerinage de Hierusalem qu'ils auoient voué : car sans congé de sa saincteté il n'est pas loisible de le faire. Or comme ils se dispoisoient à cela, suruindrent quelques empeschemens, pour lesquels ils furent contraints de s'arrester à Venise durant le reste de l'hyuer. Cependant pour ne demeurer oyseux, ils se despartirent entr'eux les hospitaux de la ville, tant pour y faire leur demeure comme pauvres, que pour vaquer aux exercices d'humilité & charité, seruans aux malades avec tout le soing & diligence possible.

En ce departement, l'hospital des incurables escheut à M. Xa-
 uier, ou il se mit à travailler avec vne singuliere deuotion, & mes-
 pris de soy-mesme, s'employant és offices les plus vils & humbles
 qui fussent. Ce qu'il faisoit avec vn plus grand contentement d'es-
 prit que s'il eust serui le plus grand Monarque du monde, se repre-
 sentant deuant les yeux nostre Sauueur Iesus Christ, lequel il con-
 temploit en ses pauvres. Or entre ces malades il en y auoit vn
 chargé de bubes ou de pustules, desquelles sortoit vne matiere si
 vilaine, & si puante, qu'il n'y auoit personne qui la peut supporter.
 Et sur tous M. Xauier en auoit vne grande horreur, & desdein, mes-
 me s'il est vray ce qu'aucuns escriuent, que c'estoit du mal qu'on
 appelle Neapolitain, que le patiét estoit atteint: car il est croyable,
 que telle maladie luy venoit plus à contre-cœur à raison de sa grā-
 de pureté. Quoy qu'il en soit, au moins est-ce chose assurée, que
 sentant que sa charité enuers ledit malade s'alloit refroidissant, il
 commence à nettoier ces vlcères chancereux avec plus de soing
 & diligence que de coustume, à celle fin de vaincre ceste repugnā-
 ce de nature: toutesfois il ne pouuoit encore la su: monter du tout,
 iusqu'à ce qu'il fit vne chose qui semblera aux delicats biē estrāge,
 mais non pas nouuelle à ceux qui ont leu les histoires des saincts.
 C'est qu'il se mit à licher les playes de ce pauvre vlcéré, voire, qui
 plus est, à succer la matiere qui en decouloit. Ce qu'il fit par deux
 fois avec vn tel courage qu'il obtint par vn acte si heroïque l'en-
 tiere victoire sur soy mesme; si bien que iamais plus il ne sentit au-
 cune difficulté a penser tels malades, ains beaucoup de plaisir &
 consolation. Ce faict, peut estre, paroistra difficile à croire, mesme-
 ment à ceux qui s'arrestent seulement au iugement du sens, & de
 la nature; mais à ceux qui experimentent les effects de la grace di-
 uine, & les mouuemēts du S. Esprit, qui pousse ceux qu'il luy plaist

*Sert aux
pauvres
malades
en l'Hos-
pital des
incura-
bles.*

*Jean de
Lucena
liv. 1. c. 4.
de sa vie.*

*Succer la
matiere
des vlc-
eres d'un
malade.*

à telles choses qu'il veut, il est autant croyable & faisable, qu'il est courageux & admirable. Mais à fin de confirmer vne verité par l'autre, ie rapporteray brièvement deux ou trois faicts semblables à cestuy-cy. Car nous lisons en la vie de Sainte Catherine de Sienne qu'elle fit le mesme à l'endroit d'une femme qui avoit un chancre à l'estomach; & de S. François aussi, qu'il nettoyoit les playes des ladres avec pareille ferueur & desir de se vaincre soy-mesme. Et qui ne sçait ce que S. Louys Roy de France & S. Elizabeth, fille du Roy d'Hongrie faisoient à l'endroit des pauvres malades de l'hospital? Brief on trouue és vies des saints, des choses autant ou plus estranges, bien que aucunes d'icelles doiuent estre plustost admirées, que imitées sans un mouvement special du S. Esprit, comme il est advenu, en ce dequoy nous traictons, selon que les effects en donnent tesmoignage. Voila cōme nostre Xavier faisoit son apprentissage en la cure des corps, pour estre un iour quelque grand medecin des ames, & tel qu'il a esté depuis, comme nous verrons cy apres.

Il s'en va à Rome. S'estant donc employé en tels, & semblables actes de vertu, depuis qu'il fut arriué à Venise, iusques à la my-Caresme de l'an 1537. il se mit lors en chemin tirant droict à Rome avec le reste de ses compagnons. Ils marchoiēt tous à pied, & ieusnoïēt chascue iour. bien qu'ils se nourrissent tant seulement des aumosnes qu'ils amassoient en chemin. Arriuez qu'ils furent à Rome ils se vont presenter à nostre S. Pere, qui estoit pour lors Paul III. duquel ils furent receus fort humainement. Et comme c'estoit un Prince qui aymoît les lettres, & qui avoit accoustumé de faire discourir durant son repas quelques hommes doctes, sçachant qu'ils estoient bien versez aux lettres, il fit traicter à quelques vns d'iceux certains poincts de Theologie & de Philosophie tandis qu'il prenoit sa refection. En quoy M. Xavier, qui fut du nombre, ne monstra pas moins d'esprit & erudition que de prudence, & modestie. Le Pape les ayant entendus en demeura fort content & edifié; & non seulement leur accorda volentiers ce dont ils l'avoient requis, à sçavoir permission de faire le voyage de la terre sainte, & puissance de s'y arrester, pour s'employer à la conuersion des infideles, qui habitent en ce pais là; mais encore leur donna une somme d'argent pour leur viatique; à laquelle toutesfois ils ne voulurent point toucher, la gardans iusqu'à ce qu'il fallut s'embarquer; tellement qu'ils la consignerent à Rome à un marchand qui la leur fit gratuitement tenir à Venise,

Venise: & ils s'en retournerent en mendiant comme ils estoient venus; pensans au plustost se mettre sur mer & passer à la terre sainte. Mais Dieu qui se vouloit seruir ailleurs de ceste petite troupe, disposa les affaires bien autrement. Car la guerre s'estant resueillée entre les Venitiens & le Turc, il n'y eut aucun moyen de faire leur voyage de la terre sainte ceste année là, comme ils l'auoyent voué: d'autant qu'il ny eut aucun nauire qui partit tandis que dura ceste guerre, pour aller en Hierusalem. Ce qui n'estoit point adueni auparavant de memoire d'homme; & n'est arriué guere souuent depuis. Or iagoit qu'ils fussent deliurez de l'obligation de leur vœu, n'y ayant aucune esperance de faire leur pelerinage au temps qu'ils auoient prefix en iceluy: toutesfoi pour y satisfaire entierement ils s'arrestèrent encore à Venise ou es enuironz le reste de l'année; peödant laquelle ils firent vœu de perpetuelle paureté & chasteté, entre les mains de l'Archeuesque de Rosane, Legat de la sainteté. Ceux aussi qui n'estoiēt pas Prestres (entre lesquels estoit M. Xavier) receurent les ordres sacrez, quo l'Euesque d'Arbe leur consacra; & bien tost apres se disperserent, qui deçà, qui delà; demeurant neantmoins, trestous dans les terres de la Seignenrie de Venise; iusques à ce que le reste de l'année s'escolust. En ce mesme temps les nouveaux Prestres s'apprestèrent, pour dire leur premiere Messe. Et à ces fins le P. François Xavier & le P. Alphonse Salmeron, qui estoient du nombre d'iceux, se retirèrent à vn village, nommé Montecelso, quatre lieus loing de Padoüe, ou ils choisirent pour leur demeure, vne petite loge, escartée du chemin & du bruit des passans, mais entre-ouuert de toutes parts, tres-propre au reste; pour ce qu'ils pretendoient, à sçauoir de se représenter au vis la pauvreté & humilité, avec laquelle le fils de Dieu voulut faire son entrée en ce monde; naissant dans vne stable, & logette semblable. Aussi s'estoient-ils retirez là, tout exprès, pour mediter sa sainte vie & s'encourager à l'imitation d'icelle. C'estoit leur pasture ordinaire de l'ame, & la plus exquisite de toutes; mesme au goust du P. Xavier, car il auoit accoustumé de dire qu'en ceste meditation il trouuoit de plus vifs & plus efficaces motifs & aiguillons à la vertu; qu'en toute autre sujet. Il fut en ce lieu l'espace de 40. iours; couchant sur la dure, avec vn peu de paille dessous, ne mangeant autre chose que quelques morceaux de pain bien souuent moysis; qu'ils amassoient d'aumosne, & employoit le reste du iour & la pluspart de la nuit en prieres & oraisons. Les 40. iours expirez; le

Reçoit
l'Ordre
de Pre-
brie

Il vacque
à l'Orai-
son l'es-
pace de
40. iours

*Dit sa
premiere
Messe a-
vec gran-
de abon-
dance de
larmes.*

P. Ignace les fit venir à la ville de Vicence, où il estoit, y appellant aussi le reste de ses compagnons, & là le P. François Xavier dit sa première Messe, avec si grande abondance de larmes, que ceux qui estoient presens ne pouvoient aussi se tenir de pleurer, tant grande estoit la deuotion & consolation qu'ils ressentoient en leur ame. Estant encore à Vicence, luy & vn autre de ses compagnons tomberent grieuement malades, & furent par aumosne recens à l'Hospital des incurables. Et comme il y auoit beaucoup de malades, & l'hospital estoit fort pauvre, ils se trouuerent despourueus & desnuiez de plusieurs choses necessaires. Mais Dieu voulut suppléer à ces deffauts, l'enuoyant visiter & consoler par le bien-heureux Docteur de l'Eglise S. Hierosme, auquel il auoit vne deuotion particuliere. Car gisant au lit malade, ce glorieux Saint s'apparust à luy avec vn visage venerable & resplandissant à merueilles (selon qu'il raconta par apres au P. Simon Rodriguez, duquel on a sceu depuis tout le faict) & s'estant approché de sa couche, entre autres choses, luy dit qu'il luy conuiendrait souffrir dauantage à Bologne, où il deuoit passer l'hyuer, & que de ses compagnons les vns iroient à Rome, quelques autres à Padoüe, d'aucuns à Ferrare, & le reste à Siene. Ce qui aduint de point en point comme il luy auoit predict. Car le P. Ignace sans rien scauoir de ceste reuelation, voyant que le temps, dans lequel ils s'estoient obligez par vœu de passer à la terre Sainte, estoit desia expiré, consulta avec ses compagnons pour voir ce qu'il seroit de faire. Eux d'un commun accord furent d'aduis qu'il falloit qu'aucuns de leur compagnie allassent à Rome, pour se mettre entre les mains de N. S. Pere, avec leurs compagnons: afin que la Sainteté s'en seruit, en ce qu'elle iugeroit pour le seruice de Dieu, & le bien de l'Eglise: & cepédant que les autres se disperseroient par les plus fameuses Vniuersitez d'Italie, qui sont celles que S. Hierosme luy marqua, pour voir si d'auenture nostre Seigneur inspireroit quelques ieunes hommes bien qualifiez à suivre leur façon & maniere de vivre. Par ainsi il escheut au P. François Xavier d'aller à Bologne, suivant la reuelation qui luy auoit esté faite, & fut mandé avec luy le P. Nicolas Bobadilla; où estans arriuez, ils commencerent à prescher, tant es Eglises, que parmy les places & carrefours de ladite ville. Leur langage n'estoit nullement poly, veu qu'il estoit composé d'une meslange des langues Françoisse, Espagnole & Italienne; neantmoins il estoit si plein de viues & preigieuses raisons, proferées avec vne si

*Estant
malade
S. Hier-
osme
s'apparust
à luy.*

*S'en vint
Boulôgne
où il fit
grand
bruit.*

grande ferueur & viuacité d'esprit, qu'il incitoit les auditeurs à vne vraye douleur & repentance de leurs pechez, jointe à vn ardēt desir de corriger & amender leur vie. Plusieurs qui auoient esté attirés au commencement par curiosité à les venir ouyr, s'en retournent touchés de la main de Dieu, & bien souuent sortoient du boubier des pechez, esquels ils s'estoient veautre long temps auparavant. Somme qu'avec l'exemple de leur sainte vie accompagnée d'une bonne & solide doctrine qu'ils preschoiēt, ils causèrent en ceste ville là vne reformation de mœurs tres-grande, veu le peu de temps qu'ils s'y arrestèrent. Mais il aduint aussi au P. Xavier ce que S. Hierosme luy auoit prédit: Car durant tout cest hyuer, *Il tombe malaide de fièvres quarte.* il fut trauaillé de fièvres quartes, qu'il gaigna avec les trauaux, incommoditez & mesaises qu'il endura pendant l'hyuer. Ce qui fut cause qu'il vint à perdre la couleur, & les forces, de façon qu'il ressembloit plus à vn corps mort, qu'à vn homme vi. Nonobstant tout cela, il trauailloit autāt que iamais, cōme s'il eust esté aussi sain & gaillard: & mendoit tous les iours son vtire de porte en porte, afin de ne donner aucune facheerie ou ennuy à ses hostes. Comme il s'occupoit de la sorte, le P. Ignace l'appelle à Rome avec tous ses autres compagnons, qui estoient espars çà & là, comme a esté dit. Et aussi tost il s'y achemine avec le sien pendant le Carefme de l'an 1538. Arriué qu'il y fut & les autres pareillement, Nostre S. Pere *Il retourne à Rome.* leur ordonne de prescher es principales Eglises de la ville de Rome, & aussi tost ils se mettent à trauailler qui deçà qui delà. L'Eglise de S. Laurens in Damaso escheut au P. Faber & au P. Xavier, en laquelle ils preschoient alternatiuement tous les Dimanches & Festes avec vn grand concours de peuple, & vn fruit merueilleux.

Je ne sçay s'il aduint à ce coup, ou bien la premiere fois, qu'il fut à Rome, vne chose que ie m'en vay raconter. Estant logé avec le Pere Simon Rodriguez, en vn hospital de Rome (comme c'estoit leur logis ordinaire) voicy qu'une nuit dormans tous deux en vne mesme chambre, le P. Xavier se met à crier à haute voix reiterant souuent ces paroles, *encore plus, encore plus*; de sorte qu'il esueillla son compagnon en fursaut; lequel tout estonné d'entendre ces cris, luy demande que c'estoit; mais le P. Xavier ne luy dit autre chose, sinon qu'il ne fit point cas de cela, que ce n'estoit rien; & ne voulut point declarer la chose, bien qu'il en fut souuent de luy prié, iusqu'à ce qu'il s'embarqua pour aller aux Indes, comme nous dirons au chapitre suyuant, ou nous verrons comme Dieu par tels & sem-

Comme
Dieu l'a-
uoit choi-
si pour les
Indes.

blables songes l'aduertissoit des lors, comme il luy conuieindroit en-
durer beaucoup de trauaux & incommoditez pour son seruice, luy
donnant le courage de supporter tout cela, & encore d'en souhai-
ter dauantage. A quoy nous pouuons adiouster ce que le P. Laynez
à dit & tesmoigné luy estre aduenü quelquesfois; à sçauoir que
voyageans tous deux ensemble par l'Italie, comme ils estoient bien
souuent compagnons de chambre, il arriuoit par fois qu'il enten-
doit le P. Xauier s'esueiller de nuict en sursaut & auec vn si grand
ahan & lassitude, comme s'il eut beaucoup trauaillé; Or comme il
entendoit, que son compagnon le P. Laynez estoit aussi en veille,
parlant à luy. Bon Dieu (faisoit-il) que ie suis las, mon frere Laynez;
il m'estoit aduënü que ie portois sur mes espaules vn Indien, aussi noir
qu'vn more d'Ethiopie, qui me pesoit si fort, que ie ne pouuois
hausser la teste, & encore à ceste heure que ie suis esueillé; ie me
trouue si rompu, comme si i'eusse luyté avec luy. Voyla comment
Nostre Seigneur luy vouloit faire entendre, qu'il l'auoit destiné
pour aller planter sa foy en ces vastes regions des Indes; & qu'en
cette poursuite, il deuoit patir beaucoup, ainsi que d'experience l'a
monstré. Aussi luy auoit il donné vn si grand desir de la conuersion
de ces nations, que long temps auparauant qu'on ne traitast de l'y
enuoyer, ny aucun de la Compagnie, le P. Hierosime Domenech qui
auoit eu fort grande familiarité avec luy, estant encore seculier lors
qu'il fut à Boloigne l'entendoit souuent diseduir sur ce sujet avec
vn singulier contentement & plaisir, de sçauoir qu'il appert par ce
que dessus comme Dieu l'auoit long temps auparauant choisi &
esleu pour ceste entreprise. Or à fin qu'on recognoisse mieux cecy,
nous raconterons briuevement, comme ceste charge luy fut don-
née; Mais pour entendre mieux le tout, il nous faut prendre la cho-
se d'vn peu plus haut.

Du temps doncques que le B. P. Ignace de Loyola estoit à
Paris avec ses compagnons au College de sainte Barbe, il y auoit
vn Principal audit College Portugais, de saint idn, nommé Jaques
de Gouez, lequel ayant cogneu particulièrement la vertu & bonne
vie du P. Ignace, & de ses compagnons, sçachant aussi leurs saintes
intentions, & le desir ardent qui bruloit en leur coeur du salut des
amies; & qu'ayans esté desbournéz du voyage de la terre sainte, ils
s'estoient allez ietter aux pieds de nostre S. Père, pour estre em-
ployez en ce que la sainteté ingéroin estre conuenable pour la
plus grande gloire de Dieu, & le bien de son Eglise. Sçachant dis-je

Le Roy de
Portugal
demande
vn des co-
pagnons
d'ignace.

ce bon Docteur toutes ces choses, & d'ailleurs estant informé que le Roy de Portugal Iean III. ne souhaitoit rien tant que trouuer de telles gens, pour enuoyer es Indes publier la foy Chrestienne à ces peuples Orientaux, que Dieu luy auoit soubmis, aduertit sa Majesté de tout ce que dessus. Le Roy escriuit aussy tost à son Ambassadeur en Cour de Rome, qui estoit lors Dom Pierre Mascaregnas, luy ordonnant que de sa part il priaist sa sainteté de luy vouloir enuoyer à tout le moins six des compagnons d'Ignace, qui n'estoient en tout que dix, pour les Indes Orientales, ou il y auoit vn si beau chāp, pour pouuoir employer leur zele & industrie au salut des ames, qu'ils desiroient tant. Le Pape ayant ouy l'Ambassadeur reuoya l'affaire au P. Ignace, lequel bien qu'il vid que la demande du Roy procedoit d'un bon zele, & saint & de sir qu'il auoit d'amplifier les bornes du Royaume de Iesus Christ, autāt que les siēnes iugēt ne sūmoins que l'Eglise Catholique auoit besoing en l'Europe de beaucoup plus de gēs, pour la desfēdre des ennemis, qui desia l'assailloient, & encore la menaçoient de pis, que pour l'accroistre, en luy cōquestāt de nouuelles terres, fit respōce à l'Ambassadeur qu'il pourroit bien dōner au Roy deux de ses cōpagnons, mais de luy en bailler dauantage, qu'il n'en seroit pas d'aduis. Sa sainteté approuua son iugēmēt, & luy ordonna qu'il nommast ceux, lesquels il estimoit propres à cela : ce qu'il fit, & l'un d'iceux fut le P. Simon Rodrigues Portugais, l'autre le P. Nicolas Bobadilla Espagnol. Le P. Simon atoit pour lors les siēnes quarts, toute fois il s'embarqua bien tost apres, car il deuoit aller en Portugal par mer, & mena quant & soy vn autre Prestre Italien de la Compagnie, nommé Paul Carners, qui s'estoit joint à eux vn peu auparauant ; mais le P. Bobadilla se trouuant lors en Calabre, ou il auoit esté enuoyé par N. S. Pere, pour quelques affaires d'importāce, fut aduertý de s'en venir à Rome, laissant à part toute autre chose, ce qu'il fit indolent. Mais aussi tost qu'il fut arriué, le voilà saisi d'une grosse maladie, de laquelle il n'y auoit point d'esperance, qu'il peut guarir si promptement pour s'en pouuoir aller en Portugal avec l'Ambassadeur, qui estoit sur le point de partir, & ne s'en vouloit aller sans emmener quant & soy l'autre Pere, qui luy auoit esté promis. Le P. Ignace estoit aussi pour lors au lit malade, ayant dispersé tous ses compagnons, qui en vn lieu, qui en vn autre, par le commandement du Pape, excepté le P. Xavier, qui il auoit retenu aupres de soy. Or apres auoir recommandé bien chaudement l'affaire à Nostre Seigneur, il fait appeller à soy son

Les PP.
Simō Ro-
drigues
& Nico-
las de
Bobadilla
nommez
pour les
Indes.

Le P. Frā-
çois Xa-
uier s'as-
sied en
la place
du P. Bo-
badilla
son malade.

lelit Pere, & luy parle en ceste sorte.

„ Vous ſçaeuz (dit-il) mon frere, qu'il faut que deux de nous,
 „ par l'ordonnance de ſa Saincteté paſſions aux Indes, & que le P. Bo-
 „ badilla, qui auoit eſté nommé, pour faire ce voyage avec le P. Ro-
 „ drigues, ne peut partir à cauſe de ſon indispoſition. Dieu ſe veut
 „ ſeruir de vous en cecy, comme ie vois: ſuiuiez-le donc à la bonne
 „ heure, la part ou il vous appelle. Je ne doubte pas de voſtre courage,
 „ & ſcay le deſir, que vous auez d'eſtre enuoyé là. Partant il n'eſt be-
 „ ſoing de vous tenir plus lōg propos: mais il ſuffit de vous dire, que
 „ ſuiuiez hardiment la voix de Noſtre Seigneur, qui vous appelle
 „ aux Indes. Le Pere Xavier ſur ce rougiſſant par modeſtie au viſage,
 „ & treſſaillant de ioye en ſon cœur, luy reſpond en peu de mots:
 „ qu'il eſtoit preſt de faire pour l'honneur & gloire de Dieu, ce qui
 „ luy eſtoit enjoint; & ſoudain, tout baigné en larmes de conſolation
 „ & allegreſſe, remercia humblement le P. Ignace, de luy auoir ac-
 „ compli le deſir, que pieça Noſtre Seigneur luy auoit donné, d'eſtre
 „ enuoyé en ces contrées là. Et puis qu'il voyoit ſes ſouhais eſtre
 „ confirmez par le commandement de celuy, qu'il auoit prins pour
 „ interprete de la diuine volonté, il eſperoit que ſon infinie miſeri-
 „ corde l'aſſiſteroit en ceste miſſion, & luy feroit la grace d'y finir
 „ ſes iours, ſoubs le bon plaifir & conduite de la ſaincte obeyſſance.
 „ Son propos finy, il ſ'en va tout auſſi toſt preparer, pour partir le
 „ lendemain avec l'Ambaſſadeur, qui haſtoit l'affaire tant qu'il pou-
 „ uoit: de façon qu'il n'eũt que quelques heures pour embraffer ſes
 „ freres, dire à Dieu à quelques ſiens amis, & faire r'accouſtrer la ſou-
 „ rane qu'il portoit. Mais ce dequoy il traicta auant toute autre cho-
 „ ſe fuſt d'aller baiſer les pieds, & receuoir la benediction du S. Pere,
 „ qui eſtoit encore lors Paul 3. Sa Saincteté le receut fort humaine-
 „ ment, & avec demonſtration d'un amour vrayement paternel, car
 „ il eſtoit fort aïſe de ceste Miſſion des Indes. Il luy donna volontiers
 „ la benediction, & luy oſtroya liberalement les Indulgentes, que le
 „ Pere luy demanda. Puis il luy fit vne remonſtrance aſſez longue,
 „ par laquelle il l'exhortoit, & encourageoit à faire en ceste commiſ-
 „ ſion, ce que Dieu, & les hommes attendoient de luy; appuyé non
 „ en ſes forces, mais en la toute-puiſſance de celuy, qui appelle les
 „ choſes, qu'ine ſont point, comme celles qui ſont; & que c'eſtoit par
 „ la vertu de Noſtre Sauueur, que les Apoſtres auoient fait tant de
 „ merueilles au monde, & nommément l'Apoſtre S. Thomas és
 „ Indes, ou il alloit faire reuiure la meſme foy de Ieſus-Chriſt, qu'il y

*Remon-
 ſtrance de
 N. S. P.
 ſuite au P.
 Xavier a-
 uant qu'il
 partit.
 R. 4.*

auoit preschée. Partant qu'il eust bon courage, ne s'estonna point des labeurs, dangers & persecutions qu'il luy conuiendroit endurer; que ceste vie estoit courte, & que par le moyē de ces trauaux il s'aqueroit vne gloire eternelle. Pour cōclufiō il luy dit ces paroles. Allez donc mon fils bien-aymé, ou Dieu vous appelle, & tachez d'amplifier & estendre les bornes de la Religion Chrestien- ne en ces quartiers du Leuant, à l'exemple de l'Apoītre S. Thomas: la main de Dieu n'est pas racourcie. Si radis il a fondé son Eglise par le moyen des Apostres, il la peut bien maintenant aussi accroître par des personnes Apostoliques. Ayant finy son discours, le P. Xa- uier luy respond en ces termes. *Beatissime Pater* (dit il) ie ne reco- gnoy point en moy chose aucune, qui merite, que ie sois employé a vne si haute entreprise: mais ie laisse cela à ceux qui me l'enio- gnent. C'est au superieur à considerer ce que le suieēt peut faire, mais à luy appartient seulement d'obeir. Et d'autant plus que ie cognoy mon imbecillité, ie mets aussi dauantage ma confiance en Dieu, lequel choisit les choses basses & foibles, pour confondre les, plus hautes & les plus puissantes. Pour ce ie m'asseure tant de son infinie bonté & misericorde, que puis qu'il m'appelle à ceste char- ge, il me donuera aussi les forces, & les moyens de m'en acquiter, estant mesmement aydé & assisté des prieres de vostre Saincteté, & de toute l'Eglise. Nostre S. Pere ayant veu sa modestie & entendu, son humble & prudente response en demeura fort content & satisfait; si que deslors il resolut de le constituer son Nonce Apostolique es Indes, comme il fit par apres selon qu'il sera dit au chapitre suyuant. Le P. Xavier ayāt prins cōgé de sa Saincteté & de tous ceux de la maison avec beaucoup de larmes d'une part & d'autre, part avec l'Ambassadeur, sans prendre autre chose avec soy que son breuiaire & l'aceoustrement qu'il souloit porter.

LES VOYAGES DV P. XAVIER DE ROME,
à Lisbonne, & de là aux Indes, & ce qu'il fit en iceux.

CHAPITRE VI.

LA Compagnie de IESVS n'estant encore approuuée pour Religion, ny confirmée du S. Sieg, le P. Ignace ne gouernoit pas ses compaignōs comme Superieur, ains comme leur Pere spirituel, qui les auoit tous engendrez selon Dieu. Neantmoins l'obey- sance du P. Xavier fut telle, que bien que la charge qu'il entrepre-

*Alte si-
gnall d'a-
beyfan-
ce du P.
Xavier.*

nois, fut des plus laborieuses, & dangereuses qu'il y eut: si est-ce qu'il l'accepta avec telle promptitude, & allegresse d'esprit, que nous auons veu. Mais il nous faut maintenant dire quelque chose de ce qu'il fit de plus remarquable en chemin, car tousiours il se dispo-

soit de plus en plus à ce qu'il fit par apres aux Indes.

Estant donc en compagnie de l'Ambassadeur, bien qu'il fut fort honoré & chery de luy, toutesfois il n'oublia pas l'exercice des vertus, qu'il souloit pratiquer, mesmement de l'oraison & de la mortification. Car encore que durant toute la journée il eut ordinairement deuant les yeux de son esprit la presence de Dieu: si s'adonna il plus particulièrement à l'oraison, & meditation en certains temps, selon qu'il auoit accoustumé lors qu'il ne voyageoit pas. De ceste sorte il acquerioit de iour en iour nouvelles forces & richesses spirituelles: lesquelles ils debitoit à ceux qui alloient avec luy selon que les occasions s'en presentoient. Il estoit si humain & affable, si courtois & debonnaire, qu'il se faisoit aymer d'un chacun, ne donnant fascherie à nul. Il se laissoit accoster voire des plus modestes, & fuyoit tout ce, où il y auoit quelque espede d'honneur, autant que d'autres le recherchent. Il choissoit tousiours le pire tant qu'il pouuoit. Si quelqu'un se plaignoit d'estre mal logé ou couché, il l'accommodoit du logis ou du liét qu'on luy auoit baillé. D'ordinaire il estoit le premier à se leuer & le dernier à se coucher: souuentefois il prenoit le soing des montures; à fin que les valets eussent moyen de reposer plus long temps. Il garantoit quelques uns de la compagnie de tres-grands dangers; & nommément le Secrétaire de l'Ambassadeur, lequel en passant par les Alpes tomba de son cheual, & s'alloit perdre dans un grand monceau de neige, qui le couuroit desia, & l'emportoit dans un torrent, au fonds d'un horrible precipice: car ses cōpagnons voyans le danger où estoit le Secrétaire, & craignans eux mesmes de se perdre en le voulant secourir, ne bougeoient point: mais le P. Xavier estant arriué pres de luy (car il venoit un peu derriere) sauté promptement de son cheual, & retient avec la main le secretaire, le deliurant d'un peril si euidēt de mort, que l'autre le tint, & recogneut toute la vie au lieu de perdre, cōme s'il luy eut donné de nouveau la vie. Un autre de la mesme suite voulut, contrē l'aduis de tous, passer à gué un fleuue impetueux & fort roide; & comme le cheual ne pouuant resister au fil de l'eau, estoit emporté avec celuy, qui l'auoit mōté, du courānt de la riuiera, sans que personne luy peult aucunement ayder, le P.

Xavier

*Comment
il se com-
porte en
chemin.*

*Il garan-
tit du da-
nger de la
mort le
secretaire
de l'Amba-
assadeur*

*Et un au-
tre aussi
des sa-
is qui
s'alloit
perdre.*

se mit soudain en oraison, & l'autre tout aussi tost se trouua sur ses pieds, bien qu'auparauant il fut tout couuert d'eau; ce que ceux qui estoient presens estimerent auoir esté obtenu par les prieres d'un si saint homme. Mais en ce que ie m'en vay raconter outre sa charité, l'on peut remarquer encore quelque chose de diuin. Il y eust vn des seruiteurs de l'Ambassadeur, lequel ayant esté reprints de son maistre pour quelque faute, qu'il auoit faite, se mit tellement en cholere, qu'il disoit plusieurs paroles mal-seantes, jurant, reniant & blasphemât le nom de Dieu, au grand scandale de ceux, qui estoient là presens. Le Pere du commencement l'aduisa tout doucement; mais comme il ne le vouloit escouter, ains plustost continuoit en sa furie, il le menaça de quelque punition que Dieu luy enuoyeroit, s'il ne se recognoissoit. L'autre ne s'en entre pas en soy pour cela, mais monte à cheual, & s'en va tout seul deuant les autres, comme vn homme forcené de rage. Le P. Xavier bien tost apres le suit, prenant vn des meilleurs cheuaux qui fut en la troupe, combien que ce fut contre sa coustume, car il prenoit d'ordinaire le pire. Vn peu auparauant qu'il ne l'eust attaint, le cheual de ce miserable estoit tombé d'un rocher en bas, & luy aussi. Le cheual s'estoit creué de la cheute, & luy restoit à demy mort: le Pere le trouuant en tel estat, qu'il auoit desia perdu la parole, & ne recognoissoit personne, soudain descéd de son cheual & le prind entre ses bras; l'autre vn peu apres recouura le iugement & la parole. Alors le Pere le tâcha tout doucement, & luy dit ces mots. Qu'eust-il esté de vous, pauvre miserable, si la mort vous eust prins en tel estat? remerciez Dieu qui vous a donné la vie, & demandez luy pardon de vos pechez. Apres ce il le mōte sur son cheual, & luy demeure à pied. Cela seruit de beaucoup à cestuy-là: car par ce moyen il se recogneust, & se confessa au Pere, reparant puis apres le scandale qu'il auoit donné, par vn tres-bon exemple, qu'il bailla à toute la compagnie durant le reste du chemin. Comme ils eurent passé la France, & furent arriuez au monts Pyrenées du costé de la Nauarre, bien pres de Pampelune, & non gueres loin de la maison paternelle de Xavier, l'Ambassadeur luy remonstra comme il estoit raisonnable qu'il allast voir sa mere, laquelle estoit encore en vie avec ses freres, & autres proches parens; puis qu'il y auoit si long temps qu'il ne les auoit veus, & que probablement parlant, il estoit pour ne les voir iamais plus, ayant à faire vn si long voyage, que celuy des Indes. Mais ce grand personnage sçachant combien il impor-

*Delivre
vn vallet
de la
mort tem-
porelle
& spiri-
rituelle.
le.*

*Passant
par la Na-
uarre ne
voulut
aller voir
ses parti.*

toit à ceux, qui ont quitté le monde, & font estat de suyure la perfection Euangelique, d'estre destachez de la chair & du sang, & voulant donner exemple à ceux qui le deuoient imiter & ensuyure, de renoncer à l'auour propre, & nommément à l'affection charnelle enuers les parens, qu'ils doiuent changer en spirituelle, ne peut estre induit aucunement à cela, donnant raison de son faict si pertinemment audit Ambassadeur, qu'il en demeura fort satisfait & content. Cependant l'Ambassadeur remarquoit ces choses, avec tous les autres traicts de vertu qu'il auoit veu en luy durant vn si long voyage: de maniere que non seulement il en conceust vne tres-grande opinion, l'estimant deslors en son cœur vn homme de grande vertu & perfection; mais aussi en escriuit au Roy de Portugal estant mesmes en chemin, vn' infinité de loüanges, dont le Roy fut espris d'vn grand desir de le voir. De façon qu'il arriva à Lisbonne, non moins attêdu que souhaité de sa Majesté, sur la fin de l'hy-

*Il arrive
à Lisbonne.*

uer de l'an 1540. Soudain qu'il eust mis pied à terre, il s'en alla trouuer le P. Simon Rodrigues, qui estoit encore fort trauaillé de sa fièvre quarte, & l'attendoit ce mesme iour, & à l'heure mesme que le P. Xavier arriva. Mais s'estans mutuellement embrassez d'vn amour & charité fraternelle, qu'ils se portoient l'vn à l'autre, la fièvre n'osa plus attaquer le P. Simon, ains le quitta tout à fait. Trois iours apres, le P. Xavier fut au Palais avec le P. Simon, pour saluer le Roy, lequel fit bien paroistre le contentement qu'il auoit receu de sa venue, par beaucoup de signes de grande affection, & bienveillance qu'il luy monstra: & apres luy auoir tenu quelques propos fort humains & courtois, il commanda qu'on les logeast tous deux ensemble, en vne fort honneste maison, & qu'ils fussent pourueus de tout ce qui leur feroit besoin abondamment, à ses propres cousts & despens. Mais ils remercierent tres-humblement sa Majesté, & de ce pas s'en allerent à l'Hospital, qu'on nomme de Tous les Saints, pour y loger & exercer ensemblément la pauvrete, la charité & l'humilité, seruans aux pauvres malades, & les secourans en leurs necessitez, tant spirituelles que temporelles. Là ils commencerent à practiquer le mesme qu'ils auoient fait à Venise, à Boulougne & à Rome, avec tres-grande edification de toute la ville de Lisbonne & de la Cour du Roy. Ils employoient les heures de la nuit, pour la pluspart, en meditation & en contemplation, se contentans d'vn peu de sommeil qu'ils prenoient, pour satisfaire à la nature. Ils disoient leur Messe à la pointe du iour, & apres s'occu-

*Le Roy
luy fit vn
bon ac-
cueil.*

poient à servir & consoler les malades de l'Hospital. Puis ils trait-
 toient avec toute sorte de personnes, qui les venoient trouver, les ^{Ses occu-}
 vns pour se confesser, les autres pour demander conseil és choses, ^{pations}
 qui concernoient l'estat de leur conscience : & instruisoient ^{estant à} plus
 particulièrement en la vie spirituelle ceux qui desiroient y profi-
 ter davantage. Ils alloient visiter les prisonniers, ils preschoient és
 Eglises, & enseignoient parmy les places & carrefours de la ville la
 Doctrine Chrestienne, ^{Lisbone} brief ils ne parloient que des choses celestes
 & diuines, comme gens qui ne respiroient autre chose, que IESVS-
 CHRIST, & iceluy crucifié, desirans le laisser empreint & viuement
 gravé au cœur d'un chascun. Le peuple estoit si bien edifié de leur
 façon de faire, que voyant leurs actions si conformes à la vie Aposto-
 lique, il commença deslors à les appeller *Apostolos*, & du depuis ^{Les Je-}
 donné le mesme nom à tous ceux de la Compagnie, bié que pour ^{suites ap-}
 eux ils ne reçoivent pas volontiers tel honneur, d'auquel mesme ^{peller en}
 l'Apostre S. Paul s'estimoit indigne. En fin le fruit que ces deux ^{Portugal}
 Peres firent en ceste ville de Lisbonne, fut tel, qu'il sembloit, que le ^{Aposto-}
 monde estoit tout renouellé, & deuenü autre, tant en la deuotion, ^{los &}
 & frequentatiõ des Sacremens (lesquels auparavant on n'auoit ac- ^{pourquoy.}
 coustumé de recevoir, sinon durant le Careme) qu'ez œuvres de ^{1. Cor. 13.}
 misericorde & au res actes de vertu. Ces choses estant considerées
 de plus pres par quelques vns, qui s'apperceurent de ce grand chan-
 gement aduenü depuis si peu de temps, que ces Peres estoient ar-
 rivez, leur tuidoient empescher le voyage des Indes, & les arre-
 ster en Portugal tous deux. Car il y en eust, qui proposerent pre-
 mierement entr'eux, que parauanture seroit il meilleur de re-
 tenir telles gens en Portugal, que de les enuoyer aux Indes, al-
 legans qu'il valoit mieux secourir à la teste & au cœur, qu'aux
 iambes & aux pieds, & qu'on pourroit par leur moyen en dres-
 ser d'autres en Portugal, avec le mesme esprit, pour les enuoyer
 depuis aux Indes. Ces propos coururent peu à peu parmy le ^{On rasche}
 peuple, & puis entre les plus grands de la Cour, iusques à ce ^{d'empes-}
 qu'ils vindrent aux oreilles du Roy, lequel trouua bon de mettre ^{cher leur}
 la chose en conseil, ou il fut resolu qu'il seroit bon de retenir en ^{voyage}
 Portugal tous les deux Peres. Lesquels comme ils eurent senty ^{des Indes.}
 quelque vent de ceste resolution, pour ne manquer ny a l'obeis-
 sance qu'ils auoient vouée au S. Pere, ny a l'ordonnance que leur
 auoit fait le P. Ignace de s'en aller aux Indes, luy en escriuirent, à
 fin de sçauoir ce qu'ils deuoient faire en tel cas. Le P. Ignace ayant

parlé de cest affaire au S. Pere, & voyant qu'il s'en remettoit du tout à la volonté du Roy, leur respondit qu'ils fissent hardiment tout ce que le Roy en determineroit, car sa saincteté luy donnoit en cela tout pouuoir; toutesfois que si l'on demandoit son conseil, il seroit d'aduis que P. Simon s'arrestat en Portugal, & que le P. Xavier passast és Indes. Cest aduis agrea tellement au Roy, qu'il ne voulut aucunement y contredire, puis que tel estoit le iugement du P. Ignace, duquel il auoit tres-grande opinion & estime. De ceste sorte s'accomplit & le desir du P. Xavier, & l'arrest de la sapience diuine, qui l'auoit ainsi preordonné, pour la plus grande gloire de son saint Nom. Mais le P. Simon fut fort marry de perdre vne

*Le P. Simon Re-
mon dragues
est vertueu
en Portu-
gal.* si belle occasion d'endurer beaucoup de trauaux pour l'amour de nostre Seigneur. Ce neantmoins Dieu se seruit grandement de luy en Portugal. Car le Roy le retint tout expres, pour gouuerner & regir vn beau & grand College de la Compagnie, qu'il resolut des lors fonder, & doter de tres bon reuenu, comme il fit par apres en la ville & vniuersité de Coimbre, là où s'esleue & instruiet vn bon nombre de Religieux de la mesme Compagnie, lesquels vont par apres ayder ceux qui trauaillent és Indes à la conuersion des Gentils; & ce fut le premier College de tous ceux de ladite Compagnie.

*Le P. Xavier va
aux In-
des.* Mais reprenons le fil de nostre histoire. Venu que fut le temps, auquel il falloit partir, pour faire voile aux Indes, les officiers du Roy, prièrent le P. Xavier de leur vouloir bailler vn roolle de ce qu'il auroit besoing, tant és Indes, que par le chemin, selon qu'il pourroit aprendre de ceux qui y auroient esté autresfois; d'autant qu'ils auoient commandement expres de sa Majesté, de le pouruoir de tout ce qui seroit de besoing pour luy & pour ses compagnons, qui estoient deux, à sçauoir le P. Paul Carners Italien, & François Manfilla Portuguais, qui n'estoit pas encore Prestre. Le Roy cependant fit appeller le P. Xavier, & le prenant à part, luy monstra combien il se fioit en sa personne, luy recommandant fort particulierement tout son estat des Indes, principalement en ce qui concernoit le bien spirituel des Portuguais, & la conuersion & instruction des Infidelles. Car il ne pretendoit pas, disoit il, estendre moins le Royaume de Iesus Christ, que son domaine, ne tenant pas ceux-là pour ses vassaux, qui n'embrassoient la foy Chrestienne. Il pria encore le Pere de visiter ses forteresses, & lieux de garnison qu'il auoit là, tâchant de remedier à tout ce qui n'iroit pas confor-

mement aux loix de Dieu, & de son Eglise, & de l'aduifer de tout par lettres. Or à fin qu'il y entraist avec plus de puissance & autorité, il luy mit en main vn brief, qu'il auoit obtenu du S. Pere, par lequel il estoit constitué Nonce Apostolique és Indes, avec vn grand pouuoir & tresample iurisdiction. Le Pere respondit à sa Majesté en peu de mots, & de telle façon, que le Roy ne demeura pas moins satisfait de son humilité & prudence qu'assuré de sa fidelité. Quant aux officiers du Roy, qui luy faisoient grande instance, de donner par liste ce qu'il auoit besoing pour soy & pour ses compagnons, le Pere leur respondit des le commencement, qu'il n'estoit pas necessaire de se mettre en peine pour eux. Car puis qu'ils alloient aux Indes pour le seruice de nostre Seigneur, ils esperoient que sa diuine bonté ne leur manqueroit en rien de ce, qui leur seroit necessaire; & puis qu'ils auoient voué pauvreté, cela leur seroit mal seant, de faire tant de provisions pour leur nourriture. Mais comme lesdits officiers alleguoient que telle estoit la volonté du Roy, qui leur auoit expressement enjoint cela, & qu'il en seroit mescontent, s'ils ne s'acquitoient de leur deuoir; en fin pour ne se monstrier par trop opiniastre, & mesconnoissant de tant de faueurs, que sa Majesté luy faisoit, il permit qu'on les pourueut de quelques liures necessaires, & lesquels il pensoit ne pouuoir trouuer és Indes; & outre ce d'une robe de gros drap pour soy & pour vn chascun de ses compagnons, afin de se deffendre contre les grandes froidures qu'on a coustume de sentir aupres du Cap de Bonne esperance. D'autre chose ne consentit-il aucunement qu'on le pourueust. Et comme le Comte de Castagneryra, qui estoit commis par le Roy en tels affaires, le priaist de vouloir à tout le moins prendre vn vallet, qui luy apprestast son repas, le Pere luy fait response, que tandis que Dieu luy feroit la grace de se pouuoir ayder des pieds & des mains, il n'auroit besoin d'aucun autre seruiteur. Le Comte luy repliqua, que ce seroit vne chose mal-seante, & peu conuenable à son auctorité & dignité de Nonce Apostolique, de le voir parmy la lie des mariniers, & autres gens de basse condition, lauer le linge au bord du nauire, ou cuisinier aupres du foye; le Pere repart à cela fort pertinemment. Et ce sont (dit-il) Monsieur tels & semblables respects humains, qui ont mis l'Eglise en l'estat que nous la voyons à present; Quant à moy ie suis resolu, non seulement de porter le pot au feu, mais encore de lauer, si besoin est, tous les pots & linges de ceux du nauire. Car pourueu qu'on ne me voye point faire du mal, ie n'ay

*est cred
Nonce
Apostoli-
que és
Indes.*

*Ses pre-
paratifs
pour le
voyage.*

*Respon-
se re-
mar-
quable*

point peur de perdre l'auctorité & dignité que ie represente. Le Cômte n'eust rien pour lors que repartir: si eust-il bien apres que raconter des loüanges du Pere: & souuent a dit depuis, qu'il n'eust pas moins de peine ceste année-là avec le P. Xavier, pour luy faire prendre quelque chose de ses necessitez, qu'il eust avec le reste de ceux à qui le Roy deuoit prouoir, de ne prendre plus qu'il ne leur

Il prend congé du P. Simon, & ce qu'il luy dit à son depart. falloit. Tout estant à point pour faire voile, le P. Xavier print congé du P. Simon Rodriguez, qui le conduisit iusqu'au dedans du Nauire, & l'embrassant avec grande affection & charité, luy tint ces propos; Mon frere, ce seront icy les dernieres paroles que vous entendrez de moy en ceste vie, comme ie pense. Il faut que nous endurons volontiers ceste separation, tandis que nous serons pelerins sur la terre; puis que nous sommes assurez, que tant que nous serôs conjoincts avec Dieu, nous serons aussi conjoincts ensemble; & personne ne nous pourra separer de ceste Compagnie, ny de celle de IESVS-CHRIST, que nous professons. Vne chose vous veux-je bien descouvrir maintenant, laquelle iusques icy ie vous ay tenuë cachée, afin que vous vous consoliez en mon absence. C'est quolors que nous estions tous deux ensemble à Rome dans vn Hospital, ou vous m'oüystes crier vne nuit, disant, *Encore plus, encore plus* Nostre Seigneur me fit entendre, ie ne scay si en dormant ou en veillant, que ie deuois endurer force trauaux, disettes, & necessitez de faim, de soif, de froid, de chaud, en terre & sur mer, beaucoup de trahisons, perserutions, & dangers, le tout pour son seruice & honneur; & neantmoins il me donnoit forces pour supporter cela, & en desirer encore dauantage; d'où procedoient les cris & parolles que vous ouyistes. Et pource i'espere que sa diuine bonté me fera partecipant en ceste commission, qui m'a esté baillée de la main de Dieu; de ce qu'il m'eust representé à cest heur là, & m'accomplira les desirs, qu'il luy pleust me donner pour lors. Partant ie vous prie d'auoir souuenance de moy en vos saincts sacrifices & oraisons. Ayant dit cela es derniers embrassemens, il ne vid iamais plus en ce monde ny ne parla au P. Simon le quel s'en retourna à terre, fort triste, & desolé. Cependant on leua les anches, on met les voiles au vër; & la flotte sort du port de Lisbonne le 7. d'Auail de l'an 1541. sous la conduite de Martin Alphonse de Sosa, Gouverneur des Indes, lequel voulust auoir avec soy le P. Xavier dans la Nau capitaineſſe, nommée de S. Iaques.

Tout le temps de sa navigation, il n'eust garde d'estre oyseux;

car la charité n'est point oysive, & jamais n'a faute de lieu, ny de sujet pour bien faire. Il s'employa durant ce temps non seulement aux œuvres de miséricorde spirituelles, mais aussi les corporelles; il enseignoit tous les iours la doctrine Chrestienne aux vaillets, esclaves, & autres gens de basse condition sur le tillac du Navire; il preschoit tous les iours de Dimanche & de Feste, exhortant vn chascun à suivre le chemin de la vertu, & se garder d'offenser Dieu. Il donnoit en particulier de bons aduis aux Officiers du Roy, & à l'Admiral mesme, pour bien administrer iustice, & en toutes autres choses qui concernoient le salut de leurs ames. Il appaisoit les querelles qui s'esnouuoient parmy eux, & composoit leurs differens, corrigeant modestement & avec grande douceur & prudence, ceux qui pour detracter, ou parler mal des autres, donnoient occasion aux noises & dissensions. Il tannoit ceux qui se cholerioient en jouant, ou qui juroient & blasphemoient le nom de Dieu; & ce avec telle autorité, que personne ne luy osoit contredire, & avec tel profit que plusieurs s'en amenderent. Beaucoup d'inimitiez furent esteintes & assoupies par son moyen; force vices corrigez. Il y eust vn bon nombre de ceux du Navire, qui se confessèrent à luy, & furent par ses remonstrances, induits à mener de là en auant vne vie plus honneste & vertueuse, qu'ils n'auoient faict au passé. Aussi monstroit-il enuers vn chascun si grande charité & amour paternelle, conuersant parmy eux avec vne face si ioyeuse & allegre, qu'il n'y auoit aucun qui ne l'affectionast, mesme de ceux qui pour raison de leurs meschancetez, ne pouuoient voir qu'a regret & contre-cœur vne personne religieuse, lesquels il manioit avec telle dextérité, que leur ayant gaigné le cœur premierement, & se les ayant faits amis, il les rendoit par apres amis de Dieu, & les acheminoit par ce moyen à la vertu.

Mais il ne monstra pas moins son ardente charité a l'endroit des malades: aussi en eut il bone occasion: par ce que cōme ils estoient dans vn mesme navire iusques à mille personnes, ou bien pres, & que la nauigation fut plus longue & plus fascheuse qu'on ne pensoit, plusieurs tomberent malades, principalement des matelots; à cause qu'ils ne mangeoient que des viandes salées, & du bisenit moyfi & gaste, ne beuvoient que de l'eau corrompue & pleine de vers, & ce encore en si petite quantité, qu'elle augmentoit plustost la soif, qu'elle ne l'estanchoit, dont les genciues leurs vindrent enflées & pleines d'ulceres, qui caufoient vne douleur extreme aux pau-

*Sa grande
charité
enuers les
pauvres*

ures patients & ensemble leur ostoient l'appetit & le goust des viâdes. D'abondant ceste maladie, qui est de soy contagieuse, s'estant eschauffée d'auantage, même à raison du temps, & la disette des viures, commence à se glisser petit à petit parmy les passagers, & autres, qui estoient au nauire, tellement qu'il y auoit vn si grand nombre de malades, qu'on ne pouuoit trouuer assez de medicaments pour tous; bien qu'il y eut dans le nauire vne boutique d'Apoticaire, bien pourueüe de drogues aux despens mesme du Roy; comme il se faict en tous les autres grands vaisseaux qui font ce voyage par son cōmendement. Mais ce qui estoit plus digne de cōpassion, & causoit vn grand creue-cœur au P. Xauier, estoit de voir les malades destituez de tout ayde & secours, mourir plustost de faim, ou à faute d'estre secourus, que de maladie: car vn chascun auoit si grande crainte de soy mesme, qu'on ne se soucioit ny de parent ny d'amy. Le Pere donc voyant cela cominance de mettre la main à la besoigne, & sans auoir aucune apprehension de la mort, se fourre parmy la troupe des malades. Aux vns il prouuoit des remedes spirituels, les consolant en leurs douleurs, les exhortant à prendre en patience ceste maladie, disposant & encourageant ceux qui s'en alloient mourir, leur administrant le saint Sacrement de penitence, & les assistant tousiours iusques à ce qu'ils rendoient l'ame: aux autres il cherchoit des remedes pour la santé du corps. Il les seruoit avec grande charité, nettoyant les ordures, qui les greuoient quelquesfois plus, que les douleurs mesmes de la maladie. Il faisoit leurs lits, lauoit leurs linges, leur aprestoient les viandes, & qui plus est, les leur maschoit, quand ils ne pouuoient les aualer d'autre maniere. Il leur faisoit prendre les medecines, & les leur bailloit quelquesfois de sa propre main. Bref il faisoit tout ce qui luy estoit possible, non seulement pour le salut de leurs ames, mais aussi pour la guarison des corps, & les recōmandoit à Dieu fort affectueusement en ses prieres & oraisons. Seruant ainsi les malades, il acquit vne telle reputation enuers tous ceux du nauire, bien qu'il ne pretendit riē moins que cela, qu'il n'y auoit celuy qui ne le tint en son cœur pour vn saint personnage. Or parmy toutes ces occupations, il ne perdoit pourtant vne seule minute du temps qu'il auoit accoustumé d'employer à l'oraison & meditation des choses diuines, & celestes; ny de faire ses autres fonctions qui estoient dressées pour le bien spirituel du commun, preschant, & catechizant comme il auoit accoustumé. Sur tous l'Admiral de la flotte

Martin

Sa charité enuers les malades.

Les actes de charité & d'humilité donnent grand credit.

Martin Alfonse de Sofa tant plus qu'il s'aperceuoit de sa vertu, tant plus estoit il ravy en admiration: de sorte que non seulement pour le commandement que le Roy luy en auoit fait, mais aussi pour l'affection singuliere qu'il luy portoit, recognoissant de si belles qualitez en luy, il le caressoit, & honoroit autant que sa dignité le pouuoit permettre. Il le pria fort instamment de vouloir prendre tousiours le repas avec luy: & voyant qu'il n'y auoit remede d'impetrer cela, par ce que le Pere auoit resolu dès le commencement de mendier son viure, & le demander par aumosne à ceux du nauire: afin de s'entretenir tousiours en l'exercice de la sainte pauvreté, l'Admiral le supplia derechef qu'il voulust à tout le moins prendre chascun iour ce, qu'on auoit accoustumé de donner par reigle à vn chacun. Ce qu'il accepta en fin pour ne luy desplaire: mais il le distribuoit tout aussi tost aux plus necessiteux, & puis alloit demander l'aumosne pour l'ainour de Dieu aux autres du nauire. De ce qu'on luy donnoit il en prenoit pour son viure fort peu, & du plus commun, baillant le reste aux pauures, de sorte qu'il viuoit tant seulement d'aumosne. Ce qu'il garda tout le temps de son voyage avec telle constance, qu'il ne fut jamais possible de l'en detourner, encore que beaucoup de gens d'honneur s'en meslassent, & l'Admiral mesme. En telle maniere passa il ceste nauigation iusques au Mozambique, laissant vn bel exemple à ceux de la mesme Compagnie, qui feroient apres luy ce voyage; & les enseignant comment ils se debuoient en ce temps là employer és exercices d'humilité & de charité selon qu'il faisoit. Estans arriuez au Mozambique sur la fin du mois d'Aoust, il fallut qu'ils hyuernassent en ce port là, parce qu'ils ne pouuoient sans grand danger passer oultre, ny atriuer à Goa ceste annee là, car le temps n'estoit pas propre pour faire voile aux Indes. Or au Mozambique, comme aussi és autres forteresses du Roy de Portugal, il y a vn hospital fondé par le Roy mesme, ou furent portés les malades de toute la flotte, là ou aussi le P. Xavier se retira à son ordinaire, pour estre ce lieu plus cōmode & idoine à l'exercice des ceuures de charité enuers les malades, qu'il desiroit practiquer, aussi bien en terre, que sur mer. Et comme ce pays là est mal sain, plusieurs tomboient malades de nouveau chascun iour, ce qui accreust d'autant plus les travaux du P. Xavier; car non content de la peyne qu'il auoit pris avec ceux de son nauire, il voulut encōre ayder tous les autres de la flotte, si bien qu'il ne cessoit de trauailler ny nuit ny iour administrant les

*Il arrive
au Mozambique.*

Il recommence & accroit ses travaux enuers les pauures.

sacrements aux vns, consolant les autres, & assistant ceux, qui s'en alloient mourir. Or bien qu'il s'occupat de telle sorte à l'endroit des malades, si ne laissoit il pourtant d'ayder & secourir les sains; car tous les iours de feste il preschoit en presence de l'Admiral, avec grand cōcours de peuple, & s'employoit encore en tout plein d'autres œuures de charité spirituelles & corporelles; si biē qu'à la par-

*Il tombe
griefue-
ment ma-
lade.*

fin accablé de trauaux, il fut aussi surpris d'une fiebure chaude, si dāgereuse qu'en peu de iours on le saigna sept fois, & s'en entra en resuerie, qui luy dura trois iours. Plusieurs personnes de marque dès le commencement de sa maladie, luy presenterent leur maison pour y estre plus commodément secouru, & le prierent bien fort qu'il permit qu'on le portat hors de l'hospital: mais il les remercia de leur bonne yplonté, sans y vouloir iamaïs consentir, desirant viure & mourir pauvre entre les pauvres, & malade entre les malades. Il vint en fin à se porter vn peu mieulx: & bien que le travail excessif luy eut causé ceste maladie, pour cela il ne laissa pas de s'employer comme auparavant aux œuures de charité, mesmes enuers les pau-

*Estant
guary il
reprit se-
s trauaux.*

vres malades; puis il y estoit excité dauantage, ayant cogneu par experience, combien ils auoient besoin d'ayde & de secours. Par ainsi n'estant encor du tout deliuré de sa fiebure, comme il sceut qu'il y auoit vn marinier estendu sur le paué de la place publique, abandonné de tous, & qu'auant d'estre confessé il estoit deuenu phrenetique, il le fit porter sur son lit, & soudain le malade reuint à soy, & eut loysir de se confesser; ayant recouuré son bon sens & iugement, le Pere entendit sa confession, avec vn singulier contentement d'esprit, & ce iour mesme ce pauvre marinier rendit l'ame avec grands signes de son salut.

Miracle.

L'hyuer estant passé, comme il fut temps de partir, les malades de la flotte n'estoient encor guaris, ains l'Admiral mesme Martin Alfonso de Sousa commença d'estre atteint de fiebure; ce qui fut cause qu'il resoluist de se hâter vilement, & se retirer à Goa, laissant ceux, qui pour leur maladie ou foiblesse, ne pouuoient pas encores se mettre sur mer (qui estoient la plus grande part de la flotte) iusques à ce qu'ils eussent recouuré la santé & les forces. Il pria le P. Paul Camers & François Mansilla de s'arrester avec eux, pour leur seruir d'ayde & de consolation en leurs necessitez, & print avec soy le P. Xavier, s'embarquant avec chait forte dans vn gros galioi le 15. du mois de Mars de l'an 1542. Or en ce voyage le Pere tint la mesme façon de viure, qu'au premiers il y auoit quelque

*Il s'em-
barque.
recuse.*

malade, il l'accommodoit de son lit; car l'Admiral luy en auoit fait bailler tout expres vn des meilleurs, parce qu'il n'estoit pas entièrement remis en santé: mais au lieu d'y prendre son repos, le plus souuent il dormoit parmy la troupe des matelots, se seruant au lieu de matras d'un chable entortillé, & pour oreiller d'un ancre de nauire. Du Mozambique ils allerent surgir à Melinde, qui est *Il arrive*
 vne ville maritime habitée des Sarrazens, amis toutesfois des Por- *à Melin-*
 tugais, là ou ils s'arrestèrent quelques iours, pendant lesquels ils en- *de.*
 seuelirent honorablement vn de leur compagnie, qui estoit mort dans le nauire. Les Sarrazins voyants la façon que nous gardons en l'enterremēt des trespasses, en furent tous esmerueillez, & sembloient l'approuuer fort. Mais ce qui apporta vn grand contentement d'esprit au P. Xavier, fut de voir en ce lieu l'estendart de la sainte Croix, esleué en haut, & en lieu de belle apparence. Car outre tout plein de Croix qu'il y a là plantées sur les sepultures des marchands Portugais, qui sont là decedez, ils en auoient dressé vne tout auprès de la ville, fort haute, & tresbien faite de pierre surdorée; La venue d'icelle apporta vne grande consolation au Pere, d'autant qu'il luy sembloit (selon qu'il escrit en vne sienne lettre) qu'elle estoit ainsi eminente, comme victorieuse au milieu des terres des Sarrazins, ennemis de la Foy & Religion Chrestienne. De fait, il y eust vn des principaux Mahometains de la ville, qui luy demanda, si les lieux ou les Chrestiens auoient accoustumé de s'assembler pour prier Dieu, estoient si peu frequentez, que les leurs; car il disoit que de dixsept Temples qu'il y auoit en ceste ville, on n'en voyoit que trois qui fussent hantez, & encore de bien peu de gens; & qu'il pensoit que ce fut pour quelque grand forfait, qu'ils eussent commis, que la deuotion estoit ainsi refroidie parmy eux. Le Pere luy respond, que Dieu estant tres-fidele, detestoit & auoit en horreur les prieres des Infideles, & pource qu'il n'estoit pas de merueille, que leur superstition allast en decadence. Mais comme il ne luy pouuoit persuader cela, voicy venir leur Caciz, ou maistre de la secte de Mahomet, homme bien versé en icelle. Cestuy-cy arriuant là dessus, & entendant ce dequoy il estoit question, protesta, que si Mahomet ne venoit les reuoir dans deux ans, qu'il abandonneroit & quitteroit sa loy. Voilà (adjoûte le Pere en la susdite lettre) comme c'est le propre des infideles & meschâs de viure tousiours en perplexité d'esprit: & c'est encore (dit-il) vn grand benefice de Dieu, afin que par ce moyen ils se recognoissent.

Voyant donc qu'en si peu de temps, qu'ils deuoyent arrester là, il n'y auoit commodité de les retirer de leurs superstitions & erreurs, il tascha pour le moins de leur faire venir enuie d'estre mis en la liberté des enfans de Dieu : & sur tout leur recommanda de prier instamment sa diuine bonté, à celle fin qu'il luy pleust les esclairer de sa celeste lumiere. Apres qu'ils furent partis de Melinde, costoyans tousiours l'Afrique, ils vont mouiller l'ancre à l'Isle de Socotora, qui est vis à vis du destroit de la Meque, par ou l'on entre au Golfe Arabique, esloignée du Cap de Guardafu enuiron trente lieuës. Ceste Isle a de circuit 100. milles d'Italie; le pais est fort sterile; il ne porte ne bled, ne riz, ne millet; on ny cueille point de vins ny autres fruiets d'arbres bons à manger, sinon tant seulement quelques dactes, dont les habitans font du pain. Ils ont toutesfois force bestail, tellemēt qu'ils viuēt de dactes, de chair, & de lait. Le meilleur aloë qu'on trouue, vient d'icy; aussi le pais est fort chaud. Les habitans se disent Chrestiens, & portent vn grand honneur & respect à la Croix, laquelle leur sert de retable, la mettans sur l'Autel; cōme nous faisons, au lieu d'autres images. Ils la portent aussi communement pendue au col, & aux Eglises il tiennent des lampes allumées. A chasque village, il y a vn Caciz, qui est comme leur Curé, auquel ils payent la disme de tout ce qu'ils recueillent. Ils sont tous fort ignorans, tellement qu'ils ne scauent ny lire ny escrire, & le mesme est il de leurs Caciques. Lesquels ayās apprins par cœur certaines prieres & oraisons, les chantent à l'Eglise, & répètent souuent vn mot, qui approche fort de nostre. *Aleluia*; mais ils n'entendent pas ce qu'ils disent en leurs prieres, parce qu'elles sont en vne autre langue, que la leur. Au lieu de cloches ils se seruent de quelques instruments de bois, comme nous faisons en la sepmaine sainte. Ils s'assemblent à l'Eglise quatre fois le iour; c'est à scauoir à minuit, au point du iour, à l'heure de vespres, & sur le tard. Ils honorent beaucoup la memoire de l'Apostre S. Thomas, par ce qu'ils se disent estre yssus de la race de ceux, qu'il conuertit à la foy de Iesus Christ, preschant en ceste ile. Le P. Xavier estant là, voulut assister à leurs vespres, qui durèrent bien vne heure, pendant lesquelles le Caciz ne fit autre, que teiterer souuent les mesmes prieres, & donner continuellement de l'encens; aussi leurs temples sont tousiours remplis de bonnes odeurs. Les Caciques, bien qu'ils soient mariez, sont neantmoins fort adonnez au ieusne & à l'abstinence. Quand ils ieusnent, ils s'abstiennent non seulement de chair

Socotora
Isle.

Les habi-
tans de
Socotora
ont esté,
jadis con-
uertis à la
foy par
l'Apostre
S. Tho-
mas.

Ils ieuf-
nent le
Carême
fort estro-
itement.

& de lait, mais aussi de poisson, jaçoit qu'ils en ayent en abondance : & gardent cela si estroitement, qu'ils se lairoient pluſtoſt mourir de faim, que gouſter de ces viandes prohibées; de façon qu'ils ne ſe nourriſſent pour lors que de dactes, & d'herbes. Ils ieufnent deux Careſmes chaſque année; l'un eſt de deux mois, durant leſquels ſi quelqu'un, meſme des gens laiz; à mangé de la chair, ils ne luy permettent point l'entrée de l'Egliſe. Tout ce que deſſus eſcript le B. P. Xavier en la ſuſdite lettre : le quel voyant ces pauvres Socotorins deſtituez de gens, qui leur enſeignaffent la voye de ſalut (car ils ont avec cela pluſieurs erreurs & deſauts, nommée-
ment ceſtuy-cy, qu'ils ne baptiſent perſonne, voire qui pis eſt ne ſçauēt que c'eſt, jaçoit qu'ils ſe diſent Chreſtiens, ſi toutesfois ils le peuuent eſtre, n'eſtans pas encore entrez par la porte du Chriſtianisme) taſcha durant le temps qu'il fut là, de les inſtruire le mieux qu'il peut, car il ne ſçauoit pas parler leur langue; neantmoins il leur fit entendre par ſignes la neceſſité qu'ils auoient de recevoir le baptême, pour eſtre ſauuez; tellement qu'il y en eut pluſieurs, qui luy amenerent leurs enfans, pour eſtre baptiſez, & le prioient inſtamment de vouloir ſ'arreſter avec eux, l'afſurant qu'il n'y auroit perſonne en toute l'isle, qui ne receut le baptême, & la foy qu'il leur enſeigneroit. Luy penſant que la moiſſon eſtoit ja toute preſte à couper, pria l'Admiral Martin Alſonſe de Soſa, de luy vouloir permettre de ſ'arreſter là. Mais il n'e fut pas d'aduis, par ce que ceſte iſle eſtoit expoſée aux courſes des Turcs & autres Sarraziſs : & ny ayant point de fortereſſe & garniſon des Portuguais, il craignoit qu'on ne le fit eſclau. Il luy reſpondit donques, qu'il ne faſoit pas ſ'amuſer tout au beau commencement de la carrière; qu'il ne luy manqueroit pas de la beſongne au lieu où il alloit; car il y trouueroit des Chreſtiens, qui n'auroient pas moins de beſoing d'inſtruction que ceux-cy : à l'endroit deſquels il pourroit employer ſon zele & ſon labeur, avec plus de profit & d'afſurance, que avec ceux de ceſte iſle. Le Peré eſtimant, que telle eſtoit la volonté de Dieu, n'en fit pas pluſ grande inſtance. Neantmoins il promit aux Socotorins, que ſ'il auoit moyé de les ayder, il le feroit & taſcheroit de leur enuoyer quelqu'un pour les inſtruire, & ſi outre cela fairoit entendre au Roy de Portugal leur aſſiſſion : à celle fin qu'il les fit deliurer de la tyrannie d'un Seigneur Mahometain, qui les tenoit aſſubiedis par force, contre tout droit & raiſon. Auffi ſ'employa il pour eux, comme nous liſons en vne de ſes miſſiues, enuoyée au P.

Le P.
Xavier
veut ſ'ar-
reſter à
Socotora.

L'Admi-
ral ne le
luy per-
met pas.

liv. 2. Simon Rodriguez, en Portugal, luy escriuant en ces termes; Le P.

cap. 12. Cyprian, dit il (c'estoit vn Pere de la mesme Compagnie) s'en doit
 " aller ceste année à l'isle de Socotora, avec vn autre Prestre, & deux
 " Coadiuteurs. Il y a en icelle vn puissant Seigneur qui est Sarrazin,
 " & tient assubiectis les habitans par violence, & contre toute iusti-
 " ce. Il traite les Chrestiens fort inhumainement, leur rauissant leurs
 " enfans, pour les faire Mahometains, & les afflige & tourmente en
 " beaucoup d'autres manieres. Je vous prie solliciter le Roy, que puis
 " qu'il est tant zelé à la deffense de la Religion Chrestienne, il veuil-
 " le auoir pitié de ces pauvres Chrestiens; ce qu'il peut faire sans au-
 " cune despenſe, & sans difficulté, commandant seulement à la flotte
 " des Indes, que quand elle yra au destroict de la Meque, l'on rabate
 " les ailes & la puissance à ce Sarrazin: Car les habitans estants des-
 " nuez d'armes, & accablez du pesant ioug de seruitude, detestent
 " grandement ceste secte de Mahomet. Je vous prie donc pour l'a-
 " mour de Iesus Christ, d'auoir soing de la liberté des Socotorins, qui
 " sont oppressez d'vne si miserable & iniuste seruitude. Jusques icy
 " sont ses paroles. Or jaoit qu'il eut grand desir de secourir les habi-
 " tans de ceste isle, mesmement pour leur instruction, y enuoyant
 " quelques vns de la Compagnie; toutesfois cela ne fut point execu-
 " té, pour autant que le Roy de Portugal, & son Conseil n'en fut pas
 " d'aduis, parce qu'on auoit experimēté auparauant l'inconstance
 " & legereté des Socotorins. Car le Roy Emanuel ayant esté aduer-

Socotorins ty du commencement, comme ils estoient Chrestiens, & que les
legers & Arabes du Royaume de Fartaque, situé sur la coste d'Arabie, s'es-
inconstans. tans emparez de ceste isle, y auoient basti vne forteresse, & tyr-
 rannisoient ces pauvres Chrestiens; donna charge à Tristan del
 Cugna, qui estoit Capitaine de la flotte du voyage l'an 1506, de
 passer par l'isle de Socotora, & retirer des mains des Sarrazins ceste
 forteresse. Ce qu'il executa fort heureusement, & laissa dedans vne
 bonne garnison de Portuguais, pour empescher les courses des Sar-

Le P. c. razins sur ceste isle; & pour l'instruction des habitans, y fut enuoyé
Antoine vn Pere de l'ordre de S. François, nommé le P. S. Antoine, lequel a-
Cordelier uec vn zelo vrayement Apostolique, y fit vn tres-grand fruit: mais
fait beau tout cela cousta plus qu'il n'aporta de profit, car peu de temps
coup de apres, les habitans, partie subornez des Sarrazins, avec lesquels ils
fruit à estoient desia liez par mariages, partie induits de leur inconstance
Socotora. naturelle, fausserent la foy qu'ils auoient promise, non seulement
 au Roy de Portugal, mais aussi à Iesus Christ; de façon que le Roy

Emmanuel deuëment informé de tout ce qui se passoit, & comme ceste forteresse coustoit plus à defendre, qu'elle n'apportoit d'utilité, commanda au Grand Albuquerque de la razer, comme il fit, & depuis les Portugais ne se sont pas souciez de ceste isle; qui est la cause qu'on ne permit pas au P. Xavier d'y enuoyer des nostres. Mais c'est assez arresté icy, il est temps de remettre les voiles au vë & reprendre nostre route. Apres donc qu'ils eurent trauersé tout ce grand Ocean, qui baigne l'Arabie, la Carmanie, & vne partie de l'Inde, ils arriuerent finalement au port de Goa l'an 1542. le 6. May, iour dedié à la feste de S. Iean l'Euangeliste, treze mois apres estre fortis de celui de Lysbone.

Le P. Xavier arri-
uer à Goa.

*IL REFORME LES MOEVRS CORROMPVS
de la ville de Goa, & puis s'en va instruire les Chrestiens
de la coste de la Pescherie.*

CHAPITRE VII.

SI tost que le P. Xavier eust des-embarqué au port de Goa, il s'en alla prédre son logis à l'Hospital, bien que le Gouverneur Martin Alphonse de Sofa, & autres, luy offrirent leurs hostels; mais il les remercia fort honnestement, gardant tousiours ceste custume en tous les lieux ou il alloit, de se loger à l'Hospital, s'il y en auoit: afin de s'entretenir en l'exercice continuel de la pauuereté, & pareillement ayder les malades en leurs necessitez, tant spirituelles que corporelles, leur faisant tout le seruice qu'il pouuoit. Le lendemain de son arriuée il s'alla presenter à l'Euesque, qui estoit lors E. Iean d'Albuquerque; & apres luy auoir baisé les mains & fait la reuerence avec toute submission & humilité, il luy dit fort modestement, qu'il estoit venu là par ordonnance de Nostre S. Pere le Pape Paul III. & à l'instance du Roy de Portugal, tant pour prescher la Foy Chrestienne aux Indiens, qui croupissoient encore en leurs superstitions, que pour instruire les nouueaux conuertis; & assister aux Portugais en ce qui concernoit le bien spirituel de leurs ames: toutesfoi qu'il ne pretendoit rien faire, sans son adieu & approbation, luy mettant entre les mains les lettres, par lesquelles N. S. P. le constituoit son Nonce Apostolique en ces quartiers là; protestant qu'il ne s'en seruiroit, sinon entant qu'il plairoit à sa Seigneurie Reuerendissime; & se iettant à ses pieds, luy demande humblement la benediction. L'Euesque voyant vne telle modestie & humilité, conjointe avec si grâde puissance & auctorité, & avec tant de dons

S'en va
le lendemain
s'en aller
luer l'Euesque.

naturels & surnaturels, que Dieu luy auoit eslargi, selon qu'il auoit desia sceu de plusieurs; soudain le leua de terre, & l'embrassa fort affectueusement & cordialement; puis ayant leu & baisé les lettres de la Saincteté, les luy rendit, disant, qu'il n'estoit besoing d'auoir autre congé ny permission sienne, puis que la Saincteté luy auoit donné vn si grand pouuoir, partant qu'il vsast librement d'iceluy, comme il luy sembleroit; car il esperoit que Nostre Seigneur se seruiroit grandement de ses traiaux en la dilatation de la Foy, & reformatiō des mœurs de ce pais là. Ce traitt d'humilité affection-

*Luy gai-
gne le
cœur par
son humi-
lité.*

*La façon
qu'il gar-
doit en se-
gnant le
Catechis-
me.*

na tellement l'Euesque enuers luy, que de là en auant ce n'estoit qu'vn mesme cœur, & vne mesme volonté de tous deux; de sorte que le P. Xauier n'entreprenoit rien, qui fut d'importance, sans l'auoir communiqué à l'Euesque, & l'Euesque pareillement le seruoit beaucoup du conseil dudit Pere. Ayant donc ietté de la sorte ce fondemēt d'humilité, il comença de bastir la dessus ce qui estoit conuenable pour l'edificatiō spirituelle du prochain. Il preschoit tous les Dimanches, & autres iours de Feste à l'Eglise de N. Dame du Rosaire, le matin aux Portugais, & l'apresdinee aux Chrestiens originaires du pais. Mais sur tout il s'employoit fort soigneusement à l'instruction des petits enfans, & autres gens rudes & ignorans en la Foy, faisant luy mesme le Catechisme, & enseignant la doctrine Chrestienne en la maniere qui s'ensuit. Premièrement il s'en alloit par les ruës sonnant vne petite clochette, qu'il portoit en main, & s'arrestoit aux places & carrefours, disāt à haute voix, fideles Chrestiens, amis de I E S U S- C H R I S T, enuoyez vos enfans, vos serfs, & esclaves à la doctrine Chrestienne, pour l'amour de Dieu. De ceste façon il amassoit force gens de tout aage, sexe, qualité, & cōdition, & les ayant tous conduits à l'Eglise, deuant toute autre chose il leur enseignoit ce qu'il faut que sçache tout Chrestien, pour estre sauué. Apres cela il leur expliquoit les articles de la Foy, les Commandemens de Dieu, & choses semblables, fort simplement & familièrement, pour s'accommoder à la capacité des plus grossiers, suiuant la methode, que nous dirons cy apres en l'instruction des Parauás. Ayant fait cela, il commençoit à discourir pour ceux qui estoient plus entendus, sur ce qu'il iugeoit leur estre plus conuenable. & plus à propos, pour les matieres qu'il traittoit, dressant tousiours ses discours à la reformation des mœurs, & à l'aduancement spirituel de son auditoire. Or comme ses paroles procedoient d'vn cœur embrasé de l'amour de Dieu, & tant desircux du salut du prochain,

prochain, il faisoit vn tres-grand fruiet tant en ses sermons, qu'en ses exhortations & propos familiers; si bien, qu'il n'y auoit aucun si obstiné & endurci au peché qui ne fut amolli comme de la cire, continuant de venir és sermons, ou a traicter familièrement avec luy. De maniere que l'on recogneut dans peu de temps vn si grand changement en la ville de Goa, qu'elle sembloit estre toute autre: & à celle fin qu'on entéde mieux cecy, ie declareray en brief quelle estoit pour lors la vie & les mœurs des Portuguais, tant en la ville de Goa, comme au reste des Indes, que i'ay tiré d'vne information qu'vn certain personnage homme d'autorité, & a ce qu'il monstre, de iugement & d'vn grand zele, enuoya au Roy Iean III. peu de temps auparauint l'arriuée du P.^r Xavier és Indes, comme en faict foy sa lettre, qui est encore en nostre College de Coimbre, ou il commence en ceste sorte: Combien que l'Inde soit appellée pais de guerre, à cause de la temporelle, que les Portuguais y font, elle neantmoins l'est aussi bien de la spirituelle, que le Diable leur liure tous les iours, & ne les surmonte que trop souuent, les faisant tomber en plusieurs pechez. Apres cett exorde, il monstre comme les trois sortes de vices, qui ont ruiné les plus florissantes Republiques & Empires du monde, c'est à sçauoir l'ambition, la conuotise des richesses, & les delices y regnoient à merueille. Car pour le regard de la cupidité des biens, Celuy, dit il, qui en peut le plus auoir, soit à tort, soit à droict, est tenu pour le plus aduisé; les vsures ne sont tenues que bonne mesnagerie, & subtile inuention pour bien faire ses affaires. Les contrats les plus lucratifs, tant iniques soient ils, sont les plus vsitez; la iustice se vend à deniers cōptans; les crimes prouuez en iugement, ne seruent que de poids pour peser l'argent aux iuges. Quant aux inimitiez, enuies, & vengeances, cela n'est que trop commun: les desis au lieu d'estre chastiez & punis, sont recompensez; l'on se prise d'auoir commis quelque meurtre, pour auoir en quoy despendre ses moyens. Le luxe & la lubricité y regnēt tellement, que ce n'est chose que par trop ordinaire, de voir vn maistre auoir cinq, six ou sept esclaves dans sa maison, desquelles il se sert, comme si chascune d'icelles estoit sa femme legitime. Et cela se fait si publiquement, que tout le monde le sçait, sans que pour cela il y ait aucune punition. Mais ce qui est encore plus abominable, il en y a d'aucuns, qui obligent les esclaves qu'ils ont à leur rendre de gain chascun iour certaine somme d'argent: laquelle ne pouuant pas gagner avec leur travail ordinaire elles vendent leur corps &

Le grand desbordement de vices qu'il y auoit à Goa.

leur honneur, les maistres scachans cela & y consentans. Or apres qu'il a raconté tout cecy & beaucoup d'autres choses, il conclud de ceste sorte. Je prie Dieu (dit il) qu'il luy plaise nous enuoyer quelques saints personages qui nous enseignent le chemin de salut: car les Portuguais ne sont pas encore si obstinez, qu'ils ne souffrent telles gens, qu'ils verront tascher premierement d'oster de leurs yeux les traions des peches, auant que se mettre à reprendre ceux de leur prochain. Et partant les personnes spirituelles ne fairont pas icy peu de profit: ains i'estime que bien tost nous aurons vne bonne Chrestienté; & toute l'Inde sera tirée du mauvais chemin par lequel si on cōtinue de marcher elle s'en va approchāt du tōbeau, avec *l'or. & pro. ca* deuāt, & Seigneur Dieu misericorde. Voyla ses propres termes. D'où l'on peut voir l'estat miserable, auquel estoient les affaires de la Chrestienté en ce païs là; car si la foy estoit tellement morte en ceux, esquels elle deuoit reluire, & se mōstrer par œuures, à fin de la faire cognoistre & embrasser aux infideles, que pouuoit on esperer de la conuersion des idolatres, & meseroyans? Or les causes d'un tēl desbordement & dissolution, estoient en partie la licence que la guerre auoit apportée, & introduit es mœurs des soldats; puis la hantise & frequētation ordinaire qu'ils auoient avec les Payens & Sarrazins; d'ailleurs le deffaut des Sacremens, & de la parole de Dieu; car peut estre il n'y auoit pas trois Predicateurs en toute l'Inde, ny guieres plus de Prestres; de maniere qu'en plusieurs forteresses ou lieux de garnison, il ne s'y entendoit ny Messe ny Sermon l'espace de plusieurs années; Finalement les delices du païs auoient causé vne telle corruption de mœurs, que les Portugais bien que de leur nature assez moderez en leur façon de viure, estoient si gastez & deprauez, qu'ils se prisoient & vantoient de mener vne vie si licentieuse & desbordée, comme a esté dit. Il en y auoit beaucoup, qui passoient plusieurs années sans s'approcher des Sacremens de la Confession & Communion, & d'ordinaire l'on tenoit pour vn hypocrite celuy, qui se cōfessoit plus souuent qu'une fois l'an, & ce à Pasques. Que s'il y en auoit quelqu'un qui poussé du remords de conscience, voulut se confesser en autre temps, il le faisoit en cachette, ne voulant estre veu de personne. Le Pere donc ayant consideré toutes ces choses, vid bien qu'il falloit plustost s'employer à la reformation de ceux, qui estoient de mesme foy & Religion, qu'à luy gagner des estrangers. & partant il ne traicta point pour lors de la conuersion des infideles, ains

*Causes
principales
d'une
telle dis-
solution
de mœurs*

s'adonna du tout au biē & profit spirituel des Portuguais; auxquels il preschoit cōtinuellemēt, non tāt par paroles, que par œuures: car il employoit la plus part de la nuit en oraison & meditatiō, & le iour s'adonnoit aux œuures de misericorde tant spirituelles que corporeles. Apres auoir dit sa Messe, & ses heures Canoniales, il se mettoit à exhorter & seruir les malades, & quand quelqu'un se trouuoit en danger de mort, il estoit à toute heure aupres de luy, tant de iour que de nuit; si qu'on disoit communément, que le liēt du P. Xavier estoit au cheuet de celuy qui estoit le plus malade: Aussi les premiers qu'il visita, apres auoir fait la reuerence à l'Euesque, furent les prisonniers & les pauures, non seulement de l'Hospital ou il logeoit, mais aussi de la laderie, qui estoit hors de la ville: lesquels apres auoir esté suffisanimēt par luy instruits, il entēdoit en confession que plusieurs faisoient de toute leur vie, & puis leur administroit la S. Communion; aux Ladres mesmes, de sa propre main, afin que nul ne fut priué des remedes si necessaires à salut. Et non seulement les aydoit-il spirituellement, ains encore temporellement avec les aumosnes qu'il alloit mendier de porte en porte, ou qu'on luy donnoit à ces fins. Il en distribuoit aussi partie aux pauures de l'Hospital, & partie aux prisonniers. Tels furent les preparatifs de la cure qu'il pretendoit faire és maladies de l'ame beaucoup plus dangereuses quē celles du corps. Aussi les effets s'en ensuyuirent selon qu'il desiroit. Car ayant continué l'espace de cinq mois à exhorter chascun à l'amendement de sa vie, à quitter les occasions du peché, & faire restitution des biens mal acquis, il y fit vn tel fruiēt, que parauant d'en partir pour aller à la coste de la Pescherie, (qui fut sur la fin de ceste année là) il y auoit tant de gens qui venoient se confesser à luy, non seulement du peuple, mais aussi des soldats & de la noblesse, qu'il luy estoit impossible d'en entendre la dixiesme partie: de façon qu'il estoit contraint de renuoyer le reste à son compagnon le P. Paul Camers (qui arriua douze iours apres luy avec François Mansilla) où a d'autres Prestres qu'il y auoit à Goa. La table de la S. Communion qui n'estoit auparauant frequentée, sinon au temps de Pasques, se voyoit remplie tous les Dimanches & Festes de beaucoup de comunians; brief les personnes estoient si differentes en leurs mœurs, qu'on eust dit qu'elles estoient du tout autres. L'on n'entendoit plus parler d'aucune inimitié, ou rancune; les vsures n'auoient plus de cous, à tout le moins qu'on le sceust: voire qui plus est, l'on faisoit restitution de

Merueilleux changement de la ville de Goa.

ce qu'on auoit iniuſtement acquis de ceſte ſorte; & quand les parties eſtoient decedées ſans hoirs ou incogneuës, l'on en faiſoit de bonnes & groſſes aumônes aux priſons & aux hoſpitaux; leſquels commencerent d'eſtre viſitez meſme des gens de qualicé, ſi bien que le Gouverneur Martin Alphonſe de Soſa print deſlors ceſte bonne couſtume, qu'il garda par apres tout le temps qu'il fut en charge, d'aller luy meſme en perſonne vne fois chaſque ſepmaine aux priſons, pour donner audience aux priſonniers, & vne fois auſſi à l'hoſpital, à fin de voir comme tout y alloit. Pluſieurs quitterent leurs concubines, & eſclaues, quelques vns leur donnoient liberté, aucuns ſe marioient avec elles, ou les bailloient en mariage à d'autres. Voylà comment ceſte grande infamie d'impudicité, fut effacée de la ville de Goa: laquelle ſe trouua en brieſ toute changée, & en beaucoup meilleur eſtat qu'on n'eut eſperé en ſi peu de temps. Mais d'autant que le Pere auoit vne ſinguliere grace & dexterité à manier les hommes, meſmement ceux qu'il trouuoit embourbez és ſales & deshonneſtes plaiſirs, pour leur oſter les occasions de peché; ie rapporteray en brieſ la façon de laquelle il ſe ſeruoit à l'endroit de telles gens. Premicrement il taſchoit de ſe mettre en la bonne grace de celuy qu'il deſiroit ayder à ſortir de ce bourbier, le ſaluant, quand il le rencontroit avec vne chere ioyeuſe & agreable, & luy faiſant beaucoup de careſſes, pour ſ'inſinuer peu a peu en ſon amitié; puis quand il iugeoit qu'il eſtoit bien affectionné en ſon endroit, il ſ'iuſuait à diſner ou à ſouper chez luy, & quelques fois le prenant à l'impourueu, de maniere que l'autre eſtoit contrainct, voulut il ou non, de le receuoir. Eſtant aſſis à table, il prioit ſon hoſte de faire venir là ſes enfans, pour leur dire quelque petit mot d'inſtruction, ſ'ils eſtoient grandelets, ou ſ'ils eſtoient encore petits, pour les voir tant ſeulement; quelquesfois il les prenoit entre ſes bras; meſmes ſ'ils eſtoient fort petits, & leur faiſoit tout plein de careſſes: puis il remercioit Dieu de ce qu'il auoit donné des enfans à ſon hoſte pour luy ſucceder vn iour, & prioit la diuine bonté de leur faire la grace d'eſtre vn iour gens de bien. Apres cela il demandoit ou eſtoit la mere de ces enfans, laquelle celuy qui l'auoit inuité eſtoit contrainct de faire venir à ſon inſtance & priere. Eſtant venue là le Pere la ſaluoit fort modeſtement, luy demandant d'où elle eſtoit, ſi elle eſtoit Chreſtienne, & depuis quand, ou choſes ſemblables. Puis ſ'il y auoit en elle quelque grace ou beauté naturelle, il l'en louoit deuant ſon maiſtre, diſant qu'elle ſembloit eſtre

*La manie-
re dont ſe
ſeruoit le
P. Xavier
pour faire
quitter
les concu-
bines aux
Portugais*

Portugaise, & que les enfans qu'il auoit eu d'elle, meritoiēt biē d'estre estimez Portugais. Qu'est-ce donc, disoit il, qui empesche; que vous ne vous mariez ensemble? quelle plus belle & plus honneste femme scauriez vous desirer? si vous me croyez vous l'espouserez, tant pour obuier à l'infamie de vos enfans, qu'au deshonneur de ceste pauvre creature. Car en cela vous montrerez, si vous l'aimez ou non. Ces propos ne tōboient pas d'ordinaire en terre, ains aduenoit souuent que là mesme sur le champ, & en la presence du Pere ils s'espousoient. Que s'il en trouuoit quelqu'un qui eust des enfans laids & difformes, de quelque Indienne noire & de mauuaise grace, Bon Dieu (disoit il) quel monstre voilà! pouuez vous bien tenir aupres de vous vne creature si laide? Croyez moy, chassez de vostre logis ce Demon, & cherchez vne femme, qui soit digne de vous. De ceste sorte le desbauché apres auoir chassé sa concubine, se marioit honnestement: & tant qu'il pouuoit, il empeschoit que les Portugais ne prissent en mariage des femmes estrangeres, ou a tout le moins qui fussent difformes: à fin qu'ils s'abstinissent d'adultere, se contentans de leur propre femme. De tels artifices vsoit ce sage & tres expert medecin des ames, pour la guarison des plus mal disposées.

Pendant qu'il estoit si bien occupé en la ville de Goa, vn sien amy nommé Michel Vaz, Vicaire general de l'Euesque de la mesme ville, personnage de rare vertu, & fort zelé au seruice diuin, & à l'amplification de la Foy Chrestienne, luy fit entendre comme il y auoit certains peuples en la coste de la Pescherie, nommez Parauás, lesquels depuis quelque temps auoyent receu la Foy Chrestienne, & s'estoient faits baptiser, à raison de quelque secours que les Portugais leur donnerent contre les Sarrazins, qui leur faisoient mille outrages, & bien qu'ils eussent esté baptisez, ils n'auoiēt toutesfois autre chose de Chrestien, que le nom & le baptême: car en leurs mœurs & façons de faire, ils estoient aussi bien Payens que deuât; & la cause en estoit, a faute de gēs, qui les enseignassent. Car d'une part il y auoit fort peu de Portugais, qui sceussēt parler leur langage, & de l'autre le país estoit si sterile, & despourueu de ce, qui est necessaire pour la vie humaine, qu'il ne se trouuoit personne qui voulust aller s'y tenir. Et si n'eust esté pour raison des perles qu'on y pesche, pas vn n'y habiteroit. Le P. Xavier entendant ces choses, & iugant que ces pauvres gens estoient en vne necessité extreme, de sçauoir ce qui estoit de leur salut, voyant d'ailleurs que

*Il est ad-
uersy de
la necessi-
té d'in-
struction
qu'auoit
les Para-
uas.*

*Il se re-
sout de
les aller
ayder.*

sa presence n'estoit pas lors si necessaire à Goa, se resout d'y aller, estimant que Dieu l'auoit enuoyé en ces quartiers là, pour secourir telles ames destituées de tout autre support; & tant s'en faut que les incommoditez alleguées l'en destournassent, que plustost elles l'incitoient dauantage, d'autant qu'il ne souhaitoit rien tant en ce monde qu'endurer beaucoup pour l'amour de Nostre Seigneur. Il fit donc entendre ce desir à l'Euesque & au Gouverneur, lesquels bien qu'ils fussent fort marries de perdre la presence d'un tel personnage: toutefois comme ils veirent que telle estoit sa volonteé & resolution, ils y condescendirent en fin. Le Gouverneur, qui auoit charge expresse du Roy de faire pouruoir le Pere & ses cōpagnons de tout ce qu'ils auroient besoing, luy offrit vne bonne somme d'argent, pour suruenir à ses necessitez en vn pais si despourueu de toutes choses necessaires; & quelques autres particuliers aussi, pour l'affection qu'ils luy portoient, luy faisoient semblables offres; mais il n'y eust iamais moyen de luy faire prendre chose aucune, excepté vn pourpoint de cuir, & des bottines, pour se deffendre des grādes chaleurs qu'il fait en ce pais là, comme nous dirons. Et en tous les autres voyages qu'il faisoit, il ne se chargeoit d'ordinaire que de son Breuiare, d'un surpelis, & des ornemens sacrez pour dire la S. Messe: le reste qui appartenoit à sa nourriture, dû à son vestement, il le demandoit d'aumosne. En tel equipage donc le P. Xavier partit de Goa, sur le commencement du mois d'Octobre de l'an 1542. cinq mois apres qu'il y fut arriué, faisant voile vers la coste de la Pescherie, avec François Mansilla, l'un de ces deux de la Compagnie qu'il auoit mené de Portugal, & deux ieunes hommes, qui sçauoient parler le langage du pais, & auoyent esté nourris & effcuez au College de S. Paul à Goa, ou il laissa le P. Paul Gamers pour ayder M. Iaques de Borba en l'instruction des ieunes enfans, qui estoient sous la charge audit College.

Si tost qu'il fut arriué à la coste de la Pescherie, située de l'autre costé du cap de Comnorin, qui regarde l'Orient, il commença à esprouuer s'il se pourroit seruir des truchemens, qu'il auoit mené avec soy; mais voyant qu'il aduſſoit fort peu, il s'aduissa d'un autre moyen, qui fut de faire assembler quelques vns des habitans, qui entendoient aucunement la langue Portugaise, & avec l'aide tant de ceux-cy, que des autres qu'il auoit quant & soy, il faisoit traduire en leur langue les articles de nostre sainte foy, les commandemens de Dieu, avec quelques briefues declarations, qu'il fit sur chascun

d'iceux;pareillemēt la confession generale, avec certaines oraisons du Catechisme,& ce que tout Chrestien doit sçauoir. Finalement il dressa vn sermon accommodé a la capacité & necessité de ses auditeurs,ou il traictoit des principales obligations d'un Chrestien,de la gloire de Paradis,des peines d'Enfer, y adioustant aussi les causes pour lesquelles les hommes encourent la damnation eternelle, ou acquierent la gloire du Ciel.Il commençoit par le signe de la Croix &l'explication d'iceluy,leur faisant entendre le mieux qui luy estoit possible, le mystere de la tres-saincte Trinité, duquel ils n'auoient encore iamais ouy parler. Ayant fait traduire tout cecy en leur langue, il commence de l'apprendre par cœur, comme vn petit enfant, se rendant tel pour l'amour de celuy, qui estant Dieu se fit pour l'amour de nous petit enfant. Et apres auoir fait essay plusieurs fois,s'il proferoit bien chaque mot selon leur langue,entendant par le rapport des traducteurs,qu'il prononçoit comme il appartenoit,& gardoit selon leur langue,tous leurs accents, il se met a instruire ce pauvre peuple,avec vn singulier plaisir, & contentement d'esprit,tāt de son costé,que de ceux qu'il instruisoit,en quoy il faisoit esmeruëiller grandement les infidèles mesmes,qui l'escoutoient souuentesfois,& voyoient la saincteté de la Religion Chrestienne, & la conformité d'icelle avec la raison. Il alloit deux fois chasque iour par les ruës du lieu ou il estoit, & au son d'une petite clochette, qu'il tenoit en main, il assembloit en vn certain lieu tant qu'il pouuoit, d'hommes, femmes,& petis enfans.Comme ils estoient assemblez,il leur aprenoit les oraisons du *Pater noster*, *Aue Maria*, & le reste du Catechisme, avec tel soing & diligence, que dans vn mois tous ceux d'un village le sçauoient, car il enjoignoit a ceux qu'il instruisoit, de l'enseigner aux autres, qui n'y assistoient pas.Les Dimanches & iours de festes il les faisoit tous assembler a l'Eglise, & la apres auoir fait dire les oraisons du *Pater* & *Aue*, les articles de la foy,& les commandemens de Dieu,il leur expliquoit en special chasque article, & l'ayant bien déclaré, il les interrogoit en ces termes; Croyez vous fermement & sans aucun doute cest article de la sainte foy Catholique? A. quoy tous ensemble, croisans les bras, respondoient a haute voix; Ouy, nous le croyons: puis il leur faisoit dire apres luy ceste priere; O doux Iesus fils de Dieu vivant,faites nous la grace de croire fermement, & sans aucun doute cest article de vostre sainte Foy; & afin d'impetrer ceste faueur, nous vous presentons l'Oraison que

La maniere qu'il gardoit d'enseigner le Catechisme aux Paruas.

vous nous auez enseignée: lors ils disoient tous à voix basse le *Pater*. Puis reprenant vne autrefois le mesme ton, il leur commandoit de dire ceste Oraison à Nostre Dame; Sainte Marie mere de nostre Sauueur **I E S V S - C H R I S T**, impetrez nous la grace de vostre tref-doux fils, pour croire fermement & sans aucun doute cest article de la Foy Chrestienne. Puis disoyent tous l' *Aue Maria*. De mesme façon leur expliquoit-il les Commandemens de Dieu, declarant chascun d'eux à part; & apres leur-faisoit demander la grace à Nostre Seigneur de les bien garder, en disant vne fois le *Paier noster*; & pour impetrer le mesme par l'intercession de la Vierge, vne fois l' *Aue Maria*. De ceste sorte il leur apprenoit non seulement l'explication des Mysteres de la Foy Chrestienne; mais aussi leur faisoit faire des actes de foy, & des bons propos, pour l'observation des Commandemens; outre que par mesme moyen il leur enseignoit la maniere de prier Dieu. Finalement afin qu'ils sceussent faire des actes de cōtrition, & demander pardon à Dieu des pechez, qu'ils auoient commis, il leur apprenoit la Confession generale, sçauoir est le *Confiteor* traduit en leur langue; & le leur faisoit dire tout haut. Pour conclusion ils chantoient tous ensemble le *Salue Regina*, à l'honneur de nostre Dame. Ayant enseigné avec ceste methode tous ceux d'un village, il s'en alloit à vn autre; & ainsi

*Iherosime
ceux qu'il
à une fois
instruit.*

parcourust-il quelques trente, tant villes que villages, qu'il y a en ceste coste de la Pescherie dans peu de temps. Et apres qu'il eust acheué de les instruire tous, il recommença par le premier, les visitant & voyant s'ils auoyent bien retenu tout ce, qu'ils estoient obligez de sçauoir, & s'ils se comportoient en bons & vrais Chrestiens. Avec ceste façon d'enseigner la doctrine Chrestienne, il la laissa tellement empreinte & engraüée dans l'ame d'un chascun de ces bons Païens, qu'on n'eust entendu quasi autre chanson en ces quartiers là, que des oraisons Chrestiennes. Car il leur auoit appris à chanter le *Pater noster*, l' *Aue Maria*, le *Credo*, les Commandemens de Dieu, & choses semblables: à celle fin qu'ils y prissent plus de plaisir, & s'accoustumassent à les chanter au lieu des chansons impudiques, ou superstitieuses, qu'ils souloient dire auparauant de maniere qu'on les entendoit chanter ces diuins Cantiques, avec vn singulier goust & plaisir, par tout, ou ils estoient. Le laboureur en son champ, le gabarrier dans sa barque, l'artisan dās sa boutique, les enfans par les ruës, les femmes en leur travail, cōme S. Hierosime dit, qu'il se faisoit de son temps en Bethleë, d'autres deuots Cantiques.

*S. Hierom
a Mar-
cella.*

Or parce

Or par ce qu'il n'y auoit aucun autre Prestre en tout ce païs là, il estoit contraint, non seulement de leur prescher, & de les baptizer, ains aussi de leur administrer les autres sacremens, comme de l'extreme Onction, de la Penitence, de l'Eucharistie, & du Mariage à ceux qui estoient capables, faisant luy seul l'office de plusieurs Prestres. Le matin il alloit par les ruës reuestu d'un surpelis, avec la croix deuant, qu'un petit enfant portoit, & demandoit de porte en porte, s'il y auoit quelque malade, qui eut besoing d'un sacrement, ou quelque trespasé pour l'enseuelir, ou bien quelques vns pour baptizer, fussent ils petis enfans, ou autres gens âgez, qui vou-lussent receuoir ce sacrement. Que s'il en trouuoit aucun, qui eut besoing de quelque ayde spirituel, il s'arrestoit là, & commençoit à chanter en leur langue les oraisons du Catechisme. Lors plusieurs s'assembloient tout au tour de luy: & si c'estoit quelque trespasé, il disoit l'office des morts, ou bien leur faisoit chanter les prieres qu'ils auoient apprises, accompagnant le corps, quand on le portoit en terre. Si c'estoit quelque malade, il recitoit quelques periodes du saint Euangile, tenant la main sur la teste du patient: que s'il estoit en danger de mort, il luy donnoit le saint huyle. En telles & semblables occupations employoit il vne bonne piece du matin, iusques à dix ou vnze heures, sans oublier neantmoins d'enseigner chascun iour la doctrine Chrestienne aux petis enfans. Apres midy il accordoit les differens, s'il y en auoit parmy eux. Il assistoit aux mariages, faisant qu'on les celebrat selon que l'Eglise ordonne. Et les Dimanches, & iours de feste les ayant tous assemblez à l'Eglise, il leur faisoit premierement reciter à haute voix la doctrine Chrestienne, puis leur preschoit le sermō, qu'il auoit appris par cœur, iusqu'à ce qu'il sceut parler leur langue. Car alors il leur faisoit des remōstrances, selon que le temps & les occasions le requeroiēt. De ceste sorte il alloit d'un village à l'autre, demeurant en chascun autant de temps, qu'il estoit necessaire; puis comme il auoit acheué sa visite, il la recommançoit derechef parcourāt ces cinquante lieues de chemin, qu'il y a d'un bout à l'autre de ceste coste, avec vn desir tres-ardent du salut des ames, de mesme qu'un serf tout essardé de soif, qui court à la fontaine, pour se souler d'eau. Il marchoit tous-iours à pied, & apres que ses botines furent vsées, tout deschaux, foulant ces sablonnières embrasées de l'ardeur du Soleil, qui y est intollement chaud. Mais ce feu du S. Esprit, qui brusloit continuellement en son ame, luy faisoit tenir peu de compte de tout ce

*Ses occu-
patiōs or-
dinaïres.*

*Ses pei-
nes & tra-
uaux.*

chaud extérieur ; comme aussi de prendre sa réfection corporelle. Car avec tous ces travaux, il gardoit une très-grande abstinence. Il ne mangeoit jamais de la chair, ny ne beuvoit point de vin, sinon

Son abstinence.

quand il estoit invité de quelques Portugais; parce qu'alors il s'accommodoit à ses hostes, pour éviter toute note de singularité, & ne déplaire point à ceux, qui l'invitoient. Sa viande ordinaire estoit un peu de ris mal apresté, qu'il se faisoit cuire luy mesme en l'eau, & si quelquesfois on luy donnoit du poisson, ou un peu de lait aigre, c'estoit pour luy un grand festin. Il couchoit toujours sur la dure, ce qu'ayant esté rapporté au Gouverneur Martin Alphonse de Sosa, il luy enuoya une coïtte, & un coussin de plume : mais il les donna tout aussi tost à un pauvre. Son repos ordinaire n'estoit que de deux ou trois heures, le reste de la nuit il l'employoit en oraison & contemplation, traitant la nuit avec Dieu de la conversion des âmes, qu'il devoit moyenner le jour suivant. Aussi fit il un profit

Le fruit merueilleux qu'il fit à la coste de la pescherie.

merveilleux en ceste coste, tant envers ceux, qui estoient des Chrestiens, qu'à l'endroit des infideles. Il faisoit sur tout grand cas du baptême des petits enfans, mesme de ceux qu'il avoit baptizé avant l'usage de raison, & qui bien tost apres s'en estoient enuolez au ciel, mourans en ce bas âge avant que perdre l'innocence & la grace receüe au baptême: lesquels il disoit en une lettre avoir esté plus de mille, tellement qu'il les prenoit pour mediateurs & intercesseurs envers Dieu, à fin d'impetrer les grâces qu'il desiroit, ou pour soy, ou pour le salut des âmes qu'il pourchassoit. Car il estimoit que ces heureuses âmes luy obtiendroient cela en reconnaissance du grand bien qu'elles avoient reçu par son moyen. Il employoit aussi un soing particulier à instruire les autres enfans des un peu grandelets. Car comme il dit en la mesme lettre, il esperoit, qu'ils seroient meilleurs que leurs peres, parce qu'ils monstroient une singulière affection à l'endroit de tout ce qui estoit de la Religion Chrestienne, & avoient un grand desir d'apprendre le Cathéchisme, tant pour eux, que pour l'enseigner aux autres, comme le Pere leur faisoit faire, & par ce moyen il fit si tost apprendre à un si grand nombre de gens les choses nécessaires à salut. Ces enfans aussi avoient fort en horreur les actes d'idolatrie, & les superstitions Payennes, qu'ils voyoient quelquesfois exercer à ceux mesmes, qui estoient ja baptisez, lesquels ils reprochoient hardiment du mal qu'ils faisoient, encore qu'ils fussent leurs propres pere & mere ; & quelquesfois ils aduisoient le Pere de ce qui s'estoit passé. Luy sçachant

Liv. I. epist. 5.

cela s'en alloit avec vne troupe de ces enfans à la maison, ou le peché auoit esté commis; & soudain vous eussiez veu ces petis innocens courir çà & là pour chercher les idoles, & les ayant trouuées les mettoient en pieces, ou les fouloient aux pieds. Le Pere les enuoyoit aussi visiter les malades en son lieu, ne pouuant aller par tout, ou il estoit appelé, à cause d'une infinité d'autres occupations. Mais il les instruisoit comment ils s'y deuoient gouverner, & leur enseignoit quelques oraisons pour dire sur les malades; avec ce ils s'en alloient pleins d'une grande foy, & bien souuent faisoient des miracles donuant la santé à plusieurs malades, cōme cy apres nous dirons.

Il estoit contraint d'employer en cela les enfans, n'ayant autre pour l'ayder, que son compagnon François Manfilla, qui n'estoit pas encore Prestre; & c'est-ce qui l'affligeoit dauantage, selon ce qu'il escrit en la susdite lettre. Car il voyoit qu'une infinité d'ames se perdoient, par faute de gens, qui leur enseignassent le chemin de salut, tellement qu'il adiouste ces paroles, Souuent (dit-il) m'est venu en la pensée de m'en aller courir çà & là par les Vniuersitez de l'Europe, & nominément en celle de Paris, criant comme un homme forcené à vox desployé, pour aduiser ceux, qui ont plus de sçauoir que de charité, & leur parler en ceste sorte; Helas! cōbien y a il, d'ames, qui par vostre faute sont forcloses du Paradis, & s'en vont en Enfer? Pleust à Dieu (dit-il, vn peu apres) que comme ils s'estudient pour auoir la cognoissance des lettres, ils s'estudiaissent aussi pour cognoistre le compte estroit & rigoureux, que Dieu leur doit demander de la science & de autres graces, qu'il leur a eslargi. Je m'assure qu'il y auroit plusieurs d'entre-eux, qui diroient à Nostre Seigneur; Me voicy, Seigneur, enuoyez moy ou il vous plaira, & aux Indes mesmes, si tel est vostre plaisir. O qu'ils viuroient bien plus contents & assurez, qu'ils ne sont: & avec plus grande confiance de la diuine misericorde, allegueroient à l'heure de leur mort, lors qu'il faudra comparoistre deuant ce iuste Iuge, qui ne peut estre trompé de personne, ces paroles du seruiteur mentionné en l'Euangile; Seigneur vous m'avez baillé cinq talents, en voicy autres cinq, que j'ay gaigné de surcroist. Or pour suppléer à ce defaut, il s'aduua d'un moyen, qui fut de faire choix en chascun bourg de deux ou trois hommes de plus d'entendement & capacité qu'il peut trouuer, & sur tout de bonnes mœurs, lesquels il instruisoit plus particulièrement, que les autres, leur enseignant la façon de

Faute
d'ouuri-
ers em-
pêche la cō-
uerfion de
plusieurs

Zeleda
Po X
inter

baptiser en cas de necessité, & autres telles choses d'importance.

*Canacapo
les Sacri
stains ou
Margui
liers des
Parauaz.*

A ceux-cy (qu'il nomma Sacristains, ou Marguilliers, & les habitants en leur langue *Canacapoles*) il donnoit charge de l'Eglise, & d'enseigner la doctrine Chrestienne deux fois le iour, le matin aux petits enfans, & l'apresdisnée aux filles, & les Dimanches & Felistes à tout le peuple, qui se deuoit assembler à l'Eglise: là ou ils auoyent charge de publier les Festes & Ieufnes de cōmandement, & les mariages, qui se deuoient celebrer, comme sont icy les Curez. Il leur enjoignoit aussi de faire deux listes, l'vne des enfans, qui naissoient de nouveau, & n'estoiēt pas en danger de mort, afin qu'il les baptisast lors qu'il seroit de retour; l'autre de ceux, qui ne viuoient pas avec tel exemple, & edification, qu'il estoit cōuenable à vn Chrestien, & quād il retourneroit visiter ces lieux là, les *Canacapoles* luy deuoient bailler ces roolles, & luy rendre compte de tout le reste qui se passoit; comme s'il y auoit quelques inimitiez ou querelles entre les habitans de ce lieu, & choses semblables; afin que conformement aux necessitez, il appliquast les remedes. Mais pour faire que cecy fut de durée, & qu'ils fussent incitez à leur deuoir, avec esperāce de profit, il obtint quatre mil fanons, ou comme ils disent là, pardaos de rente par an, qui valent douze cens liures de nostre monnoye, pour estre appliquez à l'entretien de ces Marguilliers. Ceste sōme leur fut assignée sur les deniers du Roy, qui se leuoient de ceste Coste, & luy fut accordée, premierement par le Gouverneur Martin Alphonse de Sosa, estimant que le Roy l'auroit pour agreable: toutesfois afin que la chose fut plus assurée le Pere la fit confirmer au Roy mesme, & à la Royne aussi; parce que ces quatre mil pardaos estoient affectez pour ses patins, dont le Pere prit occasion de luy escrire pour la prier de vouloir consentir, que ces deniers fussent de là en auant appliquez, pour l'entretien de ces *Canacapoles*, vsant d'un gentil trait; par ce (dit-il-il) Madame qu'il n'y a patins au monde, qui vous fassent monter si haut, que fera ceste aumosne donnée pour vn œuure si saint, qu'est l'instruction des petis enfans, & des ignorans en la Foy Chrestienne. Ce que la Royne, qui estoit lors Dame Catherine fille de Philippe I. Roy de Castille, & sœur de l'Empereur Charles V. luy accorda fort volontiers, comme tres-deuote Princesse, qu'elle estoit. Que si les grands & les riches à son exemple venoient à retrancher quelque peu de leurs excez, & superfluites, & les appliquer à œuures pies, ils seroient souuent cause de plusieurs grands biens, & s'acquerroient vne gloire immortelle.

*400. Pardaos
sont 400.
escus, &
chaque
Pardo
vaut 6.
sols.*

DE QUELQUES RENCONTRES ET DISPOSITIONS, qu'il y eust entre le Pere Xavier, & les Brachmanes de la coste de la Pefcherie, & des miracles qu'il y fit.

CHAPITRE VIII.

Nous auons veu iusques icy le fruit, que le P. François Xavier recueillit de l'instruction des Parauás, qui estoient ja Chrestiens; disons maintenant ce qu'il aduança à l'endroit des Infideles. Mais auant que traicter de cecy, il faut sçauoir comme en ceste Coste, bien que sterile & despourueüe de la pluspart des choses necessaires à la vie humaine: il y auoit neantmoins grand nombre de Brachmanes, lesquels estoient en cest endroit, d'autant plus ingénieux pour tirer leur nourriture, que le país estoit plus maigre & souffreteux. Entre autres ruses dont ils se seruoient, la plus ordinaire estoit celle qu'auons dit cy dessus, de faire accroire aux plus simples, que leurs Pagodes s'assembloient deux fois chascun iour pour disner & souper dans le Temple. Et afin de donner quelque couleur à leur fait, ils faisoient battre les tambours & sonner quelques autres instrumens sèblables, disans qu'avec ce signal les Dieux estoient appelez (aussi estoient-ils bien loing) pour se venir mettre à table. Cependant c'estoient les Brachmanes qui banquettoient avec leurs femmes & enfans & faisoient bonne chere des offrandes que le peuple apportoit pour nourrir ses Pagodes. Ruse semblable à celle, dont vsoient iadis les Prestres de l'Idole Bel, qui fut decouuerte par le Prophete Daniel, & eux priuez par commandement du Roy, non seulement des offrandes, mais aussi de la vie. Ainsi le P. Xavier venant à descouuoir au peuple les fallaces, & trôperies des Brachmanes, ils perdoient beaucoup de credit & d'offrandes, toutesfois ils n'osoient ou ne pouuoient l'endoimmager: parce qu'ils se rendent amy, soit qu'ils le fissent à celle fin qu'il les laissât viure en paix, ou à cause de la grande opinion qu'ils auoient conceu de sa sainteté & doctrine, iusques à luy enuoyer mesme des presens, pour gagner sa bonne grace. Le Pere, bien qu'il acceptât leur amitié, pour voir s'il les pourroit faire amis de Dieu, toutesfois il leur renuoyoit les presens, disant avec S. Paul; C'est vous mesmes, & non pas vos presens que ie cherche. Or il aduint vne fois visitant les Chrestiens de ceste coste, qu'il passa par vn lieu ou il y auoit vn grand Pagode & Temple d'vn certain Idole, au seruice duquel y auoit bien deux cens Brachmanes.

Ruses des
Brachma-
nes.

Dan. 13.

Recher-
chent Pa-
mitte du
P. Xavier.
& pour-
quoy.

2. Cor. 12.
Temple
d'idoles
seruy par
200. Bra-
chmanes.

fieurs d'iceux estans aduertis de son arriuée, s'en vont au deuant de
 luy pour le bien-veigner, luy faisans beaucoup de caresses, avec
 grande demōstration d'amitié. Le Pere fut tres-aise de trouuer vne
 si belle occasion pour conferer avec eux, & leur faire cognoître
 leurs erreurs, à fin de les gaigner à nostre Seigneur, s'il pouuoit.
 Apres donc qu'ils se furent entresaluez & assis, ils discoururent lon-
 guement entr'eux, tant de la foy Chrestienne que de leurs sectes.
 Or parmy diuers propos tenus d'une part & d'autre, le P. Xavier
 leur demanda ce que leurs dieux commandoient aux hommes
 pour les acheminer à la felicité. Il y eut entr'eux grande dispute,
 qui seroit le premier à respondre: car chascun craignoit sa honte &
 confusion; en fin le sort tomba sur le plus vieux, qui pouuoit estre
 aagé de quatre vingts ans, ou enuiron: lequel faisant semblant de
 vouloir donner l'honneur au Pere de respondre le premier, mais de
 fait, pretendait voir ce qu'il diroit, pour prendre de là sa responce;
 Voire mais (dit il) il faut que vous nous disiez premierement ce
 que vostre Dieu vous enioint, & puis ie vous diray ce que nos Pa-
 godes nous commandent. Le Pere cogneut incontinent sa ruse, &
 soudain luy repart; Puis (dit il) que ie vous ay interrogé le premier,
 il est aussi raisonnable, que vous respondiez le premier. Le Brach-
 mane se voyant prins de court, fut contraint de descouurir le peu
 de suc & de substance qu'il y auoit en sa loy, laquelle il dit estre
 comprinse en deux preceptes. Le premier, qu'on ne tuat point les
 vaches: car les Dieux estoient adorez sous la figure d'icelles; le se-
 cond, de faire beaucoup d'aumosnes aux Brachinanes, parce qu'ils
 font seruice aux Dieux. Le Pere ayant ouy ceste responce, bien qu'il
 veit qu'elle estoit autant digne de risée, que leur loy: conceut neāt-
 moins vne grande douleur en son ame, comme il dit en vne de ses
 lettres, voyant que le Diable auoit encore telle puissance sus les
 hommes, qu'il se faisoit adorer d'iceux au lieu du vray Dieu: & se
 leuant en pied, les pria de le vouloir escouter. Lors il commence de
 reciter à haute voix le Symbole des Apostres, & puis le Decalo-
 gue, le tout en leur langue, messant parmy quelque briefue decla-
 ration tant sur les articles de la foy, que sur les commandemens de
 Dieu, pour monstrier combien ils estoient conformes à la raison, &
 necessaires pour conseruer la paix, & concorde entre les hommes,
 & maintenir en bon estat les Republiques: d'où il inferoit euidem-
 ment, qu'il estoit iuste, que tous les hommes se gouernassent par
 iceux. Outre ce, il leur fit vn petit sermon en langue Malabare, des

*Deux gō-
mande-
mens de
la loy des
Brachma-
nes.*

*Liu. 1.
epist. 5.*

peines d'Enfer & de la gloire de Paradis, declarant par quelles oeuvres on meritoit l'un & l'autre. Ces Brachmanes escouterent attentiuement son discours: lequel fini, se leuent tous & le vont accoler confessans que sans doute le Dieu des Chrestiens estoit le vray Dieu, & ses commâdemens tresiustes & tres conformes a la raison: & apres cela ils luy firent tout plein de demandes, plus par curiosité & enuie de sçauoir, que pour se disposer a recepuoir la loy qu'il leur preschoit. Entre autres choses ils l'interrogerent sur l'immortalité de l'ame, laquelle le Pere leur preuua par des raisons si pregnantes, & si bien proportionnées à leur capacité, qu'ils en furent tres contents. Ils luy demandoient encore de quelle couleur estoit le Dieu des Chrestiens, s'il estoit blanc ou noir, car ils peignent les leurs tous noirs, comme a esté dit cy dessus, estimans que c'est la plus belle couleur en faueur de leur teinct, qui est noir. Le Pere leur respond que Dieu en sa nature n'auoit poinct de corps, ny par consequent de couleur. Brief apres qu'il eut satisfait à tous les doutes, qu'ils luy proposerent, il les pressoit de vouloir embrasser la foy Chrestienne, puis qu'ils la iugcoient si sainte, & si conforme à la raison naturelle; & d'ailleurs qu'ils auoient suffisamment entendu comme l'on ne pouuoit estre sauué suivant autre loy que ceste cy. A quoy ils firent responce, qu'ils ne pouuoient faire ce chāgement pour plusieurs respects; mais tous estoient fondez où sur l'honneur du mode, où bien sur l'auarice. Que dira toute l'Inde (faisoient-ils) si l'on void, que nous venions à laisser la loy de nos ancestres: & changer la façon de viure que nous auons si long temps suiuiue? comment pourrons nous entretenir nos familles laissant le seruice des Pagodes, duquel nous retirons tous nos moyens? Voilà comme ils aymerent plus jouyr des honneurs & commoditez de ceste vie, que s'acquerir la gloire & les richesses du Ciel.

*Ce qui
empesche
les Brach-
manes
de se con-
uertir à
la foy.*

Laisant donc ceux-cy à part, le Pere entendit, qu'il y auoit en ce païs là vn autre Brachmane estimé le plus docte, & mieux versé de tous en leur secte: auquel tant pour cela, que pour auoir estudié en vne tres-fameuse Vniuersité des Indes, tous les autres deferoient beaucoup. Le Pere sçachant cela, & croyant que s'il pouuoit gagner cestuy-cy à IESVS-CHRIST, les autres suyroient aisément son exemple, desiroit fort l'aboucher, & parler a luy seul à seul. En fin Dieu voulut, qu'il se rencontrerent ensemble. Le Pere fort aise de cela commence à luy faire plusieurs demandes des choses, qu'il auoit enuie de sçauoir, pour mieux rembarreler leurs sectes.

*Brachma-
ne fort
docte par
my eux.*

Le Brachmane luy respond à toutes fort courtoisement, & entre autres luy dit que ceux qui faisoient leur cours en l'Vniuersité, ou il auoit estudié, auant qu'entrer en classe, promettoient soubz serment à leurs maistres, de ne iamais descouurir à personne certains secrets, qu'ils leur apprendroient; routezfois pour l'amitié qui estoit entr'eux deux, qu'il les luy vouloit declarer. Le premier donc de ces secrets qu'ils tenoiēt si cachez estoit, qu'il y auoit vn seul Dieu, Createur & Seigneur du Ciel & de la terre, & qu'à luy tant seulement appartenoit toute adoration, & non aux Idoles, d'autāt, qu'ils n'estoiēt quē figures des demōns. Pour le secōd, il luy dit qu'on leur enseignoit certains commandemens qu'il falloit garder pour estre sauuē: & là dessus, cōme le Pere luy eust demandé, quels preceptes c'estoient, le Brachmane luy va apporter tous les dix Commandemens de la Loy diuine, que nous auons au Decalogue, lesquels ils ont escripts en vne langue plus obscure, que l'ordinaire. Car leurs Maistres se seruent d'icelle, quand ils enseignent. Mais le Brachmane les rapporta au Pere en langue commune, adjoustant à chascun d'iceux vne declaration fort pertinente. Pour le troisieme il dit qu'il leur enseignoit de fester vn iour en la sepmaine, comme nous faisons le Dimanche, & en iceluy reiterer souuent ceste Oraison, *Om̃es̃y Narayua Noma*, qui veut dire: *O Dieu ie t'adore & implore ton secours à jamais*: laquelle ils doiuent dire à voix basse, afin de ne contrecuenir à leur serment. En fin il luy dit, comme ils trouuoient escript dans leurs liures, qu'il viendroīt vn temps, auquel tous suyuroyent vne mesme loy. Toutes ces choses raconte le mesme Pere en la lettre cy deuant cottée du 12. de Ianuier 1544. Or apres que le Brachmane eust acheuē son discours, il pria le Pere que puis qu'il luy auoit descouuert les plus grands secrets de sa Loy, il luy voulut aussi declarer ceux, qu'il y auoit en celle des Chrestiens,

» promettant de ne les dire à personne. Voire, mais, repart le Pere, ie
 » ne les vous descouuriray, si vous ne me promettez de les publier
 » par tout ou vous pourrez. L'autre ayant accepté la condition, le
 Pere commence à luy declarer amplement les principaux articles
 dela Foy Chrestienne, discourant sur la Creation du monde, sur la
 cheute des Anges, & de nos premiers Peres, sur la venuē du fils de
 Dieu au monde, & comme il rachep̃ta les hommes par sa mort &
 passion: puis enuoya ses Apostres pour annoncer sa Loy par tout
 l'vniuers, laissant aux hommes des moyens, & des commandemens
 qu'ils deuoient garder pour estre sauuez. Et entre autres il luy ex-
 pliqua

Secrets
qu'on en-
seigne en
certaine
Vniuersi-
té des In-
des.

Oraison
que cer-
tains Bra-
chmanes
font à Dieu

pliqua celuy du Baptisme, luy baillant par escrit la declaration de ces paroles de nostre Sauueur, *Qui crediderit & baptizatus fuerit* *Marc. 16.*
saluus erit, avec vn long discours. en langue Malabare, tant sur les articles de la Foy, que sur les Commandemens de Dieu. Le Brachmane fut rai en admiration, entendant des mysteres si hauts & si diuins, comme ceux que contient nostre S. Foy, tellement qu'il pria instamment le Pere de luy vouloir cōferer le Baptisme. Mais parce *Ce docteur*
qu'il ne vouloit estre Chrestien, sinon en cachette, pour plusieurs *Brachma-*
respects humains, le Pere ne luy voulut octroyer sa demāde, disant *ne veut*
que comme il ne luy auoit descouuert les secrets de nostre loy, si- *estre Chre-*
non à fin qu'il les publiat, aussi n'estoit il pas raisonnable qu'il re- *stien mais*
ceut la foy, sinon lors qu'il en voudroit faire profession publique- *en cachet-*
ment par œuures, & par paroles. Brief de tous ces Brachmanes il *te.*
n'en peut gaigner qu'un tant seulement. Mais nostre Seigneur vou-
lut recompenser d'ailleurs ses trauaux, luy donnant beaucoup d'au-
tres Gentils, qu'il conuertit à sa foy. Car nous sçauons qu'il laissa *Grand nom-*
quarante mille Chrestiens en ceste coste de la Pescherie lors qu'il *bre de Pa-*
en partit, n'y en ayant trouué que vingt mille, & iceux plustost Pa- *yens con-*
yens que Chrestiens. Mais voicy ce qu'il en escrit luy mesme en la *uertis à la*
lettre cy deuant alleguée. Combien doit estre grand le nombre de *foyr*
ceux, qui sont tous les iours amenez au bercail de Iesus-Christ, on *ce*
le peut cognoistre par là; c'est que souuent il m'arriue d'auoir quasi *ce*
les mains & les bras rōpus de baptiser tant de gens. Car quelques- *ce*
fois il aduient que ie baptise en vn iour des bourgs entiers, de façō *ce*
que souuent la voix me defaut, & les forces me viennent à man- *ce*
quer recitant si souuent les articles de la foy, & choses semblables. *ce*
Iusqu'icy sont ses paroles. D'ailleurs il nous appert que depuis Brin-
gan iusques à Permanel, qui sont deux villes de ceste coste, il con-
uertit à la foy neuf ou dix villages entiers, & aux enuirs de Bea-
dala & Remanancor, qui sont deux autres lieux, il en gaigna six ou
sept. Mais il en y auoit vn, auquel personne ne vouloit ou n'osoit
embrasser le Christianisme, iacoit qu'ez autres villages d'alentour,
tous se fussent desia rāgez à iceluy. Ceux-cy alleguoient qu'ils n'o-
soiēt ce faire, pour crainte de leur Seigneur, qui estoit Payen, & leur
auoit defendu expressement (ce disoient ils) de receuoir la foy *Bourg dif-*
Chrestienne. Mais la diuine providence facilita leur conuersion en *ficile à cō-*
la maniere qui s'ensuit. Il y auoit en ce lieu vne femme de noble *uertir.*
race, qui estoit en trauail d'enfant depuis trois iours, & n'auoit on
aucune esperance de sa vie, ny de son fruit. Le P. Xavier passant par

la ville de Tutuchurin, l'une des plus grandes & riches de ceste cōste, qui estoit proche de ce lieu, entēdit cecy, & cōme asseuré que nostre Seigneur luy feroit la grace de la deliurer, prend vn compaignon, & s'en va au lieu ou estoit ceste femme. Le mary & autres parens d'icelle en furent bien aises: car ils estoient desia mescontentz des Brachmanes, parce que leur ayant faict beaucoup d'aumosnes, la patiente n'auoit receu aucun allegement de son mal. Le Pere dōc estant entré dans la maison, & ayant donné bonne esperāce à ceste dame, & aux assistans, de sa deliurance, pourueu qu'elle voulut croire en Iesus Christ, & receuoir le S. baptême; elle monstra en estre bien contente. Le Pere oublié (comme il dit en sa susdite lettre) qu'il estoit en pais estranger, se souuenant toutesfois que la terre & tout le contenu d'icelle appartient à Dieu, appuyé sur sa toute-puissance, conçoit grand espoir qu'il garantiroit ceste femme de ce danger, & avec ce commence à luy declarer vn sommaire de la foy Chrestienne; luy demande par apres si elle croyoit ces choses, & si elle estoit contente d'estre baptisée; la malade respond, que ouy.

Ep. 3. li. 1.

Vne femme deliurée du travail d'enfant miraculeusement.

Lors le Pere apres auoir recité quelques periodes du saint Euan-gile, la baptisa, & soudain voyla qu'elle enfanta sans beaucoup de peine, sortant son fruit plein de vie, qui fut aussi baptisé au mesme instant. Tous ceux de la maison ayans veu ce miracle, creurent en Iesus Christ, & furent pareillement regenez par le S. baptême. Le bruit de cecy ayant esté bien tost diuulgué par tout le village, donna vn grand credit au P. Xavier, & à la foy qu'il preschoit. Luy voyant que les habitans estoient fort esbranlez, battant, comme l'on dit, sur le fer chaud, s'en va trouuer les principaux du lieu pour leur denoncer de la part de Dieu, qu'ils eussent à recevoir la doctrine de son fils nostre Sauueur Iesus Christ, sans laquelle ils ne pouuoient estre sauuez. Ils respondirent qu'ils n'oseroient sans le congé de leur Seigneur, quitter la loy de leurs ancestres; ce qu'entendant il s'en va trouuer le Procureur du Seigneur, qui estoit venu là vn peu auparauant, pour exiger le tribut deu à son maistre, & luy tint quelques propos de la Religion Chrestienne, esquels il se pleut tellement, qu'il dit, que c'estoit bien faict à son aduis que de se rendre Chrestien, & qu'il en donnoit permission à tous ceux de ce village, qui le voudroient estre, bien que luy ne print pas pour soy le conseil, qu'il en donna aux autres. Mais les principaux habitans du lieu, ayans ceste permission, embrasserent les premiers la foy de Iesus Christ avec leurs familles, & apres eux tous les autres suivirent.

Voilà comment le P. Xavier engendra à Nostre Seigneur tant de Chrestiens, facilitant par ses prieres l'enfantement difficile & perilleux de ceste Dame. Or ce miracle luy fut vne occasion de plus grande peine & travail, car ayant esté publié par toute ceste contrée, si tost qu'il y auoit quelqu'un atteint de maladie, ils l'enuoyoient querir, & ce non seulement les Chrestiens, mais aussi les Payens; de façon qu'il eust eu assez à faire tout le iour, ne s'employant à autre chose qu'à reciter l'Euangile & autres Oraisons, qu'il souloit dire sur les malades: & ne luy estoit possible de s'en excuser, afin de les entretenir en ceste bonne foy, qu'ils receuoient guarison par le moyen des choses sacrées & des prieres de l'Eglise. Cecy alla bien si auant, qu'ils se debattoient entr'eux qui l'auroit le premier. Luy voyant cela, & que ceste occupation luy emportoit vne bonne partie du temps, qu'il eust peu employer à leur instruction, s'aduisa d'un autre moyen, qui fust d'y enuoyer en son lieu les enfans, auxquels il en'eignoit la doctrine Chrestienne; les instruisant comme ils se deuoient comporter en cela, c'est à sçauoir, que si tost qu'ils arriueroyent à la maison des malades, ils fissent assembler tous ceux du logis; & estans là aupres du patient, qu'ils disposassent de telle façon le malade & les assistés, qu'un chacun d'eux conceust grande foy & esperance, que par la vertu & puissance de Nostre Sauueur **I E S V S- C H R I S T** le malade receuroit guarison, si cela luy estoit expedient; & assurez en ceste foy ils luy adressassent leurs prieres, & oraisons, comme à celuy qui est le vray & vnique fils de Dieu, nostre salut, & esperance. Les enfans suyuoient de point en point le commandement du Pere: & apres auoir prononcé sur le malade quelques oraisons, qu'il leur auoit enseigné plusieurs estoient par ce moyē deliurez de grieues maladies. Dieu voulant de ceste sorte, non seulement auctoriser sa foy; mais encore declarer la sainteté, & merites de son seruiteur le B. P. Xavier. Car les enfans qu'il enuoyoit là, taschoient d'auoir, pour appliquer sur les malades, ou son reliquaire, ou la croix qu'il portoit, ou son chapelet, lequel tout vn long temps seruit plus pour guarir, que pour prier; (comme il dit en vne lettre) de maniere que ces enfans ne retournoient presque iamais sans auoir fait quelque miracle. Mais voyci vne autre merueille, qui luy donna encore beaucoup de credit. Estât à la ville de Manapar, qui est en ceste mesme coste, le Diable entra dans le corps d'un homme riche & honorable dudit lieu, lequel il tourmentoit d'une estrange façon. Les seruiteurs accouru-

Tout un village converti à l'occasion de ce miracle.

Les enfans que le P. Xavier enuoyoit guarissent les malades.

rurent viftement au P. Xavier, qui enseignoit en ce meſme temps le Catechiſme dans l'Egliſe, eſtimans qu'il lairroit tout, pour aller ſecourir leur maïſtre. Mais le Pere ne daigna pas bouger pour cela, à fin de ne faire ceſt honneur à l'ennemy; ains continuant ſon diſcours, enuoye vn des enfans vers le demoniacle, & luy baille la croix qu'il ſouloit porter au col. L'enfant armé de ceſte eſpée entre en la maiſon du poſſédé, & luy faiſt baiſer la croix. Le Diable ne pouuant ſupporter cela incontinent le quitte, & s'enſuit. Dont ceux qui furent preſens au miracle, & les autres auſſi, qui eſtoient demeurez au Catheciſme, ont rendu teſmoignage. Mais ſon humilité eſtoit ſi grande, qu'il attribuoit toutes ces guarifons ſurnaturelles à la foy & deuotion tant des aſſiſtans, que des malades, comme il Liui. 1. appert de la meſme lettre, ou il adiouſte que noſtre Seigneur leur epiſt. 5. donnoit la ſanté du corps, pour leur donner celle de l'ame, & les attirer par ce moyé à la cognoiſſance & obeïſſance de ſa ſaiſte loy.

Or entre ces choſes merueilleuſes, qu'il faiſoit par autrui, il en fit auſſi luy meſme en perſone de plus admirables, qui furent cauſe, que le nombre des Chreſtiens accreut merueilleuſement en ceſte contrée là. Car ſans mettre en ligne de compte vne infinité de malades, qu'il guarit miraculeuſement, & pluſieurs demoniacles, qu'il deliura par ſoy-meſme; c'eſt vne choſe qu'on tient en ce pais là pour toute aſſeurée, qu'il y reſuſcita deux ou trois morts. L'vn d'iceux fut vn ieune enfant, fils d'une pauvre femme Chreſtienne, leſcrite vn en quel eſtant tombé dans vn puis, en fut tiré mort. La mere toutes-ſait mort. fois ne voulut pas qu'on l'enſeuelit, ains toute eſplorée s'en va querir le P. Xavier, criant par le village, & demandant à tous ou eſtoit le Grand Pere (car ainſi l'appelloit-on communement, où bien le Pere Saint.) L'ayant trouué elle ſe iette à ſes pieds (comme la bonne Sunannite à ceux d'Elifée) le priant de vouloir venir en ſa maiſon pour rēdre la vie à ſon petit enfant, qui eſtoit tombé dans le puis, & s'eſtoit noyé. Le Pere eſmeu de pitié & compaſſion à l'endroit de ceſte pauvre femme, luy dit avec vne grande confiance, qu'elle euſt eſpoir en Dieu, & ne ſe contriſtaſt pas; car l'enfant n'eſtoit pas mort; & de ce pas il la ſuit. Eſtant arriué à la maiſon, il la trouue toute remplie de gens, & l'enfant au milieu eſtendu mort; voyant cela il ſe met à deux genoux, & commence à faire ſon Oraïſon à Dieu; laquelle finie il ſe leue, & fait le ſigne de la Croix ſur le corps; & voilà ſoudain que l'enfant ſe trouue en pied, non ſeulement plein de vie, mais auſſi de ſanté. Ceux qui eſtoient preſens commence-

Et appelle le Pere Saint o le Grand Pere.
3. Reg. 4.

rent incontinent à crier, Miracle, Miracle. Mais le Pere les pria instamment de n'en sonner mot, & se desroba de là le plus viste qu'il peut: toutesfois il ne sçeuſt si bien faire, que le bruit n'en fut espan-
 du par tout. Ce qui s'ensuit est encore plus remarquable, tant à cause du lieu, ou il aduint, que des personnes, esquelles la chose fut faite. Il y a vne ville en ceste Coste, nommée Punical, où estoit trespasſé vn ieune adolescent, yſſu de parens riches & fort cogneus en ce lieu; lesquels tous fondus en larmes, firent porter le corps du defunct deuant le P. Xauier, qui estoit lors en la mesme ville, le supplians inflammēt & avec beaucoup de larmes de les vouloir ayder & secourir en leur affliction, remettant leur enfant en vie, comme il auoit fait celuy de ceste pauvre femme. A l'inſtant le Pere prend le mort par la main, & luy commande au nom de IESVS-CHRIST *Vn ieune adolescent refuſé.*
 de se leuer, & aussi tost il se leua plein de vie & gaillard. Or eöbien qu'il taschast de couvrir ce miracle, voulant faire entendre par paroles ambiguës, que le ieune adolescent n'estoit pas mort; toures-
 fois outre le tesmoignage authentique de plusieurs personnes dignes de foy, qu'on a eu sur ce faict, toute l'Inde, par laquelle le bruit de ce miracle courut incontinent, en rendoit suffisant tesmoignage. Outre que le Pere estant de retour à Goa (comme nous dirons au chapitre ſuiuant) M. Iaques de Borba, qui auoit encore charge du College, & luy estoit amy fort intime, deuſant vn iour familièrement avec luy seul à seul, luy fit ceste deınäde; Pere François (dit-il) il faut que vous me faſſiez ce plaisir, que de me raconter comment Nöſtre Seigneur a reſuſcité par voſtre moyen vn ieune adolescent, au cap de Commorin. Cecy est deſia tout notoire, & les gens de ceste ville ne parlent d'autre chose: mais ie deſire le ſçauoir de vous meſme, pour la plus grande gloire de Dieu, & de ſon Eglise. Le Pere oyant ces paroles, deuint aussi rouge qu'eſcarlate, & *Modestie & humilité du P. Xauier.*
 pour se couvrir mieux, Ieſus, noſtre Maiſtre (dit-il, l'embrassant & comme ſe riant de ſoy-meſme) auriez-vous bien ceste opinion d'un ſi meſchant homme que moy, qu'il reſuſcite les morts? hal-
 la pauvre pecheur que ie ſuis; on m'apporta ce ieune homme, qu'on diſoit eſtre mort, bien qu'il fuſt en vie, ie luy commanday qu'il se leuaſt au nom de Dieu, & il le fit. Le peuple qui s'eſmerueille de toutes choses, en a fait vn miracle; & voilà ce qu'o a ſemé par tout. Au reſte encore que le Pere taschast de couvrir ainſi ce miracle, toutesfois M. Iaques de Borba demeura tellement perſuadé de la verité du fait, tant par ceste reſponce du Pere, que de ce qu'il vid

en luy, lors qu'il luy demanda cōme tout s'estoit passé, que de là en auant il le croyoit aussi fermement, que s'il l'eust veu de ses propres yeux, sçachant bien que s'il n'eust esté vray, le Pere l'eust bien autrement nié. On raconte aussi qu'il y resuscita vne fille morte. Mais ce qui a esté dit, est suffisant pour monstrier les graces, que nostre Seigneur luy auoit communiquées; à raison desquelles il estoit tant estimé & reueré en ceste contrée là.

2. Cela fut aussi cause que tant de Gentils se conuertirent de nouveau, & ceux qui estoient auparauant Chrestiens, commencerent à viure avec telle edification, qu'on recognoissoit bien en eux, quel maistre ils auoyent eü; & la diligence qu'il auoit employé à les instruire. Aussi trauailla-il à bon escient à les endoctriner.

*Les consolations
grandes
qu'il receuoit
de Dieu.*

*1. iu. 1.
epist. 5.*

Mais s'il estoit liberal enuers Dieu s'employât si soigneusement à procurer l'accroissement de sa gloire, & le salut des âmes, sa diuine bonté l'estoit encore plus en son endroit le comblant d'une infinité de consolations. De façon qu'il pouuoit bien dire avec le Prophete; Selon la multitude de mes douleurs & trauaux vos con-

solations (mon Dieu) ont resiouy mon ame; ainsi que nous pouuons cognoistre par ce qu'il écrit en la lettre cy dessus tant de fois mentionnée, ou il parle ainsi sur la fin d'icelle: Je n'ay autre chose à vous escrire de ces quartiers icy, sinon que les consolations, que nostre Seigneur communique à ceux, qui s'emploient à cultiuer ceste sienné vigne, sont telles, qu'elles seules doiuent estre appellées consolations & plaisirs, si point en y a sur la terre. Souuentes fois il aduient que j'eus vn certain, qui est occupé en ces trauaux, dire à Dieu, le vous supplie Seigneur, ne me donnez tant de consolations en ceste vie, où puis qu'il plaist ainsi à vostre infinie misericorde & bonté, enleuez moy à la demeure des bien-heureux. Car c'est vn grand tourment à ceux qui ont vne fois gousté vos douces intérieures, de viure sans iouyr de vostre présence. Mais ces choses estoient d'autant plus admirables, en luy, qu'elles estoient coniointes

*Travail
singulier
d'humilité.*

avec vne plus profonde humilité. Car il s'estimoit le moindre de tous ses freres, croyant que par leur prieres nostre Seigneur luy faisoit tant de graces & faueurs, suiuant ce qu'il en a couché en la mesme lettre, ou il dit ainsi: Ce m'est vne grande consolation demeurer en ce pais, que de me souuenir de vous (mes tres-chers freres) & du temps, auquel Dieu m'a fait la grace, d'auoir vostre cognoissance & familiarité, sentant en mon ame combien j'ay perdu par ma faute, pour n'auoir fait mon profit de tant de graces, que nostre Sei-

gneur vous à communiquées. Le mesme Seigneur vse en mon endroit de tant de faueurs à cause de vos oraisons, & de la souuenance continuelle qu'auetz de moy en icelles, que bien que ie sois absent de vous selon le corps, toutesfois ie recognois que par le moye de vostre intercession, nostre Seigneur me faiet entendre la multitude infinie de mes pechez, & me dōne les forces & courage pour travailler parmy ceste gentilité. Partant ie rends infinies graces à la diuine majesté, & à vous aussi (mes tres-chers freres) en recognoissance de vostre charité. Voyla quelle estime il faisoit de ses freres, & le peu qu'il en faisoit de soy. Mais poursuuons le reste de ses voyages.

*IL S'EN RETOURNE A LA VILLE DE GOA,
pour expedier quelques affaires, puis s'en reuient de nouueau à
la coste de la Pescherie, d'où il va planter la foy au
Royaume de Trauancor.*

CHAPITRE IX.

A Pres quele P. Xavier eut demeuré à la Coste de la Pescherie, depuis le mois de Novembre de l'an 1542. iusques au mois de Decembre de l'an 1543. trouuillant comme il a esté dit cy dessus, il resolut de s'en retourner à Goa, tant pour traiéter avec l'Euesque & le Gouverneur des Indes quelques affaires concernant les Chrestiens de ceste coste là, que pour r'amener avec soy quelques autres compagnons, qui l'aydassent à ietter & tirer les filets, pour la pesche des ames, beaucoup plus riche & plus importante, que celle des perles, qui s'y faiet. Ayant donc prins port à Goa dans peu de iours, on ne scauroit expliquer la ioye, & l'allegresse qu'on receut en ladiète ville de sa venue, tant pour l'affection singuliere qu'on luy portoit, que pour le bruit qui couroit desia par toute l'Inde, des choses merueilleuses, qu'il auoit faiet en ladite Coste. Toutesfois il ne s'y arresta pas long temps: car ayant conclu en brief les affaires, pour lesquels il estoit venu, comme il desiroit, mesme touchant ceste rente, qu'il vouloit faire constituer pour l'entretien des Canacapoles, ainsi que nous auons dit cy dessus, il s'en retourna à sa Pescherie, menant quant & soy trois autres Prestres seculiers, l'un desquels estoit Espagnol, & les autres deux Canarins, qui s'offrirēt tous trois à luy volontiers, pour l'ayder en vne si heureuse pesche. Il laissa au College de S. Paul quelques ieunes enfans des Parauás, qu'il auoit amené de la Coste, à fin qu'apres auoir bien profité ca

*Occasion
de son re-
tour à
Goa.*

la vertu & aux lettres, ils fussent avec le temps propres pour servir de Curez en leurs païs. En ce mesme temps il accepta la charge du College de S. Paul au nom de la Compagnie, parce que M. Jaques de Borba, qui en estoit Principal, & auoit esté l'un des premiers auteurs & promoteurs dudit College, escriuit au Roy de Portugal Iean III. que le baillant à la Compagnie, les choses iroient beaucoup mieux, & seroient de plus longue durée. Le Roy approuuant cest aduis, voulut que la Compagnie en print charge. Ce que le P. Xauier ne peut honnestement refuser, puis que telle estoit la volonté du Roy, & de M. Jaques de Borba, qui l'en prioit fort instamment. Par ainsi il l'accepta, & laissa pour le gouverner le P. Paul Camers, qui estoit venu avec luy de Portugal. Ayant donc mis ordre à tous les affaires, il s'en retourne à la Colte, ou il arriua sur la fin du mois de Feurier l'ā 1544. n'ayāt demeuré à Goa & par les chemins, que trois mois entiers. Incontinent qu'il y fut, il commença à departir ses compagnons, l'un deçà, l'autre delà, ou il iugeoit y auoir plus de necessité, leur baillant les truchemens qui luy auoient serui. Mais encore qu'il y eut plus d'ouuiers, il n'amoindrit pas pourtant ses trauaux; car il print pour sa part le plus penible de tous, c'est à sçauoir de parcourir toute ladite coste de mer d'un bout à l'autre, comme il faisoit auparauant, visitant chascue ville & village, ou il y auoit des Chrestiens, & pouruoiant aux necessitez d'un chacun, autant qu'il luy estoit possible. Or estant si bien occupé, voyci venir les Badagaz, qui sont certains peuples Gentils de la terre ferme de Bisnaga, confinants du costé du Leuant, avec les Malabares, & du Midy aux Parauas, gens fort cruels de leur nature, & accoustumez aux larcins & voleries, dont ils viuent d'ordinaire, & partant ennemis de tous, mais principalement des Chrestiens. Ceux-cy donc, lors que moins on y pensoit, s'estans assemblez en grand nombre, commencent d'entrer dans les terres des Parauas vers le costé plus proche du cap de Commorin; & se iettent sur le païs à l'impourueu, avec telle viffesse, que les habitans de ces quartiers eurent bien affaire à sauuer seulement leurs vies; si que laissant leurs maisons au pillage, ils furent contrains de s'enfuir avec leurs femmes & enfans, & se retirer viftement dans leurs barques, sans auoir loisir de prendre ce qui leur estoit necessaire pour viure. De sorte qu'apres auoir esté sur mer quelques iours, attendans que les ennemis deslogeassent, la faim & la soif les pressoit si fort, qu'ils estoient tous pour mourir, sans l'ayde que leur procura le P. Xauier, lequel

*Il ac-
cepte la
charge du
college.*

*Il s'en re-
tourne à
la coste
de la Pes-
cherie.*

*Badagaz
gēs cruels
& grands
voleurs.*

*Se iettēt
soudaine-
ment sur
les Para-
uas.*

lequel en ayant eu les nouvelles, (car il estoit pour lors absent de *Les Par-*
 ceste contrée là) fit tout incontinent faire la queste pour amasser *une secou-*
 tant d'aumosnes qu'on pourroit, & apres ce donna ordre en grande *rus d'au-*
 diligence, qu'on les leur portast dans vne vingtaine de vaisseaux, *mosnes*
 qu'il fit equiper promptement. Il escriuit encore à son compag- *par le*
 non François Mâilla, qui auoit pour lors prins l'Ordre de Prestre, *moyen du*
 & trauailloit en vn autre endroit de la mesme Coste, qu'il taschast *P. Xavier*
 aussi d'amasser ce qu'il pourroit, pourueu que ce fut de ceux, qui
 donroient volontairement, & non par contrainte, & qu'il ne print
 rien des pauvres, & necessiteux. Il manda pareillement aux Panta- *Pantaga-*
 gatis (qui sont comme les Consuls & Magistrats de ces lieux) qu'ils *tu sont cō-*
 aydassent ces pauvres gens de quelques aumosnes, selon leur pou- *me les (a-*
 uoir. Par ce moyen ces bons Chrestiens furent deliurez du siege *suls des*
 de la famine, & secourus tant sur mer que sur terre ; car ils eurent *villes ou*
 tant d'aumosnes, qu'avec icelles ils se nourrirent tandis que les en- *villages*
 nemis pilloyent leurs maisons ; & de plus eurent apres la retraitte *des Para-*
 de ces voleurs, moyen de se remettre, & reparer en partie les per- *uai.*
 tes, qu'ils auoient faict.

Ceste tourmente passée ; comme le Pere vid qu'avec l'ayde, &
 assistance de quatre Prestres, qu'il auoit, les Chrestiens de ceste
 Coste se pourroient maintenir aucunemēt en la Foy & deuotion,
 il se resout d'aller chercher nouuelle besogne. & bien qu'il desirast
 entrer au dedans de la terre ferme, toutesfois il s'inclina plustost à
 trauailler sur la coste de mer : parce que les habitans d'icelle estans
 soubz l'abry des flottes des Portugais, qui d'ordinaire vont costoyāt
 ces lieux, auroyent moins de crainte d'estre persecutez des autres
 Infideles pour cause de la Foy ; & partant ils la receuroyent plus
 volontiers, & y perseuereroyēt avec plus de constance & fermeté,
 que ceux qui estoient plus au dedans du païs. Il fit encore cela pour
 ayder plus commodement les Portugais qui trafiquent en ces cos-
 tes. Car ils n'ont pas moins de besoin d'estre instruits & endoctrin-
 nez pour estre bons Chrestiens, que les Infideles pour s'en rendre.
 Partant il ietta l'œil sur le Royaume de Trauancor, qui est au deçà *Il s'en va*
 du cap de Commorin, & comprend toute ceste coste de mer qu'il *au Roy-*
 y a depuis ledit Cap, iusques au Royaume de Coulan, qui sont *aume de*
 25. lieues, ou il y a de vingt à trente lieux ; habitez pour la pluspart *Trauan-*
 de certains peuples, qu'on appelle Macoās pour lors Idolatres : & le *cor.*
 reste estoient Mahometains. Estant donc arriué là, il tasche pre-
 mierement d'auoir congé du Roy de Trauancor, que les Portugais

souloient appeller le grand Roy ; parce que de faict il est le plus grand de tous les Rois Malabares , quant à l'estenduë du pais qu'il possede , & à la Majesté de son seruice , car il se fait seruir fort magnifiquement. Cestuy donc desirant estre amy des Portugais, donna volontiers permission au P. Xauier , de prescher la Foy Chrestienne en ses terres, & à ses suiets congé de la receuoir. Ayant eue si bonne despeche il se met à parcourir tout ce pais annonçant l'E-u-angile: & pource qu'ils n'auoient point d'Eglise, il les faisoit assembler en vn grand champ, ou sur le riuage de la mer: là ou accouroit vne telle multitude de gens, qu'il se trouuoit quelquesfois enuironné de cinq ou six mille personnes. Car plusieurs le suyuoient allant d'un lieu à l'autre: & falloit qu'il leur preschat mōté sur vn arbre, à fin que tous le peussent ouyr. Brieuf il y fit vn si grand fruct, que dans vn mois il baptisa plus de dix mille personnes, comme il escrie en vne de ses lettres, adioustant la façon & methode qu'il gardoit en cecy: laquelle il m'a semblé bon de coucher par escrit en ses propres termes: parce qu'elle peut seruir à d'autres en semblables affaires. Estant donc appellé a quelque village, pour y baptiser ceux qui se vouloient faire Chrestiens, ie faisois (dit il) incontinent que i'estois arriué, assembler en vn lieu les hōmes, femmes, & petis enfans: puis commençant des les premiers principes de nostre sainte foy, ie leur enseignois qu'il y auoit vn seul Dieu, Pere, Fils, & S. Esprit: & leur faisant inuoker les trois personnes diuines, vn seul Dieu, ie leur enseignois, & faisois faire à tous le signe de la croix par trois fois. Cela faict, reuestu du surpelis ie prononçois à haute voix la confession generale, le Symbole des Apoitres, les Commandemens de Dieu: le *Pater noster*, l'*Aue Maria*, le *Salue Regina*, le tout en leur langue: car i'auois aprins par cœur ces prières depuis deux ans en çà. Luy disoient apres moy, & prononçoient les mesmes mots, que i'auois dit; puis ie leur expliquois en leur langue, les articles de la Foy, & les commandemens de Dieu: & lors que ie commençois qu'ils estoient suffisamment instruits, pour le baptesme, ie leur faisois à tous demander pardon à Dieu, publiquement & à haute voix, des pechez de leur vie passées, & ce en presence des autres infideles, qui ne se vouloient encore faire Chrestiens, pour plus grande confusion des meschans, & pour confirmer dauantage les bons. Ce qui fait grâdemēt esmerueiller les Payés, voyans la sainteté de la Religion Chrestienne, tellement qu'ils se trouuent tous confus, d'auoir vescu si long temps sans la cognoissance du vray

*Il bapti-
ze dix
mille per-
sones d'us
vn mois.*

*Liv. 1.
ap. 8.*

*elle
mette
de pour
instrui-
re les
sacer-
dotes.*

Dieu. Apres tout cecy, ie demande à vn chascun de ceux qui veulēt estre baptifez, s'ils croient fermement, & sans aucun doute, à tous & vn chascun des articles de la foy Chrestienne. A quoy ils respondent croisans les bras sur la poitrine, qu'ils y croient fermement. Lors ie les baptise, baillant à chascun son nom par escrit dās vn petit papier. Incontinent qu'ils ont esté lauez des eaux du saint baptisme, ils se retirēt chascun à sa maison, & font venir leurs femmes, & toute leur famille vers moy, pour receuoir la mesme grace du baptisme. Tous estans baptifez, ie leur commande soudain d'aller demolir les temples des idoles, & de mettre en pieces leurs statues. Je ne scaurois expliquer par paroles le grand plaisir & contentement, que ie reçois d'un tel spectacle, voyant renuerser par terre, & rompre les idoles à ceux là mesme, qui vn peu auparauant les adoroient. Je laisse en chasque lieu la doctrine Chrestienne escrete en leur langue, & leur monstre comme il la faut enseigner aux leçons qui se font deuant & apres midy. Ayant fait ce que dessus en vn village; ie m'en vay à vn autre, & rodant ainsi par tout ce pais, j'appelle au bercail de Iesus Christ les brebis esgarées de toute part, & ce avec vne plus grande ioye, que ie ne scaurois expliquer, ny par escrit ny par paroles. Voylā les propres mors: d'oū l'on peut voir quelle methode il gardoit, pour instruire ce peuple.

Mais l'ennemy du genre humain ne pouuant endurer les affrōs qu'il receuoit du Pere, & de ceux qui vn peu auparauant estoient ses esclauues, pensa bien s'en reuēcher. A ces fins il suscita de rechef, les Badages, pour courir sus aux Chrestiens de ceste coste, comme ils auoient fait à ceux de la Pescherie. Suruenans donc à l'improuiste, sans que les habitans de Trauancor en sceussent rien, ny s'en donnassent de garde, ils en eussent fait vn cruel carnage, si Dieu ne les eut empeschez par le moyen du P. Xauier, d'une façon bien estrange. Car les Badages ayans trouué les Chrestiens despourueus d'armes pour se defendre, de lieu pour se sauuer, & de conseil pour aduiser aux moyens de se garentir de leurs mains, les estonnerent si fort qu'ils ne scauoient ou ils en estoient. L'on n'entendoit que pleurs & lamentations des femmes; crieries & plaintes des petis enfans; brief on voyoit en tous vñe si grande confusion, que c'estoit pitié. Car les vns couroient tātost deçà tantost delà pour s'enfuir ou se cacher; mais les ennemis leurs auoient fermé tous les passages; les autres attendoient sans bouger la mort comme certaine, voyans qu'il n'y auoit aucun moyen de l'euader, naturellement parlant.

Le Pere voyant que tout secours humain leur manquoit, se retire à Dieu, & se jettant des genoux en terre, luy recommande son troupeau, comme bon pasteur. Apres vne briefue Oraison, mais pleine d'efficace, comme l'effet monstra, il se leue soudain, & s'en va tout droit vers les ennemis, cōme s'il les eust voulu attaquer; puis avec vn courage merueilleux en prend vn par la juppe, qu'il portoit toute rapiecée, & s'adressant à tous avec vne voix & vn visage espouuētable leur parle en ceste sorte : Comment est-ce que vous auez esté si hardis, que de venir ainsi piller & rauager le païs? que vous a fait ce pauvre peuple, que vous le vouliez ainsi massacrer? retirez-vous si vous estes sages; car si vous passez outre, le Dieu du ciel vous enfondrera, & vous abyssera trestous. Ces paroles furent de telle energie par la force & vertu que Dieu leur bailla, que les ennemis n'osèrent donner vn pas auant; ains se retirèrent pleins de peur & d'effroy. Cecy confirma grandement en la Foy ces nouueaux Chrestiens: & plusieurs qui la rejettoient auparavant, l'embrasserent. Le Roy mesme de Trauancor ayant oüy le faict, fit publier en son Royaume, que tous eussent à obeyr au Grand Pere (ainsi l'appelloit-on en ceste coste de Trauancor, de mesme qu'en celle de la Pescherie;) Par ce moyen la Foy Chrestienne print grand accroissement en ce Royaume là. Mais Satan voyant que son dessein ne luy auoit pas reüssi, pour exterminer, selon qu'il pretendoit, la Chrestienté de Trauancor, dressa plusieurs autres embusches contre le Pere, non seulement par le moyen des Infideles, qui estoient extremement faschez de voir leurs Pagodes par terre, & l'Idolatrie quasi abolie en ceste Coste; mais aussi par certains mauuais Chrestiens, qui ne prenoient pas en bonne part les reprehensions & chastimens, que le Pere leur donnoit pour leurs fautes. Car il estoit roide à chastier les pechez, mesmement publiques & scandaleux, se mettant quelquefois en danger de la vie pour ceste cause. Ceux-cy donc incitez & poussez par celuy, qui est homicide dès le commencement, cherchoient souuent le Pere pour le mettre à mort, & ne le trouuant pas és lieux ou il auoit accoustumé de se retirer, ils mirent le feu en trois ou quatre maisons, esquelles il souloit loger. A raison dequoy plusieurs bons Chrestiens faisoient souuent le guet, pour prendre garde à sa seureté, & l'aduiser du danger. Vne fois il fallut qu'il s'allast cacher dans vn bois, & qu'il montast sur vn arbre, pour éuader la rage de ses ennemis. Mais cela ne l'eust pas garanti, si Dieu par vne speciale grace ne l'eust preserué

Le P. Xavier les effraye & les fait retirer.

Il est persécuté des infidelles & mauuais Chrestiens.

Joan 8.

quasi miraculeusemēt, faisant en sorte que ceux, qui le cherchoiēt, pour le mettre à mort, bien qu'ils passassent auprès de luy, ne le recogneurent point. Si n'en eust-il pas tousiours si bon marché; car on a sceu de bonne part, que voyageant par le país il fut vne fois rencontré de ceux qui luy en vouloiēt, & fort mal traité d'iceux; bien que pour son humilité il n'en a rien dit, ny escrit: estimant que ce fut le plus grand heur & honneur, qui luy peut arriuer en ce monde, non seulement de recevoir des coups & des bastonnades pour l'amour de nostre Seigneur, mais encore plus d'espandre son sang, & d'employer la vie, pour son seruice.

*LES HABITANS DE L'ISLE DE MANAR
s'estans conuertis à la Foy Chrestienne, sont griessuement persé-
tez de leur Roy, & ce que le P. Xavier fit en leur faueur.*

CHAPITRE X.

LA cognoissance de la Loy diuine s'alloit espandant de plus en plus, non seulement en la terre ferme des costes de mer de la Pescherie & de Trauancor, mais encore parmy les Isles prochaines: & pareillement le bruit & la renommée du P. François Xavier, & des choses merueilleuses, que Dieu faisoit par son moyen. Qui fut cause, que les habitans de l'Isle de Manar l'enuoyerent prier, de vouloir aller vers eux, pour leur enseigner la loy du vray Dieu, & le chemin du ciel, comme ils disoient. Ceste Isle de Manar est si-
Isle de Manar.
tuée bien pres de la pointe la plus Septentrionale de l'Isle de Ceilan, du costé du Leuāt. Elle estoit subiette au Roy de Iasanapatan, qui est l'un des Royaumes de ladite Isle de Ceilan. Le P. Xavier ayant receu ces lettres des Manariens, leur enuoya vn des Prestres, qui l'aydoient à la coste de la Pescherie, voulant par apres les aller visiter luy mesme en personne. Car il ne pouuoit pas s'y transporter, à cause que ceux de Trauancor estoient pour lors en la plus grande serueur de leur conuersion. Ce Prestre estant arriué à l'Isle de Manar, fut receu comme si c'eust esté vn Ange du ciel, de sorte
*Les habi-
tans sont
conuertis
à la foy.*
qu'il endoctrina & baptisa vne grande multitude de peuple, faisant vn profit merueilleux, & tel qu'on eust sceu desirer de tout autre. Mais le Roy de Iasanapatā, duquel ils estoient vassaux, sçachant cela, fut grandement indigné contre eux pour ceste cause, car il estoit ouuertemēt ennemy des Chrestiens, bien qu'il fit semblant d'estre amy des Portugais, de façon qu'il assembla vne troupe de soldats,

*Sont per-
secutez
pour icel-
le.*

& les enuoya à l'Isle de Manar, avec commandement de mettre à mort tous ceux, qui se diroient Chrestiens, sans faire aucune difference de qualité de personnes, ny de sexe, ny d'age, si qu'è toute l'Isle, il y eust iusques à six cents, comptant hommes, femmes, & petits enfans, qui furent massacrez pour la Foy de Iesus-Christ. La plus grand part d'iceux furent tuez en vn lieu, qui estoit anciennement nommé Patin : mais depuis on le nomme la ville des Martyrs, à cause du martyre de ses habitans. Le Tyran non content de cela, comme la cruauté est d'ordinaire suyue de crainte & de fiance, il se va doubter que son frere germain, auquel pour estre l'aîné appartenoit le Royaume, de droit, qu'il luy tenoit neantmoins usurpé, ne s'allast joindre avec le reste des habitans de l'Isle de Manar, & qu'à l'ayde d'iceux, & des Portugais il ne vint à recouuer son estat, il le fit chercher par tout, afin de le mettre à mort. Ce pauvre Prince aduertý de cela, tásche d'euader la furie de son frere, & avec quelques vns de sa suite, passe à la terre ferme, qui est joignant le cap de Commorin, d'où il s'alla rendre à Goa, pour se mettre sous la protection & sauuegarde des Portugais, ayant fait plus de deux cens lieus de chemin à pied. En fin s'estant rendu à la ville de Goa, il fut honorablemēt receu, & traité des Portugais, qui luy donnerent bonne esperance de recouuer son Royaume. Et quelque temps apres, il se rendit Chrestien avec quelques autres, qui l'auoiet suiuy. Mais quant au recouurement du Royaume, nous en parlerons plus amplemēt au second liure. Reprenās donc le fil de nostre histoire, le P. Xavier entendant la cruauté, de laquelle auoit vsé le Roy de Iasanapatan, à l'endroit des Chrestiens de Manar, & voyant que cela pouuoit apporter vn grand prejudice à la Foy Chrestienne, si on laissoit impuny vn tel forfait, se delibera d'aller trouuer le Gouverneur Martin Alonse de Sosa, qui estoit lors à Cambaya, pour le supplier de vouloir chastier l'outrécedance & meschanceté de ce Tyran, inique usurpateur du Royaume, & cruel persecuteur des Chrestiens. Car il estimoit cela estre conuenable, pour le seruice de Dieu, afin que les autres vassaux, tant de cestui-cy, que des autres Princes Infidèles, ne fussent pas destournez de receuoir la Foy Chrestienne, de peur d'endurer semblables cruantez; & que les Rois de ces contrées entendissent, qu'il y auoit des gens en l'Inde, pour defendre les Chrestiens, & pour venger les torts & injures, qu'on leur feroit. Or iasoit que ce fut la seule cause, qu'il prenoit pour pretexte de faire ce voyage, toutesfois il en y

*Le P. Xa-
uier s'eva-
trouuer le
Gouuer-
neur.*

auoit d'autres qui l'esinouuoient à cela mesme, de ce qu'il voyoit que les Officiers du Roy de Portugal fouloient beaucoup ces pauvres Parauás, & que les remonstrances qu'il leur en faisoit, ne seruoient pas de beaucoup. D'ailleurs le Roy de Cochin, bien qu'amy & confederé des Portugais, confisquoit tous les biens de ses vassaux qui se rendoient Chrestiens. Dans la ville de Goa, les Brachmanes, qui estoient les plus grands ennemis de la Foy Chrestienne, auoient autant de credit & d'honneur que iamais; & au contraire ceux qui se rendoyent Chrestiens, se trouuoient abandonnez de tout ayde & secours. Or d'autant que ces choses donnoient grand empeschement à la dilatation de la foy Chrestienne, il iugeoit estre necessaire de les représenter au Gouverneur, à fin qu'il y mit ordre. Il s'en alla donc de la coste de Trauancor, iusques à Cochin par terre, là ou il trouua son grand amy Michel Vaz, Vicair General de l'Inde, avec lequel il conféra de toutes ces choses, & fit en sorte, qu'il luy persuada de s'en aller au plustost en Portugal représenter au Roy tous ces griefs & inconueniens, à fin qu'il y mit ordre commandant estroitement à ses Gouverneurs, de pouruoir à bon escient à tous ces desordres. Et luy cependant s'embarqua à Cochin, pour aller trouuer le Gouverneur à Cambaya.

Pendant ce voyage il luy aduint vne chose bien remarquable. *Il conuer-*
 C'est que comme il y auoit dans son nauire vn gentil-homme, *tit d'pen-*
 noble quant au sang, mais roturier pour le regard de ses mœurs, car il *sence un*
 estoit extremement vicieux. Le Pere s'accostoit de luy plus volon- *abuelier*
 tiers, que des autres, car il desiroit l'ayder sur tous: & cōme il estoit *fort des-*
 d'vne conuersation autant agreable que sainte, l'autre se plaisoit *bordé.*
 d'estre en sa compagnie. Mais quand il luy vouloit parler des choses de deuotion, & qui touchoient à l'ame, il ny vouloit prester l'o-
 reille. Quand le Pere le tançoit de quelque chose mal dite ou mal
 faite en presēce des autres (comme il estoit souuent necessaire) il
 ne le pouuoit supporter; luy parlant de se confesser, & faire peni-
 tence de ses pechez, il iuroit obstinée mēt que iamais il ne le feroit.
 Le Pere supportoit tout cela patiemment pour encore, & traictoie
 ce malade frenetique en sage medecin, avec grande douceur & de-
 bonnairté, iusques à ce qu'ils aborderent au port de Cananor. Estās
 descendus en terre, ils allerent tous deux seuls se pourmeier, vers
 vn bois de palmiers, qui estoit là tout pres. Comme ils furent assez
 esloignez des autres, le Pere qui auoit auparauant proiecté tout ce
 qu'il deuoit faire, commence à se despouiller & descourir ses es-

*Il se a-
ne mer-
veilleuse
façon pour
reduire
un pe-
cheur.*

paules, & prenant en main vne discipline de rosettes, se iette aux pieds de l'autre, & se donne de si roides coups, qu'en peu de temps il eut les espaules toutes couuertes de sang; espendant avec ce grâ-
deabondance de larmes, & luy disant ces paroles. C'est pour l'a-
mour de vous que ie fais ce que vous voyez, & ce n'est encore rien
au pris de ce que ie desire faire pour la satisfaction de vos pechez.
Ha! que vous avez bien cousté plus cher au bon I E S U S. Sa mort
& passion ne sera elle pas suffisante pour amolir vostre cœur? Puis
s'adressant à nostre Sauueur. O Seigneur(disoit il)iettez les yeux,
ie vous prie, sur vostre precieux sang, non pas sur le mien, qui est
d'un miserable pecheur; esclairez de vostre lumiere ceste pauvre
ame, à fin qu'elle se recognoisse: donnez luy vostre main à fin
qu'elle ne se perde. L'autre estonné d'un tel spectacle, & confondu
en soy-mesme, considerant que c'estoit pour ses pechez que le Pere
se disciplinoit si rudement & tout esmerueillé de sa charité, & du
desir qu'il auoit de son salut; se iette à ses pieds, le prie de ne passer
pas plus outre, luy promet de se cōfesser sur le chāp, & d'amender sa
vie pour l'aduenir. Et de fait cōme le Pere eut repris ses accoustre-
mens, il se iette à ses pieds, & se confesse à luy avec grande douleur
& repentence de sa vie passée, auant mesme que retourner au
port, & depuis vesquit plus Chrestienement qu'il n'auoit fait.
Voilà comment il tira de la gueule du loup infernal ceste pauvre
brebis, qu'il tenoit desia entre les dents.

*Expedie
heureuse-
ment les
affaires
des Ma-
rariens.*

Arriué qu'il fut à Cambaya, il traicte avec le Gouverneur des
affaires, pour lesquels il estoit venu là. Et bien que la chose fut de
consequence; car il s'agissoit de faire la guerre à un Roy, ce qui de-
pendoit de l'admis des Capitaines, & autres qui estoient du conseil
de guerre, lesquels n'auoient pas encore accoustumé de desgainer
l'espée, pour le fait de la Religion; si est-ce qu'il obtint ce qu'il de-
mandoit. Car le Gouverneur le despescha incontinent, & luy bail-
la des lettres adressées aux Capitaines de Nagapatan, & de la co-
ste de la Pescherie, auxquels il commandoit d'armer & equipper
en bref vne grosse flotte, tant des nauires & soldats, qui estoient là,
que de ceux, qu'ils pourroient ramasser d'ailleurs commodément;
qu'apres auoir assemblé toutes les forces qu'ils pourroient, ils s'al-
lassent ietter à l'impourueu sur le Royaume de Iasanapatan, &
fissent en sorte que ce tyran fut pour le moins fait prisonnier, pour
estre mis entre les mains du P. Xauier: afin qu'il en disposast à sa vo-
lonté. Car le Pere voyant le Gouverneur fort irrité contre luy tafi-
cha

cha d'adoucir sa cholere, & le pria de vouloir tant seulement commander qu'on le print, s'il estoit possible, vif: car il desiroit plus luy donner la vie de l'ame par le moyen de la Foy, que luy faire perdre celle du corps avec vne mort ignominieuse, ainsi qu'il meritoit. Ayant eu si bonne depesche, il s'en retourne à Cochin fort content, d'où il escriuit au Roy de Portugal, par Michel Vaz, qui n'estoit pas encore parti, tout ce qu'il auoit moyenné avec le Gouverneur. Il enuoya pareillement les lettres dudit Gouverneur a ceux à qui elles s'adressoient, pour donner ordre, que la flotte s'equipat au plustost. & s'estant arresté en ce port depuis le 27. Ianuier de l'an 1545. iusques au mois d'Auril de la mesme année, il s'embarqua lors dans vn nauire qui prenoit la route de Ceilan, avec le P. François Mansilla, pour de là passer au port de Nagapatan, situé en la terre ferme; vis à vis de l'isle de Manar, ou le Gouverneur auoit donné le rendez-vous de la flotte.

Arriué qu'il fut à l'isle de Ceilan, il sceut plus assurément la verité d'un cas merueilleux, qu'on luy auoit raconté estant à Cochin; aduenü en vn certain Royaume de ladite isle, tandis qu'il faisoit le voyage de Cambaya. Ce fut que le fils aîné d'un Roy de ceste isle (duquel on ne sçait pas d'assurance le nom) traictant de se rendre Chrestien, à la persuation d'un marchand Portugais, qui trafiquoit là, comme cecy vint aux oreilles du Roy son pere, il le fit aussi tost massacrer. Le marchât qui l'auoit instruié tacha de recouurer son corps, & l'enterra avec grande deuotion, le tenât en son cœur pour vray martyr: car bien qu'il n'eust pas receu le baptisme de l'eau, toutesfois il sçauoit qu'on pouoit estre aussi baptizé en son sang. Il semble que nostre Seigneur voulut resinoigner par vn fait extraordinaire, qu'il ne se trompoit pas, en l'opinion qu'il auoit du martyre de ce Prince. Car il aduint que sur la sepulture d'iceluy, *Apparition miraculeuse de la croix sur terre* parut miraculeusement vne croix de sa mesme longueur, si bien formée, qu'on eut dit, qu'elle auoit esté faite à dessein par la main d'un bon maistre. Quelques Gentils, & Sarrazins qu'il y auoit là, voyans le signal sacré de nostre Redemption, duquel ils sont ennemis iurez, aussi bien que les heretiques de ce temps, s'efforcèrent de l'effacer, de dessus le tombeau comblans de terre ce qui s'estoit enfoncé en forme de croix: Mais c'estoit en vain; car par deux ou trois fois ils y ietterét de la terre dessus, & elle s'enfonçoit tousiours au mesme endroict que deuant, & faisoit paroistre la croix sur la sepulture du martyr, tout ainsi qu'elle auoit esté veüe au com-

Vne autre au Ciel. cement. Outre ce il apparut au mesme temps vne autre croix au ciel rouge comme le feu. Ce qui fit esmerveiller tellement les Payens & Idolatres, que plusieurs d'iceux esmeus par tels prodiges embrasserent la foy Chrestienne, de laquelle ils voyoient le signal & la marque paroistre tant au ciel qu'en la terre. La chose alla bien si auant, que les vns preschoient aux autres la loy, qu'ils n'entendoient pas encore, & se faisoient predicateurs, n'estans pas Catechumenes. Entre autres il y eut le second fils du Roy, auquel apres la mort de son aîné appartenoit la succession du Royaume. Ce genereux Prince faisant plus d'estat du salut de son ame, que des thresors & couronnes Royales, esmeu par ces prodiges se rengea volontairement à la loy de Iesus Christ, & receut secrettement le baptesme. Mais se craignant que le Roy son Pere en fut aduertý, & qu'à ceste occasion il le fit massacrer, comme il n'auoit pas espargné son aîné, pria ce Portuguais, qui auoit instruit & enterré son frere le martyr, de le tirer secrettement de l'isle, & le mener à Goa, ou il eut moyen de viure en bon Chrestien. Ce que l'autre luy promit, & l'executa fort fidelement. Le P. Xavier parla en chemin à ce Prince, comme il escrit en vne lettre dattée de Cochin, de l'an 1545. qu'il enuoya à Rome, où il adiouste qu'il esperoit, que ce Royaume seroit en brief conuertý à nostre Seigneur: parce que le peuple auoit esté fort esmeu par ces prodiges, & que la succession du Royaume venoit à ce Prince, qui auoit esté baptizé vn peu auparauant. Il en y a qui escriuent que ce fut à la suasion de sa tante, la sœur du Roy, qu'il se rendit Chrestien: laquelle gagna aussi son fils à Iesus Christ, & que tous deux se retirerent à Goa. Ce qui peut bien estre, mais ce que j'en ay dit a esté tiré des lettres du P. Xavier, lequel ayant cognéu par le rapport mesme de ce Prince que ce qu'on luy auoit dit à Cochin estoit veritable, hasta son voyage de Nagapatam, à fin que la flotte contre le Roy de Iafaniapatam, fut au plustost preste, estimant que si celuy là estoit vne fois bien chastié, cest autre Roy de Ceilan, qui estoit son voisin, auroit crainte, & n'oseroit persecuter ses vassaux, qui desiroient tant se rendre Chrestiens.

Conuerſion d'un Pilote. Mais auant que traicter du succez de cest affaire, ie raconteray ce qui luy aduint pendant le voyage, qu'il fit de Cochin à l'Isle de Ceylan. Le Pilote du nauire, dans lequel ils embarqua, estoit vn homme fort desbordé en ses mœurs, & là mesmes auoit les principales occasions de son malheur, qui n'estoient pas vne seule, mais plusieurs. Le Pere s'approchant de la vie de cest homme, talchoit de

l'accoster, & s'en alloit souuent au timon du raiure, ou il se tenoit, pour deuiler avec luy des choses de son art, laissant tousiours aller quelque parole, qui luy touchoit au cœur, sans toutesfois en faire semblât, & se gardant bien de venir aux matieres, qui le pouuoient ennuyer; le Pilote voyant la grande douceur, & de bonnairté du Pere, cōmence à se descourir à luy, & luy dit qu'il estoit vn grand pecheur, & voudroit bien se reconcilier avec Dieu par le moyen d'vne bonne confession, s'il luy plaisoit l'entendre si tost qu'ils seroient arriuez au port. Le Pere luy respōd, qu'il en estoit bien content; cependāt l'entretient avec de bons & saincts propos. Or cōme ils eurent abordé, le Pilote sembloit ne se souuenir plus de ce, qu'il auoit promis, remettant sa confession de iour à autre, & fuyant tant qu'il pouuoit la presence du Pere. Mais vn iour comme il se pour-
Le pe-
cheur qui
sust la pe-
nitence
sust son
bœu.
menoit le long du bord de la mer, tenant les yeux fichez au ciel, selon sa coustume, ils se vont rencontrer tous deux par cas fortuit, ou plustost par prouidēce diuine; le Pilote voyant qu'il ne se pou-
uoit plus cacher, ny fuyr le Pere, qui desia l'auoit apperceu, luy dit comme par ieu; Et bien, mon Pere, quand me voulez-vous ouir de confession? le Pere avec vne face riante luy respond en ces termes, I E S V S, dit-il, mon bon amy, quand ie vous veux ouir? tout maintenant, si vous voulez, & icy mesme, s'il vous semble nous promener tous deux sur ceste riue; & soudain qu'il eust dit cela, se met à faire le signe de la Croix, pour commencer la confession; Le Pilote faisant de necessité vertu poursuit, disant le *Confiteor*, bien qu'au commencement il se trouua tout troublé, & comme vn homme prins au pied leué, qui ne sçait bonnement ce qu'il fait; toutesfois ayant aduancé quelque pas, il reuint à soy, & tout changé en son ame print courage; de façon que ce qu'il auoit commencé quasi par contrainte, ou par honte, il le continuē avec bonne volonté & deuotion. Le Pere cognoissant cela, le mene en vn petite chappelle, qui estoit là bien pres du riuage, (car les Portugais, qui trafiquoient d'ordinaire en ce port, y auoient basti vn hermitage pour prier Dieu) estans là tous deux seuls, le Pere qui d'autrefois l'auoit ouy plaindre que les genoux luy faisoient mal, luy agence vne natte, qu'il trouue là, & le fait asseoir dessus, ne pretendant pour lors autre chose, sinon qu'il eust douleur & contrition de ses pechez; laquelle de là à peu il conçust si grande, qu'il ne pouuoit poursuivre sa confession, pour l'abondance des larmes & sanglots, qu'il tiroit du plus profond du cœur. S'estant donc ietté des deux genoux

en terre, il battoit rudement sa poitrine, & demandoit pardon à Dieu de tant de pechez, qu'il auoit commis. Mais desirant faire vne confession generale de toute sa vie, il pria le Pere de luy donner quelques iours de terme, pour s'y preparer, durant lesquels il fit plusieurs actes de penitence & satisfactiō, & entre autres osta d'au- pres de soy les occasions, qui le faisoient tresbucher, & de là en- uant s'adonna de telle sorte à la vertu, & nommément à la fre- quentation des Sacremēs de la Confession & Communion, qu'ar- riuant à la fin de ses iours, bien muni d'iceux, & du diuin secours, il partit de ce monde fort consolé, pour auoir mené vne vie exem- plaire apres ce changement : lequel il attribuoit apres Dieu à la douceur, de laquelle le P. Xavier auoit vſé en son endroit, s'accom- modant à son infirmité. Mais reuenons à l'apprest de la flotte.

*La flotte
equipée
contre le
Roy de
Jasana-
patan ne
sert de
rien.*

Pendant que le Pere s'arresta en Ceilan, l'armée nauale fut de tout poinct equipée, pour aller attaquer le Roy de Iasnapatan. Mais sur le poinct, qu'elle deuoit partir, voilà qu'un nauire du Roy de Portugal, venant du Pegu, chargé de grandes richesses, fut ietté par la tempeste sur la coste de Iasnapatan. Et parce que le Roy s'en estoit saisi, & de tout ce qu'il y auoit dedans, à fin de le pou- uoir recouurer, on iugea qu'il n'estoit pas tēps de luy faire la guer- re. A ceste cause tout l'appareil d'icelle fut reduit à neant. Le Pere voyant cela, bien qu'il fut marry de ce que ce meschant tyran n'a- uoit pas esté puny selon ses demerites : toutesfois se conformant à là volonté & prouidence de Dieu, il print en gré tout ce qu'il en dispoſoit. Mais quelque temps apres, Dieu chastia ce Roy, & les suc- cesseurs, imitans ses cruautéz, ainsi que nous verrons au deuxies- me liure.

LE P. XAVIER AYANT SCEV LES NOU-
uelles de la conuerſion des Macazariens desirer les aller ayder, mais
deuant s'en va viſiter le ſépulchre de l'Apoſtre S. Thomas
en la ville de Meliapour, & ce qu'il fit eſtant là.

CHAPITRE XI.

*Iſle de
Macazar
eſſes qua-
ntes.*

TAndis que le P. Xavier estoit occupé és affaires de l'Isle de Ceilan, vindrent de tres-bonnes nouuelles d'une isle fort grā- de & bien peuplée, qu'on appelle Macazar, qui est enuiron quaran- te lieues plus auant que les isles Moluques vers l'Orient. Elle est tres-fertile, & abonde non seulement en tout ce qui est necessaire pour la vie humaine, mais encore en beaucoup d'autres choses ra-

res, & nommément en bois de Sandal. Elle à de circuit trois cens lieues, ou enuiron, estât diuisée en plusieurs Royaumes de l'un desquels estoient venuz quelques années auparauant deux gentils-hommes, de bonne maison tous deux freres, à l'isle de Ternate, qui est l'une des Moluques, pour se rendre Chrestiens. C'estoit du tēps que Antoine Galuan commandoit dans la forteresse de Ternate, ou il les receut & traicta fort humainement: & comme ils estoient venus là tout exprez pour estre premierement instruits en la foy, & puis enroollez au nombre des Chrestiens, apres qu'on leur eut déclaré les poincts de nostre croyance, ils receurent le S. Sacrement de baptême au grand contentement de leur ame. Or estans de retour à l'isle de Macazar, ils dirent à ceux de leur pais tant de loüange de nostre foy, qu'ils leur firent venir enuie de la receuoir; si que d'un commun accord ils manderent des Ambassadeurs avec force ^{Les babil-} presens au Capitaine de Ternate, le priant de leur vouloir enuoyer ^{tans desir-} quelque Prestre pour les instruire en la foy de Iesus Christ, & les ^{rent ser-} baptizer. Les Ambassadeurs estans arriuez à Ternate, furent accueillis avec beaucoup de courtoisie, & s'en retournerent avec promesse, & esperance d'auoir vn Prestre. Et de fait peu de temps apres on leur en enuoya vn, qui estoit hōme de grand entendement, & de vie fort exemplaire, nommé François de Castre, lequel estant allé en chemin mouiller l'ancre à quelques isles prochaines, gaigna cinq Roys à la foy de Iesus Christ, comme nous dirons au 2. liure; mais voulant apres ce, prendre port à l'isle de Macazar il n'y peut iamais aller surgir. Car il auoit les vents si contraires, toutesfois, & quantes qu'il s'efforçoit d'y aborder, qu'il fut contrainct se retirer à Ternate, & laisser ceste entreprise à vne autre saison. De maniere que les Macazariens furent frustez de ce que tant ils desiroient iusques au temps de Martin Alphonse de Sosa, lequel estant Gouverneur des Indes pour le Roy de Portugal, il y eut vn bon marchand Portuguais nommé Antoine Payua, qui fut enuoyé là par Ruy Vaz Pereira Capitaine de Malaca, pour charger vn nauire de bois de Sandal. Or estant arriué au Royaume de Supa, qui est l'un de ceux ^{Supa Roy-} de ladite isle de Macazar, le Roy sçachant son arriüée, vint luy mesme le voir & luy fit beaucoup de caresses, car il l'auoit cogneu au- ^{aume en} parauant, estant ledit Payua allé là autresfois pour mesme affaire. ^{l'isle de} Apres donc qu'ils se furent entre-saluez, & accueillis fort humainement les vns les autres, le Roy deuissant vn iour familièrement avec Payua, luy demande plusieurs choses concernant nostre sainte

*Sic Roy-
aume de
Piste de
Macasar*

cte foy. Ce bon marchand, bien qu'il fut plus accoustumé à traiter ses affaires, ou à manier les armes, qu'à fueilleter les liures, luy fit neantmoins si bien entendre la sainteté de la Religion Chrestienne, que le Roy demeura fort espris de sa beauté sans routesois passer plus outre. Payua ayant fait sa charge en ce lieu, s'en va à vn autre port de la mesme ille, nommée Sion, cinquante lieues loing du premier, ou il estoit aussi allé trafiquer autresfois, & auoit meisme tenu quelques propos au Roy, de la foy de nostre Seigneur. Le Roy sçachant qu'il estoit arriué, en fut fort aise, comme deuinant qu'il luy deuoit apporter quelque bon heur. Les visites & salutations faites de part & d'autre, le Roy luy dit vn iour en preséce de ses courtisans, qu'il ne s'estoit pas oublié de ce qu'il luy auoit dit autresfois de la loy diuine, ains que depuis luy estoit resté vn desir de se rendre Chrestien, lequel il n'auoit pas mis a effect, craignant que ses vassaux ne se reuoltassent a ceste occasion contre luy, ou que les autres Roys ses voisins ne se formalisassent de ce qu'un Roy chargé d'ans comme luy (car il estoit desia sur le declin de son aage) changeoit ainsi de religion. Mais, ie vous prie, dit il, faictes nous sages, & apprenez nous quelles sont les principales obligations d'un Chrestien. Lors Payua, apres s'estre excusé de son insuffisance à discourir de choses si hautes, veu mesme que ce n'estoit pas sa profession, comméce neantmoins à luy declarer le mieux qu'il luy estoit possible, les commandemens de Dieu, puis les œuvres de misericorde, tant spirituelles que corporelles, & ce en preséce de beaucoup de noblesse, & autres gens du peuple: lesquels restoient fort esmerueillez d'ouyr telles choses. Finalement il leur môstra l'auueuglement auquel ils vinoyét, & la vanité & fausseté de leurs idoles. Côme il discourroit la dessus avec vne grande ferueur, voylà que le ciel se couure de nuës, l'on entend des tonnerres, l'on voit des éclairs, & tout aussi tost suruint vne grosse pluye, qui baigna toute la cāpagne, & leur fut tres-agreable, car ils auoient grāde disette d'eau depuis quelque temps, & craignoient pour ceste cause vne sterilité generale. Le peuple & toute l'assistāce estima cecy cōme vn miracle venu du ciel, en cōfirmation des choses, que disoit Payua, lequel se seruant de ceste occasion, tascha d'en faire son profit, pour persuader au Roy de se faire Chrestien. Mais de l'autre costé les Mahometains & les Prestres des Idoles s'y opposoient de toutes leurs forces. Pour conclusion le Roy demande neuf iours de terme, pour se resoudre, durant lesquels, lors qu'il sentoit plus de contrariété, en

*Fant si-
ve son pro-
fir de l'oc-
casion.*

soy-mesme, voycy arriuer le Roy de Supa, auquel Antoine Payua
 auoit parlé vn peu auparauant. Il menoit quant & soy vne bonne
 troupe de gens d'armes. Car bien qu'il vint en paix, & comme amy,
 toutesfois comme il est vn des plus puissans Rois de ceste Isle, il a à
 sa suite beaucoup de noblesse, & force soldats, pour la garde de son
 corps. Si tost qu'il fut abordé, il demande aux Portugais, qu'il ren-
 contra au port, si le Roy de Sion estoit encore baptizé; lesquels luy
 respondirent qu'il auoit demandé neuf iours de terme pour se re-
 scoudre. Comment, dit-il pour lors, à vn ceuure si saint faut-il tant
 de temps pour deliberer? Quant à moy ie ne suis marry, si non de ce
 que i'ay tant tardé. Mais encore si fais-je maintenant grand estat d'es-
 tre le premier; partant ie vous prie me baptiser au plustost. Lors ils
 dresserent vn autel, & l'ornerent le mieux qu'il leur fut possible, ^{Les Roys de Supa & de Sion} *font baptis*
 pour conferer deuant iceluy le baptisme au Roy, avec plus de ce-
 lebrité. Mais comme ils n'auoient aucun Prestre, pour le donner, ils
 choisirēt le plus vieux d'entre eux, & qui eust plus lionorable pre-
 sence pour faire ce, qui est de l'essence du baptisme; de ceste façon
 fut baptisé premieremēt le Roy de Supa, auquel fut imposé le nom
 de Loys; puis la Roynes, & apres vn grand nombre de ceux, qui les
 accompagnoient. Ce Roy estant baptisé, poursuit son chemin, &
 s'en va trouuer celuy de Sion, lequel esmeu & encouragé par cest
 exemple, acheua de se rescoudre, & voulut aussi receuoir le baptes-
 me, mais de la main de Payua: lequel en le baptisant luy donna le
 nom de Iean, & puis tout le reste de sa famille suyuit son exemple.
 Cependant le temps escheut, auquel il falloit que Payua s'en re-
 tournast. Les Rois nouuellement baptisez, bien qu'ils fussent fort
 marries de son depart: toutesfois ne pouuans le retenir dauantage
 auant de le congédier luy firent force presens, & le prierent de vou-
 loir en leur nom contracter alliance avec les Portugais, & faire en
 sorte qu'o leur enuoyast quelques Prestres, pour les instruire mieux
 en la foy qu'ils auoient receüe, & baptiser le reste de leurs subjects.
 Voilà les nouuelles qui vindrent aux oreilles du P. Xavier, lors
 qu'il estoit au port de Nagapatan. Voyāt donc qu'il n'y auoit point
 d'esperance, à tout le moins pour lors, de faire aucun profit en l'Isle
 de Ceylan, & que sa presence n'estoit pas fort necessaire à la Coste
 de la Pescherie, ny à celle de Trauancor, y ayant laissé son compa-
 gnon le P. Mansilla, & les autres Prestres, qu'il auoit mené de Goa, il
 se delibera d'aller à l'Isle de Macazar, si telle estoit la volonté de
 Dieu. Mais auant qu'entreprendre ce voyage, il voulut s'acheminer

*Le P. Xa-
vier s'en
voul aller
à la ville
de S. Tho-
mas iadis
Melapor*

à la ville de S. Thomas, jadis appelée Meliapor, qui n'est qu'à cin-
quante lieues de Nagapatan, & ce pour visiter le sepulchre & sain-
tes reliques de l'Apostre S. Thomas, qu'on y auoit descouuertes
quelques vingt ou vingt & cinq années auparavant. Car il portoit
vne singuliere deuotio à ce saint Apostre, pour auoir mesmement
annoncé le premier en ce pais là l'Euangile de Nostre Seigneur: le-
quel il estoit aussi venu prescher és mesmes contrées, de façon qu'il
esperoit par l'intercession d'iceluy enuers Dieu obtenir de gran-
des graces, & particulièrement ceste-cy, de cognoistre sa diuine vo-
lonté touchant le voyage de Macazar. Ayant donc trouué fort à
propos vn nauire, qui partoit de Nagapatan, & faisoit voile à Me-
liapor, il s'y embarque au mois d'Auril de l'an 1545. mais à peine
eurent-ils fait 12. lieues, que voicy venir vne grosse tempeste qui
les contraignit de s'arrester aux ancrs l'espace de sept iours, durant
lesquels le P. Xavier s'employa plus que de l'ordinaire à l'oraison &
priere, joignant avec ce le ieusne: car il sçauoit bien que par tels
moyens les saints personages auoient accoustumé de se disposer
à recevoir de grandes graces de Nostre Seigneur; si que pendante
tout ce temps là, il ne mangea rien du tout, comme a protesté & iu-
ré celuy, qui auoit charge de luy. Ce qui ne semblera pas incroya-
ble à ceux, qui sçauent que l'homme ne vit pas seulement du pain
materiel, mais aussi de toute parole, qui procede de la bouche de

*Il demeu-
re 7. iours
sans man-
ger.*

Matth. 4.

Dieu; comme dit la verité mesme. Au bout de ces 7. iours le mau-
uais temps estant passé, le Pilote voulut remettre les voiles au vent,
mais le Pere luy demanda si son nauire estoit assez fort pour resister
à la tempeste, Non pas (dit le Pilote) ains il est fort foible, & a de-
my pourry. Il faut donc (repart le Pere) nous en retourner au port
de Nagapatan: car vne grosse tourmente nous attend: Le Pilote
voyant le beau temps qu'il faisoit, ne tint pas compte de ses paroles,
ains donne les voiles au vent: mais il ne fut pas long temps à s'en
repentir, car la tempeste suruint bien tost apres, & fut si violente,
qu'ils se tenoient desia tous quasi pour perdus: & ne trouuans aucun
remede humain, ils s'adressoient à Dieu, prians instamment le Pere
de vouloir aussi employer ses oraisons enuers sa diuine Majesté:
afin qu'il luy pleust les garantir de ce danger. Ce qu'il fit aussi vo-
lontiers; tellement que bien tost apres la tempeste cessa, & ils fu-
rent deliurez du danger, & de peur, par les prieres (comme ils
croyoient) de celuy qui auoit predit l'accident auant qu'il arri-
uast. Mais en fin de compte ils se trouuerēt au port de Nagapatan

*Il predit
une tem-
peste con-
tre l'adua-
u du Pilote
laquelle
aduient.*

d'où

d'où ils estoient premierement partis. Le Pere estant de retour à ce lieu changea d'aduis, & resolut de prendre son chemin par terre marchant à pied à guise de pelerin iusques à la ville de S. Thomas, bien qu'il y ait cinquante lieuës depuis Nagapatân, & qu'il faille passer par vn pais habité seulement de Gentils & Barbares, esquels on ne trouue ny charité, ny aumosnes, dont le Pere viuoit ordinairement; mais ce qu'il souhaitoit le plus, estoit d'endurer ces disettes & autres incommoditez, pour l'amour de celuy qui se rendit pelerin en ce monde, pour nous amener à la patrie celeste. Arriué qu'il fut à la ville de S. Thomas, jadis appelée Meliapor (où il trouua quelques cent familles de Portugais, qui s'y estoient desia habitez, & quelques autres Gentils) la premiere chose qu'il fit, fut d'aller tout droit à l'Eglise de S. Thomas visiter son sepulchre. Apres ce il s'enquit s'il y auoit point quelque hospital pour se loger à son accoustumé, où bien quelque monastere de Religieux. Car en defaut d'hospital c'estoit son logis ordinaire, quand il en trouuoit, mais manquant l'un & l'autre, il accepta l'offre que luy fit le Vicaire, de son logis. Car il luy en fit si grande instance, qu'il ne l'en peut honnestement esconduire, & ce qui l'induisit dauantage à l'accepter fut, que la maison dudit Vicaire estoit si proche de l'Eglise, qu'il n'y auoit entre-deux qu'un cemetiere, de sorte qu'on y pouuoit aisement aller de nuict & de iour, quand on vouloit. Le Pere s'arresta quatre mois en ceste ville là, durant lesquels il s'occupoit en ceste sorte. Le matin il preschoit aux Portugais, & le soir aux Gentils, le demeurant du iour, & encore la plus grand part de la nuict il l'employoit en prieres & saintes meditations, qu'il faisoit d'ordinaire dans ladite Eglise de S. Thomas. Or comme le Vicaire & luy couchoient en vne mesme chambre, le Pere, afin de n'estre apperceu lors qu'il s'en alloit de nuit à l'Eglise, espioit quād son compagnon de chambre reposoit, & lors il se leuoit tout bellement, & entroit par vne fausse porte dans l'Eglise pour prier Dieu. Le Vicaire vint à entendre cecy, & l'aduisa de n'aller pas là de nuit parce que l'on rencontroit souuentefois en chemin des Lutins, lesquels menioient vn grand bruit & tintamarre dans le cemetiere. Le Pere fit semblant de le croire, mais pėsant qu'il luy disoit cela pour luy faire peur, il ne desista pas pourtant de son exercice accoustumé; toutesfois il esprouua bien tost estre veritable l'aduertissement que son hôte luy auoit donné. Car vne nuict comme il estoit en oraison, ces diabolins s'en vindrent, & se ruerent sur luy avec vne

Arriué à la ville de Saint Thomas.

Occupations du P. Xavier estant là.

*Il est bas-
tu des dia-
bles lors
qu'il prie
Dieu.* telle rage & furie, qu'ils le cuiderent assommer de coups, & le lais-
serent à demy-mort. Le Pere tandis qu'il estoit ainsi battu & tour-
menté, inuquoit l'ayde de la Vierge Marie (car il estoit lors à ge-
noux deuant son autel) & reïteroit plusieurs fois ces paroles ;
Saincte Vierge aydez moy. Saincte Dame ne m'ayderez vous pas ?

⁂ Cependant vn garçon Malabarois, qui seruoit le Vicaire, entendit
le bruit des coups qui se ruoiēt dās l'Eglise, avec ces paroles que le
Pere disoit ; & le lendemain ne faillit pas de le rapporter à son mai-
stre. Le P. Xavier ayant esté si mal mené, se retire tout doucement
en sa couche, ny plus ny moins que si rien ne fut arriué : mais le
lendemain matin, comme il fut question de se leuer, il ne peut au-
cunemēt bouger du liēt. Car il estoit si rompu & froissé des coups
receus la nuit precedente, qu'il ne pouuoit se soustenir en pied.
Lors le Vicaire luy demande ce qu'il auoit, & quelle maladie c'e-
stoit ; le Pere luy respond ambiguēment, taschant de couurir ce
qui en estoit. Mais l'autre sçachant la chose, commence à se gossier
de luy, rapportant en riant ces paroles, Saincte Vierge aydez moy ;
Saincte Dame ne m'ayderez vous pas ? d'où le Pere cogneut incon-
tinent qu'il sçauoit le faict, & tout honteux se print à soubfrire,
supportant avec pareille patience ces moqueries d'amitié, qu'il
auoit fait les coups des malins esprits. Si est-ce que ny l'un ny l'autre
ne l'empescha pas de continuer son oraison au mesme temps, &
au mesme lieu que deuant, sans faire aucun compte de ces vaines
terreurs de l'enneimy, qui ne peut nuire sinō autant que Dieu le luy
permet. Car il sçauoit bien qu'il est semblable à vn chien timide &
paoureux, lequel poursuit ceux qui le craignent, & s'enfuit loing
de ceux qui le poursuuent. Or comme ces Lutins apperceurent,
qu'il ne faisoit point de cas d'eux, ny de tout leur pouuoir, chan-
geans de note ils s'efforcent de l'auoir par ruse & finesse : & puis
qu'ils ne pouuoient empescher du tout son oraison, ils taschent au
moins de luy faire perdre l'attention en icelle. Car tandis qu'il fai-
soit son oraison enuiron la minuit, ils s'en vont au chœur de l'E-
glise, & commencent à chanter tout de mesme, que si c'estoiēt des
Prestres, qui chantaissent Matines. Mais le Pere estoit si attentif à sa
priere, qu'il ne se mit pas à considerer ny quels chantres c'estoient,
ny qu'estoit ce qu'ils chantoient. Ains s'estant persuadé que quel-
ques Prestres estoient venus là d'ailleurs, pour quelque mortuaire
ou chose semblable, il poursuit son oraison sans se troubler, comme
s'il n'eüst rien entendu, sans se destourner pour cela. Mais le lende-

*Des Dia-
bles tas-
chent de
luy empes-
cher l'at-
tentiō en
sa priere.*

main ayant demandé au Vicaire d'où estoient venus ces Prestres, qui chantoient la nuit passée au chœur, le Vicaire l'assura, que personne n'y estoit entré; car il auoit eu toute la nuit les clefs de l'Eglise en son pouuoir; & n'auoit ouuert à personne; & de là il cogneust que ce n'estoit point des Prestres, ains plustost des diabolins, qui à la mode des singes contrefaisoient les Prestres, tâchant par ce moyen d'empescher sa priere. Pour toutes ces choses, & plusieurs autres marques de saincteté, que le Vicaire descouuroit tous les iours au P. Xavier, il conçeut vne si grande opinion d'iceluy, qu'apres sa mort ce fut l'un de ceux, qui en donnerent de plus beaux & authentiques témoignages, que nous ayons; & entre autres il deposa que durant le temps que le Pere sejourna en sa maison, il auoit remarqué en luy de tres-grandes vertus, nommément vne pureté & chasteté du tout virginal, protestant avec serment, qu'il auoit cogneu tant de ses propos familiers, que de ses confessions, qu'il auoit conserué son corps & son ame pure & nette de toute souilleure charnelle, & qu'il estoit aussi entier en sa virginité, que le iour qu'il nasquit. Ce qu'il signa de sa main propre. Quant aux visions & consolations qu'il receut de Nostre Seigneur pendant ce temps là, personne ne les peut sçauoir. Car il ne les communiqua à homme viuant, que l'on sçache: seulement pouuons nous dire, qu'il cogneust clairement la volonté de Dieu estre telle, qu'il entreprint le voyage de Malaca. Car il escriuit au P. Paul Camers, & à M. Iaques de Borba, qu'il estoit si bien resolu à ce voyage (Dieu luy donnant à cognoistre ce qui estoit de sa volonté) que s'il aduenoit qu'il n'y eust aucun nauire Portugais, qui print la route de Malaca ceste année là, il estoit deliberé de s'embarquer dans le premier qu'il trouuerroit, fut-il de Mahometains ou de Gentils, & que ceux-cy venans à manquer, s'il y auoit vne seule barque, qui partit de là vers Malaca, il ne craindroit point de trauerser tout ce grand golfe de Bengala dans icelle, s'assurant que Dieu le conduiroit à bon port. La raison qu'il adjouste est, que Dieu luy auoit fait entendre sa volonté, de sorte qu'il tenoit pour tout certain qu'il luy desobeïroit, s'il ne faisoit ce voyage, & pour ce meriteroit de ne recevoir aucune grace de luy, ny en ce monde ny en l'autre; ainsi qu'il escrit en la lettre susdite.

Témoignage de sa pureté virginal

Resolutiō grande à suuyre la volonté de Dieu.

*Liu. 1.
ep. 12.*

Mais auât que traicter de ces voyages, il faut voir ce qu'il fit pour le salut des ames à la ville de S. Thomas. Car il ne s'adonna pas tellement à son profit & aduancement spirituel, qu'il laissât à part ce-

Le profit qu'il fit dās Me-liapor.

*pour le
salut du
prochain.*

luy de son prochain; & bien qu'il n'y arresta pas plus haut de quatre mois, le fruiet neantmoins fut aussi grand, qu'on eut sceu desirer. Il apert par le tesmoignage de gēs dignes de foy, que lors qu'il partit de la ville, il ne laissa aucun Portugais, lequel on peut presumer estre en mauuais estat, y en ayant trouué beaucoup, qui menoient vne vie plustost d'Epicuriens que de Chrestiens. Car les delices & voluptez, les rancunes & inimitiez, les vsures & contractz iniques estoient autant en vogue en ceste ville, que es autres lieux de l'Inde : mais il y eut vn notable changement de mœurs auant que le Pere en partit. D'autant que de ceux qui viuoient comme mariez ne l'estant pas, aucuns se marierent legitiment avec celles desquelles ils abusoient; quelques autres donnerent liberté & maris à leurs esclaués; & ceux qui ne leur pouuoient trouuer party, les laissoient aller en lieu ou elles pouuoient viure sans preiudice de leur honneur & chasteté. Les vsures manifestes furent abolies; & bon nombre de contractz iniques & illicites furent rescindez. L'on fit restitution du bien mal acquis. Les sacremens de la Confession & Communion es iours de festes estoient si frequentez, qu'on eut dit que c'estoit vn temps de Pasques, ou d'un Jubilé. Il y eut entre autres vn gentil-homme de bonne part & de grands moyens, lequel ne s'estoit confessé & communiqué il y auoit vingt

*Conuersiō
d'un qui
ne s'estoit
confessé
de vingt
ans.*

ans; mais par les remonstrances du Pere, il fit vne confession generale de toute sa vie passée, en laquelle il employa plusieurs iours, faisant ce pendant beaucoup de bonnes œuvres, pour satisfaction de ses pechez, & apres icelle communia, avec vne singuliere consolation de son ame, & tres-grande edification de toute la ville. A cecy ayda beaucoup, non seulement le bon exemple que leur donnoit le Pere, & les remonstrances tant communes que particulieres qu'il leur faisoit; mais aussi vne opinion qui couroit par la ville: de laquelle on ne sçait l'auteur; car ils tenoient pour tout assuré, que ceux qui ne se soucioient des conseils qu'il leur donnoit, & ne vouloient se corriger des pechez desquels il les aduisoit, faisoient vne fin desastreuse, & mouroient miserablement; voire il y en eut tel, qui iura auoir veu cela estre arriué à plusieurs. De ceste bonne creance venoit, qu'un chascun luy portoit vne reuerence tres-grande, & que celuy qu'il auoit aduisé n'estoit en repos de conscience, iusqu'à ce qu'il eut fait ce que le Pere luy conseilloit. Il y auoit entre autres vn homme de marque, qui menoit vne vie fort desbordée & scaudaleuse. Il ne tenoit autres personnes en sa maison, que celles

*Autre cō-
uersion
remarqua-
ble d'un*

dont il abusoit. Le Pere alla vn iour le trouuer à l'heure du repas, le ^{l'homme} priant de luy vouloir donner à disner pour l'amour de Dieu. Ce- ^{desuordé.} stuy-là bien estonné, considerant d'un costé, que si le Pere entroït en la maison, il verroit vn beau mesnage, & d'ailleurs pour le respect qu'il luy portoit, ne l'osant esconduire, l'accepta pour son conuié. Comme ils estoient à table, le Pere voyoit bien les personnes qui le seruoient; toutesfois il ne luy tint aucun propos de ceste matiere, ny d'autre qui luy peut donner fascherie; ains à son acoustumé l'entretint avec deuis spirituels & ioyeux tout ensemble. Apres qu'il eut dîné, il prend congé de luy, le remerciant de l'aumosne qu'il luy auoit faicte. L'autre considerant à part soy ce que le Pere vouloit dire par cecy, bien assuré que ce n'estoit par necessité qu'il s'estoit inuité, & d'ailleurs s'esmerueillant de ce qu'il ne luy auoit tenu aucun propos de ses saletez & ordures, encore qu'il eut veu & cogneu la vie desbordée qu'il menoit, touché interieurement & esmeu à repentance, s'en alla le trouuer, & luy tint ces propos: Mon Pere (dit il) vostre silence à crié tellemēt aux oreilles de mon cœur, qu'il ne m'a esté possible d'estre en repos, depuis que vous auez esté chez moy. Me voicy donc à vostre discretion, faictes de moy ce que vous iugerez estre expediēt pour le salut de mon ame, car j'ay delibéré de vous croire, & obeyr en tout ce que vous me commanderez. Le Pere voyant ce personnage si changé, remercie Dieu de la grace qu'il luy auoit faict, & apres l'auoir ouy en confession, fit en sorte qu'il laissat les occasions de peché, & de là en auant menat vne vie plus honneste & Chrestienne qu'il n'auoit faict iusqu'à lors.

Icy encore le vint trouuer vn ieune homme, nommé Iean d'Eyro, où (comme quelques vns le nomment) Iean Duro, lequel s'ac- ^{Jéa d'Eyro, où Iéa Duro mar chād Poru tugaia.} costant du Pere, luy dit qu'il y auoit long temps qu'il desiroit quitter le monde, & seruir Dieu le plus parfaictement qu'il luy seroit possible. Mais que pour deux respects, il s'estoit arresté iusqu'à lors. Le premier estoit pour ne trouuer là personne, qui luy enseignat le chemin de la perfection; l'autre pource qu'il estimoit la pauvreté estre vn grand empeschement, pour faire ce, à quoy vn homme est tenu & obligé. Mais que desia il estoit hors de peine touchant ces deux poincts. Car quant au premier, il esperoit que par son moyen il seroit suffisamment instruit de ce qu'il falloit faire pour marcher par les sentiers de la perfection Euangetique. Touchant le second, qu'il auoit amassé honnestement de-

*Desire
suyvre le
chevin de
la perfec-
tion, rete-
nant ses
biens.*

Math. 19

*Le P. Xa-
vier luy
ayāt mō-
stré que
cela ne se
peut fai-
re, resolut
de les
quitter.
Change
d'aduis &
retire ses
pieces.*

quoy, pour se pouvoir nourrir luy & son maistre spirituel encore; & partant qu'il le prioit de le vouloir mener avec luy comme son disciple par tout ou il iroit: qu'il luy offroit son nauire, & promet-
toit de l'entretenir de ses moyens, sans qu'il eut besoing d'autrui. Le Pere ayant entendu son discours, luy monstra, qu'il estoit bien loing de son cōpte. Car pour seruir Dieu par faictelement il faut, di-
soit il, faire ce que nostre Seigneur conseilla à ce ieune adolescent, qui le desiroit suiure; *N'a t'en, & vends tout ce que tu as, & donne le aux pauvres, & puis viens & me suis.* Le ieune homme desabusé qu'il fut, dit au Pere, qu'il luy pleut donc prendre tous ses moyens, & les distribuer luy mesme aux pauvres. Mais le Pere ne le voulut point faire, ny permettre qu'il disposat de ses biēs, auant qu'il se fut confessé, se doutant bien qu'il seroit obligé a faire restitution d'une partie d'iceux. Ils employerent trois iours en la confession, durant lesquels (comme dit le mesme Iean d'Eyro en sa deposition) beaucoup de choses se passerent entre eux deux; mais en fin, adjousté-il, la grace de Nostre Seigneur, qui parloit par la bouche du Pere, eult le dessus; de façon que ce ieune homme resolut d'obeir en tout & par tout à ses commandemens, & commença deslors à contenter ceux à qui il estoit redevable. Il vendit son nauire, & quelques autres pieces de prix & de valeur qu'il auoit, pretendant employer le reste de l'argent en aumosnes. Mais comme il estoit aux premières démarches de la perfection Euāgelique, il fut assailly si furieusement de l'ennemy, qu'il le fit reculer, pour vn peu, & retourner en arriere, tellement qu'ayant changé d'aduis, il resolut de reprendre sa premiere façon de viure; toutesfois il desiroit faire cela sans en rien descourir au Pere. Et pource ayāt trouué moyen de retirer dessoubz-main quelques pieces, qui n'auoient pas encor esté vendues; il les recouura, & de l'argent qu'il en fit, achepta secrettement vn nauire; de sorte qu'il estoit tout à poinct pour faire voile. Là dessus le Pere enuoye vistemment vn garçon audit Iean d'Eyro luy dire, que le Pere François le demandoit, car ainsi appelloit-on communément le P. Xavier en l'Inde. D'Eyro bien estonné de ce message, dit au garçon qu'il se trompoit, que ce n'estoit pas luy que le P. François demandoit. Comment repliqua le garçon, ne vous appelez vous pas Iean d'Eyro? si fais, dit l'autre; C'est dōc vous, dit-il, que le Pere m'a commandé d'appeler. Lors ce ieune homme ne sçachant ce que le Pere luy vouloit, se delibere de l'aller trouuer, & tenir cependant bonne mine, car il pensoit que le

Pere ne sceust rien de ses menées. Mais si tost qu'il fut entré à la chambre, le Pere luy dit d'une voix lamentable; Vous avez peché, Jean d'Eyro, vous avez peché; avec une telle energie & efficace, qu'elles luy penetrerent si viuement dedans l'ame, que le pauvre ieune homme se iettant à ses pieds, tout confus en soy-mesme, aduoua sa faute disant, Il est vray mon pere, j'ay peché. Confession donc, mon enfant, (adjouste le Pere) confession; luy voulant dire, qu'il cherchast le remede de son peché, par le moyen de la Confession. Laquelle il fit tout aussitost, & l'ayât acheuée il se trouua si chagré, que soudain il s'en alla vendre le nauire, qu'il auoit achepté, & le mesme iour il despartit aux pauvres tout l'argent qu'il en auoit eu, avec le reste de ses moyens qu'il auoit recouuré, sans retenir une seule petite maille; & lors il fut receu du Pere, comme son disciple; sans toutesfois l'admettre en nostre Compagnie. Il le mena quelque temps avec soy, mais par apres il le cogedia, comme nous dirons en son lieu.

Quelques vns pensent que ce fut icy aussi qu'il aduint au P. Xavier, une autre chose bien remarquable; C'est que luy estant venu demander l'aumosne un pauvre marchand, qui auoit perdu son nauire, & ses moyens en la mer, comme il eust mis la main à la poche & n'y eust rien trouué, il eleua les yeux au ciel, & dit à ce pauvre homme, qu'il ne perdît pas esperance, que Dieu estoit misericordieux; & aussi tost remit la main à la pochette, & en tira une poignée de fanons, qui sont pieces d'or, qu'il donna audit marchand & le remedia par ce moyen à sa necessité. Au reste le P. Xavier demoura si content & satisfait du fruit qu'il auoit fait és habitans de ceste ville, qu'il asseura n'auoir trouué meilleures gens en toute l'Inde, ny qui fussent plus liberaux, és choses qui concernent le diuin seruice, que ceux-cy. Aussi leur predict-il, que ceste ville iroit croissant en biens & prosperité temporelle, comme de fait nous voyons estre aduenü, car elle est maintenant l'une des plus riches & opulentes de toute l'Inde. Or apres qu'il eust mis ordre aux affaires qui touchoient son office, & pourueu aux costes de la Pescherie & de Trauancor, il s'embarqua le mois de Septembre, l'an mil cinq cens quarante cinq, & print la route de Malaca, pensant de la passer à l'Isle de Macazar.

COMME LE P. XAVIER ESTANT ARRIVE À Malaca, traueille beaucoup pour la reformation des mœurs des habitans, & y fait des choses merueilleuses.

Nous pourrions icy parler de la situatiō & qualitez du Royaume & ville de Malaca; mais partie pour n'interrompre la narration des gestes du B. Pere François Xavier, partie aussi pour ne faire ce liure trop long, nous remettrons aux liures suiuians la description particuliere, tant de celieu que des autres, esquels le Pere François voyagea, puis qu'il nous en faut traicter derechef. Seulement ie diray icy, que la ville de Malaca, estoit l'une des plus riches, delicieuses & marchandes, qui fut en toute l'Inde, & tant pour ceste cause, que pour le defaut de Predicateurs, & de gens qui remonstraissent aux Portuguais ce qui estoit de leur deuoir, ils estoient icy fort corrompus & gastez en leurs mœurs. Car se voyās si esloignez de Goa, ou le Gouuernement des Indes, & leur Prelat, qui estoit l'Euesque de Goa, se tenoient, ils viuoyent avec plus de licence; laquelle aussi leur apportoit l'vsage continuel des armes, à quoy ils estoient contraincts, pour auoir des ennemis fort puissans en teste, qui leur donnoient souuēt beaucoup d'affaires. Pour toutes ces raisons, les Portugais qui estoient là, s'oublioient plus facilement de leur conscience, qu'en tous les autres endroits de cest estat. Le P. Xavier y estant arriué, cogneut bien tost leur maladie: laquelle estoit d'autant plus dangereuse, qu'elle estoit des patiens moins cogneuë; d'où venoit que s'estimans estre sains ils ne vouloient point de remede, & ne pouuoient endurer qu'on leur mit deuant les yeux la griefueté de leurs playes. Mais ce sage medecin les pensa avec vne douceur & dexterité admirable: car auant toute autre chose, il tascha de s'insinuer en la bonne grace d'un chacun, & premierement du Capitaine de Malaca, lequel il alla trouuer tout aussi tost qu'il fut arriué, pour luy faire sçauoir la resolution qu'il auoit prinse, d'aller prescher la foy Chrestienne aux Macazariens. Le Capitaine apres luy auoir fait vn fort honnestes & honorable accueil, luy fit entendre comme il auoit enuoyé vn Prestre avec quelques soldats à l'isle de Macazar, qui luy deuoient faire rapport de la disposition, qu'il y auoit es habitans, pour recevoir nostre sainte foy: partant qu'il estoit d'aduis qu'il attendit leur retour, auant que de s'y en aller. Et puis que le temps n'estoit pas lors propre, pour faire ce voyage, iusques au mois de Ianuier, il pourroit s'entretenir cependant en la ville de Malaca, & leur donner quelques predications. Le P. trouua bon ce conseil, tellement qu'il

*Les Portugais
fort des-
bordéz à
Malaca.*

*Le P. Xavier y ar-
riue.*

qu'il resolut de s'arrester cependant à Malaca, pour deux causes; l'une pour apprendre la lague Malayoise, qui est entēdue par toutes ces Isles & côtrées là. Car elle y est fort prisee comme la plus cour-
La lague Malayoise, fort commune en l'Inde
 tise de toutes, de mesme que la langue Françoisē es pais Septentrionaux de deçà. Pource faire il eust des gens bien versez, tant en ladite langue, qu'en la Portugaise, ausquels il fit traduire en Malayois ce petit Catechisme, qu'il auoit composé à la coste de la Petcherie, avec le sermon, qui traitoit des obligatiōs principales d'un Chrestien; & puis il apprint cela par cœur, taschant de garder estroitement la prononce & les accents propres à ceste langue. La
Comment se dispo- soit le P. Xavier,
 seconde cause qui l'esmeust à faire là quelque peu de sejour fut pour ayder les habitans de ladite ville, & nommément les Portugais en ce qui estoit de leur salut. Mais auant toutes choses, il s'adonna à ses exercices accoustumez de la mortification & de l'oraison; & pource ne voulut-il prendre autre logis que l'hospital, pour
à auant que se mettre à corriger les vices.
 exercer les œuures de charité tant spirituelles que corporelles, à l'edroit desdits pauvres, & par cest acte d'humilité se disposer pour receuoir beaucoup de graces de Nostre Seigneur: afin de luy pou-
à Ses tra- uaux, pen- nitences, & austeritez.
 uoir gagner force ames. Sa chambre n'estoit separée du reste de l'habitation des pauvres, qu'avec des nattes tissues de fueilles de palme; ce qui donna occasion à quelques personnages de qualité, qui desiroient sçauoir ce qu'il faisoit estant seul, & s'il estoit si saint qu'on l'estimoit, de l'aller espier par les trous desdites nattes. Or y ayans esté plusieurs fois, ils attesterent & iurerent, qu'ils l'auoient trouué le plus souuent à genoux, & les mains jointes deuant un Crucifix, tenant les yeux eleuez au ciel, & deux ou trois fois tant seulement, l'auoient veu tenant la teste appuyée sur vne pierre, qui luy seruoit de cuissin, quand la necessité le contraignoit de prendre vn peu de repos. Le matin apres auoir dit la Messe, il s'occupoit à seruir les malades de l'hospital, & bien que ce traual fut grand & continu, il ne se contentoit pas encor de cela; ains avec ce il faisoit beaucoup d'austeritez & penitēces, pour macerer sa chair. Et quel-
à
 quesfois on a remarqué, qu'il ne mangeoit rien l'espace de trois iours, desirāt satisfaire par ce moyen aux grands excez, qui se commettoient en ceste ville là, nommément par les pechez de glouttonnie, & autres, qui s'ensuyuent de là, lesquels regnoient sur tous en ce lieu, à cause de tant de delices, qui y abordent de toutes ces Isles d'alentour.

Il enseignoit la doctrine Chrestienne tous les Dimanches, & *La do-*
ctrine

*Chrestien-
ne, a grã-
de vogue
dans Ma-
laca.*

Festes aux esclaves des Portugais, & autres gens rudes & ignorans; & tous les iours aux petits enfans. Cest exercice de pieté fut si bien receu dans Malaca, & eust par apres tant de vogue, qu'un chascun prenoit plaisir à chanter, où bien ouyr chanter les oraisons du Catechisme, selon que le Pere les leur auoit apprins; de façon qu'on n'entendoit quasi plus autres chansons par la ville que celles-cy. Les enfans de chascque rue dressioient tous les soirs des petits autels chascun en la sienne, & là s'assembloient tous pour chäter les oraisons de la doctrine Chrestienne. Sur le tard, le P. Xavier s'en alloit luy mesme par les rues portant vne petite clochette en main, laquelle il sonnoit à certaines traictes, puis recommandoit à haute voix qu'on priast Dieu pour les ames de Purgatoire, & pour ceux qui estoient en estat de peché mortel, s'arrestant vn peu aux autels des petits enfans, ou il disoit avec eux vne fois le *Pater noster*, & l'*Aue Maria*, à ceste intention. De ceste sorte il faisoit, comme on dit, d'une pierre plusieurs coups. Car d'un costé il s'exerçoit en l'humilité & mespris de soy-mesme; de l'autre il aydoit & les ames des Trespassez detenues en Purgatoire, & celles des viuans, qui estoient en mauuais estat, plusieurs desquels rentroient bien souuent par ce moyen en eux-mesmes, & se reconcilioient avec Dieu, faisans penitence de leurs pechez. D'où lon peut voir cōme Dieu se sert fort ordinairement des choses les plus humbles & basses aux yeux du monde, pour faire de grandes merueilles; & ce qui est estimé vil & abject deuant les hommes est de grand prix & efficace deuant Dieu; comme il est aduenu en cest exercice, que nous venons de dire: lequel a esté trouué si vtile, & profitable pour le salut des ames, que depuis ce temps là on le pratique en toutes les villes presque de l'Orient, où sont les Portugais, voire qui plus est, on a gagé des gens expres pour faire cest office tous les soirs.

*Exercice
de pieté
fort pro-
fitable
tant aux
viuans que
à trespassez.*

Au reste ce qui gaigna plus le cœur aux Portugais de Malaca, fut la douceur & debonnaireté, de laquelle le Pere se seruoit, pour les gaigner à Nostre Seigneur. Et bien que par tout il fut fort benin, & amiable, portant tousiours vne face ioyeuse & allegre, & monstrent en sa conuersation autant de sainteté, que de gracieuseté, jointe tousiours avec grande prudence; si est-ce qu'à Malaca il le fut d'autantage: car il cognoissoit bien, qu'il y falloit proceder premierement avec des medicamens lenitifs, pour guarir vne maladie si griesue & si enuieillie telle que la leur. Et pource taschoit-il de gaigner auant toutes choses, l'amitié & bien-veillance de ceux,

qu'il vouloit retirer du peché, dissimulant pour quelque temps de s'appercevoir de leurs vices, pour ne monstrier pas si tost qu'il auoit enuie de les corriger. Nous pourrions apporter de cecy beaucoup d'exemples; mais nous nous contenterons de deux ou trois pour n'estre trop longs. Il aduenoit quelquesfois que trouuât les soldats qui joüoient, il s'arrestoit avec eux, & s'il y en auoit quelqu'un qui de honte voulut quitter le jeu, où qu'on taschast de cacher les cartes, afin qu'il ne les vid pas, il monstroient n'en estre pas fort content; ains il leur disoit amiablement, qu'ils se pouuoient honnestement recréer, allegant ce qu'ils ont accoustumé de dire, que les soldats ne sont pas Moynes, ny Religieux; qu'il vaut mieux qu'ils iouent que non pas qu'ils mesdisent & detractent des autres; qu'il n'y a vice au monde qui nuise plus à vn soldat, que l'oyssiueté, & choses semblables qu'ils sçauent bien apporter en ieu. Cependant il leur enseignoit de quelle façon se deuoient prendre tels esbats & passetemps; & à quelle fin il les falloit rapporter, pour n'estre pas mauuais, ains bons & honnestes. Là dessus il leur faisoit continuer le ieu en sa presence mesme, & les regardoit iouër. Par ce moyen il empeschoit que Dieu ne fut pas offensé: car deuant luy ils n'osoient ny jurer, ny se cholerer, ny outre-passer en autres choses les bornes de la raison, tant grand estoit le respect qu'un chacun luy portoit. Il aduint à vn ce que ie vay raconter, bien qu'on ne sçache pas s'il arriva icy, ou ailleurs. Vne fois le P. Xavier estant present au jeu de quelques soldats, il en y auoit vn entre autres, à qui les cartes disoient fort mal; de façon qu'il auoit desia perdu six cens escus, n'osant monstrier aucun signe d'impatience en la presence du Pere, encore qu'il ne luy restat guiere plus d'argent pour joüier. Le Pere s'en estant aperceu, luy demande les cartes, & les ayant meslées luy mesme de ses propres mains, les rendit à ce pauvre soldat, luy disant qu'il joüast hardiment. Ce qu'il fit, & le jeu luy dit si bien, qu'il ne perdit pas vne seule main; ains recouura dans peu de coups tout ce qu'il auoit perdu. Mais comme non content de cela, il voulust passer outre, pour gagner l'argent de ses compagnons, le pere luy cedit; C'est assez joüé, suffit que vous ayez recouuré vostre argent, ie ne veux pas que vous emportiez celui d'autrui. Adonc le soldat fut tellement obeissant, qu'il quitta le jeu, non seulement pour lors, mais aussi tout le reste de sa vie. Car il promit au Pere de ne joüier iamais plus; & de fait, on ne le vit iamais plus joüier.

Quand à ceux qu'il trouuoit enlancez és sales & impudiques

*Industrie
meruei-*

*tenue pour
corriger
les con-
cubinai-
res.*

amours de leurs esclaves, desquelles il y auoit vn grand nōbre dans Malaca, il vsoit non seulement des artifices que nous auons dit cy deuant, mais encore d'autres qu'il inuenoit, selon la necessité d'un chacun. Si quelqu'un de ceux qui viuoient trop licentieusement, avec vn scandale public, l'inuitoit à prendre le repas chez soy, il l'acceptoit volontiers, & mesme quelquesfois s'inuitoit soy mesme pour entrer en leur amitié. Estât à table, il n'estoit en rien fascheux à son hôte, ains luy loüoit tantost l'appareil des viandes, maintenant l'honnesteté avec laquelle on seruoit à table, & ainsi des autres choses qu'il y trouuoit bien ageancées; si que non seulement celuy qui l'auoit inuité, mais aussi tous ceux de la maison estoient bien aises, qu'il y retournât vne autre fois, voire mesme les personnes qu'il pretendoit en faire chasser. Car il les loüoit deuant leur maître des bonnes qualitez qu'il y remarquoit, & les exhortoit à estre vertueuses, comme s'il n'eut rien sceu de leur estat, & beau mesnage. Ayant de ceste maniere gagné le cœur de celuy qu'il desiroit retirer de ces ordures, s'il voyoit qu'il n'y eust pas moyen de luy ôster ses concubines toutes à la fois, il taschoit tout bellement de luy en faire quitter vne à tout le moins, luy remontrant comme amy, qu'il estoit marry de ce qu'il ruinoit ainsi sa santé avec tant de femmes, & que s'il ne les pouuoit abandonner toutes, qu'à tout le moins il en congédiasse vne, pour l'amour de soy. Que s'il s'estoit aperceu de celle qu'il affectionnoit le moins, il la luy marquoit, faisant en sorte qu'il luy promit de la renvoyer au plustost. Cela fait & executé, le Pere l'alloit visiter quelque temps apres, le loüoit & remercioit de ce qu'il auoit accompli ce qu'il luy auoit promis. Puis quand il tournoit dîner ou souper chez luy, il le prioit d'en renvoyer vne autre, car, disoit il avec vne bonne grace, vous n'en auez pas besoin de tant, potir vous mener en enfer. Vne autre fois il luy faisoit entendre, comme le peché de malice fermoit la porte à la misericorde diuine, & que d'entretenir tant d'occasions de mal faire aupres de soy, sembloit prouenir plustost de malice que de fragilité, laquelle se contente de moins. De ceste façon il les luy ostoit l'une apres l'autre, iusques à la dernière, laquelle ou il luy faisoit prendre à femme, ou si cela ne luy estoit pas conuenable, il la faisoit congédier encore, & luy cherchoit luy mesme quelque bon & honneste party. Voylà comment il retira plusieurs du goufre infernal de luxure, & nommément à Malaca: ou entre autres il osta à vn certain personnage sept esclaves, lesquelles il entretenoit avec

vn grand scandale de toute la ville. Mais il emanda si bien sa vie, qu'il donna par apres aussi bon exemple, q u'il l'auoit auparauant donné mauuais. Quelquesfois il y procedoit d'autre façon : car s'il voyoit que l'affection de quelques vns, fut par trop attachée à vne certaine, & qu'il n'y eut pas moyen de l'en diuertir; il luy leuoit la beauté, la grace, l'honnesteté, & autres belles qualitez qui estoient en icelle, concludant de la, qu'elle ne meritoit pas d'estre employée au seruice du Diable, ny tenuë en tel lieu qu'il la tenoit, ains qu'il la deuoit prèdre pour vraye & legitime espouse, & que par ce inoyen il montreroit si vrayement il l'aymoit : autrement s'il ne l'espousoit, il donroit à entendre que plustost il l'a haïssoit, puis que pouuant iouir de sa compagnie selon Dieu, il le vouloit faire avec la perte & de l'ame & de l'honneur de tous deux; ce qui n'estoit autre que vouloir mal & à elle & à soy. Au cōtraire quand il en trouuoit aucuns affectionnez à quelque laide creature, il leur exaggeroit la deformité d'icelle, disant qu'elle ressembloit à vn Diable, non seulement en l'office, mais encore en la figure; qu'on ne parloit d'autre chose que de cela par toute la ville, és banquets, és assemblées, & en toute bonne compagnie; que les autres soldats prenoient à deshonneur, qu'il y eut vn de leur qualité si auégle que cela. De ceste sorte leur faisoit il quitter les occasions de peché, & par fois luy mesme leur cherchoit quelque femme honneste & vertueuse, avec laquelle ils vesquissent contens & selon Dieu. Ainsi retira il de l'estat de damnation plusieurs, qui auoient vescu beaucoup d'années, avec vn scādale public. Mais outre le fruiet qui s'enfuiuoit de ceste familiere conuersation du Pere avec telles personnes, plusieurs remarquerent en luy encore deux choses fort signalées : l'vne que pour cela il ne perdoit aucunement son interieure recollection, ayant tousiours son esprit esleué en Dieu, pour l'amour & à l'exemple duquel il se rendoit si familier aux pecheurs. L'autre est que pour cela ceux qui conuersoient & traictoient plus particulièrement avec luy, ne perdoient point le respect & la reuerence qu'ils luy deuoient; ains en conceuoient plus grande opinion contre la coustume & le dire commun, que la familiarité engendre mespris. Car ils ne remarquoient en luy que toute vertu & sainteté; d'où venoit vn tel respect que certaines personnes luy portoient, qu'il estoit impossible de leur faire couurir la teste quād ils parloient à luy, comme Iaqués Pereyra (duquel nous parlerons cy apres plus amplement) à tesmoigné de soy-mesme; & vn autre

*Autre
maniere
de proce-
der pour
le mesme.*

*Grand
respect
qu'ils por-
toient au P.
Xavier,
jaçoit
qu'il se
rendit tād
familier.*

qui auoit esté retiré par son moyen d'un tres-mauuais estat, lequel toutes & quantesfois que le Pere venoit à son logis, sortoit avec toute sa famille à la basse-cour, pour l'accueillir les genoux en terre, sans que le Pere l'en peut aucunement empeschier. Ainsi luy aduint-il à Malaca, se familiarisant de la façon, que nous auons dit: car pour cela on ne perdit point l'opinion qu'on auoit de sa sainteté: ains elle accreust dauantage, mesme lors qu'on luy vid faire des choses si merueilleuses en la guerison de plusieurs malades du tout desesperer, comme nous allons maintenât narrer. Le premier donc que nous raconterons sera d'un fils de certain gentilhomme Portugais, nommé Iean Fernandez, lequel estant marié avec vne fille de Iaua, auoit eu un enfant d'elle, nommé Antoine Fernandez. Cestuy-cy en l'age de 15. ans, où un peu dauantage, tomba griefuement malade, & ne sçauoit-on quelle maladie c'estoit: les Medecins l'auoient du tout abandonné, & outre ce la mere y auoit employé tous les enchanteurs, forciers, & forcieres, qu'elle auoit peu trouuer dans Malaca. Mais ils n'y aduancerent non plus, le mal plustost se rengregeoit dauantage; & mesme apres qu'ils eurent fait sur luy le dernier enchantement, il demeura trois iours, ayant perdu la parole & le sentiment, si qu'il ne restoit autre signe de vie en luy que la respiration. Estant donc en tel estat, hors de toute esperance de vie, ils enuoyent querir le P. Xauier, lequel ayant entendu combien de temps il y auoit que le patient se trouuoit mal, s'esmeruilla de ce qu'ils l'auoyent appelé si tard. Soudain qu'il entra par la porte de la chambre où gisoit le malade, voilà qu'il se leua & se met en furie, iettant des cris & horribles & espouuentables, tordant le visage, les yeux, & la bouche d'une façon fort estrange. Le Pere cogneut tout aussi tost que c'estoit le malin esprit, qui tourmentoit ce ieune homme, & dit aux assistans que cela n'estoit rien: se promettant desia avec l'ayde de Dieu la victoire sur Sathan; & de fait il semble que par les gestes qu'il fit faire au malade à l'arriué du Pere, il môstroît assez auoir crainte d'estre chassé de ce corps voyât venir un plus puyssant que soy pour le combattre. Le Pere donc cognoissant que ceste sorte de Diables se chassoit par le moyen de l'oraison se mit à genoux pres du liét du patient, & demeura en prieres l'espace de deux heures, ou enuiron. Apres cela il commence à l'exorcizer, & conjurer par la toute-puyssance de Dieu, & par les merites de Nostre Sauueur Iesus-Christ de sortir de ce corps: mais le malin esprit se monstroît tousiours reuesche, & insolent.

*Miracles
faits par
le P. Xa-
uier à
Malaca
en la gu-
rison des
malades.*

Toutesfois incontinent que le Pere eust acheué de lire la passion de Nostre Seigneur, le malade demeura tout coy & paisible. Lors il dir au pere & à la mere du demoniacle, qu'ils le laissassent reposer, & fissent vœu de l'amener neuf iours durât, à l'Eglise de Nostre Dame du Mont, qui est en ladite ville, là où il diroit la Messe le lendemain pour la santé de leur fils, esperant qu'il recouvreroit santé. Il aduint ainsi qu'il auoit predit. Car au mesme instant qu'il recitoit l'Euangile de la Messe, ce ieune homme commença de parler, & la Messe estant finie, il se trouua du tout guarý; si bien que depuis il a vescu long temps, sans estre iamais plus tourmenté de l'ennemy. Mais en voicy vn autre; Iaques Percira (duquel nous auons fait mention cy deuant) auoit vn petit enfant aagé seulement de trois ans, lequel iettoit de si grands cris & si horribles, qu'il estoit impossible naturellement parlant, qu'une si petite creature les peut fournir de soy; ce qui faisoit presumer à d'aucuns, qu'il estoit possédé du malin esprit: bien qu'il en y auoit d'autres, qui estimoyent que c'estoit le mal caduque. Quoy, qu'il en fut; vn jour que l'enfant estoit au plus fort de son accidēt, le P. Xavier prié de le venir voir, y alla, & luy mit son reliquaie au col: prist enāt la main sur la teste de l'enfant recita quelques periodes de l'Euangile, comme il auoit accoustumé de faire. Tout à l'instant le petit se trouua guarý; & lors que l'on faisoit information de ce faict, estoit encore en vie, n'estant iamais plus depuis recheu en semblable accident.

Vn autre Portuguais nommé Ruy Diaz Pereyra auoit vn frere, lequel estoit abandonné des medecins. Le P. Xavier estant venu pour le confesser & ayder à bien mourir (car de sa vie il n'y auoit plus d'esperance) apres auoir entendu sa confession, il dit à sa mere que son fils guariroit, comme de faict il aduint. Car à peine fut le Pere forti de la maison, que le malade demanda à manger, y ayant trois iours qu'il n'auoit rien prins, & à la mesme heure il se leua sain & gaillard, & vesquit assez long temps apres. Celuy qui s'enfuit ne doit pas estre mis en oubly. Vn gentil-homme Portuguais nommé François Lopes d'Almeyda, estoit tombé griefuement malade à Malaca, & auoit desia quasi perdu toute cognoissance. Le Pere Xavier le vint veoir en cest estat, & comme il luy eust mis les mains sur la teste, il sentit soudain (selon qu'il à dit luy mesme en sa deposition) les esprits luy reuenir, & se trouua incontinent guarý. Il adiouste encore en son tesmoignage, qu'il ne fut pas seul qui receut semblable benefice de Dieu, par le moyen du P. Xavier: ains qu'il y

Vn demoniacle
malade,
deliuré &
guarý.

Vn enfāt
deliuré
aussy du
diable, &
du mal
caduc.

Vn autre
malade
abandonné des
medecins,
remis en
santé.

Vn gentilhomme
Portugais
malade,
guarý miraculeusement.

*conuersio
admirable d'un
Rabbin.*

en eut plusieurs autres, lesquels eſtant venu veoir, & diſant ſur eux les ſaincts Euangiles, ſe trouuoient incontinent ſains & gaillards. Mais la conuerſion d'un Rabbin, fort verſé en l'Eſcriture ſaincte & au Talmud, n'eſt pas moins merueilleuſe, que ces guerifons corporelles. Ceſtuy-cy auoit grand credit enuers les autres luiſs, qui eſtoient à Malaca, & comme il entendoit quelquesfois les ſermons du Pere, il ne ſ'en faiſoit que rire & moquer, diſant que c'eſtoit un ignorant, & un grand hypocrite; de maniere que par telles moqueries & meſpris, il empeſchoit que pluſieurs de ſa nation, qui ſ'inclinoient à receuoir le bapteſme, ne vinſſent à ſe reſoudre tout à fait. Le Pere faiſant ſemblant qu'il ne ſçauoit riē ny de ſon obſtination, ny des paroles qu'il diſoit contre luy, taſcha de l'accoster comme amy vne & pluſieurs fois; voire encore ſ'inuita un iour pour diſner chez luy. Au commencement le Rabbin eſtonné d'une telle familiarité, ſouſponnoit qu'il luy vouloit iouer quelque mauuais tour. Mais ayant conuerſé quelque temps avec luy, il y trouua & recogneut ce qu'il y auoit, c'eſt à ſçauoir vne grande vertu, ſaincteté, candeur, & doctrine; de ſorte qu'à la parfin il ſe rendit à la verité, & fut baptiſé avec un grand eſtonnement de ceux de ſa nation, & brief de toute la ville, qui eſtimoit ceſte conuerſion un des plus

*Une fille
reſuſcitée
à Malaca
ſelon le
dire d'au-
cuns.*

grands miracles qu'il eut fait. Il laiſſe à part ce que Antoine Deſa à depoſe, & iuré auoir ouy dire à M. Iaques de Borba. C'eſt à ſçauoir qu'il auoit receu des papiers authentiques de Malaca, par lesquels il contoit que le P. François Xauier auoit reſuſcité la fille d'une femme, laquelle il auoit conuertie à la foy Chreſtienne un peu auparauant. Car bien que M. Iaques de Borba enuoya ces papiers, comme pour choſe aſſeurée, à la Royne de Portugal: toutesfois d'autant que cela n'a pas eſté tāt cogneu & veriſié que le reſte, ie ne m'arreſteray point en ce miracle, puis qu'il y en a tant d'autres plus auerez & aſſurez.

*Le peu
d'amen-
dement
qu'il y
euſt en la
pluspart
des habi-
tans de
Malaca.*

Or jajoit que l'on eut treſgrande opinion de la ſaincteté, & vertu du P. Xauier en ceſte ville de Malaca, ſi eſt-ce qu'ils ne faiſoient pas tel profit qu'ils deuoient des bons conſeils & ſainctes remonſtrances, qu'il leur faiſoit. Car ſi nous mettons à part le fruit qu'il fit par ſa familiere conuerſation, à l'endroit de quelques vns, qu'il retira d'une vie deſbordée, ſelon qu'à eſté dit, il n'y a lieu peut eſtre auquel le Pere ait plus trauaillé, & moins aduancé, qu'à Malaca. Il preſchoit bien en l'Egliſe principale tous les Dimanches & Feſtes, avec un grand concours de toute ſorte & qualité de perſonnes, qui l'eſcouteient

l'escoutoient volontiers, y procedoit d'un zele tres-ardent & enflammé de leur salut, voire souuentefois les larmes aux yeux leur denonçoit ou predisoit les grandes calamitez & afflictions, qui les accueillirent depuis comme nous dirons en son lieu: mais tout cela ne fut pas bastant pour amollir les cœurs endurcis, & causer l'amédement des pechez qui regnoient en ceste ville là. Plusieurs de ceux, qui assisterent à ses predications, ont asseuré luy auoir ouy dire, non vne, mais plusieurs fois, que Dieu auoit desia bandé son arc, pour descocher les fleches de son ire, contre ceste ville, & que les ministres de sa diuine Iustice seroient les Barbares, si les Chrestiens ne venoyent à repentance, & amendement de leurs vies; priant Dieu neantmoins qu'il luy pleust reuoker sa sentence, & auoir pitié de son peuple. Ce qu'il disoit avec vne telle emphase & energie, qu'il sembloit vser de ces termes, plustost par un esprit prophetique, que par menaces accoustumées aux Predicateurs. Aussi quelque temps apres, arriua-il tout ce qu'il auoit predit. Car les habitans de l'Isle de Iaua, la vindrent assieger, & ruinerent tout le plat païs; la ville mesme ayant esté pillée & saccagée, la forteresse fut en grand danger d'estre prinse. Apres ceste guerre, suruint la peste, qui fit un grand degast des citoyens, Dieu voulût par ce moyen, renoueller les habitans d'icelle. Au reste pendant que le Pere estoit à Malaca, il receut lettres de Goa, par lesquelles on l'aduisoit, que trois Peres de la Compagnie estoient venus, avec le nouveau Gouverneur des Indes Iean de Castre, lequel deuoit succeder à Martin Alfonse de Sosa. C'estoient les Peres Antoine Criminal natif de Parme, Nicolas Lancelot natif d'Vrbain, tous deux Italiens, & le Pere Iean de Beyra de Ponteuedra en Galice. Ceux-cy furent les premiers de la Compagnie, qui aborderent es Indes apres le P. Xavier, & les deux qu'il auoit amené quant & soy. Or ceste nouuelle luy apporta vne tres-grande consolation voyant que par le moyen d'iceux, il pourroit pouruoir aux plus vrgentes necessitez, & luy donna encore courage, de chercher nouueaux païs, pour les conquerir à I E S V S- C H R I S T. Cependant il enuoya le P. Antoine Criminal à la coste de la Pescherie (où il finit heureusement sa vie par la couronne du martyre, comme nous dirons au liure suyuant) & avec luy fut mandé au mesme lieu le P. Iean de Beyra, qui vint par apres aux Moluques. Le P. Nicolas Lancelot fut arresté au College de S. Paul à Goa, pour l'instruction des ieunes hommes, qu'on y esleue à la vertu, & aux bonnes lettres. Et voylà

*Le P. Xavier leur
predit les
calamitez
qui depuis
leur ad-
uindrent.*

comment il despartit ses nouveaux ouuriers.

Or si tost que la Monçam(côme parlent les Portugais)c'est à dire la faiso propre pour faire voile de Malaca aux Moluques fut venuë, le Pere Xauier voyant qu'il n'arriuoit point de nouuelles de l'Isle Macazar, bien que le temps pour en retourner fut passé, se resoult de prendre la route des Moluques; faisant estat, que si on receuoit quelques bonnes nouuelles de Macazar, & qu'il y eust esperance d'y aduancer quelque chose, il en seroit plus proche estant aux Moluques, car d'icelles iusques a Macazar, il n'y a que quarante lieues de chemin: sinon, il esperoit qu'il ne perdrait pas là son tēps. Il part donc de Malaca le premier iour de Ianuier, de l'an 1546. apres y auoir sejourné enuiron quatre mois. Il s'embarqua dans vn nauire, qui faisoit voile droit aux Isles de Banda, & denoit passer tout contre l'Isle d'Amboino, à laquelle les Portugais, qui font le voyage de Malaca, aux Moluques, & au contraire, ont accoustumé d'aller mouïller l'ancre.

*DES ISLES MOLVQVES ET COMME LE P.
Xauier aborda premierement à l'Isle d'Amboino, puis à celle de
Ternate: & ce qui luy arrina tant en l'une qu'en l'autre.*

CHAPITRE XIII.

*Isles
Molu-
ques, &
leur si-
tuation.*

LE Moluque est vne certaine contrée en l'Ocean Oriental, que les Portugais appellent de S. Lazare, diuisée en plusieurs illes fort petites, lesquelles on appelle Moluques, si renommées à cause du trafic, & des clous de girofle, qui se cueillent là en grande abondance, & non guere ailleurs, qu'on sçache. Elles sont esloignées de Malaca trois cens lieues vers l'Orient, & sont en partie situées sous l'Equateur. On en compte principalement cinq, à sçauoir Ternate, Tidore, Moutel, Maquien, & Bachan. La première est à demy degré de la ligne Equinoctiale du costé du Nort; les autres viennent apres de rang, suyuant le rhomb du Nort au Sud, selon que nous les auons nommées, & toutes cinq sont à la veüe les vnes des autres, n'y ayant pas entre deux plus haut de 25. lieues. Elles sont si petites que la plus grande de toutes, qui est Ternate, n'a pas plus de six lieues de circuit. Les Portugais auoient là vne forteresse en la ville principale, qui est aussi nommée Ternate. Mais de cecy & de tout plein d'autres raretez, qui sont en ces Isles, il nous faut traicter plus amplement au deuxiesme liure. Seulement nous dirons icy, que non seulement à cest heure, mais encore jadis,

ces Isles ont esté fort estimées, comme l'on peut cognoistre par le nom mesme, qu'on leur a donné. Car Moloeh en la langue du pais signifie quelque chose de grand, où chef d'une grande chose. Peut estre aussi, que c'est à cause que le Royaume du Moliue à esté iadis quelque chose de grand. Et de faict il en y a, qui disent que les Isles de Banda, qui sont autres cinq petites isles, lesquelles seules portent la noix muscate, & le macis, qui est la fleur d'icelle, ont esté du domaine des Moliues, comme aussi l'isle d'Amboino; là ou le P. Xavier partant de Malaca dressoit sa route. Mais avant qu'y arriuer, luy & ceux du mesme nauire encoururent de grands dangers, tant à cause des tempestes qu'ils eurent, que des pirates qu'ils rencontrèrent. Le plus grand de tous, comme il dit en vne lettre, fut que leur nauire qui estoit fort grand, ayant esté ietté en des escueils par la tourmente fit enuiron vne lieue, le bout du gou- uernail touchant continuellement à terre. Or comme ils eurent nauigé vn mois & demy, depuis estre sortis du port de Malaca, le patron du nauire se tourmentoit fort, craignant d'auoir passé l'isle d'Amboino, car en tel cas ayant les vents contraires, il n'eut peu rebrousser chemin pour y mettre à terre le P. Xavier avec son compagnon Iean d'Eyro, & quelques autres Portugais, qui estoient dans le mesme nauire, & vouloient aussi aborder là. Mais le Pere sçachant comme le Pilote s'affligeoit pour cela, luy dit, qu'il ne s'en donnât point de peine, & qu'ils ne l'auoient encoire passée, ains le lendemain matin la verroient. Ce qui aduint aussi, & fit estonner tous ceux qui l'auoient ouy parler si asseurément: car il n'auoit iamais plus faict ce chemin, & les Nantonniers les plus experts à grãd peine sçauent ils prendre les distances de la route de l'Est à l'Ouest, où au contraire, laquelle neantmoins ils tenoient pour lors. Mais comme ils auoient le vent en poupe fort impetueux & violent, ils cuydoient ne pouuoir pas prendre port à l'isle. Neantmoins si tost qu'ils furent vis à vis d'icelle, le vent s'accoissa tellement, qu'il y eut moyen d'y entrer: & pource que le nauire n'y deuoit pas aborder, ils mirent dans vn esquif ceux qui vouloient y aller, & le nauire continuë son voyage. Comme ils s'approchoient du port, voicy sortir d'une embuscade deux vaisseaux de corsaires, bien equippez & armez. Ceux de l'esquif se voyans despourueus d'armes pour se defendre, & qu'il n'y auoit esperance aucune de pouuoir estre secourus du nauire, qui estoit ja bien loing, se mettent en suite avec tel- le vitesse, que les escumeurs de mer les perdirent de uenë. Apres

Petrus
Massæus
lib. 5. hist
Ind.

Liu. 2. ep.

Predictio
du P. Xa-
uier veri-
table.

Danger
des Cor-
saires
qu'il eud-

auoir eschappé ce danger, ils estoient en doute s'ils deuoient de rechef retourner au port, craignans de rencontrer vne autre fois les Pyrates. Mais le P. Xavier les assëura qu'il n'y auoit que craindre, & qu'ils pouuoient hardiment tirer droit au port, car ils y arriueroient sans encourir autre danger, comme aussi ils firent. Car ils y aborderent sains & sauues le 16. Feurier de l'an. 1546.

*Il arriue
à l'Isle
d'Amboi-
no.*

Or l'Isle d'Amboino est esloignée de Malaca enuiron 250. lieuës, & des Moluques quelques septante, estant entre deux, non pas toutesfois droit au rhomb de l'EstOuest, mais vn peu à quartier vers le Nort. Elle a de circuit quelques trente lieuës. Les Portugais y trafiquoient pour lors ordinairement depuis qu'ils l'auoient conqueſtée de la façon, que nous dirons au 2. liure. Il y auoit aussi dès ce temps là plusieurs naturels du pais qui s'estoient faits Chrestiens. L'arriuée donc du P. Xavier apporta vne singuliere cōſolation tant aux vns, que aux autres. Car les Portugais en auoyent desia fort ouy parler, & n'attendoient rien moins que sa venuë en ces quartiers là; jaçoit qu'elle y fut fort necessaire, & beaucoup plus aux originaires, comme nous verrons. Plusieurs desiroient le loger chez eux: mais voyant qu'il n'y auoit point d'hospital pour se retirer, afin de ne donner fascherie à personne, il se fit vne petite cabanne de paille & de bois, là ou il se retiroit avec son compagnon. De là il s'en alloit prescher tantost aux Portugais, tantost aux Chrestiens du pais, desquels il y auoit pour lors sept villes ou villages, situez au dedans de l'Isle, & non sur la coste de mer, comme à la Pescherie, à cause que ceux qui demeuroient sur le riuage estoient ordinairement fort molestez des Sarrazins des Isles voisines. Et partant ils se retiroient és montagnes les plus hautes, qu'ils trouuoient. Car cest Isle en est bien pourueüe, de sorte qu'en temps de guerre cela leur sert de forteresse. Car elles sont de si difficile accez, qu'il est besoin en plusieurs lieux de se seruir autant des mains pour grauir, que des pieds pour marcher. Il y auoit donc plusieurs Chrestiens, qui habitoient là dans des grottes, comme des bestes sauues, pour crainte des Mahometains. Ils estoient là destituez de tout ayde & secours humain, soit temporel, soit spirituel. Car vn Prestre, qu'ils auoient pour leur administrer les Sacremens, estoit decedé quelque temps auparauant. Dequoy aduertie le P. Xavier, estima que Dieu l'auoit enuoyé là, pour ayder ces pauures gens és choses de leur salut. Et partant si tost qu'il eust expedie avec les Portugais, il s'en va visiter parmy ces rochers & montagnes ces pauures ames,

*Chrestiens
d'Amboi-
no fort
affligez
des Ma-
hometains.*

tât affligées, & desolées, si bien qu'il ne resta pas vn seul Chrestien, duquel il eust notice en toute l'Isle, qu'il ne visitat, consolât, & ay-
 dat de ce qu'il peut, administrant les Sacremens de Confession & *Le P. Xa-
nier les
visite &
les con-
jole.*
 Communion à ceux, qui en estoient capables, baptizant les petits
 enfans, & instruisent mieux les choses de la Foy, ceux qui en auoient
 besoing. Quant au fruit qu'il y fit, jaçoit qu'en vne lettre qu'il es-
 criuit il ne fasse mention, que des petis enfans, qu'il baptiza, *1. Ib. 2.
Plu-
epist. 3.*
 sieurs desquels, dit-il, decederent incontinent apres le baptesme, de
 façon qu'il sembloit que la vie leur eust esté prolongée, par vne
 speciale prouidence de Dieu, iusques à tant qu'on leur eust ouuert
 la porte du ciel; toutesfois nous sçauons par le tesmoignage de
 gens dignes de foy, & par les informations, qui ont esté faites sur le
 lieu, qu'il y conuertit vn grãd nôbre d'Infideles. Et afin que tât ceux
 cy, que les autres anciens Chrestiens fussent mieux instruits, il don-
 na charge à quelques vns, qui sçauoient mieux leur croyance, & *Il y con-
uertit
force infi-
deles.*
 qui estoient gens d'entendement, mais sur tout de bonne vie, d'en-
 seigner le reste; comme il auoit fait au cap de Comorin. Mais de-
 puis il y enuoya quelques Peres de la Compagnie, qui amplifierent
 grandement le nôbre des Chrestiens de ceste Isle, & y firent beau-
 coup de choses, pour l'accroissement de la gloire de Dieu, comme
 nous dirons au 2. liure.

Mais ce qui donna plus d'occasion au P. Xavier d'exercer son ar-
 dente charité, fut qu'au mesme temps qu'il estoit à l'isle d'Amboy-
 no, y arriua la flotte de Ferdinand de Sofa Portuguais, qui en ame-
 noit aussi vne autre d'Espagnols: lesquels estans venus de la nouuel-
 le Espagne, autrement appellée Mexique, avec six nauires, pour
 conquister les Isles Moluques au nom (comme ils disoient) de leur
 Roy, qui estoit lors l'Empereur Charles V. bien que ce fut à son
 desceu, & sans en auoir de luy commission aucune, auoient pari-
 tant de miseres, & calamitez l'espace de deux ans entiers, qu'ils
 auoient demeuré à faire ce voyage, qu'estans arriuez aux Molu-
 ques, ils estoient en si piteux estat, qu'il eut esté fort aisé aux Por-
 tuguais de mettre à fôd toute ceste flotte. Mais ils se mirēt sous l'a-
 bry du Roy de Tidore, qui estoit ennemy de celuy de Ternate, du-
 quel les Portuguais estoient alliez. Or d'autant que cela eut peu ap-
 porter beaucoup de dommage & de scandale aux Chrestiens, si les
 Portuguais & les Espagnols fussent venus à se faire la guerre, &
 s'entretuer les vns les autres, en vn pais de barbares, & là où la foy
 Chrestienne commençoit à prendre pied, on aduifa promptement

L'Empereur Charles V. d'un tel attentat, pour ſçauoir ſ'il l'aduouoit ou non. L'Empereur reſpondit que ce n'auoit point eſté fait de ſon conſentement; & partant qu'on pouuoit punir ceux de ladite flot-
te, comme traîtres à ſa couronne, ou comme pyrates en celle de Portugal. Toutesſois les Portuguais firent plus clemens & benignes en leur endroit: car ils leur promirent de les conduire à l'Inde, & de là en Eſpagne, ſ'ils uouloient ſe deporter de leur entrepriſe. Luy ayans accepté volontiers ceſte condition ſe departirent de l'alliance du Roy de Tidore, & ſe mirēt entre les mains de l'Admiral Ferdinand de Soſa Portuguais, lequel auoit eſté mandé aux Moluques avec vne groſſe flotte par le Gouverneur des Indes Iean de Caſtro, pour ſignifier aux Eſpagnols l'arreſt donné contre eux, par l'Empereur meſme leur Prince: & ſ'ils uouloient faire les opiniâtres, les chaſtier, comme ils meritoient: mais ſ'ils uouloient ſe rendre pour les traiter humainement, & courtoieſement, comme il eſtoit raiſonnable de faire meſme entre Chreſtiens. Ils trouuerent donc en fin de compte meilleur ce party: & pource Ferdinand de Soſa les print, & les mena premièrement à l'ifle de Ternate, puis à celle d'Amboino, là ou ſe trouua en meſme ſaiſon le P. François Xauier. Ce qui vint fort à propos pour eux: attendu qu'ils auoient bon beſoyn de rafraiſchiſſement & ſpirituel & corporel. Le Pere ſeſchia de les pouruoir tant de l'un que de l'autre. Il leur preſchoit ſouuēt, & ſ'employoit à les ouyr en confeſſion, apaiſant les noiſes & diſſenſions, qui arriuoient entre eux, & les Portuguais bien ſouuent.

*Arrive à
Amboino
avec celle
des Por-
tugais.*

*Le P. Xa-
uier leur
fait de
bons offi-
ces.*

Car il n'y auoit que trop d'occasions, meſmeinent entre ſoldats, & de nations ſi contraires que ces deux. C'eſtoit en temps de Careſme, auquel tous les Chreſtiens ſe doiuent confeſſer, & ſe preparer à la ſaincte Communion. Or comme ils eſtoient tous fort affectionnez au Pere, tant pour l'opinion qu'ils auoient de ſa vertu, que pour la grande charité qu'il monſtroit à l'endroit d'un chaſcun, tous preſque ſe voulurent confeſſer à luy, bien qu'il y eut d'autres Preſtres en la flotte Eſpagnole, tant ſeculiers que Religieux de l'ordre de S. Auguſtin, & de la meſme nation, qui eſtoient venus du Mexico avec eux. Neantmoins & les Portuguais & les Eſpagnols aymoient mieus deſcouriir leur ame au P. Xauier, qu'à tout autre. Ce qui luy aporta beaucoup de peine, & travail. Car il y auoit en toutes les deux flottes huit nairés; de façon qu'il eſtoit continuellement preſque occupé à cela, tant durant le Careſme, comme apres Paſques. Le fruit auffi qu'il en recueillit ſurpaſſa ſon attente, particu-

licrement touchant les discordes & inimiziez, qu'il assoupit : de^{leur en-} quelles il escriit ainsi, Loüé soit Dieu à jamais, puis qu'il luy plaisir^{droit.} communiquer tant de la paix, à ceux mesmes, qui sont quasi pro-
fessio de ne l'auoir avec personnes bien que ce soit souuent en per-
dant celle de Dieu. Sur tout il monstra son industrie, diligence, &
charité à pouruoir les Espagnols necessiteux, les aydant avec de
grosses aumosnes, qu'il eut des Portuguais, habitans d'Amboyno,
pour leur acheter des vestemens, & des viures. Mais tout cela n'em-
pescha pas que plusieurs ne tombassent malades : car comme ils
auoient tant enduré de faim, & d'autres incommoditez, l'assuance
mesme des viures leur causa vne maladie, qui se glissoit parmy eux
à guise de peste, tellement que dans peu de iours toute l'armée fut
reduite en si piteux estat, qu'on eut dit que c'estoit vn hospital. Et
neantmoins le P. Xavier les seruoit tous, faisant luy seul l'office, aux
vns de Curé, pour leur administrer les Sacremens, & les enseuelir,
quand ils estoient decedez ; aux autres d'infirmier, pour les assister,
& de nuit & de iour, & outre ce de procureur, pour leur chercher
& faire aprester les medecines, dont y auoit grande faute en ceste
isle là. Brief il exhortoit & encourageoit ceux qui estoient aux
aboies de la mort, à se porter en vaillans soldats de Iesus Christ en
ce dernier combat, d'où dependoit leur salut. Enuers lesquels il n'e-
stoit pas sans peine, selon que luy mesme à laissé par escrit, en ce
peu de mots, C'est vne chose bien difficile que ceux là fassent vne
bonne fin, lesquels durant leur vie ne se sont conformez à la loy di-
uine : car telles gens d'ordinaire meurent avec autant de desespoir
de la diuine misericorde, qu'ils y ont eu de vaine confiance, perse-
uerans à ceste cause en leurs pechez. Sentence qui merite bien d'es-
tre pesée & retenuë de tous, & nommémēt de gens semblables.
Mais retournons à nostre propos. Entre les Portugais, qui pour-
uoyent le Pere de medecines, conserues, & autres telles choses
necessaires aux malades, il y auoit vn Iean d'Arahujo, comme les
Portugais le nōment, ou comme d'autres l'appellent Iean d'Araus,
lequel estoit venu de l'Inde basse, bien pourueu de toutes ces cho-
ses, & en auoit souuent donné au Pere, pour les malades necessi-
teux ; toutesfois comme le mal alloit tousiours croissant, il eust
erainte que cela ne luy vint à manquer pour soy-mesme. Vn iour le
Pere voyant qu'un pauvre malade auoit besoin d'un peu de vin de
Portugal, pria certain gentil-homme Portugais, qui l'aydoit en ces
œuvres de charité, d'en aller demander à Iean d'Araus, non pas en

(charité
grande
du P. Xa-
uier.

“ Sentē-
“ ce no-
“ table.

Jeā d'A-
raus ou
d'Arahu-
jo, mar-
chand
Portugais

son nom , pour ne luy donner de la fâcherie , à cause qu'il luy en auoit demâdê plusieurs autres fois, mais au nom propre dudit gentil-homme. Ce qu'il fit tout de mesme que le Pere luy auoit ordonné. Iean d'Araus luy bailla bien ce qu'il demandoit, mais il adjousta qu'on ne luy en vint plus demander : car il auoit besoing du reste pour soy. Ces paroles furent rapportées au Pere , lequel dit

» incontinent à ceux qui estoient presens ; Que pense Iean d'Araus ?

Le P. » cuide-il jouyr de ce qu'il a pour long temps ? Or dites luy de ma

Xavier » part, qu'il donne hardiment, & de bôn cœur aux pauvres malades

luy pre- » de ce qu'il a pour l'amour de Dieu : car il n'en jouyra pas long

dit sa » temps ; ains mourra dans l'Isle mesme d'Amboyne, là ou son bien

mort. » sera distribué aux pauvres. Celuy a qui le Pere s'adressoit , & qui

auoit rapporté la responce de Iean d'Araus, n'osa pas luy aller faire tel message. Mais le Pere le luy dit par apres à luy mesme en presé-

ce de quelques autres. Ce qui fut cause, que ce bôn marchand distribuâ deslors plus liberalement aux pauvres de ce qu'il auoit, & disposa son ame du mieux qu'il peut, pour passer en brief de ceste vie

en l'autre, comme il aduint aussi, selon que nous dirons en ce mesme chapitre. Cependant le mal alloit tousiours en auant , & s'esp-

pandoit de plus en plus, principalement parmy les Espagnols, desquels il en mourut plus de quarante , & entre autres l'Admiral de

*Depart
de la flo-
te Espa-
gnole
d'Amboi-
no.*

la flotte Espagnole. Or combien qu'il y eust encore beaucoup de

malades, n'y en ayant presque aucun, qui fut du tout guarý : toutes-

fois ils furent contrainsts de s'embarquer, d'autant que l'hyuer , qui commence aux Moluques au mois de May, s'approchoit, & par

consequent la saison propre pour nauiger en ceste mer s'acheuoit. Le Pere Xavier tascha non seulement de pouruoir aux necessiteux

de ce qu'ils auoient de besoin par le chemin, mais encore les recom-

manda à ses amis tant de Malaca , ou ils deuoient aller passer , que de Goa, ou il manda au Pere Paul Camers, de loger au College ces

Peres de l'Orde de S. Augustin, qui estoient en la flotte Espagnole, & de les traicter fort charitablement. Pour tous ces bons offices,

que les Espagnols receurent du Pere , ils ne cessoient de louer & admirer sa charité & vertu , de façon qu'ils resterent avec grande

opinion de sa saincteté. Mais sur tous vn Prestre seculier, natif de la ville de Valence en Espagne , nommé Cosme de Torres, lequel

estant aussi en la mesme flotte, & considerant de plus pres la vie, & les actions du Pere Xavier, commença de s'y affectionner de sorte, qu'il pensa deslors à suyure & imiter sa maniere de viure. Toutes-

fois

fois il ne luy en dit mot, iusques à ce qu'il fut de retour à Goa, comme nous raconterons cy apres.

La flotte estant partie d'Amboyno, le Pere Xauier voyant qu'il n'y auoit point d'esperance de faire le voyage de Macazar, iette les yeux sur vne autre entreprise, aussi vtile & peut estre plus necessaire que celle là; c'estoit d'aller instruire les habitans de l'isle du More, lesquels apres auoir embrassé fort aisément la foy Chrestienne, ^{Habitans de l'isle du More,} l'auoient aussi facilement quittée, & non contens de ceste impieté ^{Chrestiens renuez,} auoient mis leurs mains sacrileges sur deux Prestres, qui la leur enseignoient; l'un desquels ils auoient massacré, & l'autre s'estoit eschappé de leurs mains griefuement blessé, ainsi qu'il se dira au deuxiesme liure. Ces choses pouuoient, ce semble, destourner tout autre d'aller vers telles gens, mais non pas le P. Xauier: lequel estimant que Dieu l'auoit enuoyé aux Indes, pour secourir ceux qui estoient destituez de tout autre ayde & secours, delibera de s'y transporter, ^{Le P. Xauier se delibera de les aller redimer.} si telle estoit la volonté de Dieu; & pour la mieux cognoistre, il s'adonna l'espace de quelques iours plus longuement & fermement à l'oraison, que de coustume. En fin il se resoult du tout à ce voyage, nonobstant les dangers & incommoditez qu'on luy opposoit. Surquoy il escrit de ceste sorte; Cinquante lieues pardela les Moluques il y a vne autre Isle nommée la coste du More, ou il y a vn grand nombre de gens, qui depuis quelques années ont receu la foy Chrestienne, & à raison de la mort des Prestres, qui les instruisoient, ils sont retournez à leur premiere barbarie: & à la verité c'est vn pais plein de perils & dangers, & fort contraire aux estrangers, à raison de la grande sauueté de ce peuple, & diuerfes sortes de poison qu'ils ont accoustumé de mesler parmy les viandes, & la boisson; ce qui a empesché qu'autres Prestres estrangers ne soyent allez vers eux. Considerant donc la grande necessité, en laquelle ils sont n'ayans personne, qui les enseigne, ne qui leur administre les Sacremens, i'estime que i'y dois aller, bien que ce soit avec danger d'y perdre la vie, pour les ayder à faire leur salut. Parant i'ay resolu de m'en y aller au plustost, exposant ma vie corporelle pour secourir la spirituelle de mes prochains. Je m'en vay donc là, prest & appareillé d'endurer quelconque inconuenient, qui me pourroit aduenir, mettant toute mon esperance en Dieu seul. Car ie desire me conformer entant qu'il me sera possible, aux paroles de Nostre Seigneur, disant: *Qui voluerit animam suam saluam facere, perdet eam; qui autem perdidit eam propter me inueniet* ^{scilicet de N.}

*S. clai-
re selo-
la les-
tre,
mais
diffici-
le à
l'expe-
rience.* *eam*, c'est à dire; Celuy qui voudra conseruer sa vie, la perdra; & celuy qui la perdra pour l'amour de moy la trouuera: Et sçachez mes tres-chers freres, (adjouste-il) que ceste sentence, bien que semble claire selon la lettre, neâtmoins est fort difficile a entendre, quand il est question qu'un homme se determiné, de perdre la vie pour l'amour de Nostre Seigneur, & s'expose à de grands perils & dangers: car en tel cas elle semble si obscure, que celuy seul la peut

entendre, à qui Dieu par son infinie misericorde en descouure l'intelligence: & en semblables occasions se descouure la condition foible & infirme de nostre nature. Nostre Seigneur par sa sainte grace, nous vueille renforcer & assister tousiours de son ayde & faueur. Iusques icy sont ses paroles. Ayant donc prins telle resolution, il démarre de l'Isle d'Amboyno sur la fin de May, peu de temps apres le despart de la flotte, & prend la route de l'Isle de Ternate, pour passer de là à celle du More. Il s'embarqua dans un vaisseau, qu'on appelle en ce pais là *Caracora*, qui est long, & estroit à guise de galere, & se conduit à voiles, & à rames; il en y auoit aussi un autre semblable, qui partit avec celuy ou estoit le Pere; là ou s'estoit embarqué un marchand Portugais nommé Iean Galuan, avec tous ses moyens, & alloit aussi à Ternate. Or comme ils tra- uer soient tous deux ensemble ce golfe de mer, qui est entre l'isle l'Amboyno & celle de Ternate, vne bourasque les surpréd en haute mer, qui les separe si loing l'un de l'autre, qu'ils se perdirent de veüe. Celuy dans lequel estoit le Pere, euada le danger, & arriva en peu de iours à Ternate, ou se tenoient beaucoup de Portugais, qui receurent fort humainement, & avec grand honneur le P. Xauier.

*Le P. Xa-
uier arri-
ue à l'Is-
le de Ter-
nate.* Car le renom. de sa vie & sainteté auoit picça couru par toutes ces isles, & estoit venu iusques à eux. Mais ce qui surint quelques iours apres son arriuée accreust encôre l'opinion, qu'ils en auoient: car comme les amis de Galuan l'attendoyent d'heure en heure, le Pere preschant au peuple le premier iour de feste, qu'il y eust apres son abord, dit à ses auditeurs, qu'ils priaissent Dieu pour

*Void par
esprit pro-
phetique
la mort
de deux
Portugais
arrivée
bien loin
du lieu ou
il estoit.* l'ame de Iean Galuan, qui estoit decédé. Cecy troubla beaucoup de gens, & principalement ceux, qui auoient quelque interest à cela, bien qu'aucuns d'iceux pour se consoler ne le vouloient pas croire. Mais trois iours apres on trouua sur le bord de la mer tout plein de marchādises, & autres choses, qui estoient dans le vaisseau de Iean Galuan, d'où l'on cogneust, que le dire du Pere estoit veritable, bien qu'il ne peust sçauoir cela humainement parlant: car

pas vn de ceux qui estoient venus avec luy, ne le sçauoit. Mais ce qui s'ensuit ne les fit pas moins esmerueiller, c'est qu'un iour celebrant la sainte Messe, comme il fut arriué à l'offertoire, & se tournant vers le peuple selon la coustume disant, *Orate fratres*, il adjouste, Messieurs, Jean d'Araus est trespasé à l'Isle d'Amboyno, là ou se dict maintenant la Messe pour son ame: & ceste cy est encore pour le mesme. Il vous prie de le recommander à Dieu. Ces paroles estonnerent fort ceux, qui estoient presens, lesquels se regardoient les uns les autres, & demandoient comment le Pere pouuoit sçauoir cela; veu que d'Amboyno à Ternate, il y a 60. ou 70. lieues de chemin, & n'y auoit eu aucun vaisseau, qui fut venu de là, ny personne qui eust mesmes apporté nouuelles de sa maladie. Toutesfois dix ou douze iours apres il arriua un nauire d'Amboyno, & un Portugais, qui s'estoit trouué à la mort dudit Araus, lequel atesta la chose estre vraye. C'est ce marchad auquel le Pere auoit enuoyé dire, qu'il distribuast liberalement de ses biens aux pauures; veu que dans peu de temps il les deuoit tous laisser au mesme lieu d'Amboyno, sans auoir autre heritier que les pauures. Ce qui aduint, car comme il n'auoit point d'enfans, ny autre heritier legitime, ses biens furent distribuez aux pauures, selon la coustume du pays. Pour toutes ces raisons le P. Xauier gaigna icy dès le commencement un grand credit, enuers toute sorte de gens, tant Portugais que originaires du pais, non seulement Chrestiens, mais encore Infideles. Ce qui seruit de beaucoup pour l'amendement des mœurs aux uns, & pour la conuersion à la foy des autres. Car les Portugais qui demeuroient à Ternate, à faute de predicateurs, ou autres personnes, qui leur remonstrassent leurs pechez, viuoient avec telle dissolution, qu'on eust dit qu'ils estoient plustost Mahometains ou Gentils que Chrestiens. Car pour le regard de l'impudicité, ils n'estimoient point la simple fornication estre peché. D'ailleurs ils estoient adonnez au lucre, qu'ils ne faisoient point conscience de se seruir de quelconque moyen de gagner, pour inique qu'il fut, moyennant que ce fut sur les Infideles. Voilà comme les Chrestiens qui conuersent parmy les mesercans, & ne sont pas deuëment instruits, viennent à se persuader, & faire des choses non seulement contraires à la lumiere de la foy, mais aussi à la raison naturelle. Le Pere Xauier voyant ces grands desordres commence premierement à sonder leurs playes, & leur faire cognoistre la profondeur & griefueté d'icelles, à fin de leur donner à entendre le

*Corruptio
notable
des mœurs
des Por-
tugais à
Ternate.*

grand danger, auquel ils estoient de mourir d'une mort eternelle. Sur ces aduertissemens ils commencent à ouurir les yeux, comme s'ils sortoient d'une profonde lethargie, & se voyans si grieffuement naurez en leur ame de tât de playes mortelles, ils se mettent entre les mains de cest excellent operateur, tres-expert en la cure de telles maladies tant inueterées & desesperées, qu'elles fussent. Les effects monstrerent bien l'excellence de son art. Car en peu de temps il fit en sorte que les vsures, monopoles, & toutes autres inuentions diaboliques controuuées pour desrober le bien du prochain, cessèrent du tout; & si fit outre ce faire restitution des biens mal acquis, qui furent rendus à ceux, des mains desquels ils auoient esté iniquement tirez, quand on les sçauoit. Et ceux qui n'auoient point de maistre certain, furent appliquez à la Confrairie de la Misericorde, iustituée pour l'entretienement & nourriture des pauvres malades, & autres gens necessiteux; dont fut tirée vne si grosse somme, que ladite Confrairie, estant auparauant fort pauvre, deuint l'une des plus riches de l'Inde. Celle aussi du tres-sainct Sacrement en eut sa part. Car plusieurs ne se contentans pas de rendre ce qu'ils auoient mal acquis, faisoient outre ce beaucoup d'aumosnes aux pauvres, & autres oeures pieuses. Et ce fut encor vn remede singulier, pour esteindre ce feu infernal d'impudicité, qui estoit si enflammé en ce lieu là, d'autant que selon le dire du Sage, Tout ainsi que l'eau esteint le feu ardent, de mesme l'aumosne resiste aux pechez. Comme il aduint à Ternate. Car lors que le Pere en partit, il ne laissa que deux Portuguais tant seulement en toute l'Isle que l'on sceut demeurer au borbier & ordure de ce vilain peché, y en ayant auparauant vn tres-grand nombre. Voylà en brieif ce qu'il fit à l'endroit des Portuguais, auxquels il preschoit tous les Dimanches & festes le matin. Quant aux nouveaux Chrestiens qu'il y trouua, il tascha pareillement de les ayder, leur preschant tous les iours de feste sur le tard, & en chascun sermon leur declaroit vn article de la foy, laquelle ils commencerent pour lors d'entendre; car auparauant ils estoient plustost Chrestiens de nom, que de fait, à cause qu'ils n'auoient pas esté deuëment instruits. Partant il recommança tout de nouveau à leur enseigner ce qui estoit necessaire qu'ils sceussent, & faisoit tous les iours le Catechisme aux petis enfans, & autres qu'il pouuoit assembler par les ruës au son d'une clochette, qu'il portoit à la main, leur aprenant à chanter les principales choses de nostre croyance. D'où s'en-

*Par les
remons-
trances
du P.
Xauierils
s'émendent*

*L'aumos-
ne impe-
tre par dō
des pe-
nités, &
obtient la
grace di-
uine pour
les exister.
Scol. 3.*

fuyuit vn tres-grand fruiſt comme il eſcrit en vne de ſes lettres. Car les nouueaux Chreſtiens prenoient ſi grand plaifir à chanter ces diuins Cantiques, qu'on entendoit par tout retentir l'air de ces deuotes & ſacrées chanſons; au lieu des impudiques & folles qu'ils auoient auparauant, & par ce qu'elles eſtoient traduictes en leur langue, elles eſtoient entendues tant des nouueaux Chreſtiens, que des infideles. Or cecy eſmeut tellement les Gentils & Sarrazins de Ternate, qu'il y en eut pluſieurs qui ſe conuertirent à la foy de Ieſus Chriſt, & receurent le Baptême, & entre autres la Royne jadis femme du feu Roy de Ternate nommé Boaliſe, laquelle auoit eſté mere, mais miſerable mere de trois enfans dudit Boaliſe: qui furent apres la mort de leur Pere eſleuez tous trois à la Royauté l'un apres l'autre, mais cela leur couſta bien cher: car ils y perdirent tous trois la vie par les menées des Portugais, comme nous dirons au liure ſuyuant. Ceſte Royne donc bien qu'elle eut receu de grands domages, & iniures des Portugais; ce neantmoins apres le decés de ſon dernier fils, ces afflictions luy firent ouurir les yeux, tellement qu'elle commença d'appercevoir l'auenglement, auquel elle auoit veſquū juſqu'alors. Car il pleuſt à Dieu l'eſclairer de ſa lumiere ce-
Le P. Xa-
uier con-
uertit à
la foy
la Royne
Mere de
trois en-
fans qui
auoient
eſté Rois
de Ter-
nate.

Ayant donc ſi bien traiaillé durant ces trois mois, qu'il ſ'arreſta pour ce coup à l'Iſle de Ternate, il fit ſçauoir à ſes amis la reſolution qu'il auoit prinſe de paſſer aux Iſles du More, afin qu'ils le pourueuſſent d'un nauire pour y aller. Eux au contraire taſcherent par tous moyens de l'en deſtourner, luy repreſentans en premier lieu le peu de fruiſt, qu'on pouuoit eſperer de telles gens, tant à cauſe de leur inconſtance au bien, que de leur barbarie & cruauté, laquelle ils auoient exercée de fraiſche memoire à l'endroit de leurs Preſtres; dont il eſtoit à croire, parlant moralement, qu'ils le mettroient auſſi à mort, non pas pour cauſe de la Foy, qui ſeroit encore vne choſe tolerable, voire deſirable; mais ſeulement pour raffaſier leur barbare ſelonnie; qui fait qu'il n'eſpargnent pas meſme leurs voiſins, ny leurs propres parens. Ils luy mettoient auſſi en auant, comme de ſa vie dependoit le ſalut d'une infinité d'ames,

*Peut al-
ler aux
Isles du
More co-
tre l'ad-
uis des
Portugais
de Ter-
nate.*

qu'il auoit desia gaignées à nostre Seigneur, & de plusieurs autres, qu'il luy acquerroit cy apres, s'il conseruoit sa vie, & ne l'exposoit pas à des perils si euidents. Le Pere ayant ony leurs raisons, les remercia de la bonne affection, qu'ils monstroient en son endroit, mais il leur dit pour toute responce, qu'il estoit resolu de faire ce voyage; car il croyoit que Nostre Seigneur l'auoit enuoyé aux Indes, pour secourir telles personnes delaissées, & destituées de tous autres; & partant qu'il se sentoit obligé d'exposer sa vie corporelle, pour le salut spirituel de son prochain. Quant aux dangers qu'ils luy alleguoient, cela ne l'esmouuoit aucunement, sçachant bié que Dieu, pour l'amour duquel il entreprenoit ce voyage, & par son inspiration, comme il croyoit, estoit par dessus toutes choses, ayant en sa main & puissance les cœurs des hommes, & disposant de tous les mouuemens de nostre vie, selon qu'il plaist à sa diuine Majesté, & non pas selon les meschiantes volontez des hommes. Que si tel estoit le bon plaisir de Dieu, qu'il finit là ses iours, ils en deuoient estre contens, & qu'en sa place il enuoyeroit des personnes, qui trauailleroient autant, ou plus que luy, pour le salut des ames. Les autres voyans que leurs raisons n'auoient esté battantes pour luy faire changer d'aduis, tascherent de l'empescher par force, & persuaderent au Capitaine de la forteresse, de l'en prier encore, & que si son auctorité n'estoit suffisante pour le destourner de son entreprise, qu'il fit deffense sous grieues peines, qu'aucun n'eust à luy fournir de nauire, ne d'autre vaisseau quelconque. La chose fut executée comme cela: car le Capitaine apres auoir fait tout son effort, pour luy persuader de ne bouger de là, voyant qu'il n'auaçoit rien par ces raisons, desedit qu'o ne lui baillat point de nauire. Le Pere se ressentit fort de telle façon de proceder, & le premier jour de feste qu'il y eust, preschant en presence du Capitaine & de beaucoup de soldats Portugais, & d'un grand nombre de peuple, il commença tout doucement a toucher ceste corde; mais puis apres entrant en vne ferueur plus que de l'ordinaire, il dit haut & clair, qu'il n'estimoit point auoir de plus grâds ennemis, que ceux qui s'opposoyent à la volonté de Dieu, & à l'amplificatiō de sa gloire: que de son costé, il estoit resolu de fuyure la volōté de Dieu, qui l'appelloit en ces isles: & que si on luy faisoit refus d'un nauire, il pensoit trauerser toute ceste mer, sans autre ayde que d'une ferme confiance en Dieu; estant assuré que puis qu'il luy com-
mandoit de faire ce voyage, qu'il l'y conduiroit sain & sauue. Ceux

*On tasche
de l'em-
pescher,
luy resus-
sant de
vaisseau.*

*Il, se
plaint de
cela en
preschant*

qui assisterent à ce sermon, furent grandement esmerueillez du courage du Pere, & estimans qu'il estoit homme pour mettre en execution ses resolutions, aussi aisemēt qu'il les auoit dictes, changerent incontinent d'aduis. Si que le Capitaine mesme commanda qu'on l'y conduisist quand & comme il voudroit. Ses amis donc ayant veu qu'ils ne pouuoient l'empescher, luy offrirent force pierres de Bezoar, qui sont fort souveraines contre toute sorte de venin, signāment cōtre le poison, duquel les habitans de ces Isles se seruent pour faire mourir les personnes; d'autres se presenterent à luy pour l'accompagner en ce voyage. Le Pere bien joyeux d'auoir gaigné ce qu'il pretendoit, ayant remonstré à ceux qui luy offroyent ces remedes, que le plus asseuré contre-poison de tous estoit la protection & sauuegarde du souuerain Seigneur de toutes choses, laquelle il les prioit luy vouloir impetrer par leurs oraisons: Au reste il les remercie bien fort de l'affection qu'ils monstroyent en son endroit, & du soing qu'ils auoyent de sa santé. Mais que pour ne se mettre pas en peine, & principalement pour ne perdre vn seul point de la confiance qu'il deuoit auoir en Dieu, il ne pou-
Il signifie ceux qui l'empeschent.
sa grāde confiance en Dieu
 uoit accepter en façon quelconque les preseruatifs qu'ils luy presentoyent. Quant à ceux qui s'offrirent pour luy faire compagnie, il en print quelques vns, afin de l'aider en l'instruction des habitans de ladiēte Isle. Et cependant pour consoler les Ternatins fort tristes de son despart il leur signīfia comme il auoit mandé à l'Inde estant encore en l'Isle d'Amboyne, qu'on luy enuoyast quelqu'un de la Compagnie (car il estoit cōstitué Prouincial des Indes par le P. Ignace fondateur d'icelle) pour venir demeurer auec eux. Ce fut le P. Jean de Beyra qui estoit lors à la coste de la Pescherie, au lieu duquel il manda qu'on enuoyast quelqu'autre de ceux qui deuoient venir de Portugal ceste mesme année 1546. lesquels arriuerent au mois de Septēbre, & furēt 9. en tout, à sçauoir les Peres Nugnes Riberā, Henri Henriques, François Henriques, François Peres, & Alфонse Cyprian: auec autres quatre non encore Prestres, qui se nommoient Nicolas Nugnes, Baltazar Nugnes, Adam François, & Emanuel de Morales, de l'employ desquels nous parlerōs cy apres plus amplement. Et au mesme temps quasi le Pere Xavier partit de Ternate, trois mois apres son arriuēe à ladiēte Isle.

IL PASSE AUX ISLES DV MORE, ET ADOUCEIT les mœurs farouches, & barbares de ce peuple; le rengeant à la foy de Iesus Christ.

*Isles du
More.*

AINSI comme les Isles Terceres, Canaries, & quelques autres empruntent leur nom commun & general de la plus grande & principale d'icelles, ayant chacune des autres son nom particulier: de mesme en est-il de celles du More, qui sont trois ou quatre Isles esloignées soixante lieuës ou environ de Ternate, vers l'Orient, lesquelles sont apellées Isles du More, à cause que la principale de toutes, & celle qui surpasse de beaucoup les autres en grandeur, ayant 150 lieuës de circuit, est ainsi nommée du vulgaire, combien que son nom propre soit Morotia, ou Batechina du More. D'où quelques vns estiment qu'elle a esté jadis peuplée des Chinois; car *Bate* en leur langue signifie terre, de façon que Batechina selon cela veut dire terre des Chinois. Mais ores qu'il soit fort probable, que ceux de ceste nation ont esté les premiers qui l'ont peuplée; si est-ce qu'il y a beaucoup d'indices, que ce n'a pas esté vne seule nation, mais plusieurs, qui se sont là habituées. Car premierement on y trouue si grande diuersité de langues, que les habitans d'un lieu n'entendent pas quelquesfois ceux d'un autre, qui n'en fera pas esloigné de trois lieuës. Outre ce il y a entre eux vne telle desfiance & contrariété, qu'ils se craignent, & se gardent les vns des autres, comme s'ils estoient de diuers Royaumes, appoinctez contraires, & ennemis. Les habitans sont extrêmement barbares: ils n'ont aucunes escritures anciennes: & d'ordinaire ne scauent ny lire ny escrire, hors mis depuis peu de temps en ça, que quelques vns ont appris de former les caracteres Arabiques, avec lesquels ils escriuent ce qu'ils veulent dire en langue Malaoyse. Car à raison du commerce ils entendent pour la plus part le langage de Malaca; & les Cacizes ou Alfaques, selon qu'ils appellent (qui sont les ministres de la loy de Mahomet) depuis qu'ils se sont nichez en ces isles (qui n'est pas depuis long temps) avec leur maudite secte, y ont encore mis l'usage des lettres Arabiques, tellement que auant la venue des Mahometains en ce pais là personne des habitans ne scauoit que c'estoit des lettres. Au reste ce sont gens fort sauuages, cruels, perfides, ingrats, & fort mescognoissans. Ils mangent de la chair humaine, principalement de leurs ennemis, qui ont esté tuez en guerre. Et quand quelqu'un de leur famille vient à mourir ils luy coupent les pieds & les mains, puis mangent cela comme viande tres-delicate, bien qu'ils s'abstiennent de manger du reste du corps. Le P. Xavier &

*La Bate-
china du
More est
la plus
grande d'i-
celles.*

*Barbarie
& cruau-
té des ha-
bitans.*

en ses lettres raconte tout cecy & adiouste. Que s'il est loysible de croire ce qu'on en dit communement, leur barbarie & cruauté ar-
 riue bien iusqu'à là, que si quelqu'un d'eux veut faire vn banquet
 somptueux & magnifique, il demande à son voisin, qu'il luy presse
 son pere, quand il est desia vieux, pour le donner à manger à ses
 conuiez. Et le demande avec telle condition, qu'il promet de ren-
 dre la pareille à celuy, de qui il requiert ce plaisir, quand il voudra
 faire vn semblable festin. Voylà ce que le Pere en dit. Dou j'estime
 (avec quelques autres) que c'est vne de ces trois Isles que Ptole-
 mée dit estre en la mer du Leuant, ou les habitans sont Anthro-
 phages, c'est à dire mangeurs de chair humaine. Car il en y a qui
 comptent entre ces trois, l'isle de Geilolo, qui est la mesme que
 ceste cy comme nous dirons au second liure. Mais reuenant aux
 mœurs des habitans de ceste Isle, il y a en icelle vne sorte de gens,
 qu'on nomme *Tauaros*, lesquels font leur demeure ordinaire dans
 les bois, qui sont là fort espais, & de haute fustaye, & n'en sortent
 quasi iamais, que pour aller massacrer les passans, ou ceux qui habi-
 tent és villages, & mesmement les Chrestiens. Que s'ils ne trou-
 uent autres sur qui exercer leur cruauté, ils tuent leurs propres
 femmes & enfans. Car ils estiment cela estre pour eux vne gloire
 immortelle, comme dit le mesme P. Xauier. Outre ce les habitans
 de ceste Isle sont gens si desbordez en lubricité, qu'il n'y a sorte ou
 espee d'impudicité, & luxure, qu'ils n'admettent, ou ne commet-
 tent. Le moindre mal qu'ils fassent (à leur aduis) c'est d'empoison-
 ner ceux, à qui ils en veulent. Ce qui leur est si ordinaire, qu'à pei-
 ne se met on iamais à table, qu'il n'y ait occasion de craindre d'a-
 ualler du poison. Ils le meslent tant parmy la viande, que la boisson:
 & le sçauent mixtionner, & temperer de telle sorte qu'il tuë les
 personnes ou plustost ou plus tard selon qu'ils veulent. Voylà quāt
 aux mœurs des habitās. Pour le regard du païs, il est si sterile, & in-
 fructueux, que pour le cōmerce il n'y a aucune de toutes ces Isles
 habitées, de cet Ocean, qui soit moins frequentée que ceste cy,
 car il n'y a rien de rare, qui s'y trouue; & pour les viures elle est dé-
 pourueüe presque de tout ce qui sert pour la vie de l'homme, si-
 nō de ris, duquel il y a assez grāde abōdānce. On y trouue aussi vne
 certaine espee d'arbres, que les habitans appellent *Sagures*, d'oū
 ils tirent tout plein de commoditez: car cest arbre leur donne à
 boire & à manger, tout ainsi que nous dirons des palmes du Mala-
 bar. Ils ont aussi vne autre sorte d'arbres, l'escorce desquels apres

*Int. 2. ep.
3. & 6.
Voyez le
thresor
d'Orte-
lius au
mot Sine-
da.*

*Gerardus
Mercator
dit que ce
sont les
Isles Ce-
lebes Gei-
lolo &
Ambon.*

*Sterilité
des Isles
du More.*

auoir esté bien peignée, leur sert pour faire des accoustremens, dôt ils se vestent tous. Au demeurant le païs est fort sterile pour les viures. Il n'y a ny bled, ny vin : les habitans ne sçauent que c'est que chair: car ils ne nourrissent point de bestail ny gros ny menu, hormis quelques pourceaux; & de cela encore si peu, qu'il semble que c'est plustost pour rareté que pour leur seruir de viande. Il est bien vray qu'il y a grande quantité de sangliers. Des autres animaux domestiques, c'est merueille s'ils en nourrissent aucun. Ils ont grande disette d'eau douce. L'air y est mal sain, à ce que disent quelques vns, & ce qui est pis, il n'y a remede aucun, pour les maladies, ny de l'art ny de la nature. Le P. Xavier sçachant toutes les qualitez susdites tant du païs que des habitans de ceste Isle, s'y en va neantmoins desnüé de tout ayde, & secours humain : mais d'autant plus assuré

*Le P. Xavier y a-
bordé.* du celeste, & diuin. Or aussi tost qu'il eust prins port, il s'en va droit au premier village qu'il rencontra, où les habitans auoient esté baptisez : mais comme ils virent le Pere venir vers eux, ils prennent tout incontinent la fuyte, qui deçà qui delà, & se vont müsser dans les bois ; car ils pensoient que les Portuguais venoient là tout expres pour les punir de la cruauté qu'ils auoient exercée enuers leurs Prestres. Le P. Xavier voyant cela ne desiste pas pourtant de s'en aller au village, & marchant par les ruës chatoit en langue Malayoïse la doctrine Chrestienne les yeux dressez au ciel. Quand il en voyoit ou trouuoit quelques vns, il les appelloit à soy fort doucement & amiablement. Ces barbares allechez avec ceste candeur & debonnaireté commencent petit à petit à s'approcher de luy, & en fin l'accostent. Le Pere les prenoit pour lors, les embrassoit, & leur faisoit autant de caresses, qu'un Pere sçauroit faire à l'endroit de ses propres enfans. Par tels allechemens & attraits de bien-veillance ils s'assurent peu à peu de luy, & s'en approchèt sans aucune crainte. Le bruit de cecy courut incontinent d'un lieu à l'autre, tellement que plusieurs de ceux, qui auoient fait banqueroute à Iesus-Christ, vindrent le trouuer, pour se reconcilier avec luy, monstrans estre

*Par sa
douceur il
gagne le
cœur à ces
barbares:* Par sa marris du passé. Il reduisit par ce moyē à la Foy, ceux qui l'auoient quittée: il en confirma beaucoup d'autres qui chancelloient: & afin de faire ancrer mieux en leur croyance tant les vns que les autres, il leur enseignoit plus distinctement les choses necessaires à salut, qu'ils auoient oubliées, où n'auoient (peut estre) iamais bien apprinses. Il ne laissa aucun bourg ny village, ou demeure de Chrestiens, qu'il ne visitat, se consolant grandement avec eux, & eux

avec luy, comme il dit en vne de ses lettres. Voilà quant à ceux, qui estoient auparauât Chrestiens. Outre ce il baptisa de nouueau non seulement force petits enfans de Chrestiens, que leurs peres ou meres luy apportoint à ceste fin, mais aussi plusieurs autres Infideles desia grands, & en aage de raison tant Payens que Sarrazins, apres les auoir bien catechizez. Brief il fit si grand fruiet à l'endroit de ces gens barbares dans ce peu de temps, qu'il s'arresta en ceste Isle (qui fut seulement l'espace de trois mois) qu'il y laissa vn grand nombre de Chrestiens, & plusieurs Eglises basties en beaucoup de lieux, & nommément à la ville de Tolo, qui estoit la principale de toutes, là où il y auoit bien trois mille feux ou enuiron, qui fut entierement cōuertie à la foy Chrestienne par le P. Xauier, comme aussi plusieurs autres bourgs, ou villages de sept, huit & dix, & vingt lieuës esloignés l'vn de l'autre. Somme qu'en tout on y comptoit de vingt à vingt & cinq mille Chrestiens. Or afin qu'ils fussent conseruez & maintenus tant en la foy, qu'en la vertu tandis qu'il en seroit absent, & n'y auroit autre Prestre en sa place, il constitua en chaque lieu des Sacristains ou Marguilliers, tout de mesme que les Canacapoles des Parauaz, leur baillant la mesme charge qu'à ceux-là. Mais pendant le temps qu'il y fut, il leur fit apprendre tout ce qu'ils estoient obligez de sçauoir, & nommément leur enseignoit-il à faire souuent des actes de repentance, ou de contrition, en demandant pardon à Dieu de leurs pechez, & faisant vn ferme propos de s'en emender. A ces fins il leur apprenoit le *Confiteor* que nous appellons, où la Confession generale; n'ayant pas assez de temps pour les instruire plus à plein à se confesser sacramentalemēt.

Mais sur tout il les exhortoit à viure Chrestienement, & à garder les Commandemens de Dieu, leur declarāt d'vn costé la grande gloire, qui estoit destinée pour ceux, qui les obserueroient bien; & au contraire les griefs supplices & tourmens preparez en Enfer pour ceux qui les enfreindroient. A quoy il se seruoit de l'object, qu'ils auoient deuant leurs yeux, pour leur faire mieux entendre que c'estoit que l'Enfer. Car en ceste Isle, comme aussi en quelques autres de ces contrées là, il y a des hautes montagnes, du sommet desquelles sortent continuellemēt des espaisles fumées, comme si c'estoient des cheminées, & souuent aussi de grands feux, voire par fois elles jettent des pierres ardantes aussi grosses que de grands arbres, comme luy mesme dit en vne de ses lettres, & ce

avec vn si grand bruit & impetuosité, qu'il n'y a piece d'artillerie qui lasche ses boulers avec vne telle roideur & esclat. Quelques-fois aussi (lors mesmes que les vents sont plus impetueux) il en sort grande quantité de cendre, qui couure tous les champs, & ceux qui se trouuent parmy; de façon qu'ils s'en retournent à leur maison si cendreux & horribles, qu'on diroit que ce sont plustost des Diables, que des hommes; car à peine apperçoit on en eux les yeux, la bouche, & les narines. On trouue aussi plusieurs sangliers morts, parmy la cendre, apres que la force des vents est passée; & au mesme temps l'on void sur le bord de la mer plusieurs poissons morts qui ont esté tuez par ceste cendre, car ceux qui boient de l'eau meslée avec ceste cendre meurent ordinairement. Voilà ce qu'en dit le P. Xavier partie pour auoir veu, partie ouy des habitans: car tandis qu'il fut là, ces vents impetueux ne soufflerent pas. Il adjouste en vn autre lieu qu'il y a outre tout cela, des tremblemens de terre si effroyables, que ceux qui passent tout aupres de ceste Isle euident que leur nauires vont faire briz contre les rochers qu'il y a tout contre. Brief le bruiet & tintamarre causé des vens enclos dās les cauernes de la terre est quelquesfois si horrible, qu'il ny a si hardy qui n'en tremble: somme qu'on diroit que c'est vn vray pourtrait d'Enfer. Aussi le P. Xavier quand les habitans luy demandoiēt la cause de ces feux, leur souloit respondre; que c'estoit le lieu des Enfers, dans lequel estoient precipitez tous ceux qui adoroient les Idoles, & ailleurs: Il semble (dit il) que Dieu à voulu en certaine fa-

Lib. 3. 11

cap. 3.

çon descouurir le lieu des Enfers à ceux que personne n'admonestoit des peines des impies, & leur mettre deuant les yeux quelque pourtrait de ce feu, auquel les meschans doiuent brustler eternel-
 lement, à fin qu'estans aduisez par vn spectacle si horrible, ils entendent quels tourmens & supplices ils doiuent endurer, s'ils ne se corrigent de leurs pechez enormes & detestables. Par telles & semblables occasions faisoit-il entendre à ce peuple grossier & barbare la rigueur de la diuine iustice, pour engendrer en leur ame la crainte de Dieu, qui est le commencement de toute sagesse & vertu.

*Terre-
 tremble
 estrange.*

Or ce qui luy donna beaucoup de creance pour leur persuader la foy qu'il preschoit, fut en premier lieu vn accident qui arriua du temps qu'il estoit avec eux. Car jaçoit qu'en ceste Isle les terre-
 trembles soient fort frequents, comme a esté dit cy dessus, toutes-

fois il en aduint vn lors que le Pere estoit là des plus estrâges qu'ils eussent veu long temps auparauant. Il arriua le 29. de Septembre, iour dedié à l'honneur de S. Michel. Ils estoient assemblez à l'Eglise en grand nombre, & le Pere disoit la Messe lors que ce terre-tremble suruint, qui fut si soudain & si violent que tout le peuple se mit incontinent en fuyte, & sortit hors de l'Eglise de peur qu'elle ne tombat sur eux. Mais le Pere ne desista pas pour cela du saint sacrifice de la Messe, ny ne s'esloigna de l'autel, bien qu'il eut peur qu'il ne se renuersat sans dessus dessous, comme il dit en vne de ses lettres. Cest acte donc de constance & confiance en Dieu, luy acquist beaucoup de credit; Car tous les autres tant Payés que Chrestiens sortirent aux champs, de peur d'estre accablez des ruines des maisons: mais luy avec vne assurance tres-grande tint ferme, & ne bougea point du lieu ou il estoit: estimant que les Diables causoient tout ce remuë-mesnage de despit & de rage qu'ils auoient pour se voir deschassez & bannis de cest'Isle, ou comme il dit en sa lettre, que le bien-heureux Archange S. Michel donnoit pour lors la chafse aux Diables, qui empeschoient le progrez du seruice diuin en ceste Isle là, & les ayant bien estrillez par la vertu & puissance celeste, qu'il à sur eux, les faisoit retirer au manoir des Enfers. Aussi les Gentils auoient ceste folle persuasion que quand ces terre-trembles aduenoient, les ames qui gisoient sous la terre s'inquietoient, & causoient à leur aduis tels tremblemens: & pource ils souloient frapper contre terre à grands coups de baston pour estôner lesdictes ames, & les faire accoiser. D'auantage comme ces Barbares voyoient que le Pere ne leur demandoit rien, sinon le salut de leur ame, & mesme n'acceptoit point d'eux aucun present: ains au contraire secouroit les plus necessiteux des aumosnes, que les Portugais lui auoient donné, monstrant enuers tous vne grande amour, & charité, ils s'affectionnerent merueilleusement à lui, & conceurent vne grande opinion de sa sainteté & vertu. Ce qui fut cause en partie de la conuersion de tant de peuple à la foy de nostre Seigneur, & qu'il deuint si doux & maniable qu'on en faisoit apres tout ce qu'on vouloit. Car telle est la force & efficace de la Loy de grace, laquelle estant grauée es cœurs des hommes par le doigt du S. Esprit les change de telle maniere, que ceux qui estoient auparauant semblables pour le regard de leurs mœurs aux loups, aux lions, & autres bestes farouches, deuiennent doux & traitables comme des agneaux selon qu'il auoit esté predit par le Prophete. Voylà donc

Li. 2. ep. 6

La loy de
grace fait
un chan-
gement
merveil-
leux des
ames.

17. 18.

*Les grâds
trauaux
& dan-
gers du P.
Xauieren
l'Isle du
More.*

comme nostre Seigneur changea le cœur de ces barbares par la predication de sa sainte Foy, & l'entremise du B. P. Xauieren, lequel endura beaucoup de trauaux, & passa vn'infinité de dangers en ceste Isle ici principalement. Car les infideles, & sur tous les Sarrasins & les Iauares luy dresserent souuent des embusches par les bois, & tascherent de l'empoisonner : mais Dieu qui se vouloit seruir ailleurs de luy le garantit de tout cela. Quant aux disettes, incommoditez, & mesaises qu'il y souffrist, c'est vne chose asseurée qu'elles furent tres-grandes ; & il est a croire que ce fut la principalement ou nostre Seigneur luy accomplit ce qu'il luy auoit promis à Rome luy representant les trauaux, dangers, & necessitez qu'il luy conuiendroient endurer pour son seruice.

*Les gran-
des con-
solations
celestes
qu'il yre-
ceut.*

Mais il luy adouciſſoit bien aussi toutes ces amertumes les meslant avec le lait de ses celestes plaisirs. Car il fut en ce lieu plus liberal qu'en tout autre à luy communiquer ses diuines cōsolations, qui marchent à l'esgal des douleurs, & des peines qu'on endure pour son amour, selon qu'il tesmoigne luy mesme en la susdite lettre, là où apres auoir declaré en general quelque chose des dangers, & incommoditez qu'il y a en ceste Isle, il adjoust ce qui s'ensuit. Je vous ay escrit ces choses, mes treschers freres, afin que vous sçachiez, quelle abondance de consolations celestes lon trouue en ces Isles ; parce que tous ces dangers & trauaux endurez tant seulement pour l'amour & seruice de nostre Seigneur, sont autant de riches thesors, remplis de vraye liesse & cōsolation spirituelle. De sorte que ces Isles, d'autant plus qu'elles sont aspres & necessiteuses, d'autant aussi sont elles plus propres, pour perdre les yeux en peu d'années, à cause de l'abondance des larmes tres-douces de cōsolation qui en decoulent. Quant à moy, ie ne me souuiens pas auoir iamais senty en aucun lieu, de si pures & sincerres cōsolations d'esprit, ny si continuellles, comme durant le temps que ie fus en ces Isles ; & n'ay endure ailleurs avec moins de peine, tous les trauaux & mesaises du corps, qu'en ce lieu, jaçoit que ie courusse par toutes ces Isles enuironnées d'ennemis, & habitées d'amis non guerrefideles ; & que le pais soit si sterile & miserable, que non seulement il a manque des choses necessaires pour les malades, mais aussi de ce qui est propre & conuenable pour la nourriture ordinaire des hommes ; de sorte qu'il me semble qu'on les pourroit plustost appeller, les Isles de la diuine esperance, que les Isles du More.

*Il ap-
pelles
Isles du
More
Isles de
la diui-
ne espe-
rance.*

IL S'EN RETOURNE A TERNATE ET DE
là à Amboyno, & ce qu'il luy aduint en ces lieux & voyages.

CHAPITRE XV.

AYANT si bien trauaillé aux Isles du More l'espace de trois mois, & voyant que les affaires de sa charge l'appelloient à Goa, pour disposer de ceux, qui estoient arriuez de Portugal, & mettre ordre à tout ce, qui concernoit son office de Prouincial, il resolut de s'y en retourner. Mais auât son depart, il laissa aux Chrestiens l'ordre, qu'ils deuoient garder, iusques a ce que luy, ou quelque autre de la mesme Compagnie les vint visiter. Prenant donc la route des Moluques, il arriua bien tost à l'Isle de Ternate, ou il fut accueilly des Portugais & autres Chrestiens originaires, avec vne ioye & liesse incroyable: parce qu'ils auoient fort grande crainte, qu'on ne le fit mourir en ceste Isle du More. Estant arriué à Ternate, il se logea tout aupres d'une Chappelle de Nostre Dame, qu'on appelle du port, parce qu'elle en est fort proche, pensant demeurer là seulement quelques iours iusques a ce que le nauire, qui deuoit faire voile vers Malaca, fut prest pour partir. Cependant il commença de nouueau à les enflammer tous à la vertu, & rechauffer ceux qui s'y estoient vn peu refroidis, encourageant aussi les autres pour s'y aduancer de plus en plus. Il preschoit deux fois tous les Dimanches & iours de feste, le matin aux Portugais, & le soir aux Chrestiens originaires. Or comme le temps fut venu, auquel le nauire deuoit partir, le Pere s'y vouloit embarquer; mais les Chrestiens de Ternate, tant Portugais que naturels du pais, le prierent instamment de vouloir sejourner encore vn peu plus avec eux, puis que le temps de Carême s'approchoit, & qu'aussi bien il luy faudroit attendre tout ce temps là, en l'Isle d'Amboyno; à cause que le nauire n'en partiroit pas, pour tirer droit à Malaca, sinon apres Pasques. Le Capitaine de la forteresse avec les confreres de la Misericorde, s'obligerent de le faire conduire dans vne caracore à l'Isle d'Amboyno, en sorte qu'il y fut à temps, pour faire voile avec le nauire de Malaca. Le Pere voyant qu'il ne perdoit pas son temps à Ternate, interina leur requeste, & demeura trois mois encore avec eux, autant que la premiere fois; durant lesquels il s'employa de mesme façon qu'auons dit cy dessus; & particulièrement il ayda lors ceux, qui estoient en plus grande necessité, tant spirituelle que corporelle, trouuant pour ceux-cy de bonnes & grosses aumônes, lesquelles il leur distribua secrettement, ayant esgard

Le P. Xa-
uier s'en
retourne
aux Mo-
luques.

Il s'ar-
re-
ste autres
trois mois
à Ternate

*Moyen
singulier
pour in-
struire les
femmes
des Por-
tugais
en la foy.*

tant à la modestie de ceux, qui les donnoient, qu'à la honte de ceux, qui les receuoient. Il inuenta pareillement vn moyen, qui fut de grand profit, pour les femmes des Portugais: lesquelles ayant esté toute leur vie nourries au Mahometisme, ou Paganisme, s'estoient conuerties à la religion Chrestienne, pour estre espousées par les Portugais. Car quand il fut la premiere fois à Ternate, voyant que plusieurs d'iceux viuoyent en perperuel concubinage avec leurs esclaués, il leur persuada de les prendre à femmes, ne les pouuant autrement separer d'avec elles. Et pource que la plupart estoient Infideles, afin de se pouuoir marier avec les Portugais, elles auoient receu le baptesme; neantmoins quant à la cognoissance des mysteres, & autres choses appartenantes à la foy Chrestienne, elles n'en auoient gueres plus qu' auparauât. Or comme les sermons ordinaires que le Pere faisoit aux Portugais, esquels elles se trouuoient avec leurs maris, ne profitoient de rien en leur endroit, à cause qu'elles n'estoient pas encore capables d'entendre les choses qu'il y traitoit; & quant aux sermons qu'il faisoit pour les autres Chrestiens du païs nouuellement conuertis, elles n'y venoient pas, tenant cela à deshonneur: il s'ensuyuoit qu'elles demouroient tousiours en leur ignorance; tellement qu'il y en auoit bien peu, qui se fussent confessées; & pas vne qui eust encore communié. Le Pere Xauier voyant cest inconuenient, excogita vn moyen, par lequel elles fussent instruites de leur salut, sans toutes-fois perdre leur rang, comme elles craignoient. Car il s'obligea de leur faire des sermons propres à leur capacité, deux fois la sepmaine, à sçauoir le Mercredy & Vendredy, là où il leur expliquoit les articles de la Foy, les Comandemens de Dieu, & les autres poincts de la doctrine Chrestienne, leur faisant apprendre par cœur le *Pater*, l'*Aue*, le *Credo*, & autres oraisons. Et comme elles estoient seules, elles faisoient à l'enuy l'vne de l'autre, qui apprendroit mieux, & plustost; de façon que dans peu de temps elles furent bien endoctrinées: & en y eut plusieurs, qui se rendirent capables de receuoir leur Createur aux festes de Pasques prochaines: cōme elles firent avec vne grande consolation de leurs maris, & beaucoup d'edification de tous les autres Chrestiens. Voila comme le zele ar-
dant du P. Xauier inuenoit tousiours de nouueaux moyens, pour

*Composé
vn petit
Catechis-
me.*

accroistre la gloire de Dieu, & auancer de plus en plus le salut des ames. Ce fut aussi lors qu'il composa en Portugais vn Catechisme ou briefue declaration de la doctrine Chrestienne, qui commence

ainsi

ainsi; Resiouïſſez vous Chreſtiens, de ſçauoir, & cognoître comme Dieu à créé toutes choſes, pour le ſeruiſſe de l'homme &c. laquelle à depuis couru par tout l'Orient, avec vn notable profit des Catechumenes. Auſſi eſt-ce vn Catechiſme qu'on eſtime beaucoup, pour eſtre ſorti de ceſte grande lumiere, que Dieu luy auoit communiquée, & de l'experïce qu'il auoit de ce, qui eſtoit neceſſaire & conuenable de ſçauoir aux nouueaux Chreſtiens: & par ce on l'enſeigne preſque par tout l'Orient.

Mais ce en quoy il s'occupa principalement, durant ces trois mois derniers qu'il arreſta icy fuſt à pourchaffer la conuerſion du Roy de Ternate; lequel on nomme communement Roy du Moluques; peut eſtre par ce que c'eſt le principal de tous: car il tient non ſeulement l'Iſle principale des Moluques, qui eſt Ternate, mais auſſi deux autres, à ſçauoir Moutel & Maquien; & par aduanture eſtoit-il encore jadis Seigneur du reſte, & des Iſles de Banda, & d'Ambino, qui eſtoient du domaine du Moluque, comme nous auons dit. Le Roy donc de Ternate, qu'on nommoit pour lors Cazilen Aërio ayant eſté enuoyé priſonnier à Goa pour quelques charges, que luy mettoit ſus le Capitaine de la fortereſſe des Portugais, auoit eſté reſtabli par le commandement du Gouverneur Iean de Caſtro: lequel apres auoir examiné la cauſe ordonna qu'il ſeroit remis & reſtitué en ſon Royaume: & condamna le Capitaine, qui l'auoit conſtitué priſonnier de luy payer toutes les pertes & deſpés, qu'il auoit faites à ceſte occaſion, comme nous dirons plus amplement au ſecond liure. Or comme le P. Xauier fut de retour de l'Iſle du More, & qu'il le trouua reſtabli, voyant combien importoit ſa conuerſion, pour le bien non ſeulement de ſes ſubieſts, mais auſſi des autres d'alentour, taſcha par tous moyens de l'attirer à la Foy Chreſtienne; car il eſtimoit que pour le moins tous ſes vaffaux tant Payens que Sarraſins le ſuyuroient ſans cōtredit, d'autant que les Mahometains ne ſont pas là ſi obſtinez en leur Loy, comme ailleurs: parce qu'ils n'ont pas chez eux guere de Caziques (qui ſont les Miniſtres de la loy Mahometane) & ceux encore qu'ils ont, ſont fort ignorans. Le Roy auſſi eſtoit pluſtoſt Sarraſin de mœurs, que de croyance, & ne tenoit autre choſe du Mahometiſme, que la circoncifion & la pluralité des femmes. Car il auoit eſté circoncis des ſon jeune aage, & s'eſtoit deſja marié auec cent femmes, outre vn grand haras & nombre de concubines qu'il tenoit en ſon ferrail. Conſiderant donc le P. Xauier d'un coſté l'im-

*Tafibede
conuertir
le Roy de
Ternate
ou du Mo-
luques.*

portait de ceste conuersion, & de l'autre estimant qu'il n'y auroit
 pas trop grande difficulté, trauailla fort pour le gagner à nostre
 Seigneur; & du commencement avec quelque espoir d'en venir à
 bout à raison de l'affection singuliere, que le Roy luy portoit, pour
 „ l'opinion grande qu'il auoit de sa saincteté, Si belle est la vertu que
 „ ceux-là mesmes l'ayment qui ne la veulent auoir pour foy. Le Roy
 se plaisoit tant a parler & traicter avec lui, que ses plus intimes &
 familiers de la mesme secte de Mahomet commençoient à s'en
 formaliser, & à luy en vouloir mal, où en estre faschez, craignans
 qu'il se fist Chrestien. Mais ores que le Pere luy tint souuent pro-
 pos des choses de la Religion Chrestienne, & qu'il l'escoutast volon-
 tiers, comme Herodes prenoit plaisir d'entendre S. Iean Baptiste,
 toutesfois la mesme cause qui empescha cestui-la de se recognoi-
 stre, destourna cestui-ci de se conuertir, à sçauoir la volupté, & ceste
 liberté effrenée de la chair, qui est permise selon la loy de Maho-
 met, mais qui est directement contraire à la pudicité & honnesté-
 té, que commande la Religion Chrestienne. De maniere que le Pe-
 re ne peut rien gagner sur luy, de ce qu'il esperoit pour sa conuer-
 sion. Il est bien vray que le Roy luy promit de bailler vn de ses en-
 fans pour estre instruit en la Foy Chrestienne, & apres baptizé;
 moyennant que le Gouverneur des Indes pour le Roy de Portugal
 establir son dit fils Roy des Isles du More. Mais il n'accomplit pas sa
 promesse: car apres que le Pere eut obtenu de Don Ieã de Castro,
 qui estoit lors Gouverneur, l'investiture de ce Royaume pour son
 fils, quand il seroit baptizé, le Roy ne le voulut point bailler, ains se
 declara ouuertement ennemy de nostre sainte foy; faisant confis-
 quer les biens de ses vassaux, qui l'auoient embrassées; & les bannis-
 sant de ses terres, s'ils ne la quittoient. Or bien que le Pere ne peut
 rien aduancer en son endroit, si fit il beaucoup de fruct enuers ses
 vassaux; car il en baptiza vn bon nombre, encore ceste fois, & entre
 autres deux sœurs du mesme Roy, lesquelles quelque temps apres
 quand leur frere se banda contre les Chrestiens, endurerent beau-
 coup d'afflictions, pour ceste cause: & neantmoins perseuererent
 tousiours constamment en la Confession de la foy. Il auoit aussi
 gagné deux nepueus du Roy fils de deux autres sœurs d'iceluy:
 mais ils n'eurent pas le courage de se declarer, pour crainte de leur
 oncle; combien qu'ils baillerent leurs enfans, pour estre baptizez.
 Au demeurant, le Pere disposa tellement les Ternatins, qu'il esti-
 moit que s'ils auoient là quelques gens de grand zele & de vie ex-

Il n'y
 aduance
 rien.

Il con-
 uertit plu-
 sieurs de
 ses vas-
 saux, mes-
 me deux
 sœurs du
 Roy.

emplaire; qui les aydassent à se conuertir, bien qu'ils n'eussent pas tant de sçauoir ny si grand talent de prescher; neantmoins ils ameneroient à la bergerie de nostre Seigneur dans peu de temps non seulement les Payens & Sarrazins, qui restoient à Ternate, mais encore les habitans des autres Isles voy fines, qui sont presque innombrables. Car en ceste mer là il ya vne infinie d'isles esparées d'un costé & d'autre tout au tour des Moluques, qui sont situées quasi au milieu de tout ce monde d'Isles, & pour raison des cloux de girofle, sont les plus hantées des marchans de ces quartiers là. Pour toutes ces considerations & quelques autres, le P. Xavier eut desir d'auoir là vne maison ou lieu de residence, pour loger ceux de la Compagnie de Iesvs, qu'il auoit enuie d'y mander. Ce qu'ayant

*Il fonde
vne mai-
son de la
Compag.
à Ternate*

faict sçauoir aux Portugais, qui estoient lors à Ternate, ils en furent si aises, & si contents, que tout aussi tost ils acheterent vne place tout contre les murailles de la forteresse, pour y bastir vne maison, qui seruit d'habitation à ceux qu'il y enuoyeroit. Et ceste cy fut la seconde ou troisieme place, qui fut donnée à ladite Compagnie en ces quartiers des Indes, d'où l'on a recueilly de grands fruiçts, pour le salut des ames, comme nous dirons au second liure.

Cependant la saison pour faire voile vers Malaca estant proche, il voulut s'embarquer pour tirer droit à l'Isle d'Amboyno, là où le nauire du voyage l'attendoit: mais parce qu'il se doubtoit de ce qui aduint, à sçauoir que les Chrestiens de Ternate tant Portugais, que originaires, sçachans son depart ne s'en vinssent au port, & avec leurs pleurs & lamentations luy causassent de la tristesse, il voulut s'embarquer de nuict. Toutesfois cela ne luy seruit de rien: car les autres en ayant senti le vent, s'en coururent tous à la foule, de nuict au port; tellement qu'il fut surprins d'iceux. Vous eussiez veu les vns se ietter à ses pieds, pour luy demander sa benediction, les autres l'embrasser & l'estreindre avec grande affection: d'autres se mettre à trauers, quand ils vouloient passer outre: le reste l'environnoit de toutes parts: & tous se lamentoient pleurans à chaudes larmes de ce qu'il les laissoit. Lors (dit-il en vne de ses lettres) ce nocturne depart & delaissement des enfans, que i'auois engendré à Iesus-Christ, m'esmeust de telle sorte, que i'auois grande peur, que cela n'apportat quelque dommage à leur salut. Partant ie leur recommanday de s'assembler tous chasque iour en vne certaine Eglise, ou ils s'exercassent soigneusement au Catechisme, & que les nouueaux Chrestiens aprinsent ceste briefue explicatiō

*Pleurs &
lamentations des
Ternatins au
depart du
Pere.*

*“ Liu. 2.
“ ep. 6.*

„ du Symbole des Apostres, que ie leur auois laissée. Vn bon Prestre
 „ qui estoit là, & m'affectionnoit fort, me promit qu'il employeroit
 „ deux heures chascue iour à les instruire, & vne fois la sepmaine
 „ feroit quelque sermon, ou exhortation aux femmes des Portugais,
 „ sur les articles de la Foy, & des Sacremens de la Confession & Cõ-
 „ munion. Ayant donc mis vn tel ordre aux affaires, il monte au na-
 „ uire, & se met à la voile: mais lors il s'esleua vn si grand cry de tou-
 „ te ceste populace, accompagné de pleurs & lamentations si pi-
 „ toyables, qu'elles luy faisoient fendre le cœur. Car si les Ternatins
 „ porterent tousiours grande affection au Pere, ils l'affectionnerent
 „ sur la fin encore dauantage. Aussi le bien est semblable au fruct,
 „ qui est plus sauoureux, quand il s'en va, que quand il vient.

Or pendant son voyage de Ternate à Amboyno, comme il tra-
 uerfoit ce golfe de mer, qui est entre deux, dans vne caracore en
 compagnie de quelques Portugais ayans le vent en pouppe, & de-
 uisans tous ensemble fort ioyeux & contens, le Pere assis au milieu
 d'eux, voylà qu'il se leue soudain en pied, comme en sursault, &
 prenant avec les deux mains sa robbe en deschire vne piece à l'en-
 droit de la poictrine; & au mesme instant le visage & les yeux tous
 enflammez tournez du costé de la proüe il se met à crier tout
 haut, & d'une voix lamentable I E S V S, I E S V S! (dit-il) ces
 hommes! qui tuent ces hommes! Ceux qui estoient presens tous
 estonnez d'un tel esmoy, le vont incontinent saisir, & luy deman-
 dent ce qu'il auoit. Mais aussi tost il reuint à soy, & comme si rien
 ne fut aduenü de nouueau se rasseoit. Les autres desireux de sça-
 uoir ce qui l'auoit ainsi esmeu, s'en enquierent de rechef: mais il
 leur dit qu'ils ne fissent point cas de cela; puis continue le discours
 qu'ils auoient entamé avec autant de repos & tranquillité d'esprit,
 qu'auparauant. Le lendemain comm'ils eurent prins port à l'Isle
 d'Amboyno, ils sçeuvent que les voleurs auoient tué le iour prece-
 dent quelques Portugais sur le bord de la mer: & confrontâs l'heu-
 re en laquelle cela auoit esté fait, avec celle, que le Pere auoit eu
 ce sursaut, ils trouuerent que c'estoit la mesme: & de là ils tirerent
 que l'esprit de Dieu luy auoit reuelé ce, qui se passoit de si loing;
 dont ils resterent avec plus grande opinion de sa saincteté, que
 deuant, & sur tout fort edifiez de son humilité.

*Il void
 par reue-
 lation di-
 uine va-
 meurtre
 cõmis biẽ
 loing de
 là ou il
 estoit.*

*Il se iour-
 ne à l'Isle
 d'Amboy-
 no, & ce*

Or ayant trouuë au port d'Amboyno quatre nauires de Portu-
 gais chargées de marchandise, afin de les ayder plus commodement
 les choses de leur salut, il fit dresser sur le riuage mesme vne petite

chapelle de bois, pour y dire la Messe, & aupres d'icelle vne caban-^{qu'il y fit} ne de soarre pour se loger durant ceste vingtainne de iours, qu'il de-^{durant ce} uoit s'arrester là. Il leur preschoit tous les Dimanches & iours de ^{sejour.} feste, qu'il y eust pendant ce temps là, & les esmeut tellement qu'ils se vindrent confesser tous à luy; dont il en reconcilia plusieurs, qui estoient auparauant ennemis. Je n'oublieray pas icy vne chose, qui luy aduint vn iour en preschant; c'est qu'estant au milieu de son sermon il s'arresta vn peu, & dit à ses auditeurs qu'ils se missent à genoux, & recitassent vne fois le *Pater* & l'*Aue* pour l'ame de Iaqués Giles, qui estoit trespasé à Temate: là ou neantmoins il l'auoit laissé peu de iours auparauant sain, & bien dispos; & depuis n'estoit venu aucun, qui eust apporté nouuelles de sa mort. Mais comme ils auoient delia fait experience plusieurs fois de la verité des choses, que le Pere leur annonçoit, ils n'en doubterét aucunement: & auant que partir de là arriuerent nouuelles de Temate, comme ce Portugais estoit decedé au mesme temps que le Pere leur auoit dit cela. Pendant ce sejour qu'il fit à Amboino il visita de nouveau les Chrestiens originaires du païs, & baptisa plusieurs de leurs enfans, accorda quelques differents, qu'il y auoit entr'eux, donna ordre qu'on accommodat quelques Eglises, & en bastit d'autres, fit aussi planter quelques croix, en vne desquelles il pleust à Dieu monstrier sa toute-puissance par plusieurs miracles, qui s'y sont faits comme nous dirons au second liure.

Après donc que le P. Xavier eust esté quelques 20. iours à l'Isle d'Amboino, cōme il fut question de s'embarquer pour tirer droit ^{Il para} à Malaca, les Officiers du nauire du Roy, qui estoit entre ceux là, ^{d'Amboy-} & deuoit faire voile au mesme lieu, le prioient instāment de vou- ^{us, et ar-} loir se mettre dans iceluy, car il estoit le plus asscuré de tous, & le ^{riue à Ma-} mieux equipé, à raison dequoy ses plus intimes amis s'y estoient ^{laca.} embarquez, & le supplioient fort de se mettre avec eux. Mais il n'y eust iamais ordre de l'y faire entrer; car il dit par trois fois au Capitaine du nauire Gonçale Fernandes, qu'il se craignoit que Dieu ne le chastiat, & qu'il ne se trouuast durant ce voyage en grand danger. Comme de fait il aduint. Car estans partis tous ensemble, arriuez qu'ils furent au destroit de Saban, ce seul nauire vint a heurter contre vn rocher, là ou tous les ferremens du gouuernail se rompirent, & peu s'en fallut qu'il ne perit du tout; mais celuy du Pere eust plus heureuse navigation, & arriua sans aucune mauuaise rencontre à Malaca.

*ESTANT DE RETOUR A MALACA IL FIT
entre autres choses equiper, & armer une flotte contre les Achenois.*

CHAPITRE XVI.

LE P. Xavier estant arriué à Malaca y trouue trois de la mesme Compagnie, lesquels y estoient venus par son commandement. Car estant la premiere fois à l'Isle d'Amboino, il manda que deux Peres de ceux, qui trauailloient à la coste de la Pescherie, s'en vinsent le trouuer aux Moluques; c'estoient les Peres Iean de Beyra, & François Mansilla. Mais le dernier eust quelques empeschemens, qui le destournerent de faire ce voyage, tellemēt que le P. Iean de Beyra partit seul de la coste, pour s'en retourner à Goa, où il s'embarqua dans le nauire du Roy, qui faisoit voile aux Moluques; & avec luy deux autres de la Compagnie; à sçauoir le Pere Nugnes Ribera, & vn second, qui n'estoit pas encore Prestre nommé Nicolas Nugnes. Ces trois donc estoient arriuez à Malaca vn mois deuant, que le P. Xavier n'y abordat venant des Moluques. Leur entreueüe n'apporta pas moins de consolation aux vns que aux autres. Car d'un costé le Pere en fut extremement aise, parce que c'estoient les premiers de la Compagnie, qu'il eust veu en ces quartiers là, depuis son arriué & de ses compagnons. De l'autre aussi, comme le bruit des œuvres merueilleuses, que le P. Xavier faisoit, couroit desia non seulement par toute l'Inde, ains encore en plusieurs endroits de l'Europe, avec grāde gloire de Dieu, & reputation de la Compagnie, les Religieux d'icelle sur tous desiroient grandement le voir, comme vn miracle de ce siecle; mais ceux qui l'auoient cogneu de plus pres trouuoient encore moindre l'opinion qu'ils en auoient conceu, la conferans avec ce qu'ils remarquoient en luy, cōme nous pourrions monstrier par le tesmoignage de plusieurs grands personnages, qui ont traité avec luy familièrement, ne fut que ce seroit excéder les limites de la briefueté, que nous pretendons garder. Apres donc qu'il les eust bien instruits de ce qu'ils deuoient faire, leur baillant de tresbons documents, pour se cōporter deuēment en procurant le salut du prochain, & s'aduan- cer eux mesmes au chemin de la vertu, il les enuoya tous trois aux Moluques, restant lui seul avec son ancien compagnō Iean d'Eyro, qu'il ramena d'Amboino, où il l'auoit laissé, tandis qu'il fit les voya- ges des Isles de Ternate & du More. C'est ce ieune marchand, qu'il conuertit en la ville de S. Thomas, comme nous auons dit cy des-

*Trois de
la Comp-
gnie sont
enuoyez
aux Mo-
luques.*

sus, d'où il le mena quant & soy à Malaca, & puis à Amboino, non
 pas qu'il le receut en la Compagnie, mais le tenant seulement au
 lieu de disciple & compagnon de ses peregrinations. Or estant de *Jean d'Ey*
 retour à Malaca il print sans congé du Pere quelque somme d'ar-*re relegué*
 gent, que luy donnerent les Portugais pour les necessitez du Pere:
 lequel ayant sceu la chose, s'en ressentit fort, & priijt cela, comme
 vne grande injure faite à sa mere la saincte pauvreté: si bien que
 jaçoit qu'il n'eust pas accoustumé de donner de griefues peniten-
 ces à ceux, qu'il gouernoit, ou confessoit, encore qu'ils fussent
 grands pecheurs: toutesfois il ne se cōtenta pas en cestuy-cy de l'a-
 uoir griefuement tancé, mais outre ce il l'entroya ainsi qu'un banni
 hors de sa compagnie en vne Isle deserte, qu'il y a tout aupres du
 port de Malaca, nommée l'Isle des Nauires, pour y faire penitence
 de son peché, iusques a tant qu'il le r'appellat. Estant là il eust vne *Il eut la*
 vision ou representation, ne sçachant si ce fut où en dormant, où *vne vision*
 en veillant, comme il a déclaré au tesmoignage qu'il donna lors *remar-*
 qu'on prenoit information des gestes du P. Xavier apres son de- *quable.*
 ces. Il dit donc qu'il luy sembloit, qu'estant dans vne belle Eglise
 il voyoit en la chappelle maistresse ou principale d'icelle, la vierge
 M A R I E assise avec grande Majesté, ayant aupres de soy son cher
 enfāt le petit I E S U S, beau à merueilles, qui le prenoit par la main
 & le menoit à sa mere; mais la Vierge le repoussoit, & ne vouloit
 permettre qu'il s'approchat d'elle. Non pas que la mere de miseri-
 corde rejette, ou puisse rejeter aucun de ceux que son Fils luy
 amaine pour estre mis sous sa particuliere protection & sauuegar-
 de: mais c'est pour monstrier que sans la pureté & netteté de l'ame
 l'on ne peut plaire ny a la mere ny au fils, bien que souuēt par l'en-
 tremise de la vierge, Dieu nous faiēt cognoistre nos fautes pour
 nous en emender. Et que ce fut l'occasion du rebut de Jean d'Eyro,
 ce qui s'ensuyuit le declare assez. Car estant fort desolé & en gran-
 de perplexité d'esprit, pour se voir ainsi repoussé de la Vierge, elle
 luy tint quelques propos sur certaines choses, à celle fin qu'il eust
 soing de s'en amender. Ayant ouy à genoux ce que la Vierge luy
 remonstroit, il luy semble qu'elle se leua & sortit de la nef de l'E-
 glise, & tout aussi tost la vision disparut. Or apres qu'il eut demeuré
 là quelque temps, comme exilé, le Pere le rappelle à soy, à fin qu'il
 ne demeurast trop long temps sans le remede de la Confession: la-
 quelle il fit au Pere sans sonner mot des fautes que la Vierge luy
 auoit remonstré, selon qu'il a dit luy mesme en sa deposition. Le

Pere luy demande pour lors ce qu'il auoit veu en ceste Isle, où il l'auoit enuoyé. Au commencement le ieune homme trouuoit estrange cest interrogat, pensant que le Pere ne pouuoit sçauoir ce, qui s'estoit passé en ceste vision. Mais comme le Pere insistoit à luy faire la mesme demande avec vn visage graue & seuer, il se troubla vn peu; persistant neantmoins en sa negatiue, il dit tousiours qu'il n'auoit rien veu, iusques à ce que le Pere luy raconte de poinct en poinct tout ce qui luy auoit esté représenté. Lors ce ieune homme se trouua si confus & si estonné, qu'il estoit quasi hors de soy, cognoissant mieux que iamais (à ce qu'il dit) comme Dieu estoit avec le Pere, & luy auoit reuelé ces choses, qu'il n'auoit iamais descouuert à personne; dont s'estant reconnu, il fit de nouveau sa confession plus entiere: en laquelle il declara tout ce qu'il y auoit en ce fait, & ressentit apres icelle vne tres-grande consolation en son ame. Ce neantmoins le Pere le congédia de là à peu de temps, & luy dit (prophetisant ce qui luy aduiendroit) qu'il prendroit l'habit de S. François, bien qu'il n'y pensast pas pour lors, & y finiroit ses jours; comme il aduint aussi. Car quand il deposa ce que dessus, il estoit de l'ordre de saint François, auquel il vesquit assez long tēps avec vn fort bon exemple, & y finit heureusement sa vie.

Après donc que le P. Xavier eust ainsi enuoyé tous ses compagnons, il resta seul avec le fais de tous les traualx sur ses espaules: lesquels furent ceste seconde fois qu'il s'arresta à Malaca beaucoup plus grands que la premiere; parce que l'opinion qu'on auoit conçeuë de sa vertu & sainteté, estant beaucoup plus grande, vn chacun desiroit se confesser à luy, & traicter des affaires de sa conscience avec luy. Mais d'autant qu'il estoit impossible de satisfaire à tous, il en restoit quelques vns de mal contents. Ce que (dit-il) j'endurois volontiers, voyant que la cause d'un tel desplaisir estoit de ce, qu'ils estoient desplaisans, & marris de leurs pechez. Icy tout de mesme qu'à Ternate, il adjousta à ses ordinaires occupations, celle d'instruire és mysteres de nostre S. Foy les femmes des Portugais habitans de Malaca, qui en auoient autant de besoing, que celles de Ternate. Je ne diray rien icy de ses accoustumez exercices du catechisme des petits enfans, du seruice des malades de l'hospital, des predications ordinaires deux fois le iour és Dimanches & festes, de son austerité de vie, de l'assiduité en l'oraison, & autres choses semblables: car il faisoit le mesme en cela, qu'au parauant, & si gardoit encore ceste coustume, qu'il auoit premierement instal-

lée

Le P. Xavier la lui raconte & il y eut esté present.

Le cōgre- die luy predisant ce qui luy aduint.

Occupations du Pere Xavier à Malaca.

Fp. 6. lli. 2.

lée à Malaca, d'aller tous les soirs par les ruës avec vne clochette en la main, qu'il sonnoit, aduisant vn chacun de prier Dieu pour les ames des trespassez, & pour ceux qui estoient en estat de peché mortel. Seulement je remarqueray icy en passant ce qu'il à touché en la susdite lettre, qu'il accorda icy beaucoup de differens, & assoupit plusieurs inimitiez qu'il y auoit parmy les soldats Portugais, comme c'est l'ordinaire entre gens de guerre.

Mais ce qu'il fit de plus remarquable à Malaca, & qui apporta plus de gloire à la nation Portugaise, que toute autre chose, qui aduint de ce temps-là, fut ce que je m'en vay raconter à cest heure, ayant au prealable donné quelque cognoissance des lieux, desquels il nous faut traicter, & specialement de l'Isle de Sumatra, qui est vis à vis de Malaca, vers le Sud. Ceste Isle donc selon l'opinion de quelques vns, est celle, qui fut appellée des anciens, Taprobana; Description de l'Isle de Sumatra. mais nous monstrerons au 2. liure, qu'il est plus vray-semblable, que ce soit l'Isle de Ceilan; & partant je suis plustost de l'opinion de ceux, qui estiment que ceste Isle Sumatra est celle, que les anciens Grecs nommoient *Χερσὴν Χερσόννησον*, & les latins *Aurea Chersonesus*, c'est à dire, terre presque-Isle d'or, à cause qu'elle est tres-abondante en richesses, & principalement en minieres d'Or, de Cuiure, d'Estain, & d'autres mineraux. Ses richesses. Il en y a aussi qui assurent qu'au Royaume de Pacen, qui est en ceste isle, se trouue vne fontaine, de laquelle coule vne certaine espeece d'huyle. Les bois portent le Sandal blanc, le Benjoin, le poiure long & commun, le gingembre, la canelle: & outre ce il y a si grande quantité de soye, qu'on en charge plusieurs nauires, pour la porter en diuers quartiers de l'Inde. On l'appelloit iadis Peninsule, ou presque-Isle, parce qu'elle estoit ioincte avec la terre ferme de Malaca, comme iadis la Sicile Sumatra presque-Isle est à present du tout Isle. avec l'Italie; mais à present il y a vn destroiët entre l'une & l'autre, avec deux canaux nauigables, l'un appellé de Sincapura, pour raison du Cap de Sincapura, ou il commence du costé du Levant, l'autre nommé le canal de Saban, à cause d'une petite Isle, qui est entre Sumatra & la terre ferme de Malaca, portant ce mesme nom, du costé d'Occident. De maniere que maintenant Sumatra n'est plus presque-Isle, mais du tout Isle, & encore fort grande. Car de longueur, elle contient deux cens & vingt lieues, & en sa plus grande largeur soixante & dix. La ligne que les Geographes appellent Equinoctiale, la tranche en biais par le mitan. Sa poincte plus Occidentale, est à 4. degrez & trois quarts de hauteur Septentrionale

& la plus Orientale a six degrez de l'Australe, là où elle est voisine d'une autre Isle fort grande, qu'on appelle communement Iaua Major: car il en y a une moindre, nommée Iaua minor. La première d'ice est si proche de l'Isle du Sumatra, qu'il n'y a entre-deux qu'un petit destroit de 15. lieues de large, qu'on nomme le destroit de Sunda: par ce que par iceluy l'on va à un haure fort hanté des marchands, qui est en l'Isle Iaua major, appelé Sunda. Ce destroit (suyuant l'opinion de ceux, qui estiment que jadis Sumatra estoit jointe à la terre ferme de Malaca) est celuy, par lequel passoyent tous les nauires, qui faisoient voile de l'Inde & autres lieux plus occidentaux vers les quartiers plus Orientaux, comme sont les Moluques, la Chine, & autres, ou au contraire. Mais reuenant à l'Isle de Sumatra il faut sçauoir, qu'elle n'est pas toute sous la puissance d'un seul Seigneur, ains quand les Portugais y aborderent du commencement sur la

*29. Roy-
aumes sur
la coste de
Sumatra.* seule coste de mer, ils trouuerent 29. Royaumes, dont les plus grâds & principaux estoient ceux de Pacen & de Pedir, tous deux situez du costé Occidental de l'Isle. Et celuy de Pedir estoit le premier,

tant en la situation qu'en la grandeur & antiquité, sur la mesme coste Occidentale de l'Isle. Un peu plus bas vers le Sud, il y a une ville nommée Achen, laquelle du temps que les Portugais prirent Malaca, estoit gouvernée par un esclaue ou serf affranchi du Roy de Pedir, qui luy auoit baillé ceste ville pour la garder; ce qu'il fit si bien, qu'il s'en rendit maistre absolu, & non seulement de la ville d'Achen, mais aussi du Royaume de Pedir, qui estoit à son Seigneur, voire encore de celuy de Pacen, là où les Portugais auoyent une forteresse, que cestuy-cy leur fit quitter, & fut la première, qu'ils perdirent en ces quartiers-là. Somme que cest esclaue se rendit si puissant, qu'il occupa le meilleur de l'Isle de Sumatra, & par le moyen des grandes richesses qu'il amassa, & de la hantise qu'il auoit, à cause du commerce, avec les Mahometains Guzarates, Arabes, Persans, & Turcs, desquels il tient à sa soulde un bon nombre, il mettoit de puissantes armées navales sur mer, avec lesquelles il a donné souuent des affaires aux Portugais de Malaca. J'ay fait ce discours à l'occasion d'une flotte, qu'il enuoya l'an 1547. contre Malaca, lors que le P. Xavier y estoit. Car voulant

*Fait la
guerre
aux Por-
tugais de
Malaca.* empescher, que les nauires, tant du trafic que des viures n'y abor-
dassent, pour contraindre par ce moyen les habitans de se rendre à luy (car ils n'ont moyen de viure sans cest abord) il fit armer une
flotte, en intention d'aller bastir une forteresse sur la coste du Roy-

aume de Queda, qui est vn peu plus bas, que celuy de Sion, afin que de là il peut surprendre les nauires, qui viendroient de Pegu, de Bengala, & d'autres Royaumes du Ponant vers Malaca, delibéré de mettre à mort tout autant de Portugais & Chrestiens, qu'il rencontreroit. Il y auoit en ceste flotte soixante nauires, ou grands vaisseaux, tous bien munis d'artillerie, & de grosses pieces de canon, sans compter vn grand nombre de barques, & autres petits vaisseaux, fournis à proportion du gros de l'armée. Les seuls combattans, outre les mariniers & autres gens de seruice, estoient cinq mille, tous gés d'élite: entre lesquels il y auoit cinq cens Cheualiers de l'Ordre du Roy, qu'on appelloit Orobalons. Mais le plus fort de l'armée consistoit en vn bon nombre de Turcs & Ianissaires, lesquels peu de temps auparauant, estoient abordez à Paçen, dans deux nauires de charge, & s'estans trouuez là tout à propos pour estre de la partie, ils en furent bien aises, esperans y gagner beaucoup d'honneur & de butin. L'admiral de ceste flotte estoit vn meschant Sarrazin, sur lequel le Roy d'Achen mettoit toute l'esperance de ceste entreprise, & l'affectionnoit tellement, qu'il luy auoit donné le tiltre de Roy de Pedir. Cestuy-cy, bien qu'il n'eust autre charge, que d'aller attendre les nauires, qui viendroient du costé d'Occident vers Malaca; & de bastir vne forteresse en quelque lieu propre de ceste coste, y laissant vne bonne garnison de soldats & de nauires, qui fissent des courses sur mer, & empeschassent le chemin susdit: toutesfois deuât passer bien pres de Malaca, pour donner comme vn desieuner à ses nouueaux hostes les Turcs & Ianissaires, qui sembloient estre en appetit, il resolut de donner vne attaque à la ville, fuisse où par brauade, où avec espoir d'en venir à bout. C'estoit le neufiesme du mois d'Octobre, sur les deux heures apres minuiet, qu'ils arriuerent au port de Malaca, ayans le temps le plus fauorable, qu'ils eussent peu souhaiter: car la nuit estoit fort obscure, & pluuieuse, & lors que les habitâs songeoient moins à estre assaillis, car ils n'auoient esté aucunement aduertis de la venuë des ennemis. Toutesfois Dieu voulut, qu'on s'en print garde, & qu'vn chascun se mit en deffense, de maniere qu'vne partie des barbares, qui estoient venus du costé de la terre, pour donner l'escalade, furent brauement repoussez, & s'en retournèrent plus viste, qu'ils n'estoient venus, dans leurs nauires. Mais ceux qui estoient sur mer, assaillirent les vaisseaux, qui estoient à l'ancre, jetans dedans force grenades, pots à feu, & autres artifices semblables,

*Enuoye
contre i-
ceux vno
grosse flot
te.*

*La ville
de Mala-
ca assail-
lie des A-
chenois.*

pour les faire brusler; de façon que l'on tint com ne pour miracle, que tous ne fussent réduits en cendre; attendu qu'il n'y avoit que fort peu de gens pour les deffendre, lesquels avoient affecté à faire d'esteindre seulement le feu. Si est-ce que les ennemis n'advinrent autre chose, que d'avoir inquieté les habitans de Malaca; & perdu leur poudre: combien qu'ils se retirèrent le matin avec autant de triomphe, que s'ils eussent gagné la victoire. Mais pour ne s'en aller, sans laisser quelques marques de leur cruauté & barbarie, ayans rencontré vn batteau, ou il y avoit sept pauvres pescheurs de

*Cruauté
& superbe
barbare
resque.*

Malaca; ils les prindrent tous, & leur couperent les oreilles & le nez, & à quelques vns encore les arteils des pieds; puis avec leur sang escriuient vne lettre au Capitaine de Malaca, superbe & arrogante à outrance; par laquelle ils luy donnoient le deffi, & à tous les Portugais, s'ils avoient le courage de les venir combattre. Ces pauvres pescheurs estans arriuez avec leur lettre, esmeurent grandement tous ceux, qui les virent si misérablement tronquez, tant à pitié & compassion, qu'à vn iuste courroux & indignation contre les ennemis, mesmement apres avoir ouy la lecture de la lettre toute pleine d'injures & outrages contr'eux; tellement qu'il n'y avoit aucun des Portugais, qui ne desirat venger le tort, fait à ces pauvres pescheurs, & avoir raison des injures, qu'ils receuoient de ces barbares. Tous estans esmeus comme cela, voicy arriuer le Pere Xavier, qui venoit de dire la Messe en l'Eglise de Nostre Dame du Mont. Le Gouverneur de Malaca, qui estoit lors Simon de Melo, le voyant de loing s'en val l'accueillir, & luy raconte ce que les ennemis avoient fait à ces pauvres pescheurs, & la teneur de la lettre, qu'ils avoient écrite, luy demandant son advis sur ce qu'il falloit faire en tel cas. Le Pere inspiré de Dieu, comme l'effet monstra par apres, dit que puis qu'on le requeroit de cela, son advis estoit, qu'il falloit au plustost equiper vne flotte des navires, qui restoient au port, & poursuivre hastiement l'ennemy, pour effacer l'ignominie, qu'on avoit receüe, & venger l'injure faite non seulement à toute la nation Portugaise, mais encore à Iesus-Christ, au deshonneur duquel toute ceste partie estoit dressée. Car avec ces Barbares (disoit-il) on perd plus de reputation, si on ne tasche de venger

*Le P. Xavier
c'est
le de pour
suisve l'en-
nemy.*

telles injures, que nō pas si les poursuivant on a du pire. A tout le moins il seroit bon, ce me semble, de les aller vn peu conuoyer, assaillant les vaisseaux, qui demeurēt derriere: à celle fin qu'ils payent l'escot, & ne soyent si hardis vne autre fois, que de venir et aquer

vostre forteresse, avec vn tel mespris. Et si vous faites cela; ils ne s'en yront pas si contens, & vous ne perdrez pas vostre credit & reputation. C'est ce que nous auons tous iugé (dit lors le Gouverneur) mais ce qui nous tient encor en branle, pour n'effectuer vne si sainte entreprise, c'est le peu de forces & de moyens que nous auons pour ce faire. Car il n'y a au port que sept fustes, la pluspart vieilles & pourries, & qui ne donneront pas moins de peine à raccoustrer, que d'en faire de neuues. D'ailleurs nous sommes trop peu de gens, eu esgard à la multitude & puissance de nos ennemis, & ne pouuons si tost mettre en armes nos allies; & ce qui est le principal, auons faute de munitions de guerre & d'argent, qui est le nerf d'icelle. Le Pere ayant escouté ces raisons; Et bien (dit-il) est-ce là ou gist toute la difficulté? Or sus puis qu'il s'agist icy de l'honneur & gloire de Iesus-Christ mon Sauueur & Seigneur, ie prens la charge (si telle est vostre volonté, Monsieur le Gouverneur) de faire mettre en ordre & armer en brief ces fustes, que vous dites estre si gastées & inutiles. Le Gouverneur luy ayant respondu qu'il en estoit content: le Pere iette les yeux sur vne troupe de Capitaines & soldats qui estoient là presens, & leur parle en ceste sorte: Dieu est de nostre costé (mes bons amis & freres, Cheualiers & soldats de Iesus-Christ) ie vous aduise de sa part, qu'il ne faut pas que vous ayez crainte de vous enrooller a vne si sainte guerre, à laquelle il vous semond & appelle. Quant à moy, ie m'offre d'estre de la partie, & vous veux tenir compagnie, employant mes armes, qui sont la sainte croix, contre les ennemis de la Foy. Car sans doute nous vaincrons, soit que nous mourions, soit que nous emportions la victoire. Ces paroles esmeurent tellement les soldats, qu'il n'y eust celuy, qui ne voulut s'enrooller à vne si sainte expedition. Le Gouverneur bien aise (ce sémbloit) de voir l'enuie, que les soldats auoient d'aller à la guerre, esmeus & incitez par les propos du Pere, luy laisse faire tout ce qu'il voulut. Estans donc allez de ce pas à la riuere, veoir les nauires, qui estoient aux ancrs, ils n'en trouuēt que sept, & vne petite barque, qu'on appelle Catur, despourueuē quasi de tout l'appareil necessaire, pour faire la guerre: & le pis estoit qu'aux magazins du Roy, il n'y auoit ny estoupes, ny resine, ny poix, pour calfeutrer les nauires; & toutes autres choses requises en tel cas manquoient. Outre ce dans l'Arcenal il n'y auoit ny armes, ny poudres, ny autres munitions de guerre, & le principal de tout, l'argent defailloit. Car il n'y auoit pas vn denier, dans les cof-

*Appareils
de guerre
inacquēt.*

Le P. Xav^{ier} f^{res} du Roy, pour fournir aux despens & à l'achapt des choses nécessaires. Le Pere aduerti de tout cela, si tost qu'il fut arriué au port, & eust veu que les nauites estoient si gastez & mal en poinct, & tournant les yeux d'un costé & d'autre, pour voir les assistans, il en choisit sept de la troupe, tous gens d'honneur & de moyens, & qu'il cognoissoit affectionnez au service de Dieu, & de leur Prince, & les appellent chascun par son nom : Mon bon Seigneur & amy (disoit-il à l'un) voicy le nauire, qu'il faut que vous me rendiez, le plustost que faire se pourra, bien equipé & armé, pour faire ceste expedition, à l'honneur de Dieu, & pour le service de vostre Prince. Puis s'adressant à un autre ; Et voicy le vostre, luy disoit-il ; & ainsi consecutiuelement, iusques à ce qu'il les eust tous despartis. Eux bien aises d'auoir eu cest honneur, que d'estre ainsi choisis entre tous les autres, & nommez par le Pere, pour vne si loüable entreprife, luy promirent fort volontiers d'exccuter promptement ce qu'il leur commandoit. Luy extremement aise de voir leur bonne volonté, les embrasse trestous, & leur promet de la part de Dieu, qu'il leur rendroit le centuple de ce qu'ils auroient despendu en un si bon oeuvre. Or ils s'y affectionnerent tellement, que chascun d'eux auant que partir du port, mit plus de cent hommes à travailler apres le nauire qui luy estoit assigné : & dans cinq iours toutes les fustes furent prestes & en bon equippage ; ce qu'on estimoit ne pouuoir estre fait dans un mois. Le Gouverneur nomma pour Admiral de ceste flotte, François Deça, son gendre, & apres luy son frere, George Deça, puis consecutiuelement tous les autres Capitaines, qui furent les suyans, à sçauoir Iaques Pereyra, Alphonse Giles, Melchior de Segueyra, Iean Soarez, & Gomez Barret, à chascun desquels il bailla son nauire, & le Catur à un nommé André Tofcan, marié à Malaca. Ils ne faisoient en tout, que cent quatre vingts Portugais. Le P. Xav^{ier} vouloit aller avec eux, cōme il leur auoit promis : mais les citoyens de Malaca s'assemblerent en corps, les principaux desquels avec les Confreres de la Misericorde furent deputez, pour aller trouuer le Gouverneur Simon de Melo, & luy remonstrer que si le Pere s'en alloit avec les soldats, & qu'il aduint quelque mesauenture à la flotte, ou à la ville, ils n'auroient personne qui les consolât & encourageât, & qu'il valoit mieux mettre à la risque toute la flotte, que la vie d'un tel personnage. Partant ils requeroient de la part de la ville, & du Roy aussi (veu que cela touchoit son service) qu'il retint le P. Xav^{ier}. Et à fin que leur requeste

*Diligence
mere des
beaux ex-
ploits.*

*Les Ci-
toyens de
Malaca
ne voult
permettre
que le P.
Xav^{ier} ac-
compagne
la flotte.*

eut plus de force, ils s'adresserent au Pere mesme, le supplians de ne
 les vouloir abandonner en tel danger. Le Pere desirant donner con-
 tentement & aux vns & aux autres, leur dit, que quant à luy, il de-
 siroit tenir compagnie aux soldats comme il leur auoit promis, &
 d'ailleurs aussi contenter ceux qui demeuroient à la ville. Que si
 cela ne se pouuoit faire, qu'ils s'accordassent entre eux, & aduisas-
 sent ce qui seroit le meilleur, & qu'il obeïroit à leur volonté. La
 chose ayant esté bien disputée en conseil de ville, il fut conclud &
 attesté que le Pere demeurerait: & mesme l'Amiral de la flotte fut
 de cet aduis. Le Pere donc estant aduertuy de leur resolution, fit as-
 sembler dans l'Eglise tous les Capitaines & soldats, qui deuoient
 aller à la guerre, & leur declara premierement le desir qu'il auoit
 de les y accompagner, selon ce qu'il leur auoit promis: mais que ce-
 la n'ayant pas esté trouué expedient, il les asseuroit qu'à tout le
 moins il les accompagneroit en esprit, & assisteroit de ses prieres &
 oraisons, puis que de corps il ne pouuoit estre avec eux, ny les en-
 courager de parole. Au reste qu'ils combattissent vaillamment, &
 employassent volontiers leur vie & leur sang pour l'amour de Je-
 sus Christ, qui auoit auparauant espandu le sien, & donné sa vie en
 l'arbre de la Croix pour l'amour de nous; & que durant la bataille,
 ils iettassent les yeux de l'entendement sur sa diuine face, toute
 couuerte de sang; sur son precieux chef couronné d'espines; sur ses
 sacrées mains, & pieds transpercez de gros cloux; sur son precieux
 costé, ouuert d'un coup de lance: en fin sur tout son sacré corps, de-
 chiré a coups de fouët, pour l'amour de nous; s'estimans bien heu-
 reux, s'ils pouuoient en contre-eschâge, endurer quelque chose pour
 son seruice, & finir ceste vie perissable pour son honneur & gloire,
 esperans au lieu d'icelle, en gagner vne éternelle. Ces paroles les es-
 chaufferent tellement qu'ils protesterent tous, & iurerent l'un a-
 pres l'autre solennellement, en presence de toute l'assistance, qu'ils
 iroient combattre les ennemis, resolu de vaincre, ou de mourir
 si besoing estoit, pour l'honneur & gloire de leur Sauueur. Le Pe-
 re voyant leur bonne volonté & sainte resolution, leur don-
 na mille benedictions, & pour les encourager dauantage appella
 ceste troupe, la bande des soldats de Iesus-Christ, lequel nom ils
 prindrent à grand honneur & gloire, comme de raison. Cela estant
 fait, il se mit à ouyr les confessions de tous ceux, qui deuoient aller
 à la guerre: & apres les auoir exhortés, & confortés avec la S. Communion
 du precieux corps du Fils de Dieu; puis leur fit faire à chascun

*Il encourage les
soldats à
combattre
pour le ser-
uice de
N.S.*

*Les nûmes
la bande
des sol-
dats de Je-
sus Christ.*

son testament & resolut tous leurs doubtes. Finalement ils s'embarquerent huiët iours apres l'arriuée des ennemis, avec vne tres-grande ioye & liesse, de maniere qu'ils sembloient aller plustost au triomphe, que non pas à la bataille. Mais comme ils eurent leuë les ancres, & commençoient à faire voile à la venë de toute la ville (car la pluspart des habitans estoient sortis, & venus sur le port pour voir partir la flotte) voicy que la nauire Capitaineſſe voulant desfinarer, s'enfonça dans l'eau; on ne ſçait pour quelle cause; de sorte qu'on ne peut sauuer autre chose, que les hōmes, qui estoient dedans. Cecy estonna fort toute la ville; car la pluspart estimoient, que c'estoit vn mauuais presage de l'issuë de ceste guerre, si on continuoit en ceste resolution; & eu y auoit plusieurs, qui murmuroient contre le Gouverneur, de ce qu'il enuoyoit à vn danger si euidet & manifeste, tant de gens de bien & bons soldats; & le tout en fin venoit à tomber sur le P. Xavier, comme aucteur principal d'une telle entreprinſe. Le Gouverneur voyant le peuple ainsi mutiné, enuoye querir vistement le P. Xavier, lequel estoit allé dire la Messe à Noſtre Dame du Mont. Le messager trouue que le Pere estoit à *Domine non sum dignus*, & attendit iusques à ce qu'il eust fait la Communion. Mais apres voulant s'approcher pour luy parler, le Pere luy fit signe, qu'il ne luy dit mot, iusques à la fin de la Messe: laquelle acheuée, il l'appella à soy, & auant qu'il eust ouuert la bouche pour faire son message; Allez vous-en (dit-il) aduertir le

„ Gouverneur, que ie m'en iray le trouuer tout à ceste heure, & qu'il

„ ne doit pas se descourager, pour si peu de chose; ains croire ferme-

„ ment que Dieu assistera les siens; donnant à cognoistre par là, qu'il

„ ſçauoit ce qui estoit aduenü; bien que durant la Messe la chose fut

arriuée, & que personne ne luy en eust encore parlé. Ayant donc

acheuë de rendre graces à Noſtre Seigneur apres la Messe, il s'en

alla trouuer le Gouverneur: lequel apres luy auoir fait entendre ce

qui s'estoit passé, & comme le peuple se mutinoit, & murmuroit

fort contre luy: le Pere avec vne face riante luy dit; Comment

„ Monsieur, vne si petite chose, que cela, vous estonne, & vous fait

„ perdre courage? ne vous souciez des paroles des hōmes, mais soyez

„ assurez, que Dieu fauorisera ceste entreprinſe, & en donnera bonne

„ yſſuë: & soudain se met parmy la troupe des soldats, qui estoient

„ retournez à terre, les embrassant, & exhortant de perseverer, en

une si ſaincte & louable resolution, qu'ils auoient prinſe; & qu'il

gaigna facilement sur eux, mesme leur ramentenant l'obligation

qu'ils

*Sinistre
enemist
cause des
murmures.*

*Ne doit
empescher
les bñes
résolutions*

qu'ils auoient de garder leur serment; de façon que s'il y en auoit aucun, qui eust esté vn peu abbatu de courage, à cause de cest accident, il fut bien tost remis par ses remonstrances, & tous vnaniment se monstrentent autant resolu que iamais. Le Gouverneur Simon de Melo fut bien aisé de voir la bonne resolution des soldats; toutesfois pour ne faire rien à la légère, & n'estre reprints de ceste expedition, si on luy en demandoit compte en temps & lieu, brief pour clorre la bouche à ceux qui en voudroient parler à son desauantage, il fit assembler vn conseil, là ou se trouuerent non seulement tous les officiers du Roy, & les principaux habitans de la ville, mais aussi les Capitaines, & soldats, qui s'estoient enroollez pour aller à ceste guerre. La chose estant mise en deliberation, tous ceux qui deuoient estre loing des coups, n'estant pas de la partie, opinerent que c'estoit vne entreprise temeraire. Car quel homme d'entendement (disoient ils) donneroit conseil, d'enuoyer six nauires contre soixante, & cent quatre vingts Portugais contre tant de mille combattans, que les ennemis doiuent auoir? Partant ils concludoient que ceste expedition estoit au preiudice manifeste du Roy, & contre le bien de ceste ville & forteresse, requerrans qu'on leur donnât acte de leur opposition, laquelle ils signerent tous. Au contraire tous les Capitaines & soldats, qui deuoient estre de la partie, & entrer dans la meslée, furent d'aduis qu'il falloit venger l'iniure faicte à Dieu, au Roy de Portugal, & à toute la nation Portugaise, protestants qu'ils aymoient mieus mourir, que fausser la foy qu'ils auoient donnée à Iesus Christ leur souuerain chef & Capitaine; puis qu'il n'y auoit rien qui les desobligeat du sermēt qu'ils luy auoient faict. Car la perte d'un nauire (respondoient ils) n'est rien, d'autant que tous les soldats sont sauuez, & peuuent aussi bien combattre en six nauires, que dans sept; & dire que c'est vn mauuais augure de l'ysuē de ceste guerre, c'est adiouster foy plustost aux superstitions feminines ou Payennes, que peser les affaires avec prudence & iugement d'homme bien rassis. Au reste, quoy qu'il en soit, ils estoient resolu de vaincre, ou de mourir en ceste guerre: & à fin que personne ne leur en rompit la teste dauantage, ils firent de nouveau le mesme serment que deuant, en presence de toute l'assistance. Le P. Xavier se trouua à ce conseil, & ne se formalisa pas, de ce que les citoyens auoient opiné librement, mais il loua fort & approuua grandement la resolution & le courage des soldats, remontrant fort doucement aux autres, que bien qu'en affaires humaines

*Conseil de
ville as-
semblé.*

*Diversité
d'opinions.*

*Ce qu'opi-
na le P.
Xavier.*

il faille suivre ce que la prudence humaine nous dicte, quand on ne cognoist pas la volonté de Dieu estre autre; toutesfois quand il est auteur de quelque entreprise, il ne faut pas tant auoir esgard aux forces humaines, comme au pouuoir de Dieu: & quant à luy, qu'il estimoit ceste cy estre vne de celles, que Dieu vouloit prendre sur soy, faisant cognoistre qu'il en estoit l'auteur; ce qu'il recognoissoit és effects de sa grace, & au grand courage qu'il donnoit aux soldats. Au demeurant il ne faut pas s'estonner, dit il, de la perte

Prediction de la confirmation de son dire par autre prophetie. d'un nauire; car ie vous en promets de sa part deux pour vn, & ne tarderont pas guerres à venir; ains auant soleil couché vous les verrez ce iour d'huy mesme. Ceste predication & mesme le temps si court qu'il print, pour la verification d'icelle, estonna tout le monde, & fit surseoir la resolution de l'affaire iusques au lendemain. Cependant le bruit en estant semé par toute la ville, on voyoit les vns, qui mettoient à chasque heure la teste à la fenestre, pour regarder si quelque nauire arriuoit, les autres enuoyoient leurs seruiteurs sur le coupeau des colines, pour descouurir de plus loing. Mais venant sur le soir, plusieurs commençoient desia à perdre l'esperance, où a tout le moins à doubter, si ce que le Pere auoit promis, aduiendroit: veu qu'il tardoit tant, & n'y restoit plus guiere de

Verification de la prophetie. Soleil. Neantmoins vn peu auant qu'il se couchast, on descouurit du clocher de nostre Dame du Mont, deux voiles Latines (comme ils disent) lesquelles venoient du costé de Septentrion. Lors tout le monde s'en court au riuage de la mer, pour voir ces nauires tant desirer; toutesfois le Gouverneur auant qu'y descendre, enuoya vn esquif recognoistre si c'estoient nauires Portugais, ou autres. Ceux qui y furent enuoyez, retournerent vistement, & rapporterēt qu'ils l'estoient, & que de l'un d'iceux, estoit maistre & Capitaine, Iaques Soarez Galego, & de l'autre Balthazar Soarez son fils, tous deux Portugais, menans quant & eux autres soixante Portugais, qui venoient tous du Royaume de Patane, resolu toutesfois de ne mouiller pas l'ancre à Malaca, pour ne payer le peage; ains de suivre tout droit la route du Pegu. Le Gouverneur entendant ces nouvelles, descēd de la forteresse, & se met en chemin pour aller trouuer le P. Xavier à nostre Dame du mont, ou il estoit en oraison, & luy dire, que sa prophetie estoit accōplie; mais que les maistres des nauires vouloient passer outre. Le Pere, ayant rencontré par le chemin le Gouverneur, luy dit de premier abord, auant qu'il eût sonné mort, qu'il s'en allat prier Dieu, & rendre graces à nostre Dame

pour vn tel benefice, & qu'il luy fit au plustost apprestier vne fregatte; car il vouloit aller vers ces Portuguais pour les faire arrester. La fregatte estant prestee, il monte sur mer tout aussi tost, & arriue à eux estant vne heure de nuict. Comme il fut recogneu, incontinent les deux Capitaines & maistres des nauires le vont accueillir fort honorablemēt. Ausquels ayant faict entendre l'estat des affaires, & ce qui s'estoit passé à Malaca, avec le danger, auquel ils s'alloient precipiter, s'ils passioient outre (car ils s'en alloiēt mettre entre les mains des ennemis, sans y penser) il leur persuada facilement de venir à Malaca, & se rendre de la partie. Ce qu'ils promirent de faire, moyennant qu'on leur quitat le peage. Le Pere leur fit auoir bien tost ce qu'ils demandoient, de façon qu'ils arriuerent le lendemain matin au port, avec vn grand applaudissement de toute la ville. Le Gouverneur les alla receuoir au port, & les mena droit à l'Eglise de nostre Dame, là ou le Pere les attendoit, pour leur dire la Messe. Cependant ils se pourueurent d'armes, poudres, & autres munitions de guerre, comme aussi de viures & d'eau douce pour vn mois.

*Secours
inopiné
de deux
nauires.*

DE LA VICTOIRE MERVEILLEUSE QUE

*les Portugais eurent sur les Achenois, & comme le P. Xavier
l'annonça au peuple, au mesme temps qu'elle fut gai-
gnée, estant bien loing de là.*

CHAPITRE XVII.

TOUT estât prest pour faire voile, l'Admiral de la flotte François Deça, monte dans le nauire de son frere George Deça; car le sien auoit esté enfoncé. Les autres Capitaines aussi, comme nous auons dit cy dessus, entrerent chascun dans le leur, & avec ces deux, qui estoient arriuez de nouveau, ils faisoient huit nauires en tout, avec vn Catur. Ils estoient deux cens trente Portugais, cinquante plus que la premiere fois. Le 25. d'Octobre, quinze iours apres l'arriuee des ennemis, ils desmarrerent du port de Malaca. Or le Gouverneur Simon de Melo, leur ordonna de ne passer pas l'Isle, où comme ils disent à Malaca, le Pulo Cambylan, qui est la borne de ce Royaume, du costé d'Occident soixante lieuës par deça; d'autant que (comme il disoit) lors que la partie n'est pas esgale, les forces des ennemis estant beaucoup plus grandes, comme c'est vn acte de vaillance de chasser l'ennemy loing de ses terres, aussi de l'aller attaquer hors d'iselles, semble vne trop grande temerité &

*Depart de
la flotte
Portugai-
se.*

*Pulo en
langage
Malayo
veut dire
Isle.*

*Adun re-
marqua-
ble en ma-
tiere de
guerre.*

outrecuidance, à laquelle Dieu a coustume de résister. Estans donc partis, pleins de bonne esperance, ils arriuerent dans quatre iours au Pulo Cambylan, qui leur auoit esté assigné pour terme, sans auoir eu aucune nouuelle des ennemis, & s'en retournoient suiuant l'ordonnance du Capitaine fort tristes, pour n'auoir iouï des mains, ny fait du tout rien. Mais là dessus s'esleua vn vent contraire tant au cours ordinaire du tēps & de la saison, qu'à leur retour, & d'ailleurs si violent, qu'ils furent contraints de s'arrestier aux ancrés, l'espace de vingt & trois iours; pendant lesquels les viures leur vindrent à manquer. Or ne pouuans s'en retourner à Malaca, pour raison des vents contraires, qui continuoient tousiours à souffler, ils se deliberent d'aller faire provision de viures à Iuncalao, où à Tenessarij, qui sont des lieux maritimes sur la coste de mer, vn peu pardela le Royaume de Sion, parce que le vent leur estoit propice pour aller là. Mais auant qu'estre venus si auant, la necessité qu'ils eurent d'eau, les contraignit d'en aller chercher plus pres dans la riuiera de Parlés, qui est au Royaume de Queda, cent cinquante lieues loing de Malaca. Y estans entrez, ils sentent de nuit passer vn bateau de pescheurs, bien pres de leurs nauires, lequel ils firent arrester, pour scauoir ou ils trouueroient de l'eau douce. Les pescheurs conduits au bord de la nau Capitaineſſe, non seulement enseignent ce dont ils estoient interrogez, ains encore donnent nouuelles de la flotte des Achenois leurs ennemis qu'ils cherchoiēt, & leur dirent, comme ils estoient entrez dans la mesme riuiera depuis vn mois & demy, & apres auoir pillé & rauagé tout le plat pais d'alentour, s'estoient arrestez en vn lieu bien pres de là, pour y bastir vne forteresse. Ceste nouuelle courut incontinent par toute la flotte Portugaïſe avec tres-grande resiouyſſance des soldats, & nommément de l'Admiral, lequel en signe de liesse, se para des plus beaux acoustremens qu'il eust, & comuanda qu'on fit faire bonne chere aux soldats & mariniers, sans garder le reglement ordinaire des viures, qu'on auoit tenu iusqu'alors. Il fit aussi lascher pour la mesme cause, toutes les pieces de canon, qu'il y auoit en la flotte; on eust dit qu'ils triomphoient desia, & non pas qu'ils s'apprestoient pour combattre. Cependant qu'il fait armer ses gens, & dispose toutes choses pour la bataille, il enuoye trois brigantins ou fregates, contre le courant de la riuiera, pour espier ou estoit l'ennemy, & quelle contenance il tenoit. Ceux-cy en rencontrent autres quatre, que les Achenois ayans ouy les coups de canon, fai-

*Parlés-ri-
uiere.*

*Rencontrer
des enne-
mis cause
de liesse à
ceux qui
ont ennuy
de com-
battre.*

soient aussi descendre, pour descouvrir que c'estoit. Or avant que s'estre bien recogneus, les trois fregates Portugaises afferrent trois autres des ennemis, & entrez dedans mettent au filet de l'espée tout autant, qu'il en y auoit, exceptez ceux, qu'on voulut reseruer, pour sçauoir assurement ou estoit l'ennemy; lequel fut aussi tost aduerty, par le moyen du quatriesme brigantin, qui se sauua de vitesse, que la flotte Portugaise estoit bien pres de là. Le reste de la nuit, tant les vns que les autres se preparerent, pour combattre le lendemain, qui estoit vn Dimanche, sixiesme du mois d'Octobre. Les Achenois laisserent deux nauires, avec deux cents soldats, pour garder deux mille captifs, qu'ils auoient prins, & tout le pillage; qu'ils auoient tiré des lieux circonuoisins. De l'autre costé l'Admiral de l'armée Portugaise considerant le cours, & la situation de la riuier, choisit vn lieu tres-propre pour combattre, de façon que sa flotte ne pouuoit estre encinte ny enuironnée par le grand nombre des nauires de l'ennemy, car elle auoit à dos vn petit costau, & neantmoins restoit libre pour vogue & donner sur ses aduersaires à son aduantage, à cause d'vn petit sein, qu'il y auoit à l'escart; & ce qui estoit le meilleur, elle ne pouuoit estre descouuverte des ennemis, que lors qu'ils en seroient fort pres. Sur les neuf ou dix heures du matin, voicy de retour quelques fregates, que l'Admiral de la flotte Portugaise auoit enuoyé, pour estre aux escoutes; lesquelles aduiserent que l'ennemy estoit fort proche, & qu'on se tint prest. L'Admiral entendant ces nouuelles, saut promptement dans vn esquif, le coutelas à la main, & s'en va par toute la flotte, encourageant les soldats à bien combattre, & auoir souueñance durant la bataille, de Nostre Sauueur & Rédempteur Iesus-Christ crucifié, comme le P. Xavier les auoit aduertis; & en que pour son honneur & gloire ils s'estoient enuollez en la bande. Qu'ils fussent aussi memoratifs du serment fait par eux, de mourir ou de vaincre, & qu'ils eussent bonne esperance, que par les prieres d'vn si saint homme, qui les auoit incitez à vne guerre si iuste & si sainte, ils obtiendroient la victoire. Les soldats responderent tous unanimement, qu'ils combattoient iusques à la mort, pour le seruice & la gloire de leur Sauueur, ainsi que vrais Chrestiens, selon qu'ils luy auoient promis & juré. L'Admiral s'estant retiré dans son nauire, voicy venir les ennemis, qui faisoient rétentir tout le riuage, de leurs cris & hurlemens. Ils estoient despartis en dix rangs, chacun d'eux composé de six nauires; sauf le premier, qui estoit seu-

lement de quatre, mais du meilleur de toute l'armée. En ce rang estoit la nau Capitaineſſe avec l'Admiral de la flotte Achenoiſe, accompagnée de trois galions Turqueſques, qu'elle auoit à ſes flancs. Or comme ils estoient eſprins de rage & de fureur, ſi toſt qu'ils decouurirent la flotte Portugaiſe, ils ſe precipiterent à laſcher contre icelle route leur artillerie, & ce auant le temps; de ſorte qu'elle n'endommagea aucunement les Portugais: & tout incontinent apres les deux neſs Capitaineſſes s'attachent au combat, avec telle vailance d'une part & d'autre, qu'on ne ſçauoit de quel coſté panche- roit la victoire, iuſques à ce que du nauire de Jean Soarez fut tiré vn coup de canon, d'une piece qu'on appelloit le Chameau, lequel donna ſi à poinct contre la Capitaineſſe des Achenois, qu'elle fut miſe à l'inſtant à fond, ce qui cauſa l'entiere perte des barbares, & la victoire des Chreſtiens. Car les trois galions Turqueſques, qui estoient aux deux coſtez de la nau Capitaineſſe, s'arreſterent tout court ſans combattre, pour ſauuer l'Admiral, & les principaux Seigneurs, qui estoient avec luy: leſquels ils voyoient ſe noyer deuant leurs yeux. Et afin de les mieux ſecourir, & receuoir ceux, qui estoient à la nage, ils dreſſerent leurs galions de trauers, tellement qu'ils tenoient vne bonne partie du large de la riuiera, preſtans ainſi les flancs aux Portugais, & arreſtans par meſme moyen les autres nauires de leur flotte, qui venoient file à file: de maniere que ceux du ſecond rang venoient à hurter contre les premiers, & ceux du troiſieſme contre les ſeconds, & ainſi conſecutiuellement du reſte; ſi qu'on euſt dit à les voir, que les nauires de la meſme flotte combattoient les vns contre les autres. Les Portugais voyans l'armée des ennemis toute en vn blot, ſans ſe pouuoir deſ-empeſtrer, cogneurent bien clairement que la dextre du tout-puiſſant les aſſiſtoit, & inuoquans le Treſſainct nom de I E S V S, ſon fils vnique, comme le P. Xauier leur auoit enſigné, apres auoir mis leurs nauires au large, ils commencent de battre, & frapper à grands coups de canon les vaiſſeaux des ennemis, laſchans par trois fois toute leur artillerie, ſans perdre vn ſeul coup, dont en peu de temps ils eurent enfoncé neuf grands vaiſſeaux; & apres ce pourſuyans l'entiere deſaite des ennemis, quatre fuſtes Portugaiſes s'attachèrent à ſix nauires des Achenois, & y eſtans entrez, dans demie heure mettent au fil de l'eſpée bien deux mille des ennemis. Les autres qui reſtoient, voyans le ſort de leurs compagnons, & n'en attendans pas moins, ſe precipitent dans l'eau, avec eſpe-

Bataille
nauale en-
tre les
Portugais
& les A-
chenois.

Coup heu-
reux cau-
ſe de la
victoire.

Aſſiſſance
de Dieu
particu-
liere.

Deſaite
des Ache-
nois.

rance de se sauuer à la nage; Mais ils furent tous, ou noyez, ou tuez sans qu'il eschappat vn seul de ceux-là. Icy moururent les cinq cens cheualiers Orobalons, tous les Turcs aussi & Ianissaires, & en tout il y demeura quatre mille combatans, tous gens d'eslite, comme le confesserent quinze prisonniers, lesquels on print dans vn brigantin apres la bataille. Des Portugais, il n'en mourut que quatre seulement. Les despoüilles eussent esté meilleures, si les ennemis n'eussent auant ce rencontre, enuoyé au Royaume d'Achen, grande quantité de poiure, avec autres drogues & choses precieuses, qu'ils auoient pillé es enuiron. Mais ce qui resta, fut suffisant, pour rendre contens ceux, qui furent de la partie. Car outre, qu'ils y gagnerent trois cens pieces d'artillerie, huiët cens harquebuzes, & tout plein d'autres armes, & munitions de guerre, ils eurent en-
Butin & despoüille que les Portugais eurent des ennemis.
 core vn beau butin des despoüilles des particuliers, qui resterent. Mais le principal fruit de ceste victoire, fut que le Roy de Parlez en ayant ouy la nouuelle, sortit incontînét des bois, ou il se tenoit caché, pour crainte des Achenois, & avec quelques cinq cens soldats de ses vassaux, s'en va donner contre ceux, qui estoient restez de la flotte des ennemis, au lieu ou ils vouloiët bastir la forteresse, lesquels il mit tous en pieces: puis vint trouuer l'Admiral de l'armée victorieuse, le haut louant & remerciant, de ce qu'il auoit deffait le commun ennemy; & pour luy, en particulier de ce qu'il l'auoit restitué en son Royaume. Mais non content de ce, il adiouste qu'en signe de recognoissance, il se vouloit rendre vassal & tributaire du Roy de Portugal, promettant pour soy & pour ses successeurs, de luy payer certain tribut tous les ans, moyennant qu'on luy promist aussi toute assistance & secours contre ses ennemis. Le General de l'armée accepta l'offre, & luy promit reciproquement au nom du Roy de Portugal, qu'on le defendroit cõtre ceux, qui le voudroient molester. L'accord estant passé, en presence des principaux Seigneurs dudit Royaume, il fut signé & iuré d'une part & d'autre. L'Admiral des Portugais enuoya cependant vne fregate, pour don-
Le Roy de Parlez se rend tributaire de celuy de Portugal
vaisseau
 ner aduis au Gouverneur & habitans de Malaca, de tout ce qui s'estoit passé, & vn peu apres il mit les voiles au vêt pour s'en retourner, menant quant & soy vingt cinq nauires des ennemis, y compris les trois galions Turquesques, & quatorze fustes. Les autres vaisseaux de la flotte ennemye, ou furent enfoncez, ou resterent si fracassez & brisez, qu'on ne s'en pouuoit plus seruir. Ils mirent aussi le feu a plusieurs, faute de gens pour les conduire: Ainsi chargez

de iamais plus reuoir ceux qui estoient allez en ceste expedition. Si que les femmes pleuroient desja leurs maris comme trespassez, les enfans leurs peres, & les amis ceux qu'ils affectionnoient le plus en ceste armée. Le P. Xavier nonobstant cela les encourageoit tousiours, & les asseuroit qu'ils verroient en brieſ le retour de la flotte triomphante, & chargée des despouilles de l'ennemy, recommandant tousiours sur la fin de ses sermons de prier Dieu pour la mesme intention, ainsi que dessus. Dequoy plusieurs gosseurs disoient, que ces prieres pourroient bien seruir pour les ames de ces pauures trespassez, mais non ja pour la victoire, qu'ils estimoient perduë. Encore en y auoit-il, qui se dispensoient à dire contre le Pere de plus grosses paroles, & accusoient tant luy, que le Gouverneur, de ce qu'ils auoient enuoyé à la boucherie tant de gens de bien, & braues soldats, mettant en danger tref-euident ceste place, de laquelle despendoit en partie l'estat de Portugal és Indes. Cela disoient-ils, à cause que le Roy de l'Isle de Bintan fils & successeur du Roy de Malaca, que les Portugais en auoient chassé, l'ayant fait retirer à cestel Isle, qui est vn peu pardela Malaca, tenoit toute preste vne flotte de trois cens voiles qu'il auoit fait equiper, & armer pour quelque autre entreprise, que ceste-cy. Mais voyant que le tēps luy fauorisoit, & que si les Portugais perdoient la bataille, il emporteroit aisément leur forteresse, & rentreroit en son Royaume, il s'alla rendre à vne riuere appellée Muar, six lieuës loin tant seulement de Malaca, vers l'Occident. Et afin que les Portugais ne se doubtrassent de ses pretensions, il escriuit vne lettre au Gouverneur de Malaca, luy faisant entendre, qu'il auoit armé ceste flotte contre le Roy de Patane; mais que sçachant comme les Achenois auoient mis au fil de l'espée tous les Portugais, qui les estoient allez suiure, & qu'ils s'en venoient pour prendre & saccager la ville de Malaca, il s'estoit rendu là, afin de l'assister de son ayde & secours, comme frere, & bon amy du Roy de Portugal. Partant il le prioit, de luy vouloir permettre d'aller surgir au port de Malaca, de peur que les ennemis ne s'en emparassent plustost. Le Gouverneur cognoissant bien l'astuce du Roy de Bintan, luy respondit en termes pareils, disant qu'il estoit bien marry, que le Roy de Patane luy donnast tant d'affaire: & que s'il auoit besoin de son ayde, pour le chaitier, comme il meritoit, il luy assisteroit de gens, de munitions, d'armes, de viures & autres choses necessaires, ainsi qu'il auoit expres commandement de son Prince. Au reste qu'il le remercioit fort de la bōne volonté,

*Assise
du Roy
de Bintā.*

*Reponſe
par autre
ſineſſe.*

qu'il monstroir enuers le Roy de Portugal ; mais qu'il estimoit n'estre pas necessaire, qu'il print ceste peine de venir secourir la ville. Car il attendoit en bres le retour de sa flotte victorieuse & chargée des despouilles des ennemis, l'aduertissant qu'il ne deuoit pas adjoûter tant de foy aux Sarraïns, qui faisoient courir ce faux bruit de la desfaite d'icelle; car ils ont (disoit-il) les langues plus lōgues que les lances. Or bien qu'on eust respondu comme il estoit de raison à ceste lettre: toutesfois cela n'ostoit pas l'apprehension, que les habitans auoient du mauuais succez de leur flotte, voyans que le Roy de Bintan demeureroit là si long temps, avec vne si puissante armée, attendu qu'il y fut l'espace de vingt & trois iours. Cependant le P. Xavier enduroit toutes ces plaintes & reproches, avec vne merueilleuse patience, continuant neantmoins à les exhorter d'auoir tousiours esperance en Dieu. A la parfin vn iour de Dimanche, sixiesme du mois de Decembre, preschant à la grande Eglise entre neuf & dix heures du matin, au mesme temps (ainsi que l'on cogneust par apres) que les deux flottes se choquoient ; comme il fut arriué sur la fin de son sermon, il vient à monistrer vn grand changemēt en son visage, en ses yeux, & en tout son corps, tout sensible à vn homme prins en sursaut, qui suit quelqu'un, qui l'appelle ; tellement que laissant le fil de son discours, il commence avec vne eloquence toute autre, que de l'accoustumé, & vne ferueur beaucoup plus grande, que l'ordinaire, a leur declarer par certaines ambages, le premier rencōtre & choc des deux flottes. Les assistans estoient fort estonnez, ne sçachans que vouloit dire le Predicateur, & pensoient quasi qu'il fut hors de foy, comme de fait son esprit estoit plustost à la riuere de Parlés 150. lieuës loing, que là où estoit son corps ; selon qu'il aduiert souuent aux saints personnages lors qu'ils sont en leurs ecstases. Or à mesure que la bataille s'eschauffoit, aussi s'enflammoit-il dauātage, iusques à ce que joignant les deux mains, & se tournant vers vn Crucifix, qui estoit sur l'arcade de la maistresse chappelle, il commence, le visage tout embrasé, & les yeux baignez en larmes, à parler à I E S V S- C H R I S T crucifié en ceste sorte: Ah ! bon I E S V S, Dieu de mon ame; Pere de misericorde, ie vous requiers humblement, par les douleurs & tourmens, qu'il vous a pleu endurer en vostre mort & passion, de ne vouloir abandonner ceux, que vous auez racheté par vostre precieux sang. Ayant dit ces paroles, il baissa la teste, comme s'il eust esté fort las, & s'appuyant sur le bout de la chaire, demeura ainsi

Le P. Xavier void de loing la bataille & annonce la victoire des Portugais.

Oraison du Pere Xavier.

autant de temps, qu'on mettroit à reciter trois ou quatre fois le
Credo. Apres il se leue avec vne ioye & allegresse inusitée, laquelle
 il môstroit en ses yeux & en toute sa face, disant tout haut & clair: *Annouie*
 Il a vaincu (mes freres) il a vaincu pour nous le bon IESVS; main- *la victoi-*
 tenant (dit-il sans ambages) en ceste mesme heure, les soldats de *re au*
 lon tressainct nom acheuent de mettre en route l'armée de nos en- *mi'sme*
 nemis les Achenois, desquels ils ont fait vn grand carnage, sans qu'on *instant*
 ait perdu que quatre des nostres; vous en entendrez bien tost les *qu'elle*
 nouuelles, & Vendredy prochain nostre armée arriuera triomphā- *fut gai*
 te à vostre port. Reste maintenant, que nous fassions penitence, de *en e-*
 la desffiance qu'il y a eu parmy nous, & que nous disions vne fois le *stant*
Pater & l'*Aue*, pour rendre graces à Dieu de ceste victoire, & pour *bien*
 les ames de ceux, qui y sont demeurez. Le Gouverneur de Malaca, *loing.*
 qui estoit present à ce sermō, avec vne bonne troupe des soldats,
 qui estoient demeurez pour la garde de la forteresse, & les princi-
 paux de la ville, qui s'estoient ce iour là par vne particuliere pro-
 uidence de Dieu, tous presque trouuez à la predication, pour
 estre tesmoins d'vne chose si remarquable, en furent tellement
 ébahis d'un costé, & de l'autre si consolez, qu'ils estoient quasi
 hors d'eux mesmes: car ils resterent si asseurez de la verité du faict,
 comme s'ils eussent esté presens à la bataille, ayans veu de quel-
 le façon le Pere le leur auoit dit, & asseuré. Ce bruit courut incon-
 tinent par toute la ville, laquelle fut, à l'instant changée des pleurs
 de douleur & destresse, en larmes de ioye & d'allegresse. Mais à fin
 de consoler particulièrement les femmes des Portugais, qui estoient
 allez à la guerre, il les fit toutes assembler en l'Eglise de nostre Da-
 me du Mont, & leur prescha l'apresdinée, leur asseurant de nou-
 ueau ce qu'il auoit dit le matin de la victoire gagnée; & deux iours
 apres lon commença d'en veoir quelques signes. Car le Roy de Bin- *Le Roy*
 tan aduertí de la perte de l'armée Achenoise en fut tant fâché & *de Bintan*
 marry, qu'il fit trancher la teste à celuy qui luy en porta le premier *se retire.*
 la nouvelle, & aussi tost quitta la riuíere de Müar, se retirant à son
 Isle avec toute la flotte; ce qui deliura d'un grand soucy les habitā-
 s de Malaca; dont en action de graces, ils firent vne processon gene-
 rale. Apres ce arriua Emanuel Godigno, enuoyé par François Deça
 Admiral de l'armée victorieuse, pour en porter les nouvelles asseu- *Retour de*
 rées, au Gouverneur & a toute la ville. Et le Vendredy suiuant se- *l'armée*
 lon la predíction du P. Xavier, l'Admiral mesme arriua au port, avec *victorien*
 toute la flotte triomphante & chargée du butin des ennemis. Dieu *se.*

sçait avec quel contentemēt & ioye la ville les receut, & nommément les personnes, qui auoient esté les plus desolées.

*EN IAPONNOIS NOMMÉ ANGER, VIENT
trouuer à Malaca le P. Xavier, qui le conuertit à la foy, & pour
estre baptizé le fit conduire à Goa, ou luy mesme arriua,
apres auoir fait vn tour à la coste de la
Pescherie, & à l'Isle de Ceylan.*

CHAPITRE XVIII.

LE Pere Xavier ayant demeuré quatre mois à Malaca, estoit prest à partir, pour s'en retourner à Goa, lors que les nauires qui ont accoustumé de venir tous les ans de la Chine au port de Malaca y arriuerent. En l'un desquels vint vn Iaponois tout expres pour l'aboucher, à l'occasion qui s'ensuit. Les Portuguais deux ans auparavant, ayant fait la descouuerte des Isles & Royaumes du Japon, qui sont loing de Malaca huiët cens lieuës vers le Nort, comme ils se mirent à trafiquer avec les habitans, ils prindrent cognoissance avec plusieurs d'iceux, & nommément en la ville de Cangoxima, avec vn honneste homme nommé Anger, lequel se sentant fort inquieté, & troublé en son esprit, à raison des remords de conscience, que luy causoient certains pechez, qu'il auoit cōmis en sa ieu- nesse, s'estoit retiré en vn monastere de Bonzes (qui sont en ce païs là parmi les Idolatres estimez les plus religieux) tout expres pour chercher le repos de son ame. Mais ne l'ayant sceu trouuer chez ceux là; qui ne l'auoient pas pour eux mesmes, il le cherchoit ailleurs. En ce temps là vindrent de bonne fortune quelques marchands Portuguais au port de Cangoxima, pour trafiquer avec les habitans de ceste ville; ou cestuy-cy faisoit sa demeure estant natif de ce lieu. A ceste occasion il print cognoissance avec quelques vns de ces marchands, tellement qu'il communiqua ses perplexitez d'esprit à ceux, qui luy estoient plus familiers, & intimes. Ceux cy ne pouuans le contēter luy dirēt qu'il y auoit à Malaca vn personnage de grande vertu & doctrine, fort expert en la cure des ames, & que si celuy-là ne luy satisfaisoit à ses dōubtes, ils ne pensoient pas qu'il y eut homme au monde qui le pēut rendre content. C'estoit le Pere François Xavier, duquel ils parloient, adioustants que s'il vouloit entreprendre ce voyage, ils l'y conduiroient volontiers. Ces choses & plusieurs autres, qu'ils dirent du Pere Xavier au Iaponois, luy firent bien venir enuie de cognoistre celuy, qu'ils luy

*Isles &
royaumes
du Japon*

*Anger
Japonois
s'embar-
que pour
aller trou-
uer le P.
Xavier à
Malaca.*

loüoient si fort, & duquel il conceuoit desia tres-grande opinion; toutesfois comme c'estoit vn voyage de huiët cens lieues, & plein de grands perils, & dangers selon que nous dirons ailleurs, il ne se determina pas pour ce coup de l'entreprendre: mais de là a peu de temps, il luy suruint vn desastre, qui l'y fit du tout resoudre. Car ayant tué vn homme, comme il estoit pourfuyui par la Iustice à la sollicitation des parties, ne trouuant aucun lieu plus assuré, que les nauires des Portugais, pour euader le supplice de mort, dont on le menassoit, il se retira là dedans: où il fut inuité de nouveau par les Portugais, de prendre la route de Malaca, pour aller trouuer le P. Xauier. Brief ils le prescherent tant, qu'il resolut de suiure leur conseil. Or entre tous les Portugais qui l'auoient cogneu, Aluare Vaz estoit celuy qui auoit prins plus de peine à luy persuader ce voyage, que tout autre, & s'estoit offert de l'y conduire. Le Iaponois ayant accepté l'offre lors que ledit Aluare Vaz n'auoit pas encore expédié ses affaires: il l'enuoya avec vne lettre à vn autre Portugais nommé Ferdinand Aluaro, qui estoit à vn autre port du Iapon, & deuoit bien tost partir, pour s'en retourner à Malaca. Comme le Iaponois fut arriué là, il va rencontrer de bonne fortune vn nommé George Aluarez, auquel il donna ceste lettre, soy disant estre celuy, auquel elle s'adressoit. Cestuy-cy estoit homme d'honneur, & qui portoit vne singuliere affection au P. Xauier; si bien que pour luy faire present de ce Iaponois, qu'il esperoit de uoir estre le premier Chrestien de ceste nation, assuré du grand plaisir que le Pere en receuroit, il le print en son nauire, avec deux seruiteurs qu'il menoit, & les cōduisit & traicta fort humainement iusques à Malaca, ou ils arriuerent lors que le P. Xauier estoit parti pour aller aux Moluques. Le Iaponois Anger entendant ces nouuells, & croyant que le Pere ne reuiendrait pas de long temps, bien marry d'auoir si mal employé sa peine, s'en retournoit à son païs; & desia estoit abordé à vn port de la Chine, ou il auoit seiourné quelque temps: car c'est la coustume de ceux qui font ceste nauigation de Malaca au Iapon de s'arrester à tout le moins vn peu à quelque port de la Chine, ne pouuans tout d'vne traicte faire ce voyage. Apres donc, qu'il eut reprins sa route, & eut desia donné si auant, qu'il descouuroit les dernieres Isles du Iapon, voylà vne tempeste si furieuse, qui s'esleue, avec des vents si contraires, & si impetueux, que d'as quatre iours le nauire, ou il estoit, fut porté au mesme haure de la Chine, d'où il estoit parti, non sans encourir de

*Anger s'est
retourne
n'ayant
trouué le
P. Xauier
à Mala-
ca.*

*Estant à
la vne
du Iapon
vne tem-*

*peste le
repouffe.*

grands perils & dangers. Cecy fut sans doubte vn coup de la diuine prouidence. Car cela fut cause, qu'il rebroussa chemin vers Malaca; & ce à raison qu'il trouua au mesme port de la Chine ce Portugais, qui l'auoit sur tous pouillé a faire ce voyage, nommé Aluaro Vaz, lequel sçachant comme il s'en retournoit au Iapon, sans auoir rien profité, pour n'auoir rencontré le P. Xavier à Malaca, luy fit entendre, qu'il estoit sur le poinct de hausser les voiles, pour s'en retourner à Malaca, ou il auoit ouy dire que le P. Xavier deuoit arriuer dans peu de iours, & que s'il vouloit, il l'y conduiroit fort volontiers. Le Iaponois trouuant vne si belle commodité, resolut de s'en retourner à Malaca en cōpagnie d'Aluaro Vaz, qui l'en prioit fort. Ils se mirent donc à la voile tous ensemble, & eurent si heureuse nauigation, que dans peu de iours ils aborderent à Malaca, bien tost apres que le P. Xavier y fut aussi de retour, venant des Moluques. Or comme Anger fut sorti du nauire, il va rencontrer George Aluares, celuy qui l'auoit mené premieremēt à Malaca, lequel extremement aisé de le voir de retour le prend, & de ce pas, l'amene au P. Xavier, qui estoit lors à l'Eglise, luy declarant la qualité du personnage, & ce qui l'auoit induit à le venir trouuer de si loing. Le Pere preuoyant desia, nō seulement que ce seroit le premier Chrestien Iaponois, mais aussi, que par le moyen de cestuy-cy il deuoit auoir entrée au Iapon, pour y arborer la Croix de Nostre Seigneur, fut saisi à sa premiere veuë d'une tres-grāde liesse, laquelle il declara tant par ses paroles, que par le changement du visage & autres signes d'allegresse extraordinaires. Car aussi tost il l'embrassa fort estroittement, & luy fit tout plein de caresses, avec demonstration d'amour & bienueillance particuliere. A l'instant aussi que le Iaponois eust veu le P. Xavier, il fut si consolé en son ame, (comme luy mesme a escrit en vne de ses lettres) qu'il ne desiroit autre chose en ce monde, que de le suyure & accompagner durant sa vie, par tout ou il iroit, de façon qu'en peu de temps, le Pere luy eust persuadé fort aisément de se rendre Chrestien. Mais il ne voulut pas le baptiser à l'heure, pour donner à goustier de ce nouveau fruit du Iapon, à l'Euesque de Goa; afin que ce fut luy qui presentat à Dieu les primices de la nation Iaponoise. Cependant il donna bonne esperance audit Anger, qu'il obtiendrait ce qu'il estoit venu chercher si loing & qu'il desiroit tant, à sçauoir la tranquillité d'esprit. Mais qu'il estoit necessaire d'auoir au prealable la cognoissance de la Loy diuine, puis qu'elle seule enseignoit le chemin de salut, &

*Trouue le
P. Xavier
qui fut
tres aise
de le voir*

*Il s'enue
à Goa
pour estre
instruit
en la foy.*

nous faisoit trouuer la vraye paix, & repos de conscience. Or afin qu'il eust moyen d'estre instruiet plus à plein & à loisir des mysteres de nostre S. Foy il iugeoit estre expedient, qu'il allat iusques à Goa, où l'on pourroit plus aisément le catechizer, & l'informer de ce qu'il deuoit sçauoir. Cecy ne fut pas difficile de persuader au Iaponois, parce qu'il venoit delibéré d'exécuter de poinct en poinct tout ce que le Pere luy ordonneroit, afin de trouuer ce qu'il desiroit. Il part donc de Malaca avec ce George Aluarez, qui l'auoit conduit la premiere fois, portant des lettres du P. Xavier adressées au Superieur du College de Goa, par lesquelles il luy mandoit de loger au College ce Iaponois avec ses deux seruiteurs, qui auoient aussi enuie de se rendre Chrestiens avec leur maistre, & les faire instruire fort soigneusement es choses, qui concernent la Foy & Religion Chrestienne, les traictant avec toute la courtoisie & charité, qui luy seroit possible. Apres qu'il eust ainsi expédié Anger, & eust donné charge à vn autre Portugais nommé Gonzalo Fernandez de luy conduire iusques à Goa quelques ieunes enfans, qu'il auoit mené quant & soy des Moluques, pour les faire estudier au College, luy predisant pour cōmancement de paye vne grāde tempeste, qu'il eust, dont neātmoins il fut garāti (peut estre par les prieres de celuy qui la luy auoit predite) il s'ēbarque aussi 8. iours apres que le Iaponois fut arriué à Malaca, mais dans vn autre nauire, à cause, qu'il deuoit aller visiter en passant ceux de la Compagnie, qui trauailloient en la coste de la Pescherie. Mais auant que partir de Malaca les habitans le prierent fort de leur vouloir enuoyer quelques vns de mesme Societé pour faire leur demeure en icelle ville, afin de receuoir d'eux semblables offices de charité, qu'il auoit exercé en leur endroit, promettans de les pouruoir & de maison pour se loger, & de reuenu pour s'entretenir. Le Pere ne leur peut refuser vne si iuste requeste, ains la leur interina d'autant plus volontiers, qu'il voyoit que c'estoit vne ville fort propre pour les fonctions de ladite Compagnie, à cause que c'est vn haure fort frequēté de toute sorte de gens, qui ont grand besoing, pour la pluspart d'estre aydez spirituellement au salut de leur ame. D'ailleurs il consideroit que par le moyen de ceste maison là on pourroit plus aisément assister ceux, qui trauailloient aux Moluques: parce que entre Malaca & ces Isles il y a grand trafic & cōmunication. Leur ayant dōc promis de leur en enuoyer quelques vns, il s'embarque & se met à la voile la droite route de Cochīn, où il deuoit aller de prim-abord.

*Il se para
de Ma-
laca.*

Or pendant ce voyage, il passa vne des plus perilleuses tourmentes, qu'il eut encores eue. Car l'espace de trois iours & trois nuicts, qu'elle dura, les vents ne faisoient que sauter de rhomb en rhomb, & souffloient avec vne telle impetuosit  , qu'on eut dit, qu'   chaque moment ils deuoient faire abyfiner le nauire. A raison dequoy les mariniers l'auoient alleg   de tout ce qu'ils auoient peu, iettans en mer toutes les marchandises & c  uures mortes, qu'on appelle. Mais cela ne les deliura pas de danger, si que voyans qu'il n'y auoit aucune esperance aux remedes humains, ils s'adressent du tout    Dieu, & en y auoit qui faisoient v  eu de iamais plus ne monter sur mer, s'ils euadoient ce peril. Brief ils attendoient    chascun coup la mort, tous fondus en pleurs & en larmes. Le P. Xavier vacquoit cependant    prieres & oraisons, inuocquant, comme il dit en vne lettre, l'ayde de Dieu, & de la Benois  te Vierge Marie, des neuf c  urs des Anges, & de tous les autres Saints & Saintes de Paradis;    fin que par leur intercession ils fussent garantis de ce danger. Adioustant qu'il ne s'estoit pas oubli   de pr  dre aussi pour moyennens de ceste mesme grace & faueur, tous ceux de la Compagnie, tant viuans que trespass  z, commenceant dit il par l'ame bien heureuse du P. Pierre Faber, qui auoit   st      Paris son compagnon de chambre, & fut avec luy vn des dix premiers Peres de la mesme Soci  t  ,   stant deced   vn an & demy auparauant,    s  auoir l'an 1546. le 1. d'Aoust. Or en ceste oraison, nostre Seigneur luy communiqua vne telle lie  sse & ioye spirituelle (comme il   crit en ceste lettre) que lors que tous les autres saisis d'angoisse, ne faisoient que pleurer, pour craincte qu'ils auoient de perir, luy au contraire   pandoit vne tres-grande abondance de larmes de consolation, qui le faisoit prier Dieu, que s'il le deliuroit de ceste tourmente, il luy enuoyat autres semblables, ou plus grands dangers pour son honneur & seruice,    fin qu'il ne fut priu   de si douces, & si saintes uisitations. Mais en fin, il pleut    ce bon Dieu, ouyr les prieres de son seruiteur; car ils furent garentis de ce peril, outre toute esperance humaine. Si   st-ce qu'il n'attribuoit rien de cela    soy, ains aux oraisons de ses freres, c'  st    dire de ceux de la mesme Compagnie. Car voyla ce qu'il adiouste en ladicte lettre: Dieu m'a faict (dit il) souuentefois cognoistre en mon ame, de combien de dangers & perils, tant corporels que spirituels il m'a preseru  , par les deuots & continuels sacrifices & oraisons, partie de ceux qui combattent encore en terre sous l'estendart de la benois  te Compagnie de Iesvs,

partie

partie aussi de ceux qui ayant ja combattu en icelle, sont en gloire iouyssans de la recompense celeste. Je vous aduise de cecy, mes chers Peres & freres, pour vous faire sçauoir combien ie vous suis obligé, à fin que vous m'aydiez à payer à Dieu & a vous mesmes, ce que ie ne puis de moy seul. Quand ie commence à parler de la Compagnie de Iesvs, ie ne puis sortir d'un si plaisant & agreable propos. Mais puis que ie suis contrainct de mettre fin à la presente, i'acheueray vsant des paroles du Prophete, *Si oblitus unquam fuero tui (Societas Iesu) obliuioni detur dextera mea.* Si ie t'oublie iamais (ô Compagnie de Iesvs) que ie mette en oubly ma dextre. Voilà l'humilité d'un si grand personnage, & l'opinion qu'il auoit de ses freres, attribuant tout ce qu'il obtenoit de Dieu, à leurs prieres & oraisons. Mais tournons suiure sa route. Apres qu'il eust passé ceste grande tourmente, il alla surgir au port de Cochîn le 21. de Ianuier 1548. là où se trouuant vn peu de loisir, il escriuit premierement au Roy de Portugal, non point d'affaires d'estat, ou choses qui touchassent au gouuernement temporel des Indes, jaçoit que le Roy le luy eust recommandé à son depart, & qu'il eust desiré qu'il le fit. Mais il estimoit qu'un chascun deuoit s'occuper tant seulement en ce que Dieu luy auoit donné en charge, & non en ce qui n'appartenoit point à son estat & condition. Parce il n'aduisa le Roy sinon de faire en sorte qu'il y eust des Predicateurs, gens doctes & de bonne vie, en toutes les forteresses, & lieux de garnison appartenans à sa Couronne, tant pour ayder les Portugais au salut de leurs ames, que pour conuertir les Infideles du pais. Secondement d'establir des Colleges en plusieurs lieux de l'Inde, les dotant de ses rentes Royales, pour y faire instruire & enseigner es lettres & bonnes mœurs, les enfans orphelins, tant des Portugais, qui estoient morts au seruice de sa Majesté en ce pais là, que des naturels & originaires. Troisièsmement de faire sçauoir à ses Lieutenans generaux de l'Inde, comme il vouloit & entendoit qu'ils fauorisassent de tout leur pouuoir ceux, qui se couertissoient à la foy Chrestienne: & que s'ils faisoient le contraire, qu'ils estimassent luy faire vn grand desplaisir. Ce sont les principaux poincts qu'il escriuit au Roy. Quant aux affaires des particuliers, il ne s'en vouloit aucunement mesler de luy en escrire, bien qu'ils fussent quelquesfois gens de vertu, & de merite, & mesme de ses plus grands amis. Car il craignoit que cela ne fut cause, qu'ils voulussent faire trafique de la vertu, & se rendre deuots, pour estre assistez de sa faueur en leurs

Il aborde à Cochîn, d'où il escriit au Roy de Portugal & de quelles matieres.

Il ne se veut mesler des affaires des particuliers.

affaires, & negoces temporels. Comme au contraire il se gardoit aussi soigneusement de ne descouvrir point les fautes des particuliers aux Gouverneurs & Vice-rois de l'Inde, & moins encor' au Roy, si que personne ne se doubta iamais qu'il leur eust fait quelque sinistre rapport de soy, biẽ qu'il vid plusieurs choses faites contre tout droict & raison, & d'aucunes qui luy perçoient bien auant le cœur. Mais s'il estoit quelquesfois necessaire d'adviser ceux, qui auoient la sur-intendence du Gouuernement, il le faisoit si dextrement, que bien qu'il declarast les fautes, à celle fin qu'on y mit ordre, l'on ne pouuoit toutesfois cognoistre, qui en estoit l'aucteur.

*Escrit au
P. Rodrigue
guez,*

Il escriuit aussi au P. Simon Rodriguez, qui auoit lors charge du College de Coimbre, le priant de luy enuoyer plusieurs bons subjets de la Compagnie, & nommément aucuns, qui eussent le talent & la grace de prescher; car il y auoit grande manque de Predicateurs en l'Inde. Outre ce il l'aduertissoit de faire souuenir au Roy de ce qu'il luy escriuoit, comme a esté dit cy dessus; surquoy il adjoûste ces parolles. Si ie sçauois (dit-il) que le Roy print en bonne part les aduis, que selon l'affection que ie luy porte, & la fidelité, que ie luy dois, ie voudrois luy donner: ie le prierois de penser chaque iour l'espace d'un quart d'heure à ceste diuine sentence.

*Vtile do-
cument
pour les
Rois.*

Quid prodest homini si uniuersum mundum lucretur, anima uero sit ei detrimentum patiatur? c'est à dire. Que profite-il à l'homme de gagner tout le monde, s'il fait perte de son ame? & demander à Dieu la vraye intelligence d'icelle, avec un ressentiment interieur de ce, qui est porté par icelle; & que la fin & la clause de toutes ses prieres fut ceste-cy. *Quid prodest homini si uniuersum mundum lucretur,* & ce qui s'ensuit. Voylà ses paroles. Finalement il escriuit au B. P.

*Escrit au
B. P. Ignace
et à la
Compagnie.*

Ignace fondateur de la Compagnie de Iesvs, & pour lors General d'icelle, ensemble à tous ceux de la mesme Societé, qui estoient en Europe, leur faisant entendre la bonne disposition, qu'il y auoit en ces quartiers des Indes, pour faire vne belle cueillete d'ames, & le profit qu'on faisoit, par la grace de Dieu, en la conuersion des Infideles; les inuitant par là à venir ayder ceux, qui s'employoient en telle conuersion. Apres donc qu'il eust fait ces depeschés, il partit de Cochinchine pour aller voir ses Parauas, qu'il affectionnoit particulièrement, comme ses fils aînez; & pource il rebroussa chemin, doublant vn' autrefois le cap de Commorin, tant pour consoler & confirmer en la Foy ces bons Chrestiens, que pour visiter les subjets de la Compagnie, qu'il y auoit enuoyé. Estant arriué là, l'on ne

ſçauroit declarer l'aïſe & le contentement que ces bonnes gens receurent, de reuoir leur Grand & Sainct Pere, cōme ils l'appelloient. Les villes, & villages entiers ſortoient pour l'accueillir, en chātant la doctrine Chreſtienne, qu'il leur auoit appriñſe : qui eſtoit à ſes oreilles la plus douce muſique, qu'il euſt ſceu entendre : & de ceſte ſorte le menoient à l'Egliſe : & quelquesfois l'y portoient ſur leurs eſpaules, ſi grande eſtoit leur deuotion. Là eſtans tous aſſemblez, vous les euſſiez veu croiſer les bras, fraper des mains, leuer les yeux & les mains au ciel, en ſigne de reſiouyſſance, remerciens Dieu de ce qu'il leur faiſoit la grace de iouyr encore vne fois de la preſence de leur bien-aimé Pere. Il ne receut pas moins de conſolation, en-
Viſite les Chreſtiens de la Peſcherie.
Conſolation grāde, tant de ſon coſtē que des autres.
 tendant le profit & aduancement qu'ils auoient fait, en la vertu, moyennant les trauaux des Peres & Freres de la Compagnie, qui cultiuoient ceſte plāte. Auſſi y auoit-il pluſieurs, & bons ouuriers. Car comme il auoit eſcrit d'Amboyno, qu'on y enuoyat autant de gens, qu'on pourroit, de ceux, qui eſtoient venus de Portugal, vn chacun deſirant accomplir l'obeiſſance, & endurer dauantage, pour l'amour de Noſtre Seigneur, auoit taſché d'y aller : tellement qu'on y comptoit pour lors ſept de la Compagnie; quatre Preſtres, à ſçauoir les Peres Antoine Criminal, Henry Henriques, Alſonſe Cyprian, François Henriques, & autres trois, qui ne l'eſtoient pas encores, à ſçauoir Adam François, Emanuel de Morales, & Balthaſar Nugnes, qui faiſoient le plus grand nombre de ceux, qui eſtoient venus de Portugal depuis l'arriuée du P. Xauier & ſes compagnōs. Car outre les ſept cy deſſus nommez, trois furent mādēz aux Moluques, comme nous auons dit, & deux retenus à Goa pour ayder le P. Paul Camers en l'inſtruction de la ieuneſſe du College de S. Paul, à ſçauoir les Peres Nicolas Lancelot, & François Perez.

Mais retournons au P. Xauier. Si toſt qu'il eut deſembarqué il cominace à faire la viſite de toutes les villes, bourgs, & villages de ceſte coſte, ou il y auoit des Chreſtiens. Or eſtant en vn d'iceux on lūy monſtre vn ieune homme natif de ce païs là, lequel s'eſtant embarqué en compagnie d'vn certain Portuguais, auoit eſté ietté avec luy par la tourmente, ſur la coſte des Malabares, lors ennemis mortels des Portuguais. Les Sarraſins habitans de ce lieu, ou ils eſtoient abordez, apres auoir volé & tué le Portuguais, taſchoient par tous moyens de faire renier la foy à ce ieune homme, & à ces fins le menerent dans vne Moſquée, luy faiſant de grādes promeſſes, ſ'il quittoit la foy Chreſtienne, & prenoit la loy de Mahomet. Mais voyās

Ces remarquables.

que pour tout cela il n'estoit point esbranlé, respondant tousiours qu'il adoroit & recognoissoit Iesus-Christ, & non point Mahomet, ils le menassoient de le tuer; & de faict hausserent l'espée sur sa teste, & luy en dōnerent vn coup pour luy faire peur. Ce que toutes-fois ne l'estonna point: ains il s'estimoit bien-heureux de pouuoir finir ainsi sa vie. Ils le chargent de gros fers, luy dōnent force coups de fouët, luy fōt endurer la faim, la soif, & beaucoup d'autres incōmoditez & disettes, iusques à ce qu'un Capitaine Portuguais passant par là, se ietta sur ce village, & tailla en pieces tous ces Sarrasins deliurant par ce moyen les captifs, du nombre desquels estoit ce ieune homme. Le Pere Xavier entendant vne si belle victoire, gagnée contre le Diable par vn ieune garçon, qu'il auoit peut estre luy mesme instruit & baptisé, se baignoit d'aïse & de contentement qu'il en auoit. Il fut pareillement fort consolé d'entendre la constance de quelques esclaves, natifs de ce mesme païs, lesquels s'en estā suïs de leurs maistres, qui estoient Portuguais, quoy qu'ils se fussent retirez, & demeurassent parmy les Gentils, & Sarrasins, n'auoient pas pourtant faict banqueroute à la foy; ains s'incitoient l'un l'autre à estre constants en icelle, & d'endurer volontiers toute sorte de tourmens, pour ceste cause; s'estimans bien-heureux s'ils venoient à souffrir quelque chose pour l'amour de nostre Seigneur. On luy racontoit entre autres choses de ces esclaves, que si quelqu'un d'eux mouroit, où estoit tué à la guerre (car ils estoient soldats) ils ne permettoient point que le corps de celuy qui auoit esté Chrestien, fut comme ceux des Payens, brulé, ou laissé sans sepulture; jains le retiroient à part & l'enseuelissoient en terre, avec vne croix sur son tombeau, & l'accompagnoient tous à la sepulture, chantans la doctrine Chrestienne, car ils ne sçauoient autres oraisons que celles cy. L'ayans enterré, ils se mettoient tous à genoux, & prioient Dieu pour son ame. Or bien que les Gentils ou Mahometains, qu'ils seruoient, ne les empeschassent point d'estre Chrestiens, & qu'eux fussent resolu, de perseuerer, Dieu aydant, en la foy de nostre Seigneur, demeurans parmy eux; toutesfois ils auoient grand desir de retourner parmy les Chrestiens, à fin de pouuoir viure plus conformément à leur foy, qu'ils ne faisoient. Et à ces fins plusieurs d'iceux vindrent trouuer le P. Xavier, lors qu'il estoit à la coste de la Pescherie, le prians de leur vouloir obtenir pardon de leurs maistres, & qu'ils estoient contens de les venir seruir de rechef, ayans mieux perdre leur liberté, pour seruir Dieu avec plus

*Fermeté
en la Foy
& deuotion
de certains
esclaves
Chrestiens.*

*Aiment
mieux vi-
ure en
bōs Chre-
stiens qu'e-
stre en
liberté.*

de liberté. Le Pere les receut avec vne singuliere consolation, & leur promit de faire en sorte, que les maistres leur pardonneroient la faute passée, comme il fit. Mais il ne fut pas moins ioyeux de voir comme ses bons Parauaz auoient perdu la craincte qu'ils auoient auparauant du Diable. Car lors qu'ils estoient Payens, il leur apparoissoit en diuerses figures, fort horribles & espouuantables; de façon qu'ils n'osoient sortir la nuit de leurs maisons, mesme pour aller pescher (combien qu'ils vivent d'ordinaire de la pesche) sans estre en bonne compagnie. Il entroit aussi souuent dans les corps des personnes, disant qu'il n'en sortiroit point, s'ils ne luy offroient tant d'or & d'argent, pour la fabrique de ses temples, & ainsi exigeoit de ces pauures gens des tributs insupportables. Mais apres qu'ils furent Chrestiens, il ne s'apparoissoit plus à eux, ny en leurs maisons, ny dans leurs barques, comme auparauant. De maniere qu'ils s'en alloient à minuit, aussi bien qu'en plein iour, sur l'eau, sans aucune craincte; aussi bien seuls qu'estans accompagnez. Le Pere se plaisoit grandement d'ouyr raconter toutes ces choses, & les encourageoit par ce moyen à perseuerer en la foy. Finalement apres auoir visité tous les lieux des Chrestiens, il se retira en l'un d'iceux, nommé Manapar, avec tous ceux de la Compagnie, l'espace de quinze iours; pendant lesquels vn chascun d'iceux luy rendit compte en particulier de sa conscience, tant en ce qui concernoit l'oraison & conionction avec Dieu, qu'en ce qui touchoit la mortification de ses passions, l'exercice des vertus, le zele du salut des ames, & choses semblables: à fin que le Pere cognoissant par ce moyen les forces, tant spirituelles que corporelles d'un chascun, & les talens que Dieu leur auoit communiqué, les employat par après en lieux & offices, esquels il les iugeroit plus propres. Il laissa pour Superieur de tous ceux de la Compagnie, qui estoient en ceste coste, le P. Antoine Criminal. Et à fin qu'ils fussent plus aptes & idoines, pour ayder ce peuple, il ordôna qu'un chascun aprint, avec tout le soing & diligence possible, la langue Malabaroise, de laquelle on se sert en ce pais. A ceste occasion il enuioignit au P. François Henriques, qu'il se mit au plustost à reduire en art ceste langue, comme nous auons la Latine, avec les declinaisons des noms, coniugaisons des verbes, gères, preterits, & autres reigles de Grammaire. Ce qui sembloit presque impossible, mesme à un homme, qui ne faisoit qu'arriuer d'Europe. Neantmoins ou que ce fut un miracle de la sainte obeyssance, ou bien vne benediction du P. Xa-

uier, ledit Pere en moins de six mois, entendit fort bien ceste langue, & la sceut parler; brief il eut dans peu de temps acheué la Grammaire, avec vn Dictionnaire de tous les mots, non sans vn grand profit de ceux qui là deuoient apprendre: car par ce moyen ils en vindrent à bout fort aisement. Mais à fin que pendant cela, ils eussent moyen d'instruire ce peuple, il fit en sorte qu'un Prestre Malabarois, assez bien entendu en la langue Portuguaïse, tournat la declaration de la doctrine Chrestienne, qu'il auoit composée aux Moluques, laquelle il voulut que tous apprinsent par cœur, & la leussent ou recitassent aux Chrestiens, quand ils seroient assemblez à l'Eglise. Il leur laissa aussi de beaux enseignemens, pour bien entretenir, & esleuer ces nouuelles plantes en la foy, & bonnes mœurs: leur recommandant sur tout la douceur; & qu'ils s'estudiaissent à ce faire plustost aymer que craindre. Car de ceste façon ils auanceroient beaucoup plus enuers eux, & les gouuérneroient mieux, que s'ils les menoient par rigueur.

*Il passe
en l'Isle
de Ceilā.*

Expedié qu'il eut les affaires de la Coste, il voulut, auant que retourner à Goa, passer à l'Isle de Ceilā, pour vn affaire d'importāce, duquel nous traicterons bien tost. Il vint donc surgir au port de Gale, ou il trouua vn Portugais, nommé Michel Fernandez, si grieffuement malade qu'on estimoit ne deuoir pas-viure long temps. Le Pere le visita, & le consola avec plusieurs bons propos qu'il luy tint; & finalement il luy dit qu'il ne se contristat point, pour crainte de la mort: car il auoit bonne esperance de sa santé; & qu'à ceste fin il alloit dire la Messe pour luy, & le recommanderoit à N. Seigneur. La Messe finie, il s'en retourne pour voir comment se portoit le malade, & trouue qu'il ne faisoit que sortir d'un grief accident, qui luy auoit duré desia vingt & quatre heures, & rendoit la maladie beaucoup plus dangereuse: mais à l'instant que le Pere eust acheué la Messe, il en fut deliuré, & guarit tout aussi tost, comme le mesme Fernandez a depose & iuré, lors qu'on en fit les in-

*Guerit
par ses
prieres
vn mala-
de.*

*L'ocasio
qu'il eust
pour aller
à l'Isle de
Ceilan.*

formations. Mais la principale cause, qui le fit passer à ceste Ile de Ceilan, fut le desir, qu'il auoit, de recueillir le fruiet du sang des martyrs, qui deux ans auparauant y auoit esté espandu. Et d'autant que le droict que pretendoient au Royaume les deux Princes, qui furent baptisez à Goa, estoit finy par leur mort, (car ils decederent tous deux là mesme pendant ce temps) l'esperance aussi qu'on auoit d'y planter la Foy par leur moyen fut perduë. Ce neantmoins le Pere resolut d'aller trouuer le Roy qui auoit fait tuer les martyrs

pour luy persuader de permettre que la foy Chrestienne fut publiée en son Royaume, & de l'embrasser luy mesme, esperant qu'il le feroit, à tout le moins pour s'asseurer de son Estat. Car il n'auoit rien à craindre, s'il contractoit paix, & alliance avec les Portugais. Nostre Seigneur donna si bonne yssue au dessein du Pere, que ce Roy barbare, bien qu'il fut memoratif & piqué, de ce que le Gouverneur des Indes Martin Alonse de Sosa luy auoit voulu faire la guerre, pour le debouter du Royaume, qu'il possedoit, afin d'y establir l'un de ces deux Princes : toutesfois il ne receut pas seulement le Pere Xavier avec tres-grand honneur & humanité, mais encore luy presta l'oreille, pour l'ouyr discourir des mysteres de la foy Chrestienne. Brief il pleust à Dieu communiquer vne telle grace au Predicateur pour les declarer, & à l'auditeur pour les escouter, que le Roy promit de se faire Chrestien, & de tascher aussi que *Fruist de* tout son Royaume le suiuit ; offrant pour ostage de sa parole, de *son voya-* mettre sondit Royaume entre les mains du Roy de Portugal, se ré-^{le.} dant son vassal, & luy payer le tribut qu'on aduiseroit, sans demander pour tout cela au Gouverneur des Indes, que deux choses : l'une qu'il fit avec luy vne bone paix & alliance, côme avec les autres, qui s'estoient rendus vassaux de la Couronne de Portugal ; l'autre que pour empescher les reuoltes ou mutineries, qui se pourroient ensuiure du changement de religiō, il luy enuoyat vne compagnie de soldats Portugais, auxquels il payeroit la souldie, selon que ledit Gouverneur ordonneroit. Le Pere ayant si bien manié cest affaire, tout ioyeux de voir vn si beau commencement de victoire contre Satan en ce Royaume, prend tout aussi tost la route vers Goa, menant quant & soy l'Ambassadeur dudit Roy, pour traicter de cest accord avec le Gouverneur del'Inde, qui estoit encore lors D. Iean de Castro. Le Roy susdict bailla lettres de creance à son Ambassadeur, esquelles il luy dōnoit tout pouuoir, & s'obligeoit de tenir pour fait, tout ce que luy & le Pere accorderoiēt en son nō. Ayant donc prins congé du Roy, il s'embarqua avec l'Ambassadeur & arriua heureusement à Goa, le 20. de Mars l'an 1548.

DIVERS VOYAGES, ET OEUVRES SIGNALÉES que fit le B. P. François Xavier, depuis son retour des Moluques à Goa, iusqu'à ce qu'il se resolut de faire le voyage du Japon.

CHAPITRE XIX.

SOn arriuee à Goa causa vne grande ioye & liesse à ses amis, *Arriuee du P. X^{av} auier à Goa.* & autres habitans de ladite ville, tant à raison de l'affection

singuliere qu'on luy portoit, & de l'opinion grande qu'on auoit de sa saincteté, qui estoit beaucoup accruë depuis le temps qu'il en estoit parti pour cause des choses admirables qu'on entendoit dire de luy. Les Religieux de la mesme Compagnie qui estoient en ladite ville n'en receurent pas moins de contentement, & principalement ceux-là, qui ne l'auoient encore iamais veu, pour le grand desir qu'ils auoient de le cognoistre ayans ouy dire de luy tant de merueilles. Mais sa venue ne fut pas seulement agreable, ains encore salutaire à vn Prestre Espagnol natif de la cité de Valence appellé Cosme de Torres: homme de grand entendement, & de bonnes lettres. Cestuy-cy s'estant rencontré avec le P. Xauier en l'Isle d'Amboyno, ou il aborda avec la flotte des Espagnols, comme a esté dit cy dessus, s'affectionna tellement à luy, & print tant de goust à sa façon & maniere de viure, que deslors il eust enuie de l'imiter; si que depuis tousiours quelque estincelle de ce feu diuin caché en son ame, luy en resta, & ne le laissa en repos, iusqu'à ce qu'il eust mis en execution ce, à quoy le S. Esprit le poussoit. Or d'autant qu'il a esté vn grand personnage en nostre Compagnie, & a beaucoup trauaillé en la conuersion des Iaponois, comme nous verrons en son lieu, aussi parce que sa vocatiõ est fort remarquable; il m'a semblé bon d'inserer icy vne lettre, qu'il en escriuit apres sa reception, à ceux de la mesme Compagnie, qui estoient en Portugal, datée du 25. Ianuier 1549. En voicy donc la teneur.

Lettre „ Dieu eternel principe & fin de ses creatures, non content de
du P. „ nous auoir creez & rachetez, nous à formez de telle sorte, que cõ-
Cosme „ me image & creature sienne; il a voulu que nous le cherchions de
de Tor- „ tout nostre cœur; luy ne cessant continuellement d'arracher de
res, tou- „ nous, le soing superflu de nostre corps, & nous donnant à ceste fin
chant sa „ vne infinité de bonnes & saintes inspirations, pour nous attirer à
voca- „ faire sa volonté, par des moyens, ce semble, contraires à icelle; Et
tion. „ iusques à ce que nous venions à l'accomplir, nous viuõs tousiours
 „ en inquietude, & sans aucun repos: car la creature ne peut le trou-
 „ uer hors de son createur. Or desirant me consoler avec vous mes
 „ Peres & freres en Iesus Christ, ie vous exposeray en brief le discours
 „ de ma vocation, à fin que vous m'aydiez à rendre graces à sa diuine
 „ bonté, de tant de biens que i'ay receu de sa main liberale; & que
 „ vous ayez plus souuent en vos saintes sacrifices & oraisons souue-
 „ nance de moy, louans Dieu d'auoir faict tant de graces à vn sien
 „ pauvre seruiteur, qui a trouué le repos de son ame en ceste Com-
 „ pagnie,

pagnie, & m'impetrās les diuines faueurs qui sont necessaires à vne telle vocation.

Je dis donc que l'an 1538. ie partis de Seuille cherchant ce que ie ne scauois point. Car jaçoit que i'aye en tousiours intention de seruir Dieu; toutesfois ce desir estoit d'ordinaire meslé avec d'autres pretentions. Ayant passé les Isles Canaries, celle de S. Dominique, & plusieurs autres, sur les qualitez desquelles, pour estre assez cogneuës, ie ne m'arresteray pas, nous arriuasmes à la terre ferme, qu'on nomme la Nouuelle Espagne. De la fertilité de laquelle il n'est ja besoing de parler, ny du nombre quasi infiny de Chrestiens qu'il y a, ny du profit que les Peres tant de S. Dominique que de S. François, avec les autres gens d'Eglise y ont fait; d'autant qu'on scait desia ces choses en France, en Italie, & par tout. Je fus en ce pais l'espace de trois ans & demy, avec aussi grande affluance de biens temporels, que i'eusse sceu desirer; mais non content de cela, ie souhaitois tousiours ne scay quoy. Je partis donc de là le 21. de Nouembre de l'an 1542. vers les parties & Isles du Ponant, avec six nauires de compagnie. Les voiles mises au vent, nous cōtinuāmes nostre nauigation cinquante & cinq iours, sans trouuer ny terre, ny autre nauire, & apres ces 55. iours nous arriuasmes à certaines Isles basses, qui estoient en grand nombre, mais fort petites. Les habitans vont tous nuds, & ne viuient d'autre chose que de poisson & de fueilles d'arbre. Apres auoir sejourné là huiët iours, nous demarāsmes, & au bout d'autres dix nous trouuasmes vne Isle tresbelle, ou il y auoit de grands palmiers. Mais d'autant que le vent estoit fort impetueux & violent; nous ne l'a peusmes aborder. Passāns donc plus outre autres dix ou douze iours, nous prīsmes port à vne Isle fort grande, laquelle on nomme Vēdenao, ou nous arrestasmes pres de 40. iours, sans rencontrer aucun des habitans, & pensions qu'elle fut despeuplée; mais en fin quelques vns vindrēt vers nous, dans des barques, qui se tiroient du sang des bras, & de l'estomach, & puis le beuuoient, qui est parmy eux vn signe, avec lequel ils monstrent qu'ils demandent la paix. Les nostres lascherent pour lors quelques pieces d'artillerie, qui les estonnerent si tresfort, que depuis nous ne les vismes plus. Les gens y vont quasi tous nuds, & se logent sur les plus hauts arbres; car il en y a en ce pais d'une belle grandeur & pareille grosseur. Ils montent sur iceux & grands & petits, par vne eschelle faite de canes, qui est fort haute. Nous parīsmes de là, en intention de prendre la route du Nort, mais il ne

„ nous fut iamais possible; parquoy nous fûmes contrains de pren-
 „ dre celle du Sud, & allâmes nous rendre à vne petite Isle, en la-
 „ quelle il y auoit grande abondance de riz, & de chair; qui fut cau-
 „ se que nous nous arrestâmes là vn an & demy, ou enuiron. Les ha-
 „ bitans ressembloient fort ceux de l'autre en leurs mœurs, sinon que
 „ ceux-cy nourrissoient en vn bois certains animaux, qui sont comme
 „ scorpions, desquels ils se seruent pour enuenimer les fleches: dont
 „ ils sçauent bien le mestier. En ce lieu moururent bien trois ou qua-
 „ tre cens personnes des nostres, comptant les esclâues; si que forcez
 „ par la necessité, nous partîmes de là contre la volonté de tous les
 „ habitans, & arriuasmes aux Moluques, ou nous sejourناسmes bien
 „ pres de deux ans. Finalemēt suyans l'aduis des Prestres, qui estoient
 „ en ladite flotte, & de quelques gentilshommes aussi, nous nous ac-
 „ cordâmes avec le Capitaine des Portugais, que puis qu'il estoit im-
 „ possible de retourner en la nouuelle Espagne, il nous conduiroit
 „ vers ces quartiers de l'Inde. Partis que nous fûmes des Moluques,
 „ nous allâmes passer à l'Isle d'Amboyno, ou ie trouuay le P. Fran-
 „ cois Xavier; à la premiere veuë duquel, s'imprima en moy vn vif
 „ & enflammé desir, de suyure ses traces & maniere de vie. Ce que
 „ i'eusse executé dés lors, si n'eust esté que i'auois delibéré de m'aller
 „ presenter plustost à l'Euesque de l'Inde: & avec ceste intention ie
 „ partis de là, sans luy communiquer mon dessein. Tirans donc plus
 „ auant, nous passâmes par certaines Isles, qu'on nomme des Iauois.
 „ Les habitans sont partie Sarrazins, partie Idolâtres; gens au reste
 „ fort cruels. De là nous prîmes port à Malaca, ou le Roy de Portu-
 „ gal à vne forteresse des plus riches de l'Inde, attendans vn certain
 „ temps pour partir: car on ne peut autrement nauiger. Nous tra-
 „ uersâmes apres beaucoup d'Isles, & le vent nous fit en fin aborder
 „ à l'vne des Maldiuës: lesquelles sont à mon aduis, au mesme climat
 „ que la premiere Isle, que nous rencontraâmes venans de la nouuel-
 „ le Espagne. Aussi les gens sont quasi de mesme humeur, & ont
 „ mesme nourriture, qui est de poisson. Ils sont quant au reste fort
 „ pauures & miserables, & vont tous nuds. Or toutes ces nations que
 „ i'ay dit, sont infideles, & en quelques lieux nous trouuâmes des
 „ Pagodes. De là nous fûmes prendre port à Cochîn, ou nous se-
 „ jourناسmes six mois: apres lesquels nous nous rendîmes en ceste
 „ ville de Goa. Ie m'en allay tout aussi tost faire la reuerence à l'E-
 „ uesque, lequel me receut fort humainement, & me donna charge
 „ d'vn Vicariat de son Diocēze, lequel ie seruî l'espace de 4. ou 5.

A la
 veuë du
 P. Xa-
 nier il
 s'ëtoit
 vn grãd
 desir de
 l'ensuy-
 uir.

mois, sans pouuoir trouuer aucun repos en mon esprit; tellement
 que me voyant tourmenté & affligé de tant de diuers pensemens
 & desirs, ie m'en vins à ce College de sainte Foy, & parlay au P.
 Recteur, qui estoit lors le P. Nicolas Lancelot, luy demātant quel-
 le estoit la façon, & maniere de vie religieuse, qu'on gardoit en ce-
 ste Compagnie. Et comme i'estois desia esmeu par la veuë du P.
 Xavier, il laissa bien empreinte en mon ame, ceste nouuelle façon
 de viure; si que de là à peu de iours, ie resolu de faire les exerci-
 ces spirituels, desquels on vse en la Compagnie: & bien qu'à l'en-
 trée d'iceux, ie fus fort combattu des mesmes pensées & imagina-
 tions, que i'auois eu tousiours; neantmoins au bout de deux
 iours, ie sentis vne si grande paix & repos en mon ame, que ie ne la
 scaurois expliquer en façon quelconque; de sorte que tout eston-
 né de voir en moy vne si grande nouueauté, ie disois au P. Nicolas,
 qui me donnoit les exercices, qu'il me sembloit que la lecture d'i-
 ceux, auoit quelque chose interieure & cachée qui me mouuoit;
 car ayant souuentefois leu tout ce qui y estoit contenu, ie n'auois
 iamais senty en moy de tels & tant inusitez mouuemens. A quoy
 il me respondit, que i'eusse à me recommander à Dieu, & luy ren-
 dre graces, de ce qu'en si peu de temps, il auoit fait vn si grād chan-
 gement en moy. Je n'acheuerois iamais, si ie voulois raconter tout ce
 qui se passa. Et jaçoit que sur la fin des exercices, i'eus de grandes
 tentations, neantmoins elles furent toutes chassées, par l'heureuse
 arriuée du P. Xavier: lequel il semble que Nostre Seigneur amena
 tout à poinct pour moy. Ce fut le 20. de Mars de l'an 1548. qu'il
 aborda en ceste ville, & peu de iours apres ie me determinay de vi-
 ure & mourir en ceste Compagnie, en laquelle ie fus receu par le
 P. Xavier, avec vn singulier contentement & consolation de mon
 ame, ne cessant de louer Dieu, pour tant de graces qu'il m'a fait, &
 principalement d'auoir en fin trouué, ce que i'auois cherché l'es-
 pace de tant d'années, & parmy tant de dangers, scauoir est le repos
 & tranquillité de mon ame. Quelques iours apres l'arriuée des Pe-
 res, qui vindrent de Portugal, & aborderēt icy le 20. d'Aoust, le P.
 Xavier s'en allant vers le cap de Commorin, pour visiter les Chre-
 stiens qui sont là, me bailla charge de faire la doctrine Chrestien-
 ne aux ieunes enfans, qui s'esleuent & se nourrissent au College,
 leur declarant l'Euangile de S. Matthieu, comme ie faisois aupara-
 uant: & les Dimanches de faire le mesme sur le tard, dans l'Eglise,
 pour les nouueaux Chrestiens. Me parlant aussi d'un pais, qu'on

nomme le Japon (duquel ie pense que vos Reuerences auront veu les mœurs & qualitez descrites) il me dit qu'il m'y vouloit mener quant & soy, apres son retour du cap de Commorin. Ie l'acceptay fort volôtiers, & m'offris de le suyure par tout ou il yroit, le remerciant d'une si grande charité, & de la souuenance qu'il auoit de moy. Ie rends infinies graces à ce Dieu eternel, qui donne tant de consolations, à celuy qui le cherche avec quelque desir. Iusques icy sont les paroles du P. Cosme de Torres, desquelles il apert quelle ioye

*Anger
Japonois
est bapti-
zé à Goa
& fut ap-
pellé Paul
de S.Foy.*

& contentement il receut à l'arriuée du P. Xavier. Mais Anger Japonois n'en fut pas moins aise pour le grand desir, qu'il auoit d'estre baptizé, & mis au rang des enfans de Dieu. Ce qu'il obtint aussi, bien tost apres la venue du Pere, ayant esté auparavant instruit fort soigneusement en la Foy, dans le College de saint Paul, ou il fut entretenu honorablement avec ses deux seruiteurs, tout le temps qu'il demeura à Goa. Tous trois receurent ensemble le Saint Sacrement de Baptême des mains du Reuerendissime Euesque de Goa, qui estoit lors Iean d'Albuquerque. Anger voulut estre appellé, Paul de sainte Foy, en souuenance du lieu ou il auoit appris la cognoissance de la loy diuine, qui estoit le College de la Compagnie, lequel on nommoit de S. Paul & de sainte Foy. De ses deux seruiteurs, l'un eut nom Antoine, & l'autre Iean. Par ainsi en vertu du saint baptême, Paul de sainte Foy receut encore de nostre Seigneur, ce qu'il auoit cherché si long temps, parmy tant de dangers, qui estoit la vraye paix & tranquillité d'esprit; dequoy il donna bon tesmoignage, par vne lettre, qu'il escriuit à Rome au B.P. Ignace, dattée du 25. de Nouembre 1548. d'où il apert clairement, comme il recognoissoit bien le benefice signalé que Dieu luy auoit fait, l'appellant à sa sainte Foy, par vne voye si extraordinaire entre tous ceux de son pais; & ensemble il monstre le profit, qu'il auoit fait en icelle depuis si peu de temps. Or le P. Xavier s'apperceuant combien il estoit aduancé en la cognoissance des choses diuines & celestes, iugea qu'il estoit capable de faire

*Trouue
par le
moyen du
baptême
le repos
de son
ame.*

*Fait les
exercices
spirituels
& y pro-
fite beau-
coup.*

*Voyage
du P.Xa-
uier à*

les exercices spirituels, tellement qu'il ordonna au Pere Cosme de Torres, de les luy bailler six mois apres sa conuersion, d'où il retira vn profit merueilleux pour le salut de son ame. Durant ce temps le P. Xavier n'arresta pas beaucoup à Goa, d'autant qu'il deuoit aller trouuer le Gouverneur de l'Inde, Iean de Castro, qui estoit lors à Bazain, occupé en de grands affaires: & bien que ledit Gouverneur n'eut encore iamais veu ny cogneu le Pere, si est-ce qu'il le receut

fort humainement & avec grand honneur. Quoy qu'aucuns esti-^{Bazain,}
moient, que ledit Gouverneur, ayant esté mal informé des Peres de
la Compagnie, il ne les affectio^{de la}noit pas beaucoup. Mais si tost qu'il
eut veu le P. Xavier, il fut tellement espris de sa vertu & saincteté,
qui reluisoit mesme en son visage, qu'il luy octroya tout ce dequoy
il le requit, & nommement ce qui concernoit les affaires du Roy
de Ceylan, pour lesquels principalement il l'estoit allé trouuer, or-
donnant qu'on traictat fort honnorablement l'Ambassadeur dudit
Roy, qui estoit à Goa, & qu'on le pourueut de tout ce qu'il auroit
de besoing avec grande largesse, iusques à son retour. Il cominanda
aussi qu'on luy fit faire de beaux & riches accoustreimens, pour le
iour de son baptesine, aux despens du Roy de Portugal. Et apres
qu'il fut de retour à Goa, il enuoya cent soldats Portuguais au Roy
de Ceylan, le chef desquels estoit Antoine Monis Barret, qui fut de-
puis Gouverneur de l'Inde, à fin qu'ils empeschassent les reuoltes
& troubles, qui eussent peu suiure le changement de Religion. Le
P. Xavier ayant eu si bonne expedition, s'en voulut tout aussi tost
retourner à Goa. Mais ce qui l'arresta quelques iours encore, fut la
conuersion d'un Portuguais, nommé Roderic de Sequeyra, lequel il
auoit cogneu autresfois à Malaca; là ou ce Roderic ayant commis
vn meurtre, & se voyant poursuiuy des parties par iustice, s'en alla
retirer au P. Xavier, qui logeoit à l'hospital de ladite ville, le priant
instamment de vouloir interceder pour luy, & faire en sorte que ses
parties voulussent entrer en accord. Le Pere le receut avec tres-
grande charité; mais auant que luy moyenner l'accord avec les ho-
mes, il luy fit faire la paix avec Dieu, par vne bonne confession ge-
nerale de tous les pechez de sa vie passée, desquels il se peut souue-
nir; & à fin qu'il recogneut mieux la griefuete de ses fautes, il le fit
retirer durant quelques iours en vn lieu à part; là ou il ne voyoit
quasi aucun, ny ne parloit presque à personne. Apres ce il l'entendit
de confession, & fit en sorte qu'il frequentast les Sacremens de la
Confession & de la Communion, de huiet en huiet iours; brief il le
tenoit aupres de soy, & l'exerçoit és œuures d'humilité & charité,
comme il faisoit à l'endroit de quelques autres, qui se retiroient à
luy, pour estre comme ses disciples. Cependant il luy negocia le
pardon, qu'il desiroit de ses parties, & l'ayant obtenu auât que par-
tir pour aller aux Moluques, il le renuoya en l'Inde basse, luy con-
seillant comme amy de s'en retourner en Portugal. Car il cognois-
soit bien que cela estoit expedient pour son salut. L'autre luy pro-

*Les hon-
neurs
chargent
les mœurs*

mit de ce faire, & sur tout qu'il garderoit ceste bonne coustume, de se confesser & communier souuent. Estant de retour à l'Inde, le Gouverneur D. Jean de Castro, le pourueut d'un office de tresorier de guerre: & comme il aduient souuent que les honneurs chargent les mœurs, il s'oublia de tous les bons aduis, que le Pere luy auoit donné, & des promesses qu'il luy auoit faict, dont il deuint autant vicieux, & dissolu en ses meurs qu'auparauant: voire encore estoit il pire en cela, qu'il ne s'estoit confessé il y auoit desia deux ans. Le P. Xavier estant arriué a Bazain sur la fin du Carefme, va rencontrer vn iour son homme par la ruë, lequel aussi tost luy voulut prendre la main pour la baiser, selon qu'il auoit accoustumé de faire. Mais le Pere ne le voulut permettre, ains le repoussa en arriere, luy disant ces paroles: Comment mon fils, estes vous tel, que cela? vous auez mal accompli vostre promesse; car vous n'estes pas retourné en Portugal: & si depuis ce temps là vous ne vous estes confessé. Je ne vous parleray point, ny seray vostre amy, iusques à ce que vous l'ayez faict. L'autre entendant cecy resta fort estonné, car il ne sçauoit d'où le Pere pouuoit auoir sçeu ce qu'il luy auoit dir. Se voyant dōc ainsi descouuert & rebutté, il se prepare pour faire vne bonne confessiō, & le plustost qu'il peut, s'en va trouuer le Pere. En se confessant il cogneut (cōme il dit en sa deposition) que le Pere auoit sçeu tous ses pechez, auant mesme qu'il les luy eut descouverts. Et ceste rencontre luy fut si profitable, qu'il vesquit de la en auant avec plus de soing de sa conscience, & mena vne vie fort vertueuse, & louable.

*Le P. Xavier s'en
retourne
à Goa.*

Après que le P. Xavier eut remis cest' ame au chemin de la vertu, il voulut s'en retourner à Goa, & alla prendre congé du Gouverneur D. Jean de Castro; qui desiroit fort le retenir encore aupres de soy; toutesfois le Pere luy fit si grande instance de luy permettre son retour, qu'en fin il le luy accorda; mais avec condition qu'il ne partiroit point de Goa, iusques à son atriuée: & que la ils passeroiēt ensemble le reste de l'hyuer, lequel commence à Goa depuis le mois d'Auril, & dure iusques en Septembre. Il semble que le Gouverneur preuoyoit des-lors, que la presence du Pere luy seruiroit de beaucoup, pour l'encourager aux derniers abbois de la mort, laquelle le faist en ce temps là, comme nous dirons cy apres. Aussi tost donc que le Pere fut de retour à Goa, il mande à Malaca le P. François Perez, & vn autre, qui n'estoit pas encore Prestre, nommé Roch Oliueira, pour y donner commencement à la maison de la

Compagnie, que les habitans luy auoient demandé, leur donnant de tres vtils enseignemens qu'ils gardèrent ric à ric avec vn notable profit & aduancement spirituel des habitans.

En ce mesme temps le Gouverneur D. Iean de Castro fit armer & equiper vne flotte pour enuoyer son fils prendre possessiō, comme il pensoit, de la ville d'Aden l'vne des plus fortes de l'Arabie heureuse, sise au pied d'vne haute montagne, qui aboutit par vne longue & estroicte poincte de terre à la mer, estant lauée de riuieres d'vn costé & d'autre, fort propre pour fermer le passage des Indes aux Turcs & autres Sarrazins, qui y vont par la mer rouge. Car de la ville d'Aden iusques au golfe Arabique, il n'y a que soixante lieues, tellemēt qu'en l'espace d'vn iour, on peut bouscher l'entrée avec petit nombre de vaisseaux. Et à ceste cause, l'an 1513. le grand Albuquerque, tascha de l'auoir, mais en vain : car il fut contrainct d'en leuer le siege avec grande perte des siens. Or depuis les habitans s'estoient voulu rendre de leur plein gré aux Portuguais : mais la niaiserie d'vn certain Capitaine des leurs nommé Soarez, qui refusa cest offre, disant qu'il n'auoit charge de l'accepter, leur fit perdre ce bon heur. Toutesfois durant le gouuernement de D. Iean de Castro, ils firent derechef quelque semblant de se vouloir mettre entre les mains des Portuguais ; tellement que le Gouverneur y enuoya son propre fils nommé Don Aluaro de Castro avec vne bonne troupe de Capitaines & braues soldats ; jasoit que la chose ne reüssit pas cōme l'on eut bien desiré. Neantmoins à ceste occasion partirēt de la ville de Goa huiēt fustes, toutes pleines de gens d'armes, & outre ce quelques nauires de charge, qui portoient les viures & munitions de guerre. Or parmy ces soldats il en y auoit vn, estimé des plus braues : & des plus vaillans selon le monde : qui neantmoins estoit en fort pauure & miserable estat quant à l'ame. Car outre vn'infinité de vices, ausquels il se laissoit gourmander & vaincre à toute heure, il y auoit dixhuiēt ans, qu'il ne s'estoit confessé. Le Pere Xavier auoit bien ietté l'œil sur luy, & estoit delibéré de l'attaquer : mais il attendoit l'heure & le temps propre. Sçachant donc qu'il s'estoit embarqué avec les autres, il sort au mesme instant du College, ne prenant autre chose avec soy que son Breuiaire, & se va mettre dans la mesme fuste, où ce soldat estoit. Ils leuent les ancrs, & mettent les voiles au vent, bien ioyeux d'estre en si bonne compagnie, que celle du Pere ; car sa conuersation n'estoit pas moins agreable, & ioyeuse, que deuote & spirituelle : si que

*Adē vil-
le d'im-
portance
en l'Ara-
bie heu-
reuse.*

*Le P. Xa-
uier s'em-
barque
pour gai-
ner vne
ame.*

Il s'insinua en l'amitié de celuy qu'il veut gagner.

les soldats mesmes estoient bien aises d'estre avec luy. L'on pensoit que le Gouverneur l'eust enuoyé là, pour accompagner son fils, & n'y auoit personne, qui se doubta de ce qu'il alloit chercher: moins encore celuy pour lequel il entreprenoit ce voyage. Le Pere toutefois s'accostoit de luy plus volontiers, & plus souuent que des autres, se trouuoit à son ieu, & se rendoit familier à luy tant qu'il pouuoit; voire quelque fois l'entendant jurer & renier, il dissimuloit pour vn peu de temps: brief il tascha par tous moyens de s'insinuer en son amitié. Ce soldat aussi commença de s'affectionner à luy, & avec ce de conceuoir vne grande opinion de sa vertu, dont peu à peu rentrant en soy-mesme, il consideroit la multitude & grandeur de ses pechez: le Pere de l'autre costé cognoissant bien que son malade se dispoisoit à recevoir guarison, accroist ses austeritez, & les prieres qu'il faisoit à Dieu pour sa conuersion. Sur ces entrefaites aduint vn iour que tous deux estant seuls, le Pere luy demande a qui il s'estoit confessé auant que partir. Lors tirant vn soupir du profond du cœur, Ha! mon pere, dit-il, il y a plusieurs années que ie

ne me suis confessé. Et comment, repliqua le Pere, en vne telle occasion, que ceste cy? Vn homme qui n'a point accoustumé de tourner le dos aux ennemis, & qui peut estre tué en quelque assaut, ren-

contre, ou escarmouche, quel estat faict il de son ame, ne se confessant pas auant que s'exposer à de si grands & euidens dangers? Ie

me suis bien souuenu de cela, repart le soldat, auant que partir, & de fait ie m'estois allé presenter à vn vicaire; mais il ne m'a pas voulu absoudre, & ie le meritois. Le Pere faisant semblant de tenir son

parti, commence à se plaindre de la rigueur & seuerité du vicaire, disant que nous sommes tous pecheurs voirement, & indignes de

la misericorde de Dieu, mais que c'est pour ceux là, que le fils de Dieu est mort en croix, & que la plus grande offense qu'on luy

scauoit faire, c'estoit de refuser pardon à ceux, qui estoient vraiment contrits & repentants; luy faisant entendre par ce discours, que s'il estoit desplaisant de ses pechez, & auoit bonne enuie de s'en emender, il auoit puissance de l'absoudre de tout cas. Par telles & semblables paroles, il disposa si bien son soldat, qu'il vint à se refoudre de faire vne bonne & entiere confession des pechez, qu'il auroit commis durant toute sa vie, & le Pere luy enseigna la façon de s'y preparer. Ayant donc prins vn peu de temps pour ce faire, ils vont cependant mouiller l'ancre à vn port, qui estoit en chemin. Plusieurs de la flotte sauterent à terre, & entre autres le P. Xavier

avec

Se sert d'un merueil leux artifice pour reduire un pecheur.

avec son soldat. Ils s'en vont tous deux seuls en vn lieu escarté, hors de la veuë des autres, là ou le Pere entendit la confession de son homme, laquelle il fit avec tref-grande abondance de larmes, sanglots, & autres signes d'un cœur vrayement contrit & repétant: prest & appareillé pour accepter, & accomplir quelconque penitence & satisfaction, que le Pere luy voudroit enjoindre pour ses pechez. Mais tant s'en faut qu'il le chargeat de quelque grieve *luy dōne* penitence, que iamais presque il n'en bailla de plus legere. Le pe- *une peni-* nitent estonné de cela dit à son Confesseur, pourquoy il luy bailloit *tence fort* vne si legere penitence, veu qu'il auoit tant offensé la diuine Majesté: le Pere luy respond qu'il ne s'en donat point de peine, & qu'au surplus il satisferoit pour luy. Cela ne fut pas de parole seulement: car aussi tost il s'en entre plus auant dant dans le bois, & pour commencement de paye, prend en main vne rude discipline garnie de rosetes, & s'estant despouillé s'en donne sur le dos de si grands coups, qu'il en fit bien tost yssir le sang. Le soldat qui accomplissoit lors sa penitence, entendant les coups, qui tomboient dru & & menu sur les espauls du Pere, cogneut incontinct que c'estoit: & suiuant le bruit qu'il oyoit il arriue au lieu ou estoit le Pere, lequel il trouue avec sa discipline, & son dos tout ensanglanté. A ce piteux spectacle meu de compassion, il se icte à ses pieds, & le prie instamment de ne passer plus outre, & pleurant à chaudes larmes se determine deslors, de faire luy mesme la satisfactiō, tenant à deshonneur qu'un autre payat & satisfit pour luy. Mais ce qui luy gaigna dauantage le cœur, fut d'entendre que le Pere n'estoit venu pour autre occasion, que pour le retirer de l'abyfme d'Enfer, ou il s'alloit precipiter. Car vn peu apres le Pere voulant s'en retourner, luy dit que son voyage estoit acheué, d'autant qu'il ne s'estoit embarqué, sinon pour l'ainour de luy: au reste qu'il aduisat bien de s'entretenir en la grace de Dieu. Car s'il est misericordieux à par- *Aduis* donner, aussi est-il rigoureux à chastier, quand on ne fait pas son *remar-* profit du pardon. Ce qu'il graua tellement en son ame, que de là en *quable.* auant non seulement il emenda sa vie, mais aussi employa le reste d'icelle à faire penitence du passé. Tout aussi tost le Pere ayant trouué commodité de s'embarquer s'en retourne à Goa, tref-content d'auoir prins tant de peine, pour gagner vne seule ame à Iesus-Christ; qui a tout autant enduré pour vn, comme pour tous. Peu de temps apres son retour à Goa, le Gouverneur y arriua aussi, le quel se voyant trauaillé d'une fiébre lente & melancholique, de-

*Afflige le
Gouver-
neur du
rant sa
maladie.*

puis quelques mois, qui l'alloit consumant petit à petit, cogneut bien que son terme s'approchoit, tellement que pour se mieux disposer à ce passage, il faisoit appeller souuent le P. Xavier, afin de luy communiquer l'estat de son ame. Le Pere y alloit presque tous les iours sur les deux heures apres midy. Or en ce temps luy arriua (a ce qu'on pense) vne chose que certain personnage de grande auctorité a laissé escrire de sa main: disant qu'au College il y auoit entre autres vn ieune garçon Indien, nommé André, aagé de dixsept à dixhuiët ans, lequel on instruisoit ainsi que les autres du seminaire pour estre vn iour Prestre, comme depuis il fut. Cestuy-cy estant compagnon ordinaire du P. Xavier, quand il alloit visiter le Gouverneur, auoit charge de l'aller aduertir chasque iour, quand deux heures apres Midy auroient frappé. Or estant vne fois allé à sa chambre pour l'aduiser à l'accoustumé, il le trouua assis, le visage tout enflammé, les yeux ouuerts, sans toute fois qu'il s'en seruit, ny d'aucun autre sentiment. Ce ieune homme pour faire reuenir à soy le Pere, menoit grand bruit des pieds, des mains, & de la bouche, marchant roide, fermant rudement la porte, & erachant fort haut; toutes fois rië de cela ne le destournoit de son extase. A raison dequoy il le laisse en tel estat, iusques à quatre heures; & lors voyant qu'il estoit ja tard, & neantmoins le trouuant en mesme posture & rauissement qu'auparauant, il s'approche de luy, & le tire par la robbe si fort qu'il le fit reuenir à soy. Le Pere, comme sortant d'un profond sommeil, Hé quoy? fit-il: deux heures ont desia frappé? Mais ayant sceu que les quatre estoient sonnées, soudain il sort de la maison pour aller faire sa visite, ne laissant pas pourtant de continuer tousiours és mesmes pensées (comme il est croyable) qu'il auoit en son rauissement, car il ne fit que marcher d'une rue à l'autre, allant tantost deçà, tantost de là, sans prendre garde à son chemin, ny au lieu ou il deuoit aller. Brief il reuint au College estant ja nuit & n'ayant point visité le Gouverneur, ny esté en autre lieu que par les rues: & cōme il fut à la maison parlant à ce ieune homme qui l'accōpaignoit: Mon fils, (dit-il) nous aurons du tēps assez vn autre iour, pour visiter le Gouverneur; car quant à cestuy-cy, Dieu m'a prins pour soy. J'ay voulu raconter cecy, pour monstrier comme Nostre Seigneur le visitoit quelquefois, avec telle abondance de graces, & extraordinaire familiarité, qu'il estoit du tout ruy & transporté en luy, & mesme sans se seruir aucunement des sentimens du corps. Ce qui n'arriua pas seulement ceste fois là, ains plusieurs autres. L'en mettray icy tant seulement encore vn exemple,

*Estase &
rauiffe-
ment du
P. Xavier*

qui a esté bien auéré,jaçoit qu'on ne sçait bonnement le temps auquel il arriua. Aduint donc vne fois qu'il s'embarqua en compagnie d'un gentilhomme, nommé Iaques Norogna, & de quelques autres Portugais. Or comme il desiroit les disposer à receuoir en bonne part,& avec profit,les remedes qu'il vouloit leur appliquer, pour la cure & guerison de leurs ames,il se monstroit doux, amiable & affable enuers tous. Il se trouuoit avec eux, lors qu'ils ioïroient aux eschets, inuitant mesme ceux, qui sembloient faire les honteux;& mesloit tousiours quelque petit mot de recreation, pour resiouyr la compagnie, car il estoit de son naturel gay, & iouial. Iaques Norogna qui ne l'auoit pas encore cogneu si familièrement, bien qu'il l'affectionnat pour son affabilité, neantmoins il n'auoit pas si grande opinion de sa saincteté, ains parlant quelquefois aux soldats,qui estoient ses plus familiers, & intimes, Ce Prestre (disoit-il) semble estre homme aussi bien que nous;& ne croy pas qu'il soit si sainct qu'on le fait. Mais dans peu de temps,il changea bien d'opinion,pour ce qui s'ensuit. Arriuez donc qu'ils furent à vn port,ou ils deuoient se fournir d'eau douce, tandis que les vns en alloient querir,plusieurs autres sortirent hors du nauire,pour se recréer vn peu sur terre. Le P. Xavier sortit aussi, & entra tout seul dans vn bois,proche du port.Or comme l'on eust pourueu d'eau le nauire,&que tous hormis luy,se fussent retirez dedans,lors qu'on vouloit mettre les voiles au vent, le Capitaine Norogna s'aperçoit qu'il y manque, & soudain commande qu'on l'aille chercher. Ceux qui furent enuoyez le rencontrent dans ce bois, en vn lieu escarté priant Dieu, les yeux fichez au ciel, & tellement rauy en Dieu,qu'il n'y voyoit du tout rien,bien qu'il eust les yeux ouuerts,& n'oyoit aucun bruit qu'on fit. L'ayans considéré assez long tēps en cest estat,iours esmerueillez de voir vne chose si nouuelle,ils s'en vont faire le rapport audit Gētil-homme, & sement le bruiet de ce qu'ils auoiēt veu par tout le nauire; dont ceux qui estoient embarquez avec luy conceurent plus grande opinion de sa saincteté que deuant,restans fort esbahis de la veoir conjointe avec vne telle affabilité.Mais sur tous Iacques Norogna, qui fit deslors tout autre iugemēt de luy,& en parla tousiours depuis avec vn grād honneur & respect,s'accusant soy mesme de l'opiniō qu'il en auoit eu auparavant,moindre que ce qu'il y cognoissoit de vertu.Mais reprenons le discours entamé de la maladie du Gouverneur Don Iean de Castro, lequel s'aperçeuať que la fin de sa vie s'approchoit,quitta en

Autre vniuersité a'iceluy.

son affabilité & sa conversation couure sa saincteté.

On le trouue en ex-tase dans un bon.

D. Jea de Castro as-

*fiſſe du P.
Xavier
fait vne
belle
mort.*

tièrement tout autre affaires; pour s'adonner tant ſeulement à celuy, qui importoit le plus au ſalut de ſon ame. Quatre iours auant ſon trespas il ſe munit des Sacremens de l'Egliſe, à ſçauoir de la Penitence, & de l'Euchariftie, finalement il receut celuy de l'extreme Onction des mains meſme de l'Eueſque de Goa. Cela eſtant fait, apres auoir demâdê pardô à quelques vns de certains griefs, deſquels ils ſe plaignoiēt, & donné raiſon à d'autres de quelques choſes, dont ils n'auoiēt ſujet de ſe plaindre: il ne voulut qu'aucun plus le viſitaſt, hormis le P. Xavier, & deux autres Religieux, à fin de l'entretenir tous iours en bons & ſaincts propos, iuſques à ſon trespas, qui arriua le 6. de Iuin 1548. L'ay raconté ceſte heureuſe mort du Gouverneur, par ce que le P. Xavier y eut bonne part, l'ayant particulièrement inſtruiēt comment il ſ'y deuoit diſpoſer. Cependant il reſta deliuré de la promeſſe, qu'il luy auoit faiçte de paſſer l'hyuer enſemble à Goa, puis que celuy, à qui il ſ'eſtoit obligé, auant la fin d'iceluy, eſtoit paſſé a vne autre vie. Et bien qu'il eut grand deſir de faire vn tour à la coſte de la Peſcherie durant ce temps là, ſi eſt- ce qu'il n'y eut moyen de fortir du port de Goa: d'autant que pendant l'hyuer

*Le P. Xavier ſ'ar-
reſte à
Goa du-
rant l'hy-
uer.*

couſtumièremēt, les deux canaux ou entrées de l'Iſle, ſe bouchēt tellement de ſable, qu'il eſt impoſſible qu'aucun nauire entre au port, ou en ſorte. Parquoy le Pere fut contrainct de demeurer tout ce temps à Goa: là ou neantmoins il ne fut pas oyſeux; ains recommança ſes exercices accouſtumées, tant pour le ſalut du prochain, que pour ſa perfection propre. Ce fut lors qu'il paſſoit les nuits entieres en oraïſon, tantôſt à la tribune de l'Egliſe, qui eſt ſur le grand autel, ou repoſe le ſainct Sacrement, tantôſt dans le iardin du College, quelques fois dans l'hermitage de S. Antoine, d'autres dans celuy de S. Hieroſme, qui ſont audit iardin; ou bien ſe promenant à l'entour d'iceux. C'eſt là ou quelques vns qui eſtoient aux eſcoutes, tout expres pour ſçauoir ce qu'il diſoit en ſes familiers colloques avec Dieu, le virent ſouuent en vne poſture fort deuote, le viſage tout enflammé, & les yeux fichez au ciel, prenât avec les deux mains ſa robbe à l'endroit de la poiçtrine, comme ſ'il eut voulu donner vn peu d'air à ce braſier de feu de l'amour de Dieu, qui bruſſoit dâs ſon ame, diſât ces douces paroles, *C'eſt aſſez, Seigneur, c'eſt aſſez,*

*Paroles
du P. Xa-
uier, qui
teſmoi-
gnât l'a-
bondance
des grâ-
ces*

& autres ſemblables qui declaroient aſſez l'abondance des conſolations, qu'il receuoit d'en haut; laquelle eſtoit ſi grande qu'il n'en pouuoit tant ſupporter, ayant mieux endurer en ce mōde beaucoup de trauaux, diſettes, perfecutiōs, & tourmētſ pour ſon ſeruice,

que iouyr de tant de douceurs & consolations; de sorte qu'il prioit ^{solutions} Dieu qu'il les luy reseruat pour l'autre vie. Le sômeil qu'il prenoit ^{relestes} d'ordinaire ne passoit pas deux ou trois heures, & encores durât ice ^{qu'il receuoit.} luy, on l'entendoit souuêt dire ces paroles, ô bô Iesus, ô l'amour de ^{Les paro-} mô ame, ô mon createur, ô mô Seigneur, & autres de pareille affe- ^{les qu'il} ction, qui monstroient bien ce qui estoit le plus empreint & graue ^{disoit en} dans son ame. S'estant ainsi entretenu à Goa le reste de l'hyuer, cō- ^{sommeil-} me il se dispoisoit pour faire voile vers la coste de la Pescherie, voicy ^{lant.} arriuer deux nauires de Portugal, qui auoient laissé au Mozambique le reste de la flotte, en laquelle venoïent dix subiects de la Compagnie. Le Pere bien aise d'entendre de si bonnes nouuelles, s'arresta encore quelques iours à Goa: & le quatriesme de Septembre arriva le P. Gaspar Barzé avec la plus part de ses compagnons. ^{Le P. Gaspar Bar-} Que ^{zé arriué} s'ils furēt ioyeux d'estre arriuez au port, & sur tout d'auoir là trou- ué le P. Xauier, il ne fut pas moins aise de les veoir, tant pour en- tendre des nouuelles de toute la Compagnie, que pour auoir receu vn si bon renfort de soldats. Entre lesquels sçachant que le P. Gaspar Barzé estoit bon predicateur, il le fit prescher le huietieme du mesme mois, quatre iours apres son arriuee, voulant assister à son sermon, à fin de faire preuue du talent, que Dieu luy auoit donné à la predication. Et le lendemain il s'embarque & se met à la voile la droïste route du cap de Commorin, là où il consola & confirma ^{Le P. Xa-} en la foy les Chrestiens de la coste, qui estoient fort molestez, & ^{uier s'en} persecutez des Badages, pource principalement qu'ils estoient ^{va au cap} Chrestiens. Il encouragea aussi ceux de la Compagnie qui trauail- ^{de Cōmo-} loient en ce païs là pour le seruice de Dieu, & le salut des ames, les ^{rin conso-} quels pour la mesme occasion se trouuoient tous les iours en dan- ^{ler les} ger de leur vie: Et le mesme estoit il, de ceux qui demeuroient à la ^{Chrestiens} coste de Trauancor. L'vn desquels se voyant fort affligé & persecu- ^{persecuté} té de ces barbares, demanda au P. Xauier congé de sortir de là, & aller ailleurs, ou il peut trauailler avec plus de profit, estimant qu'il n'aduançoit rien en ce lieu. Mais le Pere luy fit bien entendre d'vn costé les grands threfors, qui estoient cachez sous ces trauaux & dangers, endurez volontiers pour l'amour de Dieu, & de l'autre cō- me il faisoit plus de profit en ce quartier là, qu'il n'eust sceu faire ailleurs. C'estoit le P. François Henriques, de la vertu & gestes duquel nous traicterons plus amplemēt au 2. liure, & ensemble de ce que plusieurs autres de la Cōpagnie endurerent pendāt ceste perse- cution, tant en la coste de la Pescherie, que en celle de Trauancor.

Il s'ar- Apres que le P. Xavier eut consolé & encouragé les Chrestiens
re deux de ceste contrée là, & ceux de la Compagnie, qui les instruisoient,
mois à la il s'en retourne vers la cité de Goa : mais estant arriué a la ville de
ville de Cochin sur le commencement du mois de Decembre, il voulut s'ar-
Cochin. rester là quelque temps trauaillant selon sa coustume, ainsi qu'aux
 autres lieux, à la reformation principalement des mœurs des Por-
 tuguais. Ce qu'il fit pour recognoistre principalement les biensfaits,
 qu'il auoit receu des habitans de ceste ville, qui luy monstroient
 beaucoup d'affection, & le traictoient fort charitablement lors
 qu'il passoit par là allant ou venant du cap de Commorin, des Mo-
 liques, & autres lieux plus Orientaux; car c'est l'abord ordinaire
 de ceux qui font ces voyages: & puis encore pour auoir quelque
 part au profit spirituel de leurs âmes, ainsi qu'il auoit en tant d'au-
 tres, suyuant le dire de l'Apostre S. Paul: lequel il se proposoit com-
 me patron, pour imiter, faisant le mesme office que luy, d'instruire
 les Gentils en la foy de nostre Seigneur. Le Vicaire de l'Euesque
 qui residoit à la ville de Cochin nommé Pierre Gonçaluez, luy
 estoit intime amy, & de toute la Compagnie, selon que le mesme
 Pere assure en vne lettre; car il souloit l'heberger en sa maison, &
 traicter fort humainement ceux de la Compagnie, qui passaient
 par là. Combien que le P. Xavier s'en alloit aussi demeurer quel-
 ques fois chez les Peres de S. François, qui ont vn conuent en ladite
 ville. Estant donc là il commence de s'employer à ses exercices or-
 dinaires de prescher, enseigner la doctrine Chrestienne aux petits
 enfans, & autres gens idiots, seruir les malades de l'hospital de nuict
 & de iour, ouyr les confessions de ceux, qui s'adressoient à luy
 pour cet effect: brief s'occuper en plusieurs autres œuvres de cha-
 rité tant spirituelles que corporelles, selon qu'il auoit accoustumé
 ailleurs. Ce qu'il fit avec telle ferueur & assiduité de son costé, & si
 bonne edification de toute la ville, que les habitans voyans bien
 qu'ils ne le pourroient guere retenir avec eux le prierent instam-
 ment de leur vouloir donner quelques vns de la mesme Compag-
 nie, promettans de leur bailler vne Eglise & vn logis pour leur de-
 meure. Mais le Pere ne le leur accorda pas si tost, bien que cela
 seruit comme d'une semence iettée en terre, d'où est sorty par apres
 le fruit qu'on a recueilly du College, qui depuis y a esté fondé, &
 qui est maintenant le second de toute l'Inde. Estant à Cochin il en-
 tendit que les habitans du Royaume de la Chine s'estoient bandez
 contre les Portugais, qui trafiquoient là, & les auoient chassés de

Les Chi-
nois chas-
sent les
Portugais

leurs ports. Ce qui sembloit deuoir rompre le dessein, qu'il auoit d'aller au Japon; car il est presque impossible d'y arriuer, suyuant la route de Malaca, sans aborder à quelque port de la Chine; toutefois cela ne le descouragea pas; ains apres auoir demeuré deux mois à Cochin, il s'en retourne à Goa, ou il resolut d'entreprendre ce voyage, comme nous dirons maintenant.

*LE P. XAVIER SE DELIBERE D'ALLER A
Japon: & auant que partir enuoye ses compagnons en diuers
lieux: leur donnant de beaux enseignemens.*

CHAPITRE XX.

DES-LORS que le P. Xavier eust veu le Japonois Anger, (que nous appellerons d'icy en auant Paul de S. Foy, à cause qu'il eust ce nom au baptesme) il conçeut en soy vn grand desir d'aller ayder les habitans de ces Isles à faire leur salut, esperant d'y profiter beaucoup: d'autant qu'il n'auoit encore veu aucune nation en tout l'Orient, qui fut tant ciuivilisée, ny des gens de si grande viuacité d'esprit, ou si capables de raison, & de la cognoissance des choses celestes & diuines, que ceux-cy. Les Portugais aussi, qui trafiquoient là, luy en disoient merueilles, & ce non seulement de leur bon naturel, mais encore de leur honnesteté, temperance, magnanimité, & autres vertus morales, qu'ils descouuroient en eux, tous les iours. Ce neantmoins il ne se resolut pas du tout à cela, sans auoir au prealable demandé fort instamment à Dieu la grace de cognoistre sa sainte volonté, appliquant à cet effect, & faisant encore appliquer aux autres, plusieurs Messes, & oraisons: à celle fin qu'il pleust à sa diuine Majesté luy faire entendre ce qu'il vouloit qu'il fit en cecy. Or apres auoir inuouqué de ceste sorte l'assistance du S. Esprit assez long temps, il cogneut en fin clairement, que Dieu vouloit, qu'il fit ce voyage, comme luy mesme assure en vne sienne lettre, ou il escrit ainsi: l'ay esté long temps à me resoudre si i'yrois au Japon, bien que i'eusse de ce país là de tresbonnes informations. Mais apres que Nostre Seigneur m'eust fait entendre au dedàs de mon ame, que i'eusse à y aller, & qu'il se vouloit là seruir de moy, il me sembloit, que si ie laissois de ce faire, ie serois pire que les mesmes Infideles du Japon. Toutesfois plusieurs de ses amis, gens mesme de grande auctorité & pouuoir, tascherent de l'en diuertir, pour beaucoup de raisons. Car d'vn costé ils luy representoient la longueur du chemin, qui n'est pas. moins. que

*Japonis
gens d'É-
tendemē-
& fort
ciuils.*

*Le P. Xa-
uier se re-
sout de*

*leur al-
leur pres-
cher la
soy
Chre-
stienne.*

*lin. 3. ep. 4.
ses amis
taschent
de l'en
diuertir.*

de mil trois cens lieues, contant depuis Goa iusques au Japon, puis la difficulté & dangers d'iceluy, mesmes à cause de certains vens que les Portugais appellent Typhons, qui regnent sur tous en ceste estendue de mer, qui est depuis la Chine iusqu'au Japon. Car ils sont d'une part si impetueux, qu'ils emportent, ou renuersent en vn moment les plus forts, & puissants vaisseaux: & de l'autre sont si perilleux, qu'à guise de tourbillons ils font pirouetter les nauires, & bien souuent les abyssent dans la mer, ou les poussent d'une telle roideur contre les bancs ou rochers, desquels cest Ocean est plein, qu'ils les mettent en mille pieces. Brief ils sont si redoutables, que de trois nauires, qui tiennent ceste route, si les deux en eschappent, c'est merueille. Les Corsaires aussi, qui rodent parmy toute ceste mer, sont si meschans & cruels, qu'ils ne se contentent pas d'auioir les biens de ceux, qu'ils rencontrent, mais encore s'ils peuuent leur ostent la vie. Ses amis luy representoient tout cela, & adioustoient dauantage, que si le desir de conuertir les ames à leur Createur, le pouffoit à vouloir entreprendre vn voyage si perilleux, qu'il y auoit vne infinité d'Isles, Royaumes, & Regions, qui n'auoient encor esté esclatrées de la lumiere de l'Euangile, mesmes tout contre la ville de Goa: esuelles il pourroit avec plus de profit

*Responce
du P. Xa-
uier aux
raisons de
ses amis.*

& moins de danger employer son zele. Le P. Xavier les remerciant de la bonne volonté & affection, qu'ils luy portoient, leur respondit, que pour les difficultez & dangers, qu'ils luy auoient mis en auant, il estimoit que ceux à qui nostre Seigneur auoit donné charge d'aller debiter ceste pierre precieuse de l'Euangile, ne deuoient pas faire plus de cas des tempestes, des larrons & autres inconueniens, qui peuient arriuer sur mer, que ceux qui sont profession de

*Bellecō-
paraisō.*

la marchandise pour aller vendre leurs denrées. Or si nous voyons, disoit-il, beaucoup de marchans Portugais, qui nonobstant tous ces perils, & rencontres, qui peuuent aduenir, entreprennent, & font ce mesme voyage du Japon pour gaigner quelque piece d'argēt; ne seroit-ce pas vne grande honte à vn Predicateur du S. Euangile, s'il estoit destourné par ces craintes d'aller au mesme lieu, pour gaigner tant d'ames à Nostre Seigneur, cognoissant mesme que Dieu l'y appelle? Partant il les prioit de ne le vouloir pas empescher, de suyure & accomplir la volonté diuine; Car il craindroit de l'offencer griefuement, si en cela il ne luy obeyssoit. Ces paroles fermerent tellement la bouche à ceux, qui taschoient de l'empescher, que depuis ils ne luy en sonnerēt plus mot. Mais auant qu'exercuter

son

son dessein pendant que la saison propre pour faire ceste navigation venoit, il s'en alla trouuer le Gouverneur de l'Inde, Garcia de Saa, qui estoit lors à Bazain, tant pour prendre congé de luy, que pour auoir des lettres adressées au Gouverneur de Malaca, afin qu'il luy fit bailler quelque nauire pour son voyage du Japon. Estât de retour à Goa, il enuoya le P. Alphonse Cyprian à la ville de saint Thomas, pour y continuer ce qu'il y auoit si heureusement commencé, tant en l'aduancement spirituel des Portugais habitans de ce lieu, que pour la conuersion des Infideles à nostre sainte Foy. Le P. Nicolas Lancelot fut mandé à Coulan, le P. Sebastien Gonzales à Bazain, à chacun desquels il bailla vn compagnon, qui n'estoit pas encore Prestre. Il auoit deliberé d'aller luy mesme à la ville d'Ormuz, sçachant le grand desbordemēt qu'il y auoit és mœurs des habitans, à cause du meslange de tant de sortes de nations, qui s'y retrouuent, comme nous dirons au 3. liure : mais le voyage du Japon le destourna de cestui-cy. Toutesfois il y manda le P. Gaspar Barzé Flamend, homme d'un grand zele & rare vertu, & qu'il connoissoit estre necessaire à vne telle charge, auquel il bailla de tres-beaux enseignemens, lesquels nous coucherons par escrit en ce chapitre, d'autant qu'ils sont fort profitables, & peuuent seruir à plusieurs autres, comme de fait ils ont seruy & seruent encore pour le iourd'huy. Car le P. Xavier ayant experimēté cōbien ils auoient esté viles au P. Gaspar, en ceste mission d'Ormuz, auoit accoustumé de bailler les mesmes reglemens à ceux, qu'il enuoyoit ailleurs; & encore de present ceux, qui sont semblables voyages, mesmes en l'Inde Orientale, les gardent soigneusement : & tous en font grand cas, comme de chose prouenant d'un si grand personnage, & qui outre les diuines illustrations, qu'il receuoit d'enhaut, auoit encore vne longue experience en cecy. A raison dequoy ie les ay voulu mettre icy tout au long, ny plus ny moins que ie les ay trouuez escripts au Portugais, traduits en nostre langue.

1 Ayez soing premierement de vous mesmes, n'oubliant iamais vostre profit & aduancement spirituel, & ne manquant en rien de ce que vous deuez à Dieu, & à vostre propre conscience. Car ces deux choses vous rendront plus apte & idoine pour profiter au prochain. Tasches d'estre prompt & affectionné aux choses humbles, & qui ont peu de parade; afin que par ce moyen vous gagniez la vertu d'humilité, & vous aduanciez de plus en plus en icelle.

2 Pource vous aurez soin d'enseigner vous mesme le Catechisme

gner le „ aux enfans des Portugais, aux esclaves & Chrestiens originaires du
Cate- „ pais, ne commettât point à autrui ceste charge; veu que cela don-
ebisme. „ nera bonne edification à ceux, qui vous le verront faire, & profite-
 „ ra encore à ceux, qui ont besoin de l'apprendre. Car par ce moyen
 „ ils viendront plus volontiers entendre la doctrine Chrestienne.

visiter „ 3 Vous visiterez les pauvres de l'hospital, & leur prêcherez de
les hos- „ temps en temps, sur ce principalement, qui touche leur conscience
pitauz. „ de plus pres, les exhortant à se cōfesser & communier, attendu que
 „ les pechez sont cause pour l'ordinaire des maladies, & vous mesme
 „ les entendrez de confession, quand vous pourrez. Apres ce aydez
 „ les entant qu'il vous sera possible, les servant vous mesmes en per-
 „ sonne, & leur procurant tout l'ayde temporel, que pourrez, enuers
 „ les infirmiers ou œconomes de la maison.

visiter „ 4 De mesme façon faut-il que vous visitiez souuent les prisons,
les pri- „ & preschies aux prisonniers, les exhortant à faire vne bonne con-
sūniers. „ fession generale de toute leur vie, pource que parmy telle sorte de
 „ gens vous en trouuerez plusieurs, qui ne l'ont iamais faite comme
 „ ils doiuent, & ayez vn soing particulier d'aduiser les Confreres de
 „ la Misericorde, qu'ils procurent leur eslargissement, assistant de
 „ quelque aumosne ceux qui sont pauvres.

Assister „ 5 Vous ayderez & aduancerez de tout vostre pouuoir, la Con-
la con- „ frerie de la misericorde: & quand vous enjoindrez à quelqu'un, de
frerie „ faire restitution du bien mal acquis, lors qu'elle ne doit estre faicte
de la „ au mesme creancier, ou pource qu'on ne sçait, qui il est, ou pour au-
miseri- „ tre iuste cause, faites en sorte que ladite debte se mette entre les
corde. „ mains desdits Confreres, encore que vous ayez d'ailleurs cognois-
 „ sance de quelques personnes necessiteuses, à l'endroit desquelles
 „ l'aumosne seroit bien employée, & ce pour plusieurs raisons. Pre-
 „ mierement pource que parmy les pauvres, qui sont en grand nom-
Il n'est „ bre, il en y a aucuns, lesquels sous le voile de pauvreté, cachent de
expe- „ grands pechez, & s'entretiennent en iceux; & telles gens peuuent
diēt que, „ estre mieux cogneus par les confreres, qui sçauent tous leurs de-
le Pra- „ portemens, que par autres; & pour ce regard il y aura moins de
medica- „ danger en cela, quand les aumosnes seront distribuées par leurs
leur ou „ mains. Secondement pour autant que si les gens sçauent, que vous
Cōsef- „ auez quelques aumosnes à distribuer, plusieurs s'accosteront de
leur di- „ vous, plus pour estre secourus de vous temporelemēt, que pour le
tribue „ bien de leurs ames; & il importe grandement que ceux avec qui
des au- „ vous traictez, entendent que vous les pouuez ayder tant seulement
qu'il „

és choses de leur conscience. Tiercement cecy sert de beaucoup, à fin que personne ne se scandalise, soupçonnant que vous pouuez faire vostre profit de cest argent des aumosnes, que vous receuez. Car lors que les hommes sont tentez, où mal affectionnez, ils interpretent facilement toutes choses en mauuaise part; & vous obuiuez à tous ces inconueniens, renouoyant les restitutions & aumosnes aux Confreres de la misericorde. Toutesfois si en quelque cas vous iugiez, que le contraire soit au plus grand seruice de Dieu & du prochain, ie ne dis pas que vous ne le puissiez faire,

6 Tous vos propos & deuis avec le prochain, soient de choses spirituelles, & encore en cecy aduisez bien de vous comporter de telle façon à l'endroit mesme de vos plus grands amis, comme s'ils deuoient vn iour deuenir vos ennemis. Ceste consideration sera vtile à vous mesme, à fin que vous taschiez de leur donner bonne edification, en toutes vos actions & propos, & à eux aussi, pour s'accuser & se rendre eux mesmes confus, lors qu'ils lairront de vous estre amis.

7 Vsez de toute la prudēce, qu'il vous sera possible, avec ce mauuais monde, & soyez tant, que vous pourrez, sur vos gardes. Car de ceste maniere vous gousterez plus combien est doux nostre Seigneur, & croistrez dauantage en la cognoissance de vous mesmes. Et tenez pour tout assuré, que pour ne tenir compte de nous mesmes, nous donnons beaucoup d'occasion à ceux, qui sont nos amis, de quitter nostre amitié, & à ceux qui ne le sont point, & ne nous cognoissent pas encore, de se scandaliser.

8 Preschez toutes & quantesfois que vous pourrez, d'autant que le fruit des predications est vn bien vniuersel, pour le plus grand seruice de Dieu, & le salut des ames. Mais prenez vous garde, que vous ne preschiez choses douteuses, ny controuersées entre les Docteurs. Que vostre doctrine soit claire, receuē, approuuée, & morale. Reprenez les vices, soyez dolent & marry des offenses qui se commettent contre Dieu: ayez compassion des pauures pecheurs, lesquels par leurs mesfaits encourent les peines eternelles d'enfer; traictes de la mort soudaine, qui prend les hommes au despourueu, touchans en passant quelque poinct de la passion de nostre Seigneur par maniere de colloque ou deuis, tantost d'un pecheur avec Dieu, tantost de Dieu courroucé contre vn pecheur, esmouuans tant que faire se pourra les auditeurs à vraye contrition & repentance de leur pechez, & les exhortans à se confesser, & receuoir le

„ tressainct Sacrement de l'autel.

*De ne
repren-
dre les
supé-
rieurs.* „ 9 Je vous auiſe en particulier de ne reprendre iamais en chaire
„ aucune perſonne, ou perſonnes, qui ayent charge au païs, ou vous
„ eſtes: car les gens de telle qualité, quand ils ſont publiquement re-
„ prins, empireront pluſtoſt, qu'ils ne ſ'emédent. Que ſ'il eſt neceſſaire,
„ preſchez les & admonéſtez les dans leur propre maiſon, & les pre-
„ nant à part, & parlez leur avec vn viſage benin & debonnaire, vſant
„ de paroles non point aigres ne piquantes, mais douces & amiables,
„ ſelon la cōdition des perſonnes, ambrassant les vns, vous humiliant
„ deuant les autres. Que ſ'ils deſirent eſtre eſtimez vos amis, vous les
„ pourrez reprendre avec plus de liberté, & tant plus ou moins, que
„ l'amitié ſera grande ou moindre. Brief la rigueur & aſpreté n'eſt pas
„ bien receuë des gens riches & puiſſants: leſquels perdent facilemēt
„ la patience, & le reſpect en tel cas, eſtimans qu'il leur importe peu,
„ de nous auoir pour ennemis.

*Cōment
il ſe
faut cō-
porter
auec
les pe-
nieux.* „ 10 Quant aux confeſſions des gens d'affaires, ou de trafic, & de
„ ceux, qui portent inimitié a quelqu'un, ou qui viuēt ſelon leur ſen-
„ ſualité, vous procurerez deux choſes: l'une eſt qu'ils prennent quel-
„ ques iours, pour penſer à loiſir à leur vie paſſée, & remarquer exa-
„ ctémēt tous leurs pechez: & ſeroit pour le mieux, qu'ils les miſſent
„ par eſcrits: l'autre qu'ils exécutēt, auant que vous leur donniez l'ab-
„ ſolution, ce qu'ils ſont obligez de faire apres, reſtituans ce qu'ils
„ doiuent, ſe retirans des occaſions de luxure & d'impudicité, ou ſe
„ reconcilians avec leur prochain. Car d'ordinaire ils promettent
„ beaucoup en la confeſſion, à fin qu'ils ayent l'abſolution: & apres
„ icelle ils ne ſont rien de tout cela. Or à fin qu'ils prennent en bon-
„ ne part, que vous leur différiez l'abſolution, & qu'ils accompliſſent
„ ce, à quoy ils ſont tenus & obligez, vous leur donrez durant ces
„ iours qu'ils attendēt, quelques meditations de celles que nous ap-
„ pellons de la premiere ſemaine: à fin qu'ils entendent la fin, pour
„ laquelle ils ont eſté créés, & comme ils ſe ſont deuoyez d'icelle,
„ en commettant vn ſi grand nombre de pechez: & qu'ils penſent à
„ la griefueté & vilainie d'iceux, & combien ils deſplaiſent à Dieu,
„ puis qu'il les a chaſtiez ſi rigoureuſemēt: qu'ils conſiderent auſſi la
„ certitude & l'incertitude de la mort, le compte eſtroict qu'on doit
„ rendre en icelle, la grandeur & eternité des tourments d'Enfer, &c.

*Taſcher,
de leur
oſter la
honte* „ 11 Il y a beaucoup de perſonnes, auſquelles le Diable met dedans
„ l'ame, vne grande honte & vergongne, de leurs pechez vilains &
„ énormes, de telle maniere qu'ils n'oſent les deſcouurir, comme il

conuient au Confesseur. Il en y a d'autres, auxquels il oste le courage de bien faire, causant en eux vne grande desfiance du pardon de leurs pechez. Avec tous ceux-cy, il faut vser de grande douceur, iusques à ce qu'ils ayent acheué de se confesser, ne leur faisant pas peur de la diuine iustice, mais leur donnant à entendre, que tout est leger, eu esgard à la diuine misericorde; & quelquesfois leur profitera, pour vaincre ceste tentation, si vous leur faictes entendre, comme ces pechez, & autres encore plus grands, ne sont pas nouueaux à vos oreilles.

12 Il peut arriuer que vous en rencontriez quelques vns, lesquels ou pour la communication, qu'ils ont eu avec les infideles, ou pour ce qu'ils ne se communient presque iamais, ou pour autres raisons, que ie laisse à part, ne sont pas si fermes, qu'il faudroit, en la foy du tres-sainct Sacrement de l'Autel; faites en sorte, qu'ils vous descouurent toute leur mes croyance, doubtes, & imaginations: & aydez les tant qu'il vous sera possible, à ce qu'ils croient comme ils doiuent, la vraye & reele presence de I E S U S C H R I S T nostre Redempteur en ce diuin Sacrement; & enseignez leur, que le singulier moyen de sortir de leurs pechez & erreurs, c'est de le frequenter souuent, avec l'appareil & preparation conuenable.

13 Quand vous entendrez en confession quelques Capitaines, Receueurs, & autres tels Officiers du Roy, ou personnes qui trafiquent avec les moyens d'autrui, ayez grand soing de vous informer entierement de la façon, dont ils se seruent pour gagner leur vie, les interrogeant s'ils payent les parties, s'ils font des monopoles, comment ils s'aydent des deniers du Roy à leur propre & particulier profit, & autres semblables particularitez, ne vous contentant pas de leur demander en general, s'ils retiennent le bien d'autrui, car comme plusieurs de ces injustices sont desia introduites, & desquelles l'on ne fait pas grand serupule, ils les lairront passer aisement, & vous respondront qu'ils ne doiuent rien à personne, bien qu'ils soient obligez à restituer beaucoup; ce que vous entendrez, & leur declarerez, procedant aux demandes de la façon que j'ay dit.

14 Vous serez fort obeissant au Vicaire de la ville, auquel si tost que vous serez arriué, vous yrez baiser la main, les deux genoux en terre, & avec son conuoy vous prescherez, entendrez les confessions, & exercerez les autres fonctions spirituelles; & pour aucune occasion vous ne romprez l'amitié, que luy devez porter; ains travaillerez tant que vous sera possible, de vous le faire amy dauantage:

afin que luy donniez les exercices spirituels, au moins ceux que
 j'ay marqué cy dessus de la premiere sepmaine, si vous ne pouuez
 dauantage. De mesme façon vous comporterez vous à l'endroit
 des autres Prestres, qui sont là, & tascherez de vous maintenir en
 l'amitié d'un chascun, leur portant un grand respect: & mettez pei-
 ne de les induire à se retirer à part pour quelques iours, à fin de
 s'adonner aux susdits exercices & meditations.

*Enuers les Gou-
ber-
neurs,
ou Sei-
gneurs,
tempo-
rels.* 15 Je ne vous recommande pas moins soigneusement l'obeyssance,
 humilité, & respect enuers le Capitaine du lieu, ou vous serez, avec
 lequel vous vous entretiendrez en paix & amitié, encore que vous
 vissiez qu'il se gouuernat autrement qu'il ne deuroit. Mais s'il vous
 est amy, & qu'il y aye esperance de faire quelque profit en son en-
 droit, vous luy representerez ce qu'on dit de luy par la ville, avec
 un visage doux & gracieux, qui monstre toute humilité & cha-
 rité, de sorte qu'il cognoisse que vous faites cela, de compassion &
 pitié, que vous portez, tant à son ame, qu'à son hōneur. Mais pour-
 autant que plusieurs, peut estre, se viendront plaindre à vous, &
 vous prieront de luy parler, ayez l'œil à bon esclent en cecy; & le
 meilleur est de vous excuser, disant que vostre estat ne permet
 pas que vous vous occupiez sinon és choses spirituelles: & que s'il
 ne tient compte ny de Dieu ny de sa consciēce (comme ils disent)
 moins en tiendra il de vous.

*Le bien
uniuer-
sel doit
estre
preservé
au par-
ticulier.* 16 Sur tout ne laissez iamais le bien vniuersel, pour le particulier,
 comme seroit de prescher, pour ouyr les confessions; ou laisser de
 faire chascun iour la doctrine Chrestienne en son temps, pour d'au-
 tres œuures du seruice de Dieu particulier. Et souuienne vous d'al-
 ler tousiours vne heure deuant, vous ou vostre compagnon avec
 vne clochette par les ruēs, appellant & assemblant le peuple à la
 sainte doctrine.

*Aduer-
tir l'E-
uesque.* 17 Vous employerez tout le temps, que vous pourrez, à la con-
 uersion des Infideles, & escrirez à Monseigneur l'Euesque, du profit
 qui se fera en toutes ces choses.

*Recom-
mander
les ames
de Pur-
gatoire.* 18 Tous les soirs vous recommanderez les ames de Purgatoire,
 avec quelques briefues paroles, qui esmeuent le peuple à deuot-
 tion; & ensemble celles qui sont en estat de peché mortel, afin que
 de Par-
gatoire.
Estre
gay en sa
conuer-
sion. 19 Notre Seigneur les mette en estat de grace, priant un chascun de
 dire vne fois le *Pater noster*, & l'*Aue Maria* à ceste intention.

19 En vostre conuersation soyez ioyeux & allegre, afin que per-
 sonne ne soit destourné de s'accoster de vous & en retirer du profit

vous voyant tétu & mal gracieux. Soyez doux & affable en
vostre parler, & mesmes quand il sera necessaire de reprêdre quel-
qu'un en particulier, faites que ce soit avec charité & bonne grace,
de façon que l'on voye que la faute vous desplaist, & non pas la
personne.

20 Les Dimanches & Fêtes d'une à deux heures, ou de deux à
trois vous prescherez en l'Eglise de la misericorde, ou bien en la
principale, enseignant les articles de la Foy aux esclaves & Chre-
tiens originaires du pais, & aux enfans des Portugais; les allant pre-
mierement assembler, & appeller par la ville avec la clochette, com-
me nous auons dit, de la doctrine Chrestienne; & vous emporte-
rez d'icy la declaration, qui a esté faite sur les mesmes articles, avec
l'ordre & reglement, que tout bon Chrestien doit garder chaque
jour, pour se recommander à Dieu, & faire le salut de son ame. Et
cest ordre ferez vous garder à ceux, que vous confesserez, leur don-
nant cela pour penitence durant quelque temps, à celle fin qu'ils
s'y accoustument. Car l'on a veu par experience, que cela sert de
beaucoup aux penitens; & afin que tous puissent faire leur profit
de ce reglement, non seulement vous procurerez qu'il se mette en
pratique, le recommandant vous mesme à ceux qui s'accosteront
de vous; mais aussi le ferez escrire dans vn tableau, & afficher aux
Eglises, là où ceux qui voudront, le puissent aller lire & copier.

21 Si quelques uns viennent à vous qui ayent desir d'estre receus
en nostre Compagnie, & qu'il vous semble, que puissiez vous char-
ger d'iceux, prenez bien garde que les œuvres de mortification, es-
quelles vous les exercerez, ne soyent par dessus leur capacité & for-
ces spirituelles, de peur qu'au lieu d'esleuer & fortifier l'esprit, ils
ne perdent courage; & qu'on n'introduise en cecy aucunes nouuel-
letez, qui donnent occasion de rire plustost, que d'edifier le secu-
liers. Les bonnes mortifications sont, servir à l'hospital les malades,
& aux prisons les prisonniers, & vaquer és autres œuvres de mis-
ericorde, qui se presentent; comme est, demander pour l'amour de
Dieu l'aumosne de porte en porte, pour les mesmes prisonniers
malades de l'hospital.

22 Taschez de faire en sorte, que ceux à qui vous dorez les exerci-
ces spirituels, ou que vous instituerez, pour les acheminer à plus
grande perfectiō, vous descourret toutes leurs tentations; Car c'est
vn singulier remede, pour les vaincre, & aller plus auant en vertu.
Or à celle fin, qu'ils le fassent mieux, il ne faut pas qu'ils vous esti-

ment aspre & rigoureux, attendu que la rigueur empesche la confiance : & si ceste cy manque, ils se tiendront couverts : qui est ce que le Diable pretend pour leur persuader, qu'ils vous quittent bien tost, & donnent du pied à la vertu, laquelle auparavant ils desiroient suivre. Et quand vous cognoistrez qu'ils sont tentez, ou de superbe & presumption, ou de vilainie, & charnalité, ou de quelque autre vice, faictes qu'eux mesmes pour quelque temps pensent aux remedes, qui ont plus d'efficace contre ces tentations : & à fin qu'ils les puissent trouver plus aisement, donnez leur vous mesme premierement quelque lumiere sur ces matieres, comme les mettant en chemin, à fin que par apres ils la suivent avec la consideration, iusques à ce qu'ils trouvent, ainsi que j'ay dit, tels remedes. Et apres qu'ils vous les auront descouverts & communiquez, faictes qu'ils en discourent deuant les autres, ou qu'en leurs deuis spirituels ils s'entretiennent sur ces matieres, tantost avec les malades de l'hospital, tantost avec les prisonniers, ou bien autres personnes. Car de ceste façon guerissans autrui, ils se gueriront eux mesmes, s'encourageans de faire ce qu'ils conseillent aux autres. De ceste mesme reigle vous pourrez vous servir, à l'endroit de ceux que vous trouuerez n'estre pas capables d'absolution, quand ils se confessent, leur enjoignant de penser aux remedes qu'ils donnoient à quelque autre personne, pour sortir de l'estat, auquel le Diable les tient liez : & apres que vous les aurez ouys, il vous sera plus aisé de leur persuader, qu'ils prennent le mesme conseil pour eux.

23 Vous trouuerez quelquesfois des gens si obstinez & auerglez, qu'il ny a moyen de les retirer, ou du peché d'auarice, pour ne vouloir restituer le bien d'autrui, qu'ils retiennent iniustement ; ou de celui de luxure, auquel ils se veautrent comme porceaux ; ou de la haine & rancune contre leur prochain, qui sont autant de liens avec lesquels le Diable les tient estroitement garrotez. Nous ne devons pas abandonner telles gens, ains leur faut appliquer toute sorte de remedes, & ce avec autant plus de soing, que plus est grievue leur maladie. Or le premier & le plus efficace seroit, le respect & amour qu'ils doiuent à leur Dieu, qui les a creez & rachetez, à fin que pour l'amour de luy, ils desistent & cessent de l'offenser. Le second les peines d'Enfer, ou ils brusleront eternellement, s'ils ne s'amendent. Mais par ce que la continuation des mesmes pechez, apporte en aucuns vn perpetuel oubly de Dieu, & des choses de l'autre vie, & diminue tellement la foy, qu'ils ne croient presque rien, que

que ce qu'ils voyent; vous vferez enuers ceux cy du troiſieſme re-
mede, qui eit leur reprefenrer les grandes punitions, que Dieu en-
uoye en ceste vie meſme, à ſemblables pecheurs. Car aux vns il re-
tranche les iours de la vie, leur enuoyant force maladies; il enleue
les autres de ce monde, avec des morts ſoudaines & deſaſtreuſes: à
pluſieurs il oſte leurs enfans, ou leurs femmes, & quelquesfois auſſi
permet, qu'à l'occafion d'eux ou d'elles, ils ſe voyent tombez en de-
grands affronts, procez, ignominies, afflictions, & autres inconue-
niens eſtranges; & ſçachez qu'il en y a pluſieurs, leſquels ſont pluſ-
toſt eſmeus de ces choſes, que de la ſouuenance des peines eter-
nelles: & n'y a point de mal de les attirer à penitēce par ceste voye,
lors qu'ils ny veulent venir par autre.

24 Et generalemēt ie vous recommande, qu'auant de traicter avec
les hommes de l'amendement de leur vie, vous ſondiez bien ſ'ils
ont l'ame en repos & bien diſpoſée, pour ouyr & recevoir, comme
il eſt raiſonnable, ce que vous leur direz; ou au contraire ſ'ils l'ont
embarraſſée de quelques reſolutions contraires à leur ſalut, ou de
quelque paſſion de cholere, de rancune, ou autre mauuaife inclina-
tion. Car les trouuant ſans empeschement de ces tentations, vous
ferez ce qui eſt de voſtre deuoir, avec eſperance de profit. Mais ſi
vous cognoiſſez qu'ils ſoient troublez de quelque paſſion, ſçachez
qu'il n'eſt pas temps de traicter d'autre choſe, ſinon de les attirer de
loing avec toute douceur, au repos & tranquillité de leurs ames,
vſant des moyens proportionnez à la matiere. Si la paſſion eſt de
cholere, ou deſir de vengeance contre ceux qui les ont offenze, il
ne ſert pas peu de leur perſuader, que les autres ont failly pluſtoſt
par ignorance, que par malice: & que Dieu l'a ainſi permis, en puni-
tiō de leurs pechez. Car bien qu'il en y ait qui nous traictēt iniuſte-
ment, & autrement qu'ils ne doiuent: neantmoins nous ſommes
touſiours iuſtement traictēz, & comme nous meritions. Qu'en au-
tre temps Dieu nous chaſtieroit de ce, dont il nous punit mainte-
nant, & qu'il vaut mieux que ce ſoit en ceste vie, que non pas en
l'autre. Ce que ie dis de la cholere, j'entens auſſi des autres affectiōs
deſordonnées & mauuaifes. Car auât que paſſer outre, il faut au prea-
lable attacher de l'ame ces eſpines, avec les plus efficaces considera-
tions, deſquelles les hommes ſe ſeruent ordinairement eſ choſes
de ceste vie; de maniere que les peſant vn peu mieux, & les eſpe-
luchant à loiſir, ils entendent le peu d'occafion qu'ils ont de ſe laiſ-
ſer ainſi emporter à ces paſſions; & comme vous ſerez arriué à cecē

23 poinct, lors peu à peu vous les mettrez en soucy de leur salut, & leur ferez auoir plus de soing de leur conscience, les auisant de leurs fautes, premierement avec toute douceur, & legerement; puis avec vn peu plus de rigueur & de poids, iusques à ce que vous voyez qu'ils prennent cela en bonne part, & que vous leur auez gaigné la volonté pour le seruice de nostre Seigneur: & ainsi vous les conduirez au chemin de salut.

Prétre 25 Les Dimanches & festes, & quelqu'autre iour de la sepmaine, *certain* vous prendrez vn certain temps pour accorder les differens, & *iours* empescher les procez: esquels les parties despendent plus, que ne *pour ac* vaut ce dequoy elles plaident & contestent. Et pource que souuēt *corder* les Procureurs, & autres telles gens en sont cause, estudiez vous de *les dis* les ayder pour le bien de leurs ames, les gaignant, si vous pouuez, à *serens* faire les exercices spirituels.

Ne pré- 26 Puis que le Roy de Portugal commande qu'on vous donne ce *dre pas* qui est necessaire pour vostre nourriture, il vaut mieux que vous *des pre* l'acceptiez du reuenu de sa Majesté, que de quelque autre. Croyez *s'en qui* moy, que celuy qui prend est aussi prins, c'est à dire, qu'il perd sa li- *siuë de* berté. Nous auons honte quand puis apres nous les deuons admo- *valleur* nester, & n'auons point de langue pour parler contre telles gens; voire encore que nous parlions, nous n'auons pas l'autorité & l'efficace qu'il faudroit. Cecy s'entend de choses de consequence & de pris, & non pas des petites, comme seroit de prendre quelque present de fruiets, & autres telles choses de peu de valeur. Mais encore deuez vous enuoyer celles cy aux malades des hospitaux, aux prisonniers, & autres personnes necessiteuses; De façon que l'on voye, que vous ne faictes pas moins de compte de l'abstinence, & charité religieuse, ne les voulant pas manger pour les enuoyer aux pauvres, que de la modestie & courtoisie requise, ne les refusant pas, à fin que les riches ne soient offensez en cela.

Gom. 27 Vous trouuerez des gens, lesquels continuēt en leurs pechez, *ment il* & sans faire estat de les quitter, rascheront d'auoir vostre amitié, & *se faut* de communiquer avec vous, non pas pour s'aduancer en la vertu, *compor* mais pour acquerir bonne opinion aupres de vous, & vous obliger *seraues* à ne vous opposer à eux, ou à les reprendre. Ne laissez pas pour ce- *ceux qui* la de leur parler; mais soyez fort sur vos gardes: & quand ils vous *se font* enuoyeront quelque present, si vous l'acceptez, que ce soit avec *nos a-* condition, que vous leur rendrez la pareille, les aduisant librement *mis à fin* de ce qu'il leur conuient pour le salut de leurs ames. S'ils vous in- *que no* *pe les*

uient pour aller prendre le repas chez eux, payez le leur, les inui-
 tant à se confesser: & s'ils ne se veulent ayder de vous és choses spi-
 rituelles, qu'ils sçachent que vous les entendez, & ne vous plaisez
 pas de l'amitié, qui ne vous sert pour leur faire seruice, és choses
 que vous leur pouuez conferer, & desquelles ils ont si grand
 befoing.

repre-
 nōs de
 leurs
 vices.

Voilà les instructions que le P. Xavier bailla au P. Gaspar Barzé,
 lors qu'il l'enuoya à Ormuz. Il en laissa aussi d'autres au P. Paul Ca-
 mers, lequel il constitua en son absence supérieur de tous ceux de la
 Compagnie, qui seroient en l'Inde, luy recommandant sur tout de
 traicter ses sujets avec grande douceur & charité, & de conseruer
 l'vniō & concorde entre luy & le P. Antoine Gomez, qu'il laissoit
 pour Recteur du College de Goa, & luy donna force autres bons
 aduis, lesquels ie n'ay voulu inserer icy, pour euitier prolixité. Mais
 qui les voudra veoir amplement deduits, les trouuera en l'histoire
 de la vie du P. Xavier escripte par Horace Tursellin.

Turselli-
 nus lib. 6.
 vita P.
 Xaverij
 c. 12.

IL S'EN VA AV IAPON, ET CE
 qui luy aduint en ce voyage.

CHAPITRE XXI.

H Viēt iours apres que le P. Gaspar Barzé fut parti de Goa,
 pour aller à Ormuz avec son compagnon nommé Raymond
 Pereira, le P. Xavier print aussi la route de Malaca pour faire voile
 de là au Iapon. Ce fut au mois d'Auril, l'an 1549. qu'il s'embarqua
 à Goa dans vne fuste, qui alloit seulement à Cochīn, là ou le nauire,
 qui deuoit faire le voyage de Malaca, l'attendoit. Tous ceux qui
 estoient au College de Goa, desiroient extremement l'accompa-
 gner à vne si glorieuse, bien que dangereuse entreprise: Et plusieurs
 d'iceux le prioient instamment la larme à l'œil de les vouloir me-
 ner quant & soy. Mais il les consola tous, leur disant, qu'il alloit fai-
 re la descouuerte de ces Isles, & que par apres il les y appelleroit,
 lors qu'il seroit temps: cependant qu'ils se disposassent, faisans bon-
 ne prouision de vertus, bien necessaires à vn tel employ. Il print tāt
 seulement avec soy le P. Cosme de Torrez, celuy de qui nous auons
 parlé cy deuant, & vn autre qui n'estoit pas encore Preître, nommé
 Iean Fernandez, natif de Cordouë: tellement qu'ils n'estoient en
 tout que trois de la Compagnie pour le Iapon, iacōit que le P. Xa-
 uier fit aussi embarquer dans le mesme nauire, les PP. Alфонse de
 Castre, & Emanuel Morales, pour les mener iusques à Malaca, & de

Le P. Xa-
 uier part
 de Goa
 pour aller
 au Iapon.

Ceux qu'il
 y mena.

là les enuoyer aux Moluques. Mais outre ceux là, il ramena les trois Iaponois, Paul de Sainte Foy, & ses deux seruiteurs ja Chrestiens: lesquels auoient aprins au College de Goa, non seulement les mysteres de la foy & Religion Chrestienne, mais aussi à lire & escrire à nostre façon. Car ils ont des caracteres fort differens des nostres, de sorte que chascun lettre est comme vn hieroglyphe des

*Façõ d'es-
crire des
Iaponois
de haut
en bas.* Egyptiens, qui denote tout vn mot, ou plusieurs: & si escriuent, non pas comme nous, de la main gauche à la droiçte, ny comme les Hebreux, de la droiçte à la gauche, mais de haut en bas; tellemēt qu'ayant acheué vne ligne en long, ils en recommencent vne autre sur la mesme feuille. Et comme le P. Xavier parlant vn iour à Paul de Sainte Foy, luy fit entendre, qu'il trouuoit estrange ceste façon d'escrire, l'autre luy respondit, que plustost la nostre deuoit estre

*Subtile
responce
pour prou-
uer que
cette fa-
çon
est plus
naturelle
quela no-
stre.* estimée estrange, & moins semblable à la nature, laquelle a fait le corps de l'homme droiçt, mettant la teste en haut, & les pieds en bas; & pource qu'il estoit plus conuenable qu'on escriuit de haut en bas, puis que en chascun ligne la fin est comme les pieds, & le commencement comme la teste de l'esécriture. Ce nonobstant il aprint en brief à former nos lettres, & escrire à nostre mode; & ce qui est plus esmerueillable en deux fois, qu'il eust entendu l'explication de l'Euangile de S. Matthieu, que luy fit le P. Torres, il le retint tout, chapitre par chapitre. Quant à la langue Portugaise, ils l'aprirent par les chemins, allans de Malaca à Goa, & la parloient suffisamment, pour se faire entendre, auant qu'ils y arriuaissent. On leur enseigna encores à lire en Latin & à dire l'office de Nostre Dame, & plusieurs autres oraisons, qu'on trou-

*Paul de
Sainte
Foy prend
grand goust
à la Pas-
sion de
N. S.* uue es Heures. Mais sur tout Paul de S. Foy prenoit vn singulier goust & plaisir à lire la Passion de Nostre Seigneur, selon qu'il disoit au P. Xavier, qui luy demandoit quelquefois enquoy il trouuoit plus de deuotion. Bref ils firent vn tel profit en la cognoissance des choses diuines, que le P. Xavier les iugea capables de faire les exercices spirituels, ainsi qu'a esté dit cy dessus; par le moyen desquels ils s'aduancerent grandement en la vertu. De sorte que le P. Xavier escrit d'eux en ces termes: Ils ont tellement profité aux exercices, & hors d'iceux, que tous tant que nous sommes icy, desirons estre participans des graces & vertus, que Dieu leur a communiqué. Il leur demandoit aussi souuentefois, quelle chose leur sembloit estre la meilleure que nous eussions en nostre Religion; à quoy ils respondoient tousiours, que c'estoit la Confession, & la

sainte Communion. Ils disoient encor souuent, qu'ils estimoient ne se pouuoir faire, qu'il y eust aucun homme d'entendement & de raison, lequel n'embrassat la religion Chrestienne, si elle luy estoit declarée, comme il appartient. Le P. Xavier demanda quelques-fois à Paul de S. Foy, s'il pensoit que les Iaponois embrasseroient la Religion Chrestienne, s'il y alloit la leur prescher. A quoy l'autre respondit qu'ils n'adjousteroient pas incontinent foy à ce qu'il leur diroit, mais qu'ils feroient au prealable preuue de sa doctrine avec beaucoup d'interrogats, & prendroient garde principalement si ses actions correspondoient à ses parolles. Que s'il les contentoit tant en l'un, qu'en l'autre, satisfaisant à leurs doubtes pertinemment, & viuant de telle sorte qu'on n'eust occasion de le reprendre: pour lors, la chose estant cogneuë, le Roy, & toute la Noblesse, brief le reste d'habitans, qui seroient en aage de raison, s'assubjetteroient volontiers à la loy de Iesus-Christ. Car c'est vne nation, qui suit fort ce que la lumiere de la raison luy dicte. Ces choses donc & plusieurs autres que le P. Xavier entendoit dire à ceux, qui trafiquoient avec les Iaponois de leur gentillesse d'esprit, & sur tout du grand desir, qu'ils auoient de sçauoir & apprendre, luy faisoient venir tousiours plus d'enuie de les aller ayder, esperant y faire vn grand fruiet. Mais reprenons nos brisées. Le P. Xavier s'estant embarqué à Goa avec ceux qu'auons dit, cingla vers Cochin, ou ils arriuerent dans peu de iours, & ne s'y arreslerent pas beaucoup, parce que le nauire de Malaca estoit quasi sur le point de faire voile, quand ils y arriuerent: toutefois il y prescha vne fois, & y fit encore prescher le P. Alonse de Castre, lequel contenta tellement les habitans de Cochin, qu'ils firent grande instance au P. Xavier pour le retenir. Mais Dieu en auoit ordonné autrement, l'ayant destiné pour receuoir la couronne du martyre aux Moluques, comme nous dirons au 2. liure. En ce mesme temps arriua ce qu'un certain Portugais a depose de foy-mesme, és informations, disant que comme il auoit particuliere cognoissance & amitié avec le Pere, le rencontrant vn iour par la rue, il s'approcha selon sa coustume pour luy aller baiser la main. Le Pere luy demande comment il se portoit. Bien à vostre seruice, respond le Portugais. Ouy dea, dit lors le Pere, de ce que moins vous importe, qui est la santé du corps; mais l'ame n'est guere bien. L'autre fut bien estonné, & cogneut incontinent (comm'il dit) que le Pere auoit veu l'interieur de son ame, dans laquelle il machinoit quelque meschanceté; dont rentrant en foy-

*Les Japonois
nouuoiẽs
les hom-
mes do-
ctes &
vertueux.*

*Le P. Xa-
uier arri-
ue à Co-
chin.*

*Cognoiz
les p̃sẽces
interie-
ures d'un
homme.*

mesme, il suiuit au pas, le Pere, & se confessa à luy, puis receut le treffainct Sacrement de l'Autel, changeant quant & quant de propos & de vie. Ayant enleué ceste proye à Satan, comme en passant, le 25. d'Auril il partit de Cochîn cinglât vers Malaca. Dans le mesme nauire s'embarqua pareillement vn certain Gentilhomme Portugais fort detraqué en ses mœurs, car il auoit avec soy dans le nauire vne personne, qu'il trainoit par mer & par terre, sans aucune crainte de Dieu, ny honte des hômes, & qui le trainoit à luy en Enfer. Le Pere n'ignorant pas quel il estoit, & comment il viuoit, s'accostoit neantmoins de luy, avec telle familiarité, que tous en

*Belle conversion
d'un gentilhomme
desbordé.*

estoyent fort esbahis, & disoient entr'eux; le Pere ne doit pas congnostre le pelerin, ny la galande qu'il mene: Mais la fin du voyage les des-abusa bien. Car comme ils des-embarquoyent à Malaca, le Pere ne luy dit autre chose que ces mots: Monsieur, il est maintenant temps; l'autre luy respond soudain; Mon pere ie vous entends bien; & peu de temps apres le Gentilhomme maria ceste garce, avec quelqu'autre, & luy d'autre costé mit son ame en bon estat.

*Un gros
se tourment
se le prend
pres de
Malaca*

Durant ce voyage ils eurent vne tourmente aupres de l'Isle de Sumatra, comme ils traueisoient les Isles, qu'on appelle de Nachuar. La mer s'engrossit de telle sorte, & les vents se roidirent si furieusement, que dans peu de temps ils mirent à fond deux fustes, qu'ils auoient de garde pour leur galion, lequel estant plus chargé, qu'il ne falloit, courut grand hazard, tellement que le Capitaine auoit ja commandé de l'alleger, & de ietter en mer les marchandises des passagers: mais le P. Xauier le pria au nom de Dieu, de ne le faire point, l'assurant que non seulement la tourmente s'appaiseroit, mais aussi qu'auant Soleil couché, ils prendroient port à Malaca; ce qui aduint de mesme qu'il l'auoit predit. De façon qu'ils entrerent dans Malaca le dernier de May, cinq sepmaines ou enuiron apres leur depart de Cochîn.

*Il arrive
à Malaca*

Arriué qu'il fut à Malaca, on luy apporta de bonnes nouuelles du Iapon. Car quelques Portugais ses amis, qui trafiquoient en ces quartiers là, luy escriuoient qu'un grand Seigneur de ces Isles desiroit fort se rendre Chrestien, & qu'il le supplioit de luy enuoyer quelques Peres, pour luy enseigner la Loy diuine. Ils luy madoient encore qu'il sembloit que Nostre Seigneur commençoit de prendre possession du Iapon, avant desia fait plâter l'enseigne de sa sainte croix sur les frontieres d'iceluy d'une façon merueilleuse, telle que s'ensuit. Certains marchands Portugais estans arriuez à vne

de ces Isles pour trafiquer, le Seigneur du lieu leur fit bailler vn logis, ou personne n'habitoit, à cause qu'il estoit inquieté des Lutins, ou esprits malings. Les Portugais, qui ne sçauoient rien de cela, prennent ceste maison qu'on leur presentoit, sans penser à ce qui estoit: mais il l'esrouuerent bien tost: car il sentoient quelquesfois qu'on les tiroit par les vestemēs, & regardans çà & là, ils ne voyoient personne. Ce qui les faisoit estonner dauantage, ne pouuans deuiner que ce pouuoit estre, iusques à ce qu'un de leurs seruiteurs eust de nuict vne vision de Diables, qui luy firent belle peur; tellement qu'il se mit à crier à gorge desployée, à l'ayde, à l'ayde. Les Portugais effrayez de ces cris, vindrent incontinent au secours avec leurs armes, pensans qu'il y eust là quelques larrons; mais personne ne parust. Le garçon interrogé qu'estoit-ce qui le faisoit ainsi crier, respondit que les Diables luy estoient apparus, & que de crainte & de frayeur il en auoit pensé mourir. Lors ils cogneurent qu'il ne faillait pas se seruir des armes d'acier, ou de fer contre tels ennemis, qui en font autant de cas, selon le dire de Iob, que de la paille où d'un bois pourri: mais du baston de la sainte Croix, avec lequel Nostre Seigneur les a battus tellement, qu'ils en ont encore peur, le voyans seulement en figure. Les Portugais donc firent tout plein de croix, tant dedans que dehors la maison, ou ils logeoient pour se garantir de tels hostes. Cependant les voisins faisans semblant de ne sçauoir que c'estoit, bien qu'ils en eussent l'experience aupara-
 uant, demanderent le lendemain aux Portugais, quels cris & quel bruit ils auoient entendu la nuict precedente: Les Portugais leur firent rapport de ce qui s'estoit passé, & comme c'estoient les ennemis de nostre nature, qui taschoient de molester les hommes, & les inquieter: mais qu'ils sçauoient bien le moyen de les chasser. Le Seigneur du lieu & les habitans leur descouurirent, pour lors que tout expres on leur auoit baillé ce logis, pour voir s'ils auroient quelque remede, pour les en faire sortir. Ouy dea, nous en auons, disent les Portugais, & leur monstrent à l'instant les croix, qu'ils auoient fait dedans & dehors la maison; puis faisans leur profit de l'occasion qui se presentoit, cominēcent à leur discourir de la puissance & vertu de ce signe, & de celuy qui luy auoit donné telle force; cecy fut cause que les Iaponois firent depuis en leurs maisons des croix semblables à celles des Portugais. Voilà comment le signe de nostre salut commença d'enter en vogue & credit au Japon; dequoy le P. Xavier tiroit vn bon augure, esperant que puis

Les Lutins effrayés les Portugais, en vn logis du Japon. Sont chassés par la vertu de la Croix. Feb. 42.

Les Japonais font des croix en leurs maisons.

que Iesus-Christ Nostre Sauueur auoit desia arboré son estendart en ces pais là , que la victoire estoit à luy , & qu'il y conquesteroit beaucoup d'ames par sa toute-puissance. Or tandis que le temps propre pour faire voile au Iapon s'approchoit , le Pere reprit ses ordinaires exercices de mesme façon , que s'il ne fut venu pour autre chose à Malaca: mais puis qu'il ne fut icy que de passade , nous passerons aussi sous silence plusieurs choses. Toutesfois ce qu'il fit enuers le Vicaire de ceste ville , merite bien de n'estre laissé en ar-

Le Vicaire de Malaca tombe en desespoir de son salut.

riere. Il y auoit trente ans que ce bon Vicaire estoit en ladite ville de Malaca, avec charge d'ames. Or c'estoit lors vn temps, auquel on ne voyoit pas fort clair és choses de la conscience, & qu'on l'esclargissoit, peut estre , plus qu'il n'estoit conuenable , pour le salut des ames. Le P. Xavier suiuant sa coustume, dès la premiere fois, qu'il entra en ceste ville, se rendit amy dudit Vicaire: & tousiours l'affection reciproque de l'un enuers l'autre continua. Mais quelques iours auant que le Pere arriuat à Malaca, ledit Vicaire estoit tombé en vne griefue maladie , & se voyant abandonné des medecins , & qu'il falloit aller comparoistre deuant le tribunal de ce grand Iuge des viuans & des morts, il eust telle apprehension de ses diuins iugemens, qu'il tomba quasi en desespoir de son salut, tellement qu'il ne vouloit receuoir aucun sacrement , disant que pour luy il n'y auoit point de Paradis, ny en Dieu de misericorde. Les vns en auoient grande compassion , les autres s'en scandalisoient , & tous restoient fort estonnez attendans l'ysuë de sa vie. Soudain que le P. Xavier fut arriué , la nouuelle courut par toute la ville , & vint nommément aux oreilles du Vicaire, lequel en fut si ioyeux, qu'il se voulut leuer pour l'aller saluer. Mais comme il prenoit ses habits il tomba tout pâmé entre les bras de ceux, qui luy assistoient : toutesfois il reuint à soy , & le P. Xavier ayant sceu l'estat auquel il estoit l'alla veoir aussi tost. Comme il eut aperceu le grand danger, auquel il estoit, de perdre son ame & la vie eternelle, & que les remedes humains n'estoient bastants pour vne si griefue maladie ; il

Est remis en bon estat, & fait vne belle mort par les prieres du P. Xavier

s'adressa à nostre Seigneur , faisant vœu de dire vn grand nombre de Messes, à l'honneur de la tressainte Trinité, de nostre Dame, des Anges, & des Saints , & pour les ames de Purgatoire, s'il plaisoit à sa diuine bonté d'auoir pitié de ceste pauvre ame, qui s'en alloit perir. Il accompagna ce vœu d'une oraison presque continuelle , assistant quasi tousiours le patient. En fin il pleut à Dieu exaucer les vœux & prieres de son seruiteur , & chasser avec les rayons de sa

diuine

diuine clarté, ces grosses & espaisſes nuées de frayeur & deſeſpoir, qui accabloyent ceſte pauvre ame, mettant en fuite les Diables, qui luy faiſoient paroître l'enormité de ſes pechez ſi grande, comme ſ'ils euſſent ſurpaſſé la miſericorde de Dieu. Par ainſi reprenant courage, il voulut faire ſa confeſſion, laquelle le P. Xavier entendit avec vne ſinguliere conſolation de tous deux; & apres icelle luy fit adminiſtrer le treſſainct ſacrement de l'autel, d'où ſ'enſuiuit la vraye paix & tranquillité de ſon ame, accompagnée d'une viuue & ferme eſperance en la diuine bonté, & merites de noſtre Sauueur; tellement qu'il rendit l'eſprit, avec grands ſignes de ſon ſalut. Apres ce, le P. Xavier ſe retira au logis, que la ville auoit donné à la Compagnie, ou il trouua le P. François Perez, qu'il y auoit mandé quelque temps auparauant, avec ſon Compagnon Roch Oliueira, leſquels auoient vn peu auant l'arriuée du P. Xavier, retiré en leur maiſon vn ieune Gentil homme, doué de rares parties, nommé Iean Braue, lequel ayant faiſt les exercices ſpirituels, & donné du pied au monde, deſiroit eſtre admis en noſtre Compagnie. Le P. Xavier non ſeulement le receut comme Prouincial; mais encore, comme Pere des Nouices, luy bailla de fort belles inſtructions, que j'ay eſtimé deuoir eſtre inſérées en ce lieu, pour eſtre fort vtils & profitables à tous ceux, qui veulent ſuiure l'eſtat & la perfection religieuſe; & qui monſtrent bien la conformité, qu'il y auoit entre l'eſprit de noſtre B. P. Ignace & du B. P. Xavier. Il commence donc en ceſte ſorte.

I En premier lieu, vous vous retirerez à part, pour faire voſtre oraiſon à Dieu deux fois chaſque iour: l'une ſoudain apres que vous ſerez leué, l'autre ſur le tard, & ce l'eſpace d'une heure; auquel temps vous mediteriez ſur les myſteres de la vie de Ieſus Chriſt noſtre Redempteur, vous conformant aux documents, qui ſont donnez és exercices de noſtre P. Ignace, quant à la diſtinction des myſteres, que vous mediteriez, & en tout le reſte, qui eſt enſigné là, pour l'entrée, progres, & fin deſdites meditatiōs. Au bout deſquelles tant au matin qu'au ſoir, vous renouuellerez les vœux qu'avez faiſt, de Pauvreté, Chaſteté, & Obeiſſance. Car c'eſt vn ſacrifice perpetuel, & le plus agreable à noſtre Seigneur, qui ſe puiſſe faire és temples viſs des ames Religieuſes; & d'où elles reçoient plus de force, & obtiennēt plus de grace contre les tentations continuelles de l'ennemy. Au ſoir, vous ne vous irez iamais coucher, ſans au prealable auoir faiſt l'examen de conſcience, diſcourant ſur les pé-

Jean Braue receu en la Compagnie à Malacca. Inſtructions ſpirituels que le P. Xavier

luy bailla. Comme il ſe doit comporter en ſes oraiſons.

Examen de la

confit sées, paroles, & œuvres de ce iour là: & considerant combien vous
ce pour auez failly en chascune de ces choses, offensant la diuine Majesté.
le soir. Mais aduisez de faire cela avec autant de diligence, comme si vous
 vous deuiez confesser tout à l'instant. En apres vous demanderez
 pardon à Dieu, & proposerez de vous amender des fautes, qu'aurez
 trouué en vous, disant vne fois le *Pater noster*, & l'*Aue Maria*, & me-
 diterez vn peu sur la façon, que vous deuez garder, pour vous cor-
 riger & rendre meilleur.

Exerci- 2 Le matin, aussi tost que vous serez esueillé, vostre premier soin
ce spiri- & pësée soit sur les fautes, qu'auez trouuées en vous à l'examen du
suel du soir precedant, ayant honte & douleur d'icelles, tãdis que prendrez
matin. vos habits, & vous appresterez pour la meditation; demanderez
 aussi la grace à Nostre Seigneur de ne retourner plus à les commet-
 tre, ny tomber en aucune autre de nouveau ce iour là. Car c'est vne
 bonne preparation, pour entrer en la meditation, & oraison, avec
 humilité & deuotion.

Ne lais- 3 Faictes grãd scrupule, de laisser la moindre partie de ces exerci-
ser ia- ces, & de changer ou alterer quelque chose en l'ordre d'iceux: &
maintãt que vous aduiendrait, que ne pourriez l'accomplir, si ce n'e-
que sat- stoit pour cause de maladie, ou autre empeschement legitime, le
re se mesme iour vous direz de cela vostre coulpe, & en ferez penitëce.
peut ses

oraisõs 4 Taschez de vous vaincre vous mesmes en toutes choses, niant
accou- à vostre propre appetit, ce à quoy il est plus enclin, souffrant aussi,
humet- voire embrassant ce qu'il fuit, & abhorre dauantage: & en toutes
La mor choses desirez d'estre humilié & abaissé. Car sans la vraye humilité,
tificatiõ, vous ne pourrez croistre en vertu, ny profiter au prochain, ne plai-
des pas- re aux saincts, ny estre agreable à Dieu: & brief vous ne perseuere-
fions. rez iamais en ceste tres-petite Compagnie, qui ne peut aucune-
 ment souffrir les hautains, arrogants, & amis de leur propre iuge-
 ment & honneur. Car c'est vne sorte de gens, qui ne peut tenir au-
 cune bonne compagnie à personne.

Obeis- 5 Conformément à cecy, vous obeyrez à quelconque superieur
sãce aux que ce soit en tout temps, & en toutes choses, qu'il vous comman-
super- dera, sans contradiction, ny excuse; ains promptement, & entière-
rieurs ment, comme si c'estoit la propre personne de nostre P. Ignace: &
& leur au mesme superieur vous rëdrez compte entier de vostre ame, luy
descou- desconjurant toutes vos tentations, & mauuaises inclinations l'une
urir sã apres l'autre. Car outre que c'est vne chose necessaire, à fin qu'il
ame. vous puisse ayder, & vous appliquer les remedes cõuenables, ceste

seule humilité, avec laquelle vne personne se manifeste & assubie. "
 Ait à vn autre, & à plus forte raison à son supérieur, met en fuite "
 son uentesfois le Diable. Lequel ayant acoustumé de gagner, plus "
 par ruse que par force, si tost qu'il se veoit descouuert, il se tiét pour "
 vaincu. Et à fin d'obtenir lumiere & grace de nostre Seigneur, le "
 plus court & asséuré chemin, c'est de la chercher en ceux, qu'il a "
 laissé icy bas en sa place. Ce sont les aduis que le P. Xavier donna à "
 ce nouice, qui peuuent bien encore seruir aux autres. "

Or tandis qu'il estoit occupé en telles affaires, il ne s'oubloit pas
 de son voyage, ains cherchoit quelque vaisseau, qui le portat au Ja-
 pon. Il trouuoit bien plusieurs Portugais, qui desiroient fort l'y
 mener: mais ils vouloient s'arrester à la Chine durant l'huyet. En fin
 l'on trouua vn Chinois Payen & Idolatre, qui promit au Gouver-
 neur de Malaca, de conduire le Pere droit au Japon, dans vn Ionc
 qu'il auoit ainsi appellent ils à la Chine vne sorte de nauires, des-
 quels ils se seruent ordinairement pour le trafic. Mais ce Chinois
 estoit si homme de bien, qu'on nommoit communement son vais-
 seau le Ionc du larron; neantmoins le Pere auoit si grande confian-
 ce en Dieu, qu'il ne resta pas pour cela de s'embarquer en iceluy,
 combien que le Gouverneur de Malaca, qui estoit lors Pierre de
 Sylua, voulut auoir premieremēt des hostages de ce Chinois, pour
 plus grande assurance, qu'il meneroit le Pere droit au Japon.

Ils s'embarquent donc à Malaca, le iour de S. Iean Baptiste 24.
 du mois de Iuin, sur le tard, & le lendemain ils desmarrerent du
 port avec vn bon vent; mais comme les Gentils sont inconstans, &
 variables, peu de temps apres estre partis, le Capitaine du Ionc sem-
 bloit auoir changé d'aduis, ne voulant aller au Japon ceste année là.
 Et afin que le temps propre pour nauiger en ceste mer s'escolat, il
 s'amusoit en plusieurs Isles, qu'il rencontroit, sans necessité aucune.
 Cecy donnoit de la fascherie au Pere, voyant bien qu'il ne se vou-
 loit pas seruir du beau temps, que Nostre Seigneur leur enuoyoit;
 Mais ce qui l'affligeoit dauantage, estoit de voir tant de grands &
 enormes pechez d'Idolatrie, que ces gens commettoient, adorans
 le Diable sous la figure d'un Idole, planté en la poupe du nauire,
 deuant lequel ils tenoient des chandelles allumées, & le parf-
 moient avec des odeurs de bois d'aigle, qui est fort odoriferant; &
 ce qui luy estoit encore plus fascheux, ils se gouernoient totale-
 mēt en leur voyage par cest Idole, ou plustost par le Diable, lequel
 à tout propos ils consultoient, iettans le sort, pour sçauoir quand ils

*font sor-
te de na-
uire dont
usent les
Chinois.*

*Le P. Xa-
uier s'em-
barque
dans un
Ionc d'un
Chinois,
qu'on ap-
pelloit le
larron.*

*Est fort
fasché des
sacrifices
execra-
bles qu'on
y fait au
Diable.*

*Les Chi-
nois sent
de fort
pour con-
sulter le
Diable.*

deuoient s'arrester, ou passer outre, & s'ils auroient bon voyage, ou non. Cent lieuës loing de Malaca, ils prindrent port à vne Isle, ou ils se fournirent de gouuernaux, & autres bois, pour leur seruir au besoings, si quelque tempeste les accueilloit, comme d'ordinaire il aduient en ceste mer, qu'ils nauigeoient. Apres ce ils ietterent le fort, pour sçauoir s'ils auroient bon vent ou non; le fort (à leur aduis) dit, qu'il seroit bon, & qu'ils n'attendissent pas dauantage. Ils mirent donc la voile au vent, eux appuyez sur la responce de leur Idole: mais le Pere & ses cōpagnons se fians seulement en Dieu, & en Iesus-Christ son Fils vnique, ainsi qu'il dit en vne lcttre, pour le seruice duquel ils entreprenoient ce voyage. Or comme ils alloient en auant, les Payens voulurent derechef consulter le Diable, pour s'enquerir, si leur nauire retourneroit du Iapon à Malaca; le fort dit, qu'il iroit bien au Iapon, mais qu'il ne retourneroit point là.

*Sathan
s'efforce
d'empes-
cher le
voyage
du P. Xa-
uier.*

Surquoy ils cōmancerent à changer d'aduis, & ne vouloir point aller au Iapon ceste année là, ains passer l'hyuer à la Chine. Le Pere mari d'un costé, de voir comme l'on cōsultoit le Diable sur le succez de son voyage, qui luy estoit si contraire; & de l'autre animé contre luy, de ce qu'il incitoit les Infideles à luy faire l'honneur, qui appartient à Dieu seul, pria instamment la diuine Bonté, de ne permettre point que le Diable abusat ainsi de ses creatures, faisât qu'elles l'adorassent & commissent tant de pechez, contre la gloire de son saint nom: où que s'il le permettoit, pour ses iustes & secrets iugemens, qu'il augmentat & accreust les peines & tourmens au Diable, toutes & quantesfois qu'il leur feroit commettre telles impietez. Il semble que Nostre Seigneur exauça son Oraison, comme

*Il tasche
de le fai-
re tuer a-
uec ses cō-
pagnons.*

nous verrons cy apres. L'esprit maling de l'autre costé, armé de toutes ses ruses, taschoit par beaucoup de moyens, de faire mettre à mort le Pere & ses cōpagnons, preuoyant bien que leur voyage ne luy reuiendroit pas à profit. Arriuez donc qu'ils furent pres d'un païs, qu'on appelle la Cochinchine, qui est tout joignant le Royaume de la Chine vers le Sud, voilà vne grande tempeste, qui s'esleue la veille de S. Marie Magdeleine. La mer estoit fort enflée, & agitée de vents, leur jone alloit flottant çà & là, d'où il aduint que l'ossée, ou la pompe du nauire, estant ouuerte, vn garçon Chinois appellé Emanuël, que le Pere menoit avec soy, passant par là tomba dedans. L'on pensoit qu'il fut mort; car la cheute auoit esté de bien haut; outre que dans ladite pompe y auoit beaucoup d'eau: toutesfois combien qu'il y demeurast assez long temps, la teste, & la

*Un garçō
Chinois
que le Pe-
re menoit
estbe dans
la pompe.*

moitié du corps enfoncé dedans, Dieu voulut, qu'on l'en tirât vif, quoy qu'à demy mort, & fans aucune cognoiffance: dont il demeura plusieurs iours malade, mefinement d'une playe qu'il receut de fa cheute à la tefte. Or comme il acheuoit de guarir, la tempefte durant encore, il furuint vne autre accident bien plus deplorable. Car le nauire balançant tousiours, la fille du Capitaine va tomber dans la mer: & jafloit qu'on fit tout ce qu'on peut pour la fecourir, *La fille du Capitaine* il n'y eust iamais moyen de la fauuer, parce que les vents estoient *fi toûte dans* impetueux, & les vagues si groffes, qu'elle fut bien toft noyée à la *la mer &* veuë mefine de son Pere, joignant le nauire. Les pleurs & lamentations qu'on mena pour la mort, furent si extremes, que c'estoit pitié de les oir. Apres que ces Payens & Idolatres eurent beaucoup pleuré, ils se mettent à offrir force sacrifices à leur Idole, & à cest effect tuoient plusieurs oyseaux deuant luy, selon leur coustume: puis luy mettoient deuant beaucoup de viandes, & autres choses propres, pour manger ou pour boire. En fin ils iettent le sort pour luy demander, qui estoit cause de la mort de la fille. Le Diable, qui en vouloit au Pere, & à ses compagnons, respond qu'elle ne seroit pas tombée dans la mer, ou ne se seroit pas noyée, si Emanuel, qui auoit esté tiré de la pompe, y fut mort. Les Gentils entendans cecy entrèrent en vne telle furie contre le Pere, & ceux, qui estoient avec luy, qu'ils furent en deliberation de leur oster la vie, laquelle ils estimoient estre cause de la mort des leurs. Et sur tous le Capitaine Payen, qui estoit quasi hors de soy, pour vne si grande perte, qu'il auoit faict. Ce fut lors, comme le P. Xavier escrit en vne siennelle lettre, que le Diable le menaça plusieurs fois, disant que le tēps estoit venu, auquel il se vangeroit bien de luy. Peut-estre, dit-il, que c'estoit à cause que Nostre Seigneur luy auoit augmenté ses peines, *Epist. 5. li. 3.* suyuant la priere qu'il luy en auoit fait. Il luy mettoit au deuant vne infinité d'objectz effroyables, pour luy faire perdre courage, & la confiance qu'il auoit en Dieu. Et lors (dit-il en la mesme *Terribles frayeurs du Diable* lettre) il pleust à Dieu me faire cognoistre beaucoup de choses *comme il luy faut re-* touchant ces horribles & espouuentables frayeurs, que le Diable *sister.* met au deuant des gens timides, quand il trouue occasion de les causer, & que Dieu le permet. Il m'enseigna pareillement les remedes, desquels l'on se doit seruir, quand on se trouue en semblables dangers, contre les tentations de l'ennemy: lesquels bien qu'ils soient tres-vtiles & profitables, ie laisse à part, pour n'estre trop lōg; le sommaire de tous est, de monstrier vn grand courage contie l'en-

Docu- mēt pro- fitable contre ces ser- vours. nemy, & se desiant totalement de foy, se confier souverainement en Dieu, & mettre toute son esperance en luy. Car ayant vn tel garant, il faut bien que l'homme se garde de se monstrier couïard & timide, & qu'il ne doubte aucunement de la victoire. Voilà ce qu'il dit de ces vaines terreurs de l'ennemy. Retournons ores à son voyage. Si tost que la mer fut accoisée, ils leuent les ancres, & mettent les voiles au vent, lequel fut si favorable que dans peu de iours ils arriuerent à la Chine, & prindrent port en vne des Isles proches de Cantō, prouince frôtiere de la Chine. Le Capitaine & tous les mariniers estoient d'aduis d'hyuerner en ce port, où en quelque autre de ce Royaume: mais le Pere, & ses compagnons s'y oppoioient de tout leur effort, les menaçans, qu'ils feroient sçauoir au Gouverneur de Malaca, & autres Portugais, comme ils les auroient trompez, ne voulans pas accomplir ce qu'ils leur auoient promis. Dieu en fin leur mit en l'entendement, de ne s'arrester pas en ces Isles de Canton; de maniere qu'ils dresserent leur route vers Chincheo, qui est vn autre port de la Chine, plus auant que Canton, vers le Nort; là où ils pensoient s'arrester tout l'hyuer, à cause que le tēps propre pour voguer vers le Iapon, s'en alloit escouler. Mais comme ils furent bien pres d'entrer au port, vn certain nauire arriue à eux, & les aduertit, comme ce port où ils alloient, estoit tout plein de Corsaires, & qu'ils estoient perdus, s'ils y abordoient. Le Capitaine du nauire entendant ces nouuelles, & voyant d'vn costé qu'il estoit ruiné s'il passoit outre, car le port n'estoit qu'à vne lieuē loing de là; & d'ailleurs considerant, que le vent estoit contraire pour retourner à Canton, & fort propre pour aller au Iapon; se resolut en fin, ne pouuant faire autrement, de prendre la route du Iapon. Par ainsi, ny le Diable ny ses ministres, ne peurent empeschier la volonté de Dieu, qui conduisit le P. Xavier avec ses compagnōs, sains & sauues parmy tant de dangers au port tant desiré. Ils arriuerent donc au Iapō le 15. du mois d'Aoust, iour & feste de l'Assomption de nostre Dame, de l'an 1549. Et ce qui est à remarquer, sans auoir peu prendre autre port, que celuy de la ville de Cangoxima, d'où Paul de Sainte Foy estoit natif, lequel fut receu de ses parens & amis, comme aussi le P. Xavier & ses compagnons, avec toute l'humanité & courtoisie qu'ils eussent sceu desirer. Le P. Xavier trouua en ce païs l'espace d'vn an, & quelque mois, durant lequel temps il fit des choses merueilleuses, avec vn profit admirable en la conuersion des Iaponois, laissant les affaires tellement disposées,

Le P. Xavier arriue au Japō le iour de l'Assomption N.D. Le profit qu'il y fit en general.

que la foy Chrestienne ayant des lors prins pied & accroissement, y a tousiours depuis esté maintenuë, avec l'ayde de Dieu, voire grâdemement amplifiée, tant par le moyë de ceux, qu'il auoit mené avec soy, que d'autres qui furent enuoyez par apres de la mesme Compagnie. Or iaoit que ce qu'il fit là, soit autant signalé, & digne de memoire, que ce que nous auons raconté iusqu'icy, où narrerons cy apres; toutesfois parce que nous desirons, Dieu aydant, escrire à part l'histoire du Iapon, & la bailler toute entiere, à celle fin de ne raconter deux fois vne mesme chose, & ne faire aussi ceste premiere partie plus longue qu'il ne conuient, nous le remettrons à vn autre volume, si Dieu nous en fait la grace. Pourfuyuons donc le reste de ce qu'il a fait aux Indes.

*L'histoire
du Japon
au 3. tome
de celi au
ure.*

*IL S'EN RETOURNE DV IAPON AUX
Indes, & prend resolution d'aller encore à la Chine,
pour y annoncer la Foy de Iesus-Christ.*

CHAPITRE XXII.

LE Pere Xauier ayant demeuré au Iapon vn an, trois mois & demy, c'est à sçauoir depuis le 15. d'Aoust de l'an 1549. iusques à la fin de Nouembre de l'année suiuant 1550. apres auoir presché la foy Chrestienne és Royaumes plus signalez, depuis Can-goxima iusques à Meaco, ville capitale du Iapon, & l'auoir laissée assez cogneuë, en ces dernieres Isles du Leuant, & en plusieurs d'icelles fort estimée des Princes & des peuples, & en d'autres desia receuë & bien fondée; se determine de donner dans la Chine. Les raisons qui le mouuoient, outre les generales, estoient, pour autant qu'il auoit obserué, que les piuots & principaux appuis des sectes du Iapon, estoient tirez de la doctrine des Chinois, & de la grande opinion qu'ils auoient conçeuë d'eux: attëdu qu'ils se persuadoient que tout ce que les Chinois ne suyuoient, ou n'approuoiet, estoit faux, ou incertain. A raison dequoy il delibera d'aller attaquer l'ennemy dans sa propre maison, & publier la Loy de Iesus-Christ en ce grand & opulent Royaume de la Chine, tenant la victoire toute assurée du Iapon, s'il venoit à bout des superstitions Chinoises. Laissant donc au Iapon le P. Cosme de Torres, & Iean Fernandez qu'il auoit mené quant & foy, tous deux de la Compagnie; afin qu'ils cōtinuassent, & poussassent en auant ceste entreprise; il s'embarqua sur la fin du mois de Nouembre, pour s'en retourner és Indes, afin de voir comme tout y alloit, & signamment le profit que

*Le P. Xa-
uier de-
meure vn
an 3. mois
& demy
au Japon.*

*S'en re-
tourne
aux In-
des.*

*Vient ad-
ter plan-
ter la foy
à la Chine
& pour-
quoy.*

faisoient ceux de la Compagnie, desquels il auoit charge ; brief pour trouuer quelque moyen, ou expedient d'entrer en la Chine. Car il y a, comme nous dirons cy apres, des loix fort rigoureuses contre tous estrangers, lesquels seroient si hardis, que d'entrer en ce Royaume, sans expres congé des Mandarins, ou Vicerois, qui est fort rarement donné. Il s'embarqua donc au port de Figen, qui appartenoit au Roy de Bungo l'un de ceux du Japon, dans le nauire d'un Portugais, nommé Edouard. Or de Gama il menoit

*Mene
deux Japo
nois Chre.
siés à l'in
de pour
les mander
à Rome.*

quant & soy deux Japonois Chrestiens, l'un nommé Bernard, & l'autre Matthieu, lesquels il pretendoit enuoyer à Rome, partie pour estre presentez au S. Pere, comme premices de ceste nouuelle plante du Japon ; partie aussi pour estre abbreués en la fontaine mesme des eaux pures, & sinceres de la vraye doctrine de l'Eglise Catholique: laquelle ils rapporteroient puis apres en leur pais, avec le tesmoignage de ce, qu'ils y auroient veu, & appris. Mais de ces deux, Matthieu mourut à Goa, auant qu'arriuer en Portugal; & l'autre apres auoir esté long temps à Rome, où il fut receu en la Compagnie par le B. P. Ignace fondateur d'icelle, comme il estoit sur le point de s'en retourner au Japon, estant arriué à Coimbre en Portugal, prest à faire voile aux Indes, & de là au Japon, il print la route du Ciel, comme il est bien croyable, veu le bon exemple de toute vertu qu'il donna, tant en sa vie qu'en sa mort. Quant au voyage du P. Xauier, entre le Japon & la Chine il eschappa d'une des plus terribles & dangereuses tempestes, qu'il eust en toute sa vie: laquelle, pour estre fort remarquable, mesme quant au succez,

*Grande
tempeste
entre le
Japon &
la Chine.*

ie raconteray vn peu au long. Estans donc partis de Figen ils nauigerent heureusement iusques à la nouuelle Lune; mais lors le vent s'estant changé au Sud se renforça de telle sorte, qu'il les ietta en des mers incogneës, esquelles iamaïs plus ils n'estoient entrez. La tempeste dura cinq iours avec vne telle obscurité, qu'ils ne virent ny Soleil, ny Lune, ny autre estoile, pour pouoir prendre la hauteur du Pole. Ils auoient desia allegé le nauire de plusieurs choses, & attaché l'esquif au nauire avec de grosses cordes, & l'estimoient si asseuré que 15. personnes y descendirët, cinq Portugais, & dix esclaués marcelots Sarrazins. Il y en a toutesfois aucuns, qui ne font mention, que de deux Sarrazins, mais ce que j'ay dit, a esté tiré des informations prinſes de ceux qui s'y trouuerent presens, & ne contrarie pas au dire des autres, car s'ils estoient quinze, ils estoient aussi deux. Estés donc ces quinze dans le bateau, voyci qu'environ

la mi-

la minuit, vn si grand coup de mer le va frapper, qu'il fit rompre les chables & cordages, qui le tenoient attaché au nauire. Ceux qui estoient dedans se mettent à crier à l'ayde. Les autres du nauire entendans ce cri, se mettent en deuoir de les secourir; mais il n'y eut moyen; car l'esquif fut en vn instant emporté des vagues bien loing de là. Si que tant ceux qui estoient dedans ledit bateau, que les autres du nauire auoient quasi perdu toute esperance de se pouuoir sauuer. Les premiers à cause qu'ils alloient flottans ça & là, à la merci des vagues & des vents; les seconds, par ce que en ceste mer l'esquif est si necessaire, que s'il vient à manquer, l'on se tient pour perdu. Le Capitaine Edouard de Gama, extrêmement marry d'une telle infortune, & particulièrement à raison d'un sié nepueu, appelle Alonse Calue, qui estoit dans le bateau, le voulut faire suiure, mais il cuyda se perdre, & les autres aussi. Car comme le nauire alloit bellemét, n'ayant pas beaucoup de voile, pour crainte des bouffées du vent par trop impetueux, il se trouua au milieu de deux grosses ondées, l'une desquelles le couurit entierement: de façon qu'il cuyda estre abismé dans la mer. Ceux de dedans se voyans reduits à l'extremité, commencent à implorer le secours de Dieu & de la Vierge Marie. Le P. Xauier, qui faisoit lors son oraison dans la chambre du Capitaine, entendant ce cri, sort dehors, & voyant le nauire en tel danger, leue les mains & les yeux au ciel, disant à haute voix; O mon Sauueur & Redempteur Iesus Christ, l'amour de mon ame, par les cinq playes, que vous receustes en croix pour nous, aydez vos seruiteurs rachetez par vostre precieux sang. Si tost qu'il eut fait ceste priere, le nauire se trouua hors de danger: mais l'on perdit le bateau de veüe, & quasi tous l'esperance de iamais le reuoir, & ceux qui estoient dedans. Le P. Xauier ne la perdit pas pourtant, ains avec vn visage serain & allegre, s'adressant au Capitaine; Ne vous tourmentez pas, monsieur, dit il: car auant que trois iours passent, le fils viendra querir la mere, entendant le bateau par le fils, & le nauire par la mere. Apres cela il se retire & employe le reste de la nuit en prieres & oraisons. Le lendemain matin il sort sur le tillac, & rencontrant là le Pilote avec le maistre du nauire, & autres six ou sept Portugais, apres leur auoir donné le bon iour, il demâde si l'esquif ne parroissoit pas, & luy estant respondu que non; Il vous prie (replique il) de faire monter quelqu'un à la hune, pour voir si on le descourrira. L'un des Portugais qui estoient presents nommé Pierre Veilhe, dit lors en se gaussant, que ce bateau se

*L'esquif
emporté
des va-
gues.*

*Grand dan-
ger du na-
uire.*

*et Priere
du P.
Xauier*

*Prophé-
tie tou-
chant le
retour du
bateau.*

*Pierre
Veilhe
portugais
s'z gaussé.*

se trouueroit, quand ils en auroient perdu vn autre. Le Pere entendant ces paroles; Mon amy Pierre Veilhe, dit il, cela vient de peu de foy. Ne sçauiez vous pas, que toutes choses sont possibles à Dieu. Or l'espere en sa diuine bonté, & en la vierge Marie sa inere, à laquelle i'ay faict vœu de dire trois messes en sa maison du Mont de Malaca, que nous obtiendrons ceste grace, que les vies de ceux qui sont dans le bateau seront sauues. Cela dit le maistre du nauire & vn autre matelot montent à la hune, & demeurent enuiron demie heure sans rien descouurir; dont ils en descendirent fort tristes & desolez. Le Pere s'en retourna cepédant prier Dieu, & y demeura presque iusques à Soleil couché. Lors il sort de sa chambre, & derechef pria les mariniers d'aller voir à la hune, si le bateau venoit. Le Pilote faisoit difficulté d'y faire monter quelqu'un, disant qu'il estoit impossible, que le bateau ne fut englouti des vagues, veu qu'elles estoient si grosses; & posé le cas qu'il ne fut abyssmé dans la mer, il seroit à plus de cinquante lieuës loing, veu l'impetuosité, & la force des vents. Le Pere luy respond qu'il auoit raison, humainement parlât; toutesfois pour sa consolation qu'il desiroit, que quelqu'un montat à la hune. Le Pilote, & le maistre du nauire pour luy donner ce contentemēt, y montēt eux mesmes; & apres y auoir demeuré assez long temps sans rien descouurir, descendent à bas sans esperance de reuoir iamais plus ceux, qu'ils tenoient pour perdus tout a faict. Or comme ils estoient pour encourir vn plus grand danger, s'ils s'arrestoient d'auantage, ils voulurent hausser les voiles, pour se mettre en chemin. Le Pere prie le Pilote de vouloir differer: car il esperoit que le bateau retourneroit bien tost. Mais le Pilote luy resista fort & ferme tout vn long temps, neantmoins il luy obeit en fin. Ayant donc encor attendu quelque temps, & voyant que le danger croissoit d'heure à autre, il commande de hausser les voiles: mais le Pere print par la main ceux qui les haussioient, les priant par les playes de Iesus Christ de les tourner abbaisser. Ce qu'ils firent, bien que à regret. Lors il appuye sa teste sur vn bois, comme s'il eut voulu reposer, & demeura de la sorte autant de tēps qu'on mettroit à reciter deux ou trois fois le *Credo*; & soudain voylà qu'un petit enfant se met à crier, miracle, miracle, voyci nostre bateau. Ceux du nauire l'aperceuant veni droit à eux, sans se destourner ny çà ny là, cōme il fut assez pres, ils voulurēt ietter vne corde, à fin que ceux qui estoient dedans s'y prissent, & arriuaissent plus seurement au nauire. Mais le Pere ne le voulut permettre, di-

est veri-
fice mira-
culeuse-
ment.

sant qu'il s'en viendroit de luy mesme chercher sa mere. Tous furent bien esmerueillez, & encore plus aises, de ce qu'il n'y manquoit aucun de ceux qui estoient entrez dedans: & ne cessoient de louer Dieu, & le remercier d'une telle faueur. Aucuns d'iceux pleuroient de ioye comme petits enfans, d'autres se iettoient aux pieds du Pere pour les luy baiser, & tous ne faisoient que le louer, & prescher sa sainteté. Mais luy à fin de n'entendre ces choses, se retire promptement dans sa chambre, pour rendre graces à Dieu. Ceux qui n'ont fait mention que de deux Sarrafins, qui estoient dās l'esquif, ra-
*Deux Sarrafins co-
 uertis.*
 contēt qu'iceux se voyans deliurez d'un si grand danger, & d'une fa-
 çon si merueilleuse par les prieres (cōme ils croyoient) du P. Xavier en recognoissance du benefice receu, se rendirēt Chrestiens, & furent baptisez par luy mesme. Ce que le Capitaine mesme du nauire Edouard de Gama avec vn autre, qui estoient presents, ont deposé en leur tesmoignage: & les autres tesmoings, qui disent qu'ils estoient quinze, n'y cōtredisent pas: tellemēt qu'il est croyable, que ceux qui n'ont fait mention que de ces deux, ont eu seulement esgard au profit & à l'effect du miracle, qui fut la conuersion de ces deux ames.

Au reste comme l'on eust recouré l'esquif, la nuit estant suruenue là dessus, & la tourmente n'ayant pas encore cessé du tout, le Pere appelle à soy le Pilote, & luy dit, qu'il rendit graces à Dieu auteur de tout le bien que nous receuons; & au demeurant qu'il desployast soudain les voiles, & s'apprestast pour paracheuer le reste du voyage: car le beau temps venoit, mais que le bon vent ne dureroit guere. Aussi aduint-il tout de mesme; car auant que le nauire eust les vergues hautes, la tempeste fut du tout appaisée, & le vent de Nort commence à souffler, à l'ayde duquel ils arriuerent dans peu de iours à l'Isle de Sanchon, qui est du ressort de la Chine.
*Le P. Xa-
 uier arri-
 ué à la
 Chine.*

Estans là ils trouuerent vn Portugais nommé Iacques Pereira, l'un des plus grands & intimes amis, que le Pere eust, qui estoit tout prest pour leuer les ancrs, & n'attendoit qu'un bon vent pour se mettre à la voile. Le P. Xavier s'embarqua dans son nauire, parce que celui d'Edouard de Gama n'estoit pas en dispositiō pour passer plus oultre, ayant esté si mal traité de la tourmente passée. Incontinent qu'il eust mis le pied dans le nauire de Iacques Pereira; Il suit
 voilà le vent, qui se leue tel, qu'ils desiroient. Ce que la deuotion
*voile vers
 Malaca
 avec Iac-
 ques Pe-
 reira.*
 de ces bons Portugais attribua tout aussi tost à la venue du Pere. Durāt ce voyage il communiqua à Iacques Pereira, le dessein, qu'il auoit d'aller publier la foy de Iesus-Christ, au Royaume de la Chi-

*Ambassa-
de au
Roy de la
Chine
moyé pour
y entrer.*

ne; & traitans ensemble des moyens, qu'il y pourroit auoir, pour y entrer, ils trouuerent, qu'il n'en y auoit pas de plus propre, que de faire en sorte, que le Viceroy de l'Inde enuoyat vn Ambassadeur au Roy de la Chine, pour contracter paix & alliance avec luy, au nom du Roy de Portugal. Car par ce moyen le Pere pourroit accompagner l'Ambassadeur, & auoir accez au Roy, auquel il demanderoit congé de s'arrestler à la Chine, & d'y prescher la Foy Chrestienne; ce qu'il esperoit obtenir, moyennant l'ayde Dieu. Iacques Pereira qui estoit homme fort iudicieux, & bien entendu aux coustumes & manieres de faire de la Chine, trouua cest expedient fort bon; & adyouta que c'estoit ce que requeroient instamment plusieurs Portugais, qui auoient esté prins par les Chinois quelque temps auparauant, lesquels de la prison, escriuoient souuēt aux Portugais, qui trafiquoient en l'Isle de Sanchoi, les aduisans que c'estoit le seul moyen de les deliurer, & d'auoir libre lè trafic avec les Chinois. Cecy accréut encore le desir du Pere, d'autant qu'il esperoit d'obtenir la deliurance de ces pauures prisonniers. Il y auoit neantmoins en cela quelques difficultez; la premiere estoit que comme ceste Ambassade requeroit vne grosse despense, tant pour achepter les presens, qu'on deuoit faire au Roy de la Chine, que pour l'appareil d'icelle, il n'y auoit point d'esperance d'en trouuer pour cela es coffres du Roy de Portugal: parce que tout ce qu'il y auoit, faisoit besoin pour d'autres necessitez plus vrgētes: & si encore n'en y auoit il pas assez. D'ailleurs l'on sçait bien, que le mode estime d'ordinaire, l'argent qui s'employe en telles entreprises, ou le principal profit consiste en l'aduancement de la gloire de Dieu, estre quasi perdu. Toutesfois Iacques Pereira, qui n'auoit pas moins de courage,

*Iacques
Per yra
s'offre de
faire les
despens.*

que de zele & d'affectiō au seruice diuin, s'offrit d'y employer tout ce qu'il auoit de moyens, & sa personne propre, si le Vice-roy trouuoit bon, qu'il y allast en tiltre d'Ambassadeur, & luy vouloit bail-
ler les expeditions & lettres necessaires en tel faict. Le Pere fort aise de telle offre, luy dit qu'il tascheroit de faire en sorte, que le Vice-roy le trouueroit bon, & qu'il luy bailleroit ses lettres. Ils arreste-
rent donc entre eux, que pendant que le Pere iroit trouuer à l'Inde le Viceroy, Iacques Pereira pourroit aller au port de Suada charger son nauire de poivre, & autres marchandises de haut prix, pour faire son voyage au mois de Iuin ensuyuant; & se promirent reciproquement l'un à l'autre, de se trouuer (Dieu aydant) à Malaca dans ce temps là. Restoit encore vne chose, qui tenoit en branle

Jaques Pereira: c'estoit qu'il auoit entendu, que la ville de Malaca estoit assiegée des Barbares; que si cela eust esté, il luy eust fallu *Malaca assiege.* employer les moyens, qu'il destinoit à l'Ambassade de la Chine, pour se fournir d'armes & de munitions de guerre, afin de l'aller secourir, comme ont accoustumé de faire ceux, qui ont plus à cœur l'honneur & le seruice de Dieu & de leur Prince, que leur profit & interest particulier. Mais le P. Xavier le tira biē tost hors de ce doute, l'assurant que la ville de Malaca estoit deliurée du siege, il y auoit desia quelques mois; & qu'ils la trouueroiēt aussi paisible, que lors qu'ils en estoient partis, comme de faict il aduint. Ce fut ce siege, duquel le Pere auoit menacé la ville de Malaca, cinq ans auparavant, lors qu'il preschoit vn iour, & les tançoit de ce qu'ils faisoient si peu de profit des admonitions, qu'il leur donnoit, pour amender leur vie. Car il leur predict, que Dieu enuoyeroit de grandes punitions sur ceste ville, & chastieroit les habitans par les mains des Barbares. Et bien que cela n'arriuat que cinq ans apres, d'autāt, peut estre, que Nostre Seigneur les attendoit encore à penitence, neantmoins sa parole ne manqua pas: car l'an 1550. au mois de Iuin les habitans de l'Isle de Iaua, joints avec les anciens Malayois, vindrent assieger la ville avec douze mil hommes, & estans entrez dedans du costé des maisons, que les marchands de Quiloa & de la Chine tenoient, mirent à feu & à sang tout ce qu'ils rencontrèrent; de sorte que la perte fut aualuée à vn million d'or, outre ce qu'ils menerent en captiuité vingt mille personnes, & tuerent cent Portugais, de trois cens ou vn peu plus, qui estoient dans la Citadelle, & s'ils n'eussent leué le siege si tost, ils l'eussent emportée en brief. Car la famine commençoit à presser les assiegez, & les maladies à se glisser parmy eux. Mais Dieu voulut que les ennemis se retirassent le 16. du mois de Septembre, cent & trois iours apres leur venue, sans autre occasion que l'on sçache, que par la volonté & providence diuine. Or comme Nostre Seigneur declara au P. Xavier *Le P. Xavier pre-* cinq ans auparavant, les afflictions, qu'il deuoit enuoyer sur ceste *dit le sie-* ville, & les luy fit aussi sçauoir lors, qu'elle les endureit (le Pere estāt *ge sans* encore au Iapon, ainsi qu'il le dit aux Portugais, qui estoient au *deuant.* port d'Amangucci ne l'ayant peu sçauoir par lettres, ny par autre voye, ou adresse humaine) aussi luy reuela il sa deliurance, comme il appert de ce qu'il en dit à Jaques Pereira; lequel toutesfoi- *Annonc-* donna pas si tost créance au dire du Pere, pensant qu'il luy tenoit ces *sa deli-* propos, pour luy oster l'apprehension qu'il auoit. Mais le Pere le *urance en* *estant biē* *loing.*

*Eut vne
tempeste
entre Ma
laca & la
Chine.*

luy dit par plusieurs fois, & adjousta ; qu'il en auroit des nouvelles assésurées, auant qu'il y arriuat ; comme aussi il aduint. Et pource ils continuerent leur voyage, plus contens & ioyeux, que deuant. Neanmoins auparauant qu'arriuer à Malaca, ils eurent vne tempeste

*Prophé-
tie ion-
chât le
nauire
de Jac-
ques Pe-
reira.*

causée par le vent Typhon, si redoutable en ceste mer là, comme a esté dit, qui leur donna vne telle attaque, que les matelots se rendoient desia à la mercy des vagues. Mais au plus fort de la tourmente, le Pere s'approchant de Jacques Pereira, Monsieur, dit-il, rendez graces à Nostre Seigneur, qui nous fait plus de bien, que nous ne meritons. Pleust-il à la diuine bonté, que le nauires, qui partit avec nous de Sanchon fut en ce mesme point, que le nostre. Car nous verrons bien tost des signes de ce qui luy est aduenü ; & quant à vostre nauires de sainte Croix (ainsi estoit-il nommé) soyez assuré qu'il se dissoudra apres plusieurs années, au mesme lieu qu'il a esté baltü. Comme il eust cessé de parler, la tempeste commença à perdre sa force, & le lendemain elle fut du tout accoisée. Quant à l'autre nauires ils cogneurent ce qui luy estoit arriué, voyans les hardes, & les corps de ceux, qui auoient esté noyez, flottans sur la mer ; & de tant de personnes qu'il y auoit, ils ne rencontrerent, que deux mariniers sur vn ais, qui estoient eschappez du naufrage, lesquels ils receurent dans leur nauires. Mais touchant la prophetie de la nef de S. Croix, c'est vne chose auerée, qu'il n'en y eut en ce temps là aucune plus heureuse que ceste cy en l'Inde. Car apres auoir fait beaucoup de voyages, l'espace de trente ans, elle fut vendüe à vn Capitaine de Diu, qui la fit dissoudre au mesme haure de Goa, ou elle auoit esté faite. Mais tandis qu'elle fut en estre, depuis ceste prediçon du P. Xauier, ceux-là s'estimoient heureux, qui la pouuoient auoir pour s'y embarquer. Et les marchands y fioient plus volôtiers leurs marchandises pour ceste cause seule, que dans toute autre. Il s'en pourroit apporter de beaux exemples, & bien auerez ; mais pour couter prolixité nous n'en dirons rien en particulier.

*Verifica-
tion d'i-
celle.*

Après donc qu'ils eurent passé ceste bourrasque, ils continuent leur voyage vers Malaca. Mais Jacques Pereira estoit en grande perplexité d'esprit, craignant que tous les nauires qui deuoient partir de Malaca vers les Indes, eussent desia desmaré, & que cela n'empeschât l'ambassade qu'il pretendoit faire à la Chine avec le Pere l'année suyuant. Car si cela eust esté, le P. Xauier ne fut pas peu aller à Goa trouuer le Viceroy, pour luy deinander les lettres re-

quises en tel affaire, ny les facteurs de Jacques Pereira pour y acheter les presens, qu'il vouloit porter au Roy de la Chine. Mais le Pere le tira hors de ceste peine, & soucy. Car luy parlant de cela, Nous trouuerons (dit il) encores le nauire du Roy à Malaca, duquel est Capitaine Antoine Pereira, biẽ qu'il soit sur le poinct de partir. Mais estant aduertí de nostre arriuee il nous attendra encore trois iours : & ie dois arriuer dans ce mesme nauire à Cochín, au temps qu'il faudra, pour escrire en Portugal & à Rome, les bonnes nouvelles du Iapon, par les nauires, qui partiront au mois de Feburier. Toutes ces choses furent trouuées veritables, de mesme qu'il les dit: car comme ils furent arriuez au destroiẽt de Sincapura, distant trente lieuës de Malaca, il escriuit vne lettre audit Antoine Pereira, le priant de l'attendre, pour autant qu'il deuoit aller avec luy iusques à Cochín, & de luy apprester quelque lieu honneste dans son nauire, pour y loger l'Ambassadeur du Roy de Bungo, & quelques autres Iaponois, qu'il menoit. C'estoient ceux que le Roy de Bungo enuoyoit en ambassade au Viceroy de l'Inde, pour faire alliance avec luy, & desquels le P. Xavier auoit prins charge particuliere, attendu qu'il auoit receu beaucoup de courtoisies de ce Roy, lors qu'il estoit au Iapon. Le Capitaine ayant receu la lettre du Pere, l'attendit encore trois iours, bien que sur le poinct qu'il là receut, il estoit si proche de son depart, que le nauire ne restoit attaché a l'ancre que d'une seule amarre; & tout aüssi tost que le Pere fut arriué, il mit la voile au vent, & vint surgir à Cochín sur la fin de Ianuier; de sorte que le P. Xavier ne demoura pas deux mois entiers à faire le voyage depuis le Iapon iusques à Cochín; là ou ayant escript les lettres qu'il desiroit mander à Rome, & en Portugal, il se remit à la voile, & arriua à Goa sur le commencement de Feburier de l'an 1552. En ce temps là il y auoit au College de Goa beaucoup de bons subiects de la Compagnie. Car la plus part de ceux qui traualloient en diuerfes contrées de l'Inde, s'y estoient rendus, pour quelques affaires, concernant le seruice de Dieu. Le Pere Gaspar Barzẽ y estoit venu d'Ormus, appellé du P. Xavier pour faire le voyage du Iapon, comme il pensoit, & de quoy il estoit extremement aise, bien que par apres il fut employé a autre chose, ainsi que nous dirons; & outre ceux que le P. Paul Camers auoit receu en la Compagnie, en l'absence du P. Xavier, plusieurs estoient venus de Portugal, en Compagnie du P. Melchior Nugnes, personnage de grande vertu & doctrine, lequel auoit esté enuoyé par le P. Simon

Autre
predi-
cateur
Elisavete
risiste.

Le P. Xavier arriue à Malaca, & de là a Cochín, puis à Goa.

Le P. Melchior Nugnes Religieux du College de Goa.

Rodriguez, pour estre Superieur au College de Goa, au cas que le P. Xavier en fut absēt, cōme de fait il en print la charge, & gouuernoit le College, du temps que le Pere y arriua; lequel aussi tost qu'il eut mis le pied dās Goa, s'ē alla premieremēt visiter tous les Monasteres, & Hospitaux de la ville, auant mesme que d'entrer au College. Cependāt ceux de la Cōpagnie ne pouuoiet endurer d'estre si lōg tēps priuez de la veuē de leur tāt aimē & desirē Pere, de sorte que le P. Melchior eust biē affaire de les retenir dans la porterie, si grād estoit le desir, qu'ils auoient de l'aller accueillir. Estant en fin entrē dans la maison l'on ne sçauoit bonnement expliquer la grande ioye & allegresse, que sa venue causa à tous ceux du College. Les vns se iettoient à ses pieds pour les luy baïser; les autres l'embrassoient fort affectueusement; brief ils receurent vne telle consolation tant eux que luy mesme, qu'ils ne pouuoient tenir les larmes. Or parmy ces embrassemens & accolades, le Pere s'enquit s'il y auoit quelque malade à la maison; on luy respond que voirement il en y auoit vn; mais qu'il estoit plus proche de la mort, que de la vie: car il auoit esté du tout abandonné des medecins, sans aucune esperance de sa vie. Toutesfois il s'asseuroit que si Dieu luy faisoit la grace de viure iusques à la venue du Pere, & de le voir auant mourir, qu'il recouurerait santé. Nostre Seigneur luy octroya ce qu'il desiroit, & luy aduint comme il s'estoit promis. Car le Pere estant aduertey de sa maladie s'en alla tout droit à l'infirmerie pour le voir: & l'ayant embrassé, luy dit quelque mot de consolation, puis luy mit la main sur la teste, recitant le S. Euangile, & aussi tost le malade commença de se trouuer mieux, & de là à peu de iours il fut du tout guery, & suruesquist encore quelques années; ce qui redoubla la ioye & ließe qu'on receust au College de sa venue. Cependānt il commence à donner ordre aux affaires, & specialement à ce, q̄ui concernoit l'entreprinse de la Chine. Celuy qui commandoit pour lors en l'Inde au nom dn Roy de Portugal, estoit Alfonso de Norogna en tiltre de Viceroy, qui auoit succedé à George Cabral, lequel apres la mort de Garcia de Saa, qui ne fut qu'un an au gouuernement, auoit tenu sa place bien peu de temps. De maniere que dāns trois ans il y eust trois Lieutenans Generaux du Roy de Portugal en l'Inde. Le P. Xavier estant au Iapon lors que Garcia de Saa estoit en charge, y trouua à son retour instalé Dom Alfonso de Norogna, qui estoit de longue main son grand & intime amy: lequel fort ioyeux de veoir le Pere retourné d'un si long voyage, rapportant

*L'arriuee
du P. Xa-
uier à Goa
donne la
santé à un
malade
delassé
des me-
decins.*

*Trois
Gouver-
neurs en
l'Inde
dans 3.
ans.
D. Alf. se
de No-
rogna Vi-
ceroy, in-
time amy
du P. Xa-
uier.*

rapportant de si beaux trophées de gloire, comme il estoit fort zélé au salut des Indois, si tost que le Pere luy eust fait sçauoir son dessein d'aller encore planter la foy de Iesus-Christ en ce grãd & opulent Royaume de la Chine: non seulement il l'approuua mais encore le loia fort: & fut bien aise de l'expedient, qu'on auoit trouué de l'Ambassade, qu'il iugea estre bien seante, & propre en la personne de Iacques Pereira. Tellement qu'il promit de bailler tout ce, qui seroit necessaire de son costé, acceptât neantmoins, & ayant pour agreable le seruice, que ledit Pereira vouloit faire au Roy de Portugal, touchant les frais & despens de ceste Ambassade, puis que les moyès du Roy estoient lors vn peu courts. Partant les facteurs de Iacques Pereira commencerent à despandre gros, acheptans les presens, qu'il vouloit porter au Roy de la Chine: car leur maistre auoit enuoyé de Malaca trente mil escus, pour estre employez seulement en soyes, & en musc.

Luy ac-
corde
tout ce
qu'il de-
mande
sur l'Am-
bassade de
la Chine.

*DE L'ORDRE QV'IL MIT EZ CHOSÉS DE LA
Compagnie auant qu'aller à la Chine, & les instructions, qu'il
bailla aux Superieurs, qu'il laissoit.*

CHAPITRE XXIII.

TANDIS que les facteurs de Iacques Pereira apprestoiēt en diligence, ce qui faisoit besoing pour l'Ambassade, le P. François Xavier ne demeura pas oiseux à Goa, ains comme c'estoit vne chose, qui luy estoit propre, de faire beaucoup en peu de temps, en cestuy-cy, qui ne fut pas plus de deux mois, il se surmonta soy-mesme. Car en si peu de temps il ordonna les affaires de la Compagnie, de laquelle il estoit Prouincial & Superieur en la Prouince des Indes, de maniere qu'elle n'auoit encore esté iusques à lors si bien rangée. Premièrement il assigna comme bon capitaine, à vn chacun de ses soldats, les lieux de garnison, ou ils deuoient tenir bon, & combattre contre Satan ennemy du genre humain, & contre l'Idolatrie, avec tout le reste des vices & pechez, qu'il a semé au monde. Il enuoya donc à cest effect le P. Melchior Nugnes, à Bazain; le P. Gonzale Rodriguez, à Tana; le P. François Henriques, à Cochin; le P. Louys Mendez, à la coste de la Pescherie (où il receut par après la Couronne de martyr) le P. Iean Lopez, à la ville de S. Thomas, pour ayder & tenir compagnie au P. Alphonse Cyprian, qui estoit encore là. Il manda pareillement quelques vns à la ville de Diu, là où iusques alors personne de la Compagnie n'auoit

Le P. Xa-
uier auant
qu'aller à
la Chine
depart ses
suijs
en diuers
lieux.

esté, pour y faire demeure. Finalement il nomma pour la inission du Japon, le P. Balthazar Gagus, & deux autres, qui n'estoient pas encores Prestres, à sçauoir Edouard de Sylua, & Pierre d'Alcageua, lesquels il mena quant & soy iusques à Malaca. Outre tous ceux-cy & les autres, qui estoient ja espars en plusieurs contrées de l'Inde, il restoit encore au College de Goa vn bon nombre de subjects de la Compagnie: desquels & ensemble de tous les autres, qui estoient en l'Inde, il establir Superieur le P. Gaspar Barzé, qu'il auoit fait venir d'Ormuz, le declarant non seulement Recteur du College de Goa, mais aussi Vice-prouincial en sa place, tandis qu'il seroit absent de ces quartiers là. Toutesfois il luy fit deffence de sortir de l'Isle de Goa, pour aller en quelque autre part, durant l'espace de trois ans, ainsi qu'il auoit fait lors, qu'il l'enuoya à Ormuz. Car il cognoissoit que c'estoit vn hōme, fort zelé & courageux, & que s'il n'eust eu ceste bride, il s'en fut allé parmy les Infideles & Payens, ou entre les Mahometains, pour leur prescher la foy Chrestienne, s'exposant ainsi à beaucoup de dangers, pour receuoir la couronne de martyre, de laquelle il estoit si desireux, qu'il ne souhaitoit en ce monde rien tant: & pource il falloit qu'il fut arresté à Goa, en vertu d'vn tel commandement. Or comme il n'eust sceu aduenir aucune chose au P. Gaspar, qu'il attendit moins que d'estre Superieur, aussi n'en y auoit-il aucune, qui luy peut arriuer plus à contrecœur; tant à raison de son humilité, que pour cause de sa grande ferueur, & pour l'esperance qu'il auoit, d'aller au Japon, où à la Chine avec le P. Xauier. Ce neantmoins les rares dons & graces, que Nostre Seigneur luy auoit communiqué, luy empescherēt l'accomplissement de ses desirs. Car outre les choses, qu'il fit à Ormuz, avec l'estonnement de tous, tant Chrestiens, que Gentils, Mahometains & Iuifs, comme nous dirons au 3. liure; sitost qu'il fut retourné à la ville de Goa, & qu'il eust cōmencé de prescher, toute la Cité & la Cour mesme du Viceroy fut changée en mieux, & enflammée en deuotion. Il preschoit non seulement les Dimanches & Festes, mais six & sept fois la sepmaine, voire quelquesfois iusques à douze & treize, avec si grande affluēce de gens, qu'on fut contraint de mettre la chaire hors de l'Eglise, & le faire prescher au milieu de la place. Car tant de monde ne pouuoit demeurer dedans les Eglises, sans estouffer, pour grandes qu'elles fussent. Quant au profit & vtilité que ses predications apportèrent, on le cogneut au changement de vie, que plusieurs firent, avec grande edification de toute la ville. Nous n'en

Le P. Gaspar Barzé est cōstitué Vice-prouincial & Recteur.

Combien cela fut contraire à ses desirs & souhaits.

Grand zele & ferueur du Pere Gaspar.

drons rien pour le present, afin de raconter tous ses gestes plus au long, & comme il appartient: mais ce qui en a esté touché en brief fut cause, que les habitans supplierent instamment le P. Xavier, de le leur laisser à Goa. Ce qu'il leur accorda tres-volontiers, voyant bien que de la santé de la teste, depend en grande partie l'embonpoint de tout le corps, & que le bien qu'on feroit en ceste ville là, & à la Cour du Vice-roy, qui s'y tenoit d'ordinaire, redonderoit au profit vniuersel de toute l'Inde. Et pource il voulut les assurer davantage, faisant audit Pere deffense d'en sortir de trois ans. Ayant ainsi ordonné les affaires, & desparty ses gens, il les voulut encore instruire de leur deuoir, leur donnant tout plein de bons & salutaires aduis, & nommément au P. Gaspard, pour lequel il dressa des instructions tres-belles & profitables, qu'il m'a semblé bon d'insérer en ce lieu, excepté celles, qui sont semblables aux autres, que nous auons rapporté cy dessus.

Aduertissemens que le P. Xavier buy laissez entât que Supérieur Auoir soing premierement de son salut. Ecclesi. 14. vers. 5.

1 En premier lieu il recomandoit aux Superieurs, que leur premier & principal soing fut de veiller sur eux-mesmes, & sur leur propre conscience. Car outre que celuy ne peut estre bon pour les autres, qui est mauuais pour soy-mesme, comme dit le Sage; l'office des Prelats (disoit-il) és personnes, qui ne sont pas parfaites, est le plus dangereux de tous; & pource s'ils ne veillent continuellement sur eux mesmes, il est plus certain, qu'ils ne feront aucun profit enuers leurs sujets, ains se perdront eux mesmes.

2 Apres le soing de leur ame, & de leur propre perfection, il vouloit que le plus grand qu'ils eussent, fut du salut & perfection des Religieux, qu'ils auoient en charge, & biē plus que des seculiers ou d'autres; adioustant que souuentefois le Diable met en l'esprit des Superieurs quelques ferueurs, qui ont belle apparence, pour le profit des estrangers; leur ostant par ce moyen le temps, qu'ils doiuent employer, pour le bien & ayde spirituel de leurs sujets; jaçoit que (selon le dire de Nostre Seigneur) il falloit faire cela, & ne laisser pas en arriere le principal; dont il est certain, que c'est grande illusion, & tromperie du Diable.

Auoir plus de soing des domestiques que des estrangers. Matt. 23. Luc. 11.

3 Quant au gouuernement desdits Religieux, il faisoit estat non pas d'une prudence politique, ou trop aultere grauité; mais d'une aimable charité, humilité & modestie: laquelle à telle force & efficace enuers les sujets, que lors qu'on leur commande quelque chose, ils ne repugnent en rien que ce soit. Car personne n'obey plus volontiers que celuy qui aime: & pour estre aimé des sujets,

Charité du Supérieur envers ses sujets.

le plus propre moyen est, de leur faire entendre, qu'on leur porte vn vray & sincere amour.

La rigueur ne cessaire à l'endroit des hautains.
 4 Il exceptoit neantmoins de ceste regle les hautains & arrogans, ou ceux qui presument beaucoup d'eux mesmes, avec lesquels il vouloit qu'on vsat de la rigueur & seuerité conuenable. Car si la douceur sert à ceux, qui faillent par ignorance, elle nuit beaucoup aux superbes, & presomptueux; d'autant que cela les confirme d'auantage en leur arrogance; & leur fait leuer les cornes, voyans que les Superieurs ont crainte de les reprendre & chastier; Et sçachez. (disoit-il) que c'est vne chose, qui leur apporte vn tres-grād dommage, voire souuent est cause de leur perte. Il ne faut pas donc, qu'ils pensent, qu'on leur porte quelque respect, & qu'à ceste occasion l'on dissimule leurs fautes.

Recevoir peu de gens & bons.
 5 Quant à ceux, qui se presentoient, pour entrer en la Compagnie, son aduis estoit, que les Superieurs vsassent de grande consideration, & fussent plus enclins à recevoir peu de gens, & bons, que beaucoup, qui ne fussent tels, que nostre vacation requeroit. Il faisoit estat d'un bon iugement, d'un grand courage és entreprises propres de nostre institut, de la ferueur & deuotion, avec laquelle ils se presentent pour estre receus, semblablement des forces corporelles, & du bon naturel. Somme il vouloit qu'ils eussent tels dons & talents de nostre Seigneur, qu'on peut esperer, qu'ils seroient vtiles, & propres à faire seruice à la Compagnie, non seulement dedans les maisons & Colleges, mais aussi parmy le monde. Et il estoit tellement ancré & arresté à cela, qu'il jugeoit moindre inconuenient, qu'on se seruit d'estrangers, pour les affaires domestiques, que de recevoir à ceste occasion gens, qui ne fussent propres pour la Religion.

Ne faire prendre les Ordres si non aux vertueux & prudents.
 6 De mesme vouloit-il que les Superieurs fussent fort aduisez, de ne faire point prendre les Ordres sacrez, mesmement de Prestre, si non à ceux, desquels outre la science, & doctrine, qui est requise en ecla, ils n'eussent beaucoup de satisfaction, & vne longue experience, tant de leur vertu, que de leur prudence, signamment à conuerfer & traicter avec les Seculiers.

Employer les plus vertueux doctes & prudents à la cūct.
 7 Il employoit en la conuersion des Infideles les personnes de plus rares talents, de vertu, science, & prudence, qu'il eust en la Province, enchargeant les Superieurs de faire le mesme, & d'estimer ceste occupation, pour la plus importante de toutes celles de la Compagnie; en laquelle (dit-il) les occasions de tomber en ten-

tation, & les desolations & ennuis sont plus frequents, & de plus grand danger; & partant qu'on ne pouuoit commettre ceste charge, sinon à gens de grande vertu & integrité.

*San des
Infidels.*

8. Il souloit donner de bons aduis & instructions à ceux qu'il enuoyoit pour cōuertir les infideles à la foy Chrestienne, comme nous auons veu cy dessus, leur recommandant sur tout d'auoir vne grande charité, & amour enuers les ames rachetées par le sang precieus du fils de Dieu; & de souffrir avec patience l'ignorance de ceux qu'ils instruisoient, & les fautes des nouueaux Chrestiens. Outre ce il les enchargeoit d'apprendre la langue du pais, ou ils faisoient residence; de baptiser les petis enfans, & de leur enseigner la doctrine Chrestienne fort soigneusement, quand ils en estoient capables: d'auoir l'œil sur les plus aagez, à fin qu'ils se comportassent en bons Chrestiens. Brief il les exhortoit à la constance & perseuerance, & qu'ils se souuinssent de ce qui est escrit: *Qui seminant in la-rym. 125. chrymis, in exultatione metent.* Ceux, qui sement avec larmes, moissonneront avec resiouyssance.

*Ce qu'il
recomman-
doit à
ceux qu'il
employoit
à cela.*

Voilà quant aux Superieurs. Il en bailla aussi d'autres, qui sont propres pour les Predicateurs, & ceux qui conuerseient avec le prochain, pour le salut des ames; le sommaire desquelles est briefuement compris en ce qui s'ensuit.

*Aduis
pour les
Predica-
teurs, &
autres qui
conuersi-
ent avec le
prochain:
Ne repré-
dre en
public les
Superieurs.*

1. Premierement il leur recommandoit de se garder soigneusement de parler mal en particulier, ou de reprendre en public les Prelats, ou les Princes, les Gouverneurs, Magistrats, ou autres personnes, qui ont charges publiques, ny pareillement les Prestres, ou autres gens d'Eglise, fussent ils Reguliers, ou Seculiers; bien qu'il semblât quelquesfois qu'il y eut occasion, ou pretexte de quelque bien ou profit spirituel: estimant qu'il valoit mieus faire moins de profit, sans apporter scandale, que le causant, en faire beaucoup.

2. Que pour ayder le prochain, ils ne laissassent aucun iour la meditation ordinaire de la vie de nostre Sauueur, ny les examens de conscience, esquels il aduisoit qu'il falloit remarquer ce, que nostre Seigneur laissoit de faire, par nostre moyen, à cause des empeschemens que nous mettions à sa diuine grace, plustost que ce qu'il se daignoit faire par nostre moyen, esneue de son infinie bonté, n'ayant esgard à nos fautes. Car le premier (disoit il) sert pour nous confondre, & encourager à corriger nos defauts; & le second peut proceder d'une superbe dangereuse, par laquelle plusieurs s'approprient les œuvres, qui appartiennent à Dieu.

*Ne lais-
ser ses o-
raisons
pour les
occupa-
tions or-
dinares.*

*Les offi-
ces hum-
bles &
bas don-
nēt beau-
coup de
credits.*

3 Apres le soing de sa propre conscience, il n'estimoit aucuns exercices de nostre vacation plus importants, que les humbles & bas, c'est à dire, qui sont de peu de parade deuant les yeux du monde; & sur tout d'enseigner le Catechisme aux petits enfans, & autres gens idiots, voulant que les plus grands, & les predicateurs mesmes s'exercassent en cela, sans cōmettre ceste charge à autrui, non plus que la visite des hospiraux, & des prisons, en secourant les malades & prisonniers, tant au spirituel qu'au temporel, selon qu'ils en auroient le moyen. Car Dieu avec ses oeuvres (dit il) accroist, & augmente en nos ames la ferueur de charité, & en celles de nostre prochain la bonne edification, laquelle dōne plus de credit & d'autorité aux seruiteurs de Dieu, que toute autre chose.

*Le ressen-
timent
interieur
de ce qu'on
doit pres-
cher.*

4 Il recommandoit particulièrement aux Predicateurs la meditation, & ressentiment interieur des choses qu'ils deuoiēt prescher, lesquelles il vouloit estre non curieuses ny nouuelles, mais accommodées aux mœurs & necessitez spirituelles du peuple, traittées sans arrogance, sans scandale ou desgoust de quelque particulier; sans apparence de passion, ou competence avec autres Predicateurs: brief sans apparat d'auctoritez amoncelées pour gagner grād bruit, & reputation de doctrine.

*Enier
les nego-
ces secu-
liers.*

5 Il vouloit aussi qu'ils s'exemptassent du tout des affaires seculieres: Car outre ce qu'elles apportent vn grand empeschement à la lumiere, & deuotion spirituelle, si necessaire à tous ceux qui font l'office de Predicateurs; elles causent encore, si l'on n'est biē sur ses gardes, vne grande inquietude es ames les plus religieuses, iusques à les mettre quelquesfois peu à peu, sans y penser, dans le monde.

*Joindre
les exer-
cices d'hu-
milité à
la predi-
cation.*

6 Il les exhortoit aussi de faire grand estat, de joindre les exercices d'humilité avec la predication. Surquoy il laissa par escrit au P. Gaspar force bons aduis, pour se maintenir tousiours en l'exercice de ceste vertu.

*Aduis
pour se
mainte-
nir en hu-
milité.
Raporter
à Dieu
tout le
bien qu'on
fait.*

1 Et premierement qu'il recogneut entierement, que Dieu estoit auteur, & la seule cause du talent, qu'il auoit de prescher, & du bon usage & effects d'iceluy; & de plus qu'il tint pour asseuré, que ceste grace luy estoit communiquée de Dieu, pour le respect de la deuotion, que le mesme Seigneur donnoit au peuple d'ouyr ses sermons, & d'en faire son profit; d'où il entendroit combien il estoit obligé d'auoir vn grand zele du salut des ames, & se garder soigneusement de ne donner aucun scandale à son prochain.

2 Qu'il aduisat bien de ne se preferer en son cœur à pas vn de

ceux, qui faisoient le mesme office de prescher, ou autre, qui trauail-
 lat en la vigne de nostre Seigneur; ains qu'il estimat que pour les
 merites des freres de la Compagnie, & particulièrement de ceux
 qui seruent à la maison es offices humbles, Dieu le prenoit pour
 instrument des œuvres, qui concernent sa gloire & son honneur.
 Et que s'il consideroit bien le tout, il estoit plus redevable, & obli-
 gé aux oraisons que ses freres offroient à Dieu, à celle fin qu'il luy
 pleust communiquer ses graces aux ouuriers de la Compagnie:
 que non pas eux à luy, pour le credit & renom qu'il gaigne à la
 Compagnie. Mais escoutons le, comme il parle en ses propres
 termes.

3 Demandez (dit il) à Dieu avec grande instance, qu'il vous face
 cognoistre, & ressentir au dedans de vostre ame, les empeschemens
 que vous mettez à ses diuines faueurs, & graces: pour lesquels il
 laisse de vous en conferer dauantage, ou de plus signalées, & se ser-
 uir de vous en choses encore plus grandes.

4 Ayez vn soing continuel de vous humilier deuant Dieu & de-
 uant les hommes, & puis que rien de ce que vous preschez n'est
 vostre, mais le tout vous est donné liberalement du mesme Sei-
 gneur; vsez de sa grace avec amour & crainte, comme celuy qui
 doit en rendre vn compte bien estroit, vous gardant de vous ap-
 propriier autre chose, que vos defauts, vostre superbe, vostre negli-
 gence, & ingratitude enuers Dieu, enuers le peuple, & enuers la
 Compagnie.

5 Souuenez vous qu'il y a beaucoup de Predicateurs en Enfer,
 qui ont eu plus grãd talẽt de prescher, que vous n'avez, & ont fait
 avec leurs sermons plus de fruit, que vous ne faictes pas, estants
 cause que plusieurs se sont retirez du peché; & ce qui vous doit
 plus estonner, ont serui d'occasion à vn grand nombre de gens de
 faire leur salut & de iouyr de la gloire eternelle, de laquelle neant-
 moins eux mesmes seront priuez, & demeureront misérables en
 Enfer pour iamais. De ces malheurs la premiere & principale cause
 a esté, de s'aroger & s'appropriier les dons & graces de Dieu, & a
 raison d'icelles auoir accepté, avec vne vaine complaisance les lou-
 anges des hommes, & applaudissements du monde; dont peu à peu
 ils sont tombez en cest aueuglement de presumption, & de mor-
 telle arrogance & superbe. Partant qu'un chascun ait l'œil sur soy
 mesme, & sçache qu'il n'a de son cren autre chose, que ses propres
 pechez; le reste Dieu le faict, pour monstrier son infinie bonté, &

nous donner plus d'occasion de nous humilier, en voyant qu'il se daigne seruir de si vils instrumens, pour se manifester aux hommes.

Exerci- ces d'hu- milité. 6 Sur tout ie vous recommande, & vous prie instamment, par tout ce que vous deuez à nostre P. Ignace, & a toute la Compagnie de IESUS, que vous ne quittiez iamais ces exercices de vraye humilité. Car si vous faictes le contraire, ie crains que vous ne vous perdiez, comme d'autres se sont perdus.

Remar- quer en quoy on m'a- que sur ces poincts. 7 Meditez sur chascun de ces poincts, remarquant & mettant par escrit dans vn memorial, ce que nostre Seigneur vous donne à sentir sur iceux au dedans de vostre ame: & lisez souuent ces considerations & aduertissements. Car i'espere que faisant ainsi vous irez croissant en lumiere interieure, & noimmément en la vraye cognoissance de vos fautes, & au mespris de vous mesme, duquel depend en grande partie, vostre profit & aduancement spirituel.

Ce sont les principaux poincts des instructions, que le P. Xavier bailla en ce temps au P. Gaspar, lequel apres qu'il l'eut constitué Recteur du College de Goa, & faict Viceprouincial de ceux de la Compagnie es Indes, en son absence; luy mesme voulut le recognoistre tout le premier, se mettant à genoux deuant luy, comme s'il eut esté son subiect, donnant par ce moyen exemple aux autres de luy estre obeissans. Ceux qui estoient presents, esmerueillez de voir vne chose si nouuelle, & grandement esineus à deuotion par vn si rare exemple d'humilité, se prosternerent semblablement à terre, pleurans à chaudes larmes, & promettans d'estre obeissans à celuy qu'il leur laissoit en sa place. Cela estant faict, il les embrasse tous, baigné aussi en larmes, & leur dit le dernier à Dieu.

L'AMBASSADE DE IACQUES PEREIRA

est empeschée par le Gouverneur de Malaca, lequel a ceste cause est denonce excommunié par le P. Xavier, comme Nonce Apostolique.

CHAPITRE XXIIII.

Il part de Goa pour aller à la Chine. Pres que le P. Xavier eut mis ordre aux choses qui concernoient son office, & qu'il eut prins congé de ceux de la maison, & des estrangers, avec tant de larmes & des vns & des autres, qu'ils sembloient deuiner que ce seroit la dernière fois qu'ils le verroient en ce monde: il partit de Goa le 15. du mois d'Auril de l'an 1552. menant avec soy le P. Balthazar Gagus, & deux autres, qui n'estoient pas encore Prestres, à sçauoir Edouard de Sylua & Pierre d'Alcaceua,

d'Alcaçua, avec vn ieune garçon Chinois, de ceux qu'on nourrissoit, & esleuoit au College de Goails euré vn bon voyage iusques à Cochin, mais delà à Malaca, il sembloit que la mer & les vents s'estoient conjurez contre eux; de sorte que le maistre du nauire le tenoit desia pour perdu: & tant les mariniers, que passagers, estimoient que c'estoit fait de leur vie, commençoient à l'enter leur mort. Le P. Xavier voyant l'estat des affaires, sort de sa chambre où il faisoit son oraison à Dieu, avec vn visage si serain & allegre, qu'il sembloit promettre & prognostiquer la bonasse qu'on desiroit. Monté qu'il fut sur le tillac, il demande au maistre du nauire vne corde, à laquelle ayant attaché son reliquaire, il le iette dans l'eau, au nom de la Tres-saincte Trinité, Pere, Fils, & S. Esprit, suppliant sa diuine bonté les vouloit deliurer de ce danger, & donner heureux succez à leur voyage, puis qu'il estoit dressé à sa plus grande gloire & honneur. Aussi Dieu monstra soudain qu'il auoit ouy sa priere, d'autant que dès ce iour là ils eurent la mer si calme, & les vents si propices, qu'ils arriuerent bien tost à Malaca. Toutes-foi ce ne fut pas sans encourir deux autres grands dangers, lesquels aussi furent diuinement preueus par le Pere. Car apres que la premiere tourmente fut passée, il appella à soy le maistre du nauire, & luy dit qu'il fut sur ses gardes, & que le plus dangereux luy restoit; ce qui fut trouué veritable. Car la nef passa deux fois par dessus des rocs, qui n'apparoissoient point du tout, & fut en tel danger, que tous recogneurent vne particuliere assistance de Dieu enuers eux, impetrée par les merites & prieres de son seruiteur. Par ainsi ils arriuerent à Malaca, sains & sauues; mais ils trouuerent la ville fort affligée de peste, comme le Pere leur auoit predit quelque temps auparauant, & y estoit si eschauffée, que seulement de ceux qui vindrent dans leur nauire, il en mourut en peu de temps trent-fix personnes.

Or comme ceste Ambassade de Iacques Pereira desplaisoit grandement au Diable, qui voyoit bien que par ce moyen la porte s'alloit ouurir à la Predication de la foy Chrestienne dans cet ample & opulent Royaume de la Chine, qu'il tenoit si estroitement serrée; il tascha par tous les artifices qu'il peut de l'empescher. A ces fins il fuscite pour instrument de toute sa trame, le mal-talent & enuie d'un certain Gentil-homme Portugais, nommé Dom Aluare Ataydé frere de Dom Pierre de Sylua qui auoit les années precedentes gouuerné ceste ville avec grâde prudence, & satisfactiō d'un

chacun, & deuoit ceder, ou cōme disēt quelques vns, auoit desia cédé la mesme charge à sondit frere. Car il en y a d'aucuns qui l'appellent Capitaine ou Gouverneur de Malaca : mais d'autres tiennent qu'il ne l'estoit pas encore, bien qu'il le deust estre bien tost. Et pource tous les habitans & soldats luy portoient beaucoup d'honneur & de respect: qui fut aussi la cause, pour laquelle le P. Xavier estant arriué à Malaca, soudain l'alla trouuer, & luy fit entendre son dessein, & les depeschés qu'il auoit du Vice-roy, pour aller à la Chine, en cōpagnie de Iacques Pereira, qui estoit enuoyé en tiltre d'Ambassadeur du Roy de Portugal, vers celuy de la Chine. D. Aluare Atayde dissimula pour lors, & fit semblant d'en estre bien aise, ne voulant encore descouurir son mal-talent, iusques à ce que Iacques Pereira fut de retour. Car il estoit allé à Sunda, pour charger son nauire de poiure, & autres marchandises, lesquelles il deuoit apporter à la Chine, sous l'abry de son Ambassade, dont il esperoit tirer vn si gros gain, qu'il y auoit peu de gens dans Malaca, qui ne desirassent vn tel sort, & ne luy en portassent quelque enuie; mais sur tous celuy duquel nous parlons, qui eust bien voulu auoir ceste charge pour foy, tant à raison de l'honneur qu'il y auoit, que pour le profit qu'il en esperoit retirer. Il faisoit neantmoins tousiours belle mine au Pere, pour les obligations qu'il luy auoit: car le P. Xavier luy auoit obtenu du Vice-roy, l'office & dignité d'Admiral de Malaca, qui n'estoit pas comprins en ses lettres de Gouverneur simplement; outre beaucoup d'autres plaisirs, qu'il luy auoit fait. Mais cōme il se doubtoit fort de ce qui arriua, il taschoit encore par tous les seruices qu'il luy pouuoit faire, de se le rendre plus amy: tellement que ledit Atayde estant en ce temps là tombé griefuement malade, le Pere luy assista fort charitablement: & luy alloit dire souuent la Messe dans son logis (car il auoit permission de ce faire) pour sa plus grande consolation. Brief il se monstra en ce temps là plus affectionné en son endroit que iamais; & l'autre aussi faisoit le plus beau semblant du monde, d'estre bon amy au Pere, & fort redeuable à tant de bons offices qu'il en auoit receu. Cecy dura seulement, iusques à ce que Iacques Pereira fut retourné de son voyage. Car aussi tost qu'il eust prins port à Malaca, on luy vint saisir le gouuernail de son nauire, de la part dudit Atayde, & fut apporté deuant le logis d'iceluy, allegant pour pretexte, qu'il auoit receu nouuelles, que les Barbares s'en venoient assieger la ville; & partant qu'il estoit necessaire de retenir ce nau-

*Se sert du
mal-talent
& enuie
de D. Al-
uare A-
tayde cō-
tre Jac-
ques Pe-
reira.*

re, pour le secours d'icelle. Chascun vit bien incontinent, que ce n'estoit qu'un sac moiüllé, duquel il se vouloit couvrir, pour ne faire paroistre clairement son enuie & mal-talent. Car vne nef de Portugais vint peu apres de l'Isle de Solor, ou ils auoient secu que les habitans de l'Isle de Iaua (desquels seulemēt on se pouuoit craindre pour lors) estoient en grande dissension & guerre ciuile, armés les vns contre les autres; partant qu'il leur estoit impossible de venir assieger la ville de Malaca. L'autre voyant qu'il ne pouuoit s'afubler de ce manteau, declara appertement, que quoy qu'il en fut, il ne lairroit point aller Iacques Pereira pour Ambassadeur à la Chine, & s'opiniastra de telle sorte à cela; qu'il perdit tout le respect qu'il deuoit & à Dieu & aux hommes nommément au Pere. Lequel l'estant allé trouuer le pria humblement, de ne vouloir empescher ceste Ambassade, qui pouuoit tant seruir à l'aduancement de la gloire de Dieu, & de son saint Nom; & qu'il se donnat bien de garde de vouloir faire ce plaisir à Satan, qui ne pretendoit autre chose, que d'y mettre quelque destourbier, par son moyen. Mais comme cet homme estoit desia possédé par l'enuie & l'auarice, il ne fut possible de gagner autre chose sur luy, sinon qu'il permettroit bien au Pere d'y aller, mais nullement à Iacques Pereira; & ny eust aucun moyē de le faire desmouuoir de ceste resolution; combien que le Pere luy fit tout plein d'offres, & bons partis au nom dudit Pereira, & qu'il le menaçat de l'ire & vengeance de Dieu & des hommes, lesquels en ce faisant, il irriteroit grandement contre soy, & nommément le Roy de Portugal, & le Vice-toy de l'Inde, qui auoit donné ceste commission audit Pereira. Toutesfois il ne fit aucun cas de tout cela: ains comme celuy qui tenoit lors le lieu & place de Gouverneur (car cestuy-cy n'estoit pas encore entré en charge) voulut y proceder & par voye de iustice, entant qu'Auditeur & Iuge de Malaca, tel qu'il estoit; & dauantage comme Lieutenant du Gouverneur, faisant emporter par force le gouuernail du nauire, l'autre se mit en armes pour luy resister. Le Pere craignant qu'il en sortit quelque scandale, pria ledit Iuge de ne passer plus outre; & lors il s'aduifa d'vsfer pour dernier remede, de l'autorité & puissance de Nonce Apostolique, que le S. Pere luy auoit baillée, de laquelle il ne s'estoit iamais seruy iusques alors. Par ainsi il luy enuoya le Vicaire de l'Euesque, qui se tenoit à Malaca, afin qu'il luy fit entēdre de sa part, comme il auoit esté créé du S. Pere Nonce Apostolique, & luy bailla mesme ses lettres verifiées, & emolo-

*Beau pre-
texte
couue tu-
re de ma-
lice.*

*Obstina-
tion de
D. Alua-
ro Atay-
de.*

*Le P. Xa-
uier tas-
che de le
gagner,
mais en
vain.*

*Le mena-
ce comme
Nonce
Apostoli-
que, de
l'excommu-
nica-
tion.*

guées par l'Euesque de Goa, par lesquelles il estoit porté, que tous ceux, qui luy mettroient empeschement, en ce qui concernoit la publication de la foy Chrestienne, *ipso facto*, seroient excommuniés; & partant qu'il aduisat à bon escient ce qu'il faisoit, & s'il estoit sage, qu'il se gardat bien d'empescher ceste Ambassade dressée tout expres pour l'amplification de la gloire de Dieu, au Royaume de la Chine, & entreprinse par l'aduen & auctorité du Vice-roy, & de l'Euesque de Goa; autrement qu'il le denonceroit non pas de son auctorité priuée, mais de l'auctorité de Nostre S. Pere excommunié, c'est à dire, forclos de la communion de l'Eglise Catholique, & retranché du corps mystique de Iesus-Christ. Le Vicair s'aquitta deuëment de sa charge; mais le malade n'estoit pas disposé de faire son profit de ce remède; tellement qu'au lieu d'obeyr, & de se rendre souple à vne si haute & si diuine puissance, il n'en tint aucun compte; ains se monstra si insolent, & impie en ses actions & paroles, qu'il vaut mieux les passer sous silence, que de descouurir d'auantage le scandale d'une audace si obstinée. Suffit de dire, qu'il y auoit par les carrefours de la ville de gēs appoitez, pour accueillir le Pere, quand il passeroit, avec de grandes huées & moqueries; & ce en la ville de Malaca, ou il auoit esté tenu & estimé comme Saint, non seulement des Chrestiens, mais des Infideles mesmes. Voilà ou conduisent les hommes ces deux passions, d'enuie & d'auarice, lors qu'elles possèdent le cœur d'une personne. Il y auoit neantmoins plusieurs habitans de la ville, qui trouuoient ces deportemens fort estranges, & condamnoient publiquemēt telles façons de faire, tant du principal aucteur, que de ses adherans. Mais pour cela il ne desista point de ce qu'il auoit resolu, ains fit tout à fait arrester Iacques Pereira, pour rompre le coup de son Ambassade. Le P. Xavier animé contre vne telle obstination, afin que desormais personne ne fut si outrecuidé, que d'attenter chose semblable, fit denoncer nommément excommunié ledit Atayde, & ses complices; nō pas qu'il leur fit de nouveau ceste playe (car ils auoient desia encouru l'excommunication, portée par les saints Decrets, cōtre ceux, qui s'opposent aux Noīes Apostoliques, en ce qui touche l'exécution de leur charge & deuoir) mais pour déclarer, qu'ils estoient ja playez & naurez à mort; afin qu'ils fussent recognus pour tels, & eux mesmes aussi vinsent plus promptement à se recognoistre. Et de fait lors que le Pere le fit denoncer, il protesta qu'il seroit bien marry de hailler, ou d'estre cause, que quelqu'un en eburnt vne si griesue

L'enuie,
& l'auarice
sont
cause de
grands
malheurs

Il le de-
clare ex-
communié.

peine, comme est l'excommunication; neantmoins qu'il seroit bien en sorte, que ceux qui seroient desia serus de ce foudre, fussent recogneus pour tels; afin qu'un tel chastiment seruit aux autres d'exemple, pour les destourner de semblables fautes; & aux blessés de honte & de confusion, pour chercher vistement le remede de leur blessures mortelles. Ce fut la plus grande affliction qu'il receut iamaïs en sa vie, voyant vne entreprise, de laquelle pouuoit reüssir un si grand bien, empeschée par celuy, qui la deuoit fauoriser & aduancer. Si est ce qu'il supporta toutes ces traueses, avec si grãde patience & constance, qu'on n'apperceut en luy chose aucune, qui monstrat que le repos de son ame fut en rien du monde troublé; ains durant ce tẽps là, il s'adonnoit plus seruẽment que iamaïs à l'oraison, & s'en alloit passer les nuits entieres, dans l'Eglise en prieres; cõme l'ont tesmoigné quelques Religieux de la Compagnie, qui estoient lors à Malaca; lesquels desireux de sçauoir, cõment il employoit les nuits entieres dans l'Eglise, l'alloient souuẽt espier, & le trouuoient quasi tousiours à genoux deuant le grand autel, sauf quelquefois que surprins de sommeil, il repositoit la teste sur les degrez, mettant les mains entre deux, & prenant ainli quelque peu de repos. Il s'employa aussi aux affaires de sa charge, & en ses occupations ordinaires, tout de mẽme; que si rien ne luy fut aduenü. Car il enuoya pour lors au Japon le P. Balthazar Gagus, & les deux autres de la Compagnie, qu'il auoit mené de Goa, pour s'aller joindre au P. Cosme de Torres, qui estoit à Amangucci. A la mẽme saison arriua des Moluques le Pere Iean de Beira, avec lequel le Pere se consola fort, entendãt le fruct, qu'il auoit faict à l'Isle du More, & l'enuoya au P. Gaspar Barzé, avec lettres par lesquelles il luy ordonnoit, de bailler audit P. Beira quelques vns de la Compagnie, pour l'ayder à faire la cueillette des ames, qui se monstroient là si belle, luy commandant de le renuoyer au plustost à sa demeure.

Il secourut encore en ce mẽme temps, la ville de Malaca, fort trouuallée de peste, tout de mẽme que s'il n'y eut enduré aucun affront & iniure. Car le feu de sa charité estoit si ardãt, que les eaux des persecutions ne le peurent esteindre, ny diminuer. Il estoit avec les malades de iour & de nuit, entendant leurs confessions, assistant à ceux qui s'en alloient mourir, tant dedans leurs maisons, qu'en l'hospital. Et par ce que cest hospital estoit trop estroit, eu esgard à la multitude des malades, il fit porter dans les fustes ou nauires, ceux qui estoient delaissez & abandonnez de tous, là ou non seule-

*Sa traua-
qu'aité
d'esprit
en telle
occasion.*

*S'employe
plus que
de cou-
sime à
l'oraison.*

*Expedie
beaucoup
d'affaires
de conse-
quence.*

*Secours
la ville
affligée
de peste.*

ment il les visitoit, & leur administroit les sacremens, mais encore menoit avec soy le mèdeцин, pour les faire penser, leur pouruoyant de remedes, & aumosnes necessaires; ce qui sauua la vie à plusieurs, & apporta à toute la ville vne grande consolation en ceste calamité. A raison dequoy, lors que l'on entendit qu'il vouloit s'embarquer, pour aller à la Chine, les habitants l'allèrent requérir, que puis qu'il n'y auoit esperance d'y faire profit, y allant sans l'Ambassade susdite, qu'il luy pleust s'arrester à la ville, & ne les abandonner en vne si grande necessité. A quoy il leur respondit que quand à soy, il eut bien voulu demeurer avec eux, principalement en ceste saison là: mais qu'il falloit obeir à Dieu, qui luy faisoit entendre, que sa volonté estoit telle, qu'il allat essayer l'entrée de la Chine, pour y annoncer sa loy, & pour deliurer les Portuguais, qui estoient là detenus prisonniers.

Les habitants taschent de le retenir avec eux.

sa modestie & charité eueu ses haimeux.

Quant à sa persécution, l'on n'entendit de luy aucune parole, qui peut offenser ceux, qui le poursuiuoient; ains tant en ses propos qu'en ses lettres, il appella tousiours le chef de ceste tragedie, le sieur Capitaine, jaçoit qu'il ne le fut encore: & ne laissa pas de l'aller veoir en sa maison, pour luy faire entendre ses raisons, tandis que l'autre voulut l'escouter. Mais comme il veit que cela ne seruoit de rien, bien qu'il ne l'allat pas visiter: neantmoins il ne laissoit pas pour cela de le recommander à Dieu en ses oraisons priuées, & mesme quelquesfois à chaudes larmes. Mais ce qui l'affligeoit fort, estoient les plaintes & lamentations, que luy venoient faire les creâciers de Iacques Pereira (car il auoit emprunté beaucoup, pour fournir aux despens de ceste Ambassade) lesquels à ceste cause estoient perdus & ruinez. Mais comme il se voyoit n'auoir autre moyen de les consoler, sinon pleurant avec eux leurs pertes, il s'embarqua quelques iours auant qu'il ne deust partir, & auant cela il escriuint vne lettre à Iacques Pereira, dont voicy la teneur.

Lettre qu'il escriuit à Iacques Pereira.

Puis que mes pechez (dit il) ont esté si grands, que pour ce respect Dieu ne s'est pas voulu seruir de nostre voyage; sur iceux tant seulement, & non sur autre, deuons nous reietter toute la coulpe. Ce sont ceux qui vous ont ainsi ruiné: c'est moy qui vous ay mis au sac, vous faisant perdre tant en ceste entreprise; bien que Dieu sçait que mon intention n'estoit autre, que de faire seruice à sa diuine Majesté, & de ne vous porter aucun dommage. Je m'en vay attendre dans le nauire, iusqu'à ce qu'il faille partir, à fin de ne veoir vos creanciers, lesquels me viennent dire la larme à l'œil, qu'ils sont du

tout ruinez. Je vous prie, Monsieur, de ne venir point en lieu, où ie
 seray ; à fin de ne m'accroistre la douleur & tristesse que ie sens en
 moy, voyant en quel estat ie vous laisse à Malaca; bien que i'espere,
 que Dieu tirera de tout cecy de plus grands biës, en vostre faueur.
 Seulement suis-je marry des punitions, qui doiuent arriuer à celuy
 qui est cause de tout cecy. Car elles seront plus grandes qu'on ne
 pense. I'ay desia prins congé de Monsieur le Capitaine. Dieu luy
 pardoint, & demeure avec vous. Apres auoir escrit ceste lettre, il se
 va embarquer. Plusieurs des habitans l'allerent accompagner ius-
 ques au nauire, entre autres le Vicair de Malaca, nommé Ieã Soa-
 rez, lequel ne sçachant pas qu'il eut prins congé du Capitaine, luy
 fit souuenir, qu'il seroit bon de luy aller dire à Dieu, à fin que ses
 mal-veillants n'eussent occasion de dire, qu'il s'en estoit allé, sans le
 veoir, pour se ressentir par trop, de ce qui s'estoit passé. A quoy le
 Pere respondit en ces termes: Hé ! pleut à Dieu que i'endurasse la
 peine, que j'ay deseruy pour cest accident, puis que mes pechez en
 sont cause. Quant au sieur Capitaine, ie luy ay dit le dernier à Dieu,
 car nous ne nous verrons iamais plus en ceste vie, mais en l'autre
 nous comparoistront tous deux en iugement, deuant ce grãd Dieu
 eternal; & en ce monde il payera bien tost la lourde faute, que luy
 fait commettre ceste cupidité effrenée d'honneur, & des biens de
 ce monde, non seulement avec la perte de ses moyens & de son
 honneur, mais aussi avec les afflictions du corps; & ie prie Dieu que
 ce ne soit encore avec la perte de son ame. Soudain apres auoir dit
 cela, il iette les yeux sur la porte de l'Eglise principale, qui estoit vis
 à vis de luy, & se tenant à genoux, avec les mains ioinctes, fit pour
 luy ceste priere à Dieu à haute voix, l'accompagnant d'une si gran-
 de abondance de larmes, qu'elles luy entrecoupoient la parole: O
 bon I E S U S (dit il) Dieu de mon ame, ie vous supplie par les cruels
 tourmens de vostre mort & passion, qu'il vous plaise regarder vos
 playes sacrées, lesquelles vous representez continuellement au Pe-
 re eternal, pour nous obtenir grace & pardon; faites, Seigneur,
 qu'elles soient encore profitables à cestuy-cy, à celle fin qu'ayant
 esté aduertty par les afflictions qui luy aduiendront, il reconnoisse
 finalement sa faute, & que vous luy fassiez misericorde. Cela dit, il
 met la face contre terre, demeurant ainsi quelque espace de temps;
 puis se leue, prend ses souliers, & en secouë la poussiere, suiuiant le
 commandement de nostre Seigneur, *excute puluerem de pedibus*
vestris. Ce fait remplit tellemēt de frayeur les assistans, qu'ils pleu-

*Accom-
plissement
de l'un &
l'autre
prophete*

roient tous à chaudes larmes, sans qu'il peut les consoler aucune-
ment. Or ces deux predictions, tant celle qui concernoit Jacques
Pereira, que celle derniere du Capitaine, furent de point en point
accomplies. Car le Roy de Portugal, Jean III. ayant esté aduertie de
tout ce qui a esté dit, combla d'honneurs & de biens Jacques Pe-
reira, de sorte que selon l'opinion d'un chascun, & la sienne propre,
ce qu'il endura à Malaca luy valut beaucoup plus, que tout ce qu'il
eut peu gagner en l'Ambassade de la Chine. Au contraire le Capi-
taine fut bien tost apres couuert d'une sorte de lepre fort hydeuse,
& de là à deux ans, le Viceroy Alfonso de Norogna luy osta son
Gouvernement, confisqua tous ses biens, & le fit constituer prison-
nier à Malaca; d'où il fut mené premierement à Goa, & de là en
Portugal, estât accusé de quelques autres crimes, pour lesquels il fut
detenu en prison iusques à sa mort: laquelle luy fut causée par une
apostume, d'où sortoit une puanteur si vilaine, & si intolérable, que
mesme ses parens & amis ne le pouuoient supporter; & ainsi de-
laissé & abandonné de tous, il finit miserablement sa vie, sans hon-
neur, & sans moyens, tout de mesme que le Pere Xavier auoit
predit. Bien que selon la priere qu'il fit à Dieu, pour le salut dudit
Capitaine, nostre Seigneur luy octroya la grace de se repentir auant
sa mort, & de faire une bonne confession de ses pechez, avec gran-
de douleur & regret, comme quelques uns ont escrit.

*Turkel.
lib. 5. c. 6.*

IL ARRIVE A VNE ISLE DE LA CHINE
nommée Sanchan, ou il mourut saintement.

CHAP. XXV.

*Il s'em-
barque pour
aller à la
Chine.*

LE Pere Xavier ayant prins congé de tous ceux, qui l'auoient
accompagné iusques au port, s'embarqua dans le nauire mes-
me de Jacques Pereira, que le Gouverneur de Malaca, qui s'estoit
ainsi opposé à ses desseins, enuoyoit à la Chine, commettant pour
la garde d'iceluy vingt cinq hommes, desquels il se fioit le plus, &
un Capitaine à sa poite, & quelque sien facteur, pour auoir l'œil à
la vëte des marchandises, qu'il y faisoit porter. Le Pere neantmoins
ne fit aucune difficulté, de se joindre en telle cōpagnie; car il auoit
une si grande confiance en Dieu, qu'il s'estimoit estre assuré au
milieu de ses ennemis. Jacques Pereira fit aussi mettre dans le mes-
me nauire, quelque peu de marchandise, qu'il auoit, & en ayant
donné charge à un certain Portugais, le Pere luy dit, qu'il baillat ce
soing à quelque autre; parce que celuy-là n'yroit pas à la Chine;
comme

*Prophete
et c. s. ac-
complisse-
ment d'u-
celle.*

comme il aduint aussi : car avant que le nauire desinarat, il tomba malade, & mourut dans quatre iours. Apres qu'ils eurent mis les voiles au vent, & nauigé plusieurs iours, comme ils estoient ja sur la fin de leur voyage, le Pilote pensoit n'auoir pas encore passé les Isles de Canton ; mais le Pere luy dit, qu'elles estoient demeurées derriere, & ce avec telle assurance, que le Capitaine du nauire, contre l'aduis & la volonté des mariniers, fit mettre vn esquip sur mer, pour aller costoyer la terre, & prendre langue, afin de sçauoir en quelle contrée ils estoient. Ceux qui furent enuoyez tarderent à venir deux ou trois iours, & comme les autres, qui estoient restez au nauire se contristoient, de crainte qu'il auoient que le vent Typhon ou quelque autre malheur les eust accueillis en pleine mer. & les eust fait perir ; le Pere les assura derechef, que l'esquip arriueroit, auant que fussent passées deux heures, & rameneroit quelques Portugais, qui les mettroient dans le port de Sanchon. Tous se rejouyrent grandement d'ouyr ceste prediçon, & beaucoup plus d'en voir l'accomplissement ; quine tarda pas longuement à venir. Car bien tost apres voicy venir leur esquip avec quelques Portugais qui trafiquoient en l'Isle de Sanchon, où ils deuoient aller sur-
*Autre prophetie
verifiée.*
*Il arriue
à l'Isle de
Sanchon.*

Or Sanchon est vne Isle deserte, du ressort de la Prouince de Canton, qui est la premiere de la Chine qu'on rencontre allant du Sud au Nort. Elle est esloignée de la cité principale de ladite Prouince nommée aussi Canton, enuiron trente lieues. Là souloient les Portugais se retirer pour lors : car il ne leur estoit pas loisible de passer outre, ny mesmes d'arriuer iusques à Macao, qui n'est qu'à 10. lieues de Sanchon, ou maintenant ils font leur demeure. Le Pere Xavier estant arriué là, y trouue beaucoup de Portugais, partie dans leurs nauires, partie logez dans des petites cabanes, qu'ils s'estoient fait en terre, pour estaller & vendre leur marchandise aux Chinois, qui venoient trafiquer avec eux. Ainsi la premiere chose que le Pere fit ayant mis pied à terre, fut de se bastir vne petite Chappelle, pour y debiter ses marchandises spirituelles offrant à Dieu le saint sacrifice de la Messe, & administrant les Sacremens & la parole de Dieu aux Portugais, qui estoient là ; lesquels luy assisterent si bien en cet oeuvre, que dans deux iours la Chappelle fut dressée & agencée ;
*Ce qu'il
fit là.*
 car ils luy ayderent & de leurs moyens, & de leurs propres personnes, trauiillans eux mesmes à la construire. Depuis qu'elle fut faite,

il ne se passa iour (tandis qu'il se porta bien) qu'il ne leur dit la Messe, ny aucun Dimanche ou iour de Feste, qu'il ne leur fit vn ou deux sermons. Il preschoit aussi la foy Chrestienne aux marchans Chinois, qui venoient là pour trafiquer, lesquels monstroient prendre grand plaisir à ce qu'il leur en disoit. Combien qu'ils n'osoient pas l'embrasser, pour crainte des Mandarins. Mais il fit beaucoup plus de fruit avec les Portugais, qui estoient là, plusieurs desquels il retira de la bourbe des pechez, dans laquelle ils estoient enfondez de longue main. Il accorda quelques differents, qu'il y auoit entr'eux: fit casser plusieurs contractz iniques, & vsuraires: corrigea la vie dissoluë, & desbordée que plusieurs menoient, mariant les vns & faisant quitter les occasions, & amorces de peché aux autres; cherchant aussi quelquesfois des partis & aumosnes, pour colloquer en estat de mariage celles, qui estoient delaisées; surquoy il arriua vne chose, qui n'est pas moins plaisante que remarquable. Il y auoit lors en cest Isle vn sien amy, nommé Pierre Velhe (celui qui estoit venu avec luy du Iapon l'année precedente) le Pere s'en alla vn iour le trouuer, pour luy demander d'aumosne le dot d'une ieune fille, qu'il taschoit de mettre en bon estat, & le rencontra iouiant aux tables avec vn de ses amis. Ce bon Portugais, qui n'estoit pas moins iouial & gracieux, que liberal à faire part de ses moyens, ayant entendu ce que le Pere vouloit: Vostre Reuerence, dit-il, m'excusera; elle ne vient pas maintenant fort à propos: car celui qui jouë, & mesme hors de sa maison, n'a iamais assez d'argent. Le Pere repliquant à cela; Monsieur Velhe, il est tousiours temps de faire du bien, & en ceste seule sorte de jeu, l'argent ne peut manquer. Car icy, on ne le met point en hazard avec les hommes, mais on l'assure entre les mains de Dieu. Bien mon Pere, dit Velhe, ie vous prie ne nous destournez pas dauantage; voilà la clef de mon coffre, prenez ce qu'il vous plaira. Le Pere s'en va avec la mesme confiance, que l'autre auoit de luy, & prend deux cens Taës qui est vne espee de monnoye de la Chine, vallant chascun Taës vn escu & demy, de sorte que le tout montoit à trois cens escus de nostre monnoye; & apres ce luy tourne rendre la clef. Pierre Velhe luy demande, combien il auoit prins. Deux cens taës, dit le Pere. Vous m'avez trompé, mon Pere, respond l'autre, il y auoit dans le coffre trente mil taës: & quand ie vous baillay la clef, mon intention estoit, que vous partissiez par moitié; vous n'en deuiez pas prendre moins de quinze mille. Ceux qui estoient presens au jeu,

*Belle &
plaisante
histoire.*

*Employât
ses biens,
és œuvres
de miséricorde
on les assure
de l'usage.*

estimerent qu'il disoit cela pour gauffer, & non pas de cœur & de bonne volonté. Mais le Pere cognoissant bien, qu'il parloit à bon escient, luy promit de la part de Dieu, qu'en recompense de ceste bonne volonté, iamaïs rien ne luy manqueroit de ce qui luy seroit *Liberalité es œuvres de pieté, recompense de Dieu & en ce monde & en l'autre* nécessaire pour la vie temporelle, & que Dieu luy feroit la grace de se bien disposer pour aller iouir de l'eternelle. Passez (dict il) ce qui vous reste de ceste vie icy ioyeux & content, car afin que vous vous prepariez pour aller en l'autre viure heureux en Paradis, Dieu vous fera sçauoir en son tēps, l'heure de vostre mort. Chose admirable ! Depuis ce temps là Pierre Velhe fut tout autre, qu'il n'auoit esté iusqu'à lors, s'addonnant non seulement aux œuvres de misericorde plus que iamaïs, mais aussi à la frequentation des Sacrements & à plusieurs autres actions de vertu, & de pieté. Or apres auoir ainsi vescu longues années dans la ville de Macao, bien riche, & à son aise, aymé & cheri d'un chascun; sur la fin de son heureuse vieillesse, lors que personne ne se souuenoit de ce que le Pere Xauier luy auoit promis, sinon luy seul, estant encore sain & gaillard, cognoissant neantmoins par diuine inspiration, que son temps approchoit, il distribua premierement tous ses biens aux pauvres, & se confessa tout à loisir: puis receut la sainte Communion comme pour viatique: se fit faire les Offices & dire les Messes, qu'on a accoustumé de celebrer le iour du trespas, au bout du mois, & de l'an luy mesme assistant à tous les seruices. Cela faict il s'en va prendre congé de ses amis, & comme ils luy demandoient ou il s'en vouloit aller. Je m'en vay (disoit-il) embarquer pour aller surgir au port de Paradis. Les autres pensoient, qu'il voulut gauffer, selon qu'il auoit accoustumé, & n'en faisoient pas autrement d'estat; luy neantmoins se retire à sa maison, se met dans le liēt, sans auoir ny fièvre ny autre maladie. Ses voisins & amis qui auoient prins ce que dessus comme par jeu (car c'estoit vn homme qui souloit dire le mot) prindrent pour lors cet adieu, comme procedant de foiblesse de cerueau, & faute de iugement, maladie qui suit assez souuēt la vieillesse; de maniere qu'ils s'en vont luy tenir compagnie, pour luy oster ces fantaisies de la teste, comme ils cuidoient. Mais il leur fit entendre, que ce n'estoit pas ce qu'ils pensoient, ains vne grace speciale que Dieu luy faisoit, de l'aduiser de l'heure de sa mort, selon que le Pere Xauier luy auoit dit & promis de sa part; les priant de se vouloir trouuer à son enterrement, qui deuoit estre en brief; & leur dit clairement qu'il estoit asseuré de n'acheuer pas ce iour là;

comme de faict il aduint. Car quelques heures apres, il rendit l'ame à Dieu, avec vne telle paix & tranquillité d'esprit, qu'on eust dit que tous les accidens, qui luy aduindrent en ce passage, estoient plustost comme des gages de la vie eternelle, que des signes d'une mort temporelle. Mais reuenons au P. Xavier. Ce à quoy princi-

*Le P. Xavier cher-
che les
moyens
pour en-
trer dans
la Chine.*

palement il auoit l'œil en ce temps là, estoit, de trouuer quelque expedient pour entrer dans la Chine. Il recommanda fort chaudement cest affaire à Nostre Seigneur, & en fin se resolut de chercher quelque Chinois, qui le voulut mener secrettement iusques à la cité de Canton. Comme il eust proposé son dessein aux Portugais, afin qu'ils l'aydassent en cela; eux au contraire sçachans sa resolution, tascherent de l'en destourner par toutes les raisons, dont ils se

*Les Por-
tugais
taschent
de l'en
desjour-
ner par
beaucoup
de raisons.*

peurent aduiser, luy proposans en premier lieu le danger manifeste, auquel il se mettoit venât à comparoistre dans la Chine, sans auoir expres congé, ou passeport des Mandarins, car c'estoit vne chose asseurée, ou qu'ils le meurtriroyent a grands coups de ces cannes, dont ils se seruent pour donner le fouët, ainsi qu'il arriue bien souuent; où bien qu'ils le mettroient en prison pour finir ses iours en vne dure captiuité, comme il en auoit prins à ces Portugais, qu'il vouloit aller deliurer. Car ayans faict naufrage en la mer, comme ils furent emportez par l'orage sur la coste de la Chine, soudain ils furent saisis, & menez en prison, ou ils estoient pour mourir en extreme pauvreté & misere. Que s'il alloit luy mesme se ietter dans la Chine, sans aucune permission des Magistrats, il ne pouuoit attendre moins que cela; & encore n'en eschaperoit-il pas peut estre à tel compte, tant est rigoureuse leur loy, qui defend l'entrée du Royaume aux estrangers. D'ailleurs il sçauoit bien aussi qu'ils auoient vne autre loy, par laquelle estoit porté que ceux, qui mettroient vn estranger dans la Chine, sans expres congé des Mandarins, fussent grieuement punis, où de mort, où de quelque autre grand supplice; & partant qu'il ne trouueroit aucun Chinois, qui l'y voulust conduire, craignant d'encourir ces peines. Que si par aduanture il s'en trouuoit quelqu'un, qui promet de l'y mener, ayant receu l'argent, ou autre salaire, qu'il luy promettrait, il le precipiteroit dans la mer, où le lairroit en quelque isle deserte, pour le faire illec perir miserablement. Car on ne pouuoit attendre

*Il leur en
oppose de
plus for-
tes.*

autre chose de telles gens, qui n'ont ny foy ny loy. A tous ces inconueniens le Pere en opposoit de plus grands, & premierement, qu'il craignoit d'offenser la diuine maiesté, si pour ces dâgers, qu'on

luy proposoit, il venoit à se desfier de sa prouidëce: & puis que c'estoit à son inspiration, qu'il entreprenoit tout cela, cõme il croyoit, il esperoit que sa diuine sapience conduiroit l'affaire, selon qu'il feroit à la plus grande gloire & honneur. Secondement il disoit qu'il ne s'estimeroit pas vray disciple de Iesus Christ, si pour peur de perdre la vie, il laissoit de luy obeir; car il auoit aprins en sõ escole: *Que celui qui aime sa vie la perdra, & celui qui la perdra pour luy, la cõseruera eternellement.* Pour le troisieme, que la conuersion d'une telle natiõ, meritoit bien qu'on s'exposat à tels dãgers. Car estant si bien duiëtë à toute honnestetë, si vne fois elle receuoit la semence du sainct Euangile de nostre Seigneur, il esperoit qu'elle apporteroit tres-grande abondance de fruiët, pour l'accroissement de la gloire de Dieu, & de son Eglise. Quant à ce qu'ils alleguoient de la desloyauté des Chinois, il sçauoit trop mieux, qu'il ne se falloit pas beaucoup fier aux hommes, mesme infideles comme eux, ains seulement en Dieu, & qu'appuyé du tout en luy, il entreprenoit ce voyage. Que s'il aduenoit qu'ils le iettassent dãs la mer, on luy fissent quelque autre tort, il ne s'en chaloit aucunement. Car autant ayme-ie, disoit il, mourir estant à ceste occasion ietté dãs la mer par vn Chinois, que d'estre mis à mort à coups de foniët, ou autrement, par le commandement des Mandarins. Les Portugais voyans qu'ils n'aduancioient rien par ce moyen, luy proposent pour le dernier, & le plus grand inconuenient de leur costé, le danger auquel il les mettoit. Car si les Mandarins vous trouuent, disoient ils, dãs la Chine, ne sçachans qui vous y aura donné entrée, ils estimeront que c'est à esté quelqu'un de nous, & par ce moyen vous mettrez en danger, non seulement nos biens, mais aussi nos personnes & nos vies. Car il est croyable, que leur estant aduis que nous faisons peu d'estat de leurs loix, ils se rueront sur nous, & saisiront nos nauires & nos personnes, confisqueront nos moyens, & nous osteront la vie, où a tout le moins nous tiendront en pareille captiuité qu'ils tiennent nos compagnons, sans espoir d'en sortir iamais. Que si vous estes resolu à cela, nous vous prions instamment d'attendre pour le moins, que nous ayons paracheué nos affaires, & soyons prests à partir. Le Pere leur respond à cela, qu'il conduiroit l'affaire en sorte, qu'ils n'encourroient aucun domage à son occasion. Car il leur proposoit de ne s'y transporter point, que tous ceux qui voudroient s'en aller ne fussent partis: & que leurs nauires ne fussent bië loings; de peur qu'on ne les allast suire. Ceste response les appaisa, & cõ-

*Matt. 10.
Joan. 12.*

*Autres
raisons
des Por-
tugais qui
concer-
noient
leur inte-
rest.*

*Le P. Xa-
uier leur
gaigne la
cause.*

tenta assez: mais ils furent grandement esmerueillez de sa constance & magnanimité. Brief il leur gaigna tellement le cœur, qu'ils ne s'opposèrent plus à son entreprise, ains luy promirent de bailler à celuy, qui le voudroit mener dans la Chine ce qu'il auroit accordé avec luy.

Il tombe malade & guerit. Or comme il alloit cherchant quelqu'un, qui voulut s'hazarder à cela, voyci vne maladie bien dangereuse, qui le saisit. C'estoient des fiebres chaudes & aiguës, qui le tindrent l'espace de quinze iours dans le liët. Tous les Portugais disoient, que Dieu luy enuoyoit ceste infirmité pour le diuertir de son dessein: mais luy au contraire print cela comme si c'estoit vne preuue que Dieu voulut faire de sa constance, de façon qu'aussi tost qu'il fut guarì, il se remit plus que iamais, à poursuivre l'executiõ de ce qu'il auoit resolu; & desia auoit trouué vn qui le vouloit accompagner, pour luy seruir d'interprete. Car bien que le Pere eut amené quant & soy vn ieune garçon Chinois, qui auoit estudié au College de Goa, nommé Antoine de Sainte Foy, toutesfois le ieune homme s'estoit oublié en partie de son langage, & ne sçauoit pas parler la langue des Mandarins, qui est toute différente de celle, dont vsé le vulgaire. Il trouua encore vn marchand Chinois, qui s'offrit de le mener secrettemēt

Un marchand Chinois s'offre de l'y conduire. au port de Canton, & l'exposer vne matinée aux portes de la ville, le laissant là a ses perils & fortunes, apres l'auoir tenu caché trois ou quatre iours dans sa maison, laquelle il auoit aux faubourgs de Canton. Le Pere aussi de son costé luy promettoit, que bien qu'il fut prins & tourmenté pour luy faire confesser qui l'auroit conduit là, qu'il ne le deceleroit iamais, & pour son salaire, luy bailloeroit la valeur de deux ou trois cens escus en poiure, que les Portugais luy promirent à cest effect. Or d'autant qu'à ce marchand Chinois il n'y alloit pas moins que de la vie, à fin que le tout fut fait plus secrettemēt, il ne voulut pas le prendre pour lors: mais il promit que dans certain temps, il le viendrait querir dans vn petit batteau, ou il n'y auroit autrè que luy, ses enfans, & seruiteurs, pour tirer la rame, craignant d'estre autrement descouuert. Le marché conclu & arresté de la sorte, les Portugais expedient cependant leurs affaires, & se hastent de partir au plustost, pour se tirer hors de danger, & ne se trouuer pas là, quand le Pere entreroit dans la Chine. Apres donc que tous les nauires furent partis, excepté vn seul, le P. Xauier attendant de iour à autre la venue de son homme, & voyant que le tēps auquel il luy auoit promis de le venir prendre, estoit expiré, & en-

core beaucoup dauantage, il se doubta de ce qui aduint, que l'autre faulseroit sa promesse. Il ne desista pas pourtant de poursuiure son entreprise, aius il estoit en deliberation, ainsi qu'il escriit en vne de ses missiues, que si le Chinois ne le venoit querir il s'en iroit au *Lin. 4.* Royaume de Sion, pour se ioinde avec l'Ambassadeur, que ce *ep. 16.* Roy là deuoit enuoyer l'année suiuate à celuy de la Chine, à fin d'y auoir entrée par son moyen, sçachant bien que nostre Seigneur nous peut faciliter, par l'entremise mesme des infideles, & de nos ennemis, ce que nos amis propres & ceux de mesme foy s'estudiet d'empescher: si grand estoit son courage, & la confiance qu'il auoit en Dieu.

Or bien que nostre Segneur acceptat ses bons desirs, & saintes *Dieu ne* intentions, si ne voulut il pas pourtant luy oëtroier l'accomplisse- *voulut* ment d'icelles, reseruant ceste entrée pour vn autre temps à ceux *pas qu'il* de la mesme Compagnie, ainsi que nous dirons au 4. liure. Car peut *entrat en* estre, les pechez de ceste nation n'estoient pas encore accomplis, *la Chine.* cōme parle l'escriture; & Dieu le voulut appeler à soy, pour le re- *Gen. 15.* compenser d'un repos eternel pour tant de peines & trauaux, qu'il auoit souffert pour son saint nom & seruice durant sa vie, & nommément depuis dix ans, & dauantage, qu'il auoit esté en ces quartiers de l'Inde & du Japon; & ce qui est digne de remarque, lors qu'il se dispoisoit pour endurer dauantage d'afflictions, & de tourments, & la mort mesme pour son honneur & gloire, en l'entrée de la Chine, au mesme temps, Dieu luy aprestoit la couronne de gloire pour le guerdonner bien tost, de ce qu'il auoit desia souffert, & du desir qu'il auoit d'en patir encore plus. Or il ne faut pas douter, *Il prenoit* que sa diuine bonté ne luy descouurit, que son terme s'approchoit. *que le terme de sa* Car luy ayant communiqué vn don de prophetie, si frequent & si *nie s'ap-* merueilleux, que nous auons veu cy dessus, & luy mesme ayât pre- *proche.* ueu la mort de plusieurs autres; il n'est pas croyable, que nostre Seigneur luy aye caché l'heure de son decez; & de faict, estant vn iour en ceste Isle de Sanchon, avec six Portugais, & deuisant familièrement avec eux, apres auoir ietté les yeux sur tous, il leur dit; Con-
tons nous bien, messieurs; car de tant que nous sommes icy, la plus
part finiront leurs iours dans l'an. Ce qui se verifia dans ce mesme
temps. Car de sept qu'ils estoient, il en mourut cinq, desquels il en
fut l'un. Je laisse à part ce qu'il dit au Capitaine de Malaca, qu'ils ne
se verroient iamais plus en ce monde. Seulement ie noteray ce
qu'on à ouy dire plusieurs fois à vn Pilote, qui ayda à l'enterrer

apres qu'il fut cedé en ceste Isle : & garda pour reliques vne de ses botines, d'où on l'appella le Pilote des botines. Cestuy cy dit souuent, que le Pere luy marca le iour & l'heure, en laquelle il deuioit passer de ce monde en l'autre:& adiouſtoit encore qu'il luy auoit predit, que iamais il n'auroit disette ny manque d'aucune chose, qui luy fut neceſſaire pour ſa vie, & ne mourroit point ſur mer. Et de ſaict ce Pilote eſtoit encore viuant l'an 1577. bien riche, & a ſon aise,eſperant de paſſer le reſte de ſes iours tout de meſme, pour la grande aſſurance, qu'il auoit aux paroles du P.Xauier. Ce que nous auons raporté iuſques icy môſtre aſſez, que la mort ne le print pas au deſpourueu; ains comme ce fidele ſeruiteur de l'Euan-gile,veillant & attendant l'heure,en laquelle noſtre Seigneur vien-droit frapper à la porte,pour le deſtacher des liés de ce corps mor-tel,& l'emmener avec ſoy aux nopces celeſtes. Le premier meſſa-

*Luc. 12.
Mat. 24.*

*Le grand
deſir qu'il
auoit d'e-
ſtre con-
joint avec
Dieu en
Paradis.*

ge, & comme auant-courcur, qu'il luy enuoya, fut vn extreme deſir de ſe voir du tout conioinct avec Dieu, pour l'amour duquel ſeulement il viuoit. Ce deſir fut ſi grand, & ſi vehement, qu'il luy cauſa vn degouſt vniuerſel de toutes les choſes de çà bas;voire meſme ce grand feu du zeſe des ames,qui bruſſoit continuellement en ſon ame,vint ſoudain à ſ'eſteindre,ou pluſtoſt à ſe cacher;tout ainſi qu'en la preſence du Soleil,la lumiere des môindres eſtoiles.De fa-çon,que jaçoit qu' auparauant il eut quelque volenté de viure,non pour autre fin que pour attirer beaucoup d'ames à la cognoiſſan-ce,& amour de leur createur; pour lors il ne ſe ſouuenoit plus (ſui-uant ce que luy meſme eſcrit en vne lettre, qu'il manda de l'Isle de Sanchon)ny ne ſe pouuoit ſouuenir d'autre choſe, que de la mort, pour le venir en fin deliurer des liens de ceste mortalité, & l'enleuer là haut au ciel, pour regaer & demeurer eternellement glorieux avec Ieſus Chriſt. En ce meſme temps, noſtre Seigneur luy fit vne autre ſinguliere grace, laquelle il luy auoit demandé ſouuēt, ainſi que pluſieurs eſtiment; c'eſt à ſçauoir qu'il mourut abandon-né,& deſtitué preſque de toute ayde & ſecours humain, à fin qu'en ſa mort il ſe conformat encore aucunement à Ieſus-Chriſt, puis qu'il auoit tant taſché de l'imiter en ſa vie; à l'exemple de S. Fran-çois, duquel non ſeulement il portoit le nom, mais auſſi le meſme deſir graué dedans ſon cœur, de finir ſa vie en extreme pauvreté.

*Il deman-
da à N.
Seigneur
de mou-
rir en ex-
treme
pauvreté
à ſon ex-
ple.*

*Il luy eſt
oſcroyé.*

Ce que luy fut auſſi oſcroyé. Car pour le regard des viures, l'Isle eſtoit deſerte,& on n'y oſoit rien apporter de la terre ferme; d'au-tant que les Mandarins l'auoient deſſendu, ſoubs grieſues peines;

les nauires des Portugais, qui en auoient porté quelque peu, s'estoient tous retirez, excepté vn tant seulement, auquel il y auoit peu de gens, & la pluspart necessiteux & malades, pour lesquels le Pere mesme estant sain, auoit accoustumé de chercher quelques aumosnes, & les leur donner: mais lors il estoit contraint d'en mendier pour soy, pour ne mourir de faim. Quant aux personnes, il n'auoit aucun de nostre Compagnie; car j'auois qu'il en eust mené vn avec soy, toutesfois voyant qu'il n'estoit pas propre pour nostre institut, il le cōgedia, & le renuoya avec les nauires, qui s'en retournerent à Malaca, cōme il appert par vne siēne lettre escrite au P. Gaspar du 13. Nouembre 1552. où il l'aduertit entre autres choses en ceste sorte; Je vous aduise encore vne autresfois plus particulièrement, que vous receuiez peu de gens en la Compagnie, & ceux que vous y receurez, soyent propres pour cela; & qu'apres qu'ils seront receus, ils passent par beaucoup d'experiences & preuues de vertu. Car ie me crains que tous ceux, qui entrent, ou sont mesmes icy es Indes, ne soyent pas propres pour la Compagnie; & il seroit meilleur de les en renuoyer, comme j'ay fait à d'aucuns, & mesmes icy à mon compaignon, encore que ie sois demeuré seul. De là se voit qu'il ne luy resta autre sinon Antoine de Sainte Foy, qui est ce ieune homme Chinois, lequel il print du seminaire de Goa, & comme disent quelques vns, vn autre garçon Indoïs, qui l'auoit aussi acompagné iusqu'à là. Estant donc ainsi delaisé & avec si grāde disette, le 20. Nouembre de l'an 1552. qui estoit vn Lundy venant de dire la Messe pour vn trespassé, la fiēbure le va prēdre. Se sentant indisposé, il se retire dans le nauire, ou il y auoit quelques pauures mariniers aussi malades, desirant leur tenir compagnie en leur pauureté & maladie. Toutesfois comme son mal alloit croissant de plus en plus, voyant que les secousses du nauire luy causoient vne plus grande douleur de teste, qui luy empeschoit l'attention aux choses celestes, ou il auoit son esprit tout bandé, il se fit porter à terre, dans vne cabane, qu'un Portugais luy offrit, de compassion qu'il auoit de luy. On le seigna là deux fois; & bien que d'un costé il cogneut l'insuffisance des chirurgiens, qui le pensoient, & de l'autre l'ysuē que sa maladie auroit; ce neantmoins il se laissa gouuerner comme vray obeyssant, sans iamais se plaindre de chose qu'on luy fit, encore que par la faute de celuy, qui le seignoit, il vint à tōber en pasmoison vne ou deux fois. La cabane ou il logeoit estoit couuerte de branchage, avec des mottes, & gazons de terre, mais

*Chef d'une
ne lettre
escrite
au P.
Gaspar
Barcé.*

Su obeyssance en la maladie.

Sa pauureté.

au reste toute entre-ouuerte, & exposée aux vêts en diuers endroits, sans beaucoup d'abry ou defense contre le froid; & si le tēps commençoit d'estre fascheux: car c'estoit à l'entrée de l'hyuer, sur la fin du mois de Novembre: & la disette des choses necessaires luy croissoit de plus en plus; de sorte qu'il n'auoit autre prouision, sinon ce que Antoine de sainte Foy alloit médier par aumosnes: bien que la vehemence de la fièvre, & le degoust des viandes, qui luy suruint, auoient tellement abbatu la nature, que les plus delicates choses ne l'eussent peu remettre. Nonobstant toutes ces incommoditez, il ne monstra en toute sa maladie, qui dura quelques douze iours, aucun signe de tristesse ou de fascherie, & ne dit aucune parole, par laquelle il monstret se plaindre ou de sa maladie, ou de quelque autre incommodité, qu'il endurat; ains on n'entendoit sortir de sa bouche les huit premiers iours de sa maladie que des colloques, & deuis tres-doux & tres-deuots avec Nostre Seigneur, nostre Dame, & les Saints de Paradis, selon les diuers mouuements de son ame. Il prenoit tantost quelques versets des Pseaumes propres à sa deuotion, tantost d'autres briefues oraisons, qu'il pronôceoit avec grande affection & douceur spirituelle, tenant d'ordinaire les yeux ficez au Ciel, selon sa coustume, avec vne face ioyeuse & allegre. Nommément il reïteroit souuent ces paroles, *Iesu fili David miserere mei*; puis s'adressant à la Vierge luy disoit, *Monstra te esse matrem*; & plusieurs autres semblables, qu'il eslaçoit vers le ciel, comme fleches ardantes d'amour. Estant sorti de son septiesme, il perdit la parole, laquelle ne luy reuint que trois iours apres; au bout desquels il continuoit ses colloques avec Dieu, espendant tousiours quelques larmes, pour le grand contentement d'esprit qu'il receuoit, comme il est à croire, se voyant si proche de la fin: laquelle il desiroit tant, afin d'estre dis-joinct de ce corps mortel, & d'estre du tout conjoint à Dieu. Or comme il eust esté en tel estat deux ou trois iours, le Sabmedy suiuant, vn peu auant le iour, tenant l'image du Crucifix en ses mains, les yeux ficez sur icelle, & ayant continuellement en la bouche les saints noms de *Iesus Maria*, tandis qu'il les peut prononcer, mesmes avec les paroles à demy-mortes, il rendit l'ame à Dieu, lequel il auoit si fidelement seruy durant sa vie, pour aller jouir eternellement de sa diuine presence. Ce fut le second iour du mois de Decembre 1552. auquel l'Eglise fait commemoration de sainte Bibiane vierge & martyre, en l'an cinquante-cinquieme de son aage, & apres son arriuée es Indes, dix ans, sept

Sa patience.

Sa deuotion.

Il rend son esprit à Dieu le 2. Decéb.
1552.

mois, & quatre iours. Apres qu'il fut trespasſé, ſon corps reſta ſi *Labeanſ & leur de ſon viſage apres ſa mort.* beau, & ſon viſage ſi luiſant & reſplandiſſant, que tous s'en eſmerueilloient, diſans qu'il ſembloit que Noſtre Seigneur voulut declarer par là, ceſte ſplendeur de gloire & felicité, de laquelle ſon ame eſtoit reueſtuë entre les bien-heureux au ciel. Il eſtoit en ſon viuant homme de haute ſtature, n'excedant pas toutesſois de beaucoup la hauteur ordinaire des autres. Il auoit vn corps robuſte, & *De la grandeur & diſpoſition de ſon corps.* mediocrement fourny de chair, mais bien formé & proportionné; vn viſage venerable, & qui avec cela monſtroient luy vne douceur & debonnaireté naturelle Il auoit vne face ioyeuſe, mais viſue & ardante: Il eſtoit blanc de ſon teinct naturel cōmbien que les voyages continuels qu'il faiſoit en vn païs ſi chaud, luy euſſent oſté quelque peu de ſa blancheur; neantmoins elle paroiſſoit encore joincte avec vne couleur de roſe és joües, qui luy donnoit vne belle grace. Il auoit les yeux pers, ou comme quelques vns diſent entre noir & chaſtaigné, viſ toutesſois, & gais; ſon nez eſtoit mediocre, le poil de la teſte & de la barbe noir, bien que lors qu'il mourut il eſtoit deſia tout blanc, à cauſe des grands trauaux qu'il auoit enduré. Il auoit la teſte grande, mais proportionnée tant à la ſtature du corps, qu'en ſa longueur & largeur. Brief il repreſentoit en tout ſon maintien, vne certaine majelté, qui mōſtroit aſſez qu'il eſtoit yſſu de bon lieu. Tout le temps qu'il fut en l'Inde, il ne porta point de manteau ſur la ſotane, ains ſeulement vne ſorte de ſotane *Sox accouſtrement ordinaire.* que les Portugais appellent Loba, qui eſt fermée par tout, excepté au deuāt depuis l'eſtomac en haut, & ſe porte ſans eſtre ceinturée, tellement que cela luy ſeruoit & de robbe & de manteau. Ce qu'il fit partie pour ſ'accommoder à la façon des Preſtres, qui eſtoient lors en l'Inde, leſquels alloient accouſtrez de la ſorte; partie auſſi pour l'affection ſinguliere qu'il portoit à la pauireté. Il eſtoit d'une conuerſation fort douce & agreable, benin & debonnaire envers tous; ſeulement aſpre & rigoureux pour ſoy-meſme: homme au reſte d'un grand courage, & d'un tel zele à la cōuerſion des ames, qu'il ſembloit que tout l'Orient luy fut trop eſtroit, deſirant gagner à Ieſus-Chriſt non vn monde ſeu, mais infinis, ſi tant il en y eut eu, ou peu auoir. Il monſtroit vn cœur ſi genereux en ſes entrepriſes, qu'on les euſt iugées ſouuent temeraires, ſi l'on n'eũſt ſceu, qu'il ſe gouuernoit par autre calamité & addreſſe, que de la prudence humaine; mais comme il eſtoit eſclairé d'en-haut, & appuyé ſur vne aſſeurée conſiance en Dieu, il en venoit or-

ſes mœurs & conſumes.

dinairement à bout. Il estoit prompt à executer ce qu'il auoit vne fois arresté; supportoit de grands trauaux, & aualoit beaucoup de difficultez, pour conduire le tout à bon port. Quant à ses passions, il en estoit tellement maistre, qu'il les prenoit, & les laissoit quand bon luy sembloit, & selon que les affaires le requeroient. Sur tout il estoit fort addonné à l'oraison & à la mortification, grand amy de la pauureté, & sur tout vrayement humble, comme nous auons peu voir en beaucoup d'exemples cy dessus. La vertu de l'obeyssance estoit encore singulièrement remarquable en luy, non seulement quant à l'execution des choses commandées, mais encore en la conformité de sa volonté & iugement, avec celuy des Supérieurs; de sorte que le B. P. Ignace desirant le faire retourner en Europe, en mesme temps, que nostre Seigneur voulut l'auoir pour soy; bien qu'il sceut la difficulté qu'il y auoit tant pour la longueur & danger du chemin, que pour les grâdes affaires, esquelles il estoit occupé; toutesfois considerant qu'il estoit autant ou plus necessaire en l'Europe, qui s'embrasoit tous les iours dauantage du feu de l'heresie, il se resolut de l'appeller, & s'assura tant de son obeïssance, qu'en la lettre qu'il luy escriuit pour cest effect, il ne se soubsigna pas de son nom entier, Ignace, cōme il souloit, mais tant seulement de la premiere lettre, I. Or comme ceste lettre arriua, apres le decez du B. P. Xauier, les Superieurs l'ouurirent, & furent grandement esmerueillez de voir ceste seule lettre, I. sçachans bien que ce n'estoit pas la coustume de N. P. Ignace; mais ils iugerent que cela venoit de la grande assurance, qu'il auoit en l'obeyssance du P. Xauier, estimant que pour le faire venir du Leuant au Ponant, il n'y falloit que ceste seule lettre, I. Je serois trop long, si ie voulois raconter ses vertus; & pource qu'il en y a d'autres, qui ont fait cela à dessein, ie renuoyeray le Lecteur à ce qu'ils en ont escrit. Au reste quand il mourut il laissa la Cōpagnie esparse en beaucoup d'endroits, de l'Inde ou elle auoit des Colleges ou maisons, & nōmée-ment à Goa, & pardeça vers le Nort à Tanà, Bazain, & Ormuz. Puis au delà vers le Sud à Cochīn, aux costes de Trauancor & de la Peshcherie, à la ville de S. Thomas, à Malaca, aux Moluques, & en plusieurs endroits du Iapon; esquels lieux, outre le fruct qu'on a faict à l'endroit des Portugais, il y a plusieurs milliers de Chrestiens conuertis de la Gentilité ou Mahometisme à la foy & Religion Chrestienne, avec force Eglises basties, & bien seruies par tout; Dieu ayant voulu ainsi benir les trauaux, que son fidele seruiteur auoit prins pour l'accroissement de sa diuine gloire.

Ses principales vertus

Consideration remarquable sur son obeyssance.

Turfellin lib. 6. vi. de Xauierij.

COMME SON CORPS FUT ENSEVELI
*dans la chaux viue, & quelques mois apres trouué entier,
 puis transporté a Malaca, & de là à Goa, ou il
 fut receu avec grand honneur
 & célébrité.*

CHAP. XXVI.

Les Portugais, qui estoient encore à l'Isle de Sanchan, aduertis du trespas du P. Xavier, s'en courent incontinent à la cabane, ou il estoit decédé, pleurans avec grand ressentiment & douleur d'auoir perdu vn si bon maistre, & si charitable Pere. Mais quand ils virent la beauté de sa face, la grace, & la viuacité de ses traits, brieft le semblant plustost d'un homme qui reposoit, que d'un trespaslé, ils furent grandement esmerueillez, & esmeus à deuotion. De façon que d'un costé ils luy portoient autant d'honneur & de respect que s'il eust esté en vie, & de l'autre le ploroient comme decédé. Apres les pleurs & regrets ils traictent entre eux de sa sepulture, & comme ils pourroient faire qu'ils emportassent commodément ses ossements avec eux, quand ils s'en iroient de là, n'estimans pas estre conuenable de laisser en ceste Isle deserte, & parmy les Infideles, les reliques d'un si saint personnage. A fin donc que la chair fut bien tost consumée, & reduite en cendre, & qu'ils peussent enleuer les ossements, sans aucune mauuaise odeur, ils s'aduisent de l'ensevelir dans la chaux viue; & à ces fins font vn cercueil de bois, dās lequel ils mettent le corps avec force chaux viue, dessus & dessous, l'ayā reuestu au prealable de tous ses habits, & ornemens sacerdotaux, comme du surpelas, de l'aube, chasuble, & autres. Apres l'auoir inhumé de la sorte, le lendemain de son trespas, qui fut vn iour de Dimanche, & le 3. de Decembre ils se retirent en leurs nauires, attendans leur depart, qui fut deux mois & demy apres, enuiron la moytié de Februrier de l'an 1553. Lors Antoine de Sainte Foy, qui estoit ce garçon Chinois que le Pere auoit mené de Goa, aduertit le Capitaine du nauire de prendre les restiques du B. P. Xavier, ainsi qu'ils auoient arresté. Ils s'en vont donc au lieu ou ils l'auoient enterré, & comme ils eurent ouuert la fosse avec le cercueil de bois, où ils l'auoient posé (chose admirable!) ils trouuent son corps aussi frais & entier, que lors qu'ils l'auoient enterré, sans que la chair, ny mesmes les acoustrements eussent esté endommagez de la chaux, en façon quelconque; ains ils aperceurent en son corps, & en sa fa-

Le corps du P. Xavier est enseveli dans la chaux viue.

On le trouue deux mois & demy apres, aussi entier que lors qu'il fut enterré.

ce la même couleur, qu'il auoit lors qu'il fut enseuely: & le considerans de plus pres, trouuerent qu'il estoit aussi solide, & plein de suc & de sang comme quand il viuoit; de sorte que ny son estomac ny les intestins, n'estoient aucunement gastez ou corrompus, ains tout son corps rendoit vne odeur tres-soëue ressemblant plus à vn homme vif que mort. Dont ils furent si esmerueillez qu'à grand peine le pouuoient ils croire, bien qu'ils le vissent deuât leurs yeux, & le touchassent avec leurs mains fort curieusement. Voire il en y a qui asseurent, que le Capitaine du nauire, n'y estant pas allé comme on luy rapporta qu'on auoit trouué son corps en l'estat que dessus, ne se le pouuoit persuader aucunement; iusques à ce qu'il eut veu vne piece de chair, qu'on auoit couppé tout expres d'une cuisse pour la luy monstrer. De quoy estant fort estonné, il fit porter au nauire la bierre avec le corps, & la chaux dedans, ou il trouua estre veritable tout ce qu'on luy en auoit dit. Apres donc qu'ils eurent recogneu que ce n'estoit pas chose naturelle ny artificielle, ains par dessus tout le cours de la nature, & hors de la puissance de l'art, ils louerent Dieu, des merueilles qu'il luy auoit pleu faire en son seruiteur; & commencerent à luy porter plus grand honneur & respect qu'ils n'auoient fait iusqu'à lors; l'estimans en leur cœur, & le tenans pour vn saint de Paradis. Et à la verité, c'est vne preuue bien grande de la gloire, de laquelle son ame iouyt au ciel; & ensemble de sa pureté & chasteté virginalle. Car c'est ainsi que nostre Seigneur recompense quelquesfois mesme en ceste chair corruptible ceux qui ont gardé leur corps pur & net de toute souilleure charnelle. Ayans ce precieux depost en leur nauire, ils mettent les voiles au vent, avec autant plus de confiance d'arriuer à bon port, qu'ils se promettoient l'ayde de Dieu par l'intercession de celuy duquel ils portoient les reliques. Aussi eurent ils vne fort heureuse nauigation: & arriuerent à Malaca le 22. de Mars, de l'an 1553. Il n'y auoit pour lors dans Malaca personne de nostre Compagnie, par ce que le P. Xauier pour donner plus de terreur de la sentence d'excommunication, iettée contre le Gouverneur, qui auoit empesché l'Ambassade de Jacques Pereira, & ses adherans, auoit escrit de Sanchan au P. François Perez, qu'il sortit de Malaca avec ses compagnons, & qu'ils se retirassent à l'Inde pour vn temps. Ce qui auoit esté desia executé auant que son corps y fut porté. Ce neantmoins on le mit en depost dans l'Eglise de nostre Dame du Mont, qui estoit celle de la Compagnie, ou il fut porté avec grande célébrité. Car si tost

Turset.

lib. 1. c. 13

*Il est por-
té à Ma-
laca.*

que le bruit courut par la ville, que le corps du P. Xavier estoit arri-
ué, & qu'il auoit demeuré deux ou trois mois dans la chaux entier,
& sans aucune corruption, tout le mōde y accourut avec grand de-
sir de le veoir. Son anciē amy Jacques Pereira, comme il l'auoit af-
fectionné & honoré durant sa vie, aussi fit il tout deuoir de mon-
strer sa deuotion enuers luy après sa mort. Car il print sur soy tout
le soing de luy faire ses funeraillies, ou pour mieux dire, la processio
solemnelle, qui se fit le lendemain depuis le port iusques à ladite
Eglise, avec si grande foule de peuple, qu'il n'estoit pas possible d'y
mettre ordre, chascun desirant baiser ses pieds, & toucher ses sa-
crées reliques. Or il pleut à Dieu tesmoigner encore lors par vn mi-
racle la sainteté de son seruiteur. Car vn homme qui auoit vne
grande douleur de poitrine, aussi tost qu'il eut touché son corps, se
trouua sain & gaillard. Apres qu'on eut dit la Messe solemnelle-
ment, les Prestres furent d'aduis de tirer le corps du cercueil, dans
lequel il estoit encore avec la chaux, & l'enseuclir comme les an-
tres sans biere sur la terre nuë. Ce qui fut faict tout de mesme, sauf
qu'on luy mit vn cuissin de soye sous la teste, & vn linge sur la face.
Aucuns disent que vrayement ils auoient faict faire vne quaisse de
bois, mais qu'estant courte, comme ils y voulurent faire entrer le
corps par force, le courbants & pliants quelque peu, il sortit du
sang tout frais des espaules, qui rendoit vne tres-soëue odeur; &
partant ils furent d'aduis de l'enterrer sans quaisse. Cependant la
ville de Malaca se resentoit tout aussi tost de sa presence. Car ayant
esté affligée de peste continuellement depuis qu'il en partit, elle
cessa incontinent que son corps y eust esté transporté: si que pas vn
seul depuis n'en fut plus frappé, ny aucun de ceux qui desia l'estoiēt
n'en mourut. Ayant ainsi demeuré dans terre, depuis le mois de
Mars iusques en Aoust, arriua pour lors de l'Inde à Malaca, le P. Jean
de Beira, s'en retournant aux Moluques, ou il auoit sa demeure or-
dinaire. Aduerti qu'il fut de l'integrité du corps du P. Xavier, il vou-
lut le voir de ses yeux propres. Luy donc, & deux autres de la Com-
pagnie qu'il menoit quant & soy, ayant ouuert de nuiēt fort secre-
tement le sepulcre, dans lequel son corps gisoit, ils trouuent le lin-
ge duquel la face estoit couuerte, & le cuissin qui estoit sous la
teste teints en sang, à cause que lors qu'on l'enterra, l'on auoit fou-
lé la terre avec les pieds, selon qu'on a de coustume. Mais quant au
reste, ils recognoissent le corps aussi frais, & entier, comme s'il ne
faisoit que rendre l'ame. Partant, ils furent d'aduis de ne le mettre

*Miracle
aduenu
en ce
transport.*

*Il est en-
terré sans
terre sans
caisse de
bois sur
la terre
nuë.
Turset,
au mesme
lieu.*

*La ville
de Mala-
ca est de-
liurée de
peste par
sa venue.*

*Il est
trouué
entier
ayant esté
cinq mois
dans terre.*

plus dans terre,ains le poser dans vn cerueil tout neuf,lequel Iacques Pereira fit doubler de damas , & par dessus y mit vn drap d'or pour le couvrir. De ceste sorte ils l'enferrent dans l'enclos de la maison,à celle fin qu'il fut plus asseuré,iusques à ce qu'il fut temps de le porter à Goa.Mais par ce que le P. Iean de Beira deuoit partir auant ce temps , à cause que la saison propre pour faire voile aux Moluques,eschçoit plustost,que celle qui estoit propre pour prendre la route de Goa,il laissa l'vn de ses compagnons, nommé Emanuel Tabera,pour conduire le corps à Goa, & luy avec l'autre , tira vers les Moluques. En ce mesme temps arriua du Iapon vn autre Religieux de la mesme Compagnie nommé Pierre Alcaceua,celuy qui auoit esté enuoyé là par le P.Xauier l'année auparauât,& estoit lors renuoyé à l'Inde par le P.Cosme de Torres, pour quelques affaires de consequence;ou comme disent quelques vns,tout expres pour enleuer le corps du P.Xâuier,& le conduire plus seurement à Goa, parce qu'ils auoient esté aduertis de son trespas. Ils s'embarquent donc tous deux avec le cerueil dans vn nauire, lequel estoit si vieux,& si cassé,que les marchands n'osoïent y fier auparauât leurs marchandises,& moins encores leurs vies. Mais si tost qu'ils entendirent que le corps du B.P.Xauier y deuoit estre porté,ils estimerent n'en y auoir aucun de plus asseuré. Parquoy ils s'y embarquèt avec leur marchandise,esperans que celuy, qui estant en vie, auoit preserué miraculeusement plusieurs nauires, du naufrage en ce mesme voyage ; maintenant qu'il estoit au ciel regnant avec Iesus Christ, les conduiroit asseurement au port désiré. Et de fait, ils ne furent pas trompez. Car bien qu'ils coururent de grands hazards, ils arriuerent neantmoins à bon port,par les merites & prieres,comme il est croyable,de celuy,de qui ils portoient les reliques,ainsi qu'il paroïstra per le discours de leur voyage. Partis donc qu'ils furent de Malaca,ils nauigerent heureusement iusques aux bancs de Chilon: mais là leur nef demeura accrochée sur vn rocher, tellement qu'elle ne pouuoit aller ny auant ny arriere. Le gouuernail auoit esté fracassé des coups, qu'il donna, lors que le nauire hurta contre lesdits bancs, & en cest estat demeura il l'espace de quelques heu-

*Il est
transporté de Ma
laca à
Goa.*

*Le nauire
où il est
porté est
deluré
d'un grand
danger.*

res.Ceux qui estoient dedans apres auoir coupé le mast,& fait tout ce que l'art & l'industrie enseigne en pareil accident, voyans qu'il n'y auoit aucun remede humain, pour se garantir du danger, auquel ils estoient, s'adresserent à Dieu, implorans son ayde & secours par l'intercessiō & priere du B.P.Xauier,duquel ils portoient

les

les reliques ; & à cet effect ils mirent son corps sur le tillac, avec force cierges allumez, & beaucoup de parfums, ou autres bonnes senteurs, qu'ils faisoient brusler auprès; prians Dieu tous à genoux, qu'il les voulut garantir de ce danger par les merites de son seruiteur. Or tandis qu'ils estoient ainsi en deuotiō, voilà qu'ils vont entendre tout d'un coup vn grand fracas au dessous du nauire: & soudain il sort de ces escueils sain & entier: d'où ils colligerēt que c'estoit le rocher, qui auoit esté rompu, & brisé miraculeusemēt pour donner passage au nauire ; ainsi que l'a depose le Pilote mesme & plusieurs autres, qui estoient presens. Apres qu'ils eurent franchi ce sault, & rendu graces à Dieu, comme il'estoit conuenable, pour vn tant signalé benefice, & à celuy aussi qu'ils croyoient le leur auoir impetré de Dieu, ils poursuuyirent leur route iusques à Cochin, là où ils s'arrestèrent quelques iours, avec vn singulier contentement des habitans de la ville, la pluspart desquels vindrent voir ceste merueille, que Dieu auoit fait, conseruant entier & sans putrefaction vn si long temps le corps de celuy, qu'ils auoient si souuent veu en leur ville, pendant qu'il viuoit. Partis de Cochin ils vont prendre port à Batticala, où semblablemēt il fut visité de plusieurs avec grande admiration & deuotiō, & notamment d'une Dame nommée Marie Sarra, femme d'Antoine Rodrigues Receueur du Roy, laquelle estant malade depuis quelque mois, pria fort instamment qu'on l'apportat au nauire, & ayant veu & honoré les saintes reliques de ce grand amy de Dieu, elle se trouua du tout guerrie, & ne voulut sortir du nauire, qu'on ne luy eust donné vn peu du cordon, qui ceignoit son corps, lequel elle fit enchasser par apres dans vn reliquaire d'argent, & le porta pendu au col durant sa vie, receuant par le moyen de sa foy, & de la deuotiō qu'elle auoit au saint personnage, beaucoup de graces & faueurs, & nommément celles qui s'ensuyuent. Premierement à vn petit enfant qu'elle auoit, Dieu restitua par deux fois la santé, laquelle estoit desia desesperée, & ce aussi tost qu'on luy eust mis le reliquaire au col. Deux autres qui estoient atteints d'une maladie, qu'on appelle des bouteilles, laquelle es Indes est aussi dangereuse qu'icy la peste, furent gueris par l'attouchement du mesme cordon, de maniere que là où il auoit touché, ces bouteilles ne sortoient point, bien que tout le reste du corps en fut conuert. Tiercement avec le mesme remede, fut guari d'une dangereuse fièvre l'enfant d'une autre Dame mariée à vn Portugais, nommé Simon de Cugna. Outre ce il y eut

*Il arrive
à Cochin
& de là
à Batticala.*

Vne femme guerrie de maladie à Batticala visitant ses reliques.

Vne piece de cordon du corps du Pere saint miracles.

une femme de la maison de la susdite Marie Sarran, qui fut guarie parcelllemēt des fièvres; & une autre deliurée du travail d'enfant, auquel elle estoit depuis deux iours, sans espoir de vie: mais si tost qu'on luy eust appliqué ledit reliquaire, elle rendit le fruit heureusement. Suffiront pour cest heure, les miracles de ce cordon faits à Batticala, d'où le nauire tira la droite route de Goa. Et d'autant que les vents estoient si contraires, qu'on aduançoit fort peu de chemin, le maistre du nauire, Lopez de Norogna print le batteau, pour aller à Goa porter les nouuelles du precieux thresor qu'ils portoient, au Vice-roy, & aux Peres de la Compagnie. Mais comme le nauire tarδοit plus à venir que le desir, qu'on auoit de le voir ne pouuoit supporter, mesmement en ceux de la Compagnie, le Vice-roy leur fit bailler vn brigantin, pour l'aller querir. Le P.

*Le corps
estât pres
de Goa
les Peres
de la Co-
pagnie le
vont re-
uenir.* Melchior Nugnes (qui estoit lors Recteur du College, & Vice-prouincial de l'Inde, apres le decez du P. Gaspar Barzé) & quelques autres de la Cōpagnie, qu'il print quant & soy, avec quelques ieunes enfans du seminaire, s'en vont au deuant, & rencontrent le nauire vn peu pardeça Batticala; ou estans montez ils entrēt dans la chābrette, qui gardoit ce sacré deposit. La biere ouuerte ils trouuent le corps aussi entier & aussi fidelement conserué sur la mer,

que dans les entrailles de la terre, par la vertu & puissance de celuy, qui est le Createur & Seigneur de l'vn & l'autre elemēt. Ce fut au mois de Mars de l'an 1554. quinze mois ou enuiron apres son heureux trespas; & neantmoins on eust dit à le voir, qu'il n'y auoit pas quinze heures, qu'il auoit rendu l'ame. Le P. Nugnes & ses compagnons tous baignez en larmes de deuotion & consolation, apres auoir bien veu & recogneu la face & le corps de leur bien-aimé Pere, le transportent dans le brigantin, lequel ils parerent magnifiquement de ses guidons & enseignes, & le mesme firent autres six barques, qui les estoient venus accompagner, laschans en signe de resiouissance, lors qu'il fallut partir, toutes les pieces d'artillerie, qu'ils auoient. Et le lendemain arriuent à demy lieuë pres de Goa,

*Ils arri-
uent à
demy
lieuë de
Goa.* ou ils attendirent ceste nuit là, à celle fin que la ville eut du temps assez pour se preparer à le receuoir avec l'honneur & la celebrite qu'on desiroir. Cependant ils portent le corps dans la chappelle de Nostre Dame de Rebandar, qui est là aupres. Icy le P. Melchior desirant voir & contempler plus attentiuiement tout le corps du Pere; estant ja nuit, & les portes de la Chappelle closes, en presence de ceux de la Compagnie tant seulement, il le tira du cercueil,

& l'ayant considéré & touché par tout, le trouua aussi frais & entier, comme nous auons desia dit. Et encore qu'il eut si long temps qu'il estoit sans ame, toutesfois la peau estoit sans rides, & la chair pleine de suc. Or voyant que outre l'aube, il estoit encore reuestu d'un surplis, qui ne luy sembloit pas necessaire, il le print pour soy, & depuis l'emporta au Iapon, esperant que comme Elisée passa les eaux du fleuve Iordain, sur le manteau du Prophete Elie, ainsi passeroit-il en assurance, avec ce surplis ces grâdes & perilleuses mers de la Chine & du Iapon, & ensemble tous les trauaux & perils qu'il luy conuiendrait endurer, pour le seruice & la gloire de Dieu. Il en y a neantmoins, qui disent que c'estoit vne robbe de fin lin, que le Pere Xavier auoit apporté, pour la vestir sur ses autres accoustremens, lors qu'il iroit parler au Roy de la Chine; d'autant qu'il auoit entendu que telle estoit la coustume du pais: mais qu'apres son trespas, les Portugais la luy vestirent sur la chair, au lieu de chemise: & neantmoins apres tant de temps, le P. Melchior la trouua si belle & si entiere, qu'il s'en seruoit au Iapon, lors qu'il alloit parler à quelque Roy, ou grand Seigneur; esperant que Dieu luy donneroit grace en leur presence, & les luy rendroit fauorables par les merites & prieres de celuy, qui luy auoit acquis tant d'ames, à celle fin que luy aussi les peut gagner avec leurs sujets à Iesus-Christ, & à sa foy.

Mais pour reprendre le fil de nostre histoire, le Viceroy ayant esté aduertie dès le soir mesme, que le corps du B. P. Xavier estoit à demy lieu de Goa, fit publier par toute la ville, que chascun s'ap-
 prestat pour le receuoir le lendemain, avec l'honneur & la reuerence, qu'il estoit requis. A peine estoit-il iour, que six vaisseaux remplis de Portugais arriuerent à la Chappelle de nostre Dame, portans chascun vn flambeau de cire blanche, & leurs seruiteurs vn
 cierge blanc. Apres ceux-cy, vindrent autres douze ou treize barques, ou il y auoit iusques à trois cens Portugais, portans tous de mesme que les autres, des torches blanches, & leurs seruiteurs des
 cierges blancs, lesquels il faisoit tresbeau voir, estans tous allumez, à l'entour du brigantin chargé de ces saintes despoüilles; lequel fut aussi enuironné d'un grand nombre de cierges & flambeaux ardants, principalement sur la poupe, ou l'on auoit mis le corps, couuert d'un drapeau d'or fort riche & precieux, assisté des Peres de la Compagnie, & des ieunes enfans du seminaire, qui chantoient à deux chœurs des hymnes, & Cantiques à la louange de Dieu, tan-

*Arriuât
au port
de Goa.*

dis qu'ils s'approchoient de la ville ; de façon que le riuage estoit tout esclaire de ces lumieres, & retentissoit de loüanges diuines. Ce qui esmouuoit beaucoup de gens à deuotiō, de sorte que plusieurs ne pouuoient tenir les larmes. De ceste maniere arriua le vaisseau au port de la ville, la ou le Vice-Roy l'attendoit avec sa Cour, & toute la Noblesse. Le chapitre aussi de l'Eglise Cathedrale s'y trouua, pour le conuoyer, & les Confreres de la Misericorde, avec tout le Clergé, & les parroisses. Somme il sembloit que toute la Cité estoit sortie pour le receuoir. Soudain que le brigantin eust approché de terre, il y eust force gens, qui entrerent dedans l'eau, pour pouuoir seulement toucher le vaisseau, qui portoit les reliques ; mais quand le corps en fut tiré, il y eut vne si grande foule pour le voir & toucher, que si le Viceroy n'y eust esté avec ses gardes, qui faisoient faire place, & mettre les gens au large, il y eut eu quelque inconuenient : mais par son industrie & adresse, la procession marcha en fort bel ordre depuis le port iusques à l'Eglise du College de S. Paul ; & fut rengée en ceste sorte.

*L'ordre
gardé en
la proces-
sion.*

Premierement marchoint deuant quatre vingts & dix petits enfans, vestus de blanc, portans chacun des guirlandes sur teste, & des rameaux verdoyans en main. Suiuoit apres la confrairie de la Misericorde avec son enseigne, reluisante en or & en argent, & derriere icelle se portoit vn cercueil vuide, couuert de drap d'or ; le Clergé venoit apres, chascun en son rāg, suyui du cercueil où estoit le corps, porté sur les espaules des Peres de la Compagnie : & de chascue costé y en auoit deux, qui l'encensoient continuellement. Le Viceroy marchoit apres avec la Noblesse & le corps de ville, puis tout le reste du peuple. Les ruës estoient tapissées, & enrichies des plus beaux & precieux draps de soye, & autres riches estoffes, qu'il y eut dans Goa : On les auoit parfemées de fleurs & de ramée d'un costé, & d'autre. L'on ne voyoit que flambeaux, où cierges ardants, avec force parfums fort odoriferāts ; les fenestres & les toicts des maisons estoient tous remplis de gens : & par les ruës y auoit si grande presse, qu'à peine la pouuoit on fendre, tellement qu'il y eut bien de l'affaire pour arriuer à temps, & pouuoir dire la Messe, qui fut chantée fort solénellement en l'Eglise susdite de S. Paul parée non pas selon le tēps (car c'estoit en Careme, le Vendredy auāt le Dimanche de la Passion) mais selon l'ocasiō, avec les plus beaux & riches ornemens, qu'on eut, & qu'on peut recouurer d'ailleurs. L'on entendoit les cloches sonner par toutes les Eglises, comme si

c'eust esté vne feste solénelle. Dés que le corps fut arriué à l'Eglise de S. Paul, on le mit dans les balustres ou treillis du grand autel; à fin d'empescher que le peuple ne se iettat dessus à la foule. Or cōme l'on auoit faict courir le bruit, qu'on le monstreroie apres la Messe, si tost qu'elle fut finie, le monde se ietta sur le treillis, avec telle impetuosité, qu'ils furent incontinent mis par terre. Mais le cercueil n'estant pas encore ouuert, on ne peut voir les reliques pour lors. Le Pere Recteur craignant qu'il n'aduint quelque desordre, supplia le Viceroy de se retirer, à fin que le peuple aussi s'en allat suivant son exemple: & apres on le luy pourroit monstrer à loysir, & sans aucun empeschement ny danger. Le Vice-roy avec sa cour & toute la noblesse se retira; mais pour cela le peuple ne bougea point, ains s'opiniastra si fort, qu'on fut contrainct leur promettre de le leur monstrer, pourueu qu'ils donnassent loysir de remettre les balustres; lesquels on renforça de nouveau; & apres l'on tira le corps du cercueil, & fut esleué en haut, de façon que plusieurs le virent. Il en y a qui disent, qu'encore ceste fois, les balustres furent renuersez, & que les Peres craignants qu'on ne leur raut ce précieux thresor, le remirent vistement dans la biere, & se rangerent tout à l'entour, pour le garder. Quoy qu'il en soit, il est asseuré qu'on ne contenta pas tout le monde, par ceste premiere monstre; ains on fut cōtraint de le laisser trois iours durant exposé à la veüe de tous, & par ce moyen on leur satisfit. Le quatriesme iour apres, on le mit dans vn sepulchre vouté, qui fut ouuert tout ioignant le grand autel du costé, ou l'on dit l'Euangile: & ainsi fut il enseueli pour la derniere fois.

Maintenant il reste à narrer quelques miracles, qui aduindrent en ce mesme temps, & ont esté deuëment & authentiquement auerez. Il y auoit à Goa lors qu'on faisoit la procession, vne Dame mariée à vn Portugais nommé Christofe Pereira: laquelle estoit au liect malade d'une griefue maladie, qui l'alloit consumant ja l'espace de trois mois; & l'auoit tellement accablée, qu'elle estoit bien proche du tombeau. Or entendant sonner les cloches de toute la ville, elle demande que c'estoit, & informée de la cause de telle solemnité, prie fort instamment ceux, qui l'assistoient, de la vouloir conduire deuant les sainctes reliques, car elle auoit esperance de recouurer santé par l'attouchement d'icelles. Mais sa foiblesse estoit si grande, qu'on tenoit pour tout asseuré, que le moindre accident, qui luy suruiendrait, estoit pour l'emporter, de façon qu'on ne luy

Miracle aduenü à Goa lors que son corps entra dans Goa.

accorda pas ce qu'elle demandoit. Se voyant reduite à ces termes elle se recommande fort deuotement, & avec grande foy aux prieres du B.P.Xavier, dont tout aussitost elle ressentit en foy vn nouveau courage, avec vn notable amendement de sa maladie, & dans peu de iours recouura entierement la santé & les forces. Pareillement durant les trois iours, que le corps demeura exposé a la veüe de tous, plusieurs malades atteints de diuerfes maladies, receurent guarison, ayans touché son corps, ou mesme la caisse, dans laquelle il estoit, comme il est contenu és informations faictes la dessus. Mais ie les laisse à part, avec vne infinité d'autres miracles, qui se sont faicts apres sa mort, non seulement és Indes; mais encore en Europe, & nommément en nostre France. Pour le present ie me contenteray d'en narrer vn adueni en la ville de Paris, capitale de ce Royaume, l'an 1581. Il y auoit donc vne certaine Dame fort honneste, qui estoit en trauail d'enfant, avec si grand danger de sa vie, & du fruiet qu'elle portoit, qu'on n'auoit plus d'esperance ny de l'vn ny de l'autre. Son mary homme d'honneur, & pieux, ayant sceu de fraische datte l'histoire de la vie du B.P.Xavier, la raconta à sa femme, luy conseillant d'inuoquer l'ayde de Dieu, par son intercession. Ce qu'elle fit aussi, & tout incontinent se sentit deliurée. Dieu donnant par les prieres de son seruiteur, la vie & au fruiet & a la mere, pour faire cognoistre & honorer du Leuant au Ponant ce luy qui l'estoit allé prescher de Paris iusques au fin bout de l'Oriët.

Quant à l'incorruption de son corps, qui est l'vn des plus grands miracles, qu'o sçauroit desirer, le Viceroy Alphonse de Norogna en fit faire l'enqueste fort authentiquement. Car estant aduertie que quelques vns semoient vn faux-bruit, que le corps du Pere Xavier auoit esté embaumé, & que par tel artifice il demeueroit entier, & sans corruption, il commanda à son medecin de l'aller visiter soigneusement, & recognoistre si cela estoit vray, ou non, à fin d'en donner son tesmoignage. Ce qu'ayant fait avec toute diligence, il atteste la verité du miracle, par la deposition qu'il en fit, telle que ie la vay mettre icy, traduite de mot à mot du Portugais. Le Docteur Cosme Saraiua Medecin de Monseigneur le Viceroy, certifie, qu'estant arriué le corps du P.M.François Xavier en ceste ville de Goa, ie le fus veoir, & le touchay de tous costez, particulierement au ventre, ou ie trouuay l'attouchement & corpulence des intestins, sans auoir esté embaumé, & n'y auoir eu aucune autre chose artificielle, qui le preseruat de putrefaction. Je luy trouuay vn trou ou

*Autre
miracle
adueni
à Paris.*

*L'incorruption
de son
corps l'un
des plus
grands
miracles
bien auer-
rée.
Deposition
du mede-
cin du
Vice-
roy.*

playe au costé gauche, vers la partie du cœur, & priant deux freres de la Compagnie de mettre les doigts dedans, les y ayans mis il en sortit par cas fortuit du sang, lequel ie flairay, & trouuay qu'il ne sentoit pas mal. Les cuisses & autres parties du corps estoient entieres, & avec leur chair; de maniere que par voye de Physique, ou Medecine, il ne se pouuoit conseruer naturellement, tant pour y auoir pres d'un an & demy qu'il estoit mort, que pour auoir esté pres d'un an inhumé dans terre. Ie tesmoigne ce que dessus estre veritable, sur le serment de mon office. Faict à Goa le 18. de Nouembre 1556.

Outre ce, le Vicair General de l'Euesque de Goa, comme Ordinaire, & Inquisiteur de la Foy, requis aussi de faire le mesme examen à l'instance du Viceroy, donna pareillement son tesmoignage authentique, confirmé par serment, lequel ie n'ay voulu inserer icy, pour estre trop long, & ne contenir en substance autre chose, que ce qui a esté dit. Ces tesmoignages non seulement firent cesser les faux-bruits, qui courroient, mais encore donnerent plus de lustre à la verité; si bien que ceux là mesmes, qui auoient esté cause de ceste plus exacte recherche, à raison de leur doubte ou mes croyance, furent apres les plus deuotieux, & affectionnez à honorer ses saintes reliques.

Le Roy de Portugal Iean II. ayant esté aduertie de toutes ces choses, manda au Viceroy de l'Inde, qu'il fit faire de bonnes & authentiques informations, des gestes & miracles du B.P. Xavier. Car il auoit delibéré les enuoyer à N. S. Pere, à celle fin, que si l'on le trouuoit bon, il fut canonizé, & mis au rang des saints, ausquels l'Eglise Catholique & ses vrais enfans portent l'honneur & la reuerence, qu'il conuient. Son Lieutenant es Indes, qui estoit lors François Barret, ayant receu les lettres du Roy, fit incontinent avec grande diligence faire les informations, tant en la ville de Goa Metropolitaine de l'Inde, qu'en plusieurs autres endroiets nommément à Cochins, Bazain, Malaca, & autres lieux, ou le Pere auoit esté; prenant tesmoignage de ceux, qui auoient conuersé ou traité avec luy, ou auoient esté presens aux œuures, ou miracles qu'il auoit fait. Les tesmoins faisoient leur deposition, & la confirmoient par serment en presence d'un Notaire, ou greffier public: lequel ayât dressé l'enqueste en bonne & deuë forme l'enuoyoit, ou bailloit au Gouverneur. Toutes ces informations ayant esté faictes avec grand soing & diligence, le Gouverneur les enuoya au Roy, signées de sa

Autre tesmoignage du vicair General & Inquisiteur de Goa.

Le Roy de Portugal fait faire les informations de ses gestes & miracles, afin qu'il soit canonisé.

main, & cachetées avec son anneau, par trois diuerſes voyes, ſelon qu'il luy auoit eſté ordonné. Tellement que ces papiers eſtans venus entre les mains du Roy, il eſtoit apres pour les enuoyer à Rome, à fin que ſon Ambaſſadeur les preſentat au S. Pere, & luy fit inſtance de ſa part, pour proceder à la canonifation du B. P. Xauier. Mais la deſſus arriva le trespas du Roy, qui rompit tous ces bons deſſeins; Dieu voulût peut eſtre reſeruer cela à quelque autre Prince Chreſtien.

Voyla donc l'heureuſe fin des voyages, que fit le B. P. François Xauier Nauarrois, pour amplifier la gloire de Dieu & les bornes de ſon Eglife, preſchant la Foy Chreſtienne, & Catholique en tant de païs & regions del'Orient, ou il conquiſt vne infinité d'ames à Ieſus Chriſt, & arbora ſa ſaincte Croix en pluſieurs endroiçts: eſquels auparavant le Diable eſtoit honoré & adoré au lieu du vray Dieu: y laiſſant les affaires de la Religion Chreſtienne tellement diſpoſées, que du depuis elle à touſiours prins accroiſſement preſque en tous les lieux, ou il l'auoit plantée, nonobſtant beaucoup de perſecutions, & trauerſes que les Chreſtiens, & nommément les Religieux de la meſme Compagnie, qui les inſtruiſent, y ont enduré, & endurent encore; leſquels il diſperſa en tous les lieux ou il fut, leur laiſſant non ſeulement de tres beaux & tres vtiles enſeignemens, mais auſſi de rares & ſinguliers exemples de vertu, pour imiter; & avec ce vne viuue eſperance qu'eſtant maintenant la haut avec Ieſus Chriſt, il les aſſiſtera en ceſte meſme entrepriſe par ſes prieres enuers Dieu, autant ou plus qu'il faiſoit eſtant en ceſte vie par ſes bons aduis, & ſainçts exemples.

Fin du premier liure.

LIVRE

LIVRE SECOND DE L'HISTOIRE DES

CHOSSES PLUS MEMORABLES, AD-
VENUES TANT EZ INDES ORIENTALES, QUE AV-
tres païs de la descouuerte des Portugais, en l'establisse-
ment, & progresz de la Foy Chrestienne, & Catholique:
& principalement de ce que les Religieux de la Compa-
gnie de Iesvs y ont faict & enduré pour la mesme fin.

AVANT-PROPOS.

Les sages, & experts Architectes, qui entreprennent quelque grand & somptueux edifice, avant toute autre chose, dressent vn plan, ou modele d'iceluy: à fin de conduire toute leur fabrique selon ce pourtraict: puis iettent les fondemens d'autant plus profonds, & plus espais, que les parois doiuent monter plus haut ou estre fortes. De mesme semble il, que s'est comporté le B.P. François Xavier, en la structure de l'edifice spirituel du Christianisme, qu'il est allé bastir és Indes Orientales, & autres païs du Leuant. Car en premier lieu, il a laissé vn excellent patron de ce qu'il falloit faire, pour continuer ce bastiment spirituel, qu'il y a si heureusement commencé, tant par le bon exemple de sa vie, que par ses instructions, & documents, qui ont esté declarez cy dessus. Au niueau desquels il estoit conuenable, que ceux de la mesme Compagnie, qui luy deuoient succeder en la susdite entreprise, dressassent toutes leurs actions. Apres ce il a mis de si bons fondemens en ces contrées là, de la foy Chrestienne & Catholique; que nonobstant vne infinité d'orages de persecutions, qui se sont esleuez contre icelle, par l'enuie & les menées de Sathan; elle est neantmoins demeurée tousiours ferme, comme vne cité bastie sur vn haut & dur rocher; & non seulement s'est

1. Cor. 3.

Subiect
de ce li-
vre.

conseruée en son entier; mais, qui plus est, s'est accruë, & amplifiée parmy tant de trauerses presque en tous les lieux, ou ce grand Architecte l'auoit fondée, ou restablie; tellement qu'on luy peut bien adapter a mon aduis ce, que l'Apostre des Gentils à dit de soy; *Vt sapiens architectus fundamentum posui*, i'ay mis le fondement à guise d'un sage architecte. Puis donc que nous auôs veu cy deuant combien de peine, & de trauail il a prins, pour amplifier le Royaume de Iesus-Christ, & estendre les bornes de son Eglise, en tant de Regions de l'Orient, au salut & profit d'une infinité d'ames, qu'il y a gagnées à sa diuine Majesté, il nous faut conséquemment traicter de ce, que les autres, qui l'ont suyui, & principalement ceux de la mesme Compagnie y ont fait & enduré pour la fin susdite. Et partant nous parlerons en ce second liure de ce, qui est aduenü en l'establissement ou progrez de la Religion Chrestienne & Catholique, és lieux situez sur la coste de la mer de l'Inde Orientale, tant haute que basse, & de quelques Isles d'alentour, ou les Portugais ont accez, & nommémēt de l'Isle de Goa, & autres lieux proches & dependens d'icelle: de la coste de la Pescherie: de l'Isle de Ceilan: des Royaumes de Coulan, & de Trauancor: de Cochín, & de Calicut; des villes de Bazayn & Daman, qui sont au Royaume de Cambaya: de la ville de S. Thomas, & des Chrestiens surnommez de mesme sorte: de l'Empire de Bismaga, des Royaumes de Bengala, & de Pegu: de la ville de Malaca: & finalement des Isles Moluques. Commençons donc par la Cité de Goa, qui est la Capitale & metropolitaine de toutes celles, que les Portugais ont en l'Inde; & ou reside communément le Viceroy, ou Lieutenant General de la Couronne de Portugal, & l'Archeuesque de Goa, qui est aussi maintenant Primat des Indes.

*DESCRIPTION DE L'ISLE ET CITE' DE
Goa; & de la fondation du College de S. Paul, & de quel-
ques autres maisons, que la Compagnie
de IESVS y a.*

CHAP. I.

Vostre
des Indes
à bailler

SUR la coste de la mer Indienne, par deçà le cap de Commori, à 19. degrez de hauteur Septentrionale, il y a vne Isle appellée Goa, qui n'a pas plus d'une lieuë de largeur, trois de longueur, & sept de circuit. En icelle il y a vne ville aussi nommée Goa, par ce que c'est vne custume ordinaire en l'Inde, que de bailler le mes-

me nom à vne Isle, ou a tout vn Royaume qu'aura la ville capitale d'icelluy, comme l'on a faict à Cambaya, Calicut, Cochin, & plusieurs autres villes & Royaumes. Ceste Isle de Goa, bien que soit sur la coste de mer, est neantmoins séparée de la terre ferme par le moyen d'une riuere, laquelle se part en deux, & se descharge ainsi diuisée dans la mer, enuironnant ladite Isle. Et de la mesme forte en trouue l'on plusieurs autres sur la coste de mer des Royaumes de Decan, Canara, & des Malabars. Car en ce pais là, il y a force riuieres, lesquelles descendent des montagnes, qui font ceste distinction si admirable des saisons, que nous auons dit cy dessus appellées des Indois Gaté. Et ces riuieres se desgorge pour la plus part dans la mer avec deux embouscheures, laissant vne petite Isle, ou quelquesfois plusieurs au milieu. Or entre icelles, la plus celebre est celle de Goa; qui est assise aux confins des Royaumes de Canara & Decan, bien qu'elle soit comprise dans celuy de Canara. Le pais est fort plaisant & recreatif, estant diuersifié de colines, & belles plaines, l'air y est assez temperé, & les eaux fort bonnes & saines. Le terroir est tres-fertile: il y a grande abondance d'arbres fructiers; elle porte beaucoup de grains, & nourrit force bestial; brief c'est vne Isle pourueüe de tout ce, qui est propre pour la nourriture de l'homme. On y compte en tout trente villages, d'où les Indois l'appellent *Tiquariz*, qui veut dire en leur langue, trente villages. Elle est forte d'assiete: car l'on n'y peut entrer, que par les deux canaux de la riuere, qui l'enccint: à raison que du costé, qui regarde la mer, elle est bien fournie de rochers. Il y auoit iadis force Pagodes, ou temples dediez aux Idoles magnifiquement bastis, avec amples reuenus, pour l'entretienement de leurs Prestres. La ville capitale aussi nommée Goa estoit auant mesme que les Portugais la prinrent, grande, riche, & bien peuplée. Car depuis que les Sarrafins estans chassés des terres de Onor, & Batticala, vindrent s'y retirer destournans par ce moyen le trafic des marchandises, & nommément des cheuaux de Perse, des ports susdits à celuy de Goa, ceste ville print si grand accroissement, que du temps que Sabaio l'occupoit, ou son fils Idalcán (sur lequel le grand Albuquerque la gaigna, ainsi qu'auons dit au premier liure) elle estoit entre toutes celles de l'Inde, grosse en affluance de peuple, riche en commerce, illustre en armes, & somptueuse en baltimens & edifices. L'on tient aussi qu'elle est fort ancienne, & mesme qu'elle a esté iadis habitée par les Chrestiens; dont il y a deux preuues assez certaines. L'une

est ceste croix de bronze, de laquelle a esté parlé cy deuant, qui fut trouuée dans l'espeſſeur des parois, qu'on abatoit pour faire les murs de la ville ou citadelle, ainſi que diſent quelques vns, ou ſelon l'aduiſ d'autres, en ouurant les fondemens d'une maiſon, qu'un certain Portugaiſ y voulut baſtir, vn peu apres que le grãd Albuquerque eut ſubiugué ceste Ile. Ladite croix fut lors portée en proceſſion fort ſolemnellement, & avec grande deuotion des Portugaiſ, dans l'Egliſe principale de la ville: mais apres ils l'enuoyerẽt au Roy Emanuel, pour le plus precieus ioyau de tout l'Orient. Au reſte cela les encouragea grandement à pourſuiure leur conqueſte, eſtimãt que Dieu leur auoit mis en main ceste ville & autres des Sarraſins, à fin qu'ils deſcouriſſent & reſuſcitaiſſent par tout l'Orient, le nom & la gloire de Ieſus-Chriſt crucifié, que la perfidie Mahometane auoit caché, & enterré, Dieu le permettant ainſi pour les pechez des hommes. L'autre teſmoignage, qu'il y a de l'antiquité de la Religion Chreſtienne en ceste Ile, eſt vne donation qu'on trouua eſcrite ſur vne lame de bronze en langue Canariene, par laquelle vn certain Roy Gentil nommé Mantraſar, donnoit certaines rentes à vn Pagode, l'an 1391. & fut preſentée en iugement à Goa, l'an 1533.

*Autre
prouue.*

» dont le commencement eſtoit tel. Au nom de Dieu, qui eſt Crea-
 » teur des trois mondes; du Ciel, de la Terre, de la Lune, & des Eſtoi-
 » les: le quel elles adorent, & ont en luy leur bon abry. C'eſt à luy a
 » qui ie rends graces, & crois en celuy, qui eſt pour l'amour de ſon
 » peuple voulu venir prendre chair en ce monde. Ce ſont les pre-
 » miers mots de la donation; & à la fin au ſigné du Roy, il confeſſoit
 la Trinité des perſonnes diuines en vnité d'eſſence. D'où il appert,
 qu'il y a eu iadis en ce païs là quelque cognoiſſance des myſteres de
 la Tres-ſaincte Trinité, & de l'Incarnation du fils de Dieu, qui ſont
 les principaux de noſtre foy: combien qu'ils en auoient tellement
 perdu la ſouuenance, qu'il n'en y reſtoit preſque aucun veſtige.

Or apres qu'Albuquerque eut gagné ceste ville, il y fit tout auſſi
 roſt baſtir quelques Eglifes, là ou les Portugaiſ, & autres Chreſtiens
 ſ'aſſemb laiſſent, pour le moins les Dimanches, & autres iours de fe-
 ſte, à fin d'aſſiſter à la Meſſe, & au ſeruice diuin, qui ſ'y faiſoit par
 certains Preſtres, partie ſeculiers, partie reguliers de l'ordre de S.
 François, qui ſouloient tous les ans venir de Portugal avec les flot-
 tes. Ceux-cy donc ſ'employoient principalement au bien & profit
 ſpirituel des Portugaiſ, leur adminiſtrant les Sacremens de l'Egliſe,
 & la parole de Dieu, ſ'ils eſtoient capables pour cela, brief ils fai-

soient enuers eux l'office des Curez. Ils s'occupoient aussi à l'instruction des Infideles, selon qu'ils en auoient le moyen. Mais comme ces barbares n'entendoient pas ordinairement leur langage, ny eux aussi le leur, il n'y auoit pas beaucoup de gens, qui se conuertissent à la foy Chrestienne, excepté les femmes Indoises, qui estoient mariées avec les Portugais. Car elles receuoient au prealable le Sacrement de baptesme, à fin que leur mariage fut valable.

Mais le Roy de Portugal Iean 3. considerant d'un costé, qu'il auoit eu la cōqueste des Indes avec condition, qu'il seroit publier la foy Chrestienne aux barbares, qui luy seroient assubjetis, & de l'autre voyant qu'on aduançoit si peu en la conuersion de ces peuples, & ce à faute de gens, qui eussent la doctrine requise, & le zele des ames engraué dans leur cœur, rascha de trouuer des personnes, qui fussent doüées, de l'un & l'autre, pour les enuoyer és Indes. Et à ces fins y furent mandez entre autres ces trois notables personages, desquels nous auons parlé cy dessus, c'est à sçauoir M. Iacques de Borba, Michel Vaz, & F. Vincēt, qui firent tous trois des choses fort vtils & profitables, pour l'aduanacement de la Chrestienté en ces quartiers là; ainsi que nous verrons plus amplemēt cy dessous. Premièrement donc M. Iacques de Borba, qui auoit grand credit & auctorité entre les Portugais, parce qu'il estoit excellent Predicateur, & sur tout grand homme de bien, conferant avec Michel Vaz, qui estoit Vicair General de l'Euesque de Goa, sur les causes, qu'il y pouuoit auoir de ce, que si peu d'Infideles se rendoiēt Chrestiens, virent à l'œil que cela venoit principalement de ce qu'il y auoit manque de Predicateurs, qui sceussent parler leur langue, & leur annoçassent la foy de Iesus-Christ. Et voyans d'un costé, qu'il estoit bien difficile, où selon qu'ils estimoient, impossible de recouurer tant de Predicateurs de Portugal: & de l'autre que bien qu'il en vint plusieurs, ils tarderoient long temps à apprendre la langue du païs, & peut estre l'ayant apprinse aymeroient plus s'arrester à Goa, où se tenir avec les Portugais, & ceux de leur nation, plustost qu'à aller parmy les estrangers publier la foy Chrestienne, s'aduise-
rent d'un expedient, qui fut de nourrir plusieurs ieunes enfans de diuerses nations, & langages, qu'il y a en l'Inde, & les esleuer & instruire tant en vertu, qu'aux bones lettres: à celle fin qu'apres qu'ils auroient esté bien aprins, & seroiēt deuenus grands, ils fussent faits Prestres, s'ils le vouloient estre, & en estoïēt trouuez capables: puis s'en retournaissent à leur païs, afin d'annoncer nostre sainte Foy à

Le Roy de Portugal Iean 3. enuoye en l'Inde des gens doctes.

Premier dessein de la fondation du Collège de S. Paul.

ceux de leur nation, estimans qu'ils seroient mieux venus, que tout autre, & auroient plus d'efficace de leur persuader la verité que quelque estrangier. Ayans trouué cest expedient ils le communiquent à quelques Portugais des plus riches, & opulents de la ville de Goa, & qu'ils cognoissoient estre addonnez aux oeuvres de pieté, nommément à ceste cy de la conuersion des Gentils, afin qu'ils contribuassent de leurs moyens à vn oeuvre si saint, & si utile à l'aduancement de la gloire de Dieu. Ils en trouuent plusieurs, qui non seulement approuuerent leur aduis, mais encore promirent d'y contribuer. Ayans donc entr'eux arresté de dresser vne Confrairie sous le nom de la sainte Foy, l'institut de laquelle fut de nourrir & esleuer en la vertu & bonnes lettres des ieunes enfans de diuerfes nations & spécialement des Canarins, Decanois, Malabares, Chingalas ou naturels de l'Isle de Ceilan, Bengalois, Peguans, Malayoïs, Iauois, Chinois & Abyssins (on n'y nomma pas les Iaponois parce qu'on n'auoit pas encore descouuert le Iapon) afin qu'apres qu'ils auroient faict leurs estudes, & seroient promeus à l'ordre de Prestre, ils s'en allassent à leur pais prescher la foy de Iesus Christ: où s'ils n'estoient trouuez capables d'estre Prestres ou Predicateurs, qu'ils seruissent de truchemans pour les Predicateurs, qui n'entendroient pas leur langue: cela dis-je estant resolu ils promettēt tous de se trouuer le 25. Iuillet de l'an 1541. dans l'Eglise de N. Dame de la Lumiere, qui est vne Parroisse de la ville de Goa, où se deuoit eriger ladite Confrairie. Ce qui fut faict le mesme iour, ainsi qu'ils auoient arresté. Ils prirent pour patron l'Apostre des Gentils S. Paul, & firent dresser à son honneur vn autel, avec vn beau retable de la Conuersion du mesme Apostre, d'où quelques vns disent que le College, qui fut institué par apres, fut nommé le College de S. Paul, bien qu'il en y a d'autres qui assurent, que ce nom luy fut donné, à cause que ledit College fut basti tout aupres d'une petite Eglise dediée à l'honneur de S. Paul, qui est en vne rue, qu'on appelle la rue du manège des cheuaux. Le premier qui dotta ce seminaire fut Ferdinand Rodriguez de Castelblanc, sur-intendant des finances du Roy, au lieu & place du Gouverneur absent, qui estoit lors Estienne de Gamina, lequel approuuant par apres ce que ledit Rodriguez auoit fait, ordonna qu'on deliurast la mesme somme d'argent, qu'il auoit promise, à sçauoir huit cens escus par an prins sur les rentes, qui estoient auparauant appliquées à l'entretenement des Brachmanes, qui seruoient les Pagodes de l'Isle de Goa

*Pour quoy
ainsi ap-
pellé.*

& d'autres deux, qu'il y a tout aupres vers le Nort nommées Choran & Diuar. Apres cela il y eut quelques autres personnes riches & nobles, qui y contribuèrent, & nommément vn nommé Cosme Anes, qui estoit lors Greffier de la matricule generale de l'Inde, & depuis fut Secretaire d'Estat, & sur-intendant des finances avec quelques autres gens de qualité & zelez au seruice de Dieu, & à l'accroissement de la Foy. L'on deputa quelques vns des Confreres, pour auoir l'administration de ces deniers; afin qu'ils fussent employez en cè, qui estoit propre de cet œuvre; & la charge d'instruire ces ieunes hommes fut baillée aux Religieux de S. François, dont le principal estoit M. Iacques de Borba, du mesme ordre, qui auoit aussi esté le principal promoteur de ce seminaire. Au commencement de ceste erection ces escholiers ne logeoient pas ensemble, ains en diuerfes maisons, qui deçà, qui delà. Mais on s'apperceut biêtost, qu'il estoit necessaire de les mettre tous en vn logis afin qu'ils vescuissent en commun sous la mesme discipline, & aupres de leurs maistres, & qu'ils eussent vne Eglise, pour s'exercer aux offices, & ministeres Ecclesiastiques, pour lesquels ils se dispoient: tellement que le dixiesme de Nouembre de la mesme année, du consentement de tous les Confreres on cōmença de bastir le College de S. Paul, en la rue, que nous auons dit. Et desia quand le P. Xavier y arriua, qui fut l'an 1542. enuiron sept mois apres, on y comptoit soixante collegiats, gouuernez par ledit M. Iacques de Borba, quant au spirituel, & par les Confreres, quant au temporel. Or si tost que ledit de Borba & le P. Xavier se furent cogneus, ils se donnerent les mains l'un à l'autre, ainsi que S. Paul & S. Barnabé aux autres Apostres pour la conuersion des Gentils, & le salut des ames, qu'ils desiroient tous deux si ardamment. Peu de temps apres de Borba commence de prier instamment le P. Xavier de vouloir prendre la charge de ce College, luy allegant beaucoup de raisons, pour l'induire à cela, & nommément le grand fruct, qui en pouuoit reüssir, si cet œuvre estoit bien conduit. Mais il estoit bien difficile d'enserrer au gouuernement d'une maison l'esprit de celuy, au zele duquel tout l'Orient voire tout le monde sembloit estre petit; aussi ne peut-il point impetrer cela de luy. Toutesfois cōme la Confrairie de la sainte Foy luy en fit de rechef tres-grande instance, & s'ayda mesme de l'auctorité & pouuoir du Gouuerneur de l'Inde Martin Alфонse de Sosa, avec lequel il estoit venu de Portugal, & qui l'affectionnoit infiniment, se voyant prié de luy & de

*Premiers
fédérateurs
de ce Col-
lege.*

*Premier
bâtime-
ment
du Col-
lege.*

Gal. 2.

*Ceux de
la Compagnie
de
Jésus y
logent.*

tant de gens d'honneur, en fin il leur accorda le P. Paul Camers, qu'il auoit mené quant & soy de Portugal, afin qu'il aydast M. de Borba en l'instruction de la ieunesse de ce seminaire. Et depuis ce tēps là ceux de la Cōpagnie, qui alloient de Portugal aux Indes, se logeoient là dedās, & estoient les bien-venus & fort caressez dudit principal. Il en retenoit aussi tousiours quelques vns avec le congé du P. Xavier, pour l'ayder à bien dresser ces ieunes hommes, comme nous auons veu cy deuant. Et ce fut le beau commencement du College de S. Paul, que la Compagnie a maintenant à Goa, l'un des premiers d'icelle, soit qu'on regarde au temps, qu'il fut fondé, soit à la beauté du bastiment, ou à l'exercice des lettres, ou à l'importance des entreprises. Or jasoit que pour vn temps, il fut annexé, & incorporé avec celuy des estudians originaires du païs, se

*Le Roy
Jean 3.
leur en
baille la
charge en
suerenēt.*

nourrissant des rentes, que le Roy Iean 3. leur faisoit donner de ses propres deniers, qui estoient desia bien pres de quatre mil escus: l'administration desquels appartenoit entierement à la Confrairie de la S. Foy; si est-ce que le mesme Roy fit bien tost apres vne nouvelle donation du tout à la Compagnie; & commanda qu'on baillast l'entiere possession & administration d'iceluy au P. Xavier & à ses successeurs en l'office de Prouincial de la mesme Societé és Indes, tant pour ce qui concernoit le spirituel, que pour le temporel: & ce à la sollicitation non seulement de M. Iacques de Borba, mais aussi des Confreres de la S. Foy. Car ils voyoient bien, qu'en ce faisant ils n'alteroient point en chose quelconque la premiere institution dudit College, ains la melioreroiēt de beaucoup la baillant entre les mains de la Compagnie: d'autant que par ce moyen la fondation seroit bien plus stable & permanente; & avec ce plus vtile. Car si au commencement on traicta seulement d'y nourrir des estudians seculiers, naturels de l'Inde, pour s'employer à la conuersiō des Infideles; c'estoit parce qu'on n'attendoit pas de l'Europe tant de Religieux, qui fussent baltans pour la mesme profession. Mais ayant veu le zele du P. Xavier, & des autres de la Compagnie, qui le suyuoient & imitoiēt en ce sainct desir du salut des ames; l'ō iugea incontīnēt, que tout ainsi que la diuine Prouidence les auoit esmeus de partir de Rome, de Portugal, & autres lieux de l'Europe, pour venir prescher la Foy Chrestienne és Indes, qu'elle aussi auoit fait eriger au mesme tēps en l'Inde la Confrairie de la S. Foy, sinon pour paracheuer du tout l'entreprise, qu'on pretendoit, au moins pour disposer les affaires à cela, & cependant faire bastir la maison,

pour

pour ceux, lesquels nostre Seigneur auoit choisis, à vn tel exploit. De sorte que M. Iacques de Borba incontinent qu'il eust veu & cognu le P. Xavier, luy dit (& depuis plusieurs autres fois) que c'estoit pour luy, & pour ceux de la Compagnie, que Dieu auoit destiné cet œuvre. Voilà pourquoy ils furent tous fort contens, que la chose passât, comme a esté dit.

Le bon succez des affaires môstra, que le Roy, & ceux qui auoient mis le College entre les mains du P. Xavier, ne s'estoient pas tropz en l'opiniõ qu'ils auoiẽt que la chose reüssiroit mieux. Car aussitost qu'il en eut prins la charge, beaucoup de choses furent reformées, tant en l'ordre de la maison, qu'en l'instruction de la ieunesse. Mais sur tout au choïs qu'on faisoit de ces ieunes hômes. Car du cõmencement l'on n'auoit pas eu si grand soin de faire telle eslite, qu'il falloit, des enfans, qu'on vouloit esleuer aux lettres & bõnes mœurs; Ains on y receuoit indifferẽment tous ceux, qu'on y presentoit; & mesme aucuns d'iceux estans auparauant esclauës furent acheptez ou dõnez de leur maistres, pour cest effect: tellemẽt que pour estre receus au College, ils estoient affranchis, & sans autre examẽ, ny de capacité, ny des mœurs, ny d'aage, on y adinettoit quasi toute sorte de gens; de maniere qu'il en y auoit aucuns, qui passoient les 20. ans, & estoient fort grossiers d'esprit. L'on pretendoit neantmoins les faire tous Prestres, & Predicateurs, ou interpretes d'iceux, comme si toute sorte de bois estoit propre pour faire Mercure, ainsi que dit le prouerbe. Mais c'est assez d'auoir cõmancé; car il n'y a presque riẽ qui soit parfait, & accomply en sa naissance. Comme donc le College fut entre les mains de la Compagnie, l'on fit bastir par le commandemẽt du P. Xavier deux diuers corps de logis. En l'vn d'iceux l'on deuoit retirer quelques cent petits enfans, partie originaires du païs, partie orfelins mestifs, nez d'vn Portugais, & d'vne Indienne, iusques à l'aage de quinze ans, comme il a esté fait. Ils vont tous vestus de petites robes blanches, avec des croix rouges sur la poitrine. On leur apprend la doctrine Chrestienne fort soigneusement: & pour ceste cause communément ils sont appelez les enfans de la doctrine Chrestienne. Cependant ceux, qu'on iuge n'estre pas capables ou pour faire beaucoup de profit aux lettres, ou pour paruenir vn iour à l'estat de Prestre, sont retirez de là, & mis en tel office, qu'on pense leur estre propre, pour gagner honnestement leur vie; Les autres, qui monstrent auoir de la capacité pour les lettres, & vn bon naturel, pour aprẽdre la vertu passent à l'autre corps

*Come ce-
la reüssit*

*Non ex
omni li-
quo fit
Mercurius.*

*Seminai-
re de 72.
escholiers
à Goa.*

de logis: là ou à l'honneur des septante & deux disciples de nostre Seigneur, on y nourrit & esleue autât de ieunes hommes, ausquels on enseigne avec les bonnes mœurs, les lettres, & arts liberaux necessaires à vn Prestre, & Predicateur, comme la langue Latine, la Musique, la Philosophie, & la Theologie. On les exerce pareillemēt à faire le seruice diuin, à chanter les Messes hautes, faire les processions, ensepuelir les morts, accompagner ceux, qu'on conduit au supplice, visiter & consoler les malades, reprendre les iurements; & choses semblables. Ce qu'ils font avec tres-grande edification de la ville, & plus certaine esperance du profit qu'on pretend d'eux, quād ils seront de retour en leur pais; & desia par la grace de Dieu lon a recueilli beaucoup de fruiēt de ces nouuelles plâtes, ainsi que nous verrons cy apres.

Quant à ce qui appartient à ceux de nostre Compagnie, le Roy Iean III. voyant qu'on ne pouuoit pas enuoyer tous les ans d'Europe tant de subiects, qu'il seroit necessaire, pour continuer & accroistre le bien encommencé de la conuersion des infideles, à fin qu'on eut moyen d'entretenir en l'Inde ceux, qu'on y receuroit de nouveau, ou bien les autres qu'on y enuoyeroit de l'Europe encore ieunes, pour mieux apprendre les langues du pais, il adiousta l'an 1546. deux mil escus de rente au College de S. Paul, affectez particulièrement pour la nourriture tant des Religieux de nostre Compagnie, que des nouices. Avec cecy & quelques autres aumosnes, que plusieurs gens d'honneur & fort zelez à l'aduancement d'un si bon œuure donnerent, on commença de bastir le logis ou ils sont maintenant, de façon que toute la fabrique presque fut changée, & faicte de nouveau. La plus belle piece de toutes est l'Eglise de S. Paul, les fondemens de laquelle furent mis le iour de la conuersion du mesme Apostre l'an 1560. La premiere pierre y fut posée avec les solemnitez accoustumées, par le Patriarche d'Æthiopie Iean Nugnes, de nostre Compagnie, qui estoit là arriué pour aller en Æthiopie, ainsi qu'il sera dit au 3. liure. Or bien que du temps du P. Xauier, il n'y eut pas encore beaucoup des nostres en ce College: toutesfois de là à peu ils furent soixante, & soixante dix: & quelques sept ou huit ans apres son decez, lors qu'on commença l'Eglise, ils estoient quatre vingts, & bien tost apres le nombre arriua iusques à cent. Desquels les vns estoient Regens, qui enseignoient les lettres humaines, la Philosophie, & la Theologie, tant Scholastique, que Morale, ainsi qu'on faict es meilleurs Colleges de l'Eu-

*Eglise de
S. Paul à
Goa tres-
belle.*

rope. Plusieurs d'iceux estoient escholiers, qui s'a ddepoient és mesmes facultez: quelques vns Coadiuteurs (que nous appellons) pour faire les offices domestiques; & les autres Nouices. Au demeurant les maistres, & les escholiers ne laissoient pas durant leurs estudes de s'employer quelquesfois à la conuersion des ames; ains pour s'exercer au combat, & faire esprouue de leurs armes, tandis qu'ils les forgeoient, ils faisoient des saillies, & alloient prescher aux Infideles, avec telle serueur, qu'ils en conuertirent à la foy de nostre Seigneur plusieurs, tant és Isles de Goa, Choran, & Diuar, que des habitans de Salsete, comme nous dirons bien tost.

Voilà le commencement. & progresz du College de S. Paul, establi en la ville de Goa, duquel toutes les autres maisons, & lieux de residence, ou Colleges que nous auons en l'Inde Orientale, sont sortis, comme des Colonies; & par consequent nous pouuons dire en quelque façon, que tout le bien, qui a esté fait en Orient par le moyen de ceux de nostre Compagnie, prend sa source de là, comme d'une viue fontaine, puis que c'est comme la mere de toutes: d'où ils receuoient non seulement les aydes spirituels, pour le profit & aduancemēt de leurs ames, ains aussi les temporels, pour leur nourriture, auant qu'és lieux ou ils sont à present il y eut des maisons ou Colleges fondez. Et partant ce n'est pas sans raison, qu'on les appelle presque par tout l'Orient les Peres de S. Paul, comme si tous estoient habitans de ce College.

Les Jesuites en Orient sont appellez les Peres de S. Paul & pourquoy.

Outre ce nous auons en la mesme cité de Goa, vne maison de Profes, là ou demeurent ceux, qui viuent seulement d'aumosnes, selon nostre institut. Elle fut commencée l'an 1584. & demeura pour quelque temps avec l'approbation de N. R. P. General, ioincte d'habitation au College, bien que les Profes n'y viuoient pas des rentes d'iceluy, ains d'aumosnes seulement, ainsi qu'és autres lieux, ou il y a de telles maisons. On fit cela, tant parce qu'il y auoit assez d'espace dans le pourpris du College, que pour cause du grand concours de gens qui frequentoient l'Eglise de S. Paul; tellement qu'on se craignoit d'offenser plusieurs de la ville, qui auoient basti tout exprès leurs maisons pres du College, si l'on faisoit ailleurs les Predications, & autres exercices de pieté, qu'on a accoustumé de faire, pour le salut du prochain, & qui sont propres aux maisons des Profes, & non aux Colleges, quand il y a de telles maisons. Toutesfois cela ne dura pas long temps: car l'an 1587. on logea les Profes ailleurs, & ce en lieu beaucoup plus propre, & plus commode pour

Maison des Profes de la Compagnie à Goa.

exercer leurs fonctions, qu'ils n'estoient. Car ils furent mis au beau milieu de la ville, ou ils sont bien bastis, & entretenus par la liberalité, & munificence des habitans; & si y a il ordinairement environ quarante personnes.

*Nouitiat
de la Com-
pagnie à
Goa.*

Nous auons pareillement dans Goa vn Nouitiat, ou vne maison pour les Nouices toute separée, qu'on nomme la maison du Rosaire, ou de la Conception de nostre Dame, parce que l'Eglise ou chapelle qu'il y a, est dediée à la Vierge sacrée. Ils sont communement 35. ou 40. Nouices, outre ceux, qui les gouvernent & dressent es exercices de vertu. Encore en y a il tousiours trois ou quatre, qui demeurent en l'hospital du Roy, pour seruir les malades avec vn de nos Peres, qui est aussi là tousiours, pour entendre les confessions des malades, les consoler en leurs afflictions, & les assister & encourager lors qu'ils sont aux abbois de la mort, ou proches d'icelle. Les nouices sont enuoyez là tout expres pour s'exercer aux offices d'humilité, & de charité vn mois durant. Car entre autres exercices de vertu, esquels on a coustume d'esprouer ceux, qui veulent estre admis au corps de nostre Compagnie, cestuy-cy en est vn. Mais quand les flottes arriuent à Goa, ou il y a souuent les deux & trois cens malades, lors tous les Nouices s'en vont les prendre aux nauires, & les portent sur leurs espauls à l'hospital: là ou apres les auoir bien lauez & nettoyez avec de l'eau chaude, & des herbes bien flairantes, ils les seruent iusqu'à tant qu'ils ayent recouuré santé, ou sont passez de ceste vie. Cecy donne grande edification à toute la ville; & en y a eu plusieurs, qui par cest acte de charité ont esté esmeus, non seulement à vouloir entrer en nostre Compagnie, mais encore à embrasser la foy Chrestienne, estans auparauant infideles. Car les actes de charité & humilité Chrestienne preschent avec plus d'efficace la sainteté de nostre Foy, que les parolles des plus eloquens Predicateurs.

*DES MOYENS Q'ON A VSE' POVR AYDER
les Infideles à se convertir à Iesus-Christ; & ce qui a esté fait
en cela de plus remarquable en l'Isle de Goa.*

CHAPITRE II.

LE P. Xavier ayant veu, & cogneu par experience dans deux ans & demy, qu'il fut en l'Inde, ce qui empeschoit dauantage le cours & l'aduancement de la foy Chrestienne en ce pais là, & qui luy sembloit pouuoir & deuoir estre corrigé, s'en retournant

de la coste de la Pescherie à Goa l'an 1544. au mois de Decembre, comme il fut arriué à la ville de Cochin, trouuât là son grand amy & fort semblable à luy, quant au zele de la conuersion des Infidelles, le Vicaire general de l'Euesque de Goa, Michel Vaz, ils confererent ensemble des moyens, qu'il y pourroit auoir, pour oster ces empeschemens: & apres vne longue & meure deliberation, le Vicaire General par le conseil & aduis du Pere se resolut avec vn grand courage d'entreprendre luy mesme le voyage de Portugal, pour aller représenter ces choses au Roy Iean 3. duquel tant seulement ils pensoient, qu'on pouuoit, & deuoit esperer quelque remede. Le P. Xavier luy bailla des lettres de creance tant pour le Roy, que pour le P. Simon Rodriguez, par l'entremise duquel il auroit facilement accez au Roy, & audience sur les poincts, qu'il luy deuoit représenter. Ayās ces lettres & memoires Michel Vaz part de Cochin avec les nauires du voyage, au mois de Ianuier suyuant de l'an 1545. & arriua heureusement en Portugal sur l'esté du mesme; brieif il expédia si bien & si promptement les affaires, pour lesquelles il estoit venu, qu'il s'en retourna à l'Inde dans les premiers nauires, qui firent voile de Portugal en l'Inde, qui fut au mois de Mars de l'an 1546. rapportant vne lettre du Roy adressée à Iean de Castro, qui estoit lors Gouverneur de l'Inde, ou il luy commandoit de mettre ordre à tous ces inconueniens. Mais parce qu'on les entendra mieux, & les remedes que le Roy ordonna y estre appliqués par sa lettre mesme, nous auons esté d'aduis de l'insérer icy. Voicy donc la teneur d'icelle.

Iean Roy, à Ieā de Castre Gouverneur de l'Inde, son amy, Salut.
 Vous n'ignorez pas, que l'Idolatrie ne soit vn si grand & enorme peché, qu'elle ne doit estre aucunement soufferte en mes Royaumes. Or nous auons esté aduertis, que dans les terres de Goa l'on frequente & en public & en priué les temples des Idoles, & en outre, qu'on celebre publiquemēt les jeux & ceremonies des Payens. Et parce ie vous mande tres-expressément, & du tout enjoinct, que vous fassiez faire vne exacte recherche par ministres idoines de toutes les Idoles: & les ayāt tirées de tous les lieux, ou elles seront, vous les brisiez où brussiez, faisant defense sous griesues peines à toute sorte de gens, de fonder, tirer, grauer, faire, exprimer, ou figurer en bronze, bois, argille, plastre, ou aucun metal, ne autre matiere & masse, de tels signes ou simulachres, ou d'en tenir quelqu'un transporté d'ailleurs, ny de faire jeux ou sacrifices à la mode des

„ Payens , ne receuoit en sa maison ou prester aucun ayde ou faueur
„ aux Brachmanes, qui preschent & enseignent leur secte, veu qu'ils
„ sont tres-cruels ennemis de Iesus-Christ. Et quicôque contreuien-
„ dra à cecy, qu'il soit sans remission puny, & mulcté selon les peines
„ portées en l'Edict. Or d'autant que les Gentils doiuent estre inui-
„ tez au legitime cult & adoration d'un seul vray Dieu, non seule-
„ ment par l'esperance de la beatitude future, mais aussi quelques-
„ fois par les recompenses presentes, vous aurez soing, que les affer-
„ mes des tributs, les charges publiques, & autres offices lucratifs,
„ qu'on souloit par cy deuant bailler aux Ethniques, soient plustost
„ donnez aux nouueaux Chrestiens. T'entends que pour tirer à la
„ mer les nauires de mes flottes, l'on fait trauailler indifferemment
„ toute sorte d'Indiens; il nous plaist que les Chrestiens en soient
„ exceptez. Que si la necessité requiert quelquesfois, qu'ils y soient
„ aussi employez, vous aurez l'œil d'oresnauant que leur salaire iuste
„ & raisonnable leur soit payé. Et en toutes telles choses vous pren-
„ drez l'aduis de Michel Vaz : lequel nous auons trouué fort expert
„ & bien entendu aux affaires d'estat, & grandement zelé à la dilata-
„ tion de la foy Chrestienne. Dauantage i'ay sceu de bonne part, à
„ mon tres-grād regret, qu'il y a des Portugais, lesquels ayans achepté
„ à vil pris des esclaués, qui pourroient fort aisément estre gaignez
„ au Christianisme, s'ils demeuroient avec les Chrestiens, ils les re-
„ uendent neantmoins à des marchans Mahometains & Barbares,
„ pour en tirer un plus grand gain, non sans vne certaine perte des
„ ames : vous inhiberez par Edict rigoureux, que telle meschanceté
„ ne se cōmette plus à l'aduenir, & que les serfs & esclaués ne soient
„ vendus sinon aux Chrestiens. La licence des vsuriers, que nous en-
„ tendons estre autorisée par certain article des Ordonnances de
„ Goa, sera reprimée par vostre autorité, & puissance: & que cet ar-
„ ticle soit rayé au plustost d'entre les autres loix. Faiçtes bastir vne
„ Eglise à l'honneur de S. Ioseph à la ville de Bazain, & assignez sur
„ mon reuenu vne pension suffisante, pour nourrir le Vicair d'icelle
„ avec quelques autres beneficies, pour y faire le seruice diuin. Quāt
„ aux trois mille pardaos de rente annuelle, que les Mahometains
„ souloient employer cy deuant pour l'entretien de leurs Mosquées,
„ & le culte abominable de Mahomet, ils seront d'oresnauant don-
„ nez aux Predicateurs de l'Euangile, & à ceux, qui trauaillent à la
„ conuersion des Infideles. Que le Vicair de Chalé departe annuel-
„ lement de mes tributs trois cents boisseaux de riz aux nouueaux

Chrestiens, qui ont esté instruits par Michel Vaz, & aux autres " qui se joindront encore à Iesus-Christ. Nous auons entendu, que " les poids, les prix, & cōuentions jadis faictes avec les Chrestiens de " S. Thomas, qui vendent le poiure au Royaume de Cochin, sont " rompuës & transgressées par nos marchands, & qu'on leur fait per- " dre le surcroist, qu'on fouloit adjouster au prix par conuention " expresse, dont ils sont fort lisez & offencez, bien que pour beau- " coup de raisons on les deuroit releuer indemnez de tous dom- " mages. Et par tant vous aurez vn tref-grand soing, qu'en ces com- " merces telles personnes soient entierement desdommagées, & les " traicterez en cecy & en toutes autres choses humainement, & " amiablement; ainsi qu'on doit faire entre Chrestiens, mesme qui " sont nos alliez. Vous procurerez aussi de faire en sorte avecques le " Roy de Cochin, qu'il permette que certaines ceremonies Payen- " nes, que ses Augures ont accoustumé de faire en la vente du poiure " (attendu qu'il n'y a aucun interest) soient ostées de nostre com- " merce. L'on dit que les Indois de son obeysance, qui laissans les " Idoles embrassent la Religion Chrestienne, sont incontinent par " luy expoliez de tous leurs biens. Vous tascherez par tous moyens " de destourner ce Roy, qui se dit nostre amy, d'une telle inhumani- " té: & nous luy escrirons aussi sur ce mesme sujet. Vous m'avez " vous mesme affectueusement recommandé, & en presence & par " lettres l'affaire des Socotorains: ie desire bien fort que ces peuples " là soient tirez de la miserable seruitude, en laquelle ils sont, mais " avec condition, que le Turc, sous le pouuoir duquel ils sont, n'en " soit pas irrité dauantage, & ne s'accoustume pas peu à peu d'en- " uoyer des flottes en ces mers là. Vous aduiserez à tout cela selon " vostre prudence, & l'usage, qu'avez de ces affaires avec l'aduis de " Michel Vaz. L'on dit que les habitans de la Pescherie sont outra- " gez par mes Capitaines en diuerses manieres; & mesmes en ce, " qu'ils les contraignent de ne vendre les perles, qu'ils peschent à au- " tres, qu'à eux & à pris desraisonnable. Vous prendrez donc soi- " gneusement garde que la libre puissance de vendre ne soit ostée à " ces peuples là; & que mes Capitaines ne s'approprient rien en ce " commerce. Et pour oster encore le reste de ce qui pourroit ve- " xer ce peuple, vous verrez si ces costes peuuent estre suffisamment " gardées & mes tributs cōmodement payez, sans y tenir des flottes. " Car si cela se peut faire, il n'y a point d'occasion d'y nauiger doref- " nauant. Dauantage vous consulterez avec Maistre François Xavier "

„ & aduiferez, s'il est expedient, & loisible, pour l'augmentation de
„ ceste Eglise là, que la puissance de pescher les perles soit seulement
„ donnée à ceux, qui se seront rendus Chrestiens: & qu'on empesche
„ que les autres ne jouissent de ce profit & commodité iusqu'à ce
„ qu'ils se soient recogneus. L'entens que ceux des Ethniques, qui se
„ sont conuertis à Iesus-Christ, comme s'ils estoient des scelerats &
„ execrables, sont par leurs parés, alliez & amis chassez de leurs mai-
„ sons, exheredez, & reduits incontinent à vne grande pauvreté, &
„ solitude. Pour soulager leur indigence, en ayant communiqué avec
„ Vaz, vous aurez soin de leur faire departir par le Prestre, qui aura
„ moyenné leur conuersion certaine somme d'argent prise sur mes
„ reuenus. De l'Isle de Ceilan l'on dit, qu'un ieune enfant de la race
„ des Rois, fuyant la cruauté, ie ne sçay si de son oncle, ou de son pe-
„ re, s'en est venu rendre à Goa, pour recevoir le baptesme. Quant à
„ la personne (attendu qu'il n'importe pas peu pour la conuersion
„ des autres) vous donnerez ordre, qu'il soit instruit en doctrine, &
„ & bonnes mœurs dans le College de S. Paul avec les autres pen-
„ sionnaires: mais quant à son viure, & entretien ie veux qu'il soit trai-
„ cté ho iustement, & magnifiquement en vn logis à part. Il m'a es-
„ crit luy mesme, qu'il a droict & action au Royaume de Ceilan.
„ Vous aduiferez que c'est, & m'escrirez ce qu'il y a en cela, apres
„ vous en estre bien enquis & acertaine. Mais en ce que ce Roy là a
„ vsé d'une telle cruauté à l'endroit de ceux de son Royaume, qui ont
„ embrassé la foy Chrestienne: ie desire bien qu'au plustost vous en
„ fassiez vne punition tardive voirement, mais neantmoins telle qu'il
„ a meritée; & que vous punissiez rigoureusement vne si grande auda-
„ ce, & impieté: A celle fin qu'un chascun entende, que ie n'ay rien
„ plus à cœur, que de garantir de tout tort, & dommage ceux, qui
„ abandonnans le party du Diable, se viendront renger sous la ba-
„ niere de Iesus-Christ. Il n'est pas bien seant de permettre parmy les
„ Chrestiens, que les artisans Ethniques peignent les Images de N.
„ Sauueur, de la sacrée Vierge, ou des autres Saints, ny aussi qu'ils les
„ portent vendre çà & là. Vous defendrez donc à peine du fouët, &
„ du bannissement, qu'aucun profane n'ait à peindre, ou à debiter au-
„ cunement de tels tableaux ou images. C'est vne chose fort inde-
„ cente, que l'Eglise Paroissielle de Cochîn, & celle de Coulan en-
„ commancées long temps y a demeurent exposées à la pluye, en
„ danger de se pourrir, vous aurez soing de mettre apres des ouuriers
„ & artisans: afin qu'elles soient au plustost couuertes & paracheuées.

Nous voulons aussi, qu'au village de Noroa, soit basti vn temple à l'honneur de S. Thomas, & que l'Eglise de la sainte croix encomencée à Calapor soit achenée, & qu'encore l'on en bastisse vne autre en l'Isle de Chorā; & en outre, qu'és lieux cōmodés on dresse des auditoires, & escholes; ausquelles à certains iours prefix & arrestez, s'assemblent non seulement les Chrestiens, mais aussi les Payens (mesmes par force si besoing est) pour entendre l'Euangile. Or d'autāt qu'en ceste mieuue Seigneurie, la chose, que ie veux tenir le premier & le plus haut lieu, est l'obeyssance deuē à Dieu, & l'accroissement de la Religion Chrestienne, ie desire bien fort que des terres de Salsete, & de Bardes, qu'Idalcan m'a naguieres cedées, l'on arrache entierement le culte des Idoles, & les superstitions profanes des Gentils. Et à fin que cela se face sans tumulte, & violence (mesmes au cōmencement) il est expedient qu'on remonstre à ces peuples fort doucement, & amiablement, par raisons & disputes, en combien grande erreur & ignorance de la verité ils uiuent; & quelle impieté & meschanceté c'est, que l'homme attribue à des Idoles, & a des pierres, l'honneur qui est deu à vn seul Dieu. Or à fin de chasser ces tenebres là, vous employerez des gens excellens en vertu, & en doctrine; vous aussi de vostre costé, ferez appeler par deuers vous, les principaux de ces peuples, pour leur parler, & les admonester, taschant par tous moyens de les amener par douceur à Iesus-Christ. Ceux qui se rendront à la verité, vous les prendrez en vostre protection & sauuegarde, & non seulement les defendrez, mais encore les carresserez & honorerez selon le degré, & le merite d'un chascun. Je vous fais sçauoir, que tout ce que dessus nous est bien fort à cœur, & i'esperē tant de vostre probité & industrie, que vous en aurez vn soing particulier. d'Almerin, ce 8. Mars, 1546. C'est le contenu de la lettre du Roy, d'où l'on peut voir le saint zele & deuotion de ce vertueux, & vraiment Chrestien Prince: lequel parmy tant d'affaires, qu'il auoit sur les bras, ne s'oublie point de ce qui est du seruice diuin; ains en à vn soing si particulier, que nous auons veu. Dieu aussi le benissoit, & fauorisoit tellement ses affaires, qu'il luy faisoit gagner des plus belles & miraculeuses victoires, qu'on ait veu de nostre temps, & mesme celle que le Gouverneur auquel il eserit, Jean de Castro, obtint biē tost apres contre les Tures & les Barbares, en la deliurance du siege de Diu. De sorte, qu'il seimble qu'au mesme temps, qu'il monstroit tant d'affection aux choses du culte diuin; Dieu aussi recompensoit sa

*Effets de
la lettre
du Roy.*

bonne volonté, avec de si heureux succez. Au reste Michel Vaz estant arriué en l'Inde avec la susdite lettre, plein de bonne esperance, le Gouverneur la fit bien lire en plein Conseil: mais l'exécution ne s'en ensuyvit pas telle, qu'il eut esté bien raisonnable. Les plus aisez articles furent obseruez, & vuidez à peu pres: les autres, partie d'autant qu'ils empeschoient les commoditez priuées de plusieurs, ne furent pas receus de bon visage par le peuple, partie aussi d'autant que la saison n'estoit pas encore propre, furent differez en autre temps. Il trouue neantmoins que Michel Vaz par auctorité du Roy, fit mettre par terre les Pagodes de l'Isle de Goa, abolit les jeux & ceremonies Payennes, avec les festes & sacrifices, qu'on y faisoit encore aux Idoles publiquement: Fit bannir les Brachmanes, qui empeschoient le plus l'aduanancement de la foy: Obtint qu'on baillast à ceux, qui s'estoient de nouveau rendus Chresttiens, les charges & offices, qui se commettoient deuant aux Gentils, au grand preiudice de la conuersion de plusieurs, selon que le Roy mandoit en sa lettre. Et partant, i'estime que ce fut en vertu d'icelle que tout cela se fit.

*Michel
Vaz
meurt à
Chaul,
empoison-
né par les
Brachma-
nes.*

Par tels & semblables moyens, desquels on se seruoit pour gaigner ces peuples à la verité, plusieurs se rengèrent à la foy. Ce qui enflamma tellement la rage & le courroux des Brachmanes, mesmes contre ledit Michel Vaz, qu'ils le firent mourir par poison (ainsi qu'on tient pour assuré) en la ville de Chaul, où il s'employoit fort soigneusement pour le bien de la foy Chrestienne. Aussi estoit-ce vn homme des plus zelez, qu'il y ait eu en l'Inde à l'aduanancement d'icelle. Car selon qu'il a esté dit, il entreprit vn tel affaire, où il voyoit bien, qu'il auroit de grandes difficultez, & contradictions: & a ceste cause fit le voyage de Portugal, & en retourna sans pretendre, ny vouloir accepter autre recompense du Roy, que le profit qu'il esperoit en deuoir reüssir, pour la Chrestienté de ce pais là.

*Judicis
ambis-
sieux.*

Or d'autant que les Indiens sont de leur nature fort ambitieux & desireux d'honneur, on tasche par ce moyen encore de les attirer à la cognoissance & legitime culte de leur Createur, non seulement baillant, comme a esté dit, aux nouueaux Chresttiens les charges publiques, & honorables; mais encore celebrant leur baptêmes avec la plus grande pompe & magnificence qu'il est possible. Et par ce que aussi l'on a expérimenté que ces gens là sont fort esmeus par les choses exterieures, à celle fin qu'ils n'ayent pas tant de diffi-

culté à laisser leurs superstitions & damnables ceremonies, on leur faiét voir la majesté de celles, que l'Eglise obserue sainctemēt, mesmes en l'apparat des baptelines, qui sont vn peu plus celebres, ou pour la multitude des Catechumenes, qui doiuent estre baptisez, où pour la qualité des personnes. Et pource il sera bon d'escrire l'ordre & la façon, qu'on garde és baptelines, qu'on faiét à la cité de Goa, puis que la chose le merite, & qu'elle peut seruir d'exemple en pareil cas.

Quant aux preparatifs, à fin d'assembler des villages, ou des paroisses de toute l'Isle de Goa, ceux qui veulent se rendre Chrestiens, les Religieux de nostre Compagnie, ausquels a esté donnée la charge de prescher la foy Chrestienne aux Infideles de ceste Isle, & autres lieux proches de Goa (car pour eiter confusion, & à fin que l'un ne mette pas la faux dans la moisson de l'autre, l'on a faiét vne diuision de tous les quartiers de l'Inde, assignant à chascun des ordres de Religion, qui sont là, le leur, comme ceux de S. François ont l'Isle de Ceilan, ceux de S. Dominique, le Royaume d'Ormuz, & ainsi des autres) ceux donc de nostre Compagnie, qui ont soing de l'Isle de Goa, s'en vont aux lieux, ou ils ont presché, pour recueillir le fruiēt de ce qu'ils y ont semé, & ramasser ceux, qui desirerent estre baptisez, menans quant & eux les Curez ou Vicaires de ces lieux, s'il en y a, & quelques officiers de iustice; à fin que le tout se fasse avec plus de paix, euitant les ennuis, fascheries, & trauerfes, que les parens infideles, & amis de ceux qui se veulent conuertir, ont accoustumé de leur donner, pour les destourner de leur bon propos. Car les gens de iustice estans là, ils n'osent leur faire aucun desplaisir. De là on les conduit à la maison des Catechumenes à Goa. Car il y a vn logis basti tout expres pour retirer ceux, qui sont instruiets en la foy. Ce logis est diuisé en deux, ayant deux diuerfes entrées. L'un quartier est pour les hommes, & ieunes enfans; là ou vn de nos Peres s'en va deux fois le iour, avec vn compagnon, pour leur aprendre ce qui est necessaire que sçache tout Chrestien. En l'autre sont retirées les femmes, & ieunes filles aussi Catechumenes, pour l'instruction desquelles il y a d'honnestes Dames, & bien duietes aux exercices de vertu & pieté, qui vont pareillement leur enseigner ce, qui leur conuient sçauoir auant le baptisme. Apres qu'ils ont tous apprins ce qu'il faut, l'on arreste vn iour de feste, & communément des plus celebres, pour leur conferer le baptisme. D'ordinaire c'est le iour de la Circoncision de nostre Seigneur, lors

*L'ordre
qu'on gar
de aux
baptel
mes plus
celebres*

*Maison
des Care
chumenes*

qu'on le donne en la maison des Profes de nostre Compagnie : & quand on le faict au College, c'est le iour de la Conuerſion de S. Paul: par ce que ce ſont les feſtes des deux Eglises : lesquelles ſont pour lors parées des plus riches tapiſſeries, qui ſe trouuent en la ville, & de force fleurs, verdure, & ramées car ils ſont lors en eſté, & en Autoune. L'on tapiſſe auſſi les ruës par ou les Catechumenes doiuent paſſer; chaſcun s'eſtudiant de mettre au deuant de ſa maiſon le plus beau, & le plus riche, qu'il à. On donne ce iour là a chaſcun de ceux, qui doiuent eſtre baptizez, vn accouſtrement neuf, ſelon la qualité de la perſonne. En quoy communément les Prelats, Vicerois, & autres gens de marque & de moyens, qui ſe trouuent à la ville, ſont paroiſtre leur liberalité. Chaſcun d'eux prenant certain nombre de Catechumenes, pour veſtir, à fin d'eſtre participants du merite de ce bon œuure. Le iour du baptême eſtant venu, les enfans de la doctrine Chreſtienne (deſquels nous auons parlé cy deuant) ſortent veſtus de leurs robbes blanches avec la croix rouge ſur la poiſtrine, couronnez de guirlandes, ou chapeaux de fleurs, portans en main des rameaux verdoyans : & marchent de la façon deux à deux ſous la banniere de la croix. Suyuent apres tous les eſcholiers du College chaſcun en ſon rang, ſelon l'ordre de ſa Claſſe, & meſme les Philoſophes & Theologiens y vont, tous en belle ordonnance, ſous leurs enſeignes, conduits par leurs Capitaines, & Sergens de bande, comme ſi c'eſtoit vne armée. Il n'y a pas auſſi faute de trompettes, clairons, haut-bois, fifſſes, ou tambours. Finalement les Religieux de nostre Compagnie marchent deux à deux ſous l'eſtendart du Crucifix. De ceſte ſorte ils s'en vont à la maiſon des Catechumenes: qui attendent, qu'on les aille querir, pour eſtre menez à l'Egliſe, ou ils doiuent receuoir le baptême. Et auſſi toſt que les autres ſont arriuez, ils ſortent tous veſtus à neuf, portāt chaſcun en la main vn rameau de palme. Les hommes & les enfans vont tous de rang chaſcun ſelon ſon aage ; & les femmes avec les filles ſont vne autre bande. Voylà comment ils ſont conduits avec magnificence par les ruës, iuſques à l'Egliſe, ou ils doiuent eſtre baptizez. Là ils ſont attendus bien ſouuent du Viceroy meſme, ou du Gouverneur, & des plus apparens de la ville, qui les doiuent tenir ſur les fonts. Quelquesfois auſſi l'Archeueſque s'y trouue, & dōne à quelques vns le baptême. Auant qu'ils arriuent à l'Egliſe, les eſtudiants du Seminaire ſortent pour leur aller au deuant avec la croix, marchans de deux en deux avec grande modeſtie, iuſqu'à ce

*Proceſſio
des Cate-
chumenes*

qu'ils les rencontrent, & lors ils rebrouffent chemin avec eux. A la porte de l'Eglise ils trouuent plusieurs de nos Peres reueſtus du ſurpelis avec l'eſtole, pour faire les exorcismes, & autres ceremonies accoustumées. L'un d'iceux porte encore vn pluuiel: & c'eſt luy, qui commence l'office: puis les autres pourſuyuent. Tandis qu'on leur confere le baptême, les Muſiciens chantent de beaux motets: *Comment on leur confere le baptême.* & mariâs l'harmonie de leurs voix avec celle de diuers instrumens, que menent les Arſges & toute la Cour Celeſte, pour la conuerſion de tant d'ames. Car ils ſont quelquesfois trois cens, où dauantage. Apres qu'ils ont receu le baptême, ils s'en vont tous de rang ſuyuis de ceſte honorable compagnie, preſenter deuant le grand Autel, ou repoſe le tres-ſainct Sacrement du precieus corps de Ieſus-Chriſt, pour luy rēdre graces d'un ſi grand benefice, que d'auoir eſté ſaiçts ſes enfans. On donne à diſner ce iour là aux hommes & enfans nouuellement baptizez dans la maiſon ou College de la Compagnie, eſtâs ſeruis à table par les Religieus meſmes. Les femmes & les filles ſont menées par quelques Dames d'honneur & de moyens en leur maiſons, là où elles lès feſtoient charitablement, & magnifiquement. Le lendemain matin, tous les nouueaux baptizez ſe retrouuent à la meſme Eglise, où ils ont receu les preminces du S.Eſprit; & apres auoir ouy deuotement la Meſſe, ils prennent congé de ceux, qui les ont inſtruits en la foy, & s'en retournent fort contrēs & ioyeux en leurs maiſons. L'on à ſoing de les aller viſiter quelquesfois à leurs villages & parroiſſes, pour les exhorter à perſeuerer en la foy, qu'ils ont receuë, & viure en bons Chreſtiens. C'eſt la façon qu'on tient és baptêmes plus celebres, qui ſe font à Goa, & ailleurs auſſi, tant qu'on peut, à fin de donner plus de luſtre & de credit à noſtre ſaincte foy. Ce qui à cauſé la cōuerſion de pluſieurs à icelle.

Or d'autant que ce ſeroit vne choſe trop longue, & trop ennuyeuſe, ſi nous voulions raconter par le menu tous les baptêmes, & le nombre des perſonnes, qui l'ont receu, en l'Isle de Goa, depuis le commencement iuſqu'à icy; & d'ailleurs qu'on ne tronue pas les memoires de toutes les années, ie me contenteray d'en narrer quelques vns en particulier des plus remarquables: & de dire en general que le nombre des Chreſtiens y a prins vn notable accroiſſement, meſme depuis l'an 1556. Car les quatre années ſuyuantes, outre *Nombre des baptizez en 42*

ans à l'Isle de Goa Dominique (dont on ne sçait bonnement le nombre) ceux de la Compagnie en baptiserent premierement mil octante; & bien tost apres mil neuf cents seize: puis trois mil deux cents soixante: finalement il en y eut douze mille sept cens quarante & deux en vne seule année, & depuis tousiours le nombre des Chrestiens est allé croissant.

Mais parce qu'il y a eu des conuerfions fort remarquables tant pour la qualité des personnes, que pour les choses qui y sont suruenues, nous en toucherons icy quelques vnes seulement des plus singulees, laissant le reste à part. Et entre autres celle du Roy de Tanor, laquelle apporta beaucoup de resiouyffance à la ville de Goa, promettât plus d'esperance, qu'elle ne donna d'effect: & jasoit que la fin ne respondit pas au commencement: toutesfois ie ne lairray pas de la raconter icy: parce que cecy appartient à nostre sujet, & l'on y peut apprendre beaucoup.

*Tanor vil
le du Roy-
aume en
l'Inde.*

Il y a donc vne ville maritime nommée Tanor au delà de Goa enuiron 80. lieues, & deçà Calicut enuiron 15. laquelle est Capitale d'un Royaume des Malabares, appellé aussi Tanor. Le Roy d'iceluy estoit de la secte des Brachmanes, comme sont plusieurs autres Rois des Malabares. Il auoit neantmoins dès sa ieunesse porté beaucoup d'affection aux Portugais, & auoit contracté particuliere amitié avec Loys Xiraloup Gouverneur de la citadelle de Chalé, où (comme quelques auteurs l'appellent) Cialé, que les Portugais ont deux lieues par delà Calicut. Il escoutoit tres-volontiers vn Pere de l'ordre de S. François nommé F. Vincent compaignon de l'Euesque de Goa, duquel a esté parlé cy dessus; & le Vicair de Chalé nommé Iean Soarez, qui l'alloient voir souuent. Or comme c'estoit vn ieune Prince d'un bon naturel, fort docile, & de gentil esprit, il print vn si grand goust aux choses de nostre Foy, desquelles les Portugais luy parloient, qu'il demanda instamment d'estre baptizé. Mais auant ce faire, il escriuit au Gouverneur de l'Inde, qui estoit lors Iean de Castro, l'aduifant comme il auoit resolu de se faire Chrestien, & tascher aussi que tout son Royaume suyuit son exemple; mais parce qu'il se craignoit qu'en ce changement de Religion il n'y eust quelques reuolutions en son Estat, il le prioit bien fort de le vouloir assister de son ayde, s'il en estoit de besoings; & se vouloir trouuer à son baptesme, pour l'auctoriser dauantage. Le Gouverneur luy rescriit, qu'il estoit fort aise de sa resolution, loüant grandement son desir, & luy faisant beaucoup d'offres, pour

*Le Roy se
veut ren-
dre Chre-
stien.*

l'ayder en ce qui se presenteroit. Mais parce que les desfrances, qu'il auoit du Roy Idalcan, ne luy permettoient pas de s'esloigner beaucoup de Goa, il le prioit de l'excuser, s'il ne pouuoit assister (comme il eust bien desiré) à son baptême : toutesfois qu'il y enuoyeroit en sa place son fils D. Aluare de Castro, avec l'Euesque de Goa, pour le baptiser, remettant à vn autre temps sa venue. Il luy manda ceste lettre par M. Iacques de Borba, auquel il donna charge de sonder de plus pres la volonté du Roy, & de l'aduiser de tout par lettres. Ce qu'il fit aussi, & luy escriuit, qu'il y auoit quelques picques entre luy, & le Zamorin, qui est le Roy de Calicut, son beau frere, touchant quelques terres de la riuere de Panané. Ce qui fit doubter le Vice-roy, si ceste conuersion estoit feinte, ou non, tellement qu'il fit proposer l'affaire au Conseil d'Etat, là où il fut resolu qu'on ne promettroit point de secours au Roy de Tanor, & que le Gouverneur ne pouuoit se charger d'autre chose, que de luy enuoyer quelqu'un, qui l'endoctrinat ; mais non pas de luy assister par armes contre les Rois ses voisins, si pour ceste cause ou quelque autre il luy declaroient la guerre. Avec ceste responce le Roy de Tanor ayant perdu toute esperance de la venue du Gouverneur, se resolut neantmoins avec l'aduis de ceux, qui le catechisoient, de recevoir le baptême en cachette. Ce qu'il fit aussi, tellement qu'il fut baptisé par Iean Soarez, & tenu sur les fonts par Xiraloup, & Cosme Anes sur-intendant des finances du Roy de Portugal : le quel dauanture retournant lors de Cochîn, auoit prins terre à Tanor, pour saluër le Roy. Il print le nom de Iean en faueur du Roy de Portugal Iean 3. Avec luy fut aussi baptisée la Roynne sa femme, & vn des Gouverneurs du Roy de Chale, avec vn autre des Caimales ou Satrapes de ce Royaume. On tenoit la chose secrete, de peur qu'il ne s'esleuat quelque esmotion parmy le peuple : & afin qu'on ne s'en aperceut, le Roy portoit tousiours ainsi qu'auparauant trois filets pendus au col, qui est vne marque de la superstition des Brachmanes, combien qu'il tint aussi cachée en son sein vne petite image d'airain representant Iesus-Christ crucifié, que luy auoit donné le P. Vincent.

Quelque temps apres, qu'il eut esté baptisé, il luy vint enuie d'auoir quelque Pere de nostre Compagnie, pour estre instruit plus à plein, comme il disoit, des choses de la foy Chrestienne. Le Gouverneur de l'Inde, qui estoit lors Garcia de Sá, ayant succédé au gouuernement par le decez de Iean de Castro, ainsi qu'a esté dit cy

deuant, luy enuoya le P. Antoine Gomez, qui auoit esté laissé du P. Xavier, lors qu'il s'en alla au Iapon, pour Recteur du College de S. Paul. Le Pere estant party de Goa au mois d'Auril de l'an 1549. trouua le Roy, Chrestien quant au baptême, mais pour le reste, autant Brachmane, comme deuant, & outre ce qu'il auoit guerre contre le Zamorin, & autres Princes ses voisins. Si tost qu'il fut arriué à Tanor il se met à catechiser tout de nouueau le Roy, lequel se monstroït aussi docile, qu'on eust sceu desirer, aprenant le oraisons Chrestiennes, & les recitant avec beaucoup de signes de pieté & de deuotion, parlant mesme des mysteres de nostre Foy, comme personne, qui les entendoit, & qui y prenoit vn singulier goust, tellement qu'il espandoit mesme beaucoup de larmes deuant l'image du Crucifix. Sôme qu'a portes closes il n'y auoit que redire en la foy du Roy, bié qu'il la tenoit cachée, & couuerte sous le manteau de ses anciennes ceremonies de Payen. Car bien qu'au dedans de la maison, & dans sa chambre seulement à la veuë du Pere, il fit à genoux son oraison à Iesus-Christ: si est-ce qu'en la presence du peuple il alloit aux Pagodes, & temples des Idoles, de mesme que les autres Infideles. Mais on luy auoit donné le baptême, & il l'auoit receu avec ceste condition, disant, qu'il ne pouuoit faire d'autre façon au commencement sous peine de perdre son Royaume, specialement à cause d'un sien frere, qui y pretendoit, appuyé sur la faueur d'un des Seigneurs Gentils ses voisins, lequel n'attendoit autre occasion pour se mettre en campagne, que de voir ses vassaux mescon tens de luy. Et parce que le Pere Antôine Gomez estoit en cela de contraire aduis à ses premiers maistres, le Roy eust enuie d'aller à Goa, pour traicter (comme il disoit) de cest affaire luy mesme deuant l'Euesque & autres Theologiens, en presence du Gouverneur de l'Inde; auquel pour ceste cause il enuoye des Ambassadeurs, pour luy demander congé, & moyen de s'embarquer avec assurance, alleguant l'ancienne amitié qu'il auoit avec les Portugais, & la nouuelle encore depuis qu'il s'estoit fait Chrestien. Ceste Ambassade apporta autât de resioiïssance à la ville de Goa, que tout autre qu'on y eust receu auparauant en telle matiere: car comme nous croyons volontiers ce que nous desirons, avec la venue de ce Roy les Portugais se promettoient desia voir tous les Princes Malabares aliez ou subjets à la Couronne de Portugal, & par son exemple conuertis à la foy Chrestienne. Le Gouverneur, qui estoit lors George Cabral par la mort de Garcia de Sá estant informé

*Desire
d'aller à
Goa &
pourquoy*

informé du P. Antoine Gomez, comme le Roy estoit encore tenu des siens pour Brachmane, fut en grand doute s'il luy deuoit permettre de venir à Goa; luy estant aduis que c'estoit vne chose peu conuenable de receuoir & traicter en la Cour de l'Inde cōme Chrestien,celuy qui en l'exterieur se portoit comme Gentil. Toutefois pource qu'il y auoit d'autres, qui estoient de contraire aduis, il fit là dessus assembler vn Conseil, auquel assisterent trente Gentilshommes des principaux de la Noblesse, trois Thresoriers du Roy, l'Euesque de Goa, & le Gardien des Cordeliers. L'Euesque dit que ces filets que le Roy portoit pendus au col ne deuoient pas estre prins en mauuaise part en luy, qui estoit nouuellement baptisé. D'autant que Ioseph d'Arimathie (que les saintes lettres tesmoignent auoir esté homme iuste) Nicodeme aussi, & Gamaliel (gens de grande foy, & rare probité) furent disciples occultes de Nostre Seigneur, pour la crainte des Iuifs. Que pour la mesme cause les Apostres auant que receuoir la plenitude du S. Esprit s'estoient tenus cachez durant quelques iours dans vn mesme logis, les huis clos. Que ce braue Capitaine & vaillant champion de Iesus-Christ S. Sebastien apres auoir receu sa Foy, auoit neantmoins retenu les ornemens militaires des Romains: afin de n'estre recogneu pour Chrestien; & pouuoir en cest habit dissimulé assiter les Chrestiens, qu'on martyrisoit, de son ayde, & les encourager à supporter constamment le martyre. Ce qu'il fit iusqu'à ce que l'occasion se presenta de declarer deuant l'Empereur Diocletian, qui estoit celuy, qu'il adoroit, & auquel il seruoit nuit & jour. De mesme qu'il falloit temporizer avec le Roy de Tanor, & luy permettre pour quelque temps de se tenir caché: puis que ses affaires n'estoient pas en telle disposition, qu'il peut faire profession publique du Christianisme: en attendant que les Naires, & autres grands Seigneurs de son Royaume fussent peu à peu retirez de leur superstition, & idolatrie. Que toutes choses ont leur temps, lequel il faut que l'homme sage attende; car bien souuent les choses, ausquelles on peut remedier avec patience & douceur, s'empirent, ou sont du tout gastées par precipitation, & opiniastrété. Ces raisons & plusieurs autres, furent apportées par l'Euesque, qui sans doute parloient d'une bonté naturelle, dont il estoit doué, & de l'affection qu'il portoit à ce Roy; ne se prenant pas toutesfois garde, combien il y a de difference entre l'habit d'une nation, & les marques d'une Religion, ou superstition. Si est-ce que l'autorité de l'Euesque

*On doute
comment
on l'y doit
receuoir.*

*L'Euesque
que ap-
prouue sa
dissimu-
lation.*

*On l'en-
uoye que-
rir.*

l'emporta, & furent de son aduis le Gouverneur & la plus part du Conseil. Incontinēt apres cela, Jean Lopez fut despeché avec huit Galeres à deux rames pour banc, à fin d'aller querir le Roy. Ayant mouillé l'ancre à l'entrée de Tanor, il luy faict sçauoir son arriüée par messagers expres, lequel apres l'auoir bienueigné par les mesmes, commence à s'apprester pour partir soudain. Cela estant diuulgué par la ville, ses parens, avec quelques autres des plus grands & principalement les Brachmanes se rendent aupres du Roy, l'admonestent, le prient, & reprient de ne vouloir point abandonner son Royaume sans occasion : ny fier sa vie à vne nation estrangere, & incogneüe; & puis qu'il auoit esté instruiet en leur secte, & imbu de leurs sainctes & tres-anciennes ceremonies, qui le rendoient si venerable à tous, qu'il ne la souillat pas d'une si profane, & impure Religion que celle des Chrestiens. Mais comme le Roy ne tenoit pas compte de ces admonitions, & prieres, estant du tout resolu à faire ce voyage, ils deliberent d'vser de force; tellement qu'ayant faict vne secrette coniuration entre eux, ils enferment le Roy dans vne forteresse enuironnée de trois murailles, & mettent aux portes de bonnes & seures gardes. Le Roy se voyant ainsi enfermé, ne changea pas pour cela de resolution; ains se trouuant seul au temps de la nuit le plus coy, lors que tous dormoient, il se met en deuoir deschapper. Ayant donc trouué par là quelque corde, il l'attache à vne corne de cerf, qu'il rencontra par cas fortuit; & apres auoir liée à ces cheueux l'image qu'il auoit de Iesus-Christ crucifié, l'ayde duquel il inuquoit à tout propos, il iette ceste corne recourbée par dessus les creneaux de la muraille, à fin d'arrester & retenir la corde, puis se prenant à icelle se guinde en haut, & l'ayant passée de l'autre costé, il se coule en bas tout doucement, faisant le mesme à l'autre muraille. Comme il eut passé de ceste sorte les deux murs, à la descente du troisieme, d'autant que la corde se trouua courte, à cause que ceste muraille estoit plus haute que les autres, il se iette en bas; & se blesse en la teste, & en l'une des iambes. De là s'estant à toute peine traîné iusques au corps de garde des Portugais, voulüt monter dās vn esquif, il se cuyda noyer à raison que les eaux estoient lors enflées. Finalement apres auoir eschapé tant de dangers, il arriue aux nauires des Portugais, qui le receurent avec tres-grande resiouyssance. A peine estoit il monté dans le nauire de l'Admiral, que ceux de la ville se prennent garde de sa retraicte, estant aduertis par le saluē de l'artillerie, que les Portugais l'acherent soudain en signe

*Est enfer-
mé dās vne
forteressa
par les
gens.*

*Est happe
meruel-
leusement,
& se rend
aux nau-
ires des
Portu-
gais.*

de lieſſe; tellement qu'ils ſ'en courent au port, & luy tendans les mains, luy font la larme à l'œil les meſmes prieres, que deuant. Mais il les conſola tous, leur promettant d'eſtre bien toſt de retour, & en ayant prins quelques vns avec ſoy, ſe met à la voyle la route droite de Goa. Comme il en fut proche, le Gouverneur de la ville nommè François de Lima, ſort avec force petits vaiſſeaux parez de ſoye le diuerſes couleurs, pour luy aller au deuant à l'entrée du port. A ceſte entreueuë, les trompetes, les clairons, & tambours, commencent à ſonner d'une part & d'autre. Puis s'eſtans entrefaluez & recueillis de quelques propos communs, le Roy fut conduit à vn lieu de plaifance, où il y auoit vne maiſon appreſtée à la Royale, & la il paſſa ceſte nuit. Le lendemain paré d'un habit fait à l'Eſpagnole & d'une chaiſne d'or, avec vne belle ſuite & compagnie, il eſt mené à la groſſe tour, où il trouue le Gouverneur, qui l'attendoit avec les citoyens, & le peuple, tous preſts pour le recevoir avec vn bel ordre, qui fut tel, à ce qu'on dit. A la porte, par où il falloir entrer, le Gouverneur François de Lima, tenoit les clefs de la ville dans vn baſſin d'argent, pour les preſenter, ſelon la couſtume, au Roy leur nouuel hoſte. Les officiers de la ville portoient ſur des baſtons dorez vn poile de velours rouge cramoyſi, avec les franges de ſoye, teinte en eſcarlate. La ruë qu'on nomme droite, & qui meine à la grande Eglife, paſſant par deuant l'hoſtel de Sabaï, bien nettoyée, arrouſée & couuerte de ramée, auoit les murs d'un coſté & d'autre parez de precieuſe tapifferie, & de tableaux de diuerſes peintures; les Confreries & Cōuens de Religieux, les Curez des paroiſſes, le Chapitre, avec tout le Clergé, reueſtu de leurs ſurpelis, & autres habits ſacrez, eſtoient d'une part & d'autre de la ruë à la file; & l'Eueſque eſtoit le dernier de tous, qui portoit vne grande croix. Le Roy entre dans la ville, bien aïſe de voir tant de ſignes d'allegreſſe, qu'on monſtroit à ſa venue, mais ſur tout de l'honneur qu'on luy faiſoit de luy preſenter les clefs. Il marche ſoubs le poile fort lentement, à cauſe de la grande preſſe & multitude de gens, qu'il y auoit par les ruës (outre vne infinité de monde, qui regardoit des fenêtres, & autres lieux d'en haut) de ſorte que les ſergens auoient grande peine à faire faire place au Lieutenant General des Indes, qui alloit par honneur deuant le poile. Le Roy eſtant arriué à l'Eueſque, qui eſtoit reueſtu de Pontifical, apres auoir receu la benediction ſolemnelle, embrasſe la croix avec grande reuerance, & baiſe l'image de Ieſus-Chriſt crucifié, que l'Eueſque tenoit entre ſes mains;

*Fait ſon
entrée dans
la ville
de Goa
ſort magni-
fique-
ment.*

*Confer-
ce tenuë
sur la dis-
simulation
du Roy.*

puis s'en entre dans l'Eglise; ou ayant faict sa priere, il est ramené
cheual par le mesme chemin, & avec la mesme compagnie, au lo-
gis du iour precedent; puis banqueté magnifiquement par le Lieu-
tenant du Roy. Sur le tard du iour mesme, qu'il entra, il voulut trai-
ter avec l'Euesque & le Lieutenant, de l'affaire principal, pour le-
quel il disoit estre venu, qui estoit de ce que les Peres de nostre
Compagnie ne luy permettoient pas de porter ces marques de
Brachmane, ny de faire les actes de son ancienne superstition, pour
dissimuler deuant les siens. A ceste conference se trouuerent l'E-
uesque & quelques Theologiens, qui y furent nommément appel-
lez, le Lieutenant du Roy, le Gouverneur de la ville, le Secretaire
d'estat François Alvarez, & trois surintendans des finances du Roy,
avec Gaspar Nùgniez, qui seruoit de truchemā. Le Roy en ceste as-
semblée déclara entierement sa resolution, qui estoit de vouloir vi-
ure & mourir en la Religion Chrestienne, qu'il auoit receuë, avec
le desir qu'il auoit de voir, non seulement ses subieçts, mais encore
tous les Roys & Princes ses voisins, conuertis à icelle; leur remon-
stre l'esperāce qu'il y auoit de venir à bout de ceste entreprise, avec
l'ayde, & assistance de Dieu, pourueu qu'on luy donnat quelque
temps & delay : à fin de se pouuoir au prealable rendre maistre, &
Seigneur des cœurs de ses vassaux, & gaigner à foy les estrangers
tout doucement. Au reste que bien qu'il portat ces filets & vîst
des ceremonies des Gentils, quant à l'exterieur, qu'il auroit neant-
moins graué tousiours dans son ame Iesus-Christ, & sa saincte loy,
dont il appelloit à tesmoing Dieu & sa propre conscience. Et à cel-
le fin qu'il pleut à sa diuine bonté luy departir plus abondamment
de son S.Esprit, pour pouuoir demeurer ferme & constant en sa
foy, parmy vne nation peruerse, & entre tant d'occasions de la per-
dre; il demandoit d'estre confirmé du S.Chresme par l'Euesque, en
secret toutesfoiſ, à fin que les siens ne le sceussent. A cela le Lieu-
tenant du Roy & l'Euesque, après auoir loué sa pieté & constance,
luy repartent (pour l'esprouuer vn peu) qu'il leur sembleroit
meilleür & plus propre, pour esmouuoir les autres, que le Roy
se declarast publiquement Chrestien, se confiant plus au se-
cours diuin qu'en la prudence humaine: & que par son bon exem-
ple, & saintes actions, il profiteroit beaucoup dauantage à tou-
te la nation des Malabares, que par artifice & dissimulation.
Le Roy leur objecte à cela les grands dangers, qu'il y auoit de trou-
bles, & de tumultes, s'il se comportoit de la sorte. Car il auoit vn

*Il demā-
de le Sa-
cramēt de
Cōfirmā-
tiō.*

frere, qui pretendoit au Royaume appuyé sur la faueur & richesses d'un Gouverneur sien voisin tres-puyssant: & qu'il estoit à craindre que s'il offerçoit & alienoit de soy ses subjets, leur voulant faire prendre par force vne nouvelle Religion, que sondit frere ne print ceste occasion pour le debouter du Royaume. Et partant il les prioit d'attendre encore vn peu: car s'il viuoit guere dauantage, il esperoit accommoder tellement les affaires, que ce qu'a raison du temps il tenoit encore secret dans son cœur, il le pourroit par apres tesmoigner & par parole, & par œuvre. Le Lieutenant & ceux du Conseil entendans ces choses ne furent pas d'aduis de le presser dauantage; tellement qu'on se partit de là sans auoir rien gaigné sur luy. Le Lieutenant ayant prins à part l'Euesque luy demande son aduis touchant le Sacrement de la Confirmation que le Roy demandoit; l'Euesque respond, qu'il estimoit cela ne luy deuoir pas estre denié, puis qu'il le demandoit avec telle affection. De maniere que le lendemain l'Euesque luy conféra le Sacrement de Confirmation en sa Chappelle priuée, en présence de peu de tesmoins, afin que cela ne fut diuulgué. Il demeura en tout dix iours à Goa, qui furent tous passez avec grande feste & resiouyssance des Portugais. Toutes les cloches de la ville ne faisoient que carrillonner nuit & iour. On fit tout plein de jeux publics: on conrut le Tau-reau à la mode d'Espagne. Il y eut des dan's de gens armés à la façon des Indiens, & des Egyptiens; force basteleurs, jōueurs de farce, & faiseurs de soubressauts: brief on n'y voyoit que signes d'une tres-grande allegresse. Ils firent aussi le combat des cannes ou rou-seaux: là où, à la façon des Numides ou Mores, quelques Cheualiers vestus de diuerfes liurées ont accoustumé de combattre à cheual avec grande viffesse, se iettans des cannes les vns aux autres. Cependant le Roy voyant que les siens le rappelloient par lettres & prieres, demande congé de s'en retourner. Le Lieutenant du Roy le congedie fort honnestement, & luy donne de riches presens, & l'Euesque pareillement. De ceste sorte il s'en retourne fort content & satisfait de la courtoisie des Portugais, les laissant pleins de bonne esperance de voir bien tost son Royaume, & tout le Malabar conuertý. Si bien que le Lieutenant & l'Euesque, descendirent le mesme esté de Goa à Tanor, pour recueillir le fruiet qu'ils en attendoient. Mais le Roy ne passa plus auant, qu'il auoit fait, à se declarer Chrestien, sinon qu'en leur presence il fit planter deux grandes croix deuant son Palais, & pour la conuersion de ses vassaux, il fit

*On le luy
donne.*

*S'en re-
tourne à
Tanor.*

*Ne garde
pas ses
promesses.*

faire vn cri public, par lequel il cōmanda à tous les Macuás, qui sont les pescheurs de ce païs (les gens de plus basse cōdition, qui soient) qu'ils se rendissent Chrestiens, autrement qu'ils eussent à vuidier les terres; & quant aux Nayres & Brachmanes, qu'il leur feroit beaucoup de faueurs, s'ils embrassoïent nostre Foy, pour sauuer leurs ames. Ce neantmoins toutes choses demurerent en leur premier estat; de façon qu'il en y eust plusieurs, qui estimerent que ceste conuersion du Roy auoit esté feinte, ou faicte pour vn temps, afin d'acquérir la bonne grace des Portugais. Mais il en y a aussi d'autres, qui iugent, que ce qu'il s'estoit deporté de son entreprise, & n'auoit effectué ce qu'il auoit promis, estoit procedé plustost de crainte, que de perfidie; veu qu'en toutes autres choses il garda estroittement l'amitié des Portugais, & encore apres luy son successeur.

*Deux au-
tres Prin-
ces bapti-
sez.*

Enuiron ce mesme temps deux autres Princes fort ieunes chaf-fez de leur païs, ayant recours au secours des Portugais furent aussi baptisez; & tous deux furent baillez à nos Peres par le Lieutenant du Roy, pour estre instruiets en la Foy. L'vn d'iceux estoit heritier du Royaume de Triquinámale, qui est vn de ceux de l'Isle de Ceilan: l'autre estoit Roy des Maldiuës. Le premier fut baptisé à Goa, & appellé Don Alfonso, & ce fut celuy que le Viceroy Don Constantin vouloit mettre en possession du Royaume de Iasanapatan, lors qu'il alla faire la guerre à ce meschant Roy, comme nous dirons en ce mesme liure; l'autre fut instruiet & baptisé à Cochín, & pource nous lairrons d'en parler plus amplement, iusques à ce que nous arriuions à traicter des choses aduenues en ce Royaume là.

Continuans donc le reste des conuersions remarquables faictes à Goa. Du temps que François Barret estoit Gouverneur de l'Inde, il y eust vn baptême fort celebre d'une vierge de sang Royal, fille d'un Roy appellé Meale. Or afin qu'on cognoisse l'importâce de ceste conuersion, & la noblesse de la personne, nous prendrons la

*Roy de chose
Dedà des-
pouillé de
son Roy-
aume par
ses Gon-
uerneurs.*

roy de chose vn peu plus haut. Il faut donc scauoir que du temps que les Portugais arriuerent es Indes, il y auoit au Royaume de Decan (qui est entre celuy de Cambaya & de Canara) vn Roy, lequel se fiant par trop aux Gouverneurs, qu'il auoit constitué en diuerfes Prouinces, & s'addonnant cependant à ses voluptez & plaisirs, fut par iceux circouenu, despoüillé de son Royaume, & mis en prison; ou il finit ses iours miserablement. Les Gouverneurs se departirent entr'eux le Royaume, & l'vn d'iceux nommé Nizamaluco com-

mandoit lors à la cité de Chaul, où les Portugais avec son consentement bastirent vne forteresse, laquelle ils tiennent encore. L'autre estoit Sabaï ou Sabaio pere d'Idalcan, que les Portugais chasserent de Goa, ainsi qu'a esté dit. Cestui-cy auoit en son pouuoir vn certain Meale de la race du Roy de Decan susdit, mais au reste vn homme nay plustost à l'oyfuieté, que pour les armes; lequel craignant non sans cause la cruauté d'Idalcā auoit impetré de luy congé de se retirer à la Mecque, feignant qu'il vouloit aller se tenir là par deuotion de son faux prophete Mahomet. Ayant demeuré là quelque temps avec sa femme & enfans, Solymā Turc chef des Corsaires, lors qu'il alla en l'Inde pensant exterminer les Portugais, l'auoit mené quant & soy, luy donnant bonne esperance de recouurer le Royaume de ses ayeuls; bien qu'il est plus vray semblable qu'il fit cela, pour exciter par son moyen des troubles & seditions en ces païs là, pour les conquerir au nom du Grand Turc, si l'occasion s'en presentoit. Meale rempli de ceste esperance s'estoit embarqué avec sa flotte, & estoit desia venu iusques aux confins de Cambaya. Mais Solymā ayant esté peu apres vaincu, & mis en fuite par les Portugais ledit Meale se voyant frustré de son attente, s'arresta là volontairement, comme en exil iusqu'à ce qu'il en fut retiré du temps que Martin Alphonse de Sofa gouuernoit és Indes pour le Roy de Portugal, en la façon qui s'ensuit: Idalcan fils de Sabaï, qui auoit depossédé du Royaume de Decan le pere ou ayeul de Meale, estant en picques avec vn sien vassal & tributaire nommé Azedecan, si puissant & riche, qu'estant mandé par Idalcan de venir en sa Cour, craignant qu'il ne le fit mourir se banda contre luy. Et comme chacun d'eux desiroit attirer de son costé les Portugais, Azedecan sçachant que Meale estoit és confins de Cambaya, & pensant debouter Idalcan de l'Empire qu'il obtenoit par mauuais moyens sur ledit Meale, prie le Gouverneur de Goa nommé Garzias (parce que Sofa estoit lors absent) d'enuoyer au plustost gens expres en Cambaya, pour en retirer Meale; s'assurant qu'aussi tost, qu'il auroit mis le pied au Royaume de Decan, avec l'appuy & les forces des Portugais, & les siennes, que tout le monde s'en courroit vers luy, comme son legitime Prince, pour la haine qu'on portoit au tyran Idalcan; & par ce moyen les Portugais luy pourroient imposer telles loix qu'ils voudroient, apres l'auoir remis dans son siege paternel; promettant de son costé tout ayde & secours aux Portugais. Par telles & autres semblables raisons il per-

*Meale de
la race de
ce Roy.*

*S'arreste
en Cam-
baya.*

suade aisément au Gouverneur d'appeller à Goa Meale & sa famille, luy faisant beaucoup de promesses. Meale estant arriué à Goa, le Lieutenant du Roy Sosa, estant aduerty de tout ce qui se passoit, s'y en retourne vistement. L'affaire estant mis en Conseil il y eust diuerses opinions. Les vns estimoient que c'estoit vne chose mauuaise, que de violer la paix faite depuis peu de temps avec Idalcán, sans aucune legitime cause. Les autres aussi iugeoient mal-seant d'abandonner soudain Meale, qu'on auoit fait venir là tous de grandes esperances. Le Lieutenant delibera en fin d'assister Meale, & de joindre ses forces avec celles d'Azedecan. Et desia les troupes estoient parties, & Sosa avec Meale estoient arriuez au fort de Benastarin, duquel on trauesse l'Isle en terre ferme, lors qu'un Portugais nommé Pierre Faria fort entendu és affaires des Indes, & vaillant homme, retire à part Sosa, & le prie instamment d'aduiser bien ce qu'il faisoit, & qu'il considerat d'un costé l'inconstance des Barbares, & de l'autre l'instabilité des affaires humaines; qu'il ne prouocat pas sans cause Idalcán Roy puyssant amy & associé, & ne meslat point les affaires florissantes des Portugais avec celles d'un banny & fugitif. Qu'il estoit en sa puyssance de congédier honnestement Meale, quand bon luy sembleroit, mais non pas d'appaiser la guerre, si vne fois elle estoit esineuë. Sosa qui n'estoit pas encore du tout resolu, creut le conseil du personnage; & soudain com-

*C'est vne
chose bon-
ne & pro-
fitable
que de sui-
ure le con-
seil des
mieux en-
sendus.*

mande qu'avec Meale chascun se retire dans la ville. Cecy donna pour lors occasion de parler aux vns & aux autres: mais bien tost apres on trouua auoir esté fait sagement. Car quelques 15. iours apres, la nouuelle vint qu'Idalcán estant parti avec vne grosse armée de sa ville principale nommée Visapora esloignée de Goa quelques 60. lieues auoit assiégué fort estroittement Bingan, là où s'estoit enfermé Azedecan, lequel se voyant en telle destresse, oppressé de facherie & de vicillesse estoit mort, & qu'aussi tost Idalcán auoit prins & saccagé la ville, ou il auoit trouué de grandes richesses, que l'autre par sa chicheté & ses rapines auoit amassé. Cela estant rapporté à Goa, le Lieutenant fait de necessité vertu: & sans faire semblant de ce qui s'estoit passé, enuoye promptement un Ambassadeur vers Idalcán, pour se conjoindre de sa victoire. Ce qui arriua fort à propos. Car Idalcán parmy ceste grande lieffe esmeu où de la courtoisie du Lieutenant, où de la dexterité de l'Ambassadeur, donne aux Portugais les terres & villages de Salfete & de Bardes, qui sont deux contrées de la terre ferme, les plus proches de l'Isle

l'Isle de Goa, & outre ce, tout ce qu'auoit Azedecan, hors-mis ce, qui estoit de son Royaume; à condition neantmoins qu'on enuoyast Meale avec sa femme & enfans à Malaca, où il fut seurement gardé; à fin qu'il ne peut retourner à son pais, & y esmouuoir des tumultes. Sosa bien aise de cecy, enuoye incontinent des gens pour prendre possession des lieux, qui auoient esté donnez, & pour exiger au nom du Roy de Portugal, les tributs qu'on y souloit payer auparavant. Et pour le regard de Meale, il tira en long l'affaire finement, de façon, qu'il ne se desfit point de cest hoste, disant de bouche qu'il faisoit cela, à fin qu'il fut mieux & plus seurement gardé dans Goa; mais en effect, c'estoit pour contenir par ceste crainte Idalcan en son deuoir. Et depuis ce temps là, Meale fut retenu à Goa, comme en vne prison libre, sans qu'on en fit de semblant. J'ay rapporté ceste histoire, tant pour donner à entendre le droit, que les Portugais ont sur les terres de Salsete, dont nous parlerons cy apres plus amplement, que à raison de la conuersion & baptesme d'une fort honneste vierge, fille unique de ce Prince, laquelle estât assez aagée auoit esté destinée pour estre mariée avec un certain Roy Mahometan. Or comme les Dames Portugaïses l'alloient voir souuent, & luy tenoient propos des choses de nostre foy, & qu'elle entendoit chanter par la rue la doctrine Chrestienne aux petits enfans, voyant encore les processions, qu'on faisoit par la ville, fut éprise d'un grand desir d'embrasser la foy de Iesus Christ, du temps que François Barret estoit Gouverneur des Indes, enuiron l'an 1557. Ayant donc fait sçauoir son dessein à vne fort honneste & vertueuse Damoysele Portugaïse, femme de Jacques Pereyra, luy demandant aduis comme elle pourroit executer cela, sans que son Pere le sceut, car elle le craignoit fort, la Portugaïse luy demande terme, pour y penser: & cependant s'adresse à un de nos Peres, nommé François Rodriguez, & à son mary Jacques Pereira; lesquels trouuerent bon, que ceste Dame, qui desiroit estre Chrestienne, enuoyast vne de ses bagues au Gouverneur Barret, pour signe de sa volonté, à fin que le Gouverneur la monstrant à son pere la peut tirer de sa maison honorablement, & sans aucun scandale ou reproche. La fille fut bien aise de cet expedient, & aussi tost baille à la femme de Jacques Pereira un riche diamant, pour l'enuoyer au Gouverneur, luy faisant entendre, qu'elle ne le prioit pas de venir pour receuoir de luy aucun honneur, car elle en auoit assez du costé de son pere, qui estoit legitime Roy, bien qu'il fut despoillé de son Royaume, & du costé

Meale est retenu à Goa comme en prison.

Sa fille honneste vierge se veut rendre Chrestienne.

Sage conseil.

aussi de sa race; ains seulement à celle fin, qu'il fut protecteur de sa vie temporelle & spirituelle. Jacques Pereira, porte au nom de sa femme le diamant & le message susdit au Gouverneur; lequel extrêmement ioyeux d'une si bonne nouvelle, luy renuoye par le mesme, vn autre riche diamant, qu'il auoit enchassé en vn anneau d'or, & luy promet, non seulement de la tirer de la maison de son Pere, mais encore de luy faire, au nom du Roy de Portugal, tel honneur, que la qualité de sa personne meritoit. Le iour de S. Laurens

*Le Gouverneur
la va reti-
ver du lo-
gis de son
pere.*

comme le Gouverneur alloit à l'Eglise de S. Paul pour ouyr la Messe & le sermon, il s'en va accompagné de ses gardes ordinaires, passer par l'hostel de Meale; & parce que la fille auoit donné à entendre qu'elle seroit bien aise d'estre en compagnie de quelques autres femmes, pour ne se voir seule entre tant d'hommes; soudain que le Gouverneur fut arriué à la maison de Meale, deux ou trois Dames mariées des principales de la ville, se trouuerent là (& entre autres, la femme de Pereira) portées sur des Palanquins, comme ils les nomment en ce pais là, qui sont certaines demy litieres à bras, desquelles se seruent les plus grandes Dames, & Seigneurs, comme icy de carrosses. Meale voyant le Gouverneur mettre pied à terre deuant son logis, fut bien esmerueillé, ne sçachant la cause d'une telle visite; mais beaucoup plus lors qu'il en sceut l'occasion.

*Conteste
du Pere
avec le
Gouver-
neur.*

Car le Gouverneur luy ayant faict au prealable recognoistre la bague de sa fillé, luy dit, qu'elle luy auoit enuoyé cela en signe qu'elle se vouloit rendre Chrestienne, & qu'il estoit venu tout expres pour la querir. Lors Meale tout estonné & doutant encore si la chose estoit vraye, respond, que sa Seigneurie ne deuoit pas facilement croire, que sa fille traictat de cela, & que s'il y auoit quelque chose, que ce seroit plustost vne legereté de fille, qu'une vraye & ferme resolution. Le Gouverneur luy dit, qu'il vouloit esprouuer la constance & fermeté de son desir, auant qu'elle fut baptisée; mais que ce seroit hors de sa maison; à fin qu'on ne luy fit point de force. Meale repart; qu'il aduisast bien auant que ce faire les inconueniēcs qui s'en pouuoient ensuiure, & desquels il seroit informé. Cependant qu'ils estoient ainsi en debat de parolcs, les Dames Portugaises montent la hault, pour aller prendre la fille; laquelle estoit toure presse pour partir, & les attendoit sur le degré. Mais d'autant que le Gouverneur & son pere estoient encore en dispute, elle les mena dans vne sale, attendant qu'on luy commandat de descendre. Sa mere voyant dans son logis ces Dames Portugaises, & ne sçachant

que ce pouuoit estre, se doutant neantmoins de ce qui estoit, prend sa fille, & la met à son costé fort troublée. Et aussi tost, voyla vn seruiteur, qui auoit entendu le discours du Gouverneur, avec le Pere de la fille, qui s'en vient faire sçavoir à la mere, que la fille se vouloit rendre Chrestienne, & que le Gouverneur estoit venu là pour la prendre, dont elle & toutes les autres femmes de sa suite furent si outrées de douleur, qu'elles ne faisoient que crier comme des folles; & voulurent se ietter sur la fille, pour la battre, ou la faire rouler par les degrez en bas. Mais les Dames Portugaises d'autre part la defendoient le mieux qu'il leur estoit possible: si est-ce qu'elles ne peurent pas faire si bien, que quelques coups ne l'atteignissent. Le Gouverneur entendant ce bruiet, monte vistemment les degrez, & soudain qu'il entre dans la sale, la fille s'eschappé des mains de sa mere, & se iette à ses pieds, le priant de la vouloir secourir. Le Gouverneur la leue incontinent de terre, avec l'honneur & le respect conuenable; & accompagnée des Dames Portugaises la mene en bas, la fait monter dans vn palanquin, qu'on auoit fait porter tout expres, & ainsi elle fut conduite par le Gouverneur, & toutes ses gardes, en compagnie des Dames Portugaises dans la maison de Jacques Pereira, qui estoit richemēt parée; là où elle fut mise comme en depost; & de là à quelques iours, elle declare en presence de notaire & tesmoins, que de son plein gré, elle vouloit estre Chrestienne. Cela estant fait, pour clorre la bouche aux Sarrazins, on l'instruit & catechise soigneusement: & le iour de nostre Dame d'Aoust, elle fut menée à l'Eglise de S. Paul avec grande magnificence, par le Gouverneur mesme, & toute la noblesse Portugaise, qui se trouua lors à Goa. En signe de resiouyssance, l'on ne faisoit que tirer continuellement des tours & chasteaux de la ville, forcés coups d'artillerie, & la scopeterie des soldats, qui l'accompagnoient, respondoit au salué des canons. Ayant mis pied à terre deuant l'Eglise, le Patriarche d'Æthiopie, le P. Iean Nugnes Barret sortit apres que vespres furent dites, reuestu en Pontifical fort richement, assisté de beaucoup d'autres Peres, reuestus de surpelis, & autres ornemens sacrez, portans ce qui estoit necessaire pour le baptême. Ses parrains furent le mesme Patriarche, & le Gouverneur, & ses marraines quelques Dames Portugaises. Elle fut appelée Marie à l'honneur de nostre Dame, puis que au iour de son Assomption elle sortoit des tenebres du Mahometisme, & entroit en la lumiere des saints. Il y eut si grande foule & concours de gens, non seulement

*Sa mere
en est fort
sachée.*

*Elle est
baptisée
avec gra-
nde res-
jouissance
de sa
leuée.*

de Chrestiens, mais encore de Sarrazins & Payens, que les sergens n'en pouuoient venir à bouttellement que le Gouverneur mesme se mit à faire leur office, prenant vne baguette en main, pour faire retirer ceux, qui se iettoient trop auant, à fin de voir les ceremonies du baptesme. Apres qu'elle fut baptisée, le Gouverneur avec sa suite la rameine à son logis: & luy ayant fait beaucoup de presens, & les principaux d'entre les Portugais aussi, il luy assigna la valeur de huiët cens escus de reuenu annuel pour son entretien, prins sur les deniers du Roy; iusqu'à ce que sa Majesté y eut pourueu plus amplement.

Importance de ceste conuersion.

Ceste conuersion fut des plus importantes, qui fussent encore aduenues en l'Inde, tant pour l'aduancement de la Religion, que pour le bien de l'estat. Car comme l'exemple des grands sert de beaucoup, soit pour le mal, soit pour le bien, plusieurs des habitans de l'Isle de Goa, imiterent cestuy-cy, & ce fut le commencement de la conuersion de ceste Isle. Car auparauant il n'y auoit eu guiere de gens, qui se fussent rangez à nostre foy; mais cecy donna vn grand branle à plusieurs, de façon que depuis, l'on y a conuerti beaucoup tant du menu peuple, que des Brachmanes mesmes; & par ce moyen les affaires des Portugais ont esté plus assurées que deuant, lors qu'ils estoient enuironnez de toutes parts d'Infideles. L'exemple aussi de ceste Dame, a esté suyui par quelques vns de sa maison, & alliance. Car ie trouue que l'an 1587. fut baptisé à Goa vn ieune homme de l'ancienne race des Roys de Bellagate, neveu de ce Meale, auquel appartenoit le droict du Royaume de Bellagate, possédé par Idalcán, qui ne peut estre (à mon aduis) autre que cestuy-cy; d'où s'ensuit que ce ieune Prince estoit fort proche parent de ceste Dame. Encore l'année suyuant 1588. fut baptisée la bru, où la femme du fils de ce mesme Meale, qui estoit par consequent son alliée. Le Viceroy Edouard de Meneses, tint sur les fonts, ce ieune

Vn neveu de Meale baptisé.

Prince, & luy bailla son surnom; de maniere qu'il s'appella deslors Iean de Meneses, estant auparauant nommé Xalechan. Apres le baptesme il fut conduit à cheual, accompagné d'vne belle troupe de Cavaliers, iusqu'au College de S. Paul, là ou le Viceroy luy fit vn banquet magnifique, & aux Princes Iaponois aussi, qui se trouuerent là en ceste saison, estans de retour de l'Europe.

Deux Naires se rendent Chrestiens.

Or d'autant que les honneurs qu'on fait aux nouueaux Chrestiens, aduancent fort la conuersion des autres, & nominément des plus grands: Le Roy d'Espagne Philippe II. ayant succédé à la cou-

ronne de Portugal, fit l'an 1581. Commandeurs de l'ordre des Cheualiers de Christus, institué en Portugal par le Roy Denis, deux Naïres, ou Gentils-hommes Indois, qui s'estoient rendus Chrestiens. Ce qui les encouragea tellement, que l'un d'iceux la mesme année, venant de Cochin à Goa, fit vn bel exploict de guerre contre les Infideles; & bien tost apres, sortit du port de Goa, menant vne flotte de cinq nauires, dont il estoit le chef, en resolutiō d'excuter quelqu'autre beau faict d'armes contre les ennemis du nom Chrestien.

Ce seroit vne chose trop longue & peu conuenable à ceste histoire de raconter par le menu les bāptesmes & conuersions de plusieurs autres personnes, tant de noble race que des Brachmanes, & autres gens de qualité qui ont esté faictes en l'Isle de Goa: & pource nous les lairrons à part, s'il n'y a quelque rareté signalée. Toutesfois, la constance de quelques ieunes enfans qui ont mespris les pleurs, & les allechemens de leurs parens pour suiyre Iesus-Christ, ne doit pas estre teüe. l'en rapporteray icy quelques exemples tirez de nos annales, en laissant à part beaucoup d'autres.

Il y auoit vn ieune enfant de noble maison, qui desiroit grandement se rendre Chrestien; dequoy ses parens estans aduertis pour l'en destourner ils le menēt au Roy Idalcan; lequel fit tout ce qu'il peut, pour le gaigner, tantost par allechemens, tantost par menaces: mais il n'auança rien ny d'une façon ny d'autre. Et comme il se fut retiré à Goa, pour effectuer son desir, ses parens le suiuent, & le font comparoistre deuant le Iuge Ecclesiastique: mais il rendit si bon compte de sa vocation, & respondit avec si grande prudence, qu'il surmonta l'esperance qu'on pouuoit auoir de son aage; Brief il monstra par tout vne si grande fermeté & constance, qu'à bon droit on luy imposa au baptesme le nom de Constans.

*Constance
d'un ieune
enfant*

Vn autre, qui estoit fils d'un peintre Payen, fut vn iour trouué dans la ville de Goa peignant vne Image du Crucifix cōtre les loix de cet estat(car il est là defendu à ceux, qui ne sont pas Chrestiens, de faire ou debiter des Images dont les Catholiques se seruent) ayant dōc esté prins sur le faict on le mene au Pere des Chrestiens. Ainsi appelle-on vn des Peres de la Cōpagnie, qui a soin de maintenir les nouueaux Chrestiens en la foy & deuotion; & de procurer par tous moyens licites, & honnestes que d'autres s'en rendent. Ce qu'il fait avec tant de charité, que les Ethniques mesmes l'affectionnent grandement, & quelquesfois luy donnent des aumosnes.

*Pere des
Chrestiens
quel.*

pour employer és œuvres de pieté. Car il s'en va aux prisons pour consoler & assister les pauvres prisonniers de ces aumosnes; & quand ils ne sont là que pour debtes, il les en deliure bien souuent, payant ce qu'ils doiuent. Le Viceroy le mene avec soy, quand il va pour donner audience aux prisonniers: & il est aduenü qu'en vne seule fois, il en a fait deliurer quelques quatre vingts. Le mesme Pere en temps de famine, nourrit des aumosnes qu'il amasse, vn grand nombre de pauvres. Ce qui le fait aimer tant des Chrestiens, que des Infideles, lesquels sont esmeus bien souuent par tels actes de charité à receuoir nostre Foy. Mais reuenons à nostre propos. Ce ieune homme estant mené au Pere des Chrestiens dit, qu'il n'estoit ja beöing vser de force en son endroit, car il y auoit plus d'vn an qu'il desiroit estre Chrestien. Le Pere de l'enfant qui estoit homme de moyens estant aduertü de cela s'en va plaindre au Gouverneur & aux Iuges, disant que contre tout droit & justice, l'on rauissoit les enfans du sein de leurs pere & mere pour les faire Chrestiens par force; plainte ordinaire de ceux, qui veulent empescher leurs enfans de seruir Dieu. On fait venir le ieune homme deuant le Gouverneur, & les Iuges, auxquels il respondit avec telle asseurance qu'il les fit tous esmerueiller. Mais en y allât, comme il eust rencontré en chemin son Pere, avec tous ses parés, & alliez, qui estoient en grand nombre, & fondonient tous en larmes, il n'en fit non plus de cas, que s'il ne les eust veus; & comme on luy dit estant deuant les Iuges, que son pere & ses parens l'attendoient à la porte, s'il ne les vouloit pas suyure; l'enfant respondit qu'il ne vouloit point recognoistre de là en auant autre Pere que Dieu, & ceux qui le deuoient faire enfant de Dieu. Le Gouverneur fut si aise d'entendre cela qu'il le prend & l'embrasse, luy disant tout haut en presence de ses parens: Bon courage, mon fils, puis que vous vous estes mon-

» stré tel, ie veux estre vostre parrain. Comme il fut aussi, lors qu'on le baptisa, & de ceste sorte les parens se retirerent tous confus.

Mais voicy vne conuersion d'vn autre ieune enfant beaucoup plus admirable. Il estoit yssu d'vne certaine maniere de gens qu'on appelle Botes: qui sont fort estimez parmy les Payens de l'Inde. Car ce sont leurs Sacrificateurs, qui non seulement obseruent fort exaëtemēt toutes leurs ceremonies, mais aussi sont tres-aspres à defendre leurs loix & superstitions. Cet enfant donc demeurant parmy les Sarrazins se sentit viuement espoingonné du desir d'estre Chrestien, & luy sembloit que Dieu le pouissoit particulièrement à

*Respon-
se not-
able
d'un ie-
une enf-
ant.*

*Notes
quelles
gens sont.*

ecla. Car durant huit nuiets continuës il songea qu'il estoit Chrestien; & la dernière fois il luy fut aduis, qu'il voyoit quatre de nos Peres, qui l'exhortoient à ce faire. Ce qui le fit du tout résoudre à s'en aller à Goa, pour cet effect. Mais comme il fut entré dans l'Eglise de S. Paul ne cognoissant personne, ny ne sçachant parler la langue Portugaise, il se retire chez vn sien parent, qui estoit Chrestien, auquel il descouure son cœur, & l'occasion qui l'auoit porté là. Cestui-cy, estant fort bon Chrestien, le retire chez soy, & l'encourage à estre constant & ferme en sa resolution. Cependant le bruit court tout aussi tost par la ville, qu'un enfant Bote estoit venu à Goa pour se faire Chrestien. Les Payens, & principalement les Botes ayâs sceu ou il estoit, vont trouuer son hoste, & pour l'intimider luy disent, qu'ils iront trouuer le Gouverneur, & feront en sorte que ce ieune homme soit mené deuant le Iuge, pour estre examiné: & que si l'on trouue qu'il y a de la fallace, qu'il le feront punir comme il merite. L'autre leur dit bien, qu'il ne craignoit point leurs menaces: neantmoins parce qu'il aduenoit quelquesfois que les ieunes enfans de tel aage que cestui-cy, chanceloient és interrogats, qu'on leur faisoit; il l'adise que s'il estoit bien delibéré de son fait, qu'il tint bon, & ne se laissât point esbranler par crainte des hommes. L'enfant luy respond avec vn visage assuré, qu'il estoit venu là de son propre mouuement, sans auoir esté persuadé d'homme du monde, & que Dieu seul l'auoit incité à quitter son pais tout expres, pour venir là se rendre Chrestien. Au reste qu'il aymoit mieux viure pauurement en pais estrange estant Chrestien, qu'auoir toute l'affluence des biens de ce monde en sa propre maison demeurant Payen. Et qu'il esperoit, que puis que Dieu luy auoit donné ceste volonté, qu'il ne l'abandoneroit au besoing. Son hoste voyant sa resolution l'amene au seminaire, là ou ayant esté quelque temps fort content & ioyeux, voicy vne tristesse qui le faisoit & vn ennuy si grand, qu'il pensa sortir des gonds. Car la souuenance de ses parens, & des choses qu'il affectionnoit le plus, luy causoit vne telle melancholie, qu'il ne faisoit que pleurer continuellement. Mais Dieu vouloit par ce moyen esprouuer son champion, afin qu'il reprint nouveau courage, comme aussi il aduint: car si tost que N. Seigneur eust chassé de son esprit ces broüillas espais de tristesse, l'esclairant des rayons de sa diuine lumiere, il commence à se tançer soy mesme, & accuser sa lascheté & mollesse. Si que apres auoir recognu l'astuce du Diable, il s'ancra, & s'affermist dauantage

*Conversion
remar-
quable
d'un en-
fant Bote.*

en son bon propos: & bien tost apres fut baptisé au grand mescontentement des Botes, & autres Payens de Goa. Cecy aduint l'an 1595. Et la mesme année s'en conuertit aussi vn autre de la mesme secte, fils d'un Medecin de Goa, de l'aage de douze ou treze ans: lequel rencontrât vn iour par la ruë vn autre enfant, qui estant comme luy Bote s'estoit rendu Chrestien, il luy dit qu'il auoit aussi grand desir de l'estre, mais qu'il ne sçauoit comment ce faire pour crainte de son pere. L'autre entendant cela le mene de ce pas à la maison d'un Portugais fort hōneste & vertueux, qui le retint quelques vingt iours, luy apprenant cependant la doctrine Chrestienne. Mais comme il sceut que son pere le cherchoit par tout, craignant d'encourir quelque dommage, parce que l'autre estoit homme puissant & riche, il l'enuoye au seminaire. Si tost que son pere & ses parens en furent aduertis, ils vont trouuer le Viceroy, & obtiennent de luy que l'enfant leur fut rendu, s'il vouloit les suyure. Mais desia il auoit esté baptizé; & comme son pere vint pour le querir, on luy dit s'il ne vouloit pas parler à son pere: Ouy bien, respond l'enfant, s'il veut estre Chrestien, mais s'il ne le veut estre, ie ne veux pas mesmes le voir. Ainsi engraue nostre Seigneur en ces tendres ames la sacrée doctrine de son saint Euangile, où il dit;

D'un
autre.

Mat. 10. Celuy qui aime sō Pere ou sa mere plus que moy, n'est pas digne de moy.
L'an 1596. vn autre, qui estoit fils d'un des plus nobles Brachmanes de la ville, s'estant vn iour rencontré avec deux Religieux de la Compagnie, ils luy demandent, s'il ne vouloit pas estre Chrestien. Il n'estoit aagé qu'environ de douze ans, & jaçoit qu'on nourrisse ces enfans dès leur tendre ieunesse avec vne haine mortelle des Chrestiens, & nōmēment des nostres: Toutesfois cestui-cy voyant la charité & debonnaireté, avec laquelle ces deux luy parloient, leur respond qu'il en estoit content, & qu'il vouloit aller avec eux au College des Catechumenes. Les nostres craignans quelque esmeute à cause de ses parens, le menent à la maison d'un Portugais, homme de grande auctorité: afin qu'il fut là iusqu'à ce qu'il retourneroient, pour le reprendre: car ils s'en alloient lors par les villages chercher ceux, qui voudroient estre baptizez. Sur le tard reuenans de leur pesche, il les prie de luy permettre d'aller prendre ses plus beaux habits, & quelque argent, que son pere s'en estant allé, auoit laissé à vn sien parent, chez lequel il logeoit. Les nostres le luy permettent; & ce sien parent luy baille l'argent soudain sans rephique: mais il auoit desia aduisé, de ce qui se passoit, l'Ambassa-
deur

Vn en-
fant Brach-
mane con-
uert, &
si cons-
tance.

deur du Roy Idalcan, qui se tient tousiours à Goa: le quel enuoya soudain aux nostres vn message, pour leur dire, qu'ils eussent à rendre l'enfant. Les nostres font responce, qu'ils s'en vont au College, & que le temps ne leur permettoit pas de debattre plus longuement, car il estoit desia tard: mais que s'ils auoient quelque chose à demander, ils pouuoient venir au College. Là dessus voicy l'Ambassadeur qui arriue avec vne grande troupe de gens de sa secte, qu'il auoit assemblé; & commence à se plaindre de ce que l'on rompoit les articles de la paix & alliance faite avec son maistre; raiuisant les enfans des citoyens, contre leur volonté, pour les faire Chrestiens, & qu'il en parleroit au Viceroy. L'enfant se met à la trauersé, & dit tout haut que ce n'estoit pas d'un iour, qu'il auoit prins ceste resolution, ains qu'il y auoit long temps, qu'il desiroit estre Chrestien, & qu'ayant trouué ceste commodité il l'auoit prise. Les nostres voyans le courage de l'enfant le laissent plaider sa cause. Ce qu'il fit si bien, qu'il fit estonner tous les assistans, & rendit muet l'Ambassadeur: lequel dit apres qu'il auoit esté trompé par ceux, qui luy auoient donné faux entendre. L'enfant d'oc ayant remporté ceste glorieuse victoire, s'en va tout ioyeux au College, donnant mille maledictions aux Sarrasins, & receut bien tost apres le baptisme. Depuis il fut si feruent, qu'il auoit dans peu de temps gaigné sept ou huiët autres enfãs Brachmanes, & entre autres deux qui estoient de la secte des Botes.

Mais il arriue aussi quelquesfois, que les parens mesmes des enfans sont conuertis à la foy par ce moyen, comme il aduint la mesme année 1596. Car les nostres estans allez à vn village proche de Goa, pour voir s'il y auroit quelques Infidelles, qui voulussent se conuertir à la foy, vne Dame Portugaise fort honneste, qui se tenoit là, fit assembler ceux de son village, entre lesquels il y auoit vne femme d'un Brachmane, qui mena avec soy vn petit enfant de huiët ans. L'un des nostres s'adressant à luy: Mon petit (dit il) ne voulez vous pas estre Chrestien: Si fay, respond l'enfant, menez moy avec vous: & aussi tost s'en court à eux. La mere tasche par allechemens & tous autres moyens, dont elle se peut aduifer, de l'en amener avec soy: mais l'enfant ne voulut point la suiure, ains s'en va avec les nostres, iusques à Goa, faisant deux lieues à pied, si petit qu'il estoit. Et cela fut cause que la mere se recogneut, & fut par ce moyē induicte à se faire baptiser. Son pere aussi, estât retourné d'un voyage, qu'il faisoit lors, ayât sceu la chose, en fut au cōmencement

Les enfans sont quelquesfois cause de la conversion de leurs parens.

grandemēt marry:toutesfois estant allé de là à peu de temps à Goa, s'en va trouuer nos Peres,& les prie, que puis qu'ils auoient l'œil de son front (ainsi appelloit il son fils) qu'ils voulussent aussi le baptiser à luy:car il vouloit estre bon Chrestien, avec tous ceux de sa maison. Il estoit desia fort aagé; & comme l'on veid qu'il y procedoit de bon pied,il fut avec grand honneur baptisé par l'Archeuef-que mesme.Puis on luy rendit son fils,bien que l'enfant ne voulut point retourner chez son pere de quelques mois. Toutesfois à la parfin on trouua certaine inuention pour l'y faire aller volontiers.

C'est vne chose aussi fort merueilleuse de voir comme Dieu reserve ce semble quelques personnes, qui ont vescu longuement en leur Idolatrie,pour les faire participantes de sa grace, par le moyen du baptesme,sur les dernieres marches de leur vie;à fin de leur donner incontinent sa gloire. Et parce que cecy aduient fort souuent, i'en mettray icy deux ou trois exemples seulement, tirez aussi de nos annales.

L'an 1596. Comme les Regens & escholiers du College de S. Paul,ont accoustumé quelques iours deuant la feste dudit College (qui est le iour de la Conuersion S. Paul) s'en aller aux villages de l'Isle de Goa,pour recueillir le fruit de leurs predications, qu'ils y font durant l'année, & amener à la bergerie de nostre Seigneur ces brebis esgarées parmy les deserts de l'Infidelité; inuitans les Ethniques& Sarrafins,qu'il y a encore à suiure le chemin de salut,& s'en venir à Goa pour estre baptisez, il arriva ceste année là, que deux d'iceux passans par vn bois de palmiers appartenant à certain Portugais,ils s'enquierent s'il y auoit là quelque Ethnique, qui voulut se rendre Chrestien. On leur respond qu'il en y auoit deux voirement,vn vieillard, & vne vieille, mais que l'un & l'autre estoient si obstinez en leur Idolatrie, qu'il y auoit quinze ans qu'on les preschoit,inuitoit,& prioit de vouloir se ranger à la loy de Iesus-Christ; & qu'il n'y auoit eu moyen de les diuertir de leur opiniastrété.Les nostres nonobstant cela prient qu'on les face venir.Estans là,ils cōmencent à leur parler: & petit à petit, Dieu par son infinie bonté amollit tellement leur cœur, qu'ils dirent tous deux, qu'ils vouloient estre Chrestiens. Et qui plus est le vieillard prie les nostres de luy vouloir donner quelque peu de temps,pour assembler quelques autres Payens ses parens: à fin qu'ils fussent faicts participans du mesme benefice.Tellement que non seulement ces deux, mais outre ce quelques autres furent à leur sollicitation regenez par

*Conuersion
admira
ble d'un
vieillard
& d'une
vieille.*

l'eau du baptesme estans desia vieux.

En voyci deux autres, qui ne sont pas moins admirables. En vn ^{D'une au} autre village, deux des nostres trouuerent vne vieille femme aagée ^{tre vieille} de quatre vingts & dix neuf ans : laquelle il semble que la diuine ^{aagée de} prouidence auoit reserué iusques à ceste heure là, pour la faire participante de sa grace. Les nostres luy demandent, si elle ne vouloit pas se rengier à la foy de Iesus-Christ. Elle ayant ouy ceste seule parole, se met tellement en cholere, qu'il sembloit qu'elle fut enragée; & de ceste sorte les renuoye. Mais tout ainsi que Dieu ne laisse pas incontinent le pecheur, qui reiette ses inspirations: ains souuent le pousse par autres diuers moyens à se recognoistre: de mesme les nostres ne delaisserent pas ceste pauvre vieille en son obstination, bien qu'ils eussent esté rudoyez d'icelle comme auons dit: ains ils s'aduient d'vne telle inuention. Apres que sa cholere fut vn peu passée, ils luy amenant deuant, vn grand nombre de ses enfans, nepeueux, & arriere-nepeueux, qui estoient presque tous Chrestiens. La prient de considerer que tous ceux là estoient descendus d'elle; & que le ciel estoit ouuert pour eux: mais au contraire que les peines eternelles d'enfer l'attendoient, si elle persistoit en son obstination. Avec telles & semblables paroles, Dieu principalement luy ouurant le cœur, pour recevoir sa sainte parole, elle fut tellement changée, que tout incontinent elle les prie de luy vouloir donner le baptesme. Les nostres toutesfois estimerent qu'il seroit mieux de le luy dilayer pour quelques iours, & cepédant l'instruisent, selon que le temps & sa capacité le permettoit. Trois iours apres ils retournent la voir. Elle craignant qu'ils ne luy voulussent encore prolonger dauantage le baptesme, les prie instamment de la vouloir baptiser au plustost. Car si elle venoit à mourir sans baptesme, ils seroient coupables deuant Dieu. Brief comme ils virent, qu'elle estoit passablement instruite, pour son aage, ils font dresser vn eschaffaut à l'Eglise, où elle fut baptisée avec grande resiouyssance, principalement des Portigais. La femme du Tanadar (c'est ainsi qu'on nomme le Gouverneur du lieu) la tint sur les fonts, & trois ou quatre iours apres elle rendit l'ame.

Vn autre aussi aagée de quatre vingts & seize ans, ayant esté baptisée en tel aage, se sentit trois iours apres atteinte de maladie, & cognoissant que son terme approchoit, faict appeller le Curé; lequel estant venu, luy demande si elle vouloit se confesser: elle dit ne sçauoir que c'estoit. Le Curé le luy ayant expliqué: Je ne sçay.

^{Et d'une}
^{de 96. ans}

„ (dit elle) auoir commis aucun peché depuis mon baptesme, & n'ay
 „ pensé a autre chose, qu'à remercier Dieu de la singuliere grace &
 „ faueur qu'il m'auoit faict, de m'auoir appelée à sa cognoissance en
 „ vn tel aage, sentant en mon ame vne si grande consolation, qu'il ne
 „ m'est pas possible de l'expliquer. Et ie vous ay seulement faict ap-
 „ peller à fin que me tiniez propos des choses diuines & celestes:
 „ car ie prens vn singulier plaisir à cela. Ainsi partirent de ce monde
 ces deux heureuses ames, reuestues de la robbe d'innocence qu'elles
 auoient receu fraichement au baptesme, ayant esté en leur vieilles-
 se regenerées, pour s'enuoler toutes ieunes au Ciel. Tellement que
 ce qui apporte du doinnage à plusieurs, fut à elles cause de salut.
 Car si la vie ne leur eut esté prolongée plus que aux autres, elles
 n'eussent, peut estre, esté sauuées. Mais ce que Dieu à conclu de tou-
 te eternité, ne peut estre changé. L'Archeuesque voyant parmy les
 Catechumenes la derniere, qui n'auoit guere moins de cent ans, se
 tournant la larme à l'œil vers ceux de sa suite; Voyez (dit il) com-
 me le ciel est rayuy de ceux cy par la force de la predestination, ainsi
 qu'on dit.

Mais ce qui s'ensuit, ne monstre pas moins le soing que Dieu à
 de sauuer ses esleus. Il y auoit vne ieune fille d'un honneste citoyen
 de la ville de Goa, laquelle estant proche de la mort eut vn tel son-
 ge ou vision. Il luy sembloit qu'un de nos Peres estoit allé a son lo-
 gis pour entendre sa Confession, ayant esté appelé d'icelle pour
 cest effect: mais qu'estant venu là, il ne l'auoit pas voulu confesser,
 disant qu'elle n'estoit Chrestienne qu'à demy. Le lendemain matin
 ayant raconté ce songe à ceux de sa maison, elle les prie instammēt
 de luy appeller quelqu'un de nos Peres. Lequel estant arriué, com-
 me il eut entendu ce que dessus, & se fut informé, si elle auoit esté
 baptisée ou non: Il trouue que ladite fille estant à Malaca, auoit biē
 esté présentée avec plusieurs autres aux fonts de baptesme; mais
 qu'apres auoir receu le sel sacré en la bouche, il suruint vn tumulte
 en la ville à cause de l'arriuée soudaine, & l'hopinée des ennemis, qui
 fut cause que tous se mirent en fuite; & ceste fille aussi se retira
 pensant estre baptisée; de sorte qu'elle s'estoit portée depuis pour
 Chrestienne, bien qu'elle ne le fut qu'à demy, comme luy fut re-
 uelē en songe. Le Pere donc la baptisa: & peu de temps apres elle
 rendit l'esprit à Dieu.

*Baptesme
 remar-
 quable
 d'une fil-
 le qui pē-
 soit estre
 baptisée.*

Vne infinité de cas pareils arriuent souuent, qui font bien paroi-
 stre l'infinité bonté & prouidēce de Dieu, enuers ceux qu'il a choisis

& priez pour la gloire eternelle, & comme il desire auoir les ames fraichemēt lauées dans le precieux sang de son fils, pour estre plus nettes de toute souilleure de peché; les appellant à foy bien tost apres, qu'elles ont esté regenerées par les eaux du S. Baptême. Bien qu'il arriue aussi souuent que ce sacrement sert de medecine, non seulement aux ames, ains aussi au corps: lesquels sont deliurez par ce moyen de tres-griefues maladies, & quelquesfois mesme de la mort. Ainsi qu'il aduint l'an 1586. dans l'hospital de Goa, où il y auoit vn Payen maladie, qui tiroit à la mort; & auoit desia perdu la parole. Neantmoins il monstra par signes, qu'il desiroit estre baptisé. Vn des nostres, qui estoit là, s'en apperceuant luy conféra le baptême, & aussi tost l'autre se trouue sain & gaillard. Mais c'est assez arresté à l'Isle de Goa: sortons vn peu dehors & voyons ce qui a esté faict és autres Isles prochaines.

Le baptesme cause de la santé du corps.

COMME LES ISLES DE CHORAN ET DIUAR ont receu la foy de Iesus Christ, & le bon exemple que donnent les Chrestiens d'icelles.

CHAP. III.

IL y a du costé du Nort de l'Isle de Goa deux autres petites Isles qu'on nomme Choran, & Diuar, assez bien peuplées d'habitans; lesquels estoient jadis fort addonnez à leurs superstitions Payennes, & auoient beaucoup de Pagodes, ou Idoles. Entre autres il en y auoit vn en celle de Diuar fort celebre, & auquel non seulement ceux du mesme païs, ains encore plusieurs autres Indiens portoient grand honneur. On l'appelloit Ganise; & disoit-on qu'il auoit esté fils propre d'Adam & Eue immediatemēt sorty d'iceux, avec vne infinité d'autres fables qu'on contoit de luy. Plusieurs venoient en pelerinage à son temple de diuers endroits de l'Inde, principalemēt au mois d'Aoust, auquel temps on celebroit sa feste. Ce temple estoit tout aupres d'une riuiera, là où il y auoit vn gouffre, dans lequel les pelerins & autres, qui visitoient ce temple souloient ietter force fruiets, viandes, & autres choses desquelles ils vouloient faire present à l'Idole: & lors que leurs offrandes s'enfonçoient dans l'eau ces pauvres auengles cuidoient que leur Ganise les vint prendre. Voire qui plus est, il en y auoit bien de si fols que pour se monstrier plus deuotieux enuers leur Pagode, & faire vne offrande de leur corps & ame, à iceluy, où plustost au Diable, qui les incitoit à cela, ils se iettoient dedans l'eau, & se noyoient

Choran & Diuar Isles.

Ganise Idole.

Cruauté Diabolique.

pour aller tenir compagnie à leur Pagode en Paradis, comme il disoient, où pour mieux parler, aux malings esprits en Enfer. Or les habitans de ces Isles auoient si auant enraciné dans leur cœur, telles & autres semblables folies, qu'il sembloit quasi impossible de les leur arracher de l'ame. De façon que jasoit que le Viceroy desirât extremement la conuersion de ce peuple, & que nos Peres y fissent tout ce qu'ils pouuoient: si est-ce qu'on n'y aduançoit pas beaucoup; & ce principalement à cause des Brachmanes, qui les gouuernoient: lesquels estoient autant cōtraires à la foy Chrestienne, qu'elle estoit contraire à leur auarice, & meschanceté. Car ils voyoient bien, que si les habitans de ces Isles l'embrassoient, qu'ils perdroient les offrandes, qu'on faisoit aux Idoles, & le moyē d'abuser le peuple avec les fourbes qu'ils leur donnoient. Mais Dieu (qui peut faire sortir des enfans d'Abraham, des pierres mesmes, ainsi que parle la verité mesme, c'est à dire des cœurs plus endureis que pierre) sollicité par beaucoup d'oraisons, penitences & sacrifices, que plusieurs deuotes personnes faisoient à ceste intention; & signamment ceux de la Compagnie, leur descourrit en fin vn moyē pour gagner ce peuple à sa foy qui fut tel. On resolut d'enuoyer en ces deux Isles plusieurs Predicateurs, afin que tous ensemble allassent semondre aux nopces de Iesus-Christ & de l'Eglise les habitans d'icelles, esperans que plusieurs auroient enuie d'y venir se voyans inuitez par tant de gens ensemble, qui leur portoient deuant le flābeau du S. Euangile, pour y estre conduits & amenez avec assurance. Ceux qui furent deputez pour aller à l'Isle de Diuar furent les Peres Antoine Acoſta, & Melehior de Figueroa; avec six autres de la mesme Compagnie, qui n'estoient pas encore Prestres. Et à l'Isle de Choran le P. François Rodriguez avec six autres non encore Prestres, entre lesquels il y auoit vn nommé Dominique Fernand, duquel nous parlerons cy apres. Tous ces deux esquadrons se jetterent de front sur ces deux Isles pour dōner teste baissée contre l'Idolatrie: afin de la ruër par terre. Chacun d'eux prechoit à son quartier avec vne ferueur nōpareille; si que assistez de la grace diuine ils y conuertirent la pluspart des habitāz, & des Brachmanes mesmes. Apres les auoir ainsi disposez ils prindrent le roolle de tous ceux, qui desiroient receuoir le baptême en chascune de ces Isles, & s'en retournerent à Goa; ou ils firent sçauoir le tout à l'Euesque & au Viceroy: lesquels en furent extremement aïsés avec le reste des Portugais, tellement que plusieurs de ceux, qui estoient

*Moyen
qu'on a
teu pour
conuertir
les habi-
tans à la
foy.*

*Sont gai-
gnés pour
la plus
part à la
foy.*

gens de moyens, s'offroient de vestir de neuf, certain nombre de Catechumenes, afin d'auoir part à vne si bonne œuure. Quelques iours apres les principaux Brachmanes de ces Isles vindrent à Goa au nom de tous les autres, pour remercier l'Euesque, le Viceroy, & les Peres de la Compagnie, du soing qu'ils auoient eu de leur salut. De là à peu, le P. Prouincial accompagné de quelques autres Peres les alla visiter. Les habitans monstrerent vn si grand contentement de leur venue, qu'ils accouroient de toutes parts, pour les bienueingner, de façon qu'a grand peine pouuoient-ils demeurer en vn champ fort ample & spacieux. Or estans là tous assemblez vn des Brachmanes, qui sembloit estre le plus honorable de tous, prend la parole pour les autres, & s'adressant au P. Prouincial le remercie au nom de tous les autres, de la faueur qu'il luy auoit plu faire de les venir voir; le suppliant qu'il ne les voulut abandonner, puis que par le moyé des Peres de la Compagnie nostre Seigneur leur auoit fait tant de grace que de les auoir esclairez de la lumiere de sa foy. Le Pere leur promet d'auoir vn soing particulier du salut de leur ame, & de leur faire plaisir en toute autre chose qu'il pourroit. Apres cela vient vn autre Brachmane fort aagé; lequel ayant seruy plus de quarante ans à vn temple d'Idoles, & desirant mieux employer le reste de sa vie, pria le Pere de luy vouloir octroyer de seruir durant le reste de ses iours en l'Eglise de nostre Dame, qu'on batissoit en ceste Isle: afin, dit-il, que ie recompense en quelque façon le temps mal employé au seruice du Diable.

Estans donc tous bien instruits & appareillez, le Viceroy avec *sont bap-*
ptisez plusieurs Gentilshommes Portugais & autres gens d'honneur, vindrent là pour assister à leur Baptême. Le Patriarche d'Ethiopie, duquel nous auons cy deuant parlé y fut aussi, accompagné du P. Prouincial & de quelques autres Peres du College de S. Paul. Le premier baptesme se fit en l'Isle de Diuar, dans l'Eglise de nostre Dame qu'on y auoit fraichement bastie. Le Patriarche & les autres Peres qui l'auoient suyuy confererent ledit Sacrement aux Catechumenes avec grande solemnité. Aquoy seruit de beaucoup la Musique, tant de voix, que d'instrumens diuers qu'on auoit fait venir de Goa tout expres. Apres auoir baptizé ceux de l'Isle de Diuar ils s'en vont à celle de Choran, là où ils donnerent le baptesme aux habitans tout de mesme qu'aux autres, & avec pareille celebriété. Depuis les nouueaux Chrestiens de ces deux Isles ont donné de telles preuues de leur vertu & constance en la Foy, qu'on estime

*Verueurs
des Chre-
tiens de
Choran.*

tresbien employé le trauail, qu'on a mis apres eux : de sorte qu'ils font honte à plusieurs anciens Chrestiens. Car ceux de l'Isle de Choran à fin de se conseruer plus synceres en la Foy, ne veulent auoir aucune accointance avec les Payens, ny mesme donner leurs filles en mariage aux Chrestiens, qui demeurent parmy les Gentils, de peur que la familiarité & voisinage d'iceux n'apporte prejudice à la pureté de leur foy. Ils ne permettent aussi qu'aucun demeure en leur Isle, qui ne soit Chrestien, & qui ne viue en bon Chrestien : de maniere qu'y ayât vn certain personnage de qualité & de noble race, lequel menât vne vie desbordée, avec vne meschante femme, causoit scandale à tous ces bons Chrestiens, apres que ses parens l'eurent aduertie plusieurs fois de s'amender, & qu'ils virerent que leurs remonstrances ne profitoient de rien, sans auoir égard ny à sa noblesse, ny au parentage, ils le bannirent avec ladite femme de l'Isle, alleguans qu'ils ne deuoient permettre, que quelqu'un vescu parmy eux, lequel par son mauuais exemple donnât occasion aux autres de ne viure pas comme il appartient à vn bon Chrestien. L'an 1583. mourut là vn de nos Peres nommé Dominique Fernand, lequel auoit esté en ceste Isle l'espace de 27. ans : & y auoit si bien trauaillé, que venant à deceder il y laissa cinq mille Chrestiens, n'en y ayant trouué que sept lors qu'il y fut enuoyé. Or d'autant que tous maintenant y sont Chrestiens, & qu'ils n'y laissent demeurer personne, qui ne le soit, quelques vns de ceux, qui n'ont voulu embrasser la foy de Iesus-Christ, se sont retirez ailleurs : & les Viceroy ont donné les biens de ceux-cy aux plus proches parens, qui sont Chrestiens ; mais il est aduenü qu'un certain Brachmane s'estant conuertie à la Foy, eust par le commandement du Viceroy les biens d'un sien parent, qui ne s'estoit voulu reduire : & à ceste cause s'en estoit allé avec sa femme & ses enfans hors de l'Isle. Mais ce Brachmane estimant plus (comme il est de raison) le salut de l'ame de son parent que les biens de ce monde, s'en alla le querir parmy les Sarrazins, & ne cessa de le prescher iusqu'à ce qu'il l'eut ramené & fait Chrestien, puis il luy rendit tous ses moyens. Or afin de maintenir ces Chrestiens en leur deuotion, & les faire tousiours profiter en vertu on fit bastir vne maison, en l'Isle de Choran, là où d'ordinaire fait sa demeure vn Pere & deux freres de la Compagnie. Et jaçoit que les habitans de ces Isles soient tous Chrestiens : neantmoins comme il vient souuent quelqu'un de la terre ferme, tantost des Sarrazins, tantost des Gentils, pour s'y habituer, ceux-cy se conuertissent ordinairement

*Residence
de la Com-
pagnie à
l'Isle de
Choran.*

dinairement à la Foy, par le bon exemple & les remontrances des autres; sinon ils les font vuidier de l'Isle. Tous ces Chrestiens font leurs assemblées en deux Eglises principales, qu'ils ont basties, l'une en l'Isle de Choran, & l'autre en celle de Diuar: & ceux de la Compagnie ont soing de les aller visiter quelquefois, & de leur enseigner ce, qui est nécessaire pour les acheminer à la vertu. Ils tiennent aussi en Choran vne eschole, pour les petits enfans, lesquels sont ordinairement plus de quatre cens, où on leur monstre à lire & escrire: & par mesme moyen leur fait-on apprendre la doctrine Chrestienne; & avec ceste instruction de la ieunesse se faict beaucoup de profit. Mais c'est assez parlé de ces Isles, venons maintenant à la terre ferme.

*LA DILIGENCE QV'ON A EMPLOYE, POUR
conuertir les habitans de Salsete: & comme ils se sont monstrez
tout vn long temps fort obstinez & reuesches.*

CHAPITRE IIII.

EN l'Inde basse il y a deux païs appelez du nom de Salsete; l'un est aupres de Goa, l'autre aupres de Bazayn, qui est vne ville plus Occidentale, que Goa, sise sur la coste de Cambaya, de laquelle no^r traicterôs cy apres. Or Salsete de Bazayn est bië vne Isle, Salsete de Goa n'est pas Isle ains terre ferme pro che de Goa. comme nous dirons, mais Salsete qui est proche de Goa vers le Sud n'est pas Isle, ains terre ferme, jaçoit qu'on la puisse appeller Peninsule ou presque-Isle, parce qu'elle n'est jointe avec la terre ferme, qu'avec vne petite lagueette, ou estendue de terre, longue & estroite, que les Grecs appellent *ισθμὸς*. Ce païs de Salsete appartenoit jadis à Idalcan, que les Portugais chasserent de Goa: mais à present il est annexé à la Couronne de Portugal, comme a esté dit cy dessus. Aussi luy est-il fort commode: car il est si proche de l'Isle de Goa, qu'il n'y a qu'un petit traject entre-deux: & depuis la cité iusques au plus proche port de Salsete l'on n'y cõpte que trois lieues. Le terroir est fort plantureux en toutes choses propres pour la nourriture de l'homme, & d'un air fort temperé. On y compte soixante six villés ou villages; mais il en y a douze de principaux, desquels le Gouuernement de tout le reste despend. La façon qu'ils gardent pour deliberer des affaires est telle. De chascun de ces lieux s'assemble certain nombre de personnes en l'un d'iceux de-La façon de consul-ter des puté à cet effect, là où se trouue aussi vn Greffier ou Notaire, pour rendre tesmoignage, & faire foy de tout ce qui s'y passe. Pour con-Salsete-ains;

clure & arrester quelque chose, il faut que tous soient de mesme auids, autrement s'il y en a vn seulement, qui soit de contraire, il n'y a rien de resolu. Le pays est fort peuplé, car on fait estat qu'il y aura bien en tout quatre vingts mille personnes, jaçoit que tout le pais n'ait pas de circuit plus haut de sept ou huit lieux. Il y a sur tout force Brachmanes : lesquels pource qu'ils sont gens riches & opulens, gouernent d'ordinaire tout le reste. Et pour ceste cause les habitans y ont esté plus obstinez en leur Idolatrie, si que l'espace de plusieurs années nos Peres n'y ont peu mettre le pied, pour y annoncer la bonne nouuelle de salut, iusques à ce que l'an 1560. le Viceroy Constantin, comme il estoit fort zelé à l'accroissement de la Religion Chrestienne print à cœur cet affaire, & sous sa faueur nos Peres commencerent d'y auoir entrée la mesme année: mais apres beaucoup de trauaux & fatigues, qu'ils y endurerent, on n'y conuertit que deux mille habitans, lesquels s'assembloient tous les Dimanches & Festes en cinq Eglises, qui furent là basties tout expres, & en chacune d'icelles y auoit deux Religieux de nostre Compagnie, tellement qu'ils estoient dix en tout. Les choses qui aduindrent lors plus remarquables, furent celles cy. Vn personnage de fort noble race s'estoit rendu Chrestien avec toute sa famille, excepté vn seul fils qu'il auoit aagé de 25. ans : lequel extremement fâché de ce que son pere, & toute sa maison auoient embrassé nostre Foy, se delibera de les quitter : & de fait s'en alla mettre à la suite du Roy Idalcan, où il fut le tresbien venu, tant à cause de sa noblesse (qui estoit fort ancienne) que pour auoir monsté tant de zele enuers sa loy; aimant mieux abandonner ses propres parens & plusieurs commoditez qu'il auoit là, que de se rendre Chrestien comme eux. Mais le pere de ce Gentilhomme marry sur tout de la perte de l'ame d'iceluy, luy escriuit plusieurs lettres avec des raisons si preignantes, qu'elles luy firent laisser le party qu'il auoit chez Idalcan, de façon qu'il s'en retourna avec son pere, & se rendit Chrestien comme luy.

*Salutains fors
obstinez,
& leur
Idolatrie
& la
cause.*

*Comme
des nostres
commanderent
d'y
presider.*

*Conuerfion
d'un seu-
ne Gen-
tilhomme.*

*Conuer-
fion d'un
Jogue.*

Il y auoit aussi là vn de ces Jogues qui viuent (côme a esté dit) dans des grottes à la façon d'hermites : lequel estoit fort modeste, discret, & d'un bel entre-jent, mais sur tout de grand esprit. Or ayât ouy parler de certains poincts de la foy Chrestienne, il desiroit en conferer avec quelqu'un, qui y fut entendu. Vn de nos Peres sçachant cela, le va trouuer; & jaçoit que l'autre fut si attaché à ses superstitions qu'il ne pensat pas les abandoner; toutesfois il goustâ

si bien les choses que le Pere luy dit, qu'è fin il recogneut son aveuglement, & suyuit la lumiere de verité, qui luy estoit présentée: si bien que prenant toutes les marques de sa secte & force papiers qu'il auoit de ces sadases, il les brussa tous publiquement au milieu d'une grande place. Ce qui offensa grandement les Brachmanes. Apres qu'il fut baptisé il s'en alla à son pays, & dans peu de iours amena sa meré & ses freres, pour estre faits participans de la mesme grace que luy.

Mais voicy comme les jugemens de Dieu sur l'election des personnes à sa gloire, bien que incomprehensibles, sont neantmoins infallibles. L'an 1581. vn de nos Peres voyageant en ce pais de Salsete rencontre parmy les champs vn Payen, auquel il commence à remonstrer la fausseté de ses Pagodes, luy declarant la grande recompense que Dieu a préparé au ciel pour ceux qui l'honorent & gardent ses commandemens. Le Payen touché interieurement du doigt de Dieu, prie le Pere de le faire Chrestien, & de le baptiser au plustost, parce qu'il sentoit les forces luy manquer peu à peu, & la fin de sa vie s'approcher. Il dit cela d'un tel accent que le Pere le creut, & se mit à le catechizer à la haste, parce que son Catechumene le pressoit fort; & jasoit qu'il sembler estre sain & disposé, toutesfois si tost qu'il eust receu le baptisme, il rendit l'esprit à Dieu.

Le mesme Pere voyageant encore en ce pais, & trouuant vne vieille femme fort lassée & recreuë du chemin, luy demande ou elle alloit. Ceste bonne vieille luy dit, qu'elle n'estoit iamais plus sortie de son village, mais qu'un peu auparavant, luy estoit uenu vn grand desir d'aller à l'Eglise des Chrestiens, & se rendre du nombre d'iceux: si que la seule pensée de cela luy causoit vn singulier contentement. Mais i'ay grande peur (dit-elle) de n'y pouuoir pas arriuer; car ie me sens si debile, que ie ne puis mettre vn pied deuant l'autre. Le Pere voyant cela luy declare briefuement les principaux poincts de nostre croyance, & l'ayant baptisée, elle rendit bien tost apres son ame à celuy qui l'auoit créé pour la mettre en son paradis.

Or jasoit qu'on conuertit tousiours quelques vns de nouveau en ce pais de Salsete; neantmoins comme les Payens estoient plus puissans de beaucoup que les Chrestiens, ils taschoient de ruiner & destruire tout ce qu'on alloit bastissant de bon parmy eux: de sorte que non seulement ils tançoient & vilipendoient de parolles ceux qui se rendoient Chrestiens, mais encore les affligeoient, &

trauersoient en toutes les sortes & manieres qu'ils se pouuoient aduifer. Car si quelqu'un embrassoit nostre Foy, aucun de ses parés ne le vouloit plus voir, moins luy parler, ny luy donner seulement vn morceau de pain, ou vn verre d'eau : encor qu'ils l'eussent veu mourir deuant leurs yeux de pure disette. Si grande estoit la haine que ces Payens portoient à ceux, qui embrassoient la Foy Chrestienne ; & pource il fallut necessairement bastir en ce pais vn hospital, pour y retirer tous les Chrestiens malades, souffreteux, & abandonnez de leurs propres parens & amis : afin de subuenir à leurs necessitez. Mais la haine que les Infideles de ceste cōtrée portoient à ceux de nostre Compagnie, estoit encore plus grande : à raison qu'ils taschoient de renuerser par terre le culte de leurs Idoles, sans mettre à bas leurs tēples, & au lieu d'iceux, bastissans des Eglises. Brief parce que c'estoit eux, qui persuadoient à leurs compatriotes de se rendre Chrestiens, pource les haïssoient-ils à mort, & monstroiet leur mal-talent en toutes les occurrences, qui se presentoient, comme l'on peut voir en ce qui s'ensuit.

La grande haine qu'ils portoiēt aux nôtres.

Exemples de leur mal-talent

Vn de nos Peres, qui faisoit sa demeure ordinaire en ce pais, estoit allé vn iour visiter quelqu'un de ses compagnons, qui estoit en vn autre lieu du mesme territoire, menāt auec soy quelques Chrestiens, qui l'auoient voulu suyure, pour le defendre contre les Infideles, desquels il estoit fort mal-voulu. Or comme ils nauigeoient sur vn canal de la riuierē, qui separe presque le pays de Salsete, d'avec la terre ferme, ou les Sarrazins auoient vne forteresse, & y tenoient grosse garnison, tant pour la defense du pais, que pour y faire payer certaine contribution, qu'ils leuoient sur les passans, bien que contre la coustume, & le-droict : si tost que le Pere fut arriué là, il se void environné de barquerolles, ou petites nacelles d'Infideles, lesquels commencent à se plaindre, de ce qu'ils ne venoient pas aborder là, pour payer le tribut. Le Pere leur respond fort doucement, qu'il n'estoit pas marchand, ny ne faisoit aucun trafic sur ceste riuierē, & pour ce, qu'il n'estoit obligé à payer le tribut. Eux indignez de ceste responce s'approchent petit à petit avec leurs nacelles, & se faisoient finement de quelques armes, que les Chrestiens auoient dans leur batteau, puis se iettent sur le Pere, & s'efforcent de le prendre prisonnier : mais comme ils virent qu'ils n'en pouuoient venir à bout, à cause de la resitance que les Chrestiens leur faisoient, ils le chargent de tant coups de perche, de javelot, & de pierre, qu'ils l'eussent massacré tout à fait, s'il n'eust prins en

main vn grand pauois, duquel il se couurit le mieux qu'il peut; cō-
 bien qu'iceluy ayant esté faulcé en plusieurs endroits, le Pere fut at-
 teint, & receut plusieurs playes. Mais ce qui plus declara la proui-
 dence de Dieu à le sauuer, fut qu'au mesme instant, que le Capitaine *Proui-*
 ne ou Gouverneur de ceste place alloit descharger sur sa teste vn *dence de*
 grand coup de coutelas, il y eut vn Chrestien, lequel voyant cela, *Dieu à*
 pour garantir le Pere bande son arc, & darde vn coup de fiesche, *garantir*
 trauers le corps du Capitaine, dont il tomba dans l'eau & mourut *à les fiesch.*
 bien tost apres. Les autres Sartasins voyans leur Capitaine tué, se
 retirent soudain, laissans aussi le Pere à demy mort, de façon qu'il le
 fallut porter à Goa, pour le faire penser de ses playes, dont il de-
 meura malade dans le liēt l'espace de 40. iours.

Vne autre fois les habitans de Salsete ayans prins le P. Balthazar
 Gagus, l'amenerent à la ville de Ponda, deuant le Gouverneur : le-
 quel commence à se plaindre de ce qu'il ne payoit pas le tribut, &
 de quelques autres choses semblables ; mais le Pere luy respondit
 de telle façon, que l'autre n'eut aucune occasion de mescontente-
 ment ; si bien qu'il le fit retirer chez quelques Chrestiens, qu'il y
 auoit là : & le lendemain il fut renuoyé libre. Le Pere ne sçauoit pas
 la cause pour laquelle il auoit esté si promptement deliuré ; mais
 apres il entendit que le Viceroy des Indes, qui estoit lors Antoine *Antoine*
 de Norogna, sçachant ce qui auoit esté fait, commanda qu'on mit *de Noro-*
 de bonnes & seures gardes à toutes les aduenues de l'Isle de Goa, *gna V'i-*
 defendant qu'on ne laissat sortir aucun des habitans de Salsete, & *ceroy des*
 se fut encore monsté plus rigoureux en leur endroict, si le Pere *Indes.*
 n'eut esté si tost deliuré. Mais il se sentit fort picqué & offensé de
 ce qu'on faisoit tels outrages à ceux, qui preschoient la foy de no-
 stre Seigneur, és terres mesmes de sa iurisdiction, tellement qu'il
 resolut de brusler ou ruiner tous les temples d'Idoles, qui se trou-
 ueroient au territoire de Salsete, tant pour venger les iniures, qui
 auoient esté faites à Dieu, que pour les disposer mieux, selon son
 aduis, à recevoir la lumiere de verité, lors qu'ils se verroient priuez *Fait rui-*
 de temples, & Idoles. A ceste cause il fit equipper & armer vne *ner tous*
 bonne flotte, sans qu'on sceut à quelle fin cela tendoit, & lors que *les tem-*
 ceux de Salsete y pensoient le moins, ils virent fondre sur eux ceste *ples d'I-*
 tempeste de soldats, qui soudain coururent tout le plat pais, brusle- *doles de*
 rent, & mirent à bas tous les temples d'Idoles, qu'il y auoit : & dit *Salsete.*
 on qu'ils en ruinerent deux cens, ou dauantage, sans compter vne
 infinité de petites chappelles dediées aux Idoles, & plusieurs autres

edifices somprueux, qui furent bruslez, où mis par terre: & n'y eut personne qui osat faire teste, parce qu'ils furent prins au despourueu, & ne se doubans nullement d'un cas semblable. Apres ceste

*Accroisse-
ment de
Chrestiens
ou Sal-
sete.*

ruine des Pagodes, les Chrestiens commencerent d'hausser la teste croissans en nombre, & en ferueur: de façon que dás peu de temps on y en comptoit iusques à dix mil. Mais les Brachmanes, & autres Gentils, furent grandement irritez contre ceux de nostre Compagnie, estimans que la ruine & destruction de leurs Pagodes auoit esté causée par eux. Et combien qu'ils ne monstroient pas ouuertement la haine qu'ils nous portoient, parce qu'ils ne s'en pouuoient pas venger à couuert; toutesfois lors que les occasions s'en presentoi-
toient, ils declaroient assez ce qu'ils auoient dans le cœur. Comme

*Les Sal-
setains
Idolâtres
ruinent
les Egli-
ses des
Chrestiens.*

il se veit en trois ou quatre guerres, qu'il y eut par apres entre les Portugais & le Roy Idalcan. Car tousiours ils se rengèrent du costé de ce Roy, encore qu'il fut Sarrafin, & ruinerent toutes les Eglises des Chrestiens, & quelques maisons qui auoient esté basties pour les nostres. Voire mais apres qu'on en eut remis en pied quelques vnes, pendant la paix où les trefues, qu'il y eut entre l'un & l'autre party, ils les abbatirent de rechef. Cecy aduint l'an 1579. un peu auant que la dernière guerre print fin. Or jaçoit que pour lors la paix fut faicte & accordée entre les Portugais & le Roy Idalcan, si est-ce que les Gentils de Salsete resterent encore si orgueilleux & superbes à cause des Guerres passées, que cinq villages proches des terres dudit Roy, refuserent de payer le tribut accoustumé aux officiers du Roy de Portugal. On dissimula pour quelque temps, pensant que les choses s'appaiseroient à la longue. Mais comme l'on s'apperceut qu'avec la douceur, ils se rendoient chascun iour plus insolens & outrecuidez, tellement qu'ils faisoient rebastir les temples des Idoles, & celebroident publiquement leurs festes & solemnitez profanes, sans auoir eu permission de ce faire; le Viceroy François de Mascaregnas, resolut de les chastier & punir comme ils meritoient. Et à ces fins il commanda au Capitaine general de son armée, de tenir prests & appareillez ses soldats, pour aller de nuit donner dans ces cinq villages. Or cecy ne se peut executer si secrettement, que les Salsetains n'en sentissent quelque vent: de façon qu'il se sauuerent vistement dans les terres du Roy Idalcan, tellement que les Portugais ne trouuerent personne contre qui se pré-
dre, sinon les Pagodes, qu'ils auoient desia rebastis lesquels furent tous de rechef mis par terre. Le Pere Pierre Berne de nostre Com-

*François
Mascare-
gnas
Viceroy
ranage
tout le
plat pays
de Sal-
sete.*

pagnie, se trouua là, quand on les abbatoit, & luy mesme de sa propre main, mit en pieces plusieurs Idoles: à cause dequoy la haine des Salsétains contre ceux de la mesme Compagnie, s'augmentoient de iour à autre: car ils leur attribuoient non seulement la ruine de leurs temples, tant la premiere que la seconde fois: mais encore disoient qu'ils estoient cause qu'on ne leur permettoit pas de les rebastir. Car jaçoit que depuis le temps que le Viceroy Antoine de Norôgna fit ruiner leurs Pagodes, ils eussent tasché par tous moyes d'auoir congé de les remettre, offrans vne grosse somme d'argent, à fin qu'on leur permit (& de fait ils furent fort pres de l'impetrer) routesfois nos Peres leur firent en cela tellement contrequarre, & apporterent tant de raisons au Viceroy, pour luy faire entendre que cela n'estoit en façon quelconque expedient, mesmes pour le seruice du Roy de Portugal, qu'en fin ils furent deboutez de leur esperance quand à ce costé là. Mais comme leur obstination alloit tousiours en auant de plus en plus, & qu'ils voyoient ne pouuoir rien gagner avec les Viceroyes de l'Inde, ils eurent recours au Conseil du Roy de Portugal, voire mesme à celuy de l'Inquisition: & firent de rechef tres-grande instance, pour auoir congé de rebastir leurs temples. Or les faulses informations, qu'ils enuoyerent estoient tellement desguisées, qu'il y eut grand doubte, si on leur deuoit permettre cela: Mais Dieu voulut qu'au mesme temps qu'on traitoit de cet affaire en Portugal, le Pere Alfonse Pachèque s'y trouua. Car ayant esté enuoyé des Indes à Rome pour Procureur de la Prouince, comme il fut retourné de Rome à Lisbonne, & attendoit la commodité de s'embarquer pour tirer droit aux Indes, on mit cest affaire sur le bureau. Luy sçachant cela, s'en va trouuer les gens du Conseil du Roy, & leur fit entendre clairement la fausseté des informations, que les Salsétains auoient enuoyé, & combien cela estoit preiudiciable, tant au bien de la Religion, que de l'estat de la couronne de Portugal és Indes: brief il fit si bien, que le Roy d'Espagne Philippe II. qui estoit desia lors Roy de Portugal, ordonna qu'on ne leur permit iamais de rebastir leurs temples, & osta aux Viceroyes & Gouverneurs de l'Inde la puissance de leur donner ce congé, retenant deuers soy tel pouuoir. Avec ce, les Salsétains perdirent toute esperance de venir à bout de leur dessein, & resolurent de se venger de ceux de la Compagnie, lors qu'ils en auroient le moyen, & mesme du P. Pachèque, pour les auoir du tout forclos de leur attentes par ceste ordonnance du Roy, qu'il auoit moyennée, & apportée d'Espagne.

*Haines
Salsé-
tains
contre
ceux
de la
Compagnie.*

COMME LE P. RODOLPHE A QU'AVIVA
 & autres quatre de la Compagnie furent massacrés
 pour la foy Chrestienne au pais de Salsète.

CHAPITRE V.

*La paix
 accordée
 & faicte
 entre les
 Portugais
 & les Salsé-
 tains.*

AVANT que la dernière guerre eut prins fin, les habitans de ces cinq lieux, qui s'estoient monstrez rebelles & refractaires, voyans qu'on les serroit de pres; & que le General de l'armée Portugaise estoit encore dans l'Isle avec ses gens, ruinât & destruisant non seulement leurs temples, mais aussi leurs maisons & possessions particulieres, commencerent à parler de quelque appoinctement. Et pource qu'ils sçauoient bien le grand credit, que ceux de nostre Compagnie auoient enuers le Viceroy, ils se voulurent seruir de leur ayde, particulièrement du P. Alphonse Pachèque, bien qu'il leur eut esté si contraire, que nous auons dit cy dessus. En fin la paix fut concludue & arrestée, moyennant certaines conditions, & entre autres, qu'ils payeroient le tribut, qu'ils auoient accoustumé au parauant, & seroient fideles & loyaux à la couronne de Portugal de là en auant: & reciproquement il leur fut accordé qu'on les maintiendrait en leurs priuileges, leur pardonnant les fautes passées. Cela faict ils retournent à leurs maisons avec toute assurance: & par ce moyen le nombre des Chrestiens print vn notable accroissement. Au demeurant comme les années precedentes, le Roy de Portugal Don Sebastien eut faict bastir vn College de nostre Compagnie à la ville de Margan, qui est proche d'une forteresse que les Portugais ont là, pour tenir en bride les Salsétains, nommée Rachol, & qu'il eut esté durant ces reuolutions mis par terre, les noîtres qui demouroient là, furent contraincts de se retirer dans ladicté forteresse, d'où ils s'en alloient visiter les Eglises, & les Chrestiens de tout ce pais, selon que la commodité le permettoit. Mais parce qu'il estoit malaisé d'assister en tant de lieux, esquels estoient espars les Chrestiens, pour les secourir en leurs necessitez spirituelles, on fut d'aduis apres que la dernière guerre eut prins fin, de bastir deux autres maisons, où (comme nous les appellons) Residences: l'une en Cortali, & l'autre en Orlin, qui sont deux autres lieux de ceste contrée, esquelles demouroient ordinairement quelques vns de la Compagnie. Outre ce il y auoit aupres du College de Margan vn logis tout expres pour les Catechumenes, quand on les instruisoit pour estre baptisés ainsi qu'à Goa, & encore vn Seminaire d'enfans

*Le nombre
 des Chre-
 stiens
 s'augmen-
 te durant
 la paix.*

*On rebas-
 tit les
 Eglises &
 s'en font
 d'autres
 de nou-
 ueau.*

d'enfans orphelins avec vn hospital, pour les malades necessiteux; & de toutes ces maisons auoient charge vne douzaine de Religieux de la Compagnie, qui estoient là.

Or combien que les Salfetains montraissent quant à l'exterieur, *Les Salfetains se ressentent fort des pertes,* qu'ils estoient appaisez; neantmoins comme eela ne procedoit pas du cœur, ains de pure contrainte & necessité, ils se ressentioient au dedans bien viuement, de ce qui s'estoit passé: & portoient fort à contre-cœur, de voir leurs temples ruinez, & le culte de leurs Idoles par terre; mais sur tous les Brachmanes, qui souffloient le feu de discorde, & l'attisoient par dessoubs-main, tant qu'ils pouuoient, pretendans auoir la plus grand part de la perte, tant en credir, qu'en leurs commoditez temporelles. Car ils n'auoient plus ny temples que seruir, ny Idoles que parfumer. Et pour irriter dauantage le peuple, ils luy remettoient souuent en memoire tout ce qu'on auoit fait contre leurs Pagodes. Adioustant qu'il estoit raisonnable de s'en venger, quand l'occasion s'en presenteroit, & qu'ils feroient vn plaissant & agreable sacrifice à leurs Dieux, s'ils massacroient ceux, qui auoient esté cause, non seulement des pertes, & dommages qu'ils auoient receu en leurs biens, mais aussi de la destruction de leurs temples, donnans à entendre que c'estoit à ceux de la Compagnie, à qui il s'en falloit prendre.

Les affaires estans en tel estat, le Pere Rodolphe Aquaiuia, Ita-*P. Rodolphe Aquaiuia* liẽ, natif de Naples, & fils du Duc d'Atria, nepueu du R. Pere Clau-*de Aquaiuia General* de Aquaiuia General en ce temps là de la Compagnie de Iesvs, *fils du Duc d'Atria* ou il auoit esté enuoyé trois ou quatre ans auparauant. Ce Pere *personne* estoit doiüé de tref-belles qualitez & de beaucoup de graces, tant naturelles, que surnaturelles, mais sur tout d'une grande humilité, prudence, debonnaireté & affabilité, pour lesquelles vertus & dons que Dieu luy auoit eslargi, il acquit tellement la bonne grace du grand Mogor, qu'il y eut bien de la peine de l'en retirer. Il auoit esté mandé es Indes quelques années auparauant en ayant fait tref-grande instance. Et peu de tẽps apres qu'il fut arriué à Goa le grãd Mo-*Est enuoyé au grãd Mogor & pourquoy* gor, duquel nous parlerons plus amplement au 3. liure, ayant prié par lettres & ambassades expressez nostre P. Prouincial de luy en- uoyer quelques vns de nos Peres, parce qu'il desiroit estre informé des principaux poincts de nostre Religion, comme il disoit, le P. Rodolphe fut entre autres destiné à ceste mission, ou voyage, tellement qu'il s'en alla à la Cour de ce grand Monarque, ou il demeura

*Le Roy le
vêtit par
force.*

l'espace de trois ans. Or étant de retour à Goa il fut receu avec tres-grande resioiyyssance de tous, tant domestiques que estrangers. Car il estoit fort aimé & cheri d'un chacun, & d'ailleurs parce qu'on se craignoit que ce Roy à la sollicitation des Sarrazins ne voulut le retenir comme prisonnier, ou comme esclave, où biẽ que les Mahometans le fissent mourir par poison ou autrement : parce qu'ils se craignoient fort qu'il ne gaignat le Roy à nostre Seigneur, & le fit Chrestien; car il l'estimoit & l'affectionnoit grandement. Mais comme Dieu en auoit disposé autrement, il voulut que le Grand Mogor luy donnat lors congé de s'en retourner: lequel neãmoins il ne luy auoit voulu octroyer l'espace de deux ou trois ans; bien que le Pere le luy eust demandé fort souuent, & avec grande instance. Car le P. Prouincial voyant qu'on n'aduançoit rien aupres de ce Prince, à cause de son irresolution, auoit mandé au P. Rodolfe, & aux autres Peres de se retirer à Goa; mais le Roy bien qu'il donnat permission aux autres Peres de s'en retourner, si est-ce qu'il ne le voulut point permettre au P. Rodolfe iusqu'à ce temps là. Mais en fin il ne peut resister au diuin vouloir, tellement qu'il le congedia, mais avec demonstration de bien-veillance extra-ordinaire; & luy voulant donner à son despart beaucoup de riches presents, le Pere les remercia bien humblement; & n'en voulut iamais accepter pas un, se contentant des merites & vertus, qu'il auoit ac-

*La bonne
edificatiõ
qu'il don-
na à tou-
te la Cour
du Mo-
gor.*

quises en sa Cour, avec tant de trauaux, persecutions, & maladies, qu'il y auoit enduré, ainsi que nous dirons, l'espace de trois ans, demeurât partie en cõpagnie d'autres Peres, partie tout seul au milieu d'une nation si peruerse: & ce avec autant de paix & de repos, que s'il eut esté en un College ou maison de la Compagnie, causant un grand estonnement à tous ceux, qui le consideroient de plus pres.

*Retourne
à Goa &
est fait
Recteur
de Salse-
te.*

Il ne fut pas si tost de retour à Goa, que le Pere Prouincial resolut de l'enuoyer pour Recteur du College de Margan, & des residences de Salsete: car on esperoit qu'avec sa vertu & prudence il feroit beaucoup de fruit en ce pais là, & appaiseroit avec son naturel doux & amiable les cœurs effarouchez des Salsetains, plus facilement que tout autre. On luy bailla pour compaignon le Pere Alfonso Pachèque, afin que durant quelques iours il luy donnat connoissance des lieux, & des personnes selon qu'il seroit necessaire, car le P. Pachèque entendoit tresbien les affaires de Salsete. Le Pere Prouincial vouloit aussi aller avec eux, mais s'estant trouué mal en

ce tēps, il fut contraint de rebrousser chemin, & s'en retourner a Goa: Estans donc partis tous deux de Goa sur le commencement de Iuillet de l'an 1583. ils arriuerent à la premiere Residence de la Compagnie qu'ils trouuerent, sçauoir est à Cortali, ou il y a vne Eglise dediée aux Apostres S. Philippe, & S. Iacques. Là ou estoit aussi le Rendez-vous de tous ceux de la Compagnie qui travail-
loient au païs de Salsete. Ce fut le 11. iour dudit mois, qu'ils se trouuerent là tous ensemble avec tres-grande consolation & liesse spirituelle, pour renoueller leurs vœux, selon la coustume de nostre Compagnie. Ce fait, ils traicterent par ensemble des moyens, qui seroient, à leur aduis, les plus propres pour ayder les habitans de Salsete à leur conuersion. Et ayant arresté & resolu quelques poincts là dessus, ils furent d'aduis que pour donner cōinencement à ceste entreprise, il estoit expedient que le P. Rodolfe accompagné du P. Pacheque, visitat premierement toutes les maisons ou residences de la Compagnie, qu'il y auoit en ce païs: & qu'ils aduissassent cependant les lieux plus commodes, pour y faire bastir des Eglises, & y planter des croix, commençans par le bourg de Cocu-
lin, & les autres qui s'estoient rebellés auparauant: afin d'entretenir en paix & amitié ces Gentils, & les consoler des dommages & pertes passées, & par mesme moyen leur pouuoir plus commodement annōcer la bonne nouuelle de salut, acquis aux hommes par nostre Seigneur. Ils s'estoient persuadez que cela se pouuoit faire avec toute assurance, estans mesme en compagnie du P. Alfonse Pacheque, auquel les habitans de ce bourg sembloient porter beaucoup d'affection, à cause qu'il les auoit fort aydez enuers le Viceroy, pour faire la paix. Ceste resolution prise ils partent vn Lundi 15. du mois de Iuillet, apres auoir offert à Dieu le S. Sacrifice de la Messe en l'Eglise de Orlin dediée à l'honneur de S. Michel l'Archange, n'estans en tout que cinq de la Compagnie; à sçauoir les Peres Rodolfe Aquauiuua, Alfonse Pacheque, & Pierre, Berne tous trois Italiens; & deux Portugais, l'un qui estoit Pere nommé Antoine François, & l'autre qui ne l'estoit pas, appelé François Aragna nepueu de Dom Gaspar jadis Archeuesque de Goa. Ils auoient aussi en leur compagnie quelques Chrestiens originaires du païs; & deux Portugais, l'un desquels estoit Secretaire du Capitaine de Rachol.

Arriuez qu'ils furent pres de Coculin voicy vn Gentil des principaux du lieu, qui les saluē d'assez bonne grace, & leur dit que les

habitans s'assembleroient apres disner, & viendroient les bieuei-
 gner. Tandis qu'ils s'apprestoient, les Peres font appeller deux au-
 tres Gentils des principaux du bourg, qui estoient ennemis, à cau-
 se d'un meurtre commis en la personne d'un homme de marque
 dudit lieu, parant de l'un d'iceux: & nos Peres desiroient les mettre
 d'accord. Celuy qui estoit l'offencé vint là, & monstra qu'il auoit
 bonne volonté de s'accorder: mais il dit que cela ne pouuoit se
 conclurre, sans le consentement de ses freres & parans. Cependant

*Nos Peres
 traittent*

d'y plâter

une Croix

& bastir

une Eglise.

les Peres traittoient par ensemble du lieu, qui seroit le plus à pro-
 pos pour bastir une Eglise, & planter une croix; car ils auoient de-
 liberé de le demander aux habitans pour ceste fin. Ce qu'ayant en-
 tendu quelqu'un de ceux qui estoient venus là, où pour espions, ou
 autrement par cas fortuit, il s'en vâ tout incontinent en faire le rap-
 port à ceux du bourg. Or comme ils estoient desia fort aigris & ir-
 ritez de ce qui s'estoit passé auparavant, il ne fallut pas beaucoup
 d'amorce, pour mettre le feu aux estoupes. Or il fut encores at-
 tizé par un certain enchanteur, lequel ayant assemblé force popu-
 la, se iette au milieu & commence à l'animer contre les Peres:
 disant que le temps estoit venu auquel ils pouuoient, & deuoient
 venger les torts & injures, qu'on auoit fait à leurs Dieux, desquels
 on auoit ruiné les temples, brisé les autels, brûlé & foulé aux pieds
 les statuës, de toutes lesquelles choses estoient causé les Peres de S.

Ceux du

bourg, s'a-

chant ce-

la, s'as-

semblent.

Un en-

chanteur

les incite

à massa-

crer les

nostres.

Paul: & que non cõtens de leur auoir fait tant de maux, ils estoient
 encore venus là pour y bastir une Eglise, & planter une croix: afin
 d'exterminer du tout la memoire & le culte de leurs Pagodes. A
 grand peine auoit-il acheué sa harangue, qu'une grande multitude
 de peuple se met à courir çà & là, pour prendre les armes, & al-
 ler massacrer les Peres. Or à celle fin qu'aucun ne leur eschappat
 ils s'en vont saisir des pas, par où ils pouuoient s'esfuir, & les
 attendent là de pied coy. Les Peres commencerent cependant à
 descouurir quelques signes de leur meschante intention: & pour
 esuiter les inconueniens, qui pourroient s'en ensuyure, ils resolurent
 de s'en retourner à leur demeure. S'estans donc mis en chemin, ils
 arriuent au lieu, où les Gentils les attendoient. Là où ils furent soudain
 environnez & assaillis de ces barbares, qui estoient armez de leurs
 arcs & fleches, de coutelas, espées, où cimeterres, & autre sorte d'ar-
 mes. Or si tost qu'ils les eurent apperceus, ils se mettent à crier, tuë
 tuë ces meschans enchâteurs, perturbateurs de nostre pais, & destru-
 cteurs de nos Dieux. Le Secrétaire du Capitaine de Rachol, se voyant

Ils se vû-

saïr des

passages.

ainsi surpris à l'impourueu, se voulut mettre en desfense avec vne arquebuse, qu'il auoit. Mais le P. Pacheque s'en courut vers luy, disant, qu'il n'estoit pas temps de se deffendre: mais d'attêdre la mort, & la recevoir d'un bon cœur pour l'amour de nostre Seigneur. Puis se tournant vers les barbares les bras ouuers & avec vne grâde paix & serenité de visage, leur dit en leur langue, qu'ils ne pensassent point qu'on fut venu là pour les troubler ou fascher en façon du monde: car ce n'estoit leur intention. Ce nonobstant, lesdits barbares à guise de loups rauissants se ruent avec vne grande furie sur eux, comme sur des doux agnelets, qui les attendoient avec plus de courage, & de resolution de donner leur vie pour leur Createur, qu'ils n'en auoient pour la leur oster. Le premier qu'ils blessèrent fut le Pere Rodolfe, auquel ils couperent les iambes au dessous des jarrets par derriere, dont il tomba à terre & se tenant à genoux il haussa les yeux au ciel, & offre sa vie à son createur, & la teste actuel barbare, abaissant luy mesme de sa main le colet de la sotane, & descouurant le col pour recevoir le second coup de celuy, qui le luy vouldroit donner, suyuant le conseil de son seigneur, & maistre. L'un de ces barbares voyant cela, luy descharge deux grands coups de coutelas sur le col, combien qu'il ne luy trancha pas tout à fait la teste: mais apres ce, il receut vn autre coup sur vne espaulle, qui la luy auala quasi du tout. Finalement on luy darda vn coup de trait dans l'estomach, & avec ces cinq playes il rendit l'ame à son Sauueur, qui l'auoit rachetée avec tout autant, mourant en l'arbre de la croix. Voyla comme le P. Rodolfe Aquaiua acheua heureusement son pelerinage sur terre, aagé seulement de trente trois ans. La moitié desquels il auoit employé en la Compagnie, seruant à tous comme d'un mirouër de vertu. Le second qu'ils blessèrent fut François Aragna. Il eut vn coup de coutelas sur le col, & vn autre de jaelot en l'un des costez. Or jasoit qu'il fut porté par terre de ces deux bleffeurs: toutesfois il ne mourut pas si tost, Dieu le reseruant pour endurer de plus grieux tourments, comme nous dirons cy apres. Le troisieme qu'ils attaquèrent, fut le P. Pierre Berne, auquel ils donnerent vn grand coup d'espée sur la teste par derriere, & luy en couperent vne piece, qui resta pendante de la peau; puis ils luy transpercerent vn œil d'un coup de dard, & luy ruèrent vn grand coup de coutelas à trauers de l'oreille: & non contans de ce, apres l'auoir acheué de tuer, ils exercerent sur son corps vne infinité de cruautez plus que barbares, pour se venger de ce, qu'il

Le P. Rodolfe meurt naturellement de ses playes.

François Aragna, blessé, ne meurt pas encore.

Pierre Berne Italien ind.

auoit brisé & foulé aux pieds leurs Idoles. Ce Pere auoit accoustumé de dire souuent qu'il estimoit que ceux de Coculin ne se conuertiroient iamais à la foy Chrestienne, de cœur & d'affection, iusqu'à ce qu'il y eut du sang espanché pour la deffense d'icelle, & que son cœur luy disoit qu'il y deuoit estre tué, pour ceste cause, comme il aduint aussi. Il n'auoit pas plus de trente ans, six desquels il auoit vescu en la Compagnie avec grâde edification. Le quatriesme fut le Pere Alphonse Pacheque, auquel ils donnerent vn coup de jaeline dâs l'estomac dont se voyât blessé a mort, il croise les bras, hausse les yeux vers le Ciel, & se presente pour receuoir le second coup, qui luy fut donné a la gorge, tellement qu'on luy perça le gosier; & de ceste sorte il finit heureusement sa vie, n'estant aagé que de 33. ans, la moytié desquels il auoit employé en la Compagnie, comme le P. Rodolfe. Le cinquiesme fut le Pere Antoine François, aagé seulement de trente ans, douze desquels il auoit vescu en la Compagnie avec grande satisfaction d'vn chascun. Ce Pere auoit accoustumé de demander à Dieu tous les iours au saint sacrifice de la Messe, qu'il pleut à sa diuine Majesté luy octroyer ceste faueur que d'employer sa vie, & esandre son sang pour la defense de sa foy. Ce qu'en fin nostre Seigneur luy accorda en ce rencontre: car ces barbares luy donnerent vn grand coup de coutelas sur la teste, & le naurerent de plusieurs autres blessures, dont le corps tomba mort à terre, mais l'esprit s'enuola au ciel. Ces cruels assassins n'ayâs encor assouui leur rage, comme ils furent aduertis par vne pastorelle qu'il en y auoit encore vn qui n'estoit pas mort du tout (c'estoit François Aragna, qu'elle descouurit pariny des ronces & halliers) ils s'en vont le chercher, & l'ayans trouué, se ruent tous sur luy, hommes, femmes, & petis enfâs avec vne fureur diabolique. Apres qu'ils l'eurent tiré de là tout ensanglanté & a demy mort, à cause des playes qu'il auoit desia receu, ils le menent avec grands cris & autres signes de resiouyffance, deuant leur Idole, & le trainent tout au tour d'iceluy par deux fois; puis le font tenir de bout sur vn pied seulement, ayant l'autre esleué en l'air, ainsi qu'ils ont accoustumé de faire enuers les malfaiçteurs, quand ils les mettent à la geine. Estant donc en telle posture, ils luy commandent de faire la reuerance à leur Idole, autrement qu'ils le feront mourir cruellement. Mais il leur respondit avec vne grande constance, qu'il n'estoit pas hors de sens comme eux pour adorer vne pierre, où vne piece de bois. Ce qui les esmeut à vne telle indignatiô & cholere, que l'ayât

*Le P. Al-
fonse Pa-
cheque
massacré*

*Le P. An-
toine François
Pere
tugais
occis.*

*François
Aragna
trouué
vif est
trainé de-
uant l'Idole.*

vn peu esloigné d'eux, ils commencent à décocher sur luy vne grande quantité de fleches, & lors il en y auoit des vns qui disoient: Maintenant vous bastirez icy l'Eglise? des autres: Maintenant vous planterez icy la croix? se mocquans ainsi de luy, & de ses compagnons. Brief ils le couurirent tellement de fleches, qu'il ressembloit à vn herisson, ou pour mieux dire à vn autre S. Sebastien lardé pour la mesme cause d'un grand nombre de traits. Estant donc ainsi nature il rendit son ame à Dieu, qui la courut d'une robe de gloire. Mais la fureur & rage de ces barbares estoit si grande, voire iusques aux femmes & petis enfans, qu'ils ne pouuoient se saouler de le frapper. Car apres mesmes qu'il fut mort, les vns le piquoient avec des espées, les autres avec des dards, quelques vns avec des bastons aigus, brief vn chascun vouloit auoir part à la vengeance de leurs Idoles. Aufquels pour faire plus de feste ils sacrifioient le sang des martyrs, & les en oignoient tous, comme ils ont accoustumé, pour leur faire plus de feste, de les oindre d'huyle, de graisse & autres choses semblables: & menoient vne telle ioye & liesse, comme s'ils eussent célébré leurs plus grandes solemnitez. Les ayans tous mis à mort, ils trainerent leurs corps, & les mirent dans vne fosse pleine d'eau, qu'il y auoit bien pres de là; puis la couurirent de tout plein de ioncée où ramée, à celle fin qu'on ne peut trouuer les corps. Ils massacrerent encore avec eux deux ieunes enfans yssus de la race des Brachmanes, qui estoient Chrestiens; & demeuroient es maisons de la Compagnie, qu'il y a en Salsete. L'un estoit appelé Dominique natif du bourg mesme de Coculin; mais parce que lors qu'on ruina les temples des Idoles, il monstroït à nos Peres les lieux où ils estoient, les statues d'iceux, on ne luy pardonna non plus qu'aux autres: l'autre se nommoit Alphonse, & pource qu'il auoit en ses mains le breuiere du Pere Pachecue, & ne le voulut iamais lascher iusqu'à ce qu'on luy eut coupé toutes les deux mains, il fut encores tué avec eux. On mit aussi à mort vn autre Chrestien du pais fort honnestre & vertueux, nommé François Rodrigues, & vn autre encor' appelé Paul Acoſta, qui estoit le procureur des Chrestiens de ce pays là, homme fort zelé à la conuerſion des Gentils, & qui aydoit beaucoup nos Peres en cecy. Des deux Portugais, qui les accompagnoient, l'un se sauua ſoubs la protection d'un Gentil, qui le cognoissoit: mais l'autre nommé Gonzale Rodrigues, qui estoit le Secretaire du Capitaine de Rachol, fut encore tué. Tout ce que dessus arriva le quinziesme du mois de Iuillet de l'an 1583. au mes-

*Il est
menſtry
à coup de
fleches.*

*Les corps
des mar-
tyrs traî-
nez dans
une fosse
pleine
d'eau.*

*Deux en-
fans de
mesme
pays Chre-
tiens iuez.*

*Deux au-
tres Chre-
tiens ori-
ginaires
de vn Por-
tugais
aussi mar-
tyr.*

*Le 15.
iour de
Iuillet
memora-
ble en la
Compagnie.*

*La nou-
uelle de
ce marty-
re quelles
affections
causa.*

*Le P. Pro-
uincial
avec 30.
autres de
la Com-
pagnie
vont que-
rir les
corps.*

*Les Payes
ne les
veulent
descom-
miser.*

*Ils les
rendent à
la fin.*

me iour que nos Peres & Freres du College de Goa faisoient me-
moire du martyre du Pere Ignace d'Azbede, & de ses quarante
compagnons, lesquels allant au Brasil, furent aussi massacrez, pour
la foy Catholique par quelques Huguenots sortis de la Rochelle,
treize ans auparavant, & à tel iour que cestuy là, comme nous di-
rons sur la fin du troisieme liure. Or comme ils auoient esté toute
ceste iournée en deuotion, sur le tard la nouuelle vint, de ce qui
s'estoit passé en Coculin: laquelle tout à l'instât leur apporta beau-
coup de tristesse, tant pour l'affection singuliere qu'ils portoient à
ces Peres, que pour le deffaut qu'il y auoit en ce pais là de si bons &
vtils ouuriers, pour la conuersion des Gentils. Mais apres qu'ils se
furent retirez à l'oraison par le commandement du Pere Prouin-
cial, leur melancholie se changea en ioye & consolation spirituelle,
si grande que tant s'en faut, qu'ils en monstassent aucun mescon-
tentement, que plustost ils portoient vne sainte enuie à leurs cõ-
pagnons, qui auoient finy si heureusement le cours de leur vie, &
souhaittoient estre participans du mesme heur, & felicité qu'eux.
Incontinent apres, le P. Prouincial avec les autres Peres, delibera-
rent sur ce qu'on deuoit faire, pour recouurer les corps de ceux, qui
auoient esté massacrez, à fin de leur donner sepulture. Finalement
ils prindrent resolution de les aller querir sur le lieu mesme: & fut
si grande la ferueur d'un chascun, que tous y vouloient aller, & sen-
toient tres-grande repugnance de demeurer à Goa; toutesfois cela
ne fut pas octroyé, sinon à vne trentaine, que le Pere Prouincial
choisit & y mena luy mesme. Arriuez qu'ils furent à la forteresse
de Rachol, ils enuoyerent de la part du Capitaine, & de là leur, de-
mander aux habitans de Coculin les corps de ceux qu'ils auoient
tué. Mais il n'y auoit ordre de les auoir: car les Payens ne vouloient
declarer le lieu, où ils les auoient cachez. Si que nos Peres estoient
pour s'en retourner sans rien faire, avec vn grand mescontentemēt.
Mais Dieu voulut les consoler en cela, faisant que les habitans de
Coculin se resolurent en fin de les leur rendre: & lors que moins
on y pensoit, ils enuoyerent dire au Capitaine qu'on les pouuoit
aller querir avec assurance: car ils les leur vouloient rendre. Sou-
dain que ceste nouuelle fut arriuee, le Capitaine & quelques Por-
tugais sortirent pour les aller recenoir; & leur ayans esté baillez
eux mesmes les voulurent porter iusques à vne chapelle de saint
Antoine, qui est à vn iect d'arquebuse de Rachol, ou ils les consi-
gnerent entre les mains du Pere Prouincial, & autres de la Compa-
gnie,

gnie, qui estoient là attendans avec grand desir de voir les sacrées despoüilles de ces bien-heureux martyrs. On les receut fort honorablement avec vn grand concours de peuple, qui s'estoit assemblé tout expres avec force flambeaux & cierges allumez, & les nostres chantoient cependant en Musique le Canticque de Zacharie, qui commence *Benedictus Dominus Deus Israël*, &c. Si tost qu'ils furent arriuez en ladite Chappelle, on aduisa, qu'il seroit bon de les descouurir, tant pour satisfaire au desir, qu'un chacun auoit de les contempler de plus pres, que pour les accommoder vn peu mieux, qu'ils n'estoient. Or la consolation que plusieurs receurent en les voyant, fut si grande, qu'il en y eut des nostres, qui asseurerent, n'en auoir iamais senti vne telle; où bien ceste là auoir esté des plus signalées, que nostre Seigneur leur eut communiqué en leur vie. Mais sur tout ils estoient esmeruillez de voir comme lesdits corps (bien qu'ils eussent demeuré trois iours entiers dans ceste fosse pleine d'eau) n'estoient nullement corrompus, ny ne sentoient point mal, ains celuy du P. Rodolfe auoit les playes si fraïches, que le sang en decouloit encore, comme s'il n'eust fait que de les recevoir tout à l'heure. Cecy eschauffa tellement la deuotion de ceux qui estoient presens, que tous se iettoient à la foule par terre pour leur baiser les pieds, les mains, & les playes, & ne s'en pouuoient assez saouler, meslans les larmes de deuotion avec le sang des bien-heureux martyrs; de maniere qu'on eut dit qu'ils voyoient de leurs yeux la gloire de laquelle ioüysssoient leurs ames, en Paradis. Cecy ne se voyoit pas seulement és nostres, ains aussi és Seculiers mesmes, qui baïsoient leurs playes avec vne tref-grande deuotion: & en y eut plusieurs qui en prindrent des reliques. D'aucuns trempoient leurs mouchoirs dans le sang qui decouloit encore de leurs playes, quelques vns coupperent de leurs cheueux, plusieurs aussi des pieces de leurs accoustremens, & autres choses semblables, sans que les nostres le peussent empescher. Estans portez à ceste Chappelle de S. Antoine enuiron sur les sept heures du soir, on les accommoda le mieux qu'il fut possible, combien qu'on ne leur peut vestir les accoustremens, qu'on auoit apporté tout expres de Goa, d'autant qu'ils estoient fort enfléz & bouffis, à cause de l'eau ou ils auoient esté. Apres qu'on les eut bien nettoyez, lauez & agencez sur les neuf heures du soir ou enuiron, l'on fit vne tresbelle & tref-deuote procession, en laquelle furent apportez les corps accompagnez d'une grande multitude de gens, car non seulement les Por-

*Commence
ils furent
receus.*

*On les
descouure
de la grā-
de consola-
tiō que
leur vœux
causa.*

*Le sang
tout fraï
decouloit
des playes
du P. Ro-
dolphe.*

*Deuotion
grande
des Chré-
tiens.*

Processiō deuote en laquelle sont portez les corps. Portugais de Rachol, mais aussi beaucoup des Chrestiens du païs s'y trouuerent avec force flambeaux & cierges ardans. Les nostres portoiēt les corps, & chantoient cependant tout plein de psalmes & cantiques propres à vn triomphe si glorieux. La procession marcha depuis ladite Chappelle de S. Antoine, iusques à celle de Nostre Dame de Rachol, là où ils furent enseuelis tous dans vn grand cercueil, distingué toutesfois en cinq places, avec des ais qu'on mit entre l'un & l'autre; & afin qu'on recogneut cy apres les reliques d'un chacun, on escriuit leurs noms dās vn liure, selon l'ordre qu'ils estoient disposez dans ledit cercueil; remarquant celuy qui estoit le premier, où second; à main droicte, où à main gauche, eu esgard au lieu où on les enterroit. Il en y a encore qui disent, qu'on mit le nom d'un chascun dās la place, ou estoit son corps. Voilà comment ces precieux gages furent mis en depost à la maistresse Chappelle de nostre Dame de Rachol iusqu'à ce que le R. P. General de la Compagnie auroit ordonné, ou ils deuoient estre transportez. Cecy arriua enuiron le 18. Iuillet, le soir mesme qu'ils recouurerent les corps. Le lendemain matin le P. Prouincial dit la Messe fort solennellement, non pas celle qu'on a coustume de dire à l'enterrement des autres trespassez, ains celle de *Sanctissima Trinite*, qui est pour rendre graces à Dieu de quelque benefice receu; car tous furent d'aduis, qu'il ne falloit point faire d'autres obseques ou funerailles pour eux, veu qu'il estoit asseuré qu'ils auoient esté tuez pour la Foy, & partant qu'ils estoient vrais martyrs. Or celuy qui prie Dieu pour vn martyr fait injure au martyr, veu que c'est à ses oraisons que nous deuons estre recommandez, selon le dire de S.

Aug. de verbis Apostoli. form. 27. tom. 1. Augustin: & qu'ils fussent tels, ceux-là mesme qui les auoient massacrerez l'attesterent. Car ayans esté sommez par le Viceroy, de respondre pour quelle cause ils auoient commis ce meurtre, ils luy escriuirent clairement qu'ils les auoiēt tuez, pour ce qu'ils estoient venus à leur bourg, pour y dresser vne croix & bastir vne Eglise; voulās par ce moyen ruiner & destruire le culte de leurs Pagodes.

Les Portugais de Goa sont indignez contre les Salfesains pour ce fait. La chose estant diuulgüee dans la cité de Goa, tous les Chrestiens tant Portugais que autres furent grandement irritez contre ces meurtriers, non seulement à cause de la singuliere affection, qu'on portoit à ces Peres, nominéement au P. Rodolphe, & au P. Pacheque, lesquels estoient fort cogneus, aimez, & respectez dans la ville; mais aussi pour raison de la hardiesse que ces barbares auoient prins commettant vn forfait si execrable és terres subietes au Roy de

Portugal, & si pres de la ville de Goa, capitale de cet Estat, voire quasi en barbe du Viceroy mesme, & de la noblesse Portugaise, qui estoit là. De façon qu'ils fussent allez volôtiers venger tout aussi tost la mort de ces Peres, & l'iniure qu'ils auoient receu en cela, ruinans de fond en comble le bourg de Coculin, & tous les autres ses confederéz, si le Viceroy le leur eut voulu permettre. Mais par ce que les malfaiçteurs s'estoient retirez dans les terres du Roy Idalcan, il fut d'aduis de surseoir pour vn temps la vengeance. Toutesfois elle ne tarda pas longuement à venir. Car l'année suyuant, le mesme Viceroy ayant faict bastir vne bonne forteresse au milieu de ceste contrée, il y mit dedans vne grosse garnison de soldats, lesquels ravagerent tout le plat país, & mirent à feu & à sang, tout ce qu'ils y rencontrerent, qui leur fit resistance. De ceste sorte non seulement les malfaiçteurs furēt chastiez à tout le moins en leurs possessions, mais encore les chemins qui estoient auparavant fort dangereux en ce país là, furent rendus plus asseurez aux voyageurs. Et outre ce, l'on fit particuliere punition de quelques vns des meurtriers qu'on attrapa, mesme des principaux chefs de ceste coniuration. Quant aux autres, on les pressa de telle sorte, qu'ils furēt contraints de s'humilier & demander pardon: lequel toutesfois ne leur fut pas octroyé, sinon sous griefues peines, & entre autres, l'une fut qu'en leur osta la iurisdiction qu'ils auoient auparavant, & furent faicts vassaux de deux Gentils-hommes Portugais, l'un appellé Pierre de Castre, auquel furent donnez trois de ces villages, & l'autre nommé Jean de Sylua, qui eut les autres deux. Quelques trois ans apres où environ, Pierre de Castre s'en voulant retourner en Portugal, comme il estoit fort affectionné à nostre Compagnie, donna gracieusement, & liberalement, avec congé du Viceroy, & des autres magistrats à ce requis, ces trois qui luy estoient escheus, au Nouitiat d'icelle estably à Goa, ainsi qu'auôs dit, à fin que les nouices qu'on receuroit là, fussent nourris des rentes d'iceux. Ainsi la mort de ces bien heureux martyrs donna la vie aux nouices.

COMME VN GRAND NOMBRE DE SACS

setains a esté conuertý à la foy de N. S. depuis le martyre susdict, & de la deuotion que monstreront les

Chrestiens de ce país là.

CHAPITRE VI.

*L'Eglise
croist par
le marty-
re. Aug.
in Ps. 38.*

SAINCT Augustin a remarqué fort à propos, que l'Eglise Chrestienne estant arrousee du sang des martyrs, iette plus de

*Tertul. in
Apolog.*

bourgeois, & rend vne plus riche moysson, que quand elle ne l'est pas; conformément à ce qu'un autre ancien Docteur à dit, que le sang des martyrs est la semence des Chrestiens. Car tout ainsi que d'un seul grain de bled estant tombé en terre, sort un bel espi, qui portera quelquesfois vne centaine de grains: de mesme pour un Chrestien qu'on iette en terre par le martyre, ils en viennent cent & davantage. Ainsi là-on experimenté en la primitiue Eglise: car les Empereurs Romains, & plusieurs autres Princes, pensans estouffer

*Ico. ser.
1. in Na-
tali Apost
Petri &
Pauli.*

*Le nombre
des Chres-
tiens fort
multiplié
en Salsete
de depuis
le marty-
re susdit.*

ceste diuine semence par la mort des martyrs, l'ont faicte multiplier dauantage, comme dit tres-bien S. Leon le Grand. Le mesme est il aduenü en ce pais de Salsete, suyuant la prediçtion du P. Berne l'un de ceux qui y furent martyriséz. Car l'an immediatement apres leur mort glorieuse, l'on y baptisa plus de mille cinq cens personnes. Les années suyuantes 1586. & 87. cinq villages entiers se rengèrent à la foy, & deux en un seul iour. L'an 1588. trois autres villages firent le mesme, la où on baptisa mille six cens personnes sans compter autres trois cens, qui s'en allerent à Goa receuoir le baptisme au College de S. Paul, le iour de la conuersion dudit Apostre, qui est la feste de l'Eglise, pour la rendre plus celebre. Et outre ce il en restoit deux mille qui estoient catechisez à mesme fin. Voire les plus endurecis semblent auoir esté amollis par le sang de ces bien-heureux martyrs: Car les habitans de ces trois villages qui furent dónéz au Nouitiat ont esté presque tous cōuertis; de maniere qu'estans auparauant comme la retraicte des voleurs, & autres mal-faicteurs, à cause qu'il n'y a delà qu'un petit traict iusques aux terres d'Idalcán, là ou ils souloient s'enfuir lors qu'ils auoient commis quelque crime, maintenant ils seruent comme de barriere, & de rempart pour la defense de tous les autres Chrestiens de Salsete.

*Au bourg
de Coculin
une Eglise
se bastie,
là où les
martyrs
la desi-
gnoient.*

Au bourg mesme de Coculin, ou les martyrs furēt tuez, il y a deux des nostres qui y font leur residence, à fin de monstrier le chemin de la vie eternelle, à ceux qui ont osté la temporelle à leurs freres: & desia ils en y ont acheminé beaucoup: tellement que l'an 1590. on y bastit vne Eglise au mesme lieu que les Peres auoient designé lors qu'ils y furent massacrez; & pour ce on la nommée l'Eglise de N. Dame des martyrs. La dedicace d'icelle fut faicte l'an susdict, au mois de May, avec un grand concours de peuple, tant du pais de Salsete, que de Goa mesme, d'où plusieurs gens de marque vindrēt pour assister à la feste. On y baptisa lors cent personnes, & petit à petit les autres se rengent à l'Eglise; mesme l'an 1594. l'un des prin-

cipaux chefs & autheurs (à ce qu'on dit) du meurtre des martyrs se recogneut & embrassa la foy de ceux qu'il auoit à ceste cause occis. Ce qui apporta beaucoup de consolation aux Chrestiens ; car ils ont esperance que sa conuersion aydera beaucoup celle des autres, parce que c'est vn homme de grands moyens & auctorité.

Il y auoit encore vn bourg, là où si quelqu'un des habitans se rendoit Chrestien, il estoit assuré d'estre mis à mort, ou d'une façon ou d'autre, s'il s'arrestoit là guere de temps. Et pource plusieurs qui auoient embrassé la Foy, s'estoient retirez ailleurs, ayans quitté leurs maisons & possessions ; que ceux qui restoient en leur obstination auoient usurpé. Or il pleut à Dieu changer leurs volonteze de telle sorte que tous d'un commun accord resolurent l'an 1588. de se rendre Chrestiens : & enuoyerent demander quelqu'un de nos Peres pour les instruire, & baptiser : auquel aussi ils laisserent l'arbitrage de tous les differens, qui pourroient suruenir touchant les biens de ceux, qui s'estoient absentez pour ce que dessus, & qui auoient esté usurpez par d'autres : disant que puis qu'ils mettoient leurs ames entre ses mains, ils luy pouuoient aussi fier leurs biens. Le Pere y mit vn si bon reglement, que tous furent contens. Au reste parce qu'ils auoient accoustumé auparauant de faire le vin en ce bourg, d'où ils tiroient beaucoup de profit : mais aussi cela leur apportoit vn grand dommage pour le salut de l'ame, car les Indiens sont fort addonnez à l'yrognerie, & aux pechez qui de là s'ensuyuent ; si tost qu'ils eurent receu la Foy ils ne voulurent plus faire le vin, & toutefois payoient le tribut que le Roy auoit accoustumé de leuer là dessus, aymans mieux endurer ceste perte, & se priuer du grand gain qu'ils retiroient de là ; qu'auoir occasion & la donner aux autres, de tomber au peché d'yrognerie, & autres qui de là se deriuent.

Enuiron l'an 1590. quelques autres villages resolurent d'un commun accord d'embrasser la Foy de nostre Seigneur, & ce avec telle ferueur, qu'ils arresterent que ceux qui ne voudroient la suyure vuideroient des terres de leur jurisdiction. En l'un de ces lieux appelé Cincin, on baptisa en vn seul iour cinq cens personnes ; & en vn autre appelé Nemus, tous entierement furent regenez par le Sacrement de Baptisme. L'an 1595. le plus gros bourg de Salsete, qui estoit tout plein de Brachmanes, & la pluspart d'iceux de la Chambre generale qu'ils appellent, qui sont les Gouverneurs des autres bourgs, arresterent d'un commun consentement, que

*Accroisse-
ment re-
marqua-
ble des
Chrestiens
en Salfete.*

tous les habitans receuroient la foy Chrestienne ; ce qui apporta beaucoup de consolation aux Chrestiens , car c'estoit le premier bourg de Brachmaies, qui eust d'un commun accord fait cela. Brief l'on comptoit en Salfete l'an 1596. pres de trente-cinq mille Chrestiens ; bien que l'an 1583. qui fut lors que les Peres furent martyrisez il n'en y eust guere plus de treize mil : de façon qu'en 12. ou 13. ans on ya aduancé plus de la moitié qu'on n'auoit fait l'espace de 25. ou 30. ans auparavant.

*Vn aueu-
gle recou-
ure mira-
culeuse-
ment la
vue.*

Mais il sera bon de raconter quelques cas remarquables qui sont aduenus en ces entrefaites , tirez pareillement de nos Annales. Il y auoit vn Chrestien de ce pais qui estoit au eugle , & pource fort cogneu en toute ceste contrée , lequel eut en dormant vn tel songe. Il luy sembloit qu'il estoit dans vne grãde sale, ou il voyoit vne fontaine d'eau , qui ne tarissoit iamais ; & là dessus qu'il entendoit la voix d'un de nos Peres l'admonestât de se lauer là dedans. Chose admirable si tost qu'il luy fut aduis de s'y estre lauë, il recouure la veuë. Sa femme aussi songeant la mesme nuit que le mesme Pere l'aduertissoit de faire vœu de ieusner sept Carelmes , afin que son mary receut guerison ; elle ayant fait ce vœu en songe, le lédemain trouua son mari tout a fait deliuré de son aueuglemēt. Ce qui l'encouragea dauantage à effectuer ce qu'elle auoit promis en dormant.

*Vn mala-
de guari
par la
confessiō.*

Vn autre qui auant d'estre Chrestien estoit fort addonné aux enchantemens, ayant son fils griefuement malade , se souuint de ses vieilles forceleries , & preparoit desia vn presët pour offrir au Pagode, afin d'obtenir la guerison de son fils. Mais auant que ce faire, la nuit comme il dormoit il luy semble voir vn des nostres, qui luy dissuade de faire ce qu'il auoit pourpensé, & l'aduertit qu'il fit confesser le malade. Ce qu'ayant fait, soudain son fils recouura la santé. Ces deux cas aduindrent l'an 1588. & enuiron deux ans apres celuy qui s'ensuiuit.

Il y auoit vne certaine femme mariée en ce pais qui desiroit se rendre Chrestienne, mais son mari qui estoit Infidele vouloit se retirer au pais des Sarrafins , & l'en amener quant & soy. Dont elle estoit fort marrie, voyant bien qu'il n'y auroit moyen d'effectuer son desir là où son mari alloit : tellement qu'elle s'excuse honnestement de faire ce voyage. L'autre estant retourné de nuit, quelques iours apres, comme elle refusoit de le suyure, la battit si cruellemēt que tous pensoient qu'elle en mourut. Elle aussi se voyant blessée à mort, enuoye querir vn Prestre pour estre baptisée auāt que rēdre

l'ame. Mais il aduint que tūst apres le baptesme elle recouura santé. Son mary ayant veu ce miracle se recogneut, changea de resolution, & se rendit Chrestien avec elle. Mais voicy vn autre changement aussi merueilleux.

Vn certain vieillard yssu de noble race entre les Brachmanes estoit si attaché au culte de ses Pagodes, qu'il en portoit tousiours sur soy vn bon nombre, & affligeoit son corps pour l'amour d'iceux, avec beaucoup de ieunes & austeritez. Mais Dieu en fin luy fit cognoistre sa folie, & la saincteté de la foy Chrestienne: si bien qu'il demanda instamment le baptesme; lequel il receut à son grand contentement & profit. Car par le moyen d'iceluy il fut guari non seulement de ses infirmités spirituelles (qui sont les pechez) mais encore de trois griefues maladies corporelles qui l'accabloient. De façon qu'il ne pouuoit se saouler de remercier Dieu de tant de graces qu'il luy auoit faict.

Vn autre aagé de quatre vingts ans, auoit desia vendu tous ses biens, & plioit bagage pour se retirer au païs des Sarraïns, voulant illec offrir tout son argent à vn certain Pagode, & mourir en ce lieu là. Mais nostre Seigneur au mesme temps luy preparoit le moyen pour acquerir le Royaume des Cieux. Car vn Pere qui passoit par là, recognoissant en son visage la tristesse, dont il auoit le cœur saisi, commance à luy parler tout doucement: & le manie si dextremēt assisté de la grace du S. Esprit, qu'il luy fit quiter son voyage, & l'induisit à se rendre Chrestien. Ce qui fut, sans doubte, vn coup de la diuine prouidence. Car deux iours apres, le vieillard rendit l'ame à Dieu.

Plusieurs guerisons miraculeuses se sont aussi ordinairement, tantost par le sacrement de baptesme, tantost par autres choses saintes & sacrées dont l'Eglise se sert, & nommément par l'eau beniste, par le recit de quelques periodes du saint Euangile & autres semblables. I'en apporteray seulement deux ou trois exemples, en laissant à part vne infinité d'autres. En vne parroisse nommée de sainte Croix, l'ā 1595. trois fēmes qui estoient en trauail d'ensēt, & vne d'icelles depuis deux iours, toutes trois en grand danger de leur vie, incontinent qu'elles eurent beu de l'eau beniste furent deliurées fort heureusement. La mesme année & au mesme lieu, vne femme apporta à l'Eglise vn petit enfant, qu'elle auoit, fort malade, de façon qu'il n'auoit rien prins de lōg temps; mais aussi tost que le Prestre eut recité sur luy l'Euāgile, il commāce à tetter, & se porta bien.

Conuersion notable d'un Brachmanne vieillard.

D'un quatre aagé de 80. ans.

Guarison miraculeuse par l'eau beniste. Par la recitation de l'Euangile.

*Grande
foy d'un
villageois*

Le bruit de cecy estant espars en diuers lieux, on apportoit à l'Eglise plusieurs petits enfans atteints de diuerses maladies: lesquels estoient gueris par la benediction du Prestre (ainsi qu'ils l'appellent) de sorte que maintenant il n'en meurt pas tant qu'il souloit. Mais voyci comme Dieu preferue encore les bestes pour l'amour des hommes. En vn de ces villages couroit certaine maladie parmi le bestail, qui en tuoit beaucoup. Vn Chrestien de ce lieu, qui auoit force troupeaux, craignant que cela ne les luy emportat, s'en va à l'Eglise, & avec vne grande foy, prend vn peu d'huyle de la lampe, qui brusloit deuant le saint Sacrement, & l'applique sur son bestail. Dieu, ce semble, eust esgard à sa bonne foy, & les luy preferua, tellement qu'il n'en perdit pas vne teste.

Or en toute ceste contrée de Salsfete, il y a quelques dixsept Religieux de nostre Compagnie departis en six ou sept lieux. Les douze ou treize sont Prestres; qui ont charge d'autant de paroisses, & les autres quatre sont laiz. Mais disons quelque chose de ce qu'il y a eu de plus remarquable en chascune d'icelles.

*Margan
ville de
Salsfete.*

A Margan, qui est vne ville située comme au centre, où au beau milieu de Salsfete, il y a vn College, qu'on nomme du S. Esprit, à raison de l'Eglise qui luy est dediee, ou demeure d'ordinaire le Recteur avec trois autres Peres, & autant qui ne le sont pas. On y enseigne la doctrine Chrestienne aux petits enfans, comme aussi en tous les autres lieux, ou il y a moyen. A Margan on en comptoit l'an 1596. pres de mille cinq cens; & de ceux là il en y auoit soixante cinq, qui aprenoient les lettres: lesquels s'en alloient les iours de feste par les villages d'alentour, pour enseigner le Catechisme aux villageois. Les habitans de ce lieu sont pour la plus part gens nobles, & fort capables d'instruction. Aussi sont ils les mieux apprins de tous. Ils ont vne confrerie du S. Esprit, qui sert d'un grand ornement à l'Eglise, mesme es festes plus solempnelles. Il y a encore icy vn hospital pour les malades, tant Chrestiens que Infideles, lesquels par ceste charité sont bien souuent gaignez à la foy, & apres toute leur maison, & famille les suit.

*Conuer-
sions re-
marqua-
bles.*

Ils celebrent avec grande deuotion les festes principales, mesmes de la Natiuité de nostre Seigneur, & des Patrons des Eglises: & cela est bien souuent cause de la conuersion de plusieurs. Car les Infideles se trouuent aussi à ces assemblées ordinairement. Il en y eut vn, lequel s'estant fourré à cachette dans l'Eglise, la minuit de Noël, sentit en son ame vne si grande consolation, qu'en estant par apres chassé

chassé (comme il fut recogneu) lors qu'on voulut dire la Messe, il pria instamment d'estre receu au nombre des Chrestiens, pour iouyr souuent de semblables douceurs : ce qu'il obtint en fin. Plusieurs autres Gentils s'estans trouuez à vne feste, ou l'on baptisoit quelques trois cens personnes, prierēt le Pere de les vouloir aussi baptiser. Mais comme il leur dit, qu'il leur falloit plustost apprendre la doctrine Chrestienne, ils repartent qu'ils la sçauoient desia: Le Pere en ayant fait l'espreuue, trouue qu'il estoit vray: tellement qu'ils furent associez aux autres. Et ne faut s'estonner de ce qu'ils sçauoient leur Catechisme sans auoir esté catechumenes. Car il y a au territoire de Margan vn gros bourg, tout plein de Payens, qui l'apprennent en leur maison, lors qu'il est nuit; parce qu'ils sçauent (disent ils) que tost ou tard il faudra qu'ils se rengent à la foy Chrestienne; & que lors qu'il sera besoing de ce faire, ils ne seront pas contraincts d'apprendre ces choses à la haste. On void icy par fois des conuersiōs bien inopinées, cōme sont celles qui s'ensuiuent. Vn de nos Peres ayant esté appelé pour ouyr la confession de quel-
Conuersiō inopinée de 150. Payens.
 que personne hors la ville de Margan, rencōtre en son chemin vne troupe de barbares, qui estoient en tout cent cinquante. Luy trouuant ceste occasiō, se met à leur prescher la foy de nostre Seigneur: & fut si heureux, qu'il les enferra tous dans les filets de l'Euangile. Or estant arriué au lieu où il alloit, il trouue vne ieune fille, qui l'auoit faict appeller, non pas pour se confesser; car elle n'estoit pas encore Chrestienne; mais pour se faire baptiser, disant qu'elle deuoit partir bien tost de ce monde. Le Pere ne voyant en elle aucun signe de maladie, & moins encore de mort, estima que c'estoit vn
Autre d'une seule fille.
 traict de legereté propre d'un tel aage, & mesmes en ce sexe; de façon qu'il luy demande si elle sçauoit desia sa croyāce. Si ie vis plus
 longuement (dit la fille) ie l'apprendray; mais si ie meurs bien tost, il
 n'est ia besoing de cela; car le seul baptisme me suffit, lequel ie
 vous prie me donner au plustost, d'autant que ie ne viuray pas lōg
 temps. Le Pere entendant cela l'instruit briueuement, & l'ayant ba-
 ptisée vn peu apres qu'il se fut retiré, elle rendit son ame à Dieu,
 couuerte de la robbe d'innocence.

Mais voyci vn plaissant traict. Vne fille de Margan ayant esté mariée au pais des Sarraïns, proche de Salfete, avec vn homme de
Costume barbare & cruelle des Indes.
 qualité & de moyens, qui estoit Payen & elle aussi. Luy estant de-
 cédé, comme c'est la coustume des Indes, que quand vn Brachma-
 ne où autre personnage de qualité vient à mourir, sa femme, ou ses

femmes (car ils en ont souuēt plusieurs) se iettēt toutes viues dās le mesme feu, que le corps de leur mary brusle: & quelques fois, si elles ne le veulent faire de leur gré, on les y iette par force. Ceste cy ne prenant pas plaisir à telle feste, voyāt que les parens de son mary la cherchoient pour luy faire faire ce saut, s'escoule tout bellement, & se retire à Margan vers ses parens, où elle se rangea à vne meilleure Religion, embrassant la foy Chrestienne bien plus profitable, & pour l'ame & pour le corps, que telle superstition ou coustume Payenne.

*Rachol
paroisse
toute
Chrestien
ne.*

A Rachol, la où les Portugais ont leur forteresse, il y a plus de deux mille trois cens Chrestiens, & l'an 1596. plus de sept cens furent baptizez de nouueau; tellement qu'il n'y a plus de Payens excepté vne certaine sorte de gens sauuages & farouches, qu'on appelle Corumbins. Ils ont vne Eglise dediee à nostre Dame des neiges, qui est la plus belle de toutes celles qui sont en Salsete. Or en ceste contrée il y auoit vn bourg tout plein de Payes fort cruels, & barbares, là ou d'autres fois (ainli qu'il est rapporté en nos annales de l'an 1595.) deux de nos Peres avec deux autres Portugais furent assommez à coups de pierre: mais l'année susdite les principaux du bourg receurent le baptisme, & taschoient encore de faire en sorte, que les autres suyussent leur exemple.

*Paroisse
de sainte
Croix.
Guarison
miracu
leuse.*

En la paroisse de sainte Croix, il y auoit vne femme Chrestienne qui tiroit à la mort, & desia ses parens la pleuroiēt comme morte. Vn Pere ayant esté appelé pour l'ayder à bien mourir, apres auoir recité l'Euangile qu'on a de coustume de dire sur les malades, luy demande si elle vouloit se confesser. Or l'açoit qu'auparauant elle eut perdu la parole, toutes fois apres ceste benedictiō, elle la recouura, & respondit qu'ouy. S'estant donc confessée, & ayant faict vœu d'assister tous les iours à la Messe, la voyla tantost apres guerie.

*Paroisse
de S. Tho
mas.*

Il y a encore vne paroisse qu'on nomme de S. Thomas, bien que leur Eglise soit dediee à nostre Dame qu'on appelle, de l'hermitage.

*Conuer
sion
d'un vieil
lard fort
obstiné.*

Il n'y a plus aucun Payen, car ceux qui estoient se conuertirent l'an 1595. Toutes fois il y auoit vn vieillard des plus riches & mieux apparentez du lieu: mais si fort obstiné en son idolatrie, que preuoyant bien qu'en brief les cinq villages, qui sont du ressort de ceste paroisse, se rangeroient à la foy de nostre Seigneur, & craignant que quelqu'un de ses enfans ou nepueux se fit Chrestien, se retire avec tous ceux de sa famille & parenté au pais des Sarrafins, bastissant là vn Pagode pour y faire ses supersticiōs. Mais en fin Dieu

l'esclaire de sa lumiere ; tellement qu'il manda à vn de nos Peres, qu'il vouloit se rendre Chrestien. Ce qu'il fit avec tous les siens, & retourna quant & eux à son premier domicile.

A Cortalin y a vne Eglise de S. Philippe & S. Iacques, là ou vn petit enfant malade à la mort fut apporté, pour y receuoir à tout le moins la vie de l'ame par le moyen du baptesme, puis que celle du corps estoit desesperée. Dieu luy voulut donner l'vne & l'autre: car soudain apres le baptesme, il se trouua aussi sain & gaillard, comme si iamais il n'eust esté malade.

A Orlin où, comme d'autres l'appellent, Vrlin, les habitans sont tous Chrestiens; mais il en y vient fort souuent vn grand nombre d'ailleurs pour se faire baptiser: de façon que l'an 1596. on y en cōpta iusques à quatre mille cinq cens & sept. On y enseigne la doctrine Chrestienne, & à lire & escrire en langue Portugaise & Canarienne à quelques sept cens enfans.

A Murmugan il y a vne Eglise de S. André, où l'on compte plus de trois mille deux cens Chrestiens, & tous desia le sont, tellement qu'il n'y reste aucun infidele, ny Catechumene.

A Coluan il y a vne Eglise de S. Iean baptiste, d'où la paroisse est appelée de mesme; là aussi tous sont desia Chrestiens. Or il y auoit en ce lieu vn champ dedié au Diable: lequel personne n'osoit cultiuer: car si quelqu'un l'entreprenoit, il estoit puny du diable par la mort où de ses enfans, où seruiteurs; ou luy mesme sentoit de tres-griefues douleurs, & pource on l'appelloit le champ du Diable. Mais il y eut vn Chrestien si feruent & courageux, qu'il s'hazarda de le labourer avec vne grande confiance en Dieu. Mais au prealable il y planta vne grande croix au beau milieu, dont il fut nommé de là en auant le champ de la croix. Puis l'ayant labouré & ensemencé, tant s'en faut qu'il en receut aucun dommage, que plustost il en retira plusieurs biens. Car outre qu'il y cueillit force fruiets, Dieu luy donna encore vn fils, qu'il desiroit fort auoir: car il n'en auoit pas auparauant.

Mais la plus grande deuotion, qu'il y ait en Salsete, est à vn lieu appelé Mazorda, là ou il y a maintenant plus de deux mille trois cens Chrestiens, & vne Eglise de nostre Dame fort visitée & frequentée des Chrestiens de tout ce païs. Aussi y reçoient ils beaucoup de graces, par l'intercession de la mere de misericorde. Disons vn mot de sa fondation, & puis de quelques choses plus remarquables, qui y sont aduenues.

*Les habi-
tans se re-
dēt Chre-
stiens.*

L'An 1588. les habitans de Mazorda resolurent presque tous de se rendre Chrestiens; & tandis qu'on les instruisoit, ils bastirent leur Eglise avec telle deuotion, que lors qu'ils portoient les pierres & autres materiaux de bien loing, ils marchoiēt tous de rang comme en procession, chantans la doctrine Chrestienne, tant pour alléger leur trauail, par ces douces & sacrées chansons; que pour estre mieux instruits, quand ils receuroient le baptême. Ayant esté paracheuée le iour qu'on l'estrena, le Duc de Salsète y alla de Goa, & y mena quant & soy les Princes Iaponois, qui estoient lors de retour de leur voyage d'Europe; & les Peres Visiteur, & Prouincial de nostre Compagnie, avec plusieurs autres gentils-hommes & personnes de marque. Il y eut ce iour là vn baptême de trois cens & dixsept Catechumenes. Depuis ce temps là on a accoustumé d'y dire chasque Samedy vne Messe haute avec grâde solemnité. Apres laquelle on dit aussi les Litanies de nostre Dame; & pour conclusion, l'on raconte vn exemple, où histoire de la vie ou des miracles de la sacrée Vierge. Cecy eschauffe tellement la deuotion des nouueaux Chrestiens, que plusieurs y viennent de bien loing; de façon qu'on diroit, que tous les Samedys il y a là vne foire, à cause du grand concours de peuple. Et non seulement les Chrestiens y vont, mais encore des Payens, qui bien souuent s'en retournent fideles.

*Coustume
fort de-
noté.*

*Payens
conuertis
voyant la
deuotion
des Chre-
stiens.*

Comme il arriua vn iour, que les principaux d'un bourg estans allés là pour voir ce qu'on y faisoit, furent si bien edifiez de la deuotion des Chrestiens, que soudain apres la Messe, ils se mirent à genoux deuant l'autel, prians le Pere de les vouloir faire Chrestiens; ce qu'ils obtindrent apres auoir esté deuëment catechisez. La mesme il y auoit vn marchand Payen, lequel se tenoit bien pres de l'Eglise, & regardoit de sa maison la deuotion des Chrestiens sans qu'il fut esmeu pour cela du desir de les imiter. Mais estant vn iour surpris du sommeil apres midy, il luy fut aduis en dormant, qu'il se trainoit les genoux à terre vers l'autel à guise d'un suppliant, & luy sembloit que le Pere le presentoit à nostre Dame. Il fit si bien son profit de ce songe, qu'il print ce conseil comme enuoyé du ciel; tellement que luy, la femme, & cinq enfans, qu'il auoit, furent baptisez, & amenez à Iesus Christ par sa sainte mere.

*Vtilité
de la de-
uotion en-
uers N.
Dame.*

Quant aux grâces qu'on y reçoit, j'en raconteray seulement deux cas particuliers. L'un est d'un Chrestien baptisé seulement depuis six mois, lequel auoit vn debteur, qui luy deuoit vne grosse somme d'argent, & outre ce le prix de quelques pierres precieuses de gran-

de estime & valeur : mais comme ce creancier estoit riche & puissant, l'autre ne pouuoit se faire payer : à cause mesmement qu'il n'auoit de luy ny cedula, ny obligé quelconque, voire qui plus est, ny tesmoing aucun qui peut faire foy de cela ; de façon que quand il luy demandoit son debte, l'autre n'en tenoit point de compte. Se voyant en ceste destresse, & en danger de perdre tout, il s'adresse à nostre Dame, & luy recoinmande son affaire. La vierge ne mesprisa pas les prieres de celuy, qui se fioit tant en elle, ainsi que l'effect monstra. Car peu de iours apres, son debteur luy paye ce qu'il luy deuoit, sans estre sommé d'autre que de sa propre conscience. Le creancier aussi ne fut pas ingrat du benefice receu par l'intercession de la sacrée vierge : car il donna vne bonne aumosne à l'Eglise susdite. Cecy arriua enuiron l'an 1595. L'année suyuant il y eut vn autre Chrestien, lequel estant deuenu fol & enragé, fut conduit & mené par ses parens en ceste Eglise ; là ou ils assisterent fort deuotement à la Messe, & le contraignirent aussi d'y assister. Brief ils implorerent l'ayde de la benoïste Vierge, avec telle foy, & affection qu'ils impetrerent au patiër l'entiere guerison de son mal. Ce qu'ayant esté diuulgüé parmy les Chrestiens, eschaufa beaucoup plus leur deuotion entiers nostre Dame. Ils ont accoustumé en ce lieu de faire la neufuaine, c'est à dire faire l'espace de neuf iours continus certaine deuotion, & apres cela se confesser, & receuoir le sainct Sacrement : dont ils retirent beaucoup de consolation, & profit, tant pour le bien de l'ame, que pour celuy du corps.

C'est ce que nous auons peu recueillir des fruiçs qu'on a recueilly de ce champ iadis tant inculte de Salsete, & maintenant si fertile depuis qu'il a esté arrousé par le sang des martyrs. Or par ce que le B.P. Xavier apres auoir trauaillé en la ville de Goa, s'en alla vers la coste de la Pescherie, nous suyurons aussi la mesme route, & apres auoir traité de ce qui est aduenü en l'Isle de Goa, & autres lieux proches d'icelle, nous parlerons de ce qui a esté fait en ladite coste.

*DE CAP DE COMMORI, ET DE LA COSTE
de la Pescherie, là ou le P. Antoine Criminal fut tué par les
barbares, & ce que quelques autres Peres y
ont aussi enduré pour la foy.*

CHAPITRE VII.

LE cap de Cómori, que Ptolomée appelle Cory, & Pline *Pro-^{Plin. lib.}
montorium Colaicum*, est vis à vis de l'Isle de Ceilā, situé à sept ^{6 nat.} *bis. c. 22.*

degrez & demy de latitude septentrionale. Ce cap & les montagnes, qui prennent d'icy leur commencement, & trauerſent toute l'Inde du Sud au Nort, que les Malabares appellent Gaté, ſont ceste diſtinction merueilleuſe des ſaiſons, dont nous auons cy deſſus parlé en paſſant: mais à ceste heure il eſt beſoing d'en dire quelque peu dauantage. Il faut donc ſçauoir que les ſaiſons de l'année ſont en l'Inde fort différentes des noſtres, & celles d'un coſté de l'Inde à celles de l'autre. Car depuis le Royaume de Cambaya, qui eſt le premier vers l'Occident iuſques au cap de Commori, & aux montagnes ſuſdites, l'hyuer commence ſur la fin d'Auril, & dure iuſques au mois de Septēbre: & au meſme temps, depuis ledit cap iuſques à la coſte de Choromandel il eſt eſté. Le contraire aduient aux mois ſuyuans, de façon que depuis Septembre iuſques en Auril, lors qu'il y a hyuer en la partie Orientale de l'Inde, il faiēt vn plaiſant eſté en l'Occidentale. On appelle icy hyuer vn temps pluuiex, plein de tempeſtes, & orages, eſclairs, & tonnerres, auquel on ne peut point nauiger: bien qu'il face en ce temps là plus de chaud, que durant celuy qu'ils appellent eſté; & qu'on amasſe, & recueille pour lors les grains & autres fruiets de la terre. Au contraire ils appellent eſté; lors qu'il faiēt vn temps ſec, & ſerain, jaçoit que les nuits ſoient aſſez froides. Or ce beau temps dure infailliblement tous ces ſix mois, & au contraire auſſi le mauuais; tellement que pendant l'hyuer on ne fait point de voyages ſur mer, tant à cauſe des tempeſtes ordinaires qui regnent, qu'à raiſon des monceaux de ſable qui ſ'accumulent aux haures, de façon que les grands nauires n'y peuuent entrer ny en ſortir. Or ce qui eſt icy de pl^r remarquable & qui mōſtre bien comme la diuine ſageſſe ſe ioie (comme l'eſcriture parle) en ce bas monde, eſt de voir qu'en vn meſme climat & degré d'elevation du meſme pole, lors que d'un coſté de ces montagnes, il fait vn ſi beau temps qu'ils appellent eſté, de l'autre l'on ne void que pluyes, tempeſtes, & orages: brief vn temps ſi mal gracieux qu'a bon droit ils le nomment hyuer; & ce en ſi peu de diſtance qu'il n'y a pas en quelques endroiets vingt lieuës, & le plus ſeptante depuis l'un riuage à l'autre oppoſite, allāt par terre. Voire ce qui eſt plus admirable, en vne meſme montagne d'un coſté, on aura vn beau temps, & de l'autre il ſemble que le monde ſe doit abyſmer, à raiſon des tonnerres, eſclairs, & pluyes qu'il y faiēt: comme ſi de la ville de Cochīn l'on veut aller par terre à celle de S. Thomas, en Ianuier paſſant par les montagnes Gaté, on aura en montant fort

*Eſtange
différen-
ce des ſai-
ſons en
l'Inde.*

*Merueille
de Dieu
& de la
nature.*

Prou. 8.

beau temps, & en descendant fort mauuais. Mais c'est assez de cela: disons maintenant quelque chose de la coste de la Pefcherie, laquelle s'estend depuis ledit cap de Commori vers l'Orient, iusques aux bancs de Remanancor. On l'appelle ainsi, parce qu'il se fait là *le plus lieu* *en Orient* *ou l'on* *pefche les* *perles.* aupres la plus belle, copieuse, & riche pefche de perles qu'en tout le Leuant. Il y a bien deux autres endroits en Orient, où l'on pefche aussi les perles, l'un est au golfe d'Aynan qui arrouse la coste de la Chine; l'autre dans le golfe Arabique, vis à vis de la ville Iulfar, qui appartient au Royaume d'Ormuz. Et bien que cestuy cy soit le plus renommé de tous en nostre Europe, tant parce qu'il est plus proche de nous, que pour raison des perles qui s'y trouuent, lesquelles sont plus fines, & plus grosses qu'és autres deux lieux; toutesfois on n'y en pefche pas si grande quantité comme entre l'Isle de Ceilan, & la coste de la pefcherie, de laquelle nous parlons. Or d'autant que ceste pefche est vne chose digne d'estre sceüe ie declareray icy brieffement comme elle se fait.

Enuiron le mois de Mars & d'Auril, les habitans de ceste coste nommez Parauaz, qui sont à present presque tous Chrestiens, font *comme se* *fait la* *pefche des* *perles.* entrer plusieurs à la nage dans la mer, pour descouurir en quel endroit il y a plus d'huyftres ou les perles sont enserrees. Car on les trouue quelquesfois en vn endroit, quelquesfois a vn autre en plus grande quantité que ailleurs: & pource on change tous les ans de place, faisant la pefche tantost en vn endroit, tantost à vn autre, selon qu'ils trouuent les huyftres arrestées. Ayant sceu ou il en y a plus grande abondance ils menent la tout plein de petites barques, où gondoles, esquelles viennent les nageurs, qui doiuent aller chercher les huyftres dans l'eau; & bien pres de là ils dressent sur terre vne longue rangée de cabanes: chascune famille ayât la sienne, pour se retirer tant de iour que de nuict. Car ils ont là tous leurs meubles & vtenfilles, & y menent leurs femmes & enfans. Brief ils y portent presque tout ce qu'ils possèdent. Les Portugais aussi tiennent là quelques vaisseaux bien equippez & armez, pour l'assurance desdits pefcheurs: à fin que les barbares ne leur viennent rauer ce qu'ils auront prins: & pour retirer aussi le droit que le Roy de Portugal a là dessus. Les choses estât ainsi prestes, les pefcheurs entrent dans leurs barques, qui seront de huit ou neuf cens en nombre, pour l'ordinaire, & attachent au bout des cordes qu'ils iettent dans la mer, vne pierre, à fin qu'elle aille iusques au fond de l'eau qui sera là, profonde de huit brasses ou enuiron. Ceux qui doiuent

entrer dans l'eau pour pescher des huystres, se serrent les narines avec de petites pincettes, qu'ils ont tout expres, & s'oignent les narines & les oreilles avec de l'huyle, & de la graisse: ils portent vn panier au col, ou au bras, & s'attachent à vn pied quelque caillou: puis se laissent couler par les cordes qui sont attachées à la barque. Aussi tost qu'ils sont à fond ils s'ostent le caillou du pied, & se mettent à ramasser vistement tant qu'ils peuuent de ces huystres, qu'ils trouuent accrochées contre les rochers (dont ce bras de mer est bien fourny) tantost a costé & tantost à fonds. En ayant prins autant qu'ils en peuuent porter dans leurs paniers, ils secouent la corde pour faire signe à ceux qui sont dans la barque, de les tirer hors de l'eau; puis d'autres y entrent iusques à ce que leur barque est remplie, ou que la nuit suruiuent: Car lors chascun se retire à sa cabane, & aupres d'icelle fait vn monceau des huystres qu'il a pesché. De ceste façon ils amassent grande quantité de ces huystres l'espace de quinze iours ou enuiron, que la pesche dure, & en font de grands monceaux sur le riuage de la mer, pour la garde desquels ils ont tout plein de soldats Portugais, & autres de leur nation. Or comme le Soleil vient à donner sur les huystres, elles s'entrouuent; & lors ils cognoissent ce qu'ils ont pesché, car en aucunes ils ne trouuent rien, en d'autres il y a des perles, ou petites, ou grosses, selon qu'elles sont. Et iasoit que les perles demeurent cachées dans la chair del'huystre: toutesfois comme elle se va sechant ou corrompant petit à petit, ou descouure la perle par sa lueur & clarté. Et apres que toute la chair est consommée, on retire les perles: & selon la grosseur, rondeur, & lueur d'icelles, on les vend ou plus ou moins selon l'affluance aussi des marchans, qui se trouuent là du temps de la pesche. Car ils y accourent ordinairement de tout plein de pais en grand nombre, de sorte qu'il se trouue quelquefois en ceste pesche plus de soixante mil personnes. Toute ceste coste aura cinquante lieuës d'estenduë, & quelques trente villes, ou villages. Le pais au reste est fort sterile: que si n'estoit la pesche des perles, il n'y auroit quasi personne qui s'y voulut tenir. Mais parce que nous auons dit, que les habitans de ceste coste sont la plus-part Chrestiens, voyons à quelle occasion ils s'en rendirent. Car ce cy merite bien d'estre remarqué.

*Histoire
remar-
quable.*

Vn peu auant que les Portugais vinsent aux Indes, les Sarrafins s'estoient emparez & rendus maîtres par force, & tyrannie d'une grande partie de la coste de l'Inde, selon que nous auons dit au 1.
liure

liure : & par mesme moyen s'estoient aussi vsurpez tout le gain & profit de ceste pesche de perles , de maniere que les Parauaz ne pouuoient pescher, sinon comme gagés & salariez desdits Sarrafins. Et partant toutes les perles, & le trafic, & deliurâce d'icelles estoient du tout entre les mains d'iceux. Or il aduint vn iour en la ville de Tutucurin, qui est la principale de ceste coste, qu'un Paraua eut debat avec vn Sarrafin pour chose de peu de conséquence. Le Sarrafin estant en cholere mit la main sur le Paraua, & le print par son pendant d'oreille. Car tous les habitans de ce pais, pour si pauures qu'ils soient, portent de longs pendens aux oreilles, avec des perles, ou autres pierres precieuses, & sur tous les Parauaz se prisent fort de cela : tellement qu'ils s'estiment griefuement offencez, si quelqu'un les touche là le moins du monde. Mais le Sarrafin passa bien plus outre; car il arracha son pendant au Paraua tout à fait, & luy rompit le bout d'oreille, ou il tenoit. Le Paraua se sentant fort piqué d'un tel affront, remonstre à ses parens & amis le tort, & iniure, qu'on luy auoit fait. Cela les esmeut tellement, que tous d'un commun accord resolurent de s'en venger, & d'effacer l'ignominie receüe en leur parent & amy; de sorte qu'ils se ruent vn iour à l'impourueu sur les Sarrafins, qui estoient du costé de l'autre, & en tuēt quelques vns. Ceux de l'autre party s'en reuancherent bien : car ils pillerent & saccagerent tout ce qu'auoient les Parauaz de ce lieu là, & en tuerent encore quelques vns. Voilà comme d'une petite estincelle vn grand feu s'allume. Car de la querelle de deux hommes vint le debat de deux bandes d'un mesme lieu : & apres ce, la guerre d'une nation contre l'autre; parce que les Parauaz tenans pour vne iniure commune faicte à toute la nation, celle qu'un des leur en particulier auoit receüe, s'assemblent le plus secretement, & en si grand nombre qu'ils peuuent, de tous les trente villages où villages qu'ils ont: & se iettent de telle furie sur les Sarrafins qui s'estoient habitez en ceste coste, qu'ils en mirent beaucoup au fil de l'espee. Or jaçoit que ceux qui estoient restez, fussent en plus petit nombre, que les Parauaz, toutesfois ils estoient beaucoup plus puissans qu'eux: parce qu'ils auoient en leur pouuoir toutes les forces & richesses du pays, & d'ailleurs estoient assistez des autres Sarrafins, qui d'ordinaire trafiquoient là, où demeuroient en ces quartiers de l'Inde: & au contraire les Parauaz n'auoient aucun appuy ny support humain. Si que les Sarrafins auoient deliberé pour se venger vne fois pour toutes desdits Parauaz, de n'en laisser pas

Pour petite occasion, des guerres s'esleuēt.

Mesme fect des Sarrafins

vn seul en vie. Ils arment donc & equipent vne grosse flotte sur mer : & à celle fin que leurs ennemis n'eussent aucun moyen d'euader d'vn costé ny d'autre, ils s'accordent avec les Seigneurs Payens de la terre ferme, & par beaucoup de presens, leur font promettre de n'ayder en façon quelconque les Parauaz (bien qu'ils fussent leurs Seigneurs naturels, & partant obligez à les defendre) ains, qui plus est, ils firent en sorte que lesdits Princes se banderent contre leurs propres subiects, & resolurent de leur faire la guerre à feu, & à sang du costé de la terre, pendant que les Sarrafins les assailliroient du costé de la mer. Ces pauures gens se voyans reduits à telle extremité & danger, s'adressent, pour demander conseil, à vn certain gentil-homme Malabarois, qui s'estoit quelques années auparauint rendu Chrestien, nommé Iean de la Croix, lequel se trouua lors en ce quartier. Cestuy-cy leur conseilla de se retirer aux Portugais, & leur demander ayde & secours contre les Sarrafins, leur donnant bonne esperance, qu'ils l'obtiendroient fort aisemēt, pourueu qu'ils se rendissent Chrestiens. Les autres trouuent bon ce conseil, & aussi tost deputerent quelques Pantagatis (qui sont comme les Consuls, où Gouverneurs de chascun village) pour aller à Cochin, représenter au Capitaine des Portugais leur necessité, & le desir qu'ils auoient de se ranger sous la bannière de Iesus-Christ, les prians de les vouloir assister de quelque secours. Arruez qu'ils furent à Cochin, ils rencontrent de bonne fortune ce grand homme de bien Michel Vaz, duquel nous auons tant souuent parlé cy dessus : & s'estans de primabord adressez à luy, il les meine au Capitaine de Cochin ; & escrit en leur faueur au Gouverneur des Indes, qui estoit lors Estienne de Gama : brief il fit en sorte qu'on leur promit le secours qu'ils desiroient. Mais pendāt que l'armée nauale s'apprestoit, les Ambassadeurs ayans esté instruits tellement qu'ellement, furent baptisez, comme pour arres & hostages. Et en recognoissance du bon conseil que ce gentil-homme Malabarois leur auoit donné, ils voulurent tous prendre son surnom : tellement qu'encore iusques à present les Pantagatis, & autres gens de qualité entre les Parauaz, se surnomment comme luy de sainte Croix. La flotte estant prestee ils s'embarquent avec Michel Vaz, & quelques autres Prestres pour baptiser & instruire les autres. Or ce secours arriua si a propos, & leur seruit si bien, que dans peu de iours les Sarrafins furent chassez de ceste contrée, & toute la coste fut renduë paisible, pour le Roy de Portugal, & lesdits Parauaz, lesquels rentrerent par ce moyen en

leur ancienne possession du droict de pescher les perles pour eux mesmes, & non pour autres, comme il leur demeure encor à present:jaçoit que le Roy de Portugal en tire quelque partie, comme pour tribut, en recognoissance dū secours qu'il leur donna. Cela fait ils accomplirent aussi tost leur promesse, si bien qu'il y eut en peu de temps iusques à vingt mil habitans de ladiète coste, qui receurent le baptême. Mais comme ceux qui le leur conseroient n'entendoient pas leur langue, ny les Parauaz aussi la Portugaise, ils n'auoient autre chose que le baptême, & le nom des Chrestiens: pour le reste ils estoient aussi Payens que deuant. Le P.Xavier ayant entendu ce recit de la bouche mesme de Michel Vaz resolut comme a esté dit au premier liure de se transporter là, pour instruire ce peuple ignorant, en la foy qu'il auoit receuë, mais non pas entenduë. Ce qu'il executa avec vn tel profit que nous auons veu cy deuant; & non content de ce, il donna ordre que tousiours il y eut quelques vns de la mesme Compagnie tāt pour amplifier le troupeau de nostre Seigneur, que pour maintenir ceux qui desia en estoient, & les repaistre de la parole, de Dieu, & des Sacremēs, comme ils ont fait iusqu'à present, nonobstant beaucoup d'incommodeitez, persecutions, & trauerſes, qu'ils y ont enduré, selon qu'il sera dit cy apres. Or quand il s'en alla au Iapon, il laissa pour Superieur Antoine Criminal, personnage d'vne rare vertu & saincteté de vie, duquel le mesme P.Xavier escriuant au P. Ignace de Loyola fondateur de la Compagnie, parle en tels termes. Antoine Criminal est „ *Lib. vi*
au cap de Commori, avec six autres de la Compagnie. C'est à la „ *ep. 104.*
verité vn sainct personnage, & qui semble estre né pour le bien de
ce pais. Je voudrois bien que vous en enuoyassiez plusieurs de tels
en ces quartiers. Il est Superieur de ceux qui sont au cap de Com-
mori, où il est tres-bien venu, & fort aimé des Chrestiens originai-
res du pais, voire mesme des Payens & Sarrafins. Je ne pourrois ex-
pliquer combien les nostres, desquels il a charge, l'affectionnent.
Voyla le tesmoignage qu'en dōnoit le P.Xavier: D'ailleurs on sçait,
qu'il estoit vn homme de grande abstinence, fort laborieux, patient
en ses traux & aduersitez, desireux d'endurer beaucoup, pour l'a-
mour de nostre Seigneur. Mais sur tout il estoit grandement adon-
né à l'oraïson: car outre qu'il y employoit la meilleure & plus grā-
de partie de la nuit, il souloit faire priere à Dieu quarāte fois cha-
que iour, les genoux en terre. Il auoit vn si grand zele du salut des
ames, que pour les gagner à nostre Seigneur, il n'espargnoit aucun

travail. Il prenoit vne grande peine allant visiter chascue mois à pied, & souuent à pieds deschaux toute ceste coste; brief il travailloit de telle sorte que par son exemple il encourageoit au labeur tous ses compagnons. Et pour ne manquer en rien de ce qui est le propre d'un bon pasteur, à l'exemple de celuy qui a dit, Que le bon Pasteur employe sa vie pour ses brebis, il s'exposa à la mort, & l'endura volontiers pour l'amour de son troupeau en la maniere, qui s'ensuit.

Jeân 10.

Trichandur Pagode fameux.

Il y a en ceste coste vne ville nommée Punical bien pres des bancs de Remanancor, au costé le plus Oriental & Septentrional du pais des Parauaz, là ou ils confinent avec les terres du Roy de Narsinga. Les Portugais auoient en ce lieu vne forteresse, qu'une quarantaine de soldats tant seulement gardoient. Or à deux lieues de là il y auoit un Pagode fort fameux, nommé Trichandur, duquel & ensemble des Brachmanes qui le seruoient, les Portugais souloient se mocquer, & gauffer bien souuent, & quelquesfois passoiēt plus outre; car ils frapportoient mesme les Brachmanes, & leur faisoient tout plein d'autres outrages, & iniures. Eux se sentans offensez griefuement de cela, en firent leurs plaintes aux habitans des lieux circonuoisins nommez Badages, qui sont subiects au Roy de Narsinga, ou Bisnaga. Ceux-cy entendans le cas, furēt fort indignez tant contre les Portugais, que contre les Chrestiens originaires de ce pais, lesquels auoient esté chargez de la mesme faute. Doncques

Les Badages s'assemblent contre les Portugais & Parauaz.

pour venger les iniures faictes à leur Pagode, & à ses Prestres par certains forains & estrangers, comme ils disoient, & à leur exemple par les habitans de ce quartier, ils assemblent avec certains signes accoustumez parmy eux, les ieunes gēs propres à porter les armes; si qu'en bien peu de temps ils se trouuerent bien pres de six mil hommes bien resolu, & adroits aux armes, car ces Badages sont gens fort belliqueux. Ils s'en vont donc avec grand courroux tout droit à Punical, là ou les Portugais auoient leur forteresse; laquelle n'estoit guere bien remparée; & d'ailleurs ils estoient despourueus de munitions de guerre, mesmes de poudre à canon pour tirer l'artillerie, dont ils auoient accoustumé d'effrayer (bien qu'ils fussent en petit nombre) vne grande multitude de barbares, & les mettre en fuite. Les ennemis n'ignoroient pas cela, en ayans esté aduertis par des espions qu'ils auoiēt là. Quant aux habitans du lieu, les Portugais ne s'y fioient pas beaucoup, car ils sçauoient bien qu'outre leur naturel qui est doux, & humain; ils estoient plus duiets à la nage

& à la pefche qu'à la guerre, ou aux armes. Ayant donc senti le vent de l'arriuée des barbares, & voyant qu'il n'y auoit moyen de leur refifter, ou faire teſte, ils arreſterent tous d'un commun accord qu'il ne falloir pas les attēdre, ains quitter la ville avec la fortereſſe, & ſe ſauuer viſtement dans les batteaux ou nauires qu'ils auoient à la rade. Les Badages aduertis de cela haſtent le pas pour leur couper chemin, & les empeſcher de gagner la mer. Deſia on diſoit qu'ils eſtoient fort pres: tellement que le peuple tout effrayé ſ'enfuyoit qui deçà qui delà. Les vns ſe retiroient és liēx les plus eſcartez, les autres ayans à la haſte empoigné & emporté de leur maiſon tout ce qu'ils auoient peu, ſ'en couroient à la mer pour ſe ſaiſir des bateaux, où s'ils n'y trouuoient place ſ'en alloient à nage vers les nauires; les autres ne ſçachans ce qu'ils deuoient faire en tel cas ſ'en alloient vagabonds tantost deçà, tantost delà. Sur tout le ſpectacle des femmes & petis enfans eſtoit deplorable. On les voyoit ſi eſperduës tenant leurs enfans entre les bras criant, gemiſſant & ſe lamentant, que c'eſtoit vne choſe fort pitoyable. Le P. Antoine Criminal ſe trouua lors en ce lieu là, y eſtant allé vn peu auparauant pour les viſiter, ainſi qu'il ſouloit chaſque mois. Voyāt donc ce pitieux ſpectacle, & qu'il n'y auoit aucun remede, ſinon par aduenture que les Portugais enuoyaſſent demander la paix aux Badages, moyennant quelques honneſtes conditions, il ſ'en va à leurs nauires, là où ils ſ'eſtoient deſia retirez avec toutes leurs armes, & bagage; pour parler au Capitaine de la garniſon qui eſtoit Iean Fernand Correa. Il luy repreſente la miſere de ces pauures gens, qu'il eſtoit obligé a defendre, & les malheurs qui les talonnoient de pres, ſi on ne taſchoit d'appaifer en quelque façon le courroux des barbares; ce qu'il pouuoit aiſement faire, enuoyant vne Ambaſſade vers les ennemis pour leur demāder la paix, & offrāt quelque honneſte ſatiſfaction pour les torts qu'on leur auoit faiēt. Mais le Capitaine ne voulut iamais condeſcendre à cela, eſtimant que ce ſeroit vne trop grande ignominie pour ſoy, & pour les Portugais, de requerir la paix des barbares. Brief il ayma mieux auoir occaſion de ſe venger d'iceux, que de garantir de tant de maux ce pauure peuple, qui neantmoins ſ'eſtoit mis ſoubs l'aiſle des Portugais. Le Pere voyant qu'il n'auoit rien peu aduancer en cela, voulut ſ'en retourner à terre, pour ne delaſſer ſeul ſon troupeau expoſé a la gueule des loups: Mais les Portugais ne le vouloient point permettre, diſant qu'il n'y auoit aucune occaſion d'expoſer ſa vie à vn danger ſi manifeſte,

Le P. Criminal expose sa vie pour ses brebis.

veu mesme qu'elle estoit si necessaire à tous les Chrestiens de ce païs: lesquels aussi le supplioient instamment de ne vouloir se mettre en tel hazard pour eux, estimans plus sa vie, que celle de leurs enfans propres; toutesfois le Pere ne fit pas tant de cas des raisons, que ceux qui estoient desia en seureté luy apportoint, que des larmes & plaintes des autres, qui restoint en danger; partant comme bon pasteur, il s'en retourne à terre, & s'en va à l'Eglise, ou il auoit dit la Messe ce mesme iour, pour représenter à Dieu l'affliction de son peuple, & le danger ou il estoit, offrant (comme il est à croire) sa propre vie en sacrifice à sa diuine Majesté, pour le salut de ses brebis. Son oraison paracheuée, il s'en retourne au riuage, pour faire entrer visteient tant de gens qu'il pourroit dans les barques, bien que plusieurs luy en presentassent vne pour entrer dedans, voire l'en importunassent; toutesfois il ayma mieux la laisser à d'autres, à fin qu'ils se sauussent, & luy demeura sur terre. Cependant les ennemis ne voulans entendre aucune mention de paix, espris de rage, & de courroux, se iettent à trauers sans aucune resistance; Et comme les Portugais se reculoient de terre hastiuement, & avec peur, les Badages iettoient eontre eux force coups de fleche, & plusieurs aussi d'arquebuzes, car ils en auoient peu auparauant recouru. Et encore qu'ils ne s'en aydassent pas fort dextremement: toutesfois ils tiroient quelques bales de plomb assez droict, tellement qu'ils en blefferent six, lesquels moururent bien tost apres. Mais d'autre costé le P. Antoine Criminal oublié de soy mesme, se souuenant neantmoins du deuoir de bon pasteur, lequel voyant venir le loup contre ses brebis ne les abandonne pas, ains s'en va l'attaquer pour sauuer son troupeau, luy, dis-je, voyât de mesme approcher les barbares, s'en va tout droict à eux avec vn visage ferme, & assuré, non pas pour frapper, mais pour estre frappé, & recevoir la mort ou plustost la vie eternelle. Estant à vn iect d'arc du premier escadron, il void tuer aupres de soy son compagnon & interprete, qui estoit vn homme de rare probité. Soudain qu'il l'eut veu tomber à terre, il se met à genoux les yeux & les mains leuées au ciel pour prier Dieu ainsi qu'il auoit accoustumé de faire quarante fois chascun iour avec certaines oraisons courtes, mais de grande efficace, qu'on appelle iaculatoires. Estant en ceste posture l'auant-garde des barbares passe tout contre luy sans luy faire aucun dommage, sinon qu'on luy en emporta son bonnet. Le second bataillon le laisse tout de mesme sans le toucher aucunement: mais au troisié-

me, qui estoit composé pour la plus part de Sarrafins, il en y eut vn lequel pour la haine mortelle que tous ceux de ceste secte portent au nom de Iesus Christ, & aux predicateurs de sa foy, fut le premier qui le frappa luy donnant vn coup de iaueline au costé gauche, duquel il luy perça les intestins. Les autres estimans qu'il estoit mort s'en courent pour luy oster vne pauvre sotane qu'il portoit : mais luy estant encore en vie, tant s'en faut qu'il les empêschat, que plustost il les ayda à la despoiller, estimant que c'estoit vne grande faueur que Dieu luy faisoit, que de mourir en mesme estat que son Sauueur, qui fut trois heures durant en croix tout nud, & mourut pour nous de la sorte. Luy donc desirant en cela l'imiter, non contât d'auoir baillé sa robbe à ces cruels larrons, se despoille aussi la chemise qui estoit toute trempée en sang, & la leur baille encore. Apres ce, il se leue en pied, & se met à marcher vers l'Eglise, desirant rendre l'ame aupres d'icelle pour faire vn holocauste de sa vie à Dieu deuant son saint autel. Ces loups acharnez cuydans qu'il voulut se sauuer dans l'Eglise le poursuuent. Luy les sentant venir par derriere s'arreste, leur tourne le visage, & avec la mesme allegresse qu'il s'estoit offert auparauant à receuoir le premier coup de jaueline, il receoit le second, puis s'estant mis à genoux on luy en donne vn troisiésme, qui le fit tomber sur l'un des costez. Incontinent les barbares se iettent sur luy, & avec grands cris & signes de resiouissance luy coupent la teste, & l'emportent avec sa chemise toute ensanglantée pour appendre comme vn trophée de leur victoire au temple de l'Idole Trichandur. Estans donc de retour ils attacherent sa teste aux creneaux, ou au plus haut dudit temple; monstrans assez par là, ce qui les auoit induit à le massacrer, n'estre autre que la haine mortelle qu'ils portoient à la foy Chrestienne, laquelle il preschoit, puis que pour honorer leur Idole au deshonneur de nostre Seigneur ils luy appendirent sa teste. Apres que les barbares se furent retirez, les habitans du lieu couurirent le corps du glorieux martyr avec vn peu de sable à la haste, craignans le retour des ennemis. Mais depuis les Portugais l'enseuelirent fort honorablement & avec beaucoup de larmes: toutesfois si profond dans terre (à fin de conseruer mieux ce precieux thesor) qu'on ne l'a iamais peu trouuer depuis.

Ce fut vn personnage d'une rare vertu, & sainteté de vie, homme de grand conseil, & de beaucoup d'experience, fort sobre en son manger & dormir, d'une merueilleuse patience, tant à porter &

*est bleffé
de trois
coups de
Jaueline*

*On luy
tranche
la teste.*

*Seu-
us, &
qualité.*

souffrir les travaux du corps que de l'esprit ; & s'il eust vescu plus long temps il eust laissé de rares exemples d'une vie vraiment Apostolique. Il estoit Italien de nation, d'un lieu proche de la ville de Parme, qui est en la Lombardie, appelé Sisi, d'où il sortit en la fleur de son aage pour aller à Rome, & là il fut receu en nostre Compagnie, lors qu'elle commancea d'estre instalée, par le B. P. Ignace fondateur d'icelle; & l'an 1542. il fut enuoyé de Rome en Portugal pour aller de là aux Indes, ayder le P. Xavier qui desia y trauailloit. Le P. Ribadeneira & luy vindrent ensemble de Rome iusques en Auignon; & de là l'un print le chemin de Portugal, & l'autre celuy de Paris, ou le P. Ribadeneira estoit enuoyé pour paracheuer ses estudes. Or il escrit en la vie du B. P. Ignace auoir remarqué en ce

*Ribade-
neira in
vita P.
Ignacij
lib. 3. c.
80.*

voyage de rares vertus en luy, & sur tout vne tres-ardente charité. Il partit de Portugal cinglant vers l'Inde bien tost apres, & fut le premier de la Compagnie apres le P. Xavier, & ses compagnons qui y fut mandé: combien qu'il n'y arriua pas sinon avec les Peres Lancelot & Iean de Beira, à cause que le nauire, où il estoit embarqué hyuerua au Mozambique ; & les autres n'y firent que passer seulement: de sorte qu'ils arriuerent tous trois ensemble à l'Inde avec le Gouverneur Iean de Castro. Or d'autant que le P. Xavier lors qu'ils aborderent à Goa, estoit en la ville de S. Thomas prest pour faire voile vers Malaca, ayant ordonné que tous ceux qui viendroient de Portugal s'en allassent à la coste de la pescherie pour instruire les Parauaz, le P. Criminal s'y transporta bien tost apres son arriuée ; jaçoit que M. Iacques de Borba, & les autres qui auoient charge du College desirassent grandement le retenir pour l'instruction de la ieunesse, & asseuroient que le P. Xavier le trouueroit bõ. Mais luy desireux d'accõplir de tout poinct l'obeyssance, sans glose, & interpretation aucune s'y en alla. Aussi y fut il recompensé & de son obeyssance, & de ses travaux, avec la couronne du martyre, cõme nous auons dit. Cecy aduint l'an 1549. quelques trois ou quatre ans apres son arriuée aux Indes, tellement qu'il fut le premier de tous ceux de la Compagnie qui ont espandu le sang pour le tesmoignage de la foy, non seulement es Indes, mais encore en tout autre lieu.

*P. An-
simo Cri-
minal 1.
martyr de
la Com-
pagnie.*

Maintenant il nous faut traicter de ce que quelques autres Peres de la mesme Compagnie ont fait & enduré pour la mesme cause en ceste coste, & pais des Parauaz : & premierement du P. Henry Henriquez, qui fut apres le P. Criminal cõstitué Superieur de tous
les

les autres qui cultiuoient ceste nouuelle plante de nostre Seigneur. Or à fin qu'on cognoisse quel personnage c'estoit, ie rapporteray icy vn chef d'une lettre que le B.P. Xavier escriuit à Rome, à nostre B.P. Ignace, où il dit ainsi. Henry Henriquez est vn Pere de la Compagnie, Portugais, doué d'une rare vertu, & qui meine une vie fort exemplaire. Il est au cap de Commori, sçait escrire & parler le langage Malabarois, & traueille si fort qu'il faict luy seul autant que plusieurs ensemble à grand peine sçauoient faire. Il a gagné vn tel credit & auctorité par ses sermons, & familiers colloques que tous les Chrestiens de ce pais le respectent & l'affectionnent merueilleusement. Je vous prie de consoler vn si grand homme de bien, si labourieux & si utile ouurier à la vigne de nostre Seigneur, lequel supporte le poids du iour & du chaud. Telle estoit l'opinion qu'auoit le P. Xavier du P. Henriques. Et de faict il ne se trompoit pas. Car si du fruit on cognoist l'arbre, il a plus que tout autre apres le P. Xavier profité, & aduancé la gloire de Dieu en ceste coste, l'espace de cinquante trois ans qu'il y a esté quasi continuellement, & y a fini sa vie en paix fort heureusement l'an 1600. ainsi qu'il sera dit au supplement de ceste histoire.

Or l'une des choses les plus remarquables qu'il y ait faict, a esté la conuersion d'un Iogue fort renommé en toute ceste contrée là. C'estoit vn homme d'un rare esprit, & qui sçauoit beaucoup. Car il auoit appris par tradition & communication qu'il auoit eu avec vn autre Gentil, tout plein de choses touchant les mysteres de nostre foy, auant mesme qu'il fut Chrestien. Entre autres il auoit la cognoissance de la creation du monde, de la cheute d'Adam & d'Eue, & de plusieurs autres histoires sacrées, jaçoit qu'avec cela il eut beaucoup d'erreurs meslez parmy, toutesfois il ne faisoit aucun compte des Idoles, ny des Pagodes: ains adoroit tant seulement vn seul Dieu, qu'il disoit & croyoit estre createur du monde: brief il estoit si auant en la cognoissance des commandemens de Dieu, & de la Philosophie Chrestienne, qu'estant interrogé du P. Henriques de plusieurs cas, s'il y auoit peché ou non, il respondoit aussi pertinemment qu'eut sceu faire vn Theologien bien versé en cela. Il estoit en outre d'une vie fort honneste: car il n'estoit point vicieux en sa vie & mœurs: ains fort adonné à la contemplation de la premiere cause, laquelle il auoit tousiours deuant les yeux de son entendement, la cherchant & la descouurant en toutes les creatures avec de si beaux discours, que le P. Henriques s'en esmeruilloit.

Mat. 11.

Mais comme sans la cognoissance de nostre Sauueur il n'y a rien de parfaict, il estoit si superbe, si arrogant, & presomptueux, qu'il luy sembloit n'y auoir rien au monde de pareil à luy. Le Pere tascha de le gaigner à la foy, & s'y employa fort long temps sans y rien aduancer. Mais comme il vid qu'il trauailloit en vain, si la puissante main de Dieu n'y besongnoit specialement; il s'adonne plus que de coustume à l'oraison, priant Dieu pour la conuersion de ce logue l'espace de deux ans, & requerant le mesme par lettres à ceux de la Compagnie, qui estoient en Portugal, & à Rome : à fin qu'ils facilitassent par leurs prieres la conuersion de ce barbare, tant il y a de difficulté à faire qu'un orgueilleux se recognoisse, & qu'il embrasse la foy de Iesus-Christ: lequel s'estât abbaissé & humilié si fort pour l'amour de nous, n'a voulu descourir qu'aux petits & humbles, les hauts secrets de sa diuinité. Mais à la parfin les prieres de tant de seruiteurs de Dieu, luy obtindrent ceste grace, qu'il se recogneut, & entendit premierement son insuffisance, & le peu qu'il pouuoit de foy-mesme; puis nostre Seigneur l'esclaira de sa lumiere, de sorte qu'il embrassa fort affectueusement sa foy. Cecy arriua vn peu auât le retour du P. Xauier du Iapon és Indes, avec l'estonnement de tous les habitans de ceste coste, & grande edification de tous les Chrestiens, qui s'esmeruilloient fort de voir sa debonnaireté, deuotion, & les larmes continuelles qu'il espendoit, apres que la grace du baptesme eut changé l'arrogance de son cœur en vne vraye humilité Chrestienne. Ceste conuersion acquit au P. Henriques vn tel credit en tout ce país là, que ceux mesme qui estoient estimez les plus doctes entre les Payens ou Sarrasins, n'osoient comparoistre deuant luy, ains s'enfuyoient d'aussi loing qu'ils le voyoient, craignans d'estre contrains de disputer avec luy. Par ce moyen on gaignoit tousiours país, dilatant de plus en plus les bornes du Royaume de Iesus-Christ, combien que le diable taschoit d'y mettre tous les empeschemens, & destourbiens qu'il pouuoit, causant de grandes traueses, & afflictions aux Chrestiens, par l'entremise des Badages susdits. Car comme ils virent que les Parauaz les redoutoient si fort, qu'ils se mettoient en fuite, si tost qu'ils entendoient leur venue, ils s'accoustumerent à venir piller & desrobber tout ce qu'auoient ces pauvres pescheurs, sans aucune resistance: & quand ils ne trouuoient que prendre sur eux, ils les faisoient prisonniers ou esclaves, lors qu'ils les pouuoient attrapper, & ne leur donnoient liberté iusqu'à ce qu'ils eussent payé vne grosse rançon. Que s'ils ne

les ruinoient tout a fait, c'estoit pour auoir moyen de faire d'eux tousiours quelque curée.

De ces persecutions que les Chrestiens enduroient, les Religieux de la Compagnie, qui viuoient parmy eux, en auoient leur bonne part. Car il en y a eu, qui ont esté faits prisonniers & captifs, d'autres qui ont esté tuez & massacrez, ou sont morts du mauuais traictement qu'on leur faisoit en la prison, ainsi que nous verrons en ce qui s'en suit.

Et premierement, le P. Alphonse Mendez, lequel fut aussi massacr^{P. Alphonse Mendez tuez par les infideles.}é par les Badages en la mesme contrée, & eut la teste tranchée tout de mesme que le P. Antoine Criminal. Quelque temps apres, le P. Paul de la Valée, estant desia fort aduancé en aage, fut pris en ceste mesme coste par les Infideles, & detenu en pris^{P. Paul de la Valée fait prisonnier par les infideles meurt en prison.}on l'espace d'un mois attaché aux ceps, endurant beaucoup de necessitez & autres miseres, tellement qu'il n'auoit qu'un peu de ris, & de l'eau pour sa nourriture. Finalement accablé de travaux, & comblé de merites, il eschangea ceste vie miserable, avec l'immortelle: ainsi qu'escriuit le P. Antoine Quadros, qui a esté Prouincial de l'Inde, en vne lettre dattée du 6. Decembre 1555. Le P. Xavier souloit dire de ce P. Paul de la Valée, que c'estoit vn homme de grande perfection & vertu. Vne autre fois ces mesmes barbares vindrent à l'impourueu, & se ieterent avec telle viffesse sur la garnison que les Portugais auoient là, qu'ils prindrent prisonniers le Capitaine mesme, avec sa femme, ses enfans, & cinquante soldats Portugais. Le P. Henry Henriques, qui se trouua parmi eux en ce temps là, fut aussi fait prisonnier; mais les barbares auoient si grande opinion de sa doctrine, & sainteté, & luy portoient à ceste cause vn tel respect, que jasoit qu'ils le tinssent prisonnier plusieurs iours, iamais ils n'oserent le tuer, comme ils auoient fait auparauant à deux autres Peres de la mesme Compagnie, ainsi qu'a esté dit. Mais à la parfin, nostre Seigneur le deliura, & les autres aussi, qui auoient esté prins avec luy d'une telle façon. Ces barbares non contents d'auoir fait prisonniers tant de gens, auoient encore assiégé & ferroient de si pres ceux de la ville de Punical, qui estoit proche de ladite forteresse, que ces pauvres Chrestiens couroient grand hazard d'estre tous tuez & incurtris, ou pour le moins rendus esclaves. Ces tristes nouuelles arriuerent à Cochin, lors qu'il n'y auoit aucun moyen (ce sembloit) de les pouoir secourir. Parce que le Capitaine des Portugais, qui se tenoient en ladite ville, estoit allé avec vne bonne partie des soldats, faire

quelque entreprise sur d'autres ennemis, & ceux qui estoient restez ne pensoient pas estre bastans pour cela: tellement que jaçoit qu'ils eussent bonne volonté de secourir les assiegez, & deliurer les prisonniers, toutesfois ils ne trouuoient aucun moyen de ce faire: car outre le defect de gens, il leur sembloit estre impossible d'y arriuer à tēps: & pource ne scauoient ils quel conseil prēdre. Mais Dieu qui ne delaisse point les siens au temps de la plus grāde necessitē, donna le courage a vn Portugais nommé Fernandes, qui se trouua lors dans la ville de Cochin, lequel estoit homme de moyens, & fort zelé au seruice de Dieu & de son Prince, d'aller secourir à ses propres despens, & au grand hazard de sa vie ces pauures gens. Il fit donc promptement equiper & armer vne flotte de quatre ou cinq nauires, qui estoient partie à luy, partie à ses amis, & s'en va soudain trouuer l'ennemy: lequel il surprint au despourueu tenant aux ancres quelque douzaine de nauires, & quarāte petits vaisseaux, qu'il mit incontinent en fuite: puis saute en terre, & faict mettre le feu aux tentes & pauillons du cāp des Badages, lesquels saisis de frayeur & de crainte, se retirerent plus viste que le pas. Et par ce moyen nō seulement il deliura le Capitaine des Portugais, le Pere Henriques, & les autres qui estoient prisonniers: mais encore fit leuer le siege de deuāt Punical. Neantmoins le P. Henriques endura tant en ceste captiuitē, partie à cause du mauuais traictement qu'on luy faisoit, partie aussi pour raison des cadenes & gros fers, qu'on luy auoit mis aux pieds, aux bras, & au col, qu'il en deuint tout enflē. Mais estant remis en santē il retourna de rechef à faire le mesme office qu'auparauant instruisant & consolant les Chrestiens de ceste coste avec autant ou plus de ferueur que iamais. Or auāt que passer plus outre és choses aduenues en ceste coste, il nous faut vn peu faire halte, & traicter cependant de ce qui est arriué en l'Isle de Ceilan.

*Ils furent
deliurez
par d'au-
tres Por-
tugais ve-
nus de
Cochin.*

*DE L'ISLE DE CEILAN, ET COMME LE
Roy de Iasanapatan fut chassé des cruantez, qu'il auoit
exercées contre les Chrestiens.*

CHAPITRE VII.

PVIS qu'il nous faut parler du Roy de Iasanapatan, tant à cause des Chrestiens de la Pescherie, que pour les choses qui sont aduenues en son Royaume, qui est l'un des principaux de l'Isle de Ceilan, & que plusieurs choses, qu'on raconte de ceste Isle sont dignes d'estre sceuës, & donneront beaucoup de lumiere a toute

ceste histoire, nous traiçerons sommairement de ce qu'il y a de plus rare: à fin d'auoir vne plus claire cognoissance de l'iniustice & meschanceté de ce Rey, & par consequent des autres punitions, que Dieu luy enuoya pour ses pechez, comme nous verrons en ce qui s'ensuit. L'Isle doncques de Ceilan est distinguée & séparée du cap de Commori par vn petit bras de mer, comme est la Sicile de l'Italie. Elle a septante huiët lieuës de long, quarante quatre de large, & de circuit deux cens quarante. Au reste c'est la meilleure piece de terre en proportion qui se trouue en toute l'Inde, soit qu'on iette les yeux sur la mer, qui l'ennironne, ou sur la terre qu'elle cōtient, ou sur l'air qui la couure. Car pour le regard de la mer, outre la grande quantité de poisson qu'il y a; desia nous auons dit, que l'vne des trois minieres, d'où l'on tire les perles de l'Orient, est entre la coste de la pescherie, & l'Isle de Ceilan. Quant au terroir, les bois de ceste Isle portent la meilleure canelle du monde, & en tres-grāde quantité. Les palmiers fruiçtiers, desquels nous parlerons cy apres, y croissent merueilleusement bien: les champs foisonnent en ris, que les habitans appellent Bate. Et a ceste occasion vni Royaume de l'Isle a esté appellé Batecalou, pour cause de la grande abondance de ris, qu'il porte. D'icy l'on tire les plus fins rubis, saphirs, topases, & autre sorte de pierres precieuses, excepté le diamant, qui se trouue au Royaume de Bisnaga. Pour le regard de l'air, il y est le plus pur & delié, qu'en toute autre contrée de l'Inde. Car jaoit que ceste Isle soit située sous la Zone Torride, n'estant la plus Septentrionale poincte d'icelle, qu'à huiët ou neuf dégrez de hauteur du Nort: toutesfois la diuine prouidence à tellement disposé les causes naturelles, qu'il n'y a presque mois de l'année auquel il ny ait des pluies, qui seruēt, & pour rafraischir l'air & arrouser la terre, laquelle auoc ce & les eaux des riuieres, qui descendent des montagnes, & apres plusieurs tours & retours s'en vont en fin rendre dans la mer, est semblable à vn beau jardin ou vergier; si remplie elle est d'arbres fruiçtiers, & aromatiques, lesquels elle produit plus tost de sa nature, que par l'industrie de ceux qui la cultiuent. Car comme en ce pais les Roys sont heritiers de leurs vassaux, & prennent toute leur cheuance lors qu'ils viennent à mourir, sans en donner aux enfans du defunct, sinon autant qu'il leur plaist, les peres ne se trauaillent pas aussi beaucoup de cultiuer la terre, ny de planter pour leurs successeurs.

*Situation
de l'Isle
de Ceilā.*

*sa ferti-
lité & ri-
chesse.*

*sa tempo-
rature.*

Si est-ce que telles façons de faire, ny plusieurs autres actes de

tyrannie, que les Roys de ceste Isle pratiquent sur leurs vassaux, ne leur ont peu faire perdre la bonne opinion, qu'ils ont eu tousiours de leurs Princes, & nommément de celuy qu'ils tenoient iusques à nostre siecle, pour legitime Seigneur de l'Isle de Ceilan, & comme Souuerain Prince, ou Empereur de tous les autres Roys qu'il y a.

*Extrait d'une
fabuleuse
des prin-
cipaux
Princes
de Ceilā.*

Car ils estiment tous ceux qui descendent de ceste race, Princes diuins & celestes, ou, comme ils disent, vrais enfans du Soleil. Or à fin qu'on entende mieux ceste celeste generation, ie coucheray icy ce qu'ils en ont accoustumé de dire, & de chanter en leur festes, & celebritez : car ils ont toute ceste genealogie descrite en leurs vieux Romans. Ils disent donc, que du temps que les premiers hommes, qui peuplerent l'Inde par dela le Gange, viuoient à la façon des bestes sauuages parmy les bois, sans aucune cognoissance de l'agriculture, sans ordre de police, sans loix, sans trafic; brief sans façon quelconque de Religion, ou de Republique, se nourrissans tant seulement de racines d'herbes, de fruiçts sauuages, & de la chair des bestes toute cruë; vne grande multitude de telles gens se vint assembler en vn lieu, qu'on nomme maintenant Tanassarij, là ou sur la poincte d'un beau iour, ils attendoient que le Soleil se leuat, pour l'adorer, comme ils souloient faire chascun iour. Or aussi tost qu'il commença à se monstrier par dessus l'Horison, & à frapper de ses rayons la terre, il en fit yssir hors (selon qu'ils disent) vn homme desia parfaict en aage, surpassant tous les autres en beauté, en grace, en majesté, & en autres perfections semblables: tellement que tout le monde estoit rauy en admiration à le voir seulement, & quasi forcé à l'aimer esmeu de son seul regard, & aspect, tât il estoit beau & aimable. Ceux donc, qui se trouuerent la presens, accourent incontinent vers luy, & l'interrogent qui il estoit, d'où il estoit venu, & ce qu'il requeroit d'eux. Ce nouueau & merueilleux homme respond, selon leur conte, qu'il estoit enfant du Soleil, & de la terre, enuoyé de Dieu pour regir & gouverner les hommes, qui viuoient comme bestes brutes, & leur donner des loix, à fin qu'ils sçeussent ce qu'il leur conuenoit faire. Ces simples gens, soudain qu'ils entendirent cela, se iettent tous à terre pour l'adorer, & le receurent pour leur Roy & seigneur. Luy aussi tost commence à les policer, leur donnant des loix, & ordonnances pour regir & gouverner leur vie, les enseignant de labourer les champs, & bastir des villes, introduisant le trafic & le commerce: de sorte que tant par le moyen d'iceluy, que des armes il vint à dilater son Empire, subiugant toutes ces prouin-

ces Orientales:esquelles sont à present les Royaumes de Pegu, Tanassarij, Sian, Camboya, & Cochinchina, montant par la terre ferme iusques au 40. degré de hauteur Septentrionale. Voila comme les hommes se rendent superstitieux, lors qu'ils veulent trop honorer, & faire differés du reste des hommes, ceux qu'ils recognoissent pour leurs Princes. Mais poursuivons le reste de leur fable. Ils content aussi, & chantent en leurs vieilles chançons, que l'espace de deux mil ans ceste grande Monarchie de Tanassarij, car c'est le país auquel ce pretendu enfant du soleil apparut du commencement; demeura és legitimes successeurs & descendans d'iceluy (qu'ils nomment en leur langue Surianas, c'est à dire, de la race du soleil) jusques à ce que par diuers accidens & reuolutions des Royaumes, toute ceste semence celeste vint à se perdre au dela du Ganges, & se conserua tant seulement en l'Isle de Ceilan, en la maniere qui s'ensuit. Cinq cens ans ou enuiron auant la venuë de Nostre Seigneur, selon que l'on peut colliger de leurs annales, lors que ceste race florissoit le plus, il y eut vn fils du Roy de Tanassarij, nommé Vigia Raya; lequel descendoit bien en droite ligne de ceste race: mais parce qu'il estoit mal-voulu de tout le peuple, son pere fut contraint de l'enuoyer avec plusieurs autres jeunes hommes, qui auoyent esté nourris avec luy, pour descouurir quelque nouveau país, ou il peut viure en pareil honneur, que celuy qu'il attendoit, se faisant Roy de ceste contrée, qu'il descouuriroit. La premiere terre, ou ils prindrent port fut l'Isle de Ceilan, qui estoit lors toute deserte. Vigia Raya estant sauté à terre, avec ses compagnons en vn port qu'on nomme Percature, qui est entre le Royaume de Triquinamale, & la poincte de Iasanapatan, fonda illec la premiere ville, qui fut oncques en Ceilan, vis à vis de l'Isle de Manar. Bientost apres il s'allia par mariage avec le Roy de la terre ferme, qui est tout à l'opposite de ceste Isle, vers le cap de Commori, ou est à present la coste de la pescherie. Et c'est ainsi, à ce qu'ils disent, que l'Isle de Ceilan commença de se peupler: & fut tellement annoblie par la race de ces Rois, qu'on estimoit celeste & diuine, que tous les autres Princes de l'Inde se tenoient pour heureux, de se pouuoir allier avec icelle: & pource bailloient volontiers leurs filles en mariage au'dicts Roys. Mais à tant de ceci: voyons maintenant pourquoy l'on appelle les habitans de ceste Isle Chingalas: car c'est ainsi qu'on les nomme par tout l'Orient.

Il faut donc sçauoir que les premiers, qui peuplerent ceste Isle,

La superstition & idolatrie d'où procede.

Surianas enfans du Soleil.

L'Isle de Ceilan quand c'est mafa d'estre peuplée.

commanceans à trafiquer avec ceux de la coste de Coromandel, qui sçauoient d'ou ils estoient venus, furent appelez *Galas*, qui signifie en leur langue gens degradez : parce qu'ils auoient entendu qu'ils estoient allez là comme bannis de leur païs. Et dit on encore que pour la mesme cause, ceste Isle a esté appelée iadis *Ilเลนare*, qui veut dire Royaume de l'Isle, cōbien quel'on tient que le nom qui luy fut imposé par Vigia Raya fut *Lameab*, qui signifie, Terre Sainte, à cause de la grande fertilité & bonté du terrouër : car elle estoit deslors toute pleine de bois de canelle, & autres sortes d'arbres aromatiques. Or comme avec le temps les Chinois (au pouuoir desquels tout le trafic & commerce de l'Inde à demeuré l'espace de plusieurs années) eussent cognoissance de ce bois de canelle, qui abondoit en ceste Isle, & y nauigeassent à ceste occasion fort souuent, plusieurs marchands Chinois trouuans le lieu beau, commode, & fertile, s'y arrestèrent, s'estans là mariez & habituez, tellement qu'ils appellerent leurs enfans Chingalas, faisans vn assemblage du nom Chin, qui est le mesme que Chinois & Galas, qui est l'appellation ancienne des habitans de ceste Isle, selon qu'a esté dit. Et bien qu'au commencement on nommoit tant seulement Chingalas, ceux qui estoient nais d'vn Chinois & d'vne femme du païs : toutesfois comme avec le temps, les peres de ces enfans assistez de la puissance des Chinois, qui commandoient à la marine cōme font maintenāt les Portugais, eussent eu le dessus de tout le reste des habitans de l'Isle, ils se nommerent tous Chingalas. Quant au nom de Ceilan, qu'on donne à present à toute l'Isle quelques vns pensent qu'il a esté prins d'vn naufrage des Chinois fort notable, qui arriua és bancs ou escueils proches de ladicte Isle, ou se perdit vne grande flotte de Chinois: car Nilao en leur langue veut dire bancs; & Chin, Chinois; dont a esté composé le nom Chinilao, duquel on à jadis nommé ceste Isle par tout l'Orient, mais comme le temps selon sa coustume à mangé peu à peu quelques lettres, & adouci les autres on l'appelle maintenant avec vn peu de variation Ceilan.

D'ou est
venu le
nom de
Ceilan.

Si Ceilan
est la Tap-
robane
des an-
ciens.

Mais il y a vne grāde dispute entre les Geographes de ce temps, sçauoir mon, si ceste Isle de Ceilā, est celle que Plinc & les anciens Romains & autres ont appelé *Taprobane*. Car il en y a aucuns qui estiment que c'est l'Isle que maintenāt on nomme Sumatra, située vis à vis de Malaca; toutesfois considerant ce que Ptoloméé en dit, & d'autres raisons, que nous deduirons tout maintenant, il

me

me semble assuré, que ceste Isle de Ceilan est la Taprobane des anciens; & non celle de Sumatra. Car Ptolomée a situé la Taprobane par deçà le Gange, & vis à vis du cap de Cori, que maintenant on nomme Commori, qui est la situation propre de Ceilan, & ne conuient aucunement à l'Isle de Sumatra. D'ailleurs ce que Plin raconte, qu'au temps de l'Empereur Claude, il y eut vn serf affranchi de Annius Plocamus citoyen de Rome, lequel nauigeant apres de l'Arabie, fut emporté par l'impetuosité d'un vent de Nort, dans quinze iours, en l'Isle Taprobane, est fort vray semblable: si par la Taprobane nous prenons l'Isle de Ceilan, qui n'est qu'à cinq cens lieuës de l'Arabie: mais non pas prenant la Taprobane pour l'Isle de Sumatra, qui en est plus de mille lieuës loing. Et de fait comme par ce moyen le commerce entre les Romains, & ceux de ceste Isle commença, il est croyable que les Romains y bastirent tout plein de maisons. Car au Royaume de Iasanapatan on y trouue encore force ruines de bastimens anciens faicts à la Romaine. Et en l'un d'iceux l'an 1575. Iean Mello de S. Payo Capitaine pour lors de l'Isle de Manar, voulant faire bastir quelque edifice en ladite Isle, & faisant tirer de la pierre des fondemens de ces vieux edifices, les esclaves qui cauoient, trouuerent quelques pieces de monnoye de cuivre & d'or, qui auoient au tour des lettres latines: lesquelles en partie estoient desia gastées, & a demy effacées. Toutesfois on y remarquoit encore ces quatre, C. R. M. N. d'où il estoit aisé à cognoistre qu'il y a eu trafic entre les habitans de ceste Isle, & les Romains. Or ces esclaves qui auoient trouué ces pieces, en porterent quelques vnes à Iean Mello, lequel s'en retournant des Indes en Portugal l'an 1590. les portoit quāt & soy; mais parce que le nauire, ou il s'estoit embarqué avec Emanuel de Sousa Contigno, qui sortoit d'estre Viceroy des Indes, fit naufrage, & luy avec lesdites pieces se perdirent, on ne les a pas eues de par deçà: combien qu'il y a gens dignes de foy, qui les ont veuës en l'Inde, & ont tesmoigné ce que dessus.

Quant à ce que Plin dit que la Taprobane est vis à vis du cap Colaico, confirme nostre dire. Car le cap de Commori estoit lors appelé ainsi, parce qu'il appartenoit (comme il est probable) au Royaume de Colan, qui n'est guere loing de là, & iadis estoit l'un des plus renommez, & puissans de l'Inde, & arriuoit iusques audit cap. Plusieurs autres choses, que Plin rapporte là de ceste Isle seroient plus malaisées à verifier: toutesfois il n'en y a pas vne, qui

preuue que la Taprobane des anciens soit l'Isle, que maintenant on nomme Sumatra, & qui est sise vis à vis du cap de Sincapura, proche de la ville de Malaca. Au reste il est certain que Ceilan est l'une des plus belles Isles du Leuant : car outre sa fertilité & richesse si grande qu'auons dit, il y a au milieu d'icelle des montagnes toutes couuertes d'arbres, qui encernent vne belle & longue plaine, faicte en forme de fond & bas d'un amphiteatre, qu'on diroit que la nature à voulu bastir là. Or entre ces montagnes, il en y a vne sur toutes, qui est fort haute & droicte ; tellement qu'on estime, qu'elle a bien pres de sept lieuës de hauteur. Au sommet d'icelle, l'on trouue vne petite plaine, au milieu de laquelle se void encore vne pierre faicte en forme de table esleuée sur terre de deux coudées en haut, la ou se monstre empraint le vestige, ou la marque des pieds d'un homme, qu'on tient auoir esté vn grand saint, & jadis estre venu là d'un Royaume de l'Inde nommé Deli, pour retirer ces peuples des superstitions fabuleuses, qu'ils croyoient, & les amener à la cognoissance du vray Dieu. A ceste cause l'on vient à ce lieu icy par deuotion de fort loing, si que bien souuent on y trouue vn grand nombre de pelerins, de toute sorte & qualité de personnes, mais principalement de Iogues, bien que ce soit vn pelerinage fort labourieux. Car outre les autres incommoditez & dangers du chemin, pour monter à la cime de ceste montagne, il faut en certains endroicts grauir par ces rochers sur des gros clous, & par des chaines de fer, qu'on y attache, pour se tenir ferme. Quelques vns estiment que ceste marque ou vestige est de l'Eunuche de la Royne de Candace, baptizé par S. Philippe Diacre, comme il est escrit aux Actes des Apostres. Et de faict il y a quelque vray-semblance en cela. Car entre autres escriuains, S. Dorothee Euesque de Tyr, qui vivoit du temps de Constantin le grand, tesmoigne que cest Eunuche prescha l'Euangile de nostre Seigneur en l'Arabie heureuse, & par toute la coste de la mer rouge, & pareillement en la Taprobane.

L'Isle de Ceilan est & gouvernée par vn seul, toutesfois lors que les Portugais arriuerent és Indes, elle estoit diuisée en neuf Royaumes. Le premier, du costé du Ponant estoit celuy de Columbo, qui prend vne grande bande de la coste Occidentale de l'Isle, là ou les Portugais ont vne tres-forte place sur le port de la cité principale, appelée aussi Colūbo : & c'est là ou se trouue la meilleure canelle, & en plus grande abondance, qu'en tout le reste de l'Isle : Le second est situé vers la

plus Australe poincte de l'Isle, & s'appelle le Royaume de Gale, qui confine du costé du Leuant au royaume de Iaula, & du Nort à celuy de Tanauaca. Le Royaume de Candé est au cœur de l'Isle tout enuironné de montagnes, ayant du costé du Leuant celuy de Vilacen. Mais les plus Orientaux sur la coste de mer, sont les Royaumes de Batecalou, & vn plus haut vers le Nort, celuy de Triquinamale, & par dessus encore, celuy de Iasanapatan, auquel iadis appartenoit l'Isle de Manar, qui n'est distinguée de Ceilan que par vne riuiera qui sort de ceste cy, & arrouse de deux costez celle là. Or le Roy de Iasanapatan, qui regnoit du temps que Martin Alfonso de Sosa estoit Gouverneur des Indes, lors que le B. P. Xavier y aborda, fut celuy qui tua le dernier des successeurs de Vigia Raja: lesquels auoient iusqu'à ce temps retenu le nom & la dignité d'Empereurs de toute ceste Isle. Car jaçoit qu'elle fut diuisée en plusieurs Royaumes, comme nous auons dit, si est-ce que celuy qui estoit yssu de la race du Soleil, comme ils croyoient, estoit nommé Empereur & Supérieur des autres, & a ceste occasion tous les habitans de l'Isle luy deferoient beaucoup plus d'honneur, qu'à tout le reste des Roys. Et l'hommage qu'ils luy faisoient, estoit bien tel, qu'ils ne l'eussent pour rien du monde voulu faire à quelqu'autre Prince, pour grand & puissant qu'il eut esté, si non qu'il fut descendant de ceste race. Mais la perfidie & desloyauté du Roy de Iasanapatan, mit fin à ceste lignée, par la mort du dernier Empereur de Ceilan, lequel il tua de ceste sorte. Quelque temps auparauant que les Portugais ne vinsent en l'Inde, les descendans par ligne masculine de Vigia Raja, qui auoient tousiours de pere en fils succédé au tiltre d'Empereur, prindrent fin en vn nommé Prea Bandar, lequel se voyant sans enfans masles, qui luy pussent succéder en son Royaume de Cota, & au tiltre d'Empereur de Ceilan, maria vne fille vnique qu'il auoit, à vn qui estoit aussi sorti du mesme estoc, nommé par les habitans Ticaua Bandar, bien que les Portugais, ie ne sçay pour quelle occasion, l'appellent communement Tribuli Pandar. Cestuy-cy ayant espousé la fille de Prea Bandar, succéda après la mort de son beau pere, tant au Royaume de Cota, qu'à son tiltre d'Empereur: d'autant qu'il estoit encore de ceste race tant renommée du Soleil, ores qu'en ligne collaterale. Mais bien tost apres suruindrent en son Royaume de grands tumultes, & remuements, pour lesquels il fut contrainct de vuyder le pais; tellement qu'ayât plié bagage, & fait amas de tous ses thresors, qui estoient fort grâds,

Iasanapatan est la plus septentrional de toutes.

& précieux, il se retire au Roy de Iasanapatan, comme à vn asyle, & port assésuré, esperant trouuer en luy vn bon abry. Mais il fut bien trompé, car cestuy-cy l'ayant en son pouuoir, & tous ses thresors auec, se garda bien de lascher prise, & le laisser aller; ains il l'arresta de sorte, qu'il le fit mourir proditoirement, à ce qu'on tient, pour luy auoir ses thresors, rompant par ce moyen tout droict, & d'hospitalité & de loyauté. Par le decez de cestuy-cy, la race tant renommée du Soleil vint à s'eclipsier en ceste Isle là, tout ainsi qu'elle auoit failly au delà du Ganges long temps auparauant. Car il n'en resta qu'un seul fils de cestuy-cy, qui fut tué par le Roy de Iasanapatan, & de la fille de Prea Bandar, lequel pour eschapper la cruauté du meurtrier de son pere s'enfuit à Goa, pour se mettre sous la protectiõ du Gouverneur des Indes, & auoir raison tant de la mort de son pere, que de l'iniure que luy faisoit le Roy de Iasanapatan luy retenant tous ses moyens. Estant donc à Goa, il se rendit Chrestien, & fut nommé en son baptesme Don Iean; depuis il s'en alla en Portugal, ou il a esté plusieurs années poursuyuant son reestablisement. Et jaoit que les Portugais l'appellent Roy de Ceilan, comme selon le droict il l'est, & ayent faict beaucoup de choses pour le remettre en ses estats: toutesfois il n'est point encore entré en la succession de ses ayeulx, ores qu'il se soit mis depuis si long temps sous leurs ailles, & protection; & qu'il se soit enuieilly aupres d'eux, sans auoir laissé des enfans, qui luy pussent succeder.

Pour demander donc cõpte tant de ces iniures faites au legitime Empereur de Ceilan, par le Roy de Iasanapatan, que des cruantez barbares, qu'il executa contre les martyrs de l'Isle de Manar, ainsi qu'a esté dit au premier liure, le Viceroy Don Constantin fils du Duc de Bregance, l'une des plus nobles, & anciennes maisons de Portugal, partit de Goa l'an 1560. menant quant & soy vne belle flotte pour aller chastier ce meschant Roy de tant d'inhumanitez, qu'il auoit cõmis, & de plusieurs autres torts, & injures qu'il auoit faict aux Portugais. Or bien que ladite flotte, pour auoir eu les vêts contraires, ne print pas terre si à poinct qu'il eut esté de besoing; & que la trop grande confiance des Portugais mit en partie les affaires en danger; brief que les maladies qui se glisserent parmi l'armée

La principale ville est prise & succagée des portugais

furent retirer le Viceroy plustost qu'il n'eust desiré: toutesfois le Roy de Iasanapatan fut bien chastié pour ce coup. Car la principale cité de son Royaume, dans laquelle il attendit le camp du Viceroy, fut prise par force & saccagée, le barbare neantmoins se sauua.

à la fuite, & se retira dans les bois, qu'il y a là fort espais. Cependant on mit au fil de l'espée beaucoup de ses gens, d'autres furent faictez prisonniers, & nommément le Prince heritier du Royaume, qui fut pris avec vne bonne partie des thresors dudit Roy; finalement apres qu'il eut demeuré quelques iours caché dans les bois, il fut contrainct d'enuoyer prier le Viceroy de vouloir entendre à quelque appoinctement, promettant d'accepter toutes les conditions iustes qu'on luy voudroit imposer. Le Viceroy au commencement se monstra vn peu difficile; mais en fin voyant qu'il n'auoit pas loisir de s'arrestier là dauantage, & que ses soldats se dimiuoient fort, à cause des maladies qui en despechoiēt beaucoup, il fut d'avis de luy octroyer la paix, moyennant quelques conditions: & les trois principales furent celles cy: La premiere; Que le Roy de Iasanapatan, comme vassal & tributaire du Roy de Portugal, luy feroit hommage, & luy payeroit tous les ans certain tribut: La seconde, Qu'il ne molesteroit point aucun de ses vassaux, qui voulsist se rendre Chrestien, ains les lairoit viure conformemēt aux loix de la foy & Religio Chrestienne, qu'ils auroient receuē: Et pour la derniere, qu'il cederoit au Roy de Portugal l'Isle de Manar, & tout le droict qu'il y pourroit jamais pretendre. Ces conditions données d'vne part, & acceptées de l'autre, le Viceroy se saisit de l'Isle de Manar, y faisant bastir vne forteresse, où il laissa vne bonne gamison, & pour plus d'assurance, dix nauires bien armez & equipez: afin de nettoier ceste mer de corsaires.

*Ils font
paix avec
luy moyennant
quelques
conditions.*

Mais ce que le Roy de Iasanapatan & plusieurs autres Princes de l'Inde regretterent le plus, fut la perte d'vne dent d'vn Singe blanc, qui estoit adorée comme chose diuine de la plupart des Gentils du Leuant. Car ils exoyoient que ce Singe auoit esté jadis vn grand Dieu, & en contoient des choses si estranges, & si absurdes, qu'elles ne meritoient pas d'estre rapportées en ce lieu. Seulement i'en diray vne de ces fables: afin que par là on cognoisse le reste. Ils disent donc, que ce Singe blanc, appelé jadis Hanimant, auoit esté Dieu autrefois, mais ayant commis certain peché grand & esorme, il fut dégradé, & avec luy plusieurs milliers de semblables Dieux, lesquels furent transformez en Singes. Apres donc qu'ils furent chassez du ciel, & enuoyez ça bas en terre, ils choisirent pour leur demeure le pais des Badages, & le lieu; ou est maintenant la ville de Perimal, en laquelle ledit Hanimant eut tout vn long temps l'Empire sur ceste race bestielle des Singes. Mais quelque mal aduen-

ture luy arriua, pour laquelle il fut contraint de vuidier le païs, & se retirer ailleurs. Ne voyant donc aucun lieu asseuré en la terre ferme, il delibera de s'en aller à l'Isle de Ceilan; mais estant arriué au cap de Remanancor, & n'ayant trouué aucun nauire, ny autre vaisseau, pour passer de là à l'Isle de Ceilan, ils content qu'il traquerfa tout ce bras de mer, en faisant force sauts: & afin de ne se mouïller les pates qu'à chasque saut il crea vne Isle dessoubs ses pieds, tellement qu'ils disent que les monceaux de sable, qu'il y a entre ce Cap & ladite Isle, sont les Isles, qu'Hanimant crea, pour se rendre le passage plus seur, & facile. Voilà l'une des fables, qu'ils content de ce singe blanc: lequel venant à mourir en l'Isle de Ceilan, ils ont gardé ceste seule relique d'iceluy, à sçavoir la dent, que nous auons dit auoir esté estimée, & tenuë de tous les Payens de ces quartiers comme chose sacré-saincte & diuine. Brief leur superstition & folie arriuoit iusqu'à là, que le Roy de Pegu, l'un des plus puyssans & riches de l'Orient, enuoyoit tous les ans des Ambassadeurs à l'Empereur de Ceilan, au pouuoir duquel ceste dent estoit, qui luy apportoiert de beaux & riches presens au nō de leur Roy: à celle fin qu'il leur laissât prendre la forme & figure de la dent du singe blanc, en vne masse composée de ciuette, d'ambre gris, de musc, & autres semblables drogues aromatiques, laquelle ils portoient tout expres dans vn coffret d'or, pour seruir en lieu de cire, où s'imprimast ceste dent là. Car non contens d'en auoir la figure telle quelle, ils vouloient, pour satisfaire à leur folle & superstitieuse deuotion, auoir aussi la vraye longueur & grosseur dudit os: & pource ils apportoiert ceste masse, afin que la dent y appliquée, laissât en vn costé. empreinte la figure d'une des faces, & l'autre de l'autre costé. Tout cecy faisoient-ils pour auoir le vray modele de ceste dēt, & l'adorer au lieu d'elle mesme, puis qu'ils ne pouuoient autrement joiyr de ceste grande relique. du singe blanc. Voilà où le Diable conduit les hommes, lors qu'il leur a pouché les yeux de la raison, par vn iuste iugement de Dieu. Car ayant eu le moyen de cognoistre la verité, ils ont mieux aimé adherer au mensonge, pour suyre plus librement leurs passions desordonnées. Mais retournons à nostre histoire. Ceste dent, qui auoit esté vn fort long tēps entre les mains de l'Empereur de Ceilan, yssu de ceste race fabuleuse du Soleil, estimée de luy & de tous les Gentils de l'Orient pour le plus precieux thresor qu'il eust, apres qu'il se fut retiré au Roy de Sasnapatan, & qu'il eut esté proditoirement occis par ice-

luy, vint au pouuoir de ce tyran là. Mais lors que le Viceroy Don Constantin, print ses principaux thresors, il y trouua aussi ceste dent reuestuë de beaucoup d'or, & force pierrerie : tellement qu'elle fut avec le reste du butin portée à Goa. Mais le Roy de Pegu aussi tost qu'il sceut, que les Portugais auoiēt ceste dent en leur pouuoir depescha vne Ambassade au Viceroy pour le supplier de la luy vouloir vendre, & en presenta au premier mot trois cens mil escus, qu'il auoit enuoyé par son Ambassadeur, partie en or, partie en marchandises : & si estoit delibéré de l'achepter a quelque pris que ce fust. Il y eust là dessus grande diuersité d'opinions ; car les vns estimoient ceste vente estre non seulement vtile, mais encore licite, & alleguoient d'un costé, que puis que les Barbares adoroient le modele de ceste dent, il n'y auoit nō plus de peché d'adorer le Prototype, & partant qu'on le leur pouuoit vendre : car ils ne feroient pas plus de mal l'ayant, que ne l'ayant pas : & d'autre part que non seulement les affaires de l'estat, mais encore ceux de la Religio s'en porteroient mieux ; car l'on auroit moyen de faire quelque belle expedition avec ces deniers, qu'on tireroit de ce Roy barbare, tant pour le bien del'estat, que pour l'amplificatiō de la Foy Chrestienne, & du culte diuin. C'estoit la plus commune sentence des Gentils-hommes, soudars, & autres gens qui n'estoient guere entendus aux poincts de droict. Mais ceux qui auoiēt vn peu plus de cognoissance des loix diuines & humaines, & qui n'estoient pas esblouis par la splendeur de l'or & de l'argent, opinoient tout au contraire, que cela ne se pouuoit faire licitemēt. Et le Viceroy mesme estoit de cet aduis. Toutesfois pour monstrer à ceux qui en parloient de differente maniere, que ceste vente n'estoit point permise, il ordonna que la question seroit mise sur le tapis, & decidée en plein conseil. Où il fit appeller, outre ceux qui auoient accoustumé d'y entrer, & la plupart de la Noblesse Portugaise, premieremēt l'Archeuesque de Goa, qui estoit lors Don Gaspar, puis quelques autres Prelats & Superieurs des Religions, brieu les plus graues Theologiens qui fussent à Goa, nommément des Ordres sacrez de S. Dominique, S. François, & de nostre Compagnie. Or jaoit qu'en ceste assemblée il en y eust, qui opinerent que cela estoit loisible, moyennant que l'estat fut aydé de quelque bonne somme de deniers. Voire mais il s'en trouua vn, qui pretēdoit aller porter ceste dent au Roy de Pegu (avec permission du Viceroy) afin que passant par le païs, il amassat les offrandes qu'on luy donneroit pour

Le Roy de Pegu la veut acheter à grand pris.

Conseil tenu pour voir s'il estoit loisible de la vendre.

la voir & baiser, dont il pensoit retirer plus de profit, que du gouuernement de la meilleure place, & de plus de lucre qu'il y eust en l'Inde. Si est-ce que les plus doctes & mieux sensez, nommément l'Archeuesque & les Theologiens furent de contraire opinion: & monstrerent clairement qu'on ne pouuoit faire aucunement vne telle vente. En premier lieu, parce que les Barbares estimoient ceste dent comme chose sainte, & sacrée; d'où s'ensuyuoit qu'il n'estoit honnesté, ny à eux de l'achepter, ny aux Portugais de la vendre. En second lieu, d'autant que l'on ne pouuoit faire ceste vente aux Idolatres, sans qu'on fut participant du peché d'Idolatrie qu'ils commettroient en l'adoration de cet os infame. Pour ces raisons & plusieurs autres, qui furent deduites plus amplement, le Viceroy commanda qu'on luy apportat ceste dent; & l'ayant monstrée à tous les assistans, afin qu'on recogneust que c'estoit la mesme qui auoit esté prise en Ceilan, & qu'on ne peut dire par apres que c'estoit quelque autre, il la fit premierement despoüiller de tous ses ornemens trop riches, & pretieux pour vne chose si vile, & si abominable. Car tout autour il y auoit force rubis & saphirs enchassés, qui n'estoient pas toutesfois guere gros, mais fort precieux, & de grande valeur. Puis fit porter vn brasier avec des charbons ardans, & vn mortier de bronze, dans lequel il la mit de sa propre main, & la fit en presence de toute l'assemblée piler & reduire en poudre; finalement apres auoir esté bien puluerisée, l'on jetta ces poudres dans le brasier à la veüe de tous, d'où sortit vne fumée si puante, & de si mauuaise odeur, que tous se bouchoient le nez, ne pouuans endurer vne telle puanteur. Voila comment la diuine justice chastia ce meschant Roy de Iasanapatan, qui auoit fait tuer les Martyrs de l'Isle de Manar, ainsi qu'a esté dit; Premierement en son Estat, le priuant de l'Isle de Manar, & le rendant tributaire aux Portugais; Secondement en la prise de son fils aîné; troisièsmement au sac de la principale ville de son Royaume: & finalemēt en la perte des thresors qu'il auoit amassés à tort & à droit, & nommément de ceste dent du singe, qui estoit, selon l'estime des Gentils de l'Inde, le plus grand thresor qui fut en l'Isle de Ceilan. Mais la diuine vengeance ne s'arresta pas là, comme aussi la meschanceté de ce Roy & de ses successeurs ne print pas fin alors, comme nous verrons cy apres, ayant au prealable raconté quelques choses qui arriuerent en ces entrefaites parmy les Chrestiens de la Pesceric.

COMME

*Est resolu
que nō: &
pourquoy*

*est redui-
te en pou-
dre &
bruslée.*

COMME LES PARAVAZ ALLERENT RE-
peupler l'Isle de Manar ; & ce qu'il y a eu de remarquable
parmy eux depuis ce temps là.

CHAP. VIII.

A Pres que le Viceroy Dom Constantin, eut rangé au deuoir le Roy de Iafanaparan, & qu'il eut mis vne bonne garnison dans la forteresse qu'il fit bastir en l'Isle de Manar pour le tenir en bride, il aduisa qu'il estoit bon de faire passer à la mesme Isle plusieurs de ces Chrestiens qui habitoient en la coste de la Pescherie, tant afin qu'ils pourueussent les Portugais de la garnison de Manar de viures, & autres choses necessaires; que pour les garantir des allarmes que leur donnoient iournellement les Badages. Car d'un costé ils n'y perdoient rien, faisans eschange d'un païs si sterile, que le leur, avec l'Isle de Manar, qui est fort fertile & abondante en viures : & si le lieu n'estoit pas moins propre pour la pesche des perles, de laquelle principalement ils faisoient estat : car ceste pesche se fait (comme a esté dit) entre ceste coste là & l'Isle de Ceilan: or l'Isle de Manar est entre-deux, n'estant separée de Ceilan que par le moyen d'une riuere. D'autre part ils auroient moyen de viure là plus Chrestienement, & avec plus de repos & assurance, qu'ils ne faisoient en leur païs, estans sous la protection & sauuegarde des Portugais.

*L'on veut
repeupler
l'Isle de
Manar
des Chre-
tiens de
la pesche-
rie.*

Or afin de faire ce changement avec plus d'assurance, le Viceroy enuoya de Goa quelques nauires, & assez bon nombre de soudars pour leur seruir comme d'escorte. Le P. Iean Mesquita de nostre Compagnie fut aussi mandé quant & eux, pour ayder le P. Hérriquez, duquel cy deuant a esté parlé, en l'instruction de ces Chrestiens. Cependant qu'ils s'apprestoient pour faire ce voyage, les Badages leurs anciens ennemis en furent aduertis: & pour empescher leur retraicte, à fin qu'ils eussent moyen de piller & desrober tousiours quelque chose sur ces pauvres gens, ils s'assemblent en fort grand nombre, & menent avec eux plusieurs Elephans, duicts, & accoustumez à la guerre. Les Parauaz sçachans que les Badages venoient contre eux avec si grosse puissance, taschent de se sauuer avec tout leur bagage dans les nauires ou fustes: mais comme ils estoient en grand nombre, l'on ne peut liaster si promptement leur depart, que les ennemis n'arriuaissent auant que tous se fussent embarquez. Cependant le Capitaine des Portugais avec quelques

*Les Badages
voulent
empes-
cher cela.*

foudars entretenoit les Badages, qui estoient arriuez des premiers avec quelques escarmouches; à fin de donner loysir aux Parauaz de se sauuer dans les vaisseaux: & fit si bien, que pas vn d'iceux ne fut prins ny blessé des Badages, bien qu'il y en eut quelques vns: lesquels se voulans trop halter pour entrer dans les nauires, se noyèrent. Comme le Capitaine cogneut qu'il estoit temps de se retirer, il faict sonner la retraicte: laquelle se fit avec le meilleur ordre qu'il estoit possible. Les Peres Henriques & Mesquita, ne s'estoient voulus embarquer, qu'ils n'eussent veu tous les Chrestiens en seureté: & lors qu'on sonna la retraicte, ils gagnent la fuste qui les attendoit ensemble avec les foudars. Mais comme le vaisseau estoit fort chargé de gens, & de hardes, il ne peut point desmarrer: tellement qu'il faillloit attendre le croissant de la marée. Les ennemis voyans cela assaillent viuement le nauire, & apres auoir tué ou blessé plusieurs de ceux qui le defendoient entrent dedans, & prennent le Capitaine des Portugais avec vne cinquantaine de ses foudars. Les Peres Henriques & Mesquita, qui estoient dans ce mesme nauire, se iettent dans la mer pensans se sauuer à la nage. Et de fait le P. Henriques, qui scauoit bien nager, vint surgir à la riue en certain endroit, ou il ne fut point aperceu des ennemis, & par ce moyen eschappa ce danger. Mais le P. Mesquita qui n'estoit pas si adroit, à tel exercice, se soustint bien pour vn temps sur vn coffre: toutesfois voyant qu'il estoit mis à fond à tous coups, il pensa estre en plus grand danger parmi les ondes de la mer, que tombant es mains des ennemis; & pource il tascha d'aborder à terre, comme il peut. Mais ayant eschappé ce danger il en tombe en vn autre. Car il y eut vn des ennemis, qui le vid sortir de l'eau, & s'en courut à luy le jaelot au poing, le menaçant de le tuer, s'il ne luy bailloit la bourse. Le Pere luy dit, qu'il n'auoit ny bourse ny argent: mais le barbare nonobstât cela le prend prisonnier, & sans luy faire autre domnage, le mene à la fuste, que ses compagnons pillioient & saccageoient. Quelques vns des Badages ayans recogneu le Pere, partie pour la haine qu'ils luy portoient à cause qu'il instruisoit les Chrestiens de ceste costé, partie pour n'auoir pas esperance d'en retirer quelque rançon, luy baillent sept ou huit coups de jaeline: entre lesquels il en y auoit de bien d'agereux, mesmes vn qu'ils luy donnerēt à l'vn des costez, d'ou il sortoit telle abondance de sang, que lors qu'on le mena deuant le Capitaine des ennemis, il tomba pasmé a terre. Le nauire ayant esté pillé, & ceux qui furent trouuez dedans faits prisonniers,

*Prement
30. Portu
gais & le
P. Mes
quita.*

on les meine à vne forte place des ennemis, quelques dix ou douze lieues loing de là. En ce chemin le Pere endura beaucoup, tant à cause de ses bleſſeures, que pour les incommoditez du chemin: tellement que l'estomach luy vint ſi enflé, qu'il ne pouuoit respirer qu'à grande peine. Or le Capitaine & les ſoudars Portugais furent bien toſt relaschez, moyennant quelque ſomme d'argent. Mais le P. Meſquita fut plus eſtroictement reſerré dans vne priſon: car le Seigneur de ces barbares penſoit en retirer vne plus groſſe rançon; tellement qu'après qu'il eut eſté guarý des bleſſures qu'il auoit receu, ce ſeigneur barbare, craignãt qu'il ne luy eſchappat, luy fit mettre les fers aux pieds, & vne cadene au col: laquelle eſtoit attachée aux ceps, & ſi courte, que depuis la teſte iuſques aux pieds, il y auoit fort peu de diſtance; de façon que le Pere eſtoit contraint de tenir touſiours la teſte baiſſée. Outre ce, on luy bailla quelques ſoudars, pour le garder; l'un deſquels le voyant en ſi piteux eſtat eut compaſſion de luy, & à fin qu'il peut prẽdre de nuit quelque peu de repos, il luy oſta la cadene du col: mais le lendemain il la luy remit n'oſant uſer de pareille courtoisie les nuits ſuyuantes: parce que ſes compagnons luy remonſtrerẽt, que ſi leur Seigneur venoit à le ſçauoir, il leur feroit à tous trancher la teſte. Le Pere donc eſtât en tel eſtat, & endurant vne grandẽ peine, à cause qu'il tenoit touſiours la teſte courbée, vn ſi grand flux de ſang par les narines luy ſuruint, qu'il en penſa mourir. Or il auoit quant & ſoy vn ieune garçon Chreſtien, qui auoit eſté prins avec luy: lequel neantmoins on laiſſoit ſortir librement de la priſon, pour aller mendier par la ville ſa nourriture, & celle du Pere, qu'il ſeruoit & reſpectoit comme ſon maiſtre. Voyant donc qu'il eſtoit en grand danger de mourir, ſi ce flux continuoit dauantage, il s'en vint au Seigneur des barbares, & luy dit comme ſon maiſtre perdoit grande quantité de ſang, & que ſ'il venoit à mourir, la rançon qu'il en eſperoit, ſeroit perduë pour luy. Le barbare entendant cela, commande qu'on luy oſte la cadene du col, & qu'on le laiſſe avec les ſeuls fers aux pieds, & les gardes qu'il auoit auparauant. Avec ce peu de ſoulagement, le Pere vint à ſe porter mieux: mais voyant qu'il eſtoit pour attendre là encore vn long temps, auant que recouurer ſa rançon, il delibere de ſe ſauuer, ſ'il pouuoit. L'ayant faiët ſçauoir au garçon, qui luy eſtoit fort fidele, il luy dit, qu'il falloir trouuer moyen d'auoir vn marteau ou vne lime pour rompre ſes fers. L'autre luy promet non ſeulement de faire en cela ce qu'il pourroit: mais encore de le ſuyure par tout

Les Portugais ſont relaschez

Le P. Meſquita plus reſerré que iamais.

Delibere de ſe ſauuer.

ou il iroit. Et bien tost apres luy aporte vn marteau, avec lequel le Pere s'osta l'un de ses fers. Car ses gardes l'auoient laissé tout seul ce iour là, pour se trouuer à certaine feste, qu'ils celebroyent à l'honneur de leurs Pagodes. Ayant si heureusement cōmancé, il rend le marteau au garçō, & l'aduiſe qu'il print garde, qu'on ne le luy trouuar pas dessus, & le cachat en quelque lieu du chemin, par lequel il estoit delibéré de passer, à fin de pouuoir oſter l'autre fer du pied, qui estoit encore attaché. La nuit estant venuë, les soldats se retirēt pour reposer tout aupres du lieu ou estoit le Pere, & comme ils auoient le iour auparauant esté de feste, & bâqueté & dansé a toute reste; ils s'endormirent d'un plus profond sommeil, que de coutume. Le Pere iugeant qu'ils estoient bien endormis, se leue tout doucement, pour gaigner les champs: mais parce qu'il fit vn peu de brui&, l'un d'iceux s'esueille; & luy demande ce qu'il cherchoit: le Pere, pour dissimuler son faict, print vn pot de terre qu'il auoit là tout aupres de foy, & luy dit qu'il cherchoit ce pot pour boire vn peu d'eau. L'autre amusē de la sorte, reprend son sommeil; mais le Pere estoit tousiours en veille pour executer son dessein. Or comme il iugea que ses gardes dormoiēt, ayant reCOMMANDÉ son affaire à Dieu, & a la vierge Marie, à l'honneur de laquelle il promit de dire quelques Messes, & ieufner quelques Samedis, s'il pouuoit estre deliuré, il se leue de rechef, & passe par le milieu de ses gardes, sans qu'aucun s'esueillat. Estant sorti de la prison, il luy fallut sauter par dessus vne muraille, laquelle ayant franchi, il trouue son garçon endormi tout contre icelle, & le voulant esueiller, le ieune homme pensant que ce fussent les barbares, qui le voulussent reprendre, se met à crier fort haut: mais comme il fut reuenu à foy, & qu'il vid que c'estoit le Pere qui l'appelloit, sa peur se changea en grāde liesse; & aussi tost s'en va chercher le marteau, qu'il auoit caché dans vn champ, ou il y auoit du ris semé: lequel estoit desia bien haut; de façon que ce fut vn coup d'aduenture, ou plustost de la diuine providence, qu'il le trouua si promptement; veu mesmement l'obscurité de la nuit, qui estoit fort grande. Le Pere ayant le marteau s'osta aisement l'autre fer du pied: & s'en va accompagné du garçon vers vne montagne, qui estoit esloignée de là quelques deux lieues: là ou ils se tindrent cachez durant tout le iour, avec grande peur d'estre descouuers de quelques pasteurs, qui gardoiēt le bestail en ceste mōtagne: mais Dieu voulut qu'ils ne furēt point aperceus. La nuit estant venuë, ils se mettēt à cheminer, cōbien que ce fut avec gran-

*Sorti de
la prison.*

de peine, tant à cause que le chemin estoit fort raboteux, & la nuit fort sombre, que pour raison d'un coup, que le Pere s'estoit donné à un pied, bronchant contre une pierre, tellement qu'il ne pouuoit faire un pas qu'avec grande difficulté, & douleur. Si est-ce qu'ils cheminerent une bonne traicte : mais comme ils ne sçauoient pas les chemins, ils s'esgarerent, combien que ce fut pour le mieux : car s'ils eussent suyui le droit chemin, ils estoient attrapez sans faute, ainsi qu'ils sçeuvent le lendemain. Le Pere donc s'estant mus-
Chemins l'espace de sept iours sans grand danger d'estrer repris
 sé dans un vallon durant le iour, parce qu'il n'osoit marcher que de nuit, enuoye le garçon à une maisonnette d'un pauvre Gentil, qui demouroit en ce lieu champestre, pour s'informer du chemin, qu'il falloit prendre, pour aller à un certain village, où ils pretendoient arriuer. Le Gentil se doubant de ce qui estoit, dit au garçon, que plusieurs courriers de leur Prince estoient passez par là, pour donner aduis par tout, afin qu'on arrestat le Pere, si on le rencontroit ; & qu'on auoit desia mis des gardes par tout, où il pouuoit passer. Le ieune homme bien estonné de ceste nouuelle, s'en va tout esperdu de crainte, dire cecy au Pere, lequel ne s'estonna pas pour cela ; ains encouragea son garçon, luy faisant entendre, qu'ils auoient des Anges gardiens, lesquels estoient beaucoup plus puissans que les Badages leurs ennemis ; & qu'ils les garantiroient de tout danger, si tel estoit le bon plaisir de Dieu. Ayant donc demeuré tout ce iour là cachez en ce vallon, la nuit estant venue, ils se mettent en chemin pretés à arriuer à un village, qui n'estoit pas esloigné plus de trois lieux de là, où ils estoient. Mais ils perdirent le chemin encore ce coup, & laisserent à costé le lieu, où ils vouloient aller ; toutesfois une heure auant le iour, comme ils entendirent passer quelques Payens aupres d'eux, le garçon leur demande le chemin pour aller en ce lieu, qu'ils desiroient : auquel par le moyen de ceste adresse ils arriuerent un peu auant le iour. Mais ils y trouuerent si peu de commodité pour s'y tenir cachez, qu'ils furent contrains de passer à un autre, un peu au delà. Icy il y eut un pauvre homme, lequel pour une piece d'argent que le garçon luy donna, tint caché le Pere dans un Oratoire d'Idoles si petit, qu'à peines y pouuoit-il demeurer. Mais parce qu'il estoit en danger, que celui qui auoit charge en ce lieu, ne le sçeut, & ne fit prendre le Pere, & d'ailleurs qu'il auoit besoing de nourriture, le garçon luy va demander quelque peu de viures, pour nourrir un pauvre homme, qui estoit dās ceste Chappelle. L'autre se doubta bien incontinent qui c'estoit ; & bien

qu'il eut peur, que si son Prince le sçauoit, il luy feroit trancher la teste: si est-ce qu'une quarantaine d'escus, que le garçon luy promit, luy fermerent la bouche, de sorte qu'il ne sonna mot. Pour recouurer cet argent, il fallut qu'il s'en allat à vn village trois ou quatre lieues loing de là, où il y auoit des Chrestiens, laissant cependant pour ostage le Pere, enfermé dās cet oratoire. Apres trois iours il fut de retour, & apporta l'argent qu'il auoit promis, menant encore deux ou trois Chrestiens, pour cōduire le Pere; avec lesquels il partit de là estant nuit close; & auant qu'il fut iour, ils estoient vne vingtaine: car les Chrestiens de ce village luy vindrent au deuant, pour l'accompagner plus seurement. Mais parce que les Sarrasins, qui habitoient sur la coste de la mer, auoient mis des espies, pour voir si le Pere passeroit, il y eut vn Chrestien, qui l'alla attendre dans son batteau en vn lieu vn peu escarté, où il s'embarqua, & arriua sans autre rencontre sept iours apres sa deliurance à l'Isle de Manar, où estoient le Capitaine & les soldats Portugais, qui auoient esté pris avec luy: mais auoient esté deliurez auparauant. Les autres Chrestiens aussi de la Pescherie, qui estoient allez repeupler l'Isle de Manar estoient là: lesquels furent si aises de la deliurance du Pere, & d'entendre comme il s'estoit sauué, que durant quelques iours ce n'estoit que feste. Et pour recognoistre les bons seruitices, que ce ieune homme auoit fait au Pere, ils luy promirent la valeur de deux cens escus en perles, la premiere pesche qu'ils feroient: & cependant l'accoustrent tout de neuf.

Apres que le P. Mesquita fut deliuré de la façon, il s'employa avec le P. Henriques à l'ayde de ces Chrestiens, qui estoient passez à l'Isle de Manar avec plus grande ferueur, que iamais. Et quelques autres Peres demeurerēt en la coste de la Pescherie avec les Chrestiens qui resterent là. Or entre autres il en y eult vn nommé André Fernand, personnage de grande perfection, & vertu, mais sur tout d'un zele admirable, à raison duquel il cuida estre tué des barbares deux ou trois fois. La premiere fut à l'occasion que ie m'en vay dire. Il y auoit en ceste coste vn Badage de noble race, qui estoit comme le Iuge de tout ce pais là; & faisoit si peu de compte des Chrestiens, & de leurs Eglises, qu'il alloit decider les causes, & juger les procez dans icelles. Ce qui les offensoit tellement, que le Pere visitant vn lieu, où cela se faisoit, trouua les habitās d'iceluy fort desolez, à cause du mespris, que ce Barbare monstroient enuers l'Eglise. Toutesfois il dissimula pour quelque temps, pensant que

*Arrive à
un lieu de
Chrestiens.*

*Et en fin
à l'Isle de
Manar.*

*Grād x-
le du P.
André
Fernand.*

l'autre s'en deporteroit si l'on ne monstroit pas s'en fâcher si fort. Mais voyant que son incivilité & outrecuidance passoit outre, esseu du zele de l'honneur de Dieu, il s'en va dans l'Eglise, lors que ce Iuge Payen y tenoit audience, & avec vne grande liberté luy de-
Liberté courageuse pour défendre l'honneur de Dieu.
 mande, s'il trouueroit bon qu'on fit cela au temple de ses Pagodes. L'autre luy respond que non. Puis donc (dit le Pere) que vous autres ne permettriez pas, que cela se fit és temples de vos Idoles, & faux dieux, vous semble-il que nous le deuions permettre en ce luy du vray Dieu, Createur, & Seigneur du Ciel & de la terre ? Certainement nous ne le souffrirons point d'oresnauant ; & prenant vn visage plus seuer que de coustume ; Sortez donc (dit-il) sortez d'icy tout à cest'heure. Ce qu'il prononça avec telle force & viuacité d'esprit, que le barbare se trouua tout confus, & sans oser dire vn seul mot fort incontinent de l'Eglise. Mais comme il estoit fort hautain & superbe, il luy sembla de s'estre monstré trop coïard & lasche, & auoir perdu en cela beaucoup de son auctorité. Parquoy il s'en retourne quelques heures apres à la mesme Eglise, mais accompagné d'une centaine de soldats tous armez & resolu de massacrer le Pere : lequel ayant sceu la chose, fait retirer soudain dans l'Eglise vn des Chrestiens, qui estoit avec luy, afin qu'il ne receut quelque dommage des Barbares à leur premier abord : & luy s'en va les attendre à la porte de l'Eglise, n'ayant autres armes pour sa defense qu'un rouleau, qu'il tenoit en la main, & sur lequel il s'appuyoit. Les Barbares arriuez qu'ils furent à la porte de l'Eglise, armez de fleches, arcs, & arquebuzes, s'exhortoient les vns
Dieu ne permet pas toujours aux meschans le mal qu'ils ont ennuyé de faire.
 les autres à donner sur luy, & le massacrer ; mais apres auoir demeuré là assez de temps, sans luy auoir osé rien faire de mal, bien qu'il n'eust personne avec luy, qui leur peust faire resistance, ils se retirerent sans l'auoir aucunement endommagé, ny mesme touché. Ce qui l'encouragea plus que deuant à s'opposer à telles indignitez, que qu'on commettoit contre l'honneur de Dieu, cognoissant par là que Dieu auoit pour agreable son zele : tellement qu'il delibera d'oster ceste coustume des lieux, où elle auoit esté introduite, & en vint à bout assisté de la grace diuine.

Le mesme Pere sçachant qu'un des nouveaux Chrestiens estoit souillé apres le baptesme des superstitions Mahometanes, le fit mettre en prison : les Payens, chez lesquels il auoit commis ce peché, enuoient prier le Pere de vouloir faire eslargir le prisonnier :
Autre d'auoir enuie diuinement payé le mesme Pape.
 mais il leur respond, que cela n'estoit pas raisonnable. Les autres

continuant à luy faire la mesme requeste par deux ou trois fois, il persista neantmoins tousiours au refus : de façon que les Payens voyans qu'ils ne le pouuoient auoir par prieres, se determinent de l'aller tuer, & retirer le prisonnier par force. Les Chrestiens du lieu l'aduiserent de cela, & le supplierent de se vouloir sauuer, se retirant pour quelque temps en lieu d'asseurâce. Mais il leur dit, qu'un lieu n'estoit pas plus assuré, que l'autre, si Dieu vouloit permettre qu'ils le tuassent : & que s'il le vouloit preseruer, il estoit aussi seur en ce lieu, qu'en tout autre. L'un d'iceux luy dit pour lors, s'il vouloit que tous les Chrestiens du village se missent en armes pour le defendre. Rien moins (dit-il) mais seulement tenez moy prest un bateau, afin que s'il est besoing ie m'y puisse retirer. Là dessus voicy arriuer vne grãde troupe de Barbares, lesquels apres auoir esté tout autour de luy assez long temps, s'en retournent sans luy auoir dit un mauuais mot, tant s'en faut qu'ils le tuassent, comme ils auoient pourpensé.

Troisiesme.

Vn'autrefois les habitans d'un bourg, qui estoient tous Sarrazins, seneus contre luy à cause du grand zele, qu'il auoit pour amplifier la Foy, resolurent d'un commun accord de le meurtrir la premiere fois qu'il passeroit par là. Mais soudain qu'il y fut arriué, nostre Seigneur les effraya de telle façon, qu'on eut dit que le Pere estoit venu là accompagné d'une grosse & puissante armée. Ainsi s'enfuyoient-ils, qui deçà, qui delà : & s'alloient cacher, comme si on les eust voulu prendre.

Tels & semblables dangers encourent bien souuent ceux, qui cultiuent ceste vigne de nostre Seigneur, tels aussi les ennuis & travaux qu'ils endurent : mais ils estiment tout cela bien employé voyans la deuotion & vertu de ces Chrestiens. Car à la verité ils monstrent bien auoir esté plantez par la main d'un sage vigneron, & arrousez des eaux de grace que Dieu fait decouler abondamment sur eux : eu esgard non seulement aux actes de vertu & pieté Chrestienne, qu'ils exercent ordinairement, ainsi que nous dirons cy apres, mais aussi à la fermeté & constance qu'ils font paroistre à defendre la foy de Iesus-Christ, au prix mesme de leur sang. Comme il aduint l'an 1566. à quelques uns de ces Chrestiens. Ils estoient six en compagnie, lesquels cinglans vers Cochin tomberent es mains des Sarrazins, qui de premier abord les menacerent de les tuer, s'ils ne renioient la foy de Iesus-Christ, & n'embrassoient la secte de Mahomet. Mais ils respondirent franchement qu'ils ay-

Martyre de cinq Chrestiens de la Percherie.

moient

moient mieux endurer la mort & toute sorte de tourmens, que commettre vn tel forsaict. Dont les Sarrazins furent tellement indignez qu'ils se ruent sur eux, & les frappent à grands coups de baston; puis les mettent en vne prison fort dure & estroicte, pensant qu'avec le desir d'estre deliurez on feroit d'eux, tout ce qu'on voudroit. Mais ils furent bien trompez: car au contraire, ces bons Chrestiens se rendirent plus constans en la prison, à cause de la grande ioye & consolation qu'ils sentoient en leur ame, pour la grace que Dieu leur faisoit d'endurer quelque chose pour son honneur. Les Sarrazins voyans qu'avec tous leurs efforts ils n'aduancoient rien à leur faire quitter la foy, qu'ils auoient receuë au baptesme, commencent quasi à se rendre, & à vouloir comme capituler avec eux, bien qu'ils les tinsent prisonniers, de sorte qu'ils ne leur demandoient pour toute composition autre chose, sinon qu'ils oïstassent de leur gré les chappellets qu'ils portoient au col, en signe & témoignage qu'ils estoient Chrestiens; leur promettans de les laisser aller libres s'ils le faisoient, & au contraire les menaçans de les leur oster avec la teste, s'ils ne les quittoient de leur gré. Ces menaces ne les estonnerent non plus que les promesses les esmeurent. Parquoy ils respondirent tous vnanimement & courageusement, qu'on leur pouuoit bien oster les chappelets du col par force, mais qu'ils ne les quitteroient iamais de leur volonté, ayants mieux perdre la vie, que laisser ce signe de leur foy & Religion. Les Sarrazins furent si indignez de ceste responce, qu'ils resolurent de les mettre à mort. Eux aduertis de cela ne s'en estonnerent point, ains s'encouragerent les vns les autres à se porter en vaillans champions de Iesus Christ, en ce champ de bataille, ou ils estoient pour son seruice. Et les genoux du corps, & de l'ame flechis deuant Dieu, ils offrirēt leurs vies ioyeusement à celuy, qui les leur auoit données, & le col au coutelas de ces bourreaux Sarrazins, qui aualerent tout aussi tost la teste à cinq de ces bons pescheurs: lesquels par ce moyen firent vne plus heureuse pesche, que iamais ils n'eussent fait en celle des perles, s'acquerans vne couronne de gloire, enrichie d'vne pierrerie bien plus riche que n'est toute celle de l'Orient. Ils endurerent la mort avec vne telle constance, & allegresse, qu'ils faisoient esmerveiller tous ceux du nauire, & les Sarrazins mesmes qui les tuoient; lesquels donnerent la vie au sixiesme, l'on ne sçait pour quelle cause. Et cestuy-cy raconta par apres estant arriué à Cochīn le martyre de ses compagnons, se plaignant avec beaucoup de larmes, & disant

Le chapelet porté au col est vn signe de Chrestien en l'Inde.

Desir d'endurer pour nousire Seigneur.

que pour ses pechez il n'auoit esté participant du mesme heur que ses compagnôs. Il y eut encore vn ieune homme en ceste coste, le-
Autre
martyr
d'un Ca-
techume-
ne.
 quel n'estant pas encore baptisé, mais seulement Catechumene, comme son Seigneur fut mort, & qu'on le deut ensepuelir a la mode des Payens, il ne voulut assister à ses funerailles, ou il falloit faire certaines ceremonies superstitieuses: & pour ceste cause, il fut premierement despouillé de tous ses biens, & finalement mis à mort pour la foy de nostre Seigneur. De façon qu'encore qu'il n'eut pas esté lauë des eaux de baptême, il fut neantmoins nettoyé de tous ses pechez, par le baptême de sang, faisant sacrifice de sa vie, pour l'amour de son vray maistre & Seigneur.

Deuotion
grâde des
Parauaz.
 Quant à la deuotion de ces bons Parauaz, on la peut cognoistre par les actes de pieté & de vertu, qu'ils exercent. Car premieremēt ils sont fort grands aumosniers. Dans vn an les habitans d'vn lieu acheptèrent du drap pour vestir huit cens pauvres. Vn autre, ils doterent trente vierges Chrestiennes, & racheptèrent deux filles orphelines, qui auoient esté prinſes des ennemis. Vn autre, furent donnez trois mille cinq cens escus d'aumosne aux pauvres, & outre ce, quarâte vierges furent colloquées en mariage des aumosnes de ces bons pescheurs. Ils ont basti & doté deux hospitaux, l'vn à Tutucorin, qui est la principale ville de ceste coste, & l'autre à Punical, esquels on reçoit & traicte fort charitablement les pauvres, tant Chrestiens que Infideles. Ils sont aussi fort soigneux de frequenter tant qu'ils peuuent les saincts Sacremens; de la Penitence, & de l'Eucharistie: tellemēt qu'on diroit, veu la multitude de ceux qui se confessent, & communient, qu'on est tousiours en temps de Careſme, & c'est la principale occupation que nos Peres ayēt là, si que les iours entiers se passent à ouyr les confessions. Et parce qu'il n'y a pas beaucoup de Peres, on est contraint d'en renuoyer plusieurs à vn autre temps, ce qui leur cause vne grande tristesse, & ennuuy. Mais c'est vne chose merueilleuse de voir avec quelle reuerence ils s'approchent de la sainte table, lors qu'ils vont à la communion du precieux corps de Iesus-Christ. Ils ont aussi ceste bonne coustume, que quand ils se confessent, ils demandent pardon aux assistans, du mauuais exemple, qu'ils leur ont donné. Ce qui est pratiqué mesmes des plus apparës, & de ceux qui sont constituez en quelque dignité & office. Ils portent vn singulier respect & honneur à la sainte croix. & parce qu'en plusieurs lieux on en a planté de grandes, non seulement les Chrestiens, mais encore les Payens

L'honneur
qu'ils por-
cent à la
croix.

vont faire oraison à Dieu deuant icelles, & y apportent quelques offrandes, tellement que des aumosnes qui auoient esté faictes a vne de ces croix, on y bastit vn oratoire: à fin que ceux qui viendroient là, pour prier Dieu, se puissent retirer à couuert.

L'occasion, qu'on porte si grande deuotion aux croix, est venue de plusieurs miracles, qui s'y font bien souuent, tant és Chrestiens qu'és Gentils: car plusieurs d'iceux obriennent ce qu'ils demandent à Dieu, en adorant ce glorieux signe de nostre redemption. Tant luy est agreable la memoire de la mort & passioⁿ que s^{on} tres-cher fils a endure^e pour nous en l'arbre de la croix, qu'il veut qu'elle soit honorée de ceux mesme qui ne s'en veulēt seruir pour leur salut. Brief il y a eu des Payens, qui ont cōposé des vers en leur langue à l'honneur de la croix; de façon que les heretiques de nostre temps, qui detestent si fort ce sacré signe, semblent estre pires en cela, que les mesmes Payens & barbares.

Or d'autant que maintenant presque tous sont là Chrestiens, *En ceste* l'on n'y conuertit point à la foy de nouueau, *coste tous* sinon ceux qui viennent de dehors: desquels toutesfois le nombre est assez grand. *presque* Car *son* envne seule année ils en ont baptisé iusques a mille sept cēs. *Chrestiens.* Ce fut l'an 1596. Il y eut entre autres vn certain Payen, lequel estant venu à vn bourg de Chrestiens, comme il s'en retournoit a son pays, ayāt desia faict trois lieuës de chemin, vne si grande douleur de teste le faist, qu'il trouua pour le mieux de rebrousser chemin vers le bourg des Chrestiens; là ou estant arriué, il fit soudain appeller vn Pere, auquel il demanda instāment le baptême; & aussi tost qu'il l'eust receu rendit l'ame à Dieu. L'on a basti à la ville de Tutucorin vne maison pour les catechumenes, là ou on enuoye de toute ceste contrée ceux qui veulent se faire baptiser, pour estre instruits en la foy: à fin que tant de gens ne soient par occupez en cela, au grād preiudice des autres fonctions & charges qu'ils ont à faire. Car de ceste sorte il n'y a qu'vn Pere qui s'employe a leur instruction, & les autres s'occupent cependant à prescher, ouyr les Confessions, & administrer les autres Sacremens. Ils sont en tout dixsept ou dixhuit de nostre Compagnie, desquels il en y a 15. qui sont Prestres, & ont charge de vingt & sept Eglises. Mais parce qu'ils ne seroiēt pas assez, pour dire la Messe chascun iour de Dimanche ou de feste en toutes ces paroisses, si chascun n'en celebrait qu'vne, ils ont puissance d'en dire deux: car il n'y a point d'autres Prestres en ce pais là pour encore; bien qu'ils ont depuis quelques années erigé vn Se-

*Tutucorin
vne ville
fort deuote.*

minaire comme celuy de Goa, là ou sont nourris & esleuez en la vertu & bonnes lettres trente ieunes hommes du mesme pais, à fin qu'ils puissent vn iour seruir de Curez à ceux de leur nation. Ils demeurent ordinairement en six maisons ou lieux de residance, qu'ils ont és lieux suyuantz c'est à sçauoir à Tutucorin, Punical, Manapar, Bembar, Trecādur, & à l'Isle de Manar. A Tutucorin qui est la principale ville de ceste coste, il y a comme quelque forme de College. Car on y enseigne les cas de consciēce, la langue Latine, & les Abecedaires, bien qu'ils ne soient pas là que sept ou huit des nostres; mais le Recteur & Superieur de tous les autres, qui sont espars en diuers endroits de ceste coste, s'y tient. Il y a icy vne fort deuote Confrerie en laquelle se practiquent beaucoup d'actes de vertu & de pieté Chrestienne. Brief ceste ville est si adonnée à la deuotion, qu'on diroit que c'est plustost vne maison Religieuse qu'une communauté politique. En l'Isle de Manar, ou nous auons aussi vn lieu de residence, il y a vne Eglise dediée à nostre Dame, qui est fort frequentée des peuples circonuoisins. Car il plaist à nostre Seigneur y faire souuent paroistre les largeesses de sa bonté & misericorde, par l'intercession de sa benoiste mere. Entre autres, enuiron l'an 1590. il y eut vne femme qui auoit perdu la parole depuis cinq ans, mais elle la recouura icy, s'estant deuotement recommandée à la mere du verbe eternel, avec l'estonnement de tout le peuple. Or puis que nous sommes venus à ceste Isle de Manar, il faut traicter ce qui nous reste de la punition du Roy de Iafanapatan, aduenue pour cause de ceste Isle, ainsi que nous deduirons presentement.

Miracle.

*COMME LE ROY DE IAFANAPATAN
s'estant rebellé contre les Portugais, & persecutant les
Chrestiens, perdit le Royaume & la vie.*

CHAP. IX.

LE Viceroy Don Constantin ayant, comme il a esté dit cy dessus, octroyé la paix au Roy de Iafanapatan, moyennant certaines conditions qu'il luy imposa, & que l'autre promit garder; pensoit qu'apres cela il n'oseroit leuer plus les crestes, ayant mesmes la forteresse de Manar si pres, & la flotte de dix nauires qu'il auoit laissé là, qui rodoit tout à l'étour de son Royaume. Mais comme il n'y a rien qu'un homme qui a accoustumé de commander, porte plus impatiemment que la contrainte, si tost que le Viceroy eust tourné les espauls, & se fut retiré à Goa avec ses forces, l'autre

commença de monstrier ce qui luy faisoit mal au cœur : car non seulement il ne payoit point le tribut, qu'on luy auoit imposé, sinonfort raremēt, & à regret; mais aussi persecutoit les Chrestiens, quand l'occasion s'en presentoit, cōbien que ce fut contre l'une des conditions portées par le traité de paix. Bref se voyant despoüillé *Le Roy de l'Isle de Manar se veut rebeller contre les Portugais.* de l'Isle de Manar, & hors d'esperance de la recouurer, s'il ne surprenoit, où mettoit à bas ceste forteresse, que les Portugais y auoient, il tascha par plusieurs fois de la forcer; nommément l'an 1590. ayant fait deux ou trois ans auparauant les apprests de la guerre, fort secrettement, de peur que les Portugais ne s'en doutassent. Il choisit le temps le plus fauorable, qu'il eut sçeu trouuer, pour venir à bout de son entreprise: qui fut lors, que la pluspart des soldats Portugais mis en garnison dans ladite forteresse, ont accoustumé d'aller prester main forte aux Chrestiens de la Pescherie, tandis qu'ils peschent leurs perles, comme nous auons dit cy dessus. Car pendant ce temps là, comme les Portugais eussent laissé ceste forteresse presque sans deffense; voicy le Roy de l'Isle de Manar, qui vient *Tasche de surprendre la forteresse de Manar.* surgir à l'Isle avec vne flotte de soixante & quinze voiles, où il auoit ramassé presque toutes ses forces, amenant beaucoup de pionniers, pieces de canon, & autres machines de guerre, pour abbattre les murailles, & faire bresche, pensant emporter la place de premier abord. Toutesfois il auoit à toutes aduentures laissé derriere soy vn autre flotte de dix mille combattans, pour luy seruir de renfort, s'il en estoit besoing, donnant charge à son Admiral de le suyure & secourir, quand il seroit temps, où qu'il luy ordonneroit. Il estoit desia tard, quand il print port avec sa flotte, à l'Isle de Manar, & dans la forteresse n'y auoit lors que soixante soldats Portugais; neantmoins vn petit brigantin, qui restoit à l'Isle, en menoit autres dixsept. Le Roy aduertý de ce brigantin, enuoye promptement deux nauires, pour l'attaquer & le nertre à fond. Ce qui sembloit estre bien aisé à faire, veu l'inegalité du combat. Le brigantin donc fut incontinent inuestý de ces deux nauires; & soudain les Barbares commencent d'un costé & d'autre à le canonner furieusement. Les Portugais ne s'estonnerent pas pour cela, ains s'encouragerent à bien faire, appuyez non sur leurs forces, mais sur l'ayde & secours *Particuliere assistance de Dieu envers les Portugais.* diuin, qu'ils imploroient fort deuotement. Aussi experimenterent ils euidentment l'assistance de Dieu à les preseruer, & deffendre; car les coups de canon qu'on tiroit de l'un & de l'autre nauire des ennemis, n'offensoient en façon quelconque ceux du brigantin; ains

au contraire les coups de l'un alloient frapper contre l'autre, tellement qu'on eut dit, que les Barbares des deux nefes se faisoient la guerre eux-mesmes. Il n'y eut que deux ou trois Portugais de tuez: les autres voyans que Dieu les assistoit si fauorablement, prirent encore plus de courage, & sans se soucier d'aucun danger, se jetterent sur les ennemis d'une telle roideur, qu'ils les mirent en fuite, & les firent retirer avec le reste de la flotte. Laquelle fut incontinent toute esperdue de frayeur & de crainte; voyant mesme un autre nauiere de Portugais, qui venoit au secours: & d'ailleurs entendant battre un tambour, qui toutesfois ne menoit que sept ou huit soldats Portugais, malades & à demy morts. Mais les Barbares pensans que ce fut une grosse compagnie de soldats, prennent l'allarme de telle sorte, que le Roy avec beaucoup de ses gens, qui estoient sautez à terre, se retirent tous effrayez dans les nauieres. Or d'autant que plusieurs de leurs vaisseaux estoient demeurez à sec, pour cause du reflux de la mer, ils ne peurent s'ayder de ceux-là: tellement qu'ils furent contrains de les abandonner, & se jetterent dedans les autres à grande haste. Toutesfois il y auoit encore beaucoup de soldats de l'armée du Roy, qui estoient espars çà & là dans l'Isle, lesquels ayans sceu que le Roy se retiroit, eux aussi tascherent de gagner les nauieres, s'enfuyans avec grand desordre & confusion, à cause qu'ils estoient si espouuantez qu'on eut dit, qu'ils auoient la peur aux talons: de façon que celui qui couroit le plus, estoit estimé le plus habile. Brief ils estoient si esperdus de crainte, qu'ils s'empeschoient les uns les autres à courir; & comme ils estoient arriuez au bord de la mer, ils se jettoient sans aduisement dans les nauieres, qui estoient ensablez; voyas neantmoins qu'ils n'y estoient pas assurez, ils se precipitoient dans la mer, tellement qu'il y en eut plusieurs qui se noyerent, & beaucoup d'autres que les Portugais massacrerent. On fait estat qu'il en y eut en tout quelques deux mille de tuez, & dixsept nauieres qui resterent ensablez. Cependant les autres gaignoient le haut, & s'enfuyoient avec telle viftesse qu'on eut dit que quelque grosse flotte les poursuuoir, si fort ils estoient effrayez. Les Portugais considerans de plus pres l'issue de ceste guerre, & une victoire si merueilleuse, gaignée non par la force de leur bras où industrie humaine, ains par la vertu & puissance de ce grand Dieu des armées, qui a mis tant souuent l'espouuante dans le cœur de ses ennemis, remercièrent Dieu de la grace singuliere qu'il leur auoit fait, exhortez noiméement par nos Peres, qui se

*Le Roy de
Tasanapa
tan prend
l'espouuā
te & la
fuite.*

*Victoire
merueille-
use.*

trouuerent là, & qui nous ont escrit toute ceste histoire, ainsi qu'il est contenu és Annales de l'an 1590.

Quelque temps apres le mesme Roy de Iasanapatan n'ayant pas esté fait sage par ce defastre, voulut encôre vne autrefois tenter fortune, & tasher de rechef de surprendre & mettre à bas la forteresse de Manar, à l'occasion d'un secours inopiné qui luy suruint, en la façon qui s'ensuit. L'an 1591. certains Corsaires estans sortis du port de Calicut, se mettent à escumer toute ceste coste d'une part & d'autre du cap de Commorin, pretendans sur tout endommager les Portugais & autres Chrestiens, s'ils en auoient le moyen. Ayant donc rencontré vn nauire qui appartenoit à quelques Portugais, & venoit de la Chine, chargé de grandes richesses (car seulement en lingots d'or, il portoit à ce qu'on dit plus de cinq cens mille escus, & autant en soyes, & autres telles estoffes & marchandises) les escumeurs de mer l'assaillirent viuement, & comme ils estoient plusieurs contre vn, en fin ils entrerent dedans, apres auoir mis à mort presque tous ceux, qui le defendoient : lesquels neantmoins vendirent bien cher leurs vies. Car ils tuerent plus de trois cens des ennemis, & leur firent tousiours teste, iusqu'à ce qu'il ne resta en vie, que le seul Capitaine du nauire avec vn sien seruiteur. Le Capitaine donc voyât qu'il n'y auoit moyen de soustenir plus long temps l'effort des ennemis, & se sentant blessé à mort, afin que les Barbares ne fissent leur profit du thresor, qui estoit dans ce nauire, commande à son seruiteur d'y mettre le feu par diuers endroits. Ce qu'ayant esté executé, le nauire s'embrasa de telle sorte, qu'encor bien que les Pirates entraissent dedans, & tuassent le Capitaine, pillans quelque chose du nauire, bien que de peu de consequence, si n'eurent-ils moyen de sauuer le principal : car ils furent contraintes d'en sortir plus viste, qu'ils n'y estoient entrez, de peur d'estre enueloppez dans les flammes. La perte neantmoins de ce nauire fit faire banqueroute à quelques marchans de la ville de Goa, & apporta grand dommage à plusieurs autres, qui auoient pour eux engagé leurs moyens. Mais de là les Pirates prindrent courage, pour entreprendre l'année suiuaute semblables pilleries: & d'autant que destia l'hyuer commençoit en ce pais là, ne pouuans retourner au port, d'où ils estoient sortis, ils resolurent de le passer en l'Isle de Ceilan, à vn port du Royaume de Iasanapatan. Le Roy voyant ces Corsaires si à propos, traicte de faire alliance & amitié avec eux, pour donner sur les Portugais, & mettre à bas la forteresse de Manar. A

*Corsaires
de Calicut
escument
la mer.*

*Font per-
dre un na-
uire des
portugais
plein de
richesses.*

415
LE LIVRE XII. DE LA VIE DE L'AMIRAL
quoy les Pirates s'accorderent tres-volontiers; car cela leur estoit fort commode, pour pouuoir mettre à couuert leurs nauires dans la riuiera, qui separe les Isles de Manar, & de Ceilan, & là attendre les nauires des Portugais, qui vont & viennent de Bengala, du Pegu, des Moluques, & autres ports de mer, où ils trafiquent, pour les piller & saccager. Leur resolution fut que les Corsaires attaqueroient la forteresse du costé de la mer avec leurs nauires; & que le Roy enuoyeroit vne grosse armée pour l'assieger par terre. Sur ces entrefaites, Mathias d'Albuquerque, nepueu du grand Alphonse Albuquerque, arriua de Portugal, mandé pour Viceroy de l'Inde, & entra dans Goa, lors que les nouuelles furent apportées du danger, auquel estoit l'Isle de Manar. Commençant donc d'exercer sa charge au mois de May l'an 1591. Si tost qu'il fut aduertý, tant du nauire que ces Corsaires auoient pillé, que de leur resolution & alliance avec le Roy de Iasanapatan, pour assieger la forteresse de Manar, il fit promptement equipper & armer vne flotte de quelques vingt nauires, & pour Admiral d'icelle, nomma André Hurtade de Mendoza, braue & vertueux Capitaine, luy commandant de se joindre

*Entrent
en ligue
avec le
Roy de
Iasanapa-
tan con-
tre les
Portu-
gais.*

*André
Hurtade
de Men-
doza Ad-
miral des
Portu-
gais.*

avec les autres Portugais, qui estoient dans la forteresse de Manar, & de faire si bien, qu'ils missent en route la flotte desdits Corsaires, & chastiaissent le Roy de Iasanapatan, comme il meritoit. La flotte estant partie de Goa, demeura plus de trente jours auant qu'arriuer à Cochín, à cause qu'elle eut les vents contraires, ce qui n'aduint pas (comme le succez monstra) sans vne particuliere prouidence de Dieu : car en ce temps là ils rencontrèrent trois nauires

*Prend
trois na-
uires de
Sarrasins
& y fait
un grand
butin.*

de Mahometains, qui venoient de la Meque, chargez de grandes richesses, & les prindrent en reuenche de celle que les autres auoient faict perdre. Mais apres qu'ils eurent le temps à souhait, poursuiuás leur route, ils se trouuerent sur le commencement du mois d'Octobre, tout aupres de Ceilan, ou ils entendirent que les Corsaires estoient aux ancras dans la riuiera, qui separe l'Isle de Manar d'avec celle de Ceilan, & attendoient là, que le temps fut propre pour battre la forteresse. Ceste nouuelle resiouyt fort les soldats Portugais, qui ne desiroient que venir aux mains, voyans mesme qu'ils estoient arriuez si a poinct, pour rōpre le dessein des ennemis. L'Admiral de la flotte Portugaise aduise cependant ses gens de ce qu'ils auoient à faire, & les exhorte à se porter vaillamment; puis soudain avec le bon vent que Dieu leur donna, ils entrent dans la riuiera, ou estoient les pyrates, & les vont affronter. Les Corsaires ne firent

pas

pas au commencement grand compte d'eux, cuidans que ce fut tant seulement le Capitaine de Manar, avec quelques soldats de la mesme garnison; toutesfois quand ils virent, qu'on les chargeoit si furieusement, ils furent tous estonnez, & tascherent de mettre leurs nauires au large, pour combattre plus commodement. Mais ils furent pressez si viuement, que sans se prendre garde, ils vont eschouër & tomber en des bancs qu'il y a là en quantité; de maniere qu'ils demurerent tous ensablez, ne pouuans faire remuer leurs vaisseaux, pour se defendre, où endommager les assaillans. L'Admiral des Portugais Hurrade de Mendoza voyant cela, fit venir promptement de l'Isle de Manar quelques petites barques, avec lesquelles il se redit maistre de toute la flotte des Corsaires. Eux se voyant perdus laisserent leurs nauires à l'abandon, & estans sautez à terre, se vont joindre au Roy de Iasanapatan, qui n'attendoit pas de telles nouvelles. Apres ceste victoire l'Admiral de la flotte Portugaise voulut poursuiure d'executer le commandement du Viceroy, tellement qu'il entra avec main forte dans l'Isle de Ceilan, pour chastier le Roy de Iasanapatan, ayant à ceste fin, assemblé le plus de soldats, qu'il peut, tant de ceux de la forteresse de Manar, comme des autres, qu'il y auoit en la coste de la Pescherie, s'aydant aussi des Chrestiens originaires du pais, & avec ceste troupppe de gens ramassez, il s'achemine tout d'ioict la part, ou il sceut qu'estoit l'armée du Roy. Bref il se va camper aupres d'icelle pour combattre au pluslost. Mais sçachant bien que les victoires sont en la main de Dieu, & qu'il les donne à qui il luy plaist; le matin auant donner la bataille, il fit quyr la Messe à tous ses soldats: & luy mesme avec plusieurs d'iceux receut le precieux Corps de nostre Seigneur; ayant en son camp quelques Peres de nostre Cōpagnie, qui estoient venus de Goa avec la flotte. Les ennemis estoient biē retrêchez, & si auoient grande quantité d'artillerie; mais ils furent assaillies des Portugais avec vne telle vaillâce, & roideur, qu'ils furent biē tost mis à vau de roulete; & apres si furieusement poursuyuis, qu'il y en eut force de taillez en pieces, outre vn'infinité de blessez. Et entr'autres le Capitaine General de l'armée des ennemis, lequel se sentant nauré se retire de la meslée, & s'en va porter la nouuelle au Roy, qui estoit en son palais, distant vne lieuë seulement du lieu, ou la desconfiture auoit esté faite. Là où il le trouua avec vne bonne troupppe de soldats, qu'il auoit retenu pour la garde de son corps; & luy ayant fait le rapport de ce, qui estoit arriué, l'aduise de sortir vistement de la

*Se rend
maistre
de la flotte
des
Corsaires
de Calicut.*

*Met en
route l'armée
du
Roy de
Iasanapatan.*

ville, ou il estoit, & se retirer en lieu plus asseuré; d'autant que les ennemis venoient apres eux au grand pas: que s'il les attendoit plus long temps, il seroit surprins à l'improveu. Mais Dieu voulant chastier les pechez de ce meschant Roy, & de ses predecesseurs encore, permit qu'il ne voulut pas croire le conseil du General de son armée, ains l'appellant poltron & couard, le fit retourner au combat, luy baillant de renfort les gens, qu'il auoit aupres de soy, afin qu'il empeschat que les Portugais n'entraissent dans la ville. Mais comme l'armée victorieuse estoit encouragée ayant eu le dessus es deux batailles passées, au beau premier rencontre le Capitaine General des barbares fut tué, & tous les autres mis en fuite. Les Portugais pourfuyans la victoire, se diligentent, de maniere qu'ils furent plustost dans le palais du Roy, qu'il ne sceut la route des siens. Voyant donc les ennemis sur soy, il tasche de se mettre en deffence avec ce peu de gens qui luy restoient: mais ils furent incontinēt rompus, & luy mesme tué sur la place, avec son fils aîné. Le puisné voyant son pere & son frere morts, se donna à cognoistre, & s'estant jetté aux pieds du Capitaine General de l'armée Portugaise, le prie de luy vouloir sauuer la vie, promettant de se rendre Chrestien, s'il le laissoit viure dauantage. Le General entendant cela, oste tout aussi tost son heaume de la teste, & le met sur celle du Prince, le traictant avec beaucoup d'honneur & courtoisie. Peu de temps apres tout le Royaume vint prester l'obeyssance au mesme General, laquelle il receut au nom du Viceroy des Indes, & du Roy de Portugal. Apres ce il nomma pour Gouverneur le fils puisné du Roy defunct, iusqu'à tant qu'il eut donné aduis à Goa, de ce qui s'estoit passé.

*DU PROGREZ QUE LA FOT CHRESTIENNE
a fait es Roiaumes de Coulan, & de Trauancor.*

CHAP. X.

D'Autant que le B.P. François Xavier apres auoir presché aux Parauás habitans de la coste de la Pescherie, passa au Royaume de Trauancor, il nous faut maintenant traicter de ce qui y est arriué depuis, quant au faict de la Religion, & par consequēt en celuy de Coulan, puis qu'ils sont limitrophes, & situez immédiatement l'un apres l'autre du costé Occidental du cap de Commorin, de sorte que celuy de Trauancor vient aboutir audit Cap: & montant plus haut vers le Nort, on trouue celuy de Coulan: dont la

*Situation
des Roiaumes de
Trauancor & de
Coulan.*

ville principale appellée aussi Coulan, estoit jadis la plus grande & riche de tous ces pais là. Mais depuis que les marchans commencerent à trafiquer en Calicut, & que ceste ville deuint riche & opulente, à cause du commerce, la grandeur de celle de Coulan commença aussi à s'abaisser. Toutesfois depuis l'arriuée des Portugais en l'Inde elle s'est vn peu remise; à cause que les tuteurs du Roy de Coulan (car il estoit encore trop jeune pour manier les affaires) esmeus du bruit qui couroit de la vaillance & proüesse des Portugais, qui estoient quelque temps auparavant venus en ces quartiers là, leur enuoyerent des Ambassadeurs, & demanderent leur alliance & amitié. Ce qu'ils leur accorderent, d'autât plus volontiers qu'il leur sembla que la chose pourroit apporter de grandes commoditez à leurs affaires. Car d'vn costé la ville de Coulan n'est qu'à 24. lieues de Cochin vers le Midy, là où ils faisoient lors principalement leur demeure, auant qu'ils eussent pris la ville de Goa, & d'ailleurs c'est vne des plus anciènes de l'Inde, tellement que d'icelle sont sorties comme des colonies plusieurs villes du Malabar, & entr'autres celle de Calicut. Elle est aussi fort abondante en poyure & autres telles marchādises: & à l'haure d'aîsé acces. Brief elle est habitée par plusieurs familles des anciens Chrestiens, qu'on nomme de S. Thomas, ce qui esmeut dauantage les Portugais à faire ceste alliance, esperans que par ce moyen ils pourroient empescher beaucoup de griefues oppressions que les Gentils faisoient à ces Chrestiens. Ayant donc establi l'amitié d'vn commun consentement & les capitulations du commerce bien dressées, il fut donné aux Portugais vn logis dans la ville de Coulan, duquel incontînēt les marchands avec les greffiers, & les gardes prindrent possession. Et pour auoir soing de ce qui concernoit la Religion, vn fort honnestes & docte Religieux de l'Ordre de S. Dominique, nommé Roderic, s'y arresta encore, lequel avec sa probité, & integrité de vie, jointe avec vne grande doctrine y fit vn grand fruit dans peu de temps, partie confirmant en la Foy, & instruisant beaucoup de gens, partie aussi en retirant plusieurs de la fouldre de Sathan, pour estre enroollez sous l'enseigne de Iesus-Christ. Depuis le P. Xauier estant venu en l'Inde desira d'auoir en ceste ville là vne maison, pour ceux de nostre Compagnie, tant afin d'ayder spirituellement les Portugais habitans de Coulan, que pour y aduan-
cer la conuersion des Payens de la mesme ville & Royaume; mais principalement à celle fin qu'on peust assister plus commodement

*Ville de
Coulan
fort an-
cienne.*

les Chrestiens qui auoient esté baptisez par luy, & par quelques autres Peres de la Compagnie, en la coste de Trauancor, lesquels enduroient de grandes afflictions. Car jaçoit que le Roy de Trauancor eut au commencement donné congé au Pere Xauier d'y prescher la foy Chrestienne, & à ses subjets pennission de la receuoir: ce neantmoins ayant eu par apres quelques occasions de degoust, & de fascherie contre les Portugais, il se changea tellement, qu'il fut leur ennemy capital, & non seulement defendit sur peine de la vie à tous ses vassaux de se rendre Chrestiens désormais: mais aussi contraignoit ceux qui desia l'estoient, de quitter & abandonner la foy de Iesus-Christ, les persecutant & affligeant, de maniere que ces pauures Chrestiens estoient bien souuent contrains de prendre la fuite avec leurs femmes & enfans, & monter sur mer, où s'aller cacher parmy les montagnes, pour euader son ire & courroux. Il ne permettoit aussi en façon quelconque que nos Peres preschassent en ses terres la foy Chrestienne. De sorte que sçachant comme le P. François Henriques y estoit demeuré encoire, nonobstant ses deffenses, il le fit chercher diligemment, pour le mettre à mort. Mais Dieu voulut qu'il eschappa de ses mains; toutesfois la persecution alla si auant, que ledit Pere estimoit, qu'en tel temps on deuoit luyure le conseil, que nostre Seigneur donoit à ses Disciples, disant: *Si on vous persecute en quelque Cité, fuyez vous en*

*Le Roy de Trauancor perse-
cute les
Chrestiens.*

*Vent
mettre à
mort le
P. Fran-
çois Hen-
riques.*

Mat. 10.

*Lettre
du P.
Xauier
au P.
Henri-
ques.
Lm. 2.
ap. 8.*

a un autre. Tellement qu'il pria par lettres le P. Xauier, qui l'auoit enuoyé là, de luy changer de demeure, & l'enuoyer en quelque autre part. Le P. Xauier ne pouuant luy mesme aller là pour le consoler & encourager à supporter patiemment ces aduersitez, luy escriuit de Punical vne lettre fort belle, dont voicy la teneur. Quant à moy j'aymerois mieux (mon tref-cher frere) pouuoir traicter avec vous en presence que par lettres, & vous apporter quelque peu de soulas és labeurs & incommoditez que vous endurez pour l'amour de nostre Seigneur. Car ie suis bien asseuré que vous ne souhaitez pas ces plaisirs, esquels se delectent ceux qui pour viure joyeusement & allegrement s'adonnent aux voluptez de ceste vie, d'autant que nous deuons auoir pitié de telles gens: & desirer le sort & eodition de ceux desquels, comme parle l'Apostre, le monde n'estoit pas digne. Ne vous contristez pas, mon frere, de ce que vous n'aduancez pas tant, que vous voudriez bien, en l'instruction de ces nouueaux Chrestiens: veu que selon que vous escriuez, les gens sont si adonnez au cuke des Idoles, & le Roy estât fort aliéné

de la foy Chrestienne, persecute grieffuement ceux qui l'embrace-
 sent. Vous profitez plus que vous ne pensés, en recueillât soigneu-
 sement les petis enfans, & les engendrant pour le ciel par le bapte-
 me. Car si vous considerez bien, vous trouuerés que peu d'Indois
 soient blancs ou noirs, arriuent en Paradis, sinon ceux lesquels
 auant qu'auoir atteint l'aage de quatorze ans decedent avec l'in-
 nocence qu'ils ont receuë au baptesme. Ne voyez vous pas donc
 (mon trescher frere) que vous profitez icy plus que vous ne pësez,
 ainsi que l'ay dit. Ce que vous pouuez cognoître par les enfans
 que vous auez baptisé, & qui jouÿssent maintenant de la beatitude
 celeste, de laquelle ils auroient esté priuez, si vous fussiez party de
 ces quartiers, & ne les eussiez engendrez à Iesus-Christ par le ba-
 ptesme. Or sçachez que l'enneiny perpetuel des ames vous haït
 fort, & voudroit bien que vous sortissiez au plustost de là, à celle fin
 qu'aucun de ce Royaume de Trauancor ne fut appellé désormais
 au Royaume celeste. C'est vne de ses ruses, que de nous faire paroï-
 stre que nous ferons ailleurs plus de fruiët, afin d'inquieter & de-
 stourner ceux qui trauaillent vtilement, pour le seruice diuin, là où
 ils sont. Partant ie me erains, que vous ayât attaqué de ce costé là, il
 ne vous tente pour vous chasser de ces lieux. Mais souuenez vous
 que dans 8. mois que vous auez esté là, vous auez conserué plus
 d'ames en baptisant seulement les enfans, qui s'en alloient mourir,
 que vous n'auiez fait pendant tout le temps qu'auiez demeuré en
 Portugal, ou en l'Inde. Et pource ne vous estonnez pas si Satã vous
 en veut tant : car il ne vise à autre but, & ne vous combat pour au-
 tre fin, que pour vous faire aller de ceste contrée à vne autre, où
 vous ne luy osterez pas tant d'ames. C'est ce qu'il luy escriit sur ce
 subiect. Or quant à ce qu'il estimoit tant le baptesme des petis en-
 fans en ce pais là, ce n'est pas sans cause. Car les Payens ont ceste
 coustume en plusieurs endroits de l'Inde & nommément en ce-
 stui-cy, qu'ils vont porter les enfans nouuellement nez aux deuins
 ou forciers, pour leur dire la bonne ou mauuaïse auanture : & à fin
 qu'ils disent plus librement ce qu'il leur en semble, ils les payent
 auât main. Ceux donc à qui le Caneane (car c'est ainsi qu'ils appel-
 lēt le diuin) promet bōne fortune, sōt gardez & nourris soigneuse-
 ment : mais ceux auxquels il l'a donnée mauuaïse, sont tuez ou abā-
 donnez de leurs parens. Coustume aussi barbare que celle des La-
 cedemoniens, lesquels faisoient anciennement mourir les enfans
 qui leur naissoient, laids ou debiles. Mais depuis qu'en ce Royaume

*Caneane,
 diseur de
 bōne ad-
 uenture.*

*Plus im
 Lycurgo.*

de Trauācor la foy Chrestienne a esté initallée, ces petis enfans que les parens laissent a l'abandon, sont recueillis soigneusement par les Chrestiens, qui les font baptiser; & parce que la plus part d'iceux meurt bien tost, à cause qu'ils ont esté mal nourris & entretenus iusqu'à lors, c'est pourquoy le Sacrement de baptême apporte en ce pais là vn meilleur reuenu pour le ciel, enuoyant plus d'ames de ces innocentes creatures en Paradis, qu'en autres lieux, ou ceste coustume n'est pas. Donques le P. Xavier voyant que les affaires de la Religion Chrestienne alloient si mal en ce Royaume de Trauācor, delibera d'enuoyer quelques vns de ses compagnons à la ville de Coulan, qui est tout ioignant l'autre, tant à fin d'assister de la en auant les Chrestiens de Trauancor, que pour prescher la foy de nostre Seigneur en celuy de Coulan, & par mesme moyen ayder les Portugais qui demeuroient en ceste ville de Coulan, pour le regard de ce qui concernoit le salut de leur ame; comme és predications, confessions, & autres fonctions propres de nostre institut. A cest effect, il enuoya là vn peu auant que partir pour aller au Japon, le P. Nicolas Lancelot Italien, natif de la ville d'Vrbain, lequel estoit arriué és Indes avec les Peres Antoine Criminal, & Iean de Beira, ainsi qu'auons dit cy dessus. Ce Pere, bien qu'il fut fort maladiſ de son corps, estoit neantmoins doué d'vne rare vertu, & sur tout auoit vne conuersation fort douce, & amiable; & tant par ce moyen, comme à raison de l'opinion qu'on auoit de sa sainteté, il acquit vn grand credit, premierement parmy les Portugais habitans de Coulan, de sorte qu'il en faisoit tout ce qu'il vouloit. Ce qui seruit de beaucoup pour l'amendement de la vie de plusieurs. Apres il entra si auant en la bonne grace du Roy de Coulan, & de tous ses vassaux, nommément des plus grands Seigneurs du Royaume, que sa seule auctorité estoit bastante pour composer quelconque differēt, qu'il y eust entre eux ou avec les Portugais. Tellement qu'il n'eust pas grande difficulté d'impetier du Roy permission de prescher la foy Chrestienne à ses vassaux, & a eux de la receuoir. Brief les choses y alloient si bien, que plusieurs, & nommément des plus grands Seigneurs du Royaume, se monstroient fort enclins à receuoir la foy de nostre Seigneur. Et le Roy mesme vint en telle estime & opinion d'icelle, que bien qu'il fut Payen, si est-ce qu'il fit bastir à ses propres cousts & despens vne Eglise, & vne maison pour ceux de nostre Compagnie, qui viendroient là faire leur residence. De ceste maison de Coulan, ils alloient aussi visiter & consoler les Chre-

tiens de Trauancor en leurs afflictions, qui furent tres-grandes, cō-
 me l'on peut coniecturer de ce qui a esté dit ; iusques a ce que le
 Viceroy de l'Inde le renga au deuoir. Car ayant beaucoup d'occa-
 sions de luy denoncer la guerre, pour les tors & iniures qu'il faisoit
 iournellement aux Portugais, outre la persecution qu'il suscita
 contre les Chrestiens de ses terres, & voyant qu'il ne desistoit ny de
 l'un ny de l'autre, pour toutes les remonstrances qu'on luy faisoit, il
 se resolut en fin de l'aller attaquer avec vne grosse flotte. Ce qu'il
 executa valeureusement, de sorte, que l'autre pensant estre en grād
 danger de perdre son Royaume, s'en va faire ses sacrifices accou-
 stumez aux Idoles dans vn temple fort renommé, qui estoit tout
 au bout de son Royaume, & de là il enuoya querir le Pere Alfonse
 Goucan, qui demouroit pour lors à Coulan, le priant de le venir
 trouuer à ce temple où il l'attendoit. Le Pere, soudain qu'il eut re-
 ceu sa lettre, y alla, & fut accueilli du Roy avec grande demonstra-
 tion de bien-veillance & amitié. Or apres qu'il luy eut fait tout
 plein de caresses, & courtoisies, il le pria de vouloir moyenner la
 paix entre le Viceroy de l'Inde & luy ; promettant de garder fide-
 lement les articles de la paix, qui seroient accordez entre les Portu-
 gais & luy : Dauantage, qu'il fauoriserait de là en auant les Chre-
 stiens de ses terres : Et pour arres de l'accomplissement de sa pro-
 messe, il luy bailla tout à l'instant vne parante, seellée de son seau
 royal, par laquelle il donnoit puissance à ceux de nostre Compa-
 gnie de prescher par tout son Royaume la foy de Iesus Christ, & a cōgé de
 ses vassaux congé de l'embrasser; outre ce, il oütroyoit tout plein de
 priuileges à ceux qui se rendroient Chrestiens. Le Pere le remercia
 fort de la faueur qu'il faisoit, tant aux nostres que aux Chre-
 stiens, & promit de s'employer pour luy, en cet affaire avec tout le
 soing & diligence, qu'il luy seroit possible. Ce qu'il fit de sorte, que
 la paix fut conclue au grand contentement du Roy de Trauancor.
 Et pour ce bien fait il fut deslors plus affectionné a l'endroit de
 ceux de nostre Compagnie, & fauorisa depuis les Chrestiens de
 son Royaume. Avec l'ayde & faueur de ces deux Roys de Coulan,
 & de Trauancor, le nombre des Chrestiens à prins vn notable ac-
 croissement, tant en l'un, qu'en l'autre Royaume. En la maison que
 nous auons à la ville de Coulan, il y a d'ordinaire sept ou huiet de
 nostre Compagnie, qui ont soing d'entretenir non seulement les
 Portugais en deuotion, mais encore les Indiens habitans de ceste
 ville, qui ont embrassé le Christianisme. Et outre ce, ils ont charge

*Accord
du Roy
de Tra-
uancor
avec les
Portu-
gais.*

*Donne
a cōgé de
prescher
l'Euan-
gile.*

de deux paroisses qui sont hors de la ville, composées de payfans qui ont esté conuertis par eux à la foy de nostre Seigneur. Quant à la coste de Trauancor, qui est de vingt lieues de longueur, il y a deux lieux de residence, ou quelques vns des nostres demeurent ordinairement : l'une est à vn lieu nommé Couleche, & l'autre à Retera, d'où ils s'en vont continuellement visiter les Chrestiens de ceste coste. A Couleche y a trois Peres, qui ont charge de dixhuiet Eglises, & s'en vont tantost deça, tantost delà, selon les necessitez occurrentes, taschans de consoler les affligez, instruire les ignorans, pacifier les discordes, conferer les Sacremens à ceux qui en ont besoing, & par mesme moyen preschent la foy Chrestienne aux autres, qui sont encore Gentils. Or ceux qui demeurent en ces deux maisons de Trauancor, sont dependans du Superieur de Coulan, qui les peut changer, & en y mettre plus ou moins, selon que bon luy semble, & les affaires requierent, tellement qu'il aduient qu'un seul Pere à quelquesfois charge de dixhuiet ou vingt paroisses. On tient aussi à Coulan vne eschole, pour monstrier à lire & escrire aux petits enfans : & outre ce, il y a vn Seminaire, ou sont entretenus quelques enfans orselins natifs du pais, qui ont esté delaissez & abandonnez de leurs parens, pour la raison qu'auons dit cy dessus, au quels on enseigne aussi à lire, escrire, & à chäter, à celle fin qu'ils aydent au seruice diuin, quand on le veut celebrier solemnellement tant en l'Eglise de Coulan, que autres de la mesme cōtrée. Voila en grosce qui appartient à l'estat de ceste Chrestienté. Voyons maintenant quelques choses particulieres des plus remarquables, qui y sont arriüées. L'an 1581. il aduint à la coste de Trauancor vne chose merueilleuse, & qui accreut beaucoup la deuotion & reuerence des habitans enuers la saincte croix. Car vne femme esclau de condition, estant allée iurer deuant vne croix pour se purger d'un crime, duquel on l'accusoit, se donnant mille maledictions, & priant Dieu de luy enuoyer vne certaine maladie fort hydeuse, si ce qu'elle disoit & iuroit n'estoit vray; quoy qu'il fut tout le cōtraire. Chose merueilleuse! Voyla que le lendemain, elle fut saisie de ceste maladie mesme. Son maistre craignant que ce mal, qui estoit contagieux, ne se glissat emmi le reste de sa famille, la chasse hors de sa maison, tellement qu'elle estoit rebuttée d'un chascun. Le Iuge esmeu à compassion de ceste pauvre femme, l'amène deuant la croix, ou elle s'estoit pariurée, l'admonestant de demander pardon à Dieu de ce sien faux serment, & prenant vn peu de la terre, qui estoit au

Une femme pariurée par le pue de Dieu.

pied de la croix, l'enveloppa dans vn petit drapeau, & la luy attacha au col : & par ce moyen ladite femme fut dans trois iours guerrie & deliurée du tout de ceste maladie. Ce qui engendra en l'ame des Chrestiens vn plus grand respect, tant enuers le serment, qu'à l'endroiect de la sainte croix.

Mais à fin qu'on voye plus clairement cōment Dieu veut qu'on respecte & honore ce signe de nostre redemption; & la grande force & puissance qu'il a sur les ennemis de son nom, ie mettray icy quelques exemples qui sont arriuez la dessus en ces mesmes contrées tirez de nos annales.

L'an 1584. l'on auoit planté au Royaume de Coulan vne croix *Les Payens voulans arracher vne croix sans l'espres congé du Roy.* Les Payens en furent tellement indignez, qu'ils s'en allerent sur le lieu avec plusieurs Elephans, pour l'abbatre: Mais si tost qu'ils furent arriuez à la veüe de ladiete croix, ils furent si espouuantez & effrayez, qu'ils se mirent incontinent tous en fuite, comme si quelque grande armée les eut poursuuius.

L'an 1590. les Chanes qui sont certains peuples habitans es marches du cap de Commorin, vindrent pour destruire & gaster tout le plat país du Royaume de Trauancor, & entre autres meschancez, qu'ils y exercerent, cōme ils sont ennemis iurez des Chrestiens, ils bruslerent vne Eglise, & rompirent vne croix, qui estoit deuant icelle. Mais ce ne fut pas sans en porter bien tost la peine. Car peu de temps apres vn de leurs chefs avec plus de deux cens soldats moururent d'un genre de mort, qu'on ne cognoissoit pas. Et afin qu'ils entendissent que c'estoit pour punition de leur forfait, plusieurs d'iceux assseurerent auoir veu vne figure hideuse qu'ils pensoient estre le Diable, lequel ruiuoit tantost l'un, tantost l'autre de leurs compagnons, tellement qu'ils abandonnerent promptement ceste demeure, & commencerent à traicter de bastir eux mesmes des Eglises, & faire alliance avec les Chrestiens. I'adjouteray encor icy quelques faits seniblables, pour plus grande preuue de ce que dessus. Enuiron la mesme année 1590. vn certain Naïre, maistre d'un Elephāt, s'en alla arracher vne croix, que les Chrestiens auoient planté en vn beau lieu, & l'ayant faite trainer par ledit Elephant, il la fit mettre sur vn petit fleuve pour seruir de pont, mais soudain vn tel orage s'esleua, qu'il emporta ladite croix : de façon qu'elle n'a plus comparu depuis. Le Naïre fut aussi tost frappé d'une maladie incurable, la cause de laquelle les medecins ne pouuoient co-

D'autres qui en rōpirēt vne furent tuez du Diable.

Griefue punition d'un Naïre qui auoit arraché vne croix.

gnoistre ; mais ceux de sa maison entendirent bien qu'elle ne luy estoit aduenüe, sinon pour cause de ce qu'il auoit fait à l'endroit de ladite croix. La ressemblance des faicts nous inuite de raconter encore ce qui s'ensuit.

Vn Elephant qui auoit abbatu vne croix, creua & mourut avec son gouuerneur.

L'an 1594. la Roynie de Coulan ayant enuoyé vn Naïre avec l'Elephant, qu'il gouuernoit, & quelques autres de ses seruiteurs tout expres, pour abbatre vne croix fort haute, qui estoit en vn lieu proche de la ville: aussi tost que l'Elephânt l'eut arrachée & trainée dans vne riuere, qui estoit pres de là, il creua, & mourut sur la place. Le Naïre aussi, qui gouuernoit ladite beste, rendit l'ame le lendemain ; tous les autres pareillement, qui auoient esté executeurs de ce meschant commandement, où qui auoient assisté au faict, furent punis en diuerses façons & manieres par la diuine justice: si bien que la Roynie, toute esperduë de crainte, commanda de remettre ladite croix, laquelle on trouua au mesme lieu, qu'on l'auoit jettée, bien que ceste riuere fut tres-impetueuse. Telles & semblables merueilles sont cause, que non seulement les Chrestiens, mais encor les Gentils portent vn grand respect à la sainte croix. De façon qu'il en y a plusieurs, tant des vns que des autres, qui s'en vont faire des pelerinages à quelques croix, qui ont esté jadis plantées en diuers endroits par commandement de nos Peres ; où ils presentent leurs vœus & prieres à Dieu, & souuent s'en retournent ayant obtenu ce qu'ils luy demandent.

Les persecutions qu'on endure à Trauancor.

Au reste c'est vn païs, ou ceux de nostre Compagnie endurent beaucoup, tant à cause de la disette des choses necessaires pour la vie humaine, qu'à raison de la cruauté & barbarie des Rois & Princes Payens, qui commandent en ces contrées là ; tellement que bien souuent ils sont en danger d'estre massacrez, comme il aduint l'an 1584. Car le Roy de Trauancor estant mal informé par quelques mal-veillans, d'vn de nos Peres, nommé Nicolas Spinula, enuoya au bourg de Coleche, où ledit Pere demeuroit, vne troupe de soldats, pour le luy amener lié & garotté. Ce qu'ils alloient exécuter, si le mensonge n'eust esté decouuert bien tost.

Vn autre grand Seigneur esgal presque en dignité & en puissance à nos Ducs, vint vne autrefois avec tout plein de soldats, & quelques Elephans assieger la maison, où le mesme Pere se tenoit, & desia faisoit sapper les fondemens d'icelle, pour la mettre à bas, mais la douceur & debonnaireté que le Pere monstra, adoucit tellement la cholere de ce Prince barbare, que de grâd ennemy qu'il luy estoit,

il deuint son intime & familier amy. Mais l'ennemy de nostre nature ne dort pas, pour semer de l'yuraye parmy le bon grain, taschant par ses supposits d'introduire le Mahometisme en ce mesme pais où Iesus-Christ plante sa foy : combien que cela ne luy reüssit pas, là ou il trouue en veille ceux qui ont charge de ce diuin heritage; & Dieu par sa toute puyssance empesche que ceste meschâte semence ne jette racines, faisant paroistre les effets de sa diuine justice sur ceux qui la recoiuent. Comme il aduint en vn bourg de ceste contrée là, où il y eut quelques vns, lesquels s'estans mariez à la mode des Sarrazins, moururent dans peu de iours; & en y eut plusieurs d'iceux qui asseurerent auoir veu vn homme tout vestu de blanc, monté sur vn cheual, qui avec visage espouuentable, effrayoit tous ceux qui s'estoient ainsi contaminez & souillez, de sorte qu'ils moururent tous de male peur. Le chastiment de ceux cy seruit d'exemple aux autres : si bien que ceux qui chancelloient en la Foy, furent confirmez en icelle; & les autres qui estoient desia tombez se releuerent.

Or d'autant que l'on a esprouué que c'est vn moyen de grande efficace pour la conuersion des Infideles, que de bastir des Eglises ^{Bastir} es lieux, ou ils demeurent : parce que de ceste sorte ils sont quasi ^{force} contraints de receuoir tousiours quelque rayon de la lumiere de la ^{Eglise} Foy, l'ayât si proche de leurs yeux, on tasche d'en edifier tant qu'on ^{moyen} peut. Combien que souuent on y trouue de grandes difficultez : ^{pour con-} parce que les Sarrazins mettent tout leur effort, pour empescher ^{uerir les} cela. Nomméement en l'an 1594. ils y employerent l'autorité ^{Infideles.} mesme de la Royne mere du Roy de Coulan, laquelle ils auoient gaignée par beaucoup de dons & promesses : mais le Superieur de la maison que nous auons là, renuersa tous leurs desseins par terre, estant allé parler au Roy sur cet affaire, lequel il print tellement à cœur, qu'il destourna encore sa mere, de faire pour le contraire party, aucune poursuite. Les Sarrazins nonobstant cela vouloient ^{Les Sar-} encor tascher de regagner la Royne & le Roy mesme : mais ils su- ^{razins} rent rebutez de l'vn & de l'autre, si bien que le Roy leur dit, qu'ils ^{ensemb-} eussent à se retirer : car il faisoit plus d'estat de l'amitié du Pere, que ^{d'empes-} de tout le profit qu'il receuoit d'eux. Mais ce qui les fascha dauan- ^{cher le} tage, fut qu'un des principaux de leur secte, & qui nous auoit le ^{bastiment} plus trauerfé que tout autre, recognoissant en fin son aueuglement ^{d'une,} s'alla prosterner aux pieds d'un de nos Peres, luy demandant hum- ^{mais en} blement le baptesme, & detestant de tout son cœur la secte de ^{vain.}

Mahometain & de toute sa famille Mahomet, de sorte que luy, sa femme & quatre enfans, qu'ils auoient furent tous baptisez avec grande consolation des Chrestiens, & confusion des Sarrazins. Mais c'est assez parlé de ceste contrée, montons vn peu plus haut vers le Nort, & traictons des missions du Royaume de Cochin.

DE LA FONDATION DV COLLEGE DE
Cochin, & de ce qui s'y est fait pour l'aduancement
de la Foy.

CHAP. XI.

Triumpara Roy de Cochin premier allié des Portugais en l'Inde.
LE premier Roy entre les Barbares, qui fit accord & alliance avec les Portugais, quand ils vindrent du commencement à l'Inde, fut Triumpara Roy de Cochin, & à son exemple, les Rois de Coulan, & de Cananor, firent le mesme. Les Portugais aussi luy rendirent bien la reuence du plaisir, qu'ils auoient receu. Car le Roy de Calicut estant venu assaillir celuy de Cochin, qui luy estoit auparauant tributaire, avec grandes forces, à raison qu'il s'estoit confederé avec les Portugais, fut vaincu, & mis en route plusieurs fois par iceux. A ceste occasion l'alliance des Portugais avec Triumpara se renforça dauantage : mais elle s'affermist encore plus, lors qu'il leur donna permission de bastir vne forteresse, pour leur plus grâde seureté, tout aupres de la ville de Cochin; les pouruoyant luy mesme des matériaux necessaires, pour ce faire. Ils edifierent depuis force maisons tout aupres de ladite forteresse, qui ont tellement accru en nombre, que c'est à present vne des plus grandes villes, que les Portugais ayent es Indes, apres celle de Goa. On y fit aussi dès le commencement vne Eglise, qui fut dediée à l'Apostre S. Barthelemy. Or la ville de Cochin, de laquelle tout le Royaume prend son nom, est sise sur la coste des Malabares, cent lieues loing de Goa vers le Midy. Elle est enceinte par l'vn des costez d'une belle & grande riuere; & par l'autre de la mer; de façon que la cité demeure toute enuironnée d'eau en forme d'Isle, ayant vn tresbeau port, & tres-commode, pour tenir beaucoup de vaisseaux avec assurance. Aussi est elle de grand trafic & commerce, à cause des marchandises qu'on y apporte de diuerses contrées de l'Inde. Il y a sur tout grande abondance de poyure, qui s'amasse dans le Royaume mesme, & pource les Portugais furent bien aises de contracter & faire alliance avec ce Roy, & se loger pres de la ville : d'autant que c'est vn lieu tres-propre, pour y trafiquer

Situation de Cochin

est port de mer, commode, & de grand trafic.

en toute sorte de marchandises du Leuant, & nommément pour charger du poiure long, force nauires. Quand le Pere Xauier arriua en l'Inde, il y auoit vn Vicaire de l'Euesque de Goa, lequel avec quelques autres Prestres, auoit charge d'administrer les sacrements ^{Est à present Euesque.} aux Portugais, habitans de Cochin: mais à present c'est vn des principaux Eueschez de l'Inde. Outre ce on y auoit basti vn monastere, pour les Peres de l'ordre de S. François, qui se sont employez fort soigneusement, tant à l'aide des Portugais, que des Gentils, desquels ils ont gagné a Iesus Christ vn bon nombre, tant par l'exemple de leur bone vie, que par leur doctrine. Or comme c'est vn haure fort hanté, & qu'on y trouue commodité de s'embarquer pour diuerses contrées, le P. Xauier passoit souuent en ceste ville, lors qu'il alloit à la coste de la Pescherie, à Malaca, au Iapon, & autres endroicts plus ^{Le P. Xauier y passoit souuent pour la commodité des embarquemens.} Orientaux: ou bien quand il en reuenoit; & se logeoit ordinairement chez les Religieux de S. François, ou chez le vicaire de la ville, qui estoit lors vn fort honneste Prestre, nommé Pierre Gonçalves, tres-intime amy du Pere. Et jasoit que quand il passoit par là, il leur donast quelques sermons, selon le temps qu'il s'y arrestoit: toutesfois vn peu auant qu'il partit pour aller au Iapō, il voulut en recognoissance des biens-faiets, qu'il auoit receu en ceste ville, y aller demeurer deux mois entiers, ainsi qu'a esté dit au premier liure. Des lors les habitans le prierent fort instamment de leur vouloir donner quelques vns de la Compagnie en ceste ville, pour y fonder quelque maison, ou College. Le Pere ne le leur octroya pas pour lors ce qu'ils demandoient, peut estre pour le leur faire desirer dauantage. Mais quelque temps apres, ainsi qu'il repassoit par la mesme ville, s'en allant au Iapon, ils luy en firent si grande instance, que ne voulant les esconduire du tout, il remit l'affaire à la disposition des Peres Paul Camers, & Antoine Gomez, qu'il laissoit en son absence, l'vn Viceprouincial, à sçauoir le P. Camers, & l'autre Recteur du College de Goa. Le Vicaire de Cochin, & les Portugais, habitans de la mesme ville, enuoyerent incontinent à Goa querir quelque Pere de la Compagnie: & on leur enuoya le P. Balthazar Gagus, qui depuis a beaucoup trauaillé pour le seruice de nostre Seigneur, tāt en l'Inde qu'au Iapō. Le Pere. estāt arriué là, fut accueilly fort charitablement, & bien tost apres, les Confreres de nostre Dame luy baillerent, & a ceux de nostre Compagnie, qui viendroient demeurer là, l'Eglise qu'on appelle de la mere de Dieu, ou ils souloient faire leurs assemblées. Ceste donation fut ratifiée par l'Euesque de

*Dieu à la
Compagnie de
Jesus.*

Goa, qui l'estoit aussi lors de Cochin, car il n'y auoit pas encore Eueſque particulier, comme il y a maintenant. Mais comme les volontez des hommes ſont muables, bien toſt apres, quelques vns des Conſreres furent marris, que ceſte donatiō nous eut eſté faiſte, de ſorte qu'ils pretendoient la faire caſſer. Le P. Balthazar Gagus & les noſtres, qui eſtoient à Goa, ayant faiſt ſçauoir le tout au Viceroy, qui eſtoit lors Alſonſe de Norogna, il interpoſa en cela ſon auctorité, & confirma la donation faiſte en faueur de la Compagnie. Or jaçoit que nous euſſions retenu ceſte Eglife, ſi eſt-ce que nous perdiſmes vne partie de la bonne affection, avec laquelle nous auions eſté appelez & receus en ceſte ville. Mais le P. Xauier repaſſant par là, lors qu'il reuint du Japon, l'an 1552. radoubba le tout avec vn exemple de rare charité & humilité: Car ayant entēdu ce qui s'eſtoit paſſé, il fit aſſembler leſdits conſreres de noſtre Dame, dans le cœur de l'Eglife principale de Cochin, & en preſence du Vicaire & des Preſtres, qui auoient eſté auſſi preſens à la donation, il entra avec les clefs de la chappelle, qu'on nous auoit donné en main: & s'eſtāt

*Heran-
gue du
P. Xa-
uier aux
Corſre-
res de
N. Da-
me.*

mis à genoux deuant les aſſiſtans, il leur tint tels propos. Meſſieurs, vous nous auiez donné de voſtre grace & pure liberalité, l'Eglife de la mere de Dieu, à laquelle vous eſtiez ſi deuots, eſtimans que ſi les Religieux de noſtre Compagnie en auoient charge, la deuotion s'eſchaufieroit dauantage parmy les habitans de ceſte ville, & que cela ſeruiroit de beaucoup pour le profit & aduancement de leurs ames. Or jaçoit que i'aye à preſent la meſme eſperance; toutesſois pource que i'ay ſceu (choſe de laquelle ie ſuis bien marri) que pour ceſte cauſe, quelques vns de vous ont perdu tāt ſoit peu de la bōne affection qu'ils nous portoient; ie ſuis venu icy pour remettre entre vos mains les clefs & poſſeſſion de l'Eglife ſuſdiſte, non pas que ie n'eſtime beaucoup la faueur qu'il vous a pleu nous faire lors que vous nous la donnaſtes: & a ceſte heure meſme, autant que lors quand nous en priſmes poſſeſſion, n'eſtimant avec tous ceux de noſtre Compagnie autant obligé a vous faire ſeruiſſe pour cela, comme ſi de fait nous en iouyſſions. Mais d'autant qu'il n'eſt pas raifonnable (& à Dieu ne plaiſe) que nous ſoyons cauſe de quelque faſcherie ou ennuy, à ceux à qui nous ſommes tant reſdeuables, & que nous rendions du mal pour les biens-faits, que nous auons receu; brief pour ne donner du meſcontentement à perſonne, ains nous entretenir touſiours en la bonne grace d'vn chaſcun, nous re-mettōs les clefs de ladite chappelle entre vos mains: à fin que vous

en disposiez comme bon vous semblera. Ayant dit cecy, il rendit les clefs de l'Eglise au principal des confreres, qui estoit là, avec tant d'humilité, que plusieurs années apres, ceux qui s'y trouuerent presens ne se pouuoient saouler de raconter la chose, ny s'en souuenir, qu'ils ne ressentissent vne singuliere consolation en leurs ames. Et de faict cet acte gaigna tellemēt le cœur de ceux mesmes, qui nous estoient le plus contraires, qu'à l'instant tous les confreres ratiffierent de nouueau la donation de la mesme Eglise librement, & de leur franche volonté, en faueur de la Compagnie, passans de rechef le contract de donation. Cecy fut faict le second iour de Feburier, l'an 1532. & depuis on y a trauaillé tousiours avec vn grād contentement & profit des habitans. De la est sorti par apres le College de Cochin, qui est maintenant le premier de toute l'Inde apres celui de Goa, tant en nombre de subiects, qu'en l'importance des entreprises pour le seruice diuin; Mais voyons ce qu'il y a eu de plus remarquable.

Gaigne le cœur à tous, de sorte qu'ils ratiffierent la donation.

Bien tost apres que nos Peres y furent logez, le Roy des Isles Maldiuës y fut catechisé & instruit en la foy, par ceux de nostre Compagnie; & puis baptisé au grand contentement, non seulement de la ville, mais aussi de tous les Chrestiens de l'Inde. Car on esperoit, que tout ainsi comme trente ans auparauant ces Isles auoient embrassé la detestable secte de Mahomet, à l'exemple de leur Roy, qui estant auparautnt Payen, s'estoit faict Sarrafin, de mesme qu'à l'exemple de leur Roy, qui s'estoit rendu Chrestien, elles receuroient aussi la mesme foy, si on le pouuoit remettre en l'entiere & paisible possession de son Royaume. Car il auoit esté contraint de sortir de ses Isles par vne sedition & generale reuolte de ses subiects, qui s'estoient leuez contre luy, tellement que ne se trouuant pas asseuré parmy les siës, il s'estoit venu ietter entre les mains du Gouuerneur de l'Inde, qui estoit lors Garcia de Saa, pour luy demander ayde & secours à fin d'estre restably en la possession de son Royaume, promettant de se rendre Chrestien, & de procurer par toutes voyes, deuës & raisonnables, que ses vassaux fissent le mesme, si vne fois il y estoit remis. Mais auant que traicter du succez de cest affaire, il sera bon de dire quelque chose de ces Isles. Car par là on cognoistra mieux l'importance de ceste conuersion. Les Portugais, qui nauigent d'ordinaire sur ceste mer, tiennent communément que ces Isles sont vnze cens en nombre; d'autres n'en contēt que sept ou huiēt cens; mais le plus probable est, que le nombre en

Le Roy des Maldiuës instruit & baptisé par les nôtres.

Nombre des Isles Maldiuës.

Leur situation.

est incertain, parce qu'elles sont fort petites, & peu fréquentées. La plus grande de toutes s'appelle Maldive, d'où les autres ont emprunté leur nom commun & general : combien que chacune d'icelles à le sien propre & particulier, comme nous auons dit des Canaries, & quelques autres Isles. Elles sont situées tout à l'opposite de la coste de Canara, & des Malabares depuis le 17. degré d'elevation du Nort iusques au 3. par dela l'Equinoctial du costé du Sud. Quelques vus disent, qu'elles ont esté autresfois jointes à la terre ferme de l'Inde: & de fait il en y a qui n'en sont pas esloignées plus de soixante lieuës. D'autres assurent, que iadis l'Isle de Ceilan, & les Maladiues n'estoient qu'une: mais que la mer a petit à petit gaigné les lieux plus bas & enfoncez, à cause ceste grande multitude d'Isles; lesquelles bien souuent ne sont pas esloignées l'une de

Fort proches l'une de l'autre.

l'autre que d'un bon saut de quelque homme puissant & robuste: tellement qu'il y en a d aucuns lesquels en prenant quelque branche d'un arbre, de celle ou ils veulent aller, se guident & sautent à l'autre. Au reste jaçoit qu'elles soient destituées de plusieurs choses necessaires à la vie humaine: ce neantmoins pour la nourriture des habitans, elles portent grande multitude de Palmes, beaucoup plus vtils & fructueuses, que celles de l'Asie & de la Palestine. Car celles cy, non seulement leur donnent le manger, le boire, les vestemens: mais encore une infinité d'autres commoditez, que nous dirons bien tost. Brief il n'y a rien en icelles qui ne serue: De façon que pour signifier quelque homme industrieux & bon mesnager, ils disent communément en l'Inde, qu'il est plus vtile, que la Palme.

Les commoditez qu'on regoit de ces Palmes.

Le meilleur de cest arbre c'est le fruit, que les Indiens appellent, Tenga, ou Narle, mais les Portugais le nomment, Coco, ou noix d'Inde. Il est gros presque comme la teste d'un homme, ayant deux couuertures. Celle de dehors est polie à l'exterieur, mais au dedans elle est velue, & farcie d'une matiere, qui semble des estoupes, fort ferrée: ils appellent cela Caïre, & leur sert pour faire des gumes, & cordages pour les nauires. Car cela se file tout de mesme que l'estoupe: & n'y a meilleur chable pour retenir les anches d'un nauire, que celui cy. Car non seulement il se nourrit & entretient dans l'eau, mais aussi s'estend & preste facilement comme le cuir sans toutesfois se rompre, comme sont nos cordes. La coquille qui est au dedans, est de couleur rousse, & de figure ronde: l'on s'en sert bien souuēt pour faire des gobelets, qui sont fort beaux & propres, les enchassant en estain, en argent, ou autre semblable metal. La chair

chair de ladite noix ou pomme d'Inde est semblable presque à celle de l'amende: & a la saveur quasi de mesme que l'avelaine, combien qu'un peu plus douce. On en tire aussi de l'eau, de l'huile, du miel, du sucre, du vin, du vinaigre, & un infinité d'autres commoditez. Les feuilles de l'arbre servent au lieu de papier, pour escrire: & en icelles escriuent-ils leurs annales, & autres liures, qu'ils ont depuis long temps. On en couvre aussi les maisons, comme nous, de thuyles: bref ce seul arbre fournira de soy tout ce qu'il faut, pour edifier & equiper un navire, & la charge mesme d'iceluy. Car les masts se font du tronc, les chevilles, & les autres bois des rameaux, les feuilles cousuës ensemble donnent les voiles, les cordages sont faits du Caïre, finalement la charge du navire peut estre du fruit de cet arbre, qui donnera à boire & à manger aux mariniers. De fait il en y a, qui tesmoignent avoir veu des navires, qui n'avoient rien d'autre chose, que ce qui estoit prins de cet arbre. Or les Isles Maldives portent principalement ces Palmiers, bien qu'ès Royaumes de Decan, de Canara, des Malabars, & en plusieurs autres quartiers de l'Inde, il s'y en trouve a foison. J'ay voulu dire cecy en passant à l'occasion des Isles Maldives, parce que cet arbre est le plus frequent en ces Isles, & que bien souvent nous ferons mention des feuilles & du fruit de cet arbre. Mais reprenans nos brisées, le Roy des Maldives ayant embrassé la foy Chrestienne, s'arresta à la ville de Cochin, attendant qu'on le restablit en son Royaume; & cependant il se maria là avec une fille Portugaise, fort noble de race, mais beaucoup plus illustre pour ses vertus. De laquelle il eut plusieurs enfans & vesquit là, depuis vingt ans jusques à ce qu'il fut desia vieux, sans qu'on fit jamais chose de consequence pour sontablissement. De sorte qu'il mourut à Cochin assez pauvre & souffreteux pour un tel Prince, qu'il estoit. Son fils aîné qu'on nommoit Don François, apres la mort de son pere vint à Lisbonne, pour solliciter la promesse qu'on avoit faite à son pere, de le restablr en son Royaume. Mais estant là, il fut miserablement tué une nuit de quelques coups d'espée, qu'on luy donna, lors que le Roy d'Espagne Philippe 2. y estoit. Et voilà le dernier acte de la tragedie, que le monde a joué en la vie du Roy des Maldives & de sa lignée. L'instruction & baptesme duquel a esté l'un des premiers fruits qu'aye porté la maison de la Compagnie fondée à Cochin: laquelle l'espace de neuf ou dix ans n'a esté qu'une petite Residence. Toutesfois l'an 1558. elle fut erigée en College avec 3. classes.

Ce seul arbre peut fournir tout ce qu'il faut pour bastir & pourvoir un navire.

Voyez l'histoire de la bonne par. 1. liv. 3. ch. 11.

Trespas du Roy des Maldives à Cochin, & meurtre de son fils advenu à Lisbonne.

Es deux on enseignoit la langue Latine, & en la troisieme l'õ monstroir à lire & escrire. L'on a pareillement basti trois autres maisons partie en ce Royaume, partie en autres circonuoisins: esquelles resident ordinairement quelques vns de nostre Compagnie, pour l'instruction des nouueaux Chrestiens, qu'ils y ont conuertis, & pour en gagner d'autres à nostre Seigneur: combien que tous ces lieux sont dependans du College de Cochîn. Mais nous traicterons cy apres plus au long de ces Residences: voyons maintenant le fruit qui s'est fait en ce College, & les plus signalées conuersions qu'il y a eu, avec les autres choses remarquables, qui y sont aduenues.

Or il faut scauoir que le Roy de Cochîn; bien qu'il fut amy & allié des Portugais, ti est-ce qu'il fit dès le commencement presque qu'ils entrerent en son Royaume, vne loy, par laquelle il defendit à ses subjets sur peine de confiscation de tous & chascuns leurs biens de se rendre de nostre Foy: tellement que cela a destourné vn infinité de gens de l'embrasser: voyans qu'ils seroient reduits à la besace, s'ils quittoient leurs superstitions & erreurs. Car ceste loy a esté jûsqu'à present estroittement gardée, jaçoit que le Roy de Portugal, & les Vicerois de l'Inde se soient efforcez bien souuer de la faire casser, & destourner le Roy d'vne telle injustice & impieté; mais il n'y a eu encore remede de gagner cela sur luy. Ce qui est vn grand empeschement à l'amplification du Christianisme. Mais nonobstant cela il y a plusieurs milliers de ses subjets, qui se sont conuertis à Iesus-Christ tant du Paganisme, que du Mahometisme, & Iudaïsme, qui est fort en vogue en ce Royaume là; & ce non seulement de gens de basse estoffe & condition, mais aussi des Naïres, & de grands Seigneurs mesme: ainsi que nous verrons maintenant. L'an 1582. il y eut à Cochîn vn ieune homme de dix-huict ans, Juif de nation & de secte, lequel quittant l'obstination & durté de cœur quasi naturelle à telles gens, se soubsmist au doux joug de nostre Seigneur: & fut bien tost apres suyui de sa mere: mais vne sienne sœur l'auoit desia deuancé. Et parce que c'estoit vne famille des plus apparentes de la ville, leur baptesme fut celebré avec grande magnificence & beaucoup de signes d'allegresse. L'an 1586. & 87. deux Naïres yllus de la race des anciens Rois de Cochîn furent aussi baptisez; & l'vn d'iceux confessa auoir obtenu par le moyen du baptesme le repos & tranquillité de son ame, qu'il auoit fort long temps cherché en vain hors de la vraye

*Inique
loy du
Roy de
Cochin,
confis-
quant les
biens des
Chrestiens.*

*Centen-
tains fin
guilés.
1. d. va
Inde.*

*De deux
Naïres.*

Foy. Vn autre Gentilhomme des plus nobles & apparens du Royaume vint aussi se faire baptiser à la villé de Cochin : & parce qu'il auoit fait cela contre la volonté du Roy, il estoit pour perdre tous ses moyens, pour la raison qu'auons dit cy dessus. Mais nostre Seigneur au lieu des richesses terriennes, luy donna les thresors celestes & eternels, l'appellant à sa gloire bien tost apres le baptême. Et mesme quelques vns soubçonnoient, & non sans cause, qu'il auoit esté empoisonné pour s'eltre rendu Chrestien; tellement que si cela estoit, il emporta la couronne de martyre avec l'estole d'innocence.

Es annales de l'an 1590. on nous escrit, que la fille de Moyse Battilla, qui est le chef de tous les Indiens, qu'on appelle blancs, auoit esté baptisée contre la volonté de ses pere mere, & autres parens. Et à celle fin qu'ils ne la destournassent, où ne luy donnassent de la fascherie, elle voulut estre conduite à la Chine; quittant pour l'amour de nostre Seigneur ses pere, mere, parens, & son propre pais. Mais voicy vn autre bel exemple de constance & de mespris des choses de ce monde, pour suyure Iesus-Crist. Vn autre grand Seigneur qui nourrissoit à ses despens trois cens soldats pour la garde de son corps, estant resolu de se rendre Chrestien fut trauersé de plusieurs, & du Roy mesme, en diuerses façons & manieres; Mais il ne peut iamais estre diuerty, ny par les promesses, que le Roy luy fit, ny par les peines, dont il le menaça, nommément de la perte de ses biens, qu'il deuoit encourir selon la loy susdite. Le Roy voyant sa constance luy octroya, qu'il peut retenir ses biens, nonobstant qu'il fut Chrestien; & l'enuoya luy mesme au Pere qui le deuoit catechiser, accompagné de sa suite Royale: brief il fut baptisé au grand contentement de tous les Chrestiens, mais avec vn merueilleux regret des Infidels. Je laisse à part la conuersion de beaucoup d'autres personnes de moindre qualité; seulement ie diray qu'il ne passe guere année, qu'il n'en y aye assez bon nombre de baptisez, nonobstant ceste loy tyrannique. L'an 1590. & 91. il y en eut mille huiétante de cõpte fait, & plusieurs d'iceux estoient Sarrazins, qui sont beaucoup plus difficiles à gagner que les Idolatres: & en y auroit encore dauantage, si l'on pouuoit obtenir, que le Roy cassat ceste meschante loy, comme l'on tasche de faire. Or il adriert d'aucunesfois, que nostre Seigneur appelle à sa cognoissance fort particulièrement quelques personnes, & mesme par l'entremise de sa sainte Mere, comme l'on peut voir en ce qui s'ensuit. Vn certain

*Apparition de
N. Dame.*

homme de qualité, & fort riche, de la ville de Cochîn, estoit si obstiné en ses erreurs & superstitions, qu'il n'y auoit moyen de le conuertir, bien qu'il entendit souuent les sermons de nos Peres, & qu'il conferat avec eux. Mais rencontrant vn iour par la rue certain Pere, il luy dit, qu'il vouloit estre Chrestien. Le Pere tout estonné luy demande d'où venoit vn changement si soudain: L'autre luy raconte comme la nuit precedente il auoit veu en songe vne Dame resplendissante à merueilles, que les Chrestiens (dit-il) appellent la Vierge Marie, qui luy auoit commandé de faire tout ce que nos Peres luy conseilleroient. Adjoustant qu'il estoit resolu de suyure l'aduertissement de ceste Dame. Il fut donc par le conseil du Pere enroullé au nombre des Catechumenes, & apres auoir esté deuëment instruit, fut baptisé à son grand contentement & profit. Vn autre se fit aussi Chrestien, parce que selon qu'il asseuroit, la mesme Vierge luy auoit apparu par trois diuerfes fois, l'aduertissant qu'il eut à suyure la foy des Chrestiens.

Autre.

Il y auoit vn certain Roytelet de ces quartiers, lequel ayant eu plusieurs enfans, tous luy venoient à mourir, si tost qu'ils auoient atteint certain aage: de maniere qu'il ne luy en restoit qu'un seul, lequel pareillement étant arriué au mesme aage tomba aussi malade. Son Pere, mari extremement de la maladie, où plustost de la mort de son fils, qu'il attendoit quasi asseurément, ayant veu l'experience és autres, & hors d'espoir de le pouuoir garantir avec les remedes humains, s'adressa à vn des Chrestiens, qu'il y auoit en son Royaume, lequel est tout joignant celuy de Cochîn: & luy demande conseil de ce qu'il pouroit faire, pour empescher que son fils ne vint à mourir, comme les autres. Le Chrestien luy respondit en ces termes. Sire, dit-il, puis
 20 que vos autres enfans sont morts en la puissance de Satan, permet-
 20 tez, si il vous plaist, qu'à tout le moins cestuy-cy meure (si toutesfois
 20 il doit mourir) en la foy de Iesus-Christ, & le faites baptiser. Le Roy
 20 qui ne desiroit rien tant, que la santé de son fils, pria le Chrestien de le vouloir prendre luy mesme, & faire ce qu'il jugeroit bon pour la
 guérison. Le Chrestien le porte en sa maison, & sçachant qu'un de
 nos Peres estoit freschement arriué en ce Royaume, il s'en va le trou-
 uer, pour luy faire entendre ce qui se passoit, & luy demander quel-
 que remede pour la guérison de ce Prince. Le Pere apres s'estre ad-
 dressé par prieres & oraisons à Dieu, escriuit dans vn papier quel-
 ques lignes de l'Euangile, & dit à ce Chrestien, qu'il mit ce papier

*Guérison
miracu-
leuse d'un
Prince.*

sur l'enfant. Or comme le Chrestien fut de retour en son logis, il trouua le Prince si accablé par la force & vehemence de la maladie qu'il sembloit desia estre à l'extremité : neantmoins ayant vne grande foy, que nostre Seigneur le secourroit, il luy mit dessus le papier; & aussi tost l'enfant commença à se porter mieux, si bien que peu de temps apres, il recouura du tout la santé. Ce miracle seruit tant à luy qu'à son pere, pour faire de là en auant plus d'estime de nostre Religion, & de favoriser les Chrestiens de ses terres.

Mais voyons vn peu quelques exemples de constâce & magnanimité és plus tendres ames, & ieunes enfans Chrestiens, qui ont soustenu leur foy avec tel courage, que ny les coups de fouët qu'ils ont enduré a ceste occasion, ny le danger euident de mort, ne les à peu esbranler. J'en mettray icy deux ou trois exemples. Vn enfant *Constance en la Foy d'un jeune enfant* de Cochîn, qui estoit venu quelque temps à nos escholes, ayant esté prins par les Sarrafins, fut lié pieds & mains, & attaché a vn arbre, duquel ces barbares s'estant vn peu esloignez, faisoient semblât de vouloir descocher contre luy leurs fleches, s'il ne renioit la foy Chrestienne : mais l'enfant d'vn courage viril, leur respond hardiment, qu'il aimoit mieux perdre la vie, que faire banqueroute à Iesus Christ. Les Mahometains estonnez d'vne telle constance, se contenterét de luy donner force coups de fouët, & plusieurs soufflets, que l'enfant endura, non seulement avec grande patience, mais aussi fort ioyeusement & allegrement, s'estimant heureux d'auoir esté trouué digne de souffrir quelque chose pour l'amour de nostre Seigneur. Vn autre aussi ayant esté fait serf & esclaue des Mahometains fut sollicité d'iceux, premieremēt par beaucoup d'allechemens, & promesses, qu'ils luy faisoient s'il vouloit renier la foy Chrestienne; mais voyans que cela ne l'esmouuoit point, ils le menacerent de luy faire endurer de grieux supplices & tourmēts, s'il ne leur obeyssoit. L'enfant monstra au commencement vn peu de lachetē: mais s'estant rauisé, pleurant amèrement la faute qu'il auoit faicte, de s'estre monstré couārd & timide, il s'en alla soudain trouuer les Sarrafins qui l'auoient intimidé: & confessant qu'il estoit Chrestien, & qu'il en seroit, encore qu'il deut perdre la vie: eux indignez d'vne telle response, l'attacherent à vn bois, & le menacerent avec leurs coutelas, traictés à la main, de le tuer s'il ne renonçoit à la foy, l'enfant demeura tousiours ferme & constant en la confession d'icelle, si bien que les autres apres l'auoir traicté comme le premier, luy donnans force coups de fouët, l'en renuoyerent à sa

Augt.

maison, sans luy faire autre mal, à cause qu'il estoit encore fort ieune. Voila les belles victoires que les ieunes enfans Chrestiens emportent sur les plus cruels ennemis de nostre foy. Mais en voicy vn autre, sur lequel nostre Seigneur monstra bien sa prouidence paternelle. Il y auoit vn petit enfant, la mere duquel estoit fort contraire à la religion Chrestienne, & fort affectionnée à la secte de son faux prophete Mahomet. Or sçachant que son fils auoit enuie de se rendre Chrestien, & qu'il alloit souuent à l'Eglise des Chrestiens apprendre le Catechisme, elle resolut de le tuer. Faisant donc semblant vn iour de vouloir aller en quelque lieu, elle le prèd avec foy, & le mene aux champs, là où ayant trouué vne grande fosse, elle l'y ietta dedàs, & boucha l'entrée avec vne grosse pierre, qu'elle mit sur ladite fosse, à fin qu'il finit là sa vie miserablement : Mais ce bon Dieu, qui auoit anciennement eu pitié du petit Ismael au desert en sa destresse, & avec son accoustumée clemence retira Moïse du peril du naufrage, eut aussi compassion de cet enfant, & luy enuoya promptement secours par le moyen de quelques Chrestiens, qui passerent par là, conduits, comme il est croyable, par vne speciale prouidence sienne. Car jaçoit qu'ils passassent vn peu à quartier de la fosse, l'enfant neantmoins les aperceut, & cognoissant qu'ils estoient Chrestiens, se mit à crier, disant, ie veux estre Chrestien, ie veix estre Chrestien : Les passans entendans ceste voix s'approcherent de la fosse, laquelle ayant descouuerte ils ostēt la pierre qui la bouchoit, & trouuerēt l'enfant là dedans. Apres dōc qu'ils eurent sceu de luy tout ce qu'a esté dit, ils furent grandement esmerueillez, admirant le soing paternel que Dieu à des siens, & le menent au Gouverneur, lequel ayant fait verifier la chose, condamna la mere d'estre chastiee selonc ses demerites, & l'enfant se rendit apres librement Chrestien. Il aduient encore bien souuent, que nostre Seigneur inspire quelques vns de se faire baptiser lors qu'ils sont proches de la mort, ainsi que de celace qui s'ensuit peut faire foy.

Prouidence paternelle de Dieu enuers vn petit enfant.

Vn ieune homme aagé de vingt ans, se trouuant vn peu mal, pria ses patens de luy faire appeller vn de nos Peres pour le baptiser; mais comme ils n'y vouloient point prester l'oreille, car ils estoient Payens, il les en importuna si fort, qu'ils furent contraintes de ce faire. Le Pere estant arriué a la maison, ce ieune homme le pria instamment de le vouloir baptiser tout sur l'heure: le Pere estimant que sa maladie ne fût pas si dangereuse, ne luy vouloit point

conferer ce Sacrement, qu'il ne l'eut au préalable plus longuement instruit : Mais le malade luy en fit si grande instance, qu'il ne luy peut refuser ce benefice. Et de faict il monstra bien que Dieu le pouſſoit interieurement à ne dilayer plus long temps le remede de son ſalut; car ſi toſt que le Pere fut de retour au College, on luy vint dire, que ce ieune homme eſtoit treſpaſſé en baiſant vne croix, qu'il luy auoit laiſſée.

En voicy vn autre de meſme qualité. Certain pauvre mendiant, qu'on eſtimoit à demy ſol, demandoit avec grande inſtance qu'on le fit Chreſtien; mais comme l'on iugeoit qu'il eſtoit hors de ſon bõ ſens, perſonné ne faiſoit compte de cela. Luy ſe voyant ainſi rebutté, & forclos de ſa iuſte demande, commence à proteſter deuant Dieu & deuant les hommes, du tort qu'on luy faiſoit; tellement que le ſcrupule en vint à vn des noſtres, lequel ſ'eſtimant obligé de luy oſtroyer ce qu'il requeroit, luy confeſſa le ſainct bapteſme ſi a propos, que l'autre peu de temps apres treſpaſſa.

Or bien qu'il ſemble que les noſtres, qui ſ'employent à la con-
 uerſion des Infideles, n'ayent pas occaſion d'endurer icy tant de
 trauerses, comme ailleurs: parce que les Portugais y ont grand
 pouuoir, & le Roy ne leur oſe pas nuire: ſi eſt-ce, qu'il n'y a pas
 manque de ſouffrir tousiours quelque choſe, ainſi que l'on
 pourra cognoiſtre par les exemples qui ſ'enſuiuent. Il y auoit vn
 grand debat & querelle entre les Chreſtiens & les Gentils de
 Cochim: parce que les Chreſtiens ne vouloient pas permettre que
 les Payens ſ'vſurpaſſent quelques dignitez que les anciens Roys de
 Cochim leur auoient oſtroyé. Toutesſois, il y auoit certains mar-
 chands Payens qui ſ'en eſtoient ſaiſis, dont les Chreſtiens eſtoient
 fort offenſez. Or ceſte querelle eut peu apporter beaucoup de dõ-
 mage tant aux vns que aux autres. Mais vn de nos Peres pour ob-
 uier à cela, ſ'en va trouuer le Roy, à fin de traicter de quelque ac-
 cord entre l'vn & l'autre parti. Le Roy luy dit, qu'il n'y auoit pas
 lors moyen de traicter de cela: mais qu'il retourneroit le lendemain;
 Cependant on luy dreſſe des embuſches par le chemin, ou il deuoit
 paſſer, quand il iroit parler au Roy; tellement que le lendemain al-
 lant au palais, voicy vne troupe de gens armez, qui ſortent d'une
 embuſcade, & ſe ruent ſur luy avec grande furie. Comme il ſe vid
 environné de tous coſtez de telles gës, il eſtima tout auſſi toſt que
 c'eſtoit fait de luy; de façon qu'il ſe mit à deux genoux, pour recõ-
 mander ſon ame à Dieu, & receuoir la mort, pour ſon amour avec

Traver-
 ſes & dõ-
 gers des
 noſtres à
 Cochim.

S. A. 11
 m. 10
 12. m.

12. m. 11

12. m. 12

12. m. 13

12. m. 14

12. m. 15

12. m. 16

12. m. 17

*Un bleſſe
à mort
par les
Infidelles*

patience. Pour faire court ſes ennemis luy donnent tant de coups d'eſpée qu'ils le laiſſent là pour mort. Or jaçoit qu'il eut eſté fort grieuſement bleſſé, & que les autres penſaſſent l'auoir tué tout à fai&t; ce neantmoins apres auoir eſté quelque temps giſant en ſon ſang, & a demy mort, il reuint à ſoy, & commença à reſpirer vn peu. Apres ce reprenant encore plus de courage, il ſe traîne comme il peut au logis de la Roynie, laquelle le receut fort amiablement, & charitablement, car elle ne reſſembloit pas à ſon mary quant à la cruauté; Eſmeuë donc de compaſſion de le voir ainſi deſchiré, elle luy bande les playes tellement quellemét, & le fai&t porter au College ſur les eſpaules de quelques ſeruiteurs. Incontinent qu'il fut au College, on appelle les Medecins, & Chirurgiens, leſquels voyans ſon corps ſi deſchiqueté, & des playes ſi cruelles, perdirent toute eſperance de le pouuoir guerir, car il auoit la teſte caſſée en deux ou trois endroits, les os du bras droict tous froiſſez, & au dos il auoit vne playe qui le perçoit d'outre en outre, venant reſpondre à la poi&trine: brief il eſtoit en tel eſtat qu'on n'eut iamais penſé, qu'il en deuit eſchapper. Dieu toutesfois par ſon infinie puiſſance & bonté, voulut qu'il en guerit contre l'attente de tous, combien que les marques des playes luy en reſterent, & vne grande debilité des deux mains, de façon que toutesfois & quantes qu'il vouloit mettre la main à l'œuvre, il auoit occaſion de ramenteuoir la grace que Dieu luy auoit fai&t d'endurer ce mauuais traitemét pour ſon ſeruite, & de l'auoir encore remis en ſanté. Cecy aduint l'an 1584. ainſi que nos annales font ſoy.

*Entrit
outre ſou
se eſperâ-
ce hu-
maine.*

*Vn autre
meurt
empoison-
né des
Gentils.*

Vn autre Père nommé Louys de Gouea, mourut a ce qu'on péſe empoisonné par les Gentils: car il eſtoit ſouuent parmy eux, & ils luy portoient fort mauuaſe volonté, parce qu'il n'y auoit aucun qui conuertit plus des leurs à Ieſus Chriſt, ny qui leur fut plus contraire, que luy.

*Danger
du Père
Melchior
Carnero.*

Outre ce, le P. Melchior Carnero, qui fut Eueſque de Nice, & depuis Patriarche d'Æthiopie, comme nous dirons au 3. liure, eſtant icy courut vn grand hazard de ſa vie: car ainſi qu'il marchoit par la ville de Cochin, avec vn autre de la Cōpagnie, on luy tira vn coup de fleche à la teſte, qui luy fit tōber le bōnet à terre & le luy perça d'outre en outre; ce qu'on péſa auoir eſté practiqué par les ſauteurs d'vn certain heretique Neſtorien, qu'il auoit rembarré honteuſement vers les montagnes, ou habitent les Chreſtiens, qu'on nomme de S. Thomas; ainſi que nous raconterons plus amplement en ſon

ſon

son lieu. Mais c'est assez arresté à Cochin : disons maintenant quelque chose du fruit qui s'est fait en deux ou trois lieux proches de Cochin, & nommément au Royaume de Porca.

*DE CE QVI EST ARRIVE' EN FAVEUR DE
la foy Chrestienne, és residences de S. Iacques, & de Muterte
qui dependent du College de Cochin; & des merueilles
qui sont aduenues au Royaume de Porca.*

CHAPITRE XIII.

D'Autant que non seulement en la ville de Cochin, mais encore ailleurs dans ce mesme Royaume, & en quelques autres proches d'iceluy il y a des Chrestiens, qui ont esté conuertis par ceux de nostre Compagnie, il est necessaire pour les entretenir en la Foy, & leur conferer les Sacremens de l'Eglise, que quelques vns de nos Peres fassent leur residence en ces lieux: toutesfois ils ne sont d'ordinaire que deux ou trois, & pour le plus, quatre en chaque lieu, qui dependent du Recteur du College de Cochin, tellement qu'il les peut appeller ou changer, quand bon luy semble. Les Residences donc, qui ressortent au College de Cochin, sont *Trois residences qui dependent du College de Cochin.* trois, l'une est à la ville de Vaïpicota, l'autre à un lieu qu'on nomme de S. Iacques, & la troisieme au Royaume & ville de Muterte. Nous traiterons icy tant seulement des deux dernieres, & reserverons celle de Vaïpicota iusques à ce que nous ayons parlé des Chrestiens de S. Thomas: parce que la plupart de ce qui a esté fait là, s'est fait à l'endroit desdits Chrestiens, comme nous dirons plus amplement en son lieu.

La Residence qu'on nomme de S. Iacques, n'est esloignée de la ville de Cochin, qu'une lieue tant seulement. Deux de nostre Compagnie y font ordinairement leur demeure, & ont charge de trois Eglises, là où ils s'occupent, partie à maintenir les Chrestiens, qui desia y sont conuertis, partie à gagner les Payens qui restent; jaçoit qu'il en y a maintenant fort peu, à cause que tous presque se sont rédus Chrestiens: neantmoins on y en baptise tousiours quelques vns de nouveau, qui sont la plupart de ceux qui viennent d'ailleurs pour cet effect. L'an 1581. il y eut un baptisme de cent cinquante personnes le iour mesme de S. Iacques, patron de ladite Eglise, & si en y auoit beaucoup dauantage, qui desiroient le mesme: toutesfois on les fit attendre iusques à ce qu'ils fussent mieux instruits & disposés à cela.

*Vne fille
du tout
aveugle
des sa
naissance,
reçoit la
veuë mi-
raculeu-
sement.*

L'on ne peut toutesfois differer le baptisme d'une ieune fille que son pere estant Payen amena à l'Eglise, pour estre baptisée, à cause du miracle qui s'ensuit. Il y auoit en ce pais vn Gentil de fort noble race, auquel nasquit vne fille auetgle, de maniere que la cōcavité des yeux estoit remplie d'un morceau de chair sans aucune forme, ny figure d'œil. Son Pere voyant qu'il n'y auoit point d'esperance aux remedes humains, & ayant ouy souuent parler à quelques Chrestiens ses familiers amis des choses merueilleuses, qui se faisoient ordinairement par la vertu & puissance de nostre Sauueur Iesus-Christ, resolut de s'adresser à luy, tellement qu'il fit vœu de faire baptizer sadite fille, si ceste defectuosité luy estoit ostée. Chose admirable ! bien tost apres qu'il eut fait ce vœu, ces deux pieces de chair se changent en deux beaux yeux, & par ce moyen ladite fille receut la veuë, qu'elle n'auoit iamais eu. Mais comme son pere estoit tardif & peu soigneux d'accōplir son vœu, voila qu'elle tombe en vne grosse maladie qui la mit à deux doigts de la fosse. Son Pere recognoissant la faute qu'il auoit fait de n'accōplir sa promesse, fit vœu de rechief que si sa fille guerissoit, il ne dilayeroit plus son baptisme. Ce qu'ayāt obtenu il la mena quant & quant à l'Eglise, où elle fut baptisée avec grande admiratiō d'un chacun. Cecy arriua l'an 1581. ainsi que nos annales tesmoignent. Mais d'autant que les habitans de ce bourg se sont quasi tous rangez à la Foy, comme a esté dit, les nostres s'estudient principalement à les contenir en leur deuoir, afin qu'ils ne donnent occasion aux Gentils de se scandalizer d'eux, ou d'en mesdire. Ils sont aussi des courses és lieux circonuoisins au grand profit & contentement des Chrestiens, qui sont espars çà & là parmy les Payens ; l'accointance & familiarité desquels leur apporte souuent beaucoup de doinnage, tellemēt qu'ils ne sont pas si soigneux qu'ils deueroient, de faire baptiser leurs enfans, de sorte qu'il en y a qui dilayent long temps leur baptisme. Outre ce il aduiēt quelquefois qu'ils retombent és superstitions Payennes ; combien qu'on tasche peu à peu de corriger tels defauts : & à ceste fin à esté ordonné que tous les Chrestiens viendroient pour le moins vne fois le mois à l'Eglise : là où, si on trouue qu'ils se soyent souilleez & entachez de quelque peché d'Idolatrie, ou autres publiques & scandaleux, on les punit selon qu'on iuge estre expedient, & que la chose requiert. La plupart acceptent ces penitences avec grād desplaisir de leur peché, & monstrent vn bon desir de s'amender, car on leur fait entendre au

prealable la griefuete de la faute.

L'an 1581. on bastit vn'autre Eglise à vn lieu proche de cestuy-^{Eglise de S. Andre.} cy, qui fut dediee à l'Apostre S. André ; au bastiment de laquelle non seulement les Chrestiens, mais les Payens mesme contribuèrent. Cela fut cause que plusieurs desdits Payens receurent nostre Foy, & que les Chrestiens, qui auoient auparauant honte de se declarer, & qui pis est prestioient faueur en cachettes aux superstitions Payennes, se repentirent de leur peché, & reprindrent vn meilleur train. Or du temps qu'on planta icy la croix (selon qu'on a accoustumé de faire, lors qu'on veut bastir quelque Eglise) plusieurs Gentilshommes Payens se trouuerent là presens, & entr'autres vn, qui auoit tasché d'empescher ceste bonne œuvre : mais lors il se mit à pleurer à chaudes larmes, & tenant les yeux esleuez au ciel, O Dieu immortel, dit-il, donnez vn bon progres à vn commencement si heureux, puis que vous le pouuez faire, & que tout cecy est dressé à vostre honneur. Il semble que nostre Seigneur luy accorda sa priere, car l'an 1584. vn seul Pere y conuertit deux cens Payens, cōbien que pour lors il n'e baptisa pas plus d'une vingtaine : afin que les autres qui estoient differez recogneussent mieux la grace que Dieu leur faisoit, & se confirmassent dauantage en la Foy, de peur qu'ils ne vinsent à recheoir en leurs superstitions anciennes, comme il arriue quelquefois. Combien que Dieu en prend aussi la vengeance, ainsi qu'il aduint en ce mesme lieu à la sœur d'un de ces nouueaux Chrestiens, lequel voulant sacrifier à son Pagode, mais craignant que cela ne vint à la notice du Pere, ou des autres Chrestiens, il le fit si secrettement, qu'il n'y appella que sa sœur, laquelle estoit Payenne, & fort adonnée à ses Pagodes. Mais comme les hommes ne sçauoient faire chose aucune que Dieu ne voye, & qu'il ne mette en euidence quand bon luy semble, il voulut que ce fait fut publié par vne griefue punition qu'il enuoya à la sœur de ce Chrestien; laquelle soudain apres ce forfait se sentit touchée de la main vengeresse du Tout-puissant ; de sorte qu'elle tomba par terre, & jettant grande abondance de sang par la bouche vomit aussi quant & quant son ame impie & detestable. Les habitans du lieu & mesme les Payens furent grandement estonnez de cela, n'ayant apperceu en elle aucun signe de maladie auparavant, & iugerent que c'estoit vne punition de Dieu, à cause du forfait auquel elle auoit assisté, & peut estre incité son frere. Le Roy ayant entendu la chose, tout esbahy & esmerueillé ; A la verité

« Priere
« d'un
« Gentil-
homme
Payen.

Griefue
punition
de Dieu
sur vne
femme.

(dit-il) la puissance de S. André est grande & redoutable , veu
 „ qu'il ne laisse pas impuni les crimes de ceux, qui sont sous sa char-
 „ ge. Puis il met entre les mains du Pere ce Chrestien qui auoit com-
 mis ceste impieté : combien que deuant il le soustint & defendit

Vn Roy
 Payen a
 grande
 foy a la
 Croix de
 N. S.

fort & ferme: mais lors voyant comme Dieu detestoit vn tel acte, il
 le liura au Pere, afin qu'il le chastiat à sa discretion. Au reste ce Roy
 monstre beaucoup d'affection enuers les choses de la foy Chre-
 stienne, & semble n'estre pas fort loing du Royaume de Dieu. Car
 ayant entendu des Chrestiens la grande puissance que la Croix
 auoit pour chasser les Diables, il en fit mettre vne aupres de son
 liét pour l'honorer, & luy seruir comme d'espée, ou de lance con-
 tre l'ennemy de nostre nature. Aussi void on souuēt par effet com-
 bien ce maling esprit la redoute. l'en toucheray icy tant seulement
 vn exemple en passant. La maison d'un Chrestien estant inquietée
 par ces esprits broüillons, qu'on appelle Lutins, vn certain Payen
 demanda à vn de nos Peres, qui visitoit ce lieu, pourquoy il ne chas-
 soit les Diables de la maison de ce Chrestien, puis qu'il luy estoit si
 aisé, & facile, mesme s'il estoit vray ce qu'on disoit, que les Chre-
 stiens auoient tel pouuoir. Le Pere respond à cela plustost par œu-
 re que par parole; car il s'en va soudain exorciser la maison de ce
 Chrestien, & aussi tost l'ennemy la quitte; mais à celle fin qu'il n'y

Les Lu-
 tins chas-
 sez d'une
 maison par
 la presen-
 ce de la
 croix.

reuint plus, il bailla au maistre du logis vne image du Crucifix, afin
 de la tenir leans pour plus seure garde. Tandis qu'elle y fut, le Dia-
 ble n'y osa pas rentrer, mais comme ce bon simple homme l'eut
 portée à l'Eglise, afin qu'elle fut tenuë là avec plus de reuerence,
 l'ennemy reprend sa demeure, & les broüille comme deuant. Ce
 qu'ayant esté rapporté au Pere, il fit remettre le Crucifix en la mai-
 son, & depuis le maling n'y rentra plus. Mais c'est assez de ceste
 Residence, venons à celle de Muterte.

Residence
 de Mu-
 terte.

Muterte c'est vne ville capitale d'un Royaume de mesme nom,
 esloignée cinq lieuës de la ville de Cochîn vers le Sud. Or en ce
 Royaume il y auoit tout plein de Chrestiens depuis long temps.
 Mais le Roy ne vouloit point permettre qu'on y bastit d'Eglise,
 tellement qu'ils furent en cet estar l'espace de douze ans, iusqu'à
 ce que l'an 1581. le mesme Roy donna congé, non seulement de
 bastir vne Eglise, mais encore de coupper le bois qui seroit neces-
 saire pour la fabrique d'icelle, en vne forest, qui estoit dediée &
 consacrée aux Pagodes, & si permit à tous ses vassaux de se rendre
 Chrestiens, donnant pouuoir à nos Peres de punir & chastier ceux

qui estans baptisez ne viuroient pas conformément à la loy Chrestienne. Apres que l'Eglise fut parfaite, le Roy mesme vint la voir, ^{Eglise basilie par le congé du Roy, & assistée d'iceluy.} & loüa fort la structure d'icelle, disant qu'il estoit cōuenable qu'on l'ornat & embellit le mieux qu'il seroit possible : puis que c'estoit la maison de Dieu. Et d'autant qu'elle fut paracheuée enuiron la feste de S. André, on luy donna le nom dudit Apostre ; depuis les habitans de ce lieu tant Chrestiens que Gentils, portent vne singuliere deuotion à cet Apostre, car ils disent que par ses merites & prieres, ils obtiennent de Dieu plusieurs graces : de façon qu'un certain Payen ayant perdu quelque chose, qu'il affectionnoit beaucoup, fit vœu que s'il la retrouuoit il donneroit à l'Eglise de S. André certaine somme d'argent, & l'ayant trouuée il vint à l'Eglise apporter son offrande.

Au bastiment d'icelle il y auoit vn charpentier Gentil, lequel se voulant retirer encore de grand iour, parce que son logis estoit vn peu loing de la, vn Portugais qui auoit charge de la fabrique, luy dit qu'il continuat encore vn peu son travail, l'autre luy respond qu'il craignoit de trouuer en chemin quelque mauuais rencontre, s'il marchoit de nuit ; Hé quoy ? (fit le Portugais) ne sçauéz vous pas que S. André, à l'honneur duquel vous trauallez, est puyssant pour vous garantir de tout inconuenient ? vous est il rien arriué de sinistre depuis que vous faiétes sa besongne ? Rien du tout, dit le Gentil. Pour suiuez donc, adiouste l'autre, de traualler encore quelque temps, & soyez assuré que S. André vous preseruera de tout encombre. Le charpentier ayant faié ce que le Portugais desiroit, comme il s'en vouloit retourner à sa maison, estant desia vn peu tard, voyla qu'un serpēt venimeux s'entortille à ses pieds. Luy tout effrayé, se met à inuoker l'ayde de S. André, & aussi tost le serpēt le quitte. Or les Payens & Idolatres de ce lieu, estans allez pescher vn iour de feste que les Chrestiens gardoient, ne peurent rien prendre de ce iour là, & comme ce sont gens superstitieux à merueilles, ils disoient, que les poissons s'enfuyoient de ce lieu là, depuis que l'Eglise des Chrestiens y auoit esté bastie. Le Pere qui demouroit en ceste maison, estant aduertie de cela, fit appeler à soy lesdits pescheurs, & leur dit qu'ils se trompoient fort, s'ils auoient opinion que le voysinage de l'Eglise apportat du dommage à leur pesche, ains que la cause pour laquelle ils n'auoient rien prins, c'estoit parce qu'ils ne gardoient pas les festes de l'Eglise, & que s'ils alloient à la pesche quelque autre iour, ils prendroient force poisson. Les

Payens voulans faire espreuve de ce que le Pere leur auoit dit, s'en vont pescher le lendemain, qui n'estoit pas feste, & prenent grande quantité de poisson. D'où ils cogneurent que ce n'estoit pas l'Eglise qui les faisoit fuyr, ains le peu de respect qu'ils portoient aux festes de l'Eglise. Mais c'est assez parlé de ces residences.

Difons maintenant comme la foy Chrestienne à prins pied au Royaume de Porca, qui est proche de celuy de Cochin. Il faut toutesfois sçauoir au prealable, comme en la residance de Vaïpicota, qui est dependente aussi du College de Cochin, il y a vn Seminaire là ou plusieurs ieunes enfans yssus des Chrestiens de S. Thomas, sont nourris & esleuez par les nostres en la vertu & bonnes lettres, iusqu'à ce qu'ils sont promeus aux ordres sacrez, à fin qu'ils aydent plus aisement ceux de leur nation, & les acheminent à la foy de nostre Seigneur, & de son Eglise, estans Prestres ou Curez.

Seminaire de Vaïpicota.

Vn Prestre de ce Seminaire nommé Iacques fait des choses merueilleuses.

Or entre ceux-là, il en y eut vn nommé Iacques, lequel apres ses estudes, ayant esté fait Prestre, fut enuoyé à son pais, qui est le Royaume de Porca, ou il a fait des choses merueilleuses. L'en raconteray icy quelques vnes auant que venir au principal, qui est comme par son moyen, la Religion Chrestienne y a esté plantée, ainsi que nos annales de l'an 1590. qu'on a escrit de ces quartiers, nous asseurent. Il y auoit donc en ce pais là, vne femme de noble race, laquelle estât griefuement malade, s'adressa à luy pour auoir quelque remede, & obtenir guerison. Ce bon Prestre luy bailla de l'huyle qu'il auoit benist par les prieres de l'Eglise, & luy ordonne d'en prendre trois fois à l'honneur de la tres-saincte Trinité : mais elle fut guerie dès la premiere prise. Cecy ayant esté diuulgué, plusieurs atteints de semblable maladie, requeroient de luy le mesme remede, & s'en trouuoient fort bien.

Guerie une femme avec de l'huyle beniste.

Deliure une demoielle.

La femme aussi du Gouverneur ou Capitaine d'une certaine place de ce Royaume, estant fort vexée du maling esprit, qui la possedoit, fut amenée audit Prestre, accompagnée d'une grande suite de gens, ou plustost de gardes qui la conduisoient, à fin qu'elle ne s'endommageat soy mesme, ny autrui : car elle se tourmentoit fort. Or d'autant plus qu'elle approchoit du lieu, ou estoit ledit Iacques, elle estoit aussi plus vexée de l'ennemy, de façon que le Diable la faisoit braire & ietter des cris horribles & espouuantables. Mais si tost qu'on l'eut amenée deuant luy, il commença à coniurer & exorcizer le maling esprit, puis se mit à lire la Passion de nostre Seigneur, laquelle il continua iusques à ce que Sathan eut quitté le

corps de ladite femme, d'ou il sortit menant vn grand bruiët & tintamarre ; & monstrant par vn gemissement lamentable la douleur qu'il sentoit de se voir ainsi depossédé de ce logis : mais auant que d'en sortir, ledit Iaques luy fit promettre sur les sainctes Euangiles, qu'il toucha par les mains de la femme, qu'il n'y retourneroit iamais plus.

Vn autre femme Payenne, possédée aussi du maling esprit, fut pareillement deliurée par son moyen ; mais il luy fit promettre au prealable de n'adorer plus les Idoles ; car il ne pratique pas ces choses à l'endroiët des Infideles, s'ils ne luy promettent auparavant de s'abitenir des superstitions Payennes. Mais ceste femme s'estant oubliée de sa promesse, retourna de rechef à son Idolatrie ; aussi le Diable la reprint. On le rappelle de rechef pour la deliurer, & comme il eu demandé a Sathan : Comment il auoit esté si osé que de rentrer dans le corps de ceste femme, Pource (dit il) qu'elle n'a pas gardé sa promesse. Partant il la luy fit ratifier de nouueau : & incontinent la demoniacle fut deliurée.

Vn pëtit enfant aagé seulement de trois ans, estoit griëfvement malade, & n'auoit rien beu ny mangé l'espace de plusieurs iours, tellement qu'à grand peine pouuoit il plus long temps viure : ses parens, qui estoient Gentils, appellent ledit Iaques pour le guerir ; luy suyuant sa coustume commence à lire quelques lignes de l'E-uangile, puis arrouse le malade d'eau beniste, & en disant vne collecte, ou oraison de nostre Dame, met la main sur la teste de l'enfant. Finalement apres auoir escript sur vn morceau de papier quelques paroles primës de l'E-uangile, il faict aualer ce papier à l'enfant, & dit à ses parens qu'il ne mourroit pas si tost qu'ils pensoient ; ains suruiuroit pour le moins iusques au Dimanche, qui estoit deux ou trois iours apres. Et de faict non seulement il paruint iusques là : mais aussi fut ce iour mesme deliuré de maladie : & se trouua sain, & gaillard.

Ces guerisons & plusieurs autres semblables, qui surpassent le cours de la nature, ont beaucoup accru la gloire de Dieu en ces quartiers là : & ont aussi acquis vn grand credit, tant à la foy Chrestienne, qu'à ce bon Prestre, par l'entremise duquel Dieu faict tant de merucilles : de façon qu'une infinité de gens s'adressent à luy pour auoir de l'huyle beniste, ou quelques paroles de l'E-uangile escriptes sur vn papier, qui sont les remedes lesquels il applique aux malades ; & plusieurs assurent auoir esté profitables pour la

*Vn'astre
encore
par deux
fois.*

*Guerit
un enfant
miraculeu-
sen semēt.*

santé d'iceux. C'est pourquoy il est appellé de beaucoup de lieux, tant pour la guerison des malades, que pour autres choses, qui concernent la gloire de Dieu & le salut des ames. Et encore qu'il soit de complexion assez foible, & fort subject à maladies: neantmoins il se plaist fort à trauailler pour l'amour de nostre Seigneur, & le bien du prochain. De façõ qu'il s'en va d'un costé & d'autre par les chasteaux de ce païs, qui sont pour la plus-part situez sur de hautes montagnes, prenãt grande peine à cause des chemins, qui sont fort rabouteux, & mal-aisez. Cependant il fait beaucoup de bien, non seulement donnant santé aux malades, mais aussi consolant les affligez, enseignant les ignorants, & instruisant vn chascun comme il se doit comporter en son estat, & se garder des embusches du Diable. Il appaise aussi plusieurs querelles, & debats. Entre autres, il reconcilia deux personages de grande auctorité, qui estoient en piques: d'ou l'on craignoit qu'il ne sortit quelque grand malheur. Finalement nostre Seigneur s'est serui de luy, tant pour faire ces choses, que pour manifester son saint nom aux peuples barbares, & infideles, comme nous allons maintenant raconter.

L'an 1591. la foy Chrestienne commança d'estre publiquement receuë au Royaume de Porca, d'une façõ, qui a mon aduis est digne d'éternelle mémoire. La chose passa en ceste sorte. Entre le Roy de Porca, & la Royne de Pimenta suruindrent premierement quelques debats & querelles, sur les bornes & limites de leurs terres (comme c'est la coustume entre les Princes voyfins) & de ces piques, sortit par apres vne grosse guerre. Du costé de la Royne s'estoient joincts trois autres Roys, soit qu'ils fissent cela en faueur du sexe, ou pour la haine qu'ils portoient au Roy de Porca: lequel bien qu'il ne fut pas moindre en puissance, que aucun des autres, les prenant chascun à part, si est-ce qu'il estoit inferieur de beaucoup à tous ensemble; car il n'auoit pas plus haut de cinq mille souldars, & si n'en pouuoit assembler dauãtage, à cause que les chemins estoient faisis par les ennemis, lesquels auoient vne armée de plus de vingt mille Naires, qui sont les gentils-hommes, les plus aguerris de l'Inde. Le Roy de Porca s'estimant quasi perdu, & n'ayant presque point d'esperance d'aucun secours humain, appelle à soy ledit Prestre Iacques, (car il estoit son vassal) & luy demande si les Portugais n'auoient pas certaine sorte d'enseignes, par le moyẽ desquelles ils gaignoient de si belles victoires. L'autre luy respõd qu'ils en auoient voirement; mais qu'il n'estoit pas assez informé de cela, le priant qu'il

*Comme
par son
moyen la
foy Chre-
stienne
eut entrée
au Royau-
me de
Porca.*

qu'il voulut auoir vn peu de patience iusques a ce qu'il l'eut mieux
 sceuz; ce qu'il fit tout expres, parce que comme le Roy estoit encore
 Payen, il vouloit plustost sçauoir de nos Peres, s'il luy deuoit com-
 muniquer ce secret. Or en ces entrefaictes, le P. Recteur du College
 de Cochîn, & le Superieur de la residance de Vaïpicota estoient
 arriuez au mesme Royaume de Porca, tellement que ledit Iacques
 sçahant leur arriüee s'en alla les trouuer pour cōferer avec eux sur
 cet affaire. Finalement apres qu'il eut conseré avec eux, il s'en va
 trouuer le Roy, & luy dit que les Portugais & autres Chrestiens ne
 se seruoient en leurs guerres d'autres enseignes que de l'estendard
 de la sainte croix: mais d'autant qu'il n'estoit point Chrestien, s'il
 vouloit que cela luy fut profitable, il falloit qu'il quittaist ses super-
 stitions Payennes, & fut resolu d'adorer tant seulement le vray
 Dieu du ciel & de la terre, & Iesus-Christ son fils vnique nostre
 Sauueur & Redempteur: lequel aussi il deuoit inuoker à son ayde
 & secours mesme durant la bataille. Au reste qu'il esperat que par
 son assistâce il auroit le dessus de ses ennemis. Et à ce propos il luy
 raconte l'histoire de Constantin premier Empereur Chrestien, &
 la victoire miraculeuse qu'il gaigna contre Maxentius, son compe-
 titueur en l'Empire, avec l'estendard de la S. Croix. Le Roy enten-
 dit volontiers ces choses, & trouuant bon le conseil, qu'il luy don-
 noit, se resolut de le suyure. Partant la veille de Noël de l'an 1590.
 il le fit venir à son Palais, là où ils s'enfermerent tous deux seuls dans
 vne chambre avec le Sacristain de l'Eglise des Chrestiens, qui en-
 tendoit quelque peu en l'art de tailleur, & luy firent tailler secret-
 tement trois belles croix, lesquelles il cousut par apres sur les en-
 seignes, que le Roy vouloit faire porter à la guerre. Encore y fit-il
 mettre quelques parolles prinses de l'Euangile, que le mesme Iac-
 ques auoit escrit sur vn morceau de papier: car il auoit ouy dire
 que ces sacrées paroles auoient grande force & vertu. Mais parce
 qu'il se craignoit fort que les ennemis ne se saisissent de quelques
 chemins ou passages, lesquels estans prins, eussent mis en plus
 grand hazard ses affaires; il luy fit aussi coupper deux autres ensei-
 gnes de mesme sorte que les premieres, lesquelles il fit enfouir dans
 terre, es passages qu'il estimoit plus dangereux. Cela estant faict
 ledit Prestre s'en voulant aller à l'Eglise, pour celebrer l'office de
 ceste sainte & deuote nuit de Noël avec les Chrestiens, le Roy
 le pria fort instamment de recommander à bon escient ses affaires
 à nostre Seigneur, & de prier Dieu pour luy, & pour son Royaume

*L'esten-
dard de
la croix
propre
des Chre-
tiens.*

tous les Chrestiens, qui seroient là assemblez. Cependant le Roy ne mangea rien du tout depuis la veille iusques au lendemain de ladite feste: car il estoit si accablé d'ennuy & de tristesse, craignāt quelque mauuaise yssuē de ses affaires, qu'il n'estoit pas quasi à soy-mesme, & ne pouuoit penser à autre chose. Mais ce bon Prestre s'en alla le trouuer pour le cōsoler, & luy donner bon courage avec l'esperance de la victoire. De fait ce mesme iour, les siens firent vn grand carnage des ennemis, & son armée se renforça par l'arriuée de quelques compagnies de soldats, dont ses affaires commencerent à se porter mieux. Cognoissant donc le profit qu'il auoit receu des oraisons & prieres des Chrestiens, il leur demanda de rechef de vouloir continuer de faire leurs deuotions de nuict, cōm' ils auoient fait la veille de Noël, dont il estimoit estre procedé ce bon-heur qui luy estoit arriué. Il prie semblablement ledit Iacques de luy vouloir prester vne croix, qu'il souloit porter penduē au col; laquelle il promit de tenir avec toute la reuerence & decence, qui luy seroit possible, & que pendant le temps que les affaires seroient en plus grand danger, il feroit penitence, & chastieroit son corps avec le Ieufne & le Cilice, qui est vne espee d'austerité, que les Brachmanes, de la secte desquels il estoit, abhorrent & detestent fort. Il luy promit encore, que pour vacquer plus sainctement à l'Oraison & à la priere, il s'abstiendrait durant ces nuicts là, de coucher avec sa femme, ainsi que ledit Iacques l'admonestoit; brief il suyuoit en tout & par tout son conseil, ayant esprouuē qu'il luy auoit esté si profitable. Or il portoit si grand respect à ceste croix, que ledit Iacques luy auoit baillée, qu'il la tenoit tousiours pliée dans vn certain drap de soye, duquel les Rois tant seulement ont accoustumé de se couvrir, l'assurant qu'il receuoit vne merueilleuse consolation de son seul regard; & qu'il esperoit que par l'ayde & assistance de celuy, qui auoit en icelle vaincu nos ennemis, & acquis le salut eternel à tout le genre humain, il obtiendrait & la victoire sur ses ennemis, & le salut de son ame. Mais cependant les forces de ces aduersaires croissoient de iour à autre, tellement que ses affaires furent quelquesfois en grand branle. Preuoyant donc qu'il faudroit bien tost venir aux mains, il aduise ses plus fideles Capitaines, & ceux à qui il souloit descourir ses secrets, de ce qu'ils deuoient faire, leur enjoignant que lors qu'on seroit au plus fort de la bataille, s'ils voyoient que ses gens commençoient à se desbander, où à perdre courage, ils desployassent

La grande reuerence & deuotion que le Roy de Porca Payen portoit à la croix.

les enseignes, qu'il leur bailloit, esquelles estoit figurée la croix de nostre Sauueur: car i'espere (dit-il) qu'à la seule veüe de cet estendard sacré, plustost que par la force de vos armes nos ennemis seront mis à vau-de-route. Aussi ne fut-il pas deceu de son esperance. Car si tost que lesdites bannieres furent desployées, les ennemis ne sceurent soustenir leur regard: ains tous estonnez & esperdus de crainte, se mirent en fuite, qui deçà, qui delà, par ou ils pouuoient se sauuer. Ce qui n'aduint pas vne seule fois, mais plusieurs. Car comme les Rois du contraire party se voyoient vaincus d'une poignée de gens, ils estimoient que c'estoit vne frayeur Panique, qui auoit saisi le cœur de leurs soldats: tellement qu'ils taschoient de les rallier, pour retourner à la bataille: mais comme ils ne pouuoient remettre leurs gens en ordre, à cause de la route passée; ny n'auoient point l'assistance du Seigneur des armées, qui est le principal, ils estoient rompus à tous coups. Quant aux chemins, esquels on auoit enterré ces autres enseignes, que nous auons dit, où ils ne furent pas recogneus des ennemis, où s'ils les apperceurent, ils n'osèrent y passer. Le Roy de Porca ayant considéré de pres toutes ces merueilles, cogneut bien incontinent que ce n'estoit pas la vaillance de ses soldats, qui luy auoit gagné vne telle victoire, ains l'assistance de celuy, qui mourant en croix pour l'amour de nous, auoit mis en route les Princes des tenebres; si qu'après auoir fait lascher toutes les pieces d'artillerie en signe de resiouïssance; il fit aussi proclamer, que l'auteur de la victoire gagnée estoit le Dieu des Chrestiens: sans toutesfois declarer la maniere, par laquelle il l'auoit obtenuë, car personne ne le scauoit encore que luy, & ses plus fideles Capitaines & Conseillers d'Estat, ausquels il auoit baillé charge de desployer lesdites enseignes. Or comme le bruit de ceste victoire tant signalée courut soudain par tous ces quartiers, ses ennemis pour rabbatre & diminuer la gloire d'icelle, alloient semans çà & là, que ç'auoit esté par enchantemens, que le Roy de Porca auoit eu le dessus. Surquoy il aduint qu'un de nostre Compagnie estant allé pendant ce temps au camp de la Royne, à l'occasion de laquelle ceste guerre auoit esté commencée, pour luy parler de quelque accord, d'autât qu'il estoit cogneu de l'un & de l'autre party, il se va rencontrer avec un Capitaine de douze mille soldats qui estoit du contraire party: lequel parlant avec luy de ceste victoire: Et quel enchantement (dit-il) est celuy, duquel a vsc le Roy de Porca, veu que ses forces estant si

*Victoire
miracu-
leuse, gai-
gnée par
le Roy de
Porca,
avec l'es-
tendard
de la
croix.*

petites, que nous les pouuions avec vn soufflé par maniere de dire,
 faire euanouir & reduire en fumée, avec vne armée si puyssante,
 que nous auions : neantmoins nous auons eu du pire ? A la verité
 (adjouste-il) le Roy n'a point d'honneur en son faict : car se seruir
 de forceleries en guerre, ce n'est pas le propre des Rois, ny de vail-
 lans hommes. Le Pere luy demâde pour lors, si eux ne se seruoient
 pas en guerre d'enchantemens. Si faisons bien (dit le Capitaine)

*La ver-
 su de la
 croix
 plus for-
 te, que
 sous les
 enchan-
 temens
 du Dia-
 ble.* mais nous auons experimenté, que ceux desquels a vîé maintenant
 le Roy de Porca sont beaucoup plus puyssans, que les nostres : &
 jusqu'à present on n'en a point veu de tels. Car il n'y a pas long
 temps, que pendant la bataille fut desployée d'un lieu haut esleué
 vne certaine enseigne, qui nous esblouit tellement les yeux, &
 nous mit telle frayeur dans l'ame, que les espées nousomboient
 des mains, & ne pouuions nous garder de fuir. Le Pere ne luy vou-
 lut pas descourir, que c'estoit : mais bien tost apres, comme les

Malabares ne peuuent tenir rien de secret, on sceut que c'estoit l'e-
 stendard, où estoit figurée la croix de nostre Sauueur. Au demeu-
 rant si tost que le Roy de Porca se vid hors de danger, il resolut de

*Le Roy
 de Porca
 veut fai-
 re dresser
 des croix
 & bastir
 des Eglis-
 es en son
 Royau-
 me.* faire planter force croix en son Royaume, & y bastir des Eglises à
 l'honneur de nostre Seigneur. Finalement il fit accord & alliance
 avec les Portugais : ce que toutesfois il n'auoit iamais voulu faire
 jusqu'alors. Les conditions furent faites par l'entremise du P. Geor-
 ge de Castre de nostre Compagnie, & le susdit Prestre Iacques. Or
 entr'autres il y eut celle cy. Que le Roy de Porca donneroit quel-
 que lieu & place, pour bastir à tout le moins deux Eglises en son
 Royaume, constituant certain reuenu annuel, qui fut suffisant &
 honneste pour l'entretien & nourriture du Prestre qui les seruiroit.

Mais quand il fut question de planter la croix, les plus grands en-
 nemis d'icelle, à sçauoir les Iuifs & les Sarrazins de ce Royaume ne

*Les Juifs
 & Sarras-
 zins s'y
 opposent
 & tas-
 chent de
 luy dissua-
 der cela.* manquerent pas de s'y opposer de toutes leurs forces, prenans l'oc-
 casion par le poil, qui fut lors que le Roy se trouuoit trauaillé d'une
 maladie fort ordinaire en ce pais là, qu'on appelle des pustules,
 ou boutteilles, parce que le corps du malade en vient tout couuert.
 Or ils luy vouloiēt faire accroire, que c'estoit en punition de s'estre
 rendu si familier à nos Peres, & de leur auoir ainsi presté l'oreille, se
 faisant persuader de faire planter des croix en ses terres. Ce neant-
 moins tous leurs efforts furent reduits à neant, par la ferme resolu-
 tion du Roy. On auoit arresté vn iour proche de la feste de la sain-
 &c Trinité pour planter lesdites croix ; nos Peres estans arriuez à

Porca ce mesme iour, accompagnez de quelques Portugais, allerēt incontinent saluer le Roy, qui leur monstra son corps tout couuert de pustules, & leur dit, qu'il n'estoit pas tant marry de sa maladie, pour la douleur qu'elle luy cauſoit, que pour l'empeschement qu'elle luy donnoit à ne se pouuoir trouuer aux ceremonies, & a la feste qu'on feroit en dressant les croix. Toutesſois que puis qu'il ny pouuoit assister en personne, il y enuoyeroit son propre frere, & futur heritier de sa couronne. Le lendemain donc, apres auoir choisi la place, qu'on iugea plus conuenable pour y planter la croix, & bastir vne Eglise, nos Peres avec les Portugais s'en vont trouuer le Prince, frere du Roy, lequel sortit avec eux accompagné & suyui d'une belle troupe de gentils-hommes. La croix estoit portée sur les espauls des plus apparens Portugais, qu'il y eut là, car tous estoient officiers du Roy de Portugal. Or d'autant que ladicte croix estoit fort pesante, ayant quarante toises de longueur, ils eurent beaucoup de peine à la dresser : toutesſois ils furent aydez par vn elephant, qu'on leur bailla, & de ceste sorte, elle fut erigée au grand contentement d'iceux, & de tous les Chrestiens, qui se trouuerent là. Et tout incontinent les Portugais se mirent à genoux pour l'adorer. Ce qu'ils firent avec tres-grande abondance de larmes, que leur cauſoit la ioye, & consolation qu'ils receuoient, voyans le trophée de la victoire, que Iesus-Christ a gagné contre le Diable, la mort, & l'Enfer, erigé au milieu d'un pais d'Infideles, & mescredoyans. Apres ce, on mit la premiere pierre au fondement de l'Eglise, qui deuoit estre bastie bien pres de là, & tout aussi tost on fit lascher les pieces de canon, qui estoient là, tant sur mer, que sur terre: de sorte que ces trois elemens, l'air, l'eau, & la terre retentissoient de ioye, à l'honneur & gloire de leur Createur. Le lendemain, on planta la seconde croix tout aupres d'un estag, qui est proche de là, & ce avec la mesme solemnité que la premiere. Cela estant fait, nos Peres s'en vont de rechef visiter le Roy, lequel fut par le moyen des propos qu'ils luy tindrent des choses de nostre foy, grandement confirmé en ses bons desseins, & la dessus ils prindrent congé de luy, laissant là vn Prestre pour auoir charge des deux Eglises, qu'on auoit commencé d'y bastir.

Le Roy de son propre mouuement & sans qu'on luy eut rien dit, choyſit l'une de ces deux Eglises, à ſçauoir celle ou la premiere croix fut plantée, pour la faire ceindre & enuironner de maisons en forme de ville: laquelle il veut estre appelée la ville de la sainte

*Indice ou
marques
de la de-
uotion,
que le
Roy porte
à la croix*

croix ; car il porte si grande affection & honneur à ce signe sacré, qu'il y a peu de Chrestiens qui le surpassent en cecy. Aussi tost qu'il fut guery de sa maladie, la premiere saillie qu'il fit, fut pour aller adorer la croix, qui fut dressée la premiere. Et comme les Indiens ont ceste coustume, que de s'imprimer certaines figures ou marques telles qu'il leur plaist, avec de la cendre blanche (car ils ont teint noir) sur le front, sur les bras, & sur la poictrine, qu'ils portent tousiours à descouuert ; ce Roy quand il veut aller à la guerre ne s'imprime autres marques ou notes, que la figure de la sainte croix, tant il est deuotieux enuers icelle. Il a pareillement si fort à cœur les autres choses de la foy Chrestienne, que iamais il n'est faoul des propos qu'on luy en tient ; & le mesme mōstre il en beaucoup d'autres occurrences. De façon qu'il a esté necessaire de l'aduiser, qu'il se comportast dextrement en cecy, & ne monstrat pas si tost les bons desirs, qu'il a dans son ame, de peur qu'il ne vint à aigrir sans profit ses subiects ; en danger de faire reuolter contre soy les peuples qu'il gouuerne. Car souuent l'hastueté, & le desir trop grand, qu'on a de quelque chose, jasoit qu'elle soit bōne & sainte, font cause qu'on la perde. Il est donc resolu de montrer bon visage aux Brachmanes, à fin de sçauoir tous leurs mysteres & secrets cachez pour s'en moquer, & rire par apres. Cependant il tient dans son cœur, ce qu'il a delibéré de faire avec l'ayde de Dieu. Toutesfois quand l'occasion se presente, il adore à cachettes & en secret la sainte croix ; & celui qui est mort en icelle, pour nostre rachapt ; & si preste à nos Peres, & aux autres Chrestiens tout ayde & faueur. Quelques vns racontent, que voulant escrire certaines lettres sur vn affaire d'importāce en faueur des nostres, son Secretaire luy disuadoit de l'escrire ce iour là, parce qu'il faisoit vn temps couuert & nuageux. Or les Indiens tiennent tels iours, pour malencontreux. Mais le Roy luy dit qu'és affaires des Peres, il ne falloit iamais remettre la chose au lendemain, parce que tous les iours estoient esgalement heureux, quant à ce faict là : de maniere que les lettres furent escrites, & le Roy mesme y apposa de sa main le signe de la croix.

*Les iours
nuageux
sont esti-
mez in-
fortunés
par les
Indiens.*

Il est confirmé de plus en plus en ses bons propos par des guerisons miraculeuses, qu'il void aduenir souuent, mesme deuant ses yeux, & en ses plus intimes. Car vn sien fidele seruiteur, & grand amy des nostres, auquel il auoit donné charge du bastiment de la maison, qu'on faisoit pour nous, estant tombé en vne maladie si dā-

gereuse, qu'il n'y auoit point quasi d'esperance de sa vie; & mesme l'on soubçonnoit qu'il eut esté empoisonné par ses ennemis, voire qui plus est, on ne pouuoit bõnement se fier en son medecin, parce qu'il estoit de la secte de ses aduersaires. Le P. Recteur du College de Cochín, estant aduertý de sa maladie, l'alla voir avec ce bon Prestre Iacques, duquel nous auons tant parlé. Ceste visite resiouyt si tres-fort le malade, qu'il sembla estre tout changé, & conceut deslors tres-grande esperance d'obtenir santé par leurs prieres & oraisons; si demanda audit Iacques, qu'il luy voulut escrire dans vn morceau de papier, quelques paroles prinſes du ſainct Euangile de nostre Seigneur. Ce que ledit Iacques promit de faire, moyennant qu'il voulut renõcer desormais aux superstitions Payennès. Le malade s'y estant volontiers accordé, il enuoye le lendemain querir ce billet, lequel il auala avec vne tres-grande foy, & esperance de recouurer guerison, par la vertu & puissance de celuy, duquel les gestes sont contenus en l'Euangile. Et de ſaiẽt il ne fut pas frustré de son attente: car le iour mesme il fut guery. Le Roy l'estant allé visiter le iour auparauant, l'auoit trouué si accablé, qu'à peine pouuoit il parler: mais y estant retourné le lendemain, il vid qu'il mangeoit assez bien, & n'auoit plus de ſiebre. Si luy demande la cause d'une tant soudaine guerison, & le conualeſcẽt luy raconte tout ce qui s'estoit passé: dont le Roy fut grandement esmerueillé, puis enuoya tout aussi tost querir les Peres, à fin qu'ils se coniouſſent avec luy du bien, que par leur moyen ce ſien ſeruiteur auoit obtenu de Dieu.

*Guerison
miracu-
leuse d'un
mignon
du Roy
de Porca.*

Cependant l'on disposa & prepara le lieu, ou la premiere croix auoit esté plantée, de façon qu'on y peut dire la Messe sur vn autel portatif. Ce qui fut fait avec grande ſolemnité & allegresse, laquelle fut accreue par l'offrande, qu'on fit à Dieu des premices ou premiers fruiẽts de ce païs, c'est à dire des nouueaux Chrestiens, qui furent baptisez, depuis que la foy de nostre Seigneur y auoit esté fraichement instalée. Et jaçoit que lors, ils ne furent pas plus de deux, si est-ce que bien tost apres il y en eut vingt deux, du nõbre desquels fut vn Arel, c'est à dire vn grand Seigneur du Royaume, (car ainſi nomment ils ceux que nous appellons Ducs, Comtes, ou Marquis) sa femme aussi se disposoit pour le mesme: mais elle de-
uoit estre baptisée a la ville de Cochín, en vn iour ſolemnel. Au reste le Roy monstre fort grand desir, que ses ſubjects se rangent à la foy Chrestienne, & mesme les plus grands, tellement qu'un des

*Comman-
cement du
Christia-
nisme au
Royaume
de Porca.*

*Le Roy
permet à
tous ses
vassaux
de se ren-
dre Chre-
stiens.*

grands Seigneurs de son Royaume, luy demandant s'il estoit loysible à ses subjects d'embrasser la foy Chrestienne : Voire respond le Roy, & aux Princes mesmes. Il est aussi fort seuer à l'endroit de ceux, qui empeschent que leurs seruiteurs se rendent Chrestiens; de façon qu'un certain Arel de ses vassaux, estant fort fâché de ce qu'un des siens s'estoit rangé à nostre Foy, le menaçoit de le faire mourir, s'il ne reprenoit ses anciennes superstitions, le Roy aduisé de cela, fit mettre en prison ledit Arel, là ou il le tint tout un long temps, à fin qu'il fut plus aduisé deormais, & que par son exemple, les autres aprinsent ce qui estoit de sa volonté. Il fit aussi fouêter un Sarrafin, qui s'estoit moqué d'un Chrestien, parce qu'il adoroit la croix, & ce avec telle rigueur, qu'il fut laissé à demi mort.

*Chastie
ceux qui
s'opposent
à cela.*

Or d'autant que le bruiet couroit que quelques uns tâchoient d'empoisonner nos Peres, il les aduifa qu'ils fussent bien sur leurs gardes : à fin de ne donner occasion à personne de leur faire quelque tort. Au reste qu'il auroit l'œil à ce, que personne n'osât rien attenter contre eux, où si quelqu'un prenoit telle hardiesse, qu'il luy feroit bien sentir son courroux, & donneroit à entendre aux autres, que tels attentats ne passeroient sans estre griefuement punis.

*Accroisse-
ment de
la Foy en
ce Royaume.*

Depuis les affaires de la foy Chrestienne y sont allez de bien en mieux, avec l'ayde de Dieu, & la faueur que le Roy preste tant à ceux qui la preschent, comme à ses vassaux qui la reçoient : de façon que l'on escriuoit l'an 1595. que les Gentils venoient à la foule, & à grandes troupes au baptisme. Entre autres il y eut un ieune homme, lequel estant Payen, se sentoit fort vexé & tourmenté du maling esprit. Mais ayant demandé le baptisme par le conseil d'un des Chrestiens de Sainct Thomas, apres qu'il l'eut receu, il se trouua aussi deliuré de la puissance de Sathan, & quant à l'ame, & quant au corps, au grand estonnement des Ethniques. Le mesme ennemy de nostre nature s'estant emparé d'une femme de qualité, la tourmentoit de telle maniere, qu'il ne la laissoit viure en repos, ny ceux aussi de sa maison & famille, qui en estoient fort inquietez. L'on appelle un de nos Peres, lequel ayant fait les exorcismes & adjurations de l'Eglise accoustumées en cecy; fit emporter hors de la maison une piece de bois, qui auoit esté couppée d'un arbre superstitieux, & au lieu d'icelle fit placer une croix. Par ce moyen tant ladite Dame, que le reste de sa famille fut libre de ce vexateur importun. Mais à tant de ce Royaume: passons maintenant à celui de Calicut, pour mettre fin à tout le Malabar.

*Deux per-
sonnes
deliurées
du malin
esprit.*

*D V ROYAVME DE CALECVT, ET
comme la foy de Iefus Christ à commencé depuis
n'aguere d'y eſtre plantée.*

CHAP. XIII.

C Alecut eſt vne ville des plus renommées de l'Inde, ſituée ſur la coſte de mer, qu'on appelle des Malabares, à onze degrez de hauteur Septentrionale, eſſoignée trente lieuës de la cité de Cochin. Auant la venuë des Portugais en l'Inde, c'eſtoit la plus riche, & la plus marchande de toutes. Parce que la plus part de ceux qui trafiquoient au Leuant, ſoit en pierres precieufes, ſoit en drogues & eſpiceries, abordoient icy, pour vendre ou acheter telles denrées. D'ou venoit que le Roy de Calcut eſtoit le plus puiſſant & riche de tous les Malabares, & auquel tous les autres preſque faiſoient hommage, & eſtoient contribuables: de ſorte qu'il ſ'appelloit (comme il ſe nomme auſſi encore) Zamorin, qui ſignifie Empercur. Son Royaume n'eſt pas de grande eſtendue: car il ne contient pas plus de 25. lieuës de la coſte de mer, ny plus de 50. dans la terre ferme: ſi eſt-ce qu'il eſtoit jadis fort puiſſant & riche; partie à cauſe des daces, impoſts, & gabelles que le Roy leuoit ſur les marchandises qui entroient ou ſortoient du port de Calcut: partie auſſi parce que le terroüier eſt bon, & porte non ſeulement force ris, qui eſt la nourriture ordinaire des habitâs, comme la noſtre eſt le bled: mais auſſi pluſieurs ſortes de drogues & eſpiceries, nommément force poyure, gingembre, mirabolans, caſſe, & autres ſemblables. Mais depuis que les Portugais ſont entrez en l'Inde, & y ont eu le trafic libre, il a perdu beaucoup de ſon reuenu; tant a raiſon des guerres qu'il y a eu tout vn long temps entre luy & les Portugais; que parce que ceux-cy ont diuertie vne bonne partie du trafic du port de Calicut, & l'ont transporté à Cochin, à Goa, & autres lieux qu'ils ont ſur la meſme coſte. C'eſt pourquoy ledit Roy ſ'eſt oppoſé dès le commencement aux Portugais de tout ſon pouuoir, & leur à faiët la guerre plus longuement, & avec plus de forces que tout autre Prince de ce païs. Car il a mis en campagne contre eux pour vne ſeule fois plus de cent mille combatans, & n'a point faiët de paix aſſeurée ſinon depuis ſix ou ſept ans en çà: leurs débats & querelles ayant commencé dès le premier abord des Portugais en l'Inde. D'autant que Vaſque de Gama ſçachant que le port de Calcut eſtoit le plus fameux de tout l'Orient, dreſſa là ſa route; telle-

*Ville de
Calcut
& ſa ſituation.*

*Le Roy
s'appelle
Zamorin,
c'eſt à dire
Empe-
reur.*

*ſa puiſ-
ſance.*

ment que ce fut le premier auquel les Portugais aborderent, demandans au nom du Roy Emanuel, d'auoir le trafic libre en cet haur, ainsi que l'auoient les autres nations. Le Zamorin les receut fort humainement, & monstra qu'il estoit bien aise de leur venuë, & de faire alliance avec le Roy Emanuel: mais bien tost apres, à la sollicitation des Sarrafins, qui preuoyoient bien que le commerce des Portugais ne leur reuiendroit pas à profit, il tascha de les surprendre; & mesmes apres leur auoir accordé vn logis en Calecut, les gens a son adueu (comme l'on pense) se ruèrent sur les Portugais qui estoient demeurez là pour trafiquer, & en tuerent quelques vns, d'autres furent faicts prisonniers; combien que l'Admiral de ceste flotte Portugaise, qui estoit Pierre Aluarez Cabral, punit bien ceste desloyauté, bruslant force nauires qui estoient aux anchires, & foudroyant la ville à coups de canon, tellement que plus de six cens personnes moururent du costé du Zamorin. Apres cela, comme les Portugais se retirerent au Roy de Cochin, qui estoit vassal du Calecutan, & contracterent alliance avec luy, le Zamorin fâché extremement de cela, sollicite par promesses, & par menaces le Roy de Cochin de luy liurer les Portugais qui s'estoient arrestez à son port: mais n'ayant peu l'induire à ce, luy denonce la guerre, & avec vne armée de cinquante mil hommes le va attaquer, luy brusle sa ville, & le contraint de se retirer en vn lieu escarté de son Royaume. Mais avec l'ayde & assistance des Portugais, le Roy de Cochin fut remis en son estat, le Zamorin chassé, & chastié a bon escient. Depuis ce temps là, comme les Portugais ont tousiours creu en puyssance, le port de Cochin, ou ils demeuroient, commença d'estre plus frequenté que celuy de Calecut, & par ce moyen, le Roy de Cochin deuint si puissant, mesme à cause de l'ayde des Portugais, qu'il ne redoutoit point le Zamorin: car il estoit autant ou plus riche que luy. Le Zamorin voyant cela faict vne paix fourrée avec les Portugais, & mesme leur donne puyssance de bastir vne forteresse aupres de la ville de Calecut; mais il s'en repentit bien tost, de façon qu'il la fit assieger avec grandes forces. Car ayant enuoyé son

*L'occasion
des guer-
res entra
les Por-
tugais &
luy.*

*Maff. liu.
8 de l'his-
toire des
Indes &
autres.*

Lieutenant avec douze mil hommes pour la boucler, il y suruint apres, avec nonante mille combatans: ainsi que tesmoignent les historiens qui ont escrit ces choses. Mais il fut brauement repoussé des Portugais, si bien qu'il fut contraint de se retirer avec sa courte honte, & grande perte des siens. Toutesfois parce que les Portugais virent que ceste forteresse leur coustoit plus de garder qu'elle ne

leur apportoit de profit, ils la raserent du tout. Depuis il y a eu pres- que tousiours guerre entre-eux & les Calcutiens: car jasoit qu'ils ayent faict souuent paix ensemble, si est-ce qu'elle n'a pas duré lōg temps, à cause des querelles ou débats qui suruenoient souuent, tã- tost d'un costé, tantost d'autre. Brief ils ont esté quasi tousiours en guerre, ou en desfiance les vns des autres, depuis l'an 1500. iusques à la dernière paix, qui fut faicte, comme nous dirons cy apres, l'an 1600.

Au demeurant, parce que le Royaume de Calicut estoit le prin- cipal de tous les Malabares, les superstitions & coustumes d'iceluy estoient suyues par tous les autres de ces cōtrées là; qui sont celles que nous auons descrites au commencement du 1. liure; Mais parce que nous n'auons rien dit là, de quelques festes & ceremonies qu'ils gardent au grand preiudice des ames, & des corps aussi; il nous en faut maintenant traicter. Orentre autres le Diable & les Brachmanes ses ministres, en ont inuenté vne pour se venger, sous pretexte de Religion, de ceux, ausquels ils en veulent. Car les Roys ont accoustumé de celebrer tous les ans vne feste solemnelle à la Lune nouuelle du mois d'Octobre, pour faire memoire des victoi- res que leurs Pagodes ont jadis gaigné, selon qu'ils disent. Et lors ils sont obligez de commander qu'on mette le feu aux maisons de quelques vns de leurs subjects, dont le choix appartient aux Bra- chmanes, lesquels ne choisissent pas celles de leurs amis, ains de ceux à qui ils portent vne dent de laict, ou qui leur sont ouuerte- ment ennemis, & bien souuent de gens meilleurs qu'ils ne sont. La chose se faict de nuit, & le plus secrettement qu'il est possible: de façon qu'on surprenne ces pauvres gens au depourueu; & lors qu'ils y pensent le moins, ils se trouuent soudain enuironnez de feu & de gens-d'armes. Les personnes, la maison, & tout ce qu'il y a dedans se brusle, sans qu'aucun y ose toucher: car on tient cela comme pour anatheme; & ils appellent ce cruel embrasement, sacrifice de feu & de sang. Mais en voyci vne autre aussi cruelle, & impie, bié qu'ils la couurent d'un pretexte de charité & pieté. Quand quelque Prin- ce & grand Seigneur; ou bien quelque Brachmane vient à mourir on a coustume de brusler son corps, comme aussi ils ont faict de toute ancienneté; si bien que les Grecs & les Romains prindrent depuis ceste mesme coustume d'eux: ainsi que disent quelques vns. Les plus riches sont fort soigneux d'achepter deuant leur mort d'un bois odoriferant, nommé Sandal, ou autre semblable, pour fai-

*Sacrifice
cruel in-
uenté par
les Brach-
manes.*

*Voyez
Guchard
des fune-
railles ch.
4 du liv.
1. & 2.*

Les femmes se iettent au feu ou le corps de leur mary brusle.

re ardre leur corps: mais non contens de cela, le Diable leur à persuadé que les femmes du defunct, qui ne se iettent pas dans le mesme feu, auquel le corps de leur mary brusle, ne l'affectionnoient pas durant sa vie; tellement qu'il en y a vne infinité lesquelles de gayeté de cœur, & en dansant se precipitent dans le feu, pour aller tant plustost tenir compagnie en enfer à leur mary, & ardre ensemble és flammes eternelles: de façon qu'il aduient quelquesfois, mesmement à la mort des Roys ou Princes, qui ont d'ordinaire beaucoup de femmes, qu'on en void bien trois cens se ietter comme auons dit, dans les flammes: & si quelqu'une d'icelles ne le veut faire de son bon gré, en quelques lieux on l'y iette par force; en d'autres elle se retire comme en vn monastere à quelque temple d'Idoles, pour y viure en perpetuel deshonneur.

Feste cruelle & barbare en Calicut.

On faict aussi tous les ans en Calicut vne feste à l'honneur des Pagodes, la ou vne infinité de gens se meurtrissent eux mesmes de gayeté de cœur, pour se sacrifier, comme ils disent, à leurs Dieux: ou plustost au Diable, qui leur enseigne telles cruautéz, pour la haine mortelle qu'il porte à nostre nature. La feste passe en ceste sorte comme gens dignes de foy qui ont assisté à icelle, assurent. Le grãd Zamorin, ou Roy de Calicut se pare & s'accoustre ce iour là le plus superbement & richemēt qu'il luy est possible. Il porte sur foy vne infinité de rubis, diamants, saphirs, & autres pierres precieuses enchassées en or. Aux oreilles il porte des pendants de grãd pris & valeur, qui luy tōbent iusques aux espaules; & depuis la jointure d'icelles, il a les bras tous couuerts de bracelets d'or, parsemez de pierrierie tres-riche & tres-precieuse: & parce qu'ils luy pesēt fort à cause de l'or & des joyaux qu'il y porte, il mene à ses costez deux Gētils-hommes, pour les luy soustenir. Marchant donc en tel equipage, il monte le iour de la feste sur vn theatre haut esleué, qu'on luy dresse tout expres pour semblables actes; là où premierement il se couche tout du long, la poitrine en bas, sur des cuissins de velours cramoisi; puis s'estant leué, comme il est assis en son throsne, voicy venir au deuant de luy 150. Elephans tous couuerts & harnachez autant superbement, qu'il est possible, car ce qu'ils portent sur eux est le plus riche, & le plus beau que le Zamorin aye en ses thresors. Sur chacun de ces Elephans est porté vn Idole paré à l'equipolent; de façon qu'il y a 150. Idoles toutes differentes l'une de l'autre, les vnes ont la figure d'homme, les autres de cheure, quelques vnes de belier, & de semblables sortes d'animaux. Ces Idoles

Idoles en forme de bestes.

sont fuyues d'un infinité d'e gens vestus le plus richement qu'ils peuuent; plusieurs d'eux portent en main deux espées nuës. Or apres que ces Elephans ont marché deux à deux vne bonne traicte de chemin, lors qu'ils sont arriuez deuant le Zamorin, ceux qui portent les espées traictes, apres auoir fait vne grande reuerence à l'Idole, auquel ils portent plus de deuotion, & à qui ils se veulent sacrifier, ils commencent à dançer & gambader, faisans beaucoup de tours & vireuoltes deuant l'Idole. Comme ils sont desia las de tant sauter & dançer, ils se mettent le trenchant de l'une des espées sur la teste, & avec l'autre s'en donnent vn grand coup, frappans sur celle qui est appuyée sur le chef, tellement qu'ils s'y font vne grande playe, d'où ruiselle force sang. Et parlans de la sorte avec l'Idole, & voulans faire paroistre qu'ils luy sont fort deuotieux, ils se donnent tant de coups d'espée, qu'ils viennent souuent à tomber roides morts sur la place; & pensent assurement qu'ils s'en vont tout droit au ciel. Il en y a d'autres, lesquels pour ne dilayer tant la jouissance de leur felicité, selon qu'ils croyent, se tuënt eux-mesmes à grands coups de poignard, qu'ils se donnent à trauers le corps. Vn personnage de croyance qui s'est trouué à semblable feste, assure, qu'ils moururent en vn seul iour, bien pres de mille personnes, se sacrifiens de la maniere susdite à leurs Pagodes. Ils sont encor vne autre sorte de feste, en laquelle aussi beaucoup de gens se meurtrissent. Car tandis qu'ils portent leur Pagode par les ruës, sur vn grand char triomphal, traîné à force de bras par plus de cinq cens personnes, ceux qui s'estiment les plus deuots à l'Idole, se mettent à trauers du chemin, par où ce char doit passer, afin d'estre foulez & esclasez par la pesanteur des roües. Aussi n'en sortent-ils pas, les miserables, sinon tous deschirez en pieces; mais ils sont tenus & reputez de la populace pour si grands saincts, que chacun en desire auoir des reliques, pour garder & tenir avec honneur; à cause dequoy ils les decouppent en cent mille morceaux. Des choses susdites l'on peut cognoistre la grande grace, que Dieu fait à ceux qu'il deliure d'un tel aueuglemēt, mesmes en ce Royaume de Calcut, où ces barbares coustumes sont plus en vogue, qu'en toute autre part de l'Inde. Mais voyons comment la Religion Chrestienne y a eu entrée depuis peu de temps en ça: car jaçoit que le Roy de Calcut, fut celuy duquel on auoit moins d'esperance, que de tout autre Prince du Leuāt, qu'il donnat congé de prescher la foy Chrestienne en ses terres, tant pour estre fort an-

*Autre se
personne
cruelle &
soit.*

*Comment
la foy
Chrestien-
ne a eu
entrée en
Calcut.*

chré en ses superstitions, que pour cause des guerres continuelles, qu'il a eu depuis long temps avec les Portugais: Dieu toutesfois qui a les cœurs des Rois en sa main, & les chāge & fleschit, quand bon luy semble, & la part où il veut, a tellement disposé les affaires, & la volonté de ce grand Monarque, qu'il a esté bien aise de faire la paix avec les Portugais; & par ce moyen on a eu aussi l'entrée libre, pour prescher la foy Chrestienne en son Empire. L'occasion donc en fut telle. Il y auoit vn insigne Corsaire & pyrate de mer, Mahometain de secte, qui se faisoit appeller Cunahal, à cause qu'il auoit vne forte place sur l'emboucheure d'une riuere nommée Cunahal qui se descharge dans la mer sur la coste du Royaume de Calicut. Cestuy-cy donc estant venu de peu, auoit acquis de grands moyens escumant la mer avec vne flotte de nauires l'espace de plusieurs années, & s'estoit rendu tellement redoutable aux marchands Portugais, qui trafiquoiēt sur ceste mer, qu'ils estoient contrains d'aller prendre passe-port & sauf-conduit de luy, de peur de n'estre surprins & volez. Car celuy, qui ne le faisoit, se mettoit en grand danger d'estre attrapé & deualisé. Ce pyrate donc s'estoit tellement enrichi du butin & des despoüilles des vns & des autres, & nommémēt des Portugais, que de petit haubereau, qu'il estoit, il se rendit aigle, prenant non seulement le nom & le titre de Roy, mais aussi les marques & enseignes de Royauté. Tandis qu'il estoit encor petit compagnon, il prestoit obeysance au Roy de Calicut; parce que la forteresse, qu'il tenoit sur l'emboucheure de la riuere de Cunahal, venoit à ressortir à son domaine: mais apres qu'il se vid appuyé de plusieurs Tures & Sarrazins, qui s'estoient joints à luy, ou qui venoient trafiquer là, il se rendit si orgueilleux & superbe, qu'il ne le vouloit plus recognoistre. De façon que le Roy de Calicut vint à se craindre de luy, & à redouter sa trop grande puissance. De l'autre costé il voyoit que les Portugais cuidans que ledit Corsaire entreprenoit toutes ces voleries sur eux en son nom, & à son adueu, luy faisoient pareillement la guerre, & luy prenoient les nauires, qu'il enuoyoit à la Mecque & ailleurs, chargéz de grandes richesses & marchandises de haut prix, à son grand desauantage. Se trouuant donc en telle perplexité, il commença de songer à bon escient à ses affaires, lors mesmes qu'il sceut, que le Viceroy de l'Inde Matthias Albuquerque auoit enuoyé vne grosse flotte pour attraper le pyrate Cunahal: lequel en ayant pris quelque vent, tourna incontinent voile, & se retira de bone heure

*Cunahal
insigne
Corsaire.*

*S'enrichit des
despoüilles des
Portugais*

dans sa tanniere : toutesfois la flotte Portugaise ne bougeoit pas pour cela , ains rodoit tout autour de Calicut , espiant s'il y auroit quelque proye pour prendre. Le Zamorin tenoit cependant en prison vn de nos Peres, nommé François Acoſta, que le Corſaire Cunnahal auoit prins & l'auoit enuoyé au Roy de Calecut , lors qu'il le recognoiſſoit encore pour ſon Seigneur. Le Zamorin traitoit fort honneſtement ce Pere, & ſe plaiſoit de parler à luy quelques-fois, le voyant ſi ſage, & ſi aduiſé en ces propos. Le Pere de l'autre coſté trouuant occaſion luy remonſtroit quelquesfois à l'amiable, que ce luy ſeroit vne choſe plus profitable d'eſtre amy des Portugais, que non pas ennemy, & que ſes affaires s'é porteroient mieux s'il faiſoit vne bonne paix & alliance avec eux. Dieu en fin par ſa bonté infinie diſpoſa le cœur de ce puiffant Monarque de ſorte, qu'il pria le Pere de vouloir moyenner quelque accord entre luy & les Portugais; & à ces fins luy donna liberté. Le Pere ſ'en va premierement trouuer l'Admiral de la flotte Portugaiſe , qu'on nommoit Don Aluare de Branches, & l'aduiſa de la bonne volonté, qu'auoit le Zamorin de faire quelque paix & accord. L'Admiral n'oſa rien arreſter ſur cet affaire , ſans l'adueu du Viceroy. Et partant il reſpond au Pere, qu'il ſeroit bon de luy en aller parler : afin que le tout ſe fit par ſon auctorité. Le Pere donc ſ'en va tout droit à Goa, ou eſtoit pour lors le Viceroy Matthias Albuquerque, auquel il fit rapport de tout ce qui ſ'eſtoit paſſé, & de la bonne volonté, avec laquelle il auoit laiſſé le Zamorin. Ceſte nouuelle apporta vn grand contentement au Viceroy & à toute la ville de Goa. Car c'eſtoit vne choſe de grande importance, pour la paix & tranquillité de tout cet Eſtat. Afin donc de ne perdre vne ſi bonne occaſion, le Viceroy conſiderant que le Zamorin auoit commencé de traiter cet affaire par l'entremiſe des Peres de la Compagnie, aduiſa qu'il ſeroit bon de le continuer par les meſmes, & à ces fins pria le Pere Prouincial de la Compagnie en l'Inde d'enuoyer le P. François Ros, homme bien entendu aux affaires & en la langue Malabaroïſe, pour compagnon du Pere François Acoſta : afin que tous deux enſemble traitaſſent avec le Roy de Calecut des articles de ceſte paix. Le Pere François Ros eſtoit pour lors parmy les Chreſtiens de la montagne, qu'on appelle de S. Thomas : & combien que ſa preſence fut là fort neceſſaire, toutesfois on l'enuoya querir tout auſſi toſt. De façon que tous les deux Peres partirent enſemble de Goa, & arriuerent en Calecut dans peu de iours.

*Le P. Frā
çois Aco-
ſta prifon-
nier du
Zamorin
luy parle
de la paix
avec les
Portu-
gais.*

*Eſt rem-
uoyé libre
pour en
traitier
avec le
Viceroy.*

*Le P. Frā.
çois Ros
eſt en-
uoyé au
Zamorin
pour trai-
ter des ar-
ticles.*

Ayans prins port ils firent entendre au Roy leur arriuée, & l'occasion d'icelle, aux fins d'auoir congé de l'aller trouuer. Le Zamorin en fut tres-aïse, & enuoya deux des principaux Gouverneurs de son Royaume, pour les conduire honorablement dans la ville, & non content de cela, comme il sceut qu'ils estoient proches de son palais, il sort luy mesme pour les accueillir, accompagné de tous les Princes & Gentilshommes de la Cour. Et les prenant par la main, les mene dans son palais, ou ils les fit asseoir tout aupres de soy. Puis les remercia de la confiance, avec laquelle ils traïssoient avec luy, auant mesme que la paix fut concludë avec les Portugais. Lesquels il loüa deuant tous ses Courtisans, de la sincerité, avec laquelle ils procedoient enuers luy, & de la grande puissance, qu'ils auoient acquise en l'Inde, disant qu'il desiroit les auoir amis plustost qu'ennemis. Apres ce il commença à traicter avec eux des articles de la paix, & laissant à part ceux qui touchoient son particulier, & du Viceroy, nous dirons qu'il octroya en faueur de la Chrestienté & de nos Peres, des choses plus fauorables, que n'auoit fait encor aucun Prince de l'Inde. Nous en mettrons seulement icy trois articles qui les concernent.

*Articles
de la paix*

Premierement il donna puissance à tous ceux de nostre Compagnie d'euangéliser par toutes les terres & seigneuries de son Royaume, prenant en sa protection & sauuegarde, ceux qui y seront enuoyez pour cet effect. Outre ce il donna permission à tous & à chacun de ses subjets, tant Gentils que Mahometains, de se rendre Chrestiens, voulant & entendant, que tous ceux, qui embrasseroient la Religion Chrestienne, retinsent les mesmes charges, dignitez & offices, qu'ils auoient auparauant, & qu'ils jouissent de mesmes droicts, priuileges, & immunitéz, desquelles ils iouissoient auant qu'estre Chrestiens. Il promettoit aussi de donner le sol & fond necessaire aux Eglises, qu'on voudroit bastir en ses terres, ordonnant que toutes les Eglises des Chrestiens seroient de la en auant lieux de franchise, pour ceux qui s'y retireroient. Voila pour le premier. En second lieu il promit de faire deliurer & rendre entre les mains du Procureur du Roy de Portugal, ou de quelque Capitaine, ou autre qu'on commettroit à cela, tous les Portugais & Chrestiens quelsconques, qui comme que ce soit se trouueroient auoir esté faicts prisonniers, captifs, ou esclaués dedans ses terres & seigneuries. En fin il promit & iura de ne permettre iamais, que les Chrestiens de S. Thomas, qui sont en ses terres, eussent autres Euefques

ques ou Prelats, que ceux qui seroient enuoyez de nostre S. Pere, & du Roy de Portugal. Ce poinct icy est de tres-grande consequence, comme nous verrons plus clairement cy apres. Ces articles avec les autres, concernans l'estat politique d'une part & d'autre, ayans esté dresséz, le Zamorin enuoya reciproquement à Goa trois Ambassadeurs, avec un beau present au Viceroy, pour voir s'il agréeroit ces articles, & voulut qu'ils y allassent en compagnie de nos Peres, leur donnant charge, que si la paix estoit concludë, ils priaissent de sa part le Viceroy & le Pere Prouincial de la Compagnie, de leur enuoyer quelques Peres, pour faire leur residence ordinaire en ses terres. Car il vouloit faire bastir une Eglise, & un logis pour eux. Les Ambassadeurs arriuez à Goa, furent receus fort humainement, & honnorablement du Viceroy, qui les logea dans son propre palais, & les traicta si bien, qu'ils furent tres-contents & satisfaits de la courtoisie, dont on auoit usé en leur endroit. Toute la ville aussi monstra beaucoup de resioyssance pour ceste Ambassade: car la paix avec le Zamorin estoit fort souhaittée d'un chascun. Le Viceroy donc ayant veu les conditions de la paix proposées par le Roy de Calicut, & traictées auparauant entre luy & nos Peres, enuoyez pour cet effect de sa part, en fut fort content, & les ayant approuuées, en renuoya les Ambassadeurs avec un beau present qu'il donnoit au Roy de Calicut, & des lettres adressées à l'Amiral de la flotte Portugaise, Aluare de Branches, par lesquelles il luy mandoit d'aller iurer la paix en son nom avec le Zamorin. Les Ambassadeurs ayans eu si bonnes despesches, auant que partir, supplierent le Viceroy de la part de leur Prince, de vouloir faire en sorte, que quelques Peres de la Compagnie s'allassent tenir en Calecut, d'autant que le Roy desiroit y faire bastir une Eglise, & une maison pour les y loger. Le Viceroy remettant l'affaire au P. Prouincial de la Compagnie, leur promet neantmoins en cela son assistance & faueur. Eux s'en vont trouuer le P. Prouincial, & luy font la mesme requeste, qui leur fut fort volontiers interinée. Car il y auoit long temps, qu'on desiroit mettre le pied dans ce Royaume, pour y planter la foy de Iesus-Christ. Partant il leur accorda ces deux mesmes Peres, qui auoient fait l'accord, à sçauoir le P. François Acosta; & le P. François Ros. Il en nomma encore un troisieme, qui parloit fort bien la langue Malabaroise: mais il estoit pour lors à la coste de la Pescherie, d'où on l'enuoya soudainement querir. Cependant les autres deux Peres partirent avec les Ambassadeurs, auxquels le

Le Zamorin enuoye des Ambassadeurs à Goa.

Sont receus fort humainement.

Demandés quelques Peres de la Compagnie pour demeurer en Calecut.

*Executio
des arti-
cles.*

Viceroy fit encore tout plein de presens: & aussi tost qu'ils furent arrivez en Calecut, on comance a mettre en execution les articles de la paix. Car le Zamorin comanda incontinent qu'on mit en liberte tous les Portugais & Chrestiens, qui estoient detenus captifs, ou prisonniers en son Royaume, & qu'on mit en execution tout le reste qui estoit porté par l'accord. Nos Peres aussi prierent le Roy de vouloir assigner vn lieu & place, pour y bastir l'Eglise, qu'il auoit promis: à fin que ce mesme iour, auquel les articles seroient iurez d'une part & d'autre, on y plantat vne croix avec grande solemnité: Et que ce fut comme le sceau de la paix entre luy & les Portugais, tout ainsi que celle, en laquelle nostre Seigneur fut crucifié, l'auoit esté de la paix, qu'il auoit faict entre Dieu & les hommes. Le Roy fut content que cela passat ainsi, & pour cet effect il designa vn champ, qui estoit proche de la ville, lequel deslors on appella le champ de la paix, d'autant qu'en iceluy elle fut iurée, & ce en la forme & maniere qui s'ensuit. Estât venu le iour arresté pour cet acte; Le Zamorin accompagné du Prince son nepueu, & successeur en la Couronne, selon la coustume du pais, assisté encore des principaux Caïmales ou grands Seigneurs, & Gouverneurs de son Royaume, sort de la ville en vn beau champ, qu'il y a entre le port & la ville, menant vne fort belle troupe de gens-d'armes bien en conche, & rangez en forme de bataille. Au mesme temps l'Admiral de la flotte Portugaise, Aluare de Branches, sort aussi de son nauire accompagné de plusieurs Capitaines & soldats Portugais: lesquels si tost qu'ils furent sautés en terre, saluerēt le Roy & sa compagnie avec vne belle scopeterie: & puis firent lascher toute l'artillerie de leur nauire. Finalement ils s'approcherent du Roy, & le saluerent fort honorablement. Ils furent reciproquementaluez de luy avec beaucoup d'honneur, & de courtoisie. Le Roy, & l'Admiral s'entre-embrasserent l'un l'autre, avec demonstration de grande bienueillance & amitié: & puis le Prince, & les plus grands Seigneurs de la suite du Roy firent l'accolade audit Admiral. Apres ce, la paix fut iurée solennellement d'une part, & d'autre, selon les articles, qu'on auoit accordez: & de ce pas, le Roy & l'Admiral, chascun accompagné, & aydé de sa suite, s'en vont prendre vne belle

Le Zamorin & l'Amiral des Portugais s'entre-saluent.
Portent avec leurs gens la croix qui doit estre plantée.
croix, que nos Peres auoyent preparée; tout expresse; & la portent jusques au lieu, qui auoit esté assigné par le Roy, pour y bastir l'Eglise, lequel estoit proche de là. Ayant donc porté & faict dresser ladite Croix, le premier de tous, qui l'adora, fut le Roy mesme, & ce

les deux genoux en terre. Apres luy le Prince son neveu, puis l'Admiral des Portugais, & tous les autres grands Seigneurs, & gouuerneurs du Royaume qui estoient presens. Cet acte apporta vne telle consolation à l'Admiral & aux autres Portugais, qu'ils ne pouuoient tenir les larmes d'aïse & de contentement, qu'ils receuoient; considerans comme nostre Seigneur estoit adoré & reconnu en ce pays, auquel il auoit esté tant offensé. Ceste joye & liesse s'augmenta & s'accrut d'auantage par la demonstration; que le Roy fit du desir qu'il auoit, qu'on bastit promptement l'Eglise de nos Peres. Car auant de retourner à son Palais il voulut, qu'on ouurit les fondemens, & luy mesme commença à cauer & fouir la terre; & ceux qui portoyent la hotte estoient le Prince son nepueu, l'Admiral des Portugais, les deux Peres de la Compagnie, les gentils hommes de l'armée Portugaise. Ayant donné tel commencement à l'Eglise, le Roy amene l'Admiral & toute sa suite à son palais; là ou il les traita royalement tout le temps qu'ils y furent. Voila comment la paix tant desirée entre le Zamorin & les Portugais fut concludë, & iurée avec grande esperance, que par le moyen d'icelle, la foy de nostre Seigneur sera espanduë en ce Royaume. Le Pere François Ros natif de Gironne en Espagne, print beaucoup de peine en cela, comme l'escriuit le Capitaine mesme, Aluare de Brãches, au Pere Prouincial del'Inde en ces termes. Le Pere François Ros, a trauaillé tellement à la conclusion de ceste paix, qu'avec raison, s'estime que la moindre part m'en est deuë. Ce qui fait que ie me sens obligé d'aertir vostre Paternité, du trauail, & du zele qu'il a employé, faisant en cela vn grand seruice à Dieu & au Roy nostre Sire; à fin que conformément à cela, vostre Paternité l'en remercie, comme il est de raison. Le Zamorin a esté si content de sa façon de proceder, & a conceu vne telle opinion de sa prudence & vertu, qu'il demande avec grande instance sa demeure en Calecut: laquelle sera tres-profitable pour la Chrestienté, qu'on y attend; & en cela la Compagnie fera aussi vn grand seruice à sa Majesté: l'escriis a Monseigneur le Viceroy, combien cecy importe, & le prie que pour vn singulier bien, il le demande à vostre Paternité, ce que ie n'estime estre necessaire: parce que ie sçay combien vostre Paternité desire, que ceste paix soit ferme & stable, puis que c'est vn chef-d'œuvre de la Compagnie. Voila le contenu de sa lettre.

*Resouys-
sance &
deuotion
des Por-
tugais en
plantant
la croix.*

*Le P. Frã-
çois Ros
trauaille
fort à ce-
ste paix.*

COMME LA PAIX ENTRE LES PORTUGAIS

& le Zamorin ayant esté rompuë, fut de rechef renouëe, &
l'esperance qu'il y a de la conuersion de ce Roy-
aume à la foy Chrestienne.

CHAP. XV.

A Pres que l'Admiral de la flotte Portugaise fut parti de Calecut, pour s'en retourner à Cochin, d'où il estoit Gouverneur, le Corsaire Cunahal fâché a outrance de ce que le Zamorin auoit faict la paix avec les Portugais, se mit à penser aux moyens de la rompre, & a ces fins commença à se monstrier plus rebelle, que deuant à son legitime Seigneur le Roy de Calecut, molestant ses vassaux, & leur faisant plusieurs torts & iniures. Car il pensoit contraindre par ce moyen le Roy de quitter l'alliance des Portugais, pour auoir paix avec luy. Or comme il se voyoit avec vn bõ nombre de vaisseaux & de soldats, il faisoit du fier & du braue, plus qu'il n'en auoit le moyen. Sur ces entrefaictes le Viceroy Matthias Albuquerque acheua le temps de son gouuement, & en sa place vint de Portugal pour exercer la mesme charge, le Conte Admiral, François de Gama, qui arriua à Goa sur la fin du mois de May, l'an 1597. le Zamorin estoit en peine de sçauoir, si le nouveau Viceroy voudroit tenir l'accord faict entre luy & les Portugais, se craignant qu'ils vissent à le quitter en ce temps, que le Corsaire Cunahal s'estoit appertement reuoké contre luy. Estant sur ce doubte, comme le Pere François Ros estoit en ceste saison absent de Calecut, le Zamorin escriuit au Pere George de Castre, Recteur du College de Cochin, le suppliant bien fort de le venir trouuer, pour prendre conseil avec luy, sur quelques doubtes qu'il auoit. Le Pere Recteur communique ceste lettre au Capitaine de Cochin, qui trouua bon d'accomplir en cela la volonté du Roy, comme il fut faict. Le Zamorin l'ayant accueilly avec tout plein de signes d'amitié luy fit sçauoir le soupçon, qu'il auoit touchant la continuation de la paix. Le Pere l'assura, qu'elle seroit ferme & stable du costé des Portugais, & qu'ils ne manqueroient à garder fidelement les articles, qui auoient esté accordez & jurez, si de son costé ils n'estoient rompus & enfrains. Et que le nouveau Viceroy seroit celuy, qui plus se monsteroit affectionné à la continuer, ne desirant rien tant, que d'auoir son amitié & alliance. Et partant qu'il n'auoit aucune occasion de craindre ou soupçonner quelque chose de sinistre de sa vo-

*Le Corsai-
re Cunah-
al fust
ché de ce-
ste paix.*

*François
de Gama
Viceroy
des Indes
successeur
d'Albu-
querque.*

*Le Zamo-
rin doute
s'il vou-
dra tenir
les arti-
cles de la
paix.*

lonté, si autre chose ne suruenoit. Le Zamorin ayant esté rassuré de ce costé, donna ordre, qu'on acheuast vistement l'Eglise & le logis, qu'on bastissoit pour nos Peres: afin qu'ils eussent moyen d'y commencer au plustost la predication de nostre sainte Foy, selon qu'il l'auoit permis. Que si dieu fauorise de sa grace & mene à perfection vn œuure si heureusement commencé, il y a grande esperance, que le Roy & tout son Royaume embrasseront la foy Chrestienne. Car mettant à part la deuotion que luy, le Prince, & les principaux Gentilshommes de sa Cour monstrent à l'adoration de la Croix, & a donner commencement à la nouuelle Eglise, vne fois le Zamorin parlant à nos Peres de la loy qu'ils preschoient, & de ses commandemens, il les pria de les luy declarer, & apres auoir escouté l'explication d'iceux fort attentiuement, il dit que tout cela estoit conforme à la raison, & donna charge à vn sien nepueu, qui se trouua present, de s'informer encore dauantage des mysteres de nostre Foy: afin que par apres il luy en fit le rapport, monstrent par là, qu'il desiroit en auoir vne plus ample cognoissance. Ce que son nepueu fit avec vn tel soing & diligence, qu'il se mit incontinent à escrire le *Pater*, l'*Aue*, & les autres oraisons Chrestiennes, avec les dix Cōmandemens de Dieu, pour les apprédre par cœur, & les reciter deuant le Zamorin son oncle. Et quant à luy il fit cependant si bien son profit de ce qu'on luy enseigna, qu'il commença bien tost apres de mettre en pratique plusieurs choses, qu'on luy auoit apprinses, & nommément de se contenter d'vne seule femme, & s'abstenir de manger de la viande les Vendredis, combien qu'il ne fut encore Chrestien, & si se mocquoit ouuertement des Pagodes, & des superstitions, desquelles vsent les Gentils & Idolâtres. Bref il a donné parole à nos Peres de se rendre Chrestien, quand il en aura la commodité. Il y a aussi vn des principaux Seigneurs de ce Royaume qui a donné vne fort belle lampe, pour demeurer allumée continuellement deuant le S. Sacrement. Apres qu'on eut acheué le logis & l'Eglise pour nos Peres, ils commencerent d'y prescher avec vn tel concours, que c'estoit merueille. Les auditeurs prenoient vn singulier plaisir à ouyr parler des mysteres de nostre S. Foy, & se monstroient si fort esmeus des remontrances qu'ils entendoient, qu'on esperoit vne moisson de Chrestiens fort heureuse. Car il y en auoit desia plusieurs, qui demandoient le baptême, combien que nos Peres dilayoient à le leur donner, iusques à ce qu'ils eussent esté bien instruits en la Foy; & confirmez

Desir que le Zamorin monstrois d'aprendre nostre foy

Son nepueu apprint le catechisme par son commandement.

*La foy Chrestienne cōman-
ce d'estre preschée
publique-
ment en
Calicut.*

*Lettre du
Zamorin
au P. Pro-
uincial de
l'Inde.*

en iocelle. Mais pour cognoistre mieux la bõne volonté de ce Roy, tant à fauoriser nos Peres, qu'à la dilatation de l'Euaõgile en ses terres, ie mettray icy la coppie d'vne lettre qu'il escriuit au P. Prouincial de nostre Cõpagnie en l'Inde. Les Peres, dit-il, qui sont icy escri-
 » tont à vostre Paternité, l'affection que ie leur porte, & comme ie
 » ne fay rien sans leur aduis : pource qu'ils sont gens de grande
 » vertu & sincerité, & qui me portent bonne affection. Le mesme
 » vous en dira Don Aluare de Branches, comme ie l'en ay prié, & il
 » traictera avec vostre Paternité de mes affaires. Car i'espere que
 » tout ainsy, que par le moyen de vos bons Peres, i'ay receu vn si grãd
 » bien, i'en verray aussi, par leur moyen, la fin & accomplissement
 » desiré. Quant à ce que ie leur ay promis & accordé en leur presen-
 » ce mesme, il n'y aura faute aucune, puis que i'y prends tant de plai-
 » sir, & que cela redoude à l'honneur des Portugais. Vostre Paternité
 » aura sceu ce que Cunahal a fait, & vous orrez en son temps le
 » chastiment qu'il merite, lequel ie luy dilaye pour en donner l'hon-
 » neur à Don Aluare de Branches à qui ie suis fort affectionné. Et
 » d'autant que l'aide de vostre Paternité est necessaire en cela, ie la
 » prie de ne me la refuser, puis qu'elle a tant de pouuoir enuers le
 » Viceroy pour ses merites & vertus. Je remercie fort vostre Pater-
 » nité, de ce qu'il luy plaist nous enuoyer de si bons Peres, pour le
 » bien que i'en reçois, & la grande affection qu'ils me portent. plu-
 » sieurs embrassent leur Foy. Enquoy ie prends vn extreme plaisir,
 » & ne leur mahqueray de mon assistance, en ce qu'ils en auront de
 » besoing. Voilà les lettres du Zamorin.

*Orgueil
& mes-
chançeté
de Cuna-
hal.*

Cependant le Corsaire Cunahal allant tousiours plus auant en son orgueil & des-obeissance contre le Zamorin, courtoit & efeu-
 » moit toute ceste mer avec les nauires qu'il auoit, & rodant tout
 » autour de la coste des Malabares, pilloit & saccoit tout ce qu'il
 » trouuoit, où des Portugais, où des Calecutiens ; de sorte qu'il de-
 » uint si riche & si puissant, par le moyen des voleries qu'il faisoit
 » journellement ; que les Mahometains luy donnerent le tiltre de
 » Roy : & luy mesme se nommoit Roy des Sarrazins. Les Portugais
 » se voyans tous les iours volez & pilliez de ce galant, penserent que
 » le Roy de Calecut luy tenoit la main en cela : de façon qu'ils jet-
 » toient la coulpe de tous les brigandages, que faisoit Cunahal, sur le
 » Zamorin. Cecy fut cause que le Viceroy, François de Gama, reso-
 » lut de rompre la paix avec luy, combien qu'à la verité ledit Zamo-
 » rin ne fut en ce aucunement coupable. Car la puissance de ce

*Les Portu-
gais rom-
pent la
paix avec
le Zamo-
rin.*

Pirate, mesmement sur mer, estoit desia si grande, que le Roy n'estoit pas assez fort pour la rompre. Mais auant que la guerre fut publiée entre les Portugais & le Zamorin, comme les desiances d'un costé & d'autre commençoient à naistre, le Viceroy escriuit aux Peres de la Compagnie, qui estoient en Calecut, leur mandant qu'ils eussent à se retirer & sortir des terres du Zamorin, s'ils ne vouloient encourir du danger. Le Zamorin ayant sceu leur depart tascha bien de les retenir tant qu'il peut, disant que quoy qu'il aduint ils seroient assurez en ses terres, jaçoit qu'il y eut guerre entre les Portugais & luy : neantmoins l'affaire mis en consulte, il sembla meilleur de croire le Viceroy, qui sçauoit trop mieux la haine, que les Sarrazins & Turcs portent aux Chrestiens & Portugais, pource qu'il estoit à craindre que se voyans molestez de l'armée des Portugais, ils voudroyent prendre vengeance sur nos Peres, sans que le Roy mesme y peut mettre ordre. Brief pour accomplir ce que le Viceroy leur mandoit, & suyure en cela son aduis, ils sortirent de Calecut bien que ce fut avec tresgrand regret, & desplaisit voyans qu'ils laissoient vne si belle moisson prestee à cuepper, & en danger de la perdre. Toutesfois il pleut à nostre Seigneur les consoler, & adoucir leur douleur sur leur depart, par la conuersion d'un Prince, qui se fit baptiser; c'estoit vn cousin & proche parent du Zamorin mesme: lequel ayant esté gaigné à Iesus Christ par la frequentation familiere qu'il auoit avec nos Peres lesquels souuent luy tenoient propos des choses diuines & celestes, apres auoir bien entendu & apprins les principaux poincts & mysteres de nostre Foy, voyant que nos Peres se retiroient, il les pria avec vne telle instance, qu'ils le baptisassent auant de partir, qu'en fin ils furent contrains de luy donner le baptisme en earchettes, pour ne laisser ce Prince ainsi desolé: tellement qu'il fut baptisé la mesme nuit, en laquelle nos Peres s'apprestoient pour partir: & combien que son baptisme a esté secret: toutesfois ses œuures monstrent assez quel il est. Car il meine vne vie fort exemplaire depuis qu'il a esté baptisé. Le Zamorin fit bien cognoistre en ceste absence des Peres, l'affection qu'il leur portoit, non seulement au soing qu'il eut de conseruer l'Eglise & maison, en leur entier: mais aussi escriuant souuent au Pere Prouincial, aux fins qu'il luy rendit & restitua ses Peres, comme il disoit, adjoustant que rien ne s'estoit esgaré des biens de l'Eglise: ains qu'il auoit fait trancher la teste à vn Sarrazin, qui par mespris auoit donné vn coup d'espee contre

Preparatifs de la guerre.

Nos Peres sortent de Calecut pour obeyr au Viceroy.

Ils baptisent deuz vn cousin du Zamorin.

L'affection que le Zamorin monstroit enuers eux en leur absence.

la croix. Le Pere Prouincial le repaissoit cependant d'esperance, luy promettant qu'aussi tost que la paix seroit faite de nouveau, il les luy enuoyeroit. Or le Zamorin voyant que le Corsaire Cunahal luy donnoit tous les iours plus d'affaires, & craignant qu'il ne se vint à renforcer dauantage à son grand dommage & prejudice luy denonce la guerre, & fait assembler contre luy vne armée de cinquante mil Naires. Le Viceroy voyant que le Zamorin s'armoit

La paix entre les portugais & le Zamorin est renouée. pour desfaire & ruiner la puissance de Cunahal, recogneur que ce n'estoit pas de son adueu, que l'autre faisoit tât de maux, tellement qu'il voulut renoueller la paix & amitié auparauant contractée avec luy. A quoy le Zamorin s'accorda volontiers: tellement qu'elle fut renouée au grand contentement de l'un & de l'autre party.

Les articles furent les mesmes qu'auparauant, seulement il fut icy accordé de surplus, qu'on feroit la guerre à toute reste au Pirate Cunahal, le Zamorin par terre, & les Portugais sur mer, avec vne flotte de nauires, & que tous ensemble l'iroient assieger dans la forteresse qu'il tenoit sur la riuere de Cunahal, tresbien munie & forte d'assiette. Nôs Peres retournerent soudain en Calecut, au grand contentement du Zamorin, & de beaucoup d'autres, mesmes des plus grands de la Cour: reprenās leurs exercices accoustumés de la predication de la foy Chrestienne, avec grande esperance d'y faire beaucoup de fruct. Car la Royne-mesme leur auoit promis & donné parole de se rendre Chrestienne: li bonne opinion elle auoit conçu desia de nôtre Foy. Enquoy elle estoit beaucoup aydée par ce cousin du Zamorin, qui fut baptisé la nuit, que nos Peres partirent de Calecut: car il est aussi fort proche parent de la Royne. Dauantage les Roys de Tanor, & de Chale demandoient au mesme temps avec grande instance, qu'on leur enuoyat des Peres pour prescher le saint Euangile en leur terres: & leur promettoient en cela tout ayde & faueur. Mais retournons à nostre propos. Suiuant la capitulation faicte, le Zamorin ayant assemblé vne armée de cinquante mil Naires, posé son camp du costé du Su, là ou estoit le plus fort de l'ennemy. Au mesme temps arriua pareillemēt l'Admiral des Portugais, Louys de Gama, frere du Viceroy, avec vne belle flotte, ou il menoit quinze cēs Portugais, laquelle desembarqua, en partie sur la coste d'Arior, tout ioignant la riuere de Cunahal: d'autant que les nauires qu'ils auoient menez estoient trop grands, & ne pouuoient entrer dans la riuere, ny arriuer iusques à la forteresse, & pource ils attacherent ensemble trente & vne Almadies,

Armée du Zamorin de 50000. Naires.

Flotte de 1500. Portugais.

madies, qui est vne espee de petites barques, dõt on vse en ce pais là, & en firent comme vn pont, pour trauffer la riuere, & arriuer par ce moyen à la forteresse. L'Admiral donna charge à Louys de Sylua, l'vn des plus vaillans Capitaines qu'il eut, d'aller commencer l'assaut avec trois cens soldats Portugais, qu'il luy bailla, tous gens d'eslite, & qui estoient la fleur de son camp. Luy cependãt s'arresta de l'autre costé avec le gros de l'armée, pour donner secours, & enuoyer gens de renfort, là ou il en seroit de besoing. Les choses ayãt esté ainsi disposées, le quatriesme de Mars de l'an 1599. vn peu auant la diane, les Portugais traufferent la riuere, & repoussent vaillamment les ennemis, qui les attendoient sur la riuere, de l'autre costé du fleuve. Cependant les 50000. Naires avec trois cens Portugais s'approchent aussi de la forteresse, pour l'assailir par terre de l'autre costé. Le Zamorin avec le Prince son nepueu, qui doit heriter son Royaume, & quelques autres grands seigneurs estoient sur vn haut tertre, qui regardoient le combat effroyable à merueilles, à cause des feux & tonnerres, qu'on voyoit & entendoit des coups d'artillerie, & autres inuentions à feu, qui esclairoient bien loing. On dit que le Zamorin voyant qu'on s'attachoit au combat main à main, se prosterne des deux genoux en terre, & les mains esleuées au ciel avec la larme a l'œil, prioit Dieu, qu'il luy pleut donner la victoire aux siens. Les Naires qui estoient vers le Sud, ayans assailly l'ennemy de ce costé, bruslerent quelques hayes ou pallissades, qui les amusoient & tiercēt encore quelques Mahometains; mais d'autant qu'ils rencontrerent certaine façon de defences où rampars, qu'ils ne pouuoient rompre, sinon a grands coups de hache, n'en ayant pas porté avec eux, ils furent contraints de s'arrester là, sans pouoir passer outre. Le Capitaine Louys de Sylua, qui auoit donné la charge à l'ennemy, du costé de la riuere avec ses trois cens soldats, mourut le beau premier d'vn coup de balle, qui le frappa à la teste sur le commencement du combat. Mais il y eut peu de soldats qui le sceussent pour lors, car on couurit son corps avec vn linceul: à fin qu'on ne le veid point. De sorte que les autres poursuuiuent la poincte de la bataille, & entrèrent bien auant dans la forteresse sans Capiraine. En ceste meslée fut tué vn aussi meschant Pirãte, que Cunahal, nommé Cutimussa, qui auoit couru toute ceste mer ja plusieurs années, commettant vn'infinité de brigandages. Et bien qu'il eut esté vaincu quelquesfois des Portugais, il leur auoit tousiours eschappé des mains iusqu'à lors; son pere nommé Cutias-

Commencement du combat.

Le Capitaine des portugais est tué.

Cutimussa & autres vaillans Capitaines des brigans tués ou blessés.

seme, & vn sien cousin, moururent encore en cet assaut, & outre ce deux cousins du Corsaire Cunahal, avec vn fameux Capitaine de ces brigans, nommé Cutacieme, qui auoit quelques iours aupara-
uant prins vne galere sur les Portugais. Brief il y eut plusieurs autres Capitaines & vaillans soldats du costé des ennemis, qui furent tuez, la plus part desquels estoient pires que l'Archipirate Cunahal: & luy mesme fut blessé de deux coups d'estoc, & vn de taille; jacoit qu'aucun d'iceux ne fut mortel. La Mosquée qui estoit dedans la forteresse fut reduite en cendres avec vne grande partie des maisons qu'il y auoit tout au tour: & des ennemis, on dit qu'il en mourut plus de trois cens, combien que des Portugais il n'y en eut que quinze de tuez durant tout le combat. Mais apres cōme ils estoient quasi maistres de la forteresse, ils entendirent, que leur Capitaine estoit mort: & comme la poudre, les boulets, & les fiesches leur manquoient, n'ayans aucun moyen d'en recouurer dauantage, car ils estoient par delà la riuere (& ceux de la flotte ne les pouuoient aller secourir, à cause que les barques qu'on auoit attaché ensemble furent delaissées seules sans aucun marinier, pour les conduire, tellement qu'elles flottoient au milieu de l'eau, sans pouuoir seruir ny aux soldats, qui combattoient, ny aux autres qui les vouloient aller secourir,) cela fut cause que la retraite ayant esté sonnée, les Portugais voyans qu'ils n'auoient ny Capitaine, ny Porteen-
seigne (car il auoit aussi esté tué) se retirerent avec vn tel desordre, qu'ils ne sçauoient ou ils deuoient aller: & ce fut le commencement de leur ruine. Mais la principale cause fut de ce que ne trouuās pas le pont des barques, sur lequel ils auoient trauerse la riuere, d'autant qu'elles auoient esté esparfées çà & là, ils ne pouuoient se retirer à la flotte, sinon y allant à la nage. Ils quittent donc leurs armes, & se iettent dans la riuere pour se sauuer: mais il y en eut plusieurs, qui y demorerent, de maniere que de ces trois cens Portugais il n'en resta que quarante: les autres deux cens soixante y furent tous ou tuez ou noyez. Vn de nos Peres, qui auoit passé avec ces trois cens soldats, pour les encourager, & ouir de confession, se sauua: mais son compaignon voulut pousser vne barque pour la faire tenir à quelques Portugais, qui estoient à la nage, fut frappé d'vn coup d'arquebuze, qui luy rompit le bras droit. Or apres que la mer eut rejetté au riuage les corps de ceux, qui s'estoient noyez, ou auoient esté tuez dans l'eau, nos Peres les ensepelirent avec l'ayde de ce Prince que nous auons dit estre Chrestien. Le Zamorin fut ex-

*Desordre
des Por-
tugais*

*360 Por-
tugais, ou
tuez, ou
noyez.*

tremement marry de ce defastre, & l'auoit quelque temps auant
 qu'il n'arriuat, predict aux Portugais, car il les aduisa d'aller tout bel-
 lemēt en besongne, & ne se precipiter pas: il leur auoit aussi cōseil-
 lé de tenir quelques barques prestes, pour exposer commodement
 les soldats à la riuē, quand il seroit besoing d'enuoyer quelque se-
 cours, & pour ramener ceux qui seroient las, & recreus de la batail-
 le. Brief il leur auoit offert quelques troupes de ses Naïres, pour
 leur seruir de renfort: mais ils ne voulurēt rien faire de ce qu'il leur
 auoit dit, pour auoir seuls la loüange de tout; & mesme auant que
 donner sur l'ennemy, ils ne voulurent luy en dire vn seul mot, ny ce
 qu'ils auoient deliberé de faire, moins encore prendre avec eux
 aucun Naïre. Et partant il n'est pas de merueille, si Dieu permit
 qu'ils eussent du pire, pour chastier leur outrecuidance & temeri-
 té. Ce triste accident fut prognostiqué par des signes estrāges, quel-
 que peu de temps auparauant. Car trois ou quatre iours deuant
 que cecy n'aduint, on aperceut de nuict vne lueur au ciel passe, &
 triste du costé de Cunahal: laquelle venāt à courir sur toute la flot-
 te, s'arresta sur la nau Capitaineſſe. Aussi le Pere Theophile de no-
 stre Compagnie, qui estoit venu de Cochin avec la flotte Portu-
 gaise, assura que quatre iours auant ce defastre, luy estant dans la
 mesme nau Capitaineſſe, va veoir de nuict vn certain fantosme, qui
 se presenta soudainement deuant ses yeux, & le prenant par le bras
 luy dit ces mots en Portugais, *Castigo de Deus*, c'est à dire Punition
 de Dieu, & aussi tost disparut. Or cet assaut jaçoit que si funeste aux
 Portugais, auoit neantmoins estonné tellement les ennemis, qu'ils
 n'oserent de tout le lendemain ensepuelir leurs morts, craignans
 que les Portugais apres s'estre refaičts vinsent de rechef les assaillir,
 mais comme ils virent que la flotte mettoit les voiles au vent, & se
 retiroit si honteusement, leur craincte se changea en huées & moc-
 queries, & non sans cause: d'autant que si les Portugais eussent at-
 tendu encore deux iours, deuant ladite forteresse, les ennemis s'al-
 loient rendre infalliblement. Mais Dieu ne voulut pas leur faire
 pour lors ceste faueur, ny punir encore ce brigant des pilleries &
 meschancetez qu'il auoit exercées. Toutesfois la diuine vengeance
 ne tarda pas long temps à le chastier comme il meritoit. Car l'an-
 née suyuant 1600. il fut de rechef assiegé dans la mesme forteresse,
 & serré de si pres, qu'il fut contraint de se rendre à la disposition
 du Zamorin; lequel le liura entre les mains du Capitaine André
 Hurtade de Mendoza, qui commandoit lors en ceste armée aux

*Trop grā-
de outre-
cuidance
cause de
leur perte*

*Prognos-
tiques du
malheur
qui leur
aduins.*

*Mort bœ-
seuse de
Cunahat.*

Portugais: & fit en sorte qu'il fut mené à Goa, ou il eut la teste tranchée, & mourut honteusement sur vn eschaffaut, en payement de ses brigādages, ainsi qu'il sera dit au supplément de cest'histoire, Dieu aydant. Tel estoit l'estat des affaires du Royaume de Calecut, au mois de Mars, l'an 1599. selon les lettres qui en furent escrites par nos Peres qui estoient là. Maintenant il est temps de mettre fin à ceste coste Occidentale de l'Inde, traictant de ce qui est aduenue au Royaume de Cambaya, qui est le dernier de l'Inde, commençant du costé d'Orient: mais le premier vers l'Occident.

*DE LA FONDATION DES COLLEGES DE
Bazain, & de Daman, qui sont au Royaume de Cambaya,
& ce qui a esté faict en iceluy pour l'aduance-
ment de la foy.*

CHAP. XVI.

*Royaume
de Cam-
baya, &
ses cōfins.*

LE Royaume de Cambaya est le premier de l'Inde, qu'on rencontre venant de Portugal, & des autres parties du Ponant. Il confine de ce costé là avec les Nautiques où Gedrosiens; du Nort aux Royaumes de Sanga, & Dulcinde; du Midy à la mer, & aux confins de Decan; & du Leuât à vn païs qu'on appelle Mandoa. Les habitâs sont communémēt nommez Guzarates, l'on ne sçait pourquoy. La principale ville s'appelle de mesme, Cambaya, où Cambayeta. Les Portugais ont sur la coste de ce Royaume trois villes, & fortereffes, c'est à sçauoir à Diu, Daman, & Bazain. Diu est vne ville située en vne Isle, qui est sur la plus Occidentale emboucheure du fleuve Indus: cinquante lieuës plus auant vers l'Orient, est l'autre ville nommée Daman, que le Viceroy D. Constantin conquist à la couronne de Portugal l'an 1559. en la façon que nous dirons cy apres. Quatorze lieuës par dela Daman, tirant tousiours au Leuant, est celle de Bazain. En toutes ces villes nostre Compagnie y a des maisons ou Colleges, bien que à Diu l'on n'y a pas eu de logis asseuré, sinon depuis l'an 1600. & parce que c'est hors du terme prefix à ceste histoire, nous n'en dirons rien iusques au supplément d'icelle.

*Puissance
du Roy de
Cambaya*

Or le Roy de Cambaya estoit si puissant lors que les Portugais arriuerent es Indes; que quelque temps apres il mit en campagne contre la Royne de Sanga vne armée de cent cinquante mille cheuaux, & cinq cens mille pietons, ainsi qu'asseurent les historiens. Aussi resista-il aux Portugais avec vne merueilleuse puissance, selon

*Maffins
lib. 11.*

qu'on peut voir en l'histoire du siege de Diu, qui est l'un des plus fameux de nostre temps. Mais nonobstant tous ses efforts les Portugais gagnerent en fin sur luy ces trois villes, que nous auons dit, esquelles ont esté fondées quelques Residences de nostre Compagnie en diuers temps. La premiere de toutes fut celle de Bazain cōmancée l'an 1549. par le P. Melchior Gonzales, qui fut enuoyé là par le B.P. Xavier, pour ayder les Portugais en ce qui concernoit le salut de leurs ames, & s'employer par mesme moyen à la conuersion des Infideles. Ceste maison fut par apres erigée en College l'an 1560. Mais tandis que le P. Melchior demeura là, il y conuertit dans peu de temps à la foy de nostre Seigneur vn bon nombre de Gentils, & fit mettre par terre beaucoup de Pagodes. Il fit aussi bastir vne Eglise à l'honneur de nostre Dame l'an 1551. en vn gros bourg nommé Taná ou Tanaá, qui est quatre lieuës loing de la ville de Bazain, en vne Isle appelée Salsete, de mesme que ce païs qui est proche de Goa, duquel a esté cy deuant parlé: mais afin de distinguer ceste Isle de l'autre, on l'appelle Salsete de Bazain. Icy encore outre l'Eglise qu'auons dit, le mesme Pere fit bastir vn logis, afin d'y esleuer & instruire quelques ieunes enfans originaires du païs, pour la fin & occasion que nous deduirons bien tost. A vne lieuë de Taná en la mesme Isle de Salsete de Bazain, le P. Gonzale Rois, qui succeda au P. Melchior, trouua vn Pagode, où temple fort somptueux & magnifique, tout elabouré à la Romaine, là où les Gentils adoroient leur fausse & monstrueuse Trinité des Idoles Brainhaa, Visnuu, Macesu, sous la figure d'un corps humain à trois testes. Car c'est vn des erreurs que les Brachmanes leur preschent, disans que la premiere cause, qu'ils nomment Perabama, eut ces trois enfans, ausquels il communiqua sa diuinité. Et jasoit qu'ils soient trois, ils disent neantmoins qu'ils sont si conformes de volôrté, qu'il semble que ce n'est qu'un. Et pour monstrier cela, les Brachmanes portent trois filets, attachez à vn seul neud, qui leur pendent de l'espaule droicte sur le costé gauche: & c'est la principale marque de leur superstition, ainsi que nous auons veu au Roy de Tanor. Ils content beaucoup de fables de ces trois Pagodes, que ie laisse à part, pour ne meriter pas d'estre rapportées icy. Ce temple donc dedié à ceste feinte Trinité estoit situé en vne valée fort plaisante: car elle estoit embellie d'un infinité d'arbres qu'il y auoit d'un costé & d'autre; mais tout à l'entour du temple on voyoit trois belles fontaines, & aurant

*College de
Bazain.*

*Taná
bourg en
l'Isle de
Salsete
de Bazain.*

*Trinité
fabuleuse
des In-
dois.*

*Marque
des Bra-
chmanes.*

*Temple
dedié à
cette sein-
te Trinité*

d'estangs pleins d'eau, qui seruoient anciennement de lauoirs pour ceux qui venoient là en pelerinage. Car jadis c'estoit vn Pagode des plus fameux & frequentez de toute l'Inde. Toutesfois depuis que les Portugais se rendirent maistres de Bazaïn & des lieux adjacens, nommément de ceste Isle, ou estoit ce Pagode, ils osterent ceste superstition. Le Pere donc voyant que ce temple ne seruoit de rien, le demanda pour le consacrer à la vraye & Tres-saincte Trinité, que nous adorons & croyons; & afin que ce lieu ne demeurat desert, il achepta de quelques aumosnes qu'on luy donna, les terres proches d'iceluy, ou il fit vne nouuelle peuplade de plus de cinq cēs Chrestiens, tous laboureurs, lesquels cultiuiotent ces terres, & viuoient de là avec grande paix & tranquillité, seruans Dieu fort deuotement, ainsi que nous dirons cy apres. Il y a encor en la mesme Isle vn bourg de trois ou quatre mil habitans, nommé Bandora, lesquels sont maintenant tous Chrestiens, comme aussi à Tana, qui sont les deux lieux de ceste Isle ou les nostres font leur demeure ordinaire: & en y a en chacun quatre, mais au College de Bazaïn ils sont quatorze ou quinze, tellement qu'ils pourront estre en tout 26. ou enuiron; lesquels s'employent partie au profit & aduancement spirituel des Portugais habitans de ladite ville: partie à la conuersion des Infideles, faisant des courses tantost deçà, tantost de là; partie aussi à instruire la ieunesse, ainsi qu'il sera dit bien tost. Or laissant à part le fruit qu'ils ont fait enuers les Portugais, pour l'amendement de leurs vies, mesmes assoupissant beaucoup de querelles qu'il y a souuent parmy les soldats: pour regard de la conuersion des Infideles, ils y ont si bien travaillé, qu'assistez de la grace de Dieu, ils ont gaigné à Iesus-Christ presque tous ces peuples là, parmy lesquels ils resident: si bien, qu'il n'y a quasi point où fort peu de Gentils es lieux ou il y a quelque demeure des nostres. Et afin de n'ennuyer le Lecteur si ie comptois en particulier chaque année, combien il y a eu de baptisez, ie mettray seulement icy le nombre que i'ay recueilly de quelques années. L'an donc 1588. il y eut neuf mille quatre cens personnes baptisées, tant au College de Bazaïn, qu'es lieux de residence qui en dependent. L'an ensuyuant à Bazaïn seulement il y en eut mille trois cens; l'an d'apres quatre cens. Et ainsi consecutiuellement le nombre decroissant, parce que la pluspart desia s'estoient rendus Chrestiens. A Bandora tous le sont maintenant; de façon qu'il n'y a aucun vestige ny marque de leur ancienne superstition: & ne s'y baptise plus personne de gens d'a-

Est consacré à la vraye & tres-saincte Trinité.

Bandora bourg de Salfet de Bazaïn.

Nombre des baptisez en quelques années.

ge, sinon ceux qui y viennēt d'autres lieux. De mesme est-il à Tana & en quelques autres bourgs ou villages de ceste contrée. Au College de Bazain il y a deux classes. En l'une on monstre à lire & escrire : en l'autre l'on enseigne la langue Latine. On y a pareillement establi vn *Seminaire*, comme à Tana, pour nourrir & esleuer *re à Bazain & à Tana.* quelques ieunes enfans du païs en la vertu & aux lettres: afin qu'estans deuenus grands, & apres auoir bien profité tant en l'un qu'en l'autre, ils soyent promeus aux Ordres sacrez, & seruent de Prestres & de Curez à ceux de leur nation. On tasche tant qu'on peut de choisir des enfans nobles de race, & qui ayent vn bon naturel : car on a experimenté que ceux-là reüssissent mieus, & sont plus profitables à l'Eglise que les autres. Ce qui ayde aussi beaucoup à ce qu'on leur porte plus d'honneur & de respect. Nous auons à Bazain puissance des Vicerois de l'Inde, de prendre les ieunes enfans orphelins, pour les instruire en la foy Chrestienne, bien qu'ils soient extraits de parens infideles, pourueu toutesfois que lesdits enfans s'y accordent. Et par ce moyen on en retire beaucoup des mains de leurs parens Idolatres, qui les voudroient esleuer en leur ancienne superstition. Or comme il n'y a iamais manque de quelque Satā, qui tasche d'empescher & troubler le bon succez de la Chrestienté, il y auoit à Bazain vn certain Payen fort riche & puissant, *Payé fort pernici-* mais au reste fort zelé à sa superstition. Et parce qu'il estoit homme entendu aux affaires, & qui auoit de grands moyens, se sentant appuyé de la faueur de plusieurs, & mesme de ceux, qui gouernoient, il se monstroit fort audacieux, s'opposant tant qu'il pouuoit à l'aduancement de la foy Chrestienne: si que non seulement il empeschoit que ceux de sa secte ne se rendissent Chrestiens, mais aussi taschoit de faire retourner en arriere ceux, qui desia auoient esté baptisez. Et comme il auoit beaucoup de moyens, il fournissoit argent & autres commoditez, à ceux qui renioient la Foy de nostre Seigneur : faisant aussi en sorte que les Brachmanes pardonnassent l'amende à ceux, qui apres auoir delaisné leur superstition retourneroient vers eux. Bref il s'efforçoit par tous moyens de maintenir l'impieté en son regne, & d'amoindrir de plus en plus le troupeau de Iesus-Christ. Nos Peres voyans les dommages, que ce loup rauissant apportoit à la bergerie de l'Eglise, taschent de faire en sorte qu'il n'eut moyen de nuire dauantage : tellemēt qu'il fut saisi par la Iustice, & encoffré dans vne prison, là où il pouuoit bien hurler, mais non pas endommager les brebis de no-

Est mis en prison.

stre Seigneur. Et jasoit que quelques vns, mesmes des Portugais, s'efforçassent de le faire relascher (de façon qu'il y auoit danger de quelque esmeute dans la ville) toutesfois cela fut bien tost appaisé par l'autorité & puissance de ceux, qui l'auoient en leurs mains.

*Un autre
qui de
persecu-
teur se re-
dit Chre-
stien.*

Vn autre aussi puissant & pernicieux ennemy de la Foy que ce-
stui-cy, se voyant de tous costez assiégé de maux, effrayé par la ter-
reur, que luy donnoit sa mauuaise conscience, l'accusant de ses for-
faits, & craignant encore vne plus griesue punition de Dieu, reso-
lut non seulement de se deporter deslors de persecuter son Egl se,
mais aussi de se joindre à icelle, embrassant avec toute sa famille,
la Religion Chrestienne: ce qu'il fit au grand contentement de
tous les Chrestiens. Il y auoit encore vn autre Brachmane de secte,
lequel portoit vne si grande haine à la Foy, qu'il ne laissoit escou-
ler aucune occasion, qu'il peut trouuer, de nuire ou porter quel-
que dommage aux Chrestiens. Mais nostre Seigneur d'un grand
persecuteur de son Eglise, en fit vn membre d'icelle: car il se fit Chre-
stien de son propre mouuement, aydé & assisté de la grace diuine.

*Vn Brach-
mane fort
ennemy
de la foy
est conuer-
ty à icelle*

Ces trois obstacles estans ostez, l'accroissement du Christianisme
reprit son cours: car ceux qui estoient enclins à recevoir le baptes-
me, se voyans deliurez de crainte, eurent plus de hardiesse de se de-
clarer: si que l'an 1595. le nombre de ceux, qui vindrent au baptes-
me, fut bien grand. Car le iour des vnze mille Vierges, qui est la
feste de nostre Eglise, il en y eut cinq cens de baptisez, & entre au-
tres quelques vns, qui estoient gens de moyens, & de fort noble ra-
ce. Ce qui donne grand courage aux autres de moindre qualité, &
les incite à se ranger au troupeau de nostre Seigneur, quand ils
voyent les principaux des leurs se rendre. Durant le reste de l'an-
née il en y eut enuiron huiet cens, seulement en la ville & cité de
Bazaïn, sans compter ceux qui furent baptisez és autres Eglises,
desquelles les nostres ont charge. Car le iour qu'on celebre la feste
du patron de chasque Eglise, on a de coustume d'y faire quelque
insigne baptesme.

*Grand nom-
bre de gens
convertis
à la foy.*

Il y eut aussi tout vn village en ladite Isle de Salsete nommé Ma-
rol, duquel depend le gouuernement de cinquante sept autres, le-
quel se conuertit à la foy, & à l'exemple d'iceluy, autres treize vil-
lages, qui estoient de son ressort, firent le mesme. Les habitans de
Marol furent baptisez l'an 1588: la veille de l'Assomption N. D.

*Guerison
miracu-
leuse par*

Il aduint aussi l'an 1582. que plusieurs en vn certain village re-
ceurent la guerison du corps avec celle de l'ame, soudain qu'ils eu-

rent

rent esté baptisez. Ce que voyans les autres villageois prièrent le Seigneur du lieu d'enuoyer querir nos Peres: afin qu'ils donnassent la santé, tant aux ames, que aux corps de ses sujets. Là entr'autres il y eut vn petit enfant, duquel on n'auoit presque aucune esperance qu'il vescu dauantage, toutesfois ayant esté baptisé, il se porta bien. L'an 1591. certain Gentil, qu'on instruisoit en la Foy, tomba si griefuement malade, qu'on pensoit qu'il mourut: & comme il tiroit à sa fin, selon l'aduis d'vn chacun, on le porta à l'Eglise de nostre Dame des Graces (c'est vn lieu ou se font beaucoup de miracles) ayant esté illec baptisé, il se leua soudain sur ses pieds, & sans estre aidé de personne, commence à marcher avec l'estonnement des assistans, qui faisoient retentir toute l'Eglise des loüanges diuines, & actions de graces, qu'ils donnoient à nostre Seigneur & à sa sainte mere. Pareille grace fut oütoyée a trois autres personnes, à qui l'eau du S. baptême donna la vie de l'ame & la santé du corps tout ensemble. Mais à la residence de S. Thomas, qui est a demye lieuë de Bazain, vn certain personnage atteint d'vne maladie incurable, selon que les medecins mesmes confessoient, fut neantmoins gueri bien tost, apres qu'vn de nos Peres eut recité sur luy l'Euangile qu'on a accoustumé de dire sur les malades.

A Bandora l'an 1590. deceda vn de nos Peres nommé Emanuel Gomcz aagé de soixante trois ans, desquels il en auoit employé trente seruant Dieu en la Compagnie, & trauaillant en l'aduancement de ceste Chrestienté: si bien qu'il mourut accablé de maladies & de trauaux, plustost que de vieillesse. Il estoit extremement desireux de la cōuersion de ce peuple; aussi l'aduāça il de sorte que de tant de milliers de Chrestiens, qu'il y a en ceste Isle, la moytié le recognoissoiēt pour leur maistre & precepteur, & choses de la foy: & tous le tenoient au lieu de Pere: & non sans cause; car il les pouruoyoit tous de nourriture, tant spirituelle que corporelle. Il estoit tres-bien versé en la langue du païs, & aux mœurs, coustumes, & superstitions ancienes d'iccluy, tellement qu'il les refutoit avec grande force, & efficace. Il auoit principalement charge de l'Eglise de Bandora, laquelle il ornoit, & embellissoit à merueilles, & bien souuent de sa propre main. En cela estoit il magnifique & liberal, comme aussi à traicter les Religieux, qui passoiēt par là, tant de nostre Compagnie, que autres: enuers lesquels il vsoit de grande largesse, bien que pour son particulier il vescu fort à l'estroict. Outre la charge de l'Eglise de Bandora, il auoit aussi soing d'amasser

Deux des
P. Emanuel
Gomcz.

quelques rentes, qui estoient là destinées pour le College de Gon,
Ses ver- & pour quelqu'autre du Japon. Si est-ce que parmy ces triques ni-
ties. ques il estoit tousiours à foy, ayant son esprit si reposé comme s'il
 n'eut point eu d'affaires. Au reste il estoit homme de si peu de
 paroles, qu'on pouuoit bien dire de luy en certaine façon, ce que
 Spintharus Tarentin disoit de Epaminondas, qu'il n'auoit point
 veu homme plus sçauant, ny plus court en paroles que luy. Car de
 faict on en trouuera peu, qui fissent tant, & parlassent si peu que ce
 Pere. Aussi void on communement que les plus profondes riuieres
 coulent plus bellement, & sans faire grand bruit. En suite de ce,
 il estoit si humble qu'il ne voulut jamais estre Prestre, s'iaon lors
 qu'il y fut contrainct par le commandement des Superieurs, & ce
 tant seulement sept ans auant sa mort. Il disoit si deuotement la
 Messe, qu'il esmouuoit grandement les assistans à deuotion. Il estoit
 tellement maistre de ses passions, qu'encore bien qu'il fut d'une na-
 ture vn peu bilieuse, si est-ce qu'il se monstroient enuers tous fort
 doux & debonnaire. Brief c'estoit vn homme fort candide & ou-
 uert sans aucune feintise ny dissimulation. C'est aussi avec telles gés
 que Dieu se plaist, & avec lesquels il conuerse volontiers. Aussi
 estoit il tellement cloüé avec Dieu, que les occupations exterieu-
 res ne l'en pouuoit distraire, & lors qu'il resuoit en sa dernière ma-
 ladie, quatre iours auant sa mort il ne parloit que de Dieu & des
 choses celestes, monstrant bien par là, ce qu'il auoit le plus engraué
 dans son ame. Il souhaitoit merueilleusement d'estre deslié de ce
 corps mortel, pour aller regner eternellement avec Iesus Christ. Et
 c'est ainsi que les grandes ames sortent de ce corps terrestre & mi-
 serable. Voyla quant au trespas du P. Emanuel Gomez: disons vn
conuersio mot de celuy d'un certain vieillard qui fut diuinement appelé a la
remarqua foy, vn peu auant qu'il ne mourut, car c'est vn traitt de la diuine
ble d'un predestination fort remarquable. Le P. Gonzale Rois, qui fut le se-
vieillard, cond ouurier de nostre Compagnie, en ces quartiers là, comme a
 esté dit cy dessus, escrit que de son temps vint à Tanà vn fort hon-
 norable vieillard, lequel monstroient estre desia bien aduancé en aage,
 & fort proche de sa fin. Il estoit neantmoins venu des plus loingtains
 quartiers de la terre ferme de ce Royaume, avec beaucoup de tra-
 uail, comme il est croyable. Car il estoit si extenué, qu'il sembloit
 n'auoir que les os & la peau: laquelle estoit si rude, & si aspre, qu'on
 eut dit que c'estoit le cuir d'un chameau. Il en y a qui disent, que
 c'estoit vn de ces logues, ou hermites Indiens, qui passent leur

vie dans des petites loges qu'ils se font sur les arbres, comme des ^{lib. 2. de} nids d'oyseau, à fin de se garantir des bestes sauvages, & pour ^{les misie} medier ^{nes 6. 32.} là plus à recoy les choses diuines, & celestes, bien qu'ils soient de la sorte exposés aux iniures du temps. On dit qu'ils gardent vn silence si estroict, qu'à peine parlent-ils à personne: bien qu'avec cela ils ayent des disciples qui leur obeyssent à vn seul clein d'œil. La plus part d'iceux, à ce qu'on tiert, sont grands forceiers, & ont estroictte familiarité avec le Diable, lequel apres leur auoir faict endurer en ce monde vne infinité de miseres, pauuretez, & incommodez, sans aucun gain ny profit, pour les auoir plustost en sa puissance, & les bourreller eternellement en enfer, leur persuade qu'ils se tuent eux mesmes, ou se fassent tuer à leurs disciples. Et pour ce lors que leur grand maistre le Diable leur commande, ils s'embarquent dans vne nacelle avec leurs disciples, & apres qu'ils sont venus en haute mer, ils leur commandent de les precipiter dās l'eau. Aquoy les disciples obeyssent promptement, & apres auoir faict ce bel exploit à l'endroict de leur maistre, ils s'en vont à la riue, & attendent là iusques à ce que la mer ayt reietté son corps. Si tost qu'ils l'ont trouué ils l'ensepuelissent fort honorablement en ce mesme lieu, où bien pres de là, & bastissent illec vne chappelle à son honneur, ou il est reueré & tenu comme sainct. Or si ce vielard, duquel nous parlons, estoit de ceste secte où non, ie m'en remets, à tout le moins, s'il en estoit il luy restoit bien peu pour venir à ce dernier acte & periode de sa vie. Mais nostre Seigneur l'appella à sa cognoissance, & luy donna vne fin plus heureuse que cela. Car estant venu, comme nous auons dit, si accablé de vieillesse, & de miseres, qu'il sembloit que l'ame n'estoit retenue dans le corps, si non pour effectuer ce, à quoy Dieu l'appelloit; incontinent qu'il fut arriué à Taná, il demande qu'on le fit Chrestien. Le Pere n'escrit pas, & peut estre n'eut il pas le loisir de sçauoir de luy, ce qui l'auoit esmeu à venir de si loing; car il pressoit si fort, & insistoit tellement en sa demande, qu'à peine eut on loisir de l'instruire, & catechiser; bien que soudain qu'il fut arriué, le Pere luy explicat les articles de la Foy, les commandemens de Dieu, & autres choses de la doctrine Chrestienne. Mais le lendemain il se mit de rechef à prier instamment le Pere, qu'il le fit Chrestien au plustost. Car ie cognois (dit il) qu'il ne me reste guere plus de vie. Le Pere luy dit pour lors, si vous croyez fermement en Iesus Christ, ie suis content de vous baptiser tout à cest heure. Et qui est Iesus Christ, fit le bon vielard, comme

l'aveugle mentionné en l'Euangile, à fin que ie croye en luy? Le Pere adonc le mene deuant vn retable, où estoit taillée en bossé l'image de la vierge Marie avec le petit enfant Iesus entre ses bras, & luy ayant déclaré le mystere de l'Incarnation du fils de Dieu au ventre sacré de la vierge, il luy dit que c'estoit l'image de Iesus-Christ. Ce bon vieillard plein d'une incroyable liesse, commença à l'embrasser, & le baiser avec vne telle deuotion, qu'il la causoit encor es assistans. Le Pere voyant cela, & craignant qu'il n'y eut du danger à le faire attendre dauantage, fut d'aduis de le baptizer ce soir mesme, & le lendemain matin cest heureux vieillard rendit l'ame à Dieu, fraichement lauée dans le precieux sang de Iesus-Christ.

On fait au mesme lieu de Taná vn grand seruice à Dieu, & vn bien nonpareil à plusieurs ieunes enfans, qu'on achepte de leurs parens Gentils, qui les vendent souuent à fort vil pris: car c'est vne coustume ordinaire des Gentils en l'Inde, que lors qu'ils se

*Coustume
barbare
de vendre
les enfans.*

sentent trop chargez d'enfans, ou que la necessité les contraint, ou bien quand les deuins ont donné la male aduenture à leurs enfans, ils les vendent, pour estre esclaves de ceux qui les acheptent. Le P. Gonzale Rois, voyant que les Sarrafins en acheptoient la plus-part, & les faisoient apres circoncire, pour estre aussi serfs & esclaves de Mahomet, & du Diable, estoit fort marry de la perte de tant d'ames: & desirant les retirer de la puissance de Satau, pour les rendre à celuy, qui les auoit créez & racheptez au prix de son sang, mais n'ayant dequoy pour payer le prix, qu'il faillloit bail-
*vil prix
d'eux.*

ler, bien qu'il fut fort petit (car ils ne coustoient pas plus de dix-huict sols chacun, & quelquesfois on les auoit pour dix ou douze) il alloit demander l'aumosne aux Portugais, qui estoient là habitez: laquelle ils luy donnoient fort volontiers, & de là il acheptoit ces enfans des Payens, pour les faire enfans de Dieu par le baptisme; & à plusieurs d'iceux est aduenue, que bien tost apres ils ren-
*Plusieurs
sont ache-
ptez du
P. Gon-
zale pour
estre de li-
vrez de
la puissance
de Sa-
tan.*

doient l'ame à nostre Seigneur, racheptez pour si peu de la puissance du Diable, & faits heritiers du ciel. Les autres qui suruiuoient estoient esleuez & instruits en la doctrine Chrestienne. Que s'ils monstroient auoir de l'esprit, tellement qu'on les jugeat propres aux lettres, on les leur faisoit apprendre, ou autrement quelque mestier, avec lequel ils eussent moyen de gagner honnestement leur vie. Vne bonne partie d'iceux apprenoit à cultiuier la terre. Et à ces fins on leur auoit baillé vn grand champ, qui est tout aupres de l'Eglise de la Trinité, pour labourer. Or de ce qu'on en retire

l'on nourrit les autres petits enfans, qu'on achepte. Les orphelins aussi, les veſues, & autres neceſſiteux en ſont aydez, nommément ces bons laboureurs Chreſtiens, qui ſe tiennent aupres de ladite Eglise : leſquels à la verité ſeruent de honte & de conſuſion à pluſieurs Chreſtiens de deçà. Car ils ſçauent tresbien leur Catechiſme, & le chantent d'ordinaire en labourât la terre. Sur le ſoir apres qu'on a ſonné l'*Aue Maria*, ils ſ'aſſemblent tous à l'Eglise de la Trinité, là où ils rapportent entr'eux, ce qu'ils ont appris des ſermōs ou de la doctrine Chreſtienne. Es principales feſtes, ils font des proceſſions fort deuotes, eſquelles les petits enfans, qu'on nourrit & eſleue dans ceſte maiſon, (comme a eſté dit) vont chantans fort deuotement des hymnes & cantiques à la louange de Dieu. Ces meſmes enfans vont encore aux enterremens des Chreſtiens, ſous la banniere de la croix, & chantent cependant l'office des Morts. Or afin qu'on voye combien ſert la bonne education, & nourriture de la ieuneſſe, ie raconteray icy vne choſe, qui aduint l'an 1554. à vne trentaine de ieunes enfans, qui auoient eſlé nourris & eſleuez au College de Bazain, leſquels ſ'en retournans à leur pays furent prins dans vn nauire, que les Mahometains inueſtirēt, & ſ'en eſtans rendus maiſtres, le ſaccagerent & pillerent, prenans à ſerfs & eſclaves pluſieurs, qui eſtoient dedans, & entr'autres tous ces ieunes enfans. Or comme les Sarraſins ſçeuſent qu'ils eſtoient Chreſtiens, ils employerent tous leurs efforts, pour leur faire renier la Foy de Ieſus-Chriſt, & embrasser la ſecte damnable de Mahomet. Au cōmancement ils y procederent par allechemens & promeſſes, puis par menaces : mais voyans qu'ils n'aduançoient rien, ny par vn moyen, ny par autre, ils les deſpoüillèrent tous nuds, & les fouëtterent cruellemēt; puis leur font degouſter de la graiſſe ſur la chair, comme qui ſlanbe vn cochon : neantmoins tous ces tourmens & autres, deſquels ils les bourrelèrent, ne furent pas baſtans pour leur faire changer de volōté. Si bien que les Mahometains eſmeruilez de leur conſtance, en prindrent vn d'iceux, & par force le circonciſerēt, luy voulās avec ce faire accroire qu'il n'eſtoit plus Chreſtien; mais l'enfant qui eſtoit bien inſtruit, leur reſpondit fort diſcrettement, qu'encor bien qu'ils luy euſſent enſaly le corps avec leur circonciſion, ils n'auoient point pourtant touché à l'ame, & qu'il eſtoit aſſeuré que pour cela il ne laiſſoit pas d'eſtre Chreſtien auſſi bien que deuât. Mais pour cognoiſtre mieux cōme les voyes, deſquelles Dieu ſe ſert quelquefois, pour ramener au chemin de

*Deuotion
de quel-
ques la-
boueurs
Chreſtiens*

*Conſtance
de trente
ieunes en-
fans pris
des Maho-
metains.*

*L'un d'eux cir-
concis par
force.*

*Conuerſio
remar-
quable
d'un Chre-
ſtien qui
auoit eſté
long tēps
avec les
Infideles.*

ſalut les ames bien loing quelquefois eſgarées d'iceluy, ſont admirables; j'adjouſteray icy vn cas bien remarquable d'un ieune homme, lequel eſtant né en Europe, & ayant eſté fait eſclaue avec ſon pere & ſa inere par les Sarralins, fut nourry parmy eux & les Payens la pluſpart de ſa vie, car il eſtoit ſi ieune lors qu'il fut pris, qu'à peine ſe ſouuenoit-il de ſon païs. Or combien que durant ſa captiuité, ſa bōne mere l'inſtruiſoit en la foy Chreſtienne le mieux qu'il luy eſtoit poſſible, & le conjuroit que quand il ſeroit venu grand, il taſchat de ſortir de là, & s'en allat tenir en quelque lieu, où il y eût des Chreſtiens, afin de pouuoir exercer librement ſa religion, & par ce moyen ſauuer ſon ame: toutesſois ſes pere & mere eſtans decedez, & luy demeuré encore fort ieune, comme il ſe nourriſſoit touſiours parmy les Sarralins, auſſi receuoit-il les impreſſions de leurs mauuais exemples, & meurs depraues, bien qu'il eut touſiours vn remords de conſcience tant à cauſe des pechez, qu'il auoit commis en ſa ieuneſſe, que pour la ſouuenance des propos que ſa bonne mere luy tenoit, & de ce qu'elle luy auoit tant recommandé: ce qui luy cauſoit vn double tourment. En fin il vint à ſe reſoudre de chercher quelque moyen pour ſortir de ce païs, combien qu'il y trouuoit tant de difficultez qu'elles luy faiſoient preſque perdre courage. Mais Dieu qui vouloit ayder ceſte ame à ſortir de cet eſtat miſerable, luy donnoit vn grand deſir de s'expoſer à tous perils & dangers pour ſe mettre en franchiſe, tellement qu'il reſolut de ſaillir hors de là, à quel prix que ce fut. Il monte donc ſur mer avec pluſieurs Sarralins, qui s'en alloient à la Mecque, viſiter le ſepulchre de Mahomet: & en paſſant pres de l'Iſle de Diu, comm'il vid vne ſuſte de Portugais, qui eſtoit-afſez loing de ſon nauire, il va penſer à part ſoy, que s'il laiſſoit eſcouter ceſte occasion qu'il n'en trouueroit poſſible autre en toute ſa vie. Auſſi toſt voilà qu'il ſe deſpoüille, ſaute dans l'eau, & ſe met à nager vers le nauire des Portugais. Ceux du vaiſſeau, auquel il s'eſtoit embarqué, ne ſçachans où il alloit, ny pourquoy il ſe jettoit dans la mer, eſtoient bien eſtonnez: mais les Portugais le voyans venir vers eux, ne le furent pas moins. Toutesſois ils l'attendirent & le receurent dans leur ſuſte, où il leur raconta tout le diſcours de ſa vie, & ce qui l'auoit pouſſé à ſe rendre vers eux, dont ils furent grandement conſolez, & de là ils le menerent au College de Bazain, où il veſcut deſlors en auant avec tref-grande conſolation & contentement d'eſprit. Mais c'eſt afſez parlé de la ville de Ba-

zain : venons à celle de Daman, qui n'en est que quatorze lieues loing sur la mesme coste de Cambaya, tirant au Nort, là où nous auons vn College, la fondation duquel est bien remarquable, & aduint en ceste sorte.

L'an 1559. Don Constantin fils du Due de Bregance estant Vi-^{Entreprise de Don}ceroy de l'Inde fit vne entreprise sur la ville de Daman, qui appar-^{Constantin}tenoit lors au Roy de Cambaya, lequel pendant ceste saison estoit ^{sur Daman}en guerre avec les Portugais. Or ayant fait desembarquer son armée sur la pointe du iour le second de Feurier, auquel on celebre la feste de la Purification de nostre Dame, avec deliberation d'aller soudain attaquer la ville & les Sarrazins, qui la defendoient, il estima que la chose ne se pourroit excecuer si promptement: de façon qu'il fit prendre la refection ordinaire aux soldats, & à toute l'armée de grand matin, auant que donner dedans. Mais la crainte & frayeur que les ennemis conçurent, racourcit le temps, qu'on pensoit employer à gagner la ville. Car soudain qu'ils entendirent les tambours, fifres, trompettes, & clairons de l'armée Portugaise, & qu'ils veirent leurs enseignes desployées, ils se mirent tous en fuite. Si que le Viceroy & toute l'armée entra dedans sans aucune resistance. Et patec qu'il y auoit encore du temps assez, pour pou-^{Heureuse} uoir dire la Messe, que le Viceroy desiroit fort entendre, & la faire dire pour rendre graces à nostre Seigneur, & à la Vierge sa sainte merc, au secours, & assistance de laquelle apres Dieu, il attribuoit vn si heureux suecez; il fit tout aussi tost nettoyer & purifier la Mosquée principale, que les Sarrazins auoient dans la forteresse, pour y faire celebrer avec solemnité les mysteres sacrez. Or iasoit qu'il eut amené en son armée, vn bon nombre de Prestres, tant Se-^{conquête}culiers, que Reguliers: toutesfois il ne s'en trouua point, qui n'eust prins la refection avec les soldats ce iour là, excepté le Pere Gon-^{P. Gon-}zale Sylueira de nostre Compagnie, qui estoit lors Prouincial de ^{zale Syl-}l'Inde: & auoit accompagné le Viceroy en ceste expedition, ayant ^{ueira no-}esté prié de ce faire par luy mesme: car il luy portoit grande affe-^{ble de ra-}ction. Aussi estoit-ce vn personnage non seulement illustre en ex-^{ce mais}traction (car il estoit fils du Comte de Sortella) mais beaucoup plus ^{plus en-}recommandable, pour ses rares vertus & qualitez, comme nous di-^{vertu.}rons plus amplement au 3. liure, où nous raconterons son martyre par lequel il finit heureusement sa vie au Royaume de Monomotapa. Le Viceroy donc scachant qu'il estoit luy seul encore à jeun, & disposé pour cet office, en fut bien aise, & le pria de les vouloir

consoler, offrant à Dieu le saint sacrifice de la Messe, en action de graces, pour vne si heureuse conqueste: Ce qu'il fit tres-volontiers. La Messe donc fut dite & chantée avec grande solemnité en musique, tant de voix que de diuers instrumens. Et apres icelle le Pere alla trouuer le Viceroy, qui luy dit avec vne chere joyeuse, en presence des Gentilshommes & Capitaines, qu'il auoit autour de soy, que puis qu'il s'estoit trouué luy seul disposé pour prendre ce iour là, possession de la Mosquée de Mahomet, au nom de Iesus-Christ, nostre Sauueur, qu'il estoit aussi raisonnable que la Compagnie du mesme Iesus demeurat en la possession d'icelle: & partant qu'il la donnoit par autorité du Roy, pour seruir d'Eglise & de maison à ceux de sa Compagnie. Le Pere donc en print possession deslors, & l'on y a tousiours depuis demeuré, trauallant pour le bien & profit des habitans, tant Portugais, que des Gentils, Sarrazins & autres Infideles, desquels en y a eu plusieurs, qui ont esté conuertis à la foy Chrestienne. Entr'autres fut icy baptisée vne fort noble Dame, mariée avec vn des principaux Mahometains de la ville, qui auoit esté autresfois Gouverneur d'icelle: mais comm'il sceut, que sa femme vouloit embrasser la foy Chrestienne, il en fut extremement fâché; & tascha par tous les moyens, dont il se peut aduiser, de l'en diuertir. Car il enuoya premierement vn autre Sarrafin homme de marque, pour luy parler (d'autant qu'elle s'estoit retirée chez vne Dame Portugaise, sous la protection & sauuegarde du Capitaine de la forteresse de Daman: afin que son mary ne l'empeschât d'executer son desir.) Le Sarrafin ayant eu moyen de luy parler en presence toutesfois du Capitaine, & d'vn de nos Peres, qui l'auoit catechisée, & de beaucoup d'autres personnes; luy met en auant la noblesse de son sang, le grand pouuoir que son mary auoit, ses moyens & richesses, les plaisirs & delices, dont elle jouissoit estant chez luy, l'honneur avec lequel il la traictoit. Mais tous ces respects & autres, que le Sarrafin luy representa, ne troublerent nullement le cœur noble de ceste Dame: ains sans faire cas de luy, ny de ce qu'il auoit dit, l'en renuoye plein de honte, & de confusion. Le mari voyant que ceste premiere attaque ne luy auoit pas reüssi, s'aduise d'y mander la mere de ladite Dame, estimant que ses seules larmes seroient suffisantes pour luy amollir le cœur. La mere donc estant entrée au logis, void sa fille, la baise, & l'embrasse tendrement, espandant beaucoup de larmes, accompagnées de tant de pleurs de sanglots & de telles paroles, qui sembloient pouuoir esmouuoir vn rocher

*Commēt
la Mos-
quée des
Sarrazins
fut donnée
à la Co-
pagnie.*

*Baptisme
d'une no-
ble Da-
me.*

*La con-
science &
fermeté
en la foy.*

*Ne s'en
point de-
pourée
pour les
pleurs de
sa mere.*

à pitié & compassion : Mais ceste Dame estoit si bien ancrée en la crainte de Dieu, qu'elle ne fut point esbranlée pour cela, ains luy respond librement en ces termes. Ma mere (dit-elle) il eust mieux, valu, que vous eussiez amené ma seur quant & vous, & toutes, deux vous fussiez rendues Chrestiennes, comme j'ay fait, que non, pas venir icy, pour m'en diuertir, & me persuader vne chose, qui, est hors de raison. Que si cela ne vous le semble, sçachez que, désormais je ne vous appelleray plus ma mere, ny vous tiendray, pour telle : vous aussi ne me tenez point pour vostre fille dorest, enauant, si vous ne voulez recognoistre pour Pere celui, qui est no, stre vray Dieu & Createur. La mere demeura tellement esbahie, entendant ceste responce, qu'elle ne sceut que repartir, & s'en retourna sans dire mot fort triste & desolée. Ainsi ceste Dame sortit victorieuse de ce combat au grand contantemēt de tous les Chrestiens de la ville Damam. Mais voici vne vocation de Dieu fort remarquable. Il aduint enuiron l'an 1590, qu'un certain personnage, lequel estant Payen auoit peu de temps auparauant embrassé la secte de Mahomet, & se trouuant pres de la ville de Damam, comme, ble. m'il eust esté surpris de la nuit, & ne peut entrer dans la ville, il fut contrainct de coucher emmi les champs. Or tandis qu'il reposoit, il luy sembla voir vn homme vestu d'une robe longue noire, qui luy conseilloit de s'en entrer au plustost dans la ville. Estant esueillé il raconte son songe à vn sien ami, qu'il rencontre en chemin. Cestuy-ci cognut incontinent par son discours, que c'estoit l'habit de quelqu'un de nos Peres, qui luy auoit esté monstré en songe, tellement qu'il luy conseilla de s'en aller de ce pas à nostre college de Damam, & parler à quelque Pere, & là l'aduisa qu'il eust à faire tout ce qu'il luy diroit. L'autre executa promptement ce conseil : si bien qu'apres auoir esté deüement catechisé, il receut le Baptisme, quittant le Mahometisme, qu'il auoit embrassé peu auparauant.

Or par ce que ceux de nostre Compagnie voyagent souuent sur ceste mer, qui arrouse la coste de l'Inde depuis le Royaume de Cambaya, jusques au cap de Commorin : il aduint maintesfois, qu'ils courent de grands hazards & perils de leur vie, tant à cause des tempestes & orages, que pour raison des ennemis. Car ceste mer est fort hantée des Sarrazins, Malabares, & autres ennemis du nom Chrestien, tellement que bien souuent ils y sont pris, & faicts esclaves d'iceux, quelquesfois aussi massacrez, comme appert par

ce qui s'ensuit.

*Martyre
du Pere
François
Lopez.*

L'an 1568. quatre des nostres estans montez sur mer dans vn nauire Portugais, firent récontre de plusieurs autres vaisseaux de Sarrafins : lesquels inuestirent soudain le leur, & le combattirent tout vn long temps. Or jaçoit que la partie ne fust pas esgale, car ils estoient plusieurs contre vn, si est-ce que les Portugais se defendirent vaillamment : & ne cederent jamais à l'ennemy, jusques à ce que le feu s'estant pris par mesgarde à vne caque de poudre, & de là au nauire ils furent contraincts pour se sauuer de se jeter dans la mer, là ou plusieurs d'iceux firent tuez, d'autres faits prisonniers, & entre ceux-là fut vn de nos Peres nommé François Lopez : lequel ils cognurent estre Prestre à cause de la couronne, qu'il portoit à la teste. L'ayant donc retiré de l'eau ils luy firent au commencement tout plein de caresses, pensans l'attirer par ce moyen à suyre leur detestable secte de Mahomet : mais il leur osta bien tost toute esperance de cela : ear il leur dit avec vne merueilleuse constance, qu'ils pourroyent bien luy oster la vie, mais non pas la foy de Iesus Christ, moyennant sa sainte grace, estant resolu d'espandre jusques à la dernière goutte de son sang, plustost que manquer d'vn seul point en la fidelité, quil deuoit à son Createur, & Sauueur. Les Sarrafins entendans ceste responce, furent grandement indignez contre luy : & aussi tost mettent la main à leurs cimeterres, & luy en baillent tant de coups, qu'ils l'estendirent mort sur la place. Telle fut l'heureuse fin du P. François Lopez : lequel à l'occasion de la couronne, qu'on apperceut en sa teste, gaigna la couronne du martyre, & de gloire, endurent la mort, pour la confession de la foy.

*Autres
deux fu-
rēt noyez
ou tuez
des Sar-
rafins.*

Quant aux autres trois de nostre Compagnie, qui estoient dans le mesme nauire, on pense que les deux furent aussi massacrez dans l'eau à coups de demi-pieques, ou qu'ils se noyerent dans la mer, comme plusieurs autres. Parce que dans le roolle de ceux, qui furent prins, & mis à rançon, on n'y trouua qu'vn seul des nostres nommé Antoine Denis : lequel ayant esté retiré de l'eau fut mené en vne prison bien estroite, où il demeura assez long temps couchant sur la dure avec vne grosse chaisne de fer attachée au col, & si pourement nourry, qu'on ne luy donnoit par jour qu'vne escuelle de ris. Il vescu de la sorte jusqu'à tant que sa rançon fut arrivée : laquelle eust esté bien plus grosse, s'ils eussent sçeu qui il estoit, & peut estre y eussent laissé la vie comme le P. François Lopez : car ces Mahometains portent vne haine presque incroyable à ceux de la

Compagnie : & pour ce quand ils nauigent sur ceste mer , ils doiuent estre prests & appareillez à tels & semblables accidēts. Combien que Nostre Seigneur les en deliure quelquesfois outre toute esperance humaine, comme nous pouuons voir en ces exemples.

Vn de nos Peres nommé Pierre Vaëz , estant enuoyé de Goa à ^{Dangers} Damau avec vn autre de la mesme Compagnie, appelé Alphonse, ^{eschapper par vne} comme ils estoient sur la fin de leur nauigation , & bien pres du ^{partieu-} port, ils vont rencontrer cinq galeres Malabaroises, lesquelles commencent aussitost à leur courir sus à vogue rancade , & voiles desployées. Eux se voyans pres du riuage s'approchent du bord, pour prendre terre. Le Pere & son compagnon avec la plus part des mariniers & passagers se sauuerent à la fuite : combien que les ennemis les talonnoient de si pres, qu'ils en attraperent quelques vns de ceux qui venoyent les derniers. Ayans eschappé ce danger plustost par vne particuliere assistance de Dieu, que par leur agilité ou forces corporelles: car ils estoient fort debiles, tant à cause qu'ils ne se portoyent pas bien , que pour auoir enduré la faim trois jours deuant, que cecy n'arriuaist, ils s'en vont comme il estoit desja tard par des sentiers incognus se cacher dans quelque bois, qu'il y auoit là tout joignant, combien que ce ne fust pas sans crainte. Car d'un costé les pyrates, qui leur auoyent donné la chasse, estans sautez à terre cherchoient ceux du nauire, qui s'estoyent allez cacher: d'autre part les habitans du pays, qui ne sont gueres amis des Chrestiens, vouloiēt les prendre: tellement qu'ils ne firent qu'errer ça & là toute la nuict parmy ce bois; si que Alphonse accablé de lassitude dit au Pere, que quand à luy il ne pouuoit plus marcher : & puis qu'il plaisoit ainsi à Dieu, qu'il estoit content de s'exposer à la cruauté des Barbares : conseillant à l'autre de se sauuer, & le laisser la seul pour ne perir tous deux ensemble, sans necessité. Le jour commençant à poindre, voila qu'ils descouurent vne troupe de gens armez, qui venoyent vers eux; de sorte qu'ils croyoient asseurement deuoir estre massacrez tout à l'instant. Ils se mettent donc en prieres & oraisons, & s'offrent à Dieu pour estre massacrez pour son seruice, s'il estoit de besoin. Mais il arriua tout autrement, qu'ils ne pensoient. Car c'estoit vn Brachmane du pais fort opulent & riche : lequel ayant entendu l'accident, qui estoit arriué à ce nauire Portugais, enuoyoit ceste troupe de gens armez, pour garantir ceux qu'il trouueroit dudit nauire des injures des corsaires, & les mener chez soy. Ceux-cy donc trouuans Alphonse en l'estat, qu'a-

uons dict, ne pouans mettre l'un pied deuant l'autre, pour marcher à cause de sa grande debilité & lassitude, ils le chargent sur leurs espaules, & le Pere Pierre Vaëz le suyuoit à pied: car il pouuoit bien cheminer. Bref ils les meinent à la maison de ce Brachmane, qui les traicta fort humainement durant quelques jours, & apres les renuoya à Daman avec bonne escorte de soldats.

L'obmets beaucoup d'autres tels rencontres, pour n'estre trop long, car ce qui a esté dit, suffit, pour cognoistre les hazards qu'ils courent pour le seruice de Dieu & le salut des ames.

Les Cambayans ou Guzarates sont fort enclins à la pieté. Or d'autant que ce Royaume de Cambaya est maintenant possédé par le grand Mogor, iceluy ayant l'an 1594. enuoyé querir nos Peres pour estre informé plus à plein des mysteres de nostre foy, leur manda, qu'ils passassent par son Royaume de Cambaya; ils vindrent donc surgir au port de Damian, & de là se transporterent à la principale ville du Royaume nommée aussi Cambaya, ou ils apperceurent la bonne disposition, qu'il y a és habitans dudit pais, pour receuoir la semence de la parole de Dieu & de la sainte Foy. Car trouuans en ceste ville là vne centaine de familles de Portugais, qui desiroient fort se confesser & communier en ce bon jour, & feste de Noël, que l'Eglise celebroit pour lors, ils agençerent vne salle de leur logis fort proprement, pour s'en seruir comme de chapelle, & y dire la Messe. Ceste Chappelle fut visitée avec telle frequence de peuple, non seulement des Portugais, mais encore des infidelles, lors qu'on leur en permettoit l'entrée, que toute la ville presque y accourut. Les Sarrazins mesmes se prosternoient à terre, & ostoyent leur turban de la teste (qui est vne chose fort rare parmy eux) Et ce n'estoit pas seulement le comun peuple, qui visitoit ceste Chappelle, ains aussi les principaux de la ville. Le Gouverneur mesme, en ayant ouy le bruiet, enuoya prier nos Peres de luy en permettre l'entrée: mais cela ne se peut faire, à cause qu'ils auoyent desia plié bagage, & empacqueté tout leur fait, pour se mettre en chemin vers le grand Mogor. Or tant de cecy que d'autres choses qu'ils virent là, ils cogneurent combien ceste nation des Guzarates estoient encline à la pieté & deuotion; & que si elle estoit eultinée par la predication de la foy, elle apporteroit beaucoup de fruiet: mais sur tout, ils remarquerent, que ce sont gens fort addonnez à l'aumosne, & desireux à merueilles de leur salut. Car du temps, qu'ils furent là, nomméement le huietième Ianuier de l'an 1595. il y eut tel, qui donna d'aumosne jusques à cinq mille

Pardaos, qui valent chacun cinq testons de nostre monnoye. Vn autre en donna trois mille, & vn autre quinze cens, de sorte qu'on assura qu'il auoit esté donné ce jour là dans la ville de Cambaya pour plus de vingt mille Pardaos, & dans tout le Royaume montât à la valeur de plus d'un milliõ d'or. La raison estoit, parce qu'ils estimoient, que ce jour-là le Soleil passoit du Sud au Nort, & commençoit de s'acheminer vers eux, comme les Brachmanes leur faisoient entendre, & pour sa bien-venue ils luy faisoient ces presens. Ils donnent encore des aumosnes, à celle fin que Dieu les meine en son Paradis. Et pour la mesme cause affligent-ils leurs corps avec diuerfes sortes de penitence comme ieunes, & autres semblables. Ils sont aussi force pelerinages, & quelquefois d'une ville il ira plus de cinquante mille pelerins jusques au Ganga, qu'ils appellent, c'est à dire au fleuve Ganges: car ils cuidoient celuy estre bien heureux, qui auant la mort se peut lauer en ceste riuere: & si lors qu'ils s'en vont mourir ils peuuent boire vn peu de son eau, il leur est aduis qu'ils sont assurez de leur salut. Tellement qu'il en y a qui enuoyent querir de ceste eau & la vendent bien cher, faisans trafic de cela comme d'autres marchandises. Ils sont encore si pitoyables enuers les oyseaux malades ou estropiés, qu'ils ont des hospitaux fort magnifiques, & bien rentez tout expres, pour fournir aux despens, que font ces oyseaux malades: & outre que le bastiment est superbe, & fort spacieux avec de longues galleries, qui ont des chambres d'un costé & d'autre pour loger lesdicts oyseaux, il y a vn grand nombre de personnes gagées du reuenu de l'hospital, qui ont charge d'aller tous les jours aux marchez des villes, & courir parmy les champs, pour chercher des oyseaux malades, ou estropiés: afin de les faire penser dans l'hospital, & puis leur dõner les champs, quand ils seront guaris. Si bien que tous les oyseaux vifs, que les Sarrafins prennent sont achetez à quel pris que ce soit par ces officiers de l'hospital; & quant aux Payens Guzarates ils n'en tuent, ny n'en prennent aucun, sinon pour le faire penser, s'il est malade, & puis le mettre en liberté. Or il aduint vne fois, qu'on y auoit apporté vn espreuier affolé d'une jambe, mais comme il en fut guéri, il se jette sur les autres oyseaux, & en tua vn bon nombre. L'hospitalier voyant cela met promptement dehors ce compagnon: & la dessus inhibition & deffence fut faicte de ne receuoir point deormais telle espeece d'oyseaux, comme estans pernicieux & dommageables aux autres. Ils ont aussi dans le mesme hospital de grandes basse-

Pitoyables enuers les oyseaux ou autres bestes malades.

Plaisante histoire.

courts, ou ils nourrissent & entretiennent non seulement les autres oyseaux priuez, comme paons, gelines, oisons, & autres: mais aussi les bestes domestiques, comme brebis, cheuaux, asnes, & autres semblables, quand ils sont vieux, malades, ou affolez: & mesme ils les achepent a leurs maistres, lors qu'ils ne s'en peuuent plus seruir.

*ris ne
sont pas
si pitoya-
bles en-
uers les
hommes.* Mais afin qu'on voye, qui est l'auteur de ceste pitié & compassion, s'ils treuuent vn homme delaisné & abandonné de tout le monde, encore qu'il fut leur proche parent, qui s'en aallast mourir par faute d'aide & de secours, ils ne daignerôt pas le leuer de terre, ny mesmes

icter les yeux sur luy. Et si leur propre pere est detenu en dure captiuité, ils le lairront bien sonuent mourir, auant que le secourir de leurs moyens: de façon que puis qu'ils n'ont aucune pitié des hommes: celle qu'ils monstrent auoir des bestes se doit plustost appeller bestialité, que compassion, & misericorde. Ce neantmoins cela monstre assez, que si ceste nation estoit beshée avec la predication du sainct Euangile, qu'elle apporteroit beaucoup de fruiçt au grenier celeste, puis que le sol est si bon, & le naturel si doux & amiable. Il y eut vn des principaux de la ville de Cambaya, qui entretenoit d'ordinaire en sa maison bien cent personnes: lequel parlant à vn de nos Peres lors qu'ils estoient là, luy dit qu'il ne doutoit pas, que nostre foy ne fut la vraye: toutesfois qu'il n'oseroit luy seul se rendre Chrestien: mais que si le Roy donnoit permission de l'embrasser il promettoit, qu'il seroit des premiers, & la dessus pria le Pere fort instamment de lui demander ce congé, pour tout ce Royaume de Cambaya, puis qu'il alloit le trouuer. Le Pere luy promit de ce faire, & l'obtint, comme nous dirons cy apres. Cestuy-cy mesme mena vn jour nos Peres à vn monastere de certaine sorte de gens

*Vertéas
& leurs
façons de
faire ri-
dicules.* qu'ils appellent Vertéas, lesquels sont sequestrez du reste des hommes, & viuent en communauté à la façon de nos Moynes; comme c'est la coustume du Diable de faire tousiours du singe: ils vont vestus de drap blanc, & ne portent rien à la teste, bien qu'ils l'ayent toute pelée, sauf le sommet ou ils laissent croistre quelque peu de poil: mais tout le reste du corps, & le menton mesme est sans poil, non pas par nature, ains par artifice, car ils se l'arrachent avec des pincettes, si tost qu'ils en apperçoient quelque vn. Ils viuent fort pourement: car ils n'ont point de rentes, & si ne reçoient d'aumosne, sinon ce qui reste de table à ceux, qui la leur veulent faire. Ils ne se marient point, & n'ont aucune femme avec eux. Ils ne boient point de vin, ni chose, qui puisse enyurer: mais tant seulement

de l'eau chaude, non pour autre occasion que parce qu'ils estiment l'eau estre animée, & que la beuuant sans estre cuite, on luy oste l'ame, que Dieu a créée. Ce qu'ils pensent estre vn grand crime & peché: mais estant cuite ils croient qu'elle n'est point animée: & partant la boyuent ainsi. Leur superstition arriue bien jusques là, que pour ne tuer chose aucune, qui aye vie, par tout ou ils passent; & auant que s'asseoir en quelque part que ce soit, ils ballient le lieu avec certaines vergettes, qu'ils portent tousiours en main: lesquelles avec leur manche ressemblent à des pennaches, & sont faictes de cotó. Ce qu'ils font pour crainte, qu'ils ont de tuer quelque fourmis, ou petit vermisseau, qui pourroit estre parauanture là, ou ils marchent ou s'assoyent. Ils portent pour la mesme fin vne piece de drap large de quatre doigts deuant la bouche, & l'attachent aux oreilles par deux trous, qu'ils font aux deux bouts du drap, qui leur fait le tour par le derriere des oreilles, & le bout du costé gauche vient prendre à l'oreille droite, & celui du droit à la gauche. Ce qu'ils font de peur que quelque mousche ou mouscheron ne leur entre dans la bouche, & qu'ils ne viennent à le tuer par mesgarde. Au reste ils obeissent tous à vn Supérieur, qui est cōme leur General, & à vn grād nombre de subjects de ceste mommerie: & tous les ans ils en eslisent vn nouveau parmy eux. Il y a de petits enfans de neuf ou dix ans que les peres dedient des cest aage à telle superstition. Voila quant à leurs façons de faire, qui semblent bien estranges: mais leur doctrine ne l'est pas moins, laquelle je laisse de rapporter parce qu'elle est pleine de niaiseries. Or nos Peres estans allez à vn de ces monasteres, qui est pres de Cambaya ils y trouuerent vne cinquantaine de ces Vertecas avec leur Supérieur, & apres s'estre entre-saluez fort humainement d'une part & d'autre, ils commencent à deuiser eusemble par interprete ou truchement, qui estoit cest honneste homme, duquel nous parlions vn peu deuant. En cet abouchement ils traictèrent de plusieurs choses, mais principalement des dogmes de leur secte, l'absurdité desquels les Peres leur firent voir clairement: & avec ce leur donnerent quelque monstre de la splendeur de l'Euangile; si bien qu'ils sembloient estre espris de sa beauté; & approuuer fort ce qu'o leur en disoit: combien que de honte qu'ils auoyent, mesme de l'interprete, qui estoit homme apparent, ils n'osoyent si librement parler ny dire ce qui leur en sembloit. Bref comme les Peres insistoient à ce qu'ils embrassassent la loy, qu'ils jugeoyent estre si conforme à la raison, ils respondirent

ce que jadis les Arcopagites à S. Paul, *Audimus te de hoc iterum.* Nous en parlerons vne autre fois : mais Dieu ne le permit pas, d'autant qu'il fallut, que les Peres partissent le lendemain, pour s'acheminer au grand Mogor. Et bien que ces Verreas les eussent enuoyez prier instamment de les aller voir encore vn coup : si est-ce qu'il ne leur fust possible d'y retourner. Au demeurant les habitans de Cambaya monstrent tant de signes de bien-vueillance & amour enuers eux, qu'il leur estoit aduis (comm'ils escriuent) d'estre parmy les Chrestiens, voire les plus deuots de l'Europe. Ce qui les encouragea d'autant plus à demander congé au grand Mogor, de prescher la foy Chrestienne en ce Royaume, & pour les habitans permission de la recevoir. Comme ils firent aussi, & l'obtindrent fort aisément, selon que nous dirons Dieu aydant au liure 3. traitans du grand Mogor : tellement que desia les Peres Antoine Machade & Pierre Paëz de nostre Compagnie auoyent esté enuoyez là, ainsi que les lettres qu'on escriuit du 2. de Decembre l'an 1599. assurent; ou il est aussi porté, que leur arriuée auoit merueilleusement resiouy non seulement les Chrestiens, qui habitent là : mais encore les Payens; si bien qu'un bon marchand Portugais auoit promis de faire à ses despens tous les frais, qu'il faudroit pour eux; voire qui plus est les Baneanes, qui sont certains marchans Payens des mieux entendus au fait du commerce, vouloiēt prendre charge de les nourrir, & demandoyent instamment leur demeure en Cambaya. L'Archeuesque de Goa fust si aise de ceste nouuelle, qu'il communiqua à ceux qui furent deputez à ceste mission ou voyage, tous les pouuoirs, & facultez : afin de faciliter d'auantage la conuersion de ce peuple. Tel donc estoit l'estat des affaires au Royaume de Cambaya. l'an 1599.

Or puis que nous auons parcouru toute la coste Occidentale de l'Inde basse; il faut maintenant tourner prouē; & doublant le cap de Commori passer à la coste de Choromandel, qui suit immediatement apres celle de la Pescherie; de laquelle ayant parlé desia, il faut consequemment traiter de la ville & des Chrestiens de Saint Thomas.

DE LA

Permission
du
grand Mo-
gor pour
prescher
la Foy en
Cambaya.

DE LA MEMOIRE QVIL Y A EZ
*Indes de l'Apostre S. Thomas & de ses gestes: comme les Portu-
 gais ont trouué ses reliques à Meliapor, & une
 croix merueilleuse, qui sue à certain iour
 de l'an quelques gouttes, qui sem-
 blent estre de sang.*

CHAPITRE XVII.

NON seulement le tesmoignage des anciens Peres & Docteurs ^{Greg. Naz. ora. contra Arianos. Greg. Mag. Rom. 17. in Ench.} de l'Eglise nous apprend, que l'Apostre S. Thomas alla pres-
 cher la Foy de Iesus Christ aux Indics; mais encôre la memoire qu'il
 y a pour le iourd'huy en l'Inde dudiect Apostre, & de ses gestes, avec
 les vestiges, qui y sont restez de sa demeure depuis mil cinq cës ans
 & d'auantage, sont preuues tres-certaines de ceci. Car laissant à part
 plusieurs Eglises materielles, qui se voyent encores aux Royaumes
 de Cranganor, de Cöulan, & sur la coste de Choromädel; lesquelles
 on tient communement par tradition venue de pere en fils auoir
 esté basties par lediect Apostre, il y à plus de cent quarante lieues de
 pays dans l'Indostan, partie du costé du Leuant des montagnes, qui
 trauersent l'Indes; partie aussi du costé d'Occidēt peuplées de Chre-
 stiens, qui recognoissent de toute ancienneté auoir receu la Foy <sup>de S. Tho-
 mas en l'Inde</sup>
 qu'ils ont en Iesus Christ, par le moyen de ce sien Apostre; & à ce-
 ste cause on les nomme communement les Chrestiens de S. Tho-
 mas, d'autant que leurs deuanciers ont esté jadis instruits en la Foy <sup>pourquoy ainsi ap-
 pellez.</sup>
 Chrestienne par lediect Apostre. A raison dequoy ils festent avec
 grande solennité l'octaue de Pasques, parce que ce jour là S. Tho-
 mas mettant la main dans le sacré pertuis du costé de Nostre Sei-
 gneur recouura la Foy perduë, laquelle par apres il leur alla pres-
 cher. Mais par dessus tout ce qu'à esté dit, l'on trouue aujour-
 d'huy au Royaume de Narzinga, force lames de bronze, ou antre
 metal tres-anciennes, là ou sont grauez & escrits en langue Badaga-
 ne (qui est celle du pais) les gestes & miracles dudiect Sainct, & ou-
 tre ce l'on rencontre bien souuent des laiz ou donations faites jadis
 par les Rois dudiect Royaume aux Eglises basties par le mesme A-
 postre, ou en son honneur, ainsi que nous dirons cy apres. Finalemēt
 les chansons que ces Chrestiens-là ont depuis longues années, &
 qu'ils chantent ordinairement en l'honneur dudiect Apostre, ou ils

ont conserué la memoire des choses passees, nous font foy non seulement de la demeure & predication dudit Apostre, en ces contrées là: mais aussi de beaucoup d'autres particularitez touchant ses miracles, son martyre, & sa sepulture, tellement qu'il n'y a homme de bon jugement, qui puisse doubter que ce país n'aye receu les premiers enseignemens de la doctrine de Nostre Sauueur par le moyen de ce bien-heureux Apostre. D'où l'on pourra voir quelle foy on doit adjouster aux choses, que nous rapporterons icy, estant appuyées sur des tesmoignages de l'antiquité si authentiques. Nous recueillirons donc brefuement ce que les historiens Portugais en ont escrit, suyuant les informations, qui en furent faictes & enuoyées par les Viceroy ou Gouverneurs de l'Inde aux Roys de Portugal, Emanuel 1. Iean 3. & au Cardinal Henry, qui fut aussi Roy par-apres: ou est cōtenu ce que les Chrestiens de S. Thomas racōtent du S. Apostre, & autres choses à ce propos, qui sont aduenues depuis en confirmation de ce, fort merueilleuses & dignes de memoire.

En quels lieux de l'Inde Orientale à presché l'Apostre S. Thomas.

Ils disent donc premierement, que l'Apostre S. Thomas auant que venir en l'Inde commença de prescher la Loy Euangelique en l'Isle de Socotora qui est (comme nous auons dit cy dessus) pres de l'éboucheure du golfe Arabique; & de faict les habitans de ladicte Isle se glorifient de tenir leur foy & creance en Iesus Christ, dudit Apostre. De Socotora il vint au Royaume de Cranganor, & puis à celuy de Coulan, qui sont tous deux sur la coste des Malabares: & s'estant illec arresté vn peu de temps annonçant la loy diuine à ces peuples, comme Ambassadeur du fils de Dieu, il luy conquist plusieurs Prouinces & Royaumes: puis passa delà les monts, que maintenant on appelle Gate, & vint au Royaume de Narlinga, s'arrestant sur la coste de Choromandel en vne cité que les habitans nommoiēt pour lors Meliapor, qui signifioit en leur lāgue vn Paon, parce que tout ainſin qu'entre les oyſeaux le Paon est estimé communement le plus beau, aussi ceste ville surpassoit toutes les autres de l'Orient en beauté & magnificence. Il en y a encore qui tiennent qu'apres auoir gagné beaucoup de peuple à la foy de nostre Seigneur en ceste ville de Meliapor & par tout le Royaume de Narlinga, il s'en alla prescher à la Chine: d'autant que les Chinois en ce temps là estoient les maistres de la marine, & auoyent en main tout le trafic & commerce de l'Inde, comme l'ont maintenant les Portugais; de façon qu'ils voyageoient souuent en ceste contrée. L'Apostre donc ayant cognoissance d'un si grād & opulent Royau-

Il à selon d'auncs este aussi à la Chine.

me y alla pareillement à ce qu'on diët, jeter la semence de la doctrine de Iesus Christ, & apres y auoir recueilli vne belle moisson, gaignant beaucoup d'ames à Nostre Seigneur, & y faisant bastir plusieurs Eglises, il s'en retourna derechef à la coste de Choromandel, & de ce trouue l'on encores quelques conjectures, ainsi que nous dirons au quatriesme liure, Dieu aidant. L'Apostre donc estant de retour de la Chine en l'Inde, qui est par deça le Ganges, & voyant que tous les jours plusieurs se conuertissoient à la Foy de nostre Seigneur dans la ville de Meliapor, eust grande enuie d'y bastir aussi vne Eglise, ainsi qu'il auoit fait ailleurs; mais les Brachmanes qui estoient lors, comme ils sont encores à present, les Prestres ou Sacrificateurs des Idoles, & par consequēt ennemis jurez du Christianisme, lui cōtradisoient fort & ferme: de sorte qu'à leur cōsideration le Roy ^{Sagame} de Meliapor, qui se nōmoit Sagame ne lui vouloit point permettre ^{Roy de Meliapor.} de bastir l'Eglise. En ces entrefaictes il aduint que les flots de la mer jetterēt sur la riue vn gros trōe de bois, que le Roy voulut faire traîner pour l'edifice d'un Palais, qu'il bastissoit: mais ce tronc estoit si gros, si lourd, & si pesant, que jamais on ne le peut faire bouger du lieu, ou il estoit, biē qu'on y attelaist vn grād nōbre d'Elefants, & qu'on se seruit de toute sorte d'égins & machines, dōt on se peut aduiser. L'Apostre prenāt ceste occasiō s'en va trouuer le Roy Sagame, & en presence de plusieurs Brachmanes luy dit, que s'il plaisoit à sa Majesté donner congé aux Chrestiens de bastir vn temple au vray Dieu Createur du ciel & de la terre aupres de sa ville, & leur permettre de se seruir de ce bois, qui estoit au bord de la mer, il se promettoit avec l'aide du vray Dieu, qu'il preschoit, de mener luy tout seul ledit tronc jusques au lieu, ou il designoit bastir l'Eglise. Tous ceux qui lui entendirent faire ceste proposition se prindrent incontinent à rire, & à se gauffer de luy, le tenans pour vn fol & insensé. Mais comme le Sainct Apostre auoit vne sagesse toute autre, que celle du monde, estant appuyé sur vne puissance plus grande, que n'est celle des hommes, il ne se soucia pas beaucoup de leurs risées & moqueries: ains tourna de là à peu de temps faire la mesme requeste au Roy, lequel la lui accorda avec la condition offerte de mener ce bois luy tout seul, estimant cela du tout impossible. S. Thomas ayant eu ce congé, s'en va au bord de la mer, & attache sa ceinture à vne petite branche de ce tronc: puis fait sur icelui le signe de la Croix, & de ceste sorte le tire apres soy, comme si c'eust esté vn petit baston. Merueille, qui fit estonner, jusques à sortir hors de soy, ^{Miracle fait par}

*L'Apostre
S. Tho-
mas en
traisnant
luy sent
un gros
poutre.*

tout ce monde de Payens, & nommément le Roy & ses Courti-
sans. Cependant l'Apostre ne faillit pas de faire servir ceste belle
piece de bois au bastiment de son Eglise: pres de laquelle il fit aussi
planter vne Croix avec ceste inscription: *Quand la mer viendra bat-
tre iusqu'à ceste pierre, par ordonnance diuine arriueront des hommes
blancs de pais fort loingtains pour prescher la mesme doctrine, que i'en-
seigne à present, & rafraischir la memoire d'icelle.* Or du temps que
S. Thomas predict ceci, la ville & par consequent ceste pierre
estoit esloignée de la mer, comme quelques vns disent, enuiron
douze lieues: mais quand les Portugais y arriuerent, il n'y auoit pas
plus d'un ject de pierre, la mer ayant peu à peu gagné la terre: telle-
ment que les Chrestiens voyans ceste Prophetie accomplie ont esté
grandement esmerueillez & consolez. Mais retournons à nostre pro-
pos: comme tant par le miracle susdit, que par la predication de l'A-
postre plusieurs eussent esté conuertis à Iesus-Christ, & que la Foy
print accroissement de jour à autre; ainsi l'autorité des Brachma-
nes, & le credit qu'ils auoyent acquis par leurs fallaces accoustu-
mées vint à se perdre, & ce qui les faschoit d'auantage, le profit
qu'ils retiroient du peuple, à leur defaillir peu à peu; leur indigna-
tion contre l'Apostre s'enflamma de telle sorte, qu'un d'iceux tua
son propre fils pour en accuser le saint personnage, par la deposi-
tion de quelques faux tesmoins, qu'il auoit attiré. Ceste accusa-
tion estant présentée au Roy, l'Apostre fut cité pour respondre à ce,
qu'on luy objectoit. Il comparut deuant luy en présence des
Brachmanes, & dit d'un visage constant & assuré, qu'il ne vou-
loit rendre autre satisfaction de son innocence, que prier sa Majesté
& les assistans de croire à ce qu'en diroit l'enfant mesme, qui auoit
esté tué, & qu'il seroit en sorte, que le defunct descouuriroit l'au-
theur de ce meurtre. Son offre sembla de prime face impossible,
néanmoins elle fut jugée du Roy & de tous ceux qui estoient pre-
sens, tres-juste & equitable, de façon qu'il n'y eut personne, qui osat
y contredire. Il fait donc apporter la deuant en présence de tous le
corps de l'enfant mort, & s'adressant à luy dict à haute voix ces pa-
roles: *Au nom de IESUS CHRIST Vray fils de Dieu, le quel je presche,*
je te commande de dire clairement, qui est celui, qui t'a tué. Chose
merueilleuse! voilà soudain d'enfant qui se leue sur ses pieds à la veue
des assistans, & dit en présence de tous ce qui s'ensuit. Thomas est
le vray Ambassadeur de Dieu tout-puissant, la Loy duquel il pre-
che. Celui qui m'a tué c'est mon propre pere, afin de le pouuoir ac-

*Autre en-
ressusci-
tant un
enfant
mort.*

cuser, & le faire mourir. Les assistants furent tellement esbahis de ce second miracle, recognoissans encor mieux par ce faict, non seulement la sainteté & innocence de l'Apostre, mais encore l'innie puissance de Dieu, & la verité de la loy, qu'il preschoit; que le Roy mesme l'embrassa, & fut baptisé avec plusieurs autres, tant de ses courtisans, que du menu peuple. Mais voulant faire punir rigoureusement ce Brachmane, qui auoit tué son fils, pour la raison susdicte, l'Apostre le pria de vouloir donner la vie à celuy, qui la luy auoit voulu oster. Le Roy à la requeste de S. Thomas donna la vie au meurtrier: mais il le bannist à perpetuité de son Royaume. Les autres Brachmanes furent à ceste occasion fort atterrez & abbatuz, si bien qu'ils n'osoient se monstrier en public. Mais cela les anima au double contre le saint personnage, voyans bien que s'ils ne le mettoient à mort, ny eux ny leurs Idoles ne seroient point en credit, comme auparauant; de façon qu'ils cherchoient tous les moyens d'exequiter leur meschante intention. Or il y auoit vne montagne esloignée de la ville vn peu plus de deunie lieuë, & en icelle vne grotte de la hauteur d'vn homme, dans laquelle pouuoient demeurer vne vingtaine de personnes, ou enuiron, là où à l'imitation de nostre Seigneur, l'Apostre auoit accoustumé de se retirer souuent, pour faire illec son oraison, & prier à Dieu. Les Brachmanes sçachans cela l'espièrent vn jour, & lors qu'il estoit en oraison, ils se ruerent sur luy, le frappans à grands coups de baston, & de pierre: & l'vn d'iceux le transperça d'vn coup de lance, dont il tomba mort sur la place. Ses Disciples sçachans ce qui estoit arriué à leur bon maistre, s'en allerent au lieu où il auoit esté martyrizé, pour prendre son corps, & l'enseuelirent fort honorablement dans l'Eglise, qu'il auoit luy mesme bastie: & dans son tombeau ils mirent vn tronçon de la lance, dont il auoit esté tué, avec le baston, duquel il se seruoit allant euangelizer çà & là le Royaume des cieux. Ils y enfermerent encore vne cruche, qu'ils remplirent de la terre qui auoit esté arrousee de son sang, l'ayant amassée au lieu où il auoit esté massacré. C'est ce que les Portuguais trouuerent, qu'on racontoit & chantoit de S. Thomas en l'Inde, lors qu'ils y arriuerent; ainsi que les historiens Portuguais & autres, qui ont escrit l'histoire des Indes de ce temps asseurent. Mais ce qu'on a descouuert depuis a confirmé d'autant ceste croyance qu'en auoient les Chrestiens de l'Inde, estre veritable, pour la conformité de ce qu'on a trouué de nostre

*Coneyson
du Roy
Sagame
& plu-
sieurs au-
tres.*

*Martyre
de Saint
Thomas.*

*Oserius
lib. 3. hist.
Ioa. Bar-
rus dec. 3
Asia.
Massens
lib. 1. hist.
Ind.*

temps, à ce qu'ils tenoient dez toute ancienneté, & nommément en la descouuerte du sepulchre de l'Apostre, qui aduint en ceste maniere.

Premiere
descouuer
se du se-
pulchre de
S. Tho-
mas.

L'an 1517. vn certain Armenien de nation, nommé Coje Escander, estant venu de Malaca en compagnie de Iacques Fernandes, & de quelques autres Portuguais, arriués qu'ils furent à vn bourg, qui est en la coste de Choromandel nommé Paleacate, huit lieuës plus haut vers le Nort, que n'estoit jadis l'ancienne ville de Meliapor, où l'Apostre auoit esté martyrizé, de laquelle les Portuguais n'auoient encore aucune cognoissance. Cest Armenien, dis-je, demâde aux Portuguais s'ils ne seroient pas bien aises de voir le lieu, où gisoit le corps de l'Apostre S. Thomas : car il le leur feroit voir dans peu de temps, s'ils vouloient le suiure, n'estant qu'à sept ou huit lieuës de là. Les Portuguais en furent fort contents, tellement que l'Armenien les mena au lieu, où estoit bastie anciennement la ville de Meliapor, & là ils veirent vn grand espace, & circuit plein de ruines & vieilles mazures, qui sembloient auoir esté de quelques grands, & sumptueux edifices, car ils y trouuerent tout plein de pyramides, colonnes, & autres pieces fort subtilement elabourées de fueillages, figures d'hommes, d'oiseaux, & autres animaux. La pierre estoit fort dure, & en y auoit de diuerses couleurs, nommément de noire, blanche, tannée, & quelques pieces encore qui sembloiēt estre de Porphyre. Or au milieu de ces antiquailles ils descouurirent aussi les ruines d'une grande, & belle Eglise, de laquelle il ne restoit aucune piece entiere, hormis vne Chapelle fort ancienne, située du costé du Leuant des mazures du dict Temple. Elle estoit faicte en voulte, partie de pierre, partie de tuille, & de chaux, avec vn petit clocher en haut, & tout au tour d'icelle, tant dehors que dedans, il y auoit tout plein de Croix figurées de la façon, que nous descrirons cy apres. Estans entrez dedans, ils vont rencontrer vn homme âgé de soixante ans, ou enuiron, qui auoit charge d'entretenir en ladicte Chapelle vne lampe allumée nuit & jour. Or estât interrogé des Portuguais, pourquoy il se tenoit là, il leur dict, qu'il auoit soing de tenir ceste lampe allumée deuant les reliques de l'Apostre S. Thomas, & qu'il auoit succédé en cest office à son pere, & luy à son ayeul, & ainsi consecutiuellement de pere en fils ceste charge auoit demeuré en ses deuanciers, despuis longues années; & croyoit-il, que de tout tēps ceux de la maison & famille l'auoient eue, ainsi qu'il auoit aprins

Chapelle
où repo-
sient les
reliques
de Saint
Thomas.

de ses ancestres. Au demourant, comme on l'interrogea quelle Religion il professoit, il donna à entendre, qu'il auoit esté Payen la plus-part de sa vie, comme aussi estoit son pere, & plusieurs de ses ayeuls : mais que depuis douze ans il s'estoit rendu Mahometain. Si est-ce, qu'avec cela il auoit si grande foy aux merites du S. Apostre, qu'ayant perdu la veüe, il estoit venu là (côm il disoit) pour le prier, à fin qu'il luy pleust faire en sorte qu'il la recouurast : *Un Payé auuegle recouure la veüe au sepulchre de S. Thomas.* ce qu'il auroit obtenu peu de jours auant qu'ils ne vinsent, par les merites côm il croyoit du mesme Saint. Les Portugais s'enquirent dauantage de ce qu'il sçauoit, ou auoit ouy dire de l'Apostre S. Thomas, & de ceste Chapelle, qu'il gardoit. Ausquels il respondit conformement à ce que nous auons dict cy dessus. Les Portugais estans de retour, à Goa firent rapport au Viceroy de tout ce, qu'ils auoyent veu & appris touchant le lieu de la sepulture du bien-heureux Apostre. Le Roy de Portugal Don Jean troisiésme, sur son aduenement à la couronne, l'an 1521. ayant esté aduertý de cecy, escriuist à son Lieutenant general en l'Inde, qui estoit lors Don Edouard de Meneses, qu'il s'employast soigneusement à la recherche du sepulchre de S. Thomas, & s'il trouuoit ses reliques, qu'il les colloquast en lieu decent & conuenable : à fin que ces sacrées despoüilles fussent tenües en la reuerence, & respect qu'il estoit conuenable. Le Viceroy ayant receu ce commandement de son Prince, donna charge l'an 1522. au Capitaine de ceste coste de Choromandel, nommè Emanuel de Frias, de faire reparer ladicte Chapelle, en telle sorte, qu'on y peust celebrer la sainte Messe; avec la decence requise; & par mesme moyen, fit faire la recherche des reliques de l'Apostre. Le Capitaine Frias, pour accomplir le commandement du Viceroy, se transporte sur le lieu mesme. Estant donc arriué à ces vieilles mazures de l'ancienne cité de Meliapor, accompagné d'un Prestre, que le Viceroy y auoit enuoyé tout expres pour cecy, & de quelques soldats Portugais, avec un maille masson, & autres manouuiers; il commence à faire cauer à un coing de ladicte Chapelle, sur lequel estoit appuyé le petit clocher, pour y faire un meilleur fondement. A grand peine eurent-ils creusé cinq pieds profond dans terre, qu'ils vont decouurir un sepulchre couuert d'une grosse pierre, où ils trouuerent certaines lettres graüées en la surface du dessous, contenant en langue Badagane, comme l'Apostre S. Thomas auoit bastý ceste Eglise; & que le Roy Sagame auoit destiné pour l'entretenir, & y

*Recherche
des reli-
ques de
S. Thom.*

faire le diuin seruice, les droicts que payoient les marchandises, qui venoient de la mer, & entroient dans la ville, qui estoient de dix vn, conjurant ses successeurs de n'oster ny diminuer rien de ceste donation. Soubs ceste mesme pierre ils trouuerent les ossemens du mesme Roy, comme les Indiens asseuroient l'auoir aprins par tradition de leurs ancestres. Apres cela, comme ils creusoient plus profond, ils vont trouuer vn'autre closture faicte en forme de Chapelle quartée, ayant neuf pieds de hauteur, & toute enuironnée de brique par le dehors. Estans venus là, ils se sentirent saisis d'une certaine craincte & frayeur, joincte avec vn grand respect : lequel sembloit proceder de la presence de ce sacré deposit, & reliques du bien-heureux Apostre. A ceste cause ils ne voulurent permettre, que ceux, qui cauoient, y touchassent dauantage, d'autant qu'ils estoient Payens : & pour ce, le Prestre qui auoit esté constitué du

*Sepulchre
du Roy
Sagame
trouué.*

*Descou-
uerie des
reliques
de saint
Thomas.*

Viceroy pour conducteur de cet œuvre nommé Antoine Gilles, donna charge à deux Portuguais, l'un nommé Iacques Fernandes, l'autre Blaise Diaz, de faire l'ouuerture de ce lieu. Mais ils ne l'osferent entreprendre sans auoir au prealable nettoyé leurs pechez, & s'estre recôciliés à Dieu par les Sacremens de la sainte Confession, & sacrée Communion. Apres ce, ils ouurent la premiere closture, qui estoit de brique (comme nous auons dict) & au dessous d'icelle rencontrent de la terre deux ou trois pieds de haut, puis vn'autre closture de ciment, quasi aussi dure que pierre, tellement qu'apeine la pouuoient-ils rompre, avec leurs ferremens. Dessous le ciment il y auoit deux grosses pierres, qui couuroient vn grand sepulchre aussi de pierre ; au dedans duquel ils fouillent, & trouuent parmy la chaux & le sable, des ossemens d'un homme, aussi blancs que la neige ; & outre ce, le fer d'une lance enchassé encore dans vn peu de bois, avec vn autre lopin d'un baston ferré, qui sembloit estre faict à la façon d'un bourdon de pelerin, & de surplus, vne cruche d'argille cuite, pleine de terre, laquelle sembloit estre teincte en sang, & recueillie de quelque lieu, où il auroit esté espandu en abondance. Toutes ces choses feirent foy aux Portuguais, qu'ils auoient trouué vraiment le sacré thresor, & reliques de l'Apostre S. Thomas, qu'ils cherchoient. Or comme ils creusoient

*Troisies-
me sepul-
chre d'un
des disci-
ples de S.
Thomas.*

encore dauantage, mais en vn autre endroict, pour appuyer micux la Chapelle, ils rencontrent vn troisieme sepulchre, où il y auoit des ossemens d'un homme, qui estoient noirs, comme aussi les premiers, du Roy Sagame ; Tellement, que s'il n'y eust eu autres preu-

ues,

ues, que cela, les os de l'Apostre pouuoient estre discernéz, & recogneus presque par la couleur mesme. Ce qui resioiuit d'autant plus les Portuguais, lesquels furent du tout persuadez par les signes qu'auons dict, que c'estoit vraiment le tombeau ou sepulchre du bien-heureux Apostre, & les autres de deux siens Disciples. Le premier du Roy Sagame, à cause de l'inscription qui fut trouuée, & le dernier de quelqu'autre, duquel on ne sçait encore le nom. Le Capitaine Emanuel de Frias, voyant ces choses, fit apporter de Paleacate deux coffrets, & dans l'un d'iceux, qui estoit garny d'argent, & fort bien elabouré à la Chinoise (car il auoit esté porté de la Chine) il fist mettre les sacrés ossemens du S. Apostre, & dans l'autre, ceux de ses Disciples. Apres ce, l'on fit avec vne singuliere allegresse des assistans, vne procession fort solennelle: mais sur tout avec vne grande deuotion des Portugais, qui se trouuerent là presens, lesquels s'estimoient heureux, d'auoir esté à la recherche, & descouuerte d'un si precieux thresor. Leurs deuotions accom-

plies, ils mettent les reliques du S. Apostre sur l'autel, & ordonnent quelqu'un pour la garde d'icelles: puis se retirent à Paleacate, avec les clefs desdicts coffres, que le Capitaine Frias voulust apporter luy mesme au Viceroy Edouard de Meneses, lequel se trouuant pour lors à Cochín, entendist volontiers comme la chose s'estoit passée, & receust les clefs des mains dudit Frias, avec vn témoignage authentique de tout ce qui auoit esté fait en cecy. Deux ans apres, on fust d'aduis de mettre ces sacrées despoüilles sous l'autel de ladicte Chapelle, à fin qu'elles fussent plus asséurées. Or le lieu où elles furent enserrées, n'estoit sçeu que de deux Portugais tant seulement, & de ceste sorte demurerent elles jusques à ce que du temps du Viceroy Don Constantin, elles furent transportées par vn Religieux de S. François à la ville de Goa, où ledict Viceroy faisoit bastir vne Eglise à l'honneur de S. Thomas, pour les y colloquer. Mais auant leur transport, quelques années apres la descouuerte d'icelles, les Portugais qui faisoient auparauant leur demeure à Paleacate, jugerent, qu'il estoit raisonnable de repeupler ceste ancienne ville, annoblie par les miracles, doctrine, & sang de l'Apostre S. Thomas. A ceste cause, plusieurs d'iceux quitterent leur premiere demeure de Paleacate, & s'en vindrent loger à Meliapor, qu'ils nommerent de là en auant la ville de S. Thomas à l'honneur dudit Apostre. Et c'est ainsi qu'elle est appelée maintenant par toute l'Inde; non seulement des Chrestiens, mais aussi

Les reliques de S. Thomas, mises sur l'autel de la Chapelle.

Trāspore d'icelles à Goa.

Les Portugais repeuplent Meliapor & l'appellent la ville de S. Thomas.

des Gentils, & Sarrasins. Ayant donc ceste ville dès lors commencé d'estre rebastie par les Portuguais, sur les ruines de l'anciëne, du temps que le B. P. François Xavier y arriua (qui fust l'an 1545.) il y auoit desia quelque centaine de familles de Portuguais, la plus part desquels estoient soldats desia vieux, cassez des trauaux de la guerre. Depuis elle a prins tel accroissēmēt, que pour le jourd'huy c'est vne des plus belles villes de l'Orient, non seulement pour la beauté, & magnificence des bastimens, mais aussi pour la qualité & grande multitude de gens, qui s'y sont habitez. C'est aussi, vn des plus riches ports de mer de toute l'Inde, à cause qu'il est quasi au beau milieu de tous les principaux haures de ces quartiers là, & par consequent, le plus commode de tous, pour le trafic des marchandises du Leuant. Le país aussi en fourmist de fort riches: car c'est par là où l'on entre au Royaume de Narsinga, ou Bisnaga, d'où l'on tire les plus fins diamans, & la meilleure pierrerie, qui soit portée en l'Europe. Elle est sise sur la coste de Choronandel, à treze degrés d'hauteur Septentrionale, sur l'orée du golfe de Bengala.

Au demourant, ce qui a esté dict des reliques de S. Thomas, est confirmé non seulement par la cōmune opinion des anciens Chrestiens, que les Portuguais trouuerent en l'Inde, lesquels tenoient par tradition de leurs ancestres, que le corps de l'Apostre S. Thomas reposoit à Meliapor: mais aussi par la croyance de ceux, qui alloient là en pelerinage de diuerses contrées du monde, & mesme de nostre Europe, tout expres pour visiter ces sacrées reliques. Car outre les Armeniens, qui conduisirent les Portuguais la premiere fois au lieu susdict, lesquels y auoient esté d'autres fois, pour visiter les reliques du Sainct (comm'il est croyable) enuiron ce mesme temps, vn gentilhomme d'Hongrie nommé George, estoit illec venu; par ce qu'il auoit oüy dire, que les reliques du S. Apostre y reposoient, là où estant arriué il deceda de ceste vie, & fust enseue-ly en ce mesme lieu. Dauantage, ez informations que le Viceroy Nugne de Acugna, ordonna estre faictes l'an 1533. il est dict, qu'il y eust vn François de nation, lequel estoit venu là tout expres, & quelques Armeniēs encore, pour visiter les reliques de S. Thomas, ayans oüy dire, qu'elles estoient en ce lieu de Meliapor: ce qu'ils

jurerent, & protesterent avec serment, qui en fut prius. Que si l'on oppose à cecy l'auctorité tant des histoires Ecclesiastiques, que des Martyrologes, & nommément du Romain, qui met le 3. de Iuillet la trāslation du corps de S. Thomas de la ville de Calaminc en l'In-

*Opinion
des pe-
lerins.*

*Ruffin.
lib. 2. c. 5.
Socr. lib.
4. c. 14.
Socr.
p. 6. c. 18.*

de, à celle d'Edesse en Mesopotamie, & de là en la ville d'Orthone, qui est en l'Apoulle d'Italie : nous pourrions dire premierement, ce que respond Denis Halicarnasse à ceux, qui s'esmeruilloient de ce qu'on voyoit plusieurs sepulchres d'Ænée, estât asseuré, que son corps n'estoit qu'en vn seul d'iceux; que c'est vn double commun, & vulgaire, signâment de ceux, qui ont esté personnages illustres, & qui ont couru beaucoup de pais; à raison que lon a dressé en plusieurs lieux des monuments vuides, soit en recognoissance de quelque bienfaict, qu'on auoit receu d'eux en ce pais là; soit pour auoir retté quelques reliques de leur race, ou pour auoir sejourné là plus long temps, & s'estre montrés humains, & debonnaire envers leurs hostes. Le mesme, dis-je, pourrions nous respondre, si nous ne sçauions, que ces monuments, ou sepulchres n'estoient du tout vuides des reliques de ce sainct personnage : ains puisque lon celebre la translation d'icelles, il est necessaire de confesser qu'il en y auoit; de façon qu'il est mieux de dire avec le docte Baronius, que le transport d'une partie des reliques, non seulement dudict Apostre, mais encore de plusieurs autres Saincts, a donné occasion à quelques vns, de penser, que leurs corps estoient en plusieurs endroits, non pas que de faict toutes les reliques du mesme Sainct, soient en diuers lieux : mais par ce que l'une partie est en vn, & l'autre en vn autre : & bien souuent pour vne partie on prend le tout, par vne figure fort frequente, qu'on appelle synecdoche. Or que les reliques de S. Thomas ayent esté dispersées en plusieurs lieux. S. Chrysostome le tesmoigne en vne homelie, qu'il a faict à la louange dudict Apostre, laquelle le P. Fronton du Duc de nostre Compagnie, grand chercheur des antiquitez de l'Eglise, & sur tout, des œuvres de S. Chrysostome, qui s'estoient esgarées, a mise au jour, avec seize autres Panegyriques, faicts à la louange de diuers Saincts. En celle donc de S. Thomas, qui est la quatorzième, S. Chrysostome dict ainsi : *Les reliques du juste* (parlant de S. Thomas) *ont surmonté la terre : il s'est monstré plus ample, & s'est plus estendu, que tout autre chose créée, la grace l'a espandu par tout le monde. Il n'y a coing, qui n'ait quelque parcelle de S. Thomas. Il a emply tout le monde, & si demeure entier en chascun lieu.* Or ces dernieres paroles doiuent estre entendues de la vertu & puissance, que la moindre partie de ses reliques a, pour obtenir de Dieu par ses merites & prieres, les graces qu'on luy demande, de mesme, que si son corps restoit entier : comme S. Gregoire de Nazianze

*Dionis.
Halic.
lib. 1.*

*Ja Mar.
tyr. Rom.
3. l. viij.*

*Ex Paneg.
yricis
tract. 14.*

*Gregor.
Naz. ora.
tione 1.
contra
Julian.*

a parcillement remarqué és reliques des autres Saincts. Mais à tant de cecy, pourfuiuons le reste de ce qu'on a descouuert des antiquités Ecclesiastiques, mesme touchant ledict Apostre.

Du temps que Martin Alfonse de Sofa estoit Lieutenant general pour le Roy de Portugal ez Indes, enuiron l'an 1543. luy fust apportée vne lame de cuiure, sur laquelle estoient grauées certaines lettres si vîées de vieillesse, que personne quasi ne les pouuoit lire: mais à la parfin on trouua vn Iuif, (qui pour estre de telle nation, semble estre moins suspect en cecy) homme fort entendu en diuerses languës, & aux antiquitez de ce païs: lequel apres auoir tra-uailié assez pour lire cest'escriture ancienne, & de langage mal aisé à comprendre (à cause qu'il estoit composé de diuers mots ramassez de langues differentes) en vint finalement à bout. Ces lettres contenoient en somme la donation, que le Roy, qui viuoit du temps de S. Thomas; auoit faicte à l'Apostre de certaine estendue de terre, pour y bastir vn Temple. Voila comment le raconte Hierosme Oforius au troisieme liure de son histoire. Mais ce qu'il escrit là mesme d'une Croix miraculeuse, qui fut trouuée trois ou quatre ans apres, ne doit pas aussi estre passé sous silence: car la chose est fort remarquable, & peut seruir pour confirmer beaucoup de choses, qui ont esté dictes cy dessus. Estant donc Gouverneur des Indes Jean de Castro, enuiron l'an 1548. quelques Portuguais habitans de la nouuelle ville de Meliapor, ou comme l'on la nomme à present, de S. Thomas, voulurent faire bastir vne Chapelle sur vn petit costau, proche de la ville, là où le S. Apostre fut massacré par les Brachmanes, comme nous auons dict. Or comme l'on ouuroit les fondemens, l'on vâ trouuer parmi les ruines de quelque bastiment, qu'il y auoit eu autre-fois, vne pierre de marbre blanc, de quatre pans de long, & trois de large, sur laquelle d'un costé estoit grauée à demy relief vne Croix: qui de tous les quatre coings aboutissoit en fleur de lys cambré, ou courbé dehors, & contremont; & sur la poincte d'enhaut y auoit la figure d'une Colombe, comme disent quelques Historiens, ou selon d'autres (desquels nous auons emprunté la figure qui sera mise cy apres) d'un Paon ayant les aisles estenduës, & becquetant, ce semble, le bout de la croix, ainsi que monstre celle qui est venue de Portugal, & des Indes. Ce qui est fort probable, par ce que Meliapor signifie vn Paon en leur langue, ainsi qu'auons dict, & peust estre c'estoit la deuise, ou les armoiries anciennes de la

*Hieron.
Ofor. lib.
3. hist. de
reb. gest.
ab Eman.*

*Oforius
lib. 3. f.
Mass.
lib. 12. f.
Jean de
Lucena
lib. 3. c. 5.
San.
Roman.
lib. 3. f.*

ville de Meliapor. Mais quoy qu'il en soit, outre ce qu'a esté dict, il y auoit sur la mesme pierre tout à l'entour de ladicte Croix, vne triple arcade, appuyée sur d'autres pierres représentées cy dessous, & au bout de cela on voyoit certaines lettres si estranges, qu'on ne trouua personne l'espace de plusieurs années, qui les sceut lire, ou declarer. Et ce, qui fit esbahir dauantage tout le monde, fut, que partie sur le champ de ladicte pierre, partie aussi en quelques endroicts de la Croix, apparoissoient certaines taches de sang, qu'on eust dict estre toutes fresches: car outre la couleur, elles auoient aussi l'humidité, si que les touchant avec vn linge, elles demeuroident empreintes en iceluy. Or voicy la figure de ladicte Croix, tirée le plus naïfvement qu'il a esté possible, sur celle qui a esté portée des Indes.



Les Portugais ayans trouué ceste croix, la mettent avec la reuerence conuenable sur l'Autel, & paracheuent la chappelle avec plus grande deuotion qu'ils ne l'auoyent commencée. Or jasoit qu'ils creussent que ces taches de sang estoient restées de celuy que l'Apostre auoit espandu en son martyre deuant icelle: toutes-
 fois il semble que Dieu voulut encore tesmoigner le mesme par vn miracle, qui aduint bié tost apres de la façon qui s'ensuit.

*Miracle
de ceste
croix qui
sua sang
& chan-
gea de
couleur.*

Comme les Portugais auoyent accoustumé de celebrer à la ville de S. Thomas, la feste dudit Apostre, le 21. de Decembre, ainsi que nous la solennisons, en Europe, ils s'aduifèrent de faire quelque feste en ceste chappelle le 18. jour du mesme mois, auquel se celebre en Espagne l'expectation de Nostre Dame: justement huit jours auant la Noel, & trois auant la feste de Saint Thomas. Ce jour là donques plusieurs Portugais, & autres Chrestiens originaires du pais, s'estans assemblez en ladicte chappelle pour assister à la Messe, chose merueilleuse! voila qu'à la veüe de tout le monde, aussi tost que le Prestre commença à dire l'Euangile, ceste croix aussi commença à distiller quelques gouttes de sang: lesquelles peu à peu grossissent d'auantage, & viennent à tomber si druës & espoisses, que le Prestre, qui disoit la Messe les essuyant avec les corporaux ou autres linges sacrez ils se trouuerent tous couuerts de taches sanglantes. Mais ce ne fut pastout: ains à mesure que le Prestre continuoit la Messe, & que ces gouttes distilloient, la mesme pierre changeoit de couleur. Car sa couleur naturelle estant blanche, elle deuint iaune, puis noire, & de noir se changea en azur ou bleu celeste, iusqu'à ce que la Messe fut acheuée, & lors elle reprint sa premiere couleur. Ceux qui estoient presens furent tellement esmeus à deuotion, & à compunction de leurs pechez, qu'ils se mirent tous à crier, Iesus, misericorde, espendans grande quantité de larmes pour la grande consolation qu'ils sentoient en leurs ames. Mais ce miracle n'aduint pas seulement ce jour-là, ains presque toutes les années depuis ce tēps là, il est arriué, & ce en mesme iour, & au mesme point de la Messe, à sçauoir lors qu'on diët l'Euangile. Que si il vient à manquer quelque année, ils prennent cela pour signe certain, qu'il leur doit arriuer quelque mal-heur extraordinaire, ainsi que l'experience leur à appris, & les euenements l'ont fait tousiours paroistre. Cecy est rapporté par Hierosime Osore Euesque de Sylues en Algarue.

*Aduint le
mesme
presque
toutes les
années au
mesme
iour &c.*

sur la fin du troiesme liure des gestes du Roy Emanuel, & plusieurs autres auteurs dignes foy & de croyance. Les Peres aussi de Nostre Compagnie qui sont là, escriuent le mesme, & assurent ce miracle estre aduenü quelquefois du temps, qu'ils disoyent la Messe. Le Capitaine, & le Vicaire de la ville de S. Thomas, esmeus de ces merueilles furent incitez l'an 1561. à faire la recherche de ce que signifioient ces lettres, qui estoient grauées, tout a l'entour de l'arcade de ceste croix. Or comme c'estoyent des lettres antiques, & l'usage desquelles n'estoit pas lors en vogue, il estoit bien difficile de trouuer quelqu'un, qui les sceust lire & interpreter. Toutesfois les habitans du pais dirent, qu'il y auoit au Royaume mesme de Narfinga vn Brachmane fort entendu en la cognoissance de plusieurs langues, mesmes des anciennes, & que paradiuanture celuy-là

Recherche de l'explication des lettres contenues en l'arcade. pourroit dire ce que lesdictes lettres signifioient. Le Capitaine l'enuoya querir incontinent; & apres qu'il fut venu, il luy demanda s'il scauroit point lire & declarer le contenu en ces lettres. Le Brachmané ayant veu vn peu de loing l'escripture, car la pierre estoit sur l'autel, respond que c'estoit vne chose fort mal-aisée, à cause que ces lettres, disoit-il, sont fort antiques, dont vsoyent les Sages du temps passé, lesquels mettoyent vne seule lettre pour vn mot entier, & quelquefois pour toute vne sentence, qui comprenoit souuent plus de dix, quinze, ou vingt mots; à la façon des lettres hieroglyphiques des AEgyptiens, ou comme encore aujourd'huy escriuent les Chinois, & Iaponois. Or afin que le Brachmane fit plus aisement distinction de ces lettres, les Portugais luy dirent, qu'il montaist sur l'autel pour les voir de plus pres. Le Brachmane faict au commencement du scrupuleux, disant, qu'il ne commettrait jamais vn tel crime, que de profaner avec ses pieds le lieu, auquel on faisoit à Dieu sacrifice. Voila vn idolatre bié superstitieux, qui feint porter honneur & respect à l'autel; & n'en porte pas à celuy de qui est l'autel; semblable à ceux desquels Nostre Seigneur dit, qu'ils veulent faire passer par l'estamine vn mouscheron, & auient vn chameau. Mais finalement, comme l'on luy eut remonstré, qu'il n'y auoit point du deshonneur de Dieu, puis que cela se fai-

Interpretation des lettres donnée par vn Brachmane fort docte. soit à son honneur & de son saint Apostre, le Brachmane quittant à part le scrupule, monte sur l'autel, & donne l'interpretation des lettres: laquelle fidelement traduiete du Portugais en nostre langue, dit ainsi. *Depuis que la foy des Chrestiens apparut au monde, trente ans apres le 21. du mois de Decembre l'Apostre S. Thomas mourut à Ma-*

liapor

liapor, ou il y eut cognoissance de Dieu, & changement de Løy, & de-
struction du Diable. Dieu nasquit de la Vierge Marie, fut sous son
obeissance l'espace de trente ans, & c'estoit vn Dieu eternal. Ce Dieu
enseigna sa loy à douze Apostres, & l'un d'iceux vint à Meliapor avec
vn bordon en la main, & y fit vne Eglise, & le Roy du Malabar & ce-
luy de Choromandel, & celuy de Pandi, & autres de diuerfes nations,
& sectes se determinerent tous de bonne volonté, s'accordans entr'eux
de s'assubjectir à la loy de S. Thomas, homme Saint & penitent. Vint
le temps que S. Thomas mourut par les mains d'un Brachmane: & de
son sang fit vne croix. Voila le contenu es lettres grauées tout au
tour de l'arcade. Et bien qu'en ceste declaration il y peut auoir de
la tromperie, ou par l'ignorance, ou par la malice de l'interprete:
toutesfois ce qui l'authoriza dauantage, fut celle qu'en dorma vn
autre que les Portugais firent appeller d'un autre quartier fort es-
loigné, lequel auoit aussi le bruiet d'estre homme bien versé ez
langues & lettres anciennes: car il s'accorda en tout & par tout,
quant au sens, avec la premiere: sans toutesfois que l'un eut com-
munié avec l'autre, ny qu'on eut aduertit le second de l'interpre-
tation qu'auoit donné le premier. Tout ce que dessus approuué
par actes publics & tesmoignages authentiques, fut enuoyé des
Indes l'an 1562. par l'Euesque de Cochin au Cardinal Henry,
qu'on appelloit pour lors l'Infant de Portugal, & depuis fut Roy
apres Don Sebastien. Ainsi le rapporte Hierosme Oforius au lieu sus
allegué, ou il dit auoir eu en son pouuoir ces actes publics & let-
tres authentiques signées de la main de plusieurs tesmoings. Le
mesme raconte Iean de Barros en sa troisieme decade de l'Asie,
Pierre Maffée au 12 liure de l'histoire des Indes, & plusieurs autres
graues auteurs & dignes de foy. Je sçay bien que nos aduersaires
les huguenots, & autre heretiques de nostre temps, comme enne-
mis de la croix de nostre Seigneur, n'adjousteront pas foy à ce que
dessus; voyans bien que non seulement l'usage de la croix parmy
les Chrestiens, & l'honneur qu'on luy porte est approuué par vn si
beau tesmoignage de l'antiquité, & par la tradition des Apostres:
mais aussi que leur impiété est condamnée, par laquelle avec
grande meschanceté & mespris ils brisent & foulent aux pieds ce
sacré signe de nostre redemption, lequel tous les Saints person-
nages depuis la mort & passion, que nostre Sauueur endura en
icelle pour nous, respectent & honnorent si fort. En quoy ils mon-
strent assez, que celuy qui les incite à ce faire n'est autre, que l'en-

Authen-
té de ce-
ste histo-
re.

nemi de nostre nature, lequel ayant esté si bien dobbé de ce baston l'abhorre & deteste sur tout: & fait aussi que ceux de sa suite, comme les Magiciens, Juifs, Sarrafins, & autres infideles, avec les heretiques de ce temps luy facent tout le deshonneur qu'ils peuuent. Mais soit qu'ils croient, ou ne croient pas ces choses: si est-ce qu'il n'y a homme d'entendement & de raison, auquel le tesmoignage de tant de graues autheurs confirmé par l'experience de ce qu'une infinité de monde void aduenir quasi tous les ans, ne face force pour y adjoûter foy.

DES CHRESTIENS DE S. THOMAS

comment ils furent imbus des erreurs des Nestoriens: &

ce qu'on a fait pour les leur ôster; bref l'estat

auquel est à present ceste Eglise.

CHAPITRE XVIII.

Ceux qui furent conuertis à la foy de Iesus-Christ, par la predication de l'Apostre S. Thomas en ces quartiers de l'Inde, furent si bien antez en icelle, & jetterent de si profondes racines, estans mesmement arrousez du sang qu'il y espendit pour la foy qu'il leur preschoit, qu'elle à esté conseruée non seulement en ceux, qui la receurent immediatement de luy; mais encore en leur posterité; pour le moins quand à la plus-part des principaux points d'icelle: tellement que depuis qu'ils la receurent, jusques en ce temps icy, ils ont fidellement gardé le nom & les marques de Chrestiens; bien qu'ils ayent esté au milieu d'un monde d'infideles tant Payens & idolatres, que Sarrafins, & Atheistes, demeurans mesme sous la puissance de diuers Princes Gentils, & Ethniques. Car du costé Occidental des montagnes, qui s'estendent depuis le cap de Commori bien auant en l'interieur de l'Inde, ils sont subiects aux Rois de Calecut, de Cochins, de Cranganor, de Coulan, & plusieurs autres moindres Princes, ou il y a plus de soixante bourgs peuplez de ces Chrestiens: & autant ou d'auantage en trouue-on du costé Oriental desdictes montagnes sous l'empire du Roy de Narfinga, auquel appartient toute la coste de Choromandel, & la ville mesme de S. Thomas, jaçoit que beaucoup de Portugais y demeurent. Et voila par quels Pinces ils sont regis quant au temporel. Pour le regard du spirituel, ils estoient gouuernez par des Euef-

*Chrestiens
de Saint
Thomas
& leur
constance
en la foy.*

ques, Syriens de nation, depuis quelques centaines d'années, lesquels estoient promeus à ceste dignité par le Patriarche de Babylone, duquel aussi ils dependoyent, comme de leur souuerain Prelat: & ce, à l'occasion qui s'ensuit.

Il y à assez long temps qu'un certain Chrestien venu de la Syrie, viuoit en ceste contrée de l'Inde, & se nommoit Marthomas, ^{Comme ils ont esté gou- vernés tout un long tēps par des Prelats Nestoriens.} qui veut dire en langue Syriaque le mesme que Don Thomas; car ceste diction mar en ce langage est prise pour tiltre d'honneur, pareil à celui de Don, qu'on baille en plusieurs lieux aux nobles. Cestuy-ci donc estant homme fort puissant & riche, auoit grand credit aupres des Rois de Coulan, & de Cranganor: & comme il estoit Chrestien, & s'appelloit Thomas, il affectionnoit particulièrement les Chrestiens de S. Thomas, & les soustenoit, & defendoit aupres desdicts Roys, leur faisant aussi plusieurs autres bons offices selon que l'occasion s'en presentoit. Eux d'autre part obligez par tant de benefices, faisoient tout ce qu'il vouloit, & se gouernoient du tout par son conseil. Or comme il estoit natif de Syrie, il leur persuada de recevoir, & admettre des Euesques Syriens, disant que chez eux tant seulement s'estoit conseruée la vraye foy de Nostre Sauueur IESVS-CHRIST, tout ainsi que le langage duquel luy & ses Apostres vsoyent preschans le S. Euangile, & que par mesme moyen les Euesques de Syrie enseignoyent la vraye doctrine, & la mesme que l'Apostre S. Thomas auoit annoncée à leurs deuanciers. Voila comment les Euesques Syriens entrerent du commencement és Royaumes de Cranganor, de Coulan, & de Cochins; & peu à peu s'espandirent par tous les lieux de l'Inde, ou il y auoit des Chrestiens de S. Thomas. D'ou s'en est ensuyui, qu'encor bien, qu'ils ayent retenu plusieurs choses conformes à celles, que l'Eglise Catholique enseigne, & obserue; ils en ont toutesfois beaucoup d'autres, qui repugnent grandement à la sincerité de la foy, & aux vz ou coustumes d'icelle, d'autant qu'ils ont esté instruits par les Prelats & Euesques Syriens, qui sont heretiques Nestoriens, & schismatiques. ^{Coustumes & croyance des Chrestiens de S. Thomas auant la venue des Portugais.} Nous en rapporterons quelques vnes, tant de celles qu'ils ont conformes avecques nous, que des autres, esquelles ils different, prises d'Osorius & autres historiens. Ils gardent donc le jour du S. Dimanche, & solennisent les festes de nostre Seigneur, de Nostre Dame, & de quelques autres Saints, comme nous; ils chantent des pseumes à l'Eglise, ou ils s'assemblent tous les Dimanches & festes, pour assister au seruice

Eau benite. diuin, & à l'entrée de l'Eglise ils prennent de l'eau benite. Ils baptisent leurs enfans, bien que ce n'est que quarante jours apres leur naissance. Toutesfois s'il leur aduient quelque maladie ou danger de mort, ils anticipent le tēps. Ils donnent les ordres sacrez de Prestre & autres, suyuant l'ancienne coustume de l'Eglise, ores que bien souuent ils les conferent aux petits enfans, parce que les Euesques demeurent d'ordinaire en Syrie, & ne visitent guere souuent leur diocese: de façon que quand ils y viennent, ils donnent les ordres aux petits enfans, afin que les Prestres ne leur viennent à manquer: si est-ce qu'on ne perinet pas qu'ils les exercent, jusques à ce qu'ils sont venus en aage competant. Les Prestres portent la couronne sur la teste, non pas en forme ronde comme nous; mais en croix; ils prononcent les paroles de la consecration sur du pain fait de ris, & sur du vin fait de raisins de passe; les autres Chrestiens laiz communient sous les deux especes, & font au prealable la confession de leurs pechés au Prestre. Quand quelqu'un d'eux est à l'extremité, le Prestre le visite, & luy donne le viatique, à sçauoir le saint Sacrement de l'autel, qu'ils reçoient fort deuotement; & à l'enterrement des morts ils obseruent quasi les mesmes ceremonies, que nous, prians Dieu pour les ames des trespassez. Ils ieusnēt assez estroictement le Carefme, & encore l'Aduent. Ils vsent quasi du mesme Calandrier, que nous avec le bissexte, & le premier jour de Iuillet ils celebrent fort solennellement la feste de S. Thomas, & ce non seulement les Chrestiens, mais aussi les Payens, & Mahometains, qui sont en ce pais là. Or ce qui contrarie le plus à la sincerité de la foy Catholique, c'est, qu'ils tiennent pour saint l'impie Nestorius, & autres semblables heretiques condamnés pieça par les Conciles generaux de l'Eglise Catholique, & si disent avec luy, que la Benoisie Vierge Marie n'est pas mere de Dieu, aussi n'aduouient-ils pas qu'elle soit demeurée vierge apres l'enfantement. Les Prestres y sont mariez: toutesfois si leur premiere femme meurt, il leur est defendu de conuoler en secondes nopces. Ils n'estiment point que l'vsure soit defendue. Voyla les principaux dogmes, vz & coustumes, qu'il auoyent du temps que les Portugais arriuerent és Indes: & encore pour le jour d'huy en y a-il plusieurs, qui les gardent, bien que petit à petit ils se vont conformans aux façons de faire, & à la doctrine de l'Eglise Catholique, comme nous verrons cy apres. Il y auoit neantmoins encore parmi eux beaucoup de schismes & diuisions: car ceux qui sont du costé

*Confessio
auricu-
laire.
Le S. Sa-
crament
de l'Au-
tel.
Carefme
& Aduēt.*

*Erreurs
qu'ils ont
pris des
Nestori-
ens.*

Oriental de l'Inde tenoyent pour schismatiques ceux, qui habitent en la partie Occidentale, & au contraire ceux-cy les autres, à raison de la difference, qu'il y auoit entr'eux en certaines opinions & coustumes. Quant est de leur naturel, ils sont d'ordinaire gens de bon entendement, & de mediocre stature, & pour la plus-part ont vn bel entregent, & la face bien formée, tant les hommes que les femmes, sauf qu'ils sont de couleur vn peu bazanés. Les hommes ^{Leur na-} qui suyuent la guerre sont estimez des plus vaillans soldats de l'Inde, & peuuent mettre en campagne trente mil combattans bien aguerris & deliberez dans peu de temps. L'habit des seculiers est fort honneste, & celuy des Prestres est tout blanc. Ils bastissent leurs Eglises à la mode des temples, que les Gentils font pour leurs Idoles, ainsi qu'ils ont aprins demeurans parmi eux.

Or du temps que les Portuguais commencerent d'entrer avec grande puissance ez Indes, eux se voyans vexez & tyrannisez, partie des Mahometains, ennemis jurez du Christianisme, partie aussi des Princes Payens, qui leur faisoient mille outrages & injures, les prenans souuent, contre tout droict & raison, pour esclauues: si tost qu'ils entendirēt la venüe des Portuguais, & sceurent qu'ils estoient aussi Chrestiens, ils enuoyerent vn embassade à Vasque de Gama, enuirō l'an 1503. lors qu'il fit le secōd voyage des Indes. Estāt donc ^{Font al-} arriué à Cranganor, quelques vns des principaux d'iceux le vindrēt ^{liance a-} trouuer au nom de tous les autres, & luy firent scauoir la grande ^{ues les} joye & lieffe, qu'ils auoient receu, sçachans qu'ils estoient Chre- ^{Portu-} stiens, comm'eux; tellement qu'il leur estoit aduis, qu'ils com- ^{gais des} mençoient à respirer, & conceuoir vne bonne esperance, que par ^{l'an 1503.} leur moyen ils seroient deliurez de tant de maux, qu'ils enduroiēt des Payens, & Mahometains. Car estans de la race de ces anciens Chrestiens, que l'Apostre S. Thomas auoit conuertie à la foy de IESVS-CHRIST, laquelle ils auoient cōseruée depuis, le mieux qu'il leur auoit esté possible, ils n'attendoient pas moins d'eux, qui estoient aussi Chrestiens, que d'estre aidez, & secourus contre les infideles, qui les grenoient si fort. Et par tant, qu'ils estoient là venus pour se mettre sous la protection & sauuegarde du Roy de Portugal, & de ses Lieutenans en l'Inde, le priant de les vouloir prendre pour ses vassaux, & en signe de recognoissance ils luy baillerent vn sceptre d'argēt, au nom de tous les autres Chrestiens de S. Thomas. Gama les receut fort courtoisement, & amiablement, leur donnant bonne esperance, qu'ils ne seroient pas ainsi foulez

pour l'aduenir : car il leur dict, qu'il auoit charge expresse du Roy de Portugal, d'assister particulièrement les Chrestiens de l'Inde, de tout aide, & secours. Mais que jusques alors il auoit eu assez d'affaire à se deffendre contre ses ennemis, & que pour le present, il n'auoit aussi moyen de les secourir, s'en debuant retourner au plus tost : Mais qu'il esperoit que de là en auant ils seroient garantis des outrages, qu'on leur faisoit, par le moyen des flottes, que le Roy de Portugal deuoit enuoyer tous les ans en ce pais là. Que si pendant ces entrefaictes ils auoient promptement besoin de quelque secours, ils pourroient se retirer au Capitaine, qu'il laissoit en l'Inde, avec vne bonne flotte de nauires, qui les assisteroit cependant en tout ce qui seroit possible. Ceste response contenta fort lesdicts Ambassadeurs, & tous les autres Chrestiens, au nom desquels ils estoient venus ; & dès lors ils furent mis sous la protection, & sauue-garde des Portuguais, lesquels commencerent de traficquer avec eux plus particulièrement, à cause de l'alliance plus estroicte, qu'il y auoit par ensemble. Mais auant que venir à ce qu'on a fait pour leur instruction, il sera bon de dire vn mot des choses plus remarquables, aduenues en la ville de S. Thomas, depuis que les Portuguais ont commencé de l'habiter.

Le profit qu'on a fait à la ville de S. Thomas.
 Nous auons dict au premier Liure, cōme le B.P. Xavier s'estāt arresté quatre mois à la ville de S. Thomas, y auoit si bien trauaillé, & profité, que lors qu'il en sortist, il n'y laissa pas vn Portuguais, duquel on peut en bōne conscience juger, qu'il vescu mal, au moins quāt à l'exterieur, y en ayant trouué plusieurs quand il y vint, qui menoient vne vie plustost d'Epicurien, que de Chrestien. Or, à fin que le feu de la deuotion, qu'il y auoit allumé, s'entretint en ceste ville, si tost qu'il eust recouuert de nouveaux ouuriers de Portugal, pour luy aider à cultiuer ceste vigne, il en prouueust les habitants de la ville de S. Thomas, qui luy auoient demādé fort instamment quelque Pere de la Compagnie, pour leur consolation ; de sorte qu'il y enuoya le P. Alfonse Cyprian, personnage de rare vertu, & fort zelé à l'honneur de Dieu, mais sur tout grand persecuteur des pechez publics, & scandaleux. Or iāçoit qu'il fust desia homme d'aāge, il trauailloit neantmoins autant, comme s'il eust esté en la fleur de sa jeunesse. Il aduança grandement le bien spirituel, que le P. Xavier y auoit encōmencé, mesme à l'endroit des Portuguais, desquels il estoit aimé, respecté, & obey, comme s'il eust esté leur propre pere, bien qu'il les reprint quelques fois

fort aigrement de leurs fautes, Quant aux Indiens originaux, comme plusieurs des Gentils vindrent s'habituier à la ville de S. Thomas, apres que les Portuguais eurent commencé de la rebâtir, on taschoit de les aider: à fin qu'ils se rengeassent à la foy Chrestienne, laquelle on leur preschoit d'ordinaire, & le mesme faisoit-on à l'endroiect des autres Payens, qui demeuroident tout autour de la dictée ville, lesquels nos Peres alloient bien souuent semondre à recevoir les rayons de la lumiere de verité: d'ont il s'est ensuiuy, que plusieurs d'iceux se sont rendus Chrestiens. Les nostres ont tousjours depuis fait leur residée en ceste ville là, où ils ont maintenāt vn College fondé, qu'on nomme le College de S. Iehan, à cause *College de la Compagnie fondée en ceste ville.* que l'Eglise d'iceluy est dediée à S. Iehan l'Euangeliste, là où on instruit les enfans des Portuguais, & autres Chrestiens du pais. Ils ont encore charge d'une Paroisse, qui est hors la ville, composée de Chrestiens: lesquels ont esté gaignez par leur moyen à IESVS CHRIST, & leur vont administrer les Sacrements, & la parole de Dieu, quand il faut. Outre ce, ils ont à demy lieuë de la ville en vn lieu, qu'on appelle la petite montaigne, vne maison & Chapelle bastie sur vne grotte, à laquelle les habitans du pais tiennent, que S. Thomas auoit aussi accoustumé de se retirer, pour *Petite montaigne lieu fort deuot.* faire illec, son oraison, & prier à Dieu, comme en celle, où il fut martyrizé: & mesme en y a qui estiment, qu'ayant esté blessé à la premiere, il vint depuis mourir en ceste-cy, & que ses Disciples emporterent de là son corps à la ville de Meliapor, pour l'enseuelir: Mais quoy qu'il en soit, il est neantmoins croyable, que l'Apostre souloit quelque fois se retirer là: car telle est la cōmune opinion, & croyance des habitans. Qui fut la cause pour laquelle vn certain Portuguais fort deuotieux au S. Apostre, fist bastir ceste maison & Chapelle, à l'honneur d'iceluy, desirant pour sa consolation passer là le reste de sa vie; comm'il fist aussi: & venant à mourir, legua ce lieu au College de la Compagnie, fondé en la ville de S. Thomas, tellement que les nostres en jouissent depuis sa mort. C'est vn lieu fort deuot: car outre qu'on tient, que l'Apostre se retiroit là souuent; il y a encore vne Croix de la mesme forme, que celle qu'auons dict cy deuant, sauf les lettres grauées à l'entour: laquelle est enchassée dans vne paroit de la Chapelle: & on estime, que le S. Apostre souloit faire son oraison deuant icelle, comme deuant l'autre, qu'on a trouué en la grande montagne, où il fut martyrizé.

Or jaçoit qu'en ceste ville de S. Thomas, ceux de nostre Compagnie ayent faict beaucoup de fruiet, mesme à l'endroiect des Portuguais habitâs d'icelle (car il y reste à present fort peu de Payens, ou Sarraïns) toutesfois par ce que cela n'appartient pas proprement à nostre sujet, veu que nous pretendons principalement donner cognoissance du progres, que la foy Chrestienne a faict ez Indes Orientales, en la conuersion des infideles, nous lairrons tout cela à part, excepté vn faict memorable du P. Alonse Cyprian, duquel nous auons parlé cy deuant. Ce Pere donc estant fort zelé à l'honneur de Dieu, ne pouuoit endurer les pechés publics, & scandaleux, sans les reprendre bien aigrement: de façon, qu'ayant esté aduerty, qu'un certain pilote Portuguais, qui estoit venu là pour trafiquer, auoit rauy la femme d'un Chrestien originaire du païs, & l'ayant traînée par force dans son nauire, s'en estoit fuy, mettant les voiles au vent. Le Pere, dis-je, ayant sçeu cela, & voyant d'un costé, que le faict estoit scandaleux, & pouuoit apporter beaucoup de dommage à ces nouueaux Chrestiens, qui auoient esté freschement conuertis à la foy: & de l'autre, que la justice seculiere, ny Ecclesiastique n'en faisoit point la poursuite, à cause que le delinquant auoit desia gaigné le haut; il se delibere, comme bon Pasteur, de l'aller poursuiure, pour luy oster la proye des mains, & luy faire rendre sa brebis. A ces fins il monte sur mer dans vne petite barque, & suiuant la route, que l'autre auoit pris, il attrappe en fin ce galant à vn port de mer, non guere loing de là, où il s'estoit arresté. L'ayant accosté, il commence à le requerrir de la part de Dieu, de rendre la femme d'autrui, qu'il auoit meschamment rauie contre tout droict, & raison; luy representant le mauuais exemple, qu'il auoit donné, tant aux Portuguais, qu'aux nouueaux Chrestiens, naturels du païs, & comm'il estoit cause, que le nom de Dieu fut blasphemé parmy les infideles. Mais comme ce meschant homme estoit desia aucuglé par sa concupiscence, il ne fist aucun compte de ce, que le Pere luy representa, ains s'en mocquoit, & s'en rioit à pleine gorge. Le Pere voyant l'impudence, & audace effrontée du pilote, s'adresse au Capitaine & maistre du nauire, qui n'estoit pas plus homme de bien, que l'autre, & le conjure de la part de Dieu, de faire en sorte, que son pilote rendist la femme d'autrui. Mais le Capitaine ne voulant pas desplaire à l'autre, au lieu de le tanser, tasche de l'excuser, & defendre; de sorte, que le Pere ne gagna rien à l'endroiect ny de l'un

*Faict memorable
du P. Alonse Cyprian.*

*Aucuglé
mēt d'un
hōme pas-
sionné.*

l'un ny de l'autre; bien qu'il les menaçast tous deux de l'ire, & vengeance Diuine, mais ils se gaboient de tout cela. Tellement, que sans faire cas ny du Pere, ny de ses remontrances, ils leuent les anches, & mettent les voiles au vent en sa presence mesme. Or l'un d'iceux estoit borgne, à sçauoir le pilote, & le Capitaine estoit begue; le Pere s'estant retiré à la ville de S. Thomas, fort triste & desolé, pour n'auoir peu retirer ceste pauure ouaille, de la gueule des loups: le premier jour de feste, qui suruint apres cecy, à fin que les plus foibles en la foy n'en prinsent scandale, il reprint aigrement en son sermon vn si meschant acte; & dict entre autres choses, que Dieu ne le lairroit pas impuny: adjoustant par vn esprit prophetique, ainsi que l'effect monstra, que le nauire se perdrait, que le borgne viendrait auetugle, & le begue muet. Ce qui arriua tout de mesme, fort peu de temps apres. Car vne tourmente les surprit en haute mer, & les emporra d'une grande violence sur la coste, là où le nauire se froissa de sorte, que non seulement le vaisseau, mais aussi routes les marchandises, qui estoient dedans, perirent dans la mer. Toutesfois le Capitaine & le pilote eschapperent du naufrage: à fin que la prophetie du Pere fust accomplie. Estans donc tous deux sautés a terre, le Capitaine forcené de rage, & de cholere contre son pilote, estimant, que ce desastre luy estoit aduenue en punition de ce meschant acte, qu'il auoit commis, emportant la femme d'autrui par force, se jette sur luy avec grande fureur, & luy arrache de la teste l'autre oeil, dont il y voyoit, tellement que ce miserable resta du tout auetugle. Le Capitaine aussi, qui estoit begue auparavant, se tourmenta lors si fort, criant, & tempestant contre l'autre, qu'il en deuint du tout muet; & de celle sorte fut verifié tout ce que le Pere auoit predict. Voilà comment Dieu chastie quelquefois en ce monde mesme, les pechez scandaleux: à fin que les autres n'y tombent, & que les hommes recognoissent sa diuine puissance, & justice sur les iniques, & peruers. Au demourant, je trouue, qu'en uiron l'an 1595. vn certain *Un Seigneur Payé de la Eglise de S. Iean à Malapour.* Payen des officiers du Roy de Narfinga donna trois cens pardaos de rente par an à l'Eglise S. Iean, qui est celle de nostre Compagnie. Et à fin que la chose fust plus asseurée, & stable, il fit ratifier ladite donation au Roy par lettres patentes, qu'il eust de luy à ces fins, par ce que la ville de S. Thomas luy appartient. Avec ces rentes, & quelques autres aumosnes qu'on a donné au College, il y a moyen de nourrir non seulement ceux de nostre Compagnie, qui

sont là nécessaires, mais aussi, un Seminaire de jeunes enfans de noble maison Malabares, ou Badageois, qui a esté commencé environ l'an 1598.

Venons maintenant à ce, que les nostres ont fait pour l'instruction, & reformation des Chrestiens de S. Thomas. Or par ce qu'ils habitent parmy les montaignes, qui font ceste merueilleuse distinction des faïsons, que nous auons dict cy dessus, & que la plus part d'iceux se tient aux Royaumes de Cochin, de Coulan, & de Cranganor; ceux de nostre Compagnie, qui resident au College de Cochin, ont fait tout plein de Missions, & courses vers ces quartiers là, pour le bien & profit desdicts Chrestiens: & à fin qu'ils eussent quelque lieu de retraicte pour se retirer, on leur a basti, & fondé vne maison à vne ville située sur ces montaignes, qu'on nomme Vaïpicota, cinq lieues loing de Cochin, vers le Nord: par ce qu'en icelle y a plusieurs de ces Chrestiens, & beaucoup d'autres, qui sont espars çà & là par les villes & bourgades, qui sont à l'entour de Vaïpicota. Et jajoit que ceste residence soit dépendente du College de Cochin: toutesfois par ce que ce que nous en deuons dire, presuppose la cognoissance des erreurs, desquels estoient inbus ces Chrestiens, nous auons jugé pour le mieux, de le remettre jusqu'icy.

Il faut doncques sçauoir, que les Portuguais ayant pris sous leur protection, & sauuegarde les Chrestiens de S. Thomas (côm'a esté dict cy dessus) ils ont eu tousiours beaucoup de credit, & autorité parmy eux, & par ce moyen nos Peres aussi se sont introduits en leur familiarité, mesme ez Royaumes de Cochin, de Coulan, & autres, qui sont alliez & confederéz avec les Portuguais. Or comme ils estoient desireux extremement du salut de ces Chrestiens, jugeans qu'il n'estoit pas raisonnable, qu'on baillast le pain de la parole de Dieu aux chiens, c'est à dire aux infideles, & qu'on en priuast les enfans, laissant crouppir en leurs erreurs ceux, qui auoient si fidelement conserué le Christianisme depuis si long temps, & qui failloient plus tost par ignorance, que par malice; ils se sont estudiez dès le commencement, qu'ils sont venus en l'Inde, de les retirer des fausses opinions, qu'ils auoient succé avec le laiç de leur mere, & corriger les abus, qui s'estoient glissés parmy eux. Et comme ce sont gens fort dociles, & qui desirent sur tout, faire leur salut, il n'a pas esté difficile d'en gaigner un bon nombre, si bien que plusieurs d'iceux recognoissans la fausseté de la doctrine,

Vaïpicota ville où demeurent force Chrestiens de S. Thomas.

Chrestiens de S. Thomas dociles & desireux de leur salut.

que les Prelats Nestoriens leur auoient apprinse, ont reiecté, & detesté ces erreurs, & embrassé la foy de l'Eglise Catholique Apostolique & Romaine, s'accommodans petit à petit aux vuz & coustumes d'icelle. Toutesfois vn faux Euesque Nestorien, estant venu là de Syrie, pensa gaster, & corrompre plusieurs d'iceux, par sa fausse, & meschante doctrine, qu'il alloit semant çà & là : mais on y enuoya promptement le P. Melchior Carnero, qui auoit esté destiné pour la mission d'Æthiopie, & à ceste cause estoit créé Euesque titulaire de Nice, mais icelle n'ayant pas reüssi, comm'il se dira au troisiésme Liure, ledict Pere estant à Goa lors que ce Nestorien suruint, fut mandé vers les montagnes pour le rembarquer. Ce qu'il fit, avec telle efficace, que l'autre perdit courage, & se retira. Depuis, les nostres ont continué tousiours à trauailler en ceste vigne de nostre Seigneur, & ont gagné tel credit, & reputation de vertu, & de doctrine, que quand on sçait qu'ils preschent en quelque lieu, ces Chrestiens y accourent de toutes parts. Car ils sont fort affamez du pain de la parole de Dieu, d'autant qu'à peine entendoient-ils auparauant deux ou trois sermons durant toute l'année, mesmes és lieux, où l'Archeuesque, & l'Archidiacre residioient.

Leurs Prestres (qu'ils nomment Cassanaires) voyans, que par la presence, & doctrine des nostres, leur vie, & leur ignorance estoit redarguée, ne les voyoient pas de bon œil; de sorte qu'ils s'efforcèrent d'inciter le peuple à les chasser, disans, qu'il estoit à craindre, qu'un tel voisinage ne leur fust dommageable. Mais leur ruse fut bien tost descouuerte, & le commun consentement du peuple, qui les affectionnoit grandement, rembarra aisément leurs calomnies, & mensonges. L'Archeuesque, & l'Archidiacre furent aussi de nostre costé, & monstroient bien l'affection qu'ils nous portoient. Car ils se seruoient de l'aide, & du conseil des nostres en leurs affaires, tant spirituels, que temporels, leur donnerent toute puissance de prescher, catechizer, & exercer les autres fonctions propres de nostre institut, par toute ceste cōtrée és lieux de leur juridiction. Et voilà en quel estat furent les affaires, jusques à l'an 1582. Apres ce, l'année suiuite le P. Alexandre Valignan, estant Visiteur des Colleges, & maisons de la Compagnie, qui sont és Indes, fist vne chose fort vtile, & profitable, pour donner vn bon pied à la reformation des abus, qui s'estoient glissés parmy eux. Car ayant parlé à l'Archeuesque, il luy fist entendre la grande necessité, qu'il

*L'opinion
grande
qu'ils ont
des no-
stres,*

*Cassanai-
res Pre-
stres de
ces Chre-
tiens.*

1582

*L'Archeue-
sque de
ces Gbre-
siens as-
semble vn
Concile.*

*Professe
la foy de
l'Eglise
Catholi-
que Apo-
stolique
& Ro-
maine.*

y auoit de reformer son Clergé, & là dessus luy bailla quelques poinçts par escrit. L'Archeuesque ayant fait assembler vn Concile, auquel il se treuua avec son Clergé, & deux de nos Peres en- cor, apres qu'on eust dict deux Messes, l'une en Latin, avec les ce- remonies de l'Eglise Latine, l'autre en Chaldaïque, suivant le Ri- tuel des Chaldeans, L'Archeuesque fist profession de la foy Ca- tholique Apostolique & Romaine, deuant tout le peuple, & puis leust premierement ce que le Concile de Florence auoit decreté, touchant la doctrine, qu'on doit tenir des Sacremens de l'Eglise. En second lieu, il fit lire les poinçts, que le Pere Valignan luy auoit baillez. Et par ce qu'ils ne contenoient autre chose, que ce qui estoit propre pour corriger les abus, qui auoient esté introduits par l'ignorance, ou malice de ceux qui les deuoient abolir, il fu- rent approuuez d'un chascun. Vn de nos Peres, qui est tres-bien versé en la langue Chaldaïque, eust charge de corriger les Rituels, desquels les Prestres se seruoient disans la Messe, & faisans le ser- uice diuin. Là où il trouua beaucoup de choses contraires à la foy Catholique. Car ils mettoient au rang des Sainçts ce meschant seducteur, & maistre d'impieté Nestorius, avec ses disciples. On leur raya cela de leurs liures, apres leur auoir monstré la raison, pour laquelle cela deuoit estre fait.

*Semina-
ire des en-
fãs de ces
Chrestiens
erigé à
Vaïpica-
14.*

Or afin que le profit, qu'on faisoit fut plus ferme & assuré, on aduisa qu'il seroit bon d'instituer vn Seminaire de jeunes enfans yssus desdicts Chrestiens, auxquels on aprint des leur tendre jeu- nesse les sciences avec la vertu & syncerité de la foy Catholique: à celle fin qu'estans deuenus grands, ils fussent promeu- z aux ordres sacrez, & tant par le bon exemple de vie, qu'ils meneroyent, que par leur doctrine ils enseignassent la vraye foy de l'Eglise à ceux de leur nation. Cecy fut commencé l'an 1587. par l'assistance du Viceroy: & depuis ce seminaire à prins vn tel accroissement, que l'an 1595. il y auoit 45. jeunes escoliers: douze desquels estoient ja Prestres, trois Diaeres, dix-huict, qui auoyent receu les ordres moindres, & les autres estoient encore trop jeunes pour cela. Les Chrestiens y mettent volontiers leur enfans, car on fait grand cas de ceux, qui ont estudié audict seminaire. Il plaist aussi à No- stre Seigneur faire par leur moyen des choses merueilleuses, comme nous auons veu cy deuant en ce Prestre du Royaume de Por- ca: mais en voyci encore d'autres exemples. Deux jeunes hommes de ce seminaire furent enuoyés l'an 1588. au Royaume de Parian,

*Deux ie-
unes homes
d'iceluy*

qui est proche de Vaipicota, là où ils deliurerent deux personnes, qui estoient possédez du malin esprit, au grand des-honneur & regret des Canianes, qui sont les sorciers de ce pays là; lesquels s'estoyent efforcez en vain de ce faire. Mais le faict de l'un d'iceux merite bien d'estre raconté plus au long, car aussi le bruiet en courut par toute ceste contrée, & le bien qui s'en est ensuyui, n'a pas esté petit, outre qu'il y a esperance qu'il sera encore beaucoup plus grand. Donques l'un d'iceux ayant esté enuoyé au Roy, pour le saluer & visiter, de la part de nos Peres, trouue que sa fille estoit griefuement tormentée du malin esprit, sans aucun espoir de sa deliurance: parce qu'ils y auoyent employé tous les remedes, desquels ils s'estoyent peu aduiser. Or tandis que ce jeune homme estoit là, il vint en fantasie au Roy & à la Royne d'espreuer quelle puissance auoit sur les diables la Religion, que nos Peres enseignoyent, puis qu'ils auoyent en leur maison vn de leurs pensionnaires. La Royne donc s'en va sur la minuiet accompagnée de sa suite en la chambre de ce jeune homme, & trouuant qu'il reposoit, elle l'esueille, & le prie de venir chasser le diable, qui vexoit cruellement sa fille: le jeune homme fut bien estonné de voir la Royne en ce temps-là dans sa chambre, & n'estant encore du tout bien esueillé, mais poussé (comm'il est à croire) par vne inspiration diuine, il respond soudain à la Royne, qu'il iroit le chasser: mais si tost qu'il eut dit cela, il s'en repentit, n'estant asseuré, si Dieu vouloit faire des miracles par son moyen: toutesfois il ne pouuoit bonnement s'en desdire. Partant il s'en va trouuer la fille, & en presence de ses pere & mere, luy faict oster tous les enchantemens & forcelleries, que les Canianes luy auoyent baillé. Puis se met deuotement à genoux, & commence à dire les sept pseumes, que nous appellons penitentiaux. Estant arriué au quatriesme, qui commence *Miserere mei Deus*, le diable faict trembler horriblement la fille, & jette par sa bouche vn cri espouuantable, accompagné d'un profond gémissement; de façon qu'il monstroir auoir grande crainte d'estre chassé de là. Le Roy s'en apperceuant, dict aux assistans, que le malin esprit voyoit bien qu'il auoit affaire à vn puissant ennemi; puis il disoit au diable; Tu ne vois pas icy des Cassanaires, & le menaçant: Tu seras châtié bien tost (faisoit-il) meschant & orgueilleux, que tu es; cependant le jeune homme poursuit sa priere & l'ayant acheuée, la fille demeura quelque espace de temps couchée par terre, comme si elle eust esté morte: mais apres elle se

deliurent
deux de-
monia-
cles.

L'un d'iceux
deliure
du
malin es-
prit la
fille du
Roy de
Paran.

*Esperan-
ce de la
conuersio
de ce Roy
& de son
Royaume.*

leua sans aucun mal, avec vne resioiſſance nompareille de ses po-
re & mere, lesquels rendoyent graces infinies à Nostre Seigneur,
en vertu duquel ils auoyent obtenui la guerison de leur fille. De-
puis ce temps-là ils desirerent fort se renger à la foy Chrestienne;
mais ce qui les retient encore, c'est la crainte, qu'ils ont de perdre
leur Royaume par vne generale reuolte de leurs subjects, qui ad-
uiuent souuent au changement de Religion: & pource quant au
gouuernement ils changent petit à petit les choses, qui concer-
nent le faict de la Religion, afin que s'il est possible ils tournent
la rouë sans en faire semblant, ou bruiët aucun. Mais quant à leur
priué & particulier, ils quittent les erreurs & superstitions Payen-
nes; tellement que le Roy estant de retour d'une guerre, ou il auoit
gaigné vne belle victoire, soudain il prend tous les noms des Ido-
les, qu'il portoit sur soy, & les rompit en presence de ce jeune hom-
me, le priant de luy bailler en eschange quelques paroles de l'E-
uangile escriptes, avec la forme & maniere de prier Dieu; si luy
promit, qu'il ne se seruiroit onques plus d'enchantemens & sor-
celeries, comme les Payens font coustumierement. Bref il y à gran-
de esperance, que ce Roy se rende Chrestien avec tout son Royau-
me. Ce qui aduanceroit grandement la gloire de Dieu en ce pais
là: par ce qu'il commande à plus de cent mille subjects. Mais pour
retourner aux escoliers du seminaire, c'est vne chose fort ordinaire
à eux que de chasser les diables des corps de ceux, qui en sont pos-
sedez, tantost par les exorcismes de l'Eglise, tantost en recitant
quelques paroles de l'Euangile, ou bien arrouſant d'eau beniste les
demoniacles. Et mesme l'an 1596. pendant qu'un de nos Peres ac-
cordoit dans l'Eglise vn grand different, qu'il y auoit entre deux
Chrestiens de grande auctorité, ainsi que nous dirons cy apres,
quelques vns de ces jeunes hommes, qu'il auoit mené quant &
foy, deliurerent avec ces remedes dix ou douze demoniacles. Ce
qui est aussi aduenü plusieurs autresfois, que nous laissons à part;
bien qu'en ayons des exemples en nos annales. Et ce n'est pas de
merueille: car ces enfans entreprenent ces choses avec vne grande
foy & confiance en Dieu, joincte avec vne merueilleuse candeur
& simplicité,

*Corner-
ſiū reman-
quable
d'un jeu-
ne enfant.*

Vn jeune adoleſcent Payen aagé de quatorze ans estant allé à
Vaipicota pour voir comme l'on viuoit en ce seminaire, fut si rai-
d'admiration voyant le bel ordre, qu'on y gardoit, qu'il resolut de
se rendre Chrestien. Et aussi tost se fit couper les cheveux, qui est

parmy les Indiens vn signe de Catechumene ; ou de celuy qui aspire au baptesme. Mais ce jeune homme ne se contente pas de celazains apres que ses cheueux furent coupez, il se met avec grand desdain à les fouler aux pieds, & les souille tous de crachats en detestation de son ancienne superstition. Nos Peres voyans sa ferueur furent d'aduis de l'enuoyer à Cochim, pour estre baptisé là avec plus grande solennité. Mais comm'il passoit par vn village de Payens, celuy qui gouernoit en iceluy, fasché de ce qu'il alloit faire, le retint par force. Les nostres, soudain qu'ils sceurent cela, s'en vont plaindre au Roy, du tort qu'on faisoit à leur Catechumene. Le Roy commande qu'on le luy meine deuant soy : mais comme celuy, qui l'auoit prins se doubtoit que le Roy ne le chastiaist, il menaçoit l'enfant de le tuer, s'il ne disoit deuant le Roy, que les nostres le menoient par force, pour estre baptisé à Cochim: Ce neantmoins l'adolescent dit clairement, qu'il n'auoit esté forcé de personne, ains que de sa propre volonté il se rendoit Chrestien. Or comme l'on dilayoit à prononcer la sentence, l'enfant enuoye dire aux nostres, qu'ils se pouuoient bien retirer, que pour luy il estoit delibéré de s'enfuir de nuict, & s'aller rendre à Cochim. Le Roy ayant sceu la chose le lascia aller, & condamna celuy, qui l'auoit pris à demander pardon publiquement aux nostres, du tort qu'il leur auoit fait. L'adjousteray pour le dernier, comme deux ou trois escoliers de ce seminaire estans allez à la maison d'un des principaux habitans de la ville, qui auoit sa femme en trauail d'enfant depuis quelques jours, avec grand danger de sa vie ; apres que plusieurs autres tant Payens, que Chrestiens eussent essayé beaucoup de remedes, mais pour neant : ceux-cy prient le pere de famille de vouloir faire sortir dehors tous les Payens, & faisant mettre à genoux tous les Chrestiens, ils commencent avec eux de prier Dieu pour la deliurance de ceste Dame. Quelque peu de temps apres ils escriuent sur vn peu de papier ces paroles de l'Euangile, *Verbum caro factum est* : le verbe s'est fait chair, & le luy attachent au col. Chose merueilleuse ! aussi tost ladicte femme fut deliurée de son fruiet fort heureusement, Dieu voulant monstrer par là, combien luy agréé l'oraison des ames simples & innocentes, ensemble la force & efficace des sacrées paroles. Mais c'est assez parlé de ce seminaire, traictons maintenant du profit que ceux de nostre Compagnie ont fait avec l'aide de Dieu parmy ces Chrestiens.

Ilz sont donc en tout quatre des nostres, qui resident ordinaire-

Une femme deliurée du trauail d'enfant par les prieres des petits enfans.

*On ensei-
gne les
langues
Chaldaï-
que, Lati-
ne & Por-
tugaise à
ces Chre-
tiens.* ment à Vaïpicota, ou ils enseignēt les lāgues Latine, Portugaise, & Chaldaïque: car les liures anciens de ces Chrestiens sont escripts en langue Chaldaïque, & neantmoins plusieurs d'iceux l'ignorent. D'ailleurs la langue Latine leur sert beaucoup, pour descouvrir mieux la fausseté des erreurs, qu'ils ont humé avec le lait de la nourrice, & la Portugaise pour raison du commerce, & de la communication, qu'ils ont avec les Portugais. Les nostres aussi apprennent la langue du païs: car ils ont expérimenté, qu'on fait beaucoup plus de fruit leur parlant sans interprete en leur langue maternelle: d'autant que par ce moyen on peut plus aisement instruire les plus rudes & ignorans en la foy Chrestienne, expliquer au peuple les Euangiles, entendre leurs confessions, bref corriger les abus, qu'ils ont contraires à la sincerité de la foy Catholique. L'on fait encore beaucoup de profit en l'instruction des esclaves, desquels les Cassanaires ne tenoyent aucun compte.

*Utilité
des mis-
sions qu'on
fait vers
ces Chre-
tiens.* Les courses aussi que les nostres vont faire quelque fois à Angamale, ou est le siege Archiepiscopal, & en d'autres endroits, ne sont pas moins profitables. Car jaoit qu'au commencement on n'y fit pas grand chose, à cause qu'ils se disoyent estre Chrestiens de S. Thomas, & ne vouloir rien innouer en leur ancienne Religion; toutesfois apres que le temps eust dissipé les brouillars des faux soubçons, & vaines craintes qu'ils auoyent, les plus honorables d'iceux commencerent à faire grand estat des nostres, & par leur exemple inciterent le menu peuple à faire le mesme, tellement que depuis avec l'aide de Dieu, l'on y à beaucoup profité; & mesme à l'endroit des Cassanaires; plusieurs desquels sont venus au seminaire de Vaïpicota apprendre non seulement la langue Chaldaïque, laquelle leur est fort necessaire, pour entendre ce qu'ils disent en leur Messe & au service diuin; mais aussi la foy & doctrine de l'Eglise Catholique Apostolique & Romaine avec les vz, & coustumes d'icelle; tellement qu'ils s'en sont retournez à leur païs mieux instruits & plus propres pour faire leur office.

*Satan
cache
d'empe-
cher ce
profit.* Le diable preuoyant le grand bien que cecy apporteroit, si la chose continuoit de la sorte, itascha de renuerfer & mettre par terre de si heureux commancemens. Car l'Archeuesque d'Angamale, qui est le principal Prelat de ces Chrestiens, esmeu partie des faux rapports, qu'on luy faisoit de nous, partie aussi de son ambitio propre, eust crainte, que le peuple prenant goust à nostre doctrine, ne fut destourné de l'obeissance & reuerence, qu'il luy deuoit: & par-
tant

tant s'efforça de soubstraire de nostre discipline les jeunes hommes, qui estudioient au Seminaire ; mais voyans qu'iceux ne vouloyent nous quitter, il tasche de nous faire mal-vouloir des Roytels d'alentour, & par des fausses accusations ou blasmes les aigrir tant contre nous, que contre les Prestres, qui auoyent estudié au Seminaire, disant que nos intentions & desseins estoient contraires à leur bien & profit, & que nous diuertissions les peuples de l'obeissance deuë à leurs Princes ; y adjoustant vne infinité d'autres choses encor plus mauuaises pour nous descrire.

Ces calomnies & mal-vueillances, que l'Archeuesque monstroit à descouuert contre nous, fournirét d'audace à quelques vns de ses subjects, pour s'opposer à l'exercice de nos fonctions. Car vn des nostres estant allé à vne des principales villes de ceste contrée, tandis qu'il enseignoit le peuple dans l'Eglise, voyci vn des principaux, qui sort du milieu de l'assemblée, & commence à contredire à ce, que le Pere preschoit, disant que la doctrine qu'il enseignoit, estoit fausse, y adjoustant tout plein d'autres choses, qui redondoyent au grand mespris tant du predicateur, que de la doctrine qu'il preschoit. Les auditeurs furent grandement irritez contre cet effronté, & se fussent ruez sur luy, si le Pere ne les eut appeidez avec douces paroles ; dont l'autre print vne telle hardiesse, qu'il osa bien frapper deux Prestres du Seminaire, qui estoient venus en compagnie du Pere. Tout le reste de l'assemblée voyant vn tel outrage, se mit en altere, de sorte qu'ils se fachoient fort contre le Pere, parce qu'il ne vouloit pas permettre qu'on print vengeance d'vne telle injure : & disoyent que les autres Portugais n'auoyent pas accoustumé de laisser telles choses impunies, & que si on ne chastioit vne telle audace, il n'y auroit desormais aucun Prestre, qui osast prescher ouuertement la verité. Mais le Pere faisoit cela, pour n'offencer la Royne, à qui ceste ville appartenoit : parce que celuy, qui auoit commis cet acte, estoit fort fauory d'icelle : neantmoins il ne peut empescher, qu'on n'enserrât cet homme dans vne maison, ce qui est parmi les Malabares vne espece d'affront tres-grand. La chose estant sceuë à Cochin, le Capitaine des Portugais en fut grandement indigné, & vouloit chastier rigoureusement cest homme ; toutesfois estant prié par nos Peres d'attendre encore vn peu jusqu'à ce qu'on vid quel ply ceste affaire prendroit, il leur aquiesça. Cependant le coupable recognut sa faute, & se monstroit prest de subir telle peine qu'on jugeroit :

*Audace
effrontée
d'un quidam.*

*est punie
comm'is
apparaît.*

mais il changea bien tost d'aduis à la suasion de quelques autres, qui le soustenoyent. Or comme l'on vid que la Royne ne le puniffoit pas, & que l'Archeuesque ne le declaroit pas excommunié, selon son deuoir, ains l'admettoit aux diuins offices, bien qu'il en fut forclos selon le droict, faisant ceta comme on croit, pour l'amour de son Archidiacre, parce que le delinquant estoit son oncle, le Capitaine de Cochin fit defense aux Portugais de ne trafiquer plus avec les habitans de ceste ville. Ce qui priuoit tant lesdicts habitans, que la Royne d'un grand gain & emolument. A ceste cause nos Peres sortirent aussi de là. Pour remettre le trafic la Royne enuoya prier le Roy de Cochin de vouloir moyenner l'accord entre les Portugais & elle, s'offrant de leur faire donner telle satisfaction, qu'ils voudroyent du tort qui auoit esté fait auxdicts Prestres. Le Roy enuoye là le Pere, qui auoit charge de la maison de Vaïpicota, & avec luy cet autre Pere, qui auoit receu l'affront: mais affin que l'Ambassade eut plus d'autorité on y fait aller aussi deux Procureurs du Roy, qu'on appelle Regents. Ils furent accueillis avec vne grande joye de tout le peuple (qui estoit fort marry d'estre priué de la presence de nos Peres) & de la Royne encore, laquelle liura tout aussi tost le coupable entre les mains des iuges, protestant que jaoit qu'il fut gentilhomme de bonne part, & fort bien venu en sa Cour, neantmoins qu'elle estoit contente, que les Chrestiens eussent à cœur l'honneur & le respect deu à leur religion. Apres ce on mit le proces sur le bureau, & par l'aduis de tous, tant Ecclesiastiques, que laiz, qui se trouuerent au conseil, le coupable fut condamné à payer certaine somme d'argent, & à faire amende honorable trois jours de Dimanche, se tenant debout deuant la porte de l'Eglise, & ayant en main vn cierge allumé durant tout le temps qu'on diroit la Messe. Ce qu'il accomploit avec grands signes de douleur & repentance de son péché; de façon que non content de ce qu'on luy donna pour peine, il demandoit encore pardon à tous ceux qui passoyent, tenant vn Crucifix en la main, & protestant qu'il croyoit tout ce que l'Eglise Catholique Apostolique & Romaine enseignoit deuoir estre creu. Brief il se prosternoit à terre criant à Dieu misericorde. Ceux qui auoyent esté offencez voyans sa repentance l'embrassent charitablement, & luy remettent le reste de la peine.

L'Archeuesque se rend amy des Peres.

L'Archeuesque voyant l'issüe de cet affaire, cogneur bié que tous ses efforts dressiez pour diuertir les Chrestiens de sa jurisdiction, &

les Princes Payés de l'affectiō, qu'ils portoyent aux Peres de nostre Compagnie estoit sans nul effect; parce qu'ils estimoyent plus leur amitié que la sienne, d'autāt qu'elle leur estoit plus profitable; partant il resolut de changer le maltalent qu'il leur portoit, en vne vraye & sincere amour. D'ailleurs considerant, qu'il luy estoit bien difficile de regir bien son troupeau sans leur assistance, à cause de la grande opinion que tous ses subjects presque, ont de leur doctrine & probité, il rechercha des-lors bien chaudement leur amitié: si promit de conferer les ordres, à ceux qui estudioyent à leur Seminaire, ce qu'il auoit toutesfois refusé de faire autresfois. Et quand l'occasion se presentoit, il loioit publiquement leur sçauoir, approuvant fort la doctrine qu'ils enseignoyent, & monstant qu'il desiroit se seruir de leur conseil: brief il se mit tellement entre leurs mains, qu'il se gouernoit en tout, & par tout suyuant leur aduis.

Son grand Archidiacre aussi commença des-lors de leur monstrier beaucoup d'affection, confessant que sans leur aide il estoit impossible de bien gouverner ce peuple, & print vne telle familiarité avec ce Pere, qui auoit receu l'injure susdite, qu'il voulut estre son disciple, & apprendre de luy la langue Chaldaïque, & l'intelligence de l'escriure Sainte. A ceste occasion il s'en alla resider à vn lieu appellé Mangate, qui est proche du Seminaire, & de là s'en venoit souuent à la maison de Varpicota, pour estre instruit de luy: & par ce moyen il apprint beaucoup de choses tant de ce, qui concerne la vraye & solide doctrine de l'Eglise, que des coustumes & ceremonies d'icelle, qui luy furent fort profitables. Mais ce qu'on souhaittoit le plus, c'est à sçauoir qu'il baillat tous ses liures, pour estre reueuz & corrigez de erreurs des Nestoriens, fut aussi impetré de luy. Et ne se contentant pas d'estre leur disciple, il vouloit aussi que les autres le fussent: tellement qu'il appelloit souuent à soy ses Cassanaires, & lors il faisoit venir vn des Peres pour les instruire; luy mesme aussi leur enseignoit ce qu'il auoit appris d'eux. Le jour de l'Assumption de nostre Dame, qu'ils celebrent de toute ancienneté fort solennellement, il leur fit vn sermon en langage Chaldaïque, que le Pere luy auoit dicté, auquel il leur expliqua beaucoup de choses, selon la doctrine de l'Eglise Catholique, toute bien differentes de ce, qui est contenu en leurs liures apocryphes, protestant sur la fin de son sermon, que tout ce qu'il leur auoit dit estoit vray, & conforme à ce que la Sainte Eglise Catholique croyoit. Et que tout ce qu'ils auoyent ouï auparauant tant de luy

Son grand Archidiacre fait le mesme.

Il se rend leur disciple.

Feste de l'Assumption N. Dame celebrée de toute ancienneté par les Chrestiens de l'Inde.

que des autres Cassanaires, contraire à ce qu'il auoit dit presentement, estoit faux & reprouué de l'Eglise Vniuerselle; Adjoustant que ces erreurs auoyent esté inserées dans leurs liures par l'ignorance de leurs deuanciers: & par ce moyen qu'ils auoyent esté abusez jusqu'alors, qu'il auoit pleu à Dieu les esclairer de sa lumiere par l'entremise des Peres. Cecy aduint l'an 1594.

*L'archeuesque
uefque
proche de
son trespas.*

L'année suyuant l'Archeuesque se voyant accablé d'une grieve maladie, qu'il cognoissoit luy deuoir apporter la fin de sa vie, enuoya querir le Superieur du College de Vaipicota, & fit encor appeller à foy l'Archidiacre susdit, avec le reste de son clergé, & plusieurs des principaux Chrestiens de S. Thomas, qui estoient accourus là de diuers endroicts, pour se trouuer au trespas de leur Prelat. Estâs là tous assemblez il leur tint quelques propos fort importants; le sommaire desquels il m'a semblé bon de mettre en ce lieu. Il leur dit donc qu'il laissoit ses brebis entre les mains de nostre S. Pere l'Euesque de Rome, & chef souuerain de toute l'Eglise: qu'il vouloit, que tous recogneussent l'Eglise Romaine, comme mere de toutes les autres Eglises; honnorassent aussi nostre S. Pere,

*Ordonne
à ses sub-
jets de
suyure la
doctrine
de l'Eglise
Romaine.*

comme leur Seigneur, leur pere, & souuerain Pasteur; de l'autorité duquel dependoit la puissance des autres Euesques & Prelats. Et d'autant que les Peres de la Compagnie de I E S V S, qui auoyent esté enuoyez là par sa Sainteté, pour defricher ceste vigne inculte, enseignoyent la vraye foy de l'Eglise Romaine, qu'il commandoit à tous ses subjects, de les escouter, de leur obeir, & de suyure leur doctrine, d'autant que celle que l'Eglise de Rome enseignoit, estoit la vraye. Puis s'adressant au Pere le pria & le conjura par l'amour qu'il portoit à I E S V S-C H R I S T, par l'amitié ancienne qui estoit entr'eux deux, par l'obeissance, qu'il deuoit au S. Pere, de vouloir mettre quelque bon ordre & reglement à son Eglise; finalement il voulut qu'on fit un acte authentique de ce qu'il auoit là protesté, pour seruir de tesmoignage de sa foy & dernière volonté.

*Les reu-
mande à
nostre S.
Pere le
Pape.*

Adjoustant, qu'il auoit escript l'année precedente au Saint Pere, le priant qu'il luy pleust prendre en sa protection & sauuegarde ceste sienne Eglise. Ces propos que l'Archeuesque tint sur ses derniers jours reliouirent merueilleusement tous ces bons Chrestiens là; mesme lors qu'ils entendirent que leur Prelat les auoit recommandez si soigneusement au Souuerain Pasteur de l'Eglise, & Vicair de I E S V S-C H R I S T, en terre. Cela fut aussi cause que non seulement le peuple & les gens laiz, mais aussi les Cassanaires, &

autres Ecclesiastiques monstrent plus d'affection, & de respect, que jamais, enuers les Peres de nostre Compagnie. Ils les alloient visiter souuent, leur demandoient la resolution de leurs doubtes, & desiroient estre instruits par eux en ce, qui estoit de leur charge, continuans tousiours de leur apporter les liures des Nestoriens, pour estre corrigés: tellement que les affaires de la religion Catholique allerent d'un bon pied pour quelque tēps, pendant lequel on fist beaucoup de reconciliations entre ceux, qui estoient en dissension, non seulement de personnes priuées, mais aussi de peuples entiers. Lon reunist encor à l'Eglise vne quarantaine de ces Chrestiens, qui suiuiroient le party d'un faux Euesque, qui s'estoit intronisé parmy eux, pour semer l'yuraye de ses erreurs: de façon que ces pauures gens viuoient sequestrés des autres, comme excommuniés. Mais ayant ouy le sermon d'un de nos Peres, ils s'entre-rent tous dans l'Eglise à cachettes, & laissant à part ce semeur de discorde, se reünirent à leur mere l'Eglise. De ceste sorte l'on alloit arrachant petit à petit les racines d'erreurs, qui auoient esté plantées en ceste tant ancienne vigne de nostre Seigneur, par les Prelats de l'Eglise Chaldaïque, qui suiuiroient l'heresie de Nestorius, & en leur place l'on y plantoit les vertus Chrestiennes, avec la vraye, & sincere foy de l'Eglise Catholique Apostolique & Romaine: laquelle ils admirent, & reuerent grandement, ainsi qu'on peut voir en ce qui s'ensuit.

*Reunion à
l'Eglise
de quarante
Scolastiques.*

L'an 1596. on leur publia le Iubilé de N. S. P. Clement VIII. dont ils furent si contens, & joyeux, qu'ils ne cessoient de donner mille benedictions à sa Sainteté, prenans un singulier plaisir de prononcer son nom. Les jours qu'ils ieusnoient, ils demeuroient dans l'Eglise prians Dieu jusques au Vespere, & ne prenoient point de refection avant la nuict. En vne ville assés peuplée il en y eust plus de deux mille, qui se confesserent, & quelques uns attendirent à l'Eglise le Cōfesseur, depuis les dix ou onze heures de nuict: & y eust si grand presse durant ces jours là, qu'à peine pouuoit le Pere, qui les entendoit, prendre sa refection, & un peu de repos. Estant ainsi occupé, plusieurs suruindrent de bien loing pour le prier de vouloir aller publier le Iubilé à leur pais. Ce qu'ils demanderent avec si grand'instance, qu'on ne leur peut refuser vne si iuste demande: toutesfois par ce qu'il n'y auoit pas assés de gens pour satisfaire à tous, l'on alloit là où on pouuoit. Or le fruit qui se recueillist de cecy fut tres-grand: car on retira plusieurs per-

*Iubilé de
N. S. P. Pape
Clement 8.
receu ex
Indes avec
grande
denotion.*

*Le fruit
que cela
cause.*

nes d'une vie meschante, qu'ils auoient mené, les seize, trente, & cinquante ans. On accorda plus d'une vingtaine de differens, & de grand importance. Mais vn sur tous, qu'il y auoit entre deux personnages de grands moyens, & auctorité, qui estoient cōme chefs de deux partis cōtraires. Le Roy, duquel ils estoient subjects, voyāt que ceste querelle pourroit apporter de grands dompnages à son Royaume, tache de les accorder; & à ces fins faiēt appeller à soy les principaux Chrestiens de S. Thomas, qui estoient en ses terres, & nommément ces deux que nous auons dict, auxquels il fit vne harangue en presence de ce Pere, les exhortant à garder les loix diuines, & ce que le Pere leur enseignoit, puis que pour l'amour d'eux il auoit quitté ses parens, son païs, & ses biens, estant venu en vne region si loingtaine, tout expres pour les instruire. Et adressant sa parole au Pere, il le pria de vouloir mettre d'accord ces Chrestiens, puis qu'il estoit leur Pere spirituel: mais à fin que la chose fust plus ferme, & stable, qu'il vouloit que l'accord se fist en lieu sacré, plus tost qu'en lieu profane, & dans son palais. Le Pere suiuant l'aduis du Roy, meine ces deux personnages, avec tout le reste de l'assemblée à l'Eglise: là où il les reconcilia par ensemble, avec vn singulier contentement de tout le monde, & du Roy particulièrement. Mais reprenant le fil de nostre histoire, il nous faut voir en quel estat se retrouue maintenant ceste Eglise.

*Accord
n'importe
sacré fait.*

*L'Archi-
diacre
prend l'œ-
conomat
de l'Ar-
cheues-
ché.*

Incontinent apres que l'Archeuesque d'Angamale nommé Abraham, duquel a esté cy deuant parlé, fut trespassé, son grand Archidiacre appellé George, duquel aussi nous auons faiēt mention cy deuant, print l'œconomat de l'Archeuesché, suiuant leur ancienne coustume; tellement qu'il gouuernoit le Diocese comme Vicaire general. L'on se doubta tout aussi tost, que c'estoit vn moyen pour faire planche à la reception d'un Prelat Nestorien. Et de faiēt il y eust vn personnage de grands moyens, constitué parmy eux en dignité Ecclesiastique, qui s'offrist d'aller en Babylone, pour en amener vn Archeuesque d'Angamale: car le Patriarche de Babylone en souloit prouuoir cy deuant. Pour obuier à cela, l'Archeuesque de Goa, auquel appartenoit de bailler vn Vicaire general à ceste Eglise, quand le siege viendroit à vacquer, par speciale commission, qu'il en auoit de nostre S. Pere, en vertu d'un breuet, qui luy fust enuoyé de Rome, auāt la mort de l'Archeuesque; desirant, que les choses passassent le plus doucement, que faire se pourroit, confirma ledict Archidiacre en l'œconomat, qu'il

*Est con-
firmé par
l'Arche-
uesque de
Goa.*

auoit prins de son auctorité, bien que selon leur ancienne coustume. Toutesfois voulant le contenir en son debuoir, & en l'obeïssance de nostre S. Pere, en quoy l'autre sembloit vaciller, il mande au P. Recteur de Vaïpicota, qu'il luy baillast ses lettres, par lesquelles il le constituoit par auctorité de nostre S. Pere, administrateur de l'Eglise d'Angamale, jusqu'à ce qu'on y eust pourueu de Prelat; mais avec condition, qu'il feroit au préalable profession de foy, solemnellement entre le mains dudit P. Recteur. L'Archidiacre reçeut tres-volontiers ces lettres, & promist de faire la profession le premier jour de feste, qui suiuroit. Mais apres qu'il se veid installé, & recogneu de tous, il ne voulust ny faire la profession deuant le Pere Recteur, ny recognoistre auoir cest œconomat de l'Archeuesque de Goa: alleguant qu'il faisoit cela par l'aduis & conseil de gens bien entendus en tels affaires. Cependant il gaigne la bõne grace du Capitaine des Portuguais, qui sont à Cochin, & de quelques autres seculiers, voire aussi de plusieurs gens d'Eglise, habitans de ladicte ville; & se voyant soustenu de tels appuis, il conuoque vn Synode à Vaïpin, qui est vn'Isle proche de Cochin, tres-forte d'alsiette, là où furent appellés les Senateurs de la ville, les Prestres de l'Eglise Cathedrale, & plusieurs autres, tant Ecclesiastiques, que seculiers. Il n'y eust seulement que les Peres de nostre Compagnie, qui en fussent forclos: & ce, pour autant, que l'Archidiacre ne voulust pas qu'ils s'y trouuassent. Or en cest'assemblée l'on embrasse l'Archidiacre, on luy baise les mains, on se conjoïnt avec luy de sa promotion, faisant retentir toute l'Eglise du son de diuers instrumens de musique. Apres ce, on le monte sur vne chaire haut esleuée, demeurans bas assis tous les autres, mesme le Capitaine, & le grand Vicaire de l'Euesque de Cochin: (car l'Euesque estoit pour lors à l'Isle de Ceilan, & fut par apres bien marry, qu'on eust faiet cest'assemblée en son absence:) brief tous les autres gens d'honneur, qui se trouuerent là, estoient de mesme assis bas sur des bancs. Et ledict Archidiacre monté haut sur vne chaire. Apres ce, voilà vn des principaux Ecclesiastiques, qui se leue, comme procureur constitué par ledict Archidiacre present, & au nom d'iceluy proteste, qu'il n'estoit point Schismatique, ny heretique. Car il ne tenoit aucun erreur contraire à la foy Catholique, comme il pouuoit tesmoigner luy mesme, par ce qu'il l'auoit deuëment examiné. Et que pour plus grande preuue de ce, il estoit venu là pour faire profession de foy en presence de

*Cõuoque
vn Syno-
de à Vaï-
pin.*

Fait profession de foy.

toute l'assemblée. Cela dict, l'Archidiacre s'agenouilla deuant l'autel ; & lors il y eust vn certain, qui se mist à lire la profession de foy en langue Portugaïse, laquelle toutesfois ledict Archidiacre n'entendoit aucunemēt, & puis on luy demāde, s'il ne croyoit pas tout cela. Il respond en son Malabarois, O : c'est à dire, ouy ; & pour cest acte, il fust tenu, & publié pour Catholique, & obeïssant au saint Siege : jaçoit qu'il ne vouleust pas aduoïer tenir son Vicariat de la main de l'Archeuesque de Goa, ny de nostre saint Pere.

Faute commise en son approbation.

Quelque temps apres, arriua à Cochin le Pere Nicolas Pimenta, Visiteur des Colleges, & maisons de nostre Compagnie en l'Inde ; & bien qu'il fust griefueiment malade, toutesfois il tascha de s'euertuer, & faire en sorte, que le Capitaine de Cochin, & les autres, qui auoient asisté à ceste assemblée, recogneussent leur faute, & le danger, où ils auoient mis les affaires de la foy, approuuans cest acte si legerement, & permettant, que nos Peres fussent forclos d'un Synode public, & de la profession de foy, que l'Archidiacre debuait faire en leurs mains : bien que ce fussent eux, qui auoient depuis tant d'années instruit les Chrestiens de S. Thomas en la foy Catholique, desquels l'autre debuait auoir charge faisans par ce moyen (en tant qu'il estoit en eux) perdre le credit, & auctorité à la vraye doctrine, qu'ils auoient enseignée pieçà, non seulement ausdicts Chrestiens, mais encore à ceux qui auoient esté nouuellement conuertis du Paganisme : lesquels pouuoient estre grandement scandalisez d'un acte si pernicieux, faict en presence de tant de gens de qualité. D'ailleurs, il leur remonstra les grands inconueniens, & dangers, qui pouuoient s'ensuiure, d'auoir si temerairement & inconsiderément approuué la doctrine de l'Archidiacre, qui auoit humé dès sa tendre jeunesse les erreurs des liures escripts par les heretiques Nestoriens, à la correction desquels l'on s'estoit tant peiné : leur faisant voir à l'œil, que c'estoit vn moyen pour donner l'entrée à quelque Archeuesque Nestorien, enuoyé de Babylone, & qu'on pretendoit iathronizer en ce siege.

est reconnu du Capitaine de Cochin, & autres.

Le Capitaine de Cochin, qui estoit vn gentilhomme d'un cœur noble, & genereux, entendist ces remonstrances fort patiemment : & apres s'excusa le mieux qu'il peut, disant, qu'il n'estoit pas Theologien : neantmoins, qu'il auoit suiuy en cela le conseil, & aduis de quelques Theologiens, & gens lettrez. Les autres du commencement faisoient vn peu des opiniaïstres, & ne vouloient reco-

gnoistre

gnoistre leur faute, alleguans qui vne raison, qui vn'autre; mais en fin de compte ils veirent, qu'ils auoient mal faict; brief, tous ceux de la ville de Cochin, qui s'estoient trouués là, furent bien marris d'auoir auctorisé vn tel acte.

Or jaçoit que les choses eussent passé de ceste sorte: toutesfois, par ce qu'il estoit asseuré, que nos ennemis auoient faict tout plein de rapports à l'Archeuesque de Goa, pour excuser par artifices ceste assemblée de Vaipin, le P. Pimenta fist faire les informations de ce, qui s'y estoit passé, bien authentiques, & signées de plusieurs tesmoings, tous gens dignes de foy, & les enuoya au Viceroy, & à l'Archeuesque: à celle fin, qu'ils entendissent la verité du faict. Mais par ce qu'il importoit beaucoup, d'oster le bandeau d'igno-
*La fau-
uerifié
par le d^e
ger de
schisme*
 rance aux gens d'Eglise, & autres habitans de la ville de Cochin, qui estimoient, que la chose n'estoit pas si mauuaise, qu'on la fai-
 soit, ledict P. Pimenta bailla charge au P. Ros, de s'enquerir dili-
 gemment de ceux, qui auoient esté presens à cest acte, sur cer-
 tains poincts, qu'il luy marca; lesquels avec les responses d'iceux
 ont donné beaucoup d'esclaircissement à cest affaire. l'en mettray
 icy deux tant seulement, à fin qu'on cognoisse, comme Dieu a fait
 en sorte que le danger, auquel on auoit mis les choses pour r'en-
 trer en schisme, sortist en euidence. Donques la premiere deman-
 de fust.
*Demādes
faictes à
l'Archidiacre, &
responses
d'iceluy.*

Qu'auoit respondu l'Archidiacre aux Cassanaires, & aux autres
 Chrestiens laiz, lors qu'ils luy demanderent à son partir de Vaipin,
 ce qui l'auoit esmeu à tenir ce Synode. Il respondist, que ce n'e-
 stoit autre, que pour faire profession de foy contre les Peres de
 S. Paul, ou de la Compagnie, qui l'auoient taxé d'heresie, & que
 le Capitaine, avec tous les autres Portuguais, qui estoient là as-
 semblez, l'auoient exhorté à viure selon les anciens vz & coustus-
 mes, qu'ils gardoient par cy deuant, & de demeurer tousiours con-
 joincts avec le Patriarche de Babylone: car en cela il n'y auoit au-
 cun danger. Item, qu'il auoit decreté avec le commun consente-
 ment des assistans, que les ordres sacrés conserés par l'Archeues-
 que de Goa, ou quelqu'autre Prelat de l'Eglise Latine, n'estoient
 point vallables, s'ils n'estoient reualidez par l'auctorité du Patriar-
 che de Babilone: & que quant à luy il recognoissoit bien l'Arche-
 uesque de Goa pour Archeuesque & Pasteur: mais non pas pour
 son Superieur, ou Prelat.

La seconde demande fust, si l'Archidiacre auoit faict refus de
*Seconde
demande.*

Reponse.

nommer le Pape és prieres publiques, & pour quelle cause; si à son sçeu les Patriarches heretiques, ou Schismatiques y estoient nommés, & quel tiltre bailloit-on en sa preséce au Patriarche de Babylone; sçauoir, si comme a subject au Pape, ou comme à Prelat vniuersel, & immediat à IESVS-CHRIST. Il fust respondu à cecy, que non seulement l'Archidiacre auoit refusé, ains encore résisté, voire s'estoit fâché contre les Peres de S. Paul, qui l'exhortoient de nommer le Pape, & s'estoit excusé de ce faire, alleguant qu'il estoit asseuré, que les Cassanaires, & autres Ecclesiastiques de sa nation n'y voudroient pas acquiescer: & toutesfois l'on faisoit cela du viuant mesme de l'Archeuesque Abraham, sans que personne s'en formalizast; jaçoit qu'apres son trespas l'oncle de cest Archidiacre, estant à la ville de Caturte fist commandement à vn Diacre, lequel ez Litanies nommoit le Pape, de suiure l'ancienne coustume, laissant à part ce nom là. De quoy l'Archidiacre estant aduert, ne respondi rien; ains plus tost en vne assemblée occulte qu'il tint à Angamale, il fist vn decret en Malabarois, ordonnant, que personne n'eust à nommer le Pape és prieres publiques; & en sa place, deux fois chascun jour ils nomment le Patriarche de Babylone defunct, nommé Simeon, bien qu'il ait esté Schismatique, & heretique: voire, qui pis est, il est appelé saint, & Patriarche vniuersel de l'Eglise, en vn liure escrit en langue Syriacque, qu'ils intitulent le liure des Peres, entendans par ce mot de Patriarche vniuersel, vne personne constituée en la plus haute dignité Ecclesiastique, par dessus laquelle il n'y a que IESVS-CHRIST, qui ait superiorité.

*Le bien
qui en est
ensuy.*

Le P. Nicolas Pimenta ayant communiqué ces demandes, & respondes à ceux, à qui il jugeoit estre conuenable, il en y eust de bien estonnez, & de ceux mesmes, qui auparauant estoient fauteurs de ceste assemblée de Vaipin: car il voyoient ce que ledict Archidiacre disoit d'eux, estant parmy les siens; & ce qui les picqua dauantage fust vn mot, qu'il dict; à sçauoir, qu'il n'auoit trouué personne, qui luy contredist, excepté les Peres de S. Paul.

*L'Arche-
uesque de
Goa se re-
sout de
visiter
l'Arche-
uesché
d'Anga-
male.*

Mais l'Archeuesque de Goa, Don Alexis de Meneses, ayant entendu toutes ces nouues de l'Archidiacre, & de ses adherans, & craignant qu'il n'aduint encore pis, se resolust par le conseil & aduis de nos Peres, d'aller visiter luy mesme en personne l'Archeuesché d'Angamale, à fin de disposer mieux les diocesains à receuoir vn Prelat de la main de nostre S. Pere. Mais l'ennemy de nostre na-

ture preuoyant bien que c'estoit le souuerain remede, pour obuier à toutes ses ruses, vsa de plusieurs artifices, pour empescher ceste visite, tantost par l'entremise des personnes Religieuses, tantost par quelques seculiers, qui n'estoient pas des moindres : lesquels alleguoient, qu'en ceste visite l'Archeuesque mettoit en euident peril & danger, non seulement son honneur, sa personne, & sa vie, mais aussi le bien de l'estat. On luy representoit ces choses avec telle force, que le bon Prelat escriuiſt au Pere Pimenta, qu'il sembloit, que ciel & terre se fussent bandez contre luy. Mais il ne tint compte de tous ces espouuantaux, ains commença, poursuiuit, & paracheua heureusement sa visite, avec grande constance jointe avec vne singuliere prudence, assisté principalement du diuin secours, & de quelques vns de nos Peres. L'issue en fust telle, qu'on eust sçeu desirer. Car l'Archidiacre apres auoir counillé, & fuy pour vn temps, vsant de tout plein d'astuces, & eschappatoires; en fin de compte se voyant menacé de l'excommunication, se recogneust, & promist de viure, & mourir, en l'obeïssance du saint siege Apostolique. En ceste visite l'Archeuesque vint à bout, par la grace de Dieu, de beaucoup de choses fort importantes au seruice de Dieu, & au salut des ames. Car il fist en sorte, que les Sacremens, qu'on conféroit bien souuent sans aucune valeur, fussent valablement conferez par le moyen des bonnes instructions, & aduertissemens, qu'il donna aux Curez, & autres Prestres desdicts Chrestiens. Il fit outre ce, repurger force liures des Nestoriens, desquels il y auoit encore grand nombre, faisant rayer tout ce qui combattoit directement, ou subs-main, la souueraine puissance, & auctorité de nostre S. Pere. Brief, il chercha soigneusement des Curez idoïnes, & capables; & les pourueust des paroisses vaquantes, & de nouueau en institua quatre-vingts, lesquelles il commist aussi à des gens suffisans. Finalement il conuoqua vn Synode diocesain, auquel il appella les Ecclesiastiques de cest Archeuesché, & les nostres aussi selon l'ancienne coustume. Il le tint en presence du Capitaine de Cochīn, & des principaux de la ville, qui ont prins soubz leur protection, & sauuegarde les Chrestiens de S. Thomas au nom du Roy de Portugal, d'où combien de profit, & utilité peut reuenir à la couronne, ceux le peuuent sçauoir, qui n'ignorent pas de quelle importance est d'auoir gaigné la bienueillance, & amitié d'une nation si populeuse, que ceste cy : laquelle peut mettre en armes bien trente mille combattans, tous gens d'eslite,

*Les opposi-
tions
qu'il y
eust.*

*Proffes
meruei-
leux de
cette vi-
site.*

*Le grand
zele, que
l'Arche-
uesque de
Goa mon-
stra en ce-
ste visite.*

& bons soldats, s'il en y a point en l'Inde : au reste, si fermes, & si constans, qu'ils ont gardé la foy de IESVS-CHRIST depuis le temps de l'Apostre S. Thomas, monstrans par là, qu'ils sont aussi pour garder la foy aux hommes avec pareille fermeté. Le grand zele du salut des ames, la patience, & autres vertus, que l'Archeuesque de Goa monstra l'espace de neuf mois, qu'il fust en ceste visite, ont tellement aduancé les affaires de ceste Eglise, que depuis l'Apostre S. Thomas il n'y a eu (peut estre) aucun de ceux, qui luy ont succédé en ceste chaire, lequel ait plus faict pour la reformation, & le bien spirituel de ceste nation. Mais pour monstrier son humilité, & combien il attribuoit aux Peres, qui l'auoient assisté en ceste visite ; je mettray icy quelques mots d'une lettre, qu'il escriuist au mesme P. Pimenta.

*Chef
d'une
lettre
d'ice-
luy.
P. 91.*

» Ceste visite des montagnes (dict-il) à la verité m'a donné de la
» peine : Mais j'ay souuenance de ce que dict le S. Esprit, *Bene pa-*
» *tientes erunt, ut annuntient,* Ils seront bien patiens, à fin qu'ils an-
» noucent l'Evangile. Je croy, que les Peres vous auront escrit en
» quel estat nous auons laissé les affaires de ces Chrestiens, & ce qui
» s'y est faict : pour ce ie m'en deporté. Seulement ie vous assure-
» ray, que si ie n'eusse esté là cest hyuer, ces Eglises seroient perduës,
» & ce au grand detrimēt de ma conscience, si i'eusse laissé ces bre-
» bis, qui pour cest heure sont miennes, en ceste extreme necessité,
» qu'elles sont de Pasteur, & de pasture spirituelle; c'est à sçauoir de
» doctrine saine, & Catholique, que ie leur vay donnant, & les Peres
» aussi, qui m'accompagnent : & ie prie instamment vostre Paterni-
» té faire en sorte, que lesdits Peres entendent, que le labeur pres-
» que intolerable, qu'ils ont prins à cultiuer, & prouigner ceste an-
» cienne vigne de nostre Seigneur, m'a esté tresque agreable. Cer-
» tainement la grande charité, & amour, qu'ils ont monstré enuers
» nostre Seigneur, endurans joieusement tous ces trauaux, pour l'a-
» mour de sa diuine majesté, m'ont fort edifié : & ie m'estime fort
» obligé à eux. Car sans eux il ne se fust rien fait : de sorte que ce sont
» eux, qui sont tout le support de quelque ombrage de trauail, que
» ie pourray auoir senty quelque fois, comme froid, & imparfaict
» que ie suis. Dieu les en recompense là haut en Paradis, & V. P.
» leur donne de là en auant vne grande benediction. La residence
» d'Angamale a esté instituée avec l'approbation d'un chascun, & ie
» veux bien que V. P. sçache, qu'en ces residences de la monta-
» gne, consiste le salut de ces Chrestiens. Voilà ce qu'en escriuist

*En pa-
tience,
en son
humili-
té.*

l'Archeuesque de Goa Don Alexis de Meneses l'an 1599.

*D. Alexis
de Meneses
Archeuesque
de Goa*

Or quant à ce qu'il dit de la résidence établie en la cité Archiepiscopale d'Angamale, il entend seulement parler de la bonne volonté du Roy, & des principaux Seigneurs de ce pais là, qui se monstrent fort affectionnez à l'erection d'icelle; & desirant presque tous auoir en leurs terres des maisons de nostre Compagnie. Les Portugais aussi trauaillet beaucoup, & fort volontiers, pour remettre en son lustre & splendeur ceste ancienne vigne de nostre Seigneur. En quoy s'est monstrée singulierement la vertu & liberalité de deux d'iceux; l'un nommé Roch Mello Pereyra, lequel accompagne nos Peres en leurs voyages, leur faisant tous les fraiz à ses propres cousts, & despens; talchant aussi de gagner par beaucoup de seruices & presens la bien-vueillance des Roys Malabares: afin qu'ils n'empeschent pas, ains fauorisent ceste entreprise. L'autre est Antoine Guedes Morales, qui fait bastir à ses despens le College de Vaïpicota, & long temps y a qu'il a consacré tous ses moyens, pour aider à la conuersion de ce peuple. Mais tandis qu'en l'Inde l'Archeuesque de Goa & ceux de nostre Compagnie trauailloyent de la sorte, qu'auons dict, à l'endroit des Chrestiens de S. Thomas, & nommément à l'Archeuesché d'Angamale, au mesme temps en l'Europe on les pouruoyoit d'un Pasteur, prins de la mesme Compagnie. Car le Roy d'Espagne Philippe 3. ayant esté aduertie du trespas de l'Archeuesque d'Angamale presenta à nostre S. Pere Clement 8. pour mettre en ceste dignité le P. François Ros, celuy, qui auoit traité la paix entré le Zamorin & le Viceroy de l'Inde, comme a esté dii cy dessus; parce qu'il auoit esté vn fort long temps avec lesdits Chrestiens de S. Thomas: & parloit fort bien leur langue, brief il estoit tres-bien entendu en ce qui concerne leurs erreurs, tellement qu'on n'eust sceu choisir vn Prelat plus propre pour ceste nation. Partant sa Sainteté confirma le choix, que le Roy fit d'un tel personnage, le constituant par auctorité Apostolique Archeuesque d'Angamale. Et jasoit que la Compagnie y resista selon son Institut, toutesfois voyant qu'en telles & semblables prelatures, il y à beaucoup plus de trauail & de peril, que de profit & d'honneur, & pource qu'on ne trouue guere d'autres personnes, qui vueillent prendre telles charges, elle s'y accorda comme d'autresfois, estant mesme à ce contraincte. Voyla ce que nous pouuons dire à present des Chrestiens de S. Thomas, & de la peine qu'on à pris à les retirer de leurs erreurs.

*Deux
Portugais
seculiers
gens de
moyens se
pouuent
fort pour
le bien de
ces Chre-
tiens.*

*Le P. François
Ros
de la Com-
pagnie est
l'Archeuesque
d'Anga-
male.*

D'VN VOYAGE QVE FIT LE PERE

Nicolas Pimenta, Visiteur de la Compagnie de Iesus és parties
Meridionales de l'Inde, & du grand bien, qui en
reussit pour l'aduancement
de la foy.

CHAP. XIX.

*P. Nico-
las Pimē-
ta Visi-
teur.* L'AN 1597. le P. Nicolas Pimenta ayant esté constitué Visi-
teur de la Compagnie de Iesus és Indes, par le R.P. General
d'icelle Claude Aquaiua, pour faire le deu de sa charge en-
treprint premierement la visite des parties Meridionales de l'Inde,
qui sont, comme nous auons dict, depuis Goa vers Cochin, & de là
plus auant vers l'Orient. Il partit donc de Goa le dernier de No-
uembre de ladiète année avec dihuiet autres de la mesme compa-
gnie, prenant la route de Cochin, là ou il fit la visite du College de
Cochin, & de la maison de Vaïpicota, qu'on appelle autrement de
la terre neufue, que l'on commençoit d'eriger en College. Il escri-
uit de là au R.P. General le fruit, que les nostres faisoient en ce
quartier, tant en la conuersion des Gentils à la foy Chrestienne,
que en la reduction des anciens Chrestiens de S. Thomas à l'vniion
de l'Eglise Catholique. Mais ces lettres perirent par vn accident
bien estrange, qui fut tel.

*Accident
fort e-
strange.*

Le nauire, qui auoit porté le nouveau Viceroy François de Ga-
ma, & dans lequel son predecesseur Matthias Albuquerque s'en de-
uoit retourner en Portugal, la veille du jour, qu'il deuoit faire voi-
le, & au mesme instât, qu'il eut sa juste charge de marchandises de
haut prix, le voyla surpris tout à coup du feu; tellement qu'il brusta
& perit entierement, sans qu'on y peut remedier en aucune façon.
Ce piteux spectacle dura l'espace de trois jours à la veuë de toute
la ville; mais au mesme temps la cupidité de plusieurs s'enflamma
de sorte qu'il y eut force gens, lesquels voulans retirer du milieu
des brasiers quelque chose de ce qui se brusloit, auoyent attaché
audiect nauire des chaines de fer, & à force de rames, & de cordages
s'efforçoient l'entraîner vers le bord de la mer, le faisant suyure
quelques vaisseaux, qui le tiroient de loin. Mais il semble que s'in-
dignant contre iceux, il ne voulut permettre, qu'on luy rauit ses
dernieres despouilles; tellement que le feu s'estant prins à la pou-

*Cupidité
insatia-
ble des
biens de
ce monde.*

dre, & aux pieces de canon, qui estoient toutes chargées, elles laschent chascune leur coup avec telle furie, qu'une partie de ceux qui estoient apres à le trainer, furent tuez, partie blessez ou noyez; & beaucoup de ces vaisseaux, qui estoient à l'entour rompus & enfondrez. Telle est bien souuent la fin des richesses de ce monde, & de ceux qui sont saisis d'une trop grande cupidité d'icelles. Pour retourner au voyage du P. Pimenta, avant qu'il partit de Cochin, il ordonna, que deux missions seroyent faictes, l'une au Royaume de Bengala, pour laquelle furent choisis les Peres François Fernâdez, & Dominique Sosa: ausquels par apres furent adjoincts deux autres, à sçauoir les Peres Melchior Fonscca, & André Boues, comme nous dirons cy apres: la 2. fut destinée au Royaume de Pegu, mais elle ne sortit pas à effect pour la raison, que nous dirons en traitant de ce Royaume. Or estant party de la ville de Cochin, apres auoir visité en passant l'Eglise de S. André, & celle aussi, qui a esté freschement bastie au Royaume de Porca, il arriva à Coulan, ou il séjourna quelque peu de temps, & de là poursuyuir son chemin avec belle peur de trouuer force soldats, par ou il deuoit passer. Car le Roy de Trauancor luy donna aduertissement, comme le Roy de Maduré venoit contre luy avec septante mille combattans, & beaucoup d'Elephans duiçts à la guerre: ce neantmoins il parcourut, avec l'aide de Dieu, sans aucune mauuaise rencontre toute ceste coste de Trauancor, ou il visita trente trois Eglises, qui sont sous la charge des nostres: & apres auoir doublé le cap de Cominorin, il visita toute la coste de la pescherie jusques à Tutucorin, là où il receut vne singuliere consolation voyant ces nouveaux Chrestiens si bien instruits. Il trouua à la ville de Punical le Pere Henry Henriques; lequel auoit esté en ceste garnison faisant bon guet depuis que le B. P. François Xavier, l'auoit mis là: & à tousiours tenu bon pied ferme en icelle l'espace de cinquante deux ans, travaillant sans cesse pour la gloire de Dieu, & le salut des ames. Et lors mesme qu'il estoit vieux, il s'employoit selon ses forces à composer des liures en langue Malabaroise, lesquels il mettoit en lumiere avec vn notable fruit, tant des Chrestiens, que des Payens: ausquels par ce moyen il donnoit à cognoistre l'excellence de la Religion Chrestienne, instruisant aussi les Chrestiens, de quelle façon ils se deuoient comporter chacun en sa vacation, pour faire le salut de leur ame. Or apres que le Pere Pimenta eut demeuré quelques jours à Tutucorin, il monte sur mer avec ses compagnons, &

est cause de la mort de plusieurs.

visite de la coste de Trauancor.

De la pescherie.

P. Henry Henriques bon soldat de N. S.

costoyant les orées de la Pescherie, & de l'Isle de Manar, vindrent surgir au port de Periapatan; là ou ils s'arrestèrent, plus qu'ils ne pensoient. Car apres auoir demeuré deux jours avec les Chrestiens de ce lieu, comm'ils vouloyent faire voyle, ils furent repoussez par vn vent contraire au mesme port, d'ou ils estoient sortis, Dieu l'ordonnant ainsi, pour le salut, comm'il est à croire, de ces peuples, & à l'instance du P. Antoine Criminal: qui receut icy la couronne du martyre, comme nous auons dict. Car durant cest arrest, nos Peres voyans que Periapatan estoit la ville Metropolitaine des Parauelins, & vn haure fort hanté des marchands, d'ou aussi l'on peut aller semer par toutes ces marches là, la semence de la parole de Dieu, & de son Euangile, trouuerent bon d'y faire vne residence des nostres; & à ces fins y laisserent deux Peres, pour courir

L'on commence d'y établir une demeure des nostres.

tout ce pais depuis Periapatan jusques à Tripalacurin. Car jasoit que le chemin par mer d'un lieu à l'autre soit fort long, & encore plus dangereux, à cause qu'il faut doubler le cap de Ramanancor, qui est vn fort mauuais passage; toutesfois par terre il est beaucoup plus court, & maintenant plus assésuré qu'il n'estoit, quand le Pere Criminal y fut tué. Cela estant ordonné & executé, le P. Visiteur part de là avec ses compagnons, pour la seconde fois, & à l'aide d'un bon vent, ils doublerent sans danger le cap de Ramanancor, bien qu'il soit fort perilleux, partie à cause des flots, qui escument de rage (ce semble) tant d'un costé que d'autre dudit cap, partie à raison des monceaux de sable accumulez par cy, par là, à l'adventure, de sorte qu'à peine scait-on rencontrer quelque sentier, ou canal pour passer sans donner contré quelqu'un d'iceux. Neantmoins ils eurent par la grâce de Dieu, & l'un, & l'autre danger, & vindrent surgir à l'Isle de Manar, ou ils visiterent l'Eglise de S. Thomas qu'on nomme des Carées, qui est la principale de toute l'Isle: & comm'ils arriuerent sur le soir du Ieudi saint lors que les Chrestiens estoient assemblez à l'Eglise pour faire l'office des tenebres, l'ayant acheué, ils vindrent tous au deuant d'iceux avec les cierges allumez, departis en deux rangs, avec vn tel ordre, silence, deuotion, & modestie, qu'on recognoissoit mesme à l'exterieur la douleur, qu'ils conceuoient en leur cœur, de la mort & passion

Deuotion des Chrestiens de l'Isle de Manar.

de nostre Seigneur; dont en ce temps-là on celebroit la memoire. Ils firent encore mieux paroître leur deuotion le lendemain durant le sermon, qui fut fait sur ce subiect. Car ce n'estoit que sanglots, que pleurs, que larmes & gémissemens, avec tout plein d'au-

tres saintes & pieuses affections, qui declaroyent assez le feu du diuin amour, qui brusloit en leur ame. Or apres que le P. Pimenta, & ceux qu'il menoit quant & luy, eurent fait la visite des Eglises, qui sont sous la charge des nostres, ils se retirent à la maison, que nous auons là tout aupres de la forteresse de Manar tenuë par les Portugais: & s'estans là vn peu rafraischis, ils passent la riuierë & s'en vont par terre voir ceste tant renommée pesche de perles, qui se fit ceste année là, bien pres de l'orée maritime de l'Isle de Ceilan, quatre lieuës loing de Manar. Ils arriuerent au Soleil couchant à la grande riuierë; & d'autant qu'il n'estoit pas assés de la passer de nuit, ils coucherent dans les tentes des Pescheurs, lesquels s'estoyent munis contre les courses des Elephans avec force feux, qu'ils auoyent allumez tout autour de leurs cabannes. Là ils trouuerent au matin vne vipere entourtillée, dormant tout contre vne chaire, qu'ils auoyent portée quāt & eux qui leur dōna grād effroy. Car ceste sorte de vipere est si venimeuse, que ceux qui en sont mordus, rendent l'ame, sept heures apres. Mais Dieu les preserua de ce danger par sa bonté, & peut estre aussi en recompense d'une œuvre de misericorde, qu'ils auoyent fait le jour auparauant. Car ayans trouué dans vn bois vn pource homme à demy-mort, ils ne le laisserent pas là passans outre, comme les Prestre & Leuite mentionnez en l'Euangile, ains l'assirent sur ladite chaire, & apres luy auoir donné la refection conuenable, ils le mirent en lieu assés, proueu de tout ce qui luy estoit necessaire. Au reste ils ne firent pas long sejour en ce lieu: car ils n'y demurerent que trois jours, partie pour ne laisser escouler la commodité, qu'ils trouuerent d'un nauire, lequel partoit de Ceilan, pour aller à Negapatan; partie aussi parce que c'estoit assez arresté là pour la fin qu'ils pretendoient, qui estoit cognoistre combien il importoit, que nos Peres fussent presens à ceste pesche. Car il s'y assemble de tous ces quartiers-là vne si grande multitude de gens, qu'ils sont quelquesfois plus de soixante mille, tous rangez de mesme, que s'ils estoient en vn camp. Car ils dressent là leurs tentes & pauillons, ou ils ont leurs armes, vtenfilles, & tous les meubles presque de leur maison, bref ils menent là quant & eux toute leur famille, tandis que la pesche dure. Ils dressent aussi sur le riuage de la mer vne chappelle pour y entendre Messe: & nos Peres vont d'ordinaire avec eux tant pour la leur dire, que pour composer les differents, & appaiser les querelles, qui s'eleuent là bien souuent, bref pour empescher qu'on ne face à ces bons Chrestiens vne infinité d'injures, & con-

*Visite
des Eglises
de l'Isle
de Ma-
nar.*

*Vipere
tres-veni-
meuse.*

*Bonne
œuvre re-
compense.*

*Pesche
des Per-
les fort
frequen-
te.*

*Pourquoy
nos Peres
s'y trou-
uent.*

cussions, qu'ils endureroyent autrement des Portugais, & autres plus puissans qu'eux. Si que personne ne doute, que si l'on n'y enuoyoit quelqu'un des Peres, tout ce grand monde de gens ne vint à tomber en vne confusion plus que Babylonique. Ayant donc le P. Visiteur demeuré là ces trois jours, trouuant commodité de nauire, il monte sur mer avec autres quatre de la mesme Compagnie, & du commencement ils eurent le vent en poupe; mais apres auoir fait quelques trois lieues en haute mer, voyla qu'il se change à l'opposite, tellement qu'il leur donnoit en face, & contre prouë. Incontinent ils se douterent que c'estoit le vent de Chitara-

*Vent
Chitara-
nara, ou
Aquilon
d'Auril
fort dan-
gereux.*

rauara, comin'ils appellent en ce pais, c'est à dire l'Aquilon d'Auril, qui est si terrible & furieux, que les nauigeans, & nautonniers de ce quartiers-là le redoubtent plus que tout autre. Car il vient soudain donner contre les nauires avec telle furie & impetuositè, qu'il les bouleuerse sans dessus dessous, & abyisme les pources mariniers & passagers sans y penser. Si tost donc qu'ils eurent recogneu aux effects, que c'estoit vn tel vent, ils jettent les ancrs pour affermir leur nauire; mais il estoit si petit, si chargé, & si peu asseuré en ce danger, qu'ils furent d'aduis de leuer les ancrs pour s'en retourner au port, d'ou ils estoient partis. Mais les bouffées du vent estoient si violentes, & la tormente accompagnée de pluyes, esclairs, & tonnerres esleuoient si haut les vagues, qu'ils pensoient à tous coups estre engloutis dans les flots; & ce qui les faisoit

*Deux
naufra-
ges adue-
nus en
mesme
lieu.*

craindre encore d'auantage estoit l'exemple de deux ou trois naufrages, qui estoient aduenus en ce mesme endroit; car le Pere Pacificque, & Iean Souueral tous deux de nostre Compagnie, estoient peris au mesme lieu, & d'un pareil accident que cestui-cy. Et de plus fresche memoire vn Religieux de S. François voulant trauerser de Negapatan à l'Isle de Manar, auoit esté submergé au mesme destroit. Mais ce qui leur donna plus de frayeur fut de voir leur Pilote perdre totalement courage, abandonner le timon ou gouuernail, & se jeter sur le mast du nauire pour s'asseoir là dessus, comme ayant perdu toute esperance de pouuoir garantir le nauire du naufrage. Toutesfois il y eut vn des matelots plus courageux, lequel prend le gouuernail en main, commande aux autres, & fait tant par son industrie, & courage, qu'il arriuent en fin (assistez particulièrement du diuin secours) à vn petit sein, ou les vents ne souffloyent pas si fort. Là où apres auoir jetté les ancrs, & passé toute la nuict avec grande crainte; le lendemain matin deux matelots se jettent dans la mer, soustenuz de quelques barrils vuides: & vont

*Grand
danger
eschappé.*

ainsi à la nage jusques à terre, pour aduertir ceux, qui habitoient en ceste contrée, du peril auquel estoit le nauire, & les Peres qu'il y auoit dedans. Les originaires du pais entendans cela les vont tout aussi tost querir avec grande charité, & les mirent à sec, leur faisant beaucoup de courtoisies. Or d'autant que leur nauire n'estoit guere asscuré, ils en prennent vn autre, & dans deux jours arriuent à la ville de Negapatan; là ou ils se vont retirer à la maison de la misericorde; en laquelle gist le corps du P. François Peres, que les habitants reuerent comme vn Sainct. Et puis que nous auons trouué ceste occasion, nous en dirons vn petit mot: car ç'a esté l'vn des plus signalez personages de nostre Compagnie, qui ayēt trauaillé en l'Inde. Durant sa vie mesme on le tenoit pour vn sainct personnage, de sorte qu'on l'appelloit communement le Sainct. Le B. Pere Xauier, qui le cognoissoit tres-bien, l'auoit enuoyé à Malaca, comme en lieu ou il importoit beaucoup d'auoir vn tel personnage: & souloit dire de luy, qu'il enuioyt son humilité sur tout. Il estoit abordé ez Indes l'an 1546. & auoit eu charge presque de tous les Colleges de ceste Prouince-là. Or apres auoir prins beaucoup de peine, tant en son office de Superieur, qu'en la predication de l'Euangile, comme il estoit fort trauaillé de maladies, partie à cause de ses labeurs, partie à raison de son aage (car il vescu jusques à soixante dix ans) voulant aller de la ville de S. Thomas à la coste de la Pescherie, sa maladie se rengregea, de sorte qu'il deceda en chemin à la ville de Negapatan l'an 1583. Il auoit ordonné auant sa mort, qu'on enseuelit son corps au lieu, ou l'on enterroit les pources: mais les habitans de la ville ne le voulurent permettre, ains le firent inhumer fort honnorablement dans la chappelle maistresse de l'Eglise de la misericorde, avec vn conuoy de toute la ville, & notamment des plus nobles & principaux d'icelle. Les Peres de l'ordre de Sainct François, qui ont vn conuent en ceste ville là, firent avec grand charité & deuotion ses funeraillies. Plusieurs Payens accompagnerent son corps avec beaucoup de larmes, & le regrettoient quasi autant que les Chrestiens. Ils disoyent entre autres choses, que si le Pere eut esté des leurs, qu'on luy eust basti vn temple, & qu'on l'eut mis au rang de leurs Dieux ou Pagodes. Quant à la deuotion des Chrestiens, & l'opinion qu'ils auoyent de sa sainteté, c'est chose incruicilleuse d'enrendre ce qu'ils firent pour auoir de ses reliques. Vn gentilhomme d'honneur, chez lequel il mourut, asseura qu'aussi tost, qu'il eut rendu l'ame, il vid plus de trente per-

P. François Peres reueré comme Sainct.

*Trespas-
sé à la ville
de Nega-
patan.*

*L'opinion
que les
habitans
ont de sa
sainteté.*

sonnes, qui avec des ciseaux luy coupoyēt le poil de la teste, afin de le garder pour reliques: tellemēt qu'ō ne lui en laissa presqu'aucun à la teste. D'autres luy couppoyent les ongles, plusieurs quelque parcelle de ses vestemens; celuy qui eut son chapelet en trouua tout aussi tost quatre vingts & dix escuz, avec vn tableau de grand pris, qu'on luy en presenta. Si tost qu'on etendit par la ville son trespas par le moyen des cloches, qui sonnoient, le peuple accourut au logis pour en auoir quelques reliques: & tandis qu'on l'enterroit, vn si grand tumulte s'esleua de gens, qui se jettoient à la foule sur le corps pour luy baïser les pieds, qu'on fut contrainct de ceder à leur deuotion. Brief les habitans protestent, qu'ils ne permettrōt jamais qu'ō leur enleue ce thresor, qu'ils estiment estre ses reliques. Et c'est ainsi comme Dieu honore apres la mort ceux, qui se sont mesprizez pour l'amour de luy durant la vie. Mais retournons au voyage du Pere Pimenta, l'arriuée duquel à la ville de Negapatan, apporta vn merueilleux contentemēt aux Portugais, qui desiroient depuis long temps quelques vns de la Compagnie qui residassent en ceste ville, & lors ils se persuaderent, comme de-

*Residence
de la Cō-
pagnie à
Negapa-
san.*

uinans, que quelqu'un d'eux s'y arresteroit. A ceste cause les principaux de la ville s'assemblent, & avec le Curé s'en vont trouuer le Pere Visiteur, pour luy requerir ceste faueur. Le Pere ne les voulut esconduire de leur demande, voyant mesmement que ce lieu estoit fort propre pour nos fonctions: car c'est vn port de mer ou beaucoup de Portugais font leur demeure ordinaire; outre que plusieurs y viennent hyuerner de diuers endroiets, comme de Bengala, de Pegu, & de Malaca; c'est aussi vn lieu fort commode pour l'amplification de la foy: car d'iceluy comme d'un centre l'on peut aller tout alentour prescher l'Euangile aux Gentils, qui sont esendus par tout ce pays en tres-grand nombre. Et d'ailleurs on peut fort commodement visiter tous les lieux, qui sont sous nostre charge en toute ceste contrée, jusques à la coste de Choromandel.

Or soudain que le Pere Visiteur eust donné parole, les habitans vōt faire la reuēue de la ville, pour trouuer quelque lieu propre pour y bastir vne Eglise, & quelque logis. Ils en rencontrent vn, qui leur agrea fort, & à nos Peres aussi: car il est situé sur la riue du fleuue, vis à vis de la mer, exposé au vent de midy, qui est en ce país le plus salubre de tous, & à cause de la frequence des gens, qui accourent là fort commode pour les fonctions de nostre

vacation. Le seul fond leur cousta cinq cens escus : mais outre ce, ils donnerent force aumosnes pour la bastisse. Le P. Visiteur y laissa deux Peres pour donner commencement à ceste nouvelle residence, qui a desia esté cause de beaucoup de bien. Car tantost apres le Naïque, c'est à dire, le Prince, qui est le souverain *Naïque c'est un Prince souverain, mais vof-
plus gräd.* d'une ville nommée Tanjaor, & du pais d'alentour demâda qu'on bastit vn'Eglise à son port, qui n'est guere loing de Nagapatan. Aussi à Tangabare deux lieues loing de là, l'on a commencé de faire vn'autre Eglise. Ce qui aidera beaucoup à l'aduancement de la *sal d'un plus gräd.* foy en ces quartiers là.

De Nagapatan le P. Visiteur voulust aller par terre à la ville de S. Thomas, mais les Portugais tascherent de le diuertir de faire ce chemin par terre, par ce qu'ils l'estimoient fort dangereux, à cause des Badages : toutesfois ceste crainte n'auoit pas grand fondement, d'autant que les lieux, par où noz Peres deuoient passer, auoient leurs Princes souuerains, qui estoient les Naïques de Tanjaor & de Gingi, tous deux bien affectionnez enuets les Portugais. Par tant le P. Visiteur & les autres Peres, qui l'accompagnoient, resolurent de prendre ce chemin. Car ils auoient grand desir de faire la descouuerte de ce pais, pour voir s'il y auoit moye d'y planter l'estendard de I E S V S- C H R I S T, & retirer ces peu- *Descou-
uertes d'un
beau pais,
mais fort
adonné à
l'Idola-
trie.* ples du culte des Idoles, les amenant à la cognoissance du vray Dieu. Ils marcherent les douze premieres journées, voyant d'un costé & d'autre de si plaisans boscages, & forests, si grande abondance de ruisseaux, & de riuieres; brief, vn pais si beau, & si fertile, qu'il leur estoit aduis qu'ils se promenoient par vn plaisant verger. D ailleurs, la temperature de l'air y estoit si bonne, qu'on eust sçeu desirer. Mais ce qui leur detrempoit le plaisir, & contentement, qu'ils prenoient à s'esgayer par vn si beau pais, & leur causoit vn grand creue-cœur, estoit, de voir ces gens si fort adonnez à leur Idolatrie, & superstition, qu'ils trouuoient à chasque pas, par maniere de dire, des chapelles sans nombre; & vn'infinité de beaux, & magnifiques temples dediés au diable, esquels on ne voyoit autre chose, que des Idoles monstrueuses, d'hommes, d'elephants, & autres bestes semblables, que ces pauvres auengles adorent, & reuerent comme dicux. Ils rencontrerent aussi de grands charriots, sur lesquels estoient portez des colosses d'Idoles, si enormes en grandeur, qu'ils esgaloient les plus hautes tours, suivis d'une multitude innombrable de gens, qui pouissoient avec leurs espau-

les les roïes de ces chars pour les faire aller çà & là.

*Cidam-
barā
v'n ville
capitale
de l'Ido-
latrie en
Narsin-
ga.*

Ils virent aussi en chemin la ville de Cidambarā, qui est la capitale, & comme la Metropolitaine de toute la superstition gentili- que de ces contrées là. Elle est farsie d'un grand nombre de tem- ples fort magnifiques. On dict que les Brachmanes d'icy ont de re- uenu tous les ans trente mille escus: jasoit que maintenant on ne leur en baille, que douze mille. Le mesme jour que nos Peres en- trerent en la ville, le Naïque de Gingi, qui est le souverain de ce lieu, y estoit aussi arriué. Par tant nos Peres furent d'aduis de l'al- les saluer, quand ce ne fust, que pour auoir de luy vn passeport: à fin de n'estre tant rançonnéz des peagiers, & gabelliers, comme sont ceux, qui voyagent d'ordinaire en ses terres. Or comm'ils fu-

*V'iste
que fit le
P. V'iste
avec les
autres Pe-
res du
Naïque
de Gin-
gi.*

rent pres de la ville, ils rencontrent tout plein de soldats, qui estoient, à ce qu'on disoit, bien trente mille, & outre ce, quelques cent elephants. Celuy qui conduisoit nos Peres les fit attendre jusqu'à ce que le Naïque fust aduertty de leur venue, & les appel- la. Cependant il contemploit son armée; & ses elephants d'un lieu haut esleué: & sur le tard, apres qu'il se fut retiré dans son pa- lais, il fist aduertir le P. V'isteur & ses compagnons, qu'ils le pou- uoient venir trouuer. Ils s'en vont donc le visiter, mais ce ne fust sans beaucoup de ceremonies. Deuant eux marchoiert cent Brachmanes file à file, à fin de prendre garde, que personne n'en- chantast le Roy de son regard, & à ceste cause ils aspergeoient de certaine eauë tous les lieux, par où ils passoient. Car ils ont accou- stumé de faire cela le premier jour que le Roy entre en quelque maison. Si tost qu'ils eurent paracheué leurs ceremonies, ils for- tent du palais, & nos Peres y entrent. Mais auant que trouuer le Prince, on les fait passer par beaucoup de portes, & diuers corps de garde: & apres tout cela, ils vont voir le Naïque en vne basse- court au descouuert, assis en vn lieu haut esleué au milieu de la basse-court, où il y auoit tout plein de lampes allumées, qui don- noient lumiere. Son siege estoit couuert d'un tapis, & sur le tapis y auoit vn drapeau velu de couleur de pourpre. Là dessus estoit couché le Naïque, appuyé sur deux grands cuissins ronds en

*Les cere-
monies
qu'on y
obserue.*

*Habit du
Roy, & sa
côtenan-
ce.*

forme de colonne. Il estoit vestu d'une belle robe de soye à la Badageoise, qui luy alloit jusques aux talons, & portoit au col vne grosse chasne entortillée à plusieurs tours, & enrichie de belles perles, & pierres pretieuses. Sa longue perruque ramassée, & tref- sée au sommet de la teste luy donnoit vne belle grace: car elle

estoit toute entourée de perles, jaçoit qu'elles n'apparoissent pas. Car ils ont accoustumé de couvrir leur chef avec vn drap de soye, lors qu'ils sont en leur maison. Aupres de luy on voyoit quelques Princes Brachmanes, & enfans de grands Seigneurs. Luy de sa personne estoit vn beau jeun'homme d'une viue couleur, ses yeux brillans, qui monstroient assez sa generosité, & valeur. Il receust nos Peres avec beaucoup de courtoisie, & monstres de bienueillance, les faisant asseoir tout aupres de son throsne, & donnant à entendre par paroles, & par effect, que les presents, qu'ils luy auoient donné, luy estoient tres-agreables. Il leur bailla, selon la coustume du pais, des feuilles de Betele, pour mascher, comme luy. Car les Rois, & Princes de l'Inde maschent presque continuellemé des feuilles de cest'herbe, que les Malabares appellent Betele, & les Arabes Tambul, qui leur seruent pour auoir bonne haleine, pour se defalterer, & cracher les phlegmes. Or voyant que nos Peres ne la maschoient pas, il s'en estonna fort: en fin il les pria de luy laisser vn de nos Peres, pour faire sa demeure en vne cité nouuelle, qu'il bastissoit, & la vouloit appeller de son nom, leur promettant de luy faire fournir tout ce qui luy seroit de besoing. Il leur dict entre autres choses, qu'il auoit bien veu autres fois des Prestres Portuguais; mais non pas de tels, que ceux de nostre Compagnie.

Or apres qu'on luy eust tenu propos vne bone partie de la nuict, des choses de nostre sainte foy, il les congedia à la parfin, leur donnant quelques belles pieces de brocatel, & vn passeport, avec lequel ils pouuoient librement voyager par tout son domaine, sans estre aucunement vexez es ports, & passages, commandant à tous ses subjects de les traicter par tout fort humainement. Et à fin que cela fust executé plus fidelement, il enuoya avec eux vn de ses seruiteurs pour les accompagner; si que le lendemain ils se mirent en chemin, jaçoit que s'ils eussent sceu ce qui arriua ce mesme jour en la ville de Cidambaran, ils n'en fussent pas si tost partis. Car il y aduint vn cas fort estrange; c'est, qu'une vingtaine de ces Prestres des Idoles, qu'ils appellent Iogues, se precipiterent du plus haut de la tour du temple, pour vne telle occasion. En Perimal il y a vn temple d'Idoles, ou ce Singe appellé Hanimant, duquel nous auons parlé cy dessus, est honoré & adoré comme Dieu, avec tres-grande superstition. Or à Cidambaran, ils venerent vn certain perlonnage, que ceste folle gentilité estime saint, & en croit des

*Reçoit
courtoisie-
ment les
Peres.*

*Betele her-
be que les
Rois de
l'Inde ont
accoustu-
mé de
mascher.*

*Present
que le Roy
leur fit.*

*Fable gé-
nérique,
& absur-
de.*

choses si absurdes que rien plus. Car entre autres ils disent, qu'il demoura plusieurs années pour faire penitence, ayant vn pied percé d'un gros clou de fer; & que Dieu luy commādant de laisser ceste austerité, il n'en voulust rien faire, bien que ce commandement luy eust esté reiteré de Dieu mesme par plusieurs fois. Finalement, apres beaucoup de messages enuoyés d'une part & d'autre, cest opiniaſtre protesta, qu'il ne desisteroit point, jusqu'à ce qu'il veid Dieu danser tout autour de soy. Dieu, disent-ils, voulant condescendre à la volonté de ce pretendu sainct, accompagné du Soleil, de la Lune, & des estoilles, qui luy seruoient de menestriers, s'en vint danser aupres de luy. Mais comme il fautoit, & gambadoit de la sorte, vne bague luy vā tomber d'un pied, où il en portoit beaucoup, & de là (disent-ils) la ville de Cidambaran a prins son nom. Car Cidambaran en leur langue, signifie vne bague d'or.

Cidambaran veut dire bague d'or en Badageois.

Voilà comme le Diable abuse des creatures raisonnables, leur faisant accroire de telles fourbes, & des choses du tout hors de raison.

Mais retournōs à nostre propos, il y auoit eu quelques jours auparavant l'arriuée de nos Peres à Cidambaran, vne grande dispute entre les Gentils de ce lieu; ſçauoir mon si on debuioit mettre dans le temple de Cidambaran l'Idole du singe de Perimal, qui n'est autre qu'un mast, ou arbre de nauire, avec vn singe au pied d'iceluy. Les vns repugnoient à cela fort & ferme: mais les autres insistoient à l'y faire colloquer; & à ces fins enuoyerent tout plein d'embassades au Naïque de Gingi, tellement que le Naïque resoluſt de faire colloquer cest Idole audict temple, quoy qu'il en aduint. Mais les Iogues, qui se tenoient dans le temple, & gardoient les thresors d'iceluy, s'opiniaſtrerēt au contraire: de maniere qu'ils jurèrent tous, que si on faisoit cela, ils se precipiteroient du plus haut faiste du temple en bas. Le mesme encore auoient protesté les autres Brachmanes resoluſ de se tuer eux mesmes, apres qu'ils auroiēt enseuely les corps de leurs compagnons: toutesfois depuis ils se rauiserent.

Opiniaſtre signifie surpersiſion.

Or le mesme jour que nos Peres partirent, le Naïque de Gingi voulant faire dresser ledict mast, les Iogues du temple montés au sommet d'iceluy, commencent à se precipiter du haut en bas l'un apres l'autre. Il y en eust vne vingtaine, qui firent le saut, & s'estans creuez, rendirent l'ame miserablement, pour estre precipitée aux enfers. Le Naïque tenant cela à deshonneur, commande à ses arquebuziers de tirer contre ceux, qu'ils verroient au sommet du temple;

Cas est tragique.

du temple; ce qu'ils firent, & en tuerent deux ou trois de ceux, qui se presentoient pour s'effacer: de façon que les autres se retirerent, & comme gens desesperés, s'en allerent d'un costé & d'autre vagabondans, comme de fols, & insensés. Il y eust aussi vne femme, laquelle de rage, & de cholere, voyant que ce mast estoit dressé, s'estrangla elle mesme. Ce neantmoins l'arbre susdict fust erige avec le singe au pied d'iceluy, & peut estre, qu'en mesme endroict nostre Seigneur fera dresser vn jour l'estendard de sa Croix, avec le Diable attaché au pied d'icelle, comme l'on a de coustume de le représenter, pour monstrier la victoire gagnée sur le Diable, par le moyen de la Croix; & de fait, il y a desia vn'Eglise bastie à trois quarts de lieuë de ceste ville: mais à tant de cecy. Les Peres donc laissant la ville de Cidambaran, prenent leur chemin vers la ville de S. Thomas, mais en passant ils allerent saluer les Princes de Triuidi, & de Salauaccha, qui sont subiects au Naïque de Gingi, & par leur moyen ils arriuerent sains & sauues à la ville de S. Thomas, qui appartient au Roy de Narsinga, bien qu'il en a baille le gouuernement au Naïque de Tanjaor, avec certaines conditions. Le P. Visiteur, estant en ladicte ville, considere qu'il importoit beaucoup, pour le bien de la Chrestienté de ce pais là, de gagner la bien-veillance du Roy de Narsinga: d'autant que c'est l'un des plus puissants Monarques de l'Indostan, & auquel tous les Princes d'alentour payent tribut, mesme les Naïques, que nous auons dict cy dessus, Il trouua bon, & expedient d'enuoyer deuers luy quelques vns de nos Peres, à fin qu'ils taschassent d'entrer en sa bonne grace, & se loger, s'ils pouuoient, en sa ville Royale de Chandegry, où il se tient d'ordinaire. Car par ce moyen les nostres auroient plus de credit, & seroient mieux venus aupres des autres Princes circonuoisins, lesquels desia commençoient d'inuiter nos Peres en leurs terres. La chose ayant esté communiquée à gens graues, & entenduz aux affaires, la trouuerent tous fort bonne: de façon que ledict P. Visiteur donna charge au P. Recteur du College de S. Thomas, de commencer ceste mission à la premiere commodité, qu'il trouueroit: ce qu'il fit fort heureusement, comme nous verrons cy apres.

Or, pendant que le P. Pimenta s'arresta à la ville de S. Thomas, il institua deux choses fort profitables à l'aduancement de la foy Chrestienne. La premiere fut, qu'il establîst (avec l'aide des aumosnes de quelques gens de bien) vn Seminaire de jeunes

Bon augure.

Le P. Visiteur arrive à la ville de S. Thomas.

Delibere d'enuoyer quelques Peres au Roy de Narsinga.

Institue à la ville de S. Thomas deux choses fort profitables.

enfants de noble race, partie Badageois, partie Malabarois, pour seruir comme de pepiniere, de laquelle avec le temps on transplantast ces jeunes hantes par toute ceste contrée, où elles apportent vn jour beaucoup de fruiet. En second lieu, il institua vne nouuelle classe, en laquelle on enseignast la langue Tamul, c'est à dire la populaire, & commune du pais, & la Badagane aussi, qui est celle, dont les courtisans se seruent.

Apres ce, il part avec ses compagnons de la ville de S. Thomas, bien que avec regret (comm'il dict en sa lettre, d'où tout cecy est tiré) d'abandonner ces lieux, & monuments insignes, avec lesquels ce glorieux Apostre a rendu illustre tout ce pais là.

*Lieux de
nots qu'il
y a là.*

Car l'Eglise Metropolitaine est ennoblie par le sepulchre d'iceluy, la petite montagne à raison de sa demeure, & la grande à cause de son martyre, & de ceste Croix merueilleuse, qu'on y void encore. Si est-ce qu'il fallust en fin desloget, & poursuiure leur voyage. Or allans par pais ils rencontrent, sans y penser, vn Gentil, qui les resioiuit fort. Il estoit desia assés aduancé en aâge, d'un port graue, & à ce qu'on pouuoit juger de ses propôs, homme prudent, & aduisé; de condition il estoit soldat, mais de secte Perimalois, à ce qu'on pouuoit cognoistre par la cendre, qu'il portoit sur le front: car c'est la marque de telle superstitiô: l'ayàs accosté ils luy tenoiēt quelques propos des choses de nostre foy, auxquels il prestoit volontiers l'oreille, & si aduoüa franchement, qu'il ne falloir point adorer les Idoles, & qu'il n'y auoit qu'un seul Dieu, Createur du Ciel, & de la terre. Nos Peres poursuiuans leurs discours, voicy, que tout à coup vn grand tremblement du corps, & de tous les membres saisit cest homme: lequel tout estonné d'un accident si nouueau, & si estrange; ie ne sçay (dict-il) que c'est, ny d'où vient, qu'à tous les mots, que vous dictes, tout le corps me tremousse, les cheueux m'herissent, la voix s'atreste dans mon gosier. Mais où est-ce (fist-il apres) qu'on me pourroit instruire plus à plein de ces choses. Lors nos Peres luy dirent, qu'il s'en allast à Negapatan, & que là on luy declareroit ces mysteres plus à plein, s'il s'y transportoit. Il promit de ce faire, & que de là en auant, il n'adoreroit plus les Idoles; ains recognoistroit le seul vray Dieu, & l'honoreroit. Nos Peres cependant l'aduiserent, qu'il secoüast du front ces cendres, qu'il y portoit, à cause que c'estoit vn signe, qu'il estoit de la secte des Perimalois; ce qu'il fist tout aussi tost, ne voulant plus retenir aucun signe de son ancienne superstition.

*Remoire
notable
d'un Per-
imalois.*

Or comm'il veid, que nos Peres se départoient, il se mit tellement à pleurer, comme s'il eust perdu quelque grand bien, ou thresor trouué inopinément- En fin il leur dict à Dieu, avec tels signes de bienueillance, comme s'il eust esté avec eux toute sa vie. Il ne peut s'en aller avec nos Peres, comm'ils eussent bien desiré, par ce qu'il estoit marié, & debuoit donner ordre plus tost à ses affaires domestiques. Pursuiuans donc leur chemin, ils arriuerent à la ville de Gingi, ou reside pour l'ordinaire le Naïque. Car ils luy auoient promis à Cidambaran de l'aller trouuer là. Ceste ville de Gingi est la plus grande de toutes celles qu'ils ayent veue en l'Inde. Au milieu il y a vne forteresse bastie en forme de cité, enuironnée de murailles fort hautes, toutes de pierre de taille, & d'un fossé plein d'eau. Dans la citadelle il y a vne roche presqu'inaccessible, & fort haute: laquelle estant tres-forte d'assiete, a esté par artifice rendue inexpugnable: car on a faict de la mesme roche des tours, & bouleuards, pour la deffence d'icelle. Il y a force temples d'un costé & d'autre de la ville, & dans la citadelle mesmes. Les maisons ne sont pas si belles, excepté quelques vnes, qui sont des principaux Princes, ou habitans de la ville. Sut tout, le Roy y a deux beaux palais bastis à la Barbaresque, avec grande magnificence de tours, basse-courts, & galeries. Entre autres choses, il y a des arcades, qui sont faictes d'un bois odoriferant, que les Portuguais appellent Sandal. Nos Peres estans arriuez là, logerent la premiere nuit dans vne grande hale, n'ayans trouué autre lieu, pour se retirer. Mais à cause de la multitude des gens, qui ne faisoient que tracasser çà, & là: & pareillement des chameaux, & Elephans, qui passoient continuellement, ils n'eurent moyen de reposer de toute ceste nuit. Le lendemain matin ils s'en vont au Palais, voir s'ils pourroient parler au Naïque. Pendant qu'ils estoient là parmy la troupe, voicy le Naïque, qui sort pour aller à son temple, ce qu'il faict (comme on dict) chascun jour.

Or ayant apperceu les nostres il leur dit avec vn bon visage, qu'il seroit bien tost de retour. Aussi n'arresta-il pas longuement au temple, & aussi tost qu'il fut retourné il les fait entrer, leur monstre son Palais, ses richesses, & tout ce qu'il auoit de plus rare. Entre autres choses ils y virent vn chalit d'or, quelques petites couches d'argent, de grandes cruches partie d'or, partie d'argent, & deux autres plus petites toutes d'or, qu'un seruiteur portoit sur vne claye de

*Le 2^e Pi-
menta, &
ses cōpa-
gnons ar-
riuent à
la ville de
Gingi.*

*Descrip-
tion de
Gingi.*

*bienuel-
lance du
Naïque
de Gingi
à l'édroit
des Peres.*

bois pleine d'eau, dont il donnoit à boire au Roy, tandis qu'il se promenoit. Apres leur auoir monstré tout plein de raretez, il les fit loger dans vn bastillon de sa forteresse; mais ils ne pouuoient supporter là les chaleurs, qui estoient lors fort cuyssantes, de façon qu'ils se retirerent dans vn bois, qu'il y auoit là toutaupres; jacoit qu'il fut dédié à vne Idole. Si est-ce que les loques s'exposent aux chaleurs du plein midy, pour gagner par ce moyen opinion de de saincteté. Car il n'y a gens si orgueilleux & si aides de gloire

Jogues que ces loques. Nos Peres en virent là vn, lequel s'estoit enserfé
sa perbe dans vne cage de fer, comme dans vne prison, passant les pieds par
& orgueilleux dessous & la teste au dessus, de maniere qu'il ne pouuoit ny s'as-
à outrance. seoir, ny se plier ou baïsser. Tout autour de sa cage il y auoit cent lampes, que quatre autres loques ses compagnons luy allumoyent à certains temps; luy cependant marchoit pompeux & fier, comme s'il eut esclairé tout le monde de sa lumiere. Mais reprenant nos brisées, le lendemain le Naïque leur voulut monstrer le dedans de son chasteau, & à l'entrée fit lascher toutes les pieces de Canon, sonner les trompettes, & clairons, faisant cependant combattre les soldats par jeu, pour leur donner ce passertemps. Il leur fit voir tout ce qu'il y auoit de beau, & de rare là dedans. Tellement, qu'ils jugerent, que tout ce qui pouuoit rendre vne place imprenable se retrouuoit en ceste-cy. Ell'auoit serui de prison à ce Naïque, car
Forteresse apres la mort de son pere, son oncle l'auoit enserfé dans ceste forte-
se impre- resse. Mais il en fut deliuré par ses vassaux, & y fit enfermer son dit
nable. oncle, lequel il ayma mieux condamner à perpetuelle prison, apres

Courtou- luy auoir poché les yeux, que le massacrer. De la forteresse il les
ses du mena à son Palais, montré à cheual, & accompagné de mille sol-
Naïque dats. En la grande place, par ou ils deuoyent passer, y auoit trois
ouuers les cents Elephans rangez d'un costé & d'autre d'une longue file, ar-
Peres. mez comme s'ils eussent deu combattre, & auoyent tous le dos tourné contre la pafoy, & la trompe vers la place. Le Nayque voulut mener par là nos Peres, à celle fin qu'ils vissent sa grandeur, & magnificence. A l'entrée du palais ils trouuent vn harangueur, vestu de pourpre, qui chantoit les louanges dudit Naïque. Car on à coustume de ce faire quād il se retire avec pōpe dans son Palais. Si est-ce qu'il ne s'arresta pas à l'escouter: ains estant soudain entré dedans son logis congedia nos Peres; d'autant que la nuit approchoit. Le troisieme jour il les mena à vne autre forteresse, qu'il auoit bien pres de la: & de ceste-cy l'on peut dire le mesme que de

la preiniere. Icy pour honneur & en signe de bien-vneillance il leur donna de sa main vn bouqtiet de fleurs, qu'il portoit. Ce bouquet estoit fait en forme de sceptre à trois angles, & au bout d'iceux il y auoit trois pommes d'or. Les Naïques ont accoustumé de porter tel sceptre, lors qu'ils vont à cheual par la ville, ou par leurs terres; de sorte que tout le monde fut esmerueillé de veoir, qu'il deferat vn tel honneur à des estrangers. Le Capitaine de la forteresse luy ayant présenté à l'entrée deux pieces de drap de soye, il leur en donna l'une, & enuoya l'autre au fils de Cholgana. Or ce Cholgana est vn des principaux Seigneurs de ce pais-là, qui gouuerne la forteresse de ce port, ou le Naïque bastit vne nouuelle cité. L'enfant donc de cestuy-ci, qui n'auoit pas plus de quatorze ans, estoit venu à la Cour accompagné de plusieurs personages d'honneur & gens graues, pour supplier le Naïque, qui s'appelle Chistapa, de luy vouloir donner son nom, & vne chaire dorée, qu'on porte à bras, avec quelques terres. Ce jeune homme monstroït porter si grande affection à nos Peres, qu'on eut dit qu'il estoit Chrestien. Or comme le quatriesme jour ils demandent congé au Naïque de partir, il leur monstra encore lors grande quantité d'or, & de pierres precieuses, & si leur donna puissance de bastir vne Eglise en la nouuelle ville, qu'il faisoit edifier, appellée de son nom, Chistapatama, c'est à dire, cité de Chistapa, donnant permission à tous ses vassaux, de se rendre Chrestiens s'ils le vouloyent estre, sans perdre pour cela aucune dignité ou priuilege, qu'il eussent auparauant: & pour la nourriture du Pere, qui auroit charge de ceste Eglise, il assigna deux cens escus de rente par an. Tout cecy fut ratifié par ses lettres parentes escriptes en deux langues: sçauoir est en Tamulan, & Badageois, y faisant apposer son seau Royal. Il leur fit encore entendre qu'il seroit bien aise, qu'ils allassent veoir ceste nouuelle ville, & pour les accompagner leur baila vn de ses courtisans, escriuant à Cholgana le pere de l'enfant, duquel cy deuant à esté parlé, qu'il eut nos affaires en recommandation.

Ces choses furent faictes en presence d'un grand nombre de Capitaines & autres Seigneurs, qui assisoient aupres du Roy. Or entre les premiers estoit ce fils de Cholgana. Les Peres supplierent le Roy de les vouloir recommander à ce jeune Gentilhomme, comme tenant le lieu de son pere: lors le Naïque l'appellant à soy, je vous recommande (dit-il) ces Peres, & vous les baille en charge,

Forme de bouquet que les Rois portent en Xarfigana.

Le Naïque de Gingi donne permission à ses subiects de se rendre Chrestiens.

Recommandation du Roy fort profitable.

comme representant la personne de vostre pere, afin qu'ils puissent librement entrer & demeurer en tout ce pais, ou il commande en mon nom. Ce jeune Seigneur fut fort aise, & ses amis aussi de ceste charge honorable, que le Roy luy bailla: de sorte qu'il escrivit à son pere des lettres fort honorables pour eux, le priant que si les Peres passoyent par là, ils cognussent que ces paroles du Roy lui auoyent esté fort agreables. Ils partent d'oc avec ceste bonne despesche de la ville de Gingi, bien aises d'auoir recogneu l'affection enuers la foy Chrestienne tant des Princes, que du peuple de ce pais là, & la bonne disposition qu'il y auoit en eux pour recevoir la lumiere de verité. Or d'autant qu'ils faisoient ce voyage à

*La bonne
dispositiō
des habi-
tans de
cet estat
pour rece-
voir la
foy.*

la haste, plustost pour descouurir terre, & les moyens, qu'il y auoit d'y annoncer l'Euangile, que pour l'y prescher tout à fait, ils ne touchoyent sinon en passant, à la conuersion des infideles; afin de ne laisser en arriere ce, qui estoit le principal de leur charge, à sçauoir de visiter ceux de nostre Compagnie, espars en toutes ces contrées: si est-ce que quand l'occasion se presentoit, ils ne la laissoient pas escouler, ains remonstroyent aux infideles leur aueuglement, & mesmes lors qu'ils attendoyent quelquefois à la porte du Palais de ce Naïque, pour luy parler. Car voyans plusieurs, qui s'assembloyent tout autour d'eux, ils leur tenoyent quelques propos des choses diuines & celestes, par l'entremise d'un bon trucheman qu'ils auoyent, lequel parloit tres-bien les langues Tamulane & Badageoïse, & en y eut plusieurs, lesquels prenant goust à ce, qu'on leur disoit, souhaittoïent d'en ouïr d'auantage: mais le lieu & le temps ne le permettoit pas. Vn Brachmane voyant vne fois ce lieu plein d'une grande multitude de gens, ce n'est pas, (dit-il) icy le lieu ou il faut parler de ces choses, je m'en iray vous trouuer à vostre logis, pour entendre plus à plein ce que vous traitez icy. Mais le logis ou ils demeuroyent estoit autant ou plus incommode, que cela. Car c'estoit vn lieu tellement ouuert & exposé à tous allants & venants, que les Elephans mesme s'y venoyent retiter, pour se garder de la chaleur du Soleil. Or vn certain jeune homme aagé de quelques dix-sept ans, qu'on disoit estre de la race royale, les ayant veus au Palais, s'en va les trouuer, & leur dit, qu'il desiroit estre Chrestien, & s'en aller avec eux, encore qu'il luy fallut quitter sa maison, ses parents, voire mesme son espouse. Mais les Peres jugerent, que c'estoit vne chose fort dangereuse, & peut-estre pratiquée tout expres par le diable, pour rendre odieuse la Religion

*Ruze du
Diable.*

Chrestienne en ce lieu là , ou freschement on auoit obtenu congé de la prescher: partant ils luy conseillerent , que quand sa commodité le permettoit , qu'il s'en allat à Negaparan trouuer les Peres, qui estoient là, & qu'il fit ce qu'ils luy conseilleroyent. Partis donc qu'ils furent de la ville de Gingi , prenans le chemin de Cydambaran, comm'ils furent arriuez au milieu d'iceluy , ils rencontrent en vn gros bourg , tout plein de Brachmanes : lesquels s'assemblerent tout au tour d'eux. Les Peres voyans cela, commencent à leur discourir des choses de nostre foy , & leur monstroyent clairement la fausseté des opinions, qu'ils tenoyent. Les Brachmanes ne sçachans que respondre, dirent, qu'ils auoyent, bien pres de là, vn grand personnage de leur secte fort docte, & sçauant, qu'il leur respondroit bien. On le fait appeller. Estant venu là, vn des Peres luy demande combien il adoroit de dieux : l'autre respond, qu'il en adoroit plusieurs, faisant le denombrement d'iceux, & baillant à chascun son nom. Mais quel d'entre tous ceux-cy (replique le Pere) vous semble estre le premier : car c'est celuy duquel nous nous debattons. Le Soleil , respond le Brachmane , est à mon aduis le plus grand Dieu de tous. Qui donc a fait le Soleil (dict le Pere) s'est-il fait (peut estre) soy-mesme ? l'autre considerant les inconueniens, qu'on luy mettroit en auant, s'il disoit, qu'il s'estoit fait soy mesmes, aduoüa, qu'il auoit pere & mere. On luy demande comment ils s'appelloient. Quant au pere il luy donna quelque nom, mais voulant nommer la mere il s'arresta tout court. Les autres Brachmanes voyans cela se despitoyent, & fachoient contre luy , mesmes de ce qu'il asseuroit que le Soleil auoit vne mere , & ne la sçauoit nommer? Bien (dict le Pere) je suis content seulement de ce que vous auez dict que le Soleil ait vn pere. Mais s'il est ainsi, il s'ensuit qu'il y a deux Soleils. Ce que le Brachmane refusa de confesser : mais on le luy prouua de ceste sorte. Celuy (dict le Pere) qui engendre vn homme , n'est-il pas homme? ce qui produict vn cheual, n'est-il pas cheual, & ainsi consequemment des autres choses ? l'autre ayant aduoüé tout cela, le Pere conclud, que si le Soleil a vn pere , ce pere sera encore Soleil. Et par tant, qu'il y aura deux Soleils. Le Brachmane se voyant attrappé en ses reths, prouue vn eschappatoire, disant, qu'au comencement le Soleil n'estoit pas Soleil : Mais vn saint homme , lequel pour ses merites, auoit esté fait Soleil. Le Pere poursuivant son homme, luy demande si celuy qui auoit donné vne si belle recompense au Soleil, n'estoit pas

*Dispute
d'un Pere
avec
un grand
Brachma-
ne.*

*Que le
Soleil ne
peut estre
Dieu.*

Superieur au Soleil ? l'autre dict qu'ouy. C'est bien respondu dict le Pere: Car celuy qui recompense les seruices, qu'on luy a faiçts, doit estre plus grand, que celuy qui luy a faiçt les seruices; comme par exemple, le Naïque, qui donne vn bracelet d'or à vn soldat, est par dessus le soldat, qui est allé à la guerre pour luy. Puis donc que le Soleil a esté faiçt Soleil par vn'autre plus grand que luy, il s'ensuit, qu'il y a vn autre Dieu plus grand que le Soleil. Le Brachmane n'ayant que respondre, aduoüa que cela estoit vray; jaçoit qu'auparauant il eust dict le contraire: toutesfois il ne fut pas d'aduis d'admettre vne si grande multitude de Dieux, comm'il auoit dict au commencement: mais il se contenta de trois qu'il nôma, Pyrama, Vidhunu, & Vnitire, l'office desquels il disoit estre tellement comparty, que l'un faisoit les choses, l'autre les desfaisoit, & le troisieme les conseruoit. On luy monstra, que ce qu'il mettoit en auant estoit impossible; de sorte, que se voyant conuaincu, & embarrassé en tout plein d'autres demandes, qu'on luy faisoit, nommément quelle chose estoit Dieu? quoy les Anges? quoy les Demons? il confessa franchement, qu'il ne sçauoit rien de tout cela. Lors le Pere commence à leur declarer, qu'il y auoit vn seul Dieu eternel, infiny, tour-puissant, Createur du Ciel & de la terre, qui auoit créé le Soleil au Ciel, à fin que par sa lumiere tout le monde fust esclairé, ainsi qu'avec vne lampe, ou vn flambeau. Que les bons Anges estoient certains esprits, qui auoient soing de nous garder, & que c'estoient eux, qui nous incitoient à bien faire par leurs secretes inspirations: que les Demons estoient des mauuais anges, qui pipoient, & abusoient les hommes; & se faisoient adorer au lieu du vray Dieu; Que d'eux procedoient tous les enchantemens, sorceleries, superstitions, & le culte detestable des Idoles. Là dessus le mesme Pere prenant la chose de plus haut, leur raconte la creation du monde, des Anges, & du premier homme, puis la cheute de Lucifer, & de ses complices, le peché de nos premiers peres, la source & le commencement de toute l'idolatrie, & en fin le salut acquis par I E S V S- C H R I S T nostre Sauueur. Le Brachmane ayant escouré attentiuement le Pere, tout rai d'admiration: Nous n'auôs (dit-il) jamais plus entédu ces choses. Vn autre Brachmane de ceux, qui estoient presents, s'escria tout haut disant, ô que celuy seroit heureux qui entendroit bien ces mysteres! Les Peres leur donnent bonne esperance, qu'ils auroient bien tost avec l'aide de Dieu à la nouuelle ville de Chistapatama quelques

uns de leur robbe, qui leur declareroient plus amplement ce qu'ils desiroient, & que s'ils vouloyent les escouter, & croire, qu'on leur monstreroit le chemin de salut. Auec ce ils se departent, & les Peres poursuyuans leur chemin arriuent à Chistapatama. Ceste ville <sup>Chistapatama vil-
le de & sa
situation.</sup> est située en vn pais, qu'on appelle Arungor, joignant le fleuve Velario. Ils trouuerent là vn monde de gens, qui bastissoient force maisons: car on auoit donné congé à tous ceux, qui voudroyent y habiter de choisir tel sol, qui leur plairoit, pour bastir dans la ville, & dehors tout autant de terre qu'ils pourroyent faire labourer & ensemençer. Les Peres aussi laisserent marqué le lieu, qu'ils auoyent choisi pour y bastir leur Eglise & maison; & à fin de commencer l'œuvre ils enuoyerent querir le Pere Alexandre Leui, qui estoit <sup>Le Pere
Alexandre
Leui est
enuoyé la</sup> lors à la coste de Trauancor, personnage d'une vie fort exemplaire, bien entendu en la langue du pais: mais sur tout fort desirieux de la conuersion des habitans de ceste contrée: de façon qu'il auoit quelque temps auparauant demandé congé aux Superieurs de se desguiser, & prendre l'habit de Iogue; afin d'aller par tout ce pais espandre la semence de la parole de Dieu parmy ce peuple, esperant en recueillir beaucoup de fruit. Mais voyant que nostre Seigneur auoit par une autre voye non esperée ny attendue ouuerte la porte à son Euangile en ces marches là, il ne pouoit tenir les larmes de joye.

Or apres que le Pere Visiteur avec ses compagnons eurent esté à la ville de Chistapatama, & arresté le lieu où ils vouloyent bastir, ils furent d'aduis d'aller faire la reuerence au Gouverneur Cholgana, qui se tenoit en vn chasteau joignant le fleuve Coloramo. C'estoit vn vieillard de quatre vingts ans, fort redouté des habitans: car si on le faisoit mettre en cholere, ou qu'on l'eust offensé en la moindre chose, il punissoit cruellement ceux, qui l'auoyent irrité, sans pardonner à personne. De là venoit qu'il viuoit en perpetuelle crainte d'estre tué, & pource il auoit tousiours une grosse garnison de soldats à la forteresse, où il demouroit, & en tous les autres lieux circonuoisins à quelques lieux à l'entour; mais afin que ses ennemis n'eussent moyen d'entrer dans le fleuve, qui passe tout joignant la forteresse, il y auoit mis des Crocodiles, auxquels il faisoit defense (on pense que c'est par art magique) de n'endommager aucun des siens; mais tant seulement ses ennemis. Toutesfois il arriua, qu'ils deuorèrent vn de ses hommes, n'estans pas deuenus plus appriuoisez, que leur nature ne porte, par tel commandement.

<sup>Les Peres
vont sa-
luer Chol-
gana gou-
uerneur
de Chista-
patama.</sup>

<sup>Crocodi-
les consti-
tuez pour
garde
d'une for-
teresse.</sup>

Cholgana fâché de cela fit prendre prisonniers (on croit que c'est par enchantement) deux de ces Crocodiles, qui auoyent tué cet homme, leur faisant mettre de grosses chaînes de fer au col, avec lesquelles on les traina dans vn estang tout plein de bourbe, afin que là injuriez & lapidez du peuple, & des passans, ils mourussent miserablement de faim. L'un d'iceux estoit encor en vie quand les Peres furent là, tellement qu'ils le virent dans cest estang bourbeux. Le vieillard Cholgana fut trèsâise de veoir les Peres, & les receut fort humainement; puis fit lire tout haut deuant ceux, qui estoient presens, les lettres que le Naïque, & son fils luy escriuoient en leur faueur. Son fils amplifioit fort es siennes l'honneur, que le Roy luy auoit fait en consideration des Peres. Or apres que le vieillard les eut bien traictez, quand ils s'en voulurent partir, il leur bailla de ses gens pour les accompagner; à l'aide desquels ils firent sans aucune fâcherie tout ce chemin, jusques à la ville de Trangambaran; là ou ils trouuerent quelques vns des citoyens, qui estoient Chrestiens: car ils estoient issus des Parauaz habitans de la coste de la Peseherie, desquels ils furent accueillis avec grande charité; & apres les auoir bien traictez tandis qu'ils furent là, ils les menerent encore jusques à Negapatan, là ou ils furent fort consolez de voir la bonne affection des habitans enuers ceux de nostre Compagnie. S'estans illec reposez quelques jours, ils s'en vont droit à la ville de Tanjaor; là ou reside ordinairement le Naïque de Tanjaor: elle est ceinte de murailles toutes basties de pierre de taillé quarrée. Ils ne visiterent pas le Roy: car il auoit freschement quitté le monde à leur façon, qui est de se retirer des affaires, en vn lieu solitaire pour ne parler quasi à personne, & ne penser sinon à la mort. Le mesme faisoient soixante & dix femmes qu'il auoit, lesquelles se deuoyent jetter viues dans les mesmes flammes, esquelles le corps de leur mary seroit brulé, selon leur coustume. Le Roy auoit despensé cinq mille escus à l'achapt du bois de sandal, fort precieux & odoriferant, pour faire brusler son corps, & celuy de ses femmes suyuant les vuz du pais. Laissant donc la ville de Tanjaor, ils prenent leur chemin par les terres du Naïque de Maduré, c'est celuy qui est maintenant Seigneur de la coste de la Peseherie, & de quelques autres Royaumes: & tant pour cela, que pour y auoir en la ville Royale de Maduré vne Eglise & vne maison de ceux de nostre Compagnie depuis l'an 1595. ils furent d'aduiz de l'aller saluer; car il importoit beaucoup de gagner la bonne grace

*Courtois
ses que
leur fi
Cholga-
na.*

*Le Naïque
de Tan-
jaor qui
te le mō.
de, pour
se prepa-
rer à la
mort.*

*Le Naï-
que de
Maduré
se mōstre
fort affe-
ctionné
aux Pe-
tes.*

de ce Prince, afin de pouuoir traicter par nous mesmes les affaires des Chrestiens, qui sont en ses terres, lesquels auparauant l'on estoit contrainct de traicter par l'entremise des Gentils. Sur les frontieres de ce Royaume, ils rencontrerent fort à propos le Pere Consaluc Fernandes, qui auoit esté enuoyé là depuis l'année susdicté, & desia auoit faict bastir l'Eglise par la liberalité du Naïque, duquel il estoit fort chery. Or sçachant la venue du pere Visiteur, ^{Leur dō-} il luy estoit allé au deuant de la part du Roy mesmes, pourueu ^{ne lieu} de ses lettres patentes, par le moyen desquelles ils passerent par tout ^{dans sa} ce pais sans estre molestez aucunement des peagers ou gabeliers. ^{ville} Quant à la ville de Maduré elle ne cede en rien aux deux villes, ^{Royale de} que nous auons descript cy dessus. L'Eglise qu'il y à n'est pas si magnifique, ny si bien-ornée, que les temples des Idoles, qui ont de beaux & hauts clochers, & de grandes tours dorées; toutesfois elle est assez belle, & fort deuote. Le lendemain qu'ils furent arriuez, ils s'en vont saluer le Naïque, lequel n'estant pas encore bien remis en santé d'une maladie, qu'il auoit eue peu auparauant, s'estoit retiré à vn lieu de plaisance, qu'il auoit hors la ville, pour estre loing du brouillis, & frequence des gens, bien que nos Peres ne le trouuarent pas seul; car il estoit tousiours bien accompagné, partie de ses domestiques, partie d'autres, qui le venoyét visiter. La cause de ceste sienne retraicte estoit diuerfement racontée. Les vns disoyent qu'un certain Idole nommé Chochanada, qui auoit son temple tout contigu au Palais Royal dans la mesme ville, s'estoit apparu de nuit à son Prestre; & luy auoit ainsi parlé. Va t'en dire au Roy, qu'il faut que luy ou moy demeurions en ceste maison. Le Roy, qui ^{Est fort} est superstitieux à outrance laissant la maison à l'Idole, s'estoit ^{supersti-} retiré à vn autre logis, qu'il auoit aux fauxbourgs de la ville. Voila ce ^{cieux.} qu'on tenoit communement, bien que d'autres disoyent que c'estoit pour sa conualefcence, ou pour autres raisons. Quoy qu'il en soit les Peres furent icy le veoir, & il les receut avec beaucoup de ^{Reçoit} signes de bien-vueillance & amitié, donnant à chacun une piece de ^{fort bu-} drap de soye de grand prix & valeur, que les originaires appellent ^{maine-} pachawalones; outre ce il leur bailla sa tiare, ou ce qu'il mettoit sur ^{meut le} son chef, & les fit pourueoir fort abondamment de tout ce qui ^{Pere Vi-} estoit necessaire pour leur viure durant tout le temps, qu'ils furent ^{siteur &} là. Pendant lequel ils tenoyent souuent propos des mysteres de la ^{ses com-} Foy Chrestienne aux Brachmanes, qui s'en venoyent à la maison, ^{pagnons.} ou ils demeuroyent, partie par curiosité, desirans entendre quelque

*Hospital
& escho-
le dressée
à Madu-
ré par vn
Pere.*

chose de nouueau, partie par bien-veillance, car ils portent là (ce semble) grande affection aux nostres. Le Pere Fernandes, qui se tient icy d'ordinaire à faiect bastir vn hospital pour les pources, tant Chrestiens que Gentils, lesquels on y pouruoit avec grande charité de tout ce, qu'ils ont besoing, sans qu'il leur couste rien : ce qui est vne chose fort nouuelle en ces quartiers là, & qu'on estime fort; le Roy nommément. D'auantage, il y à dressé vne eschole, là ou vn certain Brachmane, que Dieu a appellé à sa cognoissance, & qui desire fort estre baptizé, monstre aux petits enfans des Gentils à lire & escrire. Le Pere Visiteur donna quelques prix selon nostre coustume aux enfans de ceste eschole, qui estoient les plus auancez & diligens. Ce qui resjoüit grandement leurs parens, & les fit esmeruiller beaucoup d'une telle liberalité inusitée parmy eux; brief ils s'affectionnēt à nous tous les jours de plus en plus, tellemēt qu'il y à grande esperance qu'un jour ils se feront tous Chrestiens, à cause mesmement, qu'il n'y à point parmi eux que fort peu de Sarrafins. Le Pere Nicolas Leuantus, qui s'estudie fort à la langue Tamulane, & desia y est si aduancée qu'il presche en icelle, fut enuoyé de la coste de la Pescherie, ou il estoit, pour ayder le Pere Consalue Fernandes, & depuis tous deux y travaillent fort profitablement. Le Pere Visiteur & ses compagnons estans partis de Maduré arriuerent à Tutucorin sur la fin du mois de Iuin, apres auoir cheminié par terre vn mois entier, visitans les Eglises de ceste contrée. Ils pensoient se reposer là quelque peu de temps, à cause qu'ils estoient fort recreuz du trauail, qu'ils auoyent enduré en ce chemin, tant pour cause du mauuais temps, qu'ils auoyent eu, que pour les eaux fort sales, & bourbeuses, qu'ils auoyent esté contraincts de boire en ce voyage, n'en trouuans pas d'autres; mais

*Le P. Visi-
tateur &
ses compa-
gnons s'ô-
brent tous
malades.*

voilà qu'en vn mesme jour ils tomberent tous malades, sçauoir est quatre de nostre compagnie, & leur trucheman, qui estoit vn bon vieillard, lequel fut incontinent despeché : les autres furent longuement vexe de fieures, & peu s'en fallut, qu'ils ne mourussent tous : on se craignoit que ce ne fut du poison, qu'on leur eut donné; mais ils n'auoyent aucun medecin ny autre, qui sceut cognoistre quelle maladie c'estoit. Les Peres & freres de ceste maison estoient bien soigneux de les ayder de tout ce, qu'ils pouuoient; toutesfois, si Dieu n'y eut mis la main, la chose estoit sans remède. Mais en fin il pleut à nostre Seigneur les guerir sans autre medecin, qu'une saignée, qu'eux mesmes s'ordonnerent, & vne boi-

*Ce serist
excepté
leur tru-
cheman
qui mou-
rût.*

son d'antimoine, chascun en prenant telle quantité, qu'il luy sembloit. La cause pour laquelle l'on ne trouue là ny Medecins, ny medecines, est ; par ce que ceux, qui demeurent en ceste coste de la Pescherie, ne sçauēt que c'est de maladie. Tous les nostres quasi qui sont là decedés, ou bien y ont esté tuez, ou y sont trespassez par quelque autre accident : mais aucun presque n'y est mort de maladie, depuis cinquante cinq ans, qu'ils y sont.

*Santé de
la coste de
la Pesche-
rie.*

Or apres que le P. Visiteur & ses compagnons eurent sejourné quelque temps à Tutucorin, ils se retirent à Punical : où il y a vn air plus doux, & plus tēperé, que n'est celuy de Tutucorin. Et bien qu'encore ils ne fussent du tout gueris, si est-ce, qu'ils firent la visite de toute ceste coste de la pescherie, & de là passerent à celle de Trauancor, où ils trouuerent vne autre saison, vn autre ciel, vn'autre face du monde. Car venans d'vn lieu où il faisoit vn tres-beau temps, ils entrerent en vn autre, où l'on ne voyoit que pluyes, & tempestes, qui est ceste diuersité des saisons tant renommée, d'ont nous auons parlé cy deuant.

Apres donc qu'ils eurent passé deçà les monts, ils vindrent à la ville de Coulan, où ils se resirent vn peu, & apres marcherēt droict à Cochin. Le P. Visiteur n'estant encore dit tout guery de sa premiere maladie, retomba à Cochin en vn'autre seconde, autant ou plus dangereuse, que la premiere. Car il luy suruint vne apostume sur vn costé, de façon qu'il fut contrainct de demeurer trente jours couché sur l'autre, endurant force incisions, & cauterres; avec vne grande douleur. Mais d'autant que la saison commode pour s'en retourner à Goa s'alloit escouler, il fut contrainct de s'embarquer, jaçoit que son apostume n'eust encore jetté. Il fut donc porté, tout malade qu'il estoit, avec son liēt, dans le nauire, où les matelots eurent beaucoup de peine pour le mettre : car il le fallust hausser premiereinent avec des polies, & puis le baisser luy & son liēt tout ensemble. Mais en fin il arriva sain & sauue à Goa, le 29. *Arriué à
Goa.* Novembre, de l'an 1598. apres auoir demeuré en ce chemin vn an, moins deux jours. Tels sont les travaux qu'il conuient endurer bien souuent en ce païs là, pour aduancer la gloire de Dieu, & les bornes de son Eglise : mais tout cela n'est que sucre, eu esgard à la consolation qu'on reçoit de voir le profit & vtilité, qui reussit de ces labeurs, pour le salut des ames ; tellement qu'on est encouragé d'en souffrir dauantage, & d'entreprendre choses plus grandes pour le seruice de nostre Seigneur, ainsi que fist le mesme Pe-

*Au supple-
ment de
cette his-
toire.* re, continuant sa visite l'année suivante, comme nous dirons,
Dieu aidant, en son lieu.

DU ROYAUME DE BISNAGA, OV NARSINGA, & comme quelques Peres de la Compagnie de IESVS y furent receus fort humainement par le beaupere du Roy.

CHAP. XX.

*Royaume
de Bisna-
ga, ou de
Narsinga
fort grād.* **L**E Royaume de Bisnaga (ainsi que les Portuguais qui trafi-
quent ez Indes l'appellent) ou (comme les aucteurs le nom-
ment ordinairement) de Narsinga, comprend vne grande esten-
diue de pais en l'Inde, qui est de deçà le Ganges. Car outre quel-
ques Royaumes qu'il y a vers l'Occident sur la coste du Malabar,
qui dependent d'iceluy, comme estoit jadis celuy de Goa, &
sont encore ceux qui le suiuent, tirant au Midy, de Onor, Battica-
la, & quelques autres. Il contient du costé d'Occident deux cens
lieuës du riuage de la mer, qu'on nôme le golfede Bengala, à sça-
uoir depuis le cap de Commori, jusques au Royaume d'Orixâ:
là où entre la coste Choromandel, & la ville de Meliapor, ou de
S. Thomas. Anciennement le Roy de Narsinga possèdoit aussi
*Jadis l'e-
stois en
core plus.* l'Isle de Goa, & beaucoup d'autres terres, que Sabaio pere d'Idal-
can (auquel les Portuguais osterent Goa) s'estoit appropriées: mais
à present il ne joiüist point de cela, ny de plusieurs autres pais
qu'il auoit. Car jadis du costé du Ponent il commandoit depuis le
cap de Commori, jusques aux Royaumes proches de Goa; &
du Leuent, depuis le mesme cap jusques à Orixâ. Mais à cest heu-
re il ne possede que fort peu de terres vers l'Occident, & vers l'O-
rient aussi, mesme tout aupres de la coste de la Pescherie, quelques
Rois, comme sont les Naïques, desquels nous auons fait men-
tion cy dessus, ont secoüé le joug de son obeïssance, & se sont ren-
dus maistres absolus des terres qui releuoient de luy. Mais non
*Puissance
du Roy.* obstant tout cela, il est encore des plus puissants Monarques de
toute l'Asie. Il y a des aucteurs fort graues, qui assurent, qu'en
*Jean de
Barros.
Jean Ba-
tero.* vne guerre qu'il entreprint cõtre Idalcan, il meina sept cens mille
pietons, & quarante mille cheuaux, avec sept cens Elephans de
combat. Aussi les Indiens de ce pais l'estiment le plus grand Sei-
gneur du monde, & luy donnent le tiltre d'Empereur, & de sou-

uerain Seigneur des Rois. Et quant à luy, il n'a pas moindre estime de soy, comme il appert par les tiltres qu'il prend, & met d'ordinaire en ses lettres patentes, ou Edicts, lesquels il m'a semblé bon de coucher icy: par ce qu'ils sont fort singuliers, & monstrent bien la vanité, & orgueil de ceux, qui n'ont pas encore esté à l'eschole de l'humilité du fils de Dieu. Il commence donc ses lettres Royaux en ceste sorte.

L'espoux de Subiïasti (c'est à dire de bonne fortune) Dieu de *Tiltres*
grandes Prouinces, Roy des plus grands Rois, Dieu des Rois, Sei- *du Roy*
gneur de toutes les cheualeries, Maistre de ceux, qui ne sçauent *de Bis-*
parler, Empereur de trois Empereurs, Conquerant de tout ce, qu'il *naga*
void; Conseruateur de tout ce qu'il conqweste, craint & redouté *fort ar*
des huiet parties du monde, Destructeur des armées Mahometa- *rogats.*
nes, Seigneur de toutes les Prouinces, qu'il a gaigné: Rauisseur
des despoüilles, & richesses de Ceilan; Cheualier, qui n'a point
de pair, & qui surmonte tous les plus vaillans; qui a tranché la te-
ste au grand Cheualier Virauaialan; Seigneur du Leuent, du Su,
du Nort, du Ponent, & de la mer; Veneur d'Elephants, qui se
nourrist, & glorifie en l'art militaire, desquels tiltres jouiist le grâd
Cheualier Ventacapady, Ragiū, Deuamagan, Ragel, qui regne à
present, & gouuerne ce monde. Voilà quels sont les tiltres qu'il
se donne.

Or il a pleu à Dieu depuis n'agueres ouurir la porte de ce grand, & opulent Royaume à sa saincte foy, en la maniere que nous allons dire.

Le P. Nicolas Pimenta Visiteur de nostre Compagnie, estant arriué à la ville de S. Thomas, donna charge (ainsi qu'a esté dict cy dessus) au P. Recteur du College, qui est là estably, d'esprouuer s'il y auroit moyen d'aller planter la foy Chrestienne au Royaume de Bisnaga. Le P. Recteur nommé Simon Sa, s'adresse à vn marchand natif de la ville de Chandegry, où le Roy tient d'ordinaire sa Cour, lequel s'estoit rendu Chrestien depuis quelques années, & demeuroit lors à la ville de S. Thomas, pour sçauoir s'il pourroit trouuer quelque expedient, à fin que nos Peres eussent entrée au Roy. Ce marchand bien aise, que Dieu eust donné le desir à nos Peres de communiquer le thresor caché de l'Euangile à ses conciroyens, & encore plus, d'estre employé à vne telle charge, que de leur moyenner ce bien, promit d'y faire tout ce qu'il luy seroit possible. Ce qu'il fit si bien, qu'il en vint à bout, avec l'aide de

L'Oboragiu, c'est à dire le Prince Obo.

Il beau-pere du Roy de Bisnaga.

Dieu, par l'entremise d'un sien parent, qui estoit au service du beau-pere du Roy, lequel on appelloit communement l'Oboragiu, c'est à dire le Prince Obo: car ce mot de Ragiou signifie le mesme en ceste langue, que Prince en la nostre. Or c'est l'un des plus grands Seigneurs de ce Royaume, & qui a beaucoup de credit, & auctorité aupres du Roy, principalement à cest'heure, à cause qu'il a deux de ses filles mariées avec le Roy. Voicy donc comme le tout passa.

Escrit au P. Recteur du College de S. Thomas, de le venir trouver.

Le Roy cependant l'appelle.

Feste, ou sacrifice qu'on fait au Soleil en Bisnaga.

Ce marchand qui fut en son baptisme nommé Chrysostome, escriuit à ce sien parent, seruiteur de l'Oboragiu, le priant, qu'il taschast de faire en sorte, que son maistre s'affectionnast à nos Peres, & s'il estoit possible, les enuoyast querir, pour les voir. Cestuy cy prend l'affaire à cœur, & le manie si dextremement, que tenant souuentefois propos à son maistre de la doctrine, vertu, prudence, & autres qualités des Peres de nostre Compagnie, qui resident à la ville de S. Thomas, il luy fit venir finalement l'enuie de les voir, & cognoistre; tellement que le Prince escriuiſt vne lettre au P. Recteur du College de la ville de S. Thomas, par laquelle il le prioit de luy faire tant d'honneur, que de le venir trouuer à vne sienne ville nommée Chatiuero, où il a son principal logis, & y faict sa demeure d'ordinaire. Car il y a vne forteresse bien munie, dans laquelle il tient vne grosse garnison. Quand le Pere Recteur receust les lettres, il auoit tant pleu, & les riuieres auoient tellement engrossi, qu'il n'eust sceu passer aucunement, sans se mettre en euident danger de perir; de façon qu'il rescriuiſt au Prince Obo, luy faisant entendre, qu'il l'iroit trouuer tout aussi tost, que les torrents auroient un peu decreu. Mais sur ces entrefaites le Roy, ou pour mieux dire, l'Empereur (car c'est ainsi que ses subjects l'appellent, & de faict, il a esté couronné depuis quelques années en la ville de Chandegry de la couronne Imperiale, suiuant la coustume de ses ancestres) l'Empereur, dis-je, enuoya pour lors querir son beau-pere le Prince Obo, pour se trouuer à certaines festes, & sacrifices, qu'on faict tous les ans à l'honneur du Soleil: esquels doibt assister l'Empereur mesme, avec tous les plus grands Seigneurs de son Empire. De sorte, que si quelqu'un y manque, ou auant que la solemnité soit acheuée, se retire, il est estimé ennemy de la Couronne. La feste dure huit jours, esquels en premier lieu on jette le sort, pour sçauoir si on aura bonne année, ou non; & si on doit auoir paix ou guerre. Le sort se prend en ceste façon:

façon : l'on tire des dards, ou fleſches contre vn arbre; la pſemie-
re eſt tirée par le Roy meſme, ſuiuent apres les grands Seigneurs,
chaſcun ſelon ſon rang. Si quelque dard fiché dans l'arbre en faiſt
ſortir quelque goutte rouge, ils diſent que cela ſignifie guerre: mais
ſi elle eſt blanche, c'eſt ſigne de paix, à leur aduiſ; de maniere
qu'ils pendēt leurs armes au croc pour ceſte année là. Or l'an 1598.
qui fut lors, que nos Peres y vindrent, le ſort tomba tel, qu'on
deſiroit; à ſçauoir de paix. Ces huit jours de feſte paſſez, le P. Re-
cteur reçeuſt lettres de l'Oboragiu, eſcrites à Chandegry, par leſ-
quelles il l'auisoit, comme il penſoit le voir à Chatiuero, mais puis
que cela n'auoit eſté faiſt, pour cauſe des affaires qui eſtoient ſur-
uenus, tant d'une part que d'autre, qu'il le prioit de s'en venir le
trouuer à Chandegry. Le P. Recteur ayant reçu ceſte lettre, part
de la ville de S. Thomas, le 10. d'Octobre, de l'an 1598. menant
quant & ſoy, le P. François Ricci, qui entendoit paſſablement la
langue Tamulane. Ils prindrent auſſi avec eux ce marchand Chre-
ſtien nommé Chryſoſtome, pour leur ſeruir de trucheman, quand
il faudroit parler à quelque grand Seigneur : qui leur fit de bons
ſeruices, tant en chemin, que lors qu'ils furent arriués à la ville.
Ils marchoiēt fort bellement, par ce qu'ils trouuoient à tout pro-
pos des profondes vallées, des torrents fort rapides, & bien ſou-
uent les champs tous couuerts d'eau : car les fleuues, & les eſtangs
s'eſtoient desbordez, & leur empeſchoient le paſſage. Oultre ce,
ils rencontroient des montaignes fort aſpres, & de difficile accez:
car oultre leur hauteur deſmeſurée, elles ſont remplies de bois, &
foreſts tres-eſſeſſes, qui empeſchent, qu'on ne peut veoir, par où
il faut paſſer. Le peuple ſe tient communement eſ vallées, qui
ſont de grande eſtendue, & fort plaiſantes; où il y a de bonnes
terres labourables, & de gras paſturages, pour le beſtail : mais on
y trouue auſſi grande multitude de temples, & Idoles. Les habi-
tans du païs eſtoient tous ravis d'admiration, de voir de telles
gens, & s'en couroient, qui deçà, qui delà pour contempler
de plus pres les veſtemens, le viſage, le port, & le maintien de
ces nouueaux hommes; & comme les Peres les appelloient, avec
vne chere joyeuſe, & honneſtes paroles, ils s'en venoient volon-
tiers vers eux, & ſembloient prendre plaiſir à les acoſter. Quand
on leur parloit des choſes de noſtre foy, ils les eſcoutoient fort at-
tentiuement : & ne ſe faſchoient point, quand on leur diſoit
quelque choſe en paſſant, contre le culte, & adoration des Idoles;

*Le P. Re-
cteur part
de la vil-
le de S.
Thomas,
pour aller
trouuer
l'Obora-
giu.*

*La bonne
diſpoſitiō
des habi-
tans.*

*Courtoisie
d'un bon
païsant.*

ains les vns appelloient les autres, & disoient entr'eux, Venez vous en ouyr de choses grandes, & merueilleuses, que ces gens nous racontent : les autres, pensans que le Roy les auoit appellez, disoient, qu'il les faisoit venir, pour leur donner ce païs là, & monstroient, qu'ils n'en estoient pas mescontens. Vn soir, comm'ils furent arriüés à vn village situé au pied d'une montaigne, & vn peu escarté du grand chemin, ils voulurent s'arrester là, pour ceste nuitée. Tandis qu'ils estoient assis, voicy qu'un bon païsant les vient saluër fort courtoisement : & les prie de vouloir prendre son logis. Les Peres accepterent l'offre : luy bien aise, non content de leur ouurir la porte, abbat encore vn pan de muraille ; à fin que l'entrée fust plus grande, & plus commode : puis les prie de luy permettre, qu'il leur apprestat à souper. Ce que luy ayant esté accordé, il monstra en receuoir vn singulier contentement. Le lendemain, comm'ils prenoient congé de luy, le remercians du bon accueil qu'il leur auoit faict, il les prie de vouloir prendre encore son logis à leur retour, s'ils passeroient par là. En ce mesme lieu ils veirent quelques Gentils, qui sacrifioient des cheureaux à l'entrée d'un Pagode, & leur ayans remonstré, que cela n'estoit pas bien faict, que d'offrir sacrifice à autre, sinon tant seulement au vray Dieu, ils leur declarent, qui estoit ce vray Dieu, brieffuement tontesfois, & comme en passant, à cause qu'ils n'auoient pas loisir de demeurer là beaucoup. Les Idolatres ne sçachants que respondre, confessoient bien, que ce qu'on leur disoit, estoit vray : mais pour s'excuser, ils disoient auoir esté ainsi apprins de leurs Brachmanes. Il y eust quelques vns de ces Gentils, qui dirent, qu'ils iroient volontiers avec eux à la ville de S. Thomas, pour estre instruits plus à plein de ces choses : mais ils leur respondirent, que dans peu de temps (avec l'aide de Dieu) ils verroient en leur païs des Peres, qui viendroient là bastir des Eglises ; ce qu'ayans entendu, ils ne furent pas si marris de leur depart. Au reste, c'est vn tres-beau païs, entrecoippé & diuersifié de plusieurs ruisseaux, & riuieres. L'on y void force vallées verdoyantes, à cause des boscaiges, & d'une grande quantité d'arbres, qu'il y a, tant sauuages, que fructiers, de toute espeece, d'un costé & d'autre. Il y a des montaignes fort plaisantes. Les hommes, & les femmes ont pour l'ordinaire vn beau visage, & tout le reste du corps bien proportionné : leur vestement est honneste ; ils sont mediocrement blancs de couleur, & sur tout sont fort enclins, & addonnés aux choses du

*Naturel
docile des
habitans.*

*Bonté &
fertilité
du païs.*

culte diuin: signe qu'ils fairoient merueilles, s'ils estoient instruits en la foy; tellement que nos Peres auoient vn grand creue-cœur de voir, que tant de belles ames se perdent, pour n'y auoir personne, qui leur monstre le chemin de salut. Pourſuiuans leur voyage, ils entrent ez terres d'un puissant Seigneur de ce Royaume, qu'on nomme Paparagiu, c'est à dire le Prince Pape. Là par cas fortuit ils s'assoient ſoubs vn arbre, au bord de la riuere, où plusieurs Gentils s'estoient aussi assemblés, à cause qu'on vendoit des viures ez lieux prochains. Bien pres d'icy on voyoit vne grande maison de ce Prince, dans laquelle il nourrissoit tous les jours trois cens Brachmanes: & y receuoit encore tous les pelerins, qui alloient ou venoient par deuotion, ou pour mieux dire, superstition, à vn Pagode fort renommé, qu'il y a en ces quartiers là, appelé Tripiti. Son temple est situé sur vne montaigne, qui n'est qu'à vne lieuë loing de Chandegry. Les Gentils des pais circonuoisins vont en grande affluence porter des offrandes à ce temple: & quand ils marchent ils repetent continuellement le nom de l'Idole, qu'ils appellent Goya. Le mesme respondent tous les autres, crians à la façon des mariniers, qui demarent d'un port, Goya, Goya. Si tost qu'ils sont arriués deuant le temple, au prealable que d'y entrer, les Brachmanes les aduisent, qu'ils se purgent de leurs pechez, c'est à dire, qu'ils se facent raire la barbe, & les cheueux, & se lauent le corps avec de l'eau, qu'il y a là toute preste. Ce qu'ils font tout à l'instant. Or tandis que les Peres estoient assis sur la riuée de ce fleuue, ils vont apperceuoir vn jeune enfant de treize ans, accompagné de force gens à cheual, & de plusieurs Elephants. C'estoit le petit fils de l'Oboragiu; lequel voyant nos Peres de loing, s'en vient tout droict à eux, les saluë fort courtoisement, & leur dict, que son pere grand seroit bien aise de les voir. Apres qu'il se fut departy d'eux, il tint (selon qu'on leur raconta par apres) tels propos à ses gens. Je suis marry (dict-il) que je n'aye en main quelque present, pour honorer ces Gurupes; ils appellent Gurupes, les Prestres doctes, & sçauans, qui sont là fort estimés. Son ayeul l'Oboragiu est si redouté en tout ce pais, que si tost que nos Peres monstroient ses lettres, s'il estoit besoing de passer quelque riuere, ou autre chose qu'on requist d'eux, soudain vn chascun baissoit la teste, & faisoit tout ce qu'on vouloit. Car ils estoient assurez, s'ils n'eussent faict cela, d'estre punis de mort, si grande est la puissance, & auctorité dudit Oboragiu. Arriuez qu'ils

*Papara-
giu grād
Seigneur
de l'Isna-
ga.*

*Tripiti
Pagode
fort sa-
meux.*

*Le petit
fils de
l'Obora-
giu ren-
cōtre les
Peres.*

*Ils arri-
uent pres
de Chan-
degry vit-
le Royale.*

furent à vne lieuë pres de Chandegry, ils firent sçauoir au Prince Obo leur venue. Luy en estant aduertý, les faict mener sur le tard à vn logis assez escarté de la citadelle: c'estoit vn Palais Royal doré, fort magnifique, & bien bastý, ayant vne grande, & belle basse-court, avec force piliers, & galeries tout au tour. Le lendemain matin il leur enuoye quelques vns de ses gens, pour les bien-ueignier de sa part, avec paroles fort honorables. Il leur manda encore son Deleuay, c'est à dire, le Capitaine general de ses gardes, ou de sa gendarmerie, pour les mener, & conduire dans la ville, avec vn grand apparat. Il estoit accompagné de plusieurs autres moindres Capitaines du mesme Prince, suiuis d'un grãd nombre de soldats, tant à pied, qu'à cheual, tous en bel equipage, portans les enseignes desployées, & leurs liurées militaires. Ils menoient encore pour plus grande magnificence, quelques Elephants: & marchans avec vn tel arroy, ils conduisirent les Peres jusques au Palais de l'Oboragiu. Durant tout le chemin, le Deleuay tenoit par la main le P. Recteur, & tous deux estoient portez sur des chaires à bras. Le P. Matthieu Ricci venoit vn peu arriere, assis sur vn'autre chaire semblable, & leur trucheman estoit à costé dudit Pere, fort bien couuert. L'on portoit apres eux le present qu'ils deuoient donner au Prince. On les faisoit marcher esloignez l'un de l'autre à certaine distance, à fin que tout cest apparat fust mieux rangé, & parust dauantage. Ils furent conduicts avec telle magnificence jusques au Palais de l'Oboragiu, qui estoit esloigné enuiron d'une lieuë. Il y auoit par tout le chemin vn si grand concours de gens de toute sorte, aage, & qualité, que les Sergens n'estoient pas bastans pour faire faire place. Le Deleuay ne faisoit par tout le chemin autre chose, que dire au P. Recteur, comment il se portoit, s'il estoit joyeux, & content, & choses semblables. Deuisant ainsi tous deux ensemble, ils arriuent au Palais de l'Oboragiu. Si tost qu'ils furent entrez en la basse-court, vindrent au deuant d'eux les Pages d'honneur, qui seruent à la table du Prince, & ont charge de luy bailler à mascher des feuilles de Betele, dont nous auons parlé cy deuant. Apres eux sortent les autres officiers de la Cour du mesme Prince, puis ses Magistrats, & finalement luy mesme vint tout enfafrané, selon leur coustume. Il estoit vestu d'un accoustrement de soye, & portoit l'un des bras tout nud hors de la manche, laquelle il tenoit pliée sous l'aisselle. Son chef estoit couronné de roses blanches,

*Sont con-
duicts ma-
gnifique-
ment au
Prince
Obo.*

*Ils arri-
uent au
Palais de
l'Obora-
giu.*

au costé il portoit vn cimenterre couuert d'une gaine de velours verd. Apres qu'ils se furent entresaluez d'une part & d'autre, nos Peres luy offrent leur present, lequel, selon la coustume du pais, estoit composé de diuerses choses. Il contemple chacune d'icelles à part, & se pleut sur tout à vn petit panier de verre qu'on auoit recouuert de Portugal, & pareillement à vne tasse de terre de Billingan avec son couuercle doré. Ayant regardé toutes ces choses, il se desrobe soudain de là sans saluer personne, & vn peu apres fait appeller nos Peres au dedans. Ils le trouuent assis sur vn tapis appuyé du dos contre vn oreiller de peluche rouge, qui ressembloit & en la forme, & en la grosseur à vn tonneau. Il les fait asseoir à son costé sur vn autre tapis: le lieu estoit ouuert de tous les costez, bien qu'il fut couuert par le dessus: le toict estant soustenu avec pilliers. Apres qu'ils eurent deuisé assez long temps ensemble, l'Oboragiu leur promet de grandes choses, & entre autres leur dit, qu'ils aduisassent le lieu, qui leur agreeroit le plus en tout son domaine, qui est fort grand, pour y bastir vne Eglise, voire vne ville, & vn port: qu'il bailleroit tout ce qui seroit necessaire, tant pour la bastisse, que pour la nourriture des Peres, qui s'y viendroient tenir; & qu'il ne se feroit rien dans ceste ville là, sinon ce qu'ils voudroyent. Eux le remercient humblement acceptans l'offre. Quant au lieu, ils luy dirent qu'ils en feroient le choix à leur retour, selon qu'il leur sembleroit: & luy donneroyent aduis de tout. Cependant il leur fit aussi reciproquement quelques presens, & à ceux, qui les accompagnoyent encore. A chacun des Peres il donna deux picces de drap de soye figuré & entre-tissu de filet d'or; à chacun des autres il en donna vne tant seulement. Il demanda à ceux-cy plusieurs choses, & entr'autres, si le Pere Recteur alloit vestu ordinairement de la mesme façon: car il portoit lors vn surpelis de toile, & vne chappe de damas blanc: eux respondirent que non. Le Pere entendant cela rend raison de son fait, & dict, que ce jour là deuant comparoistre en la presence d'un tel Prince que luy, si puissant, & si affectionné en leur endroit, qui non seulement les auoit appelez en son estat, & les auoit prins en la protection & sauuegarde; mais encore leur auoit donné congé de bastir des Eglises en ses terres; que pour toutes ces causes il auoit estimé conuenable de se presenter deuant vn si grand bien-facteur, & protecteur des gens d'Eglise, reuestu des ornemens de la mesme Eglise. Ceste response luy agrea fort, tellement qu'il dit, que tout ce qu'il auoit fait

*Luy font
quelques
presens.*

*Il leur
fait vn
tres-bon
accueil &
leur pro-
met beau-
coup.*

*Presens
qu'il leur
fit.*

*Diuerfes
demâdes
et propos
qu'il leur
fint.*

jusques à present en leur faueur estoit peu de cas, eu esgard à ce qu'il pretendoit faire de là en auant. Puis il commence à s'enquerir de plusieurs choses touchant l'estat de Portugal, comme si ce luy qui regnoit à present estoit Espagnol, ou Portugais, combien d'hommes de cheual pourroit mettre en campagne le Royaume de Portugal; si l'on pourroit faire venir des cheuaux d'Espagne en l'Inde; combien il y auoit de lieues de là en Portugal; qui estoit lors Viceroy de l'Inde, & si celuy, qui estoit en ce temps-là Viceroy, seroit pour luy escrire, comme auoit faict le Viceroy Edouard de Meneses, qui l'auoit honoré de ses lettres & presens. Le Pere Recteur luy respond à cecy, que ce seroit vne chose bien aisée à faire, mesmement quand on scauroit d'assurance qu'il y auroit des Eglises basties en son domaine. Il fut aussi bien aise d'entendre, que ce Viceroy estoit gendre dudit Meneses. Ayant ainsi entremeslé diuers propos, il les renuoya à leur logis sur le tard avec force lumieres, accompagnez d'une partie de ses gardes, & ordonna à vn certain marchant de les pouruoir de ris, de poix, de burre, de poules, de moutons, bref de tout ce qu'il faudroit pour leur nourriture. Le Samedy suyuant il enuoya tout plein de ses gens pour les sa-

*Ils moyē-
nens de
parler au
Roy par
l'entre-
mise de
l'Oboragiū.*

luer de sa part. Les Peres firent entendre à l'un d'iceux, qu'il leur sembloit n'estre pas conuenable, qu'ils se partissent de la ville sans veoir l'Empereur, & que s'ils y pouuoient auoir entrée par le moyen de leur Seigneur l'Oboragiū, qu'il accroistroit de beaucoup les obligations, qu'il auoit sur eux. Le Prince scachât cela leur fit demander s'ils auoyent quelques presens, pour offrir à l'Empereur. Les Peres luy firent responce, qu'ils auoyent bien quelque petite chosette, mais que c'estoit si peu que rien, & que cela ne meritoit pas qu'on en fit cas; ny qui fut présentée à vn si grand Monarque. Car ils estimoyent qu'on ne deuoit luy offrir aucune chose, qui fut de peu de valeur, ains le plus precieux que se pourroit trouuer: ce que ne pouuans fournir de leur creu, ils pensoyent recompenser ce defaut luy descourant vn thesor inestimable, qui estoit la cognoissance du vray Dieu, Createur, & Redempteur du monde; laquelle ils desiroyent communiquer à sa Majesté, & avec son congé à tous les habitans de son Empire. L'Oboragiū respond lors, que l'Empereur estoit si humain, & si courtois, qu'il agreoit la moindre chose, qu'on luy offrit en present, & pource qu'ils se tinssent prests pour luy parler de là à trois jours.

L'ACCEVIL QVE LE ROY DE BISNAGA
*fit à deux Peres de la Compagnie, & comm'il leur donna
 congé de prescher l'Euangile en ses terres, & de
 bastir vne Eglise en sa ville Royale
 de Chandegry.*

CHAP. XXI.

LES Peres ayans eu si bonne responce du Prince Obo se preparent durant ces trois iours, pour se presenter deuant l'Empereur; & taschent en premier lieu de se rendre fauorables, les Capitaines & officiers de l'Oboragiu leur faisans quelques presents, pour auoir par leur moyen plus facile accez enuers le Roy. Vn Lundy matin le Prince Obo leur enuoya dire, qu'il s'en alloit deuant au Palais du Roy, & que là il les attendroit; soudain qu'ils eurent receu ce message, ils se mettent en equipage, & se parent des mesmes vestemens avec lesquels ils s'estoyent presentez deuant ledict Obo. Arriuez qu'ils furent au Palais, le Roy les faiët vn peu attendre dans vne sale, ou il à coustume de donner audience aux Ambassadeurs des Roys. Tandis qu'ils estoyent là vne infinité de gens s'assemble tout autour d'eux, pour les veoir. Eux afin de ne perdre le temps commencent à discourir par l'entremise du trucheman qu'ils auoyent, des choses diuines, & leur monstroiet clairement les erreurs, esquels ils estoyent enuelopez. Les assistans ne sembloient pas s'en fascher, ny les escouter mal volontiers: ains decla-royent par signes, que leur venuë leur estoit agreable. Cependant le Roy commande, qu'ils entrent. Or il estoit assis sur vn haut tribunal fort estroit; de façon, qu'il n'y pouuoit demeurer que luy seul, l'on y montoit par des degrez. Le tapis estandu sur la terre & l'oreiller, contre lequel il estoit appuyé, n'estoit pas different, ny de façon ny de grandeur de celuy de l'Oboragiu. Tout aupres du Roy sur l'vn des bouts dudiët tapis estoit assis le Prince heritier futur de la couronne, fort honneste jeune homme, blanc de couleur, & beau de visage. Al'autre bout, à costé, tout aupres du tapis estoit assis le Prince Obo avec son frere. Le Roy portoit vn accoustrement jaune, il auoit le visage bien faiët & formé, tirant vn peu sur le brun; & les yeux assez grands. Il estoit de mediocre stature, & d'vn beau maintien, tellement, qu'en son port on recognoissoit vne

*Les Peres
 s'en vont
 trouuer le
 Roy.*

*Posture
 & contenance
 du
 Roy assis
 en son
 thron.*

majesté Royale jointe avec vne douceur & affabilité fort grande. Les Peres , apres auoir faict la reuerence à la mode du païs , se tindrent debout deuant luy, comme tous les autres Princes & grands Seigneurs , exceptez ceux qu'auons dict. Ils estoient neaumoins si proches de luy, qu'ils le touchoient quelquefois du bout de leur robbe. Le Roy leur dict, qu'il estoit autant aise & joyeux de les veoir, comme le monde est contant de la venue & presence du Soleil ; & pource qu'il leur vouloit faire beaucoup d'honneur & de presens : car il auoit entendu de l'Oboragiu, quelles gens ils estoient. Les Peres ayans remercié sa Majesté, luy offrent leurs petits presens, lesquels il accepta fort humainement. Or parmy quelques petites bagatelles de verre doré, qu'ils auoyent recouuert de Portugal, ils luy offrirent la figure d'un cœur entretissu de fil d'or. Le Roy demande que c'estoit, & si c'estoit chose bonne pour manger. Les Peres luy respondent, que c'estoit la figure du cœur humain, ouragée d'or & d'argent, & qu'ils faisoient present à sa Majesté de ce cœur, en signe de l'amour sincere qu'ils luy portoyent, & du fidele seruice, qu'ils luy voioient de cœur & d'ame. A cecy il repart d'un visage joyeux & alegre, disant en sa langue maternelle *Maha santo seam*, c'est à dire, j'en suis bien aise. Apres il leur faict reciproquement des presens. Au Pere Recteur il donna quatre pieces de drap de soye, au Pere François Ricci deux, & à chacun de leurs hommes & interpretes vne. Le reste du temps se passa en diuers interrogats que le Roy leur fit, & entr'autres il leur demanda, quelle façon de viure ils gardoient, quelle estoit leur vacation, quelles viandes ils mangeoient, & comment il alloient vestus ordinairement : & si quelquefois ils alloient tous nuds, parce que leurs Brachmanes vont bien souuent de la sorte. A cela ils luy respondent, qu'ils estoient gens dediez & consacrez au seruice diuin, s'employans aussi à pourchasser le salut de leur prochain : pour ceste cause qu'ils auoyent quitté le monde; afin de s'adonner plus librement à leur salut, & à celuy des autres, & vaquoyent principalement à la predication de la parole de Dieu : qu'ils menoyent vne vie accompagnée de beaucoup de trauaux, penitences, & mortifications; qu'ils estoient pour l'ordinaire habillez de noir, & n'alloient pas nuds: parce que c'estoit contre l'honnesteté. Ils sont (dict lors le Roy) semblables à nos Sanasses: toute fois en cela les surmontent-ils, qu'ils sont Gurupes, c'est à dire, Prestres doctes & sçauants. Or les Sarnasses sont certaine espee de Brachmanes, tenuz en

*L'accueil
qu'il leur
fit.*

*Presens
qu'il leur
donne.*

*Diverses
demâdes
qu'il leur
fit.*

grande

grande reputation de sainteté, d'autant qu'ils vivent en solitude retirez de la compagnie des hommes, & quelquesfois se monstrent tous nuds en public. Il leur demanda s'ils mangeoyent indifferemment de toutes sortes de viandes, & s'il leur estoit loisible de tuer des gelines, & en quelle façon, à sçauoir si c'estoit gardant les ceremonies des Mahometans, ou plustost à la façon des Brachmanes: finalement il leur demanda s'ils estoient mariez. Luy ayant esté respôdu à tous ces interrogats, il s'esmerueillâ fort de la continence, que les Peres gardoyent: & leur fit par deux ou trois fois ceste mesme demande, s'ils n'auoyent point de femmes. A quoy ils respondirent, que les Prestres des Chrestiens se proposoyent d'imiter & ensuyure, entant qu'il leur estoit possible, leur Dieu, & Seigneur, nommément en ce qu'ils taschoyent de se conseruer purs & nets de toute souilleure: à celle fin que l'image de Dieu fut plus parfaictement en eux représentée. Et quoy (fit-il lors) ne vous lauez vous pas avec de l'eau, pour vous presenter deuant Dieu purs & nets de toute tache de peché. Voire mais, Sire (dirent-ils) nous nous lauons spirituellement, & auons d'autres eaux pour nettoyer nos pechez, bié plus propres, que ne sont ces eaux materielles, dont se seruent les Brachmanes. Car nous auons le baptesme à l'entrée de l'Eglise, puis la confession des pechez, qu'on fait avec vn cœur contrit & repentant deuant les Prestres: ausquels Dieu a donné puissance de remettre le peché, si on leur confesse entierement tout ce qu'on a fait de mal. C'est donc (dirent-ils) avec ces eaux de la confession de nos pechez, & d'un ferme propos d'amender nos vies, que nos ames sont purifiées; & non avec ces lanoirs corporels, desquels vous vous seruez, qui ne font que nettoyer le corps, mais n'ont point de pouuoir, pour nettoyer l'ame, ne luy donner salut. Et quoy, dit le Roy, faut-il necessairement confesser tous ses pechez au Prestre? Ouy Sire (respond le Pere) si on veut auoir pardon de Dieu: & tout Chrestien est obligé de faire sa confession vne fois l'an, pour le moins; & lors aussi qu'il est à l'article de la mort. Le Roy se tournant vers les Brachmanes, Hola Brachmanes (dit-il) que vous semble-il de cela? Eux tous esbahis ne respondirent autre, que *suami, suami*, c'est à dire, Seigneur, Seigneur. Il demande encore, si les deux Peres estoient freres de sang, & de quel país ils estoient: on luy respond, qu'ils estoient freres voirement, non pas selon la chair: mais selon l'esprit, ayans vne mesme mere, sçauoir est la Religion; & pource autant conjoincts par a-

Les Payis s'esmerueillés de la continence que gardent les Prestres Chrestiens.

Quels sôc les lanoirs des Chrestiens pour nettoier les pechez.

Demâdes curieuses du Roy.

mour mutuel, que s'ils estoient freres de sang, & que l'un d'eux estoit Portugais de nation, à sçavoir le Pere Simon Sà, & l'autre Italien. Apres ce il demanda si en Portugal il y auoit des citez & forteresses sises sur des montagnes, comme sont les leurs, le trucheman luy respondit, que quant à luy il n'auoit pas esté en Portugal, mais qu'il sçauoit de bonne part, qu'il y auoit des villes & places plus belles & plus fortes beaucoup, que les leurs. Vrayement (dit le Roy pour lors) ce doit estre quelque bel Empire, & celuy qui e gouuerne vn grand Monarque. Apres ce il s'enquit comment s'appelloit celuy, qui regnoit pour lors, & combien de temps il auoit regné, puis combien d'années il y auoit, que ce Roy (il entendoit le Roy Sebastien) auoit esté desfait en guerre. Les Peres auoyent apporté par cas fortuit les portraicts de tous les Roys de Portugal, tirez en taille douce, & reliez ensemble, en façon de liure, & entendans cela, ils les luy firent veoir. Il les regarda tous fort attentiuement, & les monstra aux grands Seigneurs, qui estoient auprez de soy. Il s'enquit d'auantage s'il y auroit dans la ville de S. Thomas quelque peintre, qui sçeut faire quelque beau portraict. Les Peres luy respondirent, qu'il y en auoit voirement; & cognoissans par là, qu'il se plaisoit à la peinture, ils luy monstrent pour preuue vn tableau, qui auoit esté peint là mesme, depuis peu de temps. Or ce portraict representoit le riche glouton tormenté en enfer, & le pource Lazare reposant au sein d'Abraham. Le Roy print grand plaisir à veoir ledict tableau, & demanda ce qu'il representoit. Lors le Pere Ricci, qui estoit venu tout prest & appareillé, pour deschiffrer ceste tragedie lamentable, commence à discourir en langue Badageoise là dessus, avec telle ferueur, qu'il s'oublloit souuent de la prononce, & des accents propres à ce langage; de façon qu'il faisoit rire les Courtisans, qui estoient aupres du Roy: & comme il y alloit avec vne grande viuacité d'esprit, & de corps, quelques gouttes de salie luy tomboyent aucunes fois de la bouche, desquelles il arrousoit les assistans; & le Roy mesme, se prenoit garde, qu'il ne luy en tombast dessus, tant il estoit proche de luy. Ce que voyant le Pere Simon Sà, fut contrainct de tirer le Pere Ricci par la robbe, pour le faire reculer. Mais le Roy estant d'une nature fort douce & debonnaire ne s'offençoit point de cela, & d'ailleurs il consideroit si attentiuement ce que le Pere disoit, qu'il ne pensoit quasi à autre chose. Car il contemploit ce riche glouton bruslant és feux infernaux, & le Diable, qui luy tenoit ses

*Portraict
du riche
glouton
& du pource
Lazare.*

*Expliqué
par vn
Pere de
uant le
Roy.*

piedz crochus sur le vêtre, & luy mettoit dās la gorge vne fourche de fer. Il consideroit d'autre part le bon Lazare jouissant des biens & delices celestes avec vn singulier plaisir. Cecy causa en luy vne horreur & crainte de ces peines bien viuue : car on sceut par apres que s'estant retiré & parlant aux Brachmanes, il leur tint tels propos. Escoutez-moy Brachmanes, j'ay veu ce jourd'huy l'Enfer, & vn homme, qui brusloit dedās, avec le Diable, qui se moquoit & gaudissoit de luy. Que dites-vous à cela ? Eux ne respondoient autre, que leur *suami, suami*. Quelques vns d'iceux vindrent par apres au logis des Peres pour disputer contr'eux, afin de couvrir par ce moyen leur honte, & l'affront qu'ils auoyent recen, n'osans rien dire contre ce que le Pere proposoit. Or ils estoient si orgueilleux, que mesme auant de venir au combat, ils se promettoient la victoire, & en chantoient le triomphe. Mais dans peu de mots ils furent rembarrez de telle sorte, qu'ils n'oserent plus dire mot. Car l'vn d'iceux, qui s'estimoit le plus braue de tous, ayant entamé la dispute avec vn grand faste & orgueil, dit tant de sortises, que tous les assistans s'en prirent à rire, & se moquer de luy ; de façon qu'il fut contraint se taire tout couuert de honte ; & depuis il n'osa ouurir la bouche, pour dire vn seul mot ; ny les autres aussi. Mais retournons à nostre propos. Apres que le Roy eut fait tout plein d'autres demandes touchant la puissance des Roys Chrestiens, & les guerres & victoires de l'Empereur, il parle priuément avec l'Oboragiu, lequel bien tost apres vint dire aux Peres, que le Roy leur donnoit deux villes, l'vne pour la nourriture des Prestres, & la fabrique de l'Eglise, l'autre pour y bastir vn port, qu'il vouloit estre faict en ceste mesme ville. Qu'il leur donnoit encore vne chaire à bras dorée, pour estre portez en icelle, lors qu'ils iroyent par ville : qui est vn priuilege, lequel n'est baillé qu'aux grands Seigneurs, & aux Gurupes. Finalement, qu'il leur permettoit de bastir autant d'Eglises, qu'ils voudroyent en tout ce quartier, qu'il leur donnoit. Et toutes ces choses furent confirmées par lettres patentes, que le Roy signa de sa propre main. Les Peres remercièrent premiere-ment ledict Obo, qui leur auoit rapporté & moyenné ces priuileges, & apres ils rendirent aussi tres-humbles graces au Roy de tant de faueurs, qu'il leur auoit faict, adjoustans que puis que sa Majesté se monstroient tant Royale & liberale en leur endroiect, ils estoient encouragez de luy requerir encore trois choses : La premiere estoit, qu'il pleut à sa Majesté leur donner permission de retirer

Luy cau-
sa vne
grande
horreur
des pei-
nes d'en-
fer.

Dispute
des Brach-
manes &
confusion
d'iceux.

Priuile-
ges que le
Roy de
Narsing-
ga donna
aux Pe-
res.

Trois cho-
ses qu'ils
luy re-
quirent.

copie des gestes de l'Apostre S. Thomas, contenus dans des lames de cuyure, qui estoient gardées en sa ville de Cangeuaran. Et qui vous à dict (fit le Roy) que nous auons cela dans nos archiues. Nous l'auons ainsi entendu de nos majeurs (respondirent les Peres) & nous ne demandons autre chose de ces anciennes escriptures, sinon ce qui touche la vie & les gestes de S. Thomas. Que si nous impetrons cela de V. M. nous estimerons auoir fait vn seruice fort agreable à tous les Roys & Princes Chrestiens, & nommément au Souuerain Pontife, & à l'Empereur. Quoy? dict lors le Roy, y a-il plusieurs Roys Chrestiens; le trucheman, qui estoit bien apprins en cela, luy fit pour lors vn denombrement d'iceux, & monstra encor la grande dignité de l'Empereur, & la puissance spirituelle que nostre S. P. le Pape a par dessus tous les Princes Chrestiens. Le Roy ayant ouy le grand pouuoir de Nostre S. Pere en fut fort estonné, s'esmerueillant, qu'il y eut vn homme en terre, qui eut telle puissance & auctorité: & demanda quelle estoit sa façon de viure, comment il estoit vestu, s'il n'estoit point marié, quelles viandes il mangeoit, & comment il estoit logé. A cela on luy respondit fort à son gré & contentement. Quant à la requeste qu'on luy faisoit il fit responce par l'Obo-ragiu, qu'il se deuoit rendre bien tost à Cangeuaran, & qu'il vouloit, que les Peres vinsent pour lors le trouuer, & aine-nassent quant & eux quelques Portugais, & qu'il feroit chercher diligemment ces escriptures, pour les leur bailler.

*Le Roy
s'estonne
de la
puissance
qu'a le S.
Pere.*

*Seconde
requeste
qu'ils luy
furent.*

La seconde chose qu'ils luy demanderent fut, que puis qu'il plaisoit à sa majesté de tesmoigner par tant de signes l'affection, & bien-veillance singuliere, qu'il leur portoit, il ne sembloit pas estre conuenable, qu'ils s'esloignassent beaucoup d'icelle, pour estre prests, & appareillez à luy faire seruice en toutes occurréces, & par tant, qu'ils seroient bien aises de pouuoir faire leur demeure ordinaire en sa ville Royale, & auoir permission d'y bastir vne petite Chapelle: car cela feroit voler sa renommée par tout vniuers. Le Roy ayant ouy ceste requeste, se print à sous-rire, & se tourna vers les Brachmanes; puis entremessa quelques autres propos, ne leur refusant point, ny n'accordant pas aussi, ce qu'ils auoient demandé. Eux voyans cela n'insisterent pas pour lors dauantage.

*Troiesi-
me accor-
dée.*

La troiesime chose fut, qu'il luy pleust confirmer par son auctorité Royale certaine aumosne, ou donation, qui auoir esté faite par

vn de ses vassaux à l'Eglise de S. Iean, qui est celle que nous auons à la ville de S. Thomas, & pour plus grande assurance, la vouloir signer de sa main, & faire sceler de son sceau. Le Roy leur accorda facilement ce poinct, & ainsi les renuoya.

Or en ces entrefaictes, vn certain Portuguais arriue à la ville de Chandegry, & d'autant qu'il auoit receu force plasirs de l'Oboragiu, il fut logé par son commandement avec les Peres. Pendant que le Portuguais se prepare pour l'aller trouuer, & luy porter son present, ainsi qu'est de coustume, ledict Prince mande, que le P. Sa vint aussi avec luy, par ce qu'on luy auoit faict entendre, qu'il estoit mescontent, & fâché, de ce qu'il les faisoit attendre là si long temps. Car le Roy ayant donné charge audict Obo, de faire leurs despesches, il s'amusoit cependant à autres choses, leur tenant le bec dans l'eau, comme l'on dict. Le P. Sa, voyant qu'il ne profiteroit pas là beaucoup, s'excusa honnestement d'y aller, & luy mande dire, qu'il le prioit bien fort de ne penser pas, qu'il fust fâché contre sa grandeur. Car ce n'estoit pas la coustume des Peres de nostre Compagnie (qui auoient durant toute leur vie, la patience en singuliere recommandation) de se cholerer si facilement : & par tant, qu'il le supplioit de ne croire pas, qu'il fut fâché contre vn Prince, duquel il auoit receu tant de bien-faicts, & en esperoit encore dauantage : ains qu'il attendroit là volontiers tout autant de temps, qu'il luy plairoit, & jusqu'à ce que sa commodité portast de le despecher. Quand on rapporta ceste response à l'Oboragiu, le marchand, qui negotioit leurs affaires se trouua là present, & assura, sur peine de sa vie, qu'il estoit ainsi. Le Prince dict pour lors, qu'il vouloit voir le lendemain tous les Portuguais en meilleur equipage qu'ils pourroient estre, pour les mener au Roy, à fin qu'ils luy apportassent leurs presens. Ce qui fut faict aussi. Les Peres y estans encore allez, trouuerent autour du Roy vne troupe de Brachmanes des plus doctes, & suffisants, qu'ils eussent ; lesquels tenoient en leurs mains vn grand amas, ou quantité de feuilles de palme sauuage, desquelles ils font leurs liures, & s'en seruent, comme nous de papier. Peut estre, qu'ils lisoient deuant le Roy quelques fables contenues en ces liures. Les Peres vindrent lors vestus à leur façon accoustumée, avec leur manteau, & sorane. Le Roy les accueillit encore plus amiablement, & courtoisement, que la premiere fois, & traicta plus familièrement avec eux, que deuant.

*Les grâds
dilaient
souuēt les
affaires
qu'ine leur
touchent
guere.*

*Feuilles
de palme
seruent de
papier en
l'Inde.*

Les Portugais apres auoir offert leur present, supplient sa Majesté, de vouloir permettre aux Peres de se retirer au plus tost à la ville de S. Thomas: car sans eux (disoient-ils) les affaires n'y alloient pas bien: & leur plus longue demeure dans Chandegry n'estoit pas necessaire, puis que sa Majesté leur auoit accordé tout ce, qu'ils eussent sçeu desirer. Seulement luy vouloient-ils requerrir vne chose; à sçauoir, de leur remettre ce qu'on auoit accoustumé de payer pour l'entrée des viures dans la ville de S. Thomas. Le Roy ratifiant pour lors tout ce, qu'il auoit octroyé auparauant, leur promist encore de faire le reste à leur gré, lors qu'il seroit arriué à Cangeuaran, qui est vne ville esloignée de celle de S. Thomas vne journée seulement. Les affaires expédiés de la sorte, l'on

*Propos
des choses
de la foy
Chrestien-
ne enta-
mé.*

entame le propos de la Religion Chrestienne: Sondain il y eust vn grand concours de gens de toute qualité, mesme de Princes, & grands Seigneurs, qui s'assemblerent là pour ouyr choses nouuelles. Les Peres furent à discourir, ou respondre à leurs questions, & interrogats, depuis le matin jusques à midy. Ils leur declarerent entre autres, les mysteres de l'Incarnation du fils de Dieu, de la Redemption du genre humain, & de la Vierge mere de Dieu. Le Roy demanda pour lors, si on auoit quelque tableau qui representast ce qu'ils disoient; le P. Sa, qui auoit tout expres apporté vne Image de nostre Dame, la luy fit voir, & à toute l'assemblée. Car il l'auoit esleuée en haut de telle maniere, que tous ceux, qui estoient presens, la pouuoient veoir commodement. Le Roy fut grandement espris de la beauté de ceste Image, & apres auoir contemplé fixement, & attentiuement le pourtraict de la Vierge, & du petit enfant **I E S U S**, qu'elle tenoit entre ses bras, il fit approcher de plus pres quelques peintres, qu'il y auoit là, & leur demanda, s'ils en sçauoient faire autant. Eux confessent ingenuement, qu'ils ne sçauoient si bien pourtraire. Apres se tournant vers les Peres, il s'enquist d'eux, qui estoit cest enfant. Le P. Sa luy dict, que c'estoit le fils de Dieu, que nous appellions **I E S U S-CHRIST**, c'est à dire Sauueur du monde; la seconde personne de la Tres-saincte Trinité, qui auoit prins chair humaine, pour l'amour de nous, au ventre sacré de la Vierge Marie.

*Doubtes
proposez
par le
Roy.*

Et quoy (dict le Roy) si Dieu est vn esprit, & n'a point de corps, comment peut-il auoir vn fils? & si son fils est Dieu, comment est-il mort? Le Pere luy respondiſt à cela, selon que le lieu, & le temps requeroient, & luy monstra encore par quelques similitu-

des, & comparaifons, comment il fe pouuoit faire par la vertu diuine, qu'une vierge conçueft, & enfantaft demeurant tousiours vierge. Ayant entendu ces chofes paffablement, il demande, fi Dieu auoit enfeigné aux hommes quelque voye de falut, & fi la foy Chreftienne declaroit la maniere de chercher, & cognoiftre Dieu. Le Pere répondift qu'ouy, & que s'il plaifoit à fa Majesté tenir ce chemin, il luy falloit garder les dix Commandemens de la loy diuine. Lors vn jeune enfant, qu'ils auoient mené quant & eux de la ville de S. Thomas, nommé Chryfostome, prononça par le commandement du Roy, clairement, & diftinctement le Decalogue, avec vne telle ferueur, & fi belle grace, qu'il sembloit que le S. Efprit parloit par fa bouche. Le Roy l'efcouteoit fi attentiuement, que s'il entendoit quelqu'un, qui fist du bruiet, luy mefme avec la main faisoit faire silence. Le Decalogue eftant recité, le P. Sa fist vn petit discours de la creation de l'homme, puis de fa cheute en peche, & de plusieurs miracles, par lesquels la verité de la Religion Chreftienne a esté confirmée. Le Roy, l'Oboragiu, & les autres Princes ayans ouy ce discours, dirent tous d'un commun accord en leur langue, *Ma ba à lassa*, c'est à dire, Tres-bien.

*Les dix
Comman-
dements de
Dieu s'ont
voye à
salut.*

*Le Roy &
les Prin-
ces aprou-
uent nostre
Religion.*

Le Roy mefme jetrant les yeux sur les Brachmanes, dict tout haut, que la Religion Chreftienne luy sembloit estre vraye: puis reprenant le propos del'Image, il demande, si en la ville de S. Thomas il y auroit quelque peintre, qui luy sceust bien pourtraire ceste piece. Le Pere répondift, qu'il y en auoit voyrement; mais, que si sa Majesté se plaifoit tant à ceste Image, qu'ils la luy donnoient volontiers; ou que s'il aimoit mieux attendre encore vn peu, ils luy en feroient tirer vne autre sur ceste cy, laquelle pourroit par apres seruir pour la nouuelle Eglise, qu'avec la permission de sa Majesté, ils esperoient auoir à Chandegry: à celle fin, que les Portuguais, & les autres Chreftiens originaires du pais fussent attirés par là, comme le fer par l'aymant, à venir en sa ville. Adonc tous les Portuguais d'un commun accord dirent au Roy, qu'ils ne pouuoient point s'arrester à Chandegry, s'ils n'y auoient quelque Eglise, pour l'exercice de leur Religion. Le Roy entendant cela, dict au P. Sa, qu'il allast faire la reueüe de toute la ville, & choisit le lieu, qui luy sembleroit plus à propos, pour illec bastir vne Eglise: & que l'Oboragiu auroit soing de fournir tout ce qu'il faudroit pour les despens. Brief, qu'il desiroit, que le tout se fist à son

*Donc cō-
gé de ba-
stir vne
Eglise en
sa ville
Royale.*

goust, & plaisir : que s'il vouloit de luy quelque autre chose, qu'il la proposât hardiment : car il la luy accorderoit aussi tost. Le Pere remercie bien humblement sa Majesté ; adjoustant, qu'il feroit sçavoir au Viceroy de l'Inde les faueurs, qu'elle leur auoit fait ; voire mais, que par son moyen le Roy de Portugal, & toute l'Europe en seroit aduertie, tellement que la memoire de tant de bien-faicts, qu'ils auoient receus de sa Majesté, dureroit à perpetuité. Le Roy luy dict à lors : Et je vous donne encore la chaire à bras dorée, que j'ay commandé à l'Oboragiu de faire faire : à fin que vous soyés porté à tel jour sur icelle, & qu'ainsi vous entriez dans la ville en triomphe, & la voyez toute. Mais l'Oboragiu sçachant, que ladicte chaire n'estoit pas encore faicte, allegua pour excuse, que ce jour là n'estoit pas heureux, & pour ce, qu'il ne seroit pas bon d'estrener pour lors ceste chaire, ce qui fut cause, que la chose fut differée iusques au Samedy, & Dimanche ; & lors ils firent la reueüe de la ville, ou plus tost d'une petite partie d'icelle : car on ne la sçauoit voir toute dans deux jours, si grande elle est. Le peuple voyant les Peres aller de ceste façon par la ville, y accouroit de toutes parts, & sçachant qu'ils cherchoient quelque lieu pour bastir vne Eglise, leur en monstroient plusieurs. Ils accepterent cest honneur ayant esgard au lieu, & au bien commun de la Chrestienté : car ceste nation est fort esineuë par ces choses exterieures, & conçoit grâde opinion de la foy Chrestienne, voyant, que ses Predicateurs sont honorez des tiltres, & priuileges de Gurupes, c'est à dire de Prestres doctes, & sçauans. Or c'est vn grand deshonneur à vn Gurupe de marcher à pied par la ville. C'est pourquoy ils furent contraincts de s'accommoder pour vn temps à ceste façon de faire, afin d'acquérir plus de credit & auctorité enuers ce peuple : & par ce moyen leur persuader plus aisement la foy de nostre Seigneur.

Or comme ils s'en vouloyent retourner à leur College de la ville de S. Thomas, fort contens d'auoir fait à ce coup la decouuerte de ce Royaume si heureusement, ils s'en vont avec quelques Portugais au Palais de l'Oboragiu, pour prendre congé de luy, apportans quelque present quant & eux : car c'est la coustume de ne comparoistre jamais deuant telles gens les mains vuides. Le Prince les receut encore ceste fois fort humainement, & donna à chacun d'eux vn present, Mais entendant qu'ils s'en vouloyent retourner au plustost, il monstra n'en estre pas content, par ce que les lettres
du Roy

*Et vne
chaire
dorée au
P. Sa
pour y
estre por-
té par la
ville.*

*C'est vn
deshon-
neur aux
Gurupes
de Nar-
singa d'al-
ler à pied
par la vil-
le.*

du Roy, par lesquelles il leur octoyoit tous les priuileges, qu'auons dict cy dessus, n'estoyent pas encores sceillées; d'autre costé nos Peres alleguoient que l'hyuer s'approchoit, & que les affaires du College de la ville de S. Thomas ne leur permettoient pas plus longue demeure : toutesfois que s'il luy sembloit ainsi, & que telle fut sa volonté, ils estoient prests de luy obeyr en tout ce, qu'il leur commanderoit. Luy voulant faire esprouue, s'ils auoyent la patience & l'industrie, qu'on disoit, pour manier, & conduire les affaires à bon port, les arresta jusques à la fin du mois. Cependant il passoit le temps en jeux, festes, & banquets, qu'ils faisoient à l'honneur de leurs Idoles en ce temps-là. Or ils celebroyent ces festes à la mode quasi, que les anciens Romains, celles qu'ils appelloient *Parentalia* Festes en l'honneur des morts en Nar-singasem- blables à celles des Romains. *anniuersarie*, ou *Parentalia festa*, à l'honneur & en memoire de leurs parents trespasséz, allumans de grands feux, & plusieurs torchés, ou flambeaux. Ils s'enuoyoient aussi les vns aux autres tout plein de presens, comme nous-nous donnons les estrenes au commencement de l'an ; & se faisoient de grands banquets & festins, s'inuitans les vns les autres, le tout en memoire des trespasséz. Au mesme temps on celebroit aussi vne grande feste à l'honneur de l'Idole Tripiti, duquel nous auons parlé cy deuant. Son temple n'est qu'à vne petite lieue de la ville de Chandegry situé sur vne montagne, qui n'est pas fort roide, mais est bien froide. Ell'est en bas environnée de valées fort plantureuses & agreables a veoir, & qui portent force fruit : mais il n'y a personne, qui en ose toucher, parce qu'ils sont dediez à l'Idole. Dans les bois, qu'il y a tout autour de ceste montagne, l'on trouue vne infinité de singes si priuez, qu'ils viennent prendre, & enleuer des mains des personnes, les viandes, que les passants mangent par le chemin, lesquels ne s'en faschent aucunement : car ils estiment que ces animaux sont de la race des dieux, & qu'ils sont fort familiers avec le Prince des diables, qu'ils appellent Perimal, & l'adorent sous plusieurs figures, mesmes de bestes brutes, comme de bœuf, de cheual, de lyon, de porceau, d'oysen, & de coq. Sous la figure aussi d'homme tantost blanc, ores jaune, maintenant pers, & d'autres diuerses couleurs. L'Oboragiu estant allé vn jour a ceste Idole de Tripiti, de grand matin, accompagné d'une belle troupe de Canallerie, d'infanterie, & de tout plein d'Elephans, il en reuint sur le soir avec tant de fa-lots, & de flambeaux, que les tenebres de la nuit en estoient esclairées, de maniere qu'on eust dict qu'il estoit jour. L'air aussi re-

tentissoit du bruiet des sonnettes, hochets, ou crecerelles d'airain, qu'on sonnoit à la cadance de diuers instruments musicaux. Le mesme firent plusieurs autres grands Seigneurs l'espace de plusieurs jours. Quelque temps apres l'Oboragiu fit vn autre voyage à vn autre temple, accompagné d'une grande multitude de gardarmes, comme s'il fut allé à la guerre. Les porte-guidons estoient montez sur des Elephans bardez, & quelques grands Seigneurs estoient autour de luy. L'occasion de ce voyage fut pour aller faire prendre à son fils, qui estoit encore bien jeune, la dignité de Gurupe, c'estoit comme vne disposition & marche pour monter à vn plus haut degré d'honneur, qui est conseré aux principaux Brachmanes; auquel pareillement bien tost apres deuoit estre esleué cet enfant. Or la ceremonie, qu'ils garderent en cecy, fut telle. Apres auoir colloqué l'enfant sur le chapiteau d'une colonine, qu'il y a dans ce temple, l'Oboragiu son Pere luy alla tout le premier faire hommage, courbant & enclinant la teste deuant luy, avec les mains jointes deuant la poitrine. Le mesme firent apres luy tous les autres: & tout incontinent ils mirent l'enfant desja Gurupe dans vne chaire dorée, portée à bras. De ceste sorte on le mena par la ville avec toute ceste compagnie en grand triomphe. Le Roy aussi durant ces jours inuita les Roynes, ses femmes (car il en à plusieurs à la façon du pais) pour banqueter ensemble en certains lieux de plaisir, qu'il à près de la ville. La pompe & magnificence, avec laquelle ils s'y acheminerent, fut belle. Car en premier rang marchoit l'un des principaux Capitaines du Roy, Mahometain de secte, lequel conduisoit vne belle troupe de caualerie, avec quatre ou cinq Elephans bien harnachez, portans tout plein de guidons. & enseignes de soye de diuerses couleurs. Ils auoyent à costé les fifres, tambours, & haultbois, qui rendoyent vn son fort melodieux. Les sonneurs de ces instrumens estoient montez sur des chameaux, parmy lesquels estoient meslez plusieurs lanciers à pied. Apres tout cecy, venoyent les Deleuays, qu'ils appellent, c'est à dire les Capitaines genéraux des armées, suyuis d'une multitude de soldats à pied innombrable, les vns portoyent des piques, les autres des harquebuses, & plusieurs autres sortes d'armes. Marchoit apres l'Elephant du Roy, qui portoit la cornette Royale entourée des plus grands Seigneurs de la Cour: puis suyuoit vn gros tambour de fer, qui auoit bien la longueur de deux tonneaux; mais sa largeur n'estoit qu'environ d'un demy tonneau. Il estoit porté

*Fai: pré-
dre à son
fils la Di-
gnité de
Gurupe.*

*La ma-
gnificence
avec la-
quelle
marche le
Roy de
Narsin-
ga.*

auec deux leuiers par quatre crocheteurs, & sonn   par quatre soldats. Mais le res  n qu'il rendoit, ne respondoit pas au volume. Le Roy venoit apres, port   sur vn brancal ou litiere    bras, toute dor  e, accompagn   d'une grande suite de ses Gentils-hommes seruaunts, & autres de sa Cour. Il y auoit quatre poiles ou gardesols tres-beaux, qui l'ombrageoyent port  s par quatre de ces gentils-hommes seruaunts, qui marchoyent    pied. L'on portoit derriere luy ses armoiries, qui sont des queu  s cheuelu  s, blanches comme la neige, de quelques vaches sauuages, qui sont grandement estim  es de tous ces peuples Orientaux: auec l'effigie d'un poisson fort grand, & d'un lyon encore. Toutes ces choses estoyent port  es sur des longues piques, & apres icelles vn autre estendard, qu'on portoit deuant le grand Deleuay ou Connestable du Royaume; puis venoit le Prince, & successeur de la couronne: & apres luy les femmes du Roy, auec vn magnifique appareil, accompagn  es d'un grand nombre de Dames, qu'on portoit dans des chaires d'or ou d'argent. Les Reynes estoyent dans des brancars, ou liti  res    bras, toutes reluisantes en or, & couuertes de pauillons brochez d'or, & enrichis d'une infinit   de perles, & pierres precieuses. A chascun brancar il y auoit aux deux costez deux poiles de foye pour les garder du Soleil, esclatans    merueille    raison de l'or, qu'il y auoit d'une part & d'autre. Tout plein de femmes, qui marchoyent    pied, tenoyent en main des esuetoirs au manche d'or ou d'argent, auec lesquels elles donnoyent continuellement l'air    leurs maistresses. Voyla comment ils allerent s'es-batre    leur maison de plaissance, & en retournerent auec la m  me pompe desja bien tard. Mais auec tant de falots, flambeaux, & autres lumieres, qu'il sembloit que le jour fut reuenu.

Le mois donc s'estant escoul   en telles festes & resiouissances, nos Peres enuoyent vn message    l'Oboragiu, le prians de vouloir considerer, que l'arrest qu'ils faisoient en ceste ville, estoit auec grands fraiz & despens. L'Oboragiu entendant cela les appelle    soy: ils y vont, & luy apportent des presens, selon la coustume du pais. Il leur promet de les expedier le lendemain, s'excusant de ce, qu'il auoit tant tard  , sur les festes pass  es, & les visites des grands Seigneurs, qu'il auoit eu;    cause aussi de ses deux filles mari  es auec le Roy, qui estoyent venu  s le veoir les jours passez    sa maison fort souuent. En fin il les congedia, apres leur auoir fait quelques presens, & suyuant sa promesse les expedia le lendemain fort

*Donne
300. escus
de rente
pour fonder
vne
Eglise &
maison
des no-
stres.*

à leur gré, tellement qu'ils n'eurent pas occasion de regretter la longue demeure, qu'ils auoyent faicte, attendans vne si bonne des-
peche. Car il donna, pour fonder vne Eglise & maison des nostres
en ses terres, trois cens escus de rente assignez sur certaine pension,
qu'on luy faisoit tous les ans à la ville de Condur: & que s'il n'y en
auoit pas assez, il vouloit qu'on print le reste sur les autres lieux
voisins de Condur. Or c'est vne ville nouuelle, qu'il fait bastir, &
enclorre de murailles, ou il y a vn port fort celebre sur la riuie du
fleuve Areomagan, hanté de plusieurs marchans, qui abordent
là de diuers endroicts de ceste contrée Septentrionale. Il promit
de faire bastir illec vne Eglise à ses propres cousts & despens: &
leur donna encore pouuoir de bastir autant d'Eglises, qu'ils vou-
droient, dans les terres de sa jurisdiction, & d'y precher l'Euangile.
Il a mis sous l'obeissance des nostres trois ou quatre Seigneurs, qui
sont aupres de Condur, leur commandant de faire, tout ce que nos
Peres leur enjoindront, & de leur fournir tout ce qu'ils demande-
ront, pour le bastiment des Eglises ou maisons, qu'il voudront fai-
re. De tout ce il appert par ses lettres patentes, & par les loix, qu'il
a faict pour les habitans de ladiete ville: dont il leur en bailla vne
copie retenant chez soy l'original. Comme nos Peres prenoyent
congé de luy, il leur dit, qu'ils s'allassent promener par la ville, ac-
compagnez de tous les Capitaines & Seigneurs de la Cour. Mais
comme nos Peres ne se plaisoyent pas à telles promenades ils dis-
simulerent pour lors: & le lendemain se retirerent tout bellement
de la ville de Chandegry, pour s'en retourner à leur College de la
ville de S. Thomas

*Leur en
expedie
les lettres*

Or en passant, ils voulurent aller saluer le Paparagiu, duquel
nous auons parlé cy deuant. Ce Prince faict sa demeure en vne
forteresse assise sur des montagnes tres-hautes, enuironnées de
toutes parts de boscages espez. Elles sont de fort difficiles accez,
à cause de plusieurs destours & chemins, qui viennent à se rencon-
trer: & mettent en perplexité les passans, qui ne sçauent quelle
voye ils doyuent prendre. La cité est baltie sur le declin d'une
montaigne, qui n'est pas fort roide, & arriue jusques au sommet
d'icelle. A l'entrée de la ville, ils trouuerēt le Gouverneur, qui vint
au deuant d'eux, pour les receuoir, estant accompagné de plusieurs
soldats: & avec ceste suite les mene là sus veoir le Prince: lequel
entendant leur arriuée, commenda tout aussi tost qu'on les logeast
en vne maison assez comode: afin qu'ils se reposassent vn peu.

*Accueil
que le Pa-
paragiu
fit aux
Peres.*

Mais tant de monde vint incontinent là pour les voir, qu'ils n'eurent le moyen de prendre mesme le repas, jaçoit qu'ils en eussent bon besoin: car ils n'auoyent rien mangé, il y auoit bien trente heures. Tantost apres le Prince les fait appeller. Ils entrent dans vne grande sale, ou il estoit, & lui offrent leurs presens à l'accoustumé, Il les receit d'un fort bon visage, & soudain les mene dans sa chambre garnie de belles tapisseries. Là il s'entretint avec eux quatre heures entieres, leur faisant tout plein de demandes, mesme des plus petites choses. Il les escoutoit fort volontiers lors mesme, qu'ils luy parloyent de la Loy de Dieu, & fit appeller les Brachmanes, pour les venir entendre, Il regardoit si attentiuement l'image de Nostre Dame, que les Peres luy monstrerent, qu'il n'en pouuoit retirer sa veuë. Ayant ouy que le Roy auoit donné permission de bastir des Eglises par tout son Royaume, il leur dict, que s'ils en vouloyent aussi bastir vne dans son propre chasteau, ou palais, qu'il en estoit content. Le Pere Sa le remercie bien humblement, & luy dit qu'il vouloit au prealable arborer au plus haut de son chasteau l'estandard de I E S V S-CHRIST, qui est la Sainte Croix. Car par ce moyen sa forteresse seroit rendue inexpugnable, & redoutable au diable, & à ses ennemis; d'autant que la Croix estoit la plus forte armure, que les Chrestiens eussent, & de laquelle les plus grands Capitaines, Rois, & Empereurs Chrestiens s'estoyent aydez, pour emporter de tres-belles victoires sur leurs ennemis. Il leur demanda pour lors, que c'estoit que la Croix, & de quelle forme & figure, & d'où elle auoit vne telle vertu & puissance. Pour luy faire entendre ces choses, il luy fallut discourir plus amplement de la mort & passion du fils de Dieu, comm'il auoit esté indignement crucifié par les Iuifs, à cause qu'il enseignoit aux hommes la voye de salut. Entendant cela il se mit en cholere. Et qui sont ceux-là (fit-il) qui ont osé commettre vn tel forfait, & de quelle nation estoyent-ils? Y a-il encore au monde quelqu'un, qui reste de ce peuple-là? Il sembloit à le veoir, qu'il voulust venger la mort de Nostre Sauueur. Le Pere Sà le voyant en esmoi, pour l'appaiser, luy fit entendre que le fils de Dieu s'estoit offert volontairement à la mort temporelle, pour deliurer les hommes de l'eternelle. Et bien (dit-il) je veux, qu'il soit ainsi, le denoient-ils occire si cruellement pour leur dire la verité? Cela n'est pas bien fait. En fin apres lui auoir tenu tout plein d'autres propos, comme ils vouloyent prendre congé de luy, il leur dit. Puis que vous hastez

Leur donne congé de bastir une Eglise.

La Croix armure des Chrestiens tres forte.

Zele d'un Prince Payen pour venger la mort de X. S.

*Promet
de bastir
une Eglise
se à ses
despens.*

tant vostre depart, à cause de l'hyuer, qui s'approche, comme je vois, je vous attendray à la ville de Cangeuaran, ou je me trouueray avec le Roy, & là nous parlerons plus à loisir de ces choses: & quand le Roy sera de retour à Chandegry, je vous assisteray en tout ce, qu'il me sera possible, & vous promets eucore de bastir à mes despens vne Eglise dans mes terres: car je ne sçay comment pouuoir recognoistre l'affection & bien-vueillance, que vous m'auiez monsté ce jourd'hui, m'estans venus veoir, jaçoit que vous ne m'eussiez jamais cognu. Voila les propos qu'il leur tint, d'où ils prenoient conjecture, que si vne fois ils estoient logez à Chandegry, il ne seroit pas difficile d'auoir l'entrée par tout ce pais-là, pour y publier l'Euangile, & gaigner vne infinité d'ames à IESVS-CHRIST, veu le bon accueil, que le Roy & les plus grands du Royaume leur firent. Car outre ceux, qu'auons dict, le grand Deleuay, qui est le Capitaine general de toutes les armées du Roy, ou (comme nous l'appellons) le Conestable, desire fort qu'on bastisse des Eglises en ses terres, nommément en vn port, qu'il à sur la riuée d'un fleuve, lequel n'est jamais bouché par le sable, comme sont d'ordinaire les autres de ces contrées-là durant l'hyuer. Ce grand Seigneur leur enuoya dire, qu'il fourniroit tout ce qu'il faudroit, pour le bastiment d'une Eglise & maison, ainsi que nous dirons au Chapitre suyuant. D'auantage les habitans de ce Royaume se monstrent fort affectionnez aux choses de nostre foy, non seulement les plus grands, comme nous auons veu, mais aussi la populace: voire mesme les Brachmanes n'y semblent pas estre icy si contraires comme ailleurs: brief ils entendent volontiers parler des choses diuines: de façon qu'il semble, que Nostre Seigneur veut ouurir la porte à son Euangile, dans ce grand Royaume, comme l'on peut probablement conjecturer de ce qui à esté dict.

*La bonne
dispositiō
des habi-
tans de ce
Royaume
pour rece-
voir la
foy.*

Les Peres estans de retour à la ville de S. Thomas, on despeche vistement vn message au Pere Visiteur Nicolas Pimenta, qui estoit lors à Goa. Le Pere Recteur Simon de Sà, qui auoit fait ce voyage lui escriit vne lettre dattée du 20. Nouembre 1598. (dont tout ce que dessus à esté tiré) par laquelle il l'aduiſe du succez de sa missiō, & le prie de lui enuoyer au plustost force bons ouuriers, pour commencer à defricher ce nouveau champ, & l'apprester de sorte, qu'il peut en brief recevoir la semence de la parole de Dieu, qu'on desiroit espandre en plusieurs endroits d'iceluy. Ces nouvelles estant arriuées à Goa, c'est merueille quelle joye en receu-

rent non seulement les Portugais, mais encore les Chrestiens natifs du pais, voyans que le Royaume de IESVS-CHRISTS s'alloit estendre en vn pais si beau, & si ample que celui-là. Les Payens au contraire en receuoient vne extreme douleur, jugeans que c'estoit faict du Paganisme en l'Inde, si la foy Chrestienne entroit en credit dans ce Royaume, duquel toute la superstition Gentilique de ces quartiers-là auoit prins sa source & origine. Ceux de nostre Compagnie demandoient presque tous, & avec grande instance, qu'il leur fut permis d'aller là sacrifier le reste de leur vie & leur sang, si besoin estoit, pour la gloire de Dieu.

Le Pere Visiteur apres auoir inuoqué l'ayde du sainct Esprit, afin qu'il pleut à sa diuine bonté luy donner à cognoistre ceux, qu'il auoit choisis, pour tel dessein, en nomma six, c'est assauoir le Pere Emanuel de Veiga, qui estoit lors superieur de la maison Professe de Goa. Le Pere Gaspard Estienne aussi Profes, & ancien Regent en Theologie, le Pere François Ricci, le P. Iean de Costa, le P. Pierre Eutitius, & le P. Melchior Cortigno. Mais d'autant que le Pere François Ricci estoit desia à la ville de S. Thomas, ou tous ceux-ci se deuoient rendre, on y enuoya vn autre, qui fut le Pere Consaluo Monteiro, pour succeder en l'office, que faisoit le Pere Ricci.

Six de
nostre Co-
pagnie y
sont en-
uoyez.

*S V I T T E D E L A M I S S I O N D E
Bisnaga, & comme deux Peres furent derechef enuoyez au
Roy, & avec son congé eurent bien tost vne
Eglise & un logis à sa ville
Royale de Chandegry.*

CHAPITRE XXII.

APRES que les Peres Simon de Sa & François Ricci furent de retour à la ville de S. Thomas, & qu'ils eurent faict sçauoir au Pere Visiteur le bon succez de leur mission, pour ne perdre pas vne si belle occasion, ils furent d'aduis d'enuoyer tout aussi tost vn de nos freres nommé Antoine Gonzalues à la ville de Condur, pour y donner commencement à l'Eglise, qui s'y deuoit bastir: ou il fut receu des habitans avec beaucoup d'honneur & de caresses. Cependant le grand Delcuay, ou Connestable, (duquel nous auons cy deuant parlé) qui estoit lors fort fauori du Roy, & bien venu aupres de luy, supplia sa Majesté de ne vouloir permet-

L'Eglise
de Con-
dur com-
mencée d'e-
stre ba-
stie.

*L'œuvre
est inter-
rompu.*

tre, que son ancien port d'Areomagan fut endommagé par le moyen de ceste nouvelle ville de Condur, & qu'il lui pleut faire inhibition & deffence à l'Oboragiu d'y bastir vne Eglise; qu'il donnât neantmoins congé aux Peres de prendre tout autre lieu que celuy-là pour ce faire. Brief il insista tellement en sa requeste, qu'il obtint lettres patentes sur ce: lesquelles furent enuoyées aussi tost à Condur; mais l'Oboragiu estimant que ce fussent des lettres supposées ne laissoit pas pour cela de faire bastir, ny la ville, ny l'Eglise: toutesfois celui des nostres, qui estoit là tout expres, pour la conduite de l'œuvre, bien qu'il ne desistat pas du tout de la besongne, pour n'offencer le Prince Obo, aux despens duquel elle se faisoit: si est-ce qu'il y alloit fort bellement, jusques à ce que le Roy escriuit pour la seconde fois à l'Oboragiu sur ce mesme propos, declarant que sa volonté estoit telle: & lors on cessa pour un temps.

*Le P. Re-
vendeur vi-
site l'O-
boragiu.*

En ceste mesme saison lediët Oboragiu estant avec son camp vne journée loing de la ville de S. Thomas, le Pere Sà jugea, qu'il seroit bon de l'aller saluer. Il se mit donc en chemin le premier Dimanche de Quaresme de l'an 1599. & arriua en son camp le Mardy suyuant. Ce jour-là il ne peut pas luy parler, à cause de beaucoup d'occupations, qu'il eut, pour respondre aux lettres de diuers Seigneurs; mais le lendemain il eut audience. Toutesfois l'Oboragiu entendant qu'il estoit arriué le jour auparauant se facha fort contre les portiers, de ce qu'ils ne l'auoyent aduertie de la venue du Pere, & en fit chastier vn. Le Pere lui declara la cause de sa venue n'estre autre, que pour luy faire veoir les lettres du Pere Visiteur, par lesquelles il le remercioit bien humblement de l'affection singuliere qu'il daignoit porter aux nostres, sans l'auoir meritè au prealable; & luy signifioit combien tous les Portugais & autres Chrestiens non seulement de Goa: mais aussi de toute l'Inde auoient estimè les faueurs qu'il leur auoit fait: promettant de lui enuoyer au plustost quelques Peres pour luy faire seruice, & habiter en ses terres; puis-que sa liberalité estoit si grande qu'il les vouloit pouruoir d'Eglise, de logis, & de rentes pour s'entretenir honnestement. Le Prince Obo fut extremement aise d'entendre ces

*Reçoit de
luy nou-
uelles fa-
ueurs.*

nouvelles: & estant venu en propos de l'Eglise, qu'il auoit commencée à Condur, & qui auoit esté laissée imparfaicte par le commandement du Roy, il dit qu'il en escriroit à sa Majesté, afin qu'elle fut continuée: mais voyant que cela n'agreoit pas au Pere, à cause
se que

se que le Roy s'y monstroït fort contraire, il luy dit en fin, qu'il luy conseilloit de bastir vne Eglise dans la ville d'Areomagan; & que si cela ne luy plaïsoit, qu'il en fit vne à Cotapatana. Le Pere luy respond, que Areomagan estoit en la jurisdiction du Deleuay (lequel estoit pour lors ennemy de l'Oboragiu) & qu'il aymeroit mieus s'arrestier dans les terres de sa Seigneurie; toutesfois l'Oboragiu luy conseilla de prendre la ville d'Areomagan, donnant à entendre tacitement, qu'il vouloit s'en emparer. Le Pere voyant cela y consentit, ne refusant pas toutesfois l'offre qu'il luy auoit faicte d'en bastir vne à Cotapatana; ains le luy demanda expressement. Ce que l'Oboragiu luy accorda tres-volontiers, & luy en fit expedier les lettres tout sur l'heure, adjoustant qu'il ne vouloit autre chose que ce qui luy seroit le plus agreable. Et apres luy auoir fait present de quelques pieces de drap de soye, il le congedia fort humainement. De là le Pere s'en alla veoir le Paparagiu, qui descendoit aussi avec vne armée. L'ayant rencontré par les chemins, il le receut fort humainement: & apres luy auoir demandé ou estoit le Pere Ricci, & fait autres interrogats à son accoustumé, finalement il luy fit quelques presens à la façon du pais; & l'aduisa qu'en s'en retournant il ne passât pas par le chasteau d'un Gentilhomme Portugais nommé Louys Macedo, qui s'estoit reuolté contre luy, & pource il l'auoit assiégé avec ses forces.

*Visite de
Paparagiu.*

Apres que le Pere eut faict ses visites, s'en retournant au College il arriue à la ville de Triualur ou il y a grãde quantité de bois, & jardinages, & tout autour des estangs ou viuiers fort artistement elabourez, mais sur tout grand nombre de temples d'Idoles: dans vn desquels qu'il trouua ouuert, il voulut passer ceste nuict, côm'il auoit faict auparauant. Soudain qu'il y fut entré quelques Brachmanes, & soldats se presentēt à luy, ausquels il cōmence à discourir de la loy de Dieu: ce qu'ils escoutēt volōtiers. En ce discours il leur fit veoir si clairement la fausseté de leur superstitiō, & leur remōstra la vanité de leurs idoles, avec des raisons si preignantes, qu'ils auoient honte de leurs Dieux, & disoyent tout haut, que la foy Chrestienne estoit la vraye, & que s'il vouloit bastir vne Eglise au milieu de leur ville, qu'ils le luy permettroient. Il en y auoit d'autres, lesquels faschez contre les Brachmanes, qui les auoient abusez jus-

*Triualur
ville.*

*Le P. Sa
remontre
aux Gētils
la fausseté
de leurs
Idoles.*

d'aduis d'aller trouuer ledit Deleuay. Estât donc parti de la ville de S. Thomas le 2. Dimâche de Carefme, il s'en alla veoir en passant ce Naïna Mudeliar: duquel il fut receu fort honnorablement & courtoisement; car le Pere l'ayant fait aduertir de sa venuë, l'autre estoit venu au deuât de lui, estant ja nuict, accôpagné de plusieurs soldats, & avec beaucoup de falots & flambeaux. Le lendemain il le mena dans la ville, ou il le defraya, & tous ceux aussi, qui venoient avec lui. De là il le conduisit jusques au Deleuay, lequel estant vn peu deuant tōbé d'vn cheual, s'estoit affollé d'vne jambe, & lors que le Pere arriua on la lui pensoit: mais tout aussi tost qu'il veid le Pere, il dict, qu'il estoit si aise de sa venuë, qu'il lui sembloit estre desia gueri: voire sanctifié, disoit-il, & lui & tous les siens. Ils vindrent en apres tomber sur diuers propos: premierement del'estat, & couronne de Portugal; puis de la Religion. Là dessus son Thresorier Naïna commence à raconter au Deleuay les discours, que les Peres faisoient en leurs sermons (car il les auoit ouïs souuent en la ville de S. Thomas) & representoit leurs gestes, les inflexions des voix, & tous les mouuemēs du corps, cōme s'il eust esté en chaire. Le Deleuay print si grād plaisir à cela, que lui mesme en voulut faire autant, de sorte qu'il souloit quelquesfois représenter deuant ses Capitaines tout ce qu'il auoit aprins de Naïna, les exhortât au mespris des choses de ce mōde, à faire des aumosnes, à ne faire point de tort à personne, & autres choses semblables: & taschoit d'imiter les mesmes gestes & mouuemēts, qu'il auoit veu faire à son Tresorier, tant cela lui auoit pleu. Deux jours apres il monstra au Pere ses thresors, vne bonne partie desquels (comm'il disoit) auoit esté autresfois au Roy de Bisnaga. Or tandis qu'il leur faisoit voir ses richesses, le sçai bien (dict-il) mes Peres, que vous ne souhaittez pas ces choses, ni ne vous plaisez pas beaucoup à les veoir, puisque vous auez mesprisé tout cela, en quittant le monde. Si fais bien Monseigneur (respond le Pere) car je suis bien aise de veoir icy force pieces marquées du signe de la Croix. T'en ay bien dauantage à Chandegry (adjouste le Deleuay) & si l'occasion se presente, je vous les feray veoir vn jour: & vous promets encore de faire bastir vne Eglise à la mesme ville de Chandegry, tout joignant le Palais du Roy, & de constituer certaine rête pour la nourriture des Peres, qui la seruiron. Seulement vous-prie je de me visiter vne fois chasque mois, & me promettre, que vous me serez tousiours ami, encore que la ville de S. Thomas ne demeure pas en ma puissance.

*Carissés
que le De-
leuay fit
au P. Sa.*

*Promet
de bastir
vne Egli-
se à Chā-
degry.*

ce. Car ce n'est pas la ville que je desire, mais l'amitié des Peres, ausquels j'ose bien fier ma personne, & tous mes thresors. A cela le Pere luy repart, que nous auions bien d'autres thresors en garde, beaucoup plus precieux, que toutes les richesses de ce monde, à sçauoir les ames créées à l'image de leur Createur, lesquelles nous desirions endo- riner, pour les aider à estre sauuees,

Comment il faut entrer au discours de la pieté parlant aux E-vaux. & la sienne principalement, puis que nous luy estions tant redevables. Mais que me donrez-vous (fit-il pour lors) si je me rends Chrestien: Nous (respondit le Pere) ne sçaurions fournir chose, qui fut digne d'un si grand Prince, hormis l'obeissance, que nous luy voitions, non seulement entant que nostre Prince & Seigneur, mais aussi entant que nostre tresaimé Pere, & singulier protecteur de tous les Chrestiens de ses terres. Mais ce grand Dieu, qui est riche & liberal enuers tous ceux, qui l'inuoquent, receura vostre Seigneurie en sa grace: qui est un si grand bien, qu'il merite d'estre préféré à tous les thresors de ce monde. Apres il demanda de quelle façon on cōferoit le baptême, & quelles ceremonies on y gardoit. Ce que luy ayant esté déclaré, il monstra approuuer le tout, de sorte que les Brachmanes, qui estoient presents, craignoient qu'il ne se voulust rendre Chrestien. Le dernier jour qu'ils l'allerent visiter, il voulut en leur presence prendre cet exercice de la personne, que les grands Seigneurs de ce païs ont accoustumé de faire presque tous les jours, s'ils ne sont fort occupez, auquel ils n'admettent sinon leurs plus intimes & familiers amis. Or l'exercice est tel. Ils ont vne maison tout expresse pour cela; la moitié du paue est de plâtre, si poli, qu'il semble estre de verre. L'autre est toute parsemée de cer-

Exercice de la personne que les grands Seigneurs de Bisnaga prennent souuent. taine poussiere ou sable rouge fort delié, qui leur sert comme d'un liest mollet. Celui qui doit estre exercité entre dedans despoüillé de ses accoustremens. Il trouue là tous prests les Geytes, qu'ils appellent; ce sont des ieunes hommes forts puissants & robustes, qui viennent là pour s'esbattre avec leur maistre. Ils s'escrimēt avec luy des mains; ils se battēt à coups de poing, & à coups de pied, ils sautēt, ils luiēt ils leuēt de grands poids de terre, & font tels autres excercices, ou esbats, iusqu'à ce que l'exercitant est desia las, & tout en sueur. Lors les Geytes le prennent, & le tournent sans dessus dessous dās ce sable rouge, puis commencent à luy estendre & tirasser les jambes, & les bras, qui d'un costé, qui d'autre, avec si grande force, qu'ils semblent luy vouloir disloquer les membres. Apres cela ils le nettoient, & oygnent d'huyle: puis le frottent avec de l'eau chaude, &

l'ayant bien torché, luy vestent ses accoustremens. Par le moyen de cet exercice, qu'ils prennent quasi tous les matins avant disner, ils s'entretiennent tellement en santé, que les septuagenaires ne semblent pas quelquesfois auoir trente ans. Le Pere donc ayant esté admis par grande faueur à cest exercice du Deleuay, afin de ne demeurer cependant oisif, luy tenoyt tousiours quelques bons propos, & auant que partir de là, luy fit signer quelques lettres patentes fort vtils pour l'Eglise de S. Thomas, & pour le College de nostre Compagnie fondé en la mesme ville. Car par icelles il adiousta de nouueau cent pagodes de rente au reuenu de l'Eglise de S. Thomas; il donna au College cent cinquante escuz aussi de rente, qu'il vouloit estre prins sur la ville de Sadramapattana; finalement il fit escrire à son agent Brachena, qu'il cerchast dans la ville de Arcomagán vn lieu, pour y bastir vne Eglise & vn logis pour les nostres. Voila les bonnes despesches que le Pere Sà eust du Deleuay, auant que s'en retourner au College. Cependant les Peres, qui auoyent esté destineez, pour ceste mission vindrent de Goa, & arriuerent à la ville de S. Thomas le 2. du mois d'Auril l'an 1599. toutesfois ils ne se mirent pas si tost en chemin, pour aller trouuer le Roy, attendant qu'il fut de retour à Chandegry, dont il estoit party pour aller faire la guerre avec vne puissante armée, qu'il menoit, au Naïque de Maduré, lequel s'estoit rebellé cōtre lui, ne voulant payer le tribut; qu'il souloit luy bailler tous les ans. Mais ce Naïque voyant qu'il ne pouuoit resister aux forces, que le Roy auoit amassé, & faisoit desja marcher contre luy, tascha de faire sa paix le mieux qu'il peut: neantmoins il luy fallut bailler douze millions d'or, tant pour les arrerages du tribut, que pour les frais de la guerre encommencée. La paix donc estant conclue, si tost qu'on sceut que le Roy estoit de retour à Chandegry, le Pere Emanuel de Veiga s'y achemina avec le P. François Ricci, lequel y auoit esté desja la premiere fois. Ils partirent le 12. d'Aoust de l'an 1599. & arriuerent le second jour de leur voyage sur le soir à la ville de Triualur, dont à esté parlé cy deuant: là ou voyants qu'il estoit desja tard, ils voulurent passer la nuit sous le portique du temple d'un Idole fort renommé en tous ces quartiers-là. Le Brachmane, qui auoit charge d'icelui, ayant apperceu qu'ils se vouloyent loger là, leur enuoye dire, qu'ils eussent à vuidier, & sortir de ce lieu, d'autant que le Pagode deuoit estre porté ceste mesme nuit en procession, & qu'il ne prendroit pas plaisir de les rencon-

*Les con-
serue lon-
guemē en
santé.*

*Bonnes
despesches
obtenues
du Dele-
uay.*

*Deux Pe-
res s'en
vnt trou-
uer le Roy.*

trer en son chemin. Les Peres firent responce qu'ils n'auoient autre lieu, ou se pouuoit retirer, & qu'ils ne mettroient point d'empeschement, ny destourbier à leur procession; qu'ils portassent ou ils voudroyent leur Pagode, car les rues estoyēt assez larges. Le Brachmane ne fut pas trop content de ceste responce, tellement qu'il les presse encore de sortir de là, & desja se mettoit en cholere, criāt comme vn enragé, de ce qu'ils ne vouloyent faire ce qu'il leur commendoit. Le P. Ricci voyant l'impudence de cet homme luy

*Contesta-
tiō qu'ils
eurent en
chemin a-
uec quel-
ques
Brachma-
nes.*

parle d'un ton un peu plus haut que deuant, & le menace, que s'il ne se taisoit, il le defereroit à l'Oboragiu, & au Roy mesme, de la part duquel ils estoyent là. Cecy luy mit un baillon à la bouche, de sorte qu'il ne leur dit plus mot. Cependant ils demurerent là toute ceste nuit, & veirent leur procession, & les ceremonies qu'on faisoit à l'honneur de ceste idole, lesquelles il n'est besoin de rapporter, par ce qu'il n'y a rien de remarquable. Tandis que les Peres estoyent assis en ce Portique, & de là contemploient ce que les autres faisoient, celuy qui commençoit en ce lieu ayant apperceu qu'ils ne se tenoyent pas debout, comme les autres, leur fait aller dire qu'ils eussent à se leuer, & se tenir debout. Parce que (disoit-il) Dieu est present: mais pour cela ils ne bougerent point. Il leur fit dire pour la seconde fois, que s'ils ne vouloyent se tenir debout, qu'à tout le moins les enfans, qu'ils menoient, se leuassent. On luy fit responce que les enfans estoyēt aussi Chrestiens, & n'auoyent accoustumé de faire honneur aux Idoles. Voyans qu'ils ne pouuoient rien gagner sur eux, ils les enuoyent prier de se tenir pour le moins à recoy, sans leur dire mot, & ne les empeschier en leurs sacrifices. Les Peres condescendirent bien à cela, ayans neantmoins un grand regret de veoir tant d'ames aueuglées en des superstitions si sottes, & perir miserablement de la sorte. Pendant ceste

*Les Geu-
tils leur
proposent
diuerses
questions.*

celebrité il y eut quelques vns qui accosterent les Peres, & leur proposerent diuerses questions. Entre autres, s'il y auoit des iours bons, & mauuais; fortunez, & infortunez. Item si un homme pouuoit sçauoir, quand, & comment il mourroit. Les Peres leur responderent, qu'on ne pouuoit sçauoir cela humainement parlant, sinon par reuelation diuine. Il y eut toutesfois un quidam, lequel voulant faire du suffisant, dit qu'il deuinerait toutes ces choses. Lors un des Peres luy demande s'il sçauoit combien d'années il viuroit encore, & de quelle espee de mort il finiroit ses iours. L'ay biē, respōd l'autre, tout cela escrit dās un petit liuret, mais encores

que je puisse lire le destin des autres, je n'y puis toutesfois lire le mien. Et pourquoy (repart le Pere) ne baillez vous ce liuret à vn autre, afin qu'il y lise ce qui vous touche, & de ceste sorte vous le sçaurez. L'autre resta tout confus ne sçachant que respondre, tellement qu'il fit rire toute l'assemblée. Il en y auoit encore quelques vns lesquels voulans discourir de la structure & fabrique du monde, disoyent là dessus tant d'absurditez & inepties, que je n'estime pas conuenable de les mettre en auant. Seulement j'en rapporteray vne pour seruir d'exemple. La question estoit, qui soustenoit la terre, & la rendoit ainsi stable, & immobile. Il en y auoit, qui disoyent qu'elle estoit appuyée sur neuf angles; vn autre vouloit qu'elle fut soustenuë par sept elephans, mais luy estant demandé, sur quoy ces elephans estoient appuyez: il respondit qu'ils auoyent les pieds sur vne tortuë; finalement comme on le pressa de dire sur quoy se tenoit ladicte tortuë, le pauvre homme s'arresta tout court. Les Peres donc apres auoir reiecté leurs fausses opinions, font vn petit discours de la creation du monde, & de la structure d'iceluy, suyuant ce que l'escriture sainte, & la vraye philosophie nous enseigne. Lequel ils admirerent grandement, estonnez de voir ces estincelles de verité. Si bien qu'ils se mocquoyent de tout ce qu'ils auoyent aprins jusqu'alors des Brachmanes. Qu'eussent-ils fait, si on leur eut déclaré plus amplement ces choses, & plusieurs autres que la foy nous apprend? Mais cela, peut estre, seruira comme de preparatif, pour l'introduire plus aisemēt en temps conuenable parmy ce peuple. Retournant au voyage des Peres, ils firent tant par leurs journées, qu'en fin le 16. du mois d'Aoust ils arriuerent à la ville de Chandegry, & aussi tost firent sçauoir leur venue à l'Oboragiu, lequel cependant les fit loger en certaine maison, tandis qu'on leur apprestoit vn meilleur logis. Vn ou deux jours apres leur arriuée, ils s'en vont visiter ledict Prince, lequel monstra receuoir vn singulier plaisir, & contentement de les voir: tellement qu'il les accueillit fort honorablemēt. Il ne se voulut pas asseoir sur vne chaire tapissée de peluche qu'il y auoit là, mais il s'assit sur vn tapis, qui estoit à terre, & les fit aussi seoir sur vn autre, qu'il fit estendre tout exprez. Le lendemain ils s'en vont saluer le Roy, qui les receut aussi fort amiablement. L'Oboragiu estoit assis aupres de sa Majesté, avec vn autre grand Seigneur, qui estoit neveu du Roy. Ils luy monstrerent deux tableaux, en l'un desquels estoit peinte l'image du Sauueur, & en l'autre celle de la Vierge:

*Ils arri-
uent à
Chande-
gry & vnt
saluer
l'Obora-
giu, &
puis le
Roy.*

lesquelles il regarda fort attentiuement, & d'une chere gaye. L'image de nostre Dame estoit tirée sur celle de Rome, qu'on tient auoir esté peinte par S. Luc. Il se pleut fort non seulement aux viues couleurs & beaux traicts des images, mais beaucoup plus à ce que le Pere François Ricci luy dict là dessus. Apres auoir entremisé diuers propos l'espace de deux heures, ils les congédia fort humainement leur ayant donné quelques presens selon la coustume du pais. Mais entre autres choses il leur dict, qu'il estoit content, voire que ce luy estoit vne chose fort agreable, qu'ils eussent vn logis arresté dans la ville de Chandegry, & commanda à l'Oboragiu de leur faire bailler au plustost le lieu, qu'ils choisiroient dans la ville, pour se loger; promettant de dōner ses lettres patētes, par lesquelles il permettroit à tous ses vassaux, qui se voudroient rendre Chrestiens, de ce faire, & de retenir leur offices, honneurs, dignitez, & gouuernemens, avec tous leurs biens & possessions, de mesme que lors qu'ils estoient Payens. Ces patētes furent bien tost expédiées: elles estoient escrites sur vne fucille de palme sauuage à leur mode: le contenu d'icelles fut leu & publié deuant tous à haute voix; afin que personne n'en pretendit cause d'ignorance. Ceci estant fait ils allerent encore faire quelques visites des plus grands

Ils obtinrent congé du Roy pour tous les vassaux de se pouuoir rendre Chrestiens librement.

Vistrent quelques grands Seigneurs & sont aussi visitez d'eux.

Seigneurs de la Cour; & entre autres d'un neveu du Roy, qu'ils appellent Chima Ragiū, qui est la seconde personne apres le Roy & luy doit succeder. Car ce Prince auoit si grande enuie de les veoir, qu'il sembloit en quelque façon les inuiter & semondre à le venir saluer. Les Courtisans voyans que leurs affaires alloient d'un bon pied, commencerent aussi à les aller visiter pour se conjoindre avec eux de la bonne grace du Roy. Entre autres deux enfans de l'Oboragiu les vindrent veoir à leur maison, accompagnez d'une grande suite de gens à cheual, & de quelques Elephans. Les Peres les receurent le plus honorablement qu'il leur fut possible, & leur firent veoir ces tableaux, qu'ils auoient monstrés au Roy: lesquels leur agreerent si fort, qu'ils desiroient les porter à leurs maisons, pour les faire veoir à leurs femmes. On leur monstra pareillement dans vne mappe-monde la grandeur de la mer, les tours & retours, qu'elle fait en la terre, la multitude presque innombrable des Isles, & choses semblables: esquelles ils prindrent vn singulier plaisir, & contentement d'esprit. Or pour ne perdre temps, & vne si bonne occasion d'instaler la foy Chrestienne en ce grand estat, ils s'en

Cherchèrent vñ lieu pro-

vōt au plustost chercher quelque lieu, qui fut propre pour y bastir

vne

vne Eglise, & vn logis pour eux; ce que ne pouuans auoir dans le palais mesme, ils choisirent hors des murs d'iceluy vn lieu assez commode, car il est dedans la ville, & si à d'un costé les champs, & plusieurs jardins: tellement qu'il est hors du brouillis & traquas du peuple. Seulement y auoit-il vne difficulté, à sçauoir que ce lieu appartenoit à la Roynie, qui est fille de l'Oboragiu. Mais elle l'accorda volontiers à la suasion de son pere, si que le P. Ricci estant allé la visiter le jour de la Natiuité de nostre Dame, pour luy demander cette place, elle fit responce par l'entremise de la Dame de chambre, qui estoit à la porte; que la Roynie donnoit tres-volontiers, & à perpetuité aux Peres autant de place, qu'ils voudroyent de ce qui luy appartenoit; & que des le lendemain elle les feroit mettre en la possession d'icelle. Toutesfois la chose fut différée iusques à six jours apres, d'autant que les Brachmanes, ou deuins luy firent croire, que ce jour-là qu'elle leur auoit assigné, estoit infortuné, pource la prinse de la possession fut dilayée iusques à l'vnziesme de Septembre. Ce jour là l'Oboragiu enuoya le Capitaine de ses gardes, & la Roynie vne de ses Dames, qui mirent les Peres en la possession de ladite place, avec toutes les solennitez, qu'on a accoustumé de garder en tels actes. On fit vider peu de temps apres cinquante familles, qui s'estoyent là domiciliées, & aussi tost que cela fut fait le Peres entrèrent en possession; de façon que nostre Seigneur à maintenant dans le Royaume de Bisnaga, & en la ville capitale d'iceluy, vne maison, ou il est adoré & seruy. Ils attendoyent de jour à autre ce Prince, duquel nous auons parlé cy deuant, nommé Papa Ragi, pour luy demander encore vne place en ses terres, afin d'y bastir vne autre Eglise, comme il leur auoit promis. Le Deleuay, duquel aussi nous auons fait mention cy deuant, arriua à la cour en ce temps là, pour se purger deuant le Roy d'un crime, qu'on luy auoit imposé. Or iasoit que de premier abord il ne fut pas bien receu du Roy, toutesfois il fut bien tost remis en sa bonne grace. Cestui-cy donc retournant du Palais accompagné de cinq cens harquebusiers rencontre en chemin les Peres, & les ayant saluez fort courtoisement regarde les Brachmanes, qui estoient là presens, & s'adressant à eux. Voylà (dit-il) les Peres, qui sont venus pour bastir des Eglises; apprestez-vous; car il faut que vous soyez tous Chrestiens. Cela fit rire ses Courtisans, & donna au cœur aux Brachmanes. Tel estoit l'estat des affaires de la foy au Royaume de Bisnaga le 18. Septembre l'an 1599. selon les aduis,

La Roynie leur en donne vn proche du Palais royal.

Eglise fondée en la ville de Chandegry capitale de Carfinga

qui en furent enuoyez au mesme temps. Que si Dieu donne vn bon succez à des commencens si heureux, nous pouuons esperer la conuersion de beaucoup d'ames dans ce grand Royaume.

*D'VNE MISSION OV VOYAGE, 2^{VE}
deux Peres de la Compagnie de Iesus firent au Royaume de
Bengala, & ce qu'ils y aduancerent pour
le diuin seruice.*

CHAPITRE XXIII.

*Bengala
Royaume
& son e-
stendue.*

BENGALA est vn grand Royaume situé par delà le fieuue Ganges, duquel il est borné à son couchant. Ptolomée parlant de ce Royaume l'appelle Gange, paraduanture pour cause de ce fleuue qui l'arrouse. Son estendue le long de la mer, qui le baigne vers le Midi, est de quatre-vingts lieuës, ou de six vingts, comme disent aucuns, bien que d'autres en y mettent deux cens. Je croy que cela vient de la diuersité des lieuës. Quoy qu'il en soit il commence du costé d'Occident aux Palmerines, & vient aboutir au Royaume de Ranu, ou est le grand port, & la ville de Chatigan vers l'Orient. Tout ce grand golfe de mer, qui est entre les caps de Commori & de Sincapura, est appelé du nom de ce Royaume, le golfe de Bengala: parce que c'estoit, n'a pas long temps, le principal de tous ceux qui sont situez sur ceste coste de mer, qui l'environne. Les habitans sont Gentils pour la pluspart, bien qu'il y a maintenant vn grand nombre de Sarrazins, mesme depuis qu'iceux s'estans meslez parmi les Gentils, se souleuerent, & s'emparerent de ce Royaume: ce qui aduint vn peu apres que les Portugais eurent commencé de nauiger en l'Inde. Toutesfois ils ne jouyrent pas long temps du bien mal aquis. Car le grand Mogor leur courut sus, avec vne puissante armée, & apres auoir tué le Tyran, qui s'estoit vsuré ceste Region avec les principaux chefs de son party, il laissa le gouuernement de ce Royaume entre les mains de douze personages: lesquels ayans fait secrettement vn complot, subjuguèrent ceux de Mogor, & sont à present fort puissans Seigneurs, principalement ceux de Siripur & de Chandecan; mais par dessus tous le Masandolin ou Maasudalin, comme quelques vns l'appellent. Le Roy d'Arracan en occupe aussi vne partie, mesme ce qui est sur les confins, vers le grand port, ou est Chatigan. De ces dou-

*Ceux qui
le possè-
dent.*

ze Seigneurs, qui tiennent ce Royaume, les neuf sont Mahometans, ce qui empesche beaucoup le progres de la foy. Les Portugais ont quelques places en ce Royaume, & plusieurs d'iceux habitēt, là & les autres y vōt trafiquer: car elles sont d'ordinaire sur le riuage de la mer. Le pays est tres-fertile en viures: il porte sur tout grande quantité de ris. Car outre la prouision necessaire du Royaume, l'on en tire tous les ans force nauires chargez, qu'on meine en diuerfes contrées de l'Inde, qui n'en sont pas si bien pourueës. L'on y amasse encore force gingembre, sucre, & sur tout, grande quantité de cottō, duquel ils font des belles toiles, & autres accoustremens fort propres, qui se vendent par toute l'Inde, & mesmes en Portugal. L'on trouue en ce pays des ciuettes, & beaucoup d'animaux farouches nommément des Rhinoceros, qui sont fort estimez, à cause que non seulement la corne qu'ils ont sur le nez, mais encores leurs ongles, la chair, & le sang seruent contre le venin. Il y à pareillement force lezards, qui sont aussi grands que des Crocodiles: & des Tygres encores, si affamez mesme de chair humaine, que personne ne le pourroit croire qu'avec difficulté, s'il ne l'auoit veu. Ils poursuyuent vn nauire le long de la coste de la mer plus de vingt lieuës, pour deschirer quelqu'un, qui aura mis pied à terre: De nuit ils sautent dans les barques pour emporter quelqu'un de ceux qu'il y aura dedans. Sur quoy je raconteray vn fait, qui arriua durant que les nostres, qui escriuent ceci, estoient en Bengala. Vn esclau Negre ayant songé qu'un Tygre l'emportoit; la nuit suyuant il se va cacher sous la prouë du vaisseau, ou il estoit embarqué. Son maistre luy demande pourquoy il changeoit de giste, lors il luy racōta son songe, qui fut la mesme nuit verifié. Car vn Tygre sauta dans la barque pédant que tous dormoyent, & laissant les autres, qui estoient plus de trentē, s'en va prendre par le caueau de la prouë ce miserable negre, & l'emporta par les flācs. Mais vn autre l'eschappa bien aussi belle, par vne particuliere prouidence de Dieu. Car estant dans vne barque assez pres du bord, voila vn Tygre, qui s'en vient droit à luy du costé de la terre, & vn Crocodile du costé de l'eau. Le Tygre se voulant le premier saisir de la proye, saute si legerement, qu'il passa par dessus l'homme, & alla tomber sur le bord du batteau, ou arriuoit le Crocodile, dans la gueule duquel il fut receu, & de ceste sorte le pauvre homme, qui estoit poursuyui de tous deux, eschappa de l'un & de l'autre. Les Bengalois craignent merueilleusement ces Tygres, & de peur

sa fertilité, & ce qu'il y a de rare.

*Tygres
extremement
affamez de
chair humaine.*

*Histoire
remarquable.*

*Provi-
de
de
Dieu.*

qu'ils en ont, ne les osent nommer de leur nom, pensant qu'ils viendront tout aussi tost les deuorer. Mais en cecy la diuine prouidence se monstre grandement merueilleuse, car elle à créé parmi ces bestes sauuages vn animal, qui n'est pas plus grand qu'un petit chat, appelé Peua, lequel, si tost qu'il descouure vn Tygre, le suit à la trace, iappant apres lui sans cesser, afin que les hommes, & les autres animaux soient par ce moyen aduertis de se retirer. Et de ceste façon il arriue souuent, que ne pouuans rien attraper, ils meurent de faim. Voila ce qu'en escrit le P. Pimenta.

*Ganga ou
Ganges
fleuve
fort esti-
mé des
Gentils
en l'Inde
& pour-
quoy.*

Mais pour retourner à nostre propos, ce qui fait plus renommer & hanter le Royaume de Bengala, principalement des Gentils, c'est le fleuve Ganges: car ils estiment que son eau à puissance de lauer non seulement le corps, mais aussi l'ame de tout peché. De sorte qu'ils en enuoyent querir de plus de six cens lieues loing, & y a des gens qui en font trafic, comme d'autres machadises. Car ils croyent fermement qu'estans laués de ceste eau vn peu auant leur mort, ils s'en vont tout droit au ciel, ou bien mesmes, si apres leur trespas ils sont enseuelis pres de ce fleuve, ou que leur corps, ou les cendres d'icelui, y soient jettées dedans. A ceste cause plusieurs grands Seigneurs ont fait bastir leurs sepulchres sur le bord de ceste riuiera, quelques autres mandent en leur testament qu'on y apporte leurs cendres, & qu'elles soient jettées dedans. Il aduint à ce propos enuiron l'an 1594. ainsi que nos annales tesmoignent, que la Royne de Cochin estât proche de la mort conjura son fils le Roy de Cochin, de lui faire ce dernier office, à sçauoir, qu'il allast lui mesme jeter de sa propre main dans le Gange les cendres de son corps, apres qu'il seroit bruslé. Ce que le fils executa fidelement, se desguisant en pelerin, afin qu'il ne fut pas reconnu, & passat avec plus d'assurance par les terres des autres Rois. Nous auons aussi dit cy deuant, comme les Gentils vont en pelerinage jusques à ce fleuve, mesmes du Royaume de Canibaya, qui est le dernier de l'Inde, vers l'Occident; de façon qu'on y trouue quelquefois plus de cinquante mille personnes, qui vont là pour se lauer: & les Seigneurs des terres, ou ils se baignent, leur font payer certain tribut, d'ou ils retirent vn grand reuenue.

*Joseph
August.
Hieron.
voyez Pe-
terius. li.
3. in Gen.*

Il en y a qui estiment que ce fleuve est celui que l'Escripture sainte appelle Phison, l'un de ceux, qui sortoient du Paradis terrestre; combien que d'autres tiennent le contraire. Quelques vns racontent vne chose à ce propos, d'un certain Roy de Bengala,

lequel ayant ouy dire, que ce fleuve sortoit du Paradis, enuoya des gens pour nauiger à mont contre le courât de l'eau, afin de le trouuer. Ceux-ci estans arriuez à vn endroit ou le fleuve couloit fort doucement, sentirent, comm'ils disoient de tres-soüefues odeurs, & vn air merueilleusement plaissant & gracieux de façon qu'ils pensoient estre bien pres de ce lieu tant agreable,, mais comm'ils s'efforcoient pour y paruenir, ils trouuerent qu'ils se peinoient en vain, & n'aduançoient point de chemin, bien que le courant de l'eau fut fort doux, tellement qu'ils s'en retournerent en leur país & raconterent au Roy ce qui leur estoit arriué. Mais je tiens ceci pour fabuleux, à cause que l'on sçait bien, que la source du Ganges est au mont Caucaze, quinze lieuës loing de celle du fleuve Indus, ainsi que nous auons dit cy dessus, & les aucteurs tant anciens que modernes tesmoignent. Mais laissons à part ces choses, pour traicter de ce qui appartient à nostre subject.

L'an 1598. le P. Nicolas Pimenta estant Visiteur des Colleges ou maisons de la Compagnie de Iesus en l'Inde, enuoya deux Peres d'icelle en ce Royaume là, sçauoir est, le P. François Fernandez & le P. Dominique Sosa, pour ayder par les fonctions propres de nostre institut, les Portugais habitans de ce Royaume, & par mesme voye regarder, s'ils y pourroyent auoir entrée, pour prescher aux Gentils, & autres Infideles la foy de IESVS-CHRIST. Ils partirent de Cochin le 3. de May l'an 1598. dans vn Nauire Bengalois, qui tenoit ceste route, & deuoit aborder à vn haure, qu'on appelle le petit port, qui est vn des plus fameux de Bengala. Mais ils ne firent point ce voyage sans peur. Car n'ayans encore perdu de veüe les nauires de Cochin, ils vont rencontrer vne Galere de Courfaires Malabares, qui sembloient vouloir les attaquer; mais voyans que ceux du nauire se disposoyent pour combattre, ils les quitterent. Apres qu'ils eurent laissé à dos l'Isle de Ceilan, comme ils furent vis à vis de Negapatan, voicy vn vent impetueux, & violent à merueilles, qui leur donna subitement à trauers, & frappa de telle roideur la voile du nauire, qu'il le fit renuerser d'vn costé: de maniere qu'il faillit bien peu d'estre abyssiné dans les flots. Il demeura l'espace d'vne demie heure ainsi courbé d'vn costé faisant eau, tellement que ceux du nauire auoyent grande peur, qu'il ne vint à s'enfoncer du tout. Se voyans donc en tel danger, chacun d'eux se retire à l'oraïson & priere, se recommandant à Dieu & se disposant par la confession, à bien mourir. Mais outre les vœux par-

*Jeû Gon-
zales de
M. ndo-
za en son
histoire de
la Chine.
2. part.
chap. 23.*

*Deux Pe-
res de la
Compag-
nie sont
enuoyez
en Ben-
gala.*

*Encourûs
de grands
dangers.*

ticuliers, on en fit vn public, & commun; qui estoit de consacrer & dedier la voile de deuant à la vierge Marie. Car de ladicte voile dependoit toute leur esperance, quant aux remedes humains. Cependant les vents souffloient d'une violence si grande, qu'ils faisoient esleuer en haut les flots, de maniere, qu'il leur estoit aduis à tout propos debuoir estre engloutis dans ces profonds gouffres d'eau. Ils furent l'espace de trois iours entiers en tel esmoy. Mais à la parfin Dieu leur enuoya le beau temps, avec lequel ils poursuirent heureusement leur chemin, iusques à l'emboucheure du fleuue Ganges: là où ils encoururent vn autre grand danger. Car sur l'emboucheure de ceste riuere, il y a tout plein de bancs de sable, que les Nautoniers appellent bras, fort dangerenx à passer. Nauigeans donc en grand soucy pour crainte qu'ils auoyent de donner contre ces esceuls, ils vont tomber au danger, qu'ils redoutoyent, s'estans vn peu destournez du canal. Mais Dieu les deliura encore ce coup, si bien qu'ils arriuerent au petit port, dixhuiët iours apres leur depart de Cochîn.

*Arriuent
au petit,
port,
& de là
à Gullo
en Bengala.*

Delà ils voguent encore huiët iours à mont le fleuue, pour arriuer à Gullo, qui est vn port distant de l'emboucheure du Ganges quelques cinquante lieuës sur le bord du mesme fleuue, là où les Portugais ont vne peuplade habitée de plusieurs de leur nation. En ce lieu il y a vne Eglise fort deuote dediée à nostre Dame, à laquelle ceux du Nauire auoient fait veu de consacrer la voile de deuant, comme a esté dict; & lors apres auoir esté deliurez, ils luy apportèrent le prix que valoit ladicte voile, parce qu'ils auoyent besoing d'icelle; & l'argent profitoit autant ou plus à l'Eglise. Les deux Peres estans arriuez en ce lieu furent accueillis, avec vne grâde amour & lieffe tant des Portugais, que des autres Chrestiens originaires. Ils leur baillerent aussi tost deux maisons bien garnies pour se loger, & les pourueurent de tout ce qui leur faisoit besoing. Vne grande troupe de petits enfans vint au deuant d'eux pour les bienveignier mesmes au port, les prians instamment de les vouloir instruire, car ils n'auoyent aucun qui les enseignat: & pource ils perdoient leur temps ne faisans tout le iour que biganauder, & aller à la debauche. Les Peres leur disoyent qu'ils ne deuoyent pas s'arrester là longuement, & partant qu'ils ne pouuoient entreprendre la charge de les instruire. Mais les enfans ne prenoient pas ceste raison pour payement, ains les en importunoient tellement, qu'ils ne bougeoient de tout le iour d'aupres d'eux. Brief ils les presserent

tant, qu'ils furent contraints en fin de leur laisser vn de ceux, qui les
 auoit accompagnez, & escriuoit assez bien, auquel ils baillerent
 charge de cest' eschole. Cependant eux deux se mettent incontine-
 nent à estudier la langue Bengaloise; Mais il y auoit vne grande in-
 commodité, c'est qu'ils ne trouuoient personne, qui la leur peut *Moyens
propres
pour in-
struire en
brieff tout
vn peuple
en la foy.*
 apprendre, parce que ceux qui scauoient parler ceste langue, n'en-
 tendoient pas la Portugaise, ou au cōtraire: si est-ce qu'en fin le P.
 Fernand ayant composé en Portugais vn petit traicté, auquel il
 declaroit les principaux mysteres de la foy Chrestienne, & confir-
 moit la verité d'iceux, refutant les opinions & superstitions des
 Gentils & Mahometains, le P. Sofa son compagnon le fit traduire
 en Bengalois, & s'en seruoit prou dextrement, quand il parloit aux
 Gentils. Outre ce le mesme P. Fernand composa vn petit Cate-
 chisme en forme de dialogue, qui fut aussi traduiët en Bengalois,
 afin que les enfans, qui venoyent à l'eschole, l'appriussent par cœur,
 & l'enseignassent par apres aux esclaués, ou seruiteurs & seruantes
 de leur maison; ce qu'ils firent avec vn tel fruiët, que dans peu de
 temps tous ceux de ceste peuplade eurent apprins la doctrine
 Chrestienne. Le mesme P. preschoit tous les Dimâches au matin à
 la grâde Eglise, & son cōpagnon le P. Sofa sur le tard faisoit le Ca-
 techisme avec vn tel concours, que l'Eglise estoit tousiours
 pleine de gens. Le bien qui reüssit de tels & autres semblables ex-
 ercices ne fut pas petit. Car il y en eut plusieurs, qui firent vne *Le fruiët
qu'ils fi-
rent en-
uers les
Portu-
gais de
Gullo.*
 bonne confession generale de toute leur vie passée: beaucoup de
 soldats, qui ne viuoient auparauant que de voleries & larcins, de-
 stroussans tous ceux, qui montoyent & descēdoient par la riuere,
 furent retirez d'vn tel brigandage; & commencerent à mener vne
 meilleure vie. Quelques vns furent persuadez d'abandonner les
 occasiōs de peché & d'en r'enuoyer celles desquelles ils abusoient:
 d'autres furent mariez avec celles qu'ils ne vouloient laisser: brieff
 on recogneut en tous vn grand amendement, & vn desir ardent de
 faire leur salut. Or ce dequoy principalemēt les Peres se prirent
 garde, dès qu'ils arriuerent là, fut la necessité, qu'il y auoit d'y bastir
 vn hospital. Car ils voyoient les pauures malades tant Chrestiens
 que Gentils abandonnez de tout le monde, rendre l'ame parmy les
 champs; & leurs ch'rognes estre deichirées & deuorées par les
 bestes sauvages; Ce qui leur causoit vn grand creuecœur. Mais
 ceux desquels principalement on auoit besoing, pour acheminer
 ceste bone œuvre, s'opposèrent pour quelque temps à icelle. Tou-

*Hospital
fondé à
leur soli-
citation.*

tesfois apres qu'on leur eut remonstré en vn sermon, qu'on fit des œuures de misericorde, & de l'aumosne, la necessité qu'il y auoit en ce lieu, d'un hospital, ils se laisserent gagner: tellement qu'en peu de temps l'on amassa beaucoup d'argent, dont fut acheptée vne maison en vn lieu fort cōmode, & oultre ce meublée, & pourueuë de tout ce qui estoit necessaire pour vn an. L'on cōstitua deux Oeconomones, pour le gouuernement d'icelle. L'un Portugais, l'autre Indien: lesquels debuoiēt estre chāgez chascue moys en personnes de mesme qualité. Pendant leur demeure en celieu, il mourut en c'est Hospital vne trentaine de pauures, la pluspart desquels estans auparauant Payens ou Sarazins, se rendirent Chrestiens auant que partir de ce monde, sans mettre en ligne de compte plusieurs enfans & filles, qui n'auoyent encore attainct l'aage de dix ans, lesquels moururent aussi apres auoir receu le baptême; si que dans peu de temps cet Hospital fut cause a plusieurs de gagner la vie eternelle. Or auant que nos Peres partissent d'icy le Curé du lieu, homme fort zelé au salut des ames, print charge de cet hospital, & de ceste sorte ils esperoient que la chose seroit de plus longue durée, moyennant l'ayde de Dieu. Apres donc qu'ils eurent de-

*Ils partirent
de Gullo
pour aller
en grand
Port.*

meuré en ce lieu, depuis la fin de May iusques au commencement d'Octobre, qui est la fin de l'hyuer en ce pais là, ils partirent pour s'en aller à vn autre lieu qu'on appelle le grand Port, bien que ce ne fut pas sans regret des habitans de Gullo, qui tesmoignerent assez leur tristesse par les larmes, qu'ils espandoyent à leur depart, & les prieres & obtestations, qu'ils leur faisoient de vouloir encore demeurer là, ou à tout le moins leur promettre d'y retourner en Carême, s'offrans de leur enuoyer vn nauires tout expres, & tout ce qui seroit de besoing pour les aller querir. Mais eux ne sçachans pas les affaires, qu'ils rencontreroient au lieu, où ils debuoyent aller par ordonnance de leurs Superieurs, ne leur oserent rien promettre, bien qu'ils leur donnerent bonne esperâce de les reuoir au retour. Ils se mettent donc à la voile, & tirēt droiēt au grand port.

*S'arrestent en
chemin au
Royaume
de Chandecan.*

Mais auant qu'y arriuer, ils vont en passant mouiller l'anchre au Royaume de Chandecan, là où les Portugais ont aussi vne demeure, parce que le Roy de Chandecan auoit inuité les Peres par lettres, lors qu'ils estoient encore à Gullo, de venir à son Royaume. Les Portugais aussi, qui se tiennent là, les auoyent fort priez, tant par lettres que par messages, de les aller veoir; d'autant que, depuis deux ans, ils n'auoyent eu aucun Prestre, pour leur dire la Messe, & administrer

administrer les Sacrements: qui fut cause, qu'ils allerent deuers eux, & y furent accueillis avec vne ioye incroyable. Dans vn mois qu'ils s'arresterēt là, ils les entēdirent tous en confession, & les mirent par la grace de Dieu tous d'accord, jasoit qu' auparauant ils fussent presque tous appointez contraires, & en grande dissension. Plusieurs en renuoyerent leurs concubines, il y en eut encore, qui se marierent legitimement avec elles. Ils baptizerent icy quelques deux cents personnes, partie serfs & esclaués des Portugais, partie de cōdition franche & libre. L'on s'estonnoit fort de veoir qu'ils faisoient tout cela gratuitement, & ne vouloyent pas mesme recevoir les chandelles de cire, & quelques petits presens, qu'ils ont accoustumē d'offrir lors, qu'on leur donne le Baptisme. Plusieurs Indiens, qui auoyent autresfois embrassē la foy Chrestienne, mais s'en estoient fuyz par apres de leurs maistres es pays des infideles, si tost qu'ils entendirent le bruit, qui couroit par tout, de ce que les Peres faisoient, s'en vindrent vers eux pour estre recōciliez à l'Eglise, lesquels ils receuoient à penitence fort amiablement, & charitablement. Que si quelqu'un d'iceux auoit amenē sa concubine, ils les marioient ensemble, & baptisoient leurs enfans. Le Roy de Chandecan ayant esté aduertiy de leur arriuee enuoya incontinent vn message pour les bien-veigner de sa part, & les fit conduire à son palais, là où il les receut fort hōnorablemēt, & leur donna grāde esperance, qu'il feroit en faueur des Chrestiens, beaucoup de choses vtilés, & profitables, pour l'aduancement de la foy. Apres qu'ils se furent retirez à leur logis, il leur enuoya quelques presens à la façon du pays, comme de riz, de burre, de succre, & quelques cheureaux. Eux pour ne paroistre inciuils, accepterent vn cheureau tant seulement, & renuoyerent le reste; le remerciens de la bonne affection, qu'il leur mōstroit, & alleguans, qu'ils n'auoyent besoing de tant de prouisions. Quelque temps apres le Roy les pria de vouloir faire leur demeure en ses terres: & leur donna des lettres patentes, par lesquelles il leur assignoit certaine somme d'argēt, pour acheter le sol & fonds, ou l'on voudroit bastir vne Eglise, & des terres tout aupres pour la nourriture de ceux, qui la seruiroyent, avec vn logis pour leur demeure. Il y adiousta encore grāde quantité de sel, & cinquante muids de cire, le tout pouuoit reuenir à six cents escuts de rente ou d'auantage. Nos Peres firent le choix d'un beau champ sur l'orée du fleuue Ganges, pour illec bastir l'Eglise & la maison, ou lon puisse loger & recevoir les Chrestiens, qui

*Leur dōne
congē &
moyen de
bastir vne
Eglise, &
de de-
meurer là*

abordent là de tous costez. Le Roy approuua ce choix, & aussi tost fit vuyder quelques Mogoles & Patamiens, qui l'occupoyent. Il promit encore de faire là bastir à ses propres cousts, & despens vne Eglise, qui seroit la plus belle de tout le Royaume de Bengala. Il bailla pareillement des lettres Royaux, par lesquelles il leur dōnoit congé de prescher l'Euangile en ses terres, & de baptizer tous ceux, qui voudroyent estre Chrestiens, avec plusieurs priuileges pour le bien & profit d'iceux. Mais d'autant que les Peres n'auoyent pas charge de leurs Superieurs, de venir en ce lieu, ils n'oserent pas promettre au Roy de s'y venir tenir: toutesfois pour ne perdre vne si belle occasion, voyans que nostre Seigneur leur ouuroit la porte en ce Royaume, pour y annōcer sa sainte foy, sans qu'ils y pensassent, afin de maintenir le Roy en sa bonne volonté, ils luy firent entendre, comme ils auoyent commandement de leur superieur, d'aller voir comme les affaires se portoyent à Siripur & à Chatigan (qui sont deux autres demeures, où les Portugais se tiennent, sises auprès du grand port) & qu'apres auoir veu l'estat des affaires en ces lieux, & aduertir leurs Superieurs de tout, qu'ils obeiroient à ses commandemens, & s'en retourneroyent au plustost en son Royaume. Ils esperoyent qu'il y auroit vne belle moysson, si on y pouuoit enuoyer beaucoup d'ouuriers pour la cueillir. Car ces gens sont assez dociles, & le país est si grand, que pour aller d'un bout à l'autre il faut nauiger l'espace de 15. ou 20. iours, auant qu'en pouuoir sortir. Es bois & forests d'iceluy s'amasse telle quantité de cire, que les marchans en portent d'icy par toute l'Inde. Ce lieu aussi est fort commode, pource qu'il est entre le petit & le grand port, quasi au milieu du chemin, tellement qu'ayant logis en ces 3. lieux, on pourra courir par tout ce grand Royaume de Bengala fort aisement. Partis donc qu'ils furent de Chandecan, ils arriuent au mois de Decembre à Siripur, qui est vne demeure des Portugais des appartenances du grand port, là où ils furent receus, comme s'ils eussent esté des Anges venus du Ciel: car les habitants de ce lieu estoient en grand trouble & destresse, à cause qu'un nouveau Capitaine de la forteresse qu'ils ont là, estoit arriué peu auparauant. Or il auoit esté excommunié par l'Euesque de Cochin avec tous ses adherans. Ce qui auoit causé de grands tumultes parmy ce peuple. Et jaçoit que les Peres fussent venus avec resolution de ne se mesler point en cet affaire: toutesfois il ne leur fut possible de s'en abstenir du tout. Car ils estoient contrains de respondre à

*Ils ne
l'acceptent
pas du
tout &
pourquoy*

*Arriuent
à Siripur
forteresse
des Por-
tugais en
Bengala.*

ceux qui les interrogoyent des choses de leur conscience : ce qui offensa ledit Capitaine, lequel pensoit pouuoir estre libre des censures, qu'il auoit encouru, par leur absolution, mais ils luy firent entendre le contraire. Bien tost apres qu'ils furent à Siripur le Prince Gentil de ce país là, qu'on nomme Cadaray, les enuoya querir; y estant allés en compagnie de plusieurs Portugais, il les receut fort humainement, & apres leur auoir tenu plusieurs propos, declarant l'affection grande qu'il leur portoit, en signe de bienueillance il leur donna des feuilles de betele pour mascher. Eux le remercièrent bien fort de l'affection qu'il leur monstroir: Mais luy non content de cela, leur offre toutes ses terres, pour y pouuoir prescher l'Euangile, donnant congé à ses vassaux de se rendre Chrestiens. Outre ce il leur fit despescher des lettres patentes, par lesquelles il leur donnoit six cents escuts de reuenu tous les ans, & leur dict qu'ils cherchassent quelque lieu propre, pour y bastir vne Eglise: car il vouloit fournir tout ce qu'il seroit de besoing, pour la bastisse d'icelle. Il donna à leur requeste force priuileges, pour ceux qui se rendroyent Chrestiens, tellement qu'on y espere en brieſ vne grande conuersion d'infideles, moyennant l'ayde de Dieu. Quant aux Portugais, ils commencerent à leur faire quelques sermons, lesquels estoient escoutez fort attentiuement, & avec grand concours d'iceux, brieſ ils esperoyent y faire vn tresgrand fruct. Quelques Princes Gentils esmeus du bruit qui couroit des predications qu'on faisoit, quelquesfois s'en venoient à l'Eglise, pour les ouyr: & jaçoit qu'ils ne se cōuertissent pas tout à fait, neantmoins ils demeuroyent tous ravis en admiration, entendans les mysteres de nostre foy: de sorte, qu'ils la louoyent & prisoyent grandement, estimans qu'il n'y auoit rien de pareil, ny chose si honneste, que les commandemens de la loy Chrestienne.

De Siripur ils passerent à Chatigan, qui est le nom de la ville, si-tuée au grand port. Arriuez qu'ils furent là, ils declarent aux principaux de la ville, l'occasion de leur venue n'estre autre que pour administrer les Sacremens & la parole de Dieu, tant aux Portugais de ce lieu, qu'aux autres Chrestiens originaires, & pour amener à la cognoissance de la foy, les Infideles, qu'ils pourroyent gagner. Ce qu'entendans, ils respondent tous vnanimement qu'en nulle part du Royaume de Bengala, se pouuoit faire plus de profit en la conuersion des Infideles, que là, & generalement és terres du Roy d'Arracan, & des Moges: mais que le Roy d'Arracan estoit allé à

la guerre du Pegu, d'où estant de retour, ils tenoyent pour tout asseuré, qu'il leur donroit puissance de prescher l'Euangile en ses terres, & leur feroit plus de faueurs, qu'ils n'auoyent receu d'aucun autre Prince, ou Seigneur de Bengala. De façon qu'il y auoit trois portes ouuertes à l'Euangile en ce Royaume là, sur le commencement de l'an 1599. Le P. Nicolas Pimēta, ayant entēdu de si bonnes nouuelles enuoya deux autres Peres, c'est à sçauoir le P. Melchior de Fōnsēca, & André Boues, pour ayder les autres deux à vne si sainte entrepr̃se. Et au supplement de ceste histoire, nous dirons (Dieu aydant) ce que les vns & les autres exploiterent pour le seruice diuin en ceste mesme contrée, apres ce qui a esté maintenant raconté.

*DU ROYAVME DE PEGU IADIS
tres-florissant & opulent: & comme il a esté reduit à vne
extreme pauureté & misere.*

CHAPITRE XXIIII.

LE Royaume de Pegu, suit bien-tost apres celuy de Bengala, sur la mesme coste de la mer, tirant vers l'Orient. Il en y a qui estiment, que c'est le païs, que l'escriure sainte appelle Ophir, d'où lon portoit au Roy Dauid, & à son fils Salomon, grande quantité d'or, de pierres-precieuses, & d'un bois fort excellent & rare, (que l'escriure appelle Thyin) duquel furent faits les appuys & soustiens du temple, & du palais Royal. Je sçay bien qu'il y en a d'autres, qui ont opiniō, que c'est le Roiaume de Soffala, ou de Manomotapa: duquel nous parlerons (Dieu aidant) au 3. liure: quelques vns encore pensent que c'est le Peru, parce qu'en ces lieux, il y a force mines d'or. Mais ie tiens pour plus probable ce qu'en dit Gaspar Varrerius en vn liure qu'il a fait de la region d'Ophir, où il preuue par beaucoup de raisons, que c'est la Cherfonesse d'or, ou plustost toute ceste contrée qui comprend depuis le Pegu, iusques à Malaca, & l'Isle de Sumatra, qui estoit iadis (comme nous auōs dit au 1. liure) joincte avec la terre ferme, suyuant l'opinion d'aucuns. Mais ie ne veux pas m'arrester à debatre cecy: seulement ie diray, qu'en ceste region là, on trouue grāde quantité d'or, de pierres precieuses, & de bois fort odoriferant, & exquis, comme du Sandal; & du bois de l'aigle toutes lesquelles choses ensemble, il

3. Reg. 9.
C. 10.
1. Paral.
29.

*Si le Roy-
aume de
Pegu est
la Region
que l'es-
criture
appelle
Ophyr.*

est bien difficile de trouuer aux autres lieux. L'on a sçeu encore par le rapport d'un Pere de l'ordre de S. François, appelé Bonfer de nation François, qui demeura là quelques trois ans, pour essayer s'il pourroit reduire ce peuple à la foy de Iesus-Christ, que ceste natiõ, suyuant ce qu'il en auoit peu cognoistre, auoit prins son origine de quelques Iuifs bannis, lesquels ayans esté condamnez par Salomon à seruir aux minieres d'or, qu'il y auoit en Ophir, peuplerent depuis tout ce pays là.

• Au reste la terre y est tres-fertile, & porte grande quantité de grains, & autres viures. Elle est aussi arrousee de plusieurs riuieres. Entre autres il en y a vne, laquelle sort d'un lac appelé Ciamay; & auant que se descharger dans la mer, fait un grand circuit l'espace de cent cinquante lieuës. Le mesme fleuve à certain temps & saison de l'année se desborde à la façon du Nil, arroufant de ceste maniere bien trente lieuës es enuirs toute la pleine, & la fertilisant à merueilles. On y void encore beaucoup d'autres riuieres, qui portent force poisson: & tant à raison d'icelles, que du flux & reflux de la mer, il y a tresgrande commodité de trafiquer, & transporter d'une part, & d'autre tout ce qu'on veut. Mais les originaires du pays ont esté par cy deuant fort mescognoissans de tant de biens, qu'ils auoyent receu de la main liberale de leur Createur, & bien-fa-cteur. Car non seulement ils attribuoient l'honneur & le culte, qui luy est deu, aux Pagodes, ou, pour parler plus clairement, aux Diab-les, comme les autres Payens & Idolatres: mais encore estoient addonnez à vne infinité de pechez, & sur tout à la lubricité com-mettans des actes les plus vilains & detestables, qui soyent mesme cõtre la nature, sans aucune honte ou vergongne: tellement qu'on pouuoit bien dire de ceste nation, ce que l'Escripture sainte dict des habitans de Sodome, qu'ils estoient tresmeschiäns & tresgrands Gen. 13. pecheurs deuant Dieu. Et partant ce n'est de merueille s'ils ont esté chastiez de la façon que nous dirons cy apres. Ils auoient aussi des erreurs fort pernicieus & dommageables, lesquels il sera bon de coucher icy en brief, afin que les Chrestiens cognoissent mieux le grand bien, qu'ils ont receu de Dieu, estans esclairés de sa foy, & qu'ils soyent aussi par ce moyen incitez dauantage à ayder ces pauures auëglez, a tout le moins par leurs prieres: afin qu'il plaise à Dieu leur desfiller les yeux. Ceux donc, qui font estat d'estre les plus sçauans parmi eux, disent qu'il y a eu vne infinité de mondes, qui ont succédé l'un à l'autre de toute eternité, & consequemment

*Fertilisé
& riches-
ses du
Royaume
de Pegu.*

*Impieté
& meschä-
ceté des
habitans.*

vne infinité de Dieux. Car ils estiment qu'avec le changement du monde, il y a aussi changement de Dieu. Or en ce monde, qui est maintenant, il y doit auoir cinq Dieux (ce disent-ils) les quatre sont desia morts (car ils n'estiment pas cela desroger à la nature diuine) desquels le dernier est decédé il y à deux mille quatre-vingts & tant d'ans; de façon qu'ils sont maintenant sans Dieu. D'icy à quelques années ils en attendent vn autre, & apres le decez de cestuy-cy, le monde, qui est à present, perira par feu, puis il en reuiendra vn nouueau, qui aura pareillement ses Dieux propres & peculiers.

Trois lieux ou les Péguans pensant que les ames vont après la mort. Voila quelles resueries ils se sont persuadez. Ils mettent les hommes au rang des Dieux, pourueu qu'auparauant ils ayent esté transformez en toutes sortes & especes d'animaux, tant aquatiques, que terrestres, & aériens. Pour ceux, qui passent de ceste vie en l'autre, ils constituent trois domiciles: le premier, qu'ils appellent Naxac, est le lieu des tourmens; le second qu'ils nomment Scuum, c'est le Paradis, qu'ils s'imaginent quasi de mesme que les Mahometains: le dernier de tous est appelé d'eux Niban, qui signifie vne priuation de tout estre, & pour dire en vn mot vne annihilation tant du corps, que de l'ame. Ez deux premiers lieux, les ames (ce disent-ils) sont detenues pour vn temps, & puis se transportent en diuers corps, autant de fois, qu'il faut, pour estre bien purgées, & nettoyyes de leurs pechez: brief jusques à ce qu'elles meritent d'estre mises au Niban, c'est à dire, reduites à neant. Ces choses, & autres semblables sont creuës de ce peuple, avec telle opiniastrété, qu'ils estimēt n'i auoir autre doctrine au monde, vraye, que ceste-là: & tiennent pour tout assuré, que c'est vn forfait excrable, de prester l'oreille à ceux, qui publient toute autre loy, quand bien elle seroit enuoyée du ciel, & beaucoup plus d'y adjouster foy, & de l'embrasser. Et c'est ainsi que le Diable à de coustume d'environner ses tenebres d'vne telle espaisseur d'opinions absurdes, & d'obstination, afin qu'on n'i puisse porter la lumiere de verité. Tout ce que nous auons dict à esté rapporté par le susdict

Le Pere Bonser

Cordelier

François

de nation

d'en va au

Pegu pour

conuertir

les habitants à la

foy.

Pere Bonser Cordelier François, lequel estant allé aux Indes, & voyant parler de la grandeur, opulence, & richesse du Royaume de Pegu, comme c'estoit vn homme d'vne doctrine, & vertu non vulgaire, & sur tout fort zelé au salut des ames, il resolut de secourir ceste nation de tout son possible, & l'esclairer des rayons de la foy: tellement qu'estant parti de Goa pour ceste seule cause, il s'en va à la ville de S. Thomas, ou l'on trouue souuent commodité d'embar-

quement, pour aller au Royaume de Pegu. Là il print cognoissance & amitié avec le Vicaire de ladicte ville, avec le Pere Alphonse Cyprian de nostre compagnie, & semblablement avec plusieurs autres Portugais, par l'entremise desquels il fut receu dans vn nauire de charge, qui deuoit tenir ceste route, si qu'en fin il vint surgir (après auoir couru de grands hazards) à vn port du Pegu appellé Cosmi: là ou il s'arresta l'espace de trois ans, afin d'apprendre premierement la langue du pais, & puis pouuoir prescher la foy de Iesus-Christ aux habitans de ce Royaume. S'estant donc estudié soigneusement à sçauoir leur langue, & les opinions, qu'ils tenoyent, pour les pouuoir plus aisément refuter, & monstrier leur absurdité; il commence peu à peu à mettre en auant quelque propos de la Religion Chrestienne, leur faisant entendre, qu'il n'y à qu'un seul Dieu createur de toutes choses, & leur expliquant sommairement les autres principaux articles de nostre sainte foy. Or j'açoit que ces choses fussent declarées & preschées par ce bon Pere, avec grande ferueur & zele: toutesfois elles n'estoyent pas ouyes, ny receuës des Pegusiens avec pareille affection. Car les vns s'en gaboyent, les autres les mesprisoyent, comme si c'eussent esté des bagatelles, ou plustost des contes de vieille; les autres s'en offensoient grandement, tenans ceste doctrine pour tres-pernicieuse, & dommageable; brief il trouua les cœurs des habitans si obstinez, qu'il n'y eut jamais moyen d'y rien faire. Ce qu'il y aduança fut ayder spirituellement, les Portugais, & autres Chrestiens Europeans, qui trafiquoyent audict Royaume, leur administrant la parole de Dieu, & les saints sacremens.

*Il n'y
peut rien
faire pour
leur mes-
chanceté
& obstina-
tion.*

Quant au Pegusiens, voyant d'un costé qu'il perdoit son temps à les prescher, & de l'autre qu'il se trouuoit souuent en danger d'estre massacré d'iceux, sollicité par ses amis, mais principalement esmeu du commandement de Nostre Seigneur (qui dit, que si on ne veut receuoir la predication de son Euangile en quelque lieu, qu'on s'en aille autre part, secouant la poussiere de ses pieds, pour tesmoignage de l'obstination des habitans, & des mal-heurs, qui leur aduiendront) il resolut de partir de là, & s'en retourner en l'Inde. Ce qu'il fit enuiron l'an 1557. & des memoires qu'il laissa, tout ce que dessus à esté tiré. Depuis personne (qu'on sçache) n'y est allé pour ceste fin, jusques à l'an 1600. comme nous dirons au supplemant de cet oeuvre, combien que l'an 1598. le Pere Nicolas Pimenta estant visiteur des maisons & Colleges de la Compagnie,

Chine; le 12. & le dernier de tous ceux, qui furent conqueſtez par le Roy de Pegu, fut celuy de Sion. Et en ceſte guerre il mena *Richesſes & puiſſance du Roy de Pegu* dix cens ſoixante mille combattans, leſquels il print de tous ſes ſubjects, en telle ſorte qu'il en tiroit ſeulement de dix vn. Ce Roy *iadis.* regna l'eſpace de trente ſix ans, & durant ſon regne, le Royaume eſtoit ſi abondant en viures, que jaſoit qu'on en euſt tiré cent nauires pleins de ris, l'on n'eueſt pas cogneu pour cela aucune diminution, ny cherté plus grande. Le laiſſe à part l'affluence des autres marchandises, qui prouenoient, ou eſtoient apportées en ſes terres. Seulement je diray, qu'il y auoit ſi grande quantité de pierres precieues, que ſi quelqu'un eueſt voulu employer grande ſomme d'argent, pour en acheter, tant qu'il en eueſt peu amaffer ſeulement dans vn mois, il eueſt pluſtoſt manqué d'argent, que les pierreries ne luy euſſent manqué. Or ce Royaume jadis ſi florissant, ſi riche, & ſi puiſſant, eſt maintenant tombé en vne telle miſere, & pauvreté, qu'à peine trouue l'on en tout le Royaume vne ſeule perſonne: & lors qu'on eſcriuoit ces choſes, qui fut l'ã 1599. le Roy de Pegu, fils, & ſucceſſeur de celuy, qu'auons dict, eſtoit reduict à ſi petit pied, qu'il n'auoit qu'une fortereſſe, ou il s'eſtoit retiré, avec ſept mille de ſes ſubjects tant ſeulement, y compris les femmes & petits en- *Extreme miſere & calamité, ou il eſt tombé.* fans; là ou ils eſtoient en telle diſette & pauvreté, qu'ils eſtoient contraincts de manger de la chair humaine, pour ne mourir de male faim. Si que l'on en tenoit boucherie ouuerte, & (ce qui eſt encore plus horrible à ouïr) les peres & les meres maſſacroient leurs enfans propres, pour ſe nourrir de leur chair, & les enfans auſſi, quand ils pouuoient, en faiſoient autant à l'endroit de leurs pere & mere. Brief les plus puiſſans & robuſtes, ſe ruoyent ſur les plus foibles & debiles, & les ayans mis en pieces, faiſoient roſtir leurs mēbres, pour s'en ſaouler: que s'ils en trouuoient quelques vns, qui n'eueſſent que la peau & les os, conſumez de la faim, ils les tuoient neantmoins; & leur tiroient les poulmons, & le foye pour leur ſeruir de nourriture: & afin que rien ne ſe perdit, leur eſcraſoient la teſte, & mangeoient la ceruelle. Les femmes meſmes, choſe inouye ! deſpouillées de toute humanité, couroient les rues, comme des folles & enragées, pour la faim, qu'elles enduroient, & portoient des couteaux aux mains, avec leſquels elles tuoient les plus foibles, puis les mettoient en pieces, & ſe repaiſſoient ainſi de leur chair. Or l'occafion de la deſolation, & ruine de ce Royaume fut telle.

*L'occasion
de sa per-
te.*

Le Roy Brama, qui auoit tant conqueſté de Royaumes, eſtant decedé, laiſſa l'empire à ſon fils, qui viuoit durant ceſte grande calamité, lequel ayant prins en main le gouuernement de ce grand eſtat, deux mois apres, qu'il fut inſtalé au thronne Royal, il entendit que ſon oncle, le Roy d'Aua, ſe vouloit reuolter contre lui (car il eſtoit ſon vaſſal) y ayant avec lui quarante des plus grands Seigneurs du Royaume de Pegu, qui trempoient tous en la meſme conſpiration; & lui preſtoient la main ſecretement. Ce jeune Roy ayant ſçeu toutes leurs menées, fait prendre priſonniers ces quarante Seigneurs, jacoit qu'ils euſſent fait beaucoup de ſeruices à ſon pere, meſmes en la conqueſte du Royaume de Sion. Et non content de ce, il fit encore faiſir leurs femmes & enfans, leurs pa-

*Cruauté
grande du
Roy de
Pegu.*

rents, amis, & allies, & avec vne cruauté inouye, les fit enclorre dans vne foreſt, enuironnée de tous coſtez d'eſpines, & de bois ſecs; ou il commanda tout auſſi toſt de mettre le feu, qui conſomma miſerablement ces pauures gens, tant coupables que innocens: que ſi quelqu'un eſchappoit le feu, il n'eſchappoit pas le glaive. Car il auoit mis tout à l'entour force ſoldats, auxquels il auoit commandé d'apprehender tous ceux, qui ſortiroient du bois, & les trancher par le milieu, ſans pardonner à perſonne. Les Peguſiens ayans veu vn ſi cruel ſpectacle deuant leurs yeux, furent fort alienez de leur Roy; tellement qu'ils ne lui obeyſſoient, que par force & à regret. Ce qu'il cogneut bien, lors meſmement, qu'il alla faire la guerre contre ſon oncle le Roy d'Aua; car ils ne lui aſ-

*Aliene
ſes ſubiectz
de luy.*

ſiſtoient pas avec telle volonté & affection, qu'ils auoyent faiſt à ſon pere, ains comme à contrecœur. Dequoy s'eſtât apperceu & voyant de l'autre coſté, que le Roy de Sion entroit dans ſes terres avec vne puiffante armée, il ſe delibera de mettre fin au pluſtoſt à ceſte guerre: offrant le duel à ſon oncle, avec telles conditions, qu'ils choqueroient tous deux ſeuls, montez ſur leurs Elephans & que celui, qui tueroit l'autre, emporteroit auſſi ſon Royaume. Ces conditions acceptées & d'une part & d'autre, ils ſe combattēt à ou-

*Combat
en duel
contre ſon
oncle, &
le tue.*

trance: & en fin le Roy de Pegu demeura victorieux, ayant mis à mort ſon oncle, tellement qu'outre la vie, il lui emporta le Royaume. Mais il n'eſchappa pas pour cela les malheurs, qui pendoient à ſon oreille: car le Roy de Sion voyant que ces deux Roys de Pegu, & d'Aua, ſe faiſoient la guerre, print ceſte occaſion, pour ſecouër le joug du Peguſien, & aſſembla viſtement vne groſſe & puiffante armée, avec laquelle il paruint juſques aux frontieres de ſon

Royaume à vn bourg appellé Satan , faisant cependant courir vn bruit , qu'il venoit pour secourir son souuerain , le Roy de Pegu , comme son fidele vassal & seruiteur. Arriué qu'il fut à trois lieues de la ville capitale de tout le Royaume , nommée Pegu, à la mode *Le Roy de Sion veut cepédant enuahir son Royaume.* des Indes, il enuoye vn trompette aux habitans, pour leur faire entendre, qu'il ne venoit à autre fin, que pour ayder le Roy , & leur enuoyoit declarer cela , afin qu'ils ne prinsissent pas l'alarme. Cela faisoit-il pour les amuser finement, afin qu'il les attrapast lors, qu'ils y pensetoient moins : car il sçauoit bien que dans la ville y auoit vne bonne garnison de soldats , & trois gouuerneurs , à sçauoir le Prince fils aîné du Roy, le Gouuernant, ou Grand maistre d'hostel d'iceluy , & le Surintendant des estrangers , tous trois avec pareil pouuoir. Le Roy de Pegu ayant sçeu la venue de celuy de Sion, en fut si fâché, qu'il depesche tout incontinent vn de ses Capitaines, ou Mareschaux de camp , avec vne bonne partie de son armée, commandant de saisir au corps le Sionnois, & le lui amener pieds, & poings liez. L'autre voulant aller executer ce commandement fut laissé en blanc par ses soldats: lesquels considerans l'inegalité des forces, n'esperoient pas pouuoir conduire à bon port ceste entreprinse: parce que le Roy de Sion estoit venu avec vne grande puissance, tellement qu'ils se retirerent tous à leurs maisons, sans faire cas ny du commandement du Roy, ny de leur Capitaine. Le Roy de Pegu entendant ces nouuelles, s'expedie le plus viste qu'il peut de la guerre, qu'il faisoit à son oncle le Roy d'Aua, de la façon qu'auons dit: & soudain qu'il eut mis fin à icelle, il rebrousse chemin vers la ville de Pegu, à demi enragé , & forcené de cholere. Y estant arriué, il enuoye vne Ambassade au Roy de Sion, le priant avec douces & amiables paroles, qu'il s'en vint le trouuer ; l'autre fait responce, qu'estant venu là volontairement, & sans en estre requis, pour l'aider & secourir contre ses ennemis, il auoit receu fort mauuais accueil de ses Capitaines, ou Lieutenans, & qu'il ne pouuoit penser que ce ne fut par son commandement : recognois-*Ruses des Princes.* sant par là, que sa Ma^{esté} lui en vouloit, sans toutesfois lui auoir donné occasion de se mescontenter de soy ; partant qu'il la sup-
plioit de ne trouuer pas mauuais, s'il ne lui alloit faire la reuerence, car il estoit resolu de ne cōparoistre jamais plus en sa presence: neantmoins qu'il lui payeroit tousiours le tribut, & obeyroit à ses commandemens quant au reste. Le Roy de Pegu ayant receu ceste responce, ne sonna mot pour lors : mais deux ans apres il assemble

vne armée de neufcens mille combattans, lesquels il fit marcher vers la ville de Sion, & y mit le siege deuant. Le Sionnois entretenoit cependant le Roy de Pegu avec belles paroles, & lui enuoyoit souuent des Ambassades fort soupplles, & humbles, lui donnant à entendre, qu'il lui vouloit au plustost liurer la ville entre ses mains. Il lui tint ainsi le bec dans l'eau (comme l'on di&t) l'espace de trois mois ou enuiron, scachant bien que s'il pouuoit gagner temps jusques au mois de Mars, qui est en ce pais le commencement de l'hyuer, auquel les riuieres se desbordent, il viendrait au dessus de son ennemi sans coup ferir. Ce qui lui arriua de mesme qu'il auoit projecté. Car le Roy de Pegu, ne scachant pas le danger du desbordement des riuieres, s'estoit campé en vne pleine fort vaste, tellement que tout ce pays, qui est depuis la ville de Sion jusques à la forteresse de Meragre, estoit couuert d'une multitude presque innombrable de gens. Or il aduient communement en ce pays là, qu'au commencement du mois de Mars les riuieres se desbordent à la façon du Nil, & remplissent la campagne soixante lieues tout alentour; de sorte qu'il n'y a moyen, ny de s'arrester là, ny de faire vn pas auant, ou arriere. Ceste inondation estant suruenue à l'improuueu, le Roy de Pegu se trouua tout à coup surpris avec son armée: tellement, qu'il ne scauoit, ny de quel costé se tourner, ny quel conseil prendre. Mais le Sionnois de l'autre part auoit apresté vne grande multitude de petites barques, esquifs, ou gondoles, & voyant que le temps lui fauorisoit, enuoye dedans ces vaisseaux force soldats contre les ennemis, qui nageoient dans ceste vaste mer, lesquels ils massacroient sans aucune difficulté, ou resistance. Plusieurs de ces pources Pegusiens perirent dans l'eau, emportés par la violence des torrens: il en y eut aussi beaucoup, qui furent tuez & massacrez: d'autres faicts prisonniers. Brief de tout ce grand monde de gens, à peine s'en sauua-il septante mille, & ceux-là encore se retirerent à Martauan sans cheuaux, sans elephants, & sans bagage. Ce fut le premier desastre qui aduint au Roy de Pegu: mais ce ne fut pas le dernier. Car voulant encor tenter fortune; enuoyant mesme son frere, qui estoit Roy de Iangoma, & son fils aussi par deux fois contre ledict Roy de Sion, avec vne puissante armée, il eust tousiours du pire: combien qu'en ces guerres, les gens apportassent beaucoup de dommage aux ennemis, rauageans tout le plat pays, pillans, ou bruslans tout ce qu'ils rencontroient; mais en fin de conte, jamais ils ne s'en

*Inonda-
tion des
riuieres,
comme du
Nil en
Egypte.*

*Grande
desfaicte
de gens.*

retournoïent en leurs maisons, sans y laisser plus de la moitié de leurs gens, & mesmes à la dernière expedition, le fils du Roy y fut tué d'un coup d'arquebuz.

Le Roy outré de douleur pour ceste perte, & forcené de rage contre son ennemy, resolut pour venger la mort de son fils, aller luy mesme à la guerre, pour ruyner de fond en comble le Roy, & le Royaume de Sion, y menant toutes les forces, qu'il pourroit amasser. A ceste cause il faict faire tresgrande prouision de viures, & munitions de guerre; & reserre tous les grains qu'il peut retirer dans ses greniers de Martauan, Murmulan, Tana, & Tanassarij; qui sont des villes de son domaine. Ayant employé trois ans entiers en cest appareil, il resolut de mener à la guerre tous les Pegusiens. Eux au contraire, records de tant de pauuretez qu'ils auoyent enduré par le passé, & des pertes qu'ils auoient fait, detestoient mesme la souuenance de la guerre: de façon que les vns s'alloient cacher dans les forests; les autres se vendoient pour serfs, & esclaves: plusieurs *Talapoy's* aussi prirent l'habit des Talapoyens: qui sont comme les Reli-*quelles* gieux parmy nous. Le Roy voyant cela, enuoye vn sien oncle nommé Ximibogo, faire la reueüe de tout son Royaume, & reuisciter les registres, esquels tous estoient enroolez, chacun selon son estat & condition; luy ordonnant qu'il fit aller à la guerre la moitié de ceux, qu'il trouueroit propres à porter les armes, ou de gré, ou par force. Ximibogo ayant couru tout le Royaume, & trouuant que la pluspart de ceux, qui pouuoient porter les armes, s'estoient rendus Talapoyens, ou estoient vagabonds çà & là, outre ceux qu'il auoit receu en sa protection & sauuegarde, rapporte le tout au Roy; lequel fit aussi tost vn Edit, ordonnant que tous ceux, qui auroient prins l'habit des Talapoyens en ceste saison, eussent à le quitter, & reprendre leur ancien estat, & condition de vie. Il commanda pareillement à sondit oncle, de contraindre tous les ieunes hommes à la guerre. Quant aux vieillars, qui n'estoient pas propres à cela, il les fit premierement releguer aux pais des Brames; mais depuis il s'aduisa de les faire troquer, & permuter avec des cheuaux, afin qu'ils luy seruissent de quelque chose pour son entreprise. Finalement il fit marquer tous ses subiects à la main droicte, avec vn fer chaud, afin qu'ils fussent recogneus, s'ils s'enfuyoient. Les Pegusiens voyans leurs Talapoyens despouilleez par force de leur habit (qu'ils estimoient sacré-sainct) leurs peres desia vieux & cassés bannis, & *L'inhu-* *manité* *d'un Prin-* *ce estran-* *ger ses sub-* *iects.* permutuez avec des pecores; se voyans eux mesmes stigmatizés si

ignominieusement, furent merueilleusement indignez contre leur Prince; & resoluerent de secouër le ioug de son obeyssance.

*Les Cos-
miens se
reuolent.*

Les premiers qui se reuolterent furent ceux de Cosmi, lesquels eleurent vn Roy pour les gouuerner, & defendre. Mais celuy de Pegu enuoya tout aussi tost vn de ses Capitaines, avec force gens-d'armes, qui pillerent & rauagerent tout le plat païs: & ayans amassé tout le riz, & autre grain qu'ils y trouuerent, le firent charger sur des bateaux, & l'apporter à la ville de Pegu, avec le reste du butin, qui estoit le plus beau, & le plus precieux du Royaume; le demeurant fut brulé, & reduit en cendres. Ils amenerent aussi force prisonniers, tant de l'vn, que de l'autre sexe au Roy, lesquels selon sa cruelle & barbare coustume, il fit enclorre dans vn bois, là où ces

*Sont ri-
goureuse-
ment pun-
tis.*

pauures gens furent rostis, & consumés par le feu. Quant à ceux qui estoient eschappez, plusieurs s'estoient allez cacher dans les bois & forests, d'autres es lieux plus secrets qu'ils pouuoient trouuer; mais n'ayans là aucun moyé de viure, à cause que le païs auoit esté tant ruiné, ils furent contraints de sortir de leurs cachots, & se rendre à la mercy du Roy: lequel au lieu d'auoir pitié & compassion d'eux, les fit tout bourreler avec des tourmens, & supplices estranges. Apres qu'il eut ruiné de la sorte le Royaume de Cosmi, il tourne sa fureur contre celuy d'Aua, qui auoit esté le commencement & l'origine de ses malheurs. Il faict donc appeller son fils

*Le Royan-
me d'Aua
depeuplé.*

ainsné, auquel il auoit baillé le gouuernement d'iceluy, apres qu'il eut tué son oncle en duel, & luy commande d'amener quand & soi tous les habitans du Roiaume, de quelque condition, aage, & sexe qu'ils fussent; afin de leur faire cultiuer les champs de celui de Pegu, qui estoit desia tout desert & depeuplé, tant par le decez, que par la fuite des habitans. Les Auiens estans contraints par le commandement du Roi de quitter leur païs, bien que ce fut avec grand regret, plierent neantmoins bagage, & se transporterent au Pegu, là où ils ne furent pas si tost arriuez, qu'il leur suruint vne maladie pestilentielle, qu'on appelle es Indes les pustules, parce que force petites bouteilles sortent par tout le corps, & causent aux patients de tres-griefucs douleurs, qui les mettent bien-tost dans la fosse. Ceste maladie s'eschauffa de telle sorte, parmi ces pauures gens, qu'il en mourut vne infinité dans peu de temps, & quelques

*Perte de
Murmura-
re son sie-
ge.*

vns ne pouuans supporter la vehemence des douleurs, se desfaisoient eux mesmes, & se precipitoient dans la riuiera, où ils estoient noyez. En ces entrefaites il y eut quelques Pegusiens, lesquels à l'ayde des

Sionois, s'emparèrent de la forteresse de Murmulan. Le Roy de Pegu aduerty de cela les fait ineontinent aller assieger; mais ils se defendirent si vaillamment, que le siege dura vn an entier, & si ne furent ils pas desplacez. Car les Sionois leur vindrent au secours, & donnans à l'improuueu sur les assiegeans, les mirent tous en route; de façon qu'il en y demeura grand nombre sur la place; les vns noyez, les autres passez au fil de l'espee, & beaucoup qui furent faits prisonniers. Voyla comment le Roy de Pegu perdit ce pais là, & le Sionois s'en rendit maistre. Mais ce qui le fascha dauantage, fut la perte, qu'il y fit des plus grands Seigneurs, & braues Capitaines qu'il eut, lesquels ayans esté enuoyez par luy à ce siege; & craignans, que s'ils retournoient vers luy, il ne les fit tous mourir, pour n'auoir pas eu tel succès qu'il desiroit de cest affaire, ils se rendirent du costé du Sionois. Le Roy irrité grandement contré ces Seigneurs, & ne pouuant se venger sur eux mesmes, vomit sa cholere contre leurs femmes, enfans, parens, & alliez; lesquels il fit perir miserablement, à sa façon accoustumée, sans qu'il en eschappast vn seul. Ayant donc laissé toute celle contrée, qui est depuis la ville de Pegu, iusques à Murmulan & Martauan deserte, & despeuplée de gens, tant sur terre, que sur mer; Voicy comme il perdit le Royaume de Prom.

Pendant que la ville de Murmulan estoit assiegée, le Roy manda venir son fils puîné, qu'il auoit vn peu auparauant enuoyé pour *Le fils puîné du* Gouverneur dudit Royaume. Le jeune homme pensant que son *Roy de Pegu Roy de Prom.* pere l'appelloit, pour le preferer à son frere aîné, le Prince d'Aua, & le designer son successeur à la Couronne de Pegu; s'en y va fort content, & ioyeux: mais il fut bien deceu de son esperance. Car si tost qu'il fut arriué à la Cour, son pere luy commande d'aller au siege de Murmulan. Le fils voyant qu'il estoit bien loing de son compte, commence à se facher, & despiter; disant, qu'il n'estoit pas venu avec l'appareil cōuenable à vn affaire de telle importāce, pensant auoir esté appel'é pour autre chose. Le pere de l'autre costé se met aussi en cholere, & luy commande de marcher au plustost là où il l'enuoyoit, apres auoir fait la reuerence à son aîné, le menachant que, s'il faisoit autrement, il luy feroit sentir les effects de son courroux, & luy dit entre autres choses, qu'il se souuint de son cousin Ximo Cadul, lequel pour semblable faute, auoit eu la teste tranchée vn peu auparauant. Ce ieune Prince entendant ces parolles, ne sonne mot, mais s'en va sur le tard retirer dans les nauires, qu'il

que les estrangers eurent quitté la ville, le Roy de Pegu craignant d'estre assiégé de rechef, escript à celuy de Tāgu, qui estoit son vassal, luy enjoignant qu'aussi tost que la recolte seroit faicte, il amassast tous les grains qu'il pourroit, & les fit porter à la ville de Pegu, & que luy mesme s'en vint le trouver avec tous ses subiects, laissât sa femme en la maison, & quelques soldats, pour la defense de sa ville & citadelle. Le Roy de Tangu ayant receu ceste lettre, luy faict ^{Commandement} responce, qu'il ne luy sembloit pas conuenable de laisser sa ville & ^{unique du} ^{Roy de} ^{Pegu.} forteresse depourueuës de viures, ny aussi qu'il allast le trouver avec tous ses vassaux. Mais qu'il luy enuoiëroit la moitié des fruits qu'on auroit recueilly : & que luy, ou son fils (l'un ou l'autre demeurant au Roiaume) iroit luy faire seruice, avec la moitié de ses subiects. Ceste responce, bien que fort raisonnable, n'agrea pas au Roy de Pegu; de façon qu'il le somme pour la seconde fois d'obeir à ce qu'il luy commandoit. L'autre faict la mesme respōce que deuant. Ce qui aduint par plusieurs autres fois. Le Roy de Pegu indigné grandement de ce refus, enuoye vers luy quatre grands seigneurs de la Cour, accompagnés de force soldats, avec commandement de luy amener le Tanguan, ou de gré, ou par force, & toutes les prouisions de bouche, qu'ils trouueroient dans son Roiaume. L'autre estant aduertty de cela tasche d'vser de preuention, tellement qu'il se saisit de ces quatre Millords, & leur fit trancher la teste, s'estant réduit maistre des nauires, & des soldats, qu'ils auoient mené quant & eux. Apres cela il fait defense expresse à tous ses vassaux, d'auoir aucune communication avec les habitans de la ville de Pegu, & de leur enuoyer viures, ou autres prouisions, constituant des peines tres-griefues contre ceux qui feroient autrement, ou s'iroient rendre dans ladicte ville pour la defendre. Cela fut cause d'une si grande famine & cherté de viures, dans la ville de Pegu, que les habitans n'ayans de quoy se nourrir, couroient de nuit par les rues, & s'ils trouuoient quelqu'un plus foible qu'eux le massaeroient, & emportoient le corps chez eux pour le manger. Le Roy voiant cela, commande qu'on face un roole de tous ceux ^{Cruauté} ^{de} ^{l'Asie} qui estoient dans la ville, & trouuant qu'il n'y auoit pas moyen de nourrir tant de gens, fait mettre à mort sept mille Sionois, qui estoient là pour defendre la ville, ordonnant qu'on distribuast aux autres chascun iour certaine quantité de viures. Lors il n'y auoit pas plus de trēte mille personnes dans la ville, comptant hommes, femmes, & petits enfans. Or pendant ces miseres, il aduint au Roy

de Pegu vne chose, qui le fit vn peu respirer & prendre haleine. Car son fils puisné qui gouernoit le Royaume de Prom, s'estant rebellé contre luy, ainsi qu'a esté dit, & ayant esté en armes l'espace de trois ans, commença de r'entrer en soy-mesmes, & se repentant de ce qu'il auoit fait, enuoya des Ambassadeurs à son pere, le priant de luy pardonner la faute passée, & le remettre en ses bonnes graces. Que s'il luy enuoyoit son pardon, & permettoit qu'il l'allast trouuer, il luy ineneroit du Royaume de Prom cinquante mille hommes, pour defendre la ville. Le Roy aiant receu ceste nouuelle en fut extremement aise, & se monstra si facile à receuoir son fils à mercy, qu'il luy enuoya non seulement sa grace confirmée par ses lettres Royaux, mais aussi de grands dons & presens.

*Le fils du
Roy se re-
concilie à
son Pere.*

Mais comme ce ieune Prince s'apprestoit pour aller trouuer son pere, vn vicillard qui auoit esté s^{on} gouernant, & lui auoit conseillé ceste reuolte, craignant que s'il rentroit en la bonne grace de son pere, toute la peine ne vint à tomber sur luy, le fit mourir par poison. Toutesfois il ne tarda pas guere d'estre puni de son meschef:

*Ambition
punie.*

Car se voulant faire Roy, les plus grands seigneurs du Roiaume s'y opposerent, & le mirent à mort sept iours apres, qu'il eut empoisonné son maistre. De mesme façon, les autres Princes se debattans entr'eux, qui emporteroit la couronne, furēt tous tuez les vns apres les autres; tellemēt que de huit en huit iours il en y auoit vn de despesché. Ceste guerre ciuile causa la perte de ces cinquante mille hommes, que le Roy vouloit mener à son pere, & d'une infinité d'autres; de façon qu'a grand peine en resterēt ils en tout cinquante, qui fussent propres à porter les armes: & ceux cy furent attachez de deux en deux, ou de trois en trois, & menez dans des barques à

*Royaume
de Prom
ruyné.*

la ville de Pegu; & de ceste sorte, le Royaume de Prom resta totalement desert & depeuplé pour seruir de demeure aux bestes-sauuages. Quant aux Pegusiens, jaçoit qu'ils ayent esté fort amoindris par les guerres, & barbares cruautéz du Roy, si est-ce qu'ils ne sont pas du tout esteints. Car il y en auoit vn grand nombre, lesquels s'estoient retirez en diuers Roiaumes proches du Pegu. L'on en trouuoit en celui de Iangoma (selon qu'on dit) quelques six vingts mille; en Arracau plus de vingt milles; en Sion & autres pais circonuoifins plus de cent mille. Mais poursuuons les desastres de ce miserable Roy.

Tandis que le Roiaume de Pegu estoit agité de ces tourmentes, les Talapoyens (desquels a esté ci deuant parlé) indignez grande-

ment contre le Roy, tant pour sa cruauté, que pour le deshonneur qu'ils auoient receu de luy, persuadent au Roy de Iangoma son frere de s'vsurper le Royaume de Pegu. Au commencement il s'excusoit disant cela ne luy estre loisible, parce qu'il auoit promis & iuré à son Pere, quand il viuoit, de n'entreprendre iamais, rié contre son frere, le Roy de Pegu; & le mesme auoit aussi promis & iuré ledit Roy, pour regard de celuy de Iangoma. Mais les Talapoyens insistoient, & disoyent, qu'il ne contreuiendroit point à son sermēt, pourueu qu'ayant depolé son frere, il l'esleuat sur vn *vahat*, c'est à dire sur vn throsne d'or, & le fit adorer comme Dieu de tout le peuple. Cest aduis l'emporta finalement, & luy osta tout scrupule. L'on excogita encore vne autre raison, pour laquelle le Iangomois deuoit estre tenu pour vray & legitime heritier du Royaume de Pegu, & preferé à celuy qui le tenoit: d'autant que son Pere estant encore homme priué, & auant qu'estre Roy de Pegu, auoit engendré son frere aisné, mais qu'il estoit nay durant le regne de son pere; outre que sa mere estoit fille de l'ancien Roy de Pegu, qui viuoit encore, & s'appelloit Naichim; mais la mere de l'autre n'estoit point issuë de sang royal; & par-là on conduoit que le Royaume luy appartenoit. L'on disoit que ce Roy de Iangoma auoit bien trois cents cinquante mille hommes de guerre à son commandement, voire qu'il pouuoit mettre en armes vn million de soldats. Si ne trouue ie pas qu'il fit aucune expedition, pour conquerir le Royaume de Pegu, ny mesme qu'il allast assieger son frere; comme *Le Roy de Pegu assiegé par ceux de Tangu & d'Arracan.* firent les Roys de Tangu & d'Arracan, lesquels apres que les Sio-
nois se furent retirez, allerent acheuer de ruiner ce miserable Roy, & l'ayant tenu assiegé quelque temps, finalement ils vindrent à composition, qui fut telle. Le Roy de Pegu se rēdit à celuy de Tangu, (par ce qu'il estoit son beau frere, marié avec vne siēne sœur) & luy fia sa propre personne, sa femme, & ses enfans, avec tous les thresors & richesses qu'il auoit, lesquels estoient tresgrands, à ce qu'on dit. Car il y en a qui assuret, que le Roy Brama sō pere auoit faict fondre en or, trois cens soixante combalenges (qui est vne certaine espee de vase faict en forme de courge, de figure ronde, & fort capable) chacune d'icelles pesoit cēt quatre vingts liures, & estoient toutes d'or. *Se rend à celuy de Tangu.* Il auoit tellement caché ces cruches, que personne ne scauoit, où elles estoient, sinō ses Eunuques: Et pour ceste cause, afin qu'ils ne le descourussent, il en feit mourir quelques deux cents, adioustant tousiours cruauté sur cruauté. Son pere auoit

aussi fait fondre en or soixâte & sept statues de ses faux Dieux, lesquelles estoient embellies d'une infinité de pierrerie, & grosses perles: mais tout cela ne le sceut garantir de tomber es mains de la iustice diuine, qui les liura entre celles du Roy de Tangu, avec ses thresors, ainsi qu'il a esté dict. Quant au Roy d'Arracan, il luy bail-
 la cinq de ces statuës d'or, ornées de tresriche pierrerie, & en outre cinq cruches pleines de pierres precieuses tres-fines. Il luy donna encore vne sienne fille à mariage, & deux de ses enfans pour osta-
 ges, avec le tiltre de Roy de Pegu. Mais sur tout il luy liura l'Ele-
 phant blanc, qui estoit estimé le plus grand thresor qu'il eut. C'est vne fort puissante beste tres-renommée par tout l'Oriēt. on luy fait la mesme reuerence qu'au Roy: & quand elle sort dehors, on ne la meine pas, sinon avec grande pompe & magnificence. Selon les succez qui sont arriuez à cinq ou six Rois, qui l'ont eue iusqu'à
 • present, l'on ne peut autrement croire, sinon qu'en ceste beste il y a quelque enchantement du Diable. Car tous ceux qui ont esté maistres d'icelle sont en fin tombez en de tres-grands defastres, & se sont perdus miserablement. Le Roy donc d'Arracan aiant eu
 • ceste despouille, s'en retourna en sō Royaume fort ioieux, l'an 1599 & fit son entrée en triomphe dans sa principale ville, nommée aussi Arracan, menant deuant soy l'Elephant blanc harnaché fort superbenient, & vn frere, avec deux fils du Roy de Pegu. Mais la fille d'iceluy qui luy auoit esté donnée à femme, estimant qu'il la meneroit à la main droicte, entrant en triomphe dans la ville, fut bien deceuë, voyāt qu'ō la mettoit à la gauche, & qu'on bailloit la droicte à l'ancienne Roine, laquelle estoit parée avec ses Dames des plus riches ioyaux, qu'on auoit apporté de Pegu: tellement que de fâcherie, qu'elle en eut, elle ne voulut point se mettre en ordre, ou se parer de beaux accoustremēs, ny ses dames avec: ains entra en pleurant & disant, que la Roine vieille piafast hardiment de ce qui n'estoit pas sien; car tout ce qu'elle portoit, luy appartenoit. Mais il aduint bien pire au Roy de Pegu son pere, car il fut tué miserablement par celuy de Tangu, qui lui rauit avec la vie tous ses thresors, ainsi que nous dirōs, Dieu aidant, au supplement de ceste histoire. Voila comme Dieu scait chastier & punit les grands, qui se fient par trop en leur puissance, & richesses; & qui au lieu d'estre peres de leurs subiects, se rendent des tyrans cruels, & insupportables.

Or l'estat miserable de ce Royaume, empescha, qu'on n'y enuoyat aucun Pere de la Compagnie de Iesus, ainsi qu'on auoit de-

*Les des-
pouilles
qu'en eut
le Roy
d'Arra-
can.*

*L'Ele-
phant
blanc beste
fort re-
nommée
en Orient*

*Le Roy
de Pegu
est tué
par ce-
luy de
Tangu.*

libéré: mais quelques années apres, les Portugais ayans basti avec le cōgé du Roy d'Arracan (auquel appartenoit pour lors le Royaume de Pegu) vne forteresse sur la coste de la mer de ce Royaume, & aupres d'icelle vne ville, là ou plusieurs des anciens Pegusiens se sont retirez, l'on y a enuoyé deux d'iceux, qui ont commencé d'y prescher l'Euangile. Dieu vueille par son infinie bonté ouurir le cœur à ces barbares, lesquels il a si rigoureusement, mais justement punis, pour les pechez enormes, qui regnoient parmi eux.

DE LA VILLE DE MALACA; Comment les Portugais l'ont conuuee, & ce qu'il y a eu de plus remarquable, pour l'aduancement de la foy Chrestienne.

CHAPITRE XXIIII.

LA ville de Malaca, capitale d'un Royaume, portant ce mesme nom est située vis à vis de l'Isle de Sumatra à deux degrez de hauteur Septentrionale. Plusieurs estiment que c'est le pays que les Anciens nommoient *Aurea Chersonesus*, ou presque-Isle d'or. Car jasoit que Malaca ne soit pas maintenant peninsule, toutesfois il en y a, qui disent qu'entre la terre ferme de Malaca, & l'Isle de Sumatra, il n'y auoit pas jadis aucune separation, sinon d'une petite langue de terre qu'on appelle Isthme; mais à present il y a vn destroit, ou bras de mer, qui contient d'eux canaux nauigables, l'un appellé de Sincapura, parce qu'il commence au cap de Sincapura, du costé du Leuant: l'autre nommé de Saban, à cause d'une Isle, qu'il y a ainsi nommée vers le Ponant. Au milieu de ce destroit, là ou il est le plus estressé, est plantée la ville de Malaca; de façon, qu'il n'y a pas plus de douze lieuës depuis la terre ferme, ou est Malaca, jusques à l'Isle de Sumatra, laquelle se va retirant de la terre ferme, tant du costé du Ponant, que du Leuant, si que d'une part & d'autre le canal est beaucoup plus large és entrées, qu'il n'est au milieu. Les originaires du pais se nomment Malayois, & leur langage aussi: lequel est estimé si beau, que tous ceux des regions, ou Isles d'alentour, pensent estre plus gentils & plus courtois, s'ils le sçauent parler. Pource la plus part d'iceux l'apprend, partie pour ceste cause, partie aussi à raison du commerce: d'ou vient qu'il est aisé à ceux, qui sçauent ceste langue, de trafiquer &

Situation de la ville de Malaca.

*Mœurs
des Ma-
lacois.*

conuerſer en toutes ſes contrées là: car il en y a pluſieurs, qui l'entendent & le parlent. Au reſte les habitans de Malaca ſont gens fort delicieux, & qui ayment la muſique, & autres paſſetemps, prennent plaifir à ſe veſtir & accouſtrer proprement. Bref ils ſont fort adonnez aux voluptez. Neantmoins on les eſtime des plus vaillans à la guerre, qu'il y ait en ces quartiers-là, & eux-mêmes ont bien auſſi telle opinion; ſi que leur ville n'eſtant point environnée de murailles, ils ſouloient dire, comme les Lacedemoniens, que leur corps leur ſeruoient de mur & de rempar. Ils ſont ſi delicats & ſi hautains qu'on n'en trouuera pas vn, tant pauvre ſoit-il, qui vueille porter vn fardeau ſur ſes eſpaules, voire mêmes de ce, qui lui appartient, & beaucoup moins d'autrui; encore qu'il y deuit perdre ou gagner beaucoup. Ils ſe ſeruent ſeulement d'eſclaués, & quant à eux, ce n'eſt que toute vanité, pompe, & boubāce. Le pays eſt fort mareſcageux; & tellement peuplé d'arbres, qu'on ne void autre choſe ſur le riuage du Royaume de Malaca, qui comprend quatre-vingts & dix lieux de la coſte de la mer, commençant vers l'Occident, à vne Iſle qu'ils appellent Pulo Cambylan, & finiffant au cap de Sincapura, qui eſt trente lieux loing de Malaca vers l'Orient. L'air n'y eſt guere bon, à cauſe des mareſcages qu'il y a: auſſi eſt-ce vn païs fort peu habité de perſonnes; mais il y a force beſtes ſauuages, nommément des Tygres: qui ſont ſi acharnez, que ſouuēt ils entrent dans les maiſons, & mêmes de nuit dans la ville, pour faire leur proye: de façon que les pauvres gens des champs ſont contraints d'aller dormir ſur la cime des arbres, & ſi n'y ſont-ils pas aſſez: parce que ces beſtes ſe jectent ſur les arbres, avec telle legereté, qu'elles ſont quelquesfois priſe de vingt pans de haut. C'eſt pourquoy en toutes ces 90. lieux, que ce Royaume comprend, il n'y a autre lieu d'importance, qui ſoit habité, que la ville de Malaca. Les habitans d'icelle ne labourēt point la terre, & alētour il n'y a preſque aucune metairie, comme es autres villes, excepté quelques maiſons de plaifance, qu'ils appellent Duſoes, pour la recreation des plus riches. Auſſi le terroir ne peut porter aucun grain, à cauſe de ſon humidité trop grande. Au reſte ceſte ville, quant au trafic, eſtoit lors que les Portugais y arriuerent, la plus renommée de tout ce coſté du Leuant: car c'eſtoit comme l'eſtaye, ou marché, auquel ſe debitoient les plus rares & precieufes marchandises de l'Oriēt. L'on venoit là pour trafiquer des Iſles de Iaua, Banda, Borneo, Macazar, Mindanao, des Moluques, Celèbes, Le-

*Tygres a-
charnez.*

*Malaca
ville de
grand
trafic.*

quios, Luffones, Japon, & d'une infinité d'autres, qui sont en cet Archipelague Oriental tres-riches, & abondantes en tant de sortes de drogues & espiceries; & par mesme moyen de tous ces Royaumes, qui sont sur la coste de la mer, tât par delà le cap de Sincapura, comme de la Chine, de Camboya, de Sion, & autres: comm'aussi de ceux qui sont par deçà, comme du Pegu, de Bengala, de Narsinga, brief de toute l'Inde haute & basse, & qui plus est de la Perse, de l'AEthiopie, & de beaucoup d'autres endroicts: car on portoit là vendre les cloux de girofle, les noix muscates, & autres marchandises, qui se trouvent seulement en ces Isles, que nous auons dit. Et c'est la cause, pour laquelle elle à esté jadis l'une des plus fleurissantes villes de l'Asie. Que si l'air y eust esté plus fauorable, aux estrangers, elle les eut deuâcées toutes en grâdeur, en opulence, & en affluence de peuple. Mais encore que l'air, & le terroir y soient si mauuais, ce neantmoins du temps, que les Portugais s'en rendirent maistres, elle auoit une lieuë de long, ou quatre milles d'Italie, combien que sa largeur ne corespondoit pas à la longueur.

*Descrip-
tion de la
ville.*

Car pour auoir plus à souhait les commoditez de la mer, elle estoit sise sur le bord d'une riuere, laquelle descendant de l'intérieur de la terre ferme, arrousoit la ville d'une part & d'autre, ayant le fluz & reflux, ainsi que les autres riuieres de l'Océan. Et afin que les habitans se communicassent plus aisement, il y auoit vn tres-beau pont, pour aller d'un costé à l'autre. Les maisons à la mode des Indes estoient, pour la plus part, faictes de bois, & couuertes de feuilles, ou de branches d'arbre. Mais ce qui la decoroit d'auantage c'estoit le port si hanté de tant de nations, qu'on y voyoit tousiours une multitude presque innombrable de nauires de charge, de guerre & de seruice; tellement qu'on eut dit, que c'estoit une autre ville aussi grande; que celle, qui estoit sur terre. Le Roy de Malaca estoit jadis tributaire de celui de Sion, qui commande à vn fort ample, & riche pais au delà du Gange, pres de celui de Pegu vers l'Orient; mais quand les Portugais la prindrent, elle estoit possédée par vn certain Mamudio, comme quelques vns l'appellent, ou selon les autres Mahomet; lequel estant Arabe de nation & Mahometain de secte, & se sentant appuyé des Sarrazins, qui trafiquoient d'ordinaire en Orient se reuolta contre son Roy, & secoia le joug de son obéissance. Or jaçoit que le Roy de Sion fut tres-puissant, & eut enuoyé contre lui plusieurs flottes; si est-ce qu'il n'eut le pouuoir de le chastier, comme sa desloyauté meri-

*Mamudio ou
Mahomet Prin-
ce de Mala-*

toit, ains voulant le ranger à son deuoir, il y perdit quelques armées, que l'autre lui desfit: tellement qu'il estoit demeuré paisible possesseur de Malaca; mais en fin les Portugais lui osterent justement, ce qu'il auoit iniustement acquis, en la maniere qui s'ensuit.

Dessain du Roy de Portugal. Le Roy de Portugal Emanuel premier, quatre ou cinq ans apres que ses gens eurent fait la premiere descouuerte des Indes, cogneut par la relation de ceux, qu'il enuoyoit à ces voyages, que pour se rendre maistre de la mer des Indes, & transporter (comme il auoit projecté) tout le trafic, qui se faisoit par ceste mer, de l'Egypte, & de la Syrie, en Portugal, il falloit s'adjoindre par alliance, ou si besoin estoit par force, trois villes, qui estoient cōme les clefs de tout ce commerce, à sçauoir Ormuz située dans le golfe Persique; Aden sise pres l'emboucheure du golfe Arabique: & Malaca, là ou il sçauoit qu'à raison de la commodité du lieu, les marchandises des Chinois, Moluquois, & autres habitans d'une infinité de regions & isles abordoient. Partant il donna charge à Iaqués Lopez de Sequeire Portugais, d'aller à Malaca, pour demander de sa part alliance & commerce libre au Prince de ceste ville. Sequeire part de Lisbonne pour cest effect l'an 1508. avec vne flotte de quatre

Iaqués Lopez de Sequeire fait alliance en son nom avec Mamudio. nauires: mais estant arriué à Cochīn, on lui en bailla encore vne autre. Avec ces cinq nauires estāt en fin arriué à Malaca; il enuoye vn Ambassadeur à Mamudio, avec lettres & presens du Roy Emanuel, pour les fins que dessus. Il fut au commencement fort bien accueilly, & les conditions d'alliance, & du commerce passées au grand contentement de l'un & de l'autre parti. Mais ces heureux commencemens n'eurent pas meilleure yssue, que ceux de Calcut, par la meschanceté & enuie des Mahometans tout de mesme que là. Car se sentans griefuement offencez des Portugais, pour cause des dommages, qu'ils auoient receu & receuoient d'eux journellement en leur trafic & commerce, qui estoit fort empesché par celui des Portugais, com' ils auoient incité le Zamorin à rompre la paix & alliance faite avec eux, ainsi firent-ils ce Mamudio: tellement qu'il resolut d'attraper Sequeire & tous les Portugais en vn banquet, qu'il leur auoit fait apprestre, là ou il auoit delibéré de les mettre tous à mort. Mais ceste conjuration

Coniuration de Mamudio contre les Portugais. ayant esté descouuerte, il leur en trama vn'autre, en laquelle peu s'en fallut, qu'ils ne perissent tous. Et jasoit que les barbares, par vne particuliere prouidence de Dieu, qui assista visiblement en ce faict les Portugais, n'eurent pas le moyen de massacrer Sequeire & ceux

& ceux, qui estoient restez avec luy dans les nauires, ainsi qu'ils auoient pourpensé; si est-ce qu'ils en tuerent vne trentaine de ceux, qui estoient sortis dehors pour aller chercher les marchandises, que les autres faisoient semblant de leur vouloir rendre, & en feirent prisonniers autant ou d'auantage. Mais deux ou trois ans apres, le grand Albuquerque ayant desia gaigné la ville de Goa leur fit bien payer l'escot, & la peine d'une telle perfidie, assisté & conduit par la diuine iustice & puissance, comm'il est aisé à veoir en ce qui s'ensuit. Car ainsi qu'il auoit fait armer & equiper vne flotte de 23. nauires, ou il menoit huiet cens Portugais & six cens Malabares, pour aller en Arabie, suyuant le commandement que le Roy Emanuel luy en auoit fait, voila qu'aussi tost qu'il eust desmarré, avec sa flotte du port, les vents s'esleuent si violents, & si contraires, qu'il estoit impossible d'aller en auant; toutesfois les mesmes vents estoient fort propres & fauorables pour retourner en arriere, & faire voile vers Malaca, tellement qu'il sembloit que Dieu le voulut mener là. Il change donc de dessein, & fait tourner les proües de ses nauires pour singler droit à Malaca, afin d'auoir raison du tort, que Mamudio auoit fait à Sequeire & à ses compagnons: pour deliurer aussi les Portugais, qu'il tenoit prisonniers. Ce qu'il executa si heureusement (Dieu ce semble luy prestant la main en tout ce qu'il entreprint) que non seulement il recouura les Portugais, qui estoient encore restez en vie, mais aussi gaigna la ville avec vne poignée de gens, contre vn nombre infini d'habitans, & de soldats, que Mamudio auoit lors aupres de soy. Brief il le contraignit de s'enfuir de la ville avec son fils Alodin, lequel (son pere estant peu de jours apres mort de regret) se retira à l'Isle de Bintan en vne forte place, appellée de mesme nom, de laquelle ayant chassé le gouuerneur par ruses & par force, il se rendit maistre. Au reste ceste conqueste apporta vn grand profit & honneur aux Portugais: car au sac de la ville ils trouuerent trois mille pieces d'artillerie, & vn si riche butin, qu'outre les choses, qui furent pendant le tumulte emportées, par les marchands, ou cachées par les soldats d'Albuquerque, la cinquieme partie de ce qui apparut (laquelle appartenoit au Roy Emanuel) monta jusques à deux cens mille escuts. D'autre part le Roy de Sion ayant entendu vn exploict si merueilleux, enuoya vne Ambassade à Albuquerque pour se conjoür avec luy, & faire paix & alliance avec le Roy de Portugal: ce qui fut accepté. La

Albuquerque gaigna la ville de Malaca.

*Y establit
une bon-
ne police.*

ville estant prinse, Albuquerque tascha d'establis & confirmer la possession d'icelle au Roy Eminent, faisant bastir vne forte citadelle, ou il laissa vne bonne garnison de soldats, parce que c'estoit vne place de grande importance. Apres ce il rappella les marchans, qui s'en estoient fuis, on craignoient d'aborder à ce port, les inuitant avec force promesses, & les assurant qu'on ne leur feroit aucun tort: ains qu'on leur lairoit viure vn chacun en sa loy; tellement que par ce moyen le trafic commença de s'y remettre; brief il y establit, comme il auoit fait à Goa, vn bon reiglement, & police, constituant deux Iuges estrangers, l'vn pour les Sarrazins, & l'autre pour les Payens, chacun de la secte de ceux qu'il auoit sous soy: mais en telle sorte, qu'on pourroit appeller de leurs sentences deuant la justice de Portugal, qui y fut establie, pour decider en dernier ressort. Il fit aussi tirer force pierre des vieux sepulchres, & nommément des Roys, & en fit bastir vne belle Eglise de l'Anno- ciation de nostre Dame, à laquelle il estoit particulièrement deuot. Depuis ce temps-là les Portugais se sont tousiours maintenus, avec l'aide de Dieu, en la possession de ceste ville: combien qu'elle ait esté souuentefois assiegée, & mise en grand danger. Mais Dieu les à si particulièrement assistez, & quelques fois contre toute esperance humaine, que les ennemis n'ont jamais peu occuper la forteresse, bien qu'ils ayent saccagé la ville, & bruslé partie d'icelle. Il y à dedans quelque centaine de familles de Portugais, non pas guere dauantage, à cause que l'air n'y est pas sain: & tant pour ceste raison, que pour quelques autres, la grandeur de la ville a esté fort amoindrie: car maintenant elle n'à pas vn quart de lieuë de long. Il y à toutesfois, pour l'ordinaire, grande affluence de marchands, tant Portugais, qu'autres; lesquels abordent là, partie pour le trafic, partie aussi pour attendre la *Monçam*, c'est à dire le temps propre à faire voile d'vne part à l'autre. Mais à tant de cecy. Venons maintenant à ce, qui est propre de nostre subject.

Au premier liure nous auons raconté ce que le B. P. Xavier auoit fait en ceste ville, pour le bien & profit spirituel, voire encore temporel des habitans d'icelle, mesme des Portugais, lesquels cognoissans le grand besoin, qu'ils auoient d'estre instruits, & enseignez en ce qui concernoit le salut de leur ame, supplierent instamment le Pere, lors qu'il s'en voulut retourner en l'Inde basse, de leur vouloir enuoyer quelques Peres de la mesme Compagnie, pour cet effect; & des-lors leur assignerent vne Eglise, & vne mai-

son pour se loger; ce que le P. Xavier accepta, & promit de leur en enuoyer quelques vns au plustost; comme il fit aussi. Car estant arriué à Goa, il y fit aller le P. François Perez, personnage de grande vertu & sainteté de vie (comme à esté dit cy dessus) & vn autre, qui n'estoit pas encore Prestre, nommé Roch Oliueira, lesquels trouuèrent beaucoup, pour le seruice diuin en ceste ville, tandis qu'ils y furent. Mais pour cause de l'excommunication encouruë par le Capitaine de Malaca, le P. Xavier ayant commandé au P. François Perez, qu'il se retirat à Goa avec ses compagnons, il auoit executé ce commandement: toutesfois les choses estant apaisées, ils vindrent derechef à la ville, & depuis y ont esté tousiours, s'employans à prescher, administrer les Sacrements, enseigner la doctrine Chrestienne, & en autres fonctions propres de nostre vocation. L'on y fait pareillement vne leçon des cas de conscience: à celle fin que les curez, & autres Prestres, qui entendent les confessions, soient mieux instruits, & sçachent donner conseil aux marchans Chrestiens, qui trafiquent là, comment ils se doyuent comporter en leurs affaires, & contracts, pour les faire deuëment, & en bonne conscience. Ce qui n'a pas apporté peu de profit au salut de plusieurs ames, comme l'on a recogneu en l'amendement de beaucoup d'abus, qui regnoient auparauant en ceste ville. On s'employe aussi à la conuersion des Gentils & Sarrasins, tant originaires, qu'autres, qui abordent là; & pareillement des Iuifs: car plusieurs de ceste nation se sont icy habitez, pour le grand trafic, qui s'y faict, desquels il en y a tousiours quelqu'un, qui vient à laisser son obstination, & se ranger à la foy de Iesus Christ. Entre autres on en gaigna vn, lequel ayant esté à Rome, & conuersi
Un Iuif conuerti à Malaca.
 & conseré avec beaucoup de gens doctes (car il estoit bien versé en l'Escripture sainte) il n'auoit toutesfois jamais voulu ouurir les yeux, pour recognoistre son vray Sauueur, & Messie. Mais estant venu à Malaca, apres auoir souuentefois disputé avec nos Peres, il se rendit en fin à la verité, & embrassa la loy Euangelique: chose, qui fit esmeruiller beaucoup de gens, mesmement de ce qu'estant à Rome, entouré d'vne si grande lumiere & clarté, il auoit neantmoins demeuré en ses tenebres: & lors qu'il fut au milieu de l'infidelité, ou il y auoit moins d'esperance d'estre esclairé, il ouurit les yeux & recogneut son aueuglement. Voyla ce qu'on peut dire sommairement du College de Malaca.

Toutesfois je ne lairay pas en arriere vne belle occasion, qui

*Le Roy
de Cam-
baya de-
mâde des
Predica-
teurs.*

se presenta l'an 1598. pour aller d'icy au Royaume de Camboya, qui est situé en la terre ferme, au delà de celui de Sion, vers le Nord: car le Roy enuoya l'année susdicte vne Amassade au Gouverneur de Malaca, le priant de vouloir ratifier l'amitié & alliance, qui auoit esté autrefois entre luy, & les Portugais: laquelle bien qu'eust esté (ce disoit-il) pour vn temps interrompue, à cause des guerres, qu'il auoit eu contre les Sionnois: n'auoit pas toutesfois esté rompue de son costé. Il le supplioit aussi de luy vouloir enuoyer force Religieux de tous les ordres, qui se trouueroient dans Malaca, pour l'instruire & tous ses vassaux encore, és mysteres de la foy Chrestienne; car il desiroit l'embrasser. Il escriuit aussi à tous les conuents ou maisons de Religieux, pour le mesme effect, & les prioit de s'en venir à son Royaume; disant qu'il y auoit bien place, & besongne pour tous. Auec ce il leur enuoya quelques presens nommément grande quantité de benjoin. Vn Portugais nommé Iaques Velose (qui à esté long temps en ce Royaume là, & durant les guerres, qu'il y à eu entre les Camboians & les Sionnois, a faict beaucoup de seruices au Roy, pour lesquels il luy a donné vne Peninsule, qui s'aduance dans la mer enuiron trois lieues, ou ledict Velose a basti vne forteresse) escriuit particulièrement à nos Peres de Malaca, d'autant qu'il leur est fort affectonné, les priant de s'en venir en ses terres: car il esperoit, qu'ils y feroient beaucoup de profit, promettant au surplus de joindre à la coutonne de Portugal toute ceste Perinsule, que le Roy luy auoit donnée, pourueu (disoit-il) que nos Peres y fussent enuoyez, afin d'instruire ses vassaux. L'ambassadeur du Roy disoit encore auoir commandement de son Maistre, & de Iaques de Velose de faire en sorte, que quelques Peres de la dicte Compagnie vinsent quant & luy: car sans cela le Roy ne se pouuoit persuader, que la paix & alliance entre luy & les Portugais fust ferme, & assurée.

*Iaques
V^e Velose
Portu-
gais ha-
bitât du-
dit pays.*

*Descrip-
tion du
Royaume
de Cam-
baya.*

Or afin d'entendre mieulx l'importance de cest affaire, il sera bon de donner quelque cognoissance de ce pais là. Il faut donc sçauoir en premier lieu, que c'est vn Royaume tout different de celui de Cambaya, duquel a esté parlé cy deuant. Car cestuy cy est le plus Occidental de l'Inde, ainsi qu'à esté dit, mais celui de Camboya, dont nous traitons maintenant, est des plus Orientaux de toute l'Asie. Car du costé du leuant il aboutit à la mer Oceane la plus Orientale qui soit: du Septentrion au pais qu'on appelle la Co-

chinchine qui est entre la Chine, & ce Royaume de Camboya. Du midy il confine avec celui de Sion, & du Ponant à ceux de Bengala & de Pegu. Il y a vne riuere qui se deborde tous les ans en certaine saison, à la façon du Nil, & couure tous les chāps. Les Portugais la nomment Camboya, du mesme nom que le pais: mais d'autres l'appellent Meçon. On va par mer à ce Royaume, suyuant la mesme route que l'on tient pour aller à la Chine; car vn nauire sortant du port de Malaca apres auoir doublé la cap de Syncapura costoyant tousiours la terre vers le Septentrion, entrera dans quinze iours par l'emboucheure dudit fleuue, s'il a le temps propice. Le terroir est abundant en riz, bestail, burre, legumages; & sur tout en bois, propre pour bastir des maisons, & des nauires. Il porte aussi grande quantité de benjoin, & d'autres riches marchandises. On dict que les Camboyas ont esté iadis fort puissants, & ont deuancé tous leurs voisins en multitude de gens, & en puissance; mais depuis quelques années en çà, à cause des guerres, qu'il y a eu entre eux & les Sionois, nommeement depuis l'an 1578. ou enuiron, ils ont fait de grandes pertes, & se sont fort amoindris. Mais pour entendre mieux la source de leur malheur, il faut sçauoir, que par delà le Royaume de Camboya, tirant à mont vers la source du fleuue Meçon, il y a certains peuples barbares, qu'on nôme Laos, lesquels font leur demeure d'ordinaire sur l'orée de ladicte riuere, dans des maisons, qu'ils bastissent de bois, ou bien sur les estangs qu'il y a là aupres, tellement qu'ils se logent sur certains grands vaisseaux, faits à la mode de nos barques, mais plus grands. Ce fleuue à plus de quatre cents fleuës de cours, comme disent quelques vns, jaçoit que les Camboyans ne sçauent d'où il prend son origine. Il est neantmoins probable, qu'elle est vers le Septentrion sur les cōfins des Chinois & des Tartares; comm'on la met cōmunement. Or les Laos, qui habitent es pais situez sur le riuage du fleuue Meçon, eurent enuie, enuiron ce temps que nous auons dit, de veoir choses nouvelles, & nommeement la mer; de façon qu'ils resolurent de descendre par la riuere en bas, pour trouuer l'emboucheure de ce fleuue, & à c'est effect s'assemblerent en nombre de plus de deux cents mille; tous lesquels descendirent à ual l'eau, iusques à rencontrer la mer. Mais estans là il perirent en vne bataille, qu'il y eut entre-eux, & les Camboyans, en laquelle tous lesdits Laos furent ou tuez ou noyez, ou faits prisonniers, & esclaués. Il est bien vray, qu'il y mourut aussi en ce combat vn grand nombre de Cam-

Laos peuples barbares.

Ont enuie d'aller veoir la mer.

Plus de 300000. deffaits par les Camboyas.

boyans, & le Roy mesme qui auoit tousiours fort affectionné & assisté les Portugais de Malaca cōtre tous leurs aduersaires. Il resta neantmoins vn sien fils, qui estoit lors fort petit, mais l'an 1598. quand il enuoya ceste Ambassade, que nous auons dit, au Gouverneur de Malaca, il pouuoit auoir quelques vingt ans. Apres la mort de son pere, il fut tout vn long temps sōbs la puissance du Roy de Sion, qui luy fit endurer beaucoup de pauuretez, & miseres: toutesfois à la parfin avec l'ayde de Dieu, & le secours des Portugais, & Espagnols, il fut remis en son Royaume, apres en auoir chassé les Sionois, qui l'auoient tenu l'espace de dix ans entiers. On trouue en ce pays des villes fort grandes, & beaucoup de temples d'Idoles seruis par les Bonzes, à la façon des Iaponois, & Chinois; combien qu'ils ne sont pas si superstitieux au culte de leurs faux Dieux, cōme les Iaponois. Ils ont des Mandarins qui sont comme leur Iuges & Magistrats, à la façon de la Chine. Quant à la couleur, les Camboyaus ne sont pas si basanés que les Chinois, & ont plus belle façon & entreient. Ils ressemblent fort quant à la beauté du corps & du visage aux Peguans, selon qu'on a peu cognoistre des Ambassadeurs du Roy de Camboya, & de leurs seruiteurs. Mais disons encore vn mot des Laos qui nous reste. Il y en a qui estiment, que tout l'or presque qu'on apporte à la ville de Paquin, ou le Roy de la Chine fait la demeure, vient du pays, ou habitent les Laos; parce qu'ils sont fort proches des Chinois; & ont grande foison d'or; comme l'on peut cognoistre par ce qui s'ensuit. Lors qu'ils descendent en si grand nōbre aual l'eau, ainsi qu'à esté dit, vn Portugais, qui estoit lors au Royaume de Camboya, asseure auoir veu grande quantité de lingots d'or, qu'ils auoient apporté quant & eux: & dit, qu'ils s'en seruoient au lieu de monnoye, pour achepter ce qu'ils auoient besoing; de façon que plusieurs Camboyans, qui leur vendirent des viures, & autres denrées, s'enrichirent en peu de temps par ce moyen. Briel est fort probable, que comme ils sont sur les confins des Tartares & des Chinois, ils se communiquent par le moyen du trafic les vns les autres, ce dequoy ils abondent le plus. C'est ce qu'on a peu sçauoir iusqu'à presēt de ces peuples. Or apres que les Peres du College de Malaca eurent veu les lettres du Roy, & de Iaques Velosce, ils consulterent entre eux, ce qu'ils debuoiēt faire: car d'vn costé ils brusloient de desir de s'employer en telle occasion pour le seruice de Dieu: mais de l'autre ils n'osoient rien promettre sans en auoir au prealable dōné aduis à leurs superieurs,

*Roy de
Camboya
deliuré
des mains
des Sio-
nois.*

*Les Laos
ont grāde
foison d'or.*

& nommement au P. Visiteur Nicolas Pimenta, qui estoit lors en l'Inde basse. Brief ils conclurent qu'il le falloit plustost aduertir: & cependant qu'ils rescriroient au Roy, & à Jacques Velose, les remercians de la bonne volonté & affection, qu'ils monstroient en leur endroit donnans à l'un & à l'autre bonne esperance, qu'ils ne manqueroient à les aller servir, si tost qu'ils auroient eu congé de leur supérieur, & receu gens pour fournir à cela: mais qu'il falloit necessairement attendre la responce de Goa, laquelle ne pouvoit estre venue que de là à vn an. Le P. Emmanuel Carualio Recteur pour lors du College de Malaca, qui escriuit ce que dessus au P. Visiteur, adiouste que c'est vne nation fort docile, & affable, tres-propre pour recevoir la semence de l'Evangile. Car ils ne se sont pas meslangez avec les Sarasins, comme les autres nations, qui habitent sur la coste de la mer, ains sont tous Gëtils, & ont retenu leur naïfue simplicité, à cause qu'il n'ont point eu commerce avec les Europeans, comme quelques autres peuples Orientaux, qui se sont rendus plus fins, & rusez par ceste communication. Il escript d'avantage, que les Iaponois, principalement du Roiaume de Bungo, trafiquët ordinairement avec les Camboyans, & ceux-cy vont aussi negotier à Malaca, enuiron les moys de Ianuier & Feburier; de façon que par ce moyen l'on pourroit deux fois chascque annee faire voile de Malaca au Iappon: l'une par la nauigation ordinaire de la Chine; l'autre par ceste cy de Camboya, qui viennent à tomber en diuers tēps, & par ainsi l'on pourroit auoir plus aisement communication avec ceux qui y sont, & assister de quelques aumosnes les Chrestiens Iapponois, qui pour raison des persecutions, se trouuēt bien souuent en necessité. Car le pays de Camboya est fort plantureux, & abundant en viures. Mais c'est assés arresté à Malaca, & en la terre ferme; passons maintenant aux Isles Moluques, & quelques autres prochaines.

Les Camboyans sont disposés à recevoir la foy.

DE L'ISLE D'AMBOINO, COMME elle a esté conquesée des Portugais; & plusieurs des habitans se sont rendus Chrestiens, qui ont depuis enduré de grandes persecutions.

CHAPITRE XXVI.

L Isle d'Amboino est plus proche de Malaca, & de la terre ferme des Indes, que ne sont les Moluques; & pource nous en

*L'isle
d'Amboi-
no com-
ment con-
questee
des Por-
tugais.*

parlerons plustost, laissant à part ce qui en a esté dit au premier li-
ure. Elle fut conquestée des Portugais en ceste sorte. Du temps
qu'Antoine Galuan (duquel nous parlerons cy apres plus ample-
ment) estoit Capitaine de la forteresse de Ternate, & Gouverneur
pour le Roy de Portugal és Moluques, plusieurs ioncs, ou nauires
des Isles Iaua, Banda, Macazar, & Amboino, s'estans assemblez en
vn, tiroient droict aux Moluques, pour se charger de cloux de giro-
fle. Antoine Galuan voyant, que cela apportoit vn notable dom-
mage au trafic des Portugais, emprunte des Moluquois vingt &
cinq Caracores, esquelles il fit embarquer quelque quarantaine de
Soldats Portugais, & quatre cents ou enuiron des alliez; comman-
dant à Iagues Lopes d'Azeuedo, qui estoit lors Admiral des Molu-
ques, de donner la chasse à ceste flotte. Ce qu'il executa fort heu-
reusement. Car ayant trouué les barbares pres de l'Isle d'Amboi-
no, il les charge si furieusement, qu'il les mit bien-tost en route; fit
vn grand carnage d'iceux, & en rapporta vn riche butin. Car, entre
autres choses ils trouuerent dans les ioncs des ennemis, qu'ils prin-
drent, force pieces d'artillerie, force demy picques, fleches, & au-
tres armes; mais sur tout grande quantité d'argent, qui leur seruit
plus que tout le reste. Ceste victoire donna grande terreur & es-
pouuante à toutes ces Isles d'alentour, & principalement à celle
d'Amboyno: de façon qu'Azeuedo la costoyant, n'eut presque au-
cune difficulté à rendre tributaires à la Couronne de Portugal les
habitans d'icelle. Cela faict, il commence à fortifier, & polir les
lieux plus importants; & pource que les habitans d'Atiue, Mante-
lo, & Nuciuale qui sont les principales villes de ceste Isle, le sup-
plierent instamment de leur vouloir laisser quelques Prestres, qu'il
auoit mené, pour les instruire en la foy Chrestienne, & apres les
baptiser, il les leur accorda tref-volontiers. De façon que plusieurs
se rendirēt Chrestiens; & depuis il y a eu tousiours en c'est Isle, plu-
sieurs des originaires qui ont faict professiō du Christianisme, non-
obstant beaucoup de trauerses & persecutiōs, qu'ils ont enduré à
ceste occasion, comme nous verrons bientoist. Or apres que le Ca-
pitaine Azeuedo eut asseuré ceste Isle au Roy de Portugal, il s'en
retourne à Ternate, d'où il estoit party, chargé de butin & de
gloire; & dès ce temps là les Portugais ont eu en ceste Isle vne re-
traicte pour se rafraischir, & prendre de l'eau douce, lors qu'ils n'a-
uigent de Malaca aux Moluques; comme nous auons dit au pre-
mier liure, où nous auons raconté ce que le B.P. François Xavier y
fit, en

*Les habi-
sans re-
goient
assez vo-
lontiers la
foy.*

fit, en passant, lors qu'il alla aux Moluques, & apres, quand il en reuint. Il y auoit en ce temps là quelques six ou sept lieux de Chrestiens, combien qu'ils estoient fort vexez & tourmentez des Sarra-
 fins habitans des Isles prochaines, & de celle aussi d'Amboino; Car ceste peste Mahometane auoit des-ja commencé d'infester, soixante & dix ans auparauant, toute celle contrée, par le moyen de quelques Caziques, ou Alfaques qu'ils appellent, qui sont les Ministres de la secte de Mahomet; lesquels estans venus de la Me-
 que, avec les marchâds, qui trafiquoiēt en ces Isles, s'inthroniferent peu à peu en ce pais, & attirerent partie de gré, partie par force à leur secte de perdition, grand nombre des habitans de ces Isles. Toutesfois la pluspart des Amboynois estoient encore Payens, lors
 que le P. Xavier y arriua, comme il dict en vne de ses lettres, ad-
 ioustant que ceux-cy portoient vne hayne mortelle aux Sarra-
 fins estrangers, à cause qu'ils les vouloient contraindre à suyure leur
 superstition; & n'y voulans consentir, les prenoient prisonniers, ou les rendoient esclau-
 es, & leur faisoient mille outrages & iniures. Cela fut cause, que plusieurs d'iceux se rendirent si volontiers Chrestiens, mesme de ceux qui auoient receu la secte de Mahomet; lesquels n'estans pas encore fort anchrez en icelle, en estoient aisement destournez. Or pendant le peu de temps, que le P. Xavier y séjourna il les alla tous visiter, & consoler, instruisant mieux ceux, qui en auoient besoing, & les confirmant tous d'auantage en la foy de nostre Seigneur, qu'ils auoient freschement receuë; & l'engraua tellement en l'ame de quelques vns d'iceux, avec lesquels il traictoit plus familièrement, qu'il ne fut iamais possible de la leur arracher du cœur, bien qu'ils encourussent de grâds dangers, & perils de la vie, pour ceste cause, ainsi que nous verrons cy apres. Je ne lairray pas de rapporter icy vne merueille de nature, qu'il escript auoir veuë en ceste Isle; Car c'est vne chose fort remarqua-
 ble, & digne d'estre sceuë. Il dict donc auoir veu vn bouc, qui nour-
 rissoit de son lait deux petits cheureaux; car il auoit vne mam-
 melle sous les genitoires, d'où l'on tiroit chascue iour, outre la nourriture desdicts cheureaux, vne escuellée de lait. Celuy au-
 quel ledit bouc appartenoit, qui estoit Portugais, auoit enuie de
 l'emmenner quant & soy, pour le faire veoir en Europe comme vn miracle de nature: toutesfois ie pense qu'il n'eut moyen de ce faire: car l'on n'en a point ouy autre chose par decà. Mais traictôs de l'ac-
 croissement, que la foy a prins en ceste Isle depuis le depart du P.

*Sont en-
nemis
mortels
des Sar-
razins.*

*Epist. 3.
liu. 2.*

*Vn bouc
qui aime
des che-
ureaux.*

Xavier, lequel y profita beaucoup tandis qu'il y fut, & plus encore apres, par le moyen de deux ou trois choses, qu'il fit pour le bien des habitans. Car en premier lieu aussi tost qu'il fut arriué à Malaca trouuant là trois Peres de la mesme Compagnie, qui estoient venus de l'Inde pour l'ayder, illes enuoya tous trois aux Moluques, & nommément à l'isle d'Amboyno; là où ils trauaillerent si bien, que n'y ayant que sept lieux de Chrestiens auparavant l'an 1547. l'on y en comptoit plus de trente l'an 1562. & l'année suyuant il y eut plus de dix mil ames, qui furēt lauées des eaux du Baptisme. Outre ce auant qu'il en partit, il fit arborer en plusieurs endroits l'estendard de la sainte croix, en l'une desquelles il pleust à Dieu faire paroistre sa puissance & vertu, par beaucoup de miracles, qui s'y sont faits, pour confirmer de plus en plus ces bons Chrestiens en la foy de Iesus-Christ. T'en raconteray vn tant seulement, qui a esté fort public, & auéré; de façon que tout vn long temps on ne faisoit que parler de cela. Il y auoit vne belle & grande croix plantée par le commandement du B. Xavier sur le bord de la mer: de telle sorte, que non seulement ceux qui estoient sur terre, mais encore ceux qui nauigeoient sur mer, la descouuroient de bien loings; si bien qu'il sembloit que ce fut comme vn Phare pour le salut des nauigeans Chrestiens. Or aupres de ceste croix estoit encore resté vn temple ou oratoire de certain Idole, lequel, du temps qu'ils estoient Payens, ils auoient honoré & respecté par dessus tous les autres de ceste Isle. Il aduint donc, que le pays se retrouvant en grande necessité d'eau, à cause qu'il n'y auoit pas pleu de long tēps, tellement qu'on se craignoit d'une sterilité fort grande, quelques femmes, qui auoient esté baptisées vn peu auparavant, s'allèrent adresser à cet Idole, pour luy demander de la pluye, faisans deuant luy leurs anciennes ceremonies & superstitions. Mais il s'en trouua vne mieux apprinse, que les autres, qui estoit mariée avec vn Portugais habitant de ce lieu, laquelle scachant ce que ses compaignes auoient fait, les tança & reprint aigrement, les menaçant de quelque griesue punition, que Dieu leur enuoyeroit, pour auoir commis vn tel sacrilege, si elles ne s'en repentoient, & ne faisoient penitence de leur peché; adioustant que si elles recognoissoient leur faulte, & s'adressoient au vray Dieu, Createur & Seigneur de toutes choses, qui par sa prouidence gouuernoit le monde, luy requerrant son ayde & secours en la presente necessité, qu'il leur donneroit ce qu'elles demandoient. Pauures auégles (disoit elle) quel

Accroissement de l'Eglise en Amboyno.

Croix arborée sur le bord de la mer.

Les femmes n'oublient pas aisement leurs superstitions

Reprehençon que fait vne Chrestienne à quelques autres.

bien vous peult faire le Diable, s'il ne se peut luy mesme garantir,, des peines eternelles d'enfer. Dieu seul Createur de l'univers a,, toutes les choses en sa main, pour les donner quãd, & a qui bon luy,, semble:& c'est luy, qui par sa bonté infinie, vous donra de l'eau, si,, vous la luy demandés, non pas quatre foys, comme vous l'avez de-,, mandée au Diable, mais vne seule. Car il a coustume de bien-tost,, exaucer ceux, qui le prient, comme il fault. Les autres esmenés par telles remonstrances, recogneurent leur peché, & luy dirent qu'el- le les enseignast de prier Dieu, car elles ne l'auoient peu appren- dre encore, n'y ayant pas long temps qu'elles estoient Chrestien- nes, & que ne sçachât pas, comme il falloit prier le Dieu des Chre- stiens, elles s'estoient adressées au Pagode. Lors elle les mene avec soy deuant ladicte Croix, & estant là toutes ensemble, elles com- mencerent à balayer tout autour d'icelle; puis s'en vont cueillir de la ramée, & en oment tout le parterre. Cela fait elles se mettent à genoux, & leur maistresse commence à faire ceste oraison à Dieu à haulte voix, tellement que les autres l'entendoient, & repetoient apres elle, les mesmes parolles: & disoient ainsi. Seigneur Dieu, qui,, cognoissez les necessitez de vos creatures, pour l'amour desquelles,, vous avez enduré mort & passion, donnez nous de l'eau, puis que,, nous sommes Chrestiennes. Chose merueilleuse! Le Ciel estant se- *Miracle* rain, sans aucune nuée, ny autre signe de changement de temps, *aduenu en une* voyla soudain qu'une si grosse pluye va tomber, que la sterilité *Croix.* qu'on craignoit, fut changée en grãde fertilité, & affluãce de biens, qu'on recueillit cest' année là. Ces bonnes femmes ayant veu ce miracle, furent grandement consolées, comme aussi tous les autres Chrestiens qui le sceurent bien-tost. Ce qui les confirma beaucoup en la deuotion, qu'ils portoient à la sainte Croix.

Or ces femmes furent tellement indignées contre leur Pagode: qu'aussi tost elles s'en vont à son oratoire avec plusieurs autres, qui *Punition* les suyuirent, & ruent ce faux Dieu par terre, puis le traignent iuf- *d'une* ques au bord de l'eau, & apres luy auoir fait, & dit mille outrages & injures en contr'eschange de l'honneur, qu'elles luy auoient fait, le jettent en fin dans la riuiera, pour le faire perir par eau, & montrer par là que l'eau auoit plus de puissance sur luy, qu'il n'auoit sur icelle, pour la leur donner du ciel, ainsi qu'elles esti- moient auparauant.

Avec tels, & autres semblables merueilles, que Nostre Sei- gneur leur faisoit veoir, & avec le trauail, que les Peres prenoient

*Persecu-
tions des
Chrestiens
d'Am-
boino.*

à les endoctriner, la foy Chrestienne y print vn tel accroissement, & y jetta de si profondes racines, que les vents & orages de deux ou trois grandes persecutions, qui s'esleuerent depuis, ne l'ont peu mettre par terre. Car des l'an 1558. jusques à celuy de 1562. les Chrestiens de ceste Isle endurerent de grandes trauerfes & afflictions, par la cruauté d'un Capitaine Mahometain appelé Leliato; lequel ayant esté enuoyé à l'Isle d'Amboyno par le Roy de Ternate, pour la reduire à son obeïssance, comm'elle auoit esté d'autresfois, il s'efforça de leur faire quitter, non seulement le party des Portugais, mais encore la foy de Iesus Christ; & à ceste occasion les tormenta & affligea de telle sorte, qu'il en y eut plusieurs, lesquels pour se veoir libres de ces trauaux abandonnerent l'un & l'autre. Mais il en y eut aussi beaucoup, qui se monstrent fort constans, tant à garder la foy promise à Nostre Seigneur aux saincts fonts du baptesme, qu'en l'obeïssance au Roy de Portugal. Or celuy qui fit paroistre son courage & sa fidelité par dessus tous les autres, & par le moyen duquel plusieurs furent maintenus en leur deuoir, fut vn des originaires de la mesme Isle, lequel à son baptesme eut à nô Emmanuel. Et parce qu'il fut pour sa rare vertu, vaillance & preud'homme fait Gouverneur de la ville d'Atiue, on l'appelloit communement Emmanuel d'Atiue.

*Emmanuel
d'Atiue
Ambos-
nois.*

Cestui-cy donc estant desia Chrestien, lors que le B. P. Xavier arriua en ceste Isle, luy tenoit compagnie, quand il alloit visiter les Chrestiens d'icelle; & en contr'echange le Pere l'auoit plus particulièrement instruit és choses de la foy, & vertus Chrestiennes, tellement qu'il les lui auoit bien auant engraüées dans l'ame. Car entre autres graces, que Dieu auoit eslargi à son seruiteur le B. P. Xavier, l'on à remarqué ceste-ci particulièrement, qu'il laissoit les vertus si enracinées en l'ame de ceux, qu'il entendoit de confession ordinairement, ou avec lesquels il traitoit plus sa-

*Grace
particu-
liere du
B. P. Xa-
uier.*

milierement, que jaçoit qu'ils vinsent quelquesfois à s'oublier de leur deuoir; comme nous sommes tous hommes, si est-ce, qu'il leur demouroit tousiours engraüé au plus profond du cœur, aux vns vn grand desdain, & horreur de tout peché; aux autres vn merueilleux courage, pour surmonter les difficultez, qui se presentent au chemin de la vertu; à plusieurs vne crainte de Dieu, & de ses jugemens; & presque en tous vne lumiere interieure, & particuliere souuenance de ce, qu'ils lui auoient ouy dire: par laquelle ils se sentoient grandement esmeus & incitez à la vertu. Ce que

plusieurs ont expérimenté en eux mesmes, & se peut cognoistre en ce, que nous allons dire maintenant. Car c'est Emanuel d'Atiue se monstra non moins vaillant aux armes, que fidele & constant à garder la foy de Nostre Seigneur, si que toutes les autres Chrestiens de l'Isle, qui perseuererent en icelle, furent principalement encouragez par son exemple, comm'il se vid es habitans d'une ville nommée Quilao : lesquels estans assiegez par ledict Leliato, sans auoir quasi aucune esperance de secours, comm'ils estoient presséz de se rendre au roy de Ternate, & de quitter la foy Chrestienne, parce que (ce leur disoient les assiegeans) il n'y auoit plus de Portugais en toute l'Isle d'Amboino, pour les defendre, ny aucun des originaires, qui n'eust renié la foy Chrestienne, hormis eux; les assiegez leur respondoient, que tandis qu'Emanuel d'Atiue seroit en vie, & persisteroit en la foy de Iesus-Christ, qu'il ne leur falloit point parler de se rendre, ny de quitter leur religion : estimans quasi impossible, d'auoir le dessus sur lui, & de lui faire quitter la foy, tant ils auoient d'opinion de sa vaillance, & vertu. Aussi fit-il plusieurs fois preuue, & de l'un, & de l'autre. Car il combattit souuentefois lui seul avec ceux de sa ville d'Atiue contre les Sarrasins, & autres originaires de ceste Isle, qui auoient apostaté de la foy, tellement que le combat duroit quelquesfois depuis le matin jusques au soir, & tousiours il emportoit le dessus; bien que la partie fut fort inegale, si que lon estimoit les victoires, qu'il gaignoit sur ses ennemis, du tout miraculeuses. Il fut assiegé l'espace de trois mois dans Atiue, là ou vn sien beau frere se banda contre lui; & quelques Portugais mesmes, qui tenoient le parti de ce sien beau frere le voulurent tuer; de façon que deux d'iceux lui auoient desia affusté les arquebuzes contre le visage. Lui voyât cela, & pensant estre mort, se va prendre à vne croix, qu'il y auoit là tout contre, & l'embrasse, disant tout haut ces parolles: Je veux mourir en la croix de mon Seigneur, car c'est ainsi que me l'a enseigné le Pere François: mais il trouua la vie, là où il attendoit la mort. Car pour la reuerence & le respect, que les Portugais eurent à la croix, ils n'oserent lui tirer: ains cest acte de deuotion leur changea tellement le cœur, qu'ils se repentirent de lui auoir voulu faire tort. Or apres auoir esté assiegé si long temps dans la ville d'Atiue, & trauerse de la sorte; finalement Henry de Saa Portugais, estant abordé là avec vne flotte, qu'il menoit pour la defense de ces quartiers des Moluques, dont il auoit esté

*Quilao
ville
d'Amboi-
no assie-
gée.*

*Vaillance
d'Ema-
nuel d'Atiue.*

*Est assie-
gé l'espace
de trois mois*

*Sa vertu
& deuotion.*

*Est deli-
vré par la
flotte de
Henry de
Saa.*

constitué Gouverneur, deliura les assiegez, mettant en fuite les Sarraïns Amboinois, & donnant la chasse à ceux de Ternate, qui les estoient venus ayder. Cela fait, il entre dans la ville d'Atiue prend prisonnier le beau frere d'Emanuel, & chastie les autres, qui auoient esté cause de ces tumultes, & seditions intestines: brief il remit l'Isle d'Amboino en tel estat qu'on y peut viure en paix, & s'employer à la reduëtion des apostats, & autres infideles, comme auparavant. A ces fins deux Peres de la Compagnie nommez Marc Prancudo, & Iaques de Mascaregnas, qui estoient venuz avec ceste flotte, s'arrestèrent là pour quelque temps, & depuis vindrent autres deux, sçauoir est les P.P. François Vieyra, & Iaques de Magallanes, lesquels dans peu de temps reconcilierent à l'Eglise ceux, qui auoient quitté la foy durant la persecution, & baptizerent encore de nouueau les habitans de quelques autres lieux, tant Gentils que Sarrazins. En quoy ils furent particulièrement assiste par dudiët Emanuel d'Atiue, lequel non content d'auoir chassé les ennemis avec les armes, & fait reparer quelques lieux des Chrestiens, qui auoient esté ruinez à ses propres cousts, & despens; lui mesme preschoit la foy à ceux, qui s'en estoient separez, & aux autres, qui ne l'auoient encore embrassée, & ce avec vn tel profit, que selon le dire de nos Peres, l'Isle d'Amboino ne deuoit pas moins à ses parolles, que à ses hauts faicts d'armes. Or quand on lui demandoit d'ou lui venoit vn tel courage, vne si grande lumiere aux choses de la foy, & vne telle constance & fermeté en icelles;

*Presche
la foy
aux apo-
stats &
infideles.*

*Mumble
respõe.*

Il respondoit souuentefois en ceste sorte. Je suis (disoit-il) vu pauvre Amboinois nourri & esleué parmi les forests, qui ne sçais que c'est d'estre Chrestien, ny que c'est que de Dieu: seulement sçay-je vne chose, que le Pere François m'enseigna, à sçauoir, que c'estoit vne bonne chose, que de mourir pour l'amour de mon Sauueur Iesus-Christ; ausquelles parolles & enseignemens du Sainct Pere, je dois cela, que je ne suis pas Sarraïsin. Et s'il ne m'eust ainsi endoctriné je serois peut estre aussi bien tombé comme les autres. Mais ses parolles ont prins possession de mon cœur, de telle sorte, que jamais elles ne mont laissé gauchir à autre foy ny loy, que celle de mon Seigneur I E S V S- C H R I S T. Telle estoit la simplicité, de ce bon Emanuel, qui fut le support de tous les Chrestiens, qui demurerent fermes en la foy durant ceste premiere persecution. Mais deux ou trois ans apres, à sçauoir l'année 1565. ils furent encore plus cruellement tourmentez des Sarraïns de l'Isle de

*Seconde
persecu-
tion des*

Iaua, lesquels saccagerent & ruinerent de fond en comble quelques dix villes ou villages des Chrestiens, & non contans de cela, tous ceux, qu'ils pouuoient attraper, estoient par eux cruellement, & barbarement bourrellez, s'ils ne vouloient renier la foy de Iesus-Christ. Mais nonobstât ce il en y eut plusieurs, qui persueuerēt constamment en icelle, iauoquans en leurs tourmens jusques au dernier soupir les tressaincts noms de IESVS MARIA; & de ceste sorte finissoient heureusement leur vie, ennoblis de la couronne du martyre. Or entre les bourgs que les ennemis prindrent & saccagerent, il y en eut vn, auquel les barbares firent des actes les plus cruels & inhumains, qu'on scauroit dire, ou penser, & ce pour l'occasion qui s'ensuit. Les habitans de ce lieu (on n'a point escrit son nom) sachans, que les Iauois traittoient avec grande irreuerence les croix, qu'ils rencontroient es lieux des Chrestiens, dont ils s'emparoiēt, comme ils virent qu'ils ne pouuoient soustenir plus long temps le siege, estans contraincts de se rendre à la mercy del'ennemi, ils consulterent entr'eux, comment ils pourroient garantir la croix, qui estoit plantée en leur bourg, des mains prophanes & sacrileges des barbares. En fin apres auoir resolu de la cacher le mieux qu'il leur seroit possible, ils s'en vont tous avec vne tres-grande tristesse, l'oster du lieu ou elle estoit, & l'enveloppent dans des draps noirs les plus precieux, qu'ils eussent, & l'enterrent dans vne fosse profonde, couurans le lieu le mieux qu'ils sceurent, afin que les ennemis ne la trouuassent. Apres qu'ils eurent ainsi caché leur croix (qu'ils estimoient, & non sans cause le plus grand thesor qu'ils eussent) ils ouurent les portes aux ennemis, lesquels trouuans à dire la croix, qu'ils scauoient auoir esté d'autresfois là, se mirent à crier & tempester, hurlans comme chiens enragez; car ils n'estimoient pas auoir mis fin à leur victoire, s'ils n'auoient executé au prealable toutes les indignitez, que la fureur diabolique leur suggeroit contre icelle, tellement qu'ils menacent les Chrestiens de leur faire endurer les plus cruels tourmens, qu'ils eussent jamais veu ny ouy, s'ils ne la leur monstroient. Mais ils ne gagnèrent rien pour cela, si que tant pour ceste cause, que pour ne vouloir quitter la foy de Nostre Seigneur, il y eut six cens personnes de ce lieu mises à mort avec des supplices les plus barbares, & inhumains qu'on scauroit imaginer. Car ces impies & detestables bourreaux ne se contentoient pas de leur trancher la teste, ou de les faire mourir de quelque genre de mort

Chrestiens
d'Amboine
no sont
persecu-
tes.

Les insu-
lares de
Iaua
cruels &
barbares,

Deuotion
singuliere
enuers la
Sainte
croix,

Cruauté
barbare.

qui ne dure guere. Mais leur cruauté s'ingenioit à inuenter nouvelles sortes de tourmens, pour bourreller ces bons Chrestiens: car ils les prenoient tous vifs, & leur couppoient les membres du corps vn à vn, tantost vn bras, maintenant vne cuisse, ores vne espaule, & ainsi consecutiuellement de toutes les autres parties de leur corps. Apres qu'ils les auoient tronçonnez de la façon, ils faisoient rostir leurs membres deuant eux, & les mangeoient en leur presence: de sorte que ces bien-heureux martyrs se voyoient taillez en pieees, & deuorez, auant qu'estre du tout morts. Voyla comme ces barbares les desmembroient jusques à ce, qu'ils auoient perdu tout sentiment, & la vie mesme, sans que pour cela ces genereuses ames perdissent jamais courage: ains persistant tousiours en la confession de la foy, ils rendoient leur esprit à demi mangez, mais non pas vaincus. Quelques femmes d'honneur pour euader la furie de ceste persecution, prirent leurs petits enfans en leurs bras, & laisserent leurs maisons, & tout le bien à l'abandon, pour s'aller cacher parmi les montagnes; ayans mieux endurer là vne milliaise d'incommoditez, que quitter la foy. Mais les Sarrafins ne laissoient aucun cachot, qu'ils n'allassent reuisciter, ny aucun coing qu'ils n'allassent fouiller, de façon qu'ils en trouuerent plusieurs, & mirent à mort celles, qui ne voulurent abandonner la foy Chrestienne. Il y eut encore force petits enfans lesquels voyans qu'ils n'auoient aucun moyen d'euader sur terre la cruauté de ces barbares, se jettoient dans la mer, & passioient à la nage, jusques à quelques autres Isles voisines, ou bien se cachaient parmi les rochers, qui estoient sur le bord de la mer. Quelques vns d'iceux voyans vn pauvre Portugais, qui venoit au secours des Chrestiens, tirerent droit à iceluy en nauigeant, & avec vne voix lamentable disoient à ceux, qui estoient dedans, Nous sommes Chrestiens, nous sommes Chrestiens, aydez nous, secourez nous. Les Portugais esmeus à pitié, & compassion en receurent dans leur vaisseau autant qu'ils en trouuerent, esmerueillez de voir vne si grande constance en vn aage si tendre: car ils n'auoient pas plus haut de dix ou douze ans.

*Constâce
merueilleuse
des
martyrs
Amboi-
nois.*

*Constâce
des fem-
mes &
petits en-
fans.*

*Trauerfes
& dangers
qu'ont en-
duré les
Peres de
la Com-
pagnie en
l'Isle de
Amboine.*

Nos Peres, qui souloient instruire & endoctriner ces Chrestiens, ne furent pas aussi exempts de ces traueses; car le Pere Nunes Ribera, qui auoit demeuré long temps en ceste Isle, estant vn jour dans vne pauvre maisonnette, ou il souloit se retirer; les Sarrafins, l'ayant enuironnée de bois & de paille y mirent le feu, pen-
sans

sans le faire bruster là dedans tout viif. Mais Nostre Seigneur le garantit de ce danger ; toutesfois peu de jours apres, il tomba en vn autre. Car voulant entrer dans vne barque, pour se retirer en vne autre Isle ; la barque & lui s'enfoncerent dans leau . Il se mit bien à nager, car il y estoit apprins, mais les flots estoient si violents, qu'ils luy firent heurter de la teste & du corps contre les rochers, tant de fois, & si rudement, qu'il en sortit tout rompu & froissé ; de sorte que ne pouuant se tenir sur ses pieds, il fut là l'espace de deux ou trois jours, se traissant par terre, sans estre secouru d'ame viuante, jusqu'à ce, qu'un pauvre homme le rencontrant en cest estat eut compassion de luy, & le porta en vn village, ou il y auoit quelques Chrestiens, desquels il fut traité si charitablement, qu'il fut remis en santé bien tost. Ce Pere estoit fort charitable mesme-
Pere Nuges Riberas fort charitable enuers les
 ment enuers les pauvres, si qu'un jour en voyant vn eu fort grande necessité, & n'ayant rien que luy donner, il despouille sa robbe, & la luy baille, se couurant par apres de quelques vieux haillons; ou d'une couuerte de liêt : & de ceste sorte il alloit çà & là visitant
pauvres.
 les lieux des Crestiens. Que s'il ne pouuoit marcher à cause de sa foiblesse, ou maladie, il se faisoit porter là ou on auoit besoin de son ayde, & secours; fut-ce ou pour ouyr les confessions des malades, ou pour leur administrer les autres Sacremens, & assister ceux, qui tiroient à la mort, ou en autres semblables œuvres de charité. Finalement apres auoir enduré beaucoup de trauaux, & couru de grands hazards de sa vie, tant pour la conuersion qu'instruction des habitans de cest'Isle il y finit en paix le cours de ceste vie mortelle, accablé de foiblesse & de lassitude.

Mais enuiron l'an 1580. il y eut deux de nos Peres, l'un nommé
Martyre des Peres
 George Fernandes & l'autre Gomez Damaralio, lesquels allans
George Fernâdez & Gomez Damaralio.
 à l'Isle d'Amboino dans le Galion d'un Portugais nommé Augustin Nuges rencontrèrent en chemin, tout aupres de l'Isle de Iaua maior quelques nauires des Iauois, (qui sont ennemis mortels des Chrestiens, & mesmement des Portugais) lesquels inuestirent tout aussi tost le Galion: & tandis que lesdicts Peres oyoient en confession les soldats, marchans, & autres passagers, qui estoient dans le nauire, les ennemis y entrerent dedans, & les mirent à mort. Mais ce sont des rencontres ordinaires, qui leur abbregeant d'autant le cours & les miseres de ceste vie mortelle, pour leur donner tant plustost la couronne immortelle de gloire.

DES ISLES MOLUQUES: COMMENT
les Portugais y ont eue entrée, & du commencement
& progres du Christianisme
en icelles.

CHAPITRE XXVII.

LAISSANT à part ce que j'ay dit de ces Isles au premier li-
vre, je raconteray icy quelques autres choses, qu'il y a de re-
marquable; & pour m'iieux entendre plusieurs euenements, qui
concernent le cours de la Religion Chrestienne en ces Isles, je de-
duiray en brief ce, qui est adueni sur ce subiect, depuis que les
Il y a trois Rois aux Moluques. Portugais y ont mis le pied. Il faut donc sçauoir, que bien qu'on
appelle d'un nom commun Moluques ces cinq petites Isles, à sça-
uoir Ternate, Tidore, Moutel, Maquien, & Bachan: toutesfois si y
a-il plusieurs Roys en icelles. Car l'Isle de Ternate, qui est la pre-
miere vers le Nort, à vn Roy à part, lequel est aussi Seigneur de
Moutel, & de Maquien. Il a encore possédé autresfois (& je ne
sçay si à present il possède) les Isles de Banda, qui portent la noix
muscate, & le macis, qui est la fleur de la noix. Mais en l'Isle de
Tidore, il y a vn autre Roy, qui faict souuent la guerre à celuy de
Ternate; & vn autre à l'Isle, ou pour mieux dire, aux isles de Ba-
Isles de Bachan. chan. Car ce n'est pas vne Isle seule, ains plusieurs, diuisées, & se-
parées l'une de l'autre par le moyen de tout plein de canaux, ou
petits destroicts, qui ne se peuuent nauiger, sinon avec des barque-
rolles ou esquifs. On les prend toutesfois, comme si elles n'estoient
qu'une, pource qu'il n'y a qu'un Roy, qui commande en icelles.
Et voila comment on peut accorder (à mon aduis) ceux, qui di-
sent, que les Isles Moluques sont en grand nombre, avec les autres,
qui n'en content que cinq. Au reste le pais est fort bas, & mal ai-
*L'air des Moluques mau-
uais.* ré pour l'ordinaire, à cause qu'il est continuellement abreué d'eau
de toutes parts; nommément les Isles de Bachan; toutesfois les
montagnes & lieux hauts esleuez, qu'il y a, ont vn bon air. On trou-
*Monta-
gnes qui
vomissent
le feu aux
Molu-
ques.* ue en plusieurs de ces Isles des montagnes, qui vomissent le feu,
& quelquesfois aussi des grosses pierres avec vn tel esclat, qu'il n'y
a piece d'artillerie, pour grosse qu'elle soit, qui mene vn si grand
bruiet, quand elle jette les boulets avec la plus grande force
& vehemence qu'il est possible. Or le plus grand de tous ces feux

est à la cime de la plus haute montagne de Ternate, là ou on ne peut monter, sinon avec des eschelles de corde. Elle brusle continuellement, jasoit qu'au mois d'Auril & de Septembre, lors que les vents regnent le plus, le feu s'y embrase d'auantage. De jour on n'en void sortir que des grosses & espesses fumées, comme d'une fornaisie de chaux, quand on commence à la chauffer; mais de nuit c'est vne chose espouuantable de veoir la diuersité des couleurs, que faict l'impression & reuerberation de la lumieere, que rend le feu donnant en ceste fumée. Il en sort aussi grande quantité de cendre, laquelle s'espand au long, & au large par ladicte montaigne, tellement que les arbres, qu'il y a alentour en sont quelquesfois tois couuerts, comme les lieux froids en hyuer de neige. Les pierres, qu'elle jecte, sont aucunes fois si grosses que des arbres, & en vomit tout plein de la grosseur d'une meule de molin. Ce feu sort par des trous, qui sont au bout de la montaigne, faicts en rond à la façon de cheminées. La terre qui est tout autour de ces trous, d'ou sort le feu, & brief des le plus haut jusques au milieu de la montaigne, est spongieuse & legere, neantmoins elle tient ferme & n'est pas menuisée comme la cendre: mais elle ne porte ny arbre, ny herbe aucune, sinon depuis le milieu de la montaigne en bas, & ceste moitié est toute couuerte d'arbres. De là sortent aussi des riuieres, & fontaines, qui ne tarissent jamais, & arrousent toute la campagne de l'Isle, comme si le feu faisoit suer & distiller en certaine façon l'humidité contenue dans les rochers: tellement qu'en vn mesme lieu on trouue la source de deux contraires elements, à sçauoir du feu & de l'eau. Il y eut quelques Portugais, qui furent vn jour curieux d'aller veoir de plus pres ceste merueille de nature; mais estans pres de ces bouches de feu, ils furent si estonnez & effrayez, qu'ils se mirent à courir par ces rochers, comme des insensés, crians les vns aux autres; fuyons, fuyons l'ire de Dieu. Il semble qu'en ce lieu Dieu ait voulu bailler vne monstre des feux infernaux à ces gens, que personne n'aduisoit des peines & supplices des damnez: afin que par ce tant horrible spectacle, ils apprinsent quelque chose des tourmens, qui les attendent, s'ils ne s'amendent de leurs pechiez; consideration que le B.P. Xavier faisoit estant là, fort semblable à celle de Tertullien, parlant des feux pareils des montagnes de Vesuuie en la campagne d'Italie, & du mont d'Aetna en la Sicile: lequel estime que tels miracles de nature sont baillez aux hommes, pour les aduiser de la

*Jettent
aussi for-
ce cédres*

*Vn mes-
me lieu
source du
feu & de
l'eau.*

*Conside-
ratio pro-
fitable
sur tels
feux.*

fureur diuine contre les meschâts. Mais c'est assés parlé de ces montaignes pour cest heure, car au chapitre suiuant, nous verrons comme Dieu s'est seruy de ces feux pour la punition des habitans de l'Isle du More.

Quant aux Moluques, elles ont non seulement quelque representation ou ressemblance des Enfers, comme a esté dict, mais encore des choses, qui peuuent exciter les habitans d'icelles, à la consideration du Paradis: car on y trouue des oyseaux, qui ont le plus beau plumage qu'on aye encore veu; & pource on les appelle les oyseaux de Paradis: les Portugais les nomment passaros do sol, pour ce qu'ils volent tousiours contre le soleil, ou l'ayans en face: les habitans, comme disent aucuns, les appellent Manucodiatas. Ils n'ont point de pieds, & pource on pense qu'ils ne viennent iamais en terre, sinon quand ils tombent morts: car personne, à ce qu'on dit, ne les y a veus sinon morts. Ils n'ont point aussi d'aïsses, mais vne belle & longue queue. I'en ay veu icy à Bourdeaus vn tout mort, lequel me sembla bien auoir esté nommé à bon droit oyseau de Paradis, à cause de sa rare beauté. On les trouue seulement és Moluques, à tout le moins qu'on sçache iusqu'à present. Il y a aussi là mesme vne sorte de Perroquets, qui ont le plumage encore plus beau que les communs: ils caquetêt comme les autres, & l'on en rend quelques vns si familiers, & priuez, qu'ils vont peigner avec le bec, la barbe de leur maistre, & font tout plein d'autres gentilleses.

Mais ce qui est de plus rare en ces Isles, & qui les rend si fameuses, & hantées, qu'on y court d'un bout du monde à l'autre, ce sont les cloux de girofle, qu'elles seules presque portent, comme l'on tient communemēt. Car l'on n'en a trouué guere ailleurs, qu'on sçache. Les anciens Grecs, & Romains, les appelloient Caryophylla, ou Garyophylla, ainsi qu'on peut voir dans Pline; noim qu'ils auoient, peut estre, emprunté des Perses, qui les appellent Calafur; aussi par le moyen d'iceux, les vns & les autres ont eu la cognoissance de ceste drogue. Les Portugais l'ôt appellée clou, pour la ressemblance, qu'ell'a avec ceux, desquels on clouë les ais, combien que les Moluquains l'appellent Chaque, ou Chanque. Les arbres qui portent ce fruiēt, sont d'ordinaire gros, haults, & pointus; ils iettent force branches, mais toutes fort minces: les feuilles sont semblables à celles du laurier, & sentent bon, comme celles là, que si on les masse elles bruslent la langue tout de mesme, le bois de cest arbre est dur, & de longue durée, la fleur (qui est le fruiēt de l'arbre) est pre-

L'oiseau
de Para-
dis se
trouue
és Molu-
ques.

Cloux de
girofle és
Molu-
ques seu-
lement.

Plin. lib.
12. c. 7.
Tarcias
ab horto.
li. 1. c. 11.

Descrip-
tion de
l'arbre
girofflier.

mierement blanche, puis elle deuient verte, apres jaune, & lors le
 fruit est meur. Mais l'ayant mis au Soleil deux ou trois iours, il
 prend la couleur avec laquelle nous le voyons. Cest arbre vient de
 soy-mesme es Moluques, sans estre planté ou cultiue : mais seule-
 ment des cloux de girofle qui tombent à terre, il en sort vn arbre
 lequel dans 8.ans porte fruit & dure bien cent ans. Il est si sec de
 sa nature, qu'il attire à soy toute sorte d'humidité de la terre, de
 façon qu'il ne laisse croistre aupres de soy aucun autre arbre, ny
 mesme vne seule herbe verdoyante : si que pour faire secher vn
 bois tant espais soit il, ou vne grande forest, le meilleur moyé qu'ils
 ont, c'est d'y planter au milieu vn rang de ces arbres. Car à mesure,
 que ceux cy croistront, les autres viendront à se secher : & la mesme
 propriété retièr encore le fruit. Car on dit, que si l'on approche vn
 vaisseau plein d'eau, ou d'autre liqueur de quelques charges de
 cloux de girofle, ils n'y en laisseront goutte dans peu de temps : tel-
 lement que si on mettoit dans vne caue pleine de vin, quelque
 grande quantité de cloux de girofle, l'on trouueroit dans peu de
 temps les tonneaux tous vuydes de vin, bien que personne n'y
 eust touché. L'on recueille ce fruit tant seulement en ces cinq
 Isles, & en quelques autres prochaines, comme en celles de Iris, &
 de Meytarana, qui sont tout aupres de Ternate ; cōme aussi en au-
 cunes voisines de Tidore, pareillement en celle de Geilolo, & quel-
 que peu encore en Amboyno. Il y en a bien aussi qui disent, que
 l'arbre giroflier croist encore en l'Isle de Ceilan, & en quelques au-
 tres lieux, mais il ne porte pas de fruit sinō es Isles susdictes, & les
 meilleurs cloux de girofle se recueillent es cinq Moluques, lesquel-
 les aussi en donnent plus grande quantité, que tout le reste. Mais
 elles sont si petites, que la plus grāde n'a pas plus haut de six lieuës
 de circuit, tout de mesme que les Isles de Banda, qui portēt la noix
 muscate. Car la plus grāde n'a pas plus de trois lieuës de longueur,
 ny plus d'vne de largeur. Il semble que Dieu à voulu cacher aux
 hommes dans des Isles si petites, & si escartées, les amorces de la
 gloutonnie, tout ainsi comme dans les entrailles de la terre, l'or & le
 argent, allechemens de l'auarice. Et neantmoins l'on y est telle-
 ment affriandé, que pour les auoir, & contenter l'appetit insatiable
 des plus delicieux, on trauerse les mers du Ponāt au Leuant, on na-
 uige les années entieres, on encourt vne infinité de perils des tour-
 mentes, des escuils, des sablonnières, des larrons, & autres sans nō-
 bre. Je laisse à part combien ces Isles ont cousté de sang humain,

*Notable
 secheresse
 tant de
 l'arbre
 que du
 fruit.*

*Isles pro-
 ches des
 Molu-
 ques, qui
 portent ce
 fruit.*

*Provi-
 dent-
 ce de Dieu
 d'empes-
 cher que
 le fruit si
 bon ne
 soit ca-
 ché.*

Isles Moluques fort contestées.

mesme depuis quelques années ençà, non seulement des barbares, mais aussi des Chrestiens. le diray seulement come elles ont cuydé causer de grandes guerres entre les Roys de Portugal, & de Castille: car ayant eité trouuées par les Portugais premierement, du costé d'Orient, les Espagnols les allerent aussi descouurir du costé d'Occident, & contestoyent les vns avec les autres, chacun disant qu'elles estoient de ses appartenances, de façon qu'on enuoya plusieurs flottes, on despendit force moyēs, on fit perdre beaucoup de gens; & ce tant seulement pour sçauoir si elles tomboient par deçà, ou par delà le Meridien, qui diuise les conquestes de l'une & de l'autre Couronne. Mais en fin ces deux Princes s'accorderent, de sorte qu'elles ont demeuré aux Portugais; lesquels y ont eu entrée depuis l'an 1522. en la façon qui s'ensuit.

Comme les Portugais les ont descouvertes.

Après que le grand Albuquerque eut conquis à la Couronne de Portugal le Royaume de Malaca, il enuoya vn Capitaine nommé Abreo, avec vne flotte de nauires, pour descouurir les Isles Moluques. Cestuy cy estant venu aborder premierement à l'Isle de Iaua, puis à quelques autres, & finalement à l'isle principale de Banda, où l'on trouue la noix muscate, content d'auoir descouvert cela, & faict paix & alliance avec les habitans de ces Isles au nom du Roy de Portugal, il s'en retourne pour en porter les nouuelles premierement à Malaca, & puis en l'Inde, & de là en Portugal. Or comme il eut demaré de l'Isle de Banda avec le reste de sa flotte, voicy qu'une grosse tempeste s'esleue, laquelle emporta l'un des nauires, auquel commandoit le Capitaine François Serran en certaines Isles appellées Lucopines, là où son nauire se brisa contre les rochers, qu'il y a là tout aupres. Ceux du nauire sauuerent leurs personnes, & leurs armes: Mais comme en ces lieux, il y a force larrons, ou escumeurs de mer, si tost qu'ils apperceurent, que le nauire auoit heurté, & s'estoir fracassé, ils accoururent pour en auoir les despoilles avec vne caracore. Dieu voulut qu'entre les mariniers de Serran se trouuerent quelques Malayois, qui sçauoyent bien la coustume de ces gens; tellement qu'ils aduiserent le Capitaine, que s'il ne se prenoit garde, ces voleurs estoient pour luy iouer vn mauuais tour, & pour le mettre à mort avec tous les autres de sa suite. Serran creut leur conseil, & se met en embuscade pour prendre ces larrons, lors qu'ils y penseroient le moins. Les brigans estans sautez à terre, s'en vont çà & là chercher ceux qui auoient faict naufrage, pour les tuer, & se saisir plus aisement de leurs despoil-

François Serran Portugais faict Bi-zeaux Lucopines.

les. Là dessus les Portugais sortent de l'embuscade, & tandis que les autres alloient furetant çà & là, ils s'emparent de leur caracore. Les autres furent bien estonnez, lors qu'ils virent faisi leur vaisseau, car ils estoient en vn pays desert, là où il leur falloit perir miserablement, si les Portugais en amenoient leur caracore sans les y admettre, de façon qu'ils commencent à les supplier à ioinctes mains de les vouloir recevoir dans icelle, promettans que si on leur faisoit ceste grace, ils les meneroient en vn lieu bien proche de là, où ils pourroient se loger commodement. En fin les Portugais eurent pitié d'eux; & les receurent dans le vaisseau, lequel ils conduisirent si bien, que dans peu de temps, ils le font aborder à l'Isle d'Amboino, là où les Portugais furent receus, & traictez fort humainement des habitans du port de Rucutel: ausquels ils rendirent bien la pareille, car ils les assisterent en vne guerre, qu'ils auoient contre les habitans de la ville de Veranala située en la Batechine du More, si bien que par leur ayde & secours les Rucutelois emporterent la victoire. Le bruit de cecy s'espandit tout incontinent bien loing de là, & arriua iusques aux oreilles des Roys des Moluques, nommément du Roy de Ternate appelé Boleife, & de celuy aussi de Tidore nommé Almanfor, lesquels bien qu'ils se fussent rendus tous deux Mahometains quelque temps auparavant, se faisoient neantmoins la guerre à leur accoustumé, se debattans sur les confins de leurs seigneuries. Or comme ils sceurent que les Portugais estoient si braues soldats, chacun d'eux taschoit de les attirer de son costé, pour se preualoir de leur ayde contre son ennemy, & leur enuoyèrent tous deux des nauires, pour les mener, car ils auoient perdu le leur, & des soldats encore pour leur faire escorte. Mais Boleife fut le plus diligent en cela, car il leur enuoya dix nauires, & mille soldats pour les conduire avec assurance à l'Isle de Ternate: si bien que le Capitaine Serran avec ses compagnons, accepta ce party, laissant celuy du Roy de Tidore. Estant donc arriué à Ternate il fut grandement honoré & caressé du Roy, & au contraire celuy de Tidore, en fut griefuement offencé: toutesfois cela fut cause qu'il fit la paix. Car voyant que son cōpetiteur estoit appuyé de l'ayde des Portugais, il le rechercha nō seulement de faire paix, mais encore de s'allier avec luy, luy offrant vne de ses filles en mariage. Ce que le Roy de Ternate accepta volontiers, & se maria avec vne fille dudit Almanfor, qui estoit Princeesse de grand entendement nommée durant son Paganisme, Neachila Pocaraga; mais depuis ayant esté

Gentil me.
stratage.

Vaillâce des Portugais.

Les faict desirer aux Moluques.

Entrée de Serran. des Moluques.

pour y bastir vne forteresse tout contre la cité de Ternate; promettans de l'ayder de ce qui seroit necessaire, pour le bastiment d'icelle. Le Capitaine fut bien aise de trouuer vne si belle commodité, pour se loger en ce Royaume: & bien que le Roy de Tidore luy eust faiect les mesmes offres, pour l'attirer à soy, il fut neantmoins d'aduis d'accepter plustost ce qu'on luy presentoit à Ternate, tant pour entretenir l'amitié commencée, avec le Roy defunct en ses enfans; que pour raison du port de Ternate, qui est meilleur, que celui de Tidore. On commença donc à bastir la forteresse: en quoy *Bastit vne forteresse à Ternate* bien que la Royne se monstroit fort affectionnée & liberale, y aydant de ses propres moyens: toutesfois celui qui donnoit plus de chaleur à la besongne, c'estoit le Regent Cacil d'Aroe: ce qui fut par apres cause de sa mort, & à tout le Royaume de beaucoup de mal-heurs. Car la forteresse estant paracheuée, la Royne mere du petit Roy, commença à redouter la trop grande puissance, que s'estoit acquis ledit Aroe, voyant mesme qu'il auoit vne fort estroite familiarité avec les Portugais, de façon qu'elle entra en soubçon, qu'il se vouloit vsurper la Couronne, pendant la minorité de son fils, & que les Portugais luy tenoient la main en cela. Mais jaçoit qu'elle ne se trôpast pas, quant à la pretension d'Aroe, si faisoit bien estimant que les Portugais l'aydassent en cecy: car pas vnd'iceux ne sceut iamais la trahison, quel'autre brasloit dans son cœur. En fin *Trahison qu'on luy brassé.* la Royne se craignant de ce que dessus, en donne aduis à son pere, le Roy de Tidore: lequel se ressentant encore de ce que les Portugais n'auoient voulu accepter son alliance, ny faire demeure en ses terres, fut bien aise d'auoir vne telle occasion, pour se venger d'eux: de sorte qu'il se met à faire dessoubz main tous les preparatifs de guerre qu'il peut. Cecy neantmoins ne se traicta pas si secrettement, que le Capitaine Brite n'en print le vent, lequel se sentant griuelement offensé de ce qu'on ourdissoit contre luy vne si méchante trahison, aduisa ses gens de se tenir prests: & lors que la Royne y pensoit le moins, il se iette avec ses soldats sur le palais du ieune Roy, & se saisit de luy, & de ses freres, avec vne telle promptitude & vaillance, qu'il eut plustost gagné le Palais, qu'on n'eust eue donné de garde. La Royne neantmoins eut moyen de se sauuer, & s'en alla au Royaume de Tidore, vers son pere, laissant ses trois enfans prisonniers entre les mains du Capitaine Brite, lequel tout aussitost les retira dans la forteresse. Plusieurs choses se passerent la dessus, qui sont hors de mon propos, mais en fin la conclusion fut que

*Bonbat
Roy de
Ternate
est empoi-
sonné par
Aroez.*

le Regent Aroez fit mourir par poison le Roy Boahat fils aîné de Bolice, tandis qu'il estoit encore detenu dans la forteresse des Portugais, pensant s'vsurper par ce moyen la Couronne: mais Dieu, qui est iuste iuge & vengeur des iniquitez, le punit d'une mort ignominieuse, qu'il receut des Portugais, bien que pour une autre occasion. Car peu de temps apres on descouurit une trahison, qu'il tramoit contre le Capitaine Meneses, lequel auoit succédé en ceste

*Aroez est
executé à
mort pour
trahison.
Pereyra
Capitaine
des
Portugais
à Ternate*

place au Capitaine Brite: & pour ceste cause il fut executé à mort sur un eschafaut en la ville mesme de Ternate, où il auoit eu tant de credit & autorité. Or apres que le Capitaine Meneses fut hors de charge, le temps de son gouuernement estant expiré, un autre nommé Gonzalo Pereyra vint pour estre Capitaine de Ternate: cetuy-cy voulut appaiser les tumultes & seditions, qui s'estoient esleuées parmy le peuple, à cause de ceste detention iniuste de leurs Roys, & taschant de faire retourner dans la ville de Ternate la Royne, & les autres habitans qui s'en estoient fuis, se monstra fort doux & humain enuers un chacun, & promit à la Royne de luy rendre ses deux enfans, qui restoiēt encore en vie, aussi tost que la forteresse des Portugais, qu'on auoit commencé de bastir, seroit du tout paracheuée. Car en quelques endroits, il n'y auoit point des murailles, ny des tours ou rampars, ains tant seulement des terrasses. La Royne bien aise de cela, s'en retourne dans la ville, & ce pendant le Capitaine Pereyra fit traualier sans cesse à la forteresse, pour l'acheuer vistement. Mais là dessus il suruint une grosse sedition entre les Portugais mesmes, car les soldats estoient fort animez contre le Capitaine Pereyra, de ce qu'il leur defendoit le trafic & le commerce; dont ils tiroient un plus grand proufit, que de leur solde. Ce qui fut cause, qu'ils se banderent contre luy, & firent entendre à la Royne, que le Capitaine Pereyra, apres auoir paracheuē la forteresse, ne luy rendroit pas ses enfans, ains estoit resolu de se saisir d'elle mesme, & des principaux Seigneurs du Royaume, afin d'estre plus asseuré par tels hostages. La Royne craignant cela d'un costé, & de l'autre, voyant que les Portugais estoient en dissension entr'eux, iugea qu'il seroit bon de se seruir du temps, & avec l'ayde desdits soldats, ennemys de leur Capitaine, le mettre luy-mesme à mort, esperant par ce moyen venir fort aisement à bout du reste. La

*Est bayde
ses soldats
& pour-
quoy.*

*Est tué
par trahi-
son dans
sa forte-
resse.*

conituration fut tramée fort secrettement, & executée en partie: car le Capitaine Pereyra fut tué par des gens apostez par la Royne dans la forteresse mesme, toutesfois Dieu ne permit pas qu'ils exe-

cutassent le reste de leur dessein, qui estoit de mettre à mort les autres Portugais, & se saisir de la forteresse ; combien qu'ils en furent fort près : & sans vne particuliere assistance de Dieu tous estoient perdus. Mais il semble que nostre Seigneur auoit ietté l'œil sur plusieurs ames, qu'il vouloit encore sauuer en ce pays là, les amenant à sa cognoissance par le moyen de la demeure des Portugais comme nous verrons cy apres. Car soudain que le Capitaine Pereyra fut mort, les Portugais esleurent en sa place vn des soldats nommé Fonseque, iusqu'à tant que le Vice-Roy de l'Inde eut pourueu d'un autre Capitaine. Cestuy-cy pour appaiser les tumultes donna liberté aux deux Princes, & avec ce toutes choses furent accoistées pour vn temps. Ayale qui estoit le second fils de Boaleise, estant sorty de prison commance de gouverner son Royaume : mais sa felicité ne luy dura gueres : Car le mesme Capitaine qui l'auoit mis en liberté, l'accusant de la mort de quelques siens soldats, qui auoyent esté tuez, fut cause que son frere puiné nommé Tabaria le debouta de la Royauté : car avec l'ayde des Portugais, il luy fit la guerre si viuement, qu'il le contraignit de se retirer à Tidore avec son ayeul maternel. Vn peu apres cecy, arriua le Capitaine Tristan de Atayde, qui auoit esté prouueu de ceste charge par le Viceroy, lequel ayant eu des habitans plusieurs informations contre le Roy Tabaria, le print aussi prisonnier, & l'enuoya avec bonne & seure garde à Goa, là où le Viceroy apres auoir examiné sa cause le ren- uoya libre, declarant qu'il n'estoit point coupable d'aucune trahison, comme on luy obiectoient. Or estant en chemin pour s'en retourner à son Royaume, accompagné de sa mere, qui l'auoit suiuy iusques à Goa, & de quelques gentilshommes ses vassaux, la mort l'arresta à Malaca. Toutesfois il gaigna cela par dessus ses freres, qu'il se fit heritier du Royaume Celeste, pèdant qu'il pourchassoit le terrien ; car du tēps qu'il fut à Goa, il se recogneut, & receut le baptême, embrassant la foy Chrestienne de son bon gré, & perfe- uera en icelle iusques au dernier soupir de sa vie : laquelle il finit heureusement à Malaca en la presence de la Royne sa mere, & de ses gentilshommes, fort dolents & marris de son decés. Or comme en ce temps là les Capitaines de Ternate, auoient si grande puissance & autorité en ce Royaume, à cause de leur forteresse, qu'ils ostoient & mettoient à leur poste les Roys de Ternate, le Capitaine Tristan de Atayde, apres auoir enuoyé prisonnier à Goa le Roy Tabaria, mit en sa place vn autre sien frere fils du Roy Boaleise,

*Ayale 2.
fils de
Boaleise
deleurè de
prison re-
gna, mais
bien peu.*

*Tabaria
3. fils de
Boaleise
subrogé
en sa place*

*Se rend
Chrestien
& meurt
tel.*

mais bastard nommé *Cacil Aërio*, la mere duquel natifue de l'Isle de Iaua, & Mahometaine de secte, craignant qu'il ne luy aduint le mesme qu'à ses freres, fit tout ce qu'elle peut, pour le diuertir d'accepter la Royauté: dont les Portugais furent si faschez & indignez contre elle, qu'un iour la trouuans avec son fils sur ce propos, ils la prindrent, & la ietterent par les fenestres du palais en bas, & ainsi elle mourut miserablement toute froissée. Ceste espee de cruauté ioincte à plusieurs autres, qui auoient esté executées par les Portugais à Ternate irrita si fort les Roys & peuples d'alentour contre iceux, qu'ils s'accorderēt entre eux de mettre à mort en un mesme iour tout autāt de Portugais, qu'ils pourroiet attrapper en leurs terres & seigneuries: afin d'esteindre en un mesme iour, toute la race d'iceux en ces contrées. La chose fut executée de mesme façon, qu'elle auoit esté proiectée, si que par tout ou il y auoit des Portugais en ces quartiers des Moluques, & autres Isles d'alentour, les Princes se ruèrent sur eux, & en tuerent autant qu'ils en trouuerent. Les vespres Moluquoises (comme nous les pouuons appeller à la façon des Siciliennes) furent encore célébrées à l'Isle du More, comme nous dirons au chapitre suiuant: le mesme eussent ils executé plus volontiers sur ceux de Ternate, s'ils eussent peu, car delà estoit sorty tout le malheur. Mais ils n'eurent le moyen de ce faire, à cause de la forteresse. si est-ce qu'à ceste cause tous les habitans de Ternate sortirent de la ville, & y mirent le feu, puis se retirerent aux montagnes avec toutes les prouisions, qu'ils peurent emporter, de façon que les Portugais estoient comme assiégez dedans leur forteresse, n'osās sortir pour aller querir des viures, bien qu'ils mourussent de faim. Les affaires estās reduites à tel point, qu'ils estoiet contraincts ou de mourir là miserablement, ou de se rendre à l'ennemy; voicy arriuer le Capitaine Antoine Galuan enuoyé du Gouverneur de l'Inde, pour succeder à Tristan de Atayde au gouvernement de la forteresse de Ternate. Et avec le secours, qu'il amena, & les viures qu'il apporta, il eut moyen de deffendre la forteresse, & de l'auitailler. Or jasoit qu'au commencement de sa charge, il y eut quelques batailles données entre luy, & les Tidoriés, & autres de la mesme ligue & conspiration, en vne desquelles fut tué le second fils de Boleise nommé Ayale, qui auoit esté deboutté de la Couronne par son frere Tabaria: toutesfois depuis le mesme Galuan avec sa prudence & valeur appaisa les troubles de ce pays, si bien que tous les Roys & peuples d'alentour ne redoutoient pas

Coniuration contre les Portugais.

Vespres Moluquoises.

Antoine Galuan arriue des Moluques.

moins sa vaillance, qu'ils affectionnoient sa vertu, & admiroient sa prudence : tellement que le Roy mesme de Ternate Cazil Aërio, *Gouverneur* ne faisoit rien sans son conseil. Toutes choses fleurissoient en son *fort sage-* temps, mais sur tout la Religion Chrestienne; car laissant à part ce, *ment & pieuse-* qui fut fait en l'Isle du More, ou il enuoya vn Prestre nommé Ferment. nand Vinagre, qui reduisit à la foy de Nostre Seigneur ceux, qui l'auoient quittée, comme nous dirons cy apres, pareillement ce qui aduint en l'Isle d'Amboino, qui fut conquise en son temps à la Couronne de Portugal, & en partie aussi à Iesus-Christ, selon qu'a esté raconté cy dessus, il ne faut pas passer sous silence la conuersion de cinq Roys, qui aduint aussi en ces jours, de la maniere *Conuersiō de cinq Roys à la foy Chrestienne.* qui s'ensuit. Apres que ces deux freres germains de l'Isle de Macazar furent baptisez à Ternate, comme nous auons dit au premier liure, & qu'estans de retour à leur pais, ils eurent presché comm'ils pouuoient, les louanges de la foy Chrestienne, les habitans enuoyerent vn Ambassade à Galuan, le prians de leur vouloir octroyer vn Prestre, pour les instruire en la foy de Iesus-Christ; ce qu'il leur accorda tres-volontiers, y enuoiant vn personnage de rare vertu & de grand entendement, nommé François de Castre, lequel en passant par l'Isle des Celebes, conuertit à la foy vn des Roys d'icelle, avec trois siens freres, sa femme aussi, & vn fils, qu'il auoit, avec cent trente Gentilshommes de son Royaume, & beau- *François de Castre* coup de peuple. De la costoyant l'Isle de Mindanao il baptisa pareillement le Roy de Siligan, la Royne encore, & deux de ses filles, *Prestre particulier les conuertit.* avec cent cinquante ou enuiron du peuple : puis en la mesme Isle il conuertit & baptiza trois autres Roys avec leurs femmes, freres, enfans, & vn grand nombre de leurs vassaux. C'estoient les Roys Butuan, Pimilaran, & Camiguin. Les deux premiers receurent au baptisme le nom Iean: & le troisieme fut appelé François. Apres ledit Castre reprit sa route pour aller à l'Isle de Macazar: mais voulant y aborder il fut repoussé par vne grosse tourmente, qui le cuyda faire perir; tellement qu'il fut contrainct se retirer à Ternate, laissant pour vn autre temps l'entreprise de Macazar. Toutes ces choses aduindrent du temps que Galuan gouernoit aux Moluques, partie par son industrie, partie par son bonheur, & pieté, qui estoit assistée particulièrement du diuin secours, comme l'on peut cognoistre, tant en ses victoires, qui semblent du tout miraculeuses, qu'au bon succez des autres affaires, qu'il mania. Mais ce en quoy il monstra plus son zele & son entendement, fut en *Instructiō*

*d'un se-
minaire à
Ternate
par Gal-
uan.*

l'establissement d'un seminaire de jeunes enfans, trie de toutes ces nations: lesquels il faisoit instruire à Ternate, pour seruir par apres à l'Eglise, de mesme façon, qu'il a esté par apres ordonné par le S. Concile de Trente, & se pratique desia en beaucoup de lieux, avec grand fruct, & vtilité de l'Eglise; & à l'exemple duquel fut nommément fondé celuy de Goa. Mais laissant tout cecy à part, nous dirons seulement ce, qui aduint aux Moluques, concernant l'amplification de la Religion Chrestienne. Les habitans donc de Ternate & des Moluques viuans en paix avec les Portugais, sans trouble ny dissension aucune, le tout ayant esté accoisé par la prudence, vertu & vaillance dudit Galuan, comm'ils entendirent, que tant de Roys & Isles d'alentour auoient embrassé la foy Chrestienne, & eux neantmoins, qui auoient la lumiere si pres, n'auoient pas, ce semble, des yeux pour la veoir, ils rentrerent en eux mesmes, tellement qu'ils sembloient auoir tous conspiré saintement de quitter le Paganisme, & la secte de Mahomet, pour se ranger à la foy de Iesus-Christ.

*Conuersiō
de plu-
sieurs Mo-
luquois.*

Les Caziques ou Prestres Mahometains de ce pays là voyans, que leur secte s'en alloit par terre en toutes ces contrées là, s'ils ne s'opposoient à ces nouuelles ferueurs, s'en vont courir çà & là par toutes ces Isles: afin d'animer les peuples & requerir les Roys d'empescher vn si grand malheur, les menaçans de la perte de leurs estats, & liberté, & d'autres grands maux, s'ils ne couppoient broche à cecy des le commencement. Quelques Roys esmeus de leurs crieries & vaines terreurs firent des edicts, par lesquels ils defendirent, que personne de leurs subiects n'eut à laisser la secte de Mahomet, sur peine de bannissement, & confiscation des biens.

*Edicts ri-
goureux
contre
ceux, qui
se conuer-
tissent.*

Par tels edicts il en y eut quelques vns, qui furent destournez d'embrasser la Religion Chrestienne; mais aussi cela mesme en incita plusieurs autres, comme c'est la coustume. De façon qu'en l'Isle de Ternate, il y en eut force, qui nonobstant les defences que le Roy fit, se rengerent du costé de Nostre Seigneur, laissant la superstition Mahometaine, & des principaux mesme. Entre autres il y eut vn Caçil Sabia homme de marque & d'entendement, qui estoit l'un des principaux Conseillers du Roy de Ternate, & de ses plus fauoris, lequel ne peut estre aucunement diuert de sa resolution par le Roy mesme, qui tascha par tous moyens de l'en destourner, tellement que se voyant fort pressé & menacé du Roy, il s'enfuit dans la forteresse des Portugais: & apres auoir esté suffi-

*Conuersiō
de deux
grands
Seigneurs*

famment instruiet, il receut le saint baptesme avec tous ceux de
 sa maison, & voulut estre appellé Emmanuel Galuan, pour respect
 du Capitaine Galuan, la vertu duquel il admiroit grandement.
 Apres cestui-cy vn cousin germain du Roy de Geilolo donna aussi
 du pied à la superstition de Mahomet, & embrassa la Religion
 Chrestienne. Mais la conuersion d'un des plus grands Cazices,
 qu'ils eussent, fut celle, qui esbranla dauantage la secte des Sarra-
 sins, & qui fit beaucoup croistre le nombre des Chrestiens. Il estoit
 Arabe de nation, & de la race mesme (à ce qu'on disoit) du faux
 Prophete Mahomet, ce qui est estimé parmi eux, pour le plus haut
 degré de noblesse: il mesprisa neantmoins tout cela, pour estre re-
 ceu au nombre des enfans de Dieu, par le moyen du saint baptes-
 me. Ceste conuersion apporta vne grande douleur & fascherie aux
 autres Caziques, qui enrageoient & fremissoient de veoir leur secte
 s'en aller par terre; car plusieurs tant du peuple, que de la noblesse,
 suyuirent l'exemple de ceux-cy: voire mesme le Roy de Ternate
 fut en grand branle de se faire Chrestien. Et si Antoine Galuan
 eut tenu plus long temps en main le gouuernement de Moluques,
 l'on croit, que tous s'alloient rendre Chrestiens. Car il estoit si ay-
 mé, honoré, & estimé d'un chacun; qu'il faisoit d'eux tout ce qu'il
 vouloit; brief on l'affectionnoit de telle sorte que les Roys des
 Moluques enuoyent vn, Ambassade pour prier Iean 3. Roy de Por-
 tugal aux fins qu'il luy pleut continuer Antoine Galuan en sa
 charge durât sa vie, & luy firent de tres-belles, & grandes offres, s'il
 leur accordoit cela; tant ils auoient esté esprins de la vertu, & hon-
 nesteté dudit Galuan. Mais comme la distance des lieux est si
 grande, auant que l'Ambassade fut arriuée à Goa, le Viceroi auoit
 pourueu d'un autre Capitaine, pour succeder à Galuan. C'estoit
 vn Gentil-homme Portugais nommé George de Castre, lequel
 ne fut pas si tost arriué aux Moluques, qu'il print la charge de gou-
 uerneur, auant mesme que le temps de son predecesseur Galuan
 fut du tout expiré. Car il auoit si grande enuie d'y entrer, & l'au-
 tre estoit si peu ambitieux, & desireux de la retenir, qu'il la luy
 quitta tout aussi tost, que l'autre voulut. Or comme les affaires a-
 uoient esté maintenues en paix par la prud'hommie & valeur de
 Galuan, bien tost apres qu'il en fut hors, elles tomberent en mesme
 estat, qu'auparauant; parce que les Portugais se doubtrant, que le
 Roy Aërio vouloit entreprendre sur eux, & leur brassât quelque
 trahison, se saisirent de sa personne, & l'enuoyerent prisonnier à

*D'un Ca-
 zique de
 la race de
 Maho-
 met.*

*L'affectiō
 des Mo-
 luquois
 enuers
 Galuan.*

*George de
 Castre suc-
 cesseur de
 Galuan.*

*Le Roy de
 Ternate
 est enuoyé
 prisonnier
 à Goa.*

Goa l'an 1546. avec la flotte de Fernand de Sousa, vn peu auant que le P. Xavier arriuat à Ternate. Et c'est la flotte, avec laquelle les Espagnols furent conduicts à l'Inde : & que le mesme Pere trouua à l'Isle d'Amboino, ainsi qu'auons dict au premier liure, là ou nous auons aussi raconté ce qu'il fit à Ternate l'espace de trois mois, qu'il y fut tant la premiere fois que la seconde, apres qu'il eut esté à l'Isle du More, trauaillant avec vn grand profit, partie à l'amendement des mœurs des Portugais, partie à la conuersion des Infidelles. Et la premiere fois il gaigna entre autres à la foy de nostre Seigneur la Royne Neachile mere des trois enfans de Boleife,

Le principal de ce que fit le Pere Xavier à Ternate.

Roy de Ternate, laquelle fut appellee en son baptesine Isabeau, & la secõde il cuida cõuerrier le Roy mesme de Ternate, Cacil Aërio, qui estoit fraischement retourné libre de Goa, où il auoit esté enuoyé prisonnier par le Capitaine de la forteresse de Ternate Iordan de Freitas. Mais le Viceroy Iean de Castre le renuoya non seulement absous de ce qu'on luy auoit imposé : mais encore luy fit beaucoup d'honneur & de caresses, & condamna Iordan de Freitas à luy reparer tous les despens dommages, & interests, qu'il auoit encouru à raison de ceste prise de corps. Ce fut donc en ce temps icy, que le P. Xavier tascha de gaigner ce Prince à la foy de Nostre Seigneur. Mais jaçoit qu'il portat grande affection au P. Xavier, & se pleut fort à ses propos, il ne voulut toutesfois jamais ouurir la cœur aux diuines inspirations, estant plus attaché à ses voluptez & plaisirs charnels, que non pas à la secte de Mahomet. En fin le Pere voyant qu'il ne pouuoit rien profiter en son endroiët, & toutesfois qu'on pouuoit aduancer beaucoup le seruice diuin, & le salut des ames en ces Isles, il accepta la fondation d'vne Residence, que les Portugais habitans de Ternate luy offrirent : afin d'y loger ceux de la mesme Compagnie, qu'il enuoyeroit là, ainsi qu'il leur promit : & ne tarda pas long temps à l'accomplir. Car estant de retour à Malaca, il y trouua trois Peres, qui estoient venus là par son commendement, à sçauoir les PP. Iean de Beyra, Nugne Ribera, & Nicolas Nugnes, lesquels il enuoya de là aux Moluques, leur enchargeant de s'employer soigneusement tant à l'ayde & aduan-

Residence de la Compagnie à Ternate.

Trois Peres de la Compagnie enuoyez aux Moluques.

cement spirituel des Portugais, qu'à la conuersion des originaires du pais. Ces nouueaux ouuriers estans arriuez aux Moluques se partagent entr'eux ces Isles, tellement que le P. Iean de Beyra demeura à Ternate, le P. Nugne Ribera eut l'Isle d'Amboino, & le P. Nicolas Nugnes celle du More. Adonc ils commencent à tra-

uailer

uailler chacun en son quartier conformément aux instructions, que le P. Xavier leur auoit donné. Et combien qu'ils y trouuassent maintes difficultez, si gaignerent-ils beaucoup d'ames à Nostre Seigneur par leur predication & sainte vie. Entre autres ils conuertirent vn fils du Roy, ou (comme quelques vns l'appellent) de l'Empereur de Bengai, lequel deuant succéder à son pere en l'Empire, fut enuoyé par luy à Ternate tout exprez, pour conuerser avec les Chrestiens, & les Sarrafins ensemble, afin de choisir des deux loix celle, qui luy sembleroit la meilleure, car il vouloit luy mesme l'embrasser, & la faire publier par tout son empire. Or jaçoit que le Roy de Ternate Aërio fit tous ses efforts, pour rendre ce jeune Prince de sa secte, taschant mesme de gaigner ceux, qui le seruoient ou estoient à sa suite, tantost par presens, tantost par menaces, afin qu'ils le peuertissent; si est-ce que ledit Prince esleut plustost la loy Chrestienne, & fut baptizé dans l'Eglise de la forteresse de Ternate; puis s'en retourna à son pais. Et si on eut eu des gens pour y enuoyer avec luy, afin d'instruire ce peuple, il est croyable que tout cest empire se fut rangé à la foy de Nostre Seigneur, car il le desiroit fort: mais à faute de gens l'on ne poursuyuit pas vne si belle conqueste. Au reste, comme c'est la coustume qu'en tous les lieux presque, ou la Religion Chrestienne prend pied, & racine, soudain s'esleuent contre icelle les vents & orages de persecution, pour l'atterrer: cela ne manqua pas aussi en ces Isles des Moluques. Car le Roy de Ternate Caçil Aërio se ressentant tousiours de l'escorne, que les Portugais luy auoient fait, l'enuoyant prisonnier à Goa, bien qu'il en eut esté renuoyé avec beaucoup d'honneur & de courtoisie, & se ressouuenant encore de la mort ignominieuse qu'ils auoyent donné à sa mere, la jectans par les fenestres du Palais en bas, comm'il à esté dict; brieuf se representant deuant les yeux tous les torts, & injures, qu'ils auoient faicts à ses freres & predecesseurs les Roys de Ternate, il taschoit d'en prendre vengeance, ez occasions qui se presentoient. Mais n'osant rien entreprendre contre les Portugais: parce qu'il redoutoit leur puissance, il s'attaquoit à ses vassaux, qui se rendoient Chrestiens, tellement qu'il les bannissoit, confisquoit leurs biens, & faisoit le pis, qu'il pouuoit contr'eux. Mesmes il osta, pour ceste cause, à la Roynce Isabéau les terres & possessions, qu'elle auoit de son doiuaire: de maniere qu'il la contraignit de viure en grande pauvreté & misere tout le reste de sa vie. Mais comme la foy de ceste Princessse

*Conuersio
d'un
Prince
fils du
Roy de
Bengai.*

*Persecu-
tion cōtre
les Chre-
tiens des
Molu-
ques.*

auoit esté escluse & nourrie parmy les eaux de tribulation, elle ne s'esteignit point pour icelles:ains se perfectionna dauantage: si que recognoissant la grace que Nostre Seigneur luy faisoit, non seulement d'estre esclairée de la lumière de sa foy, mais aussi d'endurer pour son saint nom, elle s'en esjouissoit, & l'en remercioyt humblement, & de ceste sorte perséuera toute sa vie, avec grande patience & constance en la foy Chrestienne. Or afin de résister plus courageusement à tous ces assauts, elle se confessoit & commu-

Costance & deuotion de la Roynie Tabeau.
 nioit souvent, & avec ce pain de vie, elle s'entretenoit en deuotion avec quelques siens parents Chrestiens, persécutés comme elle, pour la foy, par le Roy Aërio. Mais celui, qui monstra plus à decouuert son maltalent contre les Portugais & autres Chrestiens, fut le fils aîné de ce Roy, qui luy succéda par après à la couronne. Car il eut tousiours la mémoire si fraîche du meurtre executé en la personne de sa grand-mère, & de la prison de son père, que pour se venger de tels affronts & outrages, il se ligua plusieurs fois avec les Roys d'alentour, afin d'exterminer du tout la race des Portugais en ces paislà: tellement qu'il les mit en grand danger & peril de leur vie. Mais voyant qu'il ne pouuoit saouler sa rage contre iceux, il la tourmoit contre les Chrestiens, qui estoient en son Royaume, les persécutant & trauersant de toutes les sortes & manieres, qu'il pouuoit: incitant encor les Roys & Princes, ses voisins; à ce qu'ils en fissent de mesme à l'endroit de ceux qu'ils auoyent en leurs terres.

DE L'ESTABLISSEMENT ET PRO-
 gres de la Religion Chrestienne aux Isles du More; & comme
 les habitans de la ville de Tolo, l'ayant quittée,
 furent griefuement punis par
 la diuine justice:

CHAPITRE XXVIII.

*L'Isle du
 More &
 sa situa-
 tion.*

COMBIEN que les Isles du More soient plusieurs en nombre, neantmoins la principale de toutes est celle, qu'on nomme Morotia, ou Batechina du More, qui a cent cinquante lieuës de circuit, & soixante de long du Nort au Sud. Vis à vis d'icelle du costé d'Occident soixante lieuës loing, sont les cinq Moluques. Les auteurs modernes appellent communement ceste isle, Geilo-

lo, à cause d'un Royaume, qu'il y a en icelle appelé de mesme nom; le Roy duquel à fait la guerre aux Portugais des Moluques, forte & ferme tout un long temps. Nous auons assez parlé au premier liure des qualitez de ces Isles, & des mœurs des habitans: maintenant auant que poursuyure de narrer ce qu'on y a fait, & enduré, pour le seruice diuin, & la conqueste des ames, il sera bon de declarer l'occasion, que les habitans d'icelles eurent au commencement, pour se rendre Chrestiens: car de ceste maniere l'on ^{Comment la foy Chrestienne y fut estable du commencement.} entendra mieux le progres que la foy Chrestienne y a fait. Il faut donc sçauoir qu'il y a vne ville en l'Isle du More, appelée Momonja, laquelle estant enuironnée de plusieurs villages, les habitans desquels auoient tous embrassé la secte de Mahomet, ne voulurent onques en faire l'espreuue, ayment mieux persister en son ancienne Idolatrie, que s'assubjectir à vne loy si meschante. Pour ceste cause les peuples d'alentour, qui s'estoient rendus Mahometains, persecutoient & affligeoient à toute reste les habitans d'icelle, tellement qu'ils n'estoient jamais en seureté, ny de leurs biens, ny de leurs personnes. Le Prince ou Seigneur de ceste ville se voyant ainsi allarmé quasi à toute heure, & neantmoins persistant tousiours avec ses vassaux en la mesme resolution de n'embrasser point le Mahometisme, s'adresse vn jour à certain marchand Portugais, qui trafiquoit là, nommé Gonzale Velosé; & luy demande conseil de ce qu'il pourroit faire, pour estre garanti de ces trauerses. Ce marchand luy donna bonne esperance, que s'il se rendoit Chrestien, & taschoit de faire en sorte, que ses vassaux fissent le mesme, les Portugais l'appuyeroient & deffendroient contre tous ses ennemis. Le Prince trouua bon ce conseil, & enuoya tout aussi tost des Ambassadeurs au Capitaine de la forteresse de Ternate, qui estoit ^{Le Prince de Momonja enuoye des Ambassadeurs aux Portugais de Ternate.} lors Tristan de Arayde, pour faire alliance avec les Portugais, & leur demander secours contre les Sarrasins, promettant que leur Prince, & tous ses vassaux embrasseroient la foy Chrestienne, & pour plus d'assurance, qu'ils estoient là venus pour receuoir le baptême, & estre instruits en la foy. Le Capitaine fut joyeux extrêmement d'une telle Ambassade, & traicta fort humainement & courtoisement ceux, qui l'auoient apportée, leur faisant tout plein de caresses dans la forteresse, ou il les logea tout le temps qu'ils furent à Ternate; & apres qu'ils eurent receu le baptême, il les en renuoya, & leur fit force presens, leur promettant de les assister & secourir contre leurs ennemis de toutes ses forces. Ils s'en retour-

nerent donc à leur pays tous bien couuerts de beaux accoustremens faicts à la Portugaise, que le Capitaine leur auoit donné: mais mieux vestus encore, & de plus riches habits quant à l'ame, ayant receu la robbe d'innocence, & les arres de l'immortalité aux sacrez fons de baptesme. Ce furent les premiers, qui se cōuertirent à la foy Chrestienne, en ces quatiers des Moluques. Le Prince ou Seigneur de Momoja, sçachant les caresses, & le bon traictement, qu'on auoit fait à ses Ambassadeurs, voulut luy mesme aller à Ternate, pour estre mieux instruiet & disposé à receuoir le baptesme. Il vint donc là suyui de plusieurs gentilshommes, tous lesquels

*Se rend
Chrestien
auec tous
les habi-
tans de sa
ville.*

auant que partir de Ternate furent baptisez, auec grands signes d'allegresse & resiouyssance, que les Portugais monstrent en la solennité du baptesme. Le Prince voulut estre appellé Iean, pour raison du Roy de Portugal, qui estoit lors Iean 3. S'en retournant à Momoja, il en amena quant & soy vn Prestre Portugais nommé Simon Vaz, lequel assisté du diuin secours, gaigna plusieurs des habitans de ladiète ville à la foy Chrestienne. Mais comme le nombre croissoit tous les jours de plus en plus, il appella de Ternate vn autre Prestre nommé François Aluarez, pour luy ayder. Et lors tous tant petits que grands, à l'imitation de leur Prince, & peut estre pour luy complaire plustost, que de leur pure & franche volonté, comme l'euement monstra, quitterent leur idolatrie, & embrasserent la foy de Nostre Seigneur. Apres ce ils s'en vont prendre leurs Idodes, mettent les vnes au feu, & rompent les autres, ou les jettent dans la mer. Les Prestres ne furent pas d'aduis de ruiner leurs temples: mais ils les purifierent, & les consacrerent au culte du vray Dieu. Cependant les soldats Portugais, que le Capitaine de Ternate leur auoit promis, arriuerent pour defendre la ville, &

*Auec le
temps ils
se chan-
gent.*

garantir les habitans des courses, & attétats des Sarrafins. Or tandis que cecy passoit en la ville de Momoja, le Capitaine Tristan de Ataïde fit prendre prisonnier le Roy Tabaria, & le fit mener à Goa, ainsi qu'à esté dit. Et au mesme tēps aussi aduint que les Portugais jetterent des fenestres du palais en bas, la mere de Cacil Aërio fils bastard de Boleise, qu'ils vouloient constituer Roy, au lieu de Tabaria, parce qu'elle taschoit de l'empescher. Ces exemples de cruauté offenserent tellement les Rois & peuples d'alentour, qu'ils conspirerent tous la ruine & le massacre de tous les Portugais, qu'ils trouuoient en leurs terres. Ce qui fut executé particulièrement en la ville de Momoja, la ou les habitans tuērēt entre autres l'vn des Pre-

*Turent vn
Prestre
qui les a-
moit in-
struïts.*

stres, qui leur auoyent enseigné la foy Chrestienne, à sçauoir, Simon Vaz : & l'autre nommé François Aluarez ayant esté fort blessé, à peine se peut-il retirer à Ternate dans vn batteau, la vie sauue.

Mais en ceste esmeute la loyauté & fidelité, que le Prince Jean monstra, fut telle, que non seulement il perseuera en la foy Chrestienne, aussi constant & ferme, qu'un rocher, mais encore maintint en icelle ceux de sa maison, & sauua la vie à quelques Portugais, qu'il peut cacher, & garantir de la fureur du peuple. Là dessus il aduint qu'un certain Sarrafin nommé Catabruno, tuteur du ieune Roy de Geilolo, & Regent du Royaume, pendant sa minorité, empoisonna son pupil, & s'empara meschamment du Royaume, puis esquipa, & arma vne flotte de nauires, pour s'vsurper toutes les villes de l'Isle du More. Pendant ces tumultes (car c'est le propre de telles gens, de pescher, comme l'on dit, en eau trouble, il va assaillir de prim'abord la ville de Momoja : & fit tant avec ses menaces & l'espouuante, qu'il donna aux habitans d'icelle, qu'en fin ils fausserét la foy, non seulement à leur Prince temporel, mais encore à leur souuerain Seigneur & Roy eternal I E S V S-CHRIST nostre Sauueur, auquel ils l'auoient un peu auparauant promise sur les fons de Baptême. Et jasoit que leur Prince resolut de les retenir en leur deuoir: toutesfois voyant qu'ils estoient resolus à quitter & abandonner leur Religion, & se rendre à l'ennemy, il sort de la ville avec ceux de sa maison tant seulement, & se retira en un lieu hors d'icelle, lequel il tascha de fortifier le mieux qu'il peut, selon que le temps & les commodités le luy permettoient, car il fut delaisé presque de tous. Les Portugais mesmes qu'il auoit sauuez & defendus, contre la fureur du peuple, l'abandonnerent en ce danger. Estant donc assiégué dans ce fort, avec sa femme, & ses enfans, & quelques autres de sa maison, il soustint vaillamment l'assaut de l'ennemy, & combattit tout le long du jour, depuis le matin iusques au soir. Mais la nuit estant venue, & voyant qu'il n'y auoit aucune esperance de pouuoir sauuer la vie du corps, il pensa comment il pourroit sauuer celle de l'ame, tant à foy qu'aux liés. Il auoit quant & luy sa femme, & ses enfans qui estoient encore fort ieunes, & auoyent esté baptizés un peu auparauant. Craignât donc que s'ils venoyent au pouuoir des Sarrafins, comme ils estoient encore tendres en la foy, & de leur nature timides, ils ne manquaissent en icelle, & perdissent par ce moyen la vie eternelle, il print vne resolution damnable quant au faict, mais excusable (peut estre) en luy, à

Le Prince de Momoja demeure constant en la foy.

Est delaisé de tous & assiégué

Estant craint de se rendre que sa femme & ses enfans

cause de son ignorance, & de sa bonne foy. Car estimant qu'il valloit mieux leur oster la vie du corps, pour leur assurer celle de l'ame, que de les laisser en danger de perdre la vie eternelle, leur

*La raison
pourquoy
il fit cela.*

voulant sauuer la temporelle, il tua ceste mesme nuit de sa propre main sa femme, & tous ses enfans. A ce qui estoit merueilleusement ses ennemis, & principalement le tyran Catabrano, lequel apres l'auoir prins vif, le lendemain (car les siens propres le liurerent entre ses mains) luy reprochant la cruauté, & inhumanité, dont il auoit vsé contre sa propre femme, & ses enfans; le Prince luy respond franchement, qu'il auoit fait en cela vne chose tres-vtile, & tres-profitable pour eux. Car il leur valloit mieux mourir de la sorte, & aller regner en Paradis avec IESVS-CHRIST; que viure plus long temps, pour seruir Mahomet, & apres estre damnez eternellement. Que s'ils eussent vescu d'auantage, comme ils estoient de leur nature foibles & craintifs, ils eussent (peutestre) esté seduits, & détournés, par ses menaces ou allechements, de la foy Chrestienne, & partant se fussent damnez. Mais pour son regard, qu'il estoit homme, & ne craignoit point ny ses menaces, ny tous

*Sa res-
pon-
se agit
son enne-
my contre
luy.*

les tourmens & supplices, qu'il luy vouldroit faire endurer, estant assuré que mourant pour la foy de Iesus Christ, il iroit regner avec luy au Ciel durant l'eternité. Ceste responce si franche, & libre enflamma le courroux du tyran plus que tout autre chose: de façon qu'il estoit sur le point de le mettre entre les mains des bourreaux pour le faire mourir honteusement, & cruellement: mais les principaux Seigneurs de sa suite, qui estoient amis de ce Prince, intercederent pour luy, tellement qu'il eut la vie sauue. Neantmoins il monstra en cela comme il auoit bien auant engrauée dans l'ame la foy de nostre Seigneur. Que si vn tel personnage né au milieu de la barbarie, à montré tant de vertu & de constance, qu'eut il fait, s'il eust esté nourry & eleué en vn pais plus civilisé, & où il eust eu moyé d'estre mieux instruit, car vne ame si genereuse estant cultivée par la doctrine des bons maistres, eust sans doubte apporté de tres-beaux fruiets de vertu. Voyla quant à la constance & fermeté en la foy du Prince Iean. Quant aux autres nouveaux Chrestiens, on ne sçait s'il y en eut vn seul, qui perseuerast en icelle: Car les bastiments fondez sur le sable (comme parle l'escriture) tombent aisement par terre avec l'orage des vents & de la pluye. Or comme les Portugais estoient en ce temps là fort estroictement assiegez dās la forteresse de Ternate, sans auoir presque aucune pro-

*Ansoine
Guluan
venet en
bon estat
des Mo-
duques.*

uifion, ny eſperance d'en pouuoir recouurer, à cauſe que les habitans de Ternate auoient brulé la ville, & ſ'eſtoient retirez bien loing de là: & tant eux, que les autres peuplés & Rois d'alentour, tenoient la mer & la campagne, voicy arriuer Antoine Galuan, homme autant zelé à ſa religion, que vaillant aux armes, & prudent au gouuernement des affaires, lequel non ſeulement deliura la forterreſſe & ceux qui eſtoient dedans, d'un euident peril: mais auſſi remit toutes choſes en bon eſtat. Et apres auoir donné ordre aux affaires des Moluques, il enuoya vne flotte aux Iſles du More, avec vn Preſtre nommé Fernand Vinaigre, homme fort zelé, & de grande expedition, tant aux choſes diuines que humaines: lequel aſſiſté particulièrement du diuin ſecours, gaigna vne belle victoire contre vn inſigne courſaire, ou eſcumeur de mer, qui rodoit tout autour de ces Iſles, faiſant vne infinité de maux aux habitans d'icelles: & menaçoit ceux de Ternate, voir meſmes les Portugais de mettre tout à feu & à ſang. En ceſte bataille ledit courſaire, ſon frere, & pluſieurs autres furent taillez en pieces, & les autres ſe mirēt en fuite. Cela faiſt ledit Vinaigre commence d'appaifer les tumultes des Iſles du More: & par ſon moyen & induſtrie pluſieurs de ceux, qui auoyent abandonné la foy Chreſtienne, du temps que le Tyrann Catabruno print la ville de Momoja, furent reconciliez à l'Egliſe; & beaucoup d'autres encore ſe conuertirent de nouveau. Mais comme ledit Vinaigre ſe retira bien-toſt apres, & que perſonne n'oſoit aller là pour inſtruire les habitans en la foy, meſmes à cauſe de leur inconſtance, & cruauté (car ils auoient de nouveau empoisonné quelques Preſtres qui les eſtoient allez ayder és choſes de leur ſalut) ils demeurerēt pour ceſt' occaſion aſſez long téps ſans aucun Preſtre, & par conſequēt ſans Meſſe ny Sacraments, tellement qu'ils eſtoient retournez à leur premiere barbarie, & inſidelité, au moins pluſieurs d'iceux. Et voyla l'eſtat auquel les trouua le P. Xavier, tellement qu'il n'eut pas moins de peine de les remettre en leur deuoir, que ſ'il les eut deu faire tout de nouveau Chreſtiens. Neantmoins il y profita de la façon, qu'auons dit au premier liure, y laiſſant 20. ou 25. mil Chreſtiens, tous aſſez bien inſtruits és choſes de la foy. Mais afin d'y pourſuyure le bien encommencé il y enuoya bien-toſt apres ſon depart, l'un des trois Peres, qu'il trouua à Malaca; & le ſort de cultiuer ceſte vigne tomba ſur le P. Nicolas Nugnes, qui gouuerna les Chreſtiens de l'Iſle du More tout ſeul pour quelque temps. Mais apres le P. Xavier y enuoya

*Enuoye
vne flotte
aux Iſles
du More.*

*Et vn
Preſtre
qui reduit
les Apo-
ſtats.*

*L'eſtat de
ceſte Iſle
quand le
P. Xavier
y arriva.*

pour luy ayder le P. Alfonse de Castre, qui receut de là à quelques années, pour recompense de ses trauaux, la couronne de martyr, allant de ceste Isle icy, à vn autre nommée Iris, comme nous dirons au dernier Chapitre de ce liure. Il y en à qui escriuent que les habitans de la ville de Tolo, qui est en ceste Isle icy, ayans esté tous conuertis à la foy, par le P. Xauier apostaterent d'icelle, aussi tost presque, qu'il eut tourné les espaules, mesmes estant encore à Ternate, où il ne demeura que trois mois, apres auoir esté en ceste Isle.

*Le profit
que le P.
Xauier
& les au-
tres Pe-
res y ont
aieff.*

Mais nous prouuerôs à la fin de ce Chapitre que cela n'aduint pas, que six ou sept ans apres. Tellement que les Chrestiens de l'Isle du More allerent de bien en mieux, croissans non seulement en nombre, mais aussi en vertu & en deuotion, iusqu'enuiron l'an 1553. de façon que l'année precedente l'on comptoit és Isles du More quelques vingt & neuf ou trente lieux habitez des Chrestiens, & le nombre d'iceux arriuoit à trente cinq mil. Tous lesquels auoient iusqu' alors perseueré en la foy avec grande constance & fermeté, encore qu'ils fussent griefuement persecutez des Roys d'alentour, nommeement de ceux de Geilolo, Ternate, Tidore, & Ba-

*Persecu-
tions grief-
ues qu'ont
enduré les
Chrestiens
du More.*

chan, qui estoient tous Sarrafins si cruels, & si felons cōtre les Chrestiens, que le Pere Alfonse de Castre en vn lettre qu'il escript, les compare aux Deces, Diocletians, Maximins & Licines, qui ont tant bourrelé de Chrestiens en l'Empire Romain. Car ces Roys Mahometains firent de mesme tuer & massacrer avec de griefs tourmens & supplices ceux, qui ne voulurent quitter & abandonner leur foy. Et ceux ausquels ces tiràs n'estoient point la vie, pour leur propre interest, enduroient plus que s'ils eussent esté mis à mort. Car on leur confisquoit tous les biens tant meubles que immeubles, de façon qu'ils estoient contraints de viure en extreme pauureté, laquelle est plus fascheuse de supporter à plusieurs, qu'endurer la mort mesme. Que s'il en y auoit quelqu'un, qui voulut embrasser de nouueau la foy Chrestienne, outre la susdicte peine de confiscation, il estoit vendu pour estre serf & esclaue. Toutesfois cela n'empeschoit pas, qu'il n'en y eut tousiours quelques vns, qui receuoient secretement le Baptisme: & en y eut eu d'auantage, si en ce temps là quelques Peres se fussent peu tenir parmi eux à cachettes, pour leur prescher la foy, cōme desiroit, qu'il luy fut petmis, le Pere Castre, selō qu'il escript en la mesme lettre. Mais il y eut tant de guerres en ces Isles, l'espace de cinq ans, qu'aucun Portugais n'osoit sortir de la forteresse de Ternate. Et durant ce temps là les Chrestiens firent
bien

bien preuue de leur vertu, & constance. Mais apres qu'il y eut moyen de les aller visiter, on ne sçauoit exprimer la ioye, & allegresse, avec laquelle ils reçurent les Peres. Ils s'en venoient de tous les lieux, où ils habitoient, au bord de la mer, pleurans de ioye: & leuoient les mains au Ciel remerciaus Dieu, de ce qu'il leur faisoit la grace de reuoir leurs bien-aymez Peres, & maistres en la foy. Vn entre autres nommé Don George, qui estoit de noble race, venant les bien-veigner: Nous auons (disoit il) esté sans vous autres iusqu'à present, tout ainsi que les Peres au lymbe auant la venue de nostre Seigneur. Ils leur apportoint les petits enfans, pour les baptiser, en si grand nombre, que seulement au premier village, ils en baptizerent cent cinquante; & leur disoient, qu'ils ne leur apportoint point d'autres presens, parce qu'ils sçauoient bien, que l'innocence de ces petits enfans leur agreoit plus, que tous les thesors du monde. Quand on celebroit quelque baptême solennel, ils inuitoient les Sarrafins pour s'y trouuer: affin qu'ils vissent la solennité, la deuotion, & la reuerance, avec laquelle on le donnoit, & leur disoient qu'ils parangonassent les ceremonies de leur secte, avec celles de la sainte Eglise; la foiblesse de leur Alcoran, qui ne se plante que par force d'armes, avec l'efficace du S. Euangile; l'auarice & conuoitise insatiable des biens de ce monde, qu'on voyoit en leurs Caziques, avec le mespris des choses terriennes, qu'on experimentoit en leurs Peres. Mais il fault que nous parlions de la reuolte de la ville de Tolo, & de la punition, que Dieu enuoya sur icelle, qui fut des plus espouuentables, qu'on aye attendu de nostre temps. Tolo donc est vne des principales villes de la Batochine du More, laquelle du temps que le B. P. Xavier conuertit à la foy tous les habitans d'icelle, contenoit quelques trois mille feux ou enuiron. Elle est forte d'assiete, estant sise au sommet d'une montagne fort aspre & rabouteuse, cōme sont toutes les autres de ces Isles: & si 2, en plusieurs endroits, les chemins entrecouppez avec des tranchées, & autres rampars, lesquels rendent la deffense de la ville fort aisée aux habitans, & de tres difficile accez aux ennemis. La campagne qui est au dessous est la plus fertile qu'il y ait en de toutes ces Isles, portant abondance de ris, & de ces arbres, qui leur donnent tant de commoditez nommez Sagures, desquels à esté parlé au liure 1. Les habitans d'icelle sont les moins barbares de tous ceux de ceste contrée là, si que deslors qu'ils embrasserent la foy Chrestienne, ils s'assubiectionnerent encore, de leur plein gré, au Roy de Portugal: telle-

*Descrip-
tion de la
ville de
Tolo.*

*Embrasse
la foy*

*Chrestien-
ne, & s'as-
subiectionne
au Roy de
Portugal.*

ment qu'ils gardoient les loix & ordonnances politiques, qui sont establies, & obseruées en tous les lieux des Indes, où le Roy de Portugal commande absolument. Brief ils se submirent de telle sorte à luy, qu'ils se declarerent amis de ses amis, & ennemis de ses ennemis. De cecy print amorce le feu de la persecution, que le Roy de Geilolo le plus grand ennemy tant de la foy Chrestienne, que des Portugais, qui fut en ces Isles, alluma contre les Chrestiens du More. Or ce tyran estant entré au commencement dans l'Isle comme hoste, & sous couleur de bon voisin, se rēdit peu à peu si puissant en icelle, qu'il se fit craindre & redouter comme Seigneur, & maistre de tous. Si que partie par finesse, partie par menaces il tacha de faire apostater de la foy les habitants d'icelle, & pareillement les faire reuolter contre les Portugais. Mais voyant que la ville de Tolo, ne s'esnouuoit pas de ces menaces, il y adiouste la force, & en premier lieu se saisit des armes, qu'ils auoient, tant qu'il leur en peut oster: puis il cōmance de poursuivre à cor & à cry tous ceux, qui se disoient estre Chrestiens, & amis des Portugais. Il y en eut plusieurs qui moururent constamment, comme bons Crestiens, espendans leur sang pour la defense de la foy, & les autres tindrent bon, iusqu'à ce que l'un de ceux qu'on nommoit Regents ou Gouverneurs de la ville, qui manioit tous les affaires d'icelle, se monstra

Est affligé du tyran de Geilolo.

lasche de courage, & s'assubietit au Tyran: car alors tous les autres suivirent son exemple, & quitterent d'un commun consentement la foy tant diuine qu'humaine. Voyla comment l'autorité & l'exemple des grands a plus de pouuoir souuentesfois, à l'endroit des subiects, que n'a ne le fer ne la lance de l'ennemy. Lors le maling esprit, qui auoit esté chassé de ceste place, quand le B.P. Xavier les couertit errāt çà & là és deserts de l'infidelité, & ne trouuāt repos à cause des alarmes, que luy liuroient à tout heure, & en tant de contrées les compagnons du mesme Pere, s'en retourne à sa maison & ancienne demeure de Tolo, non pas seul, mais accompagné de sept autres plus malings que luy. Si que le peuple poussé & instigué d'iceux, commist des actes beaucoup plus execrables, qu'il n'auoit executé, pendant que tous estoient Gentils, ou Mahometains. Car le Diable se voulant venger des outrages qu'ils luy auoient faicts, lors qu'ils estoient Chrestiens, leur fist premierement ruiner & demolir l'Eglise, qu'ils mirent rez pied rez terre: puis ils rompirent & fracasserent les Croix: ils brusserent ou mirent en pieces les saintes Images, apres les auoir foulées au pieds, & posèrent en leur

Fureur diabolique d'un peuple sans bride.

placé leurs anciens Pagodes. Finalement ils publièrent la guerre contre les Portugais, & se rendirent subiects, & vassaux du Roy de Geilolo. C'est là où la fureur aveugle d'une populace conduit les choses, lorsqu'elle n'est point retenue par la crainte de Dieu, ny des hommes. Mais voyons le chastiment que Dieu print d'une telle impiété. Peut estre se contenta il de l'un des trois fleaux, dont il donna le choix au Roy David? L'un d'iceux estoit bien suffisant pour punir le peché de ce Roy, qui s'estoit desia recogneu, & en faisoit penitence: mais l'apostasie & l'obstination de ceste ville, les meritoit bien tous trois, cōme aussi nostre Seigneur les luy enuoya. Car en premier lieu, le terroir, qui auparavant estoit le plus fertile de tout ce pays là, comme a esté dit, devint si sterile, qu'il ne rendoit pas même ce qu'on y avoit semé. Outre ce les grains des années precedées, qu'on avoit retirés des greniers, se galterēt & se pourrēt: les eaux douces, dont ils se servoient auparavant, se rendirent si ameres, que personne n'en pouvoit boire, sinō à cōtre cœur, & par nécessité. Car elles vindrent toutes bourbeuses, insipides, & mal-saines. Leurs sagures, desquels ils retiroient une grande partie des commoditez de la vie, se secherent, d'ou s'ensuiuit la famine, & de là encore proceda la peste, causée tant par la disette des viures, & putrefactiō des eaux, que de la corruption de l'air, qui fut telle que beaucoup de gens de tout sexe, aagé, & qualité en moururent. Mais pour ces deux fleaux de la peste, & de la famine, que Dieu descarga sur eux, ils ne se recognurent pas: tellement que se craignant de la guerre du costé des Portugais, qu'ils pensoient de voir venir leur demander raison de l'iniure qu'ils avoient receuë d'eux, pour avoir quitté la foy & l'obeissance qu'ils avoient promise à Dieu, & au Roy de Portugal, taschoient de se fortifier contre le siege, qu'ils attendoient; & à ces fins reparoient les murs en quelques endroits, & en d'autres les bastissoient de nouveau; faisoient des boulevards, des tranchées, & autres sortes de deffenses, & assuroient encore mieux les passages, & aduenus de la ville, pour en rendre l'accès plus difficile; outre ce à celle fin que les Portugais n'eussent moyen de s'approcher des murailles, pour y donner l'assaut, ils planterent des gros pieux faits d'un bois, qu'on appelle fer, à cause de sa durté, tout autour du pied de la montagne, sur laquelle leur ville estoit bastie, d'un iet de pierre de trauers; afin que ceux qui s'approcheroient de trop près, s'enferrassent eux mêmes, ou plustost s'empallassent, car ils estoient plantés si drus & menus,

Les fleaux que Dieu enuoya sur Tolo.

Après la famine & la peste, ils se preparent à la guerre.

qu'à peine vn homme marchant par là en temps de paix, & y prenant bien garde, se pouuoit garantir du danger de rencontrer quelqu'un de ces pieux, ou de choper, & tomber sur ces poinctes aiguës qui perçoient de mesme, que si elles eussent esté de fer. Par dessus tout cela, ils recouurerent des forces du Roy de Geilolo, qui leur enuoya secrettement force soldats, grande quantité d'armes, & sur tout d'artillerie, qu'ils disposerent partie dans la ville, partie dehors, en des lieux, d'où ils pouuoient battre & offenser ceux, qui les voudroient assaillir. Cependant Bernardin de Sousa Capitaine de Ternate fit équiper & armer vne flotte, où il enuoya vn bon nombre d'alliez Moluquois, avec trente Portugais, seulement lesquels, bien qu'ils fussent peu, estoient neantmoins comme les nerfs de l'armée.

Bernardin de Sousa enuoya vne flotte contre ceux de Tolo.

Arrivez qu'ils furent à la veüe de Tolo, auant que descendre à terre, ils enuoyerent vn trompette ou herault à la ville, pour faire scauoir aux habitans qu'ils estoient là venus, non pas pour les punir (selon qu'ils meritoient) de leur desloyauté & perfidie, tant enuers Dieu, que le Roy de Portugal, duquel ils s'estoient rendus vassaux; mais plustost pour les recevoir derechef avec toute douceur en leur amitié, & alliance, s'ils vouloient se recognoitre & reprendre la foy qu'ils auoient iurée à Dieu & à leur Prince. Mais que s'ils s'opiniastroyent d'auantage en leur impieté & rebellion, ils leur fairoient connoistre la grietueté de leur meschef, par la rigueur du supplice. Car, iacoit qu'ils sceussent bien, comme ils s'estoyent prouueus de soldats estrangers, de pieces de canon, & autres armes tant deffensives que offensives, si est-ce qu'ils estoient en Dieu, pour l'honneur duquel ils entreprennoient ceste guerre, & en la iustice de leur cause, de sorte, qu'assistez du diuin secours, ils les ren-

Les mêmes de se rendre.

Response des Tolois fort hautaine.

geroient à leur debuoir, & les feroient repentir de leurs folies. Les habitans respondent au herault avec paroles fort rogues & hautaines: Allez vous-en (firent-ils) & dites à ces marchands forains que nous auons assez cogneu leurs ruses, & tromperies: qu'ils s'en retournent, s'ils sont sages, à leur pays, & nous laissent icy en paix. Car nous n'auons que faire de leur alliance, ny amitié: ains leur faisons la guerre à feu & à sang, par tout où nous les trouuerons. Car nous sommes aussi bien qu'eux pourueus d'artillerie, d'armes, & de plus braues soldats, qu'ils n'ont. Quant à ce qu'ils nous somment de nous rendre Chrestiens derechef, dites leur, que nous sommes seulement maris de l'auoir esté, & de nous estre en cela cōforme à leur vouloir. Telle fut leur response,

Or à peine auoient-ils acheué de proferer ces paroles, que l'ire ^{Punition} de Dieu descendit du ciel sur ceste maudite cité, si clairement & ^{diuine} euidemment, que les plus mescreyans & infideles recogneurent en ^{sort effrâ} ce fait la diuine justice, & vengeance: car le soleil estant clair & se- ^{ge sur les} rain au plein midi, il se couurit soudain d'une telle obscurité, que les ^{habitans} tenebres estoient quasi palpables: si qu'à peine les gens se pou- ^{de Tolo.} uoient veoir, ou cognoistre les vns les autres. Là dessus voicy, qu'une montagne voisine, commence à bruire d'une façon espouuan-
table, & du plus haut sommet d'icelle on veoit sortir, premiere-
ment vne grosse & espesse fumée, & parmi, des flammes de feu
bluaistre, de façon qu'il sembloit que toute la montaigne ne fut
qu'une fornaiſe ardente, ou pour mieux dire, la bouche mesme
d'enfer. Apres ce on entend des tonnerres si effroyables, que les
gens estoient atterrez de crainte: & voyla tout aussi tost ladiète
montagne vomir de sa plus haute cime, vne grande quantité de
pierres, & de grosseur incroyable, toutes ardantes & embrasées du
feu, lesquelles furent esclancées contre la ville, avec telle roideur &
violence, que dans peu de temps tous les bouleuards furent mis
par terre, les murailles rasées, & les maisons abbatues, sans qu'il en
deukurat aucune en pied, horsmis vne pauvre maisonnette, dans
laquelle les Peres, qui les fouloient instruire en la foy, auoient ac-
coustumé de se retirer, quand ils alloient là: jaçoit qu'elle fut au ^{Chose}
plus haut de la ville, tout ioignant l'Eglise, que ces apostats auoient ^{meru ei-}
ruinée. Mais comme c'estoit Dieu, qui par ses Anges faisoit joier ^{teuse.}
ceste artillerie, elle battoit seulement là ou ils viſoient, & ce contre
quoy ils la braquoient, non pas ailleurs. Avec ce il sortit aussi du
sommet de la montaigne vne si grande abondance de cendres,
qu'elles couurirent du tout les pieux qu'ils auoient plantez tout
autour de la ville: de maniere, qu'on y pouuoit marcher dessus sans
aucun danger, jaçoit qu'ils les eussent esleuez par dessus terre, d'un
pied ou enuiron. Il y eut force sangliers, qui furent enseuelis tous
vifs dans la cendre; les oiseaux en estoient chargés, qu'ils tom-
boient à terre, ou en la mer, & les pouuoit-on prendre avec les ^{Terre}
mains fort aisement. Là dessus encore survint un terre-tremble, ^{trèble ef-}
vehement, qu'il arrachoit les arbres de leurs racines, & les boule- ^{si pouuan-}
uerſoit sans dessus dessous. Les hommes qui se retrouuoient lors par-
my les champs, ne se pouuoient tenir sur leurs pieds: car ils estoient
incontinent renuerſez par terre. Et afin qu'il n'y eut aucun ele-
ment, qui ne print vengeance d'une si meschante race, un lac, qu'il

y auoit assez loing de la ville, sortit de riuë, tellement qu'il couurit toute la campagne, & par ce moyen beaucoup de personnes, & animaux furent noyez. Ceste tourmente & embrasement dura non pas quelques heures seulement, comm'il arriuoit autresfois; mais l'espace de trois jours entiers sans pause, ny relasche, ce qui n'auoit esté plus veu encore. Pendant ce debris la flotte des Por-

Comme Dieu punis les meschans. tugais se retira vn peu à quartier, pour n'estre endommagée, ny de la cendre, qui tomboit, ny aussi du terre-tremble; & de là ils contemploient non sans grande frayeur & estonnement, de quelle façon ce souuerain Seigneur de l'vniuers vengeoit ses injures. Si tost que le feu eust cessé, & que le temps fut refermé, ils sautent à terre, & se promenant par tout sans aucune resistance, tellement qu'il y eust plus d'affaire pour rassembler & rassurer les habitans, qui auoient escappé l'ire de Dieu (lesquels s'en estoient allez cacher parmi les bois & forests) que de les reduire à la foy de nostre Seigneur, & les remettre sous l'obeissance du Roy de Portugal. Apres donc que les Portugais eurent rendu graces à Dieu, qui auoit seul, sans l'ayde des hommes, emporte la victoire, & puni ces rebelles, voyans que leurs forces estoient encore entieres, ils resolurent de les aller employer contre le Tyran de Geilolo, qui estoit cause de tous ces maux. Ils le trouuerent en vne Isle sept lieuës loing de

Les Portugais vnt faire la guerre au tyran de Geilolo. Ternate, là ou il auoit basti depuis quelques années vne forteresse, qu'il tenoit tousiours bien munie d'armes & de soldats, tous gens d'élite. La place estoit forte d'assiette, de façon, qu'il auoit mis là toute son esperance, pour la deffence de sa vie, de son honneur, & de son estat. Toutesfois les Portugais l'ayant assiegée, apres y auoir donné quelques assauts, l'emporterent par force, & prindrent vif le Tyran; mais comm'il se craignoit, qu'on le feroit mourir honteusement, il print du poison, & se tua soy mesme. Sa mort fut cause

L'ayant prins il se tua par poison. de la paix & tranquillité des Isles du More. Car apres que les habitans furent retournez en eux mesmes; & eurent cogneu clairement, comme ceste punition leur auoit esté enuoyée du ciel, pour leur apostasie, ils commencerent à faire penitence, & à se repentir à bon escient de leur peché. Là dessus vint de Ternate le P. Iean de Beyra; lequel voyant la repentance de ces pauures gens, & ayant esgard d'vn costé à la force, de laquelle le Tyran de Geilolo auoit vscé contr'eux pour les faire apostater, & de l'autre au chastiment, que Dieu auoit prins sur eux, se monstra fort doux & debonnaire en leur endroict: & bien qu'il leur fit cognoistre la grieueseté de

leur peché, neantmoins il les encourageoit avec douces paroles, & les exhortoit à la penitence, les assurant qu'à Dieu auoit pitié d'eux, & leur pardonneroit leurs crimes, pour si énormes qu'ils fussent, s'ils retournoient à luy d'un cœur vraiment contrit & repentant, puis qu'il ne desirer rien tant, que la conuersion du pecheur. Et de ceste sorte il les appriuoisa petit à petit. Finalement apres auoir cogneu qu'ils estoient dolents de leur peché, il les reconcilia à l'Eglise, les entendit de confession, & leur enseigna, comment ils se doyuent comporter de là en auant. Or avec ce changement, qui aduint en leur ame, s'ensuiuit aussi le changement en leurs terres, & possessions: car la sterilité cessa du toüt, les ris furent beaux, comm'auparauant, les sagues reprindrent leur verdure, les eaux leur faueur: en fin toutes choses furent remises en leur premier estat. Mais il arriua là dessus vne chose encore bien remarquable: car estans restez plusieurs gros rats, lesquels durant leur apostasie gastoient tous les champs, & rongeoient la semence, qu'on y auoit jetée, si tost qu'ils se furent recogneus, & que le Pere eut conjuré, & exorcizé ces rats avec l'eau benite, & les prieres de l'Eglise, ils s'en fuirent tous des terres des Chrestiens, & s'en coururent vers celles des infidelles: lesquels se plaignoient au commencement du mauuais voisinage des Chrestiens, & disoient qu'on leur faisoit tort d'euoyer les rats à leurs champs: mais ayant cognu tant en cela, comme és autres prodiges, qui estoient aduenus, la diuine puissance & iustice, ils s'en couroient à Iesus-Christ, avec vne telle foule, que les villes & villages entiers se rangeoient à son bercail. Le P. Beyra ne pouuant baster à tant d'occupations, fut contraint d'appeller plusieurs de ses compagnons, prestierement de Ternate, & puis apres de Goa, pour luy venir ayder. Voyla comment Dieu tire des maux, que les meschans commettent, plusieurs grands biens, pour le salut de ses esleuz, comme il en aduint icy. Car depuis ceste punition si estrange, le nombre des Chrestiens accreut en ces Isles, de sorte que n'y ayant pas auparavant plus haut de 21. peuplade de Chrestiens, dix ans apres l'on y en contoît trente six, & de là à trois ou quatre ans il en y eut jusqu'à quarante sept; & de ces lieux quelques vns estoient de sept ou huit cens feux. Es autres Isles, qui n'auoient encore receu aucun rayon de la lumiere de la foy, cecy causa vn tel estonnement, & vn si grand desir és habitans de recevoir ceste loy, le Dieu de laquelle ils entendoient estre si puissant, qu'il en y eut plu-

Les habitants de Tolo se recognoissent.

Dieu retire ses fleaux apres leur penitence.

L'efficace des exorcismes de l'Eglise.

fieurs, lesquels quitterent leur Paganisme, & se rengerent à icelle, comme nous verrons au chapitre suyuant.

*Turzel
lib. 3. vi.
le X^{au}.
65.*

Au reste il en y a, qui escriuent, que l'apostasie des habitans de Tolo arriua lors, que le Pere Xauier, ne faisant que partir de chez eux, estoit encore à Ternate, & que là ayant sceu le fait, esmeu d'un juste courroux, il pria Dieu de leur enuoyer quelque punition, pour les faire recognoistre : tellement que ceste gresle de pierres, de cendres & de feu, tomba sur eux. Mais le P. Massée, & quelques autres, qui ont escrit ceste histoire; la rapportent au temps qu'Alfonse de Norogna estoit Viceroy de l'Inde, qui fut enuiron l'an 1553. & desia le Pere Xauier estoit trespasé; & n'auoit esté aux Moluques depuis l'an 1547. D'ailleurs le P. Iean de Beyra, qui escriuit par le menu tout ce que dessus, comme chose aduenüe de fresche date, pendant qu'il estoit aux Moluques, n'y estoit pas encor arriué, lors que le Pere Xauier partit la dernière fois de Ternate, ains il l'y enuoya estant de retour des Moluques à Malaca, ainsi qu'auons dit au 1. liure. Brief l'on ne trouue point, que les Portugais ayent enuoyé aucune flotte contre les Isles du More, si non l'an 1553. Il peut bien estre que ce chastiment soit arriué à la requeste du B. P. Xauier ja decedé, l'ame duquel jouyssant de la diuine presence, voyoit en ce clair miroir tout ce qui se passoit; mais que cela soit aduenü en ce temps-là, il ne peut estre. Or ce qui aura fait faillir ceux, qui ont autrement escrit, sera, qu'ils ont trouué que ceci aduint du temps que Bernardin de Sofa estoit Capitaine de Ternate; & il est assuré qu'il l'estoit l'an 1547. Mais il faut sçauoir, qu'il eust deux fois ceste charge, l'une fut l'année susdicte, toutesfois il n'estoit lors que substitué en la place de Iordan de Freitas, qui auoit esté enuoyé prisonnier à Goa. L'autre fut l'an 1553. & lors il estoit absolu Capitaine, non substitué pour autrui, & c'est en ce temps, que nous disons estre arriué ce que dessus,

*Jean de
Lucena l.
4. 6. 10.*

selon qu'à remarqué deuant nous le Pere Iean de Lucena. Mais à tant de cccy: poursuyuons le reste.

COMME LE ROY DE BACHAN ET
plusieurs autres de quelques Isles proches des Moluques
embrasserent la foy Chrestienne avec plusieurs
de leurs vassaux.

CHAPITRE . XXIX.

L'Isle

L'Isle de Bachan, ou Bactian, comme quelques vns l'appellent, est vne des cinq Moluques, la dernière de toutes, & la plus proche du Sud: n'y ayant des la première, qui est Ternate, jusqu'à ceste-cy, que vingt & trois lieues. On conte communement ceste Isle de Bachan pour vne seule, combien que de fait il en y a plusieurs, ainsi qu'à esté dit, parce qu'elles n'ont toutes qu'un Roy. Or celui duquel nous devons parler, fut l'un de ceux, qui conjurerent la ruine des Portugais, avec le fils de Cazilen Aërio, Roy de Ternate. C'estoit un beau jeune homme de vingt & cinq ans: lequel durant qu'il fut à Ternate, pour secourir le Roy en ladite guerre, s'amouracha d'une sienne fille, & l'ayant tirée secrettement de la maison de son pere, l'emmena quand & soy en son Royaume. Mais craignant que le pere de la fille, qui estoit terrible homme, se sentit par trop piqué de cest acte, & luy fit la guerre à ceste occasion, il estima que ce seroit un bon moyen de s'asseurer, s'il se rendoit Chrestien, & se faisoit ami du Capitaine des Portugais, qui gouvernoit la forteresse de Ternate. Ayant prins ceste resolution, il escrivit par messagers expres au Capitaine le priant de luy vouloir enuoyer quelque Pere de la Compagnie, pour l'instruire en la cognoissance de Dieu, & luy conferer le baptême. Au commencement les Portugais trouuerent ceste demande fort suspecte, veu que ce Roy leur auoit esté tousiours fort contraire: toutesfois ils arressterent en fin que le Pere Nicolas Nugnes, qui estoit lors à Ternate, iroit le trouuer. Arriué qu'il fut à l'Isle de Bachan, le Roy luy fit un accueil fort gracieux & hōnorable. Apres ce le Pere commença de luy enseigner la doctrine Chrestienne. Or il pleut à la diuine bonté communiquer vne si claire cognoissance de ses mysteres à ce Prince, & un si grand goust des choses diuines, qu'aussi tost il voulut estre baptizé, sans dilayer d'auantage. Il receut donc le baptême le jour de l'octaue de saint Iean Baptiste, avec un singulier contentement d'esprit; sa femme aussi se fit instruire, & apres fut baptisée, avec plusieurs autres Dames. Brief un grand nombre, tant de ses parens & alliez, que des principaux habitans de la ville, ou il se tenoit, firent le mesme. En quoy se decouure l'infinie bonté & sagesse de Dieu, lequel des fautes des hommes en tire souuent de grands biens pour eux mesmes; comme nous voyons estre arriué à ce Roy: lequel du commencement print (ce semble) vne occasion fondée sur des respects forts humains, pour se conuertir; mais les effects monstrerent par apres,

*Conuersion
du Roy
de Bachā.*

*L'occasion
d'icelle.*

*Est bapti
sé avec sa
femme &
plusieurs
de ses
vassaux.*

*Grande
ferueur
apres le
baptisme.*

que ç'auoit esté vn coup de la prouidence de Dieu , qui le vouloit par ce moyen attirer à sa cognoissance. Il fit donc bien tost paroistre que ç'auoit esté à bon elcient , & non par feintise , qu'il auoit embrassé la foy de Iesus-Christ. Car incontinent apres qu'il se fut rendu Crestien , il fit renuerser & mettre par terre toutes les mosquées de Mahomet, puis fit planter des grandes croix, & ba-
tir des Eglises , ne voulant permettre que les lieux , qui auoient esté souilleez & profanez avec les superstitions de Mahomet, serussent par apres d'Eglises. Car il luy sembloit que la puanteur des abominations, qui s'y estoient faictes , ne pourtoient estre autrement ostées, qu'en les rasant du tout. En outre comme le Roy de Ternate eut de nouueau assiegé la forteresse des Portugais, il y alla bien, mais non pas , comme auparauant , pour la destruire , ains pour la defendre contre son beau pere: brief en toutes les occasions, qui se presenterent depuis, il secourut tousiours les Chrestiens contre les Sarrafins. Mais ce qui monstroit dauantage , comme il auoit empreinte bien auant dans l'ame , l'affection & le zele de la Religion Chrestienne, c'estoit vn grand desir, qu'il auoit, que tous ses vassaux se rangeassent à icelle , & le faisoit paroistre en ce qu'il les exhortoit luy mesme à se rendre Chrestiens , tellement qu'en moins de cinq mois, que le P. Nicolas fut en ce pais là , tous les principaux de son Royaume receurent le baptisme. Oure ce, le P. voulant aller prescher la foy Chrestienne en vne des Isles dependentes de sa couronne, le Roy y voulut aller avec luy , & l'accompagna en personne, estimant que par sa presence, & par son exemple, il esmouuroit dauantage ses subjects. Il y eust aussi des-lors vn grand changement en ses mœurs, car du temps qu'il estoit Mahometain, il ne se laissoit aborder presque de personne , sinon de ses domestiques, & encores à ceux-cy ne se communiquoit-il , que fort peu. Mais estant Chrestien il ne se desdaignoit point de parler, voire aux plus pauvres & chetifs de son Royaume, pour leur persuader, qu'ils suivissent la Religion Chrestienne.

*Change-
ment no-
table en
ses mœurs*

*Ez Isles
des Cele-*

En fin le P. apres auoir long temps trauaillé en ces Isles , vint à tomber en vne si griesue maladie , qu'il fut contrainct de s'en retourner à Ternate , pour recouurer sa santé , & en sa place fut enuoyé le P. Ferdinand Alvarez , pour l'ayde & secours spirituel de ces Chrestiens-là: lequel fit pareillement vn grand fruit en ce Royaume , cōuertissant plusieurs autres à la foy. Voila quant à l'Isle de Bachan. Ez Isles qu'on nomme des Celebes, qui sont assez pro-

ches des Moluques, le Capitaine des Portugais de Ternate enuoya ^{bres deux} l'an 1563. quelques caracores pour descourir quelles gens estoient ^{Rois se} les habitans de ces Isles, & quelles marchandises ils auoient, afin ^{rendent} de trafiquer avec eux: car jusqu'alors ils n'auoient eu que bien peu de cognoissance d'icelles. Vn Pere de nostre Compagnie nommé Iaques de Magallanes y fut aussi enuoyé, pour veoir si l'on y pourroit debiter ceste precieuse marchandise de l'Euangile. Or ils trouverent que les insulaires estoient tous Payens, & ennemis mortels des Sarrafins Moluquois, gens au reste bien polices, & sur tout grands guerriers. Ceste contrée là est fort peuplée, car il y a de gros bourgs de 4.5. & 6. mille personnes, si dociles, & bien apprins, qu'ils s'en venoient à la foule vers le Pere, le prier de les vouloir faire Chrestiens. Il donna le baptême à deux Rois, l'un d'iceux fut celuy de Sion, duquel nous parlerons cy apres plus amplement: l'autre celuy de Manade, qu'il baptiza avec quinze cens de ses vassaux: mais il laissa vn nombre infini de gens, avec vn extreme soif d'apprendre la doctrine Chrestienne, ausquels on ne peut satisfaire pour lors, à faute de personnes, qui la leur enseignassent. Apres que le Pere Magallanes se fut retiré à Ternate avec les Portugais, les vassaux du Roy de Sion, qui ne s'estoient voulus rendre Chrestiens, picqués de ce que leur Roy s'en estoit fait, se reuolterent ^{Les vassaux du} contre luy, de sorte que dans seize mois tout le Royaume secoua ^{Roy de} le joug de son obeissance, hormis vne petite ville, en laquelle il ^{Sion se} se retira avec son Pere, ses freres & toute sa famille. De là il s'en ^{reuoient,} vint à la forteresse de Ternate, pour demander secours aux Portu- ^{pource} gais. Cependant Dieu voulut que ses mesmes vassaux recognois- ^{qu'il s'e-} sans leur faute, l'enuoyerent supplier de retourner en son Royau- ^{stait} me, luy promettans de luy estre fideles & loyaux désormais. Ces nouvelles luy ayant esté apportées à Ternate, le Capitaine enten- ^{Chrestien.} dant cela, fait equiper vn brigantin, pour le ramener à son pais, & avec luy fut enuoyé le P. Pierre Mascaregnas de nostre Compagnie, tant pour instruire ceux de son Royaume, qui se voudroient conuertir, que pour visiter les autres Chrestiens, qu'il y auoit en la mesme Isle. Estans donc partis de Ternate le jour de S. Barthelemy, de l'an 1568. ils arriuerent le Dimanche suyuant à la coste de Manade, ou le Pere dit la Messe. Estans là, ils entendirent, pour l'asseuré, que la moitié seulement du Royaume tenoit le party du Roy, & que le reste persistoit en sa rebellion. Ils partent donc d'icy, & dressent leur route droit à la ville de Sion; là ou ayans jetté les

qu'il menoit. Peu de iours apres vn parent du Roy accompagné d'un fils de quelque autre Prince de ceste Isle vint dans vn naui-^{Aceuil} fort bien accommodé, pour cōduire le Pere. Le Roy de Sion auoit ^{que le} aussi fait apprest-^{Roy de}er huit nauires, par ce qu'il voulut l'accompagner ^{Sanguim} avec ses troupes. Ils partirent donc le iour de S. François au ma-^{fait au P.} tin, & arriuerent le soir à l'Isle de Sanguim. Le lendemain le Roy ^{Masca-} vint au deuant d'eux, avec les plus grands Seigneurs de sa Cour, ^{reguas.} monstrans tous receuoir vne grande ioye & liesse de leur venüe. La ville où le Roy faict d'ordinaire sa demeure, qui est la principale de toute l'Isle, s'appelle Calenga. Ils firent cōduits à icelle, & trois iours apres le Pere commença de leur prescher le S.Euangile. Le Roy ayant ouy fort attentiuement son sermon (avec la Royne & les plus grands Seigneurs du Royaume) dit au Pere qu'il auoit prins vn singulier plaisir d'entendre les mysteres de nostre foy, & qu'il les approuuoit fort, partant qu'il desiroit estre Chrestien au plus tost. Le Pere donc s'arresta là tant qu'il fut de besoing, pour ^{Le Roy} l'instruire, avec les principaux de la noblesse, tant de l'un que de ^{est bapti-} l'autre sexe: & apres leur conféra le Baptisme, lequel ayans receu, ^{et avec} ils sentirent vne telle consolation en leur ame, qu'il n'est pas possi- ^{les prin-} ble de l'exprimer. Ils la faisoient neantmoins paroistre à l'exterieur ^{cipaux de} par tous les signes d'allegresse, qu'ils ont accoustumé d'vser en leurs ^{la nobles-} plus grandes festes, & actes de resiouissance. Mais parmy ces ieux, & allegresses publiques, ny les Rois ny les autres ne laissoient pas de s'enquerir soigneusement du Pere, & traicter avec luy de ce qui concernoit le salut de leur ame; si que le logis, où il demeueroit, biẽ qu'il fut assez ample, estoit neantmoins rēply de gens, qui venoient l'escouter, & de iour & de nuit. Il fut arresté d'un commun con- ^{Ils plan-} sentement, qu'on planteroit vne grande & belle Croix, que quel- ^{tent vne} ques Gentils-hommes voulurent faire de leurs propres mains, d'un ^{belle} bois fort exquis. C'estoit à la verité vn beau spectacle de veoir ^{Croix, que} ces deux Roys de Sion & de Sanguim porter la Croix de nostre ^{les Rois} Sauueur Iesus-Christ sur leurs espauls, assiste-^{portent.}z & aydez des plus grands Seigneurs de tous les deux Royaumes, lesquels faisoient à l'enuy l'un de l'autre, qui se mōstreroit plus officieux en ce deuoir. Et apres qu'ils l'eurent dressée, ils se mirent à genoux, & l'adorerent fort deuotement. ^{Ils desi-}

Cependant le temps estoit escheu, auquel il falloir, que le Pere ^{gnerent un} allast visiter les nouveaux Chrestiens de Cauripa. Les Sanguimans ^{lieu pour} aduertis que le Pere les quierroit si tost, furent grandement marris-^{y bap-} se. ^{une Egli-}

de son depart: mais il les consola le mieux qu'il peut, leur promettant de les reueoir au retour. Auant qu'il partit, ils le prierent de leur vouloir designer vn lieu commode, pour y bastir vn' Eglise, l'assurant qu'ils auroiēt amassé biē tost l'argent, qu'il faudroit pour la bastir. Le Pere destina à cest effect vne belle plaine fort plaisāte, qui regardoit le riuage de la mer, en laquelle y auoit vn bois planté fort espais: neantmoins il fut tout couppé dans six heures: car les Princes mesmes s'y faisoient de leurs mains propres, si grande estoit leur ferueur, & le desir qu'ils auoient de veoir au plustost l'Eglise bastie. Le Roy mesme, bien qu'il fut desia assez aduancé en aage, ne pouuant pour ses infirmités corporelles, s'employer à couper les arbres, encourageoit neantmoins les autres, & les faisoit tra-uailer diligemment. La Royne aussi enuoya prier le Pere qu'il luy fut permis d'aller avec ses Dames, & autres fēmes nettoier la place, & en arracher les herbes, afin d'auoir part au travail, & au merite d'vne si saincte œuvre. En fin comme le Pere vid qu'il ne pouuoit s'arrester là plus longuement, il print congé du Roy, & des principaux Seigneurs & Gentils hommes: lesquels l'accompagnerent iusques au nauires, & dōnerent aux deux Portugais, qui estoient avec luy, à chacun vn serf ou esclau. Le Roy aussi enuoya dans vne caracore vn sien parent accompagné d'vn autre ieune homme yssu de grande maison, pour conuoyer le Pere.

*Deuotion
de la Roi-
ne & de
ses Da-
mes.*

*Le Pere
Mascare-
gnas va
visiter les
Chrestiens
de Mana-
de & de
Cauripa.*

*Les Ba-
tachins
desirent
estre
Chrestiens*

Le Roy de Sion estoit encore là avec sa fuytte: & comme ils eurent prins congé du Roy de Sanguim, ils leuent les anchres, & abordent en brier au Royaume de Sion: là où si tost que le Roy fut arriué, il fit accommoder quelques nauires, pour accompagner le Pere, avec vn bon nombre de Princes, iusques à Cauripa. Ayant donc mis bon ordre à son Royaume, & ce qu'il y falloit de garnisons, y laissant quelques troupes de soldats, pour plus d'assurance, ils partirent de Sion, avec cinq nauires le premier de Nouembre, & le lendemain ils arriuerent à Manade, où ils s'arresterent quelques dix iours: pendant lesquels les Batachins, qui sont certains peuples de ceste contrée là, firent sçauoir au Pere, qu'il y auoit plus de cent mille personnes qui desiroient embrasser la foy Chrestienne, depuis long temps: & prierent encore le Roy de Sion de vouloir parler au Pere en leur faueur, afin qu'il les alast baptiser. Mais le Pere voyant que les nouueaux Chrestiens de ceste coste estoient en grand nombre, & qu'il n'y auoit guere de gens pour les instruire, & maintenir en la foy, s'excusa le mieux qu'il peut, leur donnant

bonne esperance, que les Peres, qui deuoient aller demeurer aux Celebes, les baptizeroient: car il n'estoit venu là que pour visiter ceux qui estoient desia Chrestiens.

De là ils tirent droit à Cauripa, & en passant vont mouïller l'ancre à vne ville du Roy de Bolon, pour prendre là vn ieune adolefcent, que le P. Iacques de Magallanes y auoit laissé, & l'amener quant & soy. Ce Roy de Bolon est fils du Roy de Manade, & bien qu'il fut lors Mahometain, il estoit neantmoins fort enclin au Christianisme. Quâd ils aborderent là, il en estoit cinquante lieues loing ou enuiron. Sa mere ayant sceu que le Pere Mascaregnas estoit arriué au port, l'enuoya saluer de sa part, & luy fit porter quelques presens de choses bonnes à manger. Le Pere l'ayant remerciée humblement ne s'arreste pas là d'auantage, ains incontinent apres qu'il eut receu dans son nauire le ieune homme que nous disions, ils remirent les voiles au vent, & en fin arriuerent à Cauripa, où ils furent accueillis non seulement des Chrestiens, mais encore des Payens, avec tres-grande ioye & allegresse. La deuotion & pieté de ce bon peuple, luy donna assez d'occupation. Car son logis estoit continuellement remply, ou de Chrestiens, lesquels il taschoit de confirmer en la foy, & les instruisoit de leur deuoir; ou des Payens mesmes, auxquels il apprenoit la doctriste Chrestienne: combien qu'il ne voulut pas les baptizer, encore qu'ils l'en priaissent instamment, & ce pour les mesmes causes, qui l'auoient induit à le refuser aux Batachins. Mais pour les contenter aucunement, & adoucir leur douleur, il leur dit, que quelqu'un des Peres de buoit bien-tost venir demeurer avec eux, & que lors on pourroit satisfaire à leur desir. L'on n'a pas accoustumé de donner le baptisme en tel cas, mesme à ces barbares, de peur qu'estans baptizez, ils ne retournent à leurs superstitions anciennes, comme il aduiert souuent, quand ils n'ont personne aupres d'eux, qui les instruisse, & maintienne en leur deuoir. Et il vaudroit mieux n'auoir pas eu la cognoissance de la voye de verité, qu'apres l'auoir veüe, retourner en arriere, ainsi que dit l'Apostre S. Pierre. 2. Petr. 2.

Ayant donc expedie les affaires à Cauripa, ils s'en retournent à Sion sur le commencement de Ianuier: & d'autant que Consalue Pereyra Capitaine de la flotte Portugaise auoit promis au Roy de Sion de l'aller secourir contre les rebelles, desia le moys de Ianuier s'achepoit, & toutesfois il n'estoit pas arriué encore. Là dessus comme ils l'attédoient de jour à autre, voicy qu'on descouure deux

*Deuotion
du peuple
de Cauripa.*

*Le Roy de
Sion est
resistable
en son
Royaume.*

nauires. Le Roy pensant que ce fut ledit Capitaine s'en va au deuant accompagné du P. Mascaregnas; Mais on sceut par le moyen de Mendornela Portugais, qui conduisoit ces nauires, comme la flotte Portugaise auoit esté emportée par la violence d'une grande tempeste aux Moluques; tellement qu'il n'y auoit point d'esperance d'auoir secours de ce costé là. Ce qui apporta grande tristesse au Roy & au Pere aussi. Toutesfois Mendornela sçachant l'occasion de leur tristesse s'offrit volontiers avec tous ses soldats pour secourir le Roy: & avec l'ayde de Dieu il se porta si vaillamment, que dans peu de iours il print deux villes fortes d'assiete, & bien munies de soldats & munitions de guerre. Ceste victoire accoisa les tumultes, qui s'estoient esleuez: & toute l'Isle fut reduite sous la puissance du Roy de Sion, lequel à cause de sa foy & vertu, merita, comme il est à croire, que Dieu donnast vn si heureux succez à ses affaires. Car il assista avec grande liberalité de tous ses moyens le Pere, & ceux qu'ils menoit, l'accompagnant luy mesme, comme à esté dit, par toutes ces Isles des Celebes, où ils furent: & à son occasion on leur faisoit beaucoup d'honneur, & de courtoisies: & non content de les accompagner, il faisoit encore l'office de predicateur, declarant combien la foy Chrestienne luy auoit esté profitable, & rendant graces deuant ces peuples barbares aux nostres, nommément de ce, qu'en son exil il auoit esté fort humainement & charitablement accueilli, & traité d'iceux, brief de ce qu'il auoit esté par leur moye remis en son Royaume. Ce qui esmouuoit grandement les cœurs de ceux qui l'entendoient, & les incitoit à aimer, & estimer d'auantage la foy Chrestienne. Apres donc que tout son Royaume fut remis en paix, le Pere prend congé de luy, & s'en retourne à Ternate, menant quant & soy le fils aîné du Roy, qui estoit aagé de neuf ans, ou enuiron, son pere le luy ayant baillé pour estre nourry aupres des nostres.

Tout ce que dessus est tiré d'une lettre escripte l'an 1569. au mois de Mars, par le P. Mascaregnas: lequel fut de rechef enuoyé en ces mesmes Isles, & nommément au Royaume de Manade, où il endura beaucoup de trauaux & fatigues pour le diuin seruice, & se trouua maintesfois en des grands dangers de sa vie. Car il aduint bien souuent que les Sarrafins ou Gentils le chercherent pour le mettre à mort, mais Dieu par sa toute puissance & bonté le garantit miraculeusement de leurs mains, non vne, mais plusieurs fois. Entre autres ayant vn iour resolu de le prendre, ils enuironnent vne mon-

tagne,

*La vertu
de deuotion
de ce
Roy meri-
ta ce bon-
heur.*

*Les grands
dangers,
ou s'est
trouué le
P. Mascaregnas.*

taigne, en laquelle ils scauoient qu'il s'estoit allé retirer; de sorte qu'il ne pouuoit eschapper humainemēt parlant: & desia ils estoient montez bien près de la cime par vn sentier fort estroit, & raboteux. Le Pere voyant qu'il n'y auoit aucun moyē d'euader la mort selon le iugement humain, se retire au diuin secours, & s'estant recom-mandé à Dieu, se met a roder parmy la montaigne, tantost d'un costé, tantost d'un autre, sans qu'il fut iamais apperceu des ennemis, non sans vne particuliere prouidence de Dieu, qui le vouloit encore reseruer à trauailler d'auantage pour son seruice. Mais ce qui fit plus esmeruiller le mesme Pere, fut, qu'estant descendu en bas, apres que les ennemis se furent retirez, il se trouua aussi frais & gaillard, comme s'il eust demeuré tout le long du iour en repos dans sa chambre, bien qu'il n'eust fait que tracasser, & courir çà & là parmy ceste montaigne. Vne autrefois les barbares le cher-<sup>Prouidé-
ce de Dieu</sup> cherent tout de mesme, pour le faire mourir, instiguez à ce par Sa-<sup>à le ga-
rantir de
ses enne-
mis.</sup> than, auquel sa vie desplaisoit tant. Mais Dieu le deliura encore ce coup de leurs embusches. Car s'estant allé cacher dedans vn bois, il demeura là l'espace de huit iours sans manger autre chose, que quelques herbes qu'il trouuoit par cy, par là. Et iasoit que ses ennemis qui estoient à la poursuite, le rencontreroient souuent, si est-ce qu'ils ne le recogneurent iamais, ains pensoient, quād ils le trouuoient, que ce fut quelque beste sauuage, Dieu les auenglant de la sorte; afin qu'ils ne l'endommageassent point: tellement qu'ils se lasserent en fin de le chercher. Et apres qu'ils se furent retirez, les Chrestiens entrèrent au mesme bois, & le recogneurent incontinent; mais ils le trouuerent si foible, qu'à grande peine se pouuoit il soustenir sur ses pieds. Ils l'emporterent donc à leur bourg, & le traicterent avec si grande charité, que dans peu de iours il recouura ses forces, & se mit comme deuant à trauailler pour leur salut. Mais en fin il pleut à Dieu le recompenser de tant de travaux,<sup>Est tué
des Insi-</sup> luy donnant la couronne de gloire. Car estant retourné quelques<sup>des
poison.</sup> années apres visiter les Chrestiens de ces Isles, les infideles & mescreans trouuerent moyen de luy oster la vie, luy donnant du poison, ainsi que son compaignon l'escriuit. Et telles sont les aduentures de ces valeureux soldats de Iesus Christ (qui hazardent leur vie à tant de perils & dangers, pour le seruice de leur chef) lesquelles ils estiment cent fois plus, que toutes les couronnes & empires du monde. Car ils scauent bien, que c'est le plus grand heur & felicité qu'ils pourroient auoir en ce môde, que de porter la liurée de leur

Capitaine, & d'employer la vie pour son honneur & gloire tref-
 assurez, que s'ils luy ont esté compagnons aux peines, & afflictions
 ils le seront aussi au repos eternal. Mais à celle fin qu'on entende
 mieux la bonne disposition qu'il y auoit és habitans de *ces Isles*,
 qui sont aux enuironz des Moluques, pour receuoir la foy Chre-
 stienne, ie raconteray icy quelques choses qui sont à ce propos.

Burro
Isle fort
grande.

Plus de
4000. ba-
bitans con-
uertis en
icelle.

Vis à vis de l'Isle d'Amboino, vers l'Occident entre ladiète Isle,
 & celles des Celebes, il y en à vne autre qu'on appelle Burro, de
 deux cents lieuës de circuit, là où les Portugais estans allez *vne fois*
 mouiller l'anchre par cas fortuir, furent reenus par force des in-
 fulaires, qui ne les laisserent en aller, qu'au prealable ils n'eussent
 baptizé plus de quatre mille personnes d'entre eux, ausquelles
 pourtant ils ne donnerent autre instruction, sinon qu'ils adorassent
 vne croix, qu'ils planterent en leur Isle, en memoire de la *mort* &
 passion de nostre Seigneur, qui auoit esté crucifié pour le salut du
 monde, & leur enseignerent de se mettre à genoux deuant icelle,
 quant ils voudroient prier Dieu, & luy demander quelque chose.

Solor Isle
& sa si-
tuation

Le Roy,
la Roynne,
& plu-
sieurs
grands
seigneurs
font bap-
tisez.

Pareillement à Solor, qui est vne Isle de grande estenduë, riche,
 & d'un air fort temperé, & salubre, sise à huit degrés & trois quarts
 de latitude Australe, esloignée de Malaca, enuiron trois cens lieuës,
 vers l'Oriër, fut baptizé le Roy, la Roynne, & toute leur famille, avec
 les plus grands Seigneurs du Royaume, & ce par vn certain mar-
 chand Portugais, qui estoit abordé là pour trafiquer. Mais comme
 ils n'auoient aucun Prestre pour les instruire, & maintenir en la foy
 par le moyen de la pasture spirituelle des Sacrements, & de la pa-
 rolle de Dieu, le Roy de Solor escriuit vne lettre au Pere Recteur
 du College de Malaca, par laquelle il le prioit bien fort de vouloir
 s'en venir en son Royaume, pour le reduire tout à la foy de Iesus
 Christ: ou s'il n'y pouuoit venir, d'y enuoyer quelques Peres de la
 Compagnie pour la mesme fin. Mais comme l'on n'auoit pas de
 gens, qui y peussent aller, le Roy voyât que la responce tardoit trop
 à venir, fit embarquer vn nepueu qu'il auoit, fils d'un sien frere, &

Le Roy
enuoye
son nepueu
& suc-
cessur à
Malaca
pour ap-
prendre la
doctrinne
Chrestienne

l'enuoye à Malaca avec des lettres adressees aux Peres de la Com-
 pagnie, qui residioient à Malaca: esquelles il leur disoit, que puis,
 qu'il ne pouuoit auoir cet heur, que de les veoir en son Royaume:
 & que luy aussi pour iustes causes n'en pouuoit sortir, pour les al-
 ler trouuer, afin d'apprendre leur sainte doctrine, qu'il y enuoyoit
 en sa place, le Prince son nepueu, qui luy deuoit succeder à la
 Couronne à faute de fils, qu'il n'auoit point: à celle fin qu'il s'in-

format plus à plein de ce, qui cōcernoit les mysteres de nostre foy, & qu'estant bien instruit il peut, quand il seroit de retour, seruir de maistre a tous ceux, qui voudroient se ranger à la mesme loy en son Royaume. Ce ieune Prince auoit esté appelé Laurens en son baptisme, & comme il estoit d'un gentil esprit, & d'une nature fort docile, il apprint en brief tout ce qu'un Chrestien est obligé de sçauoir, & puis s'en retourne à son pays.

Quelque temps apres les Peres de l'ordre de S. Dominique y ^{Les Peres de l'ordre de S. Dominique y font grand frui.} furent enuoyés, & ont si bien cultiué ceste vigne de nostre Seigneur, qu'il y a maintenant un grand nombre de Chrestiens: lesquels ils instruisent & maintiennent en la foy; & conuertissent tousiours de nouveau quelques infideles, avec un saint zele de la gloire de Dieu & du salut des ames.

En l'Isle de Macazar voisine de Solor, outre ce qui en a esté dict ^{Merueille aduenue en l'Isle de Macazar.} au premier liure, il aduint qu'un certain Portugais nommé François Nugnez, Capitaine d'un nauire, estant arriué là si estropiat, qu'il ne pouuoit faire un seul pas sans deux potences, fut soudainement guery, & remis en santé. Or comme il attribuaست ceste merueille a la vertu de la sainte Croix, il en fit planter là mesme une fort belle, & pendit à ses bras les deux potences, pour seruir comme de trophée, & de tesmoignage à la posterité, d'un faict si merueilleux. Ce qui esmeut de telle sorte les habitans de ceste contrée là, que le Roy & tous les Gentils-hommes de sa cour, voulurent aussi tost estre baptisés, & le peuple resta avec un extreme desir de faire le mesme.

Non guere loing de là, il y a un autre Isle nommée Cambaya, ^{Cābaya Isle.} non pas ce grand Royaume de l'Inde qui est par deçà Goa, duquel a esté parlé cy deuant: mais un autre du mesme nom, qui est en une certaine Isle, en laquelle un Religieux de l'ordre de S. Dominique estant abordé se mit à leur prescher la foy Chrestienne, & avec un saint zele, & grand trauail, y cōuertit à la foy Chrestienne, une bonne partie du peuple. Mais depuis plusieurs années en ça ils n'ont personne qui les instruisse, ny qui baptize le reste, bien qu'ils le demandent instamment, & qu'il y a grand dāger que la maudite secte de Mahomet ne s'y fourre, comme il aduint à ceux de Labua, ^{Labua Isle.} vingt lieux loing de Ternate, lesquels d'un commun consentement enuoyerent demander au Capitaine de la forteresse de Ternate, quelqu'un pour les aller instruire, & baptizer: mais voyans d'un costé qu'on ne leur pouuoit satisfaire pour faute de gēs, & de l'au-

tre estans importunez des Caziqués ou enchanteurs du Roy de Ternate, ils prendront en fin ceste malheureuse secte de Mahomet: combien que l'entés, que depuis plusieurs des habitans se sont rangez à la foy Chrestienne. Brief si on nauige à l'est suest, enuiron huiët iournées, l'on rencontre vn' infinité d'Isles, qui sont toutes habitées d'Idolâtres, desquels, selon qu'escriuoit vn de nos Peres nommé Marc Prancudo, il n'y en auroit aucun presque, qui n'acceptast volontiers nostre sainte Foy, s'il y auoit quelqu'un qui la leur preschast. Et au bout de ces Isles, on trouue la region des Papuas, ou autrement la nouuelle Guinée: de laquelle on a desia descouuert sept cents lieuës de coste, diuisée en quatre Royaumes, à sçauoir, Mian, Missol, Oguco, & Noton, qui se seruent tous d'une mesme langue, & les habitans sont gens fort ciuils, & d'un gentil esprit. Or toutes ces nations, & plusieurs autres de ceste contrée là souspirent, il y a long temps apres quelqu'un, qui leur aille mon-

strer le chemin de salut; tellement que le dire du Prophete est bien
Thren. 4. verifié en eux; *Les petits ont demandé du pain, & n'y a eu personne qui le leur ait coupé.* Ceste consideration faisoit craindre le P. Al-

tonse de Castre (duquel cy apres nous raconterons le martyre) que
Ceux qui ont moyé d'ayder les ames s'y doiuent employer. nostre Seigneur ne chastiait rigoureusement ceux là, lesquels ayans cognoissance de ceste necessité extreme, & y pouuans remedier, aimēt mieux demeurer en repos & à leur aise, pour iouyr de leurs plaisirs, non pas seulement mondains ou vicieux, mais spirituels, & de deuotion, que d'aller trauailler en sa vigne, supportans les trauaux, & les incommoditez, qu'il y conuiēt endurer: mesme quand il les y appelle, & les tance au dedans du cœur, leur disant: *Que demeurez vous icy oisieux toute la journée?* reprehension, à la ve-

rité plus rigoureuse qu'il ne semble. Car s'il doit demander vn
Matt. 25. compte tres-estroit au iour du grand iugement, à ceux qui n'ont
Compte rigoureux que Dieu leur demandra. pas secouru les pauures, reuestant les nuds, & donnant à manger ou à boire aux necessiteux, que fera-il à ceux là, lesquels pouuans ayder tant d'ames qui perissent d'une mort eternelle, pour n'auoir le pain de la parole de Dieu, ny les eaux du S. Baptême, par le moyen desquelles leur ame seroit lauée, & reuestue de la diuine grace, ne s'en soucient pourtant: afin de ne se priuer de leurs menues commoditez, soit spirituelles, soit temporelles.

COMME LE PERE ALFONSE
*de Castre fut cruellement massacré par les barbares;
 & un autre Portugais aussi, pour la foy de N. Sei-
 gneur : & des grandes persecutions, &
 martyres, que les Chrestiens des
 Moluques ont depuis vingt-
 cinq ans enduré, pour la
 mesme cause.*

CHAPITRE XXX.

IL à esté dit au premier liure, que le P. Xavier voulant aller au ^{Martyre} Japon, fit embarquer avec foy à Goa, le P. Alfonse de Castre, ^{du Pere} pour l'amener à Malaca, & de là l'enuoyeraux Moluques, ^{Alfonse} comme il ^{de Castre.} fit aussi; & le constitua superieur de tous ceux de la mesme Compagnie, qui residioient esdictes Isles, & autres d'alentour. Il arriua en ces quartiers l'an 1549. & s'estant employé fort soigneusement & avec vn grand zele du salut des ames à la conuersion des infideles, finalement l'an 1558. Dieu le voulut recompenser de ses travaux luy donnant la couronne de martyr, de la façon qui s'ensuit. Il s'estoit embarqué dans vn nauiue pour aller d'une des Isles du More, ou il estoit, à vn'autre nommée Iris, qui est proche de Ternate. Les mariniers, qui estoient Sarrafins, pensans faire plaisir au ^{Iris Isle} Roy de Ternate fils de Caçil Aërio, qui estoit aussi Mahometain ^{proche de} & ennemy mortel des Chrestiens, le despouillerent de ses accoustremens, & luy lierent les pieds & les mains, l'attachans contre vn' anteine: là ou il demeura lié & garrotté de la sorte l'espace de cinq jours, estant exposé aux injures du temps; au serain, au soleil, au froid, & au chaud. Et comme il estoit d'une complexion fort debile, il endura là beaucoup: de façon que ces cruels barbares craignans qu'il ne mourut du mauuais traitement, qu'ils luy faisoient, ^{Comme} auant qu'auoir assouui leur rage & felonnie, comme ils auoient de- ^{siu mas-} libéré, si tost qu'ils furent arriués au port, ils luy attacherent au col ^{sacré le} vn tronçon de bois verd, fort pesant, qui estoit fait en forme de ^{P. Alfon-} joug, & apres luy auoir lié les mains derriere le dos, ils le traissent ainsi attaché par des aspres rochers. Finalement voyans qu'il s'en alloit mourrir, & qu'il estoit tombé pasmé à terre, ayant le tronc de bois sur foy, ils le massacrent à coups de cineterre. L'ayans tué

*Son corps
est trouué
entouré
d'une grã
de lumie-
re.*

ils jettent son corps dans la mer, afin qu'il ne fut trouué des Chrestiens: mais nostre Seigneur voulant faire cognoistre la sainteté & merites de ce sien seruiteur le descourrit le troisieme jour apres, d'une façon merueilleuse. Car il fut trouué sur le riuage de la mer enuironné d'une grande clarté, & lumiere, ayant les playes aussi fraisches & sanglantes, comme s'il les eut receuës à la mesme heure. Ce qui causa vn grand estonnement à tous ceux, qui le virent, d'autant mesme que le flux de la mer est en ce lieu aussi rapide, que le cours d'un fleuve tres-impetueux. Sa mort apporta vne grande tristesse, non seulement aux Chrestiens, mais encore à plusieurs des barbares, qui le cognoissoient, ou par ouïr dire, ou pour auoir traité quelquefois familièrement avec luy. Mesmes le Roy de Geilolo, bien qu'infidele & grand ennemy des Chrestiens, ayant ouy sa mort, commença de haut loüer sa vertu en presence de plusieurs de sa secte, & entre autres choses: Qu'auons-nous (disoit-il) de pareil en nos Caziques? monstrant par là, & l'opinion grande qu'il auoit de la sainteté du Pere, & le peu d'estime qu'il faisoit de ses Prestres, en comparaison d'iceluy. Au reste Dieu ne laissa pas sa mort inpunie: car on à sceu pour certain du Gouverneur & des magistrats de l'Isle d'Iris, d'où estoient ces mariniers, qui l'auoient massacré, que non seulement tous ces meurtriers, mais aussi leurs proches parens, estoient morts miserablement peu de jours apres; les vns emportez d'une volée de canon: les autres consummez du feu, que nous appellons de S. Antoine, ou de certaines pustules fort hideuses, qui leur sortoient par tout le corps, & les escorchoient peu à peu, avec si grande douleur, qu'ils hurloient comme des enragez, & mouroient de ceste façon. Celuy qui auoit emporté & vendu son calice, deuint si enflé & si bouffi de tous ses membres, que c'estoit vne chose fort hydeuse à veoir: brieu il finit miserablement sa vie, & tous ses complices encore. Tel donc fut le glorieux martyr du P. Alфонse de Castre Portugais de nation. Mais en voyci vn autre, qui n'est pas moins remarquable, d'un

*Martyr
d'un Por-
tugais
hôte lai-
nommé
Pierre
Moreira.*

homme lay, de la mesme nation. L'an 1595. vne flotte de barbares ennemis de nostre foy, rencontrèrent deux galeres des Chrestiens, qui voguoient en ceste mer: l'une estoit à trois rames pour banc, & l'autre à deux: celle-cy ayant esté viuement attaquée se rendit aux ennemis, lesquels, non contents de ceste proye, se jettent encor sur l'autre, & desia plusieurs d'iceux y estoient montez; toutesfois ceux de dedans les repousserent vaillamment: si que les autres fu-

rent contraincts de se retirer en leurs nauires. Or dans la galere, qui s'estoit renduë, il y auoit quatre Portugais, avec quelques autres Indiens, qui vindrent au pouuoir des ennemis. L'un d'iceux appelé Pierre Moreira homme de rare vertu, ayant esté prins par les barbares, fut despouillé de tous ses accoustremens, & posé en vn lieu haut esléué sur le riuage de la mer. Estant là ils taschent de luy persuader premierement par douces paroles, & puis avec grandes promesses de quitter la foy de Iesus-Christ, & embrasser la secte de Mahomet: adjoustans que s'il ne le vouloit faire de gré, qu'ils l'y contiendroiënt par force, & luy monstrans les espées nuës, disoient, qu'ils le dechiqueteroient en mille pieces, s'il ne faisoit ce qu'ils vouloient. Mais luy mesprisant avec vn grand courage toutes ces menaces, leur dit franchement, que son corps estoit bien en leur puissance: mais que l'ame ne seroit jamais separée, ny diuertie de Iesus-Christ, son vray Dieu & Sauueur; bien qu'il deust endurer tous les plus grieux tourmens du monde. Et avec la mesme constance, qu'il dit cela, il exposa son corps aux glaiues, & aux fleches des infidèles: lesquels se ruerent sur luy avec grande cruauté: & mirent en pieces le corps de ce vaillant & inuincible soldat de Iesus-Christ, le nom duquel il inuquoit continuellement, tandis qu'il peut parler. Brief il endura la mort pour la defense de sa foy avec si grande constance, qu'il obtint la couronne du martyre.

Quant à l'autre galere des Chrestiens, bien qu'ils se fussent garantis de la fureur des barbares: toutesfois il en y eut vn d'iceux lequel grim pant par le gouuernail, vint jusques à la poupe de la galere; d'ou il arracha vne image de nostre Dame faite de bois, qui estoit là plantée. Car bien qu'il eust esté repoussé avec les autres; toutesfois il en emporta quant & soy ladicte image: & arriué qu'il fut au bord de la mer, la monstre à ses compagnons; lesquels fort joyeux d'auoir vne telle occasion, pour se moquer de la Religion Chrestienne, prennent en main diuers instruments, les vns des marteaux, les autres des haches, selon qu'ils rencontroient, & commencent à frapper sur ladicte image, comme sur vne enclume, s'efforçans de la rompre, avec vne rage & fureur diabolique: tellement, qu'ils l'eussent mise en pieces, bien qu'elle eust esté d'airain, si Dieu n'eut voulu monstrer en cela sa toute puissance; mais jamais il ne leur fut possible d'en oster la moindre piece, ny de l'endommager en façon quelconque. Ces impies barbares, bien que fort esmerueillez de veoir ce miracle, ne desistrent pas pourtant

*Constance
du mar-
tyr.*

*Miracle
aduenu
en vne i-
mage de
Nostre
Dame.*

*Estant de
bois ne
peut estre
rompue.*

*Ny aussi
bruslee.*

de leur entreprise: ains, comm'ils brusloient en eux-mesmes de rage, ils allument aussi vn grand feu, & y jettent dedans l'image: laquelle ne fut aucunement interessée du feu, ains, qui plus est, conserua tellement les couleurs, desquelles elle estoit peinte, qu'ils ne se trouuerent pas mesmes noircis, ny marquez d'aucun signe, que le feu y eust passé. Tout ce que dessus a esté bien auéré, non seulement par le tesmoignage des Chrestiens, qui estoient presens au faict, mais encore par celuy des Infidelles, qui auoient commis ce forfait. Et ladicte image ayant esté recourée, fut depuis tenue des Chrestiens en plus grand honneur & respect, comme chose en laquelle Dieu auoit operé de si grands miracles.

*Les affaires
des
Moluques
sont mal
allees de-
puis quel-
que tēps.*

Au demeurant les choses sont allées fort mal aux Moluques, depuis vingt ou vingt-cinq ans en ça; partie pour cause de l'insolence des Capitaines de Ternate, & autres Portugais de mauuaise conscience: lesquels s'oubliaient de la crainte de Dieu, & du deuoir d'un bon Chrestien, faisoient mille torts, & injures aux naturels du pais; partie aussi pour raison du secours, que les Sarrafins Moluquois ont receu des Anglois; lesquels depuis quelques années en ça, ont fait ceste nauigation, passans par le destroit de Magellan, qui est au delà du Bresil & du Peru. Car les barbares se voyans assistez de leurs forces, & accommodez de bonne artillerie, de mousquets, arquebuses, & autres telles armes, avec les munitions de guerre propres à icelles, assiegerent la forteresse, que les Portugais auoient à Ternate, & en fin les en denicherent: tellement qu'ils n'y ont peu mettre le pied depuis, tant parce que les mesmes Anglois les secouroient avec les flottes, qu'ils menoient là d'ordinaire, que pour raison des Hollandois, qui ont aussi tenu la mesme route depuis quelques années en ça, bien que par vn chemin du tout contraire.

*Les Hol-
landois
aussi par
un costé
tout op-
posite.*

Car ils vont par la mer Oceane du Septentrion au Mydi jusques au cap de bonne esperance, & de là passent à l'Isle de Madagascar, laquelle ils costoyent vers le Sud, puis tirent droit aux Isles de Sumatra & de Iaua majeur: & apres auoir passé par le destroit de Sunda (qui est entre ces deux Isles) ils arriuent dans peu de temps aux Moluques. Or depuis qu'ils ont commencé ceste nauigation, ils ont fort haussé le menton aux barbares: & par ce moyen tant eux, que les Anglois ont causé de grands malheurs, non seulement aux Portugais, mais encore à tous les Chrestiens, qu'il y auoit en ceste contrée là. Car suyuant les lettres qu'en ont escrit les Peres de la Compagnie, qui ne les ont point abandonnez durant toutes

*Ont causé
tant les
uns que
les autres
de grāds
maux aux
Chrestiens.*

ces trauerſes, és premieres années du ſouſſeuement, ils maſſacrerent ſeulement és Iſles ſubjectes au Roy de Ternate, & en quelques autres, ou ils mirent le pied, plus de ſoixante mille Chreſtiens, qu'ils firent martyrs de Jeſus-Chriſt: car ils les tuerent, parce qu'ils eſtoient Chreſtiens. Mais comme le Diable les inſtiguoit, & pouſſoit à cela, pluſtoſt pour faire perdre les ames, que les corps; afin que par l'horreur des ſuppliques, pluſieurs fuſſent deſtournéz de la confeſſion de la foy, ils ne ſe contentoient pas de les faire mourir d'une ſorte de mort ordinaire, & commune; ains inuen-toient des tourments les plus horribles & cruels, qu'ils ſe pou-uoient imaginer. Car aux vns ils decoupoient tous les membres du corps vn à vn, & les jectioient dedans le feu deuant leurs yeux, *Cruauté barbareſque & diabolique.* afin qu'ils ſe viſſent roſtis & grillez, auant qu'eſtre morts. Neant-moins Dieu donnoit à pluſieurs vne telle conſtance & fermeté en ſa foy, qu'ils enduroient tous ces tourments joyeuſement, pour ſon ſeruice, & finiſſoient leur vie, ayans continuellement en la bouche les ſaincts noms de I E S U S, M A R I A. Ils firent mourir force femmes, les enpalant à la façon des Tures. A d'autres, qui eſtoient enceintes, ils leur ouuroient le ventre, & leur oſtoient le fruit qu'elles portoient, le maſſacrans deuant elles meſmes, ſi qu'ils le faiſoient naiſtre au ciel, pluſtoſt qu'il ne fuſt né en terre. Ils mettoiét auſſi en pieces les autres petits enfans, en preſence meſme de leurs meres. Brief ils exerçoiét ſur eux de pareilles cruau-tés, que ceux, qui bourrellerent les Chreſtiens de l'Iſle d'Amboi-no, ainſi qu'à eſté dit cy deſſus. Les Peres, qui eſtoient parini eux *Les grands des affli-ctions des Peres de la Compagnie ex-celentes.* durant telles bourraſques, ne furent pas exempts de ces perfecutions, endurant eux auſſi leur part de ces martyres, non ſeulement quant au corps, mais beaucoup plus en leur eſprit; martyrs extré-mement de veoir la perte de tant d'ames, qu'ils auoient inſtruit avec ſi grande peine & trauail. Il en y eut aucuns d'iceux, qui fu-rent maſſacrez, comme les Peres Gomes Damaralio, & George Fernandez, ainſi qu'à eſté dit cy deſſus: quelques autres moururent de poiſon, que les Sarraſins leur donnerent. Pluſieurs trauaillez de faim, de ſoiſ, de pauvreté, & d'autres miſeres, rendirent leurs ames à Dieu, pour eſtre miſes au repos éternel. Toutesſois la Cōpagnie n'a jamais quitté & abandonné ces bons Chreſtiens, qui ſont reſtez. Car auſſi toſt que quelqu'un des Peres eſtoit decedé, l'on y en enuoyoit vn autre, pour eſtre ſubrogé en ſa place; & par ce moyen l'on a conſerué quelques reliques du Chriſtianisme parmy tant

de tēpestes. Les Portugais aussi, qui tenoiēt encore deux forteresses, l'une en l'Isle d'Amboino, & l'autre en celle de Tidore, ont esté grandement encouragez par leur assistance. Car ils leurs tenoient compagnie en tant de travaux, & les consoloient spirituellement, avec la parole de Dieu, & les Sacrements, qu'ils leur administroiēt souuēt. Brief ils leur seruoient & de conseil & de soulas en tant de pauuretez & miseres, qu'ils ont enduré si long temps, mesinement es sieges, que les Sarraïns ont mis plusieurs fois deuant leurs forteresses. Voyla donc le piteux estat, auquel les affaires de la foy ont esté reduictes es Moluques, par le moyen du secours que les Anglois & Hollandois heretiques ont donné aux barbares: tellement qu'ils ont causé la perte d'une infinité d'ames, tant de ceux qui se seroient rangez au troupeau de nostre Seigneur; que des autres, qui luy ont faict banque route, à cause des persecutions. Lesquels ont esté en si grand nombre que de cinquante mille Chrestiens, qu'il y auoit en vn lieu, ils n'en sont pas restez plus de trois mille, & ceux encore estoient avec grande peine maintenus en la foy par quelques Peres de la Compagnie. Ce sont les fruits du nouuel Euan-gile de Luther, Caluin, & autres heretiques de ce temps: lesquels au lieu d'aller planter la foy parmy les nations barbares, sont cause qu'elle y soit quasi du tout esteinte. Or jaçoit que plusieurs choses remarquables soient aduenues en ce temps là: toutesfois parce que nous n'en auons pas guere de memoires, sinon depuis l'an 1600. nous lairrons cela pour le supplement de cet œuvre. Seulement ie diray, comme il y a grande esperance que les choses seront bientôt remises en bon estat. Car selon les lettres qu'on a freschemēt receuës, L'an 1606. le Viceroy des Philippines nommé Don Pierre d'Acugna estât allé aux Moluques avec vne puissante flotte, cōposée partie d'Espagnols, partie de naturels des mesmes Philippines, donna sur l'Isle de Ternate avec vne telle force & vaillâce, qu'en peu de temps il se rēdit maistre de la forteresse & de toute l'Isle, là où il print le Roy, & le Prince son fils, tous deux en vie, qui furent par apres menés prisonniers aux Philippines. Il y fut aussi fait vn grand carnage des habitās: & tous les Hollandois & autres estrangers, qu'on y peut attrapper, furent mis au fil de l'espée. De façō que ladite Isle est maintenāt entre les mains des Chrestiens. Car le Viceroy y laissa vne garnison de mille soldats, & l'on espere que la foy de Iesus-Christ y sera par mesme moyē biē-tost reſtablie, avec l'ayde de Dieu.

Tels ont esté les succez de la Religion Chrestienne & Catho-

*Forteres-
ses d'Am-
boino &
de Tidore
renuës
par les
Portugais*

*Grande
perte d'a-
mes cau-
see par
les hereti-
ques.*

*Les Espa-
gnols des
Philippi-
nes ont
regagné
Ternate.*

lique és Indes Orientales, & Isles d'alentour, depuis que les Portugais ont commencè ceste nauigation, maintenant heurceux, tantost tristes, & peu fauorables. Et c'est ainsi que Dieu à accoustumé de gouuerner son Eglise: *A laquelle, comme à tresbien remarqué saint Augustin, il pouruoit par sa diuine prouidence, & de consolation en la prosperité, afin qu'elle ne se descourage és aduersitez: & d'exercice és aduersitez, afin que la prosperité ne la corrompe. Et par ce moyen il tempere l'un avec l'autre, de sorte qu'elle peut dire avec le Psalmiste: Selon la multitude de mes douleurs, vos consolations ont resiouy mon ame.* D'ou nous pouuons tirer qu'il faut aussi bien louer Dieu, pour les afflictions qu'il enuoye, ou permet aduenir à son Eglise, que pour les bons succez qu'il luy donne; puisque l'un & l'autre vient de sa main, & que le tout est dressé pour le plus grand bien de son Espouse; laquelle selon que dit S. Leon *ne s'amoindrit point pour les persecutions, ains s'accroist & s'augmente.* Il ne faut pas pourtant croiser les bras, ny laisser de prier Dieu, qu'il luy plaise appaiser les tourmentes ou elles sont esleuées, & continuer la serenité & le beau temps és lieux ou l'on en jouit; afin qu'on puisse plus aisement ramener à son troupeau les brebis esgarées; & qu'il n'y ayt qu'un bercail & qu'un Pasteur.

Fin du second liure.

AV LECTEUR.

VOYANT (Ami Lecteur) que ces deux liures faisoient vn iuste volume, & que si l'on y adioustoit les deux suyans, comme j'auois delibéré, il seroit trop importun, j'ay esté d'aduis de les separer, & disioindre. D'ailleurs, parce qu'il y auoit beaucoup de gens, qui desiroient veoir les deux premiers, tandis que les autres s'apprestoient, j'ay estimé qu'il seroit bon de leur faire veoir le jour: attendu que le subiect est en soy accomply, & ne depend point du reste. Car icy est compris tout ce, qui s'est trouué de plus remarquable, aduenu es Indes Orientales, & Isles prochaines, quant au fait de la Religion. Les deux autres contiennent ce, qui s'est passé és Royaumes d'Ormuz, de Manomotapa, du Preste-jan, du Grand Mogor, du Brasil, de la Chine &c. qui ne te seront pas, comme j'espere, moins agreables. Iouy donc cependant de ceux-cy, & prie Dieu, qu'ils nous face la grace d'acheuer heureusement le reste; mais sur tout d'imiter les exemples de vertu, que nous ont laissé ces grands personnages, qui ont tant trauaillé, pour aduancer la gloire de Dieu en ces contrées là.

Loüé soit Dieu, & la Vierge Marie.

TABLE DES CHOSES PLUS REMARQUABLES contenues en ceste Histoire.

A.

| | |
|--|---|
| A bdutes ordre de Iogues. 46. | l'Apostre S. André fait des miracles ez Indes 445. |
| Abex coste de mer. 23. son estendue. 28. | Eglises basties à son honneur. 443. |
| Abrollhos bancs dangereux pres du Brasil. 25. | Cosme Anes vn de ceux qui aiderent à la fondation du College de Goa. 303. |
| Abstinence notable du B. P. Xauier. 128. | Anger Iaponois s'embarque pour aller trouuer le B. P. Xauier à Malaca. 196. ne l'ayât rrouué s'en retourne. 197. estant pres du Iapon est repoussé par vne tourmente & rencontre le P. Xauier à Malaca. 198. est conuert par luy & enuoyé à Goa. ibid. est baptizé & nommé Paul de S.foy. 212. ses vertus & son retour au Iapon. 236. |
| Accident fort estrange d'vn nauire bruslé. 542. | Les Anglois sont allez aux Moluques. & y ont empesché le progres de la foy. 696. |
| Achen Royaume en l'Isle de Sumatra. 178. | Angola Royaume. 26. |
| Le Roy d'iceluy fait la guerre aux Portugais de Malaca 179. son armée est desfaicte. 191. | Angoscia Royaume. 27. |
| P. François Acosta Iesuite prisonnier du Roy de Calcut, moyenne la paix entre les Portugais & luy. 463. | Giles Anio Pilote tres-courageux. 14. |
| Paul Acosta Indié martyrizé en Salsete. 359. | Anthropophages en l'Isle du More. 161. |
| Aden ville & Royaume en l'Arabie heureuse. 215. | Le P. S. Antoine Cordelier faict grand profit ez Chrelliens de l'Isle de Socotora. 86. |
| Aduis remarquable en matiere de guerre. 187. en la conuersion des pecheurs. 217. | Le P. Rodolphe Aquaiuiua Iesuite est enuoyé au Grand Mogor. 353. son martyre en Salsete. 357. |
| F. Jean d'Albuquerque Cordelier, second Euesque de Goa. 51. | Golfe Arabique. 28. |
| Alfakis Ministres de la loy de Mahomet. 160. | Royaumes situez sur la coste Meridionale de l'Arabie. 28. |
| Alfonse d'Albuquerque pourquoy appelle Grand. 39. prend la ville de Goa ibidem, & celle de Malaca. 633. | François Aragna Iesuite martyrizé à Salsete. 357. 358. |
| Matthias d'Albuquerque Viceroy en l'Inde 416. fait la guerre aux Pyrates. 462. & la paix avec le Roy de Calcut. 463. | Jean d'Araus marchand Portugais. 151. sa mort proueué par le P. Xauier. 152. & miraculeusement descouuerte. 155. |
| Alfonse V. Roy de Portugal fait poursuivre la descouuerte des nouueaux pays 15. son trespas. 16. | Arbres nommez Sagures, qui seruent au viure & au vestir ez Isles du More. 161. |
| Alfonse jeune garçon Brachmane martyrizé en Salsete. 359. | Isles de l'Archipelague Oriental en grand nombre. 32. |
| Almadies petits vaisseaux ez Indes. 23. | Armée des Achenois voyez Achen. |
| Amboino Isle. 31. comment conuaincue par les Portugais. 640. reçoit la foy ibid. Miracles y arriuez 642. Les Chrelliens d'icelle fort persecutez pour la foy. 143. 644. sont aydez par le B. P. Xauier. 172. Les martyres qu'ils ont endurez. 442. | Armoiries des Fures. 36. |
| Amocas Gentil-homme Indoïs vengeur à quel prix que ce soit la mort de leurs maistres. 48. | Aromata promontoire. 28. |
| | Arracam Royaume. 32. |
| | Artinarium promontoire. 15. |
| | L'Artillerie incognüe aux Barbares les esto ne fort. 21309. |
| | Isle de l'Ascension. 27. |
| | Aissabon promontoire. 29. |

TABLE.

| | | |
|--|------|--|
| Affaut terrible. | 473. | 357. |
| Aluare Atayde empesche l'Ambassade de la Chine. 265. son obstination. 267. est ex-communicé. 268. <u>sa fin defaistreufe.</u> | 272. | Betele herbe que les Princes Indiens machent ordinairement, & ses effects. 551. |
| Atlas promontoire. | 33. | Le P. Jean de Beyra Iesuite & ses voyages. 145. reduit à la foy les Chrestiens reniez de la ville de Tolo. 678. |
| Aueugle guery miraculeusement. | 386. | Bintan forrieresse & Isle proche de Malaca. 633. Le Roy de Bintan est aux aguets pour surprendre Malaca. 193. |
| S. Augustin naquit en Afrique du temps que Pelagius combattoit l'Eglise. | 58. | Bisnaga Royaume. 30. sa grandeur. 566. sa fertilité. 570. <u>naturel bon & docile des habitas.</u> 576. La foy y est receue. 587. 597. 601. leurs coustumes quant au <u>saict de la Religion.</u> 585. quant aux exercices du corps. 596. |
| L'Aumosne combien agreable à Dieu. 156. recompensée de luy amplement. | 275. | Puissance du Roy de Bisnaga. 566. les tiltres arrogans qu'il prend. 567. se nomme Entpercur. 568. <u>reçoit fort humainement</u> deux Peres Iesuites. 576. les escoute volontiers. 578. leur fait <u>force faueurs.</u> 579. donne <u>cogé de baillir vne Eglise en sa ville Royale.</u> 583. donne permission à ses vassaux de se rendre Chrestiens. 600. |
| Aumosnes grandes des Chrestiens de la Pefcherie. | 410. | L'aiguade de S. Blaise. 20. |
| B Achan Isle du nombre des Moluques. 681. Le Roy d'icelle serend Chretien, avec plusieurs de ses vassaux. 682. | | Boleise Roy de Ternate fait alliance avec les Portugais. 656. sa mort. ibid. laisse trois <u>pétits enfans & sa femme</u> regente du Royaume. ibid. luy ordonne d'entretenir l'alliance des Portugais. ibid. |
| Badagaz gens cruels & grands voleurs. 116. se ruent contre les Chrestiens de Trauancor. 115. & contre ceux de la Pefcherie. 380. 401. | | Cap de Bojador. 33. |
| Banda Isle ou Isles, qui portent seules la noix muscade. 33. 147. 650. | | P. Bonfer Cordelier va pour annoncer la foy Chrestienne au Pegu. 614. n'y est pas bien receu des habitans. 615. |
| Bandora bourg en l'Isle de Salsete de Bazain 478. tous les habitans sont Chrestiens ibi. | | Cap de bonne esperance, <u>pourquoy</u> ainsi appellé. 18. nommé le Tourmenteux. 17. Lion de mer. 26. |
| Le Baptême és Indes est conseré avec grad appareil. 315. diuers baptêmes des Roys ou autres personnes remarquables. 319. 331. 337. 338. 339. 340. 343. 344. 345. 480. 659. 157. <u>Miracles faicts par le baptême.</u> 347. 367. 371. 434. 436. 442. 456. 481. | | Jacques de Borba Cordelier excellent predicateur & fort zelé. 52. est enuoyé aux Indes par le Roy de Portugal. ibid. ayde grâdement à la fondation du Collège de Goa, & est le premier qui en a charge. 53. 303. |
| Barbares incontinans au bien. 4. Exemples singnales de barbarie. 180. 314. 369. 422. 209. 460. Voyez cruaures, & Sarrasins. | | Borneo Isle. 33. |
| Gaspar Barzé Iesuite arriue à Goa. 221. va à Oimus. 225. son zele & serueur. 158. est cōstitué Vice-provincial de l'Inde 159. les documents que le B.P. Xavier luy bailla. 225. 259. | | Botes Sacrificateurs des Payens Indoï fort exactes obseruateurs de leurs loix. 33. 4. vn jeune enfant Bote se <u>saict Chrestien.</u> 335. en gaigne à la foy quelques autres. 337. |
| Bassora ville. 29. | | Vn bouc a des mammelles. & <u>allaitte</u> deux cheureaux. 641. |
| Batechina du More Isle. 33. | | Brachmanes Prestres Payens des Indes. 44. |
| Bataille nauale 189. bataille sur terre. 417. | | |
| Bazain ville en Cambaya, des Portugais. 30. y a vn Collège des Iesuites. 477. <u>le bien qui en est reuilly.</u> 478. &c. | | |
| Bengala Royaume & sein de mex 371. son estenduë. 621. Deux Peres Iesuites y sont enuoyez. 605. le fruct qu'ils y firent. 607. | | |
| Le Pere Pierre Berne Iesuite rompt les Idoles en Salsete. 331. y est tué pour la foy. | | |

leurs melchantes meurs. 45. diuerſes for-
tes d'iceux. 46. recherchent l'amitié du B.
P. Xauier. 101. 103. leurs loix. 102. em-
peſchemens qu'ils ont pour n'eſtre Chre-
ſtiens. 103. l'oraifon qu'ils font à Dieu.
104. la conuerſion d'anciens d'iceux. 336.
367. 480. Diſpute d'un P. Ieſuite contre vn
Brachmane. 559. ils adorent trois dieux
& leurs noms. 560. le martyre de deux en-
fans Brachmanes Chreſtiens. 359. marque
de la ſuperſtition des Brachmanes. 477.
voyez Tanor Roy. —

Aluare de Branches Admiral de la flotte
Portugaiſe. 463. jure la paix avec le Roy
de Calecut & plante vne croix avec luy
pres de la ville de Calecut. 466.
Iean Braue Gentil-homme Portugaiſe ſe rend
Ieſuite à Malaca, & les inſtructions que le
B.P. Xauier luy baille. 241.
Burro Iſle fort grande 690. pluſieurs des ha-
bitans conuertis à la foy. ibid.

C

Caçiques Preſtres des Chreſtiens de So-
cotorà leurs meurs & abſtinenſe. 84.
Cacizes ou Caçiques Miniſtres de la loy de
Mahomet. 160. 662.
Caffres peuples en l'Aſſrique & Caffrie le
pays. — 28.
Calecut port de mer en l'Inde fort fameux.
24. ſa ſituation. ibid. & 457. le Roy de Ca-
lecut ſ'appelle Zamorin, qui veut dire Em-
pereur. ibid. ſa puifſſance. ibid. l'occaſion des
guerres entre les Portugaiſes & luy. 458. ſa-
crifices, ſuperſtitions & feſtes cruelles, qui
ſe font en Calecut. 459. 460. 461. commet
la foy Chreſtienne à commencement d'y auoir
entrée. 462. le Roy jure la paix avec les
Portugaiſes & fait dreſſer vne croix pres de
la ville de Calecut qu'il porta & adora luy
meſme. 466. Donne permiſſion à ſes vaſ-
ſaux de ſe rendre Chreſtiens. 464. faiſt ba-
ſtir vne Eglife & ouure le premier les fon-
demens. 467. rupture de la paix. 470. eſt re-
nouïée. 472.
Cambaya Royaume. 30. 476. les habitans
enclins à la pieté. 492. la puifſſance du Roy.
476. Trois villes que les Portugaiſes ont en
Cambaya. ibid.
Cambaya Iſle ou pluſieurs ſont conuertis à

la foy. 691.
Camboya Royaume. 32. ſa deſcription. 636.
le Roy ami des Portugaiſes demande des
Predicateurs, pour eſtre inſtruit en la
foy avec ſon peuple. ibid. la bonne diſpoſi-
tion qu'il y a pour la receuoir en tout ſon
Royaume. 639.
Paul Camers Ieſuite Compagnon du B. P.
Xauier va aux Indes avec luy. 76. eſt le
premier Reſteur de la Cōpagnie au Col-
lege de Goa. — 324.
Cananor Royaume. 30.
Canara Royaume. 30.
Canaries Iſles. 27. par qui deſcouuertes, &
poſſédées au commencement. 14
Iaques Cane Portugaiſe plante des colomnes
avec la Croix aux lieux qu'il deſcouure. 16.
Canton ville de la Chine. 32.
Cap de non. 3. de Bojador. 13. de la ſerre
lione. 14. de bonne eſperance. 318. 26. de
S. Catherine 16. des courantes. 27. Cap. vert
15. 27. de laſque. 29. de Moncadon. de Ca-
ry ou Commori. 30. de Remanancor. 31.
de Sincapura. 30. 32. de Liampo. 33. de
haute terre. 32.
Caracora forte de vaiſſeau. — 154.
Coſte de Carmanie. 28.
Melchior Carnero Ieſuite Eueſque de Nice-
& Patriarche d'Ethiopie eſt pourſuyui à
mort par les Neſtoriens. 443.
Carpella promontoire. 29.
Cas remarquables. 52. 135. 203.
Iean de Caſtro Lieutenant du Roy de Por-
tugal en l'Inde 309. ſon deces — 220.
P. George de Caſtro Ieſuite moyenne l'ac-
cord entre les Portugaiſes & le Roy de Por-
ca. 452.
P. Alfonſe de Caſtro Ieſuite part de Goa
pour aller aux Moluques. 235. ſon martyre.
693. punition de ceux qui le mirent à mort.
694.
La façon d'enſeigner le Catechiſme, que gar-
doit le B. P. Xauier. 88. 93. 168.
Catechumene martyrizé. 410. Maifon des
Catechumenes à Goa. — 325.
Ceilan Iſle. 31. d'où luy eſt venu ce nom.
392. c'eſt la Taprobane des anciens. 393.
les habitans appelez Chingala. 391. ſa ſi-
tuation & fertilité. 389. quand commen-

- ça d'estre habitée. 391. le fruit que le B.
 P. Xavier y fit. 306. le premier Apôtre d'i-
 celle fut l'Eunuque de la Royne des Can-
 daces. 394.
 Celebes Isle. 31. plusieurs des habitans sont
 conuerts à la foy. 682.
 Chandecā Royaume. 608. le Roy dōne con-
 gē & moyen de bastir vne Eglise. ibid. &
 permission à ses vassaux d'estre Chrestiens.
 609.
 Chandegry ville Capitale & Royale de Bis-
 nagar ou il y a vne Eglise. 601.
 Chappeller porté au col marque de Chre-
 stien en l'Inde. 459.
 Charité du B.P. Xavier. 63. 72. 73. 79. 81. 150.
 269.
 Charigan ville & port de mer. 326. 11.
 Cham ville des Portugais. 30.
 Les Chinois chassent les Portugais de leurs
 hautes. 221. le B.P. Xavier desiré leur aller
 annoncer la foy Chrestienne. 251. moyen
 pour y auoir entrée. 252. obtient que lac-
 ques Pereyra soit enuoyé en Ambassade
 au Roy de la Chine, & luy pour l'accōpa-
 gner. 257. l'Ambassade est empêchée. 266.
 il y va neantmoins. 272. decede en vne Isle
 de la Chine auant qu'y entrer. 282.
 Chistapatama ville & sa situation. 561.
 Chorā Isle proche de Goa. 341. reçoit la foy
 de N.S. 342. y a vne residence des Iesuites.
 344.
 Coste de Choromandel. 31. 408. &c.
 Coste de Chiampa. 32. 33.
 L'ordre des Cheualiers de Christ en Por-
 tugal. 14.
 Le Christianisme quand commença d'estre
 planté en l'Inde. 50.
 Cochin ville & Royaume, sa situation. 428.
 fondation d'un College des Iesuites qu'il
 y a. 429. le fruit qui s'y est fait pour l'ad-
 uancement de la foy. 431. ce que aucuns
 Peres y ont enduré. 439. le Roy de Co-
 chin sur le premier qui fit alliance avec les
 Portugais en l'Inde. 442. confisque les
 biens de ses vassaux qui se rendent Chre-
 stiens. 434. s'en va deguisé en pelerin au
 Ganges & pourquoy. 604.
 Cochinchine Royaume. 32.
 Coculin bourg de Salsete, ou furent martyri-
 sez le P. Rodolphe & ses compagnons. 349.
 College de Goa pourquoy institué. 53. sa fon-
 dation. 301. appelé college de S. Paul &
 pourquoy. 302. est baillé en charge aux
 Iesuites. 304. est depuis tout renouuellé.
 305. le bien qui en est reuissi. 306. 313.
 336. 338. 342. &c.
 Conculinaires conuerts par le B. P. Xavier
 & la façon dont il se seruoit. 92. 140. 141.
 Par le Sacrement de Confession vn malade
 gnery. 366.
 Confiance en Dieu du B.P. Xavier. 159. est
 vn singulier moyen pour vaincre les ten-
 tations du Diable. 255.
 Congo Royaume. 25.
 Ioan Confalue tres-expert pilote. 247.
 Consolations diuines que reçoit le B.P. Xa-
 uier. 110. 166. 220.
 Constance du P. François Lopez martyr Ie-
 suite. 490. de Pierre Moreira Portugais
 martyr. 695. de la Royne de Ternate Chre-
 stienne. 666. d'autres nouueaux Chrestiens.
 437. 485. 648. 697. de quelques jeunes
 enfans catechumenes. 333. 334. 325. 336. 337.
 527. d'une Dame catechumene fort noble.
 488.
 Conuersions remarquables de quelques grāds
 pecheurs. 132. 133. 140. 141. 144. 213. 216.
 217. 217. 238. 336. 346. 365. 368. 369. 426.
 427. 434. 437. 440. 482. 486. 426.
 Coray Royaume entre la Chine & le Ja-
 pon. 37.
 Corruption notable des meurs des Portugais
 à Goa. 89. aux Moluques. 154.
 Le corps du B. P. Xavier trespassé exempt de
 corruption. 285. 287.
 Corsaires de Calecut prennent vn nauire des
 Portugais tres-riche. 415. sont bien estru-
 lez. 417.
 Pierre Couillan diligent explorateur. 18.
 Coulan ville & Royaume sa situation. 418. le
 progres que la foy de N.S. y a fait. 199. y a
 vne maison des Iesuites. 422.
 Coustumes barbares & cruelles des Indiens.
 369. 459. 460. 461. 483.
 Antoine Criminal Iesuite arriue aux Indes.
 145. est enuoyé à la coste de la Pêcherie,
 ou il fut superieur. 205. est martyrizé. 383.
 est le premier martyr de tous ceux de la

Compagnie. 384. les vertus. 379. 383.

Crocodilles gardiens d'une forteresse. 561.

Cas estrange d'un crocodile & d'un tygre.

603.

Isle de S. Croix decouverte. 17.

Croix de bronze trouuée à Goa. 40. autre de

pierre trouuée à Meliapor. 508. sue à cer-

tain jour de l'an des gouttes de sang. 511.

sa forme. 510. explication des lettres qui

sont autour d'icelle. 512. autres croix de

mesme forme trouuées. 502.

Apparition de croix miraculeuse. 125. 122.

Croix plantée par l'Apostre S. Thomas. 500.

Miracles faits par la vertu de la croix. 237.

371. 444. 441. 643. 691.

Croix plantées par les Portugais ez terres

qu'ils decouurent. 17. croix plantée en Cal-

lecot & portée par le Roy Payen. 466. au-

tre portée par deux Roys. 785. Punitions

miraculeuses de ceux qui ont arraché les

croix. 425. 426. Deuotion singuliere des

Chrestiens enuers la croix. 647. Victoire

miraculeuse obtenüe par la vertu de la

croix. 451. l'honneur qu'un Roy Payen lui

porte. 450. en fait dresser deux en ses ter-

res. 452. les Payens portent grand respect

à la croix. 411.

Cruauté diabolique. 341. 459. 460. 461.

Cruauté du Roy de Pegu. 618. 621. 622.

625. cruauté barbare. 647. 660. 697.

Cuama fleuve. 27.

Cunahal insigne corsaire. 461. son orgueil &

meschanceté. 470. est assiégué. 472. est pris

& desfait sur un eschaffaut à Goa. 476.

D.

Daman ville. 30. conquise à la couronne

de Portugal. 487. fondation d'un College

de la Compagnie. 488. ce qui y a esté fait

de remarquable pour la foy. 488. 489.

Dangers eschappez par une particuliere pro-

uidence de Dieu. 116. 147. 238. 244. 249.

265. 404. 491. 648. 649. 689.

Demoniacles miraculeusement deliurez. 142.

143. 108. 146. 447. 525. 515. 527.

Antoine Denis Iesuite prisonnier est deliuré

490.

Dent d'un Singe blanc adorée en l'Inde. 398.

est prise par le Viceroy D. Constantin. 399

le Roy de Pegu la veut racheter à grand

prix. ibid. conseil tenu s'il estoit loisible de
la vëdre. ibid. est reduite en poudre & brus-

lée. 400.

Denombrement des principaux haures caps

& Royaumes qu'on trouue au chemin des

Indes partant de Portugal. 25.

Jean d'Eyro ou Duro marchand Portugais se

veut rendre cōpagnon du B.P. Xauier. 133.

change d'aduis. 134. reprend sa premiere

resolution. 135 ses deportemens à Malaca,

& la vision qu'il eut. 175.

Le Diable adoré en l'Inde en une figure fort

hydeuse. 44. 243. ne moleste plus ceux qui

se sont faitz Chrestiens. 205. bat cruellemēt

le B.P. Xauier. 123. s'efforce de luy nuyre

& le faire tuer. 244. tâche de l'effrayer. 245

comm'il faut combattre cōtre ses terreurs

ibid. effraye les Portugais au Japon. 139. est

chassé par le signe de la S. croix. ibid.

Barthelemy Diaz decouure le premier le

cap de bonne esperance. 17.

Diligence mere des beaux exploits. 182.

Diu Isle & ville sa situation. 30. est prise par

les Portugais. 37.

Diuar Isle. 341. est conuertie à la foy. 312.

Dominique jeune enfant Brachmane martyr

en Salsete. 358.

E.

Miracles faits avec l'Eau beniste. 167. 447.

Eglise bastie à Meliapor par l'Apostre

S. Thomas. 500. & plusieurs autres ez Indes

& à la Chine. 497. 499.

Eglises basties à Goa. 40. Cochim. 408. Cale-

cut. 469. Chandegry. 601.

Emmanuel Roy de Portugal poursuit la des-

couuerte des Indes. 181. 9. sa demise. 18. de

son temps les Indes furēt trouuées par les

Portugais. 24.

L'Enfer representé par les montaignes qui

vomissent le feu en l'Isle du More. 163. ez

Moluques. 651.

Enseignemēs tres-profitables du B. P. Xauier

pour ceux qui sont enuoyez aux missions.

225. pour les Nonices & la façon de viure

en Religio. 241. pour les predicateurs. 262.

Esclaves Chrestiens leur foy & deuotio. 204.

plusieurs d'iceux fugitifs reduits. 609.

Estudes du B.P. Xauier. 576.

Ethiopiens Orientaux & Occidentaux. 25.

Miracles

Miracles faicts par les paroles du S. Euangile.

367. 370. 447. 455. 481.

Exercice de pieté fort profitable tât aux vi-
uans qu'aux trespassez, institué par le B. P.
Xavier. 138. fort practiqué depuis presque
par tout l'Orient. ibid.

F.

Fable de l'origine des Roys de Ceilâ. 390.
& d'un singe blanc appellé Hanimât. 397.
de l'origine de la ville de Cidambara. 551.

La familiarité du B. P. Xavier ne luy ostoit
pas le respect deu. 241.

Femmes deliurées miraculeusement du tra-
vail d'enfant par l'intercession du B. P. Xa-
vier. 106. 290. 294.

P. Dominique Fernand Iesuite meurt sain-
ctement à l'Isle de Choran, qu'il auoit en
grand partie conuertie à la foy. 344.

P. François Fernandes enuoyé au Royaume
de Bengala, & le fruiet qu'il y fit. 605.

Fernandes marchand Portugais secourt ceux
de Punical fort à propos. 388.

P. André Fernand Iesuite & son grand zele.
406. eschappe plusieurs fois la mort mira-
culeusement. 407.

P. Gonçalues Fernandes Iesuite presche la foy
à la ville de Maduré. 563.

Ferveur des nouueaux Chrestiens. 344. 372.
408.

Isle du fouëté. 22.

Foy grande d'un villageois. 368.

College de S. Foy, voyez College de S. Paul
à Goa, Paul de S. Foy, voyez Auger. —

Les Religieux de S. François sont les premiers
de nostre temps qui ont planté la foy ez
Indes 1. 300. le fruiet qu'ils y ont faict. 86.
301.

P. Antoine François Iesuite martyrizé en Sa-
fete. — 358.

B. P. François. Xavier, voyez Xavier.

G.

Balthazar Gagus Iesuite emprisonné & sa
deliurâce. 349. fonde à Cochin vn Col-
lege. 429.

Antoine Galuan pieux & vaillant Capitaine
53. arriue ez Moluques. 660. durant son
gouvernement des Moluques tout y fleu-
rissoit. 661. institue vn seminaire de jeu-
nes enfans à Ternate. 662. les Moluquois

l'affectionnent fort.

663.

Iean Galuâ fait naufrage: & sa mort est sceue

par le B. P. Xavier miraculeusement. 154.

Gambea fleuve d'Afrique. 25.

Vasque de Gamma est enuoyé pour descou-
vrir les Indes. 19. son depart de Lisbonne
20. le discours de son voyage jusques en
Calecut. 24.

Paul de Gamma associé à Vazque son frere.
19.

Estiène de Gama Gouverneur en l'Inde ayda
à la fondation du College de Goa. 302.

François de Gamma Viceroy des Indes. 468.

Louys de Gamma son frere, Admiral. 473.

Ganaria promontoire. 13.

Ganga ou Ganges fleuve fort renommé &
estimé des Gentils en l'Inde. 604. sa four-
ce. 29. quelques vns disent qu'elle est au pa-
radis terrestre. 604. cela n'est pas ainsi. 605.

Ganise Idole fumeux. 341.

Geilolo Isle. 33. est la mesme que l'Isle du
More, 161. le tyran de Geilolo fait reuel-
ter ceux de Tolo. 674. Vents Generaux
voyez vents.

Superstitions des Gentils Indiens. 43.

Isle de S. George. 21.

Gingi ville & sa description. 555.

Bien-veillance du Naique de Gingi envers
quelques Peres Iesuites. 555.

Cloux de giroffle se trouuent seulement aux
Moluques. 146. 652. description de l'arbre
qui les porte. ibid. secheresse notable du
fruiet & de l'arbre. 653.

Goa ville Capitale de l'Etat des Portugais
en l'Inde. 30. 37. sa situation & son nom
d'où tiré. 299. comment les Portugais la
conquistèrent. 38. ses richesses, & son ancien-
ne grandeur. 38. 39. son estat depuis qu'elle
est sous la puissance des Portugais. 51. 89.
112. 373. 376 l'appareil qu'on y fit à l'arri-
uée du corps du B. P. Xavier. 291.

Golfe Arabique. 28. Perlique. 29. de Benga-
la ou du Ganges. 31. 602.

P. Antoine Gomes Iesuite enuoyé pour in-
struire le Roy de Tanor. 322.

P. Emmanuel Gomes Iesuite son decés, & ses
vertus. 481. 482.

Pierre Gonçalues Vicairé de Cochin. 222.

Melchior Gonçalues Iesuite enuoyé à Batain

- ou il fonde vne maison. 477.
 Gorgades Isles. 27.
 P. Alonſe Gouean moyenne l'accord entre les Portugais & le Roy de Trauancor. 423.
 Louys de Gouea Ieſuite meurt de poiſon. 440.
 Guardafu promontoire. 28.
 Aduis notable en matiere de guerre, 187.
 Guinée region d'Afrique. 16. 257.
 Gullo port en Bengala & le fruit que deux Peres de la Compagnie y firent. 607.
 Guzarate Royaume. 30.
 Gymnoſophiſtes. 46.
 H.
 Cap de haute terre confin de la Chine. 32.
 Iſle de S. Helene & ſes commoditez. 27.
 Henry Prince de Portugal fils du Roy Iſc. 1.
 garda perpetuelle virginité. 12. eut vne viſion l'excitant à la deſcouverte des nouveaux pais. 13. fait equiper des flottes & les enuoye à cet eſſet. 13. 14. fait baſtir vne Eglife de N. Dame. 14. ſa mort. 15.
 Henry Henriques Ieſuite trouaille en la coſte de la Peſcherie. 304. ſes vertus & ſon zeile. 385. ſa demeure en Punicul. 543. eſt fait priſonnier des Barbares & deliuré. 387.
 François Henriques Ieſuite. 205. ſes travaux au Cap de Commorin. 227. ſes perſecutions à Trauancor. 420. lettre que luy eſcriuit le B. P. Xauier. 420.
 Heſperides Iſc. 27.
 S. Hieroſime viſite le P. Xauier malade à vn hoſpital. 66.
 Hollandois vont aux Indes & aux Moluques & par quel chemin. 696. ont cauſé beaucoup de maux aux Chreſtiens des Moluques. ibid.
 Les honneurs changent les meurs. 314
 Hoſpital pour les oyſeaux & autres beſtes en Cambaya. 493.
 Miracles faiſts avec de l'huyle beniſte. 446.
 Moyens pour acquerir l'humilité. 262.
 Humilité du B. P. Xauier. 72. 88. 108. 110 264.
 430.
 André Hurtade de Mendoza Admiral d'une flotte Portugaiſe. 416. prend trois nauires de Corſaires. ibid. met en route la flotte des Corſaires de Calecut, & l'armée du Roy de Iaſanapatan. 417. tue le Roy & ſon fils ainſié. 418. prend le Corſaire Cunahal & le mene à Goa. 475.
 I.
 Iaſanapatan Royaume en l'Iſle de Ceilan. 31. cruauté du Roy enuers les Chreſtiens. 118. enuers l'Empereur de Ceilan. 396. eſt chaffié par D. Conſtantin & rendu vaſſal des Portugais. 397. ſe rebelle contre iceux. 413. eſt deſſait & mis à mort avec ſon fils ainſié. 418.
 Iſles du Japon. 33. 196. le B. P. Xauier préd reſolution d'y aller publier la foy. 223. s'y en va, & ce qui luy aduint en ce voyage. 235. le fruit qu'il y fit. 246. s'en retourne de là aux Indes. 247. façon d'eſcrire des Japonois & leurs meurs. 236.
 S. Iaques lieu des Chreſtiens proche de Cochin & le fruit qui ſ'y eſt faiſt. 412.
 Cap de Iaſque en la Perſe. 29.
 Iaua majeur & mineur Iſles. 32. 13.
 Les Iauois aſſiegent Malaca. 253. perſecutent les Chreſtiés d'Amboino cruellemēt. 647.
 martyriſent deux Peres de la Compagnie. 649.
 Iauaros peuples habitans en l'Iſle du More fort cruels & barbares. 161.
 Idalcán Seigneur de Goa auant la venue des Portugais. 38. cede au Roy de Portugal l'Iſle de Goa & quelques autres proches. 40
 Idoles en forme de beſtes adorées des Indiens 41. 460. Idoles fameux en l'Inde, voyez Ganife, Trichandur, & Tripiti.
 Temple d'Idoles ſerui par deux cents Brachmanes. 207.
 Iean 1. Roy de Portugal. 12.
 Iean 2. enuoye vne flotte pour deſcouvrir les Indes. 16. donne le nom au Cap de bonne Eſperance. 17 ſon trefpas 18.
 Iean 3. enuoye des gens doctes & vertueux en l'Inde. 301. demande des Ieſuites pour cet eſſet. 68. en obtient deux. 69. leur fonde le College de Coimbre. 7. leur baille la charge du College de Goa. 304. lettre qu'il eſcrit à ſon Lieutenant en Indes pour l'aduancement de la foy. 309. comme Dieu a recompensé ſon zeile & deuotion. 312. faiſt informer des miracles du B. P. Xauier pour le faire canonizer. 295. ſon trefpas. 296.

- Iesus Christ est le bras puissant du Seigneur.
35. regne au milieu de ses ennemis aux Indes. *ibid.*
- L'ordre de la Compagnie de Iesus quand & à quelle fin institué. 5. 6. la mission des Indes est propre de sa vacatiō. 7. deux des 10. premiers Peres d'icelle nommez pour les Indes. 69. sont appelez Apostres en Portugal & pourquoy. 75. les maisons qu'ils ont à Goa. 304. 307. 308. sont appelez Orient Peres de S. Paul & pourquoy. 307. ce qu'ils ont fait ou enduré en diuers lieux des Indes, voyez Goa, Salfete, la Pescherie, Trauacot, Cochin, Calecut, Cambaya, Bifnaga, Bengala, Malaca, Amboino, Ternate, les Moluques, la Chine, Japon, &c.
- Documents donnez pour le Ieu aux soldats par le B. P. Xauier. 139.
- Imais montaigne. 29.
- Les Indes quand & comment descouuerres par les Portugais. 12. &c.
- L'Inde intra & extra Gangem. 29. leur description & les Royaumes qu'il y a sur la coste de mer tant de l'une que de l'autre. 30.
- L'Inde basse & haute quelle. 29.
- Meurs & conditiōs des Indiens en general. 49.
- Les Indiens ne peuuent charger de mestier. 48. sont fort attachez à leurs superstitions. 49. chantent en vers leurs fables. 50. ce qui en pesche leur conuersion. 43. &c. sont ambitieux de leur nature. 314.
- Ceux des Indes Orientales sont plus aguerris que ceux des Occidentales. 36.
- Indus fleuve son cours & origine. 29.
- Iogues espece de Brachmanes non mariez. 46. deux sortes de Iogues & leurs meschantes meurs. *ibi.* coustume estrange de quelques vns d'iceux. 482. sont extremement superbes. 556. quelques Iogues conuertis à la foy. 346. 482.
- Ionc sorte de nature de la Chine. 248.
- Jours nuageux sont estimez infortunez des Indiens. 454.
- Isabeau Roine de Ternate reçoit les Portugais aux Moluques. 644. ils luy prennent les trois enfans, & ce qu'ils firent d'eux. 658. 659. elle se rend Chrestienne. 157. les persecutions qu'elle a enduré pour la foy. 665. la constance & deuotion. 666.
- Isles qu'on rencontre depuis le Portugal jusques au cap de bonne esperance. 26.
- Iuifs en grand nombre ez Indes. 41. nommément à Malaca. 635. la difficulté qu'il y a de les gagner à nostre Seigneur. 41. 42. la couerfiō de quelques vns d'iceux. 244. 635.
- Bancs de la Iuifue fort dangereux. 27.

L.

- Abua Isle. 697.
- P. Nicolas Lancelot Iesuite arriue aux Indes. 145. ses vertus & le bien qu'il fit à Coulan. 422.
- Laos nation Indienne. 637.
- Isle de S. Laurens autrement Madagascar. 27.
- Isles principales de l'Archipelague Oriental. 33.
- Lequios Isles. 33.
- P. Nicolas Leuanti Iesuite presche la foy à Maduré. 564.
- P. Alexandre Leui Iesuite va fonder vne Eglise à Chistapatama. 561.
- Cap de Liampo. 33.
- P. François Lopez Iesuite martyrizé. 496.
- Isles de Lufson ou Luffones. 33.

M.

- Macao ville de la Chine ou habitent les Portugais. 32.
- Macazar Isle 33. ses qualitez. 124. le Christianisme y est receu. 125. deux Roys y sont conuertis par vn marchand Portugais. 126.
- le B. P. Xauier desire y aller. 128. merueille aduenue en la mesme Isle. 128. 699.
- Madagascar Isle, ou de S. Laurens. 27.
- Madere Isle acquise aux Portugais. 1426.
- Maduré ville. 562. le Naigue ou Roy d'icelle y fait bastir vne Eglise. 563. est fort superstitieux. *ibid.* hospital & eschole dressez à Maduré par vn Iesuite. 564.
- Magnica fleuve. 27.
- Sepulchre de Mahomet en Atabie. 58.
- Mahometains fort opiniastrs en leur secte. 13.
- leur grande puissance en l'Inde auant la venue des Portugais. *ibid.* & 43. sont ennemis mortels des Chrestiens & particulièrement des Portugais en l'Inde 3643. le culte de Mahomet refroidi. 83.
- Coste du Malabar. 30.
- Malaca ville & Royaume sa situation. 32. 629.
- descriptiō de la ville. 691. est de grād trafic 630. de grande importāce. 37832. comment

conquestée par les Portugais. 633. meurs
des habitans. 630. leur langage fort estimé
& entendu ez Isles & pays d'alentour. 137.
639. ce que le P. Xavier y a fait. 136. 174.
240. 267. y a vn College des Iesuites & ce
qu'ils y ont fait pour le salut des ames. 635.
est affaillie par les Achenois. 179. affligée
par les Iauois. 253. est affligée de peste, qui
y fit vn grád degast. 265. en est deliurée mi-
raculeusement à l'arriuee du corps du B.
P. Xavier. 287.
Maldiues Isles vnze cens en nombre. 31. 431.
leur situation & fertilité. 432. Le Roy se red
Chrestien, & est baptizé à Cochin. 411. son
trespas, là mesme. 433. meurtre de son fils à
Lisbonne. 433. ibid.
Manapar ville. 107. 205.
Manar Isle. 31. 401. plusieurs des habitans con-
uertis à la foy. 117. leurs persecutions &
martyres pour icelle. 118. est repeulée des
Parauaz. 401.
Manicongo Royaume le mesme que Congo
25.
Manilla ville Capitale des Philippines. 33.
Marchandises du Leuant cōment venoient ez
mains des Chrestiens auant la nauigation
des Portugais en l'Inde. 36.
Marol village & autres treize de sa depēden-
ce conuertis à la foy. 42.
Les martyrs sont la semence des Chrestiens.
364. Martyrs plus signalez. 357. 359. 408.
410. 644. 9694.
François Mascaregnas Viceroy des Indes &
son zele. 350.
P. Pierre Mascaregnas Iesuite, ses voyages &
travaux pour annoncer la foy. 683. les da-
gers de mort qu'il a encouruz. 688. meurt
empoisonné. 689.
Meale Prince de la race du Roy de Decar.
326. 327. ses infortunes & son exil. ibid.
est retenu à Goa comme en prison libre.
329. sa fille fort honneste vierge desirée
rendre Chrestienne. 329. son pere & sa me-
re la veulēt empescher. 330. se despetre de
leurs mains & se fait baptiser. 331. vn ne-
ueu dudiect Meale est aussi baptisé. 332.
Meliapour ville & sa situation. 31. est appelée
ville de S. Thomas & pourquoy. 505. ce
que l'Apostre S. Thomas y a fait & endure.

499. comme les reliques y ont esté trou-
uées. 502. ce que le B. P. Xavier y a fait &
paty. 129. y a vn College des Iesuites. 519.
ce qu'ils y ont aduancé pour le diuin ser-
uice. 520.
Melinde ville & port de mer. 23. Le Roy fait
alliance avec les Portugais. 23. Le B. P. Xa-
uier y arriue & ce qu'il en raconte. 83.
P. Alonse Mendez Iesuite martyr. 387.
André Hurtade de Mendoza, voyez Hurtade.
Destroit de la Meque. 28.
Mer rouge. 28.
P. Jean Mesquita Iesuite prins & blessé des
Badages. 402. endure beaucoup en prison
403. sa deliurance merueilleuse. 404. &c.
Mindanao Isle. 33.
Miracles faicts par l'Apostre S. Thomas en
l'Inde. 492.
Miracles faicts par le B. P. Xavier estāt enco-
re en vie. 82. 106. 107. 108. 109. 112. 143.
144. 206. 237. 256. 265. apres sa mort.
287. 289. 290. 293. 294.
Autres miracles arriuez aux Indes. 99. 142.
143. 341. 360. 367. 370. 371. 412. 446. 447.
694. 695.
Instrucō du B. P. Xavier pour ceux qui sont
enuoyez en Mission. 225.
Mogor Roy grand Seigneur en l'Inde. 30.
possede le Royaume de Cambaya. 474. en-
uoye querir des Iesuites pour estre instruits
en la foy. 53. 474. Le P. Rodolfe Aquai-
ua y est enuoyé & ce qu'il fit & endure en
sa Court. 354. & autres deux Peres. 474.
donne permission aux Cambayans de se
rendre Chrestiens. 469.
Moluques Isles sont cinq principales & leurs
noms. 33. 146. 650. ce qu'il y a de rare &
exquis. 651. &c. comme elles ont esté des-
couuertes des Portugais. 654. comment ils
y ont esté receus. 655. &c. la foy Chrestien-
ne quand & comment y est receuë. 33. 663.
662. ce que le B. P. Xavier y fit. 55. &c.
167. &c. y a vne maison des Iesuites. 171.
ce qu'ils y ont fait & endure. 664. 665. &c.
697. Le Roy de Ternate est appelé Roy
du Moluque & pourquoy. 169. d'ou vient
ce nom de Moluque & que veut dire. 147.
pourquoy les Moluques sāt estimées. 652.
les cloux de girofle croissent là seulement.

653. les grâdes persécution que les Chrestiens y ont enduré. 665. le grand nombre de martyrs qu'il y a eu. 697. la constance de plusieurs Chrestiens. 666. 696. 697. les Anglois & Hollandois y vont & par quel chemin. 696. ont aydés les Barbares contre les Portugais. ibid. font cause de la perte d'une infinité d'ames. 698.
- Mombaze ville & port de mer. 22
- Monastere des Verteas Payens en Cambaya. 494.
- Monçam que signifie. 34.
- Cap de Moncadon. 29.
- Monomotapa Royaume en Afrique. 27.
- Montaigne celebre au Leuât, d'un costé de laquelle il est hyuer, lors que de l'autre est esté. 30. 374. Môtaigne en l'Isle de Ceilan qu'on visite par deuotion. 394.
- Montignes qui vomissent le feu, des pierres, & de cendre ez Moluques. 650. & à l'Isle du More. 163. 677.
- Isles du More leur situation. 160. 666. Morotia ou Batechine du More est la principale & sa grandeur. ibid. sterilité du pais 161. barbarie & cruauté des habitans. 160. sont Anthropophages. 161. resçoivent la foy Chrestienne. 667. ils la quirent & tuent vn des Prestres Portugais qui la leur auoit enseignée. 668. sont reduits à la foy. 671. ce que le B.P. Xavier y fit & endura. 162. 163. & les consolations diuines qu'il y receut. 166. y enuoye des Peres de la mesme Compagnie. 174. ce qu'ils y ont fait & enduré pour la foy. 672. 678. 679. 680.
- Mortifications du B.P. Xavier. 63. voyez Penitences.
- Mort resuscité par l'Apostre S. Thomas. 100.
- Morts resuscitez par le B.P. Xavier. 108. 109. 144.
- Les morts sont bruslez aux Indes, & leurs femmes viues quant & eux. 369. 459.
- Mozambique promontoire, Isle, & ville des Portugais. 21. 27. les trauaux & maladie du B.P. Xavier là mesme. 81. 82.
- Murmugan bourg en Salfete. 371.
- Muterte Royaume & ville. 444. la foy Chrestienne y est plantée. 445.
- Nairique c'est vn Prince souverain, mais vassal d'un plus grand en Narfingua. 549.
- Naires Gentils-hommes Indois; leurs armes, & coultumes. 47. leur orgueil & lubricité. 47. 48. sorte de Naires appelez Amocas voyez Amocas. tous les Naires sont difficilement conuertis à la foy, & pourquoy. ibid. conuersion de quelques vns d'iceux. 332.
- Naiteas Sarrafrins originaires des Indes. 42.
- Narfinga Royaume le mesme que Bisnaga. 303. 2. les terres que le Roy possede. 31. fait la guerre à Idalcán; 8. fait treues avec lui, puis reprend la guerre. 39. voyez Bisnaga.
- Bataille nauale sanglante. 189.
- Nauigation des Indes, que les Portugais font, inconnue aux anciens. 24. la premiere qu'ils firent. 13. la seconde. 14.
- Nauire appelle victoire fait le tour du monde. 3. vn nauire tout fait, équipé, & pourueu de charge, de viures, &c. de la seule palme d'Inde. 433.
- Nauire duquel le B.P. Xavier predit qu'il ne se dissoudroit qu'au lieu ou il auoit esté fait. 254.
- Nauires deliurez de danger par ses prieres. 128. 200. 238. 249. 254. 265. 289.
- Nauire pleine de grandes richesses bruslée. 455. autre. 542.
- Negapatan cap. 31. ville. 547. le P. François Iesuite, la trespasé y est tenu pour saint. 547. residéce des Iesuites illec fondée. 548.
- Les Nestoriens peruertissent les Chrestiens de S. Thomas. 545.
- Nison Isle du Japon. 33.
- Terre de Noel. 20.
- Cap noir en Afrique. 26.
- Cap de non. 13. 25.
- Alfonse de Norogna Viceroy. 256.
- Antoine de Norogna Viceroy ruyné les Idoles de Salfete. 349.
- P. Melchior Nugnes Recteur du College des Iesuites à Goa. 255. reçoit le corps du B.P. Xavier trespasé. 291.
- O Beyssance notable du B.P. Xavier. 71. 28.
- Oboragi ou Obo Prince en Narfingua beau pere du Roy, reçoit honnorablement deux Peres de la Compagnie, qui auont mandez venir. 573. leur fait beaucoup de faueurs. 587. leur donne congé de prescher.

| | | | |
|---|-----------|--|----------------|
| la foy en ses terres, & leur fonde & bastit vne Eglise & maison. | 588. | volontiers. | 615. |
| Assiduité en l'Oraison du B.P. Xauier. | 65. 129. | Puissance grande du Roy de Pegu & ses richesses. | 616. 617. |
| 194. 218. | | est tombé en extreme misere, & l'occasion de ce. | 618. |
| Orixia Royaume. | 33. | combat en duel contre son oncle & le tue. | ibid. |
| Ormuz ville & Royaume. | 29. 37 | ses cruautéz, voyez cruauté, ses desastres. | 620. &c. |
| | | est prins & tué par vn Roy sien vassal. | 628. |
| P. | | Penitences du B.P. Xauier. | 60. 62. 63. 98 |
| | | 105. 128. 137. | |
| P. Alonse Pacheco Iesuite trauaille fort en Salfete. | 351. 355. | Pera Royaume. | 33. |
| y est martyrizé. | 358. | Pere des Chrestiens quel. | 333. |
| Pagode signifie vn Idole. & vn temple d'Idoles. | 43. 44. | Le S. Pere Martin. | 5. |
| & en Narfinga vne espèce de monnoye qui vaut vn escu & demy de la nostre. | 580. | oütroie aux Portugais que ce qu'ils conquefteroyent vers l'Orient (sans faire tort aux habitans) seroit à eux. | 15. |
| Palmes qui apportent vne infinité de commoditez aux Indiens. | 43. 2433. | Paul 3. enuoye le B. Pere Xauier ez Indes. | 70. |
| Pan Royaume. | 32. | P. François Perez Iesuite est enuoyé à Malacca. | 214. 635. |
| Pantagatis Consuls des Parauaz. | 113. | son corps repose à Negapatan ou il est reueré comme Sainct. | 547. |
| Paparagi grand Seigneur en Narfinga. | 571. | Jacques Pereira marchand Portugais intime amy du B. P. Xauier s'offre pour aller à uer luy à la Chine. | 251. 252. |
| fait tresbon accueil à deux Peres qui allerent visiter. | 588. | le Pere luy moyenne du Viceroy vne Ambassade au Roy de la Chine. | 257. |
| son zele à venger la mort de N. S. | 589. | elle est empestchée, par les mal-vueillans. | 266. |
| promet de bastir vne Eglise en ses terres. | 590. | lettres de consolation que le Pere luy escriuit. | 271. |
| Parauaz, voyez colle de la Pescherie. | | est tres-bien recompensé par le Roy de Portugal. | 272. |
| Pardaõ espèce de monnoye qui vaut en Cambaya cinq testons de la nostre. | 475. | faict les frais des funerailles du Pere Xauier à Malacca. | 287. |
| Oiseau de paradis & ses proprietéz se trouuent ez Moluques. | 652. | son nauire selon la prediction du Pere Xauier fut tres-heureux. | 254. |
| Parlez riuere. | 188. | Perfidie des Barbates. | 21. 22. |
| le Roy de Parlez se rend tributaire du Roy de Portugal. | 194. | Periapatan port de mer fort commode. | 544. |
| Patane Royaume. | 32. | Perles ou, & comment se peschent. | 375. |
| Payen pernicieux à l'Eglise chastié. | 479. | Perroquets fort gentils ez Moluques. | 652. |
| vn autre de persecuteur se rend Chrestien. | 480. | Golfe Persique. | 29. |
| Antoine Payua marchand Portugais presche la foy à l'Isle de Macazar, & y conuertit deux Roys. | 125. | Coste de la Pescherie. | 31. |
| Le pecheur qui fuit la penitence fuit son bien | | pourquoy ainsi | |
| 123. | | appelée. | 377. |
| plusieurs pecheurs conuertis, voyez Conversion. | | l'air y est fort sain. | 565. |
| Comment on doit proceder en la conversion d'iceux. | 217. | le pays est fort sterile & sablonneux. | 97. |
| Pegu Royaume. | 32. | 101. les habitans nommez Parauaz comment, & à quelle occasion receurent la foy. | 93. |
| 612. si c'est le pays que l'Escripture sainte appelle Ophir. | 612. | n'auoyent rien que le baptesme & le nom de Chrestien auant que le Pere Xauier y allast. | 379. |
| sa fertilité & richesses. | 613. | font yssus des Iuifs. | 613. |
| leurs erreurs & opinions en fait de Religion. | 614. | le P. Bonfer Cordelier François leur presche la foy: mais ils ne l'escoutent pas | |

- struicts par luy. 95. &c. plusieurs aussi
font conuertis. 105. les miracles qu'il
y fit. 106. les enfans y guerissent les ma-
lades. 107. sont garantis par luy de la
fureur des Badages. 114. perdent la
crainte qu'ils auoyent du Diable auant
qu'estre Chrestiens. 105. sont perfec-
tuez des Badages. 380. vont repeupler
l'Isle de Manar. 401. &c. sont sort de-
uots mesmes enuers la Croix. 410. quel-
ques vns d'eux ont enduré le martyre.
408. ce que les Religieux de la Com-
pagnie y ont fait & enduré. 379. &c.
401. &c.
- Pestiferez secouruz par le B. P. Xavier.
269.
- Peua petit animal qui descouure, & poursuit
les Tygres. 604.
- Philippines Isles pourquoy ainsi nomées. 33.
- Les Espagnols des Philipines ont recou-
rés les Moluques. 698.
- Pere Nicolas Pimenta Visiteur de la Com-
pagnie ez Indes fait vn voyage fort pro-
fitable pour l'aduancement de la foy.
542. ce qu'il fit à Cochinchine. 536. les
grands dangers qu'il eschappa. 545.
546. institue vne residence de la Com-
pagnie à Negapatan. 548. visite le Na-
que de Gingi. 550. 555. & les Naï-
ques de Tanjaor & de Maduré. 562. ce
qu'il obtint d'eux en faueur de la foy, là
mesme. institue à la ville de Saint Tho-
mas vn Seminaire de Gentils-hommes
Badageois & Malabarois. 554. tombe
malade par deux fois. 564. son retour
à Goa. 565.
- Porca Royaume. 31. comment la foy y
a esté receüe. 448. le Roy obtient vne
merueilleuse victoire contre ses ennemis
par la vertu de la Croix. 451. &c.
porte depuis grand respect à icelle. 450.
en fait dresser deux en son Royaume, &
aupres bastir des Eglises. 452. quelques
vns & mesme vn grand Seigneur s'y sont
faits Chrestiens. 455.
- Les Portugais ont les premiers descouuert
les Indes par le Cap de bonne esperance.
24. 34. 35. Dieu les a particulièrement
- assistez en cela, & à se maintenir en l'Inde
contre les Barbares. 4. 35. les places plus
importantes qu'ils ont gaigné es Indes.
37. 39.
- Prafum promontoire maintenant le Mozam-
bique. -- 21.
- Predicateurs de la Compagnie quels doiuent
estre. 265.
- Propheties du B. P. Xavier accomplies. 135.
145. 147. 151. 176. 186. 199. 249. 253.
254. 255. 271. 272. 273. 275. 279. --
Void par esprit prophetique les choses
aduenuës bien loin du lieu où il estoit.
154. 155. 172. 184. 186. 194. 214.
253.
- Prouidence de Dieu en la conduite des cho-
ses de sa bas. 1. en la descouuerte des In-
des. 3. en l'institution de l'ordre de la
Compagnie de Iesvs. 5.
- Prouidence de Dieu singuliere enuers vn pe-
tit enfant. 438. à pourueoir d'un petit ani-
mal qui descouure les Tygres. 604. à tenir
cachés les amorces de glouttonnie en des
petites Isles. 653.
- Pulo en Malayoys veut dire Isle. 187.
- Punition diuine sur vne femme Payenne.
443.
- Punition des habitans de Tolo apostats.
673. &c.
- Q
- Qveda Royaume. 32.
- Quiloa ville & port de mer. 22.
- R.
- Rabbin conuertí à la foy. 144.
- Rachol parroisse en Salsete toute Chre-
stienne. 370.
- Quatre diuerses sortes de Religion en l'Inde
auant la venue des Portugais. 41.
- Cap de Remanancor. 31.
- Rencontre des ennemis resiouit ceux, qui
ont enuie de combattre. 188.
- La Republique de Rome esleuee de Dieu
par dessus tous les autres estats, & pour-
quoy. 2.

P. Nugnes Ribera Iesuite, ses travaux & son zele. 648. 649. sa charité enuers les pauvres & son trespas là mesme.

P. François Ricci Iesuite est enuoyé en Nar- singa par deux fois. 569. 597.

F. Roderic de l'ordre de S. Dominique tra- uaille fort à Coulan. 419.

P. Simon Rodriguez Iesuite destiné pour les Indes. 69. est retenu en Portugal. 76.

Ferdinand Rodriguez de Castel-blanc dote le premier le College de Goa. 302.

François Rodriguez Salsétain est martyrisé en Salsete. 319.

P. François Ros Iesuite est enuoyé au Zamo- rin. 463. ce qu'il fit là. 467. est créé Arche- ueque d'Angamale. 541.

Fleuee des Roys. 20.

Vtile document pour les Roys. 202.

S.

P. Simon de Sa Iesuite Recteur du College de S. Thomas moyenne l'entrée de la foy au Royaume de Bisnaga. 575. &c.

Sabai pere d'Idalcan Seigneur de Goa grad ennemy des Portugais. 38.

Sacrifices cruels & inhumains des Indoïs. 459. 460. &c.

Les Saisons de l'année quasi au mesme lieu du tout contraires en l'Inde. 303. 74.

Salsete terre ferme proche de Goa. 315. com- ment les Portugais l'ont eue. 328. la façon de consulter des habitans. 345. la premie- re predication de la foy qui leur fut faite. 346. le maltaient qu'ils portoyent aux Ie- suites. 348. estoient fort obstinez en leur superstition. 349. 350. martyризent cinq de la Compagnie & quelques autres Chre- tiens. 357. la grande conuersion qu'il y a eu depuis ce martyre. 364. &c.

Salsete de Bazain Ile. 345. le grand nombre de Payens qu'on y a conuert y à la foy, & le reste qu'on y a fait pour le diuin serui- ce. 477. &c.

Sanchon Ile deserte de la Chine. 273. Le B.P. Xavier y meurt. 282.

Le Roy de Sanguim se fait Chretien. 684. Sa ferueur & deuotion. 685. 686.

Sarrasins ennemis mortels des Chrestiens & nommément des Portugais en l'Inde. 34. 43. 409. leur meschanceté. 377. leur cruau-

té contre les Chrestiens. 647. 648. Deux Sarrasins deliuez du naufrage par le B.P. Xavier & conuertis à la foy. 251. voyez Mahometains.

Schismatiques reuinis à l'Eglise. 533.

Secret qu'on enseigne en certaine vniuersité des Indes. 104.

Seminaires instituez à Goa. 306. à Coulan. 424. à Vaipicota. 524. à la ville de S. Tho- mas. 553. aux Moluques. 662. à Bazain, &c. à Tanà. 479.

Vn Seminariste de Vaipicota fait des cho- ses merueilleuses au Royaume de Porea. 446. 455. &c. & quelques autres aussi ail- leurs. 525. 527.

Sentence de Nostre Seigneur claire selon la lettre, mais difficile à l'experience. 154.

Sentence notable du B.P. Xavier touchant la mort de ceux qui n'ont pas bien vescu. 155.

Cap de la Serre lionne. 14. pourquoy ainsi appelé là mesme.

Fleuee des bons signes. 21.

Cap de Sincapura. 1031.

Sinde fleuee le mesme que Indus. 29.

Vn singe blanc adoré comme Dieu en l'Inde. 397. fable ridicule de ce singe. 397. la dent d'iceluy fort estimée de tous les Payens Orientaux, & adorée comme chose diuine est prise des Portugais, & reduite en pou- dre, puis brulée. 399. &c. voyez dent.

Les singes sont estimez estre de la race des Dieux en Narisnga. 585.

Sion Royaume en la terre ferme. 32. Le Roy de Sion vassal de celuy de Pegu. 619. veut finement enuahir son Royaume, là mesme. defait vne armée grosse que l'autre auoit mené contre luy. 620. le va assieger dans sa ville Capitale. 624. leue le siege & pour- quoy, là mesme. fait alliance avec les Por- tugais. 633.

Sion Royaume en l'Isle de Macazar. 126. le Roy avec ceux de sa famille est baptizé. 127.

Sion Royaume en l'Isle de Celebes, le Roy reçoit la foy Chrestienne. 683. & son pere aussi. 684. ses vassaux se reuolent contre luy à ceste occasion. 683. est restably en son estat par le moyen des Portugais. 684. 687. la vertu & deuotion de ce Roy. 688.

Lopez de Sequeira fonde le premier conuēt
des Cordeliers en l'Inde à la ville de Goa.

pour estre conuertie en vne Eglise de la
Compagnie. 488.

57.

Siripur fortteresse des Portugais en Bengala.
610. le fruit que deux Peres de la Com-
pagnie y firent en passant. 611.

Socotora Isle. 28. 84. porte le meilleur aloës
qui soit. 84. les habitans ont esté jadis con-
uertis à la foy par l'Apostre S. Thomas, &
ce qu'ils ont retenu du Christianisme, là
mesme. le B.P. Xavier y ayant abordé desi-
re s'y arrester, mais il ne luy est pas permis
85.

Les Soldats comme se doyuent comporter
au jeu. 139.

La bande des Soldats de Iesus-Christ. 187.

Vn Soldat fort desbordé conuert par le B.
P. Xavier. 215.

Soffala Royaume. 27.

Les Empereurs de Ceilan se disent enfans
du Soleil, & comment. 190. &c.

Solor Isle, sa situation & conuersion à la foy.
690. les Religieux de S. Dominique y font
beaucoup de fruit, là mesme.

P. Dominique Sosa Iesuite enuoyé en Ben-
gala & ce qu'il y fit. 605. &c.

Sphere celeste deuise d'Emmanuel auant
qu'estre Roy de Portugal. 19.

P. Nicolas Spinula Iesuite est par deux fois
deliuré des mains des Payens. 426.

Suaquen ville. 28.

Le subject de cet oeuvre. 8.

Sumatra isle. 32. sa description, diuision, & ri-
chesse. 177. y a vingt & neuf Royaumes
sur la coste de mer. 178.

Sunda destroit & port de mer. 32. 178.

Supa Royaume en l'Isle de Macazar. 124. le
Roy se fait baptizer avec la Royne &
plusieurs de leur suite. 127.

Superieurs de la Compagnie quels doyuent
estre. 269.

Superstitions des Gentils Indoïs. 43. 459.

Surianas c'est à dire, enfans du Soleil, nom de
la race des Empereurs de Ceilan. 330.

Louys de Sylua vaillant Capitaine Portugais
tué deuant la fortteresse de Cunahal. 473.

Gonzale Sylueira Iesuite fort noble de race;
mais plus en vertu. 487. prend possession
de la Mosquée des Sarrafins de Daman

T.

T Abaria Roy de Ternate, voyez Ternate.
Tamoya Prince Indien fauorise les Por-
tugais contre Idalcán. 139.

Tana bourg en l'Isle de Salfete de Bazain.
477. y a vn Seminaire. 479.

Tanassarij Royaume. 32.

Tanjaor ville & estat en Narfinga. 562. le
Naïque ou Prince quitte le monde pour
penser à la mort, là mesme.

Tanor ville & Royaume. 318. le Roy se fait
baptizer en cachettes. 319. ce qu'il endura
pour la foy. 321. vient à Goa ou il est re-
ceue fort honnorablement. 323. retient les
marques de Brachmane. 324. reçoit le Sa-
crement de Confirmation. 325. on doute
s'il s'estoit fait Chrestien de cœur. 326.

Taprobana Isle selon les anciens est celle
qu'on nomme à present Ceilan, non pas
Sumatra. 192. a esté jadis habitée des Ro-
mains. 393.

Tempêtes perilleuses apaisées par les prie-
res du B.P. Xavier. 200. 238. 243. 254. 265. —

Terceres Isles. 26.

Ternate Isle la principale des cinq Moluques
154. le Roy d'icelle nommé Boleise fut le
premier des Moluquois qui appella les
Portugais, & l'accueil qu'il leur fit. 655. A-
pres sa mort la Royne sa femme, mere de
trois enfans, qu'il auoit eu d'elle, les y lo-
ge. 656. leur ayde à bastir vne fortteresse.

657. ils luy prennent & enferment dans leur
fortteresse les trois enfans Bohaat, Ayale,
& Tabaria, là mesme. le 1. Bohaat est em-
poisonné dans la prison par vn sien Gen-
til-homme. 658. le 2. Ayale étant deliuré
commence à regner: mais il est debouté
de la Royauté bien tost apres par les Por-
tugais. 659. le 3. Tabaria subrogé en sa
place est fait prisonnier & mené à Goa,
ou il se rend Chrestien, & meurt tel à Ma-
laca. 659. les grands dangers auxquels s'est
trouuée ceste fortteresse. 660. la foy Chre-
stienne commence d'estre receue à Ternate
& la conuersion de deux grâs Seigneurs.
662. & d'vn Cazique. 663. ce que le B.P.
Xavier y fit auant qu'aller à l'Isle du More.

X x x x

53. &c. en estant de retour. 167. &c. conuersion de la Roynie, voyez Isabeau. ceux de la Compagnie y ont eu vne Residence. 664. le fruit qu'ils y ont fait. 665. Persecutions grandes que les Chrestiens y ont enduré. 665. 697. les Barbares aydez par les Anglois chassent les Portugais de la forteresse de Ternate. 696. est reprise depuis par les Espagnols venuz des Philippines. 698.
- Terretrembles frequens ez Isles du More. 164. vn fort estrange qui arriua du temps que le B.P. Xavier y estoit. *ibid.*
- Autre arriué en la punition de la ville de Tolo. 677.
- Tbalent de bien faire*, diston du Prince Henry graué par les Pilotes Portugais sur l'escorpe des arbres des nouueaux pays, qu'ils descouroyent. 15.
- S. Thomas Apostre presche la foy de Iesus Christ en l'Isle de Socotora. 84. aux Indes 497. à la Chine. 498. les miracles qu'il fit à Meliapor. 499. conuertit à la foy le Roy. 501. est martyrizé par les Brachmanes. 501. la descouuerte de son sepulchre. 502. & d'une croix deuant laquelle on estime qu'il fut martyrizé. 509. vestiges, & marques qu'il y a de sa demeure & predication en l'Inde. 497. 506. &c. comme les reliques de S. Thomas ont esté dispersées en plusieurs lieux. 507. vn Payen aueugle reçoit guerison à son sepulchre. 503
- Chrestiens de S. Thomas quels & pourquoy ainsi appelez. 497. comm'ils ont esté peruerbis par les Nestoriens heretiques. 515. les coustumes & la croyance qu'ils auoient lors que les Portugais arriuerent en l'Inde *ibid.* se mettent sous leur protection. 517. sont fort dociles & desireux de leur salut. 522. les Iesuites taschent de les retirer de leurs erreurs. 523. seminaire des enfans de ces Chrestiens institué à Vaipicota & regi par eux. 524. ce qu'ils ont fait & enduré parmy eux. 523. &c. 528. &c. 533. &c. 537. &c. 540. obuient à vn grand danger ou ils estoient d'auoir vn Prelat Nestorien. 514. l'Archeuesque de Goa fait la visite d'eux apres le decez de leur Archeuesque. 538. le grand profit que cela
- apporta. 539. le Pere François Ros Iesuite a esté créé Archeuesque de ces Chrestiens. 541.
- Ville de S. Thomas, voyez Meliapor: a esté l'une des plus belles villes de l'Orient. 498. ses ruynes monstrét sa magnificence. 502. les reliques de S. Thomas y reposoient *ibid.* les Portugais à ceste occasion l'ont repeuplée. 505. les lieux de deuotion qu'il y a. 554.
- Isle de S. Thomas. 27.
- Tiquarij nom de l'Isle de Goa. 299.
- Tolo ville en l'Isle du More les habitans embrassent la foy, 673. la quittent & se reuoltent contre le Roy de Portugal. 674. les grieues punitions que Dieu enuoya sur iceux. 675. &c. Ils se recognoissent & Dieu retire ses fieux. 678. 679.
- P. Cosme de Torres Iesuite & sa vocation. 208. lettre qu'il escrit de ses voyages. 208. &c. va au Japon avec le B.P. Xavier. 235.
- Trahison descouuerte diuinement. 23.
- Transpôrt du trafic des Indes en Portugal comment projecté & executé. 37.
- Trauancor Royaume. 31. sa situation. 418. le B.P. Xavier y va planter la foy. 113. les Chrestiens y sont fort persecutez. 115. sont miraculeusement deliurez de la fureur des Badages par le B.P. Xavier. 116. ce que les autres Religieux de la mesme Compagnie y ont fait & enduré. 420. &c.
- Trimûpara Roy de Cochîn fut le premier, qui fit alliance avec les Portugais en l'Inde. 428.
- Trichandur Pagode fameux des Badagaz. 380. la teste du P. Criminel y fut pendue. 383.
- Trinité fabuleuse des Indiens. 477.
- Tripiti Pagode fort renommé & visité des Narfingans. 571. 585.
- Triualur ville. 593.
- Les Tûres ont donné secours aux Indiens contre les Portugais. 33. sont ennemis mortels des Portugais en l'Inde & pourquoy. 36. leurs armoiries. là mesme.
- Tutuchurin ville. 106.
- Tygres acharnez aux hommes. 603. 630. deux histoires remarquables des tygres. 603. vn petit animal nommé Peua les descou-

Vaches adorées en l'Inde & tenues cōme chose diuine. 43. 44. ne sont point tuées des Payens. *ibid.* s'estiment heureux s'ils peuuent mourir entre les jambes d'une vache & pourquoy, là mesme.

P. Paul de la Valée Iesuite Martyr. 387.

Tristan Vaz renommé Pilote. 14.

Michel Vaz Vicaire General de l'Euesque de Goa fort zelé à la conuersion des Infidels. 93. 101. declare au B. P. Xavier la necessité qu'auoyēt les Parauaz d'estre instruits 93. son voyage en Portugal touchant les affaires de la Religion. 309. son retour & les despèches qu'il apporta en l'Inde. 314. meurt à Chaul empoisonné par les Brachmanes pour cause de son zele. 314.

Emmanuel de Veiga Iesuite enuoyé au Roy de Narfinga. 597. fonde vne Eglise en la ville de Chandegry capitale de Narfinga. 601.

Pierre Velhe marchand Portugais. 249. fort liberal enuers les pauvres. 274. Histoire plaisante sur la prediſtion que le B. P. Xavier luy fit de sa mort. 274. &c.

Vents generaux en l'Inde quels. 34.

Vent Aquilon d'Auril fort dangereux entre l'Isle de Ceilan & la coste de la Pescherie. 546.

Cap Verd decouvert. 15. Isles du Cap Verd. 27.

Vers en rithme des Indiens ont 72. syllabes. 50.

Vertés moyens des Cambayans & leurs facons de faire ridicules. 494. escoutent volontiers ce qu'on leur dit de nostre foy. 495. dilayent à l'embarasser. 496.

La veuë recourée miraculeuse mēt. 366. 442

Victoire signalée des Portugais contre les Achenois. 190. contre le Roy de Iafanapatan. 414. victoire merueilleuse par le moyē de la croix. 451.

Victoire nom du nauire qui a fait le tour du monde. 3.

La Glorieuse Vierge Marie ayde les nouueaux Chrestiens de Salfete & la deuotion singuliere qu'ils luy portent. 372. 373. guerit vne femme muette. 412. apparait à quel

ques Payens, & leur conseil de se rendre Chrestiens. 416. 372.

F. Vincent Cordelier s'applique à enseigner la doctrine Chrestienne aux enfans des Payens. 51. cas remarquable que luy aduint en cela. 52.

Vipere qui fait mourir ceux qu'elle frappe dans sept heures. 545.

Vocations de Dieu fort remarquables. 412. 489. 393. 40. voyez conuersions.

Le voyage des Indes rendu beaucoup plus court & plus aisé à cest'heure, qu'il n'estoit au commencement. 34.

X:

LE B. D. François XAVIER appelé Apostre des Indes 6. naquit au mesme tēps que les Portugais les descouurirent. *ibid.* son extraction. 55. 56. son jeune aage en quoy employé. 57. garda perpetuelle virginité. 57. 131. 286. fait ses estudes à Paris. 58. &c. le commencement de sa deuotion. 59. 60. son voyage à Venise. 61. ses penitences durant le chemin. 62. est guerit miraculeusement d'une griesue maladie. 62. ses œuures de charité & mortification à l'hospital de Venise. 63. est fait Prestre. 65. 66. ce qu'il fit à Bouloigne. 66. 67. est esleu diuinement pour les Indes. 69. 70. la reuelation qu'en eust sa sœur Religieuse. 58. les actes de vertu qu'il exerça allant de Rome en Portugal. 72. 73. 74. ce en quoy il s'employa estant à Lisbonne. 74. 75. son depart vers les Indes. 76. 77. 78. sa vie exemplaire & ses œuures de charité pendant le voyage. 79. 80. 81. ce qu'il fit au Mozambique. 81. à Melinde. 82. à Socotora. 84. à Goa. 87. &c. 207. 208. la façon dont il se seruoit pour conuertir les pecheurs, voyez Cōcubinaires, & pour enseigner le Catechisme. voyez Catechisme. ce qu'il fit à la coste de la Pescherie. 97. 98. 105. 203. son zele. 99. 107. ses miracles, voyez miracles, femmes deliurées du trauail d'enfant, morts resuscitez, tempestes apaisées. Guerit force malades & par foy & par les enfans qu'il enuoye vers eux. 107. &c. 142. &c. 206. 266. chasse les demons. 108. 143. son austerité de vie. 98. 105. 128. 137. son humilité. 108. 110. 264. les grandes consolations qu'il recoit de Dieu.

X x x x ij

110. 166. 200. 220. son assidue en l'oraison, voyez Oraison. les oeures merueilleuses qu'il fit à Trancancor. 174. &c. à Malaca, 137. &c. 174. à Bazain. 213. ses persecutions. 116. 268. il conuertit deux cheualiers fort desbordez. 119. 238. vn soldat fort vicieux. 215. &c. vn Pilote mal-verfant. 122. ce qu'il fit en faueur des habitans de l'Isle de Manar. 120. la reformation des meurs qu'il causa ez Portugais habitans à Goa. 91. à Meliapor. 132. à Ternate. 156. les diables le battent cruellement. 129. ses predictions verifiees, voyez Propheties. Ce qu'il fit & endure aux Moluques. 147. &c. à Amboino. 148. 149. à Ternate. 156. 168 à l'Isle du More. 162. &c. sa charité enuers les malades. 150. sa confiance en Dieu. 159 ses voyages à Cochinchine. 199. 200. 201. à Ceylan. 207. au Cap de Commorin. 221. au Japon. 235. 243. &c. du Japon aux Indes. 147.

à la Chine 251. 264. sa dernière maladie. 280. son trespas. 282. son corps ensevely dans la chaux viue. 285. est rrouuë entier & sans corruption aucune long temps apres. 85. 286. &c. 294. est porté à Malaca. 286. à Goa. 288. 291. miracles arriuez en ces transports. 286. 287. &c. la stature, son vestement, & ses meurs. 283.

Xicoco & Ximo deux Isles du Japon. 33.

Z.

Zaire fleuve. 16. 26.
Zamorin c'est à dire Empereur en Malabar. 457. le Roy de Calcut est ainsi nommé, voyez Calcut.

Zanaga fleuve. 25.

Zelee du B.P. Xavier. 99.

Zone Torride habitée contre l'opinion des anciens. 16. y a force pays de tres-commode habitation, & fort fertiles, là mesme.

Fin de la Table.

Fautes principales de tous, ou de quelques exemplaires.

P Age 5. ligne 14. lisez des armes. p. 91. 35. de Religion. p. 161. 30. quiper 237 l. 24. fortes places. l. 38. clef p. 41. l. 36. guerre. p. 62. l. 14. trouuerent. p. 94. 124. Commorin. p. 97 l. 34. cers p. 100. l. 20. on comme quelques vni distent, oitez tout ce qui est au marge en ce t'endroit p. 135. l. 4. luy dit, aduultez, ces paroles. p. 143. l. 22 il offit p. 144 l. 21. de Sa p. 157 l. 10. &c. 11. Belise. p. 149. l. 15. oitez. de reste. p. 160. l. 19. oitez &c. l. 40. en ser. p. 171. l. 31. il vouloit. p. 200. l. 5. quatriesme. p. 207. l. 23. Soule. p. 210 l. 1. au marge adioultiez. signe de paix p. 219 l. 8. eschies. p. 228 l. 31. erret. p. 248. l. 8. Edouard de Gamma Oril. p. 262. l. 9. cor. p. 281 l. 24. le 21. p. 282 l. 31. Vredres p. 284 l. 5. oitez. sur tout. p. 285. l. 28. Samidy. p. 299. l. 19. bostail. p. 308 l. 31. dont en. p. 338. l. 4. oitez à luy. p. 341. l. 9. malade l. 18. Chapuro III. p. 376 l. 19. s'entrouurent. p. 384. l. 18. hymerna. p. 388. l. 33. Chapitre VIII. p. 401. l. 4. Chapitre IX. p. 408. l. 18. s'ement. p. 412 l. 29. Chap. X. p. 418 l. 37. Chap. XI. p. 428 l. 9. Chap. XII. l. 20. Trimmupara. 454. l. 7. Il ont le teins p. 474. l. 29. il y en eut p. 482 l. 21. pouuoient p. 498. l. 19. Sacotora. 50. l. 6. apporee. p. 511. 9. ainsi que. p. 512. l. 2. dignes de soy l. 39. treints adioultiez ans p. 542 l. 13. dix-huit l. 26. seulement p. 559 l. 30. creux pour effait. p. 560 l. 24. seire. p. 573 l. 34. en sa protection. p. 576 l. 30. Senassés p. 578. l. 9. le gouuerne l. 12. pourtraict. p. 590. l. 31. messager. p. 596 l. 6. endustrent. p. 611 l. 13. descher. p. 623 l. 24. man. aut. p. 644 l. 3. 14. &c. Belise p. 663 l. 34. en toutes. p. 698 l. 29. de neuf ans. p. 695 l. 20. contraindroient Les autres peuent estre aisement cogneu d'un chofinn, & corrigies comme aussi les nombres sanctes, des pages, que nous n'auons pas icy marquez.

D : 13

201 1470682







